


Juziñamui Ñuera
Uai



New Testament in Huitoto, Minica

Juziñamui Ñuera Uai
New Testament in Huitoto, Minica

copyright © 2011 Wycliffe Bible Translators, Inc.

Language: Minica Huitoto (Huitoto, Minica)

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huitoto, Minica

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2014-08-06

PDF generated using Haiola and XeLaTeX on 23 Aug 2023 from source files dated 29 Jan 2022

740f11a2-2e26-57f5-a3a7-5deb2d20bd24

Contents

SAN MATEO	1
SAN MARCOS	57
SAN LUCAS	92
SAN JUAN	150
LOS HECHOS	189
ROMANOS	238
1 CORINTIOS	263
2 CORINTIOS	286
GALATAS	301
EFESIOS	310
FILIPENSES	319
COLOSENSES	325
1 TESALONICENSES	331
2 TESALONICENSES	336
1 TIMOTEO	339
2 TIMOTEO	346
TITO	351
FILEMÓN	354
HEBREOS	356
SANTIAGO	378
1 PEDRO	384
2 PEDRO	391
1 JUAN	395
2 JUAN	400
3 JUAN	401
JUDAS	402
APOCALIPSIS	404

JUZÍÑAMUI ÑUEFUE SAN MATEO LLOGAFUE El Santo Evangelio Según San Mateo

*Jesucristo nánoramaci
(Lc 3.23-38)*

¹ Benomo cuega mámeceiaí Juzíñamui Jitó Jesucristo nánoramaci. Jesucristo jaiái illaíma David náiraímona comuídímie. Daje izóí afémie David nánoramie Abraham náiraímona comuídímie.

² Afe Abraham Isaac moo, íemo jiái Isaac Jacob moo. Iemo Jacob Judá ie ámatiaíri íaioi moo. ³ Iemo Judá Fares Zara diga íaillinoi moo. Afe íaillinoi ei Tamar. Iemo Fares Esrom moo. Iemo Esrom Aram moo. ⁴ Iemo Aram Aminadab moo. Iemo jiái Aminadab Naasón moo. Iemo Naasón Salmón moo. ⁵ Iemo Salmón Booz moo. Afe Booz ei Rahab. Iemo Booz Obed moo. Afe Obed ei Rut. Iemo Obed Isai moo. ⁶ Iemo Isai illaíma David moo. Iemo illaíma David, Urías tilla mei Urías ai ote. Iemo David íaillinoi jitó Salomón.

⁷ Iemo Salomón Roboam moo. Iemo Roboam Abías moo. Iemo Abías Asa moo. ⁸ Iemo Asa Josofat moo. Iemo Josofat Joram moo. Iemo Joram Uzías moo. ⁹ Iemo Uzías Jotam moo. Iemo Jotam Acáz moo. Iemo Acáz Ezequías moo. ¹⁰ Iemo Ezequías Manasés moo. Iemo Manasés Amón moo. Iemo Amón Josías moo. ¹¹ Iemo Josías Jeconías naa ie ámatiaíri moo. Aféruillaído Israel nairaí Babilonia éniemo lláviano uigáiaioi.

¹² Afe mei Jeconías Salatiel moo. Iemo Salatiel Zorobabel moo. ¹³ Iemo Zorobabel Abiud moo. Iemo Abiud Eliaquim moo. Iemo Eliaquim Azor moo. ¹⁴ Iemo Azor Sadoc moo. Iemo Sadoc Aquim moo. Iemo Aquim Eliud moo. ¹⁵ Iemo Eliud Eleazar moo. Iemo Eleazar Matán moo. Iemo Matán Jacob moo. ¹⁶ Iemo Jacob José moo. Afe José, María ini. Aféngomona comuide Jesús. Afémie jiáici Cristo.

¹⁷ Be daií Abrahámona Davidmo itígima catorce méidígimaiaí. Daje izóí David illágimamona Israel nairaí lláviano Babilonia éniemo uillágimamo catorce méidígimaiaí. Iemo jiái afénomona catorce jiáigima Cristo comuíllanomo.

*Jesucristo comuíllafue
(Lc 2.1-7)*

¹⁸ Jesucristo jocoina bie izóí joide. Ie ei María ja jicánogango Josemo iníreillena. Nai José diga iñena llezica, María Juzíñamui Ñuera Joreño riinodo, ja úruereacade. ¹⁹ Ie ini José ñue jaícina itímie, mei íadi uáfodo comini eróicana Maríana oni dotáacañede. Mei jiáifodo báinino buna onóñeno aféngona oni fiéacade. ²⁰ Bíemo comécilla llezica, ie ínia anado ángel daínámie, Juzíñamui abi ímie íemo cíocaide. Iena daide:

—José, David izíe ímie, meáiruiñeno o iri. María o aiza o oíri, mei afengo jocolle jitó Juzíñamui Ñuera Joreñodo comuídeza. ²¹ Afengo jitó jócoite; ie mei Jesuna ie mámecei jítaitio. Afémie daií mámeceireite, mei ie comínina íaioi fiénidifuemona jílloteza, —daide.

²² Nana bie íficaide, jaiái Juzíñamui uai jino llóraíma dáinana ñue ícoimo fúitallena. Afe uai llóraíma bie izóí daide:

²³ Nai inínide jitaíngo úruereacade; íemona jitó cómuite.

Afémie mámecei Emanuel daílle.

Afeci daííacade, Juzíñamui cai diga ite.

²⁴ José nicáirillamona cazíllano Juzíñamui abi ímie íemo ocuilla izóí finode. Maríana ie ai izóí ote. ²⁵ Mei íadi María jitó jócuano, afe íaillinoi ua ini izóí iñédiaillinoi. Jócuano Jesuna ie mámecei jítade.

2

Magos dainámaci ucúduaido ráfuenta baitádino Jesuna méiñuaibitiaioi

¹ Jesús Belén jófuego jococa. Afe Belén Judea éniemo ite. Aféruillaido Herodes aféniemo illáimana ite. Iemo dáamaci jítoma billáfene imaci Jerusalemo dúcidiaioi. Afémaci ucúduaido ráfuenta baitádino. ² Dúciillano jicánotiaioi:

—¿Ninomo ite jococa Judíuai illaíma? Mei jítoma billáfenemo ie illano onótate ucúduna ciódicaiza. Afémie cáimadollena benomo biticai, —daídíaioi.

³ Bífuenta Herodes fídiamona, afémie comeci llícide. Daje izói jái nana Jerusalén comini afemo comeci llícioidiaioi. ⁴ Iemona Herodes nana lletáriraini illaini, íemo ocuica uaillai llófuetino diga dáanomo jírillano jicánote. ¿Mei nie jófuego afe Cristo jécille? ⁵ Jira íena daídíaioi:

—Afémie Belén jófuego jécille, mei jaiai Juzíñamui uai llóraini bie izói dáideza:

⁶ Belén jofue Judá éniemo ite.

Afe éniemo ite jamánomoide jófueмона afe Belén dinó dúeñeite;

mei afénomo cue nairai Israel úiñoite illaíma cómuíteza, —daí daídíaioi.

⁷ Afe mei Herodes ucúduaido ráfuenta baitádinona báinino uáidote. Uáiduno íaioimo jicánote: “¿Níie monado afe ucúduna ciódiomo?” ⁸ Iaioi llua méifomo, Belemo íaioina orede. Oriano íaioina daide:

—Afénomo omoi jai. Jaillano afézana ñue jaícina omoi jicánori. Afeza omoi báyadi, cuemo lluáibiri, mei afézana cáimaduaiacadícue, —daide.

⁹ Afe illaíma daí íaioina daina mei, ucúduaido ráfuenta baitádino jáidiaioi. Ie mei jítoma billa dibénemona íaioi ciona ucudu, meine abido íaioina ífóicaide. Ífóicaillano afe úrue illánomo mózizaide. ¹⁰ Baitádino afe ucudu mózizaillana cióillano, iere cáimacaidiaioi. ¹¹ Iemo afeco eromo jaillano, afézana ie ei María diga cióidiaioi. Iemona afézamo cañici ana dújuillano, íena cáimadotiaioi. Afe mei íaioi atica raa túiñuano, afézamo fecádiaioi. Ua oro, íemo uguci, íemo “mirra” daina ráifide ziórede raa, afézamo fecádiaioi. ¹² Afe méifomo, Juzíñamui nicáirillado íaioimo llote; Herodes illánomo íaioi jáiñeillena íaioina daide. Afemona oni jáie iodo íaioi éniemo jáidiaioi.

Jesús moo íaillinoi Egíptomoto bótaja

¹³ Ucúduaido baitádino meine jailla méifomo, Juzíñamui abi ímie (ángel dainámie) nicai anado Josemo cíocaide. Cíocaillano íena daide:

—¡Náidacai! Náidacaillano úrue ie ei diga Egipto éniemo omoi bota. Afénomo cue daílle dinó omoi iri. Mei Herodes bie úrue fállena jénoíteza, —daide.

¹⁴ Mei jira José náidacaillano, úrue naa ie éioiri naio Egíptomoto botádiaioi. ¹⁵ Afénomo ua Herodes tílle dinó itíaioi. Bie izói íficaide, Juzíñamui uai llóraíma jaiai daina uai ñue ícoimo fuitállena. Afe uai be níie: “Egíptomona cue Jitó uáidotícue.”

Herodes nana úruiaína fazítate

¹⁶ Iemo Herodes ucúduaido baitádino afémie jifánodoiana fidíillano, afémie jamánomo ríicaide. Iemona nana Belemo ite mena fimona fuitade úruiaína fazítate. Afe jofue áinodo ite úruiaína daje izói fazítate. Naui ucúduaido baitádino úrue jocóinana Heródesmo llua izói, mena fimona fuitade úruiaína fazítate. ¹⁷ Bie izói jaiai Juzíñamui uai llóraíma Jeremías lloga uai fuite. Be níuai:

¹⁸ Rama jófuego zúurede uai cácaite; cáillicaii eia uai cácaite.

Nairai uzuma Jacob ai Raquel báifene jica ia cómuitaga úruiairi éhena.

Aféngomona jica ia úruiaí cómuitatino eia jaca buna fíranide, mei afengo úruiaí fazílliaioiza, daí Jeremías daide.

¹⁹ Mei afe Herodes tilla méifodo Juzíñamui abi ímie nicaí anado batí Egíptomó Josemo cíocaide. Cíocaillano íena daide:

²⁰ —¡Náidacai! Náidacaillano úrue naa ie éioiri abido Israel éniemo omoi jairi, mei nauí baie fáiacadino nana ja tíidiaioi, —daide.

²¹ Afemona José afe úrue naa ie éioiri abido Israel éniemo jáidiaioi. ²² Mei íadi Arquelao ie moo Herodes ifomo illáimana íllana fidíillano, José afe Judea éniemo jáillana jacíruite. Iemo Juzíñamui nicaí anado afémiemo llúamona, afémie afénomo jáiñeno Galilea éniemo jaide. ²³ Afe Galiléamo dúcia méifodo, Nazaret jófuemo fiébizaide. Bifue bie izói joide, jaiái Juzíñamui uai llórama daína uai ñue ícoimo fuitállena. Be níuái: “Jesús Nazaret ímie daiírena.”

3

Juan Bautista táizicimo rafue jino llote

(Mr 1.1-8; Lc 3.1-9, 15-17; Jn 1.19-28)

¹ Aféruído Juan Bautista Judea éniemo ite táizicimo lletámaizabite. ² Daide: —Omoi comeci ífuiai maí méidori, mei monamo ite Juzíñamui illáimana illírui ja íanori íteza, —daide.

³ Bie Juan jaiái Juzíñamui uai llórama Isaias llogámie. Afémie jica ia bie izói Juaado cuete:

Ficire úritimie uai táizicimo cácaide.

Afémie daide: “Juzíñamui bille io ñue fínua izói, omoi comeci ñue omoi finori.

Afémiemo io jaícina dénuai izói,

Omoi comeci íaifuiái omoi féitari”, —daide.

⁴ Aféruillaído Juan jítáigaroi camello itíraiaí níinaroi. Ie círaigí ife rille igoí finoína. Afémie jaca fíuái rífirede. Daje izói cíiji jírofirede. ⁵ Jerusalén comini afémie úrillamo cacáreizaíbitiaioi, daje izói nana Judea énie imaci, íemo jíái Jordán imani abi comini ie úrillamo cacáreizaíbitiaioi. ⁶ Íaioimo ite fiénidífuiai jino íaioi llua méifomo afe Juan Jordamo íaioína báutizade.

⁷ Mei íadi fariséuaimona, jíái saducéuaimona aillo comini Juan diné ie báutizajonomo bitiaioi. Afémaci bíllana Juan cíoillano, íaioína daide:

—¡Títade jaióniaimona comuidino izóidiomoi! Ja ánozide duere zefuúllifuemona omoi botállena ¿bu omoi llua? ⁸ Omoi comeci ifue méidoiacanana ñúfuedo uáfodo jino ácatari.

⁹ Dani ómoimona “Abrahámona comuidinodicaí cai íllamona Juzíñamui íena iticaí,” afe izói daiíñeno iri, mei táinoza. Mei bie noficiaimona, Juzíñamui jítáiadi Abraham comínina comútaredeza, daíí ómoína daidícue. ¹⁰ Fiénide amena tiéllena jata jicaída jóonia izói, fiénidino duere finoille jae ñue mameca. Nana figo llizíñede amena tíano iraimo zocana uillano jobaica. (Tiéfirega zena izóidiomoi.) ¹¹ Uáfuenta bimaci comeci ifue íaioi méidua jira, jáinoido íaioína báutizadícue. Mei jíáfodo cue méifodo bíitimie, comínina Ñuera Joreño úcaitaite. Daje izói iraimo raa ñue zia izói afémie comínina íáinino ñue fínoite. Afémie iere cue baímo ríinorede, cue bie jamáimiedícueza afémiena dama ñue jacíruiredícue. ¹² Afe cue méifodo bíitimie arroz biájidimie izói ja ie llocofe llícabite. Afémie arroz bíamona ícuai oni eneno ua izói, ñúemacimona fiénidinona oni eneno óite. Ñúemacina ie illánomo ñue ráiruite, mei jíáfodo fiénidícuai izóidinona jaca dúíñeite iraimo jóbaite, —dinori Juan úrite.

Jesús báutizaina

(Mr 1.9-11; Lc 3.21-22)

¹³ Jesús Galiléamona imani Jordamo Juan illánomo bite, afe Juan ie báutizallena. ¹⁴ Jesús bítemo Juan íena báutizaacañede. Jira Jesuna daide:

—Cue bie odo báutizaregacue. ¿Nibái mei cue dinena bitio? —daide.

¹⁵ Jira Jesús íena daide:

—Dama daiítadeza, birui cue daina izói fino, mei nana Juzíñamui jitaina izói finóredicocozá. Afe coco finolle cócomo ñue jóbide, —daide.

Iemona Juan ja fairíote. ¹⁶ Afemona Juan Jesús báutizade. Báutiza mei Jesús jáinoimona jino bite. Afe llezica mona raire túijicaide. Afe dáaruido Jesús Ñuera Joreño fíiciri ana billa izói bíllana ciode. Afémiemo ráinazaibite. ¹⁷ Mei íemona monámona daa úrilla uai cácaide. Afe úrilla daide:

—Bie iere cue izíruiga Jitó. Afémiemo jamánomo ióbioidicue, —daide.

4

Taife Jesús facátate

(Mr 1.12-13; Lc 4.1-13)

¹ Afe mei Ñuera Joreño Jesús táizicimo uite, afénomo Taife afémie fiene facátallena.

² Afénomo Jesús cuarenta dígarui güiñeno ite. Mona naio diga afénomo güiñeno ite. Afe mei afémie iere jamánomo jufínaite. ³ Ie jufínailla llezica, Taife Jesús facátallena áinozide. Iena daide:

—Ua Juzíñamui Jitona o íadi, mai bie nofíciái paana mei fino, —daide.

⁴ Jira Jesús uai ote:

—Jaiaí Juzíñamui Cuegáuai daide: “Fia güílledo come ínide, mei jáífodo nana Juzíñamui lloga uaido írede,” —daide.

⁵ Iemo Taife Jesuna ñuera Jerusalén jófuemo uite. Afénomo ite gairíracó emódomo caifo jica Jesuna uite. ⁶ Uillano íena daide:

—Ua Juzíñamui Jitona o íadi, benómona ana batí mai ticai, mei Juzíñamui Cuegáuai bie izói dáideza:

Juzíñamui íe abi imácina ona uíñotaite.

Iaioi ónoído ona moziñoitiaioi, o éiba nofíciáimo íziñeillena, —daide.

⁷ Jira Jesús uai ote:

—Jaiaí Juzíñamui Cuegáuai nane daide: “O ocuide Juzíñamui mai facátañeno,” —daide.

⁸ Nane dáanomó Taife iere caifónedumo Jesuna uite. Afénomona Taife nana éniemo ite náiraina íe ácatate, naa íaioimo ite ebíredifuiari. ⁹ Iemo nane íena daide:

—Cañícido cue anamo dújuano cuemo o caimátaiadi, nana bie omo íitícue, —daide.

¹⁰ Mei jira Jesús daide:

—Taife, mai oni jai, mei Juzíñamui Cuegáuai dáideza: “Dama ocuide Juzíñamuimo caimátairéna. Dama afémie ocuífiregamíena o iri,” —daide.

¹¹ Afemona Taife Jesús fáicanocaillano oni jaide. Afe mei dáarie Juzíñamui abi ímíai Jesuna cánuai bite.

Jesús Galilea éniemo como fueñe táijizaide

(Mr 1.14-15; Lc 4.14-15)

¹² Jesús Juan Bautista llavéinana fidíillano, oni Galilea éniemo jaide. ¹³ Mei íadi Nazaremo fiébiñeno, Capernaum jófuemo jaide. Afe jofue Galilea jorai fuédamo ite. Iemo afe jofue Zabulón éniemo ite. Daje izói Naftalí énie áinomo ite. ¹⁴ Jaiaí Juzíñamui uai llórama Isaías lloga uai ñue fuitállena, bie izói íficaide. Afe uai daide:

¹⁵ Zabulón énie, Naftalí énie diga áillue jóraimo jóide io áinori ite.

Afénie Jordán ruicáfellemo ite.

Afénie judíoñedinomo dúide Galilea daina énie.

¹⁶ Aféniáimo ite comini jítinomo itino izói Juzíñamuina onóñediaioi.

Mei íadi ja birui afémaci como aillo egáñotena ciódino izói, Juzíñamuina uáfodo onódiaioi.

Iemo jiái afe tíide izói Juzíñamuina ónoñedino jae egáiñogaiaioi, Juzíñamui zíñona illífuena íaioi maiñóllena.

¹⁷ Afe mei Jesús jino comínimo ie llófuelle uai fueñe tainede. Daide:

—Omoí comeci ífuiaí méidori, mei monamo ite Juzíñamui illáimana illirui ánozideza, —daide.

Jesús cuatro dígamie facófiredino uáidote
(Mr 1.16-20; Lc 5.1-11)

¹⁸ Jesús Galilea jorai fuédado macádemo, mena ama íaillinoína baite. Dámie mámecei Simón, afémie jiáifodo mameina Pedro. Jiáie baigámie mámecei Andrés. Afe íaillinoí facóraini. Afe llezica llóiji jóraimo dotáiaillinoí. ¹⁹ Iemo Jesús íaillinoína daide:

—Mai cuedo bi, comini llófuellena íaioí jénoitimiena ómicoína jóneiticue, —daide.

²⁰ Iaillinoí llóiji fiénocaillano afémiedo jáidiaillinoí.

²¹ Nane afe báifenemo Jesús mena jiáie ama íaillinoína cíozaide. Afe íaillinoí Zebedeo jitó Santiago Juan diga. Afe íaillinoí áillue nocaemo ie moo diga íaioí llóiji ñue finódiaioí. Jesús íaillinoí uáidote. ²² Afe llezica, áillue nocaemo íaillinoí moo fiénocaillano, Jesudo jáidiaillinoí.

Jesús nágagobiaimo aillo comini llófuete
(Lc 6.17-19)

²³ Afe mei Jesús Galilea éniendo nágafenedo jaide. Nana Juzíñamui uai llófueriracuaimo llófuerite. Afémie Juzíñamui illáimana illirui ñúefuedo jino llócaide. Daje llezica nana jiáifodorie irárede comini jíllotate. ²⁴ Nana Siria éniemo Jesús finoca ñúefuiaí jalleide. Iemona Jesumo jiáiforiede dúicuaímo duere zefuídino atídiaioí. Iemo jiáiforie izi cácadino, íemo fiénide jóraí uícaigamaci, íemo chémemo raamo jíridino, íemo tízitaitino, nana bie izóidino Jesumo atídiaioí. Iemo nana afémacina Jesús jíllotate. ²⁵ Iemona diga jiáinuiaímona bitíaioí Jesudo jáillena. Galilea éniemona bitíaioí, íemo Decapolís jófuaímona bitíaioí, íemo Jerusalén naa Judea éniemona bitíaioí. Daje izói imani Jordán ruicáfellemona Jesudo bitíaioí.

5

Caifónedumona Jesús lloga are uai

¹ Jesús afe aillo iedo jáidinona cíoillano, caifónedumo ráinazaide. Iemona ie llófuegamaci afémie abido ofídiaioí. ² Afe mei Jesús bie izói como íaioína llófuete:

Caímare íóbidino
(Lc 6.20-23)

³ “Comeci dinena dúeredicai” daiífiredino íóbidiaioí, mei monamo ite Juzíñamui illáimana illarui afémacimo dúideza.

⁴ Comécina zúuredino caímare itíaioí, mei Juzíñamui íaioí fíraiteza.

⁵ Comécina mánaidino caímare íóbidiaioí, mei Juzíñamui jica ia íaioíena mameca énie máíñoitiaioíza.

⁶ Júbiena méinegamie iere güíacana izói, Juzíñamui comeci jítaina izói iere íacadino caímare íóbidiaioí, mei Juzíñamui afe íaioí íacanana izói íaioí íllena afémacina cánoiteza.

⁷ Jiáímacimo dúecaífiredino caímare íóbidiaioí, mei Juzíñamui íaioímo dúecaiteza.

⁸ Comécina íainidino caímare íóbidiaioí, mei Juzíñamuina cíoitiaioíza.

⁹ Icírafuena oni orédino caímare íóbidiaioí, mei Juzíñamui afémacina “Cue jitódiomoí” dáíteza.

¹⁰ Juzíñamui jítaina íaioí fínuari duere zefuídino caímare íóbidiaioí, mei monamo ite Juzíñamui illáimana illarui íaioímo dúideza.

¹¹ Comini omoi báinua, omoi duere íaioi finua caimare íobidiomoi. Daje izói cue ícoinia taino uailai ómoimo íaioi nitáadi caimare íobidiomoi. ¹² Afena náfuëño íóbicana caimare omoi iri, mei monamo ite áillue ebíredifue jirídoitíomoi. Mei jaijai nai omoi íñena llezica ite Juzíñamui uai llóraini daí duere finóllena racácaiaioi.

Sal ñue finua izói, afe izói comini ñue finódinona itíomoi; daje izói bínie egáñotínomoi (Mr 9.50; Lc 14.34-35)

¹³ Omoi, sal izói, bínie comini ñue finódinona itíomoi. Mei íadi sal ie ríino íñenia güllena caimáretañede. Afe rínonide sal ¿miníado meine ríretade? Jaca meine ríretaninamona jaca ráifíñede. Comini zaizíllena macáranomo dotárega.

¹⁴ Omoi finoca ñúefuiai finuamona, bínie comini ñue íllena egáñote raa izóidiomoi. Iemona caifónedumo ite uáfori cíocaide jofue jaca retáidonina izói itíomoi. ¹⁵ Uneca mechera nogo eromo retáidollena unéñediomoi. Mei jíáfodo caifo uáfori cíoidinomo uneda ráinafiredíomoi, jofo eromo itínomo ñue egáñollena. ¹⁶ Afe izói ómoimo Juzíñamui comútaga omoi finófirega ñúefuiai jino comini eróicana finócana omoi uiri. Daí omoi ñue finócafuiaina ñue íaioi cíoilleza. Uáfori íaioimo cíotari, monamo ite omoi Moomo ñúefuiai íaioi jóonellena.

Jesús Moisés ocuica uai dibénedo llófuete

¹⁷ “Moisés ocuica uai cáitajaibite,” daí cuemo omoi coméciño iri. Daje izói jaijai Juzíñamui uai llóraini llófuia féitajaibiñedicue. Jaca afe uailai féitajaibiñedicue, mei jíáfodo afe uailai ñue ícoimo fúitaibíticue. ¹⁸ Uáfueña ómoína dáíticue, mona naa énie diga nai fúíñeille dino bie ocuica uáillaímona daa uai oni ónide. Nana áfemo lloga ífcaítífuiaí nai zúíñena llezica, afe uailai jaca íte. ¹⁹ Ie jira afe ocuica uáillaímona daa uai iere duere íadi dáamie náfuëñenia, monamo ite Juzíñamui illáimana illáruimo afémie jamáimiena jáite. Daje izói afémie náfuëña izói jíáimacina “Cai náfuëñeilli” daííadi, iere jamáimiena jáite. Mei jíáfodo aféuailai náfuetinona íemo jíáimaci afe uaina náfuetadinona, “Bimaci Juzíñamui illáimana illáruimo jamánomoidinona,” daíille. ²⁰ Mei birui ómoína dáíticue: Juzíñamui jíáinana ñue ícoimo fuitállena, ocuica uai llófuetino, fariséuai diga iere áfena nícidotiaioi. Mei íadi íaioi nícidoga baimo omoi fínoñenia, monamo ite Juzíñamui illáimana illáruimo dúciñeítíomoi.

Jesús comini icírilla dibénedo llófuete (Lc 12.57-59)

²¹ Omoi jaiáidígimaci dáinana cacáidiomoi. Afe daina be ñie: “Jíáimana titáñeno iri, mei jíáima titádimie jícanuano duere finolle.” ²² Mei íadi afe emódomo nane dáíticue. Ninó dáamie ie aino come diga ícírria, afémie áferi jícanuano duere finolle. Daje izói ie ámana íaire daídímie Jamánomo Ríillaini afémiemo jícanuano duere finolle. Iemo jíái ie ámana “O abina onóñedimedio,” daííadi afémie áferi jaca ninomo dúíñede iraimo orérede.

²³ Iemona Juzíñamuimo o úriacana llezica, daje izói afémiemo fia fecáacaga raa o izájiacana llezica, o aino come diga o icírillamo o uibíoicaíadi, ²⁴ afe o izájiacaga raana izáíñeno iri. Fueñe afémie diga ñue o finori, caimare uái ómícoi íllena. Afe ñue ómícoi finua méífomo, o izájiacaga raana fecáredio. Ja Juzíñamuimo úriredio. ²⁵ Iemo jíáfueumo omoi cacai. Íaífue omo mamédimie diga raire o úrizairi, afe íaífue záilleza. Jicánoracomo nai ona uíñena llezica, mai jino io anamo ñue ómícoi záitari, jícanoraímamo o ie úíñeilleza. Daí o fínoñenia, afe jícanoraíma fiénidino llaitáfiredinomo ona izájite. Iemo afémaci ona llavéracomo íbaitiaioi. ²⁶ Uafue ona dáíticue, o llavétatímie jícala úcube ie jícaja dieze o íbañenia, afécomona jaca jino bíñeítio, —daídícue.

Jesús comini finoca jiruífue dibénedo llófuete

²⁷ Jaiai daináuai cacádiomoi. Afe be ñie uai. Jiáie ringo diga jiruídoño o iri. ²⁸ Mei íadi ómoína daidicue: Omoimona dáamie ringomo eróicana fiéni comeci facáadi, afémie jae afengo diga ie comécido jiruifue finode.

²⁹ Mei o ciona raamo o éroillamona fiénidifue mo ona baiítaia áfemo eróiño o iri. Ua, o uíji nabeji o fitajamona o eróinino o illa izói, afe izói o fiéniruitate raamo eróiño o iri. Afe uíji júbene o fitañenia izói, fiénide raamo éroillano o fáicanocaiñenia o abina nana iraimo dotáate. Ie jira o abímona daa íeizi iñena izói, nana o abi táinocaille baímo iere ñuera. ³⁰ Daje izói o finóacanafuiái fiénidifue mo ona baiítaia, aféfuiaí finóño o iri. O onoi nabezi o jáitajamona aféfuiaí o finónino o illa izói, afe o fiéniruitate ráfuiaína o fáicanocairi. O jáitañenia izói, o fáicanocaiñenia, o abina nana iraimo dotáate. Ie jira o abímona daa onoi iñenia izói, nana o abi táinocaille baímo iere ñue ite.

Come ai dótafirena dibéndo Jesús llófuete
(Mt 19.9; Mr 10.11-12; Lc 16.18)

³¹ Daje izói jiáie jaiai daina uai bie izói joide: “Ñinó daa come ie ai dotáadi, afe bie ringona benómona óñeiticue dainabe aféngomo írena.” ³² Mei íadi birui ómoína daidicue: Dáamie ie ai dotáadi, afémie aféngona jiruítate. Mei íadi daa ráfuedo dotárede. Afefue be ñie: Afengo inírede ia jiáie ima diga íadi afengo dotárede. Daje izói dotácango aina otímie afe úamona afémie afengo diga jiruifue finode, mei Juzíñamui eróicana, afengo nai fueñeidimie ai.

Jesús táinona uafue daiíllena Juzíñamui mámeceí llínuado llófuete

³³ Daje izói omoi jaiáidigimamona cacádiomoi. Afe be ñie uai: “Juzíñamui eróicana ie mámeceí o llínuano o dainana ñue ícoimo záitari.” ³⁴ Mei íadi birui ómoína daidicue: Uafue daiíllena jaca mona mámeceí llínonidíomoi. Mona Moo Juzíñamui illánoza, áfedo iere uafue daiíño iri. ³⁵ Daje izói énie íbogido uafue daiíño iri, mei aféniena Juzíñamuimo jaináideza; fia ie idai jóonera izóideza. Daje izói o llógana uafue daiíllena Jerusalén mámeceí llínoño iri, mei afe jofue Nahíllaimamo, ua Juzíñamuimo dúideza. ³⁶ Daje izói dama o ífócido uafue daiíño iri, mei o ífótirai úzetiraina méidonidíomoi, daje izói jítitiraina orénidíomoi. ³⁷ Iemona jiáie uaina nabáiño “Jíí fínoiticue” daiíri. Mei jáiífodo “Jíí fínoiñeiticue” daiírena. Uafue daiíllena bie izói o daina baímo jiáie uaina o nabáiadi afe uai Taifémona bite.

Jiáimamo iba úado Jesús llófuete
(Lc 6.29-30)

³⁸ Daje izói jiáie jaiai nanómona dainana cacádiomoi. Afe daina be ñie uai: “Dáamie jiáimie ui fitáadi afe ibana afémie ui fitárega. Daje izói dáamie jiáimie ízido ditáadi afe ibana afémie ízido ditárega.” ³⁹ Mei íadi birui ómoína daidicue: Dáamie fiéni omoi finóadi, ibana afémiemo riire úriño o iri. Mei jáiífodo dáamie o uieco putáadi daje llezica enéfene putari íena o daiíri. ⁴⁰ Dáamie taino omo jítajano, o caifóferoi bairóadi, afe llezica o jinófenemo jítararoi caifóferoi diga naga afémiemo o fecari. ⁴¹ Daje izói dáamie mei policía izóidimie méere raana daa kilómetro riífuedo o abítaiadi, afe baímo mena kilómetros ícírino o úri. ⁴² Nane dáamie raa ómoimo jicáadi, afe íemo o fecari. Jiáimie “Nano íanori cuemo fia feca” daiíadi, afémiemona oni jíjicaiño o iri.

Cai ícírillamacina izíruiredicai
(Lc 6.27-28, 32-36)

⁴³ Daje izói jaiai nanómona daina uaina cacádiomoi. Afe be ñie uai: “Omo caimare úrifirenamiena izíruiri, íemo o ícírillamiena éoiri.” ⁴⁴ Mei íadi birui ómoína daidicue: Omoi ícírillamiena omoi izíruiri. Omoi faidódimiena caimare íemo omoi finori. Omoína éoidinona ñue omoi finori. Omoi báínotino, íemo jáií ómoína fiéni finócadino diga

afémaci éna Juzíñamuimo omoi jicari. ⁴⁵ Daií omoi íllemona monamo ite omoi Moo Juzíñamui jitótiaina jáitiomoi. Mei afémie ñúemaci ie jitómana egáíñotadeza, daje izói jáíie fiénidimaci éna egáíñotadeza. Iemo, comécina jáícina jóidinomo afémie nocina bíitate, daje izói comécina jáícina jóíñedino éna nocina bíitate. ⁴⁶ Mei dani ómoína izíruitinona omoi izíruiadi, ¿áfemona minica jiridoitiomoi? Jaca jiridoñeitiomoi. Omoi jámairuiga gobierno raiñoca úcube llínofiredino da afémaci izíruitinona izíruitiaioi. Afémaci baímo izíruiarediomoi. ⁴⁷ Dama omoi ámatiai caimare omoi uáidoiadi, ¿ñíie ñúefue finódiomoi? Juzíñamuina onóñedino bie izói illa. Afémaci baímo nana comini caimare uáidorediomoi. ⁴⁸ Monamo ite omoi Moo Juzíñamui íaífuenide comécina figomíena illa izói, afe izói omoi iri.

6

Jesús cai finófirega ñúefuiai dibéndo llófuete

¹ Jesús nai úrite; daide: Omoi finófirega ñúefuiai comini eróicana afémaci ómoímo cáimacaillena omoi finóñeno iri. Daií omoi finóadi monamo ite omoi Moo Juzíñamui ómoína minícana jirídotañeite. ² Ie jira dúeredino o cánua llezica nana comini lloñeno, uái daií omoi canori. Jino omoi macáramo, daje izói Juzíñamui uai llófueriraco eromo diga táinona abi ínotino bífirediaioi. Afémaci comeci figóñedimaci illa llezica jino finócafuiaimona ñúemacina eróidiaioi. Iaiói finua izói finóñeno omoi iri. Afémaci daií finófirediaioi jáíimaci íaíoi do ñue úrillena. Mei uafue ómoína dáitícue: Comini íaíoi do caimare úrillado, íaíoi jirídoacaga raana jae íaíoi jirídoga. ³ Mei jáíifodo dúeredinomo daa raa o fecalle llezica o izíruiaga aino cómemo lloñeno uái daií o fecari. ⁴ O finófirega ñúefue báinino o finori. Iemona o Moo Juzíñamui o báinino finoca raana cíoi teza. Afemona óíena mameca raana o jirídotaitéza.

Jesús Juzíñamuimo úrillado llófuete (Lc 11.2-4)

⁵ Juzíñamuimo omoi úrilla llezica, abi diné ñue cíoidimaci finua izói finóñeno omoi iri. Afémaci Juzíñamui uai lloraco eromo caífo naídáillano ficírede uaido Juzíñamuimo úrilla izói finódiaioi. Iemo jofue cígímo ite aillo comini ofíranomo daje izói finófirediaioi, comini íaíoi na cíoi llena. Uáfue na ómoína dáitícue, afe bie comini íaíoi do ñue úrillado, íaíoi jirídoacaga raana jae jirídotiaioi. ⁶ Mei jáíifodo Juzíñamuimo o úrilla llezica, o jofu eromo jaillano o naze íbairi; íemo afénomo o diga ite Moo Juzíñamuimo o úriri. Afemona o Moo Juzíñamui o báinino úrilla uaina cacáillano, óíena mameca raana o jirídotaité.

⁷ Juzíñamuimo o úrilla llezica, Juzíñamuina onóñedino finua izói, taíno uailai diga ícaíño lloñeno o iri. Afémaci bie izói comécidiaioi: “Are cue úrillado Juzíñamui níbaí cuemo cacáreite,” daídíaioi. ⁸ Afémaci izói íñeno o iri, mei nai o jítaille raa o jicáñena llezica o Moo Juzíñamui uícodo onódeza. ⁹ Ie jira bie izói afémiemo omoi úrifíreiri:

Cai Moo Juzíñamui, monamo ití; o mámedido ñúefue nitácaza.

¹⁰ O illáimana illíruí raíre bííteza.

Díno mo monamo o comeci jítáíllafue íaíoi finua izói, afe izói bie éniemo finótáíbíteza.

¹¹ Cai nágarui jitaíga güílleniai, bíruí caímo fecari.

¹² Cai finoca fiénidífue íba caímo oñeno iri, mei afe izói jáíimaci fiéni caímo finódiaioi íadi, afémacimo íbana oñédicai.

¹³ Íaífuemo cai baííñellena caína uíñori.

Iemo afe llezica nana fiénidífuiaimona caína jíllotari.

Mei bínie comini jaca o illáimana illa anamo itíaioi.

Afémaci illáimaillena ríino jaca omo ite.

Daje izói jamánomo ñue ébífue jaca omo ite.

Ja daítadeza.

¹⁴ Mei uafue, ómoimo fiéni finódino finoca fiénidifuena omoi féitaia, afe izói monamo ite o Moo o finoca fiénidifuena féitaite. ¹⁵ Mei íadi aféfuiaí omoi féitañenia, omoi Moo omoi fiénidifuiaína féitañeite.

Jesús comini fímairilla dibénedo llófuete

¹⁶ Iemo nane Jesús daide: Dama Juzíñamuimo izire omoi comeci facállena güillena güiñeno omoi fímairilla llezica, omoi uiécona zuure finóñeno omoi iri. Jínofene ñue cíoina mei íadi comécina íáiredino daí finódiaíoi. Iaiói fímairilla llezica abina iere zuure finódiaíoi, comini íaioína cioillano “Baie fímairitino,” íaíoi daíllena. Uafue ona daíticue, afe izoide comini íaioína dainado íaíoi jirídoacaga raana jae jirídotiaíoi. ¹⁷ Mei jíáfodo güiñeno o fímairilla llezica o uiéco ñue jocori; o ifo ñue júiri, ¹⁸ ona comini “Baie fímairitimie” daíñeillena. Iemona o diga ite báinidena cíofirede Juzíñamui, áfena dama cioille, íemona afémie áfena ona jirídotaitaite.

Monamo cai jirídollena ofítaredicai

(Lc 12.33-34)

¹⁹ Iemo nane Jesús daide: Biniemo aillo ráaniaína ofítañeno o iri, mei biniemo diga raa ícuai güífiregaza, íemo jíáie raana ráataifiredeza, íemo jíái merírifiredino merífiredeza. ²⁰ Mei jíáfodo Moo Juzíñamui jítainana o finófireiri; caifo monamo ie illánomo ñúefuiaí o ofítari, mei afénomo ite raana ícuai güiñédeza, íemo jíái afeno raa zabíñede, íemo afénomo merírifiredino meríndiaíoi. ²¹ Mei uáfueza, o gaiga raa ofítajanomo dáanomo daje izói o comeci íteza.

Cai illafue ñue egáiñote raa

(Lc 11.34-36)

²² Ñúefuemo o comécilla omo ñue egáiñote raa izoide. Jira bobaie egáioinamona o uído cíonana o íobitaja izói, afe izói ñúefuiaí o jítáigana o comeci ífuena caimare itátaite. ²³ Mei íadi ñúefuemo o comécíñenia, fiénidifuedo mácaja izói itio. Nana o comeci ífue zuure íteza. Mei Juzíñamui omo jóonega ñuera comécido dama fiénidifueemo o comécia níi jamánomo jítifomo o illa izoide. ¡Níi jamánomo jítirena!

Juzíñamuimo cai jainaina llezica úcubemo jaináinidicai

(Lc 16.13)

²⁴ Daje llezica mena ocuídime anamo buna ínide, mei ménamiede anamo o íadi dáamie éoitio, íemo jíáime izíruitio. Daje izói dáamieemo ñue tájítio, mei íadi jíáimiena jámairuitio. Afe izói Juzíñamuina abi o náamataja llezica úcubemo abina náamatanidio.

Juzíñamui ie úruiaína jáidinona ñue úiñote

(Lc 12.22-31)

²⁵ Jira ómoína daíticue, nágarui omoi jitaiga güille naa jirole diga áfemo comeci faiñeno omoi iri. Daje izói daa o jítalle ínícíuromo comeci faiñeno omoi iri. Cai ñue illafue güille baímo ráífide. Daje izói cai caana abi iníroi baímo ráífide. ²⁶ Mai monamo feede ófocuizaimo omoi coméciri. Afémaci güilleniaína riñediaíoi. Daje izói llíziena jofo oñediaíoi, íemo jíái güille ñue finóranomo ofítañediaíoi. Mei íadi monamo ite omoi Moo afémacina ecáfiredo. Omoi bie ófocuizai baímo iere ráífina. ²⁷ Omoimona, comeci iere fáiamona ¿mei bu ie zairilla caifomo medio metro zairirena? Buna jaca daí ínide. Dama Juzíñamui ona dinori o zairítaja. Afe izói o güillena ócuite, jira áfemo comeci faiñeno omoi iri.

²⁸ Iemo jíái ¿nibái mei ínícíuromo iere comeci fáifirediomoí? Jazícimo ite záfiamo omoi coméciri. Raamo tájítiaíoi, daje izói iníroina niñediaíoi. Mei íadi iere ebire cíoidiaíoi. ²⁹ Iemona ómoína daíticue jaiái illaíma Salomón iere ráarede íadi, bie záfia ebirena izói, ebírediroina jítáñede. ³⁰ Mei Juzíñamui ráitiamo ebire cíotaiadi, afémie

ómoimo jeruíño iníroina jítaite, mei afe ráitíai íanori ebire eróideza. Iemo afe jiáiruido ja jobáicaza.

³¹ Iemona nana jiáie raamo comeci faiño omoi iri. “Cai güille iñédeza, ¿minica güíticai?” daiño omoi iri. Daje izói jiái “¿Minica jíroíticai?” daiño omoi iri. Iemo jiái, “Iníroinidicaiza, ¿minica jítaiticai?” daiño omoi iri. ³² Mei uafue, bíniemo ite Juziñamuimo ínoñede comini bífuiamo iere comécidiao; mei íadi omoi Moo monamo ite. Afémie bie izoide raana omoi jitáillana onode. Jira ómoimo iñede raamo comeci fáinidíomoi.

³³ Mei íemona Juziñamui illáimana illáruimo duide raamo raire uícodo jaritáifireiri. Daje izói jiáie ie ocuícáfue raire uícodo omo fínofireiri. Afe mei nana bie omoi jitaiga raana óitíomoi. ³⁴ Uire jiti cómuitifuemo comeci faiño omoi iri, mei uire aferui dama ie comeci uille ráfueníai átiite. Nágaruillaído comuide comeci fáille ráfuiái ja figo báiteza, baimo nabáinide.

7

Jiáima jánana fiéni úriño o iri (Lc 6.37-38, 41-42)

¹ Juziñamui ómoimo izire jícanoñeilla, mai jiáima jánana fiéni úriño o iri. ² Mei jiáima jánana riire o úrilla izói, afe izói Juziñamui riire ómoimo jicánoite. Jiámamo raana fácano omoi feca izói, afe izói afémie ómoimo fácano fécaite. ³ ¿Mei ñie izói o ama uimo ite jéenide ráaruaina cíodio, mei íadi afe dáaruido dama o uimo jéerie rarúnguai íllana náfuéñedio? (Afena dáiacade: Aillo fiénidífue omo illa llezica, ¿ñie izói due jiza oni nibéfodo baíidímie jánana úrinedio? Urinidio.) ⁴ Iemo afe jéerie rarúnguai dama o uimo íadi o ámana ¿ñie izói daíredio: “O uimo ite jéenide ráaruai cuena otátari”? Daínidio. ⁵ ¡Abi díne ñue cíoide comécina íáiredímedio! Fueñe dama o uimo ite jéerie rarúnguai oíri. Afe o ua mei, afe o ama uimo ite jéenide ráaruaina jino óredioza.

⁶ Juziñamui ñue finoca raa, Juziñamuina íairuitinomo fecáño iri; fecádíomoiniadi áfena jamairuillano afémaci ómoína tíbítaitíao. Daje izói perla izoide ráfidífuíai meróníai izoide íaífuíairedinomo lloño iri; llotíomoiniadi meróníai ríiríifirena izói bimaci ómoína uáitaíbitíao. Afe izoide ñuefuíai fiéni íacadíonomo llónide.

Juziñamuimo cai jicalle bie izói jóide (Lc 11.9-13; 6.31)

⁷ Mai omoi jicari, íemona Juziñamui ómoimo fécaite. Mai omoi jenori; báitíomoiiza. Nazémoma caimare omoi uáidori; ómoimo tuzáíbíteza. ⁸ Mei jicádímie llínoteza. Daje izói jenódímie báiteza; íemo jiái nazémoma caimare uáidotímiemo túigaza.

⁹ Mei ómoimona dáamie ie jító pan jícaja llezica ¿meita nofícina írede? ¡Jaca ínide! ¹⁰ Iemo afémie chamu jícaja llezica ¿meita jaiona írede? ¡Inide! ¹¹ Mei fiénidínodicai íadi, ñuera raa cai úruíamo fécajana onódicai. Mei íadi afe baimo monamo ite omoi Moo, afémiemo jicádíonomo jamánomo ñuera raa fécajana onode.

¹² Mei íemona omoi jitailla jiámaci íaoi ómoimo fínua dieze, dájeze afémacimo finóredíomoi. Mei Moisés ocuica uai bie izói jóideza. Daje izói jaíai Juziñamui uai lloraini cuega uai afe izói jóideza.

Rillírede monamo duide io rafue (Lc 13.24)

¹³ Mei afe rillírede monamo duide iodo omoi jai. Niné tánocaitaitinomo jóide io iere áilloo. Daje izói áfeo boilla jamánomo áillue. Afeodo aillo comini jailla. ¹⁴ Mei jiáífodo zíñoa cai cáállinomo jóide io jaícina jóide íadi rillírede. Daje izói áfeo boilla rillírede. Afeodo jáidino dúemaci.

*Naga amena ie llizílledo onórede**(Lc 6.43-44)*

¹⁵ Diga comini “Juzíñamui dibénedo úriticai” daidíai, íadi taino llotíai. Afe izoide comínimona abí omoi rairuiri. Afe bimaci ebire jifédino izói ómoimo bitíai. Uáfueza, illáinide ovéjaiaí izói ómoimo bitíai, mei íadi comeci dine illáirede jánallari izóidino.

¹⁶ Afémaci finócafuaído íaioina uáfodo ónoitiomoi. Mei jíirede ñecínamona jírícue óñegaza. Daje izói jíirede monáigimona jíficolliaí óñegaza. ¹⁷ Mei daí nana ñuera amena ñue llizide. Daje izói nana fiénide amena fiénidijiaína llizide. ¹⁸ Ñuera aménamo fiénide ráajiaí llizínide. Daje izói fiénide aménamo ñuera ráajiaí llizínide. ¹⁹ Nana ñuera ráajiaína llizíñede amena tíano iraimo jobaica. ²⁰ Bie izói baie ómoimo bitínona íai, finócaigafuedo uáfodo ónoitiomoi.

*Nana comini monamo ite Juzíñamui illáimana illíruimo jáiñeitiaí**(Lc 13.25-27)*

²¹ Nana cuena “Ocuíraima” daífiredino monamo ite Juzíñamui illáimana illánomo jofo jáiñeite. Dani monamo ite cue Moo comeci jitaillana finódino jofo jáirena.

²² Aféruillaimo dúcia llezica, diga comini cuena dáitiaí, “Ocuíraima, Ocuíraima, o mámecido úrifiredicai. Daje izói o mámecido fiénide joriaína jino orédicai. Daje izói o mámecido ciórainina raana uaido comuítaticai.” ²³ Mei íadi afémacina dáiticue: “Jaca ómoína onóñedicue. Diga íaifuaí comuídiamoiza, cúemona oni ii,” dáiticue.

*Ménade jofo nillino rafue**(Lc 6.47-49; Mr 1.22)*

²⁴ Mei afe bie izói joide. Cuena cacádimie íemo cue ocuícana finódime jofo nillana baitádimie izoide. Afémie mairídimie ie jofo nite. ²⁵ Riire noci biide, íemo ille riire renaide, íemo riirede jairifo afécomo jaiñode; mei íadi afeco jainóñede, mei mairide éniemo nígaza. ²⁶ Mei jáifodo cuena cacádimie mei íadi cue ocuícana finóñedime jofo nillana figo baitáñedime izoide. Afémie ídiaidino ie jofo nite. ²⁷ Afe mei riire noci biide, íemo ille riire renaide, íemo riirede jairifo jaiñode. Iemona afécona jainode. Nana ana baiíllano due fiébiñeno niné táinocaide. Jesús dinori úrite.

²⁸ Jesús úrilla méfomo, nana comini ie llófuemarillari caimare fáigacaidiaí, ²⁹ mei riinoredime izói íaioína llófuezeza. Jaiaí ocuica uai llófufiredino riinonide llófuia izói afémie llófueñede.

8*Jesús chíinaitimie jíllotate**(Mr 1.40-45; Lc 5.12-16)*

¹ Jesús caifónedumona ana billa llezica, diga comini afémiedo jáidiaí. ² Iemo irárede chíinaitimie Jesumo ánozide. Afémie Jesús anamo dújuillano daide:

—Ocuíraima, o jitáiaí bie dúcona cúemona oréredio. Cúemona oreri, —daide.

³ Iemona Jesús ie ónoído afémiena jétano daide:

—Jii, ona jíllotaiacadicue. Benómona ja íainitioza, —daide.

Daí daina llezica ie iráretade chiie jacáibicaide. ⁴ Iemo Jesús íena daide:

—Cácarei, bifue bumo lloñeno iri. Dama lletárimamo o abí o ácatairi. Afe llezica Moisés ocuica o abí ja íainide daítate raa afénomo mai o fecari. Afemona nana comini o chiie ja jacáillana ónoitiaí, —daide.

*Romano illaíma ocuífregamiena Jesús jíllotate**(Lc 7.1-10)*

⁵ Capernaum jófue mo Jesús jailla llezica, Romano illaíma Jesumo billano izire jicade:

⁶—Ocuíraima, cue ócuifirega jitócome iere irárede. Batí jofomo bíide. Afémie tíziri iere jamánomo izi cácade, —daide.

⁷Jira Jesús íena daide:

—O jofomo jaillano afémiena jíllotaiticue, —daide.

⁸Jira illaíma Jesús uai ote:

—Ocuíraima, cue jofomo o jáillena, cue iere jamáimiedicue. Jicana o uaido o ocuri, afémie jíllolleza. ⁹Mei dama cue jáíllaíma uai anamo iticue. Daje izói cue anamo cue úiñoga fuiríraíni ite. Dáamiena “Bi” cue daíía, afémie bírede. Jáímiena “Jai” cue daíía afémie jaide. Daje izói cue ocuífirégamiena “Bie fino” cue daíía, afémie áfena finode, —daide.

¹⁰Jesús áfena cacáillano, caimare fáigacaillano afémiedo jáidinona daide:

—Uáfuená ómoína daidicue: Nana Israel náiraímo bie izói ínote come jaca baiñédicue.

¹¹Ómoína daidicue, nágafeniaímona aillo oni jicánemaci bíitiaíoi. Afémaci monamo ite Juziñamui illáímana illánomo jofo ráinazaillano, daane Abraham, Isaac, Jacob díga güítiaíoi. ¹²Mei íadi fueñe jáiredino, jino jítinomo dotálliaíoi. Afénomo afémaci iere éenaicana murímuritiaíoi, —daide.

¹³Iemona afe illáímana daide:

—Mai o jofomo jai. O ínuaze íteza, —daide.

Daí daína llezica afe irárede jitócome jíllode.

Jesús Pedro jífaiño jíllotate

(Mr 1.29-31; Lc 4.38-39)

¹⁴Afe mei Jesús Pedro jofomo jaide. Afénomo Pedro jífaiño abí cuaríllari irare bíinana cíóizaide. ¹⁵Iemo Jesús afengo onoi llíinua llezica ie abí cuarilla llíicaide. Afemona afengo náidacaillano afémaci jitailla bai atide.

Jesús aillo iráredinuiaí jíllotate

(Mr 1.32-34; Lc 4.40-41)

¹⁶Aferui jitoma jímaicaidemo díga fiénide jóriaí ogano Jesumo atídiaíoi. Iemona daade uaido afe fiénide jóriaí jino orede. Daje izói nane nana duícotaidinuiaí afémie jíllotate.

¹⁷Nana bie izói zúide, jaiái uai lloráima Isaías lloga uai fuitállena. Be afe uai: “Cai íraniaí afémie uite. Daje izói cai duícuaí afémie oni orede.” Daí Isaías llote.

Jesudo jáiacadino bie izói írediaíoi

(Lc 9.57-62)

Afe mei jorai fuédamo illa llezica, ¹⁸díga comíni Jesús abído nágafene gairíllana cíoillano, afémie “Mai jorai ruicáfenemo cai jai,” daide. ¹⁹Iemo ocuica uai llófueráima Jesumo billano daide:

—Llófueráíma, nana o jáiacana díne odo jáiacadicue, —daide.

²⁰Jira Jesús ie uai ote:

—Nana jazicí rílleniaí uái ífireillino ite. Daje izói caifodo féedinuiaí uái íaíoi ráíillino ite. Mei íadi Nanoide íma Jitódicueza, dáanori uái cue illino íñede, —daide.

²¹Iemo jáíie ie llófuegamacimona dáamie íena daide:

—Odo jáiacadicue, mei íadi fueñe cue ore cue moo tílle díno cue ílleza, íemo íena ráíiacadicue; afe méifomo odo jáíticue, —daide.

²²Jira Jesús ie uai ote:

—Mai cuedo bi. Juziñamui náfueñedino tíide izóidimaci; mai mei jadíe ua tíitímie afémaci ráílleza. O cuedo bi, —daide.

Jesús jairifo naa jorai bagua díga llíicaitate

(Mr 4.35-41; Lc 8.22-25)

²³ Ie mei Jesús naa ie llófuegamaci diga áillue nocaedo jáidiaioi. ²⁴ Afe mei jorai ruicáfenemo jáidiaioimo, daa jamánomo riürede jairifo náidacailla. Afe jairífojona jorai bagua afecae acónillaina ibáiacade izoide. Mei íadi afe llezica Jesús inide. ²⁵ Iemona ie llófuegamaci ie cazítatiaioi. Cazítajano íena daidíaioi:

—¡Ocuíraima, cai jállota! ¡Ja buízaidicaiza! —daidíaioi.

²⁶ Jira afémie uai ote:

—¿Nibái mei iere jacínaitiomo? ¡Omoi nai figo íinoñediomo! —daide.

Iemona afémie náidacaillano jairifo naa jorai diga lletade. Daí ie daina llezica jorai bagóñeno uái ite. ²⁷ Iemona afécaemo itímiaí caimare fáigacaidiaioi. Fáigacaillano daidíaioi:

—Bie mei, ¿ñie come? ¡Bímie daina uaina jairifo naa jorai diga ínote! —daidíaioi.

Gerasa éniemo ite fiénide joríaí úicaiga íaillinoi rafue

(Mr 5.1-20; Lc 8.26-39)

²⁸ Afe mei Jesús jorai enéfenemo Gerasa éniemo dúcidemo, mena ima raiáfuaímona Jesús diné bite. Afe íaillinoi fiénide joríaí úicaiga. Afe íaillinoi jamánomo jacire illáirede. Afedo jóide iodo buna jáinide. ²⁹ Jesús afe íaillinoi lleta llezica caillíoidiaillinoi:

—Jesús, Juzíñamui Jitódioza. ¿Nibái mei cócomo jíricaidio? ¿Nai aferui dúciñedemo benó coco duere fínuaíbitio? —daidíaillinoi.

³⁰ Afe llezica afe áinori tóica meróniaí güitíaioi. ³¹ Jira afe fiénide joríaí Jesumo izire jicádiaioi:

—Bie come íaillinoimona jino cai o oréadi, táinomo oréñeno baie meróniaímo cai oreri, —daidíaioi.

³² Jira Jesús íaioina daide:

—Mai afénomo omoi jai, —daide.

Afe fiénide joríaí afe íaillinoimona jino billano meróniaímo jaide. Afe mei afe meróniaí jorai arímo ite íconido jabida jóraímo cocídiaioi. Afénomo coróbaizidiaioi.

³³ Iemona afe meróniaí úíñotino jacínaillano botádiaioi. Jófuemo dúcillano nana aféfuiaí llotíaioi. Daje izói fiénide joríaí úicaiga íaillinoímo finócafue llotíaioi. ³⁴ Iemona nana afe jofue comíni Jesús illánomo jáidiaioi. Afémiena cíoillano, afe íaioi éniemona oni jáillena izire jicádiaioi.

9

Jesús tízitaitímie jállotate

(Mr 2.1-12; Lc 5.17-26)

¹ Afe mei Jesús áillue nocaemo ana jaillano jorai enéferaimo ruica jaide. Iemo dama ie jófuemo dúcide. ² Afénomo tízitaitímie Jesumo atídiaioi, naa ie bírallu diga. Afémaci ínuana Jesús cíoillano, iráredimiena daide:

—Cue izíruigamie, mai caimare ii, mei omo ite fiénidifuaí jae dógaza, —daide.

³ Jira ocuica uai llófuetinomona dáarie comeci anado daidíaioi: “Bímie baie jíáímie fiénidifuaí dóina dánado Juzíñamuina íciritade.” ⁴ Jesús afémaci comécido dánana onóillano daide:

—¿Nibái mei fiéni omoi comeci facádiomo? ⁵ Mei daí daina ménade uáimona ¿ñie uai iere llotáinina? Afe ménade uai be ñie: O fiénidifue muiñócaza. Iemo jíáie uai bie izói daina: Náidacaillano, maca. (Iiraie uai jamánomo llotáirede, mei omoi eróicana íficaideza.)

⁶ Ie jira Nanoide íma Jitódicueza, bíniemo cue illa llezica, comínimo ite fiénidifue cue muiñolle ríno jino ómoímo cíotaiticue, —daide.

Afemona afe tízitaitímiena Jesús daide:

—Mai náidacai, náidacaillano o bírallu llínota o jofomo jai, —daide.

⁷ Afemona tízitaitimie náidacaillano, ie jofomo jaide. ⁸ Nana comini áfena cíoillano iere jacínaitiaioi. Afemona Juziñamuimo ñúefuena nitádiaioi: “Mei Juziñamui áillue ríino bie cómemo fecádeza,” daidíaioi.

Jesús Mateo uáidote
(Mr 2.13-17; Lc 5.27-32)

⁹ Jesús afénomona oni jaide. Jaillano Mateo dainámiena ciode. Afémie gobierno ibátaga úcube llínoraíma. Ie jira afe úcube oránomo ráide. Jesús íena daide:

—Mai cuedo bi, —daide.

Ie jira afe Mateo náidacaillano iedo jaide.

¹⁰ Afe jiáiruido Jesús naa ie llófuegamaciri jofo eromo íaioi güilla llezica, aillo jiáie úcube llínofiredino naa jiáie fiénidino dáanomo güitíaioi. ¹¹ Mei íadi Fariséuai áfena cíoillano afémie llófueganomo jicánotiaioi:

—¿Ñibái mei omoi llófuetimie úcube llínofiredino diga naa fiénidinori güite? — jicánotiaioi.

¹² Afena Jesús cacáillano, íaioina daide:

—Iociredino iránidino daje izói manóriraimana jítaiñediaioi, mei jiáifodo iráredino manóriraimana jitailla. ¹³ Bie jaiái Juziñamui Cuegáuai dáinana omoi onóizairi. Afe be níuui: “Conímana omoi duéruillena daje izói cuena omoi duéruillena jitáidicue. Mei íadi omoi fatá cuemo fia fecaca rílleníai jitáidicue,” daide. Ie jira dani ñúemacina abi mamédinona uáiduaibiñedicue, mei jiáifodo fiénidino íaioi comeci ifue méidollena biticue, —daide Jesús.

Íaioi fímairillena Jesumo jicánotiaioi
(Mr 2.18-22; Lc 5.33-39)

¹⁴ Afe mei Juan Bautístado jáidino Jesumo dúciillano jicánotiaioi:

—Mei cai bie fariséuai diga ¿ñibái fímairitagacai, mei íadi o llófuegamaci fímairiñediaioi? —daidíaioi.

¹⁵ Jira Jesús uai ote:

—¿Airena rafue llezica áfemo uáidogano, meita zúurenari güínidiaioi? Daí íñédeza; ringo otímie íaioi cigimo illa llezica caimare güitíaioi. Mei íadi ringo otímie íaioimona báiruaibillirui dúcite. Aféruído comeci zúurenari güíñeitíaioi. Ringo otímie izói birui cuedo jáicadino cigiri itícueza, —daide.

¹⁶ Jesús nane jiáie onótatífue llote:

—Jaca ninomo dáamie tífoñegaraimona jaitada jácaie inícuíromo nitáñediaioi. Daí nitáadi afe cómoroi jácaroína fiéni finode; mei nai jócoñega cómoroi jofo jainánuaamona jácaroimo ite cúaidinona aillo oni cuatácana jaide. ¹⁷ Daje izói comue vino jácara igorai finoina iciru izoide raamo totánide. Dámie daí totáadi afe comue vino afe jácara iciruna eroide raana cúataite. Afemona afe iciru naa vino diga táinomo fáifite. Iemona comue vino comue igorai finoina iciruna eróidemo jónefírega. Iemona afe naga ñue éenoga. (Afe bie dáinado Jesús ie comue llófueinafue, íemo íaioi jaiái llófuegafue dáanomo íñonide, dáanomo náfuenide, íaioimo llófue.)

Jairo jiza íemo jiáingo Jesús iniroi jétaibitíngo Jesús jílloate
(Mr 5.21-43; Lc 8.40-56)

¹⁸ Jesús bífuiaido úrilla llezica, judío illaíma Jesumo dúcide. Dúciillano, afémie anamo fueco dine bíjicaillano daide:

—Cue jiza ja tíide, mei íadi o bíllaza, mei aféngomo o onoi bítaibiri afengo jíllolleza, —daide.

¹⁹ Afe jira, Jesús náidacaillano afémie diné jaide naa ie llófuegamaciri. ²⁰ Afémie iodo jailla llezica, jiáie iráredingo afémiemo bite. Afengo afe irárenamona doce diga fimona dícotaita. Jesús comini cígido rillire jailla llezica, afengo Jesús jinófene dinena ie iniroi fueda jétaibite. ²¹ Mei afengo comécido daide: “Daa ie iniroi cue jetáadi jílloiticue,” daide.

²² Iemona Jesús meine abido gírecaillano aféngona cíoillano daide:

—Izíruiango, caimare o iri. O ínua mona ja jíllodioza, —daide.

Daí daina llezica afengo jíllode. Afemona afengo ja íocirede.

²³ Jesús illaíma jofomo dúcia llezica, aillo comini come tíllari cáillicailli éediaíoi. Afe llezica jiáimaci toticaí zuure fúudiaíoi. ²⁴ Jesús áfena cíoillano daide:

—Benómona oni omoi jai. Afeza tíñedeza fia inide, —daide.

Afémie dáinari comini íemo zadáidiaíoi. ²⁵ Mei íadi Jesús afémacina jino orede. Oriano jofa jaide. Jofa jaillano afe tídingo ónoído llínote. Llínua llezica afengo caífo náidacaide.

²⁶ Iemona Jesús finócafue nana afe éniemo itígobiaído jica jalleide.

Jesús mena uínidimie jíllotate

²⁷ Afénomona Jesús jáidemo, mena uínidimie ie óodana caillícana bite. Daídíaillinoi:

—Davidmona comuidimie Juzíñamui oreca Mesía ímie, mai cócomo dúcaí, —daídíaillinoi.

²⁸ Afe mei Jesús jofa eromo jáidemo, afe íaillinoi Jesumo dúcide. Iemo Jesús íaillinoína daide:

—Cuemo ómicoi jicácafueña finóredicueza ¿meita ínnotiomicoi? —daide.

Jira afe íaillinoi daide:

—Ocuíraíma, jii ínnoticoco, —daídíaillinoi.

²⁹ Iemona Jesús íaillinoi ui jetánota daide:

—Ómicoi ínua díeze, ómicoímo cómuiteza, —daide.

³⁰ Daí ie daina llezica, íaillinoi ui ñue cíoide. Afe mei Jesús íaillinoína riire daide: “Bie ómicoímo cue finócafue bumo lloñeno ómicoi iri,” daide.

³¹ Afena afémie rairuide íadi, afe íaillinoi jino billano, nana afénomo Jesús ui mánuana llócadiaillinoi.

Jesús uáinidimie jíllotate

³² Afe mei Jesús afénomona jáidemo, fiénide joríaí úicaíga uáinidimie, Jesumo atídiaíoi.

³³ Iemona Jesús afe fiénide joríaí jino orede. Afemona uáinidimie ja úrite. Aferi comini caimare fáigacaillano daídíaíoi:

—Bie izóidífueña jaca Israel nairaí cígimo cíóñedicaí, —daídíaíoi.

³⁴ Mei íadi fariséuaí daídíaíoi:

—Jesús dama fiénide joríaí illaíma ríinodo afe úicaígamie fiénide joríaína jino orede, —daídíaíoi.

Jesús comínimo dúcaide

³⁵ Afe mei Jesús nana aféniemo ite jófuaímo naa onífedo itícuaido llófuaíde. Afénuaímo ite Juzíñamui uai llófueriracuaido llófuete. Afémie Juzíñamui illáimana illarui ñuera rafue llocana uite. Iemo nana jiáiforiedemo izi cácade iráredinona jíllotate. ³⁶ Meita nana daí itínona cíoillano, afémacimo Jesús dúcaide, mei úiñoñegano izóidiaíoi. Ie jira oni ráide ovéjaíai izóidiaíoiza. Afémaci duere finócaíai, daje izói duere zefuide buna ráiruiñegano izói itíaíoi. ³⁷ Afemona Jesús ie llófuegamacina daide:

—Uáfueza, jacáfaimo ite raa ailla llezica jofa óitino íñena izói, birui Juzíñamui illáimana illánomo jofa órega comini aillo ite. Mei íadi afémaci jofa óitino figo íñede. (Afe jofa óitino jiáimacimo ñúefue llóitino.) ³⁸ Ie jira jacafai Naama izóidimie mo jiáie ñúefue llóitimacina omoi jicari, afémaci afémie oréllena.

10

*Jesús doce dígamie ie oni oréllino nizede
(Mr 3.13-19; Lc 6.12-16)*

¹ Afe mei Jesús doce dígade ie llófuegamaci uáidote. Uáiduanó fiénide jóríai comínimona oni orelle ríino íaioimo fecade. Daje izóí nana jíáiforiede duico ogano jíllotalle ríino afémacimo fecade.

² Be afe doce dígadimaci oni oréllino mámeçiaí: Nánoramie Simón, dáamiena Pedro daína, íemo ie ama Andrés, íemo Zebedeo jíto íaillinoí Santiago Juan díga, ³ íemo Felipe, íemo Bartolomé, íemo Tomás, íemo gobierno íbátaga úcube llínoraíma Mateo, íemo Alfeo jíto Santiago, íemo Lebeo dáamie mámeçi Tadeo, ⁴ íemo íere Járídotimacimo jaináidimie Simón, íemo uire Jesús féçaitimie Judas Iscariote.

*Jesús ie llófuegamaci jíáigobiaimo llófuellena orede
(Mr 6.7-13; Lc 9.1-6)*

⁵ Jesús bie doce dígamiena ie oréacana llezica íaioí táijille izóí llote. Daide:

—Judíoñedino éniemo omoí jáiñeno iri. Daje izóí Samaria éniemo ite jófuiamo jáiñeno iri. ⁶ Mei jíáífodo Israel náiraímo ovejaí féiraila izóí féiraitinomo omoí jairi. ⁷ Monamo ite Juzíñamui illáimana illirui ánozillana llocana omoí uiri. ⁸ Íráredinuiaí omoí jíllotairi. Tíidinuiaí meine abído omoí cáatari. Daje izóí íáire chíñaitimíaina ñue omoí finori. Daje izóí comínimo ite fiénide jóríai jino oreri. Bie izóí omoí táijille ríinona raiñoñeno ómoímo fecádícue, íemona áfedo jíáimacina raiñoñeno omoí canori.

⁹ Jabe omoí jaille llezica úcubena uiñeno iri. ¹⁰ Omoí çirítico uiñeno iri. Jaca daa o abímo jídíroi díga jairi. Daje izóí ídaí icona uiñeno iri, íemo jíáí macara jígüida uiñeno iri. Mei jíáimacina omoí cánua jira, áfemo tájiraima jaca raiñoñeno éçafíregaza.

¹¹ Omoí jáillinomo ite comíní jófueomo omoí dúçia llezica, ñue ínofíregamie illano omoí jeno. Afénomo nai oni omoí jáiñeille díno uái omoí iri. ¹² Jofo jaillano, afémaci ñue daí uáidori. “Çaimare uái omoí iri,” afémacina daíiri. ¹³ Afe jofo comíní çaimare omoí llínoiaí, omoí afémaci ie ñue mameca uai afémacimo fiébiteza. Mei íadí omoí daína uaina afémaci náfueñenia, afémacimo omoí mameca ñue uai abído ómoímo bííteza. ¹⁴ Mei íadí afémaci ómoína llínoacañenia, daje izóí omoí llógamo cacáreacañenia, afe jófómona, daje izóí afe jófueomona oni omoí jai. Omoí jailla llezica omoí éíbamo ite íaie afémacimo teténocairi. Afedo íaioí comécimo ite íaífue nai íaioímo íllana ónoítiaioí. ¹⁵ Mei ua ómoína dáitícue, íiraicaiño ríire jíçánolliruimo dúçina llezica, bie ómoína ruíffruite comíní, Sodoma Gomorra díga jófue comíní duere zefuilla baímo, íere duere finólliaioí.

Çristo íçoinia duere çai zefuíllífué

¹⁶ Omoí çacai. Ovejaí illáirede jazici jíço çígímo ória izóí ómoína orédícue. Jaió abí rairuilla onona izóí abí omoí onoiri. Mei íadí afe llezica fíçiri illáienina izóí omoí iri. ¹⁷ Ñue abí omoí rairuiri, mei comíní jabóidíllainimo ómoína féçaitiaioíza. Juzíñamui uai lloraco eromo omoí fáitíçioíza. ¹⁸ Íemo ríillainimo, daje izóí jamánomo ocuídíllainimo çue íçoinia ómoína uitíçioíza. Íemo afe omoí íaioí úilledo afe illáinimo çuedo úritíomoi. Daje izóí afe judíoñedíno çuedo úritíomoi. ¹⁹ Mei íadí illáicomínimo omoí íaioí uille llezica, “¿Ñie izóí úritíçai?” dáinamo çomeçi faiñeno iri; daje izóí “¿Ñie uailaí llóitíçai?” daííñeno iri. Mei omoí úrille llezica, Juzíñamui ómoína úritaitiza. ²⁰ Afe llezica daní omoí çomeçi izóí úriñeitíomoi. Moo Juzíñamui Ñuera Joreño ómoído úrilleza.

²¹ Afe llezica comíní daní íaioí nahí ámana Çrístomo íñotimíena illa jira, jíáimacimo íena fállena féçaitiaioí. Daje izóí móotíai daní íaioí Çrístomo íñote jíçotíai fállena féçaitiaioí. Íemo jíáí jíçotíai daní íaioí móotíaido éoçana eróitíçioí, íemo íaioína tíçatíçioí. ²² Nana comíní

cue ícoinia ómoído éoícana eróitiaíoi. Mei íadi fuillínomo fáicanocaiñeno ñue ínoicaitimie dama jílloite. ²³ Daa jofue comini omoí duere finóadi, jiáie jófue mo omoí jairi. Mei ua ómoína dáititue, nana Israel jófuiáido nai omoí jáiñenia uícodo raire dúcíticueza; mei Nanoide fima Jitó Crístodicue.

²⁴ Llófuegamacimona llófuetimie baimo jamánomoidimie iñede. Daje izói ocuífirgamie ie ocuídime baimo ocuínide. ²⁵ Llófuegamie ie llófuetimie illa izói írede. Daje izói ocuífirgamie ie ocuídime illa izói írede. Jofo naama izóidicueza, Beelzebú daina Taife mámecei cuemo íaíoi jítáadi, jofo ero úruiaí mámeceina dájena jítaitiaíoi. Iemo afe úruiaína cue baimo fieni úritiaíoiza.

¿Ñimienajacíruiñe dái?
(Lc 12.2-7)

²⁶ Ie jira comínina jacíruiñeno iri. Mei nana báinino daina uailaí jino uáfodo cíozite. Daje izói nana báinino itífuiaína jino uáfodo onuille. ²⁷ Birui jítifomo úrilla izói báinino ómoímo cue llógana, uire uáfodo monari comínimo omoí lloiri. Daje izói ómoína báinino cue daina uai, comini dáanomo uáidota ficire lloiri. ²⁸ Omoí íeizi títaitinona jacíruiñeno iri; mei omoí joreñona títánidiaíoiza. Mei jiáífo boode iraimo caí íeizi naa caí joreño duere finótaitimienona omoí jacíruiñe.

²⁹ Onódiomoiza mena duera ófocuízaí duera úcubedo íbárega. Mei daí íaíoi ráifíñede íadi, afémacimona omoí Moo Juzíñamui daíñenia dácuiño tiide izói ana báíñeite. ³⁰ Mei uafue, omoí ífócimo ífótiraíai illa dígatiraí facádoga. ³¹ Mei daítadeza jacíruiñeno omoí iri. Omoí, aillo ófocuíñuai baimo ráifídiomoi.

Comini eróicana Jesuna jieruitino
(Lc 12.8-9)

³² Comini eróicana nana cuena jieruitinona monamo ite cue Moo eróicana jieruiticue. ³³ Mei íadi comini eróicana cuena jáanotinona, afe izói monamo ite cue Moo uiecori afémacina jáanoiticue.

Comini conímána ruifíruitatallena biticue
(Lc 12.51-53; 14.26-27)

³⁴ Comini dájena uái illifue bínemo lluaíbiticueza daíñeno iri. Mei jiáífodo dájena uái illifue lluaíbiñeno, fuirilla izoide lluaíbiticue. ³⁵ Cuemo ínuamona dáamie ie moo dínenona íena ruifíruicaite. Afe daí cue bíllamona dájena uái íñeitiaillinoí. Daje izói ei cuemo ínuua jira afengo jiza dínenona ruifíruibicaite. Afe daí cue bíllamona dájena uái íñeitiaínguái, íemo jiáí cuemo ínuamona mio ie jifaiño dínenona ruifíruibicaite. Afe daí cue bíllamona dájena uái íñeitiaínguái. ³⁶ Iemona illa dígamie dama ie jofo ero comini dínenona éoigamienona mámeitiaíoi.

³⁷ Nínó daa come ie moo, ie eina cue baimo izíruia, afémie cuemo dúinide. Daje izói nínó daa come ie jítóna, níbai ie jízana cue baimo ie izíruia, afémie cuemo dúinide. ³⁸ Iemo jiáí, comini dama afémie títácanamo náfuiano cuedo jáiacañedimie afémie cuemo dúinide. ³⁹ Ie jira ie cáanano rairuácadimie áfena táinomo fáíftaite. Mei jiáífodo cue ícoinia ie cáanano táinomo fáíftimie afe fáífidena baimo ziiño illínona máíñoite.

Jirídua izóidífuiaí
(Mr 9.41)

⁴⁰ Iemo Jesús nai úrillano daíde: Omoína caimare uáidotino, daje izói cuena caimare uáidote. Iemo cuena caimare uáidotino daje izói cuena orédimienona caimare uáidote. ⁴¹ Juzíñamui uai jino llóraíma Juzíñamui díbenedo bíllado afémienona caimare uáidotimie, dájeze afémie jirídua izói jirídoite. Daje izói ñuemienona caimare uáidotimie afe jiáímie ñue íllado, afémie jirídua izói jirídoite. ⁴² Daje izói nínó daa come cue llófuegamacimona

jabóidimie mo daa due jiza mánaide jáinoia jirótaadi, afémie cuedo jailla jira, afe jirótatimie uáfueña íeiena mameca raana jirídoite, —dinori Jesús ie oréllimacimo llófuete.

11

Juan Bautista orécano (Lc 7.18-35)

¹ Jesús ie doce dígade llófuegamaci íaioi táijille izóí llófuiana fuilla méifomo, Jesús oni afe éniemo ite jófuiaimo jaide, afénomo ite comini llófuellena.

² Aféruido Juan Bautista llavéracomo illa llezica afémie Jesús finócafuiaina fidide. Ie jira iedo jáidinomona dáarie Jesumo jicánuaitate. ³ Jesumo dúcillano jicánotiaioi:

—¿Meita o biite Cristo dainámiedio? ¿Ñibai nai jáie bítimie úiñoredicaí? —daidíaioi.

⁴ Jira Jesús afémacina daide:

—Omoi ciona, omoi cacana izóí Juaamo omoi lluájiri. ⁵ Bífuiái afémiemo lluájiri: Uínidino ñue ciódiaioi, macañedino macádiaioi, íaire chíñaitino íaioi chíemona ñue jacáitagaiaioi. Iemo jefona cacáñedino ñue cacádiaioi, íemo dáarie tíidino meine abido cáadinona jáidiaioi. Daje izóí dúredino jíllona uaina llogáiaioi. ⁶ Cuemo íñoñeilli uaina baiñédimie íóbite.

⁷ Juan orécano meine abido jailla méifomo, Jesús Juaado cominimo úrite; daide:

—Mei táizicimo ¿minícana cióizaidiomoí? Nibai dáamie ie daina uaina méidofiredimiena cióizafirediomoí. ⁸ Afe izóidimiena omoi cióizaiñenia, ¿mei nie izóidena cióizaidiomoí? ¿Meita nibai ñue cíode ráifide iniroi jítáoidimie cióizaidiomoí? Onódiomoiza ráifide ñúecuiroi jítáoifiredino jaca illaini jofomo ífirediaioi. ⁹ Mei írainomo ¿minícana cióizaidiomoí? ¿Ñibai Juziñamui uai jino llórainana cióizaidiomoí? Jí. Uáfueza. Juziñamui uai llórainana baímo jamánomoidimiena cióizaidiomoí. ¹⁰ Juan baie Cuegáuai dainámie. Jaiai uícodo nai cue biñena llezica, aféuaimo Juziñamui, afémie dibéñedo cuena daide: O bille io ñue finóllena izóí, comini íaioi comécido ñue omo jíeruillena, cue llujitimie o uícodo orédicue.

¹¹ Uáfena ómoína dáitícue, nana cominimona ite Juziñamui uai llórainimona Juan Bautista baímo jamánomoidimiena íñede. Mei jáífodo Juziñamui illáimana illánomona jabóidimie Juan baímo jamánomoide.

¹² Mei íadi Juan Bautista bíllamona ua biruimo aillo comini ríifuedo raa báirua izóí, monamo ite Juziñamui illáimana illánomo iere izire jofo jáiacadiaioi. Afe ríifuedo afénomo jofo jáiacadino bie izóí comécidiaioi: “Afe illánona anáfenuano jofo jáiticaí,” daíí comeci facádiaioi. ¹³ Nana Juan uícomo ite Juziñamui uai llóraini naa Moisés lloga ocuica uai díga Juziñamui illáimana illáruido úritiaioi. Íaioi úrilla méifodo Juan bite. ¹⁴ Iemo jáífue ómoimo llóitícue. Omoi íñoiacaniadi, bífuena íñorediomoí. Naui lloga bíite Elías be níimie Juan; mei Juan Elías dainámiena bíteza. ¹⁵ Mai cacáreacadino, omoi cacai.

¹⁶ Iemo Jesús nai úrillano daide: Biruúllaido itínona, ¿ñie izóí íaioína mámeitícue?

¹⁷ Jofue cigi ibírino jifánote úrue izóidiaioi. Afémaci conímamo ebírede rúado caimátaiacadiaioi, mei íadi áfena fairíoñediaioi. Daje izóí conímama zúurede rúado fíraacadiaioi, mei íadi daje izóí áfemo cacáreiacañediaioi. ¹⁸ Afe bie izóí ómoimo ite. Mei Juan Bautista billa llezica afémie fímarillano figo güñede, daje izóí ríiji jiróñede. Ie jira “Fíénide joríaí úcaigamiedio” íena daidíomoí. ¹⁹ Afe mei cue, afe Nanoide íima Jító dainámiedicue bitícue. Billano, jáímaci izóí güitícue, íemo jiródicue. Afemona nane bie izóí cuena daidíomoí: “Bímie iere güilláredimie, jéerie jírofredimie. Fíénidino nabáidimie. Daje izóí gobierno íbátaga úcube llínoraini nabáífredimie.” Daíí cuedo úritiomoí. Comini

Juziñamui orécanona bie izói fieni daidíaiói íadi, Juziñamui baitácafue dama ie finócafuiaido jino cíozite, —dinori Jesús daide.

Jófuiaimona dáarie Jesús uaina cacáreacañediaíoi
(Lc 10.13-15)

²⁰ Iemona Jesús jiáie jófuiái comini íaiói íinoñena jira fueñe lletade. Mei afémie uaido daína comuide cíorainina ráamona nabene afémaci cígimo finódeza. Mei íadi afeno comini íaiói comeci ífueña nai méidoñediaíoi. Afémie daide:

²¹ —¡Corazín jofue comini nii dúerenal! ¡Daje izói Betsaida jofue comini nii duere zefuilla! Mei íaiói cígiri cue finoca cíorainina raa, áfena Tiro comini daje izói Sidón comini cígimo nauí finódicuenia, nibai raire jaiái uícodo íaiói comeci ífueña méidotiaíoi. Uafue íaiói comeci ífueña méiduamona, ja diga fimona jaide. Afe llezica zúunaia jitáfírega jítiroi jitáacadiaíoi. Daje izói aféruimo íaiói zúunailla jino ácatallena jízefo ífomo jutáacadiaíoi.

²² Mei jiáifodo ómoína dáitícue, íraicaiño riire jicánolliruimo Tiro Sidón diga duere finóbina baímo Corazín íemo Betsaida comini duere finólliaíoi, —daíí daide.

²³ Iemo Capernaum jofue comini Jesús lletade. Afémaci dibénedo daide:

—¿Meita íaiói íinoga jofue monamo úirede? ¿Daíí comeci facádiaíoi, ero ua? Mei jiáifodo íaióina daidícue, tíidino illánomo ana dotaca izói niné táinocaitalliaíoi. Mei íaiói cígimo cue finoca cíorainina raa nauí Sodoma jófueño finódicuenia, afe jofue nai biruimo nia íte.

²⁴ Mei íadi jiáifodo Capernaum comínina dáitícue, íraicaiño riire jicánolliruimo Sodoma comini baímo jicánolliaíoi, —aquíe izói Jesús íaióina lletade.

Cuomo billano omoi ocózinairi
(Lc 10.21-22)

²⁵ Aféruillaído Jesús daide:

—Mona Ocuíraíma Moo Juziñamui, omo ñúefue jóoneitícue, mei Juziñamui dibénedo onóigafuiái úrue izoide, comécina níifuenide jamai comínimo jino cíotatioza; mei íadi bínie ráfueña baitádinomona aféfuíai o retáidoga. ²⁶ Jii, Moo, mei o daíí jitáidíozá.

²⁷ Jesús nai úrioidé: Cue Moo, nana uafue onóigafuiái ja cuemo llotio. Moo Juziñamui, o Jitódícue, mei íadi buna uáfodo cuena ñue onóñena. O cue Móodioza, dama o ñue cuena onódio. Daje izói buna uáfodo ona ñue onóñena. Cue, o Jitódícueza, dama ona ñue onódícue. Iemo jiái daje izói o Jitó onótaacagano ñue ona ónoitiaíoi.

²⁸ Iemo comínina daide: Omoi ñúefuíaí finóacanamona zefuínaitino cue diné omoi bí; íemo jiái fiénidí fue ábiana méeruitino daje izói cue diné omoi bí. Omoína ocózinaititícueza. ²⁹ Mai cue diga táijifirena izói ñúefuíaína finóllena omoi onoiri; mei omoi diga táijifiredícueza. Afe dájena táijinana cúemona omoi onoiri. Mei comécina jaridóñedicueza. Daje izói comécina mánaidícueza. Afemona omoi comeci uái ocózinailinona báitíomoíza. ³⁰ Omoi diga cue táijinana féinide. Daje izói ómoímo cue ocuíllafue jaca ómoína zéfuitañeite, —dinori úrite Jesús.

12

Jesús llófuegamaci ocózinailaruimo trigo íimoíai dícoiano otá güitíaiói
(Mr 2.23-28; Lc 6.1-5)

¹ Aféruído Jesús naa íe llófuegamaciri ocózinailaruído trigo ritino jacafai cígido macade. Afe llezica íe llófuegamaci íere jufínaillano, trigo íimoíai otá güitíaiói. ² Afena fariséuai cíoiillano Jesuna daidíaiói:

—Ero, o llófuegamaci ocózinailaruimo rairuírede táijinamo táijidiaíoi.

³ Mei íadi Jesús íaióina daide:

—¿Omoi íco jaiái illaíma David finócafue cúegana facadóñediomoí? Afémie naa íe nabáíñiaíri íere jufínaitiaíoi. ⁴ Afe llezica Juziñamuimo gairíracomo jofo jaillano

rairuica panes otá güitíai. Mei íadi afe páaniai afémiemona rairuírede, daje izói ie nabáñiaimona rairuírede. Afe pan dama lletáriraini güirede. ⁵ ¿Mei nane jíaié Moisés ocuica uai cüegana facádoñediomoi? Afénomo daína: Juzíñamui gairíracomo táijide lletáriraini, ocózinaillarui mo ocózinañediai, mei daí íaii illa fiénidífueñede. ⁶ Mei ómoína dáitícue, birui benomo afe gairíraco baimo jamánomoidimie ite. ⁷ Bie jíaié Juzíñamui Cuegáuai llógana nai onóñediomoi. Afe be níuui: “Fatá fia fecaca rille baimo cuena izíruillena jitáidícue.” Bíuaina omoi onóadi nífuena finóñedinona “Duere cai finótalli” dáíñeitiomoiza. ⁸ Mei uáfueza, ocózinaillarui Nanoide íima Jitó Cristo daínámie ocuilla uai anamo ite.

Onoína llirídimie rafue

(Mr 3.1-6; Lc 6.6-11)

⁹ Afe mei Jesús afénomona jaide. Jaillano Juzíñamui uai llorácomo jofo jaide. ¹⁰ Afeco eromo ónoína llirídimie ite. Afe comini Jesumo fiénidífue jitállena jenódiaí. Iemona afémiena jicánodoídiaí:

—¿Meita iráredimie ocózinaillarui mo jíllotarede? —daídíaí.

¹¹ Jira Jesús afémaci uai ote:

—Omoimona daa cómemo oveja íadi, afe oveja ocózinaillarui mo ífomo baíadi ¿meita caifo óñega? ¹² Mei uafue, daa come oveja baimo jamánomo ráifide. Afemona ñúefue finuana ocózinaillarui mo rairuíñega.

¹³ Iemona Jesús afe iráredimiena daide:

—O onoi jino zúita, —daide.

Jira ie onoi zúitamona, enéfene izói ñuera. ¹⁴ Iemona fariséuai jino jaillano, Jesús fállena mamérizaidiaí.

Jaiái uai llóraíma Jesudo daína uai como zuilla

¹⁵ Aféfuena Jesús fidíillano, afénomona oni jaide. Ie jailla llezica aillo comini afémiedo jaide. Iemo Jesús nana iráredino jíllotate. ¹⁶ Afe llezica afémie íaióina llotátañede: “Cue bie izói íllana bumo lloñeno iri,” íaióina daide. ¹⁷ Bie izói zuide jaiái uai llóraíma Isaías lloga uai ñue ícoimo fuitállena. Afe uai be ñie:

¹⁸ Bímie nizada cue oga ocuífiregamie.

Afémiena iere izíruitícue, íemo afémieri iere íóbidícue.

Cue Ñuera Joréñona afémie úicaitaitícue.

Afémie cue mameca jaícina jóidífuiaina náiraímo jino llóite.

¹⁹ Afémie ríifuedo llóñeite.

Daje izói cáillicailli úriñeite.

Iemo jíai jofue cigi macáraodo ie uaina cácañeille.

²⁰ Comécina náinidinona ruiñruñede. Afémie íaióí comécina náiretaite.

Daje izói dúiacade uillide mechera meine abido omoi boota izói, afe izói jabo ínote comini afémie fáicanocaiñeite. Fáicanocaiñeno ñue íaióina ínotaite.

Afe ícoimo nana duéredinona fáicanocaiñeitemo afémie jaícina illáimana illíruimo dúciite.

²¹ Iemona nana náiraíai afémie mo ocúritiaí.

Taife ríino Jesumo illa afémiemo jitádiaí

(Mr 3.19-30; Lc 11.14-23; 12.10)

²² Afe mei uínidimie Jesús diné atídiaí. Afémie fiénide jóraí uícaiga úrinidimie. Afémiena Jesús jíllotate. Iemona afémie ja ciodo, daje izói ñue úrite. ²³ Ie jira nana comini áferi caimare fáigacaillano daídíaí:

—¿Meita afe be nímie jaiái illaíma Davidmona comuítagamie? —daídíaí.

²⁴ Fariséuai áfena cacáillano daídíaí:

—Bímie fiénide jóriai illaíma Belzebú dainámie ríinodo afémacina jino oréfirede, — daidíaiói.

²⁵ Jesús daíí íaiói comécido dáinana onóillano íaióina daide:

—Ninó daje náiraina ite comini conima diga fuiríadi, afe nairai ráidoizillano niné táinocaite. Daje izói daje jofue comini eneno ráidoiziadi, afe jofue are íñeite. Iemo jáíi daaco ero comini eneno ráidoiziadi, afémaci are íñeite. ²⁶ Iemo daje izói, mei Satanás dama íemo jaináidino jino oréadi, dani Satanás mairídino oni énenorie jáitíaiói. Mei íemona afémie ocuille ríino íñeite. ²⁷ Omoi cuena: “Belzbumo ite ríinodo fiénide jóriai jino oréadio,” daidíomoi. Afe omoi daina uáfuedenia, jáífue ómoimo jicánoiticue. ¿Mei bu ómoids jaidino fiénide jóriai jino orelle ríino iga? Ie jira dani afémaci ñue onóñeno taino omoi llua jino cíotatíaiói. ²⁸ Mei jáífodo Juzíñamui Ñuera Joréñodo afe fiénide jóriaína jino orédicue. Iemo bifue bie izói daííacana: Juzíñamui illáimana illarui ja ómoimo dúcide.

²⁹ Mei uáfueza, ríiredimiena fueñe o máíñenia, ¿ñie izói dáamie ie jofomo jaillano ie jofu ero ráaiena bairóredio? Bairónidío. Nano fueñe afémie máirede. Ie mei ie ráaiena bairórede. (Afe daíí Cristo Taífena jaca anáfenorede.)

³⁰ Cue dibénemo íacañedimie cuena uáitate. Cue diga dájena táijiñedimie, cue raana oni jutádimie izoide, mei afémie jáíimaci cuena ínotañedeza.

³¹ Ie jira ómoína dáitícue, naga come ie finoca fiénidífue, Juzíñamuimo jicáadi dórede; daje izói nana ie úrilla fiénidífue dórede. Mei íadi ninó dáamie Juzíñamui Ñuera Joréñona íaire dáíiadi, afe uai jaca dónide. ³² Iemo jáíi ninó dáamie Nanoide Hima Jitó Crístona íaire dáíiadi, afe afémiemo ie lloia dórede. Mei íadi Juzíñamui Ñuera Joreño jánana fiéni úritimie afe ie úrilla íaífue birui dónide. Daje izói uire jaca ninomo dónide.

Naga amena ie llizíllajido onórena izói, daje izói naga come ie úrillafuíaido ónorede (Lc 6.43-45)

³³ Ñuera aménamona ñuera ráajina llizide. Daje izói fiénide amena jaca fiéni llizide. Mei uáfueza naga amena ie llizíllado ónorede. ³⁴ Jaio izóidinodíomoi. Ja fiénidinodíomoiiza ¿ñie izói ñue úriredíomoi? Mei uáfueza, cai fue cai comécimo jebuide raado úrite. ³⁵ Ñuera come ñúefuedo úrite, mei ie comécimo ñúefue íllaza. Daje izói fiénidimie fiéni úrite, mei ie comécimo fiénidífue íllaza. ³⁶ Iemo nane ómoína dáitícue, íraicaiño Juzíñamui caimo ríire jicánolliruimo, nana ráiruiñega fiéni cai úrilla uai, daje izói abi cai rairuiñena úrilla uai diga, jáanoñeno “jii” daííredícai. ³⁷ Mei uafue, o úrilla dieze Juzíñamui omo izire jicánoiteza. Jáimiena “O nífuenidimiedío” dáíte; ie mei jáámiena “Dama o ícoína daíí ítio,” dáíte.

Fiénide comini cíorainina raa fínóllena Jesumo jicádíaiói (Mr 8.12; Lc 11.29-32)

³⁸ Afe mei fariséuaimona dáamierie Jesuna daidíaiói, daje izói Ocuica Uai llófuefiredino diga:

—Llófueraíma, cíorainina raa o fínuana cíocadícai, — daidíaiói.

³⁹ Jira Jesús afémaci uai ote:

—Bigíma fiénidino botade jiruíredíngo izoide ja Juzíñamuina zóofetiaíoi. Iemo cíorainina raa cuemo jicádíaiói. Mei íadi nauí Juzíñamui uai llóraíma Jonás onótagafue baímo jáífueña llóñeílliaíoi. ⁴⁰ Mei Jonás daaruíamani íemo daámani naío afe áillue chamu eromo illa izói, afe izói Nanoide Hima Jitó Cristo énie anamo daaruíamani íite, daje izói daámani naío. ⁴¹ Jaíai Nínive jófueimo ite comini bigíma comínimo ríire jicánolliruimo bimácimo fiénidífue jítaitíaiói. Mei Nínivemo ite comini Jonás Juzíñamui uai íaióimo llua llezica íaiói comeci ífueña méidotíaióiza. Mei íadi birui benomo Jonás baímo jamánomoidimie ite. ⁴² Daje izói sur dibénemo jica ite nairai illaíngo, bigíma comínimo ríire jicánolliruimo,

bimácimo fiénidifue jítaite, mei afengo jica énie fuédamona Salomón comeci onóigafuemo cacáreizaibiteza. Mei íadi birui benomo Salomón baimo jamánomo baitádimie illa.

Jino oreca fiénide jóriai meine dáamiemo bite
(Lc 11.24-26)

⁴³ Jesús nai llíicaiñeno úrite: Fiénide jóriai cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade: ⁴⁴ “Meine abido cue billa cómemo jáitícue,” daide. Afe jóriai meine afe cómemo bítemo, jofo taico izoide baizáibite. Daje izói rafode ñue finócaco izói baizáibite. ⁴⁵ Iemona afémie siete diga jamánomo afémie baimo fiénide jóriai uájide. Afémaci nana afe cómemo jofo jáidiaioi. Afemona afe come nauí ie fiénina baimo biruí jamánomo fiénide. Afémiemo illa izói, afe izói ómoimo íficaite, mei bigíma fiénidigimaza.

Jesús ei naa ie ámatiairi
(Mr 3.31-35; Lc 8.19-21)

⁴⁶ Jesús nai comínimo úritemo, ie ei naa ie ámatiairi dúcide. Afémaci jofo jinófecomó itíaioi. Afémie diga úriacadiaioi. ⁴⁷ Afe llezica dáamie Jesuna daide:

—O ei, o ámatiairi jino benomo itíaioi. Afémaci o diga úriacadiaioi, —daide.

⁴⁸ Mei íadi Jesús afe llúaíbitimiena daide:

—¿Mei bu cue eina? Daje izói ¿mei bu cue ámatiaina? —daide.

⁴⁹ Daí dáinamona afémie llófuegamacina fuedo uidánote. Uidánuano daide:

—Bimaci cue eina, daje izói bimaci cue ámatiaina. ⁵⁰ Mei ninó dáamie monamo ite cue Moo comeci jitailla izói finódimie bie come cue ámana, daje izói cue miríngona, daje izói cue eina, —daí Jesús afémacina daide.

13

Afémaci onótaité ríjifiredimie rafue
(Mr 4.1-9; Lc 8.4-8)

¹ Afe monado Jesús jofómona jino jaillano, jorai fuédamo ráinazaide. ² Iemo afémie illánomo aillo comini ofilla jira, afémie bai nocaemo ráizazaide. Afe llezica nana comini fuédamo fiébidiaioi. ³ Mei áfemona diga ráfuiaina afémaci llófuete. Afémaci onoiga izóidedo afémie íaioi llófuete. Daide:

—Jacáfaimo rífiredimie rizájilla. ⁴ Ricana ie uilla llezica, afe júdaica íjiaimona dáarie iomo baide. Baiilla mei ófocuiñuai güizáibitiaioi. ⁵ Ie mei jáíjiaí énie figo iñena noficiaimo baide. Aféjiaí raire zicode, mei afe énie llíaideza. ⁶ Iemo jáinaonideza jítoma egáiñuamona, zafénaillano tíidiaioi. ⁷ Ie mei nane jáíjiaí éegiaí cígiri cocídino. Afe éegiaí móonaillamona aféjiaí íracotaillano tíidiaioi. ⁸ Mei íadi jáíjiaí ñuera éniemo baide. Aféjiaí ñue ailla. Dáaride cien diga llizíllajiaí comúitate. Jáíiri sesenta diga llizíllajiaí comúitate. Iemo jáíirimo treinta dígají comuide. ⁹ Bíemo cacáiacadino mai cacai.

Nibái mei bie comini onoiga izóidedo úrilla, Jesús jino llote
(Mr 4.10-12; Lc 8.9-10)

¹⁰ Iemona ie llófuegamaci billano Jesumo jicánotiaioi:

—¿Nibái mei comínimo íaioi onoiga izóidedo úritio? —daidiaioi.

¹¹ Jira Jesús uai ote:

—Monamo Juzíñamui illáimana illirui uáfodo ónoñega ráfuiaina, afémie ómoína onótate. Mei íadi baie comini áfeniaina ónotanidiaioi. ¹² Mei ua, Juzíñamuina iere onóacadimie mo ie báitaja baimo jáiiena írede. Iemona afémiemo aillo íite. Mei íadi Juzíñamui dibénedo onóacañedimie mona íemo ite due jiza onónana bairórede. ¹³ Ie jira afémacimo íaioi onoiga izóidedo úritícue. Mei afémaci ñúefuena ciódiaioi, mei íadi nai cíoiñedino izói itíaioiza. Daje

izói cacádiaioi, mei íadi nai cacáñedino izói itíaiioi. ¹⁴ Mei áfemona Juzíñamui uai llóraima Isaías afémacina jicana daina uai ñue ícoimo fuilla. Be níuui: Omoí uáfodo cácaitiomoi mei íadi afe dáinana óñoñeitiomoi.

¹⁵ Mei bimaci comeci riiredinona abido jaide.

Daje izói afémaci figo cacáacañediaioi.

Afémaci ui ibaica izói ite. Daií itíaiioi íaiioi uído cíoiñeillena, íemo jíái íaiioi jefodo cácaiñeillena; daje izói íaiioi comécido ñúefuiai óñoñeillena.

Iemona íaiioi cue jíllotallena abido cuemo bínidiaioi, daií Isaías daide.

¹⁶ Mei íadi dani omoí uído omoí ciónamona, daje izói dani omoí jefodo omoí cacánamona ióbidinodiomoi. ¹⁷ Uáfuenta ómoína dáitícue, diga Juzíñamui uai llóraini bie omoí ciónana cíocadiaioi, naa aillo jíáie ñue comíniri. Mei íadi áfena cíóñediaioi. Daje izói bie omoí cacánana cacácadiaioi, mei íadi cacáñediaioi.

Jesús ríjifredimie rigájiai rafue ñue jino lloste
(Mr 4.13-20; Lc 8.11-15)

¹⁸ Jira bíemo omoí cacáreiri. Rífredimie rafue bie izói jino daide. ¹⁹ Monamo ite Juzíñamui illáimana illarui uaina dámie cacáadi, mei íadi afémie áfena íñoñeniadi, afémie comeci afe bie io izoide. Jíi, afe rigájiai iomo baídino izoide. Afe izói comécido jabo ie onoiga ñuera uaina Taife báiruaibite. ²⁰ Afe rigájiai níi afe noficiai emódomo cocidino jana, ñúefuaina raire cacáillano caimare otino coméciai. ²¹ Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are íñediaioi. Mei íadi ñuera uai ícoinia jacire facátafuiai, íemo duere finóllena rácafuiiai afémacimo comuíadi, ñúefuena fáicanocaitiaioi. ²² Afe éegiai illano jana Juzíñamui ñúefuena cacádiaioi ia, bínie ráaniaimo comécina fáifredino. Iere ráanaiacana afémacina jífujete. Nana aféfuiai Juzíñamui ñúefuena íracotaila izói ínotañede. Iemona afe uai afémiemo ñue áide izói íñede. ²³ Mei íadi afe rigájiai níi afe ñuera éniemo baídino jana bie izói ite. Bimaci Juzíñamui ñúefuena cacáillano afe uaina jeire otíaiioi, mei áfena ñue onódiaioiza. Uamona iere aite rigájiai izói afémaci aillo ñúefuiai finóñediaioi. Afémacimona dáarie jamánomo aillo ñúefue finódiaioi, íemo jíáimaci aillo ñúefue finódiaioi. íemo nane jíáie fia jabo aillo ñúefue finódiaioi.

Riga trigo cígimo fiénide raróciai zícua rafue

²⁴ íemo nane Jesús bie íaiioi onoiga izóidífue lloste:

—Monamo ite Juzíñamui illáimana illarui bie izoide. Dámie ñuera íjiai ie jacáfaimo rite. (Aféruillaido comíni diga ráaniai daane riñeno énenorie ritíaiioi.) Bímie ie jacáfaimo jíáiena jaicuíñeno daa trigo rite. ²⁵ Mei íadi naama ínia mei ie diga ícírítimie trigo cígimo fiénide raróciai rizáibite. Rillano oni jaide. ²⁶ Afe trigo móonailamona ímoiaí comuilla llezica riga fiénide raróciai cíozite. ²⁷ Afemona táijitafiregano jacafai náamamo llujide: “Ocuíraima, o ritátaga cai ríganíai níbai ñuera. Mei afe cígimo fiénide ráitíai ¿nínómona comuide?” ²⁸ Jira afefai naama daide: “Níbai níno cue diga ícírítimie bie rizáibiga.” Mei jira afe táijitafiregamaci íena daide: “¿Afe fiénide ráitíai cai áiruailleza meita airótatio?” ²⁹ Mei afémie íaiioína daide: “Dama íteza, aíñoñeno iri, mei afe fiénide ráitíai aíñódiomoina naa trigo diga aíñódiomoiza. ³⁰ Dama trigo diga daane móonaiteza, aíñoñegania ñuera. Afe mei jofo ollíruimo, cue táijitafiregano óreitícue fueñe afe fiénide ráitíai óllena. Afe uano afe ráitíai jobaille eneno icútuaina maitátaitícue. Afe mei cue trígona éenoracomo éenotaitícue.”

Mostaza daina riga raa íjiai rafue
(Mr 4.30-32; Lc 13.18-19)

³¹ íemo nane Jesús bie jíáie onótaitífue lloste:

—Monamo ite Juzíñamui illáimana illarui mostaza daina riga raa íjiaí izoide. Dáamie afe íjiaí ie jacáfaimo rite. ³² Uáfueza, afe íjiaí nana jiáie rífiregajiaí jofomo jéenide. Mei íadi móonalla llezica nana juzítotiaí caifomo are zairide. Afe llezica caifo amena dinori aillo zairide. Afemona áfena ícairuaimo feede ófocuíñuái jillaina nizáibitiaíoi, —daíde. (Afe izói Juzíñamuimo ínotino dúemaci íadi, jamánomo aíllomacina jébuioicaitiaíoi.)

*Levadura daina pan fáitara rafue
(Lc 13.20-21)*

³³ Iemo nane Jesús bie jiáie onoiga izóidifue llote:

—Monamo ite Juzíñamui illáimana illarui pan aillo fáitate levadura izoide. Daa ringo daámani julleco harínana oruítajano, áfemo due jiza levadúrana tamede. Iemona nana afe iféllana mullétano oni aillo fáitate, —daíde. (Afe izói diga jiáimaci Jesumo ínuamona, Juzíñamuimo jaináidino aillo jébuitiaíoi.)

*Jaiái daináuai fuitállena Jesús íaíoi onoiga izóidifuaído comínimo úrite
(Mr 4.33-34)*

³⁴ Nana bífuiaí Jesús íaíoi onoiga izóidifuaído comínimo llote. Onótaitifue afémie llóñenia comínina nñie izói daiíñede. ³⁵ Jaiái Juzíñamui uai llóraíma daina uai ñue ícoímo fuitállena, afémie daií llófuete. Afe be níuúai: Onótaitifuaído jino úriticue.

Juzíñamui énie fínua llezícamaña figo ónoñegafuaí jino llóiticue.

Trigo cígimo comuide fiénide ráitiaí ífue Jesús jino llote

³⁶ Afe mei Jesús nana comíni jino fíiano jofo eromo jaide. Afécomo Jesús llófuegamaci afémiemo jicánuaibitiaíoi:

—Jacáfaimo comuide fiénide ráitiaí rafue caímo jino ñue llóiri, —daídíaíoi.

³⁷ Jira Jesús íaíoiña daíde:

—Afe ñuera íjiaí ritímie jana Nanoide Hima Jitó Cristo. ³⁸ Afe jacafai jana bie énie. Afe ñuera rigájiaí jana Juzíñamui illáimana illáruimo jaináidino. Afe fiénide ráitiaí jana Taífemo jaináidino. ³⁹ Afe fiénide ráitiaí rizáibitímie dama Taífe. Afe llizíllajiaí jofo otá éenua jana énie fuillírui. Iemo afe llizíllajiaí jofo otino jana Juzíñamui abi imaci. ⁴⁰ Ie mei afe fiénide ráitiaí jobáillena oni eneno jóonia izói, afe izói énie fuillírui fiénidíno zúite. ⁴¹ Aféruimo Nanoide Hima Jitó Cristo ie abi imaci óreite, jiáimana fiénidifue finótatino eneno óllena, naa fiénidifue finódinori. ⁴² Afémacina iraimo dótaite. Aféno mo iere éenaitiaíoi; iere izi cácaillamona murímuritiaíoi. ⁴³ Ie mei Juzíñamui jitailla izói finódino íaíoi Moo illáimana illáruimo jítoma uíeco meáire egáíñua izói íaíoi maíñoca Juzíñamui ebíredifuenta jino cíotaitiaíoi. Omoí cacáacania, cacai.

Retáidoga ráifide raa jino onótaitifue

⁴⁴ Monamo ite Juzíñamui illáimaitagamacina íacadino bie izói fínoitiaíoi. Énie anamo ónonino retáidoga ráifide raa jénua izói fínoitiaíoi. Nñie monado daa come afe retáidoga ráifide raa baite. Bailla mei, abído daáno mo áfena retáidote. Afe mei jofomo íóbicana jaillano nana íemo ite raa fécajide. Raa fécajano oga úcubedo afe retáidua énie íbajide.

Perla daina iere ráifide zírjiaí jino onótaitifue

⁴⁵ Nane daje izói monamo ite Juzíñamui illáimaitagamacina íacadino perla jenoda fécaíredímie izói fínoitiaíoi. Afémie jicado jenode. ⁴⁶ Iere ráifide perla daa ie baía, nana íemo ite ráaniaí fécajano, ie ciona ráifidíjiaí íbajide.

Chamu ora llóiji onótaitifue

⁴⁷ Daje izói nane monamo ite Juziñamui illáimana illarui, jóraimo dótafirega chamu ora llóiji izoide. Afe llóiji nana jiáiforiede chámuna ote. ⁴⁸ Afe llóiji oruilla llezica, facódino oni fuédamo jainácana uite. Afénomo raináillano, ñuera chamu diga nizédiaioi. Fiénidino oni dótano ñuera chamu íaioi cirígaimo iráidiaioi. ⁴⁹ Afe izói énie fuillíruimo comínimo íite. Juziñamui abi imaci billano ñuemaci fiénidimacimona oni eneno ofítaite. ⁵⁰ Iemo fiénidinona iraimo óreite. Afénomo iere éenaitiaioi. Izi cácanamona murímuritiaioi.

Comue ráifide raa naa jácaie diga

⁵¹ Afe mei Jesús íaioina jicánote:

—¿Meita omoi nana bífuiaina onódomoi? —daide.

Jira afémaci daidíaioi:

—Jii, Ocuíraima onódicaí, —daidíaioi.

⁵² Iemona Jesús íaioina daide:

—Cue ocuica uaina ñue llófuefiredimie, monamo ite Juziñamui illáimana illirui dibénedo llófua llezica bie izói íficaide. Aillue jofo naama ie éenoga ráamona comue raa jino úana onode. Iemo jiáiruideo jácara raa mei íadi nai ñuera raa, jino úana onode. Afe izói afe ñue llófuefiredimie nana ie onóigafuiaimona cue cómfue naa jaiai lloga jácafue diga jino llúana onode, —daide.

Jesús Nazaret jófuego jaide

(Mr 6.1-6; Lc 4.16-30)

⁵³ Jesús nana bie jino ñue onótatífuiaí lua méifomo dama ie éniemo jaide.

⁵⁴ Dúciizaillano afénomo ite Juziñamui uai llorácomo llófue. Aferi comíni caimare fáigacaidiaioi. Daidíaioi:

—Bímie ¿ninómona diga ráfuiaina onode? Bie cíorainina raa ¿ñie izói finode? ⁵⁵ Bímie baie rabiciaimo táijifiredimie jító. Ie ei María. Daje izói afémie ámatiaí Santiago, José, Simón, Judas benomo cairi ite. ⁵⁶ Daje izói ie miríngotiaí cai cígimo itíaioi. ¿Mei ninómona nana bífuaena onode? —daidíaioi. ⁵⁷ Iemona afémie llógamo náfueacañediaioi. Mei jira Jesús íaioina daide:

—Nana jiámaciaí Juziñamui uai llórainmana jiéruitiaioi, mei íadi dama ie comuíllano comíni íena jámairuitiaioi, daje izói naa ie jofo ero comíniri, —daide.

⁵⁸ Ie jira afénomo cíorainina raana aillo finóñede, mei afémaci afémiemo íinoñediaioiza.

14

Juan Bautista tílla

(Mr 6.14-29; Lc 9.7-9)

¹ Aféruillaído Galilea énie ocuídillaíma Herodes, Jesús jalléinana fidide. ² Fídiano ie diga itínona daide:

—Bímie tíllamona meine abído cáadimie Juan Bautista. Iemona afémiemo cíorainina raa finolle ríino ite, —daide.

³ Mei jaiai nano Herodes Juaana maitá llavéracomo uitátate. Mei nauí Herodes ie ama Felipe aí Herodías daínango aina ote. Ua mei, Juan Heródesna ríire lletádeza. Ie lleta jira íena llavétate. ⁴ Juan daína uai be ñie:

—O bie ringo o aí izói uícainidio, —daide.

⁵ Daií daína jira Herodes Juaana fáiacade. Mei íadi comínina jacíruite, mei “Afe Juan Juziñamui dibénedo úrifiredeza,” daidíaioi. ⁶ Afe méifodo, Herodes ie jocóinamona jiáie fimona fuilláruimo dúcide. Aféruideo ie cumpleaños rafue fínua llezica, iráizillena llogano eróicana Herodías jiza bai zaizájide. Afengo záillana Herodes iere ebíruite. ⁷ Afena iere gáinamona Herodes ríirede uaido daide:

—Ninó o jicáacanana rairuíñoeno íredicue, —daide.

⁸ Iemona afengo ei uícodo llua izói Heródena daide:

—Juan Bautista ifoci plátomo jóoneta cuemo ati, —daide.

⁹ Aferi ocuídillaíma Herodes zúucaide. Mei íadi uícodo riírede uaido dáinana nana iráizillena llogano cacádiaíoi. Jira jíáifodo méidoñeno nano fueñe ie daína izói ocuide.

¹⁰ Iemona llavéracomo llaveca Juan ifócina jaitátate. ¹¹ Afe mei jáitano plátomo jóoniano aféngomo izájidiaíoi. Afe méifodo afengo afe ifócina ie eimo ite, afengo Juan ua tíllana onóillena.

¹² Afe mei afe Juan diga jáicadino uillano ie abi raíájidiaíoi. Afe mei Jesumo llujáidiaíoi.

Jesús cinco mil comini ecade

(Mr 6.30-44; Lc 9.10-17; Jn 6.1-14)

¹³ Jesús Juan fáajana fidíillano dama ruica táinomo nocaedo jaide. Mei íadi comini ie jáillana fidíillano naga jófuiaímona ie illánomo arido jáidiaíoi. ¹⁴ Iemo Jesús afe nocáemona ari jailla llezica, diga comini ofíllana ciode. Cíoillano íaioímo dúecaide. Afémiemo atica iráredínuaína jíllotate. ¹⁵ Ja nauízaila llezica ie llófuegamaci afémiena daízaíbitiaíoi:

—Ja nauide. Benomo buna iñede. Nana comínina mai jófuemo oreri, afe áinori ite dúegobaiímo íaíoi güille íaíoi íbajillena, —daídiaíoi.

¹⁶ Jira Jesús afémacina daide:

—Afémaci nai jáinidiaíoi. Afémaci daní omoí eca, —daide.

¹⁷ Jira afémaci uai otíaíoi:

—Cinco diga páaniai, íemo mena chamu afe baiímo jíáiena caímo iñede, —daídiaíoi.

¹⁸ Jira Jesús íaioína daide:

—Mai áfena cuemo ati, —daide.

¹⁹ Afe mei nana comínina daide: “Ráitiai emódomo ana omoí ráii,” daide. Afe llezica Jesús cinco diga páaniai mena chamu diga llínnota, monamo érocailano Juzíñamuina “Figora” daide. Daí daína méifodo Jesús afe pan ditada ie llófuegamacimo ite, afémaci nana comínimo fecállena. ²⁰ Afe güillano nana comini ñue jeírediaíoi. Íaíoi güilla mei, güiga állana ie llófuegamaci doce cirígai oruítatiaíoi. ²¹ Afe güitino cinco mil diga ííñiaí. Iemo afe baiímo ringóniaí naa úruiaíri fácadoñega.

Jesús jainoi emódodo macade

(Mr 6.45-52; Jn 6.16-21)

²² Afe mei Jesús ie llófuegamacina daide: “Mai ifódino ruica enéferaimo nocaedo omoí jairi. Afe llezica bie comini ráinoíticueza,” daide. ²³ Comini ráinua mei Jesús caifónedumo dama Juzíñamuimo úrizaide. Nauízaila llezica Jesús afénomo dama ite. ²⁴ Afe llezica íaíoi jailla nocáe bai dáaferaimo ite. Mei íadi jorai bagua meine íaioína ñuitáñuitade. Afe llezica jairifo meine íaioína fúuoide. ²⁵ Como monáioicaidemo Jesús jainoi emódodo afémaci diné macácana jaide. ²⁶ Afe jainoi emódodo jáillana cíoillano, caillíoidiaíoi. “Janaba billa,” daínano iere jacínaitiaíoi.

²⁷ Mei íadi Jesús íaioína daide:

—Cueza, jacínaiñeno omoí iri. Abí omoí mame, —daide.

²⁸ Jira Pedro afémiena daide:

—Ocuíraíma, mei ónia, o illánomo mai jainoi emódodo cue macáta, —daide.

²⁹ Jira Jesús íena daide:

—Mai mei bi, —daide.

Iemona Pedro nocáemona ana jaillano jainoi emódodo Jesús diné macácana jaide.

³⁰ Mei íadi jairifo riire jáíñua cacáillano abi jácidote. Afe llezica afémie ja anábaiacade. Anábaioicailla llezica afémie caillide:

—¡Ocuíraíma, iñédicueza, cue llínno! —daide.

³¹ Daí daína llezica, Jesús ónoído llínnota daide:

—¡Nii o due ñnua! ¿Níbái mei o ñnogafuena fáicanocaidio? —daide.

³² Nocaemo caifo íaillinoi jailla llezica, afe jairifo llícaide. ³³ Iemona afécaemo itino, Jesús anamo dújuillano íena daide:

—Uáfuena, Juzíñamui Jitódioza, —daidíai.

Jesús Genesaret éniemo ite iráredino jíllotate
(Mr 6.53-56)

³⁴ Jorai ruica jáitajano Genesaret éniemo dúcidíai. (Afe énie jáífodo mameina Galilea.) ³⁵ Iemo afeno comini ñue afémiena onónamona, nana afénomo itígobaiemo conímana fidítai. Afemona afénomo ite iráredinuiaina Jesumo atídíai. ³⁶ Daa afémie inícuero fueda jetánollena izire jicádíai. Iemona nana ie inícuero fueda jetádino jíllodíai.

15

Cómena íaire finode raa
(Mr 7.1-23)

¹ Afe mei dáarie Jerusalémona bite fariséuai naa ocuica uai llófuefiredinori Jesumo jicánuaibitíai:

² —¿Níbái mei o llófuegamaci cai uzútiai daina uaina oni caitáfiredíai? Mei afémaci fiénidífue múiñua jana, nai güiñena llezica onoi jócuana finóñediaoiza, —daidíai.

³ Mei afe ibana Jesús íaiemo jicánote:

—¿Mei nibái omoi Juzíñamui riire ocuica uai oni caitáfiredíai dani omoi jaii daina uaimo náfuellena? ⁴ Mei Juzíñamui caina daide: “O moo o ei diga caimare omoi uicairi. Dámie ie moona ie ei diga íaire dáia, afémie tíiteza,” daide. ⁵ Mei jáífodo daiífiredíai. Dámie ie moona ie ei diga bie izói daiífiredíai: “Moo, ona canónidíai, mei nana cuemo ite raa Juzíñamui fecállena cue mamécaza.” ⁶ Iemo ninó dáamie daií dáia, ie moo ie ei diga canolle afémiemo dúñede, daií daiífiredíai. Daií omoi dánamona Juzíñamui ocuica uai jámairuitadíai, dani omoi jaii daina uáillaime náfuellena. ⁷ ¡Comeci diné ráatailla mei, abina ñue cíoidinodíai! Jaii Juzíñamui uai llóraima Isaías ie ciegánicomo omoi dibénedo uáfodo úrite. Be afe uai:

⁸ Bie comini fia fuedo cuemo ñuefue mamédíai, mei íadi íai comececi diné íairedeza, cuemo jaináñede.

⁹ Diga ebírede ráfuiado cuemo caimátaidíai íadi, afe caimátailla ráifíñede, mei afémaci jáimaci llófuia jamai come ocuica uáillaiza.

Isaías Juzíñamui daináuai bie izói cuete.

¹⁰ Afe mei comini uáidota Jesús íaiina daide:

—Cacáillano ñue omoi onoiri. ¹¹ Come fuedo jofo jaide raa afémiena íairetañede. Mei jáífodo come fuémona bite uai, afémiena íaretate, —daide.

¹² Afe jira ie llófuegamaci Jesuna daiízaibitíai:

—¿Meita onódioza, o daina uáillaia cacáillano fariséuai íciritíai? —daidíai.

¹³ Mei íadi Jesús jáífodo uai ote:

—Naga Juzíñamui uáfuena jaináñedíai monamo ite cue Moo ríñega raa izóidíai. Afémaci come gáñega riga raa naa jáinaori aiñólle izói táinocaitallíai. ¹⁴ Afe baie fariséuai dama daiítadíoiza; áfemo lloño. Mei afémaci únidíno izóidíno. Iemo afe llezica jáie únidíno ifódíai. Únidímie jáie únidímie ifóadi, nágaillinoi dáafomo báitiaillinoi, —daide.

¹⁵ Jira Pedro Jesuna daide:

—Bie uai jino caimo féinino llone, —daide.

¹⁶ Jira Jesús jicánote:

—¿Omoi jái nai onóñedíai? ¹⁷ ¿Onóñedíai, fuedo jofo jaide raa jébegeoimo jaide; afe mei abímona jino faiga? ¹⁸ Mei íadi come fuémona jino bite uáilla ana comécimona

comuide. Afe bie uailai dama afémiena íáiruitade. ¹⁹ Mei diga íaifuias come comécimona comuide. Fieni comeci fácafuia comuide. Daje izói daje comécimona jíáima fáiacanafuia comuide. Iemo jíáima ai diga íacanafue come comécimona comuide, naa jíáie iere jiruírenafuiai. Iemo jíái meríillafuia come comécimona comuide. Daje izói táinona úrilla uailai, naa jíáimana íáire daináuailai come comécimona comuide. ²⁰ Afe bífuia cómena iere íáiruitanona orede. Mei íadi fiénidífue múñua jana onoi jócuana finóñeno dáamie güíadi, áfena cómena íaifueredimiena oréñede, —daide.

Jicánemaci ringo Jesuna ñnote
(Mr 7.24-30)

²¹ Afénomona Jesús oni jíáie éniemo jaide. Afénomo Tiro jofue Sidón jofue diga ite.
²² Afénomo Canaán énie ingo Jesús diné caillícana bite:
—Cai ocuífiredé jaias illaíma David comuítagamie, cuemo dúecai. Cue jiza fiénide jóriai úicaigaza, iere duere zefuide, —daide.

²³ Mei íadi Jesús aféngona ñie izói daíñede. Mei jira ie llófuegamaci íemo izire jícaibitiaioi:
—Mai ie uai fáirio, mei cai méifodo duere caillícana bíteza, —daídaioi.

²⁴ Jira Jesús daide:
—Juzíñamui daní Israel náiraimona oni féiraité ovejai izóidino mameda cuena orede, mei afémaci Juzíñamui lloga uailai jeire oñediaioiza, —daide.

²⁵ Mei íadi afengo Jesús diné billano afémie anamo dújude. Dújuillano afémiemo jicade:
—¡Ocuíraíma, mai cue cano! —daide.

²⁶ Jira Jesús aféngona daide:
—Uruias izoide Judíuai ónoimona pan bairoda jicónias izoide jicánemacimo illa fiénide, —daide.

²⁷ Mei afengo jaca nai daide:
—Cai Ocuíraíma, jii uáfueza, mei íadi jicónias naama güígamona ana baide íruaina güífrediaioi, —daide.

²⁸ Mei jira Jesús aféngona daide:
—O ico iere ñnotioza. Cuemo o jícaze, daí íteza, —daide.
Daí daina llezica afengo jiza jíllode.

Jesús aillo iráredinuias jíllotate

²⁹ Afénomona Jesús oni jaillano Galilea jorai fuédado jaide. Afe mei caifónedu ícoimo ráizaide. ³⁰ Iemo afémie illánomo aillo comini garilla. Afe jáidino diga jíáiforie iráredino uitiaioi. Afémiemo ídainidino atidiaioi, íemo únidinuias, íemo uáinidino, íemo ónoinidinuias, íemo diga jíáie iráredino afémiemo atidiaioi. Dieze átiano Jesús anamo jóonetiaioi. Iemona afémie nana afémacina jíllotate. ³¹ Afe afémie fínuari comini caimare fáigacaidiaioi, mei eróidiaioimo uáinidino úritiaioiza. Iemo ónoinidino ñue jíllodiaioiza. Iemo ídainidino ñue macádiaioiza. Iemo únidinino ñue ciódiaioiza. Iemona Israel náirai Juzíñamuimo ñuefue nitádiaioi.

Jesús cuatro mil dígade comini ecade
(Mr 8.1-10)

³² Afe llezica Jesús ie llófuegamaci uáiduano daide:
—Bie cominimo dúecaidicue. Ja daruíamani benó cue diga itiaioiza. Iemo íaioi güíllena ja íñede. Afémacina íaioi jofomo ecáñeno oréacañedicue, io anamo íaioi zafénaiza daí, —daide.

³³ Iemo ie llófuegamaci íena daídaioi:
—Mei benomo comini jofue íñedeza, bie aillo comini ecállena ¿ninómona óiticaí? —daídaioi.

³⁴ Jira Jesús afémacimo jicánote:

—¿Omoimo niga páaniai ite? —daide.

Jira afémaci daidíai:

—Siete diga pan ite íemo due chámuna ite, —daidíai.

³⁵ Afe mei nana comínina: “Ana omoi ráii,” daide. ³⁶ Daí daina méifomo siete dígade panes naa chamu diga llínota, Juzíñamuina “Iere figura” daide. Afe mei ditada, ie llófuegamacimo ite, afémaci nana comínido fecállena. ³⁷ Afena nana güitíai. Iaiói güilla mei nana ñue jeírediaí. Afe mei íaiói güiga állana siete diga cirigai orúitai. ³⁸ Afe güitino cuatro mil dígadimaci. Afe baimo ringóniaí naa úruiaíri fácadonega. ³⁹ Afe mei Jesús afe gairide comíni rainode. Ráinua mei ana nocaemo jaillano oni Magdala éniemo jaide.

16

Fariséuai naa saducéuai diga ciórainina raa finóllena jicádiaí
(Mr 8.11-13; Lc 12.54-56)

¹ Fariséuai naa saducéuai diga Jesumo eróizaidiaí. Iemo afémie fiéni facátallena monámona comuide ciórainina raana finótaacadiaí.

² Mei íadi afe llezica afémie jíáifodo uai ote:

—Nauíacana llezica mona jáirenia uire jiti ñue mónaite daífirediomoi. ³ Iemo jítiramo dibénemo mona jáire nairíadi, bie mona fiénite, daífirediomoi. ¡Comeci jáirena mei, jino abi diné ñue cíoidinodiomoi! Uire jítiramo ñue mona monaille llote raana ñue onódiomoi. Mei íadi birui omoi cígimo cue finoca onótatifuiaína onóñediomoi. ⁴ Biruido ite ínoñede fiénidino ciórainina raana finóllena jicáfirediaí. Mei íadi naui Juzíñamui uai llóraíma Jonásmo zúidífue íaiói onótatifue. Afefue baimo jíáífueña llóñeilliaí, —daide.

Daí daina mei, afémacina fáicanocaillano Jesús oni jíáinomo jaide.

Fariséuai taino llófrenafue levadura daina pan aillo fáitate raa izoide
(Mr 8.14-21)

⁵ Jesús llófuegamaci jorai ruícafenemo jailla llezica, pan féideza uíñediaí. ⁶ Afe mei Jesús íaióina daide:

—Ero, fariséuai naa saducéuaimo ite levadura daina pan aillo fáitate raa izóidemoná abí omoi rairuiri, —daide.

⁷ Mei jira llófuegamaci daní conímana daidíai:

—Nibai pan cai atíñena jira afémie daí daide, —daidíai.

⁸ Jesús áfena comécido onóillano daide:

—¿Nibái mei páanidicai daidíomoi? ¡Omoi ico nai figo ínoñediomoi! ⁹ ¿Nai cinco páaniaí ditada cinco mil comíni cue écamo jaca uíbicaíñediomoi? ¿Nai áfena ñue onóñediomoi? Aféruido fiébidinona ¿niga cirigai orúitai? ¹⁰ Iemo daje izói siete dígade páaniaí cuatro mil comínimo cue feca mei ¿niga cirigai fiébidinona iráidiomoi? ¿Afemo jíái daje izói uíbicaíñediomoi? ¹¹ ¿Minícamo jízidiomoi levadúrado cue úrillana nai onóñena? Naui fariséuai, naa saducéuaimo ite levadúramona abí omoi rairuiri cue daina uaina jamai paando úriñedicue; jíáífue lloticue.

¹² Afemona ie llófuegamaci ie dáinana ñue onódiaí. Pan aillo fáitate levadúramona abí rairuillana lloñeídeza. Mei jíáifodo fariséuai naa saducéuai jino lloga taino llófuiamona abí rairuíredeza.

Pedro Jesús Crístona jino jaícina llote
(Mr 8.27-30; Lc 9.18-21)

¹³ Afe mei Filípomo dúide Cesarea éniemo Jesús dúcina llezica, ie llófuegamacimo jicánote:

—Cue Nanoide fima Jitódicueza. Afe dibénena ¿ñie izói comíni daidíai? —daide.

¹⁴ Jira afémaci daidíaiói:

—Dáamierie “Bie Juan Bautista” daidíaiói, jiáimaci “Bie Elías” daidíaiói, íemo nai jiáimaci “Nibai Jeremías, nibai jiáie Juzíñamui uai llóraima,” —daidíaiói.

¹⁵ Mei jira Jesús daide:

—Omoi ¿mei nñe izói cuena daidíomoi? —daide.

¹⁶ Jira Simón Pedro uai ote:

—Juzíñamui nizeca Cristo dainámiedio. Daje izói caade Juzíñamui Jitódio, —daide.

¹⁷ Jira Jesús afémie uai ote:

—Jonás jitó Simón, o iere ióbidio. Mei ailli o daina uai cómemona omo llóñegaza. Mei jiáifodo monamo ite cue Moo Juzíñamui omo lloga. ¹⁸ Ona Pédrodio dáitícue. Mei jae cuena o daina uai riírede oni dotánide nofici izóideza. Iemona afe bie riírede nofici izoide uáitanide dainamo cuemo ñnotinona comuítaitícue. Iemona titáfirede ríino cuemo ñnotinona anáfenoñeite. ¹⁹ Iemo jiái monamo ite Juzíñamui illáimana illano naze zuitáfirena llave izoide raa omo ítícue. Iemona bíníemo o rairuícafueña, daje izói monamo ráiruiteza. Afe izói bíníemo o ráiruíñegafueña monamo ráiruíñelle, —dinori Jesús daide.

²⁰ Afe mei Jesús ie llófuegamacina Crístona ie íllana bumo jino llotáñede.

Jesús ie tülle llote

(Mr 8.31-9.1; Lc 9.22-27)

²¹ Aféruimona Jesús Jerusalemo ie jáizaillena ie llófuegamacimo jino uáfodo llote. Iaioina daide: “Jerusalemo cue dúcille mei ocuífírede éicomíni, naa lletáiraini illáiniri, íemo jiái ocuica uai llófuefiredinori nana iere cuena duere fínoítiaíoi. Omoimo llotícueza cuena titaitiaíoi, mei íadi daruíámani íllemona meine abido cáadimíena ítícue,” daide. ²² Afe jira Pedro Jesús bai uillano íena lletade. Daide:

—Ocuíraima cacai, Juzíñamui afe izói gáñede. ¡Aféfuiai jaca omo zúíñeiteza! —daide.

²³ Mei jira Jesús oni gírecaillano afémíena daide:

—Satanás uícaigaoza. Cúemona oni jai; cue llótaidotioza. Juzíñamui comeci faca izói o comécina facáñedio. Jamai come comeci faca izói o comécina facádio, —daide.

²⁴ Afe jira Jesús ie llófuegamacina daide:

—Ninó dáamie cuedo jáiacania dama ie comeci jitáillana féitarede. Féitano cuedo jáirede. Afémie cuedo jailla ícoínia tídena, afémie áfena izire ónide. ²⁵ Mei ninó dáamie ie cáananona rairuíacadimie áfena táinomo fáífitaitie. Mei jiáifodo cue ícoínia ie cáananona táinomo fáífitimie afe fáífidena abido máíñoite, jaca ninomo zíñona ie íllena. ²⁶ Mei daa come nana bíníe ráaniaí aillo náamataadi, íemo afe llezica dama ie comeci afémie táinocaitaiadi, nana ie maiñoca ráaniaí afémíena jíllotañeite. Mei daa come ie comécina ¿nieze íbárede? ²⁷ Mei uáfueza, Nanoide fima Jitódicueza. Cue Moomo ite ebíredinuiái naa ie abi ímáciri uire bíitícue. Iemona illa dígamie íaíoi finócaza fécaítícue. ²⁸ Uáfueña ómoína dáitícue, benó cue diga ítínomona dáarie nai tíñeítiaíoi mo illáimana cue bíllana cíoitiaíoi, —daide.

17

Jesús abi jiáifo méidoficaide

(Mr 9.2-13; Lc 9.28-36)

¹ Seis dígarui jailla mei, Jesús Pedro, Santiago, Juan diga uite. Dígamie dani eneno iere caifónedumo uite. ² Afénomo íaíoi eróicana ie abi jiáifo méidoficaide. Ie uíeco jitoma izói queníreficaide. Daje llezica ie ínícuiro jamánomo úzereficaide. Luz egáíñua izói úzere.

³ Afe llezica, Moisés, Elías, Jesús diga úrillana cíodiaíoi. ⁴ Jira Pedro Jesuna daide:

—Cai Ocuíraima, nñi cai benó caimare cai illa. O jitáiaí daámani jofóchupi benó cai nilli; daa óochupi, jiáie Moisés ie, íemo jiáie Elías ichupi, —daí daide.

⁵ Daií Pedro úrioina llezica, iere quenírede mona ero uíllie, íaioi ferínocaide. Afe uílliemona da uai cacacaide. Afe uai daide:

—Bie iere cue izíruga Jitó. Afémiemo omoi cacáreiri, —daide.

⁶ Afe uaina cacáillano ie llófuegamaci éniemo fueco diné bíjicaidiaioi. Afémaci iere jacínaitiaioi. ⁷ Afe méifomo Jesús íaioina jetánota daide:

—Jacíruiñoeno caifo omoi náidacai, —daide.

⁸ Afemona érocaidiaioimo, ja buna cióñena. Dama Jesús ciódiaioi.

⁹ Afe íduaimona fei íaioi billa llezica, Jesús afémaci ocuide:

—Bie omoi ciona rafue bumo lloñoeno iri. Nanoide fima Jitódicueza, tíllamona nai meine abido cue cáañeille dinó lloñoeno omoi iri, —daide.

¹⁰ Iemona ie llófuegamaci Jesumo jicánotiaioi:

—¿Níbái mei ocuilla uai llófueraíni Elías raire uícodo bírena, daiífirediaioi? —jicánotiaioi.

¹¹ Jira Jesús uai ote:

—Uáfueña Elías fueñe bille. Billano naga ráaniaina ñue fínoite. ¹² Mei íadi: “Elías ja bite” ómoína daidicue. Mei bimaci afémiena onóñediaioi. Afémiena onóñenamona afémaci comeci óiacana izói afémiena finódiaioi. Iemo birui Nanoide fima Jitódicueza, afe izói cuena duere zefuítaitiaioi, —daide.

¹³ Iemona ie llófuegamaci, Jesús Juan Bautístado íaioimo úrite, comécido daidíaioi.

Jesús fiénide joríaí uícaiga jítócomena jílлотate

(Mr 9.14-29; Lc 9.37-43)

¹⁴ Idumona ana comíni illánomo bitíaioimo, dámie Jesús anamo dújuzaibite. Dújuzaibillano daide:

¹⁵ —Cai Ocuíraíma, mai cue jitomo dúecai. Fiénide joríaí íena naillítafirede. Aferi afémie iere duere zefuide. Afémie díga ícaíño iraimo baiífirede; jíáiruido illemo baiífirede.

¹⁶ Benomo o llófuegamacimo cue atica, mei íadi afémaci afémiena jílлотanidiaioi, —daide.

¹⁷ Jira Jesús uai ote:

—¡Aííí! ¡Níñena jamánomo ínofinidiomoi! Níuefueña jámairuitiomoi. Omoi ñue cue rairuíllena, ¿ñie dinó omoi cígimo íredicue? Afe jítócome cuemo ati, —daide.

¹⁸ Atia mei, Jesús afémiemo ite fiénide joríaí izire rairuide. Rairuíllano jino orede. Afe daií daína llezica, afe jítócome jílllobicaide.

¹⁹ Afe mei Jesús llófuegamaci bai eneno Jesús díga úrite; jicánotiaioi:

—¿Mei níbái cai afe fiénide joríaí orénidicai? —daidíaioi.

²⁰ Jira Jesús íaioina daide:

—Omoi nai figo íñoñediomoiza, afe fiénide joríaí nai jino orénidiomoiza. Uáfueña ómoína dáíticue, ua due omoi ínoiadi iere juáredifueña finórediomoí. Omoi ínogafue mostaza íjji jamánomo dúena izoide íadi, áfedo iere juáredifueña fínoitiomoi. Bie áillue caifóneduna “Oni jai” o daiíadi, afedu oni jíánomo jáite. Uáfueña omoi ínoiadi, jánaideza finónide raa ómoimo íñeite. ²¹ Mei íadi bie izoide fiénide joríaí dama cai güíllena güíñeno fímaírrillado íemo jíái Juzíñamuimo cai úrillado jino orérede.

Jesús nané íe tílle dáanomo jino llote

(Mr 9.30-32; Lc 9.43-45)

²² Galilea éniédo íaioi macácailla llezica, Jesús íe llófuegamacimo íe tíllifueña íaioimo llote; daide:

—Nanoide fima Jitódicueza, nairaí duere finóllena uíllicue. ²³ Afe mei cuena títaítiaioi. Mei íadi daruíámáni íllamona meine abido cáadimiena ííticue, —daide. Aféfueña cacáillano iere zúucaidiaioi.

Juzíñamuimo gairíracomo dúide úcube Jesús íbade

²⁴ Jesús naa ie llófuegamaciri Capernaum jófue mo dúcídíai. Dúcina llezica, Juziñamui gairíracomo dúide úcube jicáfiredino Pédro mo jicánuaídíai:

—¿Omoi llófueraima afe raiñoca úcubena íbaiñete? —jicánotíai.

²⁵ Jira Pedro:

—Jii, íbaite, —daide. Afe mei Pedro jofo jailla llezica, Jesús fueñe Pédrone daide:

—Simón, ¿ómona ñie izói cíide? Bínie illaini ¿ñie comínimo úcube jicáfiredíai? ¿Meita dani ie comínimo? ¿Mei jíáfodo jicánemacimo? ¿Ñie comínimo? —daide.

²⁶ Jira Pedro:

—Jicánemacimo, —daide.

Iemo Jesús íena daide:

—Ie jira dani ie comíni íbánidíai. Iemona afe ailli omo íaii jicaca raiñoca úcube íbánidíe, ¿ero ua? Jii, íbánidíe. ²⁷ Mei íadi bu cai íciñeilla, áfena íbaitíe. Ie jira jóraimo jaillano fácuai. Fueñe riáibite chamu o oíri. Otá ie fue eromo daa úcubetuni báitíza. Afe úcubetuni cócomo jicaca úcube záitáiteza. Afétuni uano afémacimo o íbari, —daide.

18

¿Ñie come iere jamánomina?

(Mr 9.33-37; Lc 9.46-48)

¹ Aféruido ie llófuegamaci dáanomo gairíllano Jesumo jicánotíai:

—Monamo ite Juziñamui illáimana illáruimo ¿ñie come iere jamánomina? —daídíai.

² Afemona Jesús daa jíiza uáiduano íaii cigiri naidánete. ³ Daí ñiano daide:

—Uáfueña ómoína daídíe, omoi illafue jamai comécina mánairede úrue illa izói méidoredíomoi. Afe izói omoi íñenia jaca monamo ite Juziñamui illáimana illánomo jofo jáiñeítomoi. ⁴ Mei íadi bie úrue izoide dama ie abi jacire maméñedíe monamo ite Juziñamui illáimana illáruimo jamánomoidíe. Iemo daje izói bie nífuenide úrue illáfueña dama ie illáfueña méidotíe, afémie jamánomina. ⁵ Daa come cue mámedíe bie izoide dúeza llínoiadi afémie ja dáaruido cuena llínote.

Fiénidífuemo come baílla iere jacírede

(Mr 9.42-48; Lc 17.1-2)

⁶ Ñie come daa bie izoide cuemo ínote dúeza fiénidífuemo baítaiadi, afémie jamánomo duere finórede. Monáillaji iere afóredíno ie cimóimo áillue nofici cuinada dotalle baímo ñuera. ⁷ Jáie comínina fiéni finótaoicáidíno ¡ñi dúerena! Oni níbéfodo fiénidífuemo baítífuiaí jaca ífírede; mei íadi afémie afémaci fiénidífuemo baíta ícoína afémie ¡ñi dúerena!

⁸ Iemona, o finócafuedo oni níbéfodo fiénidífuemo o baítadi, dama o onoi jáitaja izói, afefue fínuana fáicanocairi. Daje izói ninó o jáillado fiénidífuemo o baítadi, dama o idai jáitaja izói, afénomo jáillana fáicanocairi. Mei júbene onoi diga daje izói júbene idai diga izói o íllana zíñona illínomo o jáiadi iere ñuera, mei íadi nágafezi diga, comíni duere finólliraimo o baítadi iere figóñede. ⁹ Daje izói minícamo o eróillamona fiénidífuemo o baítadi, dama o uíji cuerónota oni jica dota izói, áfenaimo eróillana fáicanocairi. Mei júbene uina fídíe zíñona illínomo o jáiadi jamánomo ñuera. Mei íadi mena ui diga comíni duere finólliraimo o dotábiadi iere figóñede.

Oveja oni féiraila izoide rafue

(Lc 15.3-7)

¹⁰ Bie úruiaimona daaza jámairuiño omoi iri. Mei ómoína daidícueza, afémacimo uíño Juziñamui abi imaci, monamo ite cue Moo uiecomo jaca ífrediaioiza. ¹¹ Mei Nanoide fima Jitódicueza, oni nibéfodo féiraitino jílotaibiticue.

¹² Omoimona ¿ñie izói comeci facádiomoi? Daa cómemo cien diga ovéjaiaia ia, íemo afémacimona daa oveja féiraiadi, afémie afe noventa y nueve diga ovéjaiaia ie cirínoracomo fiénocaita, afe féiraite oveja júnuailena. ¹³ Afe féiraite oveja bailla lezica, áferi afémie jamánomo ióbide. Ua nana jáie noventa y nueve diga féiraiñede ovéjaiaia baímo, afe baiga féiraitimieri jamánomo ióbide. ¹⁴ Afe izói monamo ite Moo Juziñamui bie dúezaiaimona jaca daa féiraitaacañede.

*Cai ámatiaimona dáme omo fieni íadi, afémiena caimare uáidorediomoí
(Lc 17.3)*

¹⁵ O ama omo fieni úriadi, uái daí jaillano dama afémiemo úrizairi; afémie fieni illa afémiemo ñue lloiri. Afémie áfena náfueiadi, ja afémiena ñue cáimacaitadio. Afémie diga ñue nabáiritio. ¹⁶ Mei íadi afémie áfena náfueñeniadi o uai nábaítana mena come járiri. Afe mei afémiemo úrizairi, mei afémiemo nana nitácafuiia mena come nibai daámani come uai nabáifirenado záitarede. ¹⁷ Mei íadi afémie afémacimo cácareacañenia, Juziñamuina ínote aillo dáanomo gairídino lloiri. Iemo afémie afémacina nai náfueñenia mai afémie Juziñamuimo ínoñedimiena omoi mameri. Daje izói gobierno raiñoa úcube íáirede jicáfiredinona omoi jámairuia izói afémiena omoi jámairuigamiena mameri.

¹⁸ Uáfueña ómoína dáitícue, bíniemo nana omoi féitañega jáimaci fiénidifuiia, daje izói monamo féitañega. Iemo jáifodo bíniemo omoi féitaga jáimaci fiénidifuiia, afe izói monamo féitaga.

¹⁹ Nane dáanomo ómoína dáitícue, ómoimona ménamie bie éniemo dájena mameda Juziñamuimo jicáadi, monamo ite cue Moo ómicoi jaca izói íñoiteza. ²⁰ Mei mena come, nibai daámani come cue mámedido dáanomo gairíadi, afénomo afémaci cígimo itícue, —daide.

²¹ Iemo Pedro Jesumo jicánote:

—Cai Ocuíraima, cue ama cuemo fieni ítena ¿nigacaiño caimare íena uáidoredicue? ¿Meita siete dígacaiño caimare íena uáidoredicue? —daide. ²² Jira Jesús uai ote:

—Siete dígacaiño daíñedicue. Mei jáifodo jamánomo aillo dígacaiño íena caimare uáidoredio. Uafue jaca ñinomo o ámana caimare uáidoredio, —daide.

Caimare uáidoiacañede tájitafigamie izoide rafue

²³ Jesús nai úrioicaide; daide:

—Íe jira monamo ite Juziñamui illáimana illirui bíniemo ite illaima finócafue izoide. Aféllaíma nana ie tájitafigano íemo íbáacaga raana záitaiacade. ²⁴ Afe záitalle táinia mei daa tájitafigamie illámamo atídiaoí. Afémiemo jamánomo aillo íballe ite. ²⁵ Mei íadi afémie úcubende. Íe jira íe ocuidímie daide: “Mai bímie, íe ai naa íe úruia riire ocuífrellinona feca, cuemo dúide íe íbárega raa záitalleza,” —daide. ²⁶ Iemona afe tájitafigamie íe ocuífiredímie anamo dújullano íemo izire jicade: “Cue Ocuidímie, cuemo járitaño. Fíaicana nana omo íbaitícue,” daide. ²⁷ Iemo afe ocuidímie afémiemo dúecaide. Dúecaillano afémie íbárega raa íbatañede. Afe lezica ja afémiena rairuíño macátate. ²⁸ Mei íadi afe tájitafigamie oni jailla lezica, jáie afémie izói tájitafigamie baizájide. Afe tájitafigamie fuéñedimie íballena due íte. Íe jira íe cimoi llínota íena títate izói finode. Afe lezica daide: “Mai cuemo íbárega raa íba,” daide. ²⁹ Iemona íe llaitádimie anamo dújullano íemo izire jicade: “Cuemo raire járitaño. Fíaicana nana omo íbaitícue,” daide. ³⁰ Mei íadi afémie áfena náfueño llavéracomo íena llavétate, íe íbárega íbañelle dino. ³¹ Jáie tájitafigano áfena cíoillano, íere zúucaidiaioí. Iemona nana

afe llezica íficaillafuena íaioi ocuídímie mo llujáidiaoí. ³² Iemona ocuídímie nanóidímiena jírítade. Jírillano íena daide: “Iere fiene táijitafiregamiedio. Mei izire cuemo jicádoza, nana cuemo o íbárega raana dínó fáicanocaidicue. ³³ Omo cue dúecailla izóí, daje izóí o nabaimo dúecairedio,” daide. ³⁴ Afe jira afe ocuídímie iere rícaide. Rícaillano ie nabaimo dúecañedímiena riire duere finótate, nana ie íbárega íbañelle dino.

³⁵ Bie izóí daínado Jesús ie úrillana záitate. Daide:

—Ella dígamie comécido ñue ie ámana uáidoñenia monamo ite cue Moo afe izóí ómoína duere fínoite, —daide.

19

Fima ie ai dótajado Jesús lletade

(Mr 10.1-12)

¹ Jesús bie uaido úrilla méifomo Galilea éniemona jaide. Jaillano Jordán imani ruícafellemo ite Judea éniemo dúcide. ² Diga comini Jesudo jailla, íemo afénomo aillo iráredinuiaína jíllotata.

³ Afe mei fariséuaimona dámierie Jesús zanóllena facátaíbitiaioi. Afémiemo jicánotiaioi: —¿Meita daa come ie áina fia come comeci daínamona dotárede? Afe izoide ¿meita rairuírede? —daidíaoi.

⁴ Jira Jesús uai ote:

—¿Jaiái Juzíñamui Cuegáuaina facádoñediomoi? Afénicomo bie izóí llote. Fueñe comini comuítatímie ringo iima diga finode. ⁵ Nane dáanomo daide: “Bie izóidemona dáamie ie moo ie ei diga fáicanocaite, afe ie ai diga dájena íaillinoi íllena. Iemona afe íaillinoi daade come izóí íite.” ⁶ Afemona ménañedeza, daade come izoide. Ie jira jae Juzíñamui daade come finócaza, comini oni eneno dotánide, —daide.

⁷ Mei jira jicánotiaioi:

—¿Iemo ñibái mei Moisés lloga uaimo áina dotárede daide? Dótaitímie ie dotaca aimo cuegábena írena. Afébena aféngomo íllano, afémie aféngona dotárede, —daide.

⁸ Jira Jesús íaioína daide:

—Mei afe omoi comeci ínoacañenamona Moisés omoi ai dotállena rairuíñede. Mei íadi nanómona daíí mámeñega. ⁹ Cue ómoína dáitícue, daa come ai jiruíreiñeniadi dotáadi, jíáie ringo óiadi afémie fiénide jiruífue finode. Daje izóí oni dotácango otímie jiruífue finode, —daide.

¹⁰ Iemona ie llófuegamaci íena daidíaoi:

—Mei o lloga ringo iima nabaina jaca íadi, ua ráfueza, ¿meita áireiñeno fia cai jáicaille iere baimo ñuera? —daidíaoi.

¹¹ Jira Jesús íaioína daide:

—Nana comini bífuena ónonidiaioi. Dama Juzíñamui onótallino bífuena ónoite. ¹² Híñiaimona dámierie áina ónidiaioi. Dáarie fiene jocóinamona áina ónidiaioi. Jíáimíai comínimona finócari áina ónidiaioi. Iemo jíáimíai Juzíñamui illáimana uai llócaillena jaca áina oñédiaioi. Bie uai jeire óredímie jeire óiteza, —dínori Jesús úrite.

Jesús úruiai ñue íllena finode

(Mr 10.13-16; Lc 18.15-17)

¹³ Afe mei úruiai Jesumo atídiaioi, ie onoi afézaimo bítano afémie Juzíñamuimo afémacido úrillena. Mei íadi ie llófuegamaci úruiai atídino rairuide. ¹⁴ Mei jíáifodo Jesús daide:

—Dama úruiai cue dine bíteza; afémaci rairuíñeno omoi iri. Mei monamo ite Juzíñamui illáimana illáruimo jáitino bie úruiai izóidiaioi, —daide.

¹⁵ Jesús afe úruiaimo onoi bítano íaioína ézicite. Eziciano oni jíáigobemo jaide.

*Ráarede jitócome Jesús diga úrilla
(Mr 10.17-31; Lc 18.18-30)*

¹⁶ Iemo jiáiruido daa jitócome Jesumo úrizabite. Dúciillano íemo jicánote:

—Ñüera Llófueraíma, zíiñona cue illino cue maiñóllena ¿nie ñúefue fínoitícue? —daide.

¹⁷ Jesús íena daide:

—¿Ñibái mei cuena ñüemiedio daidío? Dama Juzíñamui ñüena. Abi diné jiáie ñüemiena iñede. Mei jiáifodo zíiñona illínomo o jáiacania, Juzíñamui cai ocuilla uai jeire o oíri, —daide.

¹⁸ Jira afe jitócome íena daide:

—¿Nee mei aféuai? —daide.

Jira Jesús afémiena daide:

—Jiáimana titáñeno iri. Jiruíreñeno iri. Meríriñeno iri. Jiáie cómemo taino lloñeno iri.

¹⁹ O moo o ei diga caimare jacírui. O abina o izíruilla izóí, o jiáie cómena o izírui, —daide.

²⁰ Jira afe jitócome íena daide:

—Nana bífuiaina jízananomona jeire otícue. ¿Afe baimo ñifue nai cuemo fiébilla? —daide.

²¹ Jira Jesús íena daide:

—Ñífuenino comécina jáicina jóidímie o íacania, mai jaillano omo ite ráaniai o fecari. Fécano afe iba úcube dúredinodo fecari. Afemona monamo ite zíiñona ráifide raa óiena íteza. Afe nana o fecalle mei, mai cuedo bi, —daide.

²² Mei íadi afe jitócome Jesús daí dáiñana cacáillano abido zuure jaide, mei afémie iere ráaredeza.

²³ Iemona Jesús ie llófuegamacina daide:

—Uáfüena ómoína dáitícue, iere aillo ráaredímie mei íadi ie ráaniaina cue baimo afémie izíruiadi, iere féirede Juzíñamui illáimana illíruiamo jáillena. ²⁴ Nane dánomo dáitícue, caméllona mameide áillue rille eedo uífodo enéfemo jailla juánide, mei jiáifodo aillo ráaredímie Juzíñamui illáimana illíruiamo jaille iere juárede, mei ie ráaniai cue baimo afémie izíruiteza, —daide.

²⁵ Ie llófuegamaci áfena cacáillano iere fáigacaidiaíoi. Iemo dani jofo conímaiaímo jicánotiaíoi:

—Femona ¿ñímie jíllorede? —daidíaíoi.

²⁶ Jesús íaíoi mo eróicana daide:

—Comínimona bie izóidífue finónide, mei íadi Juzíñamuimona nana finórede.

²⁷ Iemona Pedro íena daide:

—Cai Ocuíraíma, caímo ite raana nana fiénocaillano odo ja jáidícai. Iemona mei ¿mínica máíñoitícai? —daide.

²⁸ Jesús íaíoi na daide:

—Uáfüena dáitícue, uire jiáiruido naga ráfuiái cómfuiaina jáite. Aféruimo Nanoide íima Jitódícueza ebírede illaíma ráíiranomo ráitícue. Afe llezica omoí cue diga jáicana jira, doce dígade illaíma ráíiranomo ráitímoí. Afenamona doce dígade Israel náiraíai ñue jáicina jicánotímoí. ²⁹ Iemo cue ícoínia naga jofona fiénocaidímie, daje izóí ámatiaí naa ie móotiaíri fiénocaidímie, daje izóí naa úruiaíri fiénocaidímie, íemo jiái ie illano zóofenocaidímie, afémaci cien dígacaiño íbálliaíoi. Daje llezica afémaci zíiñona illínona máíñoitiaíoi. ³⁰ Mei íadi birui aillo uícoficaidíno aféruimo óodaficaite. Daje izóí birui aillo óodaficaidíno uícofcaítaíoi.

¹ Monamo ite Juziñamui illáimana illirui jírícure naama finoca izoide. Afémie jítiramo raire ie táijiramaci jénuaide, ie jírícue óllena. ² Afémie ie táijiramaci íballena afémacimo jaícina lloste: “Daarui táijina iba dieze úcube illa dígamie íbaiticue,” daide. Daí dainano ie jacáfaimo táijillena orede. ³ Afe mei jitoma nuévemo ítemo oni gairíranomo jíáie táijitino jénuaide. Afe gairíranomo dáarie táijiñeno itino baite. ⁴ Iaióina daide: “Mai batí cue jacáfaimo táijizairi. Nauife dibénemo ómoimo ñue íbaiticue,” daide. Iemo afémaci dinomo táijizaidiaioi. ⁵ Afe jacafai naama jitoma jaíciri ítemo meine nane jíáie táijitino jénuaide. Daje izói nane nauife dibénemo jénuaide. ⁶ Iemo nane ja nauízaidemo ocuídime gairíranomo jíáie táijitino jénuaide. Dinomo jíáie táijiñedino baizájide. Iaióina daide: “¿Ñibái mei omoi nágarui táijiñeno benó ífirediomo?” daide. ⁷ Jira afémaci íena daidíaioi: “Mei bu caina táijitañede,” daidíaioi. Iemona afémie íaióina daide: “Omoi daje izói cue jacáfaimo táijizairi. Iemona ómoimo dúide dieze ñue íbaiticue,” daide. ⁸ Ja nauídimo, jacafai naama táijitagano úiñotimiena daide: “Mai táijidino dáanomo uáiduano iba. Írainomo jáidino fueñe ibari, íemo nano fueñe jáidino méifodo ibari,” daide. ⁹ Iemona nauízaiacademo jáidino dúcidiaioi. Afémacimona illa dígamie ñue íaióie táijina iba llínotiaioi. Daa denario daina úcube illa dígamie llínotiaioi. ¹⁰ Afe mei nano fueñe táijizaidino ducina llezica, “Jíáimaci baimo aillo úcubena llínoitícaí,” daí comécido facádiaioi. Mei íadi nana illa dígamie dájerize daarui táijina iba dieze úcube llínotiaioi. ¹¹ Ucube llínua llezica, ocuídime ríicaidiaioi. ¹² Iena daidíaioi: “Bie írainomo dúcidino daa hora táijidiaioi. Mei íadi daa cai o íbaze íaióina íbáidío. Cai náamonaze uzíredemo táijidicaí,” daidíaioi. ¹³ Mei íadi afe ocuídime íaióina daide: “Omoi cacai. Omoimo fiñi íñédicue. Fueñe cai úrilla llezica ¿ómoimo dáaruina táijina iba dieze úcube íbaiticue daíñédicue? Jii, daidicue. ¿Afe llezica áfena jíeruiñediomo? Uáfueza, jíeruitiomo. ¹⁴ O táijina iba llínota, mai jai. Bie írainomo dúcidinona daa o cue íbaze íbáacadicue. ¹⁵ ¿Meita cue úcube cue dotáacana dieze dotánidicue? ¿Meita jíáime cue dúecaillano aillo cue fécarí úradoidío?” dinori ocuídime úrite. ¹⁶ Afe izói fueñedino óodaficaitiaioi, íemo jíái óodaidino úcoficaitiaioi. Mei uafue, jíirigano aillo ite, mei íadi nizécano dúemaci, —dinori Jesús daide.

Jesús nane dáanomo ie tñille lloste
(Mr 10.32-34; Lc 18.31-34)

¹⁷ Jerusalén iodo Jesús jailla llezica, doce dígade ie llófuegamaci bai eneno uillano daide: ¹⁸ —Birui omoi ciona izói Jerusalemo jáidicaí. Daje izói Nanoide Hima Jitódicueza onódiomo. Afénomo lletáriraini illaíma, naa ocuica uai llófueraini cue titállena mámeitiaioi. ¹⁹ Mámiano onínemacimo cuena fécaítiaioi, cue íaióie jífánodoillena. Daje izói ráziaido cuena fáitíiaioi. Afe mei cuena cruzmo córaítiaioi. Mei íadi daruíámani íllemona meine abido cáadimiena jáitíicue, —daide.

Santiago Juan díga íaillinoi ei Jesús díne daa rafue jícánuaíbite
(Mr 10.35-45)

²⁰ Afe mei Santiago Juan díga íaillinoi ei Jesuna daízaíbite. “Mai cuemo dúecairi,” daide. Bíaillinoi moo Zebedeo. Afengo naa afe íaillinoiri Jesús anamo dújuzaíbitiaioi. ²¹ Jira afémie aféngona jícánote:

—¿Minica óiacadio? —daide.

Jira afengo daide:

—Ílláimana o illíruimo dúcille llezica, cue jító íaillinoimona dáamie o nabézimo rainari, íemo jíáime o jarífezimo rainari, —daide.

²² Jira Jesús íaióina daide:

—Omoi cuemo jicaca raana nai figo onõñediomoi. ¿Meita duere cue zefuille izói zefuirediomicoi? Cue duere íaioi finolle izói ¿meita ocuirediomicoi? —daide.

Jira afe íaillinoi: —Jii, —daide.

²³ Iemona íaillinoína daide:

—Iere uáfueza. Duere cue zefuilla izói duere zéfuitiomicoi. Daje izói cue duere íaioi finua izói afe izói duere finólliomicoi. Mei íadi cue nabezi, cue jarífezimo ómicoi ráinaille cue daínidicue. Dama cue Moo uícodo mamécamié ráirena, —daide.

²⁴ Jáie diez dígade ie llófuegamaci afe jicánua cacáillano, afe íaillinoimo ráicaidiaioi.

²⁵ Iemona Jesús dáanomo nana íaioi uáiduano daide:

—Onódiomoiza náiraiaí illaini íaioi úiñoganona ocuíoifirediaioi. Iemo íaiomona iere ocuídillaini afémacimo ite ríinodo iere jacire ocuífirediaioi. ²⁶ Mei íadi omoi cígiri daí íñeite. Mei jíáfodo ómoimona jamánomoidimiena íacadimie, omoi anamo táijidimie izói írede. ²⁷ Daje izói ómoimona uícofiacadimie omoi riire ocuícamié izói írede. ²⁸ Afe izói Nanoide Iima Jitó omoi cígimo ite. Mei jii, jíáimaci cuena canóllena biñédicue, mei jíáfodo nana comini cánuaibiticue. Uafue aillo comini íaioimo ite fiénidifuaiaí oni dóllena tíizaibiticue, —dinori Jesús úrite.

Jesús mena únidimie jíllotate

(Mr 10.46-52; Lc 18.35-43)

²⁹ Jesús naa ie llófuegamaciri Jericó jófueмона jino jailla llezica, díga comini afémiedo jáidiaioi. ³⁰ Jáidiaioimo afe io abimo mena únidimie ráidiaillinoi. Ja Jesús afe íaillinoi abido jáizaillana cacádiaillinoi; cacáillano riire daidiaillinoi:

—Ocuíraima, jaiaí illaíma Davidmona comuítagamie mai cócomo dúecai, —daidiaillinoi.

³¹ Jira comini íaillinoína rairuíaiaioi. Afe íaillinoína, “Uriñeno, líicai,” daidiaioi. Mei íadi afe íaillinoi líicaiñeno jamánomo caillíoidiaillinoi:

—Ocuíraima, jaiaí illaíma Davidmona comuítagamie, mai cócomo dúecai, —daidiaillinoi.

³² Jira Jesús mózide. Mózillano afe íaillinoi jíirillano jicánote:

—¿Ñie izói jítaídiomicoi afe izói ómicoi cue finóllena? —daide.

³³ Jira afe íaillinoi uai ote:

—Ocuíraima, cióacadíco, —daidiaillinoi.

³⁴ Jira Jesús afe íaillinoimo dúecaillano, íaillinoi ui jetade. Jeta llezica ñue ciódiaillinoi. Afe mei Jesúsoiri jáidiaillinoi.

21

Jesús Jerusalemo jofo jaide

(Mr 11.1-11; Lc 19.28-40; Jn 12.12-19)

¹ Ja Jerusalemo áinozidiaioimo, Betfagé duera jófueмо dúcidiaioi. Afe jofue Olivo daina idu áinori ite. Afénomona Jesús ie llófuegamacimona ménamié orede. ² Oriano íaillinoína daide:

—Baie ómicoi uícómo ite duera jófueмо ómicoi jai. Afénomono cuinaca búrrana cíoitíomicoi, naa ie úrue díga. Afe zuitada cuemo atiri. ³ Afénomono comini jíáfodo dáiaí, “Cai Ocuíraima jítaíllano jícácaza; bie búrrana raire abido omo óreite,” daíri, —Jesús daide.

⁴ Bífuaiaí íficaide jaiaí Juzíñamui uai llóraini cueba uai ñue ícoimo fuitállena. Afe uai daide:

⁵ Jerusalena mameide jofue comínina daíri:

“Ero, o illaíma comécina mánaidimie izói billa.

Burra emódomo ráicabite.

Afe méere de raa abífirede burra úrue emódodo bite,” —daide.

⁶ Afe mei ie llófuega íaillinoi jaillano Jesús íaillinoi ocuilla izói finódiaillinoi. ⁷ Afe burra naa ie úrue atidiaillinoi. Atiano íaioi ínícuirona afe búrrana jobédaioi. Afe mei Jesús afe

emódomo ráinazaide. ⁸ Afe llezica aillo comini Jesús jáillao inícuirona jobé diaioi. Jiáimaci rafóruai jáitajano íemo jobé diaioi. ⁹ Dáarie Jesús uícodo jáid diaioi; jiáimaci ódana jáid diaioi. Nana daje izói riire úritiaioi:

—Jai ai illa ima Davidmona comútagamiemo ñúefue mai cai dai illi. Juzíñamui máme cido bitímie caimare íteza. Juzíñamuimo ebíredifue cai mamelli, —dai diaioi.

¹⁰ Jesús Jerusalemo jofo jailla llezica afe jofue comini diga rafue júfidotiaioi. Diga comini afémie dibé nedo jicánotiaioi:

—¿Bie bu? —dai izitiaioi.

¹¹ Jira jiáimaci dai diaioi:

—Bímie Galiléamo ite Nazaret jofue ímie. Afémie Jesús, Juzíñamui uai jino llóraima, —dai diaioi.

*Jesús Juzíñamuimo gairíracó ráfua izói ñue finode
(Mr 11.15-19; Lc 19.45-48; Jn 2.13-22)*

¹² Afe mei Jesús Juzíñamuimo gairíracó como jofo jaillano, afeco eromo ite ráaniai fecá dino naa íbárioidinori jino jiude. Afénomo ite úcube méidofiredino táijinabani Jesús oni cáicoide. Daje izói fíicirillai fecá dino íaioi ráiracuai Jesús oni cáicoide. ¹³ Afémacina daide:

—Juzíñamui Cuegáu ai daide: “Cue jofo daa cuemo úrifireracona íte.” Mei íadi biconá merírifiredino jofo izói finó diomoi, —daide.

¹⁴ Afe Juzíñamuimo gairíracó como Jesús illa llezica dáarie uínidimíai, naa ídainidino Jesumo bitiaioi. Afémie afémacina jíllotate. ¹⁵ Mei íadi lletáriraini illaini, naa ocuica uai llófué tinori Jesús uaido dáinamona comúdena cíoillano ríicaidiaioi. Daje izói afe gairíracó eromo ite úruiai Juzíñamuimo caimátailla uai cacáillano bimaci iere ríicaidiaioi. Mei afe úruiai dai diaioi: “Jai ai illa ima Davidmona comútagamie iere ebíredeza,” dai diaioiza. ¹⁶ Jira bimaci ríicailano Jesuna dai diaioi:

—¿Baie úruiai úrillana cacáñedio? —dai diaioi.

Jira Jesús íaioi uai ote:

—Cacádicue. ¿Bie rafue úrilla cúeina uaina facádoñediomoi? Afe jai ai David daina uai Juzíñamuina bie izói daide:

Uruiai ebire ñúefuena óiena jae rotátatio, —afe dai Jesús íaioimo llote.

¹⁷ Afe mei ie jicánotinona fáicanocaillano Jesús oni Jerusalemona Betania jófue mo íniaide.

*Jesús llizíñede higuera daina amena faidode
(Mr 11.12-14, 20-26)*

¹⁸ Afe jí tiramo Jesús meine Jerusalemo bítemo iere júfinaite. ¹⁹ Afe io abiri higuera daina aménana ciode. Jesús afénomo ánozide, afena llizilla riéllena. Mei íadi llizíllajiaina ínédeza, daa íe íbiaina ciode. Mei jira Jesús afe higuérana daide:

—Jaca benómona llizíñeitio, —daide.

Dai daina llezica afe higuera dúide. ²⁰ Ie llófue gamaci afena cíoillano fáigacaidiaioi. Iemo Jesumo jicánotiaioi:

—¿Ñie izói ite bie higuera amena raire dúilla? —dai diaioi.

²¹ Jesús íaioi uai ote:

—Uáfue na ómo ina dai dicue, ua o íno iadi daa bie aménamo cue fínua izói finórediomoi, íemo jiáí afe baímo aillo finórediomoi. Bie caifó neduna “Caífo áijicaillano oni monáillamo baízai” o dá iadi, afe bie caifó nedu o uai jeire uano, oni dínomo baízate. ²² Juzíñamuimo omoi úrilla llezica, ua o íno ia nana omoi jicácana ñue llíno itiomoi, —daide.

*Illáicomini Jesús ocuífirena ríino jicánotiaioi
(Mr 11.27-33; Lc 20.1-8)*

²³ Afe mei Jesús Juzíñamuimo gairíracomo jofo jaide. Jaillano afénomo llófuemarite. Afe llezica lletáriraini illaini naa judíuai eicomíniri Jesumo jicánuaidiaioi:

—¿Nié ríinodo o raana finófredio? ¿Afe ríino bu mei omo fecaca? —daidíaiói.

²⁴ Jira Jesús íaiói uai ote:

—Cuemo omoi jicánua izói, ómoimo daafue jicánoiticue. Cue jicánolle uai ñue omoi óiadi, bie raa cue finua ríino ómoimo llóiticue. ²⁵ Mei Juan ¿bu comini báutizallena ocuica? ¿Meita Juzíñamui ocuica? ¿Mei nibai comini ocuica? —daide.

Mei íadi uai oñeno, áfena dani conímamo júfidotiaioi; daidíaiói:

—Juzíñamui ocuica cai daíadi, Jesús caina dáite: “¿Níbái mei afémiena ínoñediómoi?”

²⁶ Mei jíáfodo, comini ocuica, cai daíadi, comínina jacíruiticai; mei nana comini “Juan Juzíñamui dibénedo úrifirede” daidíaióiza.

²⁷ Iemona bie izói Jesuna daidíaiói:

—O jicánoga jaca onóñedicaí, —daidíaiói.

Jira Jesús íaióina daide:

—Daje izói bie raa cue finua ríino ómoimo llóñeiticue, —daide.

Mena jitó íaillinoi illa izoide rafue

²⁸ Daí daina mei, Jesús íaióina daide:

—Bíena ¿nie izói daidíómoi? Daa iima mena jitórede. Iaillinoi moo dámienna daide: “Cue jitó, mai cue jíricore illánomo táijizairi,” daide. ²⁹ Afe jitó uai ote: “Jáiacañedicue.” Mei íadi afe mei ie comeci jíáfodo fácano, afénomo táijizaide. ³⁰ Afe mei afe moo jíáie jitomo úrizaide. Daje izói íena daide. Iemo bie jíáito íena daide: “Jíi, táijizaiticue.” Mei íadi afémie táijizaiñede. ³¹ Meita bie ménaillinoimona ¿nie jitó ie moo jitáinana finua? —daide.

Jira íena daidíaiói:

—Nanóidimie, —daidíaiói.

Jira Jesús íaióina daide:

—Uáfuenta dáititue, gobierno jicátafirega úcube llínnotino, naa ímamo jiruífiredede ringóniari naa jíáie afe izoide fiénidino Juzíñamui illáimana illánomo raire omoi úcodo jáitiaioi. ³² Mei nauí Juan Bautista ñue omoi íllena llófuiaibite, mei íadi áfena ínoñediómoi. Mei jíáfodo afe úcube llínoraini naa jiruífiringotiairi ie dánana ínotiaioi. Mei íadi omoi baimaci comeci ífue méiduana cíodiómoi íadi, afémie mo ínollena omoi comeci ítífuaína méidoñediómoi, —daide.

*Fiénide táijnamací izoide rafue
(Mr 12.1-12; Lc 20.9-19)*

³³ Mai bie jíáie ráfue mo omoi cácarei. Jacafai naama jíricojiai éroide úvaiai rillino finode. Fínuano afeno nágafene cirínote. Cirínuano afe úvaiai zaizíllico finode. Afe llezica caifo jica tígicaco nite nana afe rigániaimo ñue rairuíllena.

Afe mei afémie afécaie ie úiñotimacimo fecade, ie biñena dino. Afe dígamona íemo íbádiaioi. Daí fécano afémie jíáie éniemo jaide. ³⁴ Afe mei úvaiai llizille llezica, ie ocuífiregano orede, náamamo dúide dibene jicállena. ³⁵ Mei íadi afe táijidino jacafai naama orécano llaitádiaioi. Lláitano dáamienna rázido fatíaioi. Jíáimiena titádiaioi, íemo jíáimiena nófienna níjidiaioi. ³⁶ Ie mei jacafai naama nane jíáie ocuífiregano orede. Nano fueñe ória baimo orede. Mei íadi afénomo táijidino daje izói nane nana afémacina fiéni finódiaioi.

³⁷ Iirainomo afe jacafai naama ie jitó orede. “Afémiena nibai caimare náfueitiaioi,” daide. ³⁸ Mei íadi naama jitó bíllana cíoillano afe táijidino conímama daidíaiói: “Bímie bie

éne uire máiñoitimie. Mai cai falli. Afe mei bie éne dani cáieiteza,” daidíaiói. ³⁹ Afe mei afe jitó llaitádiaíói. Lláitano jacafai baimo uillano íena titádiaíói.

⁴⁰ Mei jira Jesús jicánote:

—Afe jacafai naama billa llezica, afénomo táijidinona ¿níie izói níbaite? —daide.

⁴¹ Jira íena daidíaiói:

—Afémie afe táijitatinomo dúecaiñeno íaióina títaite. Afe mei jíáie ñue táijidinomo ie éne nano íanori fécaite, mei náamamo dúina dieze llizíllaji raire afémiemo izájifireitiaíoi, —daidíaiói.

⁴² Jira Jesús daide:

—¿Cue dibénedo Juzíñamui Cuegáuaina jaca facádoñediomoi? Aféuai bie izói daide:

Jofo níraini jámairuillano oni fádoica jíaillirai ja ñuera jíaillirai izóidena jaide.

(Bie daíacade comíni jámairuillano ruifíruigamie ja ñuera jica jalleide illáimana jaide.)

Bie cai Moo Juzíñamui finoca.

Afefue iere caimo ebire cacaide.

⁴³ Mei íadi ómoína dáititue, Juzíñamui illáimana ómoimona oni bairolle. Afe mei Juzíñamuimo duide dibene ízaifiredinomo ie illáimana fécaite. ⁴⁴ Iemo afe nofici dainámiemo éicitaitimie niné tibérotaitaite. Iemo afe nofici jíáimie mo baiíadi jízefo izói afémiena finoite, —daide.

⁴⁵ Lletáiraini illaini naa fariséuairi Jesús afe izoide ráfuiai llúana cacáillano daidíaiói, “Afémie ico caido úrite,” daidíaiói. ⁴⁶ Iemona afe Jesuna llaitáacadiaíói, mei íadi comínina jacíruillano llaitáñediaíói. Mei nana comíni, “Jesús Juzíñamui dibénedo úrite,” daidíaióiza.

22

Airena llezica finoca ráfue mo mameca uai

¹ Jesús nane dáanommo úrizaide. Afémie jíáifuemo mameca uaido úrizaide. Íaióina daide:

² —Monamo ite Juzíñamui illáimana illirui bie izoide. Illaíma ie jitó áirena llezica rafue finua izoide. ³ Ie ocuífregano orede, nauí uícodo llogano jírrillena. Mei íadi afe uáidogano bíacañediaíói. ⁴ Ie jira afémie jíáie ocuífregano dáanommo orede. Uáidoganona bie izói daíri daide: “Íráiziñi güille ja nana ñue uédeza. Farede juráreto fatícueza. Ja nana ñue finócaza. Airena ráfue mo mai nana omoi biri.” ⁵ Mei íadi áfemo íráizillena llogano náfueñediaíói. Afémacimona dáamie ie jacáfaimo jáizaide. Jáimie ie ráaie oni fécajide. ⁶ Jáímaci illaíma oreca jírrizaidino llaitádiaíói. Lláitano íaióina duere finoda titádiaíói. ⁷ Jira afe illaíma iere ráicaide. Ráicaillano ie úiñote fuíríraini orede, ie orécano fatino titállena; afe llezica afémaci jofue jobáillena. ⁸ Afe mei nane jíáie ie ocuífreganona daide: “Airenafue nana ñue finoca. Mei íadi fueñe uáidogano fiéni itíaíoiiza bínidiaíói. ⁹ Iemona jofue cígido macáraommo omoi jai. Afénommo nana o cíoillimacina íráizizaíbiri o daíri,” daide. ¹⁰ Iemona afe ocuífregano jino macáraommo jáidiaíói. Jaillano nana íaiói cíonamacina: “Íráizizaíbiri,” daidíaiói. Fiénidino naa ñúemaciri nana dáanommo íaióina gairítate. Afemona íráizillico ja comínina oruide.

¹¹ Afe mei afe illaíma ie jírriganona onóillena jofo jaide. Íaióimmo eroilla llezica daa áirena ráfue mo jítaíregaroi jítaíñediémiena ciode. ¹² Jira íena daide: “O áirena ráfue mo jítaíregaroina jítañeno ¿o nie izói jofo bitio?” daide. Mei íadi afémie uai ollíuai íñede. ¹³ Ie jira illaíma güirábanimo táijidinona daide: “Bímie riire omoi maíri; maíano afémie jino jítifommo dotari. Afénommo afémie duere éheiteza, daje izói izírenari murímuriteza,” daí afe illaíma ocuide. ¹⁴ Iemo Jesús nai úrillano daide: Uáidogamací iere aillo ite, mei íadi eneno nízecono dúemaci, —daide.

*Gobierno íbátaga úcube rafue
(Mr 12.13-17; Lc 20.20-26)*

15 Iemona fariséuai Jesús úrilla uai féitaiacadiái. Féitajano fiénidifue afémiemo jóoneacadiái. Afe izói finóllena dáanomo maméritiaí. 16 Iemona afémacimo jaináidino, daje izói naa Heródesmo jaináidinori Jesuna daíllena orédiaí:

—Llófueraíma, onódicaíza ua rafue daífiredí. Daje izói Juzíñamui diné caí jáillio uáfueña llófuefiredí. Afe llezica comini daínauaimo náfuefinidí. Iemo jino cíoidifuiaina comínimo riire jicánoñedí. 17 Ie jira o comeci daínafue jino caímo lloiri: ¿Romano jamánomoidillaíma ibátaga úcube ibádicainia ñuera? ¿Ñibaí fiénide? —daídiaí.

18 Mei íadi Jesús afémaci facátamarillana onode. Jira íaíoina daide:

—Comeci íairena mei abina ñue cíoidinodiomoi. ¿Ñibaí mei cuena jíitaiacadiomoi? 19 Afe íbátafirega úcubetuni cuemo ácata, —daide.

Iemona daa denario daína úcubetuni atídiaí. 20 Afena cíoilano Jesús íaíoi mo jicánote:

—Afétunimo ¿bu uieco jana illa? Iemo afétunimo ¿nie come mámece cúeina? —daide.

21 Ie uai otíaí:

—Romano jamánomoidillaíma mámece illa, —daídiaí.

Jira Jesús íaíoina daide:

—Jamánomoidillaímamo dúide diga mai íemo fecari. Daje izói Juzíñamuimo dúide diga Juzíñamuimo fecari, —daide.

22 Afena afémaci cacáillano iere fáigacaidiaí. Iena zóofiano oni jáidiaí.

Tíide comini meine abído cáaillena jicánotiaí
(Mr 12.18-27; Lc 20.27-40)

23 Aféruido saducéuaimona dáarie Jesumo úrizaidiaí. Saducéuai: “Tíidino meine abído cáaiñeite,” daífirediaí. Afe daí Jesumo jicánuaíbitiaí:

24 —Llófueraíma, Moisés caímo cuetá fiécabemo daide: “Daa come tíia, afémie ama ie fecíngona órede, afémie úruiaí ie tíide ama méifomo comuíllena.” 25 Mei nauí caí cígimo siete diga ámaredimíaina ite. Nanóidimie áireillano nai úruenidemo tíide. Tíillano ie méifoide ama afe fecíngo ote. 26 Iemo daje izói afémieri íficaide. Afe mei nane jíáimie daango ote. Afémiemo daje izói íficaide. Daí fiébiñeno nana fuitíaí. 27 Afémaci nana tíilla méifomo afengó nane tíide. 28 Iemona tíidino meine abído cáailruimo, mei siete dígamie daango óteza, ¿afengó nie íima aina mámeite? —daídiaí.

29 Jira Jesús íaíoi uai ote:

—Juzíñamui Cuegáuai naa afémiemo ite ríinori omoi onóñenamona fiéni úritiomoi.

30 Tíidino meine abído cáailano áinitiaí. Daje izói jíáinomo íaíoi jízaníai ínreitañeítiaí.

Mei jíáifodo monamo ite Juzíñamui abí imaci ízoítiaí. 31 Mei íadi tíidino meine abído caana díbénedo ¿afe Juzíñamui ómoímo Cuegáuaina facádoñediomoi? Afémie bie izói daide:

32 “Dáaruído Abraham Juzíñamuidícue, naa Isaac, Jacob diga,” mei afémaci Juzíñamui illánomo cáadiaíza. Mei uáfueza, Juzíñamui tíidino íeñede mei jíáifodo cáadino ie, —daide.

33 Daí Jesús daínana cacáillano comini ie llófuemarillari fáigacaidiaí.

Iere jamánomo íñnorega caímo ocuina uai
(Mr 12.28-34)

34 Fariséuai Jesús saducéuai líicaitajana cacáillano, dáanomo gairídiaí. 35 Afémacimona daa ocuica uai llófueraíma Jesús facátaiacade. Jira íemo jicánote:

36 —Llófueraíma, nana ocuica uáillaímona ¿núuaina jamánomoina? —daide.

37 Jira Jesús daide:

—“O Juzíñamui nana o comécido izírui, naa o joréñori, íemo o ífoci úrillado.” 38 Aquíe uai nana ocuica uáillaímona jamánomoina. Afe uai raire uícodo íñnorede. 39 Afe méifoide uai daje izoide. Aféuai daide: “Dama o abina o izírui illa izói, afe izói o jíáie cómena izírui.”

⁴⁰ Bie ménade ocuilla uai nana Moisés ocuilla uaillai jillaci. Daje izói Juzíñamui uai jino llóraini llócaiga uai bíemona comuide, —daide.

¿Mei bu jító Cristo?

(Mr 12.35-37; Lc 20.41-44)

⁴¹ Afe fariséuai nai dáanomo itíaiómo, ⁴² Jesús íaiómo jicánote:

—¿Crístomo nie izói comécido daidíómoi? Afémie nano ie comuítatímie ¿mei bu? —daide. Jira íena daidíaiói:

—Afémie Davidmona comuítagamie, —daidíaiói.

⁴³ Iemona Jesús íaióina daide:

—Mei ¿nie izói David, Juzíñamui Ñuera Joreño llúado afémie jítone “Cue Ocuíraima” daírede? David daí daina uai cúeina:

⁴⁴ Monamo ite cai Moo Juzíñamui cue Ocuíraimana daide:

“Bené cue nabézimo o ráiri, o éoigamací cue anáfenolle dino.”

⁴⁵ Mei David afémiena “Cue Ocuíraima” dáidi, ¿nie izói Cristo Davidmona comuídímiena maméirede? —daide.

⁴⁶ Daí daina uai buna ónide. Iemo aféruimona jíáie facátalle jicánua uai maméñediaói.

23

Jesús fariséuaimo naa ocuica uai llófuetinori íaiói fiénidífue llote

(Mr 12.38-40; Lc 11.37-54; 20.45-47)

¹ Afe jira Jesús nana comínina naa ie llófuegamaciri daide:

² —Ocuica uai llófuefiredino naa fariséuairi Moisés ocuica uai jino llóllena mamécaiaíói.

³ Afemona afémaci llógana jeire omoi oíri. Daje izói nana afémaci ómoína dáinana náfuere. Mei íadi afémaci illa izói iñeno iri. Mei comínimo íaiói úrilla izói iñediaíoi. ⁴ Afémaci comínina iere riire ocuide. Afe íaiói ocuica uaina comini finónide. Mei íadi dani afémaci afe ocuica uaina due jiza jetáacañediaíói. ⁵ Núemaci daíllena nana íaiói finócafuiái comini eróicana taino finófrediaíói. Daje izói ñuemaci daíllena Juzíñamui uai cúeina ozócimo jítajana gáidiaíói. Afe izói afe uai jíaimaci ie ónoimo maitá úcaillena gáidiaíói. Iemo jíai íaiói jítáfirega áreoi fuemo ite ebire cíoilena jíaimaci baímo finófrediaíói. ⁶ Iemo ráfuemo íaiói güizájadi afémaci ñuera ráillinuai jenófrediaíói. Daje izói Juzíñamui uai llorácomo íaiói jáiadi illaini ráiranuai jenódiaíói. ⁷ Afe izói jino jofue cígimo ite macáraodo íaiói jáiadi, comini caimare íaiói uáidua gáidiaíói. Daje izói “Cai Llófueraimadio” dáinana gáidiaíói.

⁸ Mei íadi “Cai Llófueraimadio” daí daítañeno iri. Mei nana omoi ámatiai; íemo jíai omoi Llófueraima jaca daade; afémie Cristo. ⁹ Afe izói bie éniemo buna cue Móodio daíñeno iri. Mei omoi Moo dáadeza. Afémie monamo ite. ¹⁰ Daje izói jíaimacina “O cai Illáimadio” daítañeno iri. Mei o Ocuídímie dáadeza. Afémie Cristo. ¹¹ Omoimona jamánomoidímiena jíaimana canófredímie. ¹² Mei uáfueza, jamánomo abí jacire mamédímie jamáimiena jáite. Mei jíáfodo abí íinoñeno jiba cómedicue daidímie jamánomoidímiena jáite.

¹³ Ocuica uai llófuetino naa fariséuairi, comécina íairena mei abina ñue cíoidiomoiza, jñi omoi dúerena! Mei comini jofo jáiñeillena, monamo ite Juzíñamui illáimana illano nazena íbáifredíómoi. Mei diga Juzíñamui ñue ocuífuiái lluno, aféfuiaína abido náfuñediomoiza, dani o illafue ñue jáicina jóiñena jira. O lloga iodo uáfueña jáiñedioza. Afe llezica afénomo jofo omoi jáiacañediómoi. Daje izói afénomo jofo jáiacadino rairuídíómoi.

¹⁴ Ocuica uai llófuetino naa fariséuairi, comécina íairena mei abina ñue cíoidiomoiza, jñi omoi dúerena! Fecíngotiai jofóniai bairófredíómoi. Afe llezica ñuemaci daíllena comini eróicana Juzíñamuimo are úrifredíómoi. Ie jira omoi jíaimaci duere zefuille baímo duere finóllíómoi.

15 Ocuica uai llófueto naa fariséuairi, comécina íairena mei abina ñue cíoidiomoiza, jñi omoi dúerena! Nágagobiaido jáidi omoi daa come omoi ñnoga uai dibénemo omoi itátallena. Itata mei, afe come omoi baímo fiénidimiena oréidi omoi. Iemona omoi afémieoiri, comini duere finolle iraimo zíñona duere zefuñllena maméca omoi.

16 Uina cíoiñede io ifódino izóidiomoiza, jñi omoi dúerena! Comínina bie izói daiífiredi omoi: “Daa come iere uafue daiñllena, Juziñamui ico mámece llínoiadi afefue ráañede. Mei íadi afémie afécomo nitaca oro mámece llínoiadi ie daina uai jeire órede,” daidi omoi. 17 ¡Abina onóñede uínidino izóidi omoi! ¿Ñie mei jamánomoina? ¿Meita afe jamai oro? Ieñedeza. Mei afe oro Juziñamui ico jóniamona ñuera raana jáideza. 18 Nane jáífue daiífiredi omoi: “Daa come iere uafue daiñllena, altar daina Juziñamui íena rille fecárabani mámece llínoiadi afefue ráañede. Mei íadi afémie afénomo fecaca raa mámece llínoiadi ie daina uai jeire órede,” daidi omoi. 19 ¡Abina onóñede uínidino izóidi omoi! ¿Ñie mei jamánomoina? ¿Meita afe fecaca rille? Ieñede. Afe Juziñamuimo fecárabani afénomo fecaca raana ñue finode. 20 Mei jñi, Juziñamui íena rille fecárabani mámece llínotimie daa afe ibani llínoñede, mei jáífodo nana afébanimo fecaca raana llínote. 21 Daje izói Juziñamuimo gairíraco mámece llínotimie daa afe gairíraco llínoñede, mei jáífodo afeco ite Juziñamui mámece llínote. 22 Nane daje izói iere uafue daiñllena mona mámece llínotimie, Juziñamui illáimana ráirano mámece llínote. Dai llínua llezica Juziñamui mámece llínote, mei afe Juziñamui afénomo ráideza.

23 Ocuica uai llófueto naa fariséuairi, comécina nai íairena mei abina ñue cíoidiomoiza, jñi omoi dúerena! Nana omoi ríganiamona jamánomo jéenide rábiaina Juziñamui íena oni jónefiredi omoi. Menta daina jéenide rábiai, naa anis daina dúebiaí dígá, íemo jái comino daina rábiai facádota oni eneno jóneti omoi. Mei íadi ocuica uáimona jamánomo jítáiredifuiaina náfueñedi omoi. Afe jítáiredi uai be ñie: come comeci jáicina jóinana, íemo jáímaci dúecaifirena, íemo Juziñamuimo ñnofirena. Nai afe jáífuiái omoi zóofeñena llezica, afe bífuiái raire fueñe jeire óredi omoi. 24 Táino omoi llúamona uina cíoiñedino io ifódino izóidi omoi. Ráañede uáillaimo iere izire nícidofiredi omoi, mei íadi jamánomoide ñuera uaimo náfueñedi omoi.

25 Ocuica uai llófueto naa fariséuairi comécina nai íairena mei abina ñue cíoidiomoiza, jñi omoi dúerena! Mei jiróraco naa plato dígá jinófene ñue jocódi omoi, mei íadi afe ero dinena íairede. Daje izói comini cíoicana abí ñue finódi omoi, mei íadi omoi comeci dine merírilla, naa jáíe comini raa báruamona ógana oruide. 26 Uina cíoiñede fariseo ímie: Mai jiróraco naa plato dígá ero jócuá izói omoi illafue ñue méidori. Iemona omoi comeci ñúefuiaina oruíbicaite. Afemona afe jiróraco jinófene íainina izói, afe izói omoi jinófene íainiteza.

27 Ocuica uai llófueto naa fariséuairi, comécina nai íairena mei abina ñue cíoidiomoiza, jñi omoi dúerena! Uzeredena biga ñue cíoide tíidino ráñllena nigaco izóidi omoi. Jinófene ebire cíoide mei íadi ero dine tíidino ícuruaina oruide, nana jáífoide íáiredinuiái dígá. 28 Omoi comeci dine afe izóidi omoi. Comini eróicana jinófenena ñue cíoidinodi omoi. Mei íadi comeci dine jáímacina fiéni jífuefirenana oruide, íemo jáíe fiénide uáillaina oruide.

29 Ocuica uai llófueto naa fariséuairi, comécina nai íairena mei abina ñue cíoidiomoiza, jñi omoi dúerena! Mei jaiaí Juziñamui uai jino llóraini raiafo ebire finófiredi omoi. Daje izói jaiaí ñue itino emódomo jónega nofíbicina ebire finódi omoi. 30 Daií fínuano daiífiredi omoi: “Cai jáiaigima illáruillaído itícaínia, afe Juziñamui uai jino llórainina fatátañedicaí,” daiífiredi omoi. 31 Daií dáinado afe Juziñamui uai jino llóraini

fatino erófene igímadicai daidíomoi, —daide. Jira Jesús afémaci diga icírillano bie izói daina:

³² —¡Omoi jáiaigima taineca fiénidífue ñue ícoimo omoi fuitari! —daide.

³³ Jesús nai afémacimo úrite:

—¡Jaióniai izóidiomoi! ¡Omoi nairai titade jaizai izoide! ¿Mei ñie izói duere finóbille iráimona jíllaitiomoi? ³⁴ Afe jira Juziñamui uai llóraini, íemo iere baitádino naa llófuefiredinori ómoimo óreiticue. Mei íadi afémacimona dámerie titaitiomoi. Daje izói jíaimacina córaitiomoi. Iemo jíaimacina Juziñamui uai lloraco eromo rázido fáitiomoi. Iemo jíaimacina naga jófuiáido rácaitiomoi. ³⁵ Daií omoi íllamona nana jaiái ñúemaci titáfírena ícoiniadi ómoimo daií íficaite. Uáfueza, jaiái Abel fáinamona benomo Berequías jító Zacarías omoi faja llezica, nana afémaci ícoinia duere zéfuitiomoi. Juziñamuimo gairíracó íemo Juziñamuimo rille fecárabani dáafenedo afe Zacaríana fatíomoi. ³⁶ Uáfueña ómoína dáititícue, nana bie fagano ícoinia birui itino duere zéfuitiaíoi.

*Jerusalén jófueri Jesús eede
(Lc 13.34-35)*

³⁷ Jerusalén comínimo dúcaidicue. Juziñamui uai llórainina fáfirediaíoi. Daje izói Juziñamui orécanona nófiena níjdiaíoi. Diga icaiño átava ie úruiai íaicona bícuá izói íaíoi na ríidoiacadicue. Mei íadi íaíoi cue ríiduana gáíñediaíoi. ³⁸ Cacaí, Juziñamui ómoína zóofeiteza. ³⁹ Mei ómoína daidicue, meine abido cuena cíóñeitiomoi. “Juziñamui mámeçido bitímie ñue finóbilleza,” omoi daille dino cuena cíóñeitiomoi, —dino Jesús úrite.

24

*Juziñamuimo gairíracó júdaizille Jesús llote
(Mr 13.1-2; Lc 21.5-6)*

¹ Daií daina mei Jesús Juziñamuimo gairíracomona jino jaide. Jino jailla llezica ie llófuegamaci: “Bie ebire finoca gairíracomo éroi,” Jesuna daidíaíoi. ² Mei íadi Jesús íaíoi uai ote:

—¿Bie nana cíodiomoi? Uáfueña ómoimo llóitícue. Bie niroca nófie daa fiébiñeno nana niné jújicaite. Afeno jofue nana niné táinocaite, —daide.

*Enie fúiacana cai onuille rafue
(Mr 13.3-23; Lc 21.7-24; 17.22-24)*

³ Iemona Olivo daina ídumo jáidiaíoi. Aféno mo Jesús ráinana mei ie llófuegamaci báinino íemo jíacánotiaíoi:

—O daina jofue niné táinocaillífue, ¿ñiruído daií zúite? Afena cai llone. O meine bíllena cai onótaité raa, ¿nie izói eroide? Daje izói énie fúillena ¿nie izói onótícaí? —daidíaíoi.

⁴ Jira Jesús íaíoi na daide:

—Comini omoi jífueiza abí rairuiri. ⁵ Mei diga comini cue mámeçido billano “Cristodícue” dáititiaíoi. Afémaci aillo comínina jífueitiaíoi. ⁶ Aillo jobáirillana fídítíomoi. Dáarie áinori cácaitiomoi, íemo jíáiena jica cácaitiomoi. Mei íadi áferi jacináñeno omoi iri, mei daií íficairedeza. Mei íadi énie fuillíruiñede. ⁷ Mei jii daa nairai jíáie nairai diga fúirite. Iemo daa énie jíáie énie comini diga jobáiritiaíoi. Afe llezica aillo náiraiái júbietaitiaíoi, íemo aillo dúicuai íite, íemo ñuizaingo diga ígobaiána ñúite. ⁸ Comini duere zefuíllemona nana bífuiái como tainéinafue.

⁹ Afe llezica ómoína duere finóllena fécaitiaíoi. Duere finoda ómoína titaitiaíoi. Cue ícoinia nana comini ómoína éoitiaíoi. ¹⁰ Aféruillaído aillo comini Juziñamuimo íinuana féitaitiaíoi. Dani conímána éoitiaíoi. Daje izói conímána fállena fécaitiaíoi. ¹¹ Afe llezica taino llotino iere íite. Afémaci: “Cai bie Juziñamui dibénedo úriticaí,” dáititiaíoi. Afémaci aillo comínina jífuecana uite. ¹² Aféruimo diga fiénidífuiái comuíllemona, aillo comini conímána

izíruillana féitaitiaioi. ¹³ Mei íadi fuitállinomo ñue nífuenino íitimie jílloite. ¹⁴ Iemo afe bie Juzíñamui illáimana illano ñuera rafue nágagobiaido llóitiaioi, nana náiraiai áfena onóillena. Afe mei énie fuillíruimo dúciite.

¹⁵ Jaiai Juzíñamui uai jino llóraima Daniel, íirairuimo biite iaire fínuaibitimiedo úrite. Afe bítimie diga ráaniaina táinocaitaite. Afe fieni fínuaibitimie Juzíñamui gairíraco eromo ite rairuírede ñúenomo jáillana o cióadi, jica botárediomoi. Bíuai facádotimie afe uaina ñue onoiri. Onóillano abi rairuiri. ¹⁶ Afemona Judea éniemo itino oni caifóneduaimo botárede. ¹⁷ Daje izói daa come ie jofo caifófebanimo íadi, ie jofo eromo ite raana jofo jaillano bairóñeno afénomona bótaiteza. ¹⁸ Daje izói jacáfaimo íitimie abido ie jofomo ite inícuiruaina uáibiñeite. ¹⁹ Aféruillaído namócingotiaina, ¡nií dúerena! Daje izói monoi jirode úrue llíidingotiaina, ¡nií dúerena! ²⁰ Nocíruillaído jino o bótañeillena, Juzíñamuimo jicari. Daje izói ocózinaiaruimo o bótañeillena o jicari. ²¹ Mei aféruimo iere aillo duere zefuillífuiai íiteza. Enie comuíllanomona bené afe izóidena íñede. Iemo jiái afe méifomo afe izói íñeite. ²² Mei ¡ií, aféruillai Juzíñamui due moziñoñedenia buna jílloñena. Mei íadi ie nizécanona izíruillano, aféruillaina afémie nano íanori moziñoite.

²³ Iemona dáamie ómoína: “Be Cristo,” daííadi, daje izói: “Cristo batí ite,” daííadi afémiemo íñoñeno omoi iri. ²⁴ Mei Crístona abi mamede jífueridino bíiteza. Daje izói afémaci: “Cai bie Juzíñamui dibénedo úriticai,” dáítiaioi. Afémaci uaido dáinamona áillue comuídena fínoitiaioi, naa fáigacaitade ráaniairi. Afedo comínina jífueiacadiaioi. Dama Juzíñamui nizécanona jífuefillena facátaitaioi, mei íadi jífuetañeitiaioi. ²⁵ Ja nana bífuiai uícodo ómoimo llotícueza. ²⁶ Ie jira: “Ero bai batí táizicimo Cristo ite,” afémaci daííadi afénomomo jáiñeno omoi iri. Daje izói: “Ero, bico eromo Cristo ite,” daííadi afémiemo íñoñeno omoi iri. ²⁷ Mei ameo fuiri llairilla llezica jica afáifene ícoimo cíocailla izói, afe izói cue billirui jica cíocaizaibite; Nanoide Hima Jitódicueza. ²⁸ Iemo inóniai gairízaifirenamona rille rifáillanona ñue omoi onona izói, afe izói abido cue cíocaillemona raire ómoína duere finóllena uáfuenta ónoitiomoi.

Nanoide Hima Jitó Cristo billirui nie izoite

(Mr 13.24-37; Lc 21.25-33; 17.26-30, 34-36)

²⁹ Afe duere zefuillíruui záailla méifomo, jítoma dúite. Daje izói fiui égaiñoñeite, íemo jiái ucúduai monámona ana cócítiaioi. Afe llezica nana monamo itínuiái riire mozióide ráaniai niráiricaite. ³⁰ Afe mei Nanoide Hima Jitó Cristo bille jana monamo cíocaite. Afena cíóillano nana énie nairai éenaitaioi. Nanoide Hima Jitó Cristo ana bíllana cíoitiaioi. Afémie mona ero uílliedo bite, naa íemo ite ríino naa ebíredino diga. ³¹ Afe mei ie abi imaci óreite, afémaci riire bainada fúullemona nana Juzíñamui eneno nizécano nágafeniamona dáanomomo jírrillena. Iemona jica énie fuédaiaimona, íemo énie enéfeniamona bítiaioi.

³² Higuera daina aménamo mamécafuena omoi onoiri. Ie onócairo como fueñe zícua llezica, ja fimona ánozide, daídíomoi. Daje izói afe amena rábiai jino firuilla llezica, ja fimona ánozide daííiredíomoi. ³³ Afe izói jítoma dúilla, íemo afémonado nana jiáie zuide raa omoi cíoiadi, íirairui ánozillana ónoitiomoi. “Ja dúciacade,” daííiredíomoi. ³⁴ Uáfuenta ómoimo llotícue, bigíma nai tíñeille llezica nana bie raa jino zúite. ³⁵ Mona énie diga fuite, mei íadi cue uailalai jaca fúíñeite. Cue lloga raa nana zúite.

³⁶ Mei íadi cue billirui óñoñega. Daje izói cue bille hora buna onóñena. Juzíñamui abi imaci onóñediaioi. Daje izói Juzíñamui Jitó áfena onóñede. Dama Moo Juzíñamui ónoiga.

³⁷ Noé illágimamo comini fieni illa izói, afe izói Nanoide Hima Jitó billíruimo comini daíí íitiaioi. ³⁸ Aféruillaído aillo noci nai bíññena uícodo, comini Noé llogáuaimo náfueñeno daa güilla llotíaioi. Güillano jirófrediaioi. Afe llezica íaioi fieni illafue meídoñeno, áireoidiaioi, íemo íaioi jízaniai iníreitaoidiaioi. Jaca daíí ítiaioi abina Noé áillue nocáe eromo jaide. ³⁹ Íaioi

duere zefuíllemo due jiza coméciñediaioimo áillue noci íaioimo bíide; áferi coróbaizidiaioi. Nanoide íima Jitó billírui afe izóí íte. ⁴⁰ Aféruimo mena íima jacáfaimo illa llezica, afe íaillinoimona dáamie Juzíñamuimo ínotímie caífo monamo uille, ie mei jíáimie fiébicaite. ⁴¹ Daje izóí mena ringo trigo lláia llezica, daango caífo uiga, jíáingo fiébicaite.

⁴² Caade izóí abí omoi onoiri, mei cai Ocuíraíma billírui ónoñegaza. ⁴³ Mei íadi bífuena onódiomoiza; jofo naama merírizaíbitímie bíllana onóadi, afémie ie jofo rairuíllano iníñeno cáate. Daí afémie merírizaíbitímie ie jofona tuiñotañeite ie raa meríllena. ⁴⁴ Ie jira jica ía abí ñue omoi finori. Mei due jiza comeci fácañeítioimoimo, Nanoide íima Jitó bíteza.

*Inofirede ocuífiregamie naa ínofinidímie díga
(Lc 12.41-48)*

⁴⁵ Inofirede ocuífiregamie omoi coméciiri. Afémie ñúefue baitádimie. Ie ocuídimie nana jofo ero comínina uíñotaite. Güille hóramo dúcia llezica afémie afémacina écaite. ⁴⁶ Naga ie naama ocuícana ñue finófiredimie afémie billíruiimo caímare íte, mei ie ocuica ñue finuana cíozabíteza. ⁴⁷ Uáfueña ómoína dáitícue. Afemona jofo naama nana ie jofo eromo íte ráaniaína afémiena uíñotaite. ⁴⁸ Mei íadi ocuífiregamie fiénidímiena jáiadi, íemo afe llezica: “Cue ocuídimie are bíñeite,” comécido dáíadi, afe ocuífiregamie jaca ínofinide. ⁴⁹ Daí daina mei afémie jíáie ócuífiregano duere fínoite. Afe llezica afémie jífáidino díga güizájite. ⁵⁰ Iemo ie ocuídimie billíruiimo afémie coméciñeítemo, ie naama dúciite. Daje izóí ocuífiregamie ónoñega hóramo dúciite. ⁵¹ Dúciillano afémiena jamánomo duere fínoite. Afe mei comeci díne na íáirena mei abina ñue cíoidino iere duere zefuilla izóí, afe izóí afémiena duere zefuítaite. Afemona afémie iere éite. Eiano ízírenari murímurite, —dínorí Jesús úrite.

25

Diez dígade jítaíngomo mamécafue

¹ Jesús nane jíáfue llote:

—Monamo íte Juzíñamui illáimana illírui diez dígade jítaíngo izoide. Aféngotíai iníreille ráfueño jáidiaioi. Jailla llezica íaioi mechéraíai uitíaioi. Ringo otímie íaioi uáidollena afénoño jáidiaioi. ² Afénguaimona cinco dígango finóbiñeno ebena jaide. Iemo jíáie cinco dígango ñue finóbillano jáidiaioi. ³ Afe finóbiñeno ebena jáidingotíai íaioi mechéraíai fuilla mei méidolle íjina uíñediaioi. ⁴ Mei jíáfodo afe ñue finóbidingotíai íaioi méidolle íjina botéllado uitíaioi jíái íaioi mechéraíairi. ⁵ Mei afe ringo otímie are bíñenamona, nana jítaíngotíai ja iníacadiaioi. Iemona ua iníaidiaioi. ⁶ Afe mei dáaferui llezica riire uáidua uai cáacaide: “Ringo otímie ja bíteza. Raire afémie omoi uáiduaíri,” daide. ⁷ Afemona nana afe jítaíngotíai náidacaillano íaioi mechéraíai unediaioi. ⁸ Afe llezica afe cinco díga finóbiñeno ebena bitínguai, jíáie cinco díga ñue finóbidingotíaina daide: “Cai mechéraíai ja bóoñedeza. Omoimo íte eneno atica íjimona cai íne,” daidiaioi. ⁹ Mei íadi afe ñue finóbidingotíai finóbiñedingotíaina daide: “Omoimo fecánidícai. Mei ómoimo fecádícaínia caímo fiébiñede. Afe izóí ómoimo fiébiñede. Batí fecáriracomo dani jénuaidíomoinia ñuera.” Jira aféngotíai jáidiaioi. ¹⁰ Mei íadi finóbiñedingotíai oní aceite íbajilla llezica, ringo otímie dúcide. Afe ñue finóbidingotíai afémie díga áirena ráfueño jofo jáidiaioi. Afe mei afémie naze íbaide. ¹¹ Íbailla mei aceite íbajidingotíai dúcidiaioi. Dúciillano daidiaioi: “Ocuíraíma, naze caímo tuiño,” daidiaioi. ¹² Mei íadi afémie jofona uai ote: “Uáfueña ómoína onóñedicue,” daide.

¹³ Iemo Jesús nai úrillano daide: Nanoide Hima Jító Cristo billirui ónonideza, iníñeno abí omoí rairuiri. Ie bille mona ónonideza. Daje izóí ie dúcille hora buna ónoñega, —daide.

Talenta daina ráifide úcubemo mamécafue

¹⁴ Jesús nane jiáifue llote:

—Monamo ite Juzíñamui illáimana illarui bie izoide. Daa ocuífiredimie oni jiáigobemo jáiacana llezica, ie ócuifiregano uáidota íemo ite úcube afémacina úiñotade.

¹⁵ Ocuídímie afémacimona daa cómemo cinco mil úcubetuni fecade. Iemo jiáimíemo mena mil dígatuni fecade. Iemo nane jiáimíemo daa milna fecade. Afémacimona illa dígamie ie ifoci onona dieze fecade. Daií fécajano oni jiáie éniemo jaide. ¹⁶ Cinco mil dígatuni igámie, afe úcubena afémie níciduamona, afe baímo cinco mil áfemo bai nabaide. ¹⁷ Daje izóí mena mil dígatuni igámie afe baímo jiáie mena mil áfemo bai nabaide. ¹⁸ Mei íadi daa milna igámie ie ocuídímie úcube oni énie ifomo retáidote.

¹⁹ Afe mei, are íllamona afe ocuídímie ocuífregamíai diné meine bite. Billano íaiói úiñoga úcube onóillena afémacimo jicánote. ²⁰ Cinco milna igámie fueñe billa. Billano afe baímo ie nabaica jiáie cinco mil ie ocuídímíemo izáibite. Izájillano daide: “Cue Ocuídímie, o cuemo iga cinco milna baímo jiáie cinco milna nabáidicueza. Be o diez mil dígatuni,” daide. ²¹ Jira ie ocuídímie íena daide: “Cue ocuícana iere íinofiredio. Cue ñuera ocuícamiedio. Due omo cue fecácana ñue ínotio. Afemona afe baímo jiáiena ona úiñotaiticue. Cue illáimana illánomo mai caimare coco jai,” daide. ²² Afe mei nane mena milna iga ocuífregamie dúcide. Afémie daide: “Cue Ocuídímie, mena milna cue itio. Afe bai nane jiáie mena milna nabáidicue. Be o cuatro mil dígatuni,” daide. ²³ Jira ie ocuídímie íena daide: “Cue ocuícana iere íinofiredio. Cue ñuera ocuícamiedio. Due omo cue fecácana ñue ínotio. Afemona afe baímo jiáiena ona úiñotaiticue. Cue illáimana illánomo mai caimare coco jai,” daide. ²⁴ Mei íadi afe mei, daa mil dígatuni iga ocuífregamie dúcillano ie ocuídímiena daide: “Cue Ocuídímie, o iere ríimienana onódicueza. O ríñeganomona jaca ófiredio. Daje izóí trigo tuiránomo táijiñeno afénomona trigo ófiredio. ²⁵ Ie jira ona jacíruillano o cuemo iga úcube éniemo cue retáidoga. Mei íadi o úcube meine cue atícaza. Be ñie,” daide. ²⁶ Iemona ocuídímie íena daide: “Fiénide ocuífregamiedio. Daje izóí ráiraiere de ocuífregamiedio. Cue ríirenana onódio ia, ¿ñibái mei bie izóí itio? Cue ríñeganomona cue ófírenana onódio. Daje izóí trigo tuiránomo táijiñeno, afénomona cue ófírenana onódio. ²⁷ Afemona cue úcube jóneranomo fecáredio. Iemo meine cue bíllemo afe úcubena naa jiáie baímo nabáicatuni diga llíinoredicue,” daide. ²⁸ Iemona ocuídímie afénomo itínona daide: “Bímíemo ite mil dígatuni otá, afe diez mil dígatuni ofítatímíemo ine. ²⁹ Igámie nane baímo írega. Afemona afémíemo baímo aillo íite. Mei íadi íñegamíemo due íemo ite meine baírórega. ³⁰ Iemo bie ráifiñede ocuífregamie jino jítifomo dota. Afénomo éehteiza. Afe llezica izírenari murímuriteza,” daide. Daií daide Jesús.

Nana náiraiamo izire jicánollirui

³¹ Jesús nai úrioide: Mei Nanoide Hima Jító Crístodícueza, illáimana ana cue bille llezica, nana cue abi imáicai diga bíiticue. Billano ebire finoca illaíma ráíiranomo ráízaíbiticue. ³² Nana náirai comíni cue uícomo gairítalliaíoi. Afe íaiói bille llezica, ovejai úiñoraíma chívuaímona ovéjaíaina oni eneno nízia izóí, afe izóí Nahí Illáimana cue íllemona nana náiraiaina oni enénorie jóneiticue. ³³ Cue nabézimo ovejai izóidino jóneiticue. Iemo chívuaí izóidino cue jarífezimo jóneiticue. ³⁴ Afe mei cue nabézimo itínona dáititícue: “Cue Moo ñue finócamaci, mai omoí bi. Juzíñamui énie comuítaja llezica ómoiena mameca illáimana illínomo jofo jai. ³⁵ Mei cue jufíruilla llezica, cuena ecáidio. Daje izóí cue

jiróacana llezica cuena jirótatio. Iemo jiái jífocinino cue mácaja llezica cuena jofo inítatiomoi. ³⁶ Iemo cue inícuironina llezica cue itíomoi. Daje izói cue dúicotaila llezica cuena uáidotiomoi. Daje izói llavéracomo cue illa llezica, cuena méiñuabitiomoi,” daide. ³⁷ Iemona cue nabézimo ite nífuenidino cuena dáitiao: “Cai Ocuíraima, ¿mei níruí o jufíruillana cióillano ona ecádica? Daje izói ¿mei níruído o jiróacana llezica ona jirótatica? ³⁸ Iemo jiái, ¿mei níruído o jífocinino o mácaja llezica ona inítatica? Iemo jiái ¿níruído o inícuironina llezica o itica? ³⁹ Iemo jiái ¿níruído o dúicotaila llezica o méiñuaidica? Daje izói llavéracomo o illa llezica ¿níruído o méiñuaidica?” daidíao. ⁴⁰ Jira Illaíma cue íllamona uai óiticue: “Uáfueña ona dáiticue, nana afe bie comécina mánaide cue ámatiamoi omoi finócafaia, aféfuia ja cuemo finódiomoi,” dáiticue.

⁴¹ Afe mei cue Illáimana cue ráirano ie jarífezimo itínona dáiticue: “Cúemona oni omoi jai. Omoi fiéni faidócanodiomoi. Comini zíñona duere finolle iraimo omoi jai. Afe irai Taife, nana ie abi imaci diga íena finoca. ⁴² Mei cue jufíruilla llezica cuena ecáñediomoi. Cue jiróacana llezica cuena jirótañediomoi. ⁴³ Afe izói jífocinino cue jáicana llezica cuena jofo inítañediomoi. Cue inícuíro iñena llezica cuena iñediomoi. Duico cue ua llezica, daje izói llavéracomo cue illa llezica cuena uáiduaibifinidiomoi,” daide. ⁴⁴ Jira afémaci cuena dáitiao: “Cai Ocuíraima, mei níruí o jufíruillana ciódica, daje izói o jiróacanana, íemo jífocinino o macácana, íemo o inícuíro iñénana, íemo o irárenana, íemo llavéracomo o íllana, ¿mei níruído daí o íllana ciódica ia, ona canóñedica?” dáitiao. ⁴⁵ Iemona afe llezica íaioina dáiticue: “Uáfueña ómoína dáiticue, bie comécina mánaide cuemo jaináidinomona dáamemo omoi fínoñegafuina, aféfuina ja cuemo finóñediomoi,” dáiticue. ⁴⁶ Afe mei afémaci zíñona duere finolle iraimo jáitiao. Iemo Juzíñamui jónega comécina nífuenidino, caimare zíñona cáallinomo jáitiao, —dñori Jesús úrite.

26

Jesús llaitállena maméritiao

(Mr 14.1-2; Lc 22.1-2; Jn 11.45-53)

¹ Jesús nana bífuia llua méifodo, ie llófuegamacina daide:

² —Onódiomoi za benómona ménarui íllamona pascua rafue íiteza. Aféruído Nanoide íima Jitó Crístodicueza cruzmo coráillena cuena fécaítiao, —daide.

³ Afe llezica lletáriraini illaini, daje izói ocuica uai llófueraini, naa judíuai eicomíniri dáanomo gairídiao. Lletáriraini caifóidillaíma Caifás ñúeco ibírimo gairídiao. ⁴ Afénomo Jesús jífuiano llaitállena maméritiao. Afe llezica afémie titállena maméritiao. ⁵ Mei íadi afémaci daidíao:

—Nana comini áferi fáillifaíllinaíllena, rafue ana íena lláitañeítica, —daidíao.

Ringo zióredijina Jesús ifo jillaide

(Mr 14.3-9; Jn 12.1-8)

⁶ Jesús Betania jófueño ite. Afémie, chíinaitimíena maméidimie Simón jofomo ite. ⁷ Afe llezica, afénomo daa ringo alabastro daína nofici finoina icítirudo ziórediji uite. Afeji iere ráifide. Jesús güirábanimo ráina llezica, afengo afe ziórede cáirediji Jesús ifomo totade.

⁸ Ie llófuegamaci áfena cióillano ríicaidiao. Dani conímana daidíao:

—¿Níbái mei áfeji táinomo fáifitaga? ⁹ Afeji aillo úcube óllena fecárede. Afedo oga úcube, dúeredinomo írede, —daidíao.

¹⁰ Jesús daí íaioi úrillana cacáillano íaioina daide:

—¿Níbái mei bie ringo jifánodoidiomoi? Bie ringo cuemo finoca raa iere ñuera. ¹¹ Omoi cígimo dúeredino jaca ífiredo, mei íadi omoi cígimo are íñeíticue. ¹² Bie ringo cue

abimo totaca ziórede cáiredijina, cue raillínomo dúide. Afedo afengo ñue cuena finode.
 13 Uáfueña ómoína dáitícue, náganomo bie éniemo bie jíloille uai jino llóyadi, bie ringo cuemo finócana jino llóitíaióiza, afémaci aféngomo uíbicaifireillena, —daide.

Judas Jesuna ie éoidinomo fecade

(Mr 14.10-11; Lc 22.3-6)

14 Afe mei doce dígade llófuegamacimona Judas Iscariote lletáriraini illáimamo úrizaide.
 15 Afémacina daide:

—Jesús ómoimo cue fecálleza, ¿nieze cuemo íbaitíomoi? —daide.

Jira “cuatro fiui táijina iba dieze, omo íbaitícaí” dainano, treinta díga ráifide úcubetunillai aféniemo fecádiaioi. 16 Iemo áfemona afe Judas Jesús íaioimo ñue fecállino jenode.

Jesús páscuamo íraicaiño güillafue

(Mr 14.12-25; Lc 22.7-23; Jn 13.21-30; 1 Co 11.23-26)

17 Afe rafue nanóidíruimo fáitañega pan güífirediaioi. Afe llezica Jesús llófuegamaci billano jicánotiaioi:

—¿Pascua rafue llezica güillena, uícodo ninomo cai finuaille? —daidíaió.

18 Afémie íaioína daide:

—Batí jófueño jaillano, cue dainámie jofomo jai. Afémiena daiíri: “Cai Llófueraíma ona daide: Cúeiena mamécaruimo ja dúcizaideza. Pascua rafue güífrenana o jofomo cue llófuegamaciri güítícue,” —daide.

19 Iemona ie llófuegamaci ie ocuilla izói pascua ráfueño güillena finuaidiaioi.

20 Ja nauilla llezica, Jesús ie doce dígade llófuegamaciri afénoño güizájidiaioi. 21 Afénoño íaioi güilla llezica Jesús daide:

—Uáfueña dáitícuéza, ómoimona dáamie cuena fécaite, —daide.

22 Iemona afémaci íere zúucaidiaioi. Zúucaillano illa dígamíerie Jesumo jicánotiaioi:

—Cai Ocuíraíma, ¿meita cue? —daidíaió.

23 Jesús íaioi uai ote:

—Birui cue díga daje plátomona güítímie, ñi cue fécaítímie. 24 Nanoide íma Jitó Crístodícue; jaíai Juzíñamui Cúegáuaimo lloga íodo jáitícue. Mei íadi cue fecádimie ¡ñi dúerena! Afémie nanómona jaca jécíñegania figora, —daide.

25 Iemona afe fécaítímie Judas Jesuna daide:

—Llófueraíma ¿meita cue? —daide.

Jira Jesús uai ote:

—Jí, o. O cue fecalle.

26 Ie güilla llezica, Jesús pan llínota, Juzíñamuina “Íere figora” daide. Daina mei dítanda, ie llófuegamacimo fecade. Fécajano daide:

—Bie güi. Bie cue abíza, —daide.

27 Afe mei jiróraco llínota, Juzíñamuina “Íere figora” daide. Dainano ie llófuegamacimo fecade. Feca mei íaioína daide:

—Nana bicúrimona omoi jirori. 28 Mei bie cue díeza. Cue díe, dájemo Juzíñamui llínoga comue uai uáfueña daítate. Aillo comíni íaífue muiñóllena cue díe totalle. 29 Mei íadi dáanomo bie uva íjina meine jiroñeítícue. Cue Moo illáimana illíruí nai dúcíñeílle díno aféjina jiroñeítícue. Afe bille llezica cómojina omoi díga jíroítícue, —daide.

Pedro Jesús jáanollena Jesús uícodo llote

(Mr 14.26-31; Lc 22.31-34; Jn 13.36-38)

30 Juzíñamuimo íaioi rua fuilla mei, jino Olivo daina ídumo jáidiaioi. 31 Afénoño Jesús íaioína daide:

—Bie naio cueri méaicaillano nana omoi cuena fieitíomoi. Mei jaijai Juziñamui Cuegáuaimo omoi dibénedo bie izói daide: “Ovejai úiñoraima cue fáiticue, íemona afe ovéjaii rainólliaioi,” daide. ³² Jesús nai úrite: Mei íadi meine abido cue cáaille mei omoi uícodo Galiléamo jáitícue, —daide.

³³ Jira Pedro uai ote:

—Nana comini ona fáicanocaitiaioi ia, cue ona fáicanocaiñeiticue, —daide.

³⁴ Jira Jesús afémiena daide:

—Uáfueña ona dáitícueza. Bie naio átava nai úriñenia, daámani dígacaiño cuena jáanoitioza, —daide.

³⁵ Pedro íena daide:

—O diga cue tíliaena iere jítárede ia, ona jáanoñeiticue, —daide.

Afe llezica nana llófuegamaci Pedro daína izói daidíaioi.

Getsemanímo Jesús Juziñamuimo úrite

(Mr 14.32-42; Lc 22.39-46)

³⁶ Afe mei Jesús naa ie llófuegamaciri Getsemaní mámeçiredinomo dúcide. Afénomo íaioina daide:

—Bai batí Juziñamuimo cue úrizaiilla llezica benomo omoi ráiri, —daide.

³⁷ Daí daína mei Pedro, naa Zebedeo jító íaillinoiri Jesús bai uite. Afe llezica Jesús iere zúucaide. Zúucailla llezica comécimo duere zefuilla izói cácaide. ³⁸ Iemona íaioina daide:

—Cue comeci iere zúurede. Afe zuufue cuena titade izói finode. Benó omoi fiebiri. Iníñeno cue omoi úiñori, —daide.

³⁹ Daí daína mei afe baimo íanori jaide. Afénomo éniemo fueco dine bíjicaillano Juziñamuimo úrite; daide:

—Cue Moo, o finórenia bie duere finóllinomona cue jíllotari. Mei íadi cue comeci jítaina izói finóñeno iri. O comeci jítaina izói finori, —daide.

⁴⁰ Afe mei daámani ie llófuegamaci illánomo meine bite. Inídiaioina cíozaibite. Iemo Pédróna daide:

—¿Nano íanori omoi cue diga iníñeno cáadino izói ínidiomoi? ⁴¹ Fiénidifuemo omoi báinelleza, iníñeno abí omoi rairuiri. Daje izói Juziñamuimo comécido omoi úriri. Uáfueña omoi joreño jiéredeza, mei íadi omoi abí nánide, —daide.

⁴² Afe mei nane Jesús Juziñamuimo úrizaide. Bie izói daide:

—Cue Moo, bie duere cue íaioi facátallemona cue o jíllotareñenia o comeci jítaina izói fino, —daide.

⁴³ Afe mei nane meine bite. Bítemo ie llófuegamaci inídena cíozaibite, mei íaioi uimo ínie iere íllaza. ⁴⁴ Iemona nane afémacina fiénocaillano bai Juziñamuimo úrizaide. Ja daámani dígacaiño úrizaide. Ie mei nane daje uaido úrite. ⁴⁵ Afe mei nane ie llófuegamaci illánomo jaide. Afémacina daide:

—¿Nai ínidiomoi? ¿Nai ocózinaidiomoi? ¡Cacai! Nanoide fima Jitódícueza, ja cuena fiénidinomo fecalle hórano dúcidez. ⁴⁶ Omoi náidacai; jáiticaiza. Cue fécaitimie ja dúcidez, —daide.

Jesús ja llaitada uitíaioi

(Mr 14.43-50; Lc 22.47-53; Jn 18.2-11)

⁴⁷ Daí Jesús nai úrioina llezica Judas dúcide. Afémie doce dígade llófuegamacimona dáamie. Afémie aillo comini diga bite. Lloéfaillai naa bigíniari atidiaioi. Afémaci lletáriraini illaini orécaiaioi. Daje izói judíuai éicomini orécaiaioi. ⁴⁸ Fécaitimie Judas Jesús íaioi onóillena llaitalle uai uícodo íaioimo llote:

—Níimie cacai ñítaitícueza; afémie llaitada omoi uiri, —daide.

⁴⁹ Afemona Jesumo ánozillano daide:

—Llófueraima, caimare itio, —daide.

Afe emódomo Jesuna ñitade. ⁵⁰ Jira Jesús ie uai ote:

—Cue nabai, ¿minícamo bitio? —daide.

Daí daina mei, comini billano Jesús llaitádiaioi. Llaitada llavéllena uitíaioi. ⁵¹ Afe llezica Jesús nabáñiaimona dáamie ie lloefai otá, lletáriraini illaíma ocuífirgamie jefo cotade.

⁵² Jira Jesús íena daide:

—Jadí o lloefai oni joone. Mei nana lloéfaido fuirídino, afe lloéfaido tíitiaioi.

⁵³ ¿Onóñedioza cue Móomona doce dígazie ríiduaibitino jicáredicue? Daí jicádícuenia afémie biruimo raire cuemo orérede. ¿Afena onóñedio? ⁵⁴ Mei íadi birui afémaci cue llaitáñediaioinia, ¿nie izói Juziñamui Cuegáuai daina ñue ícoimo zúite? Aféuai bie ífcaidífuaí ie zuílle llote, —daide.

⁵⁵ Afe mei Jesús comínina daide:

—¿Ñibái mei merírfiredimie izói cue lláitaibitioioi? Mei lloéfaillari íemo bigíniari cuemo bitioioiza. Nágaruillaído Juziñamuimo gairíracomo ráicana ómoína llófufiredicue. Afénomo jaca cuena llaitáñedioioi. ⁵⁶ Mei íadi nana bie ífcaide, jaíai Juziñamui uai jino llóraini lloga ñue ícoimo fuitállena, —daide.

Afe llezica nana Jesús llófuegamaci afémie fáicanocaillano botádiaioi.

Jesús jamánomoidillaini uícomo uitíaioi

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Afe Jesús llaitada oni uitino Caifás uícomo uitíaioi. Afémie lletáriraini caifóidillaíma. Afénomo ocuica uai llófufiredino naa eicomíniri dánomo ofídiaioi. ⁵⁸ Mei íadi afe llezica Pedro Jesús uilla óodana caifóidillaíma jofo ibírino jaide. Afénomo dúcillano jofo jaide. Jaillano afeco úiñotino díga ráide. Afémie dinomo ráide Jesús llaitaja ñue ícoimo fúillana cíollena.

⁵⁹ Lletáriraini naa eicomíniri, íemo nana jamánomoidillainiri Jesumo fiéni jónellifue jenódiaioi. Uafue jónellifue íaioi báñenia “Táinofue nitaiticai,” daidíaioi, “áfedo afémie cai titátalleza.” Afe llezica aillo comini billano taino uailai afémiemo jónetiaioi. ⁶⁰ Mei íadi afémiemo íaioi jónellena baiñediaioi. Afe mei íraínomo ménamie taino llófredino íaillinoi dúcide. ⁶¹ Afe íaillinoi daide:

—Baie Jesús bie izói daírfrede: “Juziñamuimo gairíracona júdairedicue. Afe mei daaruiámani íllamona meine caífo níredicue,” —daidíaillinoi.

⁶² Jira lletáriraini caifóidillaíma náidacaillano Jesuna daide:

—¿Ñibái mei uai oñedio? Bie omo íaioi jóonegafue ¿nie izoide? —daide.

⁶³ Mei íadi afe llezica Jesús jaca uaina oñede. Ie jira lletáriraini illaíma íena daide:

—Caade Juziñamui mámeçido o úritadícueza, urí. Uáfueña daíllena riire o ocuídícue. O, Juziñamui Jitó Crístona o illa caímo lloiri, —daide.

⁶⁴ Jira Jesús daide:

—Jíi, o daina izói nímiedicue. Nane ómoína dáitícue, Nanoide fima Jitó Crístodícueza, ríinorede Juziñamui nabézimo cue ráillana cíoitioioi. Afe llezica mona uílliedo ana monámona cue bíllana cíoitioioi, —daí daide.

⁶⁵ Afena cacáillano lletáriraini caifóidillaíma jamánomo ríicaide. Daí ríicaillana ácatallena ie jitáoigaroi cuatade. Afe mei daide:

—Bie íima ie daina uáillaído Juziñamuina íaire úrite. ¿Ñibái mei nai jíaie uai nábitino jitáidicai? Omoi dani ie fiénide dánana cacádiomoi. ⁶⁶ ¿Mínica afémiemo dúina? —daide.

Jira afémaci daidíaioi:

—Dama ie ícoínia tíirede, —daidíaioi.

⁶⁷ Afe mei ie uíeçona tuádiaioi. Rázido íena fatíaioi. Jíáimaci ie uíeço púcoidiaioi. ⁶⁸ Daí ñiano íena daidíaioi:

—Mei Crístodioza, ¿nímie o faja? Jino llone, —daidíaioi.

*Pedro Jesús onode íadi jáanote**(Mr 14.66-72; Lc 22.56-62; Jn 18.15-18, 25-27)*

⁶⁹ Afe llezica Pedro jinófeco ibírimo ráiide. Afénomo ie illa llezica ocuífirregango afémiemo billano daide:

—O daje izói Galilea ímie Jesús diga macáfiredio, —daide.

⁷⁰ Mei íadi Pedro comini eróicana afémiena jáanote; daide:

—O dainana onóñedicue. ¿Minica llotio? —daide.

⁷¹ Afe mei Pedro jofo nazemo jáidemo jáíngoo íena ciode. Cíoillano afénomo itínona daide:

—Bímie daje izói Nazaret ímie Jesús diga macáfiredo, —daide.

⁷² Afengo daíi daina llezica, Pedro nane íena jáanote. Rírede uaido daide:

—Afe ímana jaca onóñedicue, —daide.

⁷³ Afe mei íanori íllamona afénomo itino Pédromo áinozillano daidíaioi:

—Uáfueza, afémaci ímiedio, mei dama o úrillado onódicaiza, —daidíaioi.

⁷⁴ Afe jira Pedro uafue daíillena Juzíñamui mámece llinota ríire daide:

—Afe báimiena jaca onóñedicue, —daide.

Daíi ie daina llezica ítava úrite. ⁷⁵ Afemona Pedro Jesús uícodo íena dainamo úbicaide. Afe be níuui: “Atava nai úriñena llezica, daámani dígacaiño cuena jáanoitioza.” Afemo úbicaillano Pedro jino iere zuure éecana jaide.

27*Pilátomo Jesús izájidiaioi**(Mr 15.1; Lc 23.1-2; Jn 18.28-32)*

¹ Mona monáizailla llezica, nana lletáriraini illaini, naa judíuai eicomíniri, daanomo gairíllano Jesús titállena nana daje izói maméritiaioi. ² Afe mei Jesús maiano, afe énie úiñote illaíma Poncio Pilátomo izájidiaioi.

Judas tñillafue

³ Judas, Jesús fecádimie, Jesuna íaioi coraiaillana cíoillano comeci ifue méidote. Iemona treinta diga úcubetuni meine lletáriraini illáinimo izájide, ocuide eicomínimo diga. ⁴ Izájillano daide:

—Iere fiénidifue finódicue; nífuenidímie titállena fecádicueza, —daide.

Jira afémaci uai otíaioi:

—¿Afefue caimo mei nibái? Dama ófue, —daidíaioi.

⁵ Ie jira Judas afe úcube gairíracomo ana jutade. Afe mei afémie jaillano dama cimoi cúinajano aménamo ágüicaide. Daíi afémie tiide.

⁶ Lletáriraini illaini, afe jutaca úcube iráiano daidíaioi:

—Juzíñamuimo fia iga úcube jóoneracomo bie úcube jóonenidicai, mei come titaja úcubeza, —daidíaioi.

⁷ Afe mei afémaci afe úcubedo énie íballena dájena comécidíaioi. Iaioi íbaca énie mámece Nógora Orano. Afébiri íbádiaioi jicánemaci tíadi afénomo ráillena. ⁸ Afe jira nai biruimo afébiri Diébirina daífirrena. ⁹ Daíi íaioi ínuamona jaijai uai llóraíma Jeremías lloga uai ñue ícoimo fuite. Be níuui: “Israel nairai cue íaioi fécaja úcube abido llinotiaioi. ¹⁰ Llinuano Nógora Orano íbádiaioi. Daíi Juzíñamui cue ocuide.”

*Jesús Pilato uiécomo jóonetiaioi**(Mr 15.2-5; Lc 23.3-5; Jn 18.33-38)*

¹¹ Afe mei énie úiñotillaíma uícomo Jesús uitíaioi. Afénomo afémie Jesumo jicánote:

—¿O meita judíuai illaíma? —daide.

Jira Jesús daide:

—O daina izói nímiedicue, —daide.

¹² Iemo lletáriraini illaini naa ocuide eicomíniri Jesumo fiénide uaillai jóonia llezica, afémie jaca uai oñede. ¹³ Jira Pilato íena daide:

—¿Aquie omo íaioi jóonegafuiai cacáñedio? —daide.

¹⁴ Mei íadi Jesús jaca afe llezica uai oñede. Iemona uai ie oñénari énie úiñotillaíma fáigacaide. Ie daíille uai onóñede.

Jesús titállena mameca

(Mr 15.6-20; Lc 23.13-25; Jn 18.38-19.16)

¹⁵ Aféruillaido afe rafue ana, llaveca fiénidinomona dáamie Pilato zuitáfirede. Afémie comini uaido zuitácamie. ¹⁶ Mei afénomo ite mámecina jica jalleide fiénide maigámie. Afémie mámecei Barrabás. ¹⁷ Illáicomini dáanomo gairilla llezica Pilato afémacimo jicánote:

—Bíailinoimona ¿nímie ómoimo jino zúitaiticue? ¿Barrabás, mei nibai Cristo daina Jesús? —daide.

¹⁸ Mei Pilato, comini úradoillamona Cristo íaioi fécajana ñue onode.

¹⁹ Pilato, riire jicánofiredimie ráiranomona ráina llezica, Pilato ai uai orede. Afe be níuui: “Afe jadímie nífuenidímieza afémiemo jírcaíñeno iri. Mei ja naio afémiena cue nicáirilla llezica iere duere zefuídicue,” daide.

²⁰ Mei íadi lletáriraini illaini naa ocuide eicomíniri, nana jíáie comini Pilátoma daílluai riire llotíaioi. Barrabás zuitállena Pilátoma jicátatiaioi. Daje llezica Jesús titállena jicátatiaioi. ²¹ Afe énie úiñotillaíma nane dáanomo jicánote:

—Bíailinoimona ¿nímiéna cue zuitátatiomo? —daide.

Jira: —Barrabás zuita, —daidíaioi.

²² Iemo Pilato íaioimo jicánote:

—Iemona bie Crístoma mámeceiredimie Jesús ¿nie izói níbaíticue? —daide.

Jira nana uai otíaioi:

—¡Cruzmo corai! —daidíaioi.

²³ Iemona Pilato íaioina daide:

—¿Níbái mei? ¿Nie fiénidífue afémie finode? —daide.

Mei íadi comini dáanomo riire daidíaioi:

—Cruzmo corai, —daidíaioi.

²⁴ Pilato ie uaina íaioi íñoñenana cide. Daje izói nana comini aféfuiairi jamánomo cáilliana cacade. Ie jírari “Onoi cue jocólleza jainoi atí” daide. Jócua llezica daide:

—Afe bie nífuenidímie tulle cuemo jííñede. Dani ómoífueza, —daide.

²⁵ Iemona nana comini uai otíaioi:

—Afémie tulle caimo jíite, daje izói cai úruiaimo, —daidíaioi.

²⁶ Afe jira Pilato Barrabás zuitade. Afe mei Pilato Jesús rázido fatátate. Fatata mei Jesuna afémacina coráitate.

²⁷ Afe mei énie úiñotillaíma fuiríraini áillue gairíracomo Jesús uitíaioi. Afénomo nana jíáie fuirírainiaí afémie onífenodo gairídíaioi. ²⁸ Afe mei ie iniroi dúiñuano, illaíma jítáfirega jáicuiro afémiemo jítádiaioi. ²⁹ Afe llezica ifo icuifoí eegi nínacuifoína afémiemo jítádiaioi. Iemo jíái illaíma llíifirega bigina íena llínotadiaioi. Daí ñiano afémie anamo dújudiaioi. Dújuillano jifánodoiano íena daidíaioi:

—Judíuai Illaíma are íitioza, —daidíaioi.

³⁰ Afe llezica afémaci ie túallaitiaioi. Afe dáanomo ie llíiga bigi báiruano, ie ifoci púcoídiaioi. ³¹ Daí ie íaioi jifánodoia mei, afémiemo íaioi jítaca jáicuiro dúiñuano, dama ie iníroina jítádiaioi. Afe mei afémie coráiaidiaioi.

Jesús cruzmo coráidiaioi

(Mr 15.21-32; Lc 23.26-43; Jn 19.17-27)

³² Jofue jinomo íaioi coráiailla llezica, Cirene énie ímie baitíaioi. Baillano Jesús uiga cruzna rocátatiaioi. ³³ Daií Gólgata mámeciredinomo dúcidiaioi. Gólgata daina “come ifócorai illano.” ³⁴ Afénomo eriredena jaicuica vónona Jesús jirótatiaioi. Mei íadi Jesús áfena due fácano, jiróacañede.

³⁵ Jesús ja íaioi coraia méifodo, fuiríraini Jesús iniroi illa dígamie íaioi máíñuana onoíllena, onótaraji dotádiaioi. Daií jaiái uai llóraini lloga uai ñue ícoimo fuite. Afe be níuui: “Onótaraji dótajano, cue iniroi conímaiaimo fecádiaioi.” ³⁶ Afe mei afémiedo éroíllena afénomo ráiediaioi. ³⁷ Ie ifo acónimo cuezábici netádiaioi. Afébicimo níufue ícoinia duere finoca daina cúeina. Afébicimo cuela bie izóí daide: “Bie Jesús, Judíuai illaíma.”

³⁸ Afe llezica afénomo mena merírifiredimie coráidiaioi. Dáamie Jesús nabézimo coráidiaioi. Jáimie ie jarífezimo coráidiaioi. ³⁹ Afe llezica áfeodo jaide comini Jesuna íáire úritiaioi. Uaido iere riire íena táigoidiaioi. ⁴⁰ Daií fiendi ie táigoiano íena daidíaioi:

—Juzíñamuimo gairíraco júdaiano daaruiámani ille mei meine níticue daiífiredioza; mai, o abi jíllota. Daje izóí Juzíñamui Jitona o íadi, jadíe cruzmona ana bi, —daidíaioi.

⁴¹ Daje izóí lletáriraini illaini, íemo ocuica uai llófuetino, íemo fariséuai naa ocuífiredo eicomíniri íena áfeduano conímana daidíaioi:

⁴² —Díga jíaimaciaina afémie jíllotafiredo, mei íadi dama ie abina jíllotanide. “Uafue Israel Illaíma o ía, jadíe cruzmona ana bii, áfemona omo cai íinolleza,” íena daidíaioi. ⁴³ Nai ie áfeduano íena úritiaioi:

—Mei afémie Juzíñamuimo ínoteza, mai mei birui Juzíñamui ie jíllota, Juzíñamui ie jíllotaíacania. Afémie caina “Juzíñamui Jitódicue” daide, —daidíaioi.

⁴⁴ Daje izóí ie díga coraica merírifiredo íaillinoi íena íáire úritiaillinoi.

Jesús tilla

(Mr 15.33-41; Lc 23.44-49; Jn 19.28-30)

⁴⁵ Afe llezica nániena jítireficaide. Jitoma jaíciri íllamona batí ana ítemo jítireficaide.

⁴⁶ Ja jitoma arífezona ana ítemo Jesús riire caillide:

—Elí, Elí, ¿lama sabactani? —daide. Afe uai daiíacana: “Cue Juzíñamui, cue Juzíñamui, ¿níbái mei cue zóofetio?”

⁴⁷ Afénomo itínomona dáarie áfena cacáillano daidíaioi:

—Bímie jaiái Juzíñamui uai llóraíma Elías jíirite, —daidíaioi.

⁴⁸ Daií daina llezica afémacimona dáamie aizida esponja daina fíllicide raa uájide. Erírede vínomo riáitano Jesús jiróllena caífo rázido ñuitádiaioi. ⁴⁹ Mei íadi jíaimaci daidíaioi:

—Dama íteza. Jetáñeno, Elías ie jíllotaíbiadi, cai cíoilleza, —daidíaioi.

⁵⁰ Afe mei Jesús dáanomona riire caillide. Daií cáillia méifodo ja tíide. ⁵¹ Ie tilla llezica Juzíñamui gairíraco eromo fetácaroi caifona ana eróicana atóroido oni cúajicaide. Afe llezica énie docaide, íemo jíái jéerie nofíciái bócoizite. ⁵² Iemo daje llezica, comini raíáfuai túicoizite. Afe llezica aillo tíide Juzíñamuimo ínotinuíai meine abido cáadimacina jáidiaioi. ⁵³ Afe bimaci íaioi raíáfuaímona jino bitíaioi. Iemo Jesús abido caana mei, ñuera Jerusalén jófuego jáidiaioi. Afénomo aillo comini bie como meine abido cáadimacina cíodiaioi.

⁵⁴ Iemona fuiríraini illaíma naa afémie díga Jesús úíñotinori, énie docailla, naa jíáie comuídfuíaína cíoillano, iere jacínaitiaioi. Jacínaillano daidíaioi:

—Uáfueza bie Juzíñamui Jitó, —daidíaioi.

⁵⁵ Afénomo díga ringóniaí jicana eróiediaioi. Aféngotiaí Galiléamona Jesudo jáidiaioi. Aféngotiaí Jesuna canófrediaioi. ⁵⁶ Aféngotiaí cígimo, Magdalena énie ingo María ite. Iemo jíáie María, Santiago José íaillinoi ei ite. Iemo jíái Zebedeo ai ite. Afengo mena jítrede.

*Jesús raitíai**(Mr 15.42-47; Lc 23.50-56; Jn 19.38-42)*

⁵⁷ Ja nauilla llezica Arimatea énie ímie José bite. Afémie ráaredimie, íemo jiái afémie Jesudo jáicaifirede. ⁵⁸ Afe jira Pilátomo Jesús abi jícajide. Iemona Pilato Josemo afémiena ite. ⁵⁹ Iemo José Jesús abi ana uano ñuera áilloroina junide. ⁶⁰ Juníllano dama ie comue raiáfomo jóonete. Afe raiáfo nofícimo finoca. Raia mei áillue nofícina naze íbáillano jaide. ⁶¹ Afénomo Magdalena énie ingo María naa jiáie María diga raiáfo uícori ráiidiainguai.

Jesús raiáfo uíñoitnona jóonetiaí

⁶² Afe jiáiruido, ocózinaillarumo jitaica raa finua mei, lletáiriraini illaini, naa fariséuairi Pilátomo úrizaidiaí: ⁶³ —Ocuídímie, afe taino llórama Jesús dáinamo úbicaidicai. Afémie caana llezica, “Daruiámani ille mei, tíllanomona meine abido cáaiticue,” daíifirede. ⁶⁴ Ie jira afe raiáfo daruiámani fidi riire o finori, ie llófuegamaci ie abi naio mériaíbiñelleza. Mériano comínina “Ja Cristo tíide meine abido caade,” dáitíai. Ie llófuegamaci daí finóadi, íaií úirainomo lloga táinofue, fueñe lloga táinofuai baímo fiénite, —daí daidíai.

⁶⁵ Jira Pilato daide:

—Batí omoi úiñote fuiríraini ite. Afémacido afe raiáfo omoi onona izói riire omoi finori, —daide.

⁶⁶ Iemona raiáfomo jaillano, afénona riire finódiaí. Afe mei afe raiáfo emodo íbailla nofícimo túiñoñeilla jana finódiaí. Afe mei jóoneide fuiríraini afénomo fiiano oni jáidiaí.

28*Jesús tíllanomona meine abido cáadimiena jaide**(Mr 16.1-8; Lc 24.1-12; Jn 20.1-10)*

¹ Ocózinaillarui jiáiruido, semana fueñedirumo mona monáiacana llezica, Magdalena énie ingo María, jiáie María diga raiáfo méiñuaidiainguai. ² Afe llezica énie riire docáiricaide. Juzíñamui abi ímie ángel daínámie monámona ana billa énie níraídua. Afémie Jesús raiáfomo dúcillano afe íbailla nofici oni tuiñode. Tuiñuano afébicimo ráide. ³ Afémie abi mona borilla izói quenire cioide. Iemo afémie iniroi jaillici izói iere úzerede. ⁴ Afémiena cióillano, jóonete fuiríraini iere jacínaitiaí. Cuidíridiaí. Afe llezica tíidino izói jáidiaí. ⁵ Afe mei Juzíñamui abi ímie afénomo jaide ringóniaina daide:

—Jacínaiñeno. Onódicueza, coraica Jesús jénuaíbitiomo. ⁶ Afémie ja benó íñede. Omoína ie daína izói, ja meine abido caade. Ie íaií raiano eróizaíbi. ⁷ Afe mei ie llófuegamacimo omoi llujáiri. Bie izói lloiri: “Ja afémie tíide íadi meine abido cáadimiena jáideza. Afémie ja omoi uícomo Galiléamo jaide. Afénomo íena cíoitíomo.” Be ómoimo cue llóiacagafue, —daí daide.

⁸ Iemona ringóniaí afe raiáfomona raire abido jáidiaí. Aféngotiaí iere íóbicaidiaí íadi, naí jacíruoidimaci.

⁹ Iodo íaií jailla llezica Jesús íaíomo cíocaide. Cíocaillano íaíoina uáidote. Aféngotiaí íemo ánozillano íemo cáimadotiaí. Ie ídai meníñotiaí. ¹⁰ Jira íaíoina daide:

—Omoi jacíruíñeno. Cue ámatiaímo llujáiri, Galiléamo raire íaií jáilleza. Dinomo cuena cíoitiaí, —daide.

Raiáfona uíñotaga fuiríraini llogafue

¹¹ Ringóniaí jailla llezica, raiáfo jóonete fuirírainimona dáarie jófuego jáidiaí. Afénomo dúcillano lletáiriraini illáinimo nana íaií ciónana llotiaí. ¹² Aféllaini ocuide eicomínimo ñue íaií onóilla llujáidiaí. Ie jira aillo úcubena afe fuirírainimo itíai. ¹³ Illano íaíoina daide:

—Bie izói omoi daiíri: “Naió cai ínia llezica ie llófuegamaci mériano ie abina uitíaiói.”

¹⁴ Iemo énie úiñotillaima aféfuena fidiadi, omoi ñue íllena daní cai afémiemo úrizaiticai. Afemona afémié ómoína duere fínoñeite, —daií daidíaiói.

¹⁵ Iemona afe fuiríraini úcube llínotiaíói. Llínnota íaióina daina izói fínuaidiaíói. Iemona judíuai nai biruimo Jesús meine abido cáanana uáitadiaíói; uáitano bie izói daiífirediaíói.

Jesús ie orécamacimo jóonega uai
(Mr 16.14-18; Lc 24.36-49; Jn 20.19-23)

¹⁶ Afemona Jesús once dígade llófuegamaci Galiléamo jáidiaíói. Uícodo Jesús íaióimo lloga ídumo jáidiaíói. ¹⁷ Afénoemo Jesuna íaiói cíoillano, afémiemo cáimadotiaíói. Mei íadi dáamierie nai figo íñoñede. ¹⁸ Jira Jesús afémacimo áinozillano daide:

—Nana monamo ite ocuilla ríino, naa éniemo ite ríino díga ja cuemo fecaca. ¹⁹ Ie jira nana éniemo ite comínimo omoi jairi. Afémacina cue llófuegamacina oreri. Afe mei Moo Juzíñamui mámecido, daje izói ie Jitó mámecido, naa ie Ñuera Joreño mámecido íaióina báutizari. ²⁰ Nana omoi cue ocuilla uáillaina afémaci jeire omoi otátari. Afe llezica bíena omoi onoiri, cue nágarui omoi díga ífireiticueza. Jaca omoi díga íticuemo énie fuillíruimo dúciite. Daiítadeza; ja ñie.

JUZÍÑAMUI ÑUEFUE SAN MARCOS LLOGAFUE El Santo Evangelio Según San Marcos

Juan Bautista táizicimo lluáibite

(Mt 3.1-12; Lc 3.1-9, 15-17; Jn 1.19-28)

¹ Juzíñamui Jitó Jesucristo lloga ñúefue bie izói tainede.

² Jaiái uícodo Juzíñamui uai jino llóraíma Isaías cuete:

Mai cacai, o uicodo cue rafue llotímie orédicue, o jáille io ñue ifóllena.

³ Táizicimo caillídime uai ñue cacaide; daide:

Mai omoi Ocuíraíma jaille io ñue finori; ie macalle io jaícina tuiñori, —daide.

⁴ Afe izói báutizaráima Juan táizicimo cíocaizaibite. Dinomo comini jitárede báutizaillena afémie ñue lluáibite. Iaióina daide:

—Omoi comeci ifue ñúefuena méidorediomoí. Ie mei báutizarediomoí. Iemona Juzíñamui omoi comeci fiénidifuiái dóite, —daide. ⁵ Iemona nana Judea énie imaci, Jerusalen comini diga, Juan llógamo cacáreizaidiaíoi. Cacáillano íaiói comécimo ite fiénidifuiái uáfodo jino llotíaíoi. Daí íaiói llua méifomo imani Jordámo Juan báutizagaíaiói.

⁶ Juan jitaca iniroi camello itíraíai finoina. Ie ciraigi llaitáinafe igorai finoina. Fíuai rite; jazici ie cíiji jirófired. ⁷ Comínimo llócaillano daide:

—Fui cue méifodo bíitimie, iere cue baímo riire ocuífireitimie. Iemona ie idai ico igai zuitánidicue, mei jofófene jamáimiedicueza. ⁸ Jae jáinoido ómoína báutizadícue, ñuera iodo omoi jáiacana jino llóllena; mei íadi afe bíitimie Ñuera Joreño do ómoína uícaítaite, ñuera iodo éicitaiñeno ñue omoi jáillena, —daí daide Juan.

Jesús báutizainafue

(Mt 3.13-17; Lc 3.21-22)

⁹ Aféruillaido Jesús Nazarétmona bite. Afe Nazaret jofue Galilea éniemo ite. Billano Juan illánomo dúcide. Afénomo Juan íena Jordámo báutizade. ¹⁰ Jáinoimona jino billa llezica Jesús mona tújicaillana ciode. Daje llezica Ñuera Joreño fíiciri izói Jesumo ana bíllana Jesús ciode. ¹¹ Afe llezica monámona uai cácaide; daide:

—O iere cue izíruiga Jitódio. Ori iere caimare iticue, —daide.

Taife Jesús facátate

(Mt 4.1-11; Lc 4.1-13)

¹² Afe méifodo raire Ñuera Joreño Jesuna táizicimo orede. ¹³ Dinomo tóíñega rílleniai cígimo Jesús cuarenta dígarui ite. Afénomo Satanás (Taife jíáifodo mámeçiredimie) Jesús facátate. Aféruillaido Juzíñamui abi imaci ángeles daínamací Jesús cánuai bitiaíoi.

Jesús Galiléamo llófuiafue táiniaide

(Mt 4.12-17; Lc 4.14-15)

¹⁴ Ie mei illaíma Herodes Báutizaráima Juan llavétate. Juan llavébilla mei, Jesús Galilea éniemo jaide. Jáillano Jesús, Juzíñamui ñuera rafue llujáide. ¹⁵ Jesús bie izói daide:

—Ja aféruimo dúcide. Ianori íllamona Juzíñamui nana íemo jáináidimaci dáaziena caimare íllena gairítaibiteza. Iemona jíllonafue omoi ínuano, omoi comeci ífuiaí méidori afémacimo dájena omoi jáináillena, —daide.

Jesús cuatro dígamie facóramaci uáidote

(Mt 4.18-22; Lc 5.1-11)

¹⁶ Jesús Galilea jorai fuédado mácajide. Jaillano Simona ciode ie ama Andrés diga. Facóramo íaillinoi. Llóji jóraimo dotáfirediaillinoi. ¹⁷ Jesús íaillinoina daide:

—Mai cuedo ómicoi bi. Chámuniaí ómicoi jenófírena izói, afe izói comini jenórainina ómicoina jóneiticue, —daide. ¹⁸ Raire íemona íaillinoi llóji fíanona, afémiedo jáidiaillinoi. ¹⁹ Ie mei Jesús bai jabo jaillano Zebedeo jitó, Santiágonaciode, ie ama Juan diga. Iaiói llóji cúaidino, nocáe ero ráicana niródiaillinoi. ²⁰ Jesús íaillinoi jíríte. Iaillinoi moo Zebedeo nocaemo fiénocaillano ie canóramaci diga, Jesudo jáidiaillinoi.

Capernaumo fiénide jóríaredimie Jesús jíllogata
(Lc 4.31-37)

²¹ Ja Capernaumo dúcidiaíoi. Ie mei ocózinaiillaruimo Jesús Juzíñamui uai llófueracomo jofo llófuiaide. ²² Afémie llogáfueri fáigacaidiaíoi. Ua nibai riimie izói ñue llófullofuede. Ocuícafue llófueraini afe daí llófueñediaíoi. ²³ Afe llezica Juzíñamui uai llófueracomo fiénidena jóríaredimie ite. ²⁴ Afémie ja Jesumo caillide; daide:

—Nazaret ímie, Jesús, ¿ñifue cócomo illa? ¿Cai fatátaíbitio? Ona onódicue. Juzíñamui íaifuenidimiedio; afémie rafue ñue llúaíbitimiedio, —daide.

²⁵ Iemo Jesús fiénide jóríaimo riire úrite; daide:

—¡Llícai! Bímie fáicanocaillano oni jai, —daide.

²⁶ Iemo fiénide jóríai afémiena izire docáitate. Ie mei jamánomo caillídemo afémíemona oni jaide. ²⁷ Ie jira nana nairai jacínaitiaíoi. Jira conímamo jicánotiaíoi:

—¿Bie minica? ¿Minica bie como llófueinafue? Bie Jesumo riire ocuíllafue ite, fiénide jóríai oréllena. Afe fiénide jóríai afémiena ínofírediaíoi, —daídíaíoi.

²⁸ Ie jira Jesús mámecei nana Galilea énie fuédado raire jica jalleide.

Jesús Simón Pedro jifaiño jíllogate
(Mt 8.14-15; Lc 4.38-39)

²⁹ Juzíñamui uai llófueracomona jino billano, Jesús, Simón ie ama Andrés íaillinoi icomo jaide, Santiago, Juan diga. ³⁰ Dinomo Simón jifaiño abi cuaríllamona iníranomo bíide. Afengo irárenana Jesumo llotíaíoi. ³¹ Iemona aféngomo ánozillano, Jesús afengo onoi llínota, íena caifo naidánete. Afe llezica afengo abi cuarilla aféngomona llícaide. Daje llezica jarire íaíoi jitailla güille afengo bai íaíoiimo atide.

Jesús aillo iráredino jíllogate
(Mt 8.16-17; Lc 4.40-41)

³² Aféruído, jítoma ana zójicaidemo, ja nauíoicailla llezica, nana afénomo ite iráredino, fiénidena jóríaredino diga, Jesumo atídíaíoi. ³³ Nana dino jofue nairai afeco naze fue ibírímo gairízitiaíoi. ³⁴ Jesús aillo íaíoiimo ite diga ie duico jíllogate. Afe llezica aillo fiénide jóríai Jesús jino comínimona orede, mei íadi Jesús afe jóríai úriñeillena íaíoiimona rairuide, mei afémiena onódiaíoiiza.

Jesús Galiléamo llujide
(Lc 4.42-44)

³⁵ Ja monáioicaidemo, nai jítireoidemo, Jesús cazíllano jino jófueimona oni tñ daídínomo jaide, dinomo Juzíñamuimo úrillena. ³⁶ Afe mei Simón ie nabáñiaíri Jesús jénuaidiaíoi.

³⁷ Baillánona íena daídíaíoi:

—Nana o jenódiaíoi, —daídíaíoi.

³⁸ Iemo Jesús íaíoiina daide:

—Ainori itícuaímo mai cai jai, dinomo daje izói ñúefue cai llujillena; mei afe jira jino bitícueza, —daide.

³⁹ Daií Jesús nana Galiléado macade. Naga illánuiamo Juzíñamui uai llófueriracomo llócaide. Afe llezica comínimona fiénide jóriaí jino orede.

Chínaite izóidimie Jesús jíllotate

(Mt 8.1-4; Lc 5.12-16)

⁴⁰ Jesumo chíinaite izóidimie áinozide. Ana dújuano daide:

—Cue o jíllotaiacaniadi cuena jíllotaredio, —daide.

⁴¹ Ie jira Jesús afémiemo dúecaide. Jira ónoído jétano daide:

—Jii, ona jíllotaiacadicue. Mai o abi jácaiteza, —daide.

⁴² Daií dáinamona afe duico iráredimiemona cióbicañena. Jae ñúemie. ⁴³ Iemo Jesús afémi orede. Daje llezica riire ocuállano daide:

⁴⁴ —¡Cacai! Bumo lloñeno iri. Dama lletáriraima sacerdote dainámie mo jaillano, o abi ácatari. Dáaruido Moisés jaiái ocuica abi duafue ráana, mai afémiemo izájiri. Iemona comini o abi jíllotana fidiítiaioi, —daide.

⁴⁵ Mei íadi afémi jaillano nana comínimo afe ie jíllonafue llujáide. Iemo aillo comini Jesumo izire gairíodiaioi. Ie jira ja Jesús bu jófuemo uáfodo jáinide; mei íadi jino jofue iñénanomo mácajide. Mei íadi nágagobiaimona bizájidiaioi afémiena cíoillena.

2

Jesús tízitaitimie jíllotate

(Mt 9.1-8; Lc 5.17-26)

¹ Ie méifodo nano nígarui íllamona Jesús meine abido Capernaumo jaide. Afémi jofomo íllana ja fidídiaioi. ² Iemo aillo nairaí ie jofomo gairídiaioi. Jofo comínina oruállamona iere rillírede; ja naze fuemo íaioi íllino íñede. Iaioimo Juzíñamui úrillafue Jesús jino llote. ³ Iemo cuatro dígamie tízitaitimie atídiaioi. ⁴ Iere comini íllaza, Jesús íllánomo dúcinide. Ie jira jofo emódomo caifo jaillano, Jesús illa llezícamo jofo emodo íbáicano cúcoidiaioi. Cúcoianona aféfodo tízitaitimie ana agüínetiaioi, naa afémi bírallu díga. ⁵ Afémaci comeci ínuana cíoillano, Jesús tízitaitimiena daide:

—Jitó, o fiénidifue jae ñue dófide, —daide.

⁶ Dáarie ocuícáfue llófueraini, dinomo ráidino, íaioi comeci facáodiaioi: ⁷ “¿Ñibái mei bímie daií úrite? Juzíñamuina fiéni úrite. Dama Juzíñamui fiénidifuenta dua. Abi díne bu Juzíñamui izói fiénidifuenta doñena.” ⁸ Mei íadi dama Jesús ie comécido afémaci comeci úrillafuenta onode. Jira daide:

—¿Ñibái mei omoi comeci daií facádiomoi? ⁹ ¿Ñie iere júanina iráredimiena daiíllena: “O fiénidifue dófite,” nibai jáífodo daina: “Náidacai, o bíra llínota ui, mai maca”? ¿Ñie iere júanina? ¹⁰ Ie jira jáífuenta ómoimo fidítaiticue. Bíniemo comini fiénidifuiaina oni muiñolle ríino cuemo ite. Nanoide íima Jitódicueza, —daide. Iemo tízitaitimiena juare daináfuenta daide:

¹¹ —Ona daidicue: Caifo náidacai. O bírallu llínota mai o jofomo jairi, —daide.

¹² Ja iráredimie raire náidacaillano ie bírallu llínote. Llínuano dinómona jino jaide. Ie jáillana nana comini cíodiaioi. Jira áferi fáigacaidiaioi. Daje llezica Juzíñamuina cáimadotiaioi. Daidíaioi:

—Jaca daiítadifuenta cíorainidicai, Juzíñamui o iere jamánomoidimiedio. Mai Juzíñamuimo cai íóbilli, —daidíaioi.

Jesús Leví uáidote

(Mt 9.9-13; Lc 5.27-32)

13 Ie mei Jesús meine abido jorai fuédamo jaide. Nana comini íemo áinozidiaioimo, afémie íaioina llófuete. 14 Jesús mácajilla llezica, Levína ciode. Leví Alfeo jitó. Afémie gobierno íbátaga úcube llínoranomo ráiide afe úcube llínollena. Iemo Jesús íena daide:

—Cuedo bi, —daide. Jira Leví náidacaillano afémiedo jaide.

15 Afe méifomo Jesús Leví jofomo güizájide. Dinomo aillo jíáie gobierno íbátaga úcube llínoramaci Jesús dáanomo güirábanimo ráiiediaioi naa fiénidimaciri. Mei íere áillomaci afe izóidino afémiedo jáidino. Afe dáanomo Jesús llófuegamaci ráiidiaioi. 16 Mei íadi dáarie ocuícáfue llófueraini fariséuai diga, Jesús nana afe fiénidimaci diga naa íáiruiga íbátaga úcube llínoramaciri dáanomo güíllana ciódiaioi. Iemona Jesús llófuegamacina daidíaioi:

—¿Níbái mei omoi llófueraima afe íáiruiga íbátaga úcube llínoramaci diga güífiredede, jiróífiredede? Daje izói, ¿níbái mei jíáie fiénidino diga güífiredede? —daidíaioi.

17 Aféfuena Jesús cacáillanona duera ráfuedo íaioina daide, nie ícoina mei íáiruigamací diga íe güífrenana íaioi onóillena. Be níífue:

—Íránidimaci manóriraimana jítaíñediaioi; dani duícotaidino da manóriraimana jítaina. Mei ñúemacimo cue uáiduaíbiticue. Fiénidino uáiduaíbiticue afémaci jíllloillena, —daide.

*Daa mona güíllena fímairillena Jesumo jícánuaíbitiaioi
(Mt 9.14-17; Lc 5.33-39)*

18 Jíáíruido Bántizaraima Juaado jáidino fariséuaido jáidino diga nana güíñeno fímairitiaioi. Aféruimo dámierie Jesumo jícánuaíbitiaioi:

—¿Níbái mei Juaado jáidino fariséuaido jáidino diga nana güíñeno fímairitiaioi, mei íadi o llófuegamaci fímairiñediaioi? —daidíaioi.

19 Jesús uai uano ráfuemo mámiano íaioi llófuete, afémiedo jáidino finócana jíáimaci féinino onótallena. Daide:

—Airenafuemo uáidogamací ringo otímie íaioimo illa llezica ¿meita fímairirediaioi? ¿Níbái fímairinidiaioi? Ringo otímie íaioimo illa llezica jaca fímainidiaioi. 20 Mei íadi ringo otímie íaioimona bairóbicailliruimo dúcite; aféruimo uáfuena fímairitiaioi.

21 Iemo daje izói ñue onótallena jíáie ráfuemo mámiano íaioi llófuete; daide:

—Buna jaiáicuiro inícuero cúaidinomo comue jofo gájicaiñede iniroi nitácapu dájemo jofo jillíñede, mei comue gájicaiñede nitácapu afe jaiáicuiro onífenedo nane ráataitade. Iemona cúaidino jae íere aillóite. 22 Daje izói comue vino jácara igorai íe finoina botéllamo jóonenide. Jácara botéllamo comue vino jóoneadi, afétella bójicaide. Iemo nana vino táinomo tójicaide. Daje izói afe igorai finoina botella bójicaillano meine finónide. Ie jira comue vino comue igorai finoina botéllamo jóonerede, —daide.

*Jesús llófuegamaci ocózinai llaruimo trigo llizíllaticiai tícoidiaioi
(Mt 12.1-8; Lc 6.1-5)*

23 Daa mona ocózinai llaruimo Jesús ríganiai cígido mácajide íe llófuegamaci diga. Afénodo jaillano íe llófuegamaci arrozna eroide trigo llizíllaticiai ja tícoiaidiaioi. 24 Iemo fariséuai íena daidíaioi:

—¡Erocái! ¿Níbái mei o llófuegamaci rairuírede jetádiaioi? Afena ocózinai llaruimo rairuírede, —daidíaioi.

25-26 Mei íadi afémie íaioina daide:

—¿Jaca níbai David finócana facádoñediomoi? Afémie naa íe nabáiñiairi güille íñena llezica, júbietaillano Juzíñamui jofomo jaide. Ua Abiatar lletáriraini illáimana illáruído, David jofo jaide. Afe jofo eromo Juzíñamuimo eneno mameca rairuírede panes íte. Dani Juzíñamui lletáriraini afena güírena; jíáimacimona afe rairuírede. Afe panes David uánona güite; íe mei íe nabáiñiaimo fecade.

27 Iemo nane Jesús íaioina daide:

—Iima ocózinai llaru iéna fínoñega, mei íadi ocózinai llaru iima iéna mameca. ²⁸ Jira Nanoide iima Jitona cue íllamona, ocózinai llaruina ocuíredicue. Aferui Náamadícue, —daide.

3

Jesús ónoina llirídime jllotote
(Mt 12.9-14; Lc 6.6-11)

¹ Jesús dáanomo Juzíñamui uai llófueriracomo jofo jaide. Afénomo ónoina llirídime ite.
² Afénomo itínomona Jesumo iere eróioidiaioi, ocózinai llaruimo Jesús bímiéna jllotajana onóillena, áfedo Jesumo fiénidífue jítállena. ³ Ie jira ónoina llirídime iéna Jesús daide:

—Náidacai; jofo bené cígimo bi, —daide.

⁴ Dáanomo jíai macimo jícanote:

—¿Minícana ocózinai llaruimo ómoiri finóredicue? ¿Nibai fiénidífue fínoitícue, nibai ñúefue fínoitícue? ¿Nibai omoi jllotaitícue, nibai omoi títaitícue? —daide Jesús.

Mei íadi afémaci ja uai oñédiaioi. ⁵ Jira Jesús íaioiri rícaide. Daje izói zuure íaioimo eroide, mei íaioi onóiacañena jira. Iemo afe ímana daide:

—Mai, o onoi zúitacai, —daide.

Ie jira ie onoi zuitácaide. Iemona ja ie onoi ñuera. ⁶ Afe mei fariséuai, naa Herodes imaci díga jino jaillano, Jesús fallífue raire mamé diaioi.

Aillo nairai jorai fuédamo gairí diaioi

⁷ Jesús ie llófuegamaci díga, jorai fuédamo jaide. Iemo aillo nairai Galilea imaci, íedo jáidiaioi. ⁸ Mei áillue ráfuena, afémie finócafuiaina, fidíillano aillo Judea énie imaci bite, Jerusalen imaci díga. Daje izói Idumea énie imaci bite; Jordán imani ruicáfelle imaci bite; Tiro, Sidón díga áinori itímaci bite. Nana dáanomo bití diaioi; Jesús eróizaibití diaioi. ⁹ Ie jira Jesús ie llófuegamaci ocuide nocáe atíllena, aillo nairai iere ríllire íemo íñeillena. ¹⁰ Mei iere aillo nairai jllotote. Iemona nana jíai iráredino ríllire afémiemo gairí diaioi, ie jetánollena. ¹¹ Iemo afénomo itínomona dáarie fiéni joría rediaioi. Afémiéna cíóillanona, afémie uíécomo ana dújudiaioi. Dújuillano caillí oicaidiaioi:

—O Juzíñamui Jitódio, —daide.

¹² Mei íadi Jesús fiénide joría ina izire rairuide; daide:

—Juzíñamui Jitona cue íllana daíñeno iri, —daide.

Jesús doce dígamie nízedede, oni íaioi óriano afémaci ie ñúefue llujillena
(Mt 10.1-4; Lc 6.12-16)

¹³ Ie mei Jesús ídumo caifo jaide. Dinomo jaillano Jesús comeci óiacagamie dígamie nízedede. Afémiemo bití diaioi. ¹⁴ Doce dígamie Jesús níziano ote. Afémaci ie oréllimacina Jesús mamede. Ua íaioina ote ie abimo íllena, ie uai llóitínona jáillena. ¹⁵ Dáanomo ríinona ígáiaioi iráredino jllotallena, íemo jíai fiénide joría i jino oréllena.

¹⁶ Afe nízécamaci doce dígamie. Afémaci mámeciai: Simón, nímiemo Jesús jíai mámecina jíta, Pedro; ¹⁷ ie mei Zebedeo jíto íaillinoi Santiago ie ama Juan díga. Afe íaillinoimo Jesús jíai mámece jíta, Boanerges. Afe mámece daína: Iocímie íaillinoi. ¹⁸ Ie emódomo jíai nízécamaci mámeciai: Andrés, Felipe, Bartolomé, Mateo, Tomás, Alfeo jíto Jacobo, Tadeo, íemo iere Járidotímacimo jaináidime Simón, ¹⁹ ie mei Judas Iscariote. Afémie méifodo Jesús ie éoidinomo fécaitimie.

Fiénide joría ríino Jesumo ite táinona daífrediaioi
(Mt 12.22-32; Lc 11.14-23; 12.10)

Afe méifomo Jesús ie llófuegamaci diga jofomo jofo jaide. ²⁰ Nane dáanomo aillo nairai gairízitiaioi. Iemona Cristo ie nizécano diga ja güinidiaioi. ²¹ Afefue fidíillano ie onoiga nabáñiaí bitiaioi ie oni uíllena, mei afémie uáiritaide daidíaioi.

²² Daje llezica Jerusalémona bite ocuícáfue llófueraíni, bie izói íeri úritiaioi; daidíaioi:

—Bímie Beelzebumo jaináidímie. Afe Beelzebú fiénide jóriai illaíma, (jáíci ie mámecei Taife). Afe Beelzebú rínodo fiénide jóriai afémie jino jiude, —daidíaioi.

²³ Ie jira Jesús íaioi jíirite. Jírilla mei, onoiga ráfuiaí íaioimo llote:

—¿Ñie izói afe Taifedo Taife jíurede? ¡Jiúnide! ²⁴ Daa nairai énenorie jáíziena oni bójicaillano are íñeitiaioi, mei nágazie conima diga fuirífrediaioiza. ²⁵ Daje izói eneno dani jofóredino íaioi bójicaíadi, are íñeitiaioi. ²⁶ Mei jira Taife dama ie diga fuiríadi, íemona dama ie bójicaíadi, afémie are íñeite. Ua áfedo fúbicaite.

²⁷ ‘Máirimie jofomo, buna jofo jáinide, ie ráaie bairóllena. Dama afémie máia méifomo jofo jaillano bairórega.

²⁸ ‘Uáfueña ómoimo lloticue. Comini fiénidífuiaí nana dórede, daje izói nana íaioi fue borefue diga dórede. ²⁹ Mei íadi Juzíñamui Ñuera Joréñomo fieni úritímie ie fiénidífuiaí jaca ua oni dónide. Dama ie ícoínia jaca íemo jíite, —daide.

³⁰ Daí daide, mei afémie fiénidena jóriaírede daidíaioi.

*Jesús ei ie ámatiaí diga Jesuna uáiduaíbitiaioi
(Mt 12.46-50; Lc 8.19-21)*

³¹ Iemo Jesús ei ie ámatiaí diga dúcidiaioi, mei íadi jino fiébidiaioi. Dinómona jofo gairídinona daidíaioi:

—Mai ie jírizai, —daidíaioi. ³² Jesús abido ráíiedino íena daidíaioi:

—O ei, o ámatiaí diga jino ite. O jénuaíbitiaioi, —daidíaioi.

³³ Mei afémie daide:

—¿Buoí cue eina? ¿Buoí cue ámatiaína? —daide. ³⁴ Afe mei ie abido ráíiedinomo eróillano daide:

—Be mei cue éitiaí. Be mei cue ámatiaí. ³⁵ Mei Juzíñamui ocuícáfueña jeire otínona bie cue ama, bie cue miringo, bie cue ei, —daide.

4

*Ríjiraíma ie ífue
(Mt 13.1-9; Lc 8.4-8)*

¹ Meine dáanomo jorai fuédamo Jesús llófuete. Ie illánomo aillo nairai gairídíaioi. Jamánomo aillo comini illa jira, Jesús jóraimo ite nocaemo ráizaide. Nana comini guamáemo fiébicaíadiaioi. ² Iemo diga ráfuiaí íaioimo llófuete. Ua íaioi onóigafuiaído llote. Ie llogáuai daide:

³ —Bíemo cácarei: Ríjiraíma ríjizaide. ⁴ Ricana jailla llezica dáarie rillájiaí iodo cocide. Iemo ófocuizai áfena güizáíbitiaioi. ⁵ Jáíe rillájiaí noficiaímo énie íñénanomo cocide. Afe rigájiaí raire zocade, mei afe énie figo íñédeza. ⁶ Mei íadi jítoma billa llezica uzídíaioi. Jáinao íñénamona dúidiaioi. ⁷ Jáíe rillájiaí éggiaí cígimo cocide. Afe éggiaí zoca anamo itábicaíadiaioi. Meita jaca llizíñediaioi. ⁸ Mei íadi jííe rillájiaí ñuera éniemo baíde. Zocádiaioi; ie mei ñue comuíaídiaioi. Mei ñue llizídíaioi. Daji rígamona zocano aillo llizide; jíájiaí afe baimo llizide; jíájiaí ie baimo ua aillo jamánomo llizide.

⁹ Ie mei íaioína daide:

—Omoímona cacácadino cacai, —daide.

*Afémie nibai íaioi onóigafuiaí cígido llófuefirede
(Mt 13.10-17; Lc 8.9-10)*

¹⁰ Afe mei Jesús dama fiébilla llezica, afémie áinori itino ie doce llófuegamaci diga íemo jicánotiaioi:

—Bie onóigafue ¿nie izói daiíacade? —daidíaioi. ¹¹ Jira íaioina daide:

—Juzíñamui ie uáfodo onóñega illáimana illirui rafue ómoimo llóiacade. Afedo ja llollíomoi. Mei íadi jino ite íemo jaináñedino jaca íaioi onóigafuiaido llogáiaioi. ¹² Daií cue llófuegaiaioi, íaioi cióillano nai uina cióñedimaci izói íaioi fiébicaillena. Afe izói cácaitiaioi íadi ónoñeitiaioi. Daií llófuegaiaioi íaioi comeci ifue méidoñeillena; íemo jíai íaioi comeci fiénidifuiái dóficaiñeillena.

Jesús afe ríjiraíma onóigafue ja ua jino llote
(Mt 13.18-23; Lc 8.11-15)

¹³ Dáanomo Jesús jicánote:

—¿Omoi bie onóigafue onóñediomoi? ¿Nie izói daií mei jíaiena ónoitiomoi? ¹⁴ Afe riraíma Juzíñamui ñuefue lloraíma izóidimie. ¹⁵ Dáarie comini afe iodo cocide rigájiaí izóidiaioi. Afémaci afe cue llogáfue mo cacáreidiaioi. Mei íadi áfena cacáillanona, Taife íaioi comécimo lloga ráfue na raire báruaíbite. ¹⁶ Jíai comini afe noñiciaímo énie iñénaímo cocide rigájiaí izóidiaioi. Afe cue lloga uaina cacáillano raire caimare llínnotiaioi. ¹⁷ Mei íadi figo jáinaonide rigájiaí izóidiaioiza, dama íanori íllado ñue itíaioi. Afe mei lloga uai ícoínia facátafuiái bíadi, níbai duere íaioi zefuíadi, íaioi ínoñenamona íaioimo lloga uaina raire meine abido zóofetiaioi. ¹⁸ Jíai comini afe éegiaí cígiri cocide rigájiaí izóidiaioi. Lloga uaina cacádiaioi, ¹⁹ mei íadi bie éniemo ite raamo comécillano aféfuiáimo iere járitaitiaioi. Bínie raa íaioina jífue. Iemona jamánomo aillo ráanaína oíacadiaioi. Nana bie jofo comeci oíacaigafue íaioimo lloga uaina niné féitate. Ja mei féitagaza; ja ie comécimo llizilla izói iñede. ²⁰ Mei íadi dámerie lloga uaina cacáillano áfena ñue jeire otíaioi. Afémaci ñuera éniemo cocide rigájiaí izóidiaioi. Afe izói íaioi íllamona, ñúefuiaina ñue aite izói finódiaioi. Afémacimona dáarie afe daji rígamona zocano aillo llizilla izóidiaioi. Iaiomona jíaimaci afe baímo llizilla izóidiaioi. Jíaimaci afe ie baímo aillo jamánomo llizilla izóidiaioi.

Mechera iedo cai onóigafue
(Lc 8.16-18)

²¹ Jesús nai úrite; íaioina daide:

—¿Nogo anamo jónellena mechera meita atica? ¡Atiñega! ¿Daje izói inírabani anamo rainállena mechera atícaza? ¡Atiñega! Naga mechera caífo jica raináfírega, ñue egáiñollena. ²² Mei ja nana báinino ite raa jino uáfodo cíocaitade. Daje izói nana jáanoga rafue ñue onóigafue na jáite. ²³ Omoímona cacáacadino cácarei.

²⁴ Afe emódomo íaioina daide:

—Omoi cacánafue na ñue omoi onoiri. Naga raa omoi faca izói, afe izói Juzíñamui íbana ómoimo fácaiteza. Ie mei afe baímo afémie jamánomo aillo ómoimo íite, mei ñue cacádiomoiiza. ²⁵ Mei íeredimie mo jíaiena ille; mei íadi íénidimie mona, íemo due ite raa meine bairolle.

Eniemo rigají zócajamo mameca rafue

²⁶ Nane dáanomo daide Jesús:

—Juzíñamui illáimana illirui bie izoide. Daa íima éniemo rigájiaí júdaía izoide. ²⁷ Rillano afémie abina íniaide. Ie mei cazide. Naí mona diga jaide. Afe llezica rigájiaí zocade; zócano ñue zairide, mei íadi nie izói comuídeza afémie onóñede. ²⁸ Mei ñuera éniemo rigájiaí énie zocátaga. Nano fueñe ie ina jino billa, ie mei llizíllachecoí comuíde, ie mei afe llizíllachecoí íjiaína oruide. ²⁹ Ja ie jeia llezica, riraíma afe llizíllajiaína uájide. Mei afe jofo uáruimo ja dúcidez.

Mostaza llizíllají iedo onoiga rafue
(Mt 13.31-32; Lc 13.18-19)

³⁰ Jesús nane daide:

—Juzíñamui illáimana illarui, ¿níe izoide? ¿Ñíe onóigafuedo daje izóí fácaiticaí?

³¹ Juzíñamui illáimana illarui mostaza llizíllajiaí rilla izoide. Afe íjiaí nana énie llizíllajiaimona da jaca iere jéjinide. ³² Mei íadi rígamona, nana raróciaí ie baímo áillo nana jaide. Ie ícaíruaí áarie. Iemona féedino ófocuizaí ie ícaíruaímo ráinazaidiaíoi. Afe jánamo uái ráiiediaíoi, —daíí Jesús daide.

Jesús jaca onoiga ráfuiaímo mámano llófuefirede
(Mt 13.34-35)

³³ Daíí Jesús ie jino llóiacagafuiaí aillo bie izóí onóigafuiaído jóonecana uite. Iaíoi onóillinomo daíí llócaide. ³⁴ Onóigafue llóñeniadi, afémacina llófueñede. Mei íadi Jesús ie llófuegamaci diga oni eneno daní íaíoi illa llezica nana áfena jino íaíoiimo llote.

Jesús jairifo naa jorai bagua diga llícaitade
(Mt 8.23-27; Lc 8.22-25)

³⁵ Aferui nauídemo Jesús ie llófuegamacina daide:

—Jorai ruícafenemo mai cai jai, —daide.

³⁶ Ie mei comíni fíiano, Jesús uitíaíoi. Afémie illácaedo jáidiaíoi. Daje llezica jíáicaeiaído afémiedo jáidiaíoi. ³⁷ Iemo iere rírede jairifo náidacaide. Iemona jorai bagua nocáe eromo cocide. Uafue, nocáe jáinoína orúbicaide. ³⁸ Afe llezica Jesús moífecaemo ífo jobéracadamo bícana inide. Afémie cazítajano íena daídíaíoi:

—¡Llófueraíma! ¿O caína ráiruiñedio? ¡Buízaidicaí! —daídíaíoi.

³⁹ Iemo Jesús náidacaillano jairifo lletade. Lletajano jóraina daide:

—¡Llícaí! ¡Uái ii! —daide. Iemona jairifo llícaide. Nana ñue jáfuericaide. ⁴⁰ Ie mei ie llófuegamacina daide:

—¿Ñibáí mei iere jacíruiñomoi? ¿Ñibaí nai Juzíñamuimo íñoñediomoi? —daide.

⁴¹ Iadi jairifo ie llícaitari iere jacínaitiaíoi. Daní conímamo úritiaíoi:

—¿Bie nímie? ¡Jairifo jorai diga, afémie uaina jeire ote! —daídíaíoi.

Gerasa éniemo fiénidena jóriaredimie Jesús jíllotade
(Mt 8.28-34; Lc 8.26-39)

5

¹ Jae jorai ruicáfellemo ite Gadara éniemo dúcidiaíoi. ² Jesús nocáemona jino jáidemo, raíáfuaí illánomo ífirede fiénidena jóriaredimie Jesumo bite. ³ Afémie raíáfuaí illánomo ífirede. Aféruillaído afémie jaca buna llójeodo cuinánide. ⁴ Diga ícaíño llójeodo idaí onoi diga íena cuinádiaíoi, mei íadi afémie afe llójeona titada jaca jéenino titúbite. Jaca buna afémiena anáfenonide. ⁵ Mona naíoi diga afémie afénomo macáfírede. Iduaído caillícana jaide naa raíáfuaído. Daje llezica noficiaído ie abí bofécade. ⁶ Iadi Jesuna jicana cíode; cíoillano, aizícana bite. Billano Jesús anamo afémie ie caíñícido ana dújude. ⁷ Jesumo ríire lléjecaide:

—¿Ñibáí cuemo jíricaidío? O Jesúsío; jamánomo caífoide Juzíñamui Jitódío. Juzíñamui mámecido omo jícadícue duere cue zéfuiñellena, —daide. ⁸ Daíí lléjecaide, mei nano fueñe Jesús íena dáideza:

—¡Fiénide jóriaí, bie ímamona oni jai! —daide. ⁹ Jesús íemo jícanote:

—¿O mei búdio? —daide. Uai ote:

—Cue mámeceí Aillo Dáanomo Iráicano, mei áillomacídicaíza, —daide.

¹⁰ Iemo fiénide jóriaí Jesumo izire jícade, afe éniemona jíca íaíoiína oni óreiñeillena. ¹¹ Afe íduaí ánomo aillo tóica meróniaí güífírede. ¹² Ie jira fiénide jóriaí Jesumo jícade:

—Afe meróniaimo cai oreri, dinomo cai illeza, —daidiaioi.

¹³ Ie mei Jesús fairíote. Iemo fiénide jóriai ílmamona jino meróniaimo jáidiaioi. Mena mil tóiniaí ite. Nana afe tóiniaí jorai ígodado aizida cocidiaioi. Iemona jóraimo coróbaitiaioi.

¹⁴ Ie jira meróniaí úiñoraímaci jacínaillano botádiaioi. Afe rafue íaioi jófuego llujáidiaioi naa jínoidímaci díga. Ie jira afe finócafuego comini eróizaíbitiaioi. ¹⁵ Jesús illánomo dúcillano nauí fiénidena jóriaíredimiena ciódiaioi. Mei íadi ja biruí afémie ñue uái ráide. Ja inícuirona jítáoide. Ja ñue abina onode. Nana comini jacíruitiaioi. ¹⁶ Ie mei ciódino nauí fiénidena jóriaíredimie mo finócafue na llujáidiaioi. Daje izói meróniaimo finócafue llotiaioi. ¹⁷ Ie mei Jesumo izire jicajidiaioi íaioi éniemona afémie oni jáillena.

¹⁸ Jesús meine nocáe eromo jailla llezica, nauí fiénidena jóriaína ogámie Jesús díga íllena izire jicade. ¹⁹ Mei íadi Jesús fairíoñede. Afémiena daide:

—Mai o jofomo jai. O comínimo nana omo cue finócafue o llujáiri. O Ocuíraímadicueza. Omo cue dúcaíllafue llujáiri, —daide Jesús.

²⁰ Ie jira afémie jaillano nana Jesús afémie mo finócafue llujáide. Uafue nana Decápolis éniemo llujáide. Nana comini aféfuerei fáigacaidiaioi.

Jairo jiza jillotafue

(Mt 9.18-26; Lc 8.40-56)

²¹ Jesús meine jorai ruícafenemo nocaedo jáidemo, aillo comini Jesús illánomo garízaíbitiaioi. Afémie dino jorai fuédamo fiévide. ²² Iemo Juziñamui uai llófueriraco illáinimona dámie dúvide. Afémie mámecei Jairo. Jesuna cióillano ie ídaímo bíjicaide. ²³ Daje llezica izire jicade:

—Cue jiza tíacade. O onoi cue jízamo bítaíbi, ie jilloilleza, ie tíñelleza, —daide.

²⁴ Iemona Jesús afémie díga jaide. Ie llezica aillo comini afémiedo rillire jáidiaioi. ²⁵ Afémaci cígimo daa ringo iráredingo ite. Doce díga fimona dícotaite. ²⁶ Aillo manórirainimona duere zéfuide. Afe manórirainimo afengo úcube nana fuite. Iadi jaca íñoñede, mei íadi jamánomo irárede. Ua iere ana jaide. ²⁷ Nauí jiáímaci Jesudo úrillafue na cacáillano, afe ringo óodana comini cígido Jesumo ánozide. Iemo afémie inícuíro jetánaide. ²⁸ Afe uícori afengo comeci anado daide; “Ie inícuíro cue jetáadi jilloíticue,” daide. ²⁹ Ie mei inícuíro jetaa llezica afengo die tótaja llícaide. Afe llezica ie irárena jilluamona afengo abí ñue cacaide. ³⁰ Ie mei Jesús onóbicaide. Uafue, ie rínodo da come jillotaga afémie raíre fidide. Ie jira comini cígido jino éroicaillano jicánote:

—¿Mei bu cue inícuíro jetaca? —daide. ³¹ Iemo ie llófuegamaci afémiena daide:

—¿Aillo comini rillire finuana cióñedio? ¿Nibái mei bu o inícuíro jetaa jicánotio? —daidiaioi.

³² Mei íadi Jesús nágafene erórífide afémie inícuíro jetádingona cióillena. ³³ Ie mei afengo jágieri cuidírite. Aféngomo finócafue na onóillano, Jesús uíécomo ana bíjicaizaíbite. Afengo rafue nana afémie mo uáfue na jino llote. ³⁴ Jira Jesús daide:

—Eicango, o comécido ñue ínotio, jira jillodio. Mai jai. Jaillano uái o iri. O irárenamona ja jillodioza, —daide.

³⁵ Jesús nai úritemo, dáarie comini illaíma Jairo jofómona bitiaioi. Dúengo moomo llujáibitiaioi:

—O jiza ja tíide. ¿Nibái mei are llófueraima ífoci daídodio? —daidiaioi. ³⁶ Mei íadi Jesús íaioi uai jeire oñeno, llófueriraco illaíma Jáirona daide:

—Jacíruíñoeno iri. Dama o comécido íñori, —daide.

³⁷ Iemo Jesús nana comini íedo jáíñellena rairuide. Dama Pedro, Santiago, ie ama Juan díga uite. ³⁸ Llófueriraco illaíma jofomo dúcillano, Jesús aillo comini faíllíñainana cacade; nana cáillcailli énaillana cacade. ³⁹ Jofo jaillano Jesús daide:

—¿Ñibái mei iere faillíñaidiomoi? ¿Ñibái mei iere éedíomoi? Afeza tíñedeza; fia inide, —daide.

⁴⁰ Iemona afémieri tadáidiaioi. Ie mei Jesús nana íaioi jino orede. Dama jiza moo, afengo ei, íedo bitímaci diga jofo uite. Jiza illácomo jofo jáidiaioi. ⁴¹ Jiza onoi llínuano daide:

—Talita, cumi—. Aféuai dobáicana llote: “Jiza, ona daidícue, náidacai.”

⁴² Daií dáinamona afengo raire náidacaide. Náidacaillano macade; mei afengo doce diga fimona íteza. Aferi comini iere fágacaidiaioi. ⁴³ Mei íadi Jesús:

—Afefue bumo lloñeno iri, —daide. Daií ocuide. Afe llezica afe ringoza ecállena íaioina ocuide.

6

Jesús Nazaremo jailla

(Mt 13.53-58; Lc 4.16-30)

¹ Dinómona Jesús ie éniemo jaide. Ie llófuegamaci íedo jáidiaioi. ² Ocózinaillaruimo dúcillanona Juzíñamui uai llófueriracomo llófuaide. Aillo comini íena cacáreidiaioi. Iemona íena jacíruicana fáigacaidiaioi. Daídíaioi:

—¿Ñinómona bímie nana bie ráfuiái onode? ¿Minica bie onónafue íemo ite? ¿Nie izói afémie bie aillo uaido dáinamona comuítaga raa comútarede? ³ Mei bímie afe aménado táijiraíma, ¿ero ua? Afémie María jitoza onódicai, ¿ero ua? Daje izói afémie ámatiaí Santiago, José, Judas, Simón dígadeza onódicai. Iemo ie miríngotiaí nai cai cígimo íllana onódicai, —daídíaioi.

Iemona afémaci Jesús uaina náfueacañediaioi. ⁴ Iemo Jesús íaioina daide:

—Nana jíáie comini, Juzíñamui uai jino llóraímana ñue jíeruitiaioi. Mei íadi afe llóraíma énie imaci, íezie imaci diga, figo íena jíeruiñediaioi. Daje izói ie jofo imaci íena jíeruiñediaioi, —daide.

⁵ Ie jira afénomo jamánomo aillo fia uaido dáinamona comuítaga ráfuiaina comútanide. Due iráredinomo ie onoi bítanona jíllotate. ⁶ Mei íadi nabémaci íñoñenari afémie fáigacaide. Ie mei Jesús áinori ite jófuedo llófuecana uite.

Jesús ie doce dígamie oni jíáinomo óriano llotátate

(Mt 10.5-15; Lc 9.1-6)

⁷ Jesús ie doce dígade llófuegamaci uáidote. Uáiduano ménamierie íaioi orede. Afe llezica Jesús afe íaioimo ie ríino iga, fiénide joríaí jino oréllena. ⁸ Ie llófuegamacina ocuide:

—Omoi jaille iodo ráiñuai jíáie minícana uñeno iri. Daa omoi jigüida diga jairi. Tura uñeno iri. Pan úcube diga uñeno iri. ⁹ Omoi ídai ico jíxada jairi. Mena caifófecuiro uñeno iri, dama o jítaoigacuiro uiri, —daide. ¹⁰ Iemo nane íaioina daide:

—Ñicomo o jáiadi, dinó o fiébiri; ua afe éniemona jíáinomo o jáiacana llezica dinó o fiébiri. ¹¹ Jáícomo omoi jáiadi, ómoína íaioi llíñoñeniadi, afénomona jairi. Daje izói o uai cacáacañenomona jairi. Jaillano, o ídai ico ite eníchoma jino íaioimo teténori, daií íaioi finócafue o jíeruiñenana jino llóitio. Uáfueña omoi llotícue: Uire duere finóbilliruimo dúcia llezica, ómoína llíñoñedino jamánomo duere finóbitiaioi. Mei íadi Sodoma comini Gomorra comini diga figo duere finóbiñeitiaioi, —daide.

¹² Iemo ie llófuegamaci jino jáidiaioi. Jaillano comini llotíaioi:

—Mai omoi comeci ifue meídori, —daidíaioi. ¹³ Daje llezica aillo fiénide joríaí jino orédiaioi. Iráredinomo cáredijina due jónetiaioi; íemona jíllodiaioi.

Juan Bautista tíllafue

(Mt 14.1-12; Lc 9.7-9)

¹⁴ Illaïma Herodes aféfuiaïna como fidide. Mei nana comini Jesús jalléinana onódiaïoïza. Dáarie daidíaiï:

—Juan Bautista tíide íadi meine abido cáadimiena jaide. Iemona bie ríino afémiemo ite, —daidíaiï.

¹⁵ Jiáïmaci daidíaiï:

—Bie Juzíñamui uai llóraïma Elías, —daidíaiï.

Nane jiáïmaci daidíaiï:

—Jaiïaï Juzíñamui uai jino llóraïni izoide bímie jiáïe Juzíñamui uai llóraïma, —daidíaiï.

¹⁶ Herodes áfena cacáïllano daïde:

—Bímie ifona cue jaitátagamie Juan. Ja birui tíïllanomona meine abido caade, —daïde.

¹⁷ Herodes ama Felipe; ie ofaiño Herodías, mei íadi Herodes afengo ie aina ote. Afe Herodías ícoïnia Herodes Juan jae llavétate. Afe llezica íena llavéracomo maitátate. ¹⁸ Mei nauï Juan Heródemo llógaza:

—O ofaiño o aina ónidio; áfena rairuírede, —daïde.

¹⁹ Ie jira Herodías Juamo éoïcana eroïde. Iena fáïacade, íadi íena fánide. ²⁰ Herodes afémie comécina jaïcina ñue jóidimienana onode; iere ñúemienana onode. Ñúefuedo íena jacíruite. Ie jira afengo íena fiëni finótañede. Herodes Juan llogafue nai figo onóñede, íadi camare íemo cacáreïde. ²¹ Mei íadi Herodías jiáïfueмо uíbicaïde. Herodes jocóïnamona jiáïe fimona fuilláruïmo dúcïde. Jira aféruido Herodes cumpleaños rafue finode. Nana ie illaïni, jabóïllaiïni, Galilea ocuïraïni diga afénomo gairídiaïoï, mei Herodes uáïdogaiïoïza. ²² Dinomo Herodías jiza jofo jaïllano zaïte. Afengo záïllari Herodes íóbide; daje izóï nana ie diga güizáïbitino íóbidaïoï. Iemona illaïma Herodes aféngona daïde:

—O jicáacaïga raa cuemo jica. Omo ííticue, —daïde.

²³ Ríïrede uaido nana afengo jicalle raa ie fecállena íaïoï uíécomo llote: “Nana cuemo jainaïde éniemona júbene o jitaïlla dieze omo llóitícue,” daïde. ²⁴ Afengo jaïllano ie eina daïde:

—¿Mïnica jícaïtícue? —daïde.

Afengo daïde:

—Mai, Juan Bautista ifoci jica, —daïde.

²⁵ Afe ringoza jarire illaïma illánomo jofo jaïde; íena daïde:

—Raïre plato eromo Juan Bautista ifoci jóoneta cuemo ine, —daïde.

²⁶ Iemona illaïma iere zúureficaïde. Mei ja ríïrede uaido llógaza afengo jicácana afémie jáanoïacañede. Daje llezica nana ie uáïdogamaci cacádiaïoï. Ie jira jáanoïacañede. ²⁷ Ie jira afe llezica ie abi úïñoraïma raïre llavériracomo orede, Juan ifoci atíïllena. ²⁸ Afe abi úïñoraïma llavériracomo jaïllano, Juan ifoci jáïtano plátomo jóoneta atide. Afémie aféngomo izáïbite. Iemo ie eïmo afengo izájide.

²⁹ Juaado jáïdino, fidíïllano, ie abi uájidiaïoï, ráïllena.

Jesús cinco mil dígade íñiaï ecade
(Mt 14.13-21; Lc 9.10-17; Jn 6.1-14)

³⁰ Afe mei Jesús nauï oni jino orécamaci meine Jesumo gairíllano, nana íaïoï finócafue afémiemo llotíaïoï. Afe íaïoï llogafue llotíaïoï. ³¹ Iemona Jesús íaïoïna daïde:

—Mai bi, oni báïnino cai ocózinaiïli, —daïde.

Aillo comini dúcïoidiaïoï, jáïoidiaïoï; ie jira Jesús ie imaci diga, güínidiaïoï. ³² Ie mei Jesús ie imaci diga nocaedo oni eneno tíï daïdínomo jáïdiaïoï. ³³ Mei íadi aillo nairaï íaïoï jáïllana cïode. Jesuna onóïllano nana jófuemona batínomo aizícana jáïdiaïoï. Uafue, Jesús ie imaci diga uícomo dúcïdiaïoï. ³⁴ Jesús dúcïa mei nocáemona jino jaïllano aillo comínina cïode. Cïóïllano afémacïmo dúcecaïde. Iaïoïna izíruite nïbai úïñoraïmanide ovéjaïaï izóï itíaïoï. Ie jira diga ráfuiaïna íaïoïmo llote. ³⁵ Ja nauïdemo ie llófuegamaci afémiena daïzaïbitiaïoï:

—Ja nauízaide. Afe benomo comini jofona iñede. ³⁶ Mai comini oni ore áinori itícuaímo jáíe jofue diga, dinomo íaíoi güille íbajillena. Mei íaíoi güillena benomo iñédeza, —daídíaiói.

³⁷ Jira Jesús uai ote:

—Mai omoi íaíoi eca, —daide.

Afémiena daídíaiói:

—¿Cai meita jaillano íbáredícai, doscientos dígabe fidi pan bimaci ecállena? —daídíaiói.

³⁸ Jira Jesús daide:

—¿Níga pan ómoímo ite? Eroizai, —daide.

Afe fidíillano daídíaiói:

—Jubécuiro diga panes ite, mena chamu diga, —daídíaiói.

³⁹ Ie jira mócorede raitíremo Jesús comini énenorie dázierie raízítate. ⁴⁰ Iemona cincuenta íemo jáí cien dígamíerie raízídaitiaíoi. ⁴¹ Iemona Jesús afe jubeba panes mena chamu diga llínnote. Llínuano caífo monamo érocaillano:

—Iere figora, —daide. Daíí daínano afe pan díade. Dítajano ie llófuegamacimo fecade. Llófuegamaci ja comínimo oni fecádiaíoi. Daje izói mena chamu nana comínido fecádiaíoi.

⁴² Nana comini güítiaíoi. Ua ñue jeírediaíoi. ⁴³ Güilla mei panes chamu diga fiébidinona doce dígagai círigai oruítatiaíoi. ⁴⁴ Afe Jesús fecaca panes güítímaci cinco mil dígamíai.

Jesús jáinoi emódodo macade

(Mt 14.22-27; Jn 6.16-21)

⁴⁵ Raire méífoto Jesús ie llófuegamaci nocaedo jorai ruícafenemo orede. Afe llezica íaíoiina ie uícomo Betsáídamo orede. Dinomo íaíoi jailla. Daíí ñeta llezica mei Jesús nana comini diga rainode. ⁴⁶ Íaíoi ráinua méífoto Jesús idu emódodo Juzíñamuimo úrizaide.

⁴⁷ Ja náímo nocáe jorai cígímo ite. Jesús dama éniemo fiébicaide. ⁴⁸ Jesús íaíoi taino jáiana cíode. Taino jáitíaiói, mei jáirifo meine íaíoi fúuoideza. Iemo ja monáizaidemo Jesús íaíoiimo áinozide. Jáinoi emódodo macade. Áinozide, íadi jícado fíiaide izói macade. ⁴⁹ Ie jáinoi emódodo mácajana íaíoi cíóillano comeci jacíruióicana facádiaíoi: “¡Níbai janaba!” daídíaiói. Jira caillíoidiaíoi. ⁵⁰ Nana áfena cíóillano iere jacínaitiaíoi. Mei íadi Jesús raire íaíoiimo úrite; daide:

—¡Abi omoi mame! ¡Cueza! ¡Jacíruiñoeno omoi iri! —daide.

⁵¹ Íaíoiimo itícaemo jofo jaide. Jofo jáidemo jáirifo llíicaide. Iemo jacíruióicana áferi iere fáigacaidiaíoi. ⁵² Ua afe daíí fáigacaidiaíoi, mei afe duera pan fia uáimona jamánomo aillo comútatena comécido onóñediaíoi; íaíoi comeci nai ríirena jira.

Genesaret éniemo ite iráredíno Jesús jíllotate

(Mt 14.34-36)

⁵³ Jorai ruicáfellemo jáitanona Genesaret éniemo dúcidiaíoi. Zíjíillano nocáe arí cuinádiaíoi. ⁵⁴ Nocáemona jino jailla llezica, afénomo ite comini raire Jesuna onódiaíoi.

⁵⁵ Iemona afémaci nana afe éniemo raire aizícana llujídiaíoi. Iemona Jesús illánona fidíillano, afe dinomo iráredímaci duera inírabanido atídiaíoi. ⁵⁶ Nágagobiaído ie jáiacana izói afe jofue cígímo ite ocózinairanomo iráredíno jóonefirediaíoi. Aillue jofue diné ie jáiadi, dúera jofue diné ie jáiadi, fia jofo iñénallegoído ie jáiadi, daje izói iráredíno iomo jóonetiaíoi. Afe llezica Jesús inícuiro fueda íaíoi jetánollena daa bie dáarie izire íemo jícadiaíoi. Nana áfena jetánotíno jíllobicaidiaíoi.

7

¿Mínica caina íaire fínode?

(Mt 15.1-20)

¹ Iemo fariséuai Jesumo áinozidiaioi, dáarie ocuícáfue llófueraini diga. Afe llófueraini Jerusalémona bitíaiioi. ² Nana bimaci Jesús llófuegamacimona dámierie ciódiaioi. Afe llófuegamaci onoi jocóñeno güitíaiioi, fariséuai afémacina daí daide, mei bimaci onoi jócua ocuica níciduafuemo dúcitaiñediaioiza. Afe ícoinia íaiioi jánana úritiaioi. ³ Daí daidíaiioi mei fariséuai nana judíuai diga íaiioi jaiáigima uai nai úcadiarioiza. Aféfuiai daide, comini nai bie izói íaiioi onoi diga icaiño jócoñenia güínidiaioi. ⁴ Daje izói güille fecáracomona meine billano, onoi jócua ocuica níciduafue nai fuitañenia güínidiaioi. Nai aillo ite afémaci jíáie uícaigafuiai. Uafue, íaiioi jiróracuai diga icaiño jocófirediaioi. Daje izói íaiioi ícíruai, cadéruai, jamánomo diga ícaiño jocódiaioi íaiioi inírabanillai diga. ⁵ Iemona fariséuai, ocuícáfue llófueraini diga Jesumo jicánotiaioi:

—¿Ñibái mei o llófuegamaci cai jaiáigima daináfuiái uícaíñediaioi? Daí onoi íáirededo güitíaiioi, —daidíaiioi.

⁶ Jesús uai ote:

—Juzíñamui uai lloraima Isaías ñue llote. Nana omoi abina ñúemaci, íadi comécina íáirediomoi. Ie cuia llezica ómoimo llote:

Bie comini fuedo ñúefue cuemo jítádiaioi.

Mei íadi íaiioi comeci cuemo jaináñede.

⁷ Cue ñúefuedo úrillena cuemo gairífrediaioi, mei íadi íaiioi úrillafue ráifíñede.

Íaiioi llófuega Juzíñamui daináuai, fia jamai comini ocuícáfuiái.

Juzíñamui uáñede, daí íaiioi daina íadi, daide.

⁸ Mei Juzíñamui ocuícáfue féitatomoi, fia comini daináfuiái jeire omoi óllena. Aféfuiai daide: ícíruai jocóllena, jiróracuai jocóllena, aillo jíáie afe izóidifuiái omoi finóllena.

⁹ Iemo afe emódomo bie izói zanoda íaiioina daide:

—Juzíñamui ocuícáuai iere ebire oni eneno omoi fáicanocaiga, dani omoi daináfuiái uícaillena. ¹⁰ Mei Moisés daide: “Ñue jacíruioicana o moo canori, o ei diga. Ie ei ie moo diga fiénina úritimie uáfueña titáredeza,” daide. ¹¹ Mei íadi jíáifodo daidíomoi:

—Dámie ie moo íaillinona bie daírede, “Ona canónidicue, mei nana cuemo ite ráaie jae ‘Corbán’ itíarioiza”. (Afe uai dobáicana daina Juzíñamui íena mamécaza.) ¹² Damie daí daíadi, ja mei ie ei ie moo diga canónide náfuetiomoi. ¹³ Afe ícoinia Juzíñamui ocuica uaina jámairuitiomoi. Uafue, comini llocana jaide llogafue ínnota ñúefueña jámairuitiomoi. Aillo afe izóidifuiái finófrediomoi.

¹⁴ Nane dáanomo Jesús comini jírite; jírillano íaiioina daide:

—Nana omoi cácarei, comeci onoiri. ¹⁵ Nana güíllemo comécina íáirenafue iñede. Mei íadi comécimona jino bitífue come comeci íáiretate. ¹⁶ Omoimona cacáreiacadino cacai, —daide.

¹⁷ Jesús comini fíano jofomo jaide. Dinomo ie llófuegamaci afe onóigafuedo íemo jicánotiaioi. ¹⁸⁻¹⁹ Iemo íaiioina daide:

—¿Daí jaca ónoñeitiomoi? Nana jinona güiga raa comécimo jáñede. Jébegimo jaide. Ie jira cómena íáiruitañede. Jébegimo jailla mei, abímona oni dotácaza. ¿Aféfuena fidíñediomoi?

Afedo Jesús daíacade nana güille ñuera. ²⁰ Nane daide:

—Íima comécimona jino bitífue dama afémiena íáiruitade. ²¹ Mei afémie erómona, ua ie comécimona jino fieni uibíllafue bite; íemo jiruírenafue bite, naa jíáie jiruífuiái diga; íemo jíáima méiniafue bite, ²² merírillafue diga; íemo jíáima raa bairóacanafue bite, jíáie fiénidifuiái diga; ie mei jíáima jífuiáfue bite, nana íáiredifuiái diga. Iemo úradoillafue bite, naa táinona úrillafue diga. Iemo táinona abi ínuaafue bite, naa abina onóñenafue diga.

²³ Nana bie figóñedifuiái come erómona bite; billano cómena íaire finode.

Jiázie ingo Jesumo ínote
(Mt 15.21-28)

²⁴ Dinómona Jesús Tiro éniemo jaide, Sidón énie diga. Daa jofomo jaide. Buna ónoñeillena báinino jaide. Mei íadi afémie retáirinide. ²⁵ Iemo fiénidena jóríaredingo ei, ie íllana raire fidide. Billano Jesús anamo dújude. ²⁶ Afengo judío ingóñede; jiázie ingo. Afengo énie mámecei Sirofenicia. Afengo jízamo ite fiénide jóríai óllena Jesumo jicade. ²⁷ Mei íadi Jesús daide:

—Juzíñamui úruiai raire nano fueñe güilleza. Juzíñamui úruiai güille bairoda tóica jico izoide comínimo ígadenia figóñede.

²⁸ Afengo uai ote:

—Uafue Ocuíraima; mei íadi úruiai güíllamona, ana cocídijiai, güirábani anamo ite jicótiruai güífrediaioi, —daide.

²⁹ Ie mei Jesús daide:

—Ua llotio. Iemona ja jáiredio, o jízamo ite fiénide jóríai jae oni jáideza, —daide.

³⁰ Afengo jofomo dúcina llezica, iníramo bíide jízana cide. Fiénide jóríai ja ua aféngomona ñue oni jaide.

Jefona cacáñede gogódime Jesús jíllotate

³¹ Nano íanori íllano Jesús ja Tiro éniemona billano, Sidón énie dibénedo jaide. Afe mei Decápolis éniemo ite jófuijai dinedo jaide. Aféniedo jaillano, meine abido Galilea jóraimo dúcide. ³² Afénomo jefona cacáñede uaina jino figo baiñedime Jesumo atídíai. Iemo izire jicádíai Jesús aféniemo onoi bitállena. ³³ Ie jira Jesús náiraímona oni báinino íena uite. Dinomo Jesús dama ie onocai jefona cacáñedime jefomo dutade. Ie mei Jesús dama ie onócaimo tuánuano afe úriñedime iife jetánote. ³⁴ Afe mei Jesús monamo érocaillanona comeci zúurenamonaa zegóricade. Zegóricailano íena daide:

—¡Efata! —daide. Afe uai jino dobáiñuano daína: túijicai.

³⁵ Afe llezica jefona cacáñedime jefo túijicaide; ie iife ñue jíllode. Iemona afémie ja ñue úrite. ³⁶ Iemona Jesús íaioina rairuide:

—Jiáimacimo lloñeno iri, —daide. Jesús afe daí dígacaiño íaioina rairuide. Mei íadi Jesús iere rairuide íadi, áfena náfueñeno aféfuena baimo jino llócaidíai. ³⁷ Iemo nana comini iere jamánomo fáigacaidíai. Daidíai:

—Nana ñue finode. Afémie jefona cacáñedime cacáitate; uaina jino figo baiñedimiena ñue úritade, —daidíai.

8

Jesús cuatro mil diga comini ecade
(Mt 15.32-39)

¹ Aféruillaido aillo comini meine dáanomo gairídíai. Iaiói güille íñede. Ie jira Jesús ie llófuegamaci jíirita, íaioina daide:

² —Bie náiraíri dúcaidíe. Ja daruíamani benó cue diga itíai. Iaiói güille jae íñede.

³ Güíñeno íaioi jofomo orédicuenia, iodo báicana jáitíai. Dáarie jicana bitíaiiza, —daide Jesús.

⁴ Ie llófuegamaci uai otíai:

—Benó bu íñénañoza ¿minícana íaioi ecáredícaí?

⁵ Jesús íaioimo jicánote:

—¿Níga panes ómoimo ite? —daide.

Jira afémaci daidíai:

—Siete panes caimo ite, —daidíai.

⁶ Ie jira nana comini ana éniemo ráitate. Iemo Jesús afe siete panes llínuano, Juzíñamuina “Figora” daide. Daina mei, afe panes ditade. Daií ñeta, ie llófuegamacimo ite. Afe mei llófuegamaci cominado oni fecádiaioi. ⁷ Afémacimo due jiza chamu ite. Jesús Juzíñamuina “Figora” dainano afe chamu fecátate. ⁸ Nana güitíaioi. Iemona ñue jeírediaioi. Ie mei güillamona fiébidino siete diga cirigai iráidiaioi. ⁹ Afe güitino cuatro milmo ánoziacade. Afe mei Jesús nana íaioi rainode. ¹⁰ Ráinua mei afémie raire ie llófuegamaci diga nocaemo jofo jaide. Iemo Dalmanuta éniemo jaide.

Fariséuai uai dánamona comuide onótate raa jicádiaioi
(Mt 16.1-4; Lc 12.54-56)

¹¹ Iemona fariséuai Jesumo júfiduaibitiaioi. Ie facátaiacadiaioi. Iemona: “Monámona uaido comuide onótate raa caimo ácatari,” daidíaioi. ¹² Iemo Jesús comeci zúurenamona izire zegóricallano daide:

—¿Ñibái mei bie nairai uáimona comuide onótate raa jicádiaioi? Uáfuenta ómoimo lloticue, jaca onótate raana bu ómoimo fínoñeite, —daide.

¹³ Jira Jesús íaioi fíano meine nocaemo jaide. Iemo jorai enéfenemo jaide.

Fariséuaimo ite pan aillo fáitate raa izóidifuedo Jesús llote
(Mt 16.5-12)

¹⁴ Jesús ie llófuegamaci diga íaioi jailla llezica, íaioi ráiñuai féitatiaioi. Dinó nocaemo fia daa pan íaioimo ite. ¹⁵ Iemo Jesús íaioi ocuide:

—Omoi cacai. Fariséuaimo ite pan aillo fáitate raa izóidifuemona abí omoi rairuiri. Daje izói Heródesmo ite pan fáitate raa izóidifuemona abí omoi rairuiri, —daide.

¹⁶ Iemo llófuegamaci dani conímamo llotíaioi:

—Ñibai cai pan iñena jírari, Jesús caina daií riire daide, —daidíaioi.

¹⁷ Jesús dani íaioi úrillana onóillano daide:

—¿Ñibái mei, “caimo pan iñede” dani jofo conímamo daiífirediomoi? ¿Nai fidíñediomoi? ¿Nai omoi comécimo déiñede? ¿Omoi comeci nai iere riirede? ¹⁸ ¿Omoi uído cióñediomoi? ¿Omoi jefodo cacáñediomoi? ¿Nai cue finócafuenta onóñediomoi? ¹⁹ Naui cinco mil íñiaí dígamiedemo afe cinco panes cue fecácamo, ¿niga cirigai fiébidinona iráidiomoi? —daide.

Iemo daidíaioi:

—Doce dígagai cirigai, —daidíaioi.

²⁰ Jesús nane daide:

—Daje izói cuatro mil íñiaí dígamiedemo afe siete panes cue fecácamo, ¿niga oruide cirigai iráidiomoi? —daide.

Iemo daidíaioi:

—Siete dígagai cirigai, —daidíaioi.

²¹ Iemo íaioina daide:

—¿Nai omoi comécimo jaca déiñede? —daide.

Betsaida jófuego ite uina cióñedimie Jesús jíllotate

²² Ja Betsaida jófuego dúcidiaioi. Iemo uina cióñedimie Jesumo comini atidiaioi. Iena jetánollena izire jicádiaioi. ²³ Uina cióñedimie ónoído llínnota, jofue jinomo Jesús ie uite. Iemo fue fáicido ie uimo bitade. Afe llezica afémiemo onoi bitade. Afe mei íemo jicánote:

—¿Ja baca o ui cioide? —daide.

²⁴ Jira uina cióñedimie érocaillano daide:

—Jii, comini mácana ciódicue, mei íadi uáfodo íaioina cióñedicue. Afémaci améniaí izói cióidiaioi, —daide.

²⁵ Ie jira Jesús nane dáanomo ie uimo ie onoi jóonete. Afe mei afémie riire eroide. Iemo ie ui ja jíllode; ja afémie naga raana uáfodo ñue ciode. ²⁶ Ie mei Jesús ie jofomo ie orede. Iena daide:

—Jófuemo jáiñeno iri. Afénomo ite comínimo, buna lloñeno iri, —daide.

Pedro Jesús Crístona maméinafue jino ñue llote

(Mt 16.13-20; Lc 9.18-21)

²⁷ Afe mei Jesús ie llófuegamaci diga, Cesarea Filipo éniemo jaide. Afénomo ite jéenide jófuiái dinedo jáidiaioi. Afe iodo íaioi jáillanomo, Jesús ie llófuegamacimo jicánote:

—Comini cuena ¿nie izói daidiaioi? —daide.

²⁸ Afémaci uai otíaioi:

—Dámierie Juan Bautístadio daide. Jiáimíai Elíasdío daidiaioi. Ie jiáimíai jiáie uai lloráimadio daidiaioi, —daí uai otíaioi.

²⁹ Iemo íaioina jicánote:

—Omoimona, ¿cuena bu daidíomoi? —daide.

Ie jira Pedro íena daide:

—O Crístodio, —daide.

³⁰ Iemo Jesús íaioina ocuide, aféfuena bumo llóñeilla.

Jesús ie tíillifue fiditate

(Mt 16.21-28; Lc 9.22-27)

³¹ Iemo Jesús dama ie duere finóllifue como fueñe íaioimo llote. Lluano daide:

—Nanoide Hima Jitódicueza íadi iere duere zefuítallicue. Eicomini cuena ruiffruitiaioi. Daje izói lletáriraini illaini, ocuícáfue llófueraini diga cuena ruiffruitiaioi. Omoína daidicue, afémaci cuena méineitiaioi. Mei íadi daruíámani íllamona tíillanomona meine abido caifo náidacaiticue. ³² Afefue íaioimo ñue jino llote. Ie jira Pedro eneno oni Jesuna uite. Uillano Pedro Jesús íena lletade. ³³ Mei íadi Jesús meine gírecaillano ie llófuegamacimo eroide. Jesús Pedro llétano daide:

—¡Mai cúemona oni jai! Satanás izóidimiedioza. O comeci Juzíñamui mamécana ónoñede. Dama bie éniemo dúidino úrilla izói úritio, —daide.

³⁴ Dáanomo nane Jesús ie llófuegamaci jírrite, nana jiáie comini diga. Iaioina daide:

—Cuedo jáiacadimie mai dama ie comeci jítaina féitari. Féitano cuedo biri. Daí cuedo bíllamona nibai afémie tíadi áfemo comeci fáinide; cuedo bírede. ³⁵ Jaca ninomo íllena, dama ie abi rairuíacadimie dinó jaca raire llícaite. Mei íadi cue ícoinia abi rairuíacañedimie meine jílluano llícañeite; daje izói, cue lloga ñúefue ícoinia abi rairuíacañedimie zíiñona íite. ³⁶ Mei jiáifodo nana éniemo ite raa cai óiadi, mei íadi afe llezica cai zíiñona illifue niné féiadi, ¿nieze canócacai? ¡Canóñegacai! ³⁷ ¿Nieze ibárede da come ie zíiñona illafue abido óllena? Ibánide. ³⁸ Mei jii, dáamie cuena meáiruiadi, abido afémiena meáiruiticue. Daje izói bie minícana ínoñede fiénidimaci uiécomo cue lloga uaina meáiruitimie, íena meáiruiticue. Mei Nanoide Hima Jitódicueza. Uire cue Moo aillo ñue máiriedo bíiticue. Nana ie ñuera abi imaci diga bíiticue. Aféruimo bie éniemo ite cuena meáiruitinona, daje izói íaioina meáiruiticue.

9

¹ Nane Jesús íaioina daide:

—Uáfuenta ómoimo lloticue. Benomo itímacimona dáarie nai íaioi tíiñenia Juzíñamui aillo ie ríinodo ie illáimana íllana cíoitiaioi, —daide.

Jesús abi jiáifodo méidoficaide

(Mt 17.1-13; Lc 9.28-36)

² Seis dígarui íllamona, Jesús Pedro, Santiago, Juan diga uite. Dani dígamie eneno caifónedumo afémie uite. Ja dinomo íaioi eróicana afémie abi jiáifodo méidoficaide. ³ Ie inícuero quénicuirona jaide, ua iere úzerede jaillici izói. Bie éniemo finódino iníroina afe izói

úzeretanidiaioi. ⁴ Afe llezica Elías, Moisés diga Jesumo úrillana ciódiaioi. ⁵ Jira Pedro Jesuna daide:

—Llófueraima, nñi cai benomo ñue illa. Daámani jofóchupi ómoiena cai finolli, daa óchupi, jiáie Moisés ichupi, jiáie Elías ichupi, —daide.

⁶ Afe dáanomo ie llófuegamaci iere jacínaificaidiaioi; jacínaillano Pedro nie izói dánana onóñenano daí daide. ⁷ Afe llezica íaioimo mona uíllie ana bite. Billano afémacina ferínote. Afe mona uílliemona daa uaina cacádiaioi. Llote:

—Bie cue izíruiga Jitó. Afémiemo cácarei, —daide.

⁸ Afe llezica, nágafene eróroidiaioi íadi íaioi diga buna cióñena, dama Jesús.

⁹ Idumona ana bitíaioimo Jesús afe íaioimo ciónafue jiáimacimo llúana rairuide. Iaioina daide:

—Nanoide fima Jitódicue. Uire cue tíllinomona meine abido cáadimiena cue illíruimo afe omoi ciónafuena llóreitíomoi, —daide. ¹⁰ Ie jira aféfuemo dani comécidiaioi. Mei íadi aféme tíllinomona abido cáadimiena illífuena jicánofirediaioi:

—¿Minícana íite? —conímana dani daidíaioi.

¹¹ Ie mei Jesumo jicánotiaioi:

—¿Ñibái mei ocuícáfue llófueraíni daífirediaioi, caina illáimate Mesías dainámie uícodo Elías raire biite? —jicánotiaioi.

¹² Aféme uai ote:

—Iere uafue Elías raire cue uícodo bite. Ua billano nana meine ñue jaícina fínuaibite. Iemo, mei Nanoide fima Jitódicueza, cue billáfuedo ¿nie izói Juzíñamui Cuegáuai daide? Aféuai bie izói daide: “duere zéfuiticue” daide. Daje izói “comini cuena jámairuitiaioi” daide. ¹³ Mei íadi ómoína daidicue, Elías ja bite. Dani afémaci óiacana izói afémiemo finódiaioi. Mei Cuegáuai uícodo daína izói, afe izói ja afémiemo zuíde, —daide.

*Jesús fiénidena jóriarede dúemie jllotate
(Mt 17.14-21; Lc 9.37-43)*

¹⁴ Ie mei ja jiáie llófuegamaci illánomo Jesús daámani caifónedumo uigámaci diga meine bitíaioi. Billano aillo comini íaioimo gairíllana ciódiaioi. Ocuica uai llófueraíni dáanomo ite. Afe llezica afémaci Jesús llófuegamacimo júfidotiaioi. ¹⁵ Ie mei Jesuna cióillano iere fágacaidiaioi. Afémiemo aizícana uáiduaidiaioi. ¹⁶ Ie jira Jesús ie llófuegamacimo jicánote:

—¿Minica afe ocuica uai llófueraínimo júfidotíomoi? —daide.

¹⁷ Afénomo itímacimona daa uai ote:

—Llófueraima, benó omo cue jitó atídicue. Fiénide jóriai aféme uáinino finode. ¹⁸ Náganomo ie jáiadi afe jóriai ie uánona ana dotáfiredo. Ja dinomo fuedo mulléfiredo; afe llezica ízie mutúricaide. Iemona ie abi iere naillíbicaide. O llófuegamacimo fiénide jóriai jino óllena jicádicue, íadi afémaci ónidiaioi, —daide.

¹⁹ Jira Jesús uai ote:

—¡Aíí, Juzíñamuimo íñoñedimaci! ¿Nie dinó ómoiri ííticue? ¿Nie dinó ómoína mozóitíicue? Bené dúemie ati, —daide.

²⁰ Jira atídiaioi. Afe jóriai Jesuna cióillano, afe dúemie abi meine cuidítate. Cúidiamona aféme éniemo baide. Dinomo jabíoicaide. Fuedo mulléoido. ²¹ Jira Jesús ie moomo jicánote:

—¿Ja nié dino daí ite? —daide.

Jira moo daide:

—Jaca ie dúenamona. ²² Diga ícaíño fiénide jóriai aféme iraimo dotáfiredo. Daje izói illemo dotade ie titállena. Minícana cairi o finórenia, mai cairi fino. Cairi dúecairi. Cai cano, —daide.

²³ Jesús íena daide:

—¿Ñibái mei “O finóreniadi cai cano” cuena daidío? Daií daiñeno iri, mei Juzíñamuimo ñinotimiemo naga raa finóredeza, —daide.

²⁴ Ie jira afe úrue moo caillíoicaide:

—¡ñinotícue! Cue cano jamánomo cue ñinolleza, —daide.

²⁵ Jesús aillo comini ofillana cióillano, fiénide joría riire lletade. Daide:

—Uáinitade joría, cacáitañede joría, o jino jáillena ja ocuídícueza, ¡jai! ¡Bie úrue fáinocai! Meine abido íena oñeno iri, —daide. ²⁶ Iemona joría caillide; cáilliano dúemie meine nane riire cuidítate. Cuidítajano oni jaide, íadi afe dúemiena tíide izói finode. Jira aillo comini:

—Ja tíide, —daidíaioi. ²⁷ Mei íadi Jesús ónoído llínota caifo dúemiena naidánete. Iemona afémie ñue jílloda náidacaide.

²⁸ Ie mei Jesús daa jofomo jofo jaide. Afe mei ie llófuegamaci eneno íemo jicánotiaioi:

—¿Ñibái mei fiénide joríaina ónidícai? —daidíaioi.

²⁹ Jira Jesús daide:

—Bie izói joría dama Juzíñamuimo úrillado, íemo fímairillado jino orérede, —daide.

Jesús ie tíillífue meine fídítate

(Mt 17.22-23; Lc 9.43-45)

³⁰ Afénomona íaioi jaillano Galilea éniado jáidiaioi. Jesús báinino jáiacade bu ónoñeillena. ³¹ Mei aféruillaído Jesús ie llófuegamacimo llófullofuedeza. Afémiemo zúillífue íaioimo llote. Lluano íaioina daide:

—Nanoidé Hima Jitódícueza íadi uire náiraímo izájillícueza, cue íaioi fállena. Mei íadi daruíamani cue tíillanomona meine abido cáadimiena íitícue, —daide. ³² Mei íadi afémaci ie dainana onóñediaioi. Daje izói íemo jicánuana jacírúitiaioi.

¿Bu iere jamánomo áillomiena?

(Mt 18.1-5; Lc 9.46-48)

³³ Iemo afémaci Capernaumo dúcidiaioi. Jofomo íaioi illa llezica, Jesús íaioimo jicánote:

—¿Mínícafue iomo júfidotíomoi? —daide.

³⁴ Mei íadi jaca uaina oñediaioi. Mei jae iodo júfidotiaioi, ¿bu cáimona jamánomo áillomiena illa? ³⁵ Ie jira Jesús ana ráinaillano, ie doce diga llófuegamaci jíirite; daide:

—Dámie raire uíécodo áillomiena jáiacaniadi, nano fueñe iere jamáimiena írede; daje izói nana comini canórainana írede, —daide.

³⁶ Iemona Jesús daa úrue llínuano íaioi cígimo jóonete. Ie mei ie ónoído íena llirínuano comínina daide:

³⁷ —Bie úrue cue mámecido llínotímie dájena cuena llínote. Daje izói cuena llínotímie dama cue llínoñede, mei íadi cue orédimiena cue abido llínote, —daide.

Caina éoñedímie cai dibénemo ite

(Mt 10.42; Lc 9.49-50)

³⁸ Iemo Juan Jesuna daide:

—Llófueraíma, dámie ciódícai o mámecido fiénide joría jino orede. Mei íadi caído jáiñena jira íena rairuídícai.

³⁹ Mei Jesús daide:

—Rairuíñeno iri. Mei daií cue mámecido ciórainina raa finódímie ñúemie. Daií finódímie afe finua méfomo raire cuedo fieni úrinide. ⁴⁰ Mei caina éoñedímie ua cai dibéfodo íitímie.

⁴¹ Jáíe come cue mámecido omoi jirótaadi, mei Crístomo omoi jainaina jira, afe jirótatímie uáfueña ie jirídolle raa llínoite, —daide.

Fiénidífue mo baiíllena iere jacírede

(Mt 18.6-9; Lc 17.1-2)

⁴² Jiáie come, bie cuena ínote dúemie fiénidifuemo baiítaiadi, afe come fiénide. Baiítatimiemona figura, cimoimo áillue nofícina cúinano monáillaimo dotárede. ⁴³ Dama o onoi fiénidifuemo o baiítaiadi, afe o jaitari. Júbezi onoi diga ziiño ñue illafue Juzíñamuimona o maiñóadi, iere ñuera. Mei nágafezi onoi íadi “comini duere finolle iraimo” o dotábicaiaidi, iere figóñede. Afénomo ite irai dúitanide. ⁴⁴ Afénomo ite aigíroiaí tiiñediaioi; afe aigíroi, afeno itímacina ziiñona duere fínoitiaioi. Afe irai jaca dúíñede. ⁴⁵ Daje izói o idai fiénidifuemo o baiítaiadi, áfena jaita. Júbene ídainide o illa llezica ziiño ñue illafue Juzíñamuimona o maiñóadi, jamánomo ñuera. Mei jiáifodo iraimo o dotábicaiaidi ñue mena ídairedimie o íadi, iere figóñede. Afénomo ite irai dúitanide. ⁴⁶ Afénomo ite aigíroiaí tiiñediaioi; afe aigíroi, afeno itímacina ziiñona duere fínoitiaioi. Afe irai jaca dúíñeiteza. ⁴⁷ Daje izói o uiji ona íaidaitaiadi, mai afeji cuerónori. Ua júbene fíidimie Juzíñamui illáimana illánomo o jáiadi, jamánomo ñuera. Mei íadi nágaillinoi ujíredimie o illa llezica, iraimo o dotábicaiaidi iere figóñede. ⁴⁸ Afénomo ite aigíroiaí tiiñeitiaioi; afe aigíroi afeno itímacina ziiñona duere fínoitiaioi. Afe irai jaca dúíñede.

⁴⁹ Mei nana fia fecaca Juzíñamui ióbitalle jobaica rílleniammo salna jónefirediaioi, afe fecaca rille ñue íllena. Daje izói nana raamo cai jírinafuiado ñue íredicaí. Aféfuiaí irai come uzilla izírena izói caína izi cácataite, Juzíñamui anamo ñue cai íllena. ⁵⁰ Sal ñuera; mei íadi afe sal ie cáimana féiadi, ¿minícado afe sal meine abido cáimacaitarede? Mai dani conímaiaína caimátaillafue dibénemo omoi iri. Afe llezica comeci caimare uái illáfuemo dani conímaiaína ífireiri.

10

*Jesús, naga come ie aina oni dótana rairuide
(Mt 19.1-12; Lc 16.18)*

¹ Jesús ja Capernaúmona oni Judea éniemo jaide. Ua Jordán ruicáfellemo ite éniemo jaide. Iemo aillo comini ie illano dinó meine abido garízaititiaioi. Iemona Jesús ie ífirena izói íaioina llófuete. ² Iemo fariséuaimona dáarie Jesuna fiéni facátaibitiaioi. Jesumo jicánotiaioi:

—¿Mei nibai dáamie ie aina oni dótajana rairuírede, nibai ráiruiñega? —daidíaioi.

³ Iemona Jesús uai ote:

—¿Ñie izói Moisés ómoína ocuide? —daide.

⁴ Jira íena daidíaioi:

—Moisés llote, dáamie ie aina oni dotáacanamona, afémie dinena aféngona “jae ai oni dotaina rabe” cúerede. Ie mei daí oni dotárede, —daidíaioi.

⁵ Iemo Jesús íaioína daide:

—Moisés afe uaina ómoimo llote, mei omoi comeci ifue iere ríredeza. ⁶ Mei íadi nano fueñe, Juzíñamui nana ráaniaína comúitaja llezica, “afémie ima ringo diga íaillinoína comúitate.” ⁷ “Ie jira naga ima, ie ai úamona, ie moo ei diga fiénocailano, oni dáanomo ítiaillinoi. ⁸ Daí ie ai onónamona afe íaillinoi daa come izóidena jáitiaillinoi.” Ja mena cómeñediaillinoi, dama daa cómedeza. ⁹ Ie jira Juzíñamui dáanomo jónegaiaillinoi, comini oni dotánide, —dinori Jesús daide.

¹⁰ Ja jofomo Jesús naa ie llófuegamaciri dúcinamo, ie llófuegamaci aféfuena Jesumo meine abido jicánotiaioi. ¹¹ Jesús íaioína daide:

—Afe ai oni dotádimie jiáie ai óllena, dotaca ringo dibénemo afémie jiruifue finode.

¹² Daje izói ini oni dotádingo jiáimie mo iníreíllena, afengo jiruifue finode.

*Jesús úruiaí ñue íllena finode
(Mt 19.13-15; Lc 18.15-17)*

¹³ Ie mei Jesumo úruiai atídaiioi, íaiioimo ie onoi bitállena. Mei íadi llófuegamaci atídinona rairuide, íaiioi átiñeillena. ¹⁴ Jesús áfena cióillano rícaide; jira íaiioina daide:

—Rairuíñeno iri. Fáinocai úruiai cuemo bílleza. Iaiioina llótaidoñeno iri. Juzíñamui jaináidino ua afe bie úruiai izói itíaiioiza. ¹⁵ Uáfueña ómoína daidícue, Juzíñamui illáimana illana jíeruiredícai. Uruiai áfena jíeruilla izói jíeruiredícai. Mei íadi nana afe izói jíeruinedinona Juzíñamui ie caimare illínomo jofo óreñeite.

¹⁶ Iemo úruiaina llirínuano, ie onoi íaiioimo bitano íaiioina ñue finode.

*Ráarede jitócome Jesús diga úrizabite
(Mt 19.16-30; Lc 18.18-30)*

¹⁷ Jesús meine abido jáizaidemo, dáamie aizícana Jesús anamo dújuzaibite. Dújuillano jícanote:

—Ñue Llófueraima, ¿nie izói íitícue zíñona cue illino cue óllena? —daide.

¹⁸ Jira Jesús daide:

—¿Ñibái mei cuena fígomíe daidí? Ímamona buna fígomíena ñede. Dama Juzíñamui fígomíe. ¹⁹ Ocuícafuiaina onódio:

“Jíaima ai diga ñeno iri;
come fañeno iri;
meríriñeno iri;
bumo taino lloñeno iri;
jíaima jífueñeno iri;
o moo, o ei diga ñue cacáreiri,” —Jesús daide.

²⁰ Afémíe uai ote:

—Llófueraima, nana aféfuiaina cue jitócomenamona jeire ófiredícue.

²¹ Jesús afémiemo éroicaillano íena izíruite; daide:

—O dafue nai jeire oñédio. Mai nana omo ite raa fécajiri. Fécajano afe iba dúredimacimo ine. Iemona jamánomo jíridolle izoide raa monamo omo iite. Daí o finolle mei, cuedo bii. Mei cuedo o bíllamona o tíadi, áfena náfueñeno benó biri. Coco jai, —daide.

²² Mei íadi áfena cacáillano, afe íima zúucaide. Ua zuure oni jaide, aillo ie ráaniai illa jira.

²³ Ie mei Jesús abido comínimo éroicaillano, ie llófuegamacina daide:

—¡Ñí féirena ráaredimíe Juzíñamui illáimana illáruimo jofo jáillena! —daide.

²⁴ Jira llófuegamaci aféuairi iere fáigacaidiaioi. Jesús meine nane daide:

—¡Uruiai, ñí féirena úcubena ínotino Juzíñamui illáimana illáruimo jofo jáillena!

²⁵ Camello eedo uífodo jailla jamánomo juánide, mei íadi ráaredimíe Juzíñamui illáimana illáruimo jailla iere Juárezde, —daide.

²⁶ Afena cacáillano, jacínaifcaidiaioi. Dani conímamo jícanotiaioi:

—¿Mei bu jílluille? —daidíaiioi.

²⁷ Jesús íaiioimo eróillano daide:

—Afena comínimo finónide; mei íadi Juzíñamui finórede. Juzíñamui finónide raana ñede, —daide.

²⁸ Jira Pedro íena daide:

—Ocuíraima, nana caimo ite raana fiénocaidícai o diga cai jáillena, —daide.

²⁹⁻³⁰ Jira Jesús uai ote:

—Uáfueña ómoína dáitícue, naga come cue ícoínia íemo cue lloga jíllonafue ícoínia diga, ie jofo, ie ámatíai, ie mirínguai, ie moo, ie ei, ie jítotíai, ie jacáfaiái dieze afémíe fiénocaiadi, uáfueña meine llínoite. Ja bie éniemo cien dígcacaiño afe baímo jofue, ámatíai, mirínguai, éitíai, jítotíai, jacáfaiái llínoite. Uafue, dieze llínoite duere zefuúllafue diga íadi. Ie mei

monamo ziiñona illino llínoite. ³¹ Aillo biruúllaido nánoraimaci uire ódaidimacina jáitiaioi. Daje izói aillo biruúllaido ódaidimaci uire nánoraimacina jáitiaioi, —daide.

Dáanomo Jesús ie tíillifue llote
(Mt 20.17-19; Lc 18.31-34)

³² Ja Jerusalén iodo jáizaidiaioi. Jesús ie llófuegamaci uícodo jaide. Comeci iere facábicaidiaioi. Jiáie íedo jáidino jacíruioicana afémiedo jáidiaioi. Jira Jesús doce diga llófuegamaci eneno uáidote. Ianori íllamona íemo finóllifueña abido íaioimo llote. ³³ Daide:

—Mai omoi cacai. Nanoide fima Jitódicueza. Jerusalemo jáizaidicai. Mei íadi dinomo lletáriraini illáiniammo izájillicue. Daje llezica ocuica uai llófuerainimo izájillicue. Iemo afémaci cue titállena ócuítiaioi. Onínemacimo cuena izájitiaioi. ³⁴ Cueri jifánodoítiaioi. Cuena tícoítiaioi. Cue túallaitiaioi. Cue títaítiaioi. Mei íadi daruíamani íllamona tíllanomona meine abido cáadimiena ítícue, —daide.

Santiago Juan diga uire uícoinafue Jesumo jicádiaillinoi
(Mt 20.20-28)

³⁵ Afe mei Zebedeo jitó íaillinoi Santiago Juan diga, Jesumo jicajidiaillinoi; daidíaillinoi: —Llófueraima, coco jicalle jitaigafueña cócomo lloiri, —daidíaillinoi.

³⁶ Iemona Jesús íaillinoína daide:

—¿Mínica mei ómicoimo cue finóllena jitaídiomicoi? —daide.

³⁷ Iemo íena daidíaillinoi:

—Uire o ebírede illáimana illíruido, cócomona dáamie o nabézimo, jiámie o jarífezimo cócona o ráinatari, —daidíaillinoi.

³⁸ Iemona Jesús íaillinoína daide:

—Daí jicádiomicoi íadi abina onóñediomicoi. Cue duere zéfuillifue izói, ua erírede jirole júrua izói, ¿zéfuirediomicoi? Daje izói cue izire tízaillifue izói, ¿tízairediomicoi? —daide.

³⁹ Iemo uai otíaillinoi:

—¡Ie mei! Afena ocuiredicoco, —daidíaillinoi.

Jira Jesús íaillinoína daide:

—Uáfuena dáitícue, cue duere zefuillifue izói, duere zéfuitiomicoi. Cue izire tílle izói, tíitiomicoi. ⁴⁰ Mei íadi cue nabéfenemo, cue jarífenemo ómicoi ráinallena, cúemona llónide. Afe ráinallino dama Juzíñamui maméinamacimo dúide, —daide.

⁴¹ Jiáie diez diga llófuegamaci afefue cacáillano, Santiago Juan dígammo icíritiaioi. ⁴² Iemo Jesús íaioína jírillano, íaioína daide:

—Onódiomoiza, náiraiaimo illáimaifiredino riire ocuídillaini dani jáidiaioi, comínina náamatallena. Aféllaini cígiri ite ríimaci, íaioi ríinona izire comínimo cácatatiaioi. ⁴³ Mei íadi omoi cígiri afe daí íñeitiomoi. Mei jiáifodo omoi dibénemo illáimana íacadimie, omoi canófredimiena jáirede. ⁴⁴ Daje izói ómoimona ocuíacadimiena íacadimie, nana jiáimaci anamo íaioi tájitagamiena írede. ⁴⁵ Mei jii, Juzíñamui oreca Nanoide fima Jitódicueza. Mei íadi jiáimaci cuena canóllena biñédicue. Mei jiáifodo nana comínina cánuaíbiticue. Uafue áillomaci íaioi fiénidífuemona zuitalle izói, íaioína cue jíllotallena tízaíbiticue, —dinori Jesús llote.

Jesús uínidimie Bartimeo jíllotate
(Mt 20.29-34; Lc 18.35-43)

⁴⁶ Jae Jericomo dúcidiaioi. Afe jófuemona Jesús jino jáidemo ie llófuegamaci diga, naa aillo comíniri, uínidimie io fuemo ráide. Afémie Timeo jitó, Bartimeo. Dño afémie úcube jicáfirede. ⁴⁷ Nazaret ímie Jesús ánozillano fidíillano, uínidimie jíríoicaide:

—¡Jesús, jaiai illaíma David Jitó, cuemo dúecai! —daide.

48 Aillo comini íena rairuídíaiói ie llícaillena; íadi jaca nai jamánomo jíirioide:

—¡David Jitó, cuemo dúecai! —daide.

49 Ie jira Jesús uái náidaillano daide:

—Afémie uaido, —daide.

Jira uínidímie uáiduano íena daidíaiói:

—Abi mame. Náidacai. O uáidoteza, —daidíaiói.

50 Jira ie emódodíroi duíñuano iere raire náidacaillano Jesumo bite. 51 Jira Jesús íemo jíacánote:

—¿Mínica omo cue finóllena jitáidío? —daide.

Jira uínidímie uai ote:

—Llófueraima, cue úreacadícue, cue eróillena, —daide.

52 Jesús íena daide:

—Mai o jairi. O ínuamona jae jíllodioza, —daide.

Afe llezica uínidímie cíode. Iemona Jesús jáillado afémie jaide.

11

Jesús illáimana Jerusalemo jofo jaide

(Mt 21.1-11; Lc 19.28-40; Jn 12.12-19)

1 Jerusalemo ánozillamona, Jesús mena llófuega íaillinoi uícomo orede. Jae Betfagé jofue, íemo jíái Betania jofue díga áinomo itíaiói. Dáanori Olivo daina ídumo itíaiói. Iaillinoi óriano daide:

2 —Uícomo ite duera jófuemo ómicoi jai. Omicoi dúcille llezica cuinaca duera búrrona cíotíomicoi. Nai áfedo buna ráiñena. Zúitajano cuemo ati. 3 Bu ómicoimo jícanoíadi ¿níbái ómicoi zuitaca? íena dáitío: “Ocuíraima Jesús jitailla jira. Ie mei raire meine omo atille,” —daide.

4 Afe íaillinoi jaillano jino naze fue iori cuinaca búrrona baizájdíaiillinoi. Afe zuitádiaillinoi. 5 Dáamie díno itínomona íaillinoína daide:

—¿Mínica ñetíomicoi? ¿Níbái burro zuitádiomicoi? —daide.

6 Jira uai otíaiillinoi Jesús íaillinoína daina izói. Ie jira:

—Jii, mai ui, —daidíaiói.

7 Iemona búrrona Jesumo izájdíaiillinoi. Izájillano íaiói inícuirona burro emodo jobédiaíoi. Ie mei dínomo Jesús caifo ráinade. 8 Aillo comini íaiói iníroi iomo jobédiaíoi. Jíáimaci íbiairede amena rábaillai otá iomo jóonetiaíoi. 9 Uícoídímaci ódaídímaci díga jíirioicaídíaiói:

—¡Ebírede! ¡Juzíñamui mámecido bitímie caimáreficairi! 10 ¡Como íacade illáimana illino caimare comuiri! ¡Ua cai jaiáigima comuídímie David illáimana illino ñue móonairi! ¡Juzíñamui ebírede rafue daíri! —daidíaiói.

11 Ja daí Jesús Jerusalemo jofo jaide. Jaillano Juzíñamuimo gairíracomo jaide. Nágafenemo eróirioicaillano jino Betániamo jaide, naa ie doce díga llófuegamaciri, mei ja nauídeza.

Jesús llizíñede higuera daina amena faidode

(Mt 21.18-19)

12 Afe jíáiruido Betániamona jino abido billano, Jesús jufíruite. 13 Macádiaíoi ñue íbiairede higuera aménana Jesús jícana cíode. Iemona dínomo jaide afenamona níbai ie llizíllajiaína óllena. Mei íadi Jesús dúcillano, hígojiaína baiñede. Afe amena táinona fia íbiairede, mei aféruimo hígonino nai dúcíñedeza. 14 Iemo Jesús afe aménana fáiduano daide:

—Jaca benómona buna bie amena llizíñenamona ie llizíllajiaína ríeñeiteza, —daide.

Daí ie dánana ie llófuegamaci cacádiaíoi.

Juzíñamui gairíraco Jesús duano ñue fínode

(Mt 21.12-17; Lc 19.45-48; Jn 2.13-22)

¹⁵ Ie mei Jerusalemo meine dúcidiaioi. Juzíñamui gairíracomo Jesús jofo jaillánona, dinomo ráaie fecádino ibárioidino diga jino júuaide. Ucube méidoraini ibani Jesús caitade, fíicirillai fecádino ráiraniai diga. ¹⁶ Afe gairíracomo buna minícana úiñellena afémie rairuide. ¹⁷ Iaioi llófuete:

—Juzíñamui Cuegáuai daide: “Cue jofo ua nana náiraímo Juzíñamuimo úrille illácona mameide,” mei íadi merítino illano jae afénona finódiomoi, —daide.

¹⁸ Lletáriraini illaini, ocuícáfue llófueraini diga afe ie finócafueña fidídiaioi. Iemona afémie fállena jenódiaioi. Iena jacíruitiaioi, afémie llófueinafueri nana nairai iere fáigacaideza. ¹⁹ Ja nauízaidemo Jesús afe jófueмона jino jaide, naa ie llófuegamaciri.

Nauí ciona higuera amena jae zaférede duíraína jaide

(Mt 21.20-22)

²⁰ Afe jáíruido, jítiramo meine abido Jerusalemo íaioi billano, nauí ciona higúerana abido ciódiaioi, mei íadi birui afe amena nana ie jáinauairi zaférede duíraína ja jaide.

²¹ Iemo Pedro comeci uíbicaillano, Jesuna daide:

—¡Llófueraima, erói! O faidoca higúerana ja duíraína zaféreficaide, —daide.

²² Jesús íaioimo uai ote:

—Juzíñamuimo mai omoi íinofireiri. ²³ Uáfueña ómoína dáitícue, dáamie jizíñeno nana ie comécido ínuamona, bie caifóneduna ocuícana daíadi, “Benómona oni ii; jóraimo dotábicaíri,” afe ie dáinana ua zúite; afémie jeire ua llezica, afefue daí afémiemo íficaite.

²⁴ Ie jira ómoína dáitícue, Juzíñamuimo omoi úrillano jicaca raa, ja nibai o llínoga, áfena mai o íinofireiri. Iemona afe jicaca raa ótiomoi. ²⁵ Nágaruido Juzíñamuimo o úriadi, jáimiena o éoiadi, mai íemo o comécimo ite íaifue féitari. Daí o finori, monamo ite omoi Moo Juzíñamui ómoimo ite íaifuaiaí dólleña. ²⁶ Iadi o abi ímie iba omoi óiadi, monamo ite omoi Moo Juzíñamui, ómoimo ite íaifuaína dóñeite.

Jesumo ocuille uai ite

(Mt 21.23-27; Lc 20.1-8)

²⁷ Iemo Jerusalemo abido bitíaioi. Jesús gairíracomo maca llezica, lletáriraini illaini íemo áinozidiaioi. Afe llezica ocuica uai llófuetino afémiemo gairídiaioi, éicomini diga. ²⁸ Nana íemo jicánotiaioi:

—¿Bífuiaí fínuana, bu o ocuilla? ¿Bu ríinodo bie raa finódio? —daí daidíaioi.

²⁹ Jesús íaioi uai ote:

—Omoimo daa rafue jicánoitícue. Cuemo uafue omoi llóíadi, bífuiaí cue finoca ríino ómoimo llóitícue. ³⁰ ¿Bu mei ocuica báutizallena Juan? ¿Juzíñamui nibai ocuica, nibai comini? Mai fáirio, —daide Jesús. ³¹ Ie mei afémaci daní júfidotiaioi; daidíaioi:

—Juzíñamui ocuica cai daíadi, Jesús caina fairíoite: “Iemona ¿nibái mei íemo ínoñediomoi?” ³² Mei íadi comini ocuica, daínidicai, —daidíaioi.

Comínina jacíruillano daí úritiaioi. Ja onódiaioiza, nana comini Juamo ñue comécidiaioi: “Ua Juzíñamui uaido Juan úrite,” daidíaioi.

³³ Iemona Jesuna daidíaioi:

—Onóñedicaí, —daidíaioi.

Ie mei Jesús íaioína daide:

—Ñie ríinodo bie raa finódicue, daje izói ómoimo llóñeiticue, —daide.

12

Comini fáfírede táijidino jáifueña caina onótate

(Mt 21.33-46; Lc 20.9-19)

¹ Iemona Jesús íaioi onógafuaíaido íaioimo úrizaide; íaioína daide:

—Nauí dáamie jíriconai izoide raa rizájide. (Afe jírícue izoide raa rínano viñédona mameina.) Afémie afe rillano ie abi cirínora finode. Ie mei afe jíricono eroide úvaiai zaizíraco finode, afe llizilla iji íaiói óllena. Nane are caifo jacafai cigi úiñoraco afémie nite, afe rigano ñue úiñollena.

Te mei afe énie naama dáarie táijitaganomo ie rigano fecade, áfena íaiói úiñollena. Afémie daií fécano oni jica jíáie éniemo jaide. ² Jíriconino llezica, ritímie ie ocuícamié afe táijitagamacimo orede, íeiéna mameide llizíllajiai dieze óllena. ³ Mei íadi afe uáibitimiéna llaitádiaíoi; lláitano íaiói faga. Daií ñeta ria íemo fecáñeno oni íena orédiaíoi. ⁴ Ie jira afe naama nane jíáie ocuícamié orede. Mei íadi afe orécamiéna nófiedo níjdiaíoi. Níjiano ie ifona íaiói bofeca. Iemo fiéni íena úritiaíoi. ⁵ Daje izói nane jíáimie orede. Afémie íaiói titaca tíide. Afe mei diga icaiño aillo jíáie ocuícamiái dinomo oréoié. Afe orécamacimona dámerie fia faga; jíáimaci tícoizitiaíoi.

⁶ Nai dáamie naama dibénemo ite. Daa afe naama jitona fiébite; iere ie izíruiamié. Iraicaiño ie jitó orede. Comeci facade: “Afémaci ñue íemo coméciillano íena ñue ínoitiaíoi; ie daina uaina jeire óitiaíoi,” daide. ⁷ Mei íadi táijitagano dani afémaci úritiaíoi: “Bímie nibai ie moo feci raa máíñoitimie. Mai ie cai faa, ie mei cai náamatallena.” ⁸ Ie jira íaiói llaitaca; íaiói titaca tíide. Ie mei ie abi raiñeno afénomona oni dotaca.

⁹ Ie mei Jesús jicánote:

—¿Nie izói bie énie naama afe fiénidinona fínoite? Billano afe táijitaganona títaite. Ie mei afe jírícure izóidino jíáie úiñoraimacimo fécaite.

¹⁰ ‘¿Jaiái Cuegáuaina nai facádoñediómoi? Afe uai bie izói daide:

Jofo níraini oni fádoica nófie, ja ñuera jíaiilliraina jaide.

¹¹ Bie cai Ocuíraima finoca.

Iere jamánomo ebire caimo cíoié.

Dinori Jesús úrite.

¹² Iemona Jesuna llaitáacadiaíoi, llavéllena. Mei ja onódiaíoiiza, Jesús bie onóigafuedo íaióina uáitate. Mei íadi comínina jacíruillano, Jesús jetáñeno íena fiédiaíoi. Fíiano oni jíáinomo jáidiaíoi.

Gobierno ibátaga úcube cai íbállena Jesús llote

(Mt 22.15-22; Lc 20.20-26)

¹³ Afe mei fariseo illáicomini afémacimona dáarie Jesumo orédiaíoi. Daje izói Heródemo jaináidinomona orédiaíoi, Jesuna úritallena, afe ie uaido taino íeri nitállena. ¹⁴ Bimaci billano íena daidíaíoi:

—Llófueraima, onódicaiza jíáimaci ie lloga uai ínoñeno, o jaca uáfueña úrifiredio. Comini jínofene ciona izói riire jicánoñedio. Mei jíáfodo Juzíñamui lloga cai ñue illafue jífueño jino llófuetio. ¿Mei iere ríredillaíma ocuica úcube íemo fecáredicai, nibai fecánidicai? ¿Afe cai fecállifue figora, nibai figóñede? —daidíaíoi.

¹⁵ Mei íadi Jesús íaiói uáfodo úriñenafueña onode. Ie jira íaióina daide:

—¿Níbái mei cue jánari táinona úritiómoi, cue llaitállena? Daa úcubetuni cuemo ati, cue eróillena, —daide.

¹⁶ Afétuni atidiaíoi. Afe eróillano Jesús íaióimo jicánote:

—Bie uíeco jana, ¿bu ie? Benomo cuega mámecei ¿bu ie? —daide.

Afémaci fairíotiaíoi:

—Ríredillaíma ie, —daidíaíoi.

¹⁷ Iemo Jesús íaióina daide:

—Ríillaíma ie raa íemo abido ine. Daje izói Juzíñamui ie raa íemo abido ine, —daide.

Afémacina ie dáinari iere comecei jíáfificaidiaíoi.

*Tíidino meine abido cáadena íllena jicánotiaioi
(Mt 22.23-33; Lc 20.27-40)*

¹⁸ Ie mei saduceo imaci dáarie Jesumo úrizaidiaioi. Bimaci tíidino meine abido cáallena lloñediaioi. Ie jira bie taino lloga rafue Jesumo jicánotiaioi. Nai jicánoñenia fueñe daidíaiioi:

¹⁹ —Llófueraíma, Moisés jaiáimona caimo cuegáuai daide: Daa íma áiredimie ie úrue nai íñena llezica tíiadi, ie ama afe ofaiño óite. Aféngomona daa jító comuírede ie ama tíidimie íena. Daí daina mei jicánotiaioi:

²⁰ ‘Mei nauí siete dígade ámatiai cai cígimo ite. Nanóidimie áirede. Afémie jítónino tíide. ²¹ Nanóidimie emodo ímie ie ama fecingo ote. Daje izói jítónino tíide. Daje izói nanóidiaillinoi emodo ímie afe fecingo uano jítónino tíide. ²² Nana afe siete dígamíai nanóidimie fecingo otíaioi. Afémacimona daa jítóna comuírede. Afe ícoimo afe fecingo tíide. ²³ Ie jira meine abido cáalliruimo ¿bumo afengo dúide? Mei siete dígamie daango otíaioiza, —daidíaiioi.

²⁴ Mei jira Jesús fairíote:

—Omoi onóñeno fienu comeci facádotiomoi, mei Juzíñamui Cuegáuaina onóñediomoiza. Daje izói ie ríinona onóñediomoiza. ²⁵ Mei tíidino meine abido cáaille llezica aina óñeitíaiioi. Afe izói íaiioi jízaniaina ínretatañeitíaiioi, mei monamo ite Juzíñamui abí imáciai izótíaiioiza. ²⁶ Mei íadi tíidino meine abido cáallífue dibénedo llogáfueña ¿nai facádoñediomoi? Afefue Moisés cuegánicomo ite. Aféruimo Juzíñamui Moísemo boode raroci cígido úrite. Bie izói íena daide: “Dáanomo Abraham ínoga Juzíñamuidicue, Isaac, Jacob díga, mei birui afémaci cue illánomo cue díga cáadiaioiza,” daí Juzíñamui daide. ²⁷ Iemo Jesús nai daíoi: Mei ua íñédino Juzíñamuiñedeza; mei íadi jíáfodo cáadimaci ie Juzíñamui. Daí bífueña omoi baitáñenia iere féiraitiomoi, —Jesús ja dínomo daide.

*Iere jamánomo ínnorede caimo ocuica uai
(Mt 22.34-40)*

²⁸ Afe dáaruido ocuica uai llófueraíimona dáamie Jesumo dúcide. Jesumo gairídino nana Jesús díga úrilla uaina afémie cacade. Daje izói Jesús ñue íaiioi uaina fairíuana afémie cacade. Afe uai fairíuana fidíillano Jesumo jicánote:

—Nana ocuica uáimona, ¿nie iere jamánomo ínnorena? —daide.

²⁹ Jesús ie uai ote:

—Nana ocuica uáimona bie iere ínnorede nánora uai: “Israel, maí omoi cácarei. Cai Ocuíraíma Juzíñamui jaca daade. ³⁰ Mei jira nana o comécido o Ocuíraíma Juzíñamuina izíruiri. Daje izói o comécimo ite joreño díga izíruiri. Daje izói nana o ífo úrilla uaido íena izíruiri. Daje izói nana omo ite ríinodo íena izíruiri.” Be ñie nánora ocuica uai. ³¹ Afe méifoide ocuica uai daje izói jóide. Afe uai daide: “Dama o abí o izíruilla izói, afe izói o aino ímiena maí izíruiri.” Jíáie ocuica uai izoide bie baímo íñede, —daide.

³² Iemona Ocuica uai llófueraíma daide:

—¡Ie mei! Llófueraíma, ñue daidío. O daina uafue. Uáfueña Juzíñamui daade. Afémie baímo jíámiena íñede. ³³ Daje izói afémiena nana cai comécido izíruillena ñuera. Ie llezica nana cai ífoci úrilla uaido íena izíruillena ñuera. Ie llezica nana cai comécimo itífuiaido íena izíruilla ñuera. Ie llezica nana caimo ite ríinodo íena izíruillena ñuera. Daje izói cai abí ímiena dani cai abí izíruilla izói, afe izói íena izíruilla jítáirede. Bie izói cai izíruilla, aillo ráífide. Ua, nana fatá Juzíñamuimo fia fecaca rílleníai baímo ráífide, nana Juzíñamui íóbitallena jobaica rílleníai díga, —daide.

³⁴ Iemona baitádimie izói afémie ie fairíuana uaina cacáillano, Jesús íena daide:

—Juzíñamuimo dúillena ímiena íanori itío, —daide.

Afe mei jacíruillano buna jíáfueña Jesumo jicánoñediaioi.

*¿Bu jító Cristo? Jesús dama jicánote
(Mt 22.41-46; Lc 20.41-44)*

³⁵ Jesús gairíracomo llófullofuena llezica, comínimo jicánote:

—Onódiomoiza ocuica uai llófueraini “Cristo David jító” daiífirediaioi. ¿Nie izói daiírede?

³⁶ Mei dama David Juziñamui Joréñodo úrite; daide:

—Monamo ite cai Moo Juziñamui cue Ocuíraimana daide: “Cue nabézimo rainai, o éoigamacina cue anáfenolliruimo,” daií David daide. ³⁷ David Crístona “cue Ocuíraima” daiíadi, ¿nie izói afe llezica Cristo ie jítone írede? —daide Jesús. (David emodo imácimona Cristo cómuide.)

Aféruído aillo comini, caimare Jesús úrilla cacáreizaibitiaioi.

*Ocuica uai llófueraini fiēni illafue Jesús jino comínimo llote
(Mt 23.1-36; Lc 11.37-54; 20.45-47)*

³⁸ Jesús llófullofuena llezica íaioina daide:

—Ocuica uai llófueraimona abí omoi rairuiri. Afémaci árrera ñuera inícuero jítano comini uiécomo mácafírenana gáidiaioi. Afe llezica íaioi anamo comini fecáracuaimo ñue jacíruioicana íaioi uáiduana gáidiaioi. (Daje izói comini íaioi daináuai jiéruillena gáidiaioi.) ³⁹ Afémaci Juziñamui uai llófueraimo ite ñuera ráiranona raire jíaimaci uiécomo jenófirediaioi. Afe izói comini iráziracomo iráziadi, afémaci iere ñuera ráirano uiécomo maiñófirediaioi. ⁴⁰ Afémaci fecínguai jofue naa íaioi raari bairófirediaioi; mei íadi comínimo jíáfodo afémiaí cíoillena, are Juziñamuimo úrioidiaioi, comini éoilla llezica. Afémaci iere jamánomo duere finócamacina jáitiaioi, —daide Jesús.

*Dúrede fecingo fecaca úcube jamánomo ñuera
(Lc 21.1-4)*

⁴¹ Iemo Jesús Juziñamuimo gairíracomo ráicana eroide. Ucube dotáranu uícomo ráide. Comini afénomo úcube dotájillamo eroide. Iere ráaredino aillo úcubena dotádiaioi. ⁴² Bie llezica fecingo dúredingo mena úcubetuni dótaibite. Bituni íaínguai ‘cobre’ ie; iere due ráifide centavo izoide. ⁴³ Ie mei Jesús ie llófuegamaci jíirillano íaioina daide:

—Uáfueña ómoimo llotícue. Bie dúrede fecingo úcube jóneracojimo dotaca úcube, iere jamánomo jíaimaci afénomo dotaca úcube baimo jaide. ⁴⁴ Nana jíaimaci úcube fiévide államona dotádiaioi, mei íadi afengo duéredingo íadi, nana aféngomo ite úcube ie iga. Afengo güille óllena úcubena nana afengo ja dotaca, —Jesús daide.

13

*Gairíracu uire júdailleña Jesús ie llófuegamacimo llote
(Mt 24.1-2; Lc 21.5-6)*

¹ Jesús gairíracomona jino billa llezica, ie llófuegamacimona dáamie íena daide:

—Llófueraima, ¡bie iere ñuera nófiemo eroi! ¡Daje izói bie jofo áilluemo eroi! —daide.

² Iemo Jesús uai ote:

—Mai bie áillue jófuemo ñue omoi eroi. Benomo daje emódomo nófiēna fiēbiñeite. Nana oni júdaille, —daide.

*Irairui uícodo íitífuaí
(Mt 24.3-28; Lc 21.7-24; 17.22-24)*

³ Afe mei Olívona mameide ídumo jáidiaioi. Gairíracu uieco dibénemo ite. Afénomo Jesús ráiidemo, Pedro, Jacobo, Juan, íemo Andrés báinino íena daidiaioi:

⁴ —Nana bífuiaí o daína júdaille zuíllaruina onóiacadicaí. Mai caimo llone. Nana bífuiaí fúiacana ¿nie izói caina onótaite? —daidiaioi.

⁵ Jesús uai ote:

—Bu omoi jífueñeillena, ñue abí omoi rairuiri. ⁶ Aillo cue mámeçido imaci abí jítano bítiaioi. “Crístodicue” ðainano bítiaioi. Afémaci aillo comínina jífueitiaioi.

⁷ Mei íadi aillo áinori ite fuiríllafuena, íemo jica ite fuiríllafue ðiga omoi fidíadi, omoi jacínaiñoeno iri, mei afe ðaí íredeza. Mei íadi nai íraíruiñedeza. ⁸ Mei aféruimo ðaa nairai jíai náraimo fuirízate. Afe llezica ðáazie jíáziemo jobáirizate. Aféruillaïdo ðiga illánomo énie riire dócaite. Dáaruïdo aillo júbie ðiga éniáïdo iite. Be aféfuiai comini ðuere zefuille táinia raa.

⁹ Mei jira abí ñue omoi rairuiri, mei riire ocuïðimaci gairíllanomo omoi uítiaioiza; Juzíñamui uai llófueriracomo ómoïna fáziitiaioi. Cue ícoïnia ríillaini uícomo ómoïna óreitiaoï, jamánomo ríiredillaini ðiga. Afe ðaí cue ðibéneño íaioïmo úritiomoi. ¹⁰ Mei íraírui nai ðúciñena llezica, cai jíllonafue uai nana náraimo jino llóredeza. ¹¹ Ríiredillainimo omoi oreille llezica, omoi úrillifuemo raïre uícomo coméçido facáñoeno omoi iri. Daje izói omoi coméçillifuemo raïre uícomo uibíñoñoeno iri. Aféruimo Juzíñamui omoi ífomo úrilla izói, mai omoi ðaíri, mei ðani omoi úriñoëitiomoi; omoi coméçimona Juzíñamui ie Ñuera Joreño úrite. ¹² Afe llezica ðáamie nahí ie ámamo fiénidifue nítano jíaimiena ie fatátaite. Daje izói móotiai nahí ie jítótiaïna fiénidifuedo izájitaitiaoï, íaioï titállena. Afe íbana íaioï jítótiai, nahí ie móotiaïmo fiénidifue nítano íaioï fáite titállena. ¹³ Cue ícoïnia, nana comini ómoïna éoïllano ïere íáiruítiaioi. Mei íadi íraíruiimo jaïcina Juzíñamuïmo ïere féitañoeno ínotimie jíllobicaite.

¹⁴ Jaiï Juzíñamui uai jino llóraïma Daniel ðaa ïere íáiruïga raa ðibéneño cuete. Afe íáiruítate raa nabene jofue júðaitate. Afe fiénidifueña oruïde raa Juzíñamuïmo gairíracomo ite jeruïcacomo jóonia llezica, Judea éniemo itino, árera íduáïmo botárediaioï. (Bibe facáðimie mai ñue onoiri.) ¹⁵ Aféruïmo o jofu jínoñene íðamo omoi íadi, jofu eromo ite ráaniaïna omoi uájiñoeno iri; raïre botari. ¹⁶ Jacáfaimo tájïðimie abïdo jofomo biñoeno iri, ie ínçuiruai óllena. ¹⁷ Aféruïmo ite ringóniai namóçiredino ïere ðuere zéfuitiaoï, aizínidiaioiza. Daje izói monoi jirode ðuera úrue llíïðingotiai ðuere zéfuitiaoï. ¹⁸ Ie jira Juzíñamuïmo omoi jicari, “Nóci illáruillaïdo caïna botátañoeno iri.” ¹⁹ Bie izói ðuere zefuïlliruïna jaca jaiï ífnide. Ua, Juzíñamui bínie ínuamona benomo afe izóïena íñede. Aféruillaï méifomo afe izói íñeite. ²⁰ Juzíñamui afe zúurediruï are jóoneadi buna jílloneille. Mei íadi afémie nizécanona izíruïllano íanori afe zúurediruïna afémie jóoneite. Are íñeite.

²¹ Temona aféruïmo ðámie ómoïna ðaíadi: “¡Erocaï, benomo ite Crísto!” áemo íñoñoeno iri. Daje izói jíaimie ðaíadi: “Eroi, batínomo ite Crísto,” áfena íñoñoeno iri. ²² Mei uafue, aféruïdo aillo jífueritino bítiaioï. “Crístodicue” ðáitiaioï. Daje izói “Juzíñamui ðibéneño úriticaï” ðainano comínina jífueitiaioï. Afémaci çíorainina ráaniaï fñoitiaoï, jíaie jacíredifuiaï ðiga, comini jífuellena. Uafue, ðaje izói ðama Juzíñamui nizécanona jífueacadiaioï, afémaci ðaí jífuetareniadi. ²³ Mei íadi mai ñue omoi comeci facáoiri; mei nana bífuiaïna jae uíçodo ómoïmo llotíçueza.

*Monámona bite Nanoïde Ñima Jitó, Crísto meine bíllena Jesús llote
(Mt 24.29-35, 42-44; Lc 21.25-36)*

²⁴ Te mei aféruillaïdo, zúurediruïllaï méifomo, jítoma ðuíbicaite. Fíui égaiñoñoëite. ²⁵ Monamo ite úcuai cóçitiaioï. Afe llezica mona eromo ite ríino mozíðino, maíríñoeno jaïllano dóçaitiaoï. ²⁶ Iemo nauï monámona bite Nanoïde Ñima Jitó Crísto meine abïdo çíocaite. Uíllie çígido biite; aillo ríino ðiga. Jamánomo ebírenafuedo biite. ²⁷ Afe mei ie abí imácina óreite, nana ie nizécamaci nana mona fuéðamona gairítallena. Ua jamánomo jica ite ígobiai imácimona nizécano nana ðáanomo atille. Daje izói énie fueda imácimona nizécano nana ðáanomo atílliaoï.

Nai ie llófuegamacimo llófuiano, íaioina daide: ²⁸ ‘Mai bie higuera amena rafue omoi onoiri. Afe higuera íbiai firuilla llezica fimona áinozillana onódiomoiza. ²⁹ Daje izói nana bie zúurediruillai zuíllana omoi cióadi, írairui áinozillana onótiomoi. Jae iere íanori ite. ³⁰ Uáfueña ómoína dáitícue, afe illáruído itino comini nai tíñenia, nana bifue zúite. ³¹ Nana mona énie diga fúite, mei íadi cue daína uai jaca ninomo méidonide. Cue llua izói zúite.

³² ‘Mei íadi afe illíruina buna onóñena. Daje izói Juzíñamui abí imaci onóñediaioi. Ua afe izói Juzíñamui Jitó aféruina onóñede. Dama cai Moo Juzíñamui onoiga.

³³ ‘Te jira, aferui dúcinana onóñediomoiza, mai ñue figo abina omoi onoiri. Afe llezica mai ñue omoi uíñori. Daje izói Juzíñamuimo úrifireiri. ³⁴ Cue meine billifue dáme jica jailla izoide. Aféme nai jáñenia íemo táijidinona ie jofo úiñotade. Illa dígamie dáarie tájillena igáiaioi. Iemo naze uíñoraíma jóoniano, íena riire ocuide, jofo uíñollena. ³⁵ Afe izói mai omoi abí onócana uíñori, mei jofo naama billirui ónoñegaza. Nibai nauíoilla llezica biite, nibai dáaferuimo, ónoñega. Nibai atava úrilla llezica, nibai jítiramo aféme biite; ónoñega. ³⁶ Mai abí omoi onoiri, aféme raire bíadi, omoi iníllena ie cíñoillena.

³⁷ Omoína cue daína izói nana comínina daidícue:

—Cue bíllemo abí omoi onoiri, —daide Jesús.

14

Comini Jesús llaitállena maméritiaioi (Mt 26.1-5; Lc 22.1-2; Jn 11.45-53)

¹ Nai ménarui ite pascua ráfueño. Afe rafue llezica afénomo ite comini íaioi pan fáitara jóoneño güífirediaioi, mei aféruillai fáitañega pan güífrenafue. Lletáriraini illaini ocuícáfue llóraini diga Jesús jífuiado llaitállena jenódiaioi, ie titállena. ² Iadi daidíaioi:

—Íraízie ana íena llaitánide; áfemo comini ficire jufidoñeilleza, —daidíaioi.

Ringo zióredijido Jesús ifona jillaide (Mt 26.6-13; Jn 12.1-8)

³ Jesús Betániamo ite. Simón jofomo ite. Afe Simón chíñaitimiena mameide. Güirácomo íaioi ráina llezica, daa ringo jamánomo ráifide ziórediji Jesumo jilláizaibite. Afe ziórediji duera alabastro daína nofici finoina icítirumo ite. Afe ziórediji mámece nardo. Afeji jáíena fáñega. Afengo afe icítiru llaillano, Jesús ifomo áfeji totade. ⁴ Afénomo itínomona dámerie áferi ráicaidiaioi. Dani conímana riire daidíaioi:

—¿Nibái mei bie ziórediji táinomo dotade? ⁵ Afeji trescientos romano úcubetuni baímo fecárede, duéredimacina canóllena, —daidíaioi. Aféngomo ráicaillano íáruitiaioi.

⁶ Mei íemo Jesús daide:

—Mai aféngona fáicanocai. ¿Nibái mei aféngona áifedodiomoi? Bie cuemo afengo finócafue ñuera. ⁷ Mei jii, duéredino jaca omoi cígimo íitiaioi. Omoi jítíadi afémacina canórediomoi. Mei íadi cue omoi cígimo are íñeítícue. ⁸ Afengo ñue cuemo finórede raa cuemo finuaibite. Jáíimaci cue raíájiñenia cue abímo zióredijina afengo cuemo jóoniaibite. ⁹ Uáfueña ómoína dáitícue, náganomo bie éniemo comini jílloille uai jino llóadi, bie ringo cuemo finócafue jino llóitiaioiza, áfemona aféngomo úbicaifireillena.

Judas Jesús íena éoidimacimo izájide (Mt 26.14-16; Lc 22.3-6)

¹⁰ Ie mei Judas Iscariote lletáriraini illaini díne úrizaide, Jesús afémacimo izájillena. Afe Judas, doce dígamie Jesús llófuega ímie. ¹¹ Afe illaini Judas dánana cacáillano, íóbidaioi. Afe jira íena daidíaioi: “Jesús caímo o atíadi, úcubena omo íbaitícai.” Iemona Judas nie izói Jesús íaioimo fecállena jenode.

*Jesús tiraifuena güillafue**(Mt 26.17-29; Lc 22.7-23; Jn 13.21-30; 1 Co 11.23-26)*

¹² Fáitañega pan rafue nanóidiruimo oveja jiza fáfirediaioi, pascua ráfue mo ríllena. Aféruimo jae dúcide. Aféruído Jesús llófuegamaci íemo jicánotiaioi:

—¿Ninomo pascua rafue uícodo cai finuaillena óiacadio, afénomo pascua ráfue mo mameide güille cai güillena? —daídíaioi.

¹³ Ie jira ie llófuegamacimona ménaillinoi óriano daide:

—Jófuemo jai. Dinomo jainoi icírudo uítimiena báitiomicoi. Iedo jairi. ¹⁴ Afémie jofo jáillanomo, afeco náamana daíri: “Llófueraíma daide, ¿Ninomo ite cue güillino cue llófuegamaci diga? Dinomo pascua rafue llezica güíticai daide.” ¹⁵ Jira afécona ómicoimo ácatajite, áillico. Caifóidícomo iite. Ja fuífide. Dinomo cáiena finori, —daide.

¹⁶ Jira llófuega íaillinoi oni jaillano jófuemo dúcidiaillinoi. Dúciillano uícodo Jesús íaillinoina daína izói baizájidiaillinoi. Pascua rafue ja finódiaillinoi. ¹⁷ Nauízaila llezica, Jesús doce diga ie llófuegamaciri dúcidiaioi. ¹⁸ Güirábanimo güitíaioimo Jesús íaioina daide:

—Uáfueña ómoína dáitícue, daa ómoimona, cue diga güitínomona cuena fécaite, —daide.

¹⁹ Jira afémaci zúucaidiaioi. Afe llezica dáamierie Jesumo jicánotiaioi:

—¿Nibai cue? —daide.

Jiáimie daje izói daide:

—¿Nibai cue? —daide.

²⁰ Jira Jesús uai ote:

—Afémie daa ómoimona, bie doce dígamíedemona; ua cue birui diga dáajemona güitímacimona. ²¹ Nanoide íma Jitódícueza Cuegáuai lloga iodo jáidícue; ua cue tíllinomo jáidícue. Mei íadi cue fecádimie, ¡nii iere dúerenal! Afe íma jócoñegana baimo ñue jaide, íadi jae comuide, —daide.

²² Güitíaioimo, Jesús pan llínota daide:

—Iere figora, —daide. Daína mei ditade. Ditada íaioimo fécajano daide:

—Mai omoi güi. Bie cue abi, —daide.

²³ Iemo Jesús jiróracuri llínote. Afécuri vónona oruítaga. Ie mei:

—Iere figora, —daiñano íaioimo ite. Nana afécurimona áfeji jiródiaioi. ²⁴ Iemo daide:

—Bie cue die; áfedo comue dájemo llínoga uai uáfueña daíllena. Aillo nairai jíllollena cue die tóite. ²⁵ Uáfueña ómoína daidícue, ja biruímona afe uva rao llizilla iji jíroñeítícue. Ua nágaruillaído Juzíñamui illáimana illirui nai biñena llezica jíroñeítícue. Aféruimo comóicana áfeji nane meine dáanomo jíroítícue, —daide.

*Pedro Jesuna jáanuana Jesús uícodo llote**(Mt 26.30-35; Lc 22.31-34; Jn 13.36-38)*

²⁶ Juzíñamui rua íaioi rua mei, jino Olivo daiñadumo jáidiaioi. ²⁷ Iemo Jesús daide:

—Bie naio, iomo come éicitaila izói, méaicaillamona nana omoi cuena zóofeítíomoi. Cuegáuai daide: “Ovejai úñoraímana fáitícue; fállemona ovejai oni rájicaitiaioi.” ²⁸ Mei íadi cáadimiena meine abido cue ille méifodo, omoi uiécomo Galiléamo jáitícue, —daide.

²⁹ Jira Pedro daide:

—Nana ona fáicanocaitiaioimo, jaca o fáicanocaiñeítícue, —daide.

³⁰ Iemo Jesús uai ote:

—Uáfueña dáitícue, bie naio atava ménacaiño nai úriñeniadi dacaiñoámani cuena jáanoitío, —daide.

³¹ Mei íadi afémie iere afe íeñede úricana daide:

—O diga cue tíllena jítaíadi, nai ona jáanoñeítícue, —daide.

Nana daje izói daídíaioi.

Jesús Getsemanimo Juzíñamuimo úrizaide
(Mt 26.36-46; Lc 22.39-46)

³² Iemo güirácomona jino billano Getsemaní ibírímo dúcidiaioi. Dinomo Jesús ie llófuegamacina daide:

—Bai bené Juzíñamuimo cue úrizaiilla llezica, benó omoi ráiri, —daide.

³³ Iemo Pedro, Santiago, Juan diga uite. Jesús ja zuure cácaide; afémie aillo jaci cácade.

³⁴ Jira daide:

—Cue joreño iere zúureficaide; afe zuufue tilla izói cue orede. Benó omoi fiebi. Abí omoi onoiri, —daide.

³⁵ Iemo Jesús jabo bai fe jaide. Dinomo éniemo bíjicaillano Juzíñamuimo jicade:

—Nana bie cuemo jíriacade raa cúemona oni o oréreadi, mai oni oreri, —daide. ³⁶ Nai Juzíñamuimo úrioicana daide:

—Cue Moo, ómona nana finórede. Bie iere zuure facállinomona cue zuitari. Mei íadi cue oíacana izói finóñeno iri, mei jíáfodo o oíacana izói finori, —daide.

³⁷ Iemo daámani llófuegamaci diné jaide. Inídiaioimo dúcide. Pédrona daide:

—Simón, ¿ja o inídió? ¿Jaca due jiza abí onóoicana uíñonidío? ³⁸ Abí omoi uíñori. Juzíñamuimo úriri, fiénidífuemo omoi báññeillena. Uáfuenta o joreño iere jíerede, mei íadi o abi náinide, —daide.

³⁹ Iemona dáanomo nane, Juzíñamuimo úrizaide. Daje uáillaina daide. ⁴⁰ Ie mei nane bítemo, ie llófuegamaci meine dáanomo inídiaioi. Daí afémaci íniamo, Jesús íaioina cíozabite, mei íaioi uíji ínie ibáicaza. Íaioi uai ollino íñede. ⁴¹ Ja dacaiñoámani Juzíñamuimo úrillano bite. Billano íaioina daide:

—¿Mei nai birui inídiómoi? ¿Nai ocózinaidíómoi? Jae mai. Nanoide Hima Jitódicueza, mei íadi fiénidímacímo cue itábicaillaruímo ja dúcide. ⁴² Náidacai. Mai cai jai. Cue fecádimie ja bite.

Jesús llaitádiaioi
(Mt 26.47-56; Lc 22.47-53; Jn 18.2-11)

⁴³ Ie llezica Jesús nai úritemo Judas dúcizaibite. Afémie doce dígadímacímona. Afémieoiri aillo comíni bitíaioi. Lloefai bigíñiai diga bitíaioi. Lletáriraini illáinimona bitíaioi. Dáarie bie comíni ocuícafue llófueraínimona éicomíni diga bitíaioi. ⁴⁴ Fecádimie Judas bimácímo ónoitara nauí lloga. Daide:

—Cue ñitállimie nímmieite. Ie llaitari. Ñue maiano, ui, —daide.

⁴⁵ Iemo Judas billano, Jesumo ánozillano uáidote:

—¡Llófueraíma! ¡Llófueraíma!

Daí dainano ñitade. ⁴⁶ Iemo Jesús llaitada, maiano, bitino íena uitíaioi. ⁴⁷ Afe llezica dinomo itínomona dáamie lloefai otá daa bitímie jefo ñetade. Afe jefona ñetácámie lletáriraini illaíma jaiénici. ⁴⁸ Iemo Jesús comínina daide:

—¿Meita meríriraímadícue izói lloéfaillari bigíñiai diga cuena lláitaíbitíómoi maiano cue uíllena? ⁴⁹ Nágariuí ómoiri Juzíñamuimo gairíracomo llófuecana itícue; íadi jaca cuena llaitáñediómoi. Mei íadi bifue íficaide Cuegáuailai fuitállena, —daide. ⁵⁰ Iemona nana llófuegamaci íena fáicanocaillano botádiaioi.

Da Jesudo jáicaide jítócome botade

⁵¹ Mei íadi da jítócome dama áillue iníroi jítada nai Jesús óodana jáicaide. Ie mei bitino íena llaitádiaioi. ⁵² Mei íadi afémie jarire dúíñuano aferoi íaioímo faínóicaide. Daí ñeta emuíroma jarire botade.

Jesús jicánodoíllinomo uiga
(Mt 26.57-68; Lc 22.54-55, 63-71; Jn 18.12-14, 19-24)

⁵³ Iemo judíuai lletáriraini caifóidillaímamo Jesús uitíai. Afe llezica nana lletáriraini illaini, íemo éicomini, íemo ocuica uai llófueraini diga, dáanomo gairídiai. ⁵⁴ Pedro, afe jamánomoidillaíma jofo abi ibírimo, óodana jicado jaide. Dinomo llazíriraini diga ráide; irai fuemo agaide abi uzíreillena. ⁵⁵ Nana lletáriraini illaini jamánomo ocuídímaci diga Jesumo fienni íai. Facátallena uai nabáidino jenódia. Afedo íena titállena. Mei íadi áfena baiñédia. ⁵⁶ Aillo íemo taino llotíai. Iadi íai. Tainofuiai jaícina jóobiñede. ⁵⁷ Iemo dáarie caifo náidacaillano, afémiemo taino fiénidífue nitádia. Daidíai:

⁵⁸ —Afémie dainana cacádica: “Bie comini finoca gairíracó júdaitícue, íemo daruíamani íllemona jíai gairíracó comini finóñegaco abido níitícue,” daide, —daidíai.

⁵⁹ Mei íadi nane íai. Iloga uai nabáillafuiai jaícina jóobiñede. ⁶⁰ Iemo lletáriraini illaíma íai. Cígimona jino náidacaillano Jesumo jicánote:

—¿O uai óñeitío? ¿Minica bie omo nitádia? —daide.

⁶¹ Mei íadi daa uai oñede. Iemona lletáriraini illaíma nane dáanomo jicánote:

—¿O Crístodio? ¿Afe cai ñúefuena nitaca Juzíñamui Jitódioza? —daide.

⁶² Jira Jesús daide:

—Jí, íe mei. Nanoide íima Jitódícue. Uire uáfueña cuena cíoitíomoi. Ua rírede Juzíñamui nabézimo dinomo cue ráinaillana cíoitíomoi. Aféruillaído mona ero úilliedo cue bíllana cíoitíomoi, —daide.

⁶³ Lletáriraini illaíma jamánomo ríicaillano icírillamona íe iniroi cúatajano daide:

—¿Níbái mei jíaie uai nabáiraíma jítaítica? ⁶⁴ Ja Jesús íe uáillaído Juzíñamui dibénemo fienni úrillana cacádíomoi. ¿Omoi, nie izói íena daidíomoi? —daide.

Iemona nana íena titállena daidíai. ⁶⁵ Iemo dámierie afémiemo túallaitíai. Afe llezica íe uíeco iníroina íbáillano, íena fatíai. Fájano daidíai:

—¡Mai bai! ¿Bu o faja? —daidíai.

Iemo llaitáidino íe uíeco túcoidiai.

Pedro Jesús jáanote

(Mt 26.69-75; Lc 22.56-62; Jn 18.15-18, 25-29)

⁶⁶ Pedro ana jofo ibírimo íte. Iemo daa lletáriraini illaíma canóraíngo afénomo dúcide.

⁶⁷ Pedro irai fue agáillana cíóillano, afengo afémiemo ríire eroide. Iemona daide:

—O daje izói Nazarena ímie Jesús diga macáfíredío, —daide.

⁶⁸ Mei íadi Pedro jáanuano daide:

—Aféfuena fidíñedícue. Minícado úritío onóñedícue, —daide. Daina mei afémie naze fuemo jino jaide. Iemo íítava úrite.

⁶⁹ Iemona canóriraíngo íena nane cíóillano afénomo itínona daide:

—Afe íima Jesudo jáidímacimona, —daide.

⁷⁰ Mei íadi Pedro meine jáanote. Ja baido afénomo itino Pédróna nane daidíai:

—Uáfueña. O Jesús ímaci íedio. Galilea ímiedío. O úrilla afémaci úrilla izói jóoide, —daidíai.

⁷¹ Íe jira Pedro: “Uáfueña cue llóñenia Juzíñamui cue fáidoíteza,” daide. Dáanomo Pedro íe daina uai nabáillena Juzíñamui mámedío ríire mámano daide:

—Afe omoi úrillamiena onóñedícue, —daide.

⁷² Daí daina llezica atava dáanomo nane úrite. Iemona Jesús íena daináfueño Pedro uíbicaide. Nano uícomo íena daide Jesús: “Atava ménacaiño nai úríñenia dacaiñoámani cuena jáanoítío.” Afemo comeci fácajano éeiaide.

15

Jesús onínellaíma Pilátomo uitíai

(Mt 27.1-2, 11-14; Lc 23.1-5; Jn 18.28-38)

1 Afe jítiramo lletáriraini illaini íemo eicomíniri gairízaidiaioi, ocuica uai llófueraini diga; ie emódomo naa jíáie jamánomoidillainiri. Gairíllano Jesumo íaioi finóllifueri dani úritiaioi. Maiga Jesús Pilátomo izájidiaioi. 2 Jira Pilato jicánote:

—¿O meita judío illáimadio? —daide.

Iemo Jesús uai ote:

—¡Ie mei! Daí jaca o daina izói, —daide.

3 Iemo lletáriraini illaini aillo fiénidifuaiaí afémiemo nitade. 4 Jira Pilato dáanomo jicánuano daide:

—¿O uai oñedio? ¡Cacai! Diga fiénidiuai omo nitádiaioi, —daide.

5 Mei íadi Jesús uaina oñede. Aféme uai oñenamona Pilato fáigacaide.

Jesús ie tiállena uáfodo maméritiaioi
(Mt 27.15-31; Lc 23.13-25; Jn 18.38-19.16)

6 Afe rafue ana naga fimónado comínimona llogámie llaitácamiena Pilato zuitáfirede. 7 Come fatímie Barrabás jae llavéracomo ite, jíáie come fatímaci diga. Nano jíáiruido illaíma dotátaruimo comíni fatíaioi. 8 Ja birui comíni Pilátomo jícaíbitiaioi. Billano Pilato íaioimo finófirena izói ie finóllena jicádiaioi. 9 Pilato uai ote:

—¿Judíuai Illaíma ómoimo cue zuitállena jítáidíomoi? —daide.

10 Pilato ja lletáriraini illaini Jesús úradoillafuedo fécajana fidide. 11 Mei íadi lletáriraini illaini nana comíni jeire otímaci. Iaioi úamona iere caillídímaci. Iaioina llófuetiaioi:

—Jesús ifomo mai Barrabás caímo zuitállena izire omoi jicari, —daidíaioi.

12 Jira Pilato jicánote:

—¿Nie izói oíacadiomoi omoi mamécamie Judío Illaíma cue finóllena? —daide.

13 Iemo caillíoicana uai otíaioi:

—¡Cruzmo íena coraí! —daidíaioi.

14 Jira Pilato daide:

—¿Nibái mei? ¿Aféme nie fiénidífue finode? —daide.

Nane dáanomo baímo caillíoicana daidíaioi:

—¡Cruzmo íena coraí! —daidíaioi.

15 Iemona Pilato nairai uiécomo ñue íacanamona, Barrabás zuitada orede. Iemo Jesús zechétajano llaíziritinomo izájide íena coráillena.

16 Ie mei afe onínellaíma áilloco jofu íbírímo íena uitíaioi. Afénoimo nana fuíríraini gairítatiaioi. 17 Iemo ñue jáirede inícuíro, illaíma íena, afémiemo jítádiaioi. Aferoi uálláima jítáfiregaroi. Afe llezica ifo icuífoi eegi nínacuífoina íemo jítádiaioi. 18 Jítajano janónaioicana riire íena uáidotiaioi; daidíaioi:

—¡Fígo o iri, Judíuai Illaíma! —daidíaioi.

19 Iemo rázido diga icaiño ie ifo butíaioi. Ie túallaítiaioi. Afémiemo caiñici ana dújullano jifánodoicana íena ebíruítiaioi. 20 Daí ie íaioi áifedua méifodo, afe illaíma jítácaroi íemona duiñódiaioi. Dúíñuano dama íecuirona ie jítádiaioi. Ie mei afénoimo jino íaioi uiga íena coráiaillena.

Jesús coráina
(Mt 27.32-44; Lc 23.26-43; Jn 19.17-27)

21 Jesuna coráiaidiaioimo Cirene ímie Simón jinona jófueimo bite. Aféme Alejandro Rufu íaillinoi moo. Bítemo Jesús coráillibicina rocátatiaioi.

22 Iemo Jesús Gólgota maméidinomo uitíaioi. Afe Gólgota jíáimaci uaido ífócoraí Illánona mameide. 23 Afénoimo vino eríredíji diga jóonegana Jesús jirótatiaioi. Mei íadi aféme jiróñede. 24 Afe mei ja Jesuna coráidiaioi. Iemo fuíríraini onótaraji dotádiaioi, Jesús inícuíro íaioi máíñuana onóillena. Iemona dájerize illa dígamie ie inícuíro uite.

25 Jae jitoma caifo illa llezica Jesús coráidiaioi. 26 Jesús coráigabicimo jiáie uai llotíbicina netádiaioi. Afébicimo nie íaifue ie fínua jira coraica, daí íaioi cuega. Bibícimo cuetíaioi: “Bímie Judíuai Illaíma.” 27 Afémie diga mena meríriraíma íaillinoi coráidiaioi, dámie ie nabénemo, jiáimie ie jarífenemo. 28 Jaíai Cuegáuai daí fúbicaide. Aféuai daide: “Afémie fiénidimacimo jaináitaga.”

29 Afe iodo jáidino Jesumo fiéni úritiaioi. Fuena iere riire íena zanódiaioi. Daídíaioi:

—Mai, cacai. O Juzíñamui gairíraco ana júdaitimiedioza. Daje izói daruiámani íllado abido afeco níitimiedioza. 30 ¡Mai dama o abi jíllota! ¡Crúzmona ana bi! —daídíaioi.

31 Daí daje izói lletáriraini illaini, ocuica uai llófueraini diga, Jesuna janónaitiaioi. Dani conímana daídíaioi:

—Afémie jiáimaci jíllotate, íadi afémie dama ie abina jíllotanide. 32 Mei birui Cristo, Israel Illaíma ana crúzmona bíadi, áfena cai ciónamona afémie uaina ja uáfueña ínoiticaí, —daídíaioi.

Daje izói afémie diga coráicaiaillinoi fiéni Jesumo úritiaioi.

Jesús tílla

(Mt 27.45-56; Lc 23.44-49; Jn 19.28-30)

33 Jaíciri illa llezica nana énie jítfeficaide. Dahoraámani fidi monáíñede. 34 Afe llezica Jesús riire cáilliano daide:

—Eloí, Eloí, ¿lama sabachtani? —afe uai dobáíñuana daide: ¡Cue Moo Juzíñamui, Cue Moo Juzíñamui! ¿Nibái cue zóofetio? —daide.

35 Dámierie afénomo itínomona áfena cacáillano daide:

—Cacarei, afémie Juzíñamui uai jino llóraíma Elías jírite, —daídíaioi.

36 Iemona afémacimona dámie aizida fíllicide raa uájide. Erírede vínona riáitano, áfena ragüizi ícoimo jóonete, áfedo Jesús jirótallena. Daí ñeta, íemo ñuitade. Afe llezica jiáimaci íena daide:

—Ína jabe. Mai cai éroi, neca afémie Elías ana ólleza, —daide.

37 Ie mei Jesús riire caillida tíide. 38 Afe llezica Juzíñamui gairíracomo zebica jédaciede iniroi, dáfenedo caifófenemona ana cuáijicaide.

39 Jesús anamo romano jabóidillaíma uíeco dibénemo naidaide. Ie cáilliana cacade. Ie tílla izóidena ciodo. Cíuano daide:

—Uafue, bie íima Juzíñamui Jító, —daide.

40 Dáanomo dáarie ringóniaí jicana eróiediaioi. Íaioi cigimo ite Magdalena jofue ingo María, íemo Salomé, íemo jiáie María. Afengo Santiago José ei. Afe Santiago jofófene ímiena mameide. 41 Bie ringóniaí Jesudo jáicadino. Naui Galiléamo ie illa llezica, afémaci íena canódiaioi. Mei íadi bimaci baímo aillo jíáingotiaína, Galilea ingóniaí afémiedo Jerusalem bitíaioi.

Jesús abi raíáfomo jóoniaidiaioi

(Mt 27.57-61; Lc 23.50-56; Jn 19.38-42)

42 Ja nauízaide. Mei aferui ocózinallarui uícodirui íllaza, comíni íaioi jitaille raa finófrediaioi. 43 Jira José Pilátomo Jesús abi jícajide. Afe bie José Arimatea jofue ímie. Afémie caifóidillaímaíaimo iere jaináideza, ie mámecei jica jalleide. Afémie Juzíñamui illáimana illíruina ñue uíñote. Afémie abi mámano jáicaiñeno Pilato illánomo jaide. Dinomo Pilátomona Jesús abi jicade. 44 Pilato ja ie raire tíllari fáigacaide. Jira jabóidillaíma uáidote íemo jícanollena meita uafue daíllena. 45 Jabóidillaíma “JH” dáinamona Pilato fairíote Jesús abi José uíllena. 46 Jira José iere ñuera iniroi íbade. Iemo Jesús abi ana uáno, aféroido junide. Iemona idu ana nofici ero raigácomo ite raíáfomo íena

jóoniaide. Jóoniano raigaco áillue nofícina ibaide. ⁴⁷ Magdalena ingo María, José ei María diga, afe raiánona ciódiainguai.

16

Jesús tíidemona meine abido cáadimiena jaide (Mt 28.1-10; Lc 24.1-12; Jn 20.1-10)

¹ Ocózinallarui méifomo Magdalena énie ingo María, Santiago ei María, Salomé diga zíoji ibádiaioi, Jesús abi recuállena. ² Jira semana nanóidirui jítiramo raiáfomo jáidiaioi. Afe llezica jitoma ja ciode. ³ Iemo ringóniai dúciillano conimana daidíaioi:

—¿Bu mei raiáfo uieco ibaina nofici cairi oni ñuitalle? mei afeci iere áillueza, —daidíaioi.

⁴ Mei íadi érocaillano raiáfo uieco ibaina áillue nofici oni jóoniana ciódiaioi. ⁵ Iemo raiáfo ico eromo íaioi jáillanomo jitócome nabézimo ráinana ciódiaioi. Afémie áreuiro úzeroi jítáoi. Ieri iere jacínaitiaioi. ⁶ Jira ringóniaina daide:

—Omoi jacínaiño iri. Omoi Jesús, Nazaret ímie naui coráicamie jenódiomoi. Mei íadi ja tíidemona meine abido cáadimiena jaide. Benomo iñede. Afémie íaioi jóoniano omoi eroi. ⁷ Ie mei Pédro mo naa jiáie llófuegamaciri lluájiri. Afe bifue daíri: “Omoi uícomo Galiléamo jaide. Dinomo ie daina izói íena cíoitomoi,” —daide.

⁸ Jira ringóniai raiáfomona botádiaioi. Fáigacaillano cuidíritiaioi. Iere íaioi jacíruillamona bumo lloñediaioi.

Magdalena énie ingo Maríamo Jesús cíocailla (Jn 20.11-18)

⁹ Semana nanóidirui monáiacana llezica, Jesús meine abido cáadimiena jaide. Afe mei fueñe Magdalena énie ingo Maríamo afémie cíocaide. Naui afémie aféngomona siete diga fiénide jóríai oni orede. ¹⁰ Iena ciona mei, afengo Jesús diga naui jáicadinomo lluájide; afémaci nai zuure éenaitiaioi. ¹¹ Afe Jesús meine caade íllana María íaiomimo llote, mei íadi aféfuena cacáillano, áfena nai íñoñediaioi. Daje izói afengo “Iena cíódicue” daina uaina íñoñediaioi.

Jesús llófuegamacimona ménaillinoimo afémie cíocailla (Lc 24.13-35)

¹² Bie mei, Jesús llófuegamacimona ménaillinoi jofue onimo mácajidiaillinoi. Mácajilla llezica Jesús jiáifodo íaillinomo cíocaide. ¹³ Afe íaillinoi jiáie llófuegamacimo abido lluájidiaillinoi, mei íadi daje izói íaillinoina íñoñediaioi.

Jesús ie uai oni llóllena orécamacimo ie uai jóonenocai (Mt 28.16-20; Lc 24.36-49; Jn 20.19-23)

¹⁴ Afe jiáiruido once diga llófuegamaci íaioi güiránomo ráidiaioimo Jesús cíocaide. Íaioi comeci ríirena jira, íaioina lletade. Dáanomoi íaioi íñoñena jira, íaioina lletade, mei afe íena cíódino íaiomimo llógana íñoñediaioiza. ¹⁵ Ie mei íaioina daide:

—Mai náagobiaido bie jílloille uai nana comínimo jino omoi lluájiri. ¹⁶ Afe uaina ínoitímie íemo báutigagamie jíllobicaite. Mei íadi afe uaina ínoitímie jílloño duere finócamiena jáite. ¹⁷ Cuemo ínoitino bie onótarafuiai fínoitiaioi, afe lloga uai uafue daíllena. Cue mámecido fiénide jóríairedímie ite fiénide jóríai oni óreitíaioi. Uícodo ónoñega jiáie uáillaído úritiaioi. ¹⁸ Daje izói titade jaio íaioi llaitada íaioina ainíadi, tíñeitiaioi. Jucúrediji íaioi jiróadi, iránitañeite. Afe emódomo, iráredimacimo íaioi onoi bitáadi, afe iráredino jílloitiaioi.

Jesús monamo jailla
(Lc 24.50-53)

¹⁹ Afémacimo úrilla mei, cai Ocuíraima Jesús fiaicana caifo monamo uiga. Iemo Juzíñamui nabézimo ráinazaide. ²⁰ Ie mei ie llófuegamaci nágagobiaimo comini jílona uai llocana uitíaioi. Afe dáamie, cai Ocuíraima, íaioina canode. Afe llezica afémie íaioi lloga uaina cíofinina íaioi finócafuiado uáfuenta daiítate; daje izói diga onótatifuiado uáfuenta daiítate. Jae nñe.

JUZÍÑAMUI ÑUEFUE SAN LUCAS LLOGAFUE El Santo Evangelio Según San Lucas

Rafue uiécodo llogáuai

¹ Cue ama izóidimie Teófilomo cueticue. Diga comini caimo comuide ráfuiái ñue jaícina cúellena facádiaioi. ² Afe comuídifuiái táiniamona, áfena ciódino caimo llua izói, cuetíaioi. Afeniaina ciódino ñúefuiái jino llóllena canódiaioi. ³ Afe izói nana bífuiaina ñue jicánofiredicue. Uáfueza, bífuiái táiniana iere jicánofiredicue. Ie jira omo cueticue. Iemona bífuiái jaícina omo cue cúellena cuedo ñue jaide, mei ñúefuiairedimie Teófilodioza. ⁴ Bífuiái omo cúeiacadicue, afémaci omo llogafue uáfueza o onóillena.

Juzíñamui abi ímie Juan Bautista jocoille llote

⁵ Herodes Judea éniemo illáimana illa llezica, afénomo Zacaríasna mámeciredimie ite. Afémie Juzíñamuimo comini dibénedo úriraima. Afe Zacarías jaiaí ímie Aarón jitó, Abías iziemo dúidimie. Ie ai mámece Elisabet. Afengo daje izói Aarón iziemona comuídingo. Afe Aarón nánora Juzíñamuimo úriraima. ⁶ Afe íaillinoi Juzíñamui eróicana ñue jaícina itíaillinoi. Juzíñamui ocuica uai jeire ófirediaillinoi. Ie jira afe íaillinoimo buna fiénidena jitánidiaioi. ⁷ Mei íadi úruenidiaillinoi, mei Elisabet úrueninide. Iemo jiái jae iere jónaitiaillinoi.

⁸ Iemo daarui Abías izie táijinaruillaimo dúcina llezica, Zacarías Juzíñamuimo úriraimana illena afémiemo dúcide. ⁹ Iemo afémaci finofirena izói, íaioi níziamona, uguci uillítallena Zacaríasmo baite. Ie jira afémie Juzíñamuimo gairíraco rairuíredinomo jofo jaide, afénomo uguci uillítallena. ¹⁰ Afémie uillítata llezica, nana comini jinófenemo Juzíñamuimo úritiaioi. ¹¹ Iemo Juzíñamui abi ímie, ángel daínámie Zacaríasmo cíocaide. Afémie uillítarano nabéfenemo cíocaide. ¹² Juzíñamui abi ímie cíoillano Zacarías iere jacínaillano ie finóacaigana onóñede. ¹³ Iemo Juzíñamui abi ímie íena daide:

—Zacarías, jacíruiñeno iri, mei Juzíñamuimo o jícafírenana afémie cacádeza. O ai Elisabet jitóreite. Afémie mámece Juaana o jítalle. ¹⁴ O íóbito, daje izói aillo comini o úrue jocólleri íóbitímaciza, ¹⁵ mei o jitó Juzíñamui uiécodo iere uai ínotimiena mámeiteza. O jitó comini jifáitaraji vino diga jaca jíroñeite. Afémie nai jócoñenia Juzíñamui Ñuera Joreño úicaite. ¹⁶ Afémie Israel náiraimona diga comini comeci ífuiái méidotaite, afémaci ócuifirede Juzíñamui uaimo meine ñue íaioi jíruillena. ¹⁷ Bie Juan Ocuíraima Cristo uiécodo biite. Afémie jaiaí Juzíñamui uai lloraima Elías coméciifirena izói coméciite. Daje izói Elías riire ocuilla izói riire ócuite, ie uaido móotiaí íaioi úruiaí diga caimare íaioi itátallena. Daje izói uaina náfueñedino afémie afe uaina jeire otátate. Bie izói afémie comini ñuemacina íaioi fínoite, Ocuíraima Jesús ñue llínollena.

¹⁸ Juzíñamui abi ímie úrilla llícailla mei Zacarías jicánote:

—¿Ñie izói bífuena uáfueña onóredicue? mei ja iere jónaiticue, cue ai diga.

¹⁹ Juzíñamui abi ímie uai ote:

—Gabriéldicue. Juzíñamui ócuifiregamiedicue. Ie orécamiedicue omo úrillena, bie ñúefuiái omo llóllena. ²⁰ Mei íadi birui omo cue daínana o ínoñenamona uáinitio. Benómona úriñeítio o jitó jocóllinomo. Bie Juzíñamui mamécaruimo zúite.

²¹ Afe llezica comini jino itíaioi; Zacarías úiñotiaioi. Afémie are jino gairíracomona biñena jira jacínaioidiaioi. ²² Iemo Zacarías jino bítemo ja úrinide. Afemona afémie gairíraco eromo rairuícanomo nicáirilla izói nibai ciede daidíaioi. Afémie onoi níraidua izói afémacimo úrite, mei afémie úrinideza.

²³ Juzíñamui gairíracomo Zacarías táijinaruillai fúillamona, ie jofomo jaide. ²⁴ Bie mei ie ai Elisabet ja úruereacade. Afengo jofómona cinco diga fiui uáfori jino cióñede. Afengo comécido daide: ²⁵ “Juzíñamui ja bie izói cuena úrueretade, íemona comini cuena jámairuñeitiaioi,” daide.

Juzíñamui abi ímie Jesús jocoille llote

²⁶ Ja seis diga fiui Juan comuíllamona, Juzíñamui ie abi ímie Gabriel, Galilea éniemo ite Nazaret mámecirede jófuemo orede, daa ringo méiñollena. ²⁷ Afengo nai inínide jitaingo. Ie mámece María. Afengo ja jicánogango Josemo iníreillena. Afe José illaíma David izíemona comuídímie. ²⁸ Juzíñamui abi ímie afengo illánomo jofo jaillano daide:

—¡Ona uáidotícue, Juzíñamui ñue finócangodió! Ocuifírede Juzíñamui o diga ite. Nana ringóniaí baimo Juzíñamui caimare omo eroide, —daide.

²⁹ Mei íadi afengo Juzíñamui abi ímie cióillano, afe ie uáimona iere fáigacaide. Iemo afengo comeci anado jicánote, “¿Ñibái cuena daíí uáidote?” ³⁰ Ie jira Juzíñamui abi ímie íena daide:

—María, jacíruiñeno, mei Juzíñamui caimare omo eroide. ³¹ Benómona úruereitío, íemona o jító jócoitío. Afémie mámece Jesuna jítaitío. ³² Afémie ñúefuena iere jálleite. Afémie caífo monamo ite Juzíñamui Jitóite. Naui Juzíñamui bínie jaiáidígíma David illáimana ória izói, bie Jesuna Juzíñamui illáimana óreite, ³³ jaca ninomo Israel náiraímo illáimana íllena. Ie illáimana íllana jaca ninomo fúíñeite, —daide.

³⁴ Ie jira María Juzíñamui abi ímiemo jicánote:

—¿Ñie izói bie mei ite, mei cue íma diga íñédícueza? —daide.

³⁵ Juzíñamui abi ímie uai ote:

—Juzíñamui Ñuera Joreño omo itábicaite. Iemo caífo monamo ite Juzíñamui ie ríinodo ona ráiruite. Ie jira o jocolle jító jaca Juzíñamui mamécamiéna ite. Iemona comini íena Juzíñamui Jitó dáitíaioi.

³⁶ Iemo jíái o onógango Elisabet úruereite, jamánomo ei ringo íadi. Ie jira úruenitíngo íaioi daínango íadi, seis diga fiui íllamona ja úruereacade. ³⁷ Juzíñamuijona jaca finónide raana íñede, —daide.

³⁸ Ie jira María daide:

—Juzíñamui ócuifíregangodícue. Mai mei Juzíñamui cuena ie daína izói cuemo fínoíteza, —daide.

Afemona Juzíñamui abi ímie oni jaide.

María ie onógango Elisabet uáiduaide

³⁹ Aféruillaído María Judea íduai cígiri ite jófuemo raire jaide. ⁴⁰ Dúciillano Zacarías jofomo jaide. Daíí ñeta Elisabet uáidote. ⁴¹ Elisabet daíí uáidua cacáillano eromo ite úrue niráricaide. Afe llezica afengo Juzíñamui Ñuera Joréñodo úicaitaga. ⁴² Ie jira iere ficírede uaido úrite:

—Nana jíáingotíaí baimo Juzíñamui iere caimare omo eroide, ñúefue omo finóllena. Daje izói o jítomo iere caimare eroide. ⁴³ Iere jamáingodícue, mei íadi cue Ocuíraíma ei cue erózaíbite. ⁴⁴ Mei ua, o cue uáidua cacáillano cue eromo ite jító iere íóbillano niráricaide.

⁴⁵ Juzíñamui ona daína o íinuado iere íóbinangodió, mei Juzíñamui ona daína ñue zúíteza.

⁴⁶ Ie jira María daide:

—Cue joréñodo cai Ocuíraímamo ñúefue llotícue.

⁴⁷ Cue Jíllotaráima Juzíñamuijimo cue comeci íóbicaide.

⁴⁸ Mei Juzíñamui ie dúerede ocuícaingona uibíoicaideza.

Biruímoma nana uire íite comini “Iere Juzíñamui íóbitagangodió” cuena dáitíaioi.

⁴⁹ Mei jamánomo ríinorede Juzíñamui iere ñúefuíaí cuemo finódeza.

Afémie mámece ñúefuíaído jacíruieregaci.

50 Nana íena ñue jacíruintinona afémie jaca dúecaite.

51 Finónide ráfuiái afémie finode.

Fiénidena abi ínotinona afémie jae anáfenode.

52 Ríillainina jamáimacina Juzíñamui finode.

Mei jíáfodo comécina mánaidino illáinina orede.

53 Jufíruintinona afémie ñúefuiaido imaci jeíridade.

Mei jíáfodo ráaredinona fia duere imácina orede.

54 Ie ócuifiregamaci Israel nairai afémie canode.

Iaioina duéruillena féitañede.

55 Naui cai móotiaina daina izói jaca duérufireite.

Ua, Abrahana ie daina izói, íemo ie náiraina daina izói afémie jaca caina duéruite.

Bie izói María úrilla fuite.

56 María daámani díga fiui Elisabet díga ite. Afe mei meine ie jofomo jaide.

Juan Bautista jocóinafue

57 Afe mei Elisabet úrue jocólliruimo dúcinamo, jító jocode. 58 Juzíñamui ñue aféngomo érocaillano fidíillano, afengo abi imaci naa onógamaciri afengo uáiduidiaioi. 59 Ocho dígarui íllamona, judíuai fínofirena izói, garíracomo jáidiaioi úrue bacano icoi quetállena. Afe llezica ie moo mámecina Zacaríasna jítáacadiaioi. 60 Mei íadi ie ei daide:

—Ieñeite. Afémie mámecei Juaana jítalle, —daide.

61 Aféngona daidíaioi:

—¿Ñibái mei? O comínimo afe bie mámecei íñede, —daidíaioi.

62 Ie jira onoi níraiduado úrue moomo jicánotiaioi, nie izói mámecei jóoneacade. 63 Ie jira afémie daa cuerábici jicade áfemo cúellena. Línuano cuete: “Ie mámecei Juan.” Aferi nana comini jacínaitiaioi. 64 Afe cuia llezica Zacarías meine nane úrerede. Jira raire Juzíñamuimo ñúefuiaí lote. 65 Bíeri nana abi imaci jacínaoidiaioi. Iemo nana Judea íduai éniemo bifue llócadiaioi. 66 Nana áfena fidídino áfemo iere comécidiaioi. Dani íaioi nabáitiai jicánotiaioi.

—¿Bie úrue minícamiena jáite? Mei uafue, Juzíñamui afémiemo iere caimare eróideza, —daidíaioi.

Zacarías ñue llocana dainafue

67 Iemo ie moo Zacarías Juzíñamui Ñuera Joreño úicaillamona úrite; Juzíñamui íemo lloga uaido afémie daide:

68 Israel nairai cai ócuifirede Juzíñamuimo ñúefue nitárede, mei afémie caimo éroizaibiteza. Ja ie comínidicai, íemo afémie ja cai jíllotaibiteza.

69 Jaiai ie ocuífiregamie David izíemona, daa ríinorede cai jíllotaraima caimo orede.

70 Jaiai ñúefuiaírede ie uai llórainido úcodo ie daina izói afémie cai jíllotaraimana orede.

71 Afémie cai fairíconimona caina jíllotaite. Daje izói cai éoidimacimona cai jíllotaite.

72 Cai nánoramacina duéruite, afe izói ie íaioina ñúefuiaírede daina uai féitañede.

73 Jaiai cai uzuma Abrahana úcodo daina uai Juzíñamui uáfueña daina.

Afe uai bie izói daide:

74 Juzíñamui cai fairíconimona caina báiroite, jacíruiñeno ie ócuifiregamacina cai maméillena,

75 Iemo jíái ñúefuiaido ie jaícinaidimacina cai íllena, íemo daje izói nana cai illáruillaído afémiemo ñue cai jaínáillena.

76 Ie mei cue duera jító, caifo monamo ite Juzíñamui uai llóraimana o mámeitiaioi, mei Ocuíraima úcodo jáitioza, ñuera uai llocana uíllena, comini íemo ínollena.

77 Daje izói afémie bíllado ie comini íaifuiái féitallena fidítaitio.

Afémaci fiénidifuiái féitalledo afémaci jíllóitíaiói.

⁷⁸ Mei ua, cai Juzíñamui caina izírúillano caimo dúecaide.

Dúecaillano cáimaci jíáimaci íemo íñollírui caimo ite.

⁷⁹ Afedo tíacade jítinodo macáđino Juzíñamuina onóitíaiói.

Daje izói comeci uái illáfuiáimo joide io afémie cai ífoite.

Benomo Zacarías úrilla fuite.

⁸⁰ Iemo afe úrue mónaicana jaide. Afe llezica joreño dibénedo onóicana jaide. Comini íñénanomo ífirede. Israel náiraímo abí ie onónanomo afémie dinomo fiévide.

2

Jesús jocóinafue

(Mt 1.18-25)

¹ Aféruillaido énie jamánomoidillaíma Agosto nana comini mámeciaí cuiájillena ocuide. ² Siria éniemo Cirenio illáimana illa llezica, bie nánora mámeciaí cuiájillena ocuica. ³ Naga come ie móotíai illánomo ie mámeceí cuiájirediaíoi. ⁴ Ie jira José Galilea éniemo ite Nazaret jófue mona jaide Judea éniemo. Afémie David izíemona comuídeza, David jocóinanomo Belemo jaide. ⁵ Móotíai illánomo José María dıga mámecina cuiájidiaillinoi. Afengo jae jícanogango Josemo ínreillena, íemo ja úruereacade. ⁶ Iemo Belemo íaillinoi illa llezica afengo úrue jocólliruimo dúcide. ⁷ Dinomo afengo nánora jíto llíide. Jócua mei ínıroido ferínote. Iemo juráreto ecáranomo rallai jóbiano ie bitade, mei afe íaillinoımo comini dúciranomo illino íñédeza.

Juzíñamui abı imaci ovejai úıñoraimacımo cíocaide

⁸ Belén jofue onimo dáarie ovéjaiaí úıñorainı naıona íaıoi ovéjaiaí úıñofırediaıoi. ⁹ Uái daıı itıaıoımo raire Juzıñamui abı ímie ángel daınámie íaıoımo cíocaide. Afe llezica Juzıñamui quenırie íaıoi abıedo egáıñozıde. Aferı iere jacınaitıaıoi. ¹⁰ Mei íadı Juzıñamui abı ímie íaıoına daıde:

—Jacıruiñeno irı, mei ñuera rafue ómoımo llúaıbiticueza. Bie ráfuerı nana comini iere íobıtıaıoi. ¹¹ Birui jaiıaı illaıma David jófue moıo Jıllotarıma jae jococa. Afémie cai Ocuıraıma Cristo. ¹² Afémiena moıo onóillena afe úrue ínıroido ferínoga, íemo juráreto ecáranomo bıtaıa bııtıoıoı, —daıde.

¹³ Afe llezica Juzıñamui abı ímiemo aillo jíáıe mona imaci ofıoıde. Afémaci Juzıñamuımo aillo ñúefuiıaı llotıaıoi:

¹⁴ —Caıfoıde Juzıñamuımo ite ebırenafuiıaı moıo lloiri.

Afe dáaruido afémie caımare eróınamacımo comécına uái illafue íteza, —daıdıaıoi.

¹⁵ Iemona, Juzıñamui abı imaci abıdo monamo jaılla mei, ovéjaiaı úıñorainı danı conımana daıızıtıaıoi:

—Mai mei Belemo cai jai; bie Juzıñamui caımo lloga ie jocóinafue mai cai méıñuai, —daıdıaıoi.

¹⁶ Jira jarıre jáıdıaıoi. María José dıga cíódıaıoi. Iemo jíáı juráreto ecáranomo bıtaıa úruena cíódıaıoi. ¹⁷ Afena cíóıllano, Juzıñamui abı imaci afe úrue ífueıa íaıoımo llúana jıno llotıaıoi. ¹⁸ Nana afefue cacáđino afe dáınarı iere caımare fágacaidıaıoi. ¹⁹ Mei íadı María nana aféfuiıaı comécımo jóoniano áfemo uıbıoıcaıde. ²⁰ Iemo ovéjaiaı úıñorainı dınena meıne abıdo jaıde. Jaılla llezica nana íaıoi cacana, íemo íaıoi cíónado Juzıñamuımo ñúefue llotıaıoi. Iemo daje izói ebırenafue Juzıñamuımo nıtádıaıoi. Mei nana íaıoımo daına izói íteza.

Dúemie Jesús Juzıñamui gairıracomo ácataga

²¹ Jócua mona ocho dígarui íllamona, dúemie bacano ıcoı quetátatıaıoi. Afe llezica Jesuna ie mámeceı jítıadıaıllınoı, mei afeci nano María nai úruenına llezica Juzıñamui abı ímie aféngomo llóteza.

²² Iemo diga irui íllamona, Moisés ocuica uai llua izói, María abí íainina daiíllena níciduafue fúillamo, úruena Jerusalemo uitíaiillinoi. Afénomo ite Juzíñamui gairíracomo úruena Juzíñamui íena íllena acátajidiaillinoi. ²³ Daií finódiaillinoi Juzíñamui ocuica uaimo daií cúeina jira. Afe uai daide: “Nana nánora jococa iza Juzíñamui íena mamérede.” ²⁴ Jira jáidiaillinoi Juzíñamui daina fecalle raa fecállena. “Mena úcugi, nibai mena fíiciri fatá Juzíñamuimo omoi fecari,” aféuai daií daide.

²⁵ Aféruillaído Jerusalemo Simeóna mámeçiredimie illa. Afémie iere ñúemie; Juzíñamuimo ínofirede. Israel nairai fairiconimona bairolle úiñote. Simeón Juzíñamui Ñuera Joreñodo úicaigamie. ²⁶ Afe Ñuera Joreño, Simeón nai tíñenia Juzíñamui orelle Crístona cíoite, daií ie fidítate. ²⁷ Ie jira Jesús móotiai íaillinoi, gairíracomo Jesuna uilla uícodo, Juzíñamui Ñuera Joreño afe Simeón gairíracomo jáillena ifode. Iemona José María diga, jaiiai ocuica fínofirena izói Jesuna íaillinoi fínuaibilla llezica, Simeón Jesús ie ónoimo llínote. ²⁸ Simeón íena llínua llezica Juzíñamuimo ñúefue llocana daide:

²⁹ —Juzíñamui, mai birui caimare tíredicue, mei o ocuífíregamiedicue, o cuena daina izói nana ñue fuitáido.

³⁰ Dama cue uído cai Jíllotaraimana cíodícue.

³¹ Afémie jae nana comini eróicana o jóonegamie.

³² Afémie judíuaiñedino ñúefuiaina onótaitimie.

Iemo jíai afémie o comini Israelmo ñúefuiaina nítaite,
—daií daide Simeón.

³³ Jira José María diga Simeón úruena daií ie dáinari fáigacaidiaillinoi. ³⁴ Ie jira Simeón uáillaído íaioina cáimacaitade. Iemo Mariana, Jesús eina daide:

—Eroi, bie úrue Juzíñamui mamécamié. Diga Israel comini íena ruifíruillamona táinoficaitiaioi. Iemo jíai aillo comini íemo ínuamona ñúemacina jáitiaioi. Afémie onótate raa ízoite, íemo aillo comini íena íairuitiaioi. ³⁵ Afedo illa dígamie ie comeci ifue onuille. Mei íadi ómona bie nana, jáirede lloefai izoide, dango o comeci izire fínoite, —daií Simeón daide.

³⁶ Afénori daa ringo illa. Afengo Juzíñamuimona ie oga uai llófuefírede. Afengo mámeçi Ana; Fanuel jiza. Iemo jíai Aser náiraimona comuídingo. Afengo iere éirogi. Afengo jitáingona illa llezica inírede. Afengo siete diga fimona afémie diga ite. Afe mei afengo fecíngona jaide. ³⁷ Iemo birui aféngomo ochenta y cuatro diga fimona fecíngona ite. Afengo Juzíñamui gairíracomo jaca ífírede, mei afénomo mona naio diga Juzíñamui ocuífíregangona ite. Afengo iere Juzíñamuimo úrífírede, íemo jíai iere fímairite Juzíñamui íóbitallena. ³⁸ Simeón Jesudo úrilla llezica afengo afénomo bite. Iemo úrue dibéfodo Juzíñamuina “Figora” daina mei, afengo nana Jerusalemo ite jíllollena uíñotinomo úrite. Dúemie Jesús ñúefuiaina afengo íaioimo llote.

Nazaremo meine jáillafue

³⁹ Iemona, nana Juzíñamui ocuica ualla íaioi fuita mei meine Galilea éniemo jáidiaioi. Afénomo dani íaioi jofue Nazaremo fiébizaide. ⁴⁰ Afénomo afe úrue iere íocire móonaite, íemo jíai ráfuenta baitádimiena móonaite. Afe llezica Juzíñamui afézamo caimare eroide.

Juzíñamui gairíracomo úrue Jesús finócafue

⁴¹ Jesús moo íaillinoi naga fimónaiaído Jerusalemo pascua ráfuego jáífírede. ⁴² Jesús doce diga fimona fuita mei, íaioi finófirena izói afe ráfuego nana jáidiaioi. ⁴³ Afe rafue záillamona, jofomo meine íaioi jailla llezica, afe úrue Jesús Jerusalemo fiébicaide. Afeza fiébicaillana ie ei, José diga onóñediaillinoi. ⁴⁴ Nibai cai onógamaci diga bite, daidíaiillinoi. Daa mona daií iodo coméçidiaillinoi. Mei íadi íaillinoi onógamaci cígido jenódiaillinoimo ⁴⁵ afézana cíóñediaillinoi. Jira meine Jerusalemo íemo jénuaidiaillinoi.

⁴⁶ Afe mei daruiámani íllamona Juzíñamui gairíraco eromo afézana baitíaiillinoi. Ocuica uai llófueto cígimo ráidena baizájidiailinoi. Afeza afémaci úrillamo cacáreide. Afe llezica afeza afémacimo jicánofirede. ⁴⁷ Nana afeza íaiói uaillai úana cacáidino fáigacaidiaíoi; daje izói ie ráfuena baitari. ⁴⁸ Ie moo íaiillinoi íena cíozaiilla llezica íaiillinoina jacinaitade. Ie ei íena daide:

—Cue jitó ¿nibái cócori bifue finódio? Cue o moo diga iere coco comécina llícitatio, ona iere zuure jenódicocoz, —daide.

⁴⁹ Mei jira Jesús íaiillinoi uai ote:

—¿Mei nibái cue jenódiomicoi? Cue Moo llogáfuemo cue jaritaiticue; ¿áfena onóñediomicoi? —daide.

⁵⁰ Mei íadi afe íaiillinoina afeza dáinana onóñediaillinoi.

⁵¹ Afe mei afeza ie moo íaiillinoi diga abido Nazaremo jaide. Iemo íaiillinoi ocuállana jeire ófirede. Ie ei nana bífuiaí comécimo jóonete. ⁵² Afe llezica Jesús ñue zairíoicaide, íemo onócana jaca jaide. Afe llezica Juzíñamui naa comíniri afémiemo jiéruitiaíoi.

3

Juan Bautista táizicimo rafue jino llote

(Mt 3.1-12; Mr 1.1-8; Jn 1.19-28)

¹ Romano jamánomoidillaíma Tiberio illáimana illa llezica, Poncio Pilato Judea énie illaíma. Iemo Herodes Galilea énie illaíma. Iemo ie ama Felipe mena énie illáimana ite. Be ñie: Iturea, íemo Traconite. Afe llezica Lisánias Abilinia énie illaíma. ² Afe llezica Jerusalem jamánomoide lletáiriraíma íaiillinoi Anás Caifás diga. Aféruillaído Juzíñamui Zacarías jitó Juaamo táizicimo úrite. ³ Iemona Jordán abi comini illágobiaído Juan llócaide. Afémacina bie izói daícade: Omoi comeci ífuiaí méidori; áfemona omoi fiénidífuiaí dólleza. Iemona omoi báutizatari. ⁴ Jaiái uai lloráima Isaías uícodo cuega uai izói bífuiaí íficaide. Be afe uai:

Ficire úritimie uai táizicimo cácaide. Afémie daide:

“Juzíñamui bille io ñue finua izói omoi comeci ñue fino.

Afémiemo io jaícina dénuu izói, omoi comeci íaífuiaí féitari.

⁵ Nana ana jica ite ítaicoiaí ñue jaícina oruíziite.

Nana caifóneduai ana dájena jaícina jóbite.

Jullícana joide io, jaícina tuiñolle.

Daje llezica iñede io, daje llezica jóbite.

⁶ Iemona nana nairai Juzíñamui caímo orelle jílloillífuemo comécidiaíoi.”

⁷ Comini Juan dine íaiói báutizailla llezica, afémie íaíoína daide:

—¡Titade jaióniaímona comúidino izóidiomoi! Ja ánozide duere zefuillífuemona omoi botállena, ¿bu omoi llua? ⁸ Omoi comeci ífue méidoiacanana ñuefuedo uáfodo jino ácatari. Dani ómoimona táinona “Abrahámona comúidinodícaí” daíñeno iri. Mei bie noficiaímona Juzíñamui jitáíadi, Abraham comínina comúitaredeza, daí ómoína daídícue.

⁹ Fiénide amena tiéllena jata jicaída jóonia izói fiénidino duere finoille jae ñue mameca. Nana figo llizíñede amena iraimo zocana uillano jobaica. (Tiéfirega izóidiomoi.)

¹⁰ Jira comini afémiemo jicánotiaíoi:

—¿Mei bie ñie izói íredícaí? —daídíaíoi.

¹¹ Jira Juan uai ote:

—Mena caifóferoiredimie, caifófenidímiemo daa írede. Iemo gülleredimie güllenidímiemo güllena fecárede, —daide.

¹² Afénomo dáarie gobierno íbátaga úcube llínoraini báutizaillena Juaamo jicaíbitiaíoi. Afémiemo jicánotiaíoi:

—Llófueraíma, ¿mei bie caí ñie izói íiticaí? —daídíaíoi.

¹³ Jira Juan íaíoína daide:

—Ocuica uai daina baimo dama raiñoñoeno iri, —daide.

¹⁴Iemo dáarie “soldado” daina nairai úiñoñoeno Juaamo jicánuaibitiaioi:

—¿Mei bie cai nñie izói íiticaí? —daidíai.

Jira Juan íai uai ote:

—Jácidota, jiámamona minícana bairóñoeno iri. Daje izói jácidoñoeno jiámamo ie finoñegafue táinona íaiimo jitáñoeno iri. Nano omoi táijina iba dieze uái omoi iri, —daide.

¹⁵Nana comini Juaamo coméi idiaioi. “Nibai bímie Crístona,” comécido daidíai. ¹⁶Mei íadi Juan nana afémacina daide: Mei uáfueza, cue jáinoina omoi báutizadícue.

—Mei jiámie ja bite. Afémie Juziñamui Ñuera Joreño do ómoína úicaite. Daje izói iraimo raa ñue zia izói, afémie ómoína íainino ñue finoite. Afémie cue baimo ríinorede. Cue bie jamáimedicueza, afémiena dama jacíruiredícue. ¹⁷Jabe bíitimie arroz bíaidimie izói ja ie llocofe llíicabite. Afémie arroz bíamona ícuai oni eneno ua izói, ñúemacimona fiénidinona oni eneno óite. Ñúemacina ie illánomo ñue éenoite. Mei jiáfodo fiénidícuai izóidino zíñoona dúiñeite iraimo jóbaite, —daide Juan.

¹⁸Afe bíemona naa aillo jiáie llófuiado Juan ñúefuiai jino cominimo llote. ¹⁹Afe emódomo Juan illaíma Heródesna riire lletade, mei ie ama Felipe ai Herodías ie aína ua jira. Daje llezica ie finoca fiénidífuiairi Juan íena lletade. ²⁰Mei íadi Juan llétajana íñoñoeno afe baimo jiáie íaifuena nabaide: Herodes Juan llavéracomo ibaide.

Jesús báutizaga

(Mt 3.13-17; Mr 1.9-11)

²¹Afe uícodo, Juan nana comini báutizaja llezica, Jesús jiái báutizaga. Afe Jesús báutizaja llezica afémie Juziñamui úrite. Urilla llezica mona tújicaide. ²²Afemona Ñuera Joreño fiiciri baizáibilla izói, afémiemo comini cíocana baizáibite. Afe llezica monámona daa úrilla cácaide. Afe úrilla daide:

—Cue izíruiga Jitódio. Ori iere íobioidícue, —daide.

Jesucristo uzútiái

(Mr 1.1-17)

²³Ja Jesús treinta fimona íllamona Jesús cominina canóllena ie táijina como tainede. Comini coméi illa izói Jesús José jító.

Iemo afe José Elí jító.

²⁴Iemo daje izói Elí Matat jító.

Iemo afe Matat Leví jító.

Iemo afe Leví Melqui jító.

Iemo afe Melqui Jana jító.

Iemo afe Jana José jító.

²⁵Iemo afe José Matatías jító.

Iemo afe Matatías Amos jító.

Iemo afe Amos Nahum jító.

Iemo afe Nahum Esli jító.

Iemo afe Esli Nagai jító.

²⁶Iemo afe Nagai Maat jító.

Iemo afe Maat Matatías jító.

Iemo afe Matatías Semei jító.

Iemo afe Semei Josec jító.

Iemo afe Josec Judá jító.

²⁷Iemo afe Judá Joanán jító.

Iemo afe Joanán Resa jító.

Iemo afe Resa Zorobabel jító.

Iemo afe Zorobabel Salatiel jító.
Iemo afe Salatiel Neri jító.
²⁸ Iemo afe Neri Melqui jító.
Iemo afe Melqui Adi jító.
Iemo afe Adi Cosam jító.
Iemo afe Cosam Elmadam jító.
Iemo afe Elmadam Er jító.
²⁹ Iemo afe Er Josué jító.
Iemo afe Josué Eliezer jító.
Iemo afe Eliezer Jorim jító.
Iemo afe Jorim Matat jító.
³⁰ Iemo afe Matat Leví jító.
Iemo afe Leví Simeón jító.
Iemo afe Simeón Judá jító.
Iemo afe Judá José jító.
Iemo afe José Jonam jító.
Iemo afe Jonam Eliaquim jító.
³¹ Iemo afe Eliaquim Melea jító.
Iemo afe Melea Mena jító.
Iemo afe Mena Matata jító.
Iemo afe Matata Natán jító.
³² Iemo afe Natán David jító.
Iemo afe David Isaí jító.
Iemo afe Isaí Obed jító.
Iemo afe Obed Booz jító.
Iemo afe Booz Sala jító.
Iemo afe Sala Naasón jító.
³³ Iemo afe Naasón Aminadab jító.
Iemo afe Aminadab Admin jító.
Iemo afe Admin Arni jító.
Iemo afe Arni Esrom jító.
Iemo afe Esrom Fares jító.
Iemo afe Fares Judá jító.
³⁴ Iemo afe Judá Jacob jító.
Iemo afe Jacob Isaac jító.
Iemo afe Isaac Abraham jító.
Iemo afe Abraham Taré jító.
Iemo afe Taré Nacor jító.
³⁵ Iemo afe Nacor Serug jító.
Iemo afe Serug Ragau jító.
Iemo afe Ragau Peleg jító.
Iemo afe Peleg Heber jító.
Iemo afe Heber Sala jító.
³⁶ Iemo afe Sala Cainán jító.
Iemo afe Cainán Arfaxad jító.
Iemo afe Arfaxad Sem jító.
Iemo afe Sem Noé jító.
Iemo afe Noé Lamec jító.
³⁷ Iemo afe Lamec Matusalén jító.
Iemo afe Matusalén Enoc jító.

Iemo afe Enoc Jared jító.
 Iemo afe Jared Mahalaleel jító.
 Iemo afe Mahalaleel Cainán jító.
³⁸ Iemo afe Cainán Enós jító.
 Iemo afe Enós Set jító.
 Iemo afe Set Adán jító.
 Iemo afe Adán Juzíñamui jító;
 ua, Juzíñamui nano finócamie.

4

Taife Jesús facátate (Mt 4.1-11; Mr 1.12-13)

¹ Jesús diga Ñuera Joreño uaido íllamona imani Jordámona oni jaide. Afe llezica Ñuera Joreño táizicimo ie uite. ² Afénomo afémie cuarenta dígarui ite. Afe dinomo Taife íena fiñi facátate. Aféruillaído Jesús jaca due jiza güñede. Afe mei iere jamánomo jufínaite.

³ Mei jira Taife íena daide:

—Ua Juzíñamui Jitona o íadi, bie noficiai güíllena fino, —daide.

⁴ Jira Jesús uai ote:

—Juzíñamui Cuegáuai daide: “Fia güíllado come ínide, mei jiáifodo nana Juzíñamui lloga uaido írede,” —daide.

⁵ Afe mei Taife caifónedumo ie uite. Dinómona nana éniemo ite náiraiai dáaruido íena ácatate. ⁶ Iemo Taife íena daide:

—Nana bie náiraiai ríino naa ie ebíredinuiari omo íitícue. Mei nana bie cúeieza. Iemona cue fecáacana dieze jiáimamo íredicueza. ⁷ Cue anamo o dújuillano cuemo o caimátaia nana bie óieiteza.

⁸ Mei jira Jesús uai ote:

—Taife, mai cúemona oni jai, mei Juzíñamui Cuegáuai dáideza: “Dama Ocuide Juzíñamuiimo caimátairena. Dama afémie ocuífíregamiña o iri,” —daide.

⁹ Nane afe mei Taife Jerusalén jófueмо Jesús uite. Afénomo ite gairíracо emódomo caifo jica uite. Uillano íena daide:

—Ua Juzíñamui Jitona o íadi, mai benómona ana batí ticai, ¹⁰ mei Juzíñamui Cuegáuai bie izói dáideza:

Juzíñamui ie abi imácina ona uíñotaite.

¹¹ Iaioi ónoído ona moziñoitiaioi, o eiba noficiaimo íziñeillena.

¹² Jira Jesús uai ote:

—Juzíñamui Cuegáuai nane daide: “O ocuide Juzíñamui mai facátañeno,” —daide.

¹³ Ja Taife Jesuna jiáie facátaja raana baiñenamona nano íanori aféniemona fáicanocaillano oni jaide.

Jesús Galilea éniemo fueñe tájizaide (Mr 4.12-17; Mt 1.14-15)

¹⁴ Jesús Galilea éniemo abido bite. Juzíñamui Ñuera Joreño afémiena ñue úicade. Nana afe énie fuédado afémiedo úritiaioi. ¹⁵ Nágagobiaimo ite Juzíñamui uai llorácuaido Jesús llófuecaide. Iemona nana comini ñúefui ai aféniemo mamé diaioi.

Jesús Nazaremo mácajide (Mt 13.53-58; Mr 6.1-6)

¹⁶ Mei íemo Jesús ie móonailla Nazaret jófueмо abido mácajide. Iemo ocózinai llaruimo Juzíñamui uai llorácomo ie fínofirena izói, jofo jaide. Jaillano Juzíñamui Cuegáuai facádollena caifo naidaide. ¹⁷ Iemona jai ai uai llóraima Isaías Cuegáuai illabe Jesumo itiaioi. Afémie afénico túiñuano afe bie uai illano baite. Afe be níu ai:

18 “Cai ocuide Juziñamui Ñuera Joreño cue diga jáicade. Mei dúeredinomo ñuefue cue llóllena cuena ñue mamédeza. Comécina dúeredinona cue jíllotallena ocuícacue. Daje izói llavécanona zuitalle uai llóllena orécacue. Iemo jáí uina cíoiñedino uina cíoitallena orécacue.

Iemo duere finócanona zuitállena orécacue.
19 Daje izói Juziñamui caimo jamánomo caimare érocaillirui llóllena orécacue.”

20 Iemona Jesús afénico ibáillano, Juziñamui uai lloraco ero canófredimie abido ite. Afe mei Jesús ana ráinade. Iemo nana afe llorácomo itino Jesumo riire eróiediaioi.

21 Iemona Jesús íaioina daide:

—Ja birui omoi eróicana bie Cuegáuai ñue ícoimo fuite, —daide.

22 Nana Jesudo ñue úritiaioi. Afémie íaioimo lloga ebírede uáillairi caimare fáigacaidiaioi. Mei jira jícanotiaioi:

—¿Mei bie afe José jitóñede? —daidíaioi.

23 Jira Jesús íaioina daide:

—Uáfueza bie omoi daiífirena uai cuemo mámeitiomoi: “¡Iráredinona manóriacadimie, fueñe dama o abina jíllota!” (Comini Jesús Juziñamui oreca ua Crístona íaioi daiñenamona, Jesús bie izói daide. Mei afémie fia José jitó íadi, jáimana jíllotanideza.) Daje izói nibai cuena dáitiomoi: “Nauí cai cacana Capernaumo ebire o finócafue mai birui dama bie o jófue mo finori.”

24 Iemo Jesús ie úrillana mozíñoño nái jáí uai llote:

—Mei uáfueña ómoína daidicue, naga uai jino llóraima dama ie comini cígiri jaca figo íñoñega. 25 Omoimo jino uáfodo llóiticue, nauí Elías illáruillaido Israel nairai cígimo diga fecíngotiai ite. Aféruillaido daámani fimona átuedo noci bíñede. Afemona afeno nairai jamánomo júbietaidiaioi. 26 Mei íadi Elías Israelmo ite aillo fecíngotiaimona daingo mamedá óreñega. Mei jáífodo jica Sarepta jófue mo ite fecingo mamedá Elías oreca daingo canóllena. Afe Sarepta jofue Sidón jofue áinori ite. 27 Daje izói uai llóraima Eliseo illáruillaido Israel náiraímo aillo chíñaitinuiái ite. Mei íadi afémacimona dáamie jaca jíllotañega. Mei jáífodo jica Siria énie ímie Naamán jíllotaina, —daide.

28 Afe uaina cacáillano nana llorácomo itino afe Jesumo iere ráicaidiaioi. 29 Náidacaillano afe jófue mo jino ie jíúdiaioi. Afe mei afe jofue idu ícoimo íena uitíaioi, afénomona ana ie dotállena. 30 Mei íadi Jesús afedu ícoimona gírecaillano íaioi cígido abido jaide.

*Fiénide jóriai úicaigamie Jesús jíllotate
(Mr 1.21-28)*

31 Afe mei Jesús Galilea éniemo ite Capernaum jófue mo jaide. Afénomomo ocózinaillaruimo nane como comini llófuiaide. 32 Riire ocuilla uaido ie íaioi llófuiari caimare fáigacaidiaioi.

33 Afe Juziñamui uai llófueraco eromo fiénide jóriai úicaigamie ite. Afémie Jesuna cíóillanona riire caillide:

34 —Cai fáicanocai. Nazaret ímie Jesús, ¿nibái mei caimo jíricaidio? ¿Caina niné táinocaitaibitio? Ona ónodicue Juziñamui ñuefuiaido jacíruiregamiedio, —daide.

35 Jira Jesús fiénide jóriai uai ote:

—¡Uriño! ¡Bímie fáicanocai! —daide.

Mei áfemona afe ímana fiénide jóriai comini eróicana ana éniemo dotade. Daií fínuano afe jóriai afe ímana ízitaño oni jáidiaioi. 36 Aferi nana jacínaillano jofo conímaiaína daidíaioi:

—¡Bímie uailai nái mei ríinorena! Afe bímie riirede uaido fiénide jóriaina orede. Iemo afémaci áfemona jáidiaioi, —daidíaioi.

37 Afe énie comini nágagobaiado Jesudo úritiaioi.

Jesús Simón Pedro jifaiño jílloate
(Mt 8.14-15; Mr 1.29-31)

³⁸ Afe mei Jesús Juziñamui uai llófuera comona jino billano, Simón jofomo jaide. Afénomo Simón jifaiño ie abi cuarillari iere irárede. Jira afengo jílloallena Jesumo izire jicádiaioi.

³⁹ Iemo Jesús aféngomo ana ánozillano ie onoi llínote. Afe llezica ie abi cuarilla llícaide. Iemona afengo jíllobicaide. Daí daina llezica afengo náidacaillano afémaci jitaica raa bai atide.

Jesús diga iráredino jílloate
(Mt 8.16-17; Mr 1.32-34)

⁴⁰ Ja jitoma jímaicaidemo, diga jíáforiede duico ogánuiaina Jesumo atidiaioi. Afémacimona illa dígamemo Jesús ie onoi bitade. Bitajamona afémaci jíllozitiaioi. ⁴¹ Iaiói atica iráredinuiaimona diga fiénide joría jino jaide. Jaillano afémaci riire caillíoidiaioi:

—O Juziñamui Jitódio, —daidiaioi. Mei íadi, como úrizaidiaioimo Jesús íaioina úritañede. Mei afémaci afémie Crístona íllana onódiaioiza.

Jesús Galilea éniemo uai jino llote
(Mr 1.35-39)

⁴² Afe jítiramo Jesús jofue baimo buna iñénanomo jaide. Mei íadi comini íena jenódiaioi; ie illánona baizájidiaioi. Afémaci afémiena iere jeruídiaioi oni jíáinomo afémie jáiñeillena.

⁴³ Jira Jesús íaioina daide:

—Jíáie jófuiamo Juziñamui illáimana illíruimo ja ánozideza afena llujíredicue, mei afe jira orécacueza, —daide.

⁴⁴ Afemona daí Jesús Galilea éniemo ite Juziñamui uai llorácomo llófuecana uite.

5

Jesús uaido dánamona jamánomo aillo chamuniai oga
(Mt 4.18-22; Mr 1.16-20)

¹ Afe mei jíáiruido Jesús Genesaret jorai fuédamo ite. (Afe jorai jíáifodo mameina Galilea.) Afénomo ie illa llezica diga comíniai afénomo dúcina. Afémiena jamánomo rillíretadiaioi, mei afémaci Juziñamui uáillaimo iere cacáacadiaioiza. ² Afe jorai fueda áinori mena nocáe táicaena Jesús ciode. Mei afécaemona facóraini oni jaillano íaioi chamu ora llóiji jocódiaioiza. ³ Iemona Jesús Simón icaemo jaide. Afécaemo jáillano íena daide:

—Bicae fuédamona bai batí due ñuita, —daide. Afe mei Jesús afécaemo ráinaillano nane como bai afénomona comini llófue. ⁴ Ie llófuia fúillamo, Simona daide:

—Bie nocáe bai batí afóredinomo ui. Afénomo chamu óleza omoi llóiji dota, —daide.

⁵ Jira Simón uai ote:

—Llófueraima, jae naio náamonana facódicaiza, íadi jaca daa oñédicaí. Mei íadi o daina izói mei o ocuícaza llóiji dótaiticue, —daide.

⁶ Daí dotádemo, jamánomo aillo chámuniaí jíideza, llójjina cuatáacade. ⁷ Afe jira oni jíáicaemo ite íaioi nabáitiaí ónoído jíritiaioi, ie íaioi cánuaibillena. Jira afémaci cánuaibitiaioi. Afe íaioi jíitaga chámuniaí íaioi ménacae áillocaemo oruítatiaioi. Jamánomo oruillamona afe ménacae buíacade. ⁸ Afena Simón cíoillano Jesús ana dújullano daide:

—Cue Ocuíraima, cúemona oni ii. Cue bie fiénidifue finódimiedicueza, —daide.

⁹ Mei ua, afe aillo chamu jíillari Simón naa ie nabáíñiaíri jacínaitiaioi. ¹⁰ Iemo jíái Zebedeo jító íaillinoi Santiago Juan diga, Simón nabai daje izói jacínaitiaioi. Mei íadi Jesús nane Simona daide:

—Jacíruiño. Benómona chamu fácuá izói comínina jénoitioza, cuemo íaioi íinollena, —daide.

¹¹ Iemona afe ménacae oni fuédamo zítajano, dinomo nana fíiano Jesudo jáidiaioi.

Jesús chínaitimie jllotate
(Mt 8.1-4; Mr 1.40-45)

¹² Iemo jiáiruido, Jesús jófue mo illa llezica chínaitimie Jesumo dúcide. Jesuna cíoillano ana dújuillano uieco dinena ana éniemo bíjicaide. Daí ñiano Jesumo izire jicade:

—Cue Ocuíraima o jitáidi bie duícona cúemona oréredio. Cúemona oreri, —daide.

¹³ Iemona Jesús ie ónoído jétano daide:

—Jíi, ona jllotaiacaducue. Benómona ja íainitioza, —daide.

Daí daina llezica ie irárena chiie jacáibicaide. ¹⁴ Afemona Jesús afémiena “Bie bumo lloñeno iri” daide. Afe emódomo nane daide:

—Mai lletáriraimamo o abi ácatari. Afe llezica Moisés ocuica o abi ja íainide daítate raa, mai fecari. Afemona nana comini o chiie ja jacáillana ónoítiaioi, —daide.

¹⁵ Jesús izire íena rairuide íadi Jesús mámece jamánomo bai jica jalléicaide. Iemona aillo comini ie uaimo cacáreizaíbitiaioi. Daje izói íaioimo ite duícomona ie jllotallena aillo bitiaioi. ¹⁶ Mei íadi Jesús bai comini íñénanomo jaide, afénomo ie Moo Juzíñamuimo úrillena.

Jesús tízitaitimie jllotate
(Mt 9.1-8; Mr 2.1-12)

¹⁷ Nane afe jiáiruido Jesús llófuemaritemo, fariséuaimona dáarie afénomo ráiede. Afe llezica oni jicana bite ocuica uai llófueraíni dánomo ite. Dáarie Galilea ígobiaimona bitiaioi. Daje izói jiáimaci Judea éniemona, íemo Jerusalén dinena jiái bitiaioi. Aféruimo Juzíñamui ríino aillo iráredino jlluamona jino ácataga. ¹⁸ Afe dáaruido diga ímie tízitaitimie naa ie bíralludo atídiaioi. Jofo Jesús uícomo ie uíacadiaioi. ¹⁹ Mei íadi iere comínina oruídeza jofo íaioi jáillino íñede. Ie jira caifo jofo emódomo uitiaioi. Uillano afeno tuiñódiaioi. Afeno túíñuano afe iráredimie naa ie bírallu diga ana comini cígimo Jesús uícomo agúinetiaioi. ²⁰ Jesús ñue íaioi íñuana cíoillano, iráredimiena daide:

—Míi, nana o fiénidífuiaí ja muiñócaza, —daide.

²¹ Iemona ocuica uai llófueraíni naa fariséuairi, como comeci anado daidíaioi:

—¿Mei bie bu? baie jiáimie fiénidífuiaí dóficailla dánado Juzíñamuina ícírítaja. Jaca bu comini fiénidífue muiñóñena; dama Juzíñamui fiénidífue na muiñua, —daidíaioi.

²² Mei íadi Jesús comeci íaioi fácajana onóillano daide:

—¿Ñibái mei bie izói comeci facádiomoi? ²³ Mei daí daina ménade uáimona ¿nie uai iere llotáinina? Afe ménade uai be ñie: O fiénidífue muiñócaza. Iemo jiáie uai bie izói joide: Mai náidacaillano maca. Iraíe uai jamánomo llotáirede, mei omoi eróicana íteza.

²⁴ Mei jira, Nanoide íma Jitódicueza bíniemo cue illa llezica comínimo ite fiénidífue cue muiñolle ríino jino ómoimo cíotaiticue, —daide.

Mei jira Jesús tízitaitimiena daide:

—Ona dáitícue náidacai; náidacaillano o bírallu llínota o jofomo jai, —daide.

²⁵ Daí daina llezica, afe tízitaitimie comini eróicana caifo náidacaide. Náidacaillano, ie bírallu llínota, Juzíñamuimo caimátaicana ie jofomo jaide. ²⁶ Aferi nana comini caimare fáigacaidiaioi, íemo Juzíñamuimo caimátaidiaioi. Afe mei jacíruioicana daide:

—Ñí birui cai iere ebíredífuiaína ciona, —daidíaioi.

Jesús Leví jíríte
(Mt 9.9-13; Mr 2.13-17)

²⁷ Nane bie méifomo Jesús jofue cígido mácaja llezica, gobierno íbátaga úcube llínoraimamo ríire éroicaide. Afémie mámece Leví. Afe úcube íbafirenano afémie ráide. Jesús íena daide:

—Mai cuedo bi, —daide.

²⁸ Iemona Leví náidacaillano nana ie táijina fáicanocaillano Jesudo jaide.

²⁹ Afe mei Leví áillue rafue ie jofomo Jesús íena finode. Afe Leví izoide aillo úcube llínoraini naa jiáimaciri güirábanimo ráiizaibitiaioi. ³⁰ Mei íadi fariséuai naa ocuica uai llófuétinori Jesús llófuegamacimo como meine fiéni úritiaioi. Iaioina daide:

—¿Ñibái mei baie úcube llínofirede fiénidinori güitíomoi? —daidíaioi.

³¹ Jira Jesús íaioi uai ote:

—Iociredimie mánuamo dúiñede. Iráredino manórena. ³² Dani ñúemacina abi mamédinona uáiduaibiñedicue, mei jiáifodo fiénidifuairedino comeci ifue méiduaibiticue, —daide.

Iaioi fimairillena Jesumo jicánotiaioi

(Mt 9.14-17; Mr 2.18-22)

³³ Iemona afémaci Jesumo jicánotiaioi:

—¿Ñibái mei Juan dibénedo jáidino, íemo jiái fariséodo jáidino, diga ícaiño riire fimafirediaioi? Iaioi fimairilla llezica Juziñamui jamánomo jicáfirediaioi. Mei jiáifodo o llófuegamaci jaca güifirediaioi, jirófirediaioi. ¿Ñibái mei daí itíaioi?

³⁴ Jira Jesús íaioi uai ote:

—Mai cuena omoi daí: ¿Airena rafue llezica áfemo uáidogano meita zúurenari güinidiaioi? Daítañede; ringo otímie íaioi cígimo illa llezica caimare güitíaioi. ³⁵ Mei íadi ringo otímie íaioimona báiruaibilliruimo dúcite. Aféruído comeci zúurenari güiñeitiaioi. Ringo otímie izói birui cuedo jáicaidino cígiri iticueza.

³⁶ Ie emódomo jiáie onótate rafue llote:

—Jaca nino dáamie comue iníroimona jáitano, jácaroimo nitáñede. Daí nitáadi cómoroina fiéni cíoitate. Iemo jiái jácaroimo nitaca cómoroi figo cíoiñede. ³⁷ Iemo nane jiáifue llote. Daje izói comue vino jácara igorai finoína iciru izoide raamo totánide. Dáamie daí totáadi afe comue vino afe jácara iciruna eroide raana cuatade. Afemona afe iciru naa vino diga táinomo fáifite. ³⁸ Iemona comue vino comue igorai finoína iciruna eróidemo jóonerede. Iemona afe naga ñue éenoga. ³⁹ Daje izói jácara vino jiródinomona, buna cómojina jicáñena. Mei afémie “Jácapi jamánomo caimárena,” dáideza. (Afe bie dánado Jesús ie comue llófueinafue íemo íaioi jaiái llófuegafue dáanomo ínonide íaioimo llote.)

6

Jesús llófuegamaci ocózinallarui trigo íimoiai dícoiano otá güitíaioi

(Mt 12.1-8; Mr 2.23-28)

¹ Daa ocózinallaruido Jesús naa ie llófuegamaci jacáfaiai cígido íaioi maca llezica, ie llófuegamaci trigo íimoiai dícoiano otíaioi. Uano íaioi ónoído lléguano aféjiaina güitíaioi.

² Mei jira fariséuaimona dáamierie jicánotiaioi:

—¿Ñibái mei ocózinallarui rairuícamo táijidiomoi? —daidíaioi.

³ Jira Jesús íaioi uai ote:

—¿Omoi jaiái illaima David finócafue cúeinana facádoñediomoi? Afémie naa ie nabáñiairi jufínaitiaioi. ⁴ Afe llezica Juziñamui jofomo jofo jaillano rairuica pániai ote. Uano güite. Afe mei afémiedo jáidinomo fecade. Mei íadi afe pan daní lletáraini güiga. Abi dine jamai comini güinide.

⁵ Nane dáanomo íaioina daide:

—Nanoide fima Jitódicueza, ocózinallarui, cue ocuille riino ite, —daide.

Onoína jofo naillídimie rafue

(Mt 12.9-14; Mr 3.1-6)

⁶ Nane jiáie ocózinallarui Jesús Juziñamui uai llorácomo jofo jaide. Jaillano llófuete. Afécomo onoi nabézina jofo naillídimie ite. ⁷ Afe llezica ocuica uai llófuétino naa

fariséuairi Jesumo báinino éroiediaioi, ocózinallaruido afe ónoina jofo naillídimie jállotajana cíoilena. Afémie jállotaia áfedo fiénidifue íemo jítaiticai, comeci anado daidiaioi. ⁸ Mei íadi Jesús íaioi comeci fácajana onode; jira ónoina jofo naillídimiena daide:

—Náidacaillano bai cai cígimo bi, —daide.

Iemona afémie náidacaillano bai náidazaide. ⁹ Afe mei Jesús jiáimacina daide:

—Omoimo dafue jicánoiticue. ¿Ocózinallaruido nñie tájina rairuínina? ¿Cai finoca fiénidifue, mei nibai cai finoca ñúefue? ¿Cómena jállotaiticai, mei nibai méineiticai? —daide.

¹⁰ Iemona Jesús nana ie onífenedo gairide comínimo eroide. Afemaci ie uai oñena jira, ónoina jofo naillídimiena daide:

—O onoi jino zuita, —daide.

Jira afémie zuitade. Zuitádemo ñue jállode. ¹¹ Mei íadi áfemona afe jiáimaci jamánomo ríicaidiaioi. Dani jofo conímamo jicánotiaioi, ¿Mei nñie izói baie Jesús uáitaredicai?

Jesús doce diga oni oréllimacina nizede

(Mt 10.1-4; Mr 3.13-19)

¹² Aféruillaído Jesús caifónedumo Moo Juziñamuimo úrizaide. Afénomo afémie Juziñamuimo úritemo monaide. ¹³ Ja monáidemo nana ie llófuegamaci jírrite. Jírillano afémacimona doce dígamie nizede. “Oni oréllino” íaioina mamede. ¹⁴ Afe be nímaci: Simón, afémie jiáie mámecí jítaina Pedro, íemo Simón ama Andrés, íemo Santiago, íemo Juan, íemo Felipe, íemo Bartolomé, ¹⁵ íemo Mateo, íemo Tomás, íemo Alfeo jító Santiago, íemo Iere Járidotimacimo jaináidimie Simón, ¹⁶ íemo Santiago ama Judas, íemo uire Jesús fécaitimie Judas Iscariote.

Jesús aillo nairai llófuete

(Mt 4.23-25)

¹⁷ Jesús caifónedumona naa afémaciri ana bitíaioi. Billano ñúenomo nano íanori naidáiediaioi. Afénomo aillo jicánemaci Judea éniemona bitino gairídiaioi. Daje llezica Jerusalémona, íemo jiái Tiro, Sidón diga jica itíniemona bitíaioi. Bimaci nana Jesús úrillamo cacáreizaibitiaioi. Daje izói afémaci íaioimo ite dúicomona Jesús jállotallena bitíaioi. ¹⁸ Daje izói fiénide jóríai uícaigano jállotagaiaioi. ¹⁹ Afe llezica nana comíni Jesuna jetáacadiaioi, mei afémie íemo ite ríinodo nana íaioina jálloteza.

Cáimafue zuufue diga

(Mt 5.1-12)

²⁰ Iemona Jesús ie llófuegamacimo érocaillano íaioina daide:

—“Comeci dinena dúeredicai,” dáifiredino omoi íadi, dúerede íadi íóbidiomoi; mei ómoimo Juziñamui illáimana illano dúideza.

²¹ Júbiena méinegamie iere güícana izói, Juziñamui comeci jítaina izói iere íacadino omoi íadi, caimare íóbidiomoi, mei Juziñamui afe omoi íacana izói omoi íllena ómoína cánoíteza.

Birui duere éediomoi íadi caimare itíomoi, mei uire zádaitiomoi.

²² Nanoide fima Jitódicueza cue ícoínia comíni ómoína éoína llezica caimare íitiomoi.

Daje izói cue ícoínia ómoína jino íaioi jiúadi íóbítomoi. Iemo jiái cue ícoínia ómoína íáire íaioi daííadi, daje izói o mámecina íáirede raa izói íaioi jámairuia, íóbítomoi. ²³ Aféruído iere omoi íóbiocairi. Jamánomo caimare omoi iri, monamo áillue omoi jírídolle raa íteza. Mei afe izói bimaci nánoidígima Juziñamui uai llórainina iere duere finódiaioi.

²⁴ Mei jiáifodo omoi ráanaitino nñi dúerena, mei omoi caimátaila raana jae otíomoiiza.

²⁵ Daje izói omoi jeírede izói itino nñi dúerena, mei uire iere jufíruitomoiiza.

Afe izói birui ómoimona zadáidino nñi dúerena, mei uire dúerenari éeítomoiiza.

²⁶ Daje izói nana comíni ómoído ñue íaioi úrilla llezica, nñi omoi dúerena. Mei afe izói afémaci jaiáigima taino uai llórainimo caimare úritiaioiza.

Caina éoidinona izíruiredicai
(Mt 5.38-48; 7.12)

²⁷ Mei íadi cue úrillamo cacáreidiomoina dáitícue: Omoí bacáuai imaci izóí dino, nñi omoí diga icíritinona mai omoí izírui. Daje izóí omoí éoidinona mai ñue omoí finori. ²⁸ Omoí faidódinona mai omoí cáimadori. Daje izóí omoína fiéni finócadino, ñue íaióí ílleza, mai Juzíñamui omoí jicari. ²⁹ Daa come o uieco putáadi, daje llezica enéfenena ie fállena mai o fecari. Daje izóí dáamie táinona omo jítajano, o emódoidiroi bairóadi, daje llezica o caifóferoina mai o uitátari. ³⁰ Ninó dáamie raana omo jicáadi mai afémiemo jeruíñoeno o fecari. Omona bairoca raana abido jicánoñoeno o iri. ³¹ Jira jíaimacimo uícodo bie izóí finórediomoi. Jíaima omo finóllena o óiacana dieze, áfeze afémiemo mai o finori.

³² Daa ómoína izírui tinona omoí izírui, ¿Mei nñie ñúefue finódiomoi? Mei fiénidino afe izóí finuaza. ³³ Daje izóí daa omoí ñue finódino ñue omoí finóadi, ¿néemei omoí finoca ñúefue? Mei fiénide comini afe izóí finuaza. ³⁴ Afe izóí daa “meine abido cue méidolle cue comécillamiemo” o fecáadi, ¿néemei o finoca ñúefue? Mei afe izóí, fiénidino jíaié fiénidinomo méidollena fecádiaioiza. ³⁵ Mei íadi ómoína éoidinona izíruirediomoi. Abido méidollemo comécíñoeno, fia fecárediomoi, afémacimo ñue finóllena. Afe izóí omoí íllemona áillue ñúefuiái máíñoitiomoi. Afe llezica caifoide Juzíñamui jítoíaiína jíaitiomoi. Mei afémié daje izóí jeruífinidimie. Figora daifinidinomo, daje izóí fiénidinomo afémié jeruíñoeno dájerize fecade. ³⁶ Omoí Moo comínimo dúcaifiredeza, afe dieze jíaimacimo mai omoí dúcaifireiri.

Jíaima jánana fiéni úriñoeno iri
(Mt 7.1-5)

³⁷ Jíaima jánana mai fiéni úriñoeno omoí iri, áfemona Juzíñamui riire ómoimo jicánoiza. Mai jíaimana duere finótañoeno omoí iri, afe izóí Juzíñamui duere omoí finoiza. Jíaima ómoimo finoca fiénidifue mai omoí féitari, afe izóí Juzíñamui omoí fiénidifue féitaiteza. ³⁸ Jíaimamo mai omoí ífireiri, íemona Juzíñamui ómoimo ífireiteza. Afémié raa omoí ofítara cirígaimo iere ñue fácajano afégaimo jóoneite. Afémié afégaina ñue riire jíllóiciteza. Iemo jíai afégaina caifo jica ebena óruitaita. Afémié afegai jamánomo oruítajamona ana abido cóciite. Jíaimamo cai facáfirena izóí Juzíñamui caimo fácaite.

³⁹ Jesús bie onótatífue afémacimo llote:

¿Meita uínidimie jíaié uínidimie iodo ifórede? Nibai afe íaillinoi jáidiaillinoína ¿meita dáafomo báitíaiillinoi? ⁴⁰ Llófuegamacimona dáamie ie llófuetimie baimo onóñede. Mei íadi ie llófueina fuilla mei ie llófuetimie illa izóí iite.

⁴¹ ¿Mei nñie izóí o ama uimo ite jéenide ráaruaina eróiredio, mei íadi dama o uimo ite jéerie rarúnguaina náfueñedio? (Afena daíacade: Aillo fiénidifue omo illa llezica; ¿nñie izóí due jiza oni nibéfodo baíidimie jánana úrinedio? Urinidio.) ⁴² Mei o uimo ite jéerie rarúnguaina o náfueñenia, ¿nñie izóí o ámana “o uimo ite jéenide ráaruaina cue otata,” dáitio? Daínidio. ¡Comeci dine íairena mei jínofene ñue cóidimiedio! Fueñe o uimo ite áillue rarúnguai mai o oíri; afe mei o ama uimo ite jéenide ráaruai óllena ñue cóitioza.

Nana amena ie lliziedo ónorede
(Mt 7.17-20; 12.34-35)

⁴³ Ñuera amena fiénide ráajaina llizínide. Daje izóí fiénide amena ñuera ráajaina llizínide. ⁴⁴ Mei naga amena ie llizíllajido onoiga. Jaca jíirede monáigimona jíficollina jofo óñenaza. Daje izóí “zarza” daína íanoride rarócimona jíricue jofo óñega. ⁴⁵ Ñuera come ñúefuedo úrite, mei ie comécimo ñúefue íllaza. Daje izóí fiénidimie fiéni úrite, mei ie comécimo fiénidifue íllaza. Mei uáfueza o comécimo aillo jebuide raa o fuedo úrillaza.

Mena jofo nillino rafue
(Mt 7.24-27)

⁴⁶ Cue dáinana ínoñediomoi ia çnibái mei, “cai Ocuíraima, cai Ocuíraima” daidíomoi?
⁴⁷ Cuemo cacáreizaibitímie, íemo cue daina finófiredímie illa izói ómoimo llóiticue.
⁴⁸ Afémie jofu nállana baitádimie izoide. Afe ñue nífredímie fueñe ana jica jíalliraina raite; ana mairídínomo jóonete. Afe mei ille renaila llezica afécomo jainoi riire dúcide. Mei íadi afe jofona jainóñede, mei afeco mozioidillirai mairídínomo jóideza. ⁴⁹ Mei jíáfodo, cuemo cacáreizaibitímie mei íadi cue dáinana finóñediómie, bie jíáifo jofu nitímie izoide. Bímie riire llíiñede éniemo jofu nite. Afe mei ille renaila llezica afécomo jainoi riire dúcide. Afemona afeco jainode. Iemona afeco due fiébiñeno nine táinocaide.

7

Romano illaíma ocuífíregamie Jesús jíllotata (Mt 8.5-13)

¹ Jesús comínimo úrilla fuilla mei Capernaumo jaide. ² Afénomo daa romano illaíma ite. Afémie ie ocuífíregamiena iere izírute, mei íadi afe ocuífíregamie iere irárede, tíllanomo dúcide. ³ Afe illaíma comini Jesudo úrillana cacáillano, judíuaimona ocuífírede éicomini orede, Jesumo izire jicállena, ie ocuífíregamie jíllotaibillena. ⁴ Afémaci Jesumo dúcillano iere izire jicádiaíoi:

—Baie illaíma iere canórede, ⁵ mei afémie cai náiraímo caimare coméiífírede. Daa afémie cai Juzíñamui uai lloraco nitátate, —daidíaíoi.

⁶ Iemona Jesús afémaciri jaide. Mei íadi ja afe jofomo áinozilla llezica afe illaíma dáarie ónoigamíai Jesumo orede. Illaíma daina izói Jesuna daidíaíoi:

—Ocuíraíma, ona áfedoacañedicue. Cue jofomo o bíllena dúiñede, mei jamáimedicue.

⁷ Ie jira dama omo úrizabiñedicue. Jicana o uaido o daíri, áfemona cue ocuífíregamie jílloteza. ⁸ Mei cue jíáie illaíma uai anamo iticue. Afe izói cue úiñoga fuíríraíni cue uai anamo ite. Afémacimona dáamiena “Mai jai” cue daíadi, afémie jaide. Iemo jíámiena “Bi” cue daíadi, afémie bite. Cue ocuífíregamiena “Bíemo o táijíri” cue daíadi, afémie áfena finode, —daide.

⁹ Jesús áfena cacáillano, afémie dáinari caimare fáigacaide. Iemo Jesús afémiedo jáidínomo érocaillano daide:

—Uáfúena ómoína dáitíicue: Nana Israel náiraímo bie izói íinote come jaca baiñedicue, —daide.

¹⁰ Afe orécano meine jofomo jáidiaíoi, afe irárede ocuífíregamie ja jíllodena cíozaidiaíoi.

Jesús daa fecíngo jíto tílla abido cáadimiena jaitate

¹¹ Bie méifomo Jesús Naína daina jófúemo jaide. Ie llófuegamaci naa aillo jíáimaciri iedo jáidiaíoi. ¹² Afe jófúemo ja áinozidiaíoi, Jesús tíidímie íaíoi raíájillana cíode. Afe tíidímie ie éimona daade jíto. Afe llezica afengo jae fecíngo. Aféruido afe jofue comínimona aillo aféngona nabáidiaíoi. ¹³ Ocuíraíma Jesús aféngona cíoillano íemo dúecaide. Dúecaillano daide:

—Mai éeñeno, —daide.

¹⁴ Afe llezica Jesús “ataúd” daina tíidímie illácojimo áinozillano afécoji jetade. Jira afécoji uitíno moziñotiaíoi. Iemona Jesús tíidímiena daide:

—Jítócome, mai náidacai ona daidíicue, —daide.

¹⁵ Mei daí daina llezica, afe tíidímie raínáicaillano úrite. Afe mei Jesús ie eina daide, “Be, o jíto; mai ómicoi jai; uái ómicoi iri,” daide. ¹⁶ Nana comini áfena cíoillano jacínaitiaíoi. Juzíñamuimo aillo ñúéfue jóoniano daidíaíoi:

—Birui cai cígiri jamánomoide uai llóraíma cíocailla, —daidíaíoi.

Nane jíáfodo daidíaíoi:

—Juzíñamui ie nairai cánuai**billa**, —daidíai**oi**.

¹⁷ Iemona afe bie Jesús finócafue jica jalleide; ua nana Judea éniemo naa afe onífenemo itígobiaido jalleide.

Juan Bautista orécano

(Mt 11.2-19)

¹⁸ Juan nana afe Jesús finócano fidide, mei íedo jáidino aféniemo llógaza. ¹⁹ Mei íemona afémacimona ménamie uáidota Jesús dine orede. Oriano, bie meita ua bite Cristo dáinana ónoillena jicánotade. Daje izói, meita nibai nai jíáie bíitimie uíñoiticaí, afémie daí jicánotade. ²⁰ Afemona Juan orécano Jesumo dúcillano íena daidíai**oi**:

—O meita ua bite Cristo daínámiedio áfena ñue onóillena Juan cai jicánotade. Daje izói meita nibai nai jíáie bíitimie uíñoiticaí dáinana ónoillena cai jicánotade, —daidíai**illinoi**.

²¹ Afe íaillinoi dúcina llezica, Jesús diga comini íai**oi** íraniaimona jíllotate; daje izói dáaruido íai**oi** ote dúcuaimona jíllotate. Daje izói fiénide jór**iaí** úcaigamacina jíllotate. Iemo jíái diga uínidinuiaí uina cíoitate. ²² Afe llezica Jesús íaillino**ina** daide:

—Omicoi cónafue, naa ómicoi cacánafue diga mai Juaamo llujiri. Bie izói aféniemo llujiri: Uínidino ui ja cíoide, íemo macañedino ja macádeza, íemo chíñaitino ja ñúemacina jaide, íemo jefona cacáñedino ja ñue cacádia**oi**, íemo dáarie tíidino meine abido cáadia**oi**, íemo dúredinomo jíllona uai llógaza. Nana bífui**ai** mai aféniemo llujiri. ²³ Cuemo íñoñeilliuaina baiñédimie íóbite.

²⁴ Juan orécano meine abido jailla mei, Jesús Juaado cominimo úrite; daide:

—¿Mei táizicimo minícana cíozaidi**omoi**? Nibai dáamie ie daina uaina méidofiredimiena cíozaidi**omoi**. ²⁵ Afe izóidena omoi cíozaiñenia, ¿mei minícana cíozaidi**omoi**? ¿Meita nibai ñue cíoide ráifide iniroi jítaoidimiena cíozaidi**omoi**? Onódiomoi**za**, ñúecuiroi jítaoifiredino illaini jofomo ífiredia**oi**; naa dani íai**oi** comeci jítaina izói itínori. ²⁶ Mei írainomo, ¿minícana cíozaidi**omoi**? ¿Nibai Juzíñamui uai jino llórainana cíozaidi**omoi**? Jii, ua, Juzíñamui uai llórain**ama** baímo jamánomoidimiena cíozaidi**omoi**. ²⁷ Juan baie Cuegáu**ai** daínámie. Jai**ai** úicodo nai cue biñena llezica, afe uaimo Juzíñamui afémie dibenedo cuena daide:

O bille io ñue finóllena izói, comini íai**oi** comécido ñue omo jíeruillena cue llujitimie o uícodo óreiticue.

²⁸ Nana cominimona ite Juzíñamui uai llórainimona Juan Bautista baímo jamánomoidimiena íñede. Mei jíáifodo, Juzíñamui illáimana illánomona jabóidimie Juan baímo jamánomoide.

²⁹ Afena cacáillano, Juan báutizaga gobierno íbátaga úcube llíñoraini, naa jíáie báutizaiganori, “Juzíñamui nífuenidena finódimie,” daidíai**oi**. ³⁰ Mei jíáifodo Juan báutizañega fariséu**ai** naa báutizañega ocuica uai llófuetinori Juzíñamui íai**oi**ena mameca ñúefui**ai** jamairuillano táinomo fáifitai**oi**. ³¹ Iemo Ocuírain**ama** Jesús daide:

—Bie monado itínona ¿ñie izói íai**oi**na mámeiticue? ¿Mei ñie izói cíoitia**oi**? ³² Jofue cigi íbírino jífánote úrue izóidia**oi**. Afémaci conímamo ebírede rúado caimátaiacadia**oi**, mei íadi áfena fairíoñedia**oi**. Daje izói conímama zúurede rúado fíraacadia**oi**, mei íadi daje izói áfemo cacáreaañedia**oi**. Afémaci jaca caimátaitanidia**oi**. ³³ Afe bie izói ómoimo ite. Mei Juan Bautista billa llezica afémie fimairillano güilleniaí figo güíñede, daje izói vónona jíróñede. Iemona “fiénide jór**iaí** úcaigamiedio” íena daidí**omoi**. ³⁴ Afe mei cue, afe Nanoide fima Jitó daínámiedicue biticue. Billano, jíáimaci izói güiticue, íemo jíródicue. Afemona bie izói nane cuena daidí**omoi**: “Bímie iere güilláredimie; jéerie jírófiredimie. Fiénidifui**ai**redino nabáidimie; daje izói gobierno íbátaga úcube llíñoraini

nabáifiredimie,” cuena dáifiredimoi. ³⁵ Comini Juzíñamui orécanona fiéni daidíaioi íadi, Juzíñamui baitaca rafue jieruitinodo jino comínimo ñue cíotaga.

Fariseo Simón jofomo Jesús güizájide

³⁶ Fariséuaimona dáamie Jesús güizájillena llote. Iemona Jesús afécomo güizájide. Jaillano afeco eromo güirábanimo ráinazaide. ³⁷ Afe llezica, afe jófuego ite fiénide ringo, fariseo Simón Jesús güizábilla fidiillano afécomo bite. Afengo “alabastro” daina nofici finoina duera iciru atide. Aferu ziore cáiredijina oruide. ³⁸ Eebicaillano Jesús idai abimo ráinazaide. Afe llezica ie ui jémedo Jesús idai jocode. Afe mei ie ifótido dote. Duano ñitade; ñitajano ie uiga ziore cáiredijina afémie ídaimo totade. ³⁹ Afe Jesús güillena uáidote fariseo, afengo finócafueña cíoillano, comécido daide: “Bímie ua uai llóramania, bie ringo fiéninana ónoite. Afémie abina nibai aféngona jétatañeite. Mei afengo fiénidingo illaza afémie aféngomona abí ráiruite,” daí comeci facade. ⁴⁰ Afe jira Jesús fariséona daide:

—Simón, cue daa uai omo llóiacadicue, —daide.

Mei jira fariseo uai ote:

—Llófueraima, mei daini, —daide.

⁴¹ Jira Jesús daide:

—Mena come uícomo íaillinoimo iga úcube daje izói meine fecádimiemo írediaillinoi. Dámie quinientos dieze meine írede, íemo jíámie cincuenta dieze meine írede. ⁴² Mei íadi nágaillinoi afe úcube fecádimiemo íaillinoi méidolle iñena jira, afe fecádimie afe íaillinoi abido írede úcubena féitate. Mei birui cuena daini, mei bíaillinoimona ¿nímie fecádimiena jamánomo izíruirena? —daide.

⁴³ Jira Simón uai ote:

—Cúemona, jamánomo aillo illano féitagamie aillo izíruilla, —daide.

Jira Jesús íena daide:

—Ñue onódio, —daide.

⁴⁴ Afe mei, Jesús ringomo érocaillano Simona daide:

—¿Bingona cíodio? O jofomo cue billa llezica, cue ídaina jocóñedio, mei jíáfodo bie ringo ie ui jémedo cue ídaina jocode. Jócuano ie ifótido zafénaitade. ⁴⁵ Iemo o jofomo biticue íadi cuena ñitáñedio, mei íadi afengo jofo cue billa llezica cue idai ñitajana jaca fáicanocañede. ⁴⁶ Daje izói o jofomo cue dúcina mei cue ífomo cáiredijina totáñedio, mei jíáfodo afengo ziore cáiredijina cue ídaimo totade. ⁴⁷ Ie jira ona daidicue, bie ringo aillo cuena izíruillamona, afengo finoca aillo fiénidifue dóinana ácatate. Mei jíáfodo jabo cuena izíruitimie íemo ite íaifue jabo dogo.

⁴⁸ Mei afe mei Jesús aféngona daide:

—O finoca fiénidifue jae dófideza, —daide.

⁴⁹ Afénomo afémie diga ráide daane güillena uáidogano dani conímana daidíaioi:

—Mei bie ¿níie come; comínimo ite fiénidifuiaina dóteza? —daidíaioi.

⁵⁰ Afe mei Jesús afe ringona daide:

—Mei daingo o ínuado jae jíllodio; mai uái daí o jairi, —daide.

8

Jesús canófredingoniai

¹ Bie méifodo, Jesús diga jófuiado macácaide, naa due illánuiari. Afénuiado Juzíñamui illáimana illa rafue jino llocana uite. Afe llezica ie nizeca doce dígade oréllino afémiedo jáidiaioi. ² Afe dáaruído dáarie duícuaimona ie jíllotaga ringóniai afémiedo jáidiaioi. Iemo jíai dáarie íaioi uícaide fiénide jóriaimona jíllotaga ringóniai iedo jáidiaioi. Afémacimona Magdalena énie ingo Maríana mámeciredingo ite. Aféngomona siete dígade fiénide jóriai

nauí jino oreca. ³ Iemo jiáie canódingo Cuza ai Juana. Afe Cuza illaima Herodes jabóidillaima. Iemo jiáingo Susana. Iemo jiái aillo jiáie ringóniai, íaióimo ite ráaniaina Jesús canódingotiai.

Ríjifiredimie rafue

(Mt 13.1-9; Mr 4.1-9)

⁴ Afe jófuiaimona aillo comini Jesuna cióillena bitíaiói. Aillo comini dáanomo ofilla llezica, íaiói onóigafuedo Jesús jiáifue íaióimo llófuete. Íaióina daide:

⁵ —Ríjifiredimie ie rilliji rizájide. Rizájilla llezica, ie rigájaiimona dáarie iomo baide. Afe iomo baídijiai zaizíbide; jiáijiai ófocuizai güiga. ⁶ Jiáie rigájiai nofíciai emódomo baide. Aféjiai zícua llezica jainoi iñénari dúizite. ⁷ Ie mei jiáijiai éegiai cígimo baide. Afe éegiai jéerie zícua mona aféjiaina írataitano titade. ⁸ Mei íadi jiáie rigájiai ñuera éniemo baide. Ñue zícua mei, jamánomo aite. Dáajidemona cien dígaji llizide.

Bie izói úrillano, Jesús ficire daide:

—Cacáacadimie cacai, —daide.

Cacáacaiñedino jánaillena Jesús comini onóigado úrite

(Mt 13.10-17; Mr 4.10-12)

⁹ Iemona ie llófuegamaci afémiemo jicánotiaiói:

—Afe llogafue ¿ñie izói daiíacade? —daidíaiói.

¹⁰ Jira afémie íaióina daide:

—Juzíñamui ie illáimana illa rafue ónonidifuiái ómoína onótate. Mei íadi jiáimacimo afémaci jánaillena comini onóigado úriticue. Iemona uina cíóñedino izói íitíaiói. Daje izói afe uai afémaci cacana llezica, onóñedino izói íitíaiói.

Ríjifiredimie rafue Jesús jino uáfodo llote

(Mt 13.18-23; Mr 4.13-20)

¹¹ Ríjifiredimiedo lloga rafue bie izói daiíacade: Afe rigájiai daina Juzíñamui lloga ñuera uai. ¹² Afe iomo baídijiai daina ñuera uaina cacádino. Mei íadi cacana mei, Taife billano afe ñuera uaina comini íaiói comécimona féitate. Afémaci jílloneillena, Taife afémaci afe uaina ínotañede. ¹³ Afe nofíciaimo baídijiai daina jiáifodo jóide ñuera uaina cacádino. Afe uaina cacáillano caimare otíaiói. Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are iñédiaíói. Nano íanori ínotiaíói. Mei íadi izire íaiói facátalliruimo dúcina llezica ñúefuena fáicanocaitiaíói. ¹⁴ Iemo afe éegiai cígimo baídijiai daina, jiáie ñuera uai cacádino. Mei íadi cacana llezica dani íaiói comeci jitaina diné jáiacadiaíói. Iemona afémaci comeci oni jiáinomo uilláfuiáido, nocáe builla izói féiraitiaíói. Daje izói iere íaiói ráareiacanado, íemo jiái biniemo ite caimare cai itátafuiáido anáfenogaiáiói izóidiaíói. Iemona figo llizíñede itíaiói. ¹⁵ Mei jiáifodo afe ñuera éniemo baídijiai daina ñuera uaina cacáreacadino. Afémaci ñuera comécido cacáillano afe uaina ñue náfuetiaíói. Iemona áfena fáicanocaiñeno ñue aite izói jáidiaíói.

Boode mechera jánaide izóidifue

(Mr 4.21-25)

¹⁶ Buna boode mechera retáidoñede. Daje izói buna boode mechera bíira anamo raináñede. Mei íadi jiáifodo boode mechera caifo uáfori cíoidinomo raináfírega, jofó jáidino ñue cíóillena. ¹⁷ Mei uáfueza, nana retáidoga ráaniai uáfori jino cíotaibile. Daje izói nana báiñide ráfuiái jino uáfori llócailleza.

¹⁸ Aquíe izóideza ñue omoí cacáreiri: Iere Juzíñamuina onóacadimiemo ie báitaja baímo jamánomo írede, mei íadi Juzíñamui dibéñedo figo onóacañedimie, due ie onóafue féitale.

Jesús ei naa ie ámatiaíri

(Mt 12.46-50; Mr 3.31-35)

¹⁹ Iemona Jesús ei naa ie ámatiairi ie illánomo dúcidiaioi. Afénomo aillo comini íllaza, afémiemo ánozinidiaioi. ²⁰ Jira dáamie Jesumo llujide:

—O ei, naa o ámatiairi jino benó itíaioi. O diga úriacadiaioi, —daide.

²¹ Jira Jesús comínina daide:

—Juziñamui lloga uaina cacáillano afe uai jeire otino cue eina, cue ámatiaina, —daide.

Jesús jorai bagua naa jairifo diga llúcaitate

(Mt 8.23-27; Mr 4.35-41)

²² Afe mei jiáiruido, Jesús ie llófuegamaciri áillocaemo ana jaillano Jesús daide:

—Mai jorai ruícaferaimo cai jai, —daide.

Iemona jáidiaioi. ²³ Ruica íaioi jáitaja llezica, Jesús inide. Afe llezica riírede jairifo jóraimo ónonino raire bite. Riire jáiñuamona afe nocáe buíacade. Afécaena jacire anábaitacade.

²⁴ Mei jira Jesús cazítatiaioi. Cazítajano íena daidíaioi:

—Llófueraima, Llófueraima, ¡ja buízaidicai! —daidíaioi.

Iemona Jesús náidacaillano jairifo naa jorai bagua diga llúcaidade. Afemona nana llúcaide; nífuenino jorai uái ite.

²⁵ Afe mei Jesús ie llófuegamacina daide:

—¿Ico nai Juziñamuimo ínoñediomoi? —daide.

Mei íadi afémaci jacínaitiaioi. Afémiemo caimare fáigacaillano conímamo jicánotiaioi:

—¿Mei bie nie cómeita? Afémie jairifona ocuide, daje izói jáinoina ocuide. Iemo afémie uaina ínotiaioi, —daidíaioi.

Gerasa éniemo ite fiénide jóriai uícaigamie

(Mt 8.28-34; Mr 5.1-20)

²⁶ Jailla ícoimo Gerasa éniemo dúcidiaioi. Afénie Galilea énie ruícaferaimo ite. ²⁷ Como ari aféniemo jáidiaioimo, afe jófueмона dáamie Jesús diné bite. Ja diga fimónaiaí afémie fiénide jóriai uícaiga. Afémie ínícuro jaca jítáñede. Daje jofomo uái íñede, mei jiáifodo raiáfuaína jofórede. ²⁸ Jesuna cíoillano afémie anamo dújuzaibite. Dújuzaibillano ficire daide:

—Caifoide Juziñamui Jitó Jesús, ¿nibái mei cuemo jíricaidio? Duere cue o fínoñeillena izire jicádícue, —daide.

²⁹ Afémie bie izói daide, mei Jesús afémiemo ite fiénide jóriai jino oréllena ocuícaza. Diga ícaíño afémiena fiénide jóriai riire uícade. Afe llezica comini afémie onoi idai diga llojéodo máifirediaioi. Jiáimaci fieni fínoñeillena izire íena rairuídíaioi. Mei íadi afémie afe maia llójejina titáfírede, ie mei afe ie uícaide fiénide jóriai afémiena táizicimo botátafírede. ³⁰ Jira Jesús afémiemo jicánote:

—¿O mámecei bu? —daide.

Jira afémie uai ote:

—Legiona mámeceiredicue, —daide. Afe “Legiona” daína uai, aillo comini, daíacana.

Afémie bie izói daide mei aillo fiénide jóriai íena uícaideza. ³¹ Afe bie fiénide jóriaiái Jesumo izire jicádíaioi duere finótalle íbáirafomo afémaci óreiñellena. ³² Mei afe llezica afénomo ite íconido aillo meróniaí güicaidiaioiza, fiénide jóriai afe meróniaimo jáillena Jesumo izire jicádíaioi. Iemona Jesús áfena fairíote. ³³ Iemona afe fiénide jóriaiái ímmamona jino billano meróniaimo jáidiaioi. Afe mei afe meróniaí ápera íconido jabícana jóraimo cocízitiaioi. Dinomo coróbaitiaioi.

³⁴ Meróniaí úiñotino áfena cíoillano jacínaitiaioi. Aferi jacínaillano botádíaioi. Iemona jófueмо llujidiaioi; daje izói oni fuédamo itícuaimo llotíaioi. ³⁵ Iemona jofue comini afe comuíduemo acárizaidiaioi. Jesús illánomo íaioi dúcina llezica fiénide jóriaina jino orécamie Jesús anari uái ráinana cíozaidiaioi. Afe íima ja iniroi jítáoide; daje izói ie abina

ñue onode. Afena cíóillano iere jacíruitiaioi. ³⁶ Afena cíódino nauí fiénide jóríai uícaigamie jíllotaja oni jíáinomo lluájidiaioi. ³⁷ Mei bíemona nana afe Gerasa énie comíni, afénomona Jesús oni jíáinomo jáillena izire jicádiaioi, mei áfena iere jacíruitiaioiza. Iemona Jesús ana áillocaemo jáizaide, ruica abido jáillena. ³⁸ Afe llezica afe fiénide jóríaina jino orécamie Jesús diga jáillena izire jicade. Mei íadi Jesús áfena fairíoñede; afémiena afénomo fiébitade. Iena daide:

³⁹ —Mai meine o jofomo jai. Jaillano nana Juzíñamui omo finócafuiaina jino lloiri, — daide.

Iemona afémie jaillano, nana jofue comínimo Juzíñamui íemo finócafuiái jino llujáide.

Jairo jiza íemo jíáingo Jesús inícuíro jétaibitíngo Jesús jíllotate
(Mt 9.18-26; Mr 5.21-43)

⁴⁰ Jesús meine jorai ruicáfenemona dúcina llezica, comíni afémiena iere caimare llínotiaioi. Mei nana afémiemo ocuírídiaioiza. ⁴¹ Afe llezica Jáirona mámeciredimie dúcide. Afémie Juzíñamui uai lloraco illaíma. Afémie Jesús anamo fueco dine ana bíjicaide. Bíjicaillamo izire daide, ⁴² “Cue jofomo biri; mei daide cue jiza tízaideza,” daide. Afengo ja doce fimona ite. Iemona Jesús afémiedo jaide. Jailla llezica diga comíni íedo jaide; iere rillire jáidiaioi.

⁴³ Afémaci cígimo iráredíngo ite. Afengo doce fimona die dícotailari irárede. Nana aféngomo ite úcube manófiredinomo fuite; mei íadi afémaci aféngona jíllotanidiaioi. ⁴⁴ Afe ringo jinófene dinena Jesumo billano ie inícuíro fueda jetánote. Ie jetánua llezica afengo die llícaide.

⁴⁵ Iemona Jesús jicánote:

—¿Mei bu cue inícuíro jetánoga? —daide.

Iemo nana comíni jáanuano “Ona bu jetáñena,” daidiaioi. Jira Pedro naa ie nabáñiairi daide:

—Llófueraíma, nana comíni rillírenari o ñuitádiaioi. ¿Ñibái mei, “Bu cue jeta,” daidio?

⁴⁶ Mei íadi Jesús daide:

—Ja onódicueza daa come cuena jetade. Mei cue ríino afe come jíllotajana onódicue, —daide.

⁴⁷ Afe jétaibitíngo ja ie báillana onóillano cuidíricana Jesús anamo dújuzaibite. Iemona afengo jino nana comíni eróicana jáanoñeno ie inícuíro jetáacana rafue llote. Iemo jíái afémie inícuíro jeta llezica ie jíllona llote. ⁴⁸ Mei jira Jesús aféngona daide:

—Cue jiza, cuemo o ínuamona ja jíllodioza. Jaillano caimare uái o iri, —daide.

⁴⁹ Jesús nai úroidemo, daa come Jairo jofómoma Jesús diné bite. Afe Jairo Juzíñamui uai lloraco illaíma. Afe llujáibitímie Jáirona daide:

—O jiza ja tíideza. Mai Llófueraímana úridoñeno iri, —daide.

⁵⁰ Mei Jesús áfena cacáillano daide:

—O jacíruiñeno iri. Dama Juzíñamuimo ínofireiri. Afemona o jiza jílloteza, —daide.

⁵¹ Afe jofomo íaioi dúcina llezica, nana comíni afe jofo eromo afémie oréñede. Afe jiza moo, ei diga, íemo jíái: Pedro, Santiago, Juan diga jofo uite. ⁵² Nana comíni afengo tíllari fícirerie éenaitiaioi. Mei íadi Jesús íaioina daide:

—Omoi éeñeno. Afengo tíñedeza, fia inide, —daide.

⁵³ Daí afémie dálnari zadáidiaioi, mei afengo tíllana onódiaioiza. ⁵⁴ Iemona Jesús afengo onoi llínota fícire daide:

—Jítaíngo, mai náidacai, —daide.

⁵⁵ Afemona afengo meine abido caade. Iemo afe daina llezica caifo náidacaide. Afe mei Jesús, “Mai afengo ecari” daide. ⁵⁶ Afe llezica ie moo íaillinoi iere caimare fáigacaidiaillinoi. Mei íadi Jesús íaillinoina afe ie finócafue bumo llotátañede.

9

Jesús doce dígade ie llófuegamacina oni orede
(Mt 10.5-15; Mr 6.7-13)

¹ Jesús doce dígade ie llófuegamacina daanomo gairítate. Gairítanona afémiemo ite ríino íaioimo fecade, nana jáiforiede fiénide jóriai jino oréllena. Daje izói nana iráredino jíllotalena ríino afémacimo fecade. ² Iemo Juzíñamui illáimana illarui rafue íaioina oni llúájitade. Daje izói iráredinona jíllotate. ³ Íaioina daide:

—Omoi jaille llezica minícana uiñeno, fia omoi jairi. Macara jigüida uiñeno iri, daje izói ciríticoi, íemo güllena, íemo úcube uiñeno iri. Mena caifóferoi uiñeno, daa uiri. ⁴ Ninó daa jofomo omoi dúcia, afécomo uái iri, afénomona oni omoi jáiñeille dino. ⁵ Nñe jofue comini ómoína llínoacañenia afénomona oni omoi jairi. Omoi jaille llezica, omoi eiba íaie afémacimo teténocairi. Afedo íaioi comécimo ite íaifue nai íaioimo íllana onótaitiomoi.

⁶ Afemona ja oni nana dúgobaiado jáidiaioi. Jaillano ñuera jíllona uai llocana uitíaioi. Daje izói iráredinona jíllotacana uitíaioi.

Juan Bautista tiilla rafue
(Mt 14.1-12; Mr 6.14-29)

⁷ Ocuídillaíma Herodes nana Jesús finócafuiaina fidide. Iemona Herodes comeci uibílluai iñede, mei dáarie “Juan tiide meine abido cáadimiena jaide,” daidíaioi. ⁸ Jáimaci, “Juzíñamui uai llóraíma Elías meine cíocaizaibilla,” daidíaioi. Iemo jáimaci, “Jaii ninomo tiide jáie Juzíñamui uai llóraíma meine abido cáadimiena jailla,” —daí llotíaioi. ⁹ Mei jira Herodes daide:

—Nauí cue Juan ífoci jaitátaticue. Iemona ¿mei bie nímie? Afémiedo diga ráfuiái cacáfiredicue, —daide.

Afe llezica Herodes iere Jesuna cíocacade.

Jesús cinco mil comini ecade
(Mt 14.13-21; Mr 6.30-44; Jn 6.1-14)

¹⁰ Ie orécano abido dúcina mei, nana íaioi finócafuiái Jesumo llotíaioi. Afe mei Jesús afémacina oni eneno Betsaida jofue áinomo uite. ¹¹ Mei íadi áfena fidíillano comini afénomo jáidiaioi. Afénomo Jesús caimare afémaci llínote. Juzíñamui illáimana illirui rafue íaioimo llote. Daje izói afénomo iráredinona jíllotate.

¹² Iemo ja nauízaiilla llezica, doce dígamie orécano Jesumo billano daidíaioi:

—Mai, comini íaioi ocózinaillena oni ore, áinori ite jófuiáido güille íaioi jenólleza. Mei benomo cai illánomo güille iñédeza, —daidíaioi.

¹³ Mei jáífodo Jesús íaioina daide:

—Afémaci omoi eca, —daide.

Jira ie uai otíaioi:

—Benomo caimo cinco pániai íemo mena chamu ite. Afe baimo iñédeza. ¿Meita nana bie comini ecállena íbajiredicai? —daidíaioi.

¹⁴ Mei afénomo cinco mil comini gairídiaioiza. Mei íadi Jesús llófuegamacina daide:

—Nana bie comini cincuenta dígamierie ana raiziri, —daide.

¹⁵ Daí finua méifodo nana ana raizídaitiaioi. ¹⁶ Afe llezica Jesús cinco dígade pániai, íemo mena chamu llínote. Llínvano monamo eróillanona Juzíñamuina afe gülleri “Iere figura,” daide. Daí daina méifodo, afe ditada, ie llófuegamacimo fecade, afémaci comínimo fecállena. ¹⁷ Iemona nana áferi ñue jeírediaioi. Afe mei llófuegamaci güigamona fiébidino doce cirigai orúttatiaioi.

Pedro Jesús Crístona uáfodo jino llote
(Mt 16.13-19; Mr 8.27-29)

¹⁸ Afe mei jiáiruido Jesús oni eneno Juzíñamuimo úrizaide. Afénomo ie llófuegamaciri ite. Afémacimo afémie jicánote:

—¿Comini níie izói cuena daidíaiói?

¹⁹ Jira uai otíaiói:

—Dáamierie “Bie Juan Bautista,” daidíaiói, jiáimaci “Bie Elías” daidíaiói, íemo nai jiáimaci “Jaiái Juzíñamui uai lloraima meine abido cáailla” daidíaiói.

²⁰ Jira Jesús jicánote:

¿Omoi níie izói cuena daidíomói?

Jira Pedro daide:

—Juzíñamui nizeca Cristo daínámiedio, —daide.

Jesús ie tíille rafue jino llote
(Mt 16.20-28; Mr 8.30-9.1)

²¹ Iemo afe Pedro llógana afémie jiáie comínimo iere rairuillano ie llófuegamacina áfena bumo llotátañede. ²² Iaióina daide:

—Nanoide íima Jitó Crístodicueza, iere duere finóllicue. Ocuide éinamací cuena ruifíruitiaíói. Daje izói lletáriraini illaini cuena ruifíruitiaíói, íemo jiái ocuica uai llófuefiredino cuena íáiruitiaíói. Cuena títaítiaíói, mei íadi daaruíamani íllemona meine abido cáaiticue, —daide.

²³ Afe méifodo nana afémacina daide:

—Ninó dáamie cuedo jáiacania dama ie comeci jitáillana féitarede. Féitano cuedo jáirede. Afémie cuedo jailla ícoínia tíidena afémie áfena izire ónide. ²⁴ Mei ie caana rairuíacadimie áfena táinomo fáifitaite. Mei jiáifodo cue ícoínia ie caana táinomo fáifitimie afe fáifidena baímo ziiño illínona máíñoite. ²⁵ Mei daa come nana bíníe ráaniaí aillo náamataadi, mei íadi afe llezica dama ie comeci afémie táinocaitaiadi, nana ie maíñoa ráaniaí afémiena jíllotañeite. ²⁶ Ninó daa come cuena meáiruia, daje izói cue uaina meáiruia, afe íbana uire illáimana ana cue billíruimo afémiena meáiruiticue. Nanoide íima Jitódicueza, aféruimo Moo Juzíñamui ebírededo bíiticue naa níifuenide Juzíñamui abi imáciri. ²⁷ Uáfuenta ómoína dáaiticue: Birui benó itínomona, dáarie nai íaiói tííñena llezica Juzíñamui illáimana illarui cíoitiaíói, —daide.

Jesús abi jiáifodo méidoficailla
(Mt 17.1-8; Mr 9.2-8)

²⁸ Daíí daína mei ocho dígarui jailla mei, Jesús Juzíñamuimo úrillena caifónedumo jaide. Afémie Pedro, Santiago, Juan dígamie uite. ²⁹ Nai Juzíñamuimo Jesús úrioina llezica, afémie uíeco jiáifodo méidoficaide. Daje llezica ie ínícuiro jamánomo úzere quenire jaide. ³⁰ Afe llezica mena come ie abímo cíocaide. Afe íaillinoí afémie díga úrite. Afe bíaillinoí Moisés Elías díga. ³¹ Daje llezica ñue ebire quenire cíoide raa afe íaillinoína onífenedo féricaide. Afe íaillinoí Jesús Jerusalemo duere zefuillano tíillífuedo úritiaíói. ³² Afe llezica Pedro naa ie nabáíñiaíiri iere ínie méinegaiaíói ía, ocuíaíói. Afémaci Jesumo ite ebire cíoidena cíodiaíói; daje izói afémie díga itíaillinoína cíodiaíói. ³³ Afe íaillinoí Jesúmona oni jáioicailla llezica, Pedro daide:

—Llófueraíma, jñí benomo caimare caí illa! Maí daámani jofóchupina caí nii. Daaco óie, jiáico Moisés ie, íemo jiáico Elías ie, —daide.

Mei íadi Pedro ie daíacana óñoñede. Jira comeci facáñeno ebena daíí daide. ³⁴ Nai ie úrioina llezica, mona ero uíllie íaioína ferínocaide. Mona ero uíllie eromo íaíói íficailla llezica iere jacínaitiaíói. ³⁵ Afe llezica afe uílliemona daa uaina cacádiaíói:

—Bie iere cue izíruiga Jitoza, afémiemo omoi cacáreiri, —daide.

³⁶ Daií daina méifodo Jesumo érocaidiaioimo, ja dama ite. Afe mei afémaci afe íaioi ciónana bumo lloñédiaioi.

Jesús fiénide jóriaí uícaiga jitócome jílloate
(Mt 17.14-21; Mr 9.14-29)

³⁷ Afe jiáiruido afe ídumona ana íaioi billa llezica, aillo comini io anamo Jesús úiñotiaioi.

³⁸ Iemona comínimona dáamie ficire lléjecaide:

—Llófueraima, dúecaillano daade cue jitomo érocai. ³⁹ Fiénide jóriaí riire íena uícade. Afe jóriaí íena caillítacaide, afémiena nano íanori titáfiredede. Afe llezica ie fuémona múllecíai bífiredede. Iena duere finode; afémiena fáicanocaiñede. ⁴⁰ O llófuegamacimo afe jóriaí jino oréllena izire jicádícue, mei íadi orénidiaioi, —daide.

⁴¹ Jira Jesús uai ote:

—¡Nñi jamánomo ñnofinidiomoi! Iemo daje izói ñúefuena iere uáitafirediomoi. ¿Nñie dinó omoi cigimo íredícue omoi cue rídollena? O jitó benomo ati, —daide.

⁴² Mei íadi afe jitócome Jesumo ánozilla llezica, fiénide jóriaí afémie ana éniemo dotade. Afe llezica afe jitócome íanori titade. Mei íadi Jesús afe fiénide jóriaína riire dainano oni orede. Afemona Jesús afe jitócome jílloate. Iemona jílloano ie moomo abido ite.

⁴³ Iemona nana comini Juziñamuimo ite áillue riñori caimare fáigacaidiaioi.

Jesús ie tílle rafue meine nane lloate
(Mt 17.22-23; Mr 9.30-32)

Nana comini Jesús finócari caimare fáigacaila llezica, afémie ie llófuegamacina daide:

⁴⁴ Bíemo ñue omoi cácarei. Afena omoi féitañeno iri. Nanoide íima Jitódícueza, duere cue íaioi finóllena comínimo fécajillícue, —daide.

⁴⁵ Mei íadi ie llófuegamaci afe ie dáinana ñue onóñediaioi. Mei afefue afémacimona rairuica. Iemo afe llezica afefue afémiemo jicánuana jacíruiitiaioi.

¿Mei ññe come jamánomoina?
(Mt 18.1-5; Mr 9.33-37)

⁴⁶ Afe méifomo ie llofúegamací dani jofó eróicana conímána “cáimona nñmie iere jamánomoina” daina júfidotiaioi. ⁴⁷ Mei íadi Jesús íaioi comeci úrillana onode. Iemona daa úrue uáidota ie abimo naidánete. ⁴⁸ Daií naidániano afémacina daide:

—Bie úrue cue mámeçido llñnotimie cuena llñnote. Iemo cuena llñnotimie, ana cue orédimiena llñnote. Mei uafue, omoi cigiri jabóidimie Juziñamui eróicana iere jamánomoidimie, —daide Jesús.

Caina uáitañedimie cai dibénemo ite
(Mr 9.38-40)

⁴⁹ Ie jira Juan Jesuna daide:

—Llófueraima nauí o mámeçido fiénide jóriaí orédimiena ciódícai. Afémie cai díga macáñena jira afémiena rairuídícai, —daide.

⁵⁰ Mei jira Jesús íena daide:

—Afe izói finódimie rairuñeno iri. Mei caina uáitañedimie cai dibénemo íteza, —daide.

Jesús Sanatíago Juan díga lletade

⁵¹ Jesús monamo jáiacanarui ánozilla llezica, afémie Jerusalemo jáillena riire mamérite. ⁵² Daií mamérrillano uícodo raire uai llóitino orede. Afémaci Samaría éniemo ite duera jófuego jáidiaioi íaioi dúciillíco raire báillena. ⁵³ Mei íadi afeno itímací Jesús naa uícodo orécanori Jerusalén diné íaioi jáiacana jira, íaioína llñnoacañediaioi. ⁵⁴ Ie llofúegamacimona Santiago, Juan díga áfena cióillano Jesuna daide:

—Ocuíraima, jaiái uai llóraima Elías fínua izóí, bimaci fúilleza monámona iraina cai jíriredicái ¿meita jitáidío? —daide.

⁵⁵ Iemona Jesús íaillinoimo éroillano llétajano daide:

—Omicoi jainaina joréñona onóñediomicoi. ⁵⁶ Mei uafue, Nanoide hima Jitódicueza comini niné táinocaitallena biñédicue, mei jiáifodo comínina jíllotaibiticue, —daide.

Iemona oni jiáigobiaimo jáidiaioi.

Jesudo jáiacadino bie izóí írediaioi
(Mt 8.19-22)

⁵⁷ Iodo íaioi jailla llezica dáamie Jesuna daide:

—Ocuíraima, o jáiacana diné o diga jáiacadicue, —daide.

⁵⁸ Jira Jesús afémiena daide:

—Nana jazici ríllenai uái ífireillino ite. Daje izóí caifodo féedinuiai uái íaioi ráillino ite. Mei íadi Nanoide hima Jitódicueza dáanori uái cue illino iñede, —daide.

⁵⁹ Jesús jiáimiena daide:

—Mai cuedo bi, —daide.

Mei íadi afémie daide:

—Fueñe cue moo tílla ráiaiticueza cue ore, —daide.

⁶⁰ Jira Jesús ie uai ote:

—Juzíñamuina jéruiñedino tíide izóidino; mai mei afémaci jádie ua tíitimiena ráilleza, mei o cuedo bi, billano Juzíñamui illáimana illirui lluájiri, —daide.

⁶¹ Afe mei jiáimie Jesuna daide:

—Ocuíraima, odo bíacadicue, mei íadi fueñe cue jofu ero comini jáillena facáduaiticueza cue ore, —daide.

⁶² Jira Jesús íena daide:

—Daa come ie táijina ja táinia mei, jiáinomo comeci fácaja fiénide. Ie jira bie izóidimie Juzíñamui illáimana illiruimo táijillena ráifiñede, —daide.

10

Jesús setenta dígamie ñúefue lluájillena orede

¹ Bie méifodo, Ocuíraima Jesús nane setenta dígamie nizede. Níziano ménamierie ie uícodo orede. Nana ie jáiacanagobiaimo íaioina orede. ² Íaioina daide:

—Uáfueza, jacáfaimo ite raa ailla llezica jofu óitino iñena izóí, birui Juzíñamui illáimana illíruimo jofu órede comini aillo ite. Mei íadi afémaci jofu óitino figo iñede. (Afe jofu óitino jiáimacimo ñúefue llóitino.) Ie jira cai Ocuíraimamo, jacafai Naama izóidimie mo jiáie ñúefue llóitimacina omoi jicari, afémacina afémie oréllena. ³ Jira omoi jai. Jaillano bie uaimo omoi coméciri: illáirede jazici jicóniai cígimo ovejai jiza ória izóí, ómoina orédicue.

⁴ Omoi jailla llezica cirítico uiñeno iri, daje izóí úcubena uiñeno iri. O eiba icona uiñeno iri. Io anamo jiáimaci diga are naidáicana úhuriñeno iri. ⁵ Ninó daa jofomo jofu o jáiadi afeco comínina fueñe bie izóí omoi daíri: “Caimare uái illifue bie jofomo íteza.” ⁶ Afécomo comécina caimare uái itino ia, afe uai afémaci íaioieite. Mei íadi afe izoide comini afénomo iñenia, omoi daíí uáidua uai abido ómoimo bíteza. ⁷ Oni omoi jáiñeille dinó dáacomo uái iri. Omoi íaioi ecálleze güítimoiza. Omoi jirótalleze jirori. Mei jiáimacina omoi cánua jira, nana áfemo táijiraima ie táijinado íbáredeza. Ie jira naga jófuedo güícañeno iri. ⁸ Ninó jófue mo omoi dúcia caimare omoi íaioi llínoia, güíllena omoi íaioi ecaa afe omoi güiri.

⁹ Daje izóí afénomo iráredinuiaina omoi jíllotari. Afe llezica afémacina daíri, “Juzíñamui illáimana illarui ómoimo ja ánozideza,” daíri. ¹⁰ Mei íadi jiáie jófue mo omoi dúcia afeno comini ómoina llínoiacañeniadi, jino jofue cígimo ite macáraodo jairi. Jaillano daíri:

¹¹ “Cai eíbamo aífide omoi jofue íaie ómoimo teténoitícaí. Daíí finódicai, fiéni caimo omoi

finuana uáitallena. Mei íadi bíena omoi onoiri: Juzíñamui illáimana illarui ja ómoimo áinozideza.” ¹² Omoína dáitícue, íraicaiño izire jicánolliruimo bie jofue comini Sodoma comini duere finóbina baimo duere finólliaioi.

*Náfuefinide jófuiái comini
(Mt 11.20-24)*

¹³ ¡Corazín jofue comini, nii dúerenal! ¡Daje izói Betsaida jofue comini nii dúerenal! Mei íaioi cígiri cue finoca cíorainina raa, áfena Tiro jofue comini naa Sidón jofue comini cígimo nauí finódicuena nibái jaiái uícodo íaioi comeci ífueña méidotiaioi. Uafue íaioi comeci ífueña méiduamona ja diga fimona jailla. Afe llezica zúunaia jítáfirega jítiroi jítáacadiaioi. Daje izói aféruimo íaioi zúunailla jino ácatallena jízefo ífomo jutáacadiaioi. ¹⁴ Mei íadi íraicaiño izire jicánolliruimo Tiro Sidón diga duere finóbina baimo Corazín íemo Betsaida comini duere finólliaioi. ¹⁵ Daje izói Jesús Capernaum jofue comini lletade; íaioi dibénedo daide: ¿Meita íaioi íinoga jofue monamo úrede? ¿Daí comeci facádiaioi, ero ua? Mei jíáifodo íaioína dáitícue, tíidino illánomo ana dotaca izói niné táinocaitalliaioi.

¹⁶ Iemo ie setenta nizécamacina daide:

—Omoína cacáreidímie cuemo cacáreide. Iemo jíái ómoína ruifíruitímie cuena ruifíruite. Daje izói cuena ruifíruitímie cue ana orédímiena ruifíruite, —daide.

Oreca setenta dígadino abido dáanomo dúcina

¹⁷ Nauí oreca setenta dígadino meine abido caimare dúcidiaioi. Jesuna daidíaioi:

—Ocuíraima, nana cai llógamo cacáreidiaioi, ua daje izói fiénide joríaí o mámecido daína uaimo cacáreidiaioi, —daidíaioi.

¹⁸ Jira Jesús daide:

—Jíi, Satanás monamona ameo izói baiíllana cíódicue. ¹⁹ Daje izói jaióniaí naa acáiduaí ómoína izi cácatañelle ríino nauí ómoimo cue iga. Daí nana cai bacáuai izóidímie Taife ríinona izi cácañeno anáfenodiomoi. ²⁰ Mei íadi fiénide joríaí jino ória ríino ómoimo íllado figo comécíñeno iri. Mei jíáifodo omoi mámeciaí monamo cúeinari omoi íóbiri, —daide.

*Dama Jesús cáimacailla
(Mt 11.25-27; 13.16-17)*

²¹ Afe llezica, Ñuera Joreño Jesuna íóbitade. Íóbicaillano Jesús daide:

—Cue Moo, mona énie diga Ocuíraimadio, omo ñuefue mámeitícue, mei ráfueña baitádinomona o dibénedo retáidoga onóigafuiaí onótañedio. Mei jíáifodo comécina níífuenide úrue izoide jamai comínimo aféfuiaína jino cíotatio. Jíi, Moo, mei o daí jítaidíozá, —daide.

²² Jesús nai úrioide: “Cue Moo, nana ráaniaí cuemo fecádio. Moo Juzíñamui, o Jitódicue, mei íadi buna uáfodo cuena ñue ónoñena. O cue Móodioza, dama o ñue cuena onona. Daje izói buna uáfodo ona ñue ónoñena. Cue, o Jitódicueza, dama cue ñue ona onona. Iemo jíái daje izói o Jitó onótaacagano ñue ona ónoitiaioi, —daide.

²³ Iemona ie llófuegamacimo érocaillano, daní íaioína daide:

—Omoi ciona raana cíónamona jníi íóbirediomoi! ²⁴ Mei ómoína daidícue, diga Juzíñamui uai llóraini naa illáimaiaíri omoi ciona raana cíóacadiaioi mei íadi jaca cíóñediaioi. Daje izói omoi cacana uai cacáacadiaioi, mei íadi jaca cacáñediaioi, —daide.

Samaria ímie rafue

²⁵ Afe mei ocuica uai llófuefiredímie Jesumo úrizaide, afémie facátallena. Afémiemo jíacánote:

—Llófueraima; zííñona cue íllena ¿níie izói íredícue? —daide.

²⁶ Jira Jesús uai ote:

—Ocuica uaimo ¿mei níie uai cúeina? Afena ¿níie izói facádotio? —daide.

²⁷ Jira ocuica uai llófuefiredímie uai ote:

—Afe uai bie izói daide: Nana o comécido o Ocuide Juzíñamuina izírui. Daje izói nana o joréñodo, íemo nana o máiriedo, íemo nana o ifoci úrillado íena izírui. Afe llezica dama o abina o izíruilla izói afe izói o aino cómena izírui, —daide.

²⁸ Mei jira Jesús daide:

—Ñue fairíotio. Bie izói o finóadi nia are cáaitio, —daide.

²⁹ Mei íadi Ocuica Uai llófuefiredimie ie facátalle uai baiñenamona, ñue jicánotimie daiíllena jíáie uai Jesumo jicánote:

—¿Ñie come cue abi ímiena jóneiticue? —daide.

³⁰ Jira Jesús uai ote:

—Dámie Jerusalémona oni Jericomo jaide. Ie jailla llezica merírifiredino afémie fatíai. Fájano ie ráaniai bairódiaíi naa inícuiruaimo. Afémiena iere ízitatiaíi; jabo ie tíitano íena fiénocaidiaíi. ³¹ Afe méifodo lletáriraima ónonino daje llezica afe iodo jaide. Mei íadi fagámiena cíoilano onido jaide. ³² Afe mei Leví nairai ímie afénomo dúcide. Daje izói afémiemo fia érocaillano onido jaide. ³³ Afe méifodo Samaria ímie daje iodo jaide. Fagámiena cíoilano afémiemo zúucaillano iere dúcaide. ³⁴ Mei íemona fagámie billano, cáirediji naa vino diga ie boáfiaí maite. Afe mei afe boáfiaí maite. Maía méifomo dama ie búrromo caifo rainada dúciracomo uite. Uillano afécomo afémiena uíñote. ³⁵ Afe jíáiruido, afe Samaria ímie ja jíazaila llezica, mena úcube uano afeco naama íbade. Ibajano daide: “Bie iráredimie ñue o uíñori. Bímiemo omo cue iga úcube baimo o dotáadi, uire meine cue bia omoí cue íbálleza,” daide. ³⁶ Mei íemona birui cuemo llone: Bie daámanidemona ¿ñíimie ñue finoca bie merírifiredino fagámie aino come finófírena izói? —daide Jesús.

³⁷ Jira ocuica uai llófuefiredimie daide:

—Mei afémiemo dúcaidimie fagámie aino cómena, —daide.

Iemona Jesús íena daide:

—Jaillano bímie fínua izói o finori, —daide.

Jesús Marta María íainguai jofomo dúcide

³⁸ Jesús iodo jaillano duera jófueмо dúcide. Afénomo ite Marta daíango ie jofomo Jesuna caímare llínote. ³⁹ Marta ebuño María Jesús anamo ráizaíbite ie daínana ñue cáailena. ⁴⁰ Mei íadi Marta diga jetácaganiaimo comeci llícibite. Iemona Jesumo billano daide:

—Ocuíraíma, cue ebuño nana táijina cuemo fiénocade, ¿aferi comécíñedio? Cue dine ore, afengo cue cánuabilleza, —daide.

⁴¹ Mei jíáifodo Jesús afengo uai ote:

—Marta, iere o jetácaga raamo o comeci llícitaitio. Afe táijnamo iere duere zefuídio.

⁴² Mei íadi daa jítaírede raana nai omo íñede. Ie mei María afe baimo ñuera raa jae nizede. Afengo nizeda oga raa bu báiroñeite, —daide.

11

Juzíñamuimo caí úrifíreillena Jesús llote

(Mt 6.9-15; 7.7-11)

¹ Afe mei jíáiruido Jesús bai táinomo Juzíñamuimo úrite. Juzíñamuimo ie úrilla llícaillamona ie llófuegamacimona dáamie daide:

—Nauí Juan ie llófuegamacimmo ie llua izói, Juzíñamuimo caí úrillena caí llofue, —daide.

² Jira Jesús íaíoina daide:

—Juzíñamuimo omoí úria bie izói daíri:

Cai Moo Juzíñamui, monamo itio; o mámecido ñúefue nitácaza.

O illáimana illirui raire bíteza.

Dinomo monamo o comeci jítaíllafue íaíoi fínua izói, afe izói bie éniemo finótaíbiteza.

³ Cai nágarui jitailla gülleniai, birui caimo fecari.

⁴ Cai finoca fiénidifue iba caimo oñeno iri, mei afe izói jiáimaci fiéni caimo finódiaioi íadi, afémacimo ibana oñédicai.

Iaifuemo cai báilñellena caina úñori.

Iemo afe llezica nana fiénidifuiaimona caina jíllotari.

⁵ Iemo nane Jesús daide:

—Bie fia cue daiille ráfuemo omoi coméciiri. Omoimona dáamie ie onóigamie ite. Afe o onóigamie dáaferui o jofomo jaillano ona daide: “Daámani páaniai fia cuemo feca, ⁶ mei cue onóigamie ailli cue jofomo dúcidez. Mei íadi afémie cue ecállena iñede,” daide. ⁷ Ie jira nibai jofona bie izói uai óredio. “Cue úrue diga inídicueza, cuena áfedoñeno iri. Naze ibáicaza, o jicaca raa omo fecállena jino bínidicue.” ⁸ Mei íadi ómoína dáitícue, afe jícaibitímie o nabaina jira fécaiñeitio, mei íadi afémie are ona áfedoñellena nana ie jitaica ráaniaina jeruíñeno fécaítio. ⁹ Afe jira ómoína dáitícue: Juziñamuimo jicari, afémie fécaiteza. Jenori, báitioza. Nazémona jíriri, íemona afémie tuizáibiteza. ¹⁰ Mei uáfueza, jicádimie jaca llínote; jenódimie jaca baite; nazémona uáidotimiemo naze tuiñooca.

¹¹ Omoimona úrueredímie ie jitó güllena jicáadi ¿meita noñcina iga? Jaca íniga. Daje izói chamu jicáadi, ¿meita jaiona iga? Iniga. ¹² Iemo jiái jigi jicáadi ¿meita acáidona iga? Iniga. ¹³ Mei fiénidíomoi íadi, ñuera ráaniaina omoi úruiaimo fécajana onódiomoi. Mei íadi afe baimo monamo ite omoi Moo afémie Ñuera Joréñona jícaitinomo fécaite, —daide.

Fiénide jóriai ríino Jesumo illa afémiemo jitádiaioi

(Mt 12.22-30; Mr 3.20-27)

¹⁴ Afe mei Jesús uáinidimiemo ite fiénide jóriai jino orede. Afe jáillamona afe uáinidímie ja ñue úrite. Aferi comini caimare fáigacaidiaioi. ¹⁵ Mei íadi dáarie daidíaioi:

—Bímie Beelzebú daina fiénide jóriai illaíma ríinodo, afe fiénide joriaina jino orede, —daidíaioi.

¹⁶ Jiáimaci ie facátallena, “Monámona uai dánamona comuide ciórainina raa fino,” daidíaioi. ¹⁷ Mei íadi Jesús afémaci comeci úrillana onóillano daide:

—Ñinó daje náiraina ite comini bozíetaillano conima diga fuiríadi, afe nairai niné táinocaite. Daje izói daaco ero comini bozíetaia, afémaci daje izói are iñeno niné táinocaitiaioi. ¹⁸ Afe izói, mei Satanás dama íemo jaináidinona, dani abina uáitaiadi, ¿mei ñie izói ie ócuifirena ríino are ite? Bie ómoimo llóitícue, mei cuena “Fiénide joriaina Beelzebú ríinodo jino orédio,” daidíomoiza. ¹⁹ Mei íadi daiítadena, jiáiuaina ómoimo jicánotícue, Omoído jáidinomo ite fiénide jóriai orelle ríino, ¿bu mei fecaca? Ie jira dani afémaci ñue onóñeno taino omoi llua jino ciotatiaioi. ²⁰ Mei jiáifodo uáfueza, Juziñamui ríinodo fiénide joriaina jino oréfiredicue. Iemo bifue bie izói ómoína dáiacade: Juziñamui illáimana illirui ja ómoimo dúcidez.

²¹ Mei daa maíride cómemo ie ñue fuirira raa ia, ie jofona ñue úiñofirede. Afedo ie uíñuamona buna ie raana bairónide. ²² Mei afémie baimo ríiredímie bíadi, nibai íena anáfenoite. Anáfenuano ie ínoga abi ríidua raana báiroite. Afe mei afe báiruaibitímie nana íemo ite ráaniaina úite.

²³ Cuena ruifíruitímie cuena uáitate. Daje izói cue diga dájena táijiñedímie, cue ráaie oni jutádimie izoide, mei afémie jiáimaci cuemo ínotañedeza, —daide Jesús.

Jino oreca fiénide jóriai meine dáamiemo bite

(Mt 12.43-45)

²⁴ Jesús nai llícaíñeno úrite:

—Fiénide jóriai cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade. “Meine abido cue billa cómemo jáitícue,” daide.

²⁵ Afe jóriai meine afe cómemo bítemo, ñue rafoda finócaco izói baizáibite. ²⁶ Iemona

afémie baimo siete diga jamánomo fiénide jóríai uájide. Afémaci nana afe cómemo jofu jaillano itíaiói. Afemona afe come nauí ie fiénina baimo biruí jamánomo fiénide, —daide.

Uáfueña ióbidino

²⁷ Mei Jesús nai bífuiaido úrioina llezica, comínimona daa ringo ficire Jesudo úrite:

—O jocódingo nii caimare érocaillangona. Daje izói o comúitatingo nii caimare ióbillangona, —daide.

²⁸ Mei jira Jesús jíáfodo daide:

—Juzíñamui llógamo cacáfiredino, daje izói áfena ñue ínotino o dainango baimo jamánomo caimare itíaiói, —daide.

Fiénide comíni ciórainina raa finóllena Jesumo jicádiaíoi

(Mt 12.38-42; Mr 8.12)

²⁹ Comíni Jesús onífenedo ofídiaíoi. Jesús íaioina daide:

—Biruímo ite comíni iere fiénidino. Afémaci ciórainina raana finóllena jicáfirediaíoi, mei íadi nauí Juzíñamui uai llóraima Jonás onótagafue baimo jíáfueña llóñeilliaíoi. ³⁰ Mei Nínive jófueño ite comínimo Jonás Juzíñamui orécamierna áíoi onóillena afémie jónega raa izóidimie. Afémie illa izói, biruíllaido ite comínimo Nanoide íma Jitó Cristo afe bie comíni onóillena jónellimiena íte. ³¹ Íraíruiamo bigímaíai izire jicánolle llezica sur dibénemo jica ite nairaí illaingo bigímaíaimo fiénidífuiaí nítaite. Mei afengo jica énie fuédamona Salomón comeci onógafueño cacáreizaíbiteza. Mei íadi biruí benomo Salomón baimo baitádimie illa. ³² Daje izói bigímaíaimo íraíruiamo izire jicánolle llezica, Nínivemo ite comíni bimácimo fiénidífuiaí nítaite. Mei Nínivemo ite comíni Jonás Juzíñamui uai íaióimo llua llezica, íaiói comeci itífueña méidotiaíoi. Mei íadi biruí benomo Jonás baimo jamánomoidimie ite.

Cai illafue ñue egáíñote raa

(Mt 5.15; 6.22-23)

³³ Uneca mechera bu báinino jóoneñede. Daje izói cajón anamo buna mechera retáidoñena. Mei jíáfodo uneda caífo jica rainaca, jofu eromo jáitino ñue cíoillena. ³⁴ Ñúfueño o comécilla omo ñue egáíñote raa izoide. Jira mechera egáioinamona o uído cíonana o ióbitaja izói, afe izói ñúfuiaí o jítaigana o comeci ífueña caimare itátaite. Iemona ñúfueño o comécillado nana o illafue jaícina ñue joide. Mei íadi ñúfueño o comécíñeniadi, jítfodo mácaja izói itío; nana o comeci ífue zuure íteza. ³⁵ Mei jira omo ite mechera egáioina izoide raa, dúide izói méidoñellena ñue rairuíri. ³⁶ Mei nágarui ñúfuiaímo féitaño o comécía, mechera egáíñuamo uáfori cíoina izói, nana o illáfueña ñue uáfodo cíoitío, —dínori Jesús úrite.

Fariséuai daje izói ocuica uai llófuetínori imaci fiénidífuie Jesús jino llote

(Mt 23.1-36; Mr 12.38-40; Lc 20.45-47)

³⁷ Jesús ie úrilla llícaillamona daa fariseo ímie ie diga güizájillena Jesumo llote. Jesús jofu jaillano güiránomo ráinazaide. ³⁸ Afémie afémaci finofirena izói finóñede, mei afémie íaífuie múíñua joreño onói jócua, finóñeno güíteza. Aferi afe Jesús uitímie fáigacaide. ³⁹ Mei íadi Ocuíraima Jesús íena daide:

—Omoi fariséuai jiróraco naa plato diga jócua izói jinófene ñue jocódiomoi, mei íadi jofu erófenena jocóñediomoi. Afe izói nana omoi jinófenena ñue rairuídiomoi, mei íadi jofu comeci dínena, merírillado omoi oga raa ite; daje izói fiéni omoi íllado omoi oga raa ite. ⁴⁰ ¡Comécina úriñedinodiomoi! ¿Onóñediomoi za comíni jinófene finódimie, íemo íaiói ero díné comeci finódimie dáamie? ⁴¹ Ñúfuiaí comécido omoi onónamona ómoimo ite raana jeruíño dúeredinomo ía fecari. Afemona nana ráaniaí ja ómoimo íáinino íitíaiói.

⁴² Fariséuai, ¡nii omoi dúerena! Omoi riga ráamona diez dígademonaa daa Juzíñamuimo dúide raana afémiemo ñue fecáfirediomi. Omoimo ite “menta” daína rarócimona afémiemo fecáfirediomi. Daje izói “ruda” daína rarócimona daa fecáfirediomi. Iemo jái omoi porócoduaimona due Juzíñamui íena máme-firediomi. Mei íadi comécina jáicina jóidifue mo naa Juzíñamuina izíruillana náfueñediomi. Aquíe izói írediomi. Afe llezica omoi jáie finóacaigafuena féitaño finori.

⁴³ Fariséuai, ¡nii omoi dúerena! Juzíñamui uai lloraco eromo jamánomo ñue ráiraniaina jicáfirediomi. Daje izói jofue cigido macáaodo omoi jáia, comini jacírede illaíma uáidua izói omoi íaíoi uáidollena iere gáidiomi.

⁴⁴ Ocuica uai llófue-firedino naa fariséuairi, ¡nii omoi dúerena! Jínofene dine ñue cíoina mei jofona comeci dine ráataitomi. Cíónena énie anamo tíidino ráigano izóidiomi. Comini afe acónido ónonino macádiaíoi.

⁴⁵ Iemona ocuica uai llófue-firedinomona dáamie afe uai ote:

—Llófueraíma, jadíe izói o daína nane caína rícaítade, —daide.

⁴⁶ Jira Jesús daide:

—Ocuica uai llófuetino, daje izói ¡nii jamánomo omoi dúerena! Mei ocuínide méerede raa izoide jáímamo jaca llonódacafirediomi-za. Aféfuiaína buna ocuínide. Afe omoi riire ocuícana canófinidiomi.

⁴⁷ ¡Nii omoi dúerena! Mei jáiai omoi nánoragíma faga Juzíñamui uai llóraini raíafu izoide tíidimie jóoniacona ébirerie finódiomi-za. ⁴⁸ Daí omoi fínuado jáiai afémaci finócafuena jéruitomi. Mei afémaci afe uai llóraini titádiaíoi, íemo birui afémaci raíafu izoide jóoniacona meine abido nitátatiomi.

⁴⁹ Ie jira Juzíñamui nana ráfuiaí onóillano, bie izói daide: “Afémacimo cue uai llórainina óreitícue. Daje izói jáie cue nizécano íaíoi mo óreitícue. Afémacimona dáarie titáitíoi. Jáímacina duere finóllena rácaítíoi,” daide. ⁵⁰ Mei uáfueza, birui itínomo, nana jáiai faga uai llóraini íbana óite. Uafue, énie fínuamona biruimo nana tíidino íbana óite. ⁵¹ Faga Abel ígímamona Zacarías tíllaruimo íbana óite. Afe Zacaríasna Juzíñamui gairíraco eromo ite altar áinori fatíaiíoi. Jira ómoína dáitícue, biruimo itínomo Juzíñamui afe titácano íbana óite.

⁵² Ocuica uai llófuetino, ¡nii omoi dúerena! Mei nauí Juzíñamui ómoimo fecaca ie ñue báitaja uai ie illáimana illánomo jofo omoi jáillena, áfena ñue náfueñediomi-za. Iemo afe llezica onóiacadinomona áfena rairuídiomi-za, —dinori Jesús úrite.

⁵³ Jesús bie izói íaíoi na daína llezica, ocuica uai llófuetino naa fariséuairi afémiemo jamánomo rícaítíoi. Iemona díga jicánoiacaga uáillaído afémiena áfedodiaíoi. ⁵⁴ Irebaí izóidena afémie óllena jifánodoídiaíoi. Daí finódiaíoi, ie daína uáillaído fiénidífuiaí afémiemo nitállena.

12

Comécina íairena mei jínófenena ñue cíoidino Jesús lletade

¹ Afe dáaruído díga náiraíai dáanomo iere gairídiaíoi. Gairíllamona conímaíaina zaizídiaíoi. Iemo Jesús ie llófuegamacina nano fueñe daide:

—Fariséuaimona díga comini comécina íairena mei abina ñue cíoidino ite. Afémaci daí íllamona abí omoi rairuiri, mei afe íaíoi mo ite íaífue pan fáitara “levadura” izóideza. Due jiza jóonega ía, nana afe erona maíñode. ² Nana báinino daína uai jino uáfodo cíozite. Daje izói nana báinino retáidoga raa uáfomo báifite. ³ Mei íemona, nana jítfomo omoi báinino úrilla uallaí jino úzefomo cacaille. Daje izói jofo eromo báinino omoi daína uai comini dáanomo uáidota afémaci cacáicana ficire llole.

*¿Ñie cómena jacíruiredicai?
(Mt 10.28-31)*

⁴ Omoi cue nabáiñiaidiomoi, jira bie izói ómoína dáitícue. Fia abi íeizi titáfirede comínina jacíruiñeno iri. Afe mei afémaci ómoimo íaioi finolle jiáifuenta iñede. ⁵ Mei jiáifodo omoi jacíruillimie llóitícue. Abi íeizi titaja méifomo boode jóraimo comeci dotáfiredimiena omoi jacíruiiri.

⁶ Onódiomoiza, cinco diga ófocuiño mena úcubetunido ibárede. Mei íadi afémacimona Juzíñamui dáamiena féitañede. ⁷ Iemo jiái ómoimo ite ifótirai illa dígatirai facádoga. Daiítadeza jacíruiñeno iri. Mei omoi, aillo ófocuzai baímo ráifidiomoiza.

*Comini eróicana Jesuna jieruitino
(Mt 10.32-33; 12.32; 10.19-20)*

⁸ Omoína dáitícue: Nanoide íima Jitódicueza, comini eróicana nana cuena jieruitinona afe izói Juzíñamui abi imaci eróicana jieruitícue. ⁹ Iemo daje izói comini eróicana cuena jáanoitínona, afe izói Juzíñamui abi imaci eróicana jáanoitícue.

¹⁰ Iemo nane jiáifue, ninó daa come Nanoide íima Jitona íaire dáia, afémie daína íaifue dórede. Mei íadi ninó dáamie Ñuera Joreño íaire dáia, afe jaca dónide.

¹¹ Iemo ninó jiáiruido Juzíñamui uai llorácomo afémaci omoi uíadi afemo comeci llícitaiñeno iri. Daje izói izire jicánofiredinomo, naa ocuidillaini diga, afémacimo omoi íaioi uia, omoi daiíacana uaimo comeci llícitaiñeno iri. ¹² Mei omoi úriacanamo dúcille lezica, Juzíñamui Ñuera Joreño omoi daiíillifuenta ómoimo llóiteza, —daide.

Comini ráarena jacírede

¹³ Comínimona dáamie Jesuna daide:

—Llófueraíma, cócomo fiévide feci ráamona, cuemo dúina dieze cue ama cuemo ílleza, o lloiri, —daide.

¹⁴ Jira Jesús afémiena daide:

—Ebe, omoi cígimo izire jicánofireitimiena, daje izói fécafireitimiena ¿bu cue jóonia? Jóoneñegacue, —daide.

¹⁵ Jesús nane dáanomomo daide:

—Nana úradoillafuíaímona caade come izói, abí omoi rairuiri. Mei come ñue illafue, aillo ráarenamona óñega.

¹⁶ Afe mei bie jino onótate raafue llote:

—Nauí iere ráaredimie ite. Afémie jacáfaiaí iere áillamona jofo olle llízie iere ite.

¹⁷ Afemona iere ráaredimie comeci facade: “¿Mei ñie izói íitícue? Afe áillue llízie éenollino iñede.”

¹⁸ Nane dáanomomo comeci facade: “Cue finóllemo ja uíbicaidícue. Cuemo ite éenoracuai júdaiano jamánomo áillocuaina nitátaitícue. Afécuaímo nana jofo cue olle llíziena éenoitícue. Daje izói nana cuemo ite raana afécuaímo jóoneitícue. ¹⁹ Afe mei dama cue abina dáitícue, ‘Ja aillo raa jofo ofítatícue; áfedo diga fimona cáaitícue. Nágarui táijíñeno fia güítícue. Iemona fia uái íitícue. Aillo vino júruano, áferi caímare ífireitícue,’ ” daide.

²⁰ Mei íadi Juzíñamui íena daide: “Comécina onóñedimiedio. Fui naio tíitio. Afe mei o ofítaga ráaniaí ¿bu náamatalle?” daide. ²¹ Mei dama ie abi íena aillo raana ofítaitimie daií íteza, mei daií afémie ofítaja llezica, Juzíñamui jítainamo comécíñede. Comécíñeno, afémie Juzíñamui eróicana iere dúeredimiena jaide, —Jesús daide.

*Juzíñamui ie úruiaína ñue rairuide
(Mt 6.25-34)*

²² Afe méifomo Jesús ie llófuegamacina daide:

—Jira ómoína dáitícue, omoi güíacaga güíllemo comeci omoi llícitaiñeno iri. Daje izói omoi jítáacaga inícuromo comeci llícitaiñeno iri. ²³ Cai ñue illafue cai güille baímo ráífide. Iemo jíái cai abí cai inícuero baímo ráífide. ²⁴ Mai “cuervo” daína cháafona eróidemo comécíiri. Afémaci jaca riñédiaíoi; daje izói llizíllanaí jofo oñédiaíoi. Daje izói afémaci güille éenoraco iñede, naa íaíoi ofítaranori. Mei íadi Juzíñamui afémacina ecade. Ie mei omoi afe ófocuizai baímo jamánomo ráífidiomoi. ²⁵ Omoimona, comeci iere llíciamona, ¿mei bu ie zairilla dínorí baímo mediio metro zairírena? ²⁶ Mei duera raana finónidiomoi ía, ¿nibái mei jíáie raa fínuamo iere comécidiomoi?

²⁷ Raroci záfia zeríllamo omoi comécíiri. Afémaci táijíñediaíoi; daje izói raana niñédiaíoi. Mei íadi jíáifodo ómoína dáitícue, jaíai illaíma Salomón ñue cíoide raana jamánomo ráarede íadi, bie záfia ebírena izói, ebíredíroina jítáñede. ²⁸ Mei Juzíñamui daíí raroci ebire cíotaiadi, afémie jeruíñeno ómoína iníroina jítaite, jabo ínotinodíomoi íadi. ²⁹ Afe jira benómona o güíacaga raa, o jirole díga zuure jenóñeno iri; daa áfemo comeci llícitaiñeno iri. ³⁰ Mei bínie comíni daa afe izóidemo járitaidiaíoi. Mei íadi omoi Móoredíomoi. Afe omoi Moo Juzíñamui nana afe ráaniaína omoi jítáillana onódeza. ³¹ Iemona Juzíñamui illáimana illáruimo dúide raamo raíre áfemo omoi comécíoiri. Iemo afémie nana bie raana ómoímo fécaiteza.

Monamo cai jírídollena ofítaredícai
(Mt 6.19-21)

³² Cue izíruiga ovejaí izóidiomoi, jacíruiñeno iri. Dúemacidiomoi íadi, o Moo ie illáimana illano ómoíena maméacade. ³³ Omoímo ite raa fecari. Fécajano raana jítáidinomo ine. Daíí omoi finóadi, Moo Juzíñamui comeci jítainana fínóitiomoi. Iemona monamo ie illánomo ñúefuiai ofítaitiomoi. Daje izói jaca ninomo fúíñeite ñúefuiai ómoíena monamo ómoímo íite. Afénomo merírifiredímie jaca jáinide. Daje izói afénomo ícuai güíñeite. ³⁴ Mei uáfueza, omoi ofítaga raa illánomo, afénomo jíái o comeci íite.

Nágarui ñue fínóbiredícai

³⁵ Benómona jaca nágarui ñue omoi fínóbifíreiri. Nauíllamona comíni mechera unéfírena izói, abí omoi rairuiri. ³⁶ Jofo naama ocuífíregano, áirena ráfueмона meine ie dúciacana uícomo íaíoi afémiemo ocuírina izói, afe izói cue billíruimo omoi ocuíriri. Afémaci ñue ocuíridiaíoi, afe jofo naama nazémoma uáidoia raíre íemo túíñuaíbillena. ³⁷ Afe izoide ocuífíregano jaca iníñeno íaíoi naama bíllemo ñue ocuíridiaíoi. Daíí íaíoi illa afémie cíozaiábilla llezica, afémaci ja ñue íaíoi fínóbillari íóbicaídiaíoi. Uáfueña ómoína dáitícue: Afe íaíoi naama afémacina güíránomo ráinaite. Raina mei dama afémie íaíoi güíllena baí ráiziite. ³⁸ Mei nibai dááferui llezica afémie dúciadi, nibai monáiacademo afémie dúcia, afémaci uícomo iníñeno ocuíridiaíoi. Iemona afémaci íóbicaítiaíoi. ³⁹ Iemo jíáífue díbénedo bie izói omoi onoiri: jofo naama merírizaíbitímie bille monana onóia, afémie iníñeno ocuírite. Iemona jofo naama merírizaíbitínona ie jofona túíñotañeite, ie raa íaíoi mériñeíllena. ⁴⁰ Afe izói ñue omoi mamériri, mei Nanoide fíma Jító comíni comécíñeíllíruimo ónonino déizaíbite, —daíde Jesús.

Raíre ínofírede ocuífíregamie, íemo jíái ínofínide ocuífíregamie
(Mt 24.45-51)

⁴¹ Mei jira Pedro Jesumo jíacánote:

—Ocuíraíma, bífueña, ¿ñíe comínímo llotío? ¿Dani caímo, nibai nana comíni íena llotío? —daíde.

⁴² Jira Ocuíraíma daíde:

—Mei daa jofo naama ie ocuífírega jabóidíllaíma eneno mamede. Jofo naama jíca jáiacana uícomo, ie jofo ero raana afe jabóidíllaímamo llonódacaíde. Afe llezica nana jofo

ero táijidino ecállena afémiemo jóonenocai. Daií jóonega jabóidillaíma jaca nágarui ñue ínofiregamiena írede. Daje izóí afémie ñue onódimiena írede. ⁴³ Afe izóidimie nana íemo llonódacaiga raa nágarui ñue finófirede. Ie jira jofo naama meine bille llezica, daií ie íllana cíozaibite. Iemona afe jabóidillaíma iere cáimacai, mei nana ie ocuica raana ñue ícoimo fuitádeza. ⁴⁴ Uáfueña ómoína daidícue, jofo naama afe ínofirega ocuífiregamíemo nana íemo ite raa, llonódacai. ⁴⁵ Mei jíáfodo, afe jabóidillaíma jofo naama are bíñeite daínano, jíáie jofo eromo táijidínona duere finóadi, afe jabóidillaíma iere cacáfinidimiena jaide. Mei afe llezica afémie jofo ero táijitatingo fiéni finódeza. Iemo aillo güíteza, aillo jiródeza. Jírúa mei jífáitateza. ⁴⁶ Daií ie illa llezica, afémie due jiza comécíñeitemo jofo naama dénuaibite. Onóñeilliruimo dúciite. Dúciillano afe jabóidillaímana jofo naama jamánomo duere fínoite. Nana jíáie ínofinidino duere zefuilla izóí, afémie íena duere finótaite.

⁴⁷ Ninó daa ocuífiregamie ie naama comeci jitailla táijinana onode íadi, afemo jaca ñue finóbiñede, daje izóí afemo cacáreacañede, afe ocuífiregamie duere finoda iere izi cácatalle.

⁴⁸ Mei jíáie ocuífiregamie ie naama jítaillana onóñede íadi, dama fiéni ia, afémie jabo izi cácatalle. Bie jíáie uaimo omoí cácarei. Aillo igámíemona aillo jícaitiaíoi. Daje izóí ñue ínogamíemo díga ñúefue jóonefirediaíoi. Ie jira afe aillo jóonefiregamíemona aillo ócutiaíoi.

*Comíni énenorie ráinuaiibiticue
(Mt 10.34-36)*

⁴⁹ Cue bie éniemo irai izóí bónuaiibiticue. Aferai raire bóollena iere oíacadícue. ⁵⁰ Ja bautismo izoide, izi cácanafuedo facátallícue. Afénomo nai dúciñedemo raire uícomo aferui dúciñenari duere zéfufiredícue. ⁵¹ ¿Níbai bíniemo caimare dájena uái illí fue atídío, cuena daidíomoi? Omoína daíitícue, afe izóí bíñédícueza; comíni énenorie ráinuaiibiticue. ⁵² Mei benómona dáacomo ite cinco dígadimie cue ícoína eneno ráidoizitiaíoi. Afémacimona daámani cuemo ínoitiaíoi; íemo jadíe enéfenemo ménade ínoñedímaci ráidoizillanona conima díga fúiritiaíoi. ⁵³ Cuemo ínuamona da jíto íe moo dínená ruifíruille. Daje izóí jíto íe moo cuemo ínuá jira dájena uái íñeno íena ruifíruillano éoite. Iemo jíái, ei jiza cuemo ínuamona ei dínená ruifíruille. Dájena uái íñeitiaínguai. Daje izóí jífaiño cuemo ínuá jira mio dínená ruifíruille. Afe íbana mio íe jífaiño díga dájena uái íñeitiaínguai, —daide Jesús.

*Iraíruillaí dúciacana onótaité raa
(Mt 16.1-4; Mr 8.11-13)*

⁵⁴ Afe mei nane comínina Jesús daide:

—Fuirina nairíadi “noci bíite” daidíomoi. Afe mei ua bíide. ⁵⁵ Daje izóí ñue mona monáillado “fímona baizájilla” daidíomoi. Iemona jaca fímonana jaide. ⁵⁶ ¡Omoí comécina íáirena mei abina ñue cíodinodíomoi! Noci bííllana onódíomoi, íemo fímona baizájillana onódíomoi, mei íadi birui omoí cígímo cue finoca onótaitífuiaína onóñedíomoi.

*O díga ícírítimie raire manánaitari
(Mt 5.25-26)*

⁵⁷ ¿Níbai mei comeci jáicina jóina izóí, daní conímamo jícanoñedíomoi? ⁵⁸ Daa come o llógidoiacania, ríimacímoo ómícoí úrizaiilla llezica, nai ómícoí dúciñena llezica ío anamo afefue ñue o záitari, ríire jícanoraímamo o íe izájíñeillena. Izire jícanoraímamo o íe izájíadi, afe izire jícanoraíma fiénidino llaitáfiredínomo o izájíte. Iemo afémaci ona llavéracomo íbaitiaíoi. ⁵⁹ Uafue ona daíitícue o llavétatímie jícala úcube íe jícaja díeze o íbaíñenia afécomona jaca jíno bíñeítío, —Jesús dínnori daide.

13

Cai comeci ifue iere raire méidoredicai

¹ Aféruillaido comínimona dáarie Jesumo Pilato jiáimaci fiēni faaja lluáibitiaioi. Naui Galilea imácimona dáarie Juzíñamui ióbillena faga rille fécajilla llezica, Pilato afémacina fate. Fáajano íaioi die íaioi fecaca rille die diga Pilato tamede. Daíi ie fínuana jñii íaire cíoina! ² Jira Jesús daide:

—Omoi bie Galilea comínimo ¿ñie izói coméciidiomoi? ¿Meita afémaci jiáie Galilea comini baímo fiénidino, jira afémaci raamo jíridiaioi? ³ Afe izóíñede, ómoína dáitícue. Mei jira omoi comeci ifue omoi méidoñenia, nana daje izói niné táinocaitiomoi. ⁴ Iemo jiáifuemo omoi coméciiri. Naui Jerusalemo iere caifo jica caifóidico ite. Afe iere caifóidico, Siloéna mámeçirede. Afeco díillamona dieciocho diga comini jíitafidiaioi. ¿Meita afémaci Jerusalemo ite jiáimaci baímo fiénidino? ¿Meita jira daíi zefuídiaioi? ⁵ Omoína daidícueza, afe izóíñede. Mei jira omoi comeci ifue omoi méidoñenia nana omoi niné táinocaitiomoi, —daide.

Higuera daína llizíñede amena rafue

⁶ Afe mei Jesús bie jiáie íaioi onóigafue afémacimo llote:

—Da come higuera daína amena ie jacáfaimo rite. Afe mei afena llizíadi daíi eróizaide. Eróizaidemo jaca llizíñede. ⁷ Ie jira afémie jacafai uíñotimiena daide: “Ero, daámani fimona bie amena llizíadi daíi eróizabifiredicuemo jaca llizíñede. Llizíñedeza, mai o tieri. Fia cue jacafai llótaidoteza.” ⁸ Jira afe jacafai uíñotimie uai ote: “Naama, bie fimónamo mai nai cai tieñeilli. Afe amena moi ñue fínuano júnaitícue. ⁹ Nibai áfemona llíziteza. Mei íadi áfemona llízíñenia tielle,” —daide.

Jesús ocózinaillaruimo abina ana jíicaidíngona jíllotate

¹⁰ Jiáie ocózinaillaruimo Jesús Juzíñamui uai llorácomo llófuete. ¹¹ Afe llezica afénomo dieciocho fimónamo abina ana jíicaillari iráredíngona illa. Naui fiénide jóríai aféngona daíi finoca. Afengo caifo jaícina jaca náidacainide. ¹² Jesús aféngona cíoillano ie jíirite. Daide:

—Ríngo, o irárenamona ja jíllotio, —daide.

¹³ Daíi daínano Jesús ie onoi aféngomo bitade. Bitá llezica afengo ñue jaícina náidacaide. Afe dáaruido afengo ñuefue Juzíñamuimo llote. ¹⁴ Mei íadi áferi Juzíñamui uai lloraco illaíma rícaide, ocózinaillaruimo Jesús afengo jíllotaja jira. Afémie comínina daide:

—Seis diga mona táijiredicai, aféruillaido omoi jílloilena bírediomoi. Mei íadi ocózinaillaruimo omoi abina jíllotaibiñeno iri, —daide.

¹⁵ Jira Jesús ie uai ote:

—Comécina íairena mei abina ñue cíoidinodiomoi. Omoi cuinaca burro, íemo juráreto ocózinaillaruido ¿meita jainoi ie jíruaillena zuitáñediomoi? ¿Zuitáfirediomoi! ¹⁶ Afe izói bie Abrahámona comuídíngona ie irárenamona ¿meita ocózinaillaruimo zuitánidícue? Mei aféngona Taife dieciocho diga fimona ja cuinaca izói duere finódeza, —daide.

¹⁷ Jesús daíi daína cacáillano, ie éoidino méaicaidiaioi. Mei íadi nana comini afe Jesús finoca áillue ñuefuiáiri ióbidiaioi.

Mostaza daína raroci jéenide íj rafue

(Mt 13.31-32; Mr 4.30-32)

¹⁸ Iemona Jesús daide:

—Juzíñamui illáimana illáruina omoi ónoillena ¿mei ñie izói jino cíotaitícue? ¿Ñie izói afénona mámeiticue? ¹⁹ Afe illarui mostaza daína raroci jéenide íjiaí izoide. Daa come aféjiaína ie jacáfaimo rite. Afe jéenide íjiaí ríllamona afe jéejinide zícua caifo amena dínorí aillo zairide. Afe ícairuaimo feede ófocuizai jíllaina nitíaioi.

Levadura rafue
(Mt 13.33)

²⁰ Nane Jesús daide:

—¿Ñiie izói Juzíñamui illáimana illáruina mámeiticue? ²¹ Afe illáruina “levadura” daína pan aillo fáitate raa izoide. Daa ringo daámani julleco harínana oruítajano áfemo due jiza fáitarana tamede. Iemona nana afe iféllana mulleda oni aillo móonaitade, —daide.

Rillírede naze izoide rafue
(Mt 7.13-14, 21-23)

²² Jesús Jerusalemo jailla llezica, áfemo ite jofue comínina llófuete, naa jéenidigobiaimo. ²³ Afénomo dáamie Jesumo jicánote:

—Ocuíraima, ¿meita jílloitino dúemaci, ero ua? —daide.

Jira Jesús afémie uai ote:

²⁴ —Juzíñamui illáimana illánomo jofo jáirao rillírede naze izoide. Afe rillírede naze izóidedo jofo omoi jáillena riire omoi mamériri. Mei ómoína dáititueza, aillo comini afénomo jofo jáiacaitiaioi, mei íadi jáinitiaioiza. ²⁵ Mei jofo naama náidacaillano naze ibaille mei, omoi ja jinófenemo fiébitiomoí. Afe llezica nazémona jíjiritiomoí: “Ocuíraima, naze caimo tuiño” dáitiomoí. Afe llezica afémie jofona uai óite: “Omoi ninó comínidiomoiza, ómoína onóñedicue,” dáite. ²⁶ Iemona omoi bie izói dáitiomoí: “Cai, o diga güiticaí, daje izói o diga jiródicaí. Cai jofue cigi iomo caina llófufiredio,” dáitiomoí. ²⁷ Mei íadi nane afémie uai óite: “Jae ómoína daidicue, ninó comínidiomoiza ómoína onóñedicue. Omoi nana fiénidifue finófrediomoiza cúemona oni jai,” dáite. ²⁸ Iemona afénomo jino éenaitiomoí. Daje izói zúurenayona murímuritiomoí. Mei Juzíñamui illáimana illánomo Abraham, íemo Isaac, íemo Jacob jofo jáillana cíoitimoiza, naa Juzíñamui uai jino llórainiri. Mei íadi afe llezica omoi ja jino dotálliomoiza. ²⁹ Mei uáfueza, nágafeniamona billano, diga ínotino Juzíñamui illáimana illánomo jofo jáillano güizáibitiaioi. ³⁰ Mei afe llezica dámerie óodaficaidino úcificaitiaioi. Daje izói dáarie úcificaidino óodaficaitiaioi, —daide Jesús

Jesús Jerusalén comíniri eede
(Mt 23.37-39)

³¹ Aféruido fariséuaimona dámerie dúciillano Jesuna daidíaioi:

—Herodes o fáiacadeza, benómona oni jairi, —daidíaioi.

³² Jira Jesús uai ote:

—Mai afe iere abi ráiruide egaí izoide Herodes omoi llujáiri: “Cacaí. Bímonado íemo daje izói uire jiti, fiénide joríaiaína jino óreiticue. Daje izói iráredinona jíllotaiticue. Iemo bai ie uire áfemo cue táijina fúitaiticueza,” daí omoi llujáiri. ³³ Mei íadi birui bie cue bíllaodo nai jáiredicue. Daje izói uire jiti nai jáiredicue, íemo bai ie uire nai jáiredicue. Mei Juzíñamui uai llóramadícueza, Jerusalén jinomo oni jica tíinidicueza, —daide.

³⁴ Iemo Jesús éecana daide: “¡Jerusalén comini! ¡Ñií íaioí dúerena! Juzíñamui uai llórainina fáfrediaioi. Daje izói Juzíñamui íaioimo oreca uai llujáitino nófiéna níjifrediaioi. ¡Diga icaiño íaioína átava ie átavachingo íaico anamo bícua izói, íaioína cue anamo bicóacadícue! Mei íadi áfena jíeruiñediaioi. ³⁵ Ie jira omoi cacai, uire jáíruido omoi jofue zóofegacona mámeite. Omoína daidicue, afénomona are cuena cíóñeitiomoí. Mei cuena “Juzíñamui mámecido bitímie caimare íobidímie” omoi dáiiñelle dinó cuena cíóñeitiomoí, —dinori Jesús daide.

14

Abi fáillari duere zefuúdimie Jesús jíllotata

¹ Ie mei jiáie ocózinai llaruimo Jesús fariséuai illaíma dine güizájide. Afe llezica jiáie fariséuai Jesumo janónaioicana eróidiaioi. ² Afénomo Jesús uiécori daa abina fáillari duere zefuídime illa. ³ Mei jira Jesús ocuica uai llófuefiredinomo jicánote naa fariséuairi.

—Ocózinai llaruimo ¿meita iráredime jíllotarede? ¿Níbai jíllotanide? —daide.

⁴ Mei íadi afémaci uai oñeno tí daií itíaiioi. Iemona afe iráredime bai uáidota jíllotate. Jíllotajano, “Mai o jairi,” daide. ⁵ Afe mei Jesús fariséuaina daide:

—Omoimona bu ocózinai llaruimo íemo ite burro, níbai juráreto, ifomo baiía ¿meita raire naado óñega? ¿Ocózinai llaruí íadi jaca raire caifo ófirediomo! —daide.

⁶ Afemona afe uaina jaca ónidiaioi.

Airena ráfuego uáidoga comini

⁷ Afe güilláfuego bite lloga comini illáicomini ráira izóidino ráillena izire jenódiaioi. Nana uícofiacaciaioi. Jesús áfena cíoillano bie izói íaioina llófuete:

⁸—Ninó dáamie árenafuego omoi uáidoia, illaíma ráiranomo ráiñeno iri. Mei o baimo jamánomoidime níbai dúciiteza. ⁹ Iemona omoi uáidote rafue naama omo lluáibite. “O ráirano mai bímiemo feca,” ona dáite. Afemona íraie ráiranomo meáire ráizaitio.

¹⁰ Mei jíáfodo ninó dáamie irázillena o júria, bai ícoimo ite ráiranomo o ráiri. Afe mei o uáidote rafue naama billa llezica, afémie ona dáite: “Cue onóigamie, bai benó ñuera ráiranomo bi,” dáite. Afe daií nana güiránomo o diga ráiedino eróicana afe rafue naama ñúefue omo jóneiteza. ¹¹ Mei jira naga come dama ie abina jamánomoidena fínoitimie, jamáimiena óreite. Daje izói “Jiba cómedicue” daidímie, jamánomoidimiena jáitaite, —daide.

¹² Afe dáaruído, Jesús ie uáidotimiena daide:

—Güilla rafue o finoa o onóigamaci uáidoñeno iri, naa o ámatiairi. Daje izói o comini uáidoñeno iri, naa o áinori ite ráanaitimaciri. Mei afe íbana ona uáidoitiaioi. Afe daií íbaja izói máíñoitio. ¹³ Mei jíáfodo güilla rafue o finoa dúredino uáidori naa aidáimaciri. Daje izói júbene ídainidino uáidori naa uina cíoñedinori. ¹⁴ Afemona iere caimare ítíoza. Mei afémaci afe íbana omo finónidiaioi. Mei íadi tíide comécina jaícina jóidino nífuenidino meine abido cáalliruimo o íbaja ízoide raa máíñoitioza.

Aillue güilla ráfuego jíáfueña ñue cai onótaita

¹⁵ Afe güilla ráfuego Jesús diga ráiedinomona bífueña cacáillano dáamie Jesuna daide:

—Juzíñamui illáimana illíruimo nabáiritimie caimare ite, —daide.

¹⁶ Mei jira Jesús íena daide:

—Daa come áillue güilla rafue finode. Afe ráfuego gairíllena aillo comini júritade. ¹⁷ Ja rafue mámiarumo táijina ñue fuilla llezica, ie ocuífregamie ie uáidoganomo lluájitate, bie izói daiíllena: “Ja nana raa ñue finócaza, mai omoi biri.” ¹⁸ Mei íadi afe llezica illa dígamie: “Iere cue jétalle íllaza, bínidicue,” daide. Nanóidime daide: “Como cue íbaca cue jacafai méiñuacacacueza; bínidicueza. Cuena ícíñeno iri,” daide. ¹⁹ Iemo jíámie daide: “Ja cinco diga juráreto naa íaioi nabai diga íbádicueza. Aféretuai fueñe fácajiacacacueza. Bínidicueza, cuena ícíñeno iri,” daide. ²⁰ Iemo nane jíámie daide: “Como fueñe ringo otícueza, bínidicue. Eróíñeno iri.” ²¹ Iemona afe ocuífregamie meine jofomo jaillano ie orédimie bie izói íaioi daiízia lluájide. Aferi rafue naama iere ríicaide. Afe jira ie ocuífregamiena daide: “Jofue cígimo ite áillue macáraodo naa duera iodo mai raire jai. Aféuaimona dúredino naa aidáimaci diga bené atiri. Daje llezica júbene ídainidino naa uínidinori benomo atiri,” daide. ²² Afe méifodo íanori íllamona afe ocuífregamie billano daide: “Cue naama, o ocuilla izói ja finódicueza. Mei íadi nai ñue oruíñede. Nai ráiillinona ite,” daide. ²³ Iemona afe naama ocuífregamiena daide: “Mai jofue jinómona joide íuaido, áillue iodo naa dúeodo o jairi. Aféuaimona cue jofu íaioi oruítabilleza ríire oreri.

²⁴ Mei uáfueña ómoína dáitícue: Cue diga güizáibillena fueñe cue uáidogamona buna cue finoca güillena güñeitiaioi,” daide.

Crístodo cai jaille juárede

²⁵ Aféruillaido diga comini Jesudo jáidiaioi. Afe llezica afémie meine gírecaillano íedo jáidinona daide:

²⁶ —Dáamie cuedo jáiacana llezica, ie móotiaina cue baimo izíruiadi cue llófuegamiena ínide. Daje izói dáamie ie aina, ie úruiaina, ie ámatiaina, daje izói dama ie abina cue baimo izíruiá, afémie cuedo bínide. ²⁷ Daje izói dáamie cuedo jaille ícoína ie tílla izire oía afémie cue llófuegamiena ínide. ²⁸ Bífueño comeci facari: ómoimona dáamie jofo níacana uícodo, fueñe comeci facade. Daií comeci facárede ie ofítaga raa ñue nílana fuite dáiñana onóillena. ²⁹ Dáamie daií comeci fácañenia, jofo jáillirai ie naidánia mei, figo ofíñena jira ñue fuitáñeno zoofeite. Iemona afe mei áfena cíoitino afémiena zánoitiaioi. ³⁰ “Bímie jofo níacade íadi fuitánide,” dáitiaioi. ³¹ Daje izói daa illaíma jóbairiacana uícodo fueñe comeci ñue facárede. “¿Meita cuemo ite diez mil fuiríraini, baie cai diga fuirízaibite veinte mil fuirírainina, ñibai anáfenoredicai? ¿Ñibai nai anáfenonidicai?” daií comeci raire uícodo facárede. ³² Afémie ñue comeci fácano: “Baie bitino anáfenonidicai” daiíadi, afémie afe fuirízaibitino nai dúciñena llezica, manánaillena llujáitínona óreite, icíriñeno dájena illifue jicánollena. ³³ Afe izói ómoimona ninó dáamie nana íemo ite raana zóofeacañenia, cue llófuegamiena jáinide.

Sal ie ríino íñenia jaca ráifiñede
(Mt 5.13; Mr 9.50)

³⁴ Sal jaca ñuera, mei íadi ie ríino íñenia jaca jíáie raamo jóonenide. ³⁵ Jacafai éniemo jóonegana canóñede. Daje izói riga raa junáillena fiénide. Jaca éenoñeno oni dotárede. Aquíe izóideza cacácadino mai omoi cacai, —daide.

15

Oveja oni féiraila rafue
(Mt 18.10-14)

¹ Afe mei nana gobierno íbátaga úcube llínoraímaci naa fiénidifuaíredinori Jesús úrillamo cacárezaibitiaioi. ² Iemona fariséuai naa ocuica uai llófuefiredino Jesús zanódiaioi; daidiaioi:

—Bímie fiénidifuaíredinona caimare uáidota afémaciri güite, —daidiaioi.

³ Afemona Jesús bie onótatifue llote:

⁴ —Ómoimona dáamie cien diga ovéjaiai ia, afe ovéjaiaimona daa féiraia, áfena riire jénoite. Mei uáfueza, afémiemo fiébide noventa y nueve ovéjaiai fiiano afe daa féiraitena afémie baille dínó riire jénoite. ⁵ Afe mei afe féiraitimie baillano caimare ie fecábemo bítano jofomo uite. ⁶ Jofomo dúciillano ie onóigamacina naa ie aino comíniri dáanomo gairítajano íaioína dáite: “Ja féiraite oveja cue báigaza. Mai cue diga caimare omoi iri.” ⁷ Mei jira ómoína daidícue: “Afe daje izói daa fiénidifuaíredimie ie comeci ifue méiduari monamo itino jamánomo íóbidiaioi. Mei íadi noventa y nueve diga comeci ifue méidonide Juzíñamuimona oni ñibéfedo jáiñedinori jofófemo íóbidiaioi.

Ucubetuni niné bailla rafue

⁸ Bie jíáie ñúfueño omoi cacarei. Daa ringomo diez diga úcubetuni ite. Afemona dáatuni baide. Afe jenóllena mechera unede. Afe llezica jofo ero rafode. Afe bie izóidedo afe úcubetuni jenócana uite ie baille dínó. ⁹ Afétuni ie báillamona ie onóigangotiai naa ie aino imáciri dáanomo íaioi gairítano íaioína daide: “Jae niné baide úcubetuni ja cue báigaza, mai cue diga caimare omoi iri.” ¹⁰ Nane ómoína dáitícue: “Afe izói fiénidifuaíredimie ie comeci ifue méiduari Juzíñamui abi imaci iere íóbidiaioi,” —daidícue.

Moo anámona oni botade jitó rafue

¹¹ Jesús nane jiáifue llote:

—Daa come mena jitórede. ¹² Afe íaillinoimona íraimie ie moona daide: “O fecalle ráamona cuemo duide dibene cuemo ine,” daide. Iemona afe íaillinoi moo íemo ite ráaniai íaillinoimo fecade. ¹³ Afe méifodo íanori íllamona íraimie íemo duide ráaniai jiáimamo fecade. Fécajano afe iba úcube llínoga jica jiáie éniemo jaide. Afénomo afémie iere fieni illáfuemo jaillano, nana ie llínoga úcube táinomo dótajide. ¹⁴ Iemo ie uiga úcube fuite. Afe llezica afe éniemo aillo júbietaidimaci. Aféruillaído afémie iere jufíruite. ¹⁵ Iemona afeno itímiemo táijina jénuaide. Iemona afe énie ímie ie tóica meróniai uíñollena orede. ¹⁶ Afémie iere júbie méiniamona meróniai ecáinamona güíacade, íadi ninó buna ie ecáñena. ¹⁷ Afemona afénomo dama comeci facade: “Cue moo jofomo ñue ecaca táijitagano ¡nii aillo illa! Iaiói jeíriillamona fiébifirede. ¡Cue nibai benomo júbieri tíitícue! ¹⁸ Meine cue moo illánomo jáitícue. Dúciillano íena dáitícue: Moo, omo fiénidí fue finódícue. Daje izói Juzíñamuimo fiénidí fue finódícue. ¹⁹ Cuena cue jitó dáíñeitioza. Fia o táijitagamiéna mai cue mameri, dáitícue,” afémie comeci facade. ²⁰ Daí íe comeci faca mei, iodo ie moo diné jaide.

Afémie nai jica ítemo ie moo íena ciode. Cíoillano afémieri iere dúecaide. Iemona moo ie jitó dine aizícana jaide. Dúciillano ie jitona iere caimare llínote. Llínuano íena ñitade. ²¹ Afe mei jitó ie moona daide: “Moo, Juzíñamuimo fiénidí fue finódícue, daje izói omo finódícue. Cuena nibai cue jitó dáíñeitioza,” daide. ²² Mei jiáifodo afémie moo ie ocuífíregamacina daide: “Mai raire jamánomo ñúecuero jenoda atíri, afémie jitálleza. Daje izói ebírede onocai icuífoi jítari. Daje llezica ie eiba íco jítari. ²³ Afe dáaruído farede juráreto jiza fatá atíri. Afe ritá cai iráizilleza. ²⁴ Mei bie cue jitó tíilla izóidínomona meine cáadeza. Daje izói ja niné féiraite baitícaíza,” daide. Afemona caimare iráizítiaíoi.

²⁵ Bie féiraítimie dúcina llezica, ie ama nánoramie jino jacáfaimo ite. Afénomona bítemo, jofó áinomo dúcidemo íaiói iráizilla naa íaiói rúaniai cacaina. ²⁶ Ie jira jofómona daa táijítáfíregamie jitócome uáidota jicánote: ¿Mínica rafue finódiaíoi? ²⁷ Afe jitócome íena daide: “O ama dúcina. Afe jira o moo farede juráreto jiza fatátate, mei ie jitó ñue iránino meine dúcina jira,” daide. ²⁸ Mei áfena fidíillano ie ama nánoramie iere ríicaide. Ríicaillano jofó afénomo jáiacañede. Afe jira ie moo afémie diné lluájide. Jofó bíllena caimare íena bífúiaide. ²⁹ Afe llezica ie moona daide: “Onódioza diga fimona o diga ñue táijífiredícue. Jaca o uaina oni caitáfinidícue. Mei íadi jaca ninó daa duera cabrito cuemo fecáñedio, cue nabáñiaíri cue iráizillena. ³⁰ Mei íadi birui bie o úcube jiruíredíngotíaimo dotádimie bíllamo afémie íena farede juráreto fatátatio,” daide. ³¹ Jira ie moo afémiena daide: “Cue jitó, o jaca cue diga ífiredio. Cuemo ite raana nana omo dúideza. ³² Mei íadi bie ráfuena cai fínuana ñue jaícina joide, caimare cai íllena, mei o ama tíilla izóidínomona meine bíteza. Daje izói ja niné féiraite baitícaíza,” daide.

16

Aillue jofó jabóidillaíma izoide rafue

¹ Jesús nane ie llófuegamacina daide:

—Daa aillo ráaredimie ite. Afémiemo ie táijirainina ócuífirede jabóidillaíma ite. Jiáimaci afe ráaredimiena lluaíbitiaíoi: “O jabóidillaíma omo ite ñuera ráaniaína táinomo dotádeza. Afémie figo ocuíñede,” daídíaíoi. ² Ie jira ráaredimie jabóidillaíma uáiduano daide: “O finócafueña cue cacana ¿ñue izói joide? Omo cue iga cue jofó rafue rábiai cuemo izáíbiri, mei cue jabóidillaímana íñeitioza. Nana omo cue jóonegafue o záitalleza. ³ Iemona afe jabóidillaíma comeci facade: “Cue ocuídimie ja oni cue dotádeza ¿ñue izói fínoitícue? Mairíñedicueza, jacafai tiédimiena ínidícue. Comínimo úcube fia jícana meáiruitícue.

⁴ Cue táijina fuille mei jiáie comini cue íaiói llínollena, cue finóllifue ja onódicue.” ⁵ Ie jira nana ie ocuídimiemo ibáredena itímiaí dámierie dáanomo jírillano daide: “O ibáredena cue ocuídimiemo ¿nieze ite?” fueñeidimiemo jicánote. ⁶ Afémie uai ote: “Cien diga látaniaí cáirediji afémiemo cue iballe ite,” daide. Iemo jabóidillaíma daide: “Benó o ibállibe ite. Mai benó raire ráillano, cincúntana llotíbena cúeiri,” daide. ⁷ Afe mei jiáíma uáiduano jicánote: “O ibállena ¿nieze ite?” daide. Jira afémie íena daide: “Cien diga costales trigo afémiemo cue ibáredena ite,” daide. Jira jabóidillaíma íena daide: “Benó o ibállibe ite. Cómobemo ochenta diga costales cúeiri,” daide. ⁸ Ocuídímie áfena fidíillano, afe ibállibe táinona méidotimiemo iere báitafue nitade. Iemona ja onógaza, bínie comini dani íaiói nícidogafuiaina Juzíñamuimo ínotino baímo iere baitádiaíoi.

⁹ Bie izói omoi íllena llóiticue. Bie fiénide énie ráaniaído, mai omoi nabáiñiaína maiñori, ráaniaí fuilla méifodo ómoína jofo íaiói llínolleza. Mei ómoímo ite ráaniaí ñue omoi uíñuado omoi ñue ínofirenana jino comínimo ácatatiomoíza. Afe izói Juzíñamuimo omoi ñue ínofirenamona Juzíñamui ie zíñona illánomo ómoína llínoíteza.

¹⁰ Due jiza ite raana ñue úiñotímie daje izói aillo raa íemo íadi áfena afémie ñue úiñoíte. Mei jiáífodo due jiza ite raana figo úiñoñedímie daje izói aillo raa íemo íadi afémie áfeniaí figo úiñoñeíte. ¹¹ Ie jira bie fiénide éniemo ite ráaniaí figo omoi úiñoñenia, ¿bu mei zíñona ráifide ráaniaí ómoímo fecalle? ¹² Daje izói jiáímacímo jainaide raana figo omoi úiñoñenia, ¿bu mei ómoímo dúide raa ómoímo fecalle?

¹³ Dáaruido buna mena ocuídimiemo jaináinide. Iaillinoímo o jaináiaí dáamiena éoitio, jiáímana izírúitio. Daje izói dáamie ñue ínoítio, jiáímana jámairúitio. Mei jira onógaza: Juzíñamui o náamataja llezica úcubemo abímo náamatanidío, —dínó Jesús úrite. Daí Jesús úrilla llezica fariséuai ímiaí cacáreidiaíoi.

¹⁴ Afe fariséuai úcubena gáidino Jesús úrillana cacáillano uáitano íeri zadáidiaíoi. ¹⁵ Mei jira Jesús daide:

—Comini eróicana ñúemacina abi maméíomoi, mei íadi omoi comeci ífueña Juzíñamui ñue onode. Mei jii, comini mameca jamánomoidímiaína Juzíñamui éoide.

Juzíñamui illáimana illarui llua uai naa jaiái Moisés ocuica uai diga

¹⁶ Jaiáimona Juan Bautista illágimamo, comini Moisés ocuica uaimo dúidiaíoi. Daje izói Juzíñamui uai jino llóraini llógamo dúidiaíoi. Iemo aféruimona bené Juzíñamui illáimana illarui ñuera uai llócaiga. Iemo afénomo jofo íaiói jáillena izire nícidotiaíoi.

¹⁷ Mei bínie naa mona diga niné táinocaiadi, illa diga ocuica uailaí táinomo faiñeno ñue ícoímo fuitárede.

Jesús iima ie ai dótajado úrite (Mt 19.1-12; Mr 10.1-12)

¹⁸ Daa come ie ai dotáadi, íemo dótano jiáie ringo óiaí, afémie ja jiruífue finode. Daje izói afe dotácango aina otímie ja jiruífue mo baíide.

Aillo ráaredímie íemo Lázaroná mámecíredímie diga

¹⁹ Daa iere ráaredímie ite. Afémie iere ñúecuiruai jirófírede; illaíma jítáogaroillai jítáírede. Afémie nágarui ñue finóbilla rafue finófírede. ²⁰ Daje llezica afénomo dúeredímie Lázaroná mámecíredímie ite. Afémie abi mallízaina oruide. Ráaredímie naze fuemo ráizaífírede. ²¹ Bie dúeredímie ráaredímie güirábanimona dótafírega güille alla güífírede. Ie ráina llezica, jicóniaí ie mállie miáíbífírede.

²² Afe mei diga irui íllamona dúeredímie tíide. Afémie Juzíñamui abi imaci monamo ite paraiso daína ñúenomo uiga. Afeno afémie Abraham abímo ite. Afe mei jiái, ráaredímie tílla raitíaíoi. ²³ Ráaredímie comini duere finólliraimo duere zefuilla llezica, caífo érocaide. Erocaide íadi Lázaro Abraham diga ráinana jicana ciode. ²⁴ Iemona

afe ráaredimie caillide: “Cai jaii Moo Abraham, cuemo dúecai. Lázaro bené ore, iere due jiza jáinoia cue jirótaibilleza, cue iife manánaitallena. Mei bie iraimo iere duere zefuídicueza,” daide. ²⁵ Mei íadi Abraham íena daide: “Nauí o illáfuemo comeci faca. Aféruillaído iere ñue itio. Mei íadi aféruído bie Lázaro iere duere ite. Mei jáifodo birui afémie benó iere caimare ite. Afe llezica o duere zefuídio. ²⁶ Bie baímo, coco cígiri jáie iere afóredino ite, jira benó itino jáiacade ia, jáinide. Daje izói o illánomo itino caífo benó bíacadiaíoi ia, bínidiaíoi.”

²⁷ Mei jira ráaredimie íena daide: “Cai jaii Moo Abraham, Lázaro batí cue moo jofomo o oréllena izire jicádicue. ²⁸ Cue cinco dígade ama benomo bie duere zefuíllanomo íaíoi bíñeillena llotátari,” daide. ²⁹ Mei íadi Abraham íena daide: “Afémacimo Moisés naa Juzíñamui uai llóraini diga cúegana ite. Afe uáillaímo náfueitiaíoi,” daide. ³⁰ Jira afe ráaredimie uai ote: “Cai jaii Moo Abraham, jii, mei íadi tíidinomona dáamie íaíoi mo llujadi, íaíoi comeci ífuea méidoitiaíoi,” daide. ³¹ Mei íadi Abraham íena daide, “Afémaci Moisés naa Juzíñamui uai llóraini uaina náfueñenia, daje izói tíidinomona jáidino uaina íinoñeitiaíoi,” daide.

17

Fiénidifue como bailla iere jacírede

(Mt 18.6-7, 21-22; Mr 9.42)

¹ Jesús ie llófuegamacina daide:

—Jaca nágarui comini fiénidifue como baíitafue íteza. Jáimana fiénidifue como baíitatimie jii dúerena! ² Trigo llaiéra áillue noícina afémie cimoímo ícoínota monáillaímo dotácana baímo ñuera; úrue izói como ínotinomona dáamie fiénidifue como baítañelleza. ³ Afe izóidemono abí omoi rairuri.

O ama omo fiénidifue finóadi, afémiena lletari. Afemona afémie illafue ie méidoia, caimare íena uáidori. ⁴ Mei dáaruído afémie siete dígacaiño o fiéni finóadi, íemo siete dígacaiño ona “Ja daí omo íñeíticue” afémie daízaíbiadi, jaca ninomo íena caimare uáidoitio, —daide.

Juzíñamui como ínuo ríinorede

⁵ Jesús orécana íaíoi Ocuíraímana daide:

—Jamánomo cai ínotari, —daide.

⁶ Mei jira afe Ocuíraíma íaíoi na daide:

—Due uáfuea o ínoiadi rírede raana finóredio. O ínogafue díojina eroide mostaza íjai jéena izoide íadi, bie sicómoro daína aménana bie izói daíredio: “Caífo áijicaillano monáillajimo zójozai,” daídionia afe amena o uaina ínoite.

Tájitafiregamiemo dúidifue

⁷ Omoímona daa cómemo ie tájitagamie íadi, afe tájitagamie jacáfaimona tájiano meine bíadi ¿Meita “Mai ráizaíbi, o écaíticue” dáitio? ⁸ Daínide. Mei jáifodo afémiena ñue dáitio: “Mai cue güille finori. Güillano cue jirole llezica nana cue jitailla raa diga bai atíllena, mamériri. Afe méifomo güillano jíroitoza.” ⁹ ¿Meita nana afémiemo ocuíllana ínuana ocuídime íena “Figora” daírede? Daíñede. ¹⁰ Afe daje izói, nana Juzíñamui omoímo ocuica omoi ínuo fuilla mei, bie izói daíredio: “Ñue tájiraímacíñedicaí. ‘Iere figomaci’ caína daínide. Mei dani caímo duide raa finódicaíza. Baímo jáie finóñedicaí.”

Jesús diez diga chíñaitino jíllotate

¹¹ Jesús Jerusalemo jailla llezica, Galilea énie fuédamo ite duera jófuemo dúcide. Afe jofue daje izói Samaria énie fuédamo ite. ¹² Afe jófuemo dúciacana llezica, diez diga

chínaitino jino bai Jesús diné bitíaiói. Mei íadi afémaci Jesúmona bai jica fiébidiaíói.

¹³ Afénomona riire íena daidíaiói:

—Llófueraíma Jesús, caímo dúecai, —daidíaiói.

¹⁴ Jesús afémacina cíoillano daide:

—Batí lletárainimo omoi abi ácataji, —daide.

Aféno mo íaiói jailla llezica íaióimo ite duícuai jacáibicaide. ¹⁵ Iemo afémacimona dáamie ie abímo ite duico jacáillana cíoillano, Jesús diné abído bite. Billa llezica Juzíñamuimo riire cáimadote. ¹⁶ Jesumo dúcillano afémie ana éniemo fueco diné bíjicaide, Jesuna figura daiíllena. Afe bie izói daidímie Samaria ímie. ¹⁷ Jira Jesús daide:

—¿Afe duícomona jíllotaga diez dígamieñede? ¿Néemei jíáie nueve dígamie? ¹⁸ ¿Meita dama bie jícanemiéna Juzíñamuina abído cáimaduabilla? —daide.

¹⁹ Iemona Jesús afe ímana daide:

—Náidacaillano mai jai. O ínuamona o duícomona ja jíllodioza, —daide.

Juzíñamui illáimana illirui bíllana nie izói ónoíticai

(Mt 24.23-28, 36-41)

²⁰ Fariséuai Jesumo jícanotiaíói, “¿Nírui Juzíñamui illáimana illirui bíite?” Afémie uai ote:

—Juzíñamui illáimana billirui jaca cíoñena. ²¹ Afena “Ba nñe” daínide. Daje izói “Bai batí ite” daínide. Mei Juzíñamui illáimana illino omoi cígimo ite, —daide.

²² Afe mei ie llófuegamacina daide:

—Uire jíáiruido daa birui cue illa izóidiruina cíocaitiomoí, mei íadi cíoñeitiomoí.

²³ Jáímaci ómoína dáitíaiói, “Be nñe,” íemo níbai “Batí ite” dáitíaiói. Mei íadi afénomo jáíñeno iri. Daje izói afémacido jáíñeno iri. ²⁴ Mei ameo llairilla mona enéfemona jica jáínomo cíoina izói, Nanoide íima Jitó billirui afe izói cíocaizaíbite. ²⁵ Mei íadi aferui nai dúcíñeille llezica, afémie fueñe jamánomo duere zéfuite. Daje izói bigímaíai íena ruifíruitiaíói. ²⁶ Noé illágimamo comíni iere fiéni illa izói, afe izói cue billíruimo comíni fiéni íitíaiói. ²⁷ Noé ie finoca áillue nocaemo jáíñena llezica, nana comíni ie lloga uaina náfueñeno ía güíoidiaíói. Güillano jirófirediaíói. Afe llezica íaiói fiéni illafue méidoñeno áireoidiaíói; íemo íaiói jízaníai iníreitaoidiaíói. Jaca daí ítíaiói abína Noé jofo áillue nocaemo jaide. Iemo aillo noci bíide. Jamánomo bíillamona nana afémaci coróbaitiaíói.

²⁸ Iemo Lot illágimamo afe izói ite. Juzíñamuimo coméciñeno güíoidiaíói. Güillano jirófirediaíói; íbajano fécafirediaíói. Jacáfaiaina ritíaiói, íemo jofóniaina níoicaidiaíói.

²⁹ Mei íadi afe Lot Sodoma jófue mona jino bítemo, monámona récíai noci billa izói cocide. Afe llezica iere uzire boode ‘azufre’ daína raa cócia. Afemona nana tímádimaci. ³⁰ Cue Nanoide íima Jitódicueza, cue cíocaizaíbillirui afe izoite.

³¹ Aféruimo daa come ie jofo caifófecomo íadi, ie jofo eromo ite ráaniaina jofo jaillano báiruainide, afénomona botádeza. Daje izói dáamie jino jacáfaimo íadi, abído ie jofomo bínide. ³² Lot aimo omoi uíbicaí. ³³ Ie caana rairuácadímie áfena afémiemona féite. Mei íadi ie cáanana lloñédímiemona afe féiraiñeno, áfena baímo ziiño illínona máíñoite.

³⁴ Iemo nane ómoína dáitíicue, cue dúcíille naí, mena come dájena ínia llezica, íaillinoímona dáamie oni uille. Jáímie fiébicaite. ³⁵ Daje izói mena ríngo daane trigo lláia llezica, íaínguaimona dango oni uille, jíáíngo fiébicaite. ³⁶ Daje izói mena íima jino jacáfaimo táijina llezica, íaillinoímona dáamie oni uille jíáímie fiébicaite, —daide.

³⁷ Daí ie dánana cacáillano, ie llófuegamaci íemo jícanotiaíói:

—Cai Ocuíraíma, ¿mei nínomo?

Jira afémie uai ote:

—Ínóníai dáanomo gairízaífirenamona, rille rifáillanona ñue onódiomoí. Afe izói fiéni finódino oni íaiói úillemona daní íaiói duere finóllinona uáfueña onóigaza.

18

Daa fecingo comínimo riire jicánoraimamo jícajifirede

¹ Afe mei Jesús ie llófuegamacimo daa rafue mamede, nágaruillai fáicanocaiño Juzíñamuimo íaioi jicafireillena. ² Íaioina daide:

—Jófuemo daa Juzíñamuina náfuefinide comínimo riire jicánoraima ite. Daje izói jiáimacina lloñede. ³ Afe daje jófuemo daa fecingo ite. Afengo afe jicánoraimamo úrizabite. “Cue diga icíriacadimiena mai ñue jaícina jicánori,” daide. ⁴ Diga ícaiño afengo afémiemo jáidemo, afémié afengo uai jeire oñede. Mei íadi méifomo afémié comeci facade: “Juzíñamuina jacíruiñedicuenia, daje izói comini uaina náfueñedicuenia, ⁵ mei íadi bie fecingo diga ícaiño cuemo zefuire bíbideza, aféngona ríidoiticue. Afemona afengo cue dine bíñeilleza. Daí afengo are cue zéfuinaitañeilleza,” daí comeci facade.

⁶ Jira Ocuíraima daide:

—Daí bie fiénide comínimo riire jicánoraima daide. ⁷ ¿Meita Juzíñamui ie nizécanona, afe ie mona naio diga íemo izire jicádinona ríidoñeite? ¡Raire íaioina ríidoiteza! ¿Meita “Fui ómoimo llóiticue” íaioina dáite? Dáiñeite. ⁸ Omoina daidicue, afémié juare dibáiño raire íaioina ríidoite. Mei íadi Nanoide Hima Jitódicueza meine cue bíadi, ¿meita cuemo ínotino íte? ¿Meita íñeite?

Fariseo, íemo gobierno ibátaga úcube llínoraima izoide rafue

⁹ Jesús nane jiáifue llote, abí ínuana jiáimaci jámairuitinona ñue llófuellena. Daide:

¹⁰ —Mena íima íaillinoi Juzíñamui jofomo Juzíñamuimo úrizaide. Dáamie fariseo ímie; jiáima gobierno ibátaga úcube llínoraima. ¹¹ Fariseo ímie naidáicana bie izói Juzíñamuimo úrite. “Moo Juzíñamui, ona figura daidicue, mei cue bie jiáie fiénidino izóiñedicueza. Jaca merírifinidicue, jiáimaci jífuefinidicue, daje izói jiruínidicue. Afe baímo bie gobierno ibátaga úcube llínoraima izóiñedicue. ¹² Naga semánamo ménacaiño güiño ífiredicue Juzíñamui íóbitallena. Nágarui cue oga úcubemona, Juzíñamuimo dúide raamo afémiemo fecáfiredicue,” daide.

¹³ ‘Mei íadi afe gobierno ibátaga úcube llínoraima monamo érocáiño oni jica fiébite. Dinó ie illa llezica, iere dúeredicue, daínano ie abí iere zuure finode. Fínuano daide: “Aí, Juzíñamui mai cuemo dúecai. ¡tere fiénidifuiaredimiedicueza!” daide. ¹⁴ Omoina dáititicue, afe úcube llínoraima Juzíñamui anamo ñue illano jofomo jaide, mei íadi afe fariseo ímie ñue fínoñega jailla. Mei uáfueza, abí ínota jamánomoiacadimie anáfeficaide. Mei íadi abí ínoño comécina mánaidimie daidímie jamánomoidimiena jailla, —daide.

Jesús úruiai ñue íllena finode (Mt 19.13-15; Mr 10.13-16)

¹⁵ Afe llezica comini íaioi jézaínidino Jesumo atídíaioi, afémacimo onoi bitállena. Mei íadi áfena ie llófuegamaci cíoillano afe atídínona rairuídíaioi. ¹⁶ Mei jiáifodo Jesús ie llófuegamaci uáiduano daide:

—Afe úruiai dama cue diné bitíaióiza. Afémacina rairuíño iri. Mei Juzíñamui illáimana illíruimo jáitino bie úruiai izóidíaioi. ¹⁷ Uáfueña ómoina dáititicue, fia comécina mánaide úrue izóiñedimie Juzíñamui illáimana illíruimo jaca jofó jáiñeite, —daide.

Ráarede jitócome Jesús diga úrilla (Mt 19.16-30; Mr 10.17-31)

¹⁸ Illáicomínimona dáamie Jesumo jicánote:

—Ñuera Llófueraima, zíñona cue íllena ¿nie izói íredicue? —daide.

¹⁹ Jesús íena daide:

—¿Níbái mei cuena “Fígomiedio” daidio? Abi dine jiáie ñúemiena iñede. Dama Juzíñamui ñuena. ²⁰ Cai ocuúina uáillaina cacádioza: “Jiruífueña finóñeno iri, jiáimana fañeno iri, meríriñeno iri, jiámamo taino lloñeno iri, o moo o ei diga ñue jacíruiri,” —daide.

²¹ Jira afémie Jesuna daide:

—Bíuailaina cue dúemieniadi jaca nai biruido jeire ófiredicue, —daide.

²² Afena cacáillano Jesús daide:

—Mei íadi omo nai daafue fiébide. Nana omo ite ráaniai fécano, afe iba dúeredinomo ine. Afemona monamo ite ziiñona ráifide raa óiena íteza. Afe o ráaniai fecalle mei, mai cuedo bi, —daide.

²³ Mei íadi afena cacáillano iere zúucaide, mei afémie iere ráaredeza.

²⁴ Jesús ie zúucaillana cioillano daide:

—Iere ráaredimie mei íadi ie ráaniaina cue baimo afémie izíruiadi, Juzíñamui illáimana illíruimo jofo jáillena ¡niñ juárena! ²⁵ Camello mámeçirede áillue rille eedo uífodo enéfenemo jailla juánide, mei jiáifodo iere ráaredimie Juzíñamui illáimana illíruimo jaille iere juárede, —daide.

²⁶ Aféfuena cacáidino íena daidíaioi:

—Iemona ¿nímie jílluille? —daidíaioi.

²⁷ Jira Jesús íaioina daide:

—Comínimona finónide raa Juzíñamui finórede, —daide.

²⁸ Afe mei Pedro íena daide:

—Ocuíraima, odo bíllena caimo ite raana fiénocaidicai, —daide.

²⁹ Jira afémie uai ote:

—Uáfueña ómoína dáitícue, Juzíñamui illáimana illano ícoina jofo fiénocaitimie, daje izói ie móotiai naa ie ámatiairi fiénocaitimie, daje izói ie ai naa úruiairi fiénocaitimie ³⁰ nai bíniemo ie illa llezica aillo baimo llínoite. Afe mei monamo ziiñona illino máíñoite, —daide.

Jesús nane dáanomo ie tñillifue lloite

(Mt 20.17-19; Mr 10.32-34)

³¹ Jesús oni eneno doce dígade ie llófuegamaci uillano daide:

—Ja birui Jerusalemo jáiticaiza. Afénomo nana jaiai Juzíñamui uai llóraini Nanoide fima Jitó cuega uai jino zúilleza. Nanoide fima Jitódicueza. ³² Afeno jicánemacimo cue fécaitiaioi, íemo cuena jífánodoitiaioi, íemo cuena báíñoitiaioi, íemo cuena túallaitiaioi. ³³ Iemo cuena rázido fáitiaioi. Afe mei cuena títaitiaioi. Mei íadi daaruiámani illemona tídinomona meine abido cáadimiena íitícue.

³⁴ Afe bífuiaina afémaci jaca onóñediaioi. Daje izói nímiendo úriteza onóñediaioi, mei aféfuiai afémaci baitánide.

Jesús Jericó ímie uínidimie jíllotote

(Mt 20.29-34; Mr 10.46-52)

³⁵ Jesús Jericó jófueño ánozilla llezica daa uínidimie io fueño ráide. Afémie fia úcube jicáfirede. ³⁶ Aillo comíniai jáillana cacáillano afémie, “¿Nífue comuilla?” daide. ³⁷ Jira afémiemo llotíaioi, “Nazaret ímie bíedo jailla,” daidíaioi. ³⁸ Jira afémie jíriocaidide:

—Davidmona comuídime Jesús, Mesía daínámie mai cuemo dúecai, —daide.

³⁹ Uícodo jáidino afémiena “Uriñeno llíicai,” daidíaioi. Mei íadi afémie nai riire caillide:

—Davidmona comuídime, Mesía ímie mai cuemo dúecai, —daide.

⁴⁰ Iemona Jesús náidade. “Afémie cue diné omoi uaji,” daide. Afémie dúcizaibilla llezica Jesús jicánote:

⁴¹ ¿Minícana jítaidio, omo cue finólleza?

Jira uínidimie uai ote:

—Ocuíraima, meine uído cióacadicue, —daide.

⁴² Jira Jesús íena daide:

—Mai érocai. O ínnua ícoínia ja jíllodio, —daide.

⁴³ Daií daina llezica, uínidímie ñue ciode. Afe mei afémie Juzíñamuimo caimátaicana Jesudo jaide. Daje izói nana afe uínidímie jíllonana ciódino Juzíñamuimo caimátaoidiaioi.

19

Jesús Zaqueo uáiduaide

¹ Afe mei Jesús Jericó jófuemo dúciillano, afe jofue cígido jaide. ² Afénomo daa ráaredímie ite. Afémie mámece Zaqueo. Afémie gobierno ibátaga úcube llínnoraimaci illaíma. ³ Bie Zaqueo Jesuna cióiacade ie ónoillena. Ua Jesuna cióacade mei íadi íena ciónide, aillo comíni íllaza, íemo jíái afémie iere íámieza. ⁴ Ie jira Jesús uícomo aizícaillano, sicómoro daina aménamo caifo llíode Jesuna cíoillena. Afe amena Jesús jáillino áinori ite. ⁵ Jesús áfedo jailla llezica, caifo íemo érocaide. Iena daide:

—Zaqueo, raire ana bi. Birui o jofomo fiébiticueza, —daide.

⁶ Ie mei Zaqueo raire ana billano Jesuna caimare llínote. Ua Zaqueo jofomo jáidiaillinoi. ⁷ Comíni áfena cíoillano, nana áferi úrizidiaioi. Daidíaioi:

—Jesús fiénidímie jofomo fiébizaide.

⁸ Iemo Zaqueo náidacaillano Jesuna daide:

—¡Ocuíraima, ero! Cuemo ite ráaniaimona dúredimacimo átuedo fécaiticue. Daa come jífuiano nauí merídícuenia áfena afémiemo meine abido izájiticue. Nane afe emódomo dacaiñoámani afémiemo íiticue, —daide.

⁹ Jira Jesús íena daide:

—Daií o ínuamona Juzíñamui lloga jíllonafue birui jeire o úana ja onódicai. Nauí féiraitio, mei íadi birui ja jíllotagao. Ja Abraham comútagamiedio. ¹⁰ Mei jíi, o izoide ja oni baízaidino jenoda jíllotaibiticue. Nanoide íima Jitódicueza, —daide.

Diez dígade úcubetunimo mameca rafue

¹¹ Jesús bífuiáido úrillana comíni cacana llezica, afémie daa rafue íaioimo llote. Mei Jerusalemo afémie áinozioicaidemo, afémaci comécido “Juzíñamui illáimana illírui ja raire dúciacade,” daidíaioiza. ¹² Jira Jesús íaioina daide:

—Daa íima ñúemacimona comúdimie. Afémie oni jíca jíáiníemo jaide, afémaci illáimana afémie íaioi jóoneacadiaioiza. Afe mei afémie nane abido biite. ¹³ Nai ie jáíñena llezica, ie tájítaganomona diez dígamie uáidote. Uáiduano illa dígamíemo daa iere ráífide úcubetuni fecade. Feca llezica íaioina daide: “Bie úcubetunido nai cue bíñeille díno ráanía oíri. Ua mei, afe fécamo aillo úcubena oni jóoneri,” daide. ¹⁴ Mei íadi dama ie illano comíni afémiena éoidiaioi. Eoillano afémie óodana llóitino orédiaioi. Llotíaioi: “Cai illáimana o íllena jítaíñedicai,” daidíaioi. ¹⁵ Mei íadi afémie illáimana jónega. Jóonia mei dama ie éniemo jaide. Dúciillano úcubetunillaína ígámíai bai uáidote. Uáiduano illa dígamíemo jícanote: “¿Ja nieze úcubena ofítatio?” daide. ¹⁶ Nano jíirigamie íena daide: “Ocuíraima, o úcubemona diez díga baímo óiena nabáidicue,” daide. ¹⁷ Ie jira aféllaíma uai ote: “Iere figura. Ñuera ocuífirigamiedio. Omo due cue ígari ñue ínotioza, diez dígade comíni jofue illáimana o jóoneiticue,” daide. ¹⁸ Afe mei nane jíáimie jírite. Afémie billano daide: “Ocuíraima, o úcubemona cinco díga baímo óiena nabáidicue,” daide. ¹⁹ Nane daje izói bímiemo uai ote: “O cinco dígade comíni jofue lláimana o jóoneiticue,” daide. ²⁰ Afe mei nane jíáimie jírite. Afémie daide: “Ocuíraima, be o úcubetuni. Ñue jacíruiocana cue éenogaza. ²¹ Mei iere ríimiedioza, ona jacíruiticue. O jóoneñegamona jaca ófiredio. Daje izói o ríñeganomona jaca ófiredio,” daide. ²² Afe jira aféllaíma íena daide: “Fiénide

cue ocuífíregamiedio. Dama o daina uaido riire omo jicánoiticue. Cue riirenana onódio íadi, ¿nibái mei cue úcube baimo nabáiñedio? Daje izói cue jóoneñegamona cue ófírenana onódio íadi, íemo jiái cue ríñeganomona jaca cue ófírenana onódio íadi, ²³ ¿nibái mei cue úcube jiáie úcube iránomo jóoneñedio, abido cue jofomo cue billa llezica afe úcube íemo afe baimo jiáie úcube diga cue llínollena?” ²⁴ Iemona afénomo itínona daide: “Bímiemo ite dáatuni uano, diez dígatuni otímiemo feca,” daide. ²⁵ Mei íadi afémaci aféllaimana daide: “Illaima ero, bímiemo ja diez dígatuni ite. ¿Nibái mei jiáie úcubena iga?” daide. ²⁶ Jira afe illaima uai ote: “Mei uáfueza ómoína dáititícue, igámiemo baimo aillo írede. Mei íadi íñegamiemo due ite bairórede. ²⁷ Iemo afe baie cue illaima illana óiacañedino, mai bai bené ati. Atiano cue eróicana afémaci tita,” daide.

Jesús Jerusalén jófuego jofo jaide
(Mt 21.1-11; Mr 11.1-11; Jn 12.12-19)

²⁸ Bie izói daina méifodo Jesús nai Jerusalén diné jaide. ²⁹ Ja Betfagé jófuego, íemo Betania jofue diga, afénomo Jesús dúciacade. Afe jofue Olivo idu áinori ite. Afénomo illa llezica ie llófuegamacimona ménamie orede. Iaillinoína daide:

³⁰ —Batí áinori ite duera jófuego ómicoi jai. Dúciillano afénomo cuinaca búrrona cíoitíomicoi. Afe búrrono nai buna ráiñena. Zúitano cuemo atiri. ³¹ Daa come ómicoimo jicánoia “Níbái mei uiga” daiíadi, “Cai Ocuíraima jitaillano jicaca” ómicoi daiíri, —daide.

³² Afe llófuegamaci íaillinoi jaillano nana Jesús íaillinoína daina izói cíozaidiaillinoi.

³³ Afe burro íaillinoi zúitaja llezica burro naama jicánote:

—¿Níbái mei búrrona zúitádiomicoi? —daide.

³⁴ Jira afe íaillinoi uai ote:

—Cai Ocuíraima jitailla, —daide.

³⁵ Afe mei ja Jesumo uitíiaillinoi. Dúciillano afe burro emodo íaioi iníroína jobédiaioi. Jóbiano afe emódomo Jesús rainádiaioi. ³⁶ Afe búrrodo Jesús jailla llezica, ie jáillao comini íaioi iníroillaina jobédiaioi. ³⁷ Olivo daina ídumona ana íaioi jailla llezica, nana afémiedo jaide Juzíñamuimo ínotino íóbillano caillíoidiaioi. Daje llezica Juzíñamuimo iere caimátaidiaioi, mei diga Jesús uaido daina comúdena nauí uícodo cíodiaioiza. ³⁸ Daidíaioi: —Ocuíraima mámedo bite illaima caimare iri. Caimare uái illafue monamo íteza. Daje izói Juzíñamuimo ebire ñúfuiaína nitáfíreiri, —daidíaioi.

³⁹ Iemo afénomo ite comini cígimo fariseo ímiiaína ite. Afémaci Jesuna daidíaioi:

—Llófueraima, odo jáidinona “Uriñeno” o daiíri, —daidíaioi.

⁴⁰ Mei íadi Jesús uai ote:

—Ómoína dáititícue, bimaci úriñenia nofíciái riire úrille, —daide.

⁴¹ Afe mei afe Jerusalemo ánozilla llezica, afe jófuena cíoillano Jesús eede. ⁴² Eiano cómemo úrilla izói afe jófuena daide:

—Nífuenino uái o illífuena iere o onótaacadícue. Birui ñue o illarui. Mei birui afefue ómoimona báinino íteza, aféfuena onónidiomoi. ⁴³ Mei uáfueza fiénidíruillai ómoimo biite. Aféruimo omoi éoidimaci omoi illa onido nágafeníai nofíbanillaina izói ómoína cirínoitiaioi. Afe mei ómoiri riire fúiritiaioi. ⁴⁴ Iemo ana éniemo ona dótaitiaioi. Dótano afe jófuego ite comínina fáitiaioi. Afe llezica nana afe jofue finoína nofíciái ana dócoitiaioi; mei Juzíñamui ómoína caimare uáiduaíbillarui onóñediomoiza, —daide.

Jesús Juzíñamuimo gairíraco ráfua izói ñue finode
(Mt 21.12-17; Mr 11.15-19; Jn 2.13-22)

⁴⁵ Jerusalemo ie jofo jailla méifomo, Jesús Juzíñamuimo gairíracomo jofo jáillano afeco eromo ite ráaniai fecádino naa íbárioidinori jino jiude. ⁴⁶ Iaióina daide:

—Jaiái Cuegáuaimo daide: “Cue jofo cuemo úrifíreillíco.” Mei íadi afécona merírifíredino jofo izói finódiomoi, —daide.

⁴⁷ Nágaruillai Jesús afécomo llófuefirede. Mei íadi afe llezica lletáriraini illaini, daje izói ocuica uai llófuetino, naa jofue illáiniri ie íaioi fallino jenódiaioi. ⁴⁸ Mei íadi afémie fállena baiñediaioi, mei nana comini afémie uai iere cacáreidiaioiza.

20

Illáicomini Jesús ócuifirena ríino jicánotiaioi

(Mt 21.23-27; Mr 11.27-33)

¹ Afe mei jiáiruido Jesús Juzíñamuimo gairíracomo comini llófue. Afe llezica ñuera jílona uai afémacimo llote. Daií llua llezica lletáriraini illaini, íemo ocuica uai llófuetino, naa ocuide eicomíniri, afénomo dúcidiaioi. ² Dúciillano Jesuna daidíaioi:

—Nie ríinodo bie ráaniaina finódio áfena cai lloiri. Afe omo ite ríino ¿bu mei omo fecaca? —daidíaioi.

³ Jira Jesús íaioina daide:

—Cuemo omoi jicánua izói ómoimo daafue jicánoiticue. Nee mei cue uai omoi ólleza.

⁴ Mei Juan ¿bu comini báutizallena ocuica? ¿Meita Juzíñamui ocuica? ¿Mei nibai comini ocuica? —daide.

⁵ Mei íadi uai oñeno, áfena dani conímamo júfidotiaioi; daidíaioi:

—¿Nie izói mei dáiticaí? “Juzíñamui ocuica” cai daiíadi, Jesús cai uai óite, “¿Nibái mei afémiemo íñoñediomoí?” ⁶ Mei jiáifodo “Comínimona ocuica” cai daiíadi, nana comini nóñena cai níjítiaioi. Mei afémaci “Juan Juzíñamui dibénedo úrifirede” jaca daiífrediaioi.

⁷ Iemona afe illáicomini Jesuna daidíaioi:

—Juan báutizaibillena ocuidimiena onóñedicaí, —daidíaioi. ⁸ Afe jira Jesús íaioina daide:

—Daje izói bie ráaniaí cue fínofirena ríino ómoimo llóñeiticue, —daide.

Fiénide táijidino rafue

(Mt 21.33-44; Mr 12.1-11)

⁹ Afe mei Jesús comínimo úrilla llezica bifue íaioimo llote:

—Daa come jíricuena eroide úvaiaí rillino finode. Afe mei áfemo táijitínomo nano íanori íba llínollena fecade. Fécano oni jiáinomo are íllena jaide. ¹⁰ Afe úvaiaí llizilla llezica, ie ocuífiregamie orede, náamamo dúide dibene afénomo táijidinomona jicállena. Mei íadi afémiemo íñeno fájano ie orédiaioi. ¹¹ Ie jira jacafai naama nane jiáie ocuífiregamie orede. Mei íadi nane afémiena icida fatíaioi. Fájano íñeno fia meine orédiaioi. ¹² Nane afe mei jacafai naama jiáimie orede, mei íadi afe táijidino afémiena bófiانو jino orédiaioi.

¹³ Iirainomo jacafai naama daide: “¿Nie izói fínoiticue? Cue izíruiga jító óreiticue. Afémaci afémiena cíoillano, nibai afémiena caimare jacíruitiaioi,” daide. ¹⁴ Mei íadi táijidino afémiena cíoillano, jofu conímaiaina daidíaioi: “Bímie uire bie énie máíñoitimie. Mai cai falli. Afe mei bínie cáiena jáíteza,” daidíaioi. ¹⁵ Afe mei jacafai jinomo uillano íena titádiaioi.

Jira Jesús jicánote:

—Afe jacafai naama bimácina ¿nie izói fínoite? ¹⁶ Afémie billano afémacimo dúecaiñeno títaitaite. Afe mei afénie jiáimacimo fécaite, —daide.

Afena cacáillano daidíaioi:

—jAfe izói cai ílleza Juzíñamui rairuiri! —daidíaioi.

¹⁷ Mei íadi Jesús íaioimo érocaillano daide:

—Iemona, afe Juzíñamui Cuegáuaina ¿nie izói llóiacade? Afe uai bie izói daide:

Jofu níraini jámairuillano oni fádoica jáillirai ja nahí jáilliraina jaide. Bie daina daiíacade, comini jámairuillano ruifíruigamie ja ñuera jica jalleide illáimana jaide.

¹⁸ Afe jámairuiga nofici maméidimie mo éicitaitimie niné tibérotaitaite. Iemo jiái afe nofici anamo jíitafitino jízefo izói jáitiaioi, —daií Jesús daide.

*Gobierno ibátaga úcube rafue**(Mt 21.45-46; 22.15-22; Mr 12.12-17)*

¹⁹ Afe llezica lletáriraini illaini naa ocuica uai llófuerainiri Jesuna llaitáacadaiaoi, mei afémacido bie rafue afémie llúana onódiaioiza. Mei íadi afémaci comínina jacíruitiaioi.

²⁰ Ie jira ñúemaci izói macáдино Jesumo báinino orédiaioi. Jesuna comeci féillamona fieni úritallena orécaiaioi. Afe fieni ie úrillana cacáillano afémie romano caifóidillaímamo fécaite.

²¹ Jira afémaci Jesumo bie izói jicánotiaioi:

—Llófueraíma, onódicaiza jaca ñue illifue llófuefiredio. Daje izói jaícina ñue úrifiredio. Iemo jino cíoidifuiado izire jicánoñedio. Mei jiáifodo Juzíñamuimo cai jáillido uáfueña úrifiredio. ²² Caimo llone: ¿Romano jamánomoidillaíma ibátaga úcube ibádicainia ñuera? ¿Ñibai fiénide? —daídíaioi.

²³ Mei íadi íaioi ie facátaacanana Jesús onode. Jira íaioina daide:

—¿Ñibái mei jíitaja izói cue finódiomoi? ²⁴ Daa úcubetuni cuemo ácataibi. Afétunimo ite uiéco jana ¿bu íe? Iemo afétunimo ¿nie come mámecei cúeina? —daide.

Jira ie uai otíaioi:

—Romano jamánomoidillaíma uiéco illa, naa ie mámecei diga, —daídíaioi.

²⁵ Jira Jesús íaioina daide:

—Mei íemona romano jamánomoidillaímamo dúide afémiemo fecari. Iemo daje izói Juzíñamuimo dúide Juzíñamuimo fecari, —daide.

²⁶ Nana afémaci comíni cacáicana daina uáillaído ja Jesuna jaca jíitanidiaioi. Mei jiáifodo ie uai úana cacáillano fáigacaidiaioi. Afe mei íaioi uai ollifue íñédeza úriñediaioi.

*Tíide comíni meine abido cáaille jicánotiaioi**(Mt 22.23-33; Mr 12.18-27)*

²⁷ Afe mei saduceo ímíai Jesús diné jaide. Afe saduceuai tíidino meine abido cáañeite daífirediaioi. Jira bimaci Jesuna bie izói daídíaioi:

²⁸ —Llófueraíma, Moisés caimo cuetá fiécabemo daide: Daa come ie ai nai úruenide abina tíia, afémie ama ie fecíngona órede, afémie úruiai ie tíide ama méifomo comuállena. ²⁹ Mei nauí cai cígimo siete diga ámaredimíaina ite. Nanóidimie áireillano nai úruenino tíide.

³⁰ Afe méifoidimie afe fecíngo ote. Ie mei afémie daje izói úruenino tíide. ³¹ Afe mei nane jiáimie daango ote. Uano nai úruenino tíide. Daje izói nana afémie ámatiai daango uano úruenino tíidiaioi. ³² Iirainomo ja afengo tíilla. ³³ Iemona comíni tíillano meine abido cáailliruimo, mei siete dígamie afengo óteza, afengo ¿nie íima aina mámeite? —daídíaioi.

³⁴ Ie jira Jesús uai ote:

—Bie éniemo íñíiai áirediaioi. Daje izói ringóniai ínirediaioi. ³⁵ Mei íadi uire monamo jáitena mamécano, daje izói tíidinomona meine abido cáaitena mamécano jaca áinitiaioi. Daje izói afénomo íaioi jízatiaína jiáímamo ínireitañeitiaioi. ³⁶ Mei afénomo buna tíinideza. Iemona afémaci Juzíñamui abi imáciai izóidiaioi. Tíillanomona meine abido cáaillado Juzíñamui jíotiaína ja mamécaiaioi. ³⁷ Jaiái Moisés illafue cuezánicomo Juzíñamui tíidino meine abido cáaillana caína onótate. Moisés boode rarócina ciona llezica afe bóodemona Juzíñamui daide: “Dáaruido Abraham Juzíñamuidicue naa Isaac Jacob diga,” mei afémaci Juzíñamui illánomo cáadiaioiza. ³⁸ Mei uáfueza, Juzíñamui tíidino íeñede, mei jiáifodo cáadino ie. Mei uáfueza, Juzíñamui eróicana nana cáadiaioiza, —daide.

³⁹ Iemona ocuica uai llófuerainimona dáarie daídíaioi:

—Llófueraíma, ¡ñue daídio! —daídíaioi.

⁴⁰ Afe baímo Jesús facátalle uaina baíñediaioi.

*Cristo ie nano comuídime ¿bu?**(Mt 22.41-46; Mr 12.35-37)*

⁴¹ Afe mei Jesús íaioina daide:

—¿Ñibái mei Crístona David jító dáii firena? ⁴² Mei afe David Salmos rabénicomodaideza:

Monamo ite cai Moo Juzíñamui cue Ocuíraimana daide:

“Bené cue nabézimo ráii;

⁴³ ona éoidino cue anáfenolle dino.”

⁴⁴ ¿Mei nie izói Cristo David jító? Mei afe David afémiena ie Ocuíredimiena mamédeza, —daide.

Jesús ocuica uai llófuefiredinomo fiénidifue nitade

(Mt 23.1-36; Mr 12.38-40; Lc 11.37-54)

⁴⁵ Nana comini cacáicana Jesús ie llófuegamacina daide:

⁴⁶ —Ocuica uai llófuefiredinomona abí omoi rairuiri. Afémaci “jácimacídicaí” daíllena árerói jítáfirediaí. Afémaci gairíranomo jáiadi, iere caimare uáiduana gáidiaí. Afe izói Juzíñamuimo llófueriracomo ñuera ráiiranuai jénofirediaí. Daje izói iráizillafue finua llezica jénofirediaí. ⁴⁷ Daje llezica fecíngotí jofona báirofirediaí. Afémaci comini cíocana ñúemacina daíllena, are Juzíñamuimo úrifirediaí. Afémaci jiáimaci duere finolle baímo duere finólliaí, —daide.

21

Dúerede fecíngo Juzíñamuimo úcube fecade

(Mr 12.41-44)

¹ Jesús Juzíñamuimo gairíracomo illa llezica, aillo ráaredino Juzíñamuimo dúide úcube jóoneranomo úcube dótana cíode. ² Afe llezica dúerede fecíngo cobre finoína mena úcubetuni dótajana Jesús cíode. ³ Cíoillano daide:

—Uáfueña ómoína dáitícue, bie dúerede fecíngo nana jiáimaci baímo dotade. ⁴ Mei nana afémaci íaímo fiévide úcubemona dotádiaí. Mei íadi bie fecíngo dúerede íadi nana aféngomo ite güille íballe úcube dotade, —daide.

Jesús Juzíñamuimo gairíraco niné táinocaite, daide

(Mt 24.1-2; Mr 13.1-2)

⁵ Cominimona dáarie Juzíñamuimo gairíraco ero ebire cíoina llotíaí. Daje izói afécomo ite noficiaí finoína ebire cíoina llotíaí. Afe izói afécomo fia fecaca ebírede ráaniaí llotíaí. Afe jira Jesús daide:

⁶ —Nana bie omoi cíona ebire eróidínuaí uire dáaruído niné táinoficaite. Bico ero ñuera nofítotíaí illa dígatofíaí oni eneno júdaízite, —daide.

Enie fúiacana cai onóllena lloga uai

(Mt 24.3-28; Mr 13.3-23)

⁷ Jira Jesumo jicánotíaí:

—Llófueraíma, o lloga bífuiaí ¿ñiruído íite? Bífue zúille uícodo cai onóille raa, ¿nie izói íite? —daídiaí.

⁸ Jira Jesús daide:

—Omoi jífuefiza abí omoi rairuiri. Mei afe llezica díga “Cue bie Crístodícue” dáitino bíitiaí. Afe izói “Ja birui aferui” dáitiaí. Mei íadi afémaci llógamo ínoñeno iri. ⁹ Comini jóbairillana omoi cacáiaí áferi jacínaiño iri. Daje izói jiáie comini íaí illaíma uáitano jiáimiena méidoiacanari jacínaiño iri. Mei uícodo daí íredeza, mei íadi íraírui nai dúcíñedeza.

¹⁰ Iemo Jesús nai úrioicaide:

—Daa nairaí jiáie nairaí díga fúiritiaí. Daje izói daa zie jiáizie díga jóbairitiaí. ¹¹ Afe llezica díga ígobiaído énie iere ríire docáirite. Daje izói aillo nairaí júbietaitiaí, íemo

jiái aillo comini dáagoberiedo duícotaitiaioi. Aféruído monamo aillo cai jacínaitaite raa cíocaite, naa énie fuille joréñuairi.

¹² Mei íadi nana bífuiái jino déiacana uícodo, fieni finóllena ómoína lláitaitiaioi. Daje izói ómoína rácaitiaioi. Iemo Juzíñamui uai llorácomo ómoína uillano riire jicánodoitiaioi. Iemo ómoína llavéracomó íbaitiaioi. Afe llezica cuemo omoi jainaina jira, jamánomoidillaini naa jabóidillaini uícodo ómoína úitiaioi. ¹³ Daií omoi íaioi uilla llezica cuedo afémacimo ñue úritiomoi. ¹⁴ Abí omoi ríidolle uaimo uícodo omoi comécillena riire mamériñeno iri; ¹⁵ mei aféruimo afémaci uaillai omoi olle uaina ómoímo llóitícueza. Afe llezica ómoína ráfuena ñue baitátaitícue. Afemona omoi éoidino ómoína jaca uáitanidiaioi.

¹⁶ Mei íadi aféruimo omoi onóigamací Crístomo omoi íinua jira ómoína duere finóllena jiáimacimo izájitiaioi. Daje izói omoi ámatiaí Crístomo omoi íinua jira ómoína fécaitiaioi, íemo omoi móotiaí dáafuedo ómoína fécaitiaioi, daje izói jiái omoi nabáiñiaí dáafuedo ómoína fécaitiaioi. Omoimona dáarie tíitaitiaioi. ¹⁷ Aféruído nana nairaí cue ícoiniadi ómoína éoitiaioi. ¹⁸ Mei íadi omoi ífótiraíaimona, daa táinomo báíñeite. ¹⁹ Iemo fáicanocaiñeno omoi ínoiadi, zíñona cáallinona máíñoitiomoi.

²⁰ Jerusalén jofue fuíriraíni nágafene afeno cirínoia, áfena cíoillano, áfedo raíre táinocaillena ónoitiomoi. ²¹ Afe jira afe llezica Judea éniemo itínuaí caifóneduaimo botárediaioi. Daje llezica Jerusalemo itínuaí afénomona oni jica jáirediaioi. Iemo jacáfaimo itino meine abído afe jófuego jáinidiaioi. ²² Mei afe comini duere finólliruimo ja dúcidez. Aféruillaido nana jiaí Juzíñamui Cuegáuái ícoimo ñue fuitárede. ²³ Afe llezica namóciredingotiaína ¡Níi dúerena! Daje izói monoi jirode úruena llíidingotiaína ¡Níi dúerena! Mei aféruillaido afénomo aillo izi cácaitiaioi. Afe énie comini jamánomo duere finólliaioi. ²⁴ Afémacimona jiáimaci jóbairillanomo tíitaitiaioi. Iemo jiáimaci nana nairaí illánomo íaioína llavétaitiaioi. Juzíñamui mamécaruillai dieze, jicánemaci Jerusalén anáfenuano júdaitiaioi. Afe mamécaruillai fuille dino afe jófuena fieni fínoitiaioi.

*Nanoide Hima Jitó Cristo billirui ñie izoite
(Mt 24.29-35, 42-44; Mr 13.24-37)*

²⁵ Afe mei jitómamo, fiuimo, naa úcuairi jacírede raa jánaniaí cíocaite. Afe llezica náiraíai comeci faca mamérilla uaillai niné féite. Iemo monáillaji ficire báguari jacínaitiaioi. ²⁶ Bíníemo comuízaide raamo comécillano íere jacínaitiaioi. Ie jacínaimonona tíidino izói íficaitiaioi. Mei afe llezica nana monamo itínuaí riire mozíoide ráaniaí niráiricaiteza. ²⁷ Afe mei Nanoide Hima Jitó Crístona cíoitiaioi. Afémie íemo ite ríino naa dama íemo ite ebíredifuaíri uílliedo ana bite. ²⁸ Bífuiái jino zuílle llezica, ñue omoi mamériri; íocire omoi érocari. Mei íanori íllamona omoi jíllotalliomoi, –daide.

²⁹ Daje izói nane bie aménamo mamécafue Jesús íaioímo llote:

–Higuera daína aménamo comeci omoi facari. Daje izói nana jiáie aménamo omoi comécíiri. ³⁰ Iáioi íbiaí firuúllana omoi cíónia, “Ja fimona ánozide” daiífirediomoi. ³¹ Afe izói bífuiái zuíllana omoi cíónamona, “Juzíñamui illáimana billirui ja ánozide,” daiírediomoi.

³² Uáfuena ómoína dáitícue, bigímaíai nai tíñeille llezica nana bie raa jino zúite. ³³ Mona énie díga fúite, mei íadi cue uaillai jaca fúíñeite. Cue lloga raa nana zúite.

³⁴ Omoi comeci riírelleza abí omoi rairuiri. Mei íere aillo güíacanamonaa come comeci riire jáite, daje izói jífáifírenamona. Daje izói dani omoi abí ífue níciduamona come comeci riire jáite. Jira cue billíruimo omoi jácinaíñelleza áfena abí omoi rairuiri. ³⁵ Mei rille jíitafirena raa ónonino jíitaja izói, afe izói aferui nana énie comínina jíitaitaiteza. ³⁶ Jica ía maí ñue omoi finóbiri. Jaca fáicanocaiñeno Juzíñamuimo omoi úrifíreiri, afe nana

bie zúitifuiaimona omoi jíllloillena. Daje izói Nanoide ñima Jitó uícomo meáiruiñeno omoi náidaillena, jaca Juzíñamuimo úrifireillano, jaca ia ñue omoi finóbiri, —daide.

³⁷ Jesús monari Juzíñamuimo gairíracomo llófuefirede. Afe mei naio, Olivos daina ídumo íniaifirede. ³⁸ Nana comini afémie llófuiana cacáreillena nágarui raire jítiramo bífrediaioi.

22

Jesús llaitállena maméritiaioi

(Mt 26.1-5, 14-16; Mr 14.1-2, 10-11; Jn 11.45-53)

¹ Fáitañeno pan güífirera rafue ja ánozide. Afe rafue jíáfodo mameina pascua rafue.

² Iemo lletáriraini illaini naa ocuica uai llófuetinori Jesús fállena jenódiaioi, mei afe llezica comínina jacíruitiaioiza.

³ Iemo aféruído Taife Judas Iscariótemo jofo jaide. Afe Judas doce dígade Jesús orécamacimona dáamie. ⁴ Afe bímie lletáriraini illáinimo naa gairíraco ocuínomo Jesús íaioimo fecállena llujáide. ⁵ Afena cacáillano íobidiaioi. Iemona, “Ucubena o íbaiticai” daidíai. ⁶ Iemona ie íaioi íbaja úcube llínote. Iemo Judas aféruimona comini figo íñena llezica Jesús íaioimo izájillena jenode.

Cai Ocuíraima íraicaiño güillafue

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Ja fáitañega pan güilláruimo dúcide. Afe llezica aféruimo pascua íena ovejai fáfirega.

⁸ Jira Jesús Pedro, Juan íaillinoína ocuide; daide:

—Mai pascuamo güífirera izói uícomo ómicoi finori, —daide.

⁹ Jira afémiemo jícanotiailinoi:

—Afena ¿ninomo finúaitcoco? ¿Ninomo áfena güíacadio? —daide.

¹⁰ Jesús íaillinoína daide:

—Batí jófuemo ómicoi jaille llezica, ícírudo jainoi uitímie cíoitíomicoi. Afémiedo jairi. Afe mei afémie jofo jáillícomo jofo ómicoi jai. ¹¹ Afénomo afe jofo náamana ómicoi daíri, “Cai Ocuíraima ona daide: Cue güillíco ¿ninomo ite? Afécomo cue llófuegamaciri páscuamo güífirera izói güíticue.” ¹² Afe mei afémie caifóidibanimi ite áillocona ácatate. Afeco ero ja ñue finóbide, afécomo cai güille finori, —daide.

¹³ Iemona afe íaillinoi jaillano, nana Jesús íaillinoína daina cíozaidiaillinoi. Iemona afénomo pascua rafue ana güífirera izói, güille finódiaillinoi.

¹⁴ Ja nauízaidemo güizájilla llezica Jesús naa ie oréllinori dáanomo ráizítiaioi. ¹⁵ Afe llezica Jesús íaioína daide:

—Nai cue tíñena llezica bie pascua ana güífirera izói omoi diga iere güíacadicue. ¹⁶ Mei ómoína dáitícue, bie ie rafue dáanomo meine güíñeitícue. Bie rafue Juzíñamui illáimana illíruimo bíñeille dino güíñeitícue, —daide.

¹⁷ Daí daina mei jíróraco llínota Juzíñamuina “Íere figura” daide. Afe mei íaioína daide:

—Bie llínota, conímamo omoi fecari, ¹⁸ mei ómoína dáitícue, Juzíñamui illáimana illíruui nai dúciñena dino, nane dáanomo uva íjina jaca jíroñeitícue, —daide.

¹⁹ Afe mei pan llínota, Juzíñamuina “Íere figura” daide. Daí dainano afe pan dítede. Pan díitano afémacido fecade. Afe llezica daide:

—Bie cue abíza. Tíllinomo fecállícue omoi ñue íllena. Cuemo omoi úbicaifireillena bie izói omoi finófireiri.

²⁰ Daje izói güilla fuilla mei jíróraco llínota, íaioimo fécajano daide:

—Bie jíróraco eromo ite íji Juzíñamui ómoína mameca cómue uai ómoína onótate. Afe ie mameca cómue uai, uafue daíllena cue die totálleza, mei cue die omoi ñue íllena totálleza.

²¹ Mei íadi cue fécaitimie birui benó cue diga güite. ²² Mei jii, Nanoide Hima Jitó Crístodícueza, jaiiai uícodo cuemo mameca iodo jáiticue. Mei íadi cue fécaitimie, jiii dúerena! —daide.

²³ Afe jira conimana daidíaioi:

—¿Cáimona bu mei ie fecalle? —daidíaioi.

Conímamo jamánomoidímie júfidotiaioi

²⁴ Afe mei dani afémaci cígimona níimie jamánomoidímiena daina júfidotiaioi. ²⁵ Mei íadi Jesús íaioina daide:

—Nairai illaini íaioi anamo itínona riire ocuífrediaioi. Daje izói íaioi ocuídinona, jiáimaci “Omoi ñue finódino” daiífrediaioi. ²⁶ Mei íadi omoi afe izói iñeno iri. Mei jiáifodo omoi cígimo ite jamánomoidímie, afémie jiáimaci baimo jamáimiena írede. Daje izói ómoimona ocuífredímie jiáimacina canófredímiena írede. ²⁷ Bífuego omoi coméciri. Dámie güirábanimo güíllena ráina llezica, jiáimie güille bai atífirede. Afe íaillinoimona ¿bu mei iere jamánomoina? Mei uáfueza, güirábanimo ráiidímie jamánomoina. Mei íadi cue omoi cígiri ocuífrega táijifredímie izói iticue.

²⁸ Comini fieni cue facátafirena llezica jaca cue diga ífiredíomoi. ²⁹ Ie jira cue Moo illáimana illánona cuemo illa izói, afe izói ómoimo íiticue. ³⁰ Afena ómoimo íiticue, cue illáimana illánomo cue diga omoi güíllena. Daje izói afe llezica afénomo illaíma ráíiranomo ómoína ráinaiticue, doce dígade Israel náiraimo izire omoi jicánollena, —daide.

Jesús Pedro ie jáanollena uícodo llote
(Mt 26.31-35; Mr 14.27-31; Jn 13.36-38)

³¹ Ocuíraíma Jesús nane daide:

—Simón cácarei. Taife ona facátaiacade. Comini magai izilla izói ona izíacade. ³² Mei íadi Juzíñamuimo ja jicádícue Juzíñamuimo o íñnua féitañeillena. Iemo afe facátainamona abido o bille méifodo, o ámatiai canori, íaioi íinogafuena íaioi fáicanocaiñeillena, —daide.

³³ Iemona Simón Jesuna daide:

—Cue Ocuíraíma, llavéracomo o diga cue jáillena ja finóbídicue. Daje izói afénomo o diga cue túillena ja mamériticue, —daide.

³⁴ Jira Jesús íena daide:

—Pedro, birui ona dáíiticue, átava nai úriñena llezica daacaiñoámani, cuena jáanoitío, —daide.

Jesús facátalle hora ja áinozide

³⁵ Afe mei Jesús ie llófuegamacimo jicánote:

—Nauí ómoína cue ória llezica, ipécona uiñeno, daje izói úcubena uiñeno, íemo jiái eiba icona uiñeno, fia omoi jairi, daidícue. Aféruimo ¿mínica ómoimo nai iñena? —daide.

Jira afémaci daidíaioi:

—Aféruimo ja nana ñue ite, —daidíaioi.

³⁶ Iemona Jesús íaioina daide:

—Mei birui jiáifodo daidícue. Ipécoredímie mai afena ui. Daje izói úcuberedímie úcubena ui. Iemo jiái lloéfainidímie íemo ite iniroi fécajano afe íbado lloefai oíri. ³⁷ Mei Juzíñamui Cuegáuaimo lloga cuemo ñue ícoimo fuitáredeza. Be níuui: “Fiénidímaci cígimo cuena mamédiaioi.” Mei uáfueza, nana cue dibénedo cúegana ñue ícoimo fuitárede, —daide.

³⁸ Iemona afémaci daidíaioi:

—Cai Ocuíraíma, caímo mena lloefai ite, —daidíaioi.

Afémie uai ote:

—Jadie ja figo baite, —daide.

*Jesús Getsemanímo Juziñamuimo úrite**(Mt 26.36-46; Mr 14.32-42)*

³⁹ Afe mei Jesús oni jaide. Ie jáifirena izói Olivos ídumo jaide. Afe llezica ie llófuegamaci afémie diga jáidiaioi. ⁴⁰ Ie jáillanomo dúciillano daide:

—Fiénidifuemo omoi báiiñeilleza Juziñamuimo úrifireiri, —daide.

⁴¹ Afe mei Jesús comini nofici bai nitáfirena dino afémacimona oni jaide. Afénomo Juziñamuimo jicállena ana dújude. ⁴² Daide:

—Moo, o comeci jitáiyadi, bie duere cue zefuúllifueмона cue jíllotari. Mei íadi cue comeci jítaina izói finóñeno iri, mei jááfodo o comeci daina izói finori, —daide.

⁴³ Afe llezica Juziñamui abi ímie monámona Jesumo cíocaide; afémie Jesuna maírtaibite. ⁴⁴ Iemo Jesús ie comeci jamánomo zúurena llezica, afémie Juziñamuimo iere riire jicade. Afemona iere uzínailla izói ie abi úllie iere jino bite. Afe jino bite úllie ie die izoide. Afeji ana éniemo llocode.

⁴⁵ Juziñamuimo ie jícaja fuilla mei, afémie ie llófuegamaci diné jaide. Inídiaioina cíoizaibite, mei zuufue inítagaiaioi. ⁴⁶ Jira íaioina daide:

—¿Níbái mei inídiomoi? Fiénidifuemo omoi báiiñelleza cazíllano Juziñamuimo úrifireiri, —daide.

*Jesús llaitada uitíaioi**(Mt 26.47-56; Mr 14.43-50; Jn 18.2-11)*

⁴⁷ Jesús nai úrioidemo aillo comini dúcidiaioi. Afe doce dígadimonona Júdasna mámeciredimie bitino ifode. Ainozillano afémie Jesús ñítade. ⁴⁸ Jira Jesús afémiena daide:

—Judas, ¿Nanoide ima Jitó o ñítafuedo fécaibitio? —daide.

⁴⁹ Jesús abimo itino áfena cíóillano jicánotiaioi:

—Cai Ocuíraima, ¿bimaci diga lloéfaido fúiriticai? —daide.

⁵⁰ Afe llezica afémacimona dáamie lletáriraini caifóidillaíma ocuífiregamie bofede. Ie jefo nabefo ñetade. ⁵¹ Jira Jesús daide:

—Dama íteza. Mai fáicanocai, —daide.

Iemona Jesús afe jefona ñetácamié jefo jetánote. Afena afémie jacáitate. ⁵² Afe mei Jesús lletáriraini illaini naa gairíraco ocuídino, naa ie lláitaibite éinamacina daide:

—¿Mei níbai merírifiredimiedicue izói lloéfaillairi, naa bigíniairi cuena lláitaibitioi?

⁵³ Naui nágaruillaído Juziñamuimo gairíracomo omoi cue llófuefirena llezica, jaca cuena jetáñediomoi. Mei íadi birui omoi jitaica raa finóllirui. Naio comini íbailla izói, ja birui Taife bínie náamatade, —daide.

*Pedro Jesuna jáanote**(Mt 26.57-58, 69-75; Mr 14.53-54, 66-72; Jn 18.12-18, 25-27)*

⁵⁴ Iemona Jesús llaitada, lletáriraini caifóidillaíma jofomo uitíaioi. Afe llezica Pedro bai jicado jaide. ⁵⁵ Afénomo afeco cigi íbírímo irai bonódiaioi. Aféramo agáidiaioi. Iemo Pedro afémaci cígímo agáizaide. ⁵⁶ Iemo afénomo ite ócuífiregango irai fuemo Pedro ráinana ciode. Afe mei afengo daide:

—Bímie jaca Jesús diga ífirede, —daide.

⁵⁷ Mei íadi Pedro jáanuano daide:

—Afémiena onóñedicue, —daide.

⁵⁸ Afe mei íanori íllamona jíáimie íena cíóillano daide:

—O bie afémaci iéidio, —daide.

Mei íadi Pedro daide:

—Íeñede; cue bie afémaci ímieñedicue, —daide.

⁵⁹ Afe mei jabo are íllamona da hora fidi jíáimie riire daide:

—Uáfueza. Bímie afémie diga ífirede mei afémie daje izói Galilea ímieza, —daide.

⁶⁰ Jira Pedro daide:

—O úrillana onóñedicue. ¿Mínica llotio? —daide.

Ja Pedro úrioidemo átava úrite. ⁶¹ Iemona Jesús Pédro mo érocaide. Afe llezica Pedro afémiena daináfuemo uíbicaide. Be níuui: “Atava nai úriñena llezica dacaiñoámani cuena jáanoitiO.” ⁶² Afemona Pedro jino jaillano zuure eede.

Jesús jifánodoidiaioi

(Mt 26.67-68; Mr 14.65)

⁶³ Jesús llaítada úiñotino afémiena jifánodoiano razido íena fatíaioi. ⁶⁴ Daje llezica ie ui íbáillano, ie uieco fátano daidíaioi:

—¿Bu o faaja? ¡Onóillano jino llone! —daidíaioi.

⁶⁵ Afe llezica diga jiáifuiáido íena báíñotiaioi.

Dáanomo gairide illáicomini uícomo Jesús uitíaioi

(Mt 26.59-66; Mr 14.55-64; Jn 18.19-24)

⁶⁶ Ja mona monáidemo judíuai éicomini, naa lletáriraini illaini, naa ocuica uai llófuetinori dáanomo gairídiaioi. Afe gairítaga illáicomini “Junta Suprema” dainámaci. Afénomo Jesús uillano, jicánotiaioi:

⁶⁷ —Caimo llone, ¿o meita Crístodio? —daidíaioi.

Jira afémie uai ote:

—Afena jii daidícuenia, cuemo íinoñeitomoi. ⁶⁸ Daje izói jiáifue ómoimo cue jicánoia, íbana uai óñeitomoi. Afe izói cuena zúitañeitomoi. ⁶⁹ Mei íadi benómona Nanoide íima Jitó Cristo jamánomo riñorede Juzíñamui nabézimo ráinaite, —daide.

⁷⁰ Afe mei nane afémiemo jicánotiaioi:

—¿Meita o Juzíñamui Jitódio? —daidíaioi.

Jira Jesús íaioi uai ote:

—Jii, dani omoi daina izói níimiedicue, —daide.

⁷¹ Iemona afémaci daidíaioi:

—Ja jiáie uai nábitinona jitáíñedicaí. Cai bie dama ie fuémoma ie fiéni úrillana cacádicaí, —daidíaioi.

23

Pilato uícomo Jesús uitíaioi

(Mt 27.1-2, 11-14; Mr 15.1-5; Jn 18.28-38)

¹ Iemona nana náidacaillano Jesús Pilátomo uitíaioi. ² Afénomo diga fiénidifuiái íemo jóonetiaioi. Daidíaioi:

—Bímie cai comínimo icírafue comuítajana ciódicaí. Iemona comini áferi faillíñaicaidiaioi. Afémie “Romano jamánomoidillaíma íbátaga úcube íbánidicaí,” daide. Afe llezica afémie “Íllaíma Crístodicue” daiífiredede, —daidíaioi.

³ Jira Pilato afémiemo jicánote:

—¿Meita o judíuai Ílláimana? —daide.

Jira Jesús uai ote:

—O daina izói, jii níimiedicue, —daide.

⁴ Iemona Pilato lletáriraini illáinina, naa comíniri daide:

—Bie cómemo fiénidifuená baiñedicue, —daide.

⁵ Mei íadi dáanomo riire daidíaioi:

—Nana Judea comínimo ie llófueinafuiáido icírafue íaioimo comuítate. Fueñe Galilea éniemo daií finode, íemo birui cai éniemo nágagobiaído daje izói finode, —daidíaioi.

Herodes uícomo Jesús uitíaioi

⁶ Jesús nauí Galiléamo llófueoinafuena Pilato cacáillano, jicánote:

—¿Bie íima Galilea ímie? —daide.

⁷ Comini daií daidíaiõimo, Heródesmo íena orede, mei afémie Galilea illáimana. Aféruillaído Herodes Jerusalemõ ite. ⁸ Herodes Jesuna cióillano iere ióbicaide. Jaiái ninomo íena cióiacade. Comini Jesudo dáiñana Herodes cacáfiredede. Iemona Jesús daa ciórainina raa ínuana Herodes cióacade. ⁹ Iemo Herodes diga icaiño diga ráfuiái íemo jicájicanode. Mei íadi Jesús jaca uaina õñede. ¹⁰ Dáanomo lletáriraini illaini ocúicafue llófueraíniri itíaiõi. Bimaci Jesumo fiénidifuiái riire jóonetiaõi. ¹¹ Iemona Herodes ie fuíríraini diga Jesuna ja jámairuitiaõi; iere íena áifedotiaõi. Afe mei ebírede illaíma ínóroina íemo jítadíaiõi; jítamona daií afémie jifánodoídiáiõi. Afe meífomo Herodes dáanomo Jesuna Pilátomo orede. ¹² Aféruído Pilato Herodes diga daje nabaina mameide. Jaiái uícodo are conímana éoidiaillinoi.

Jesús titállena maméidiaõi

(Mt 27.15-26; Mr 15.6-15; Jn 18.39-19.16)

¹³ Afe jira Pilato lletáriraini illaini, íemo ríimaci naa comini dáanomo gairítano daide:

¹⁴ —Bie omoi lloga comínimo icírafue comúitatimie. Mei íadi omoi cacáicana izire íena jicánoticue. Jicánuamona ie fieni finócafueña baiñédicue. Afena cacádiomoi. Daje izói afémie omoi nitaca fiénidifuiái cióñedicue. ¹⁵ Daje izói Herodes nífuena cióñenano afémie abido cuemo orede. Ja ciódiomoiza, bímie titállena íñede. ¹⁶ Afémiena zechétaiticue. Afe mei afémiena zuitada jino óreiticue, —daide.

¹⁷ Afe rafue ana comini cáimacaitallena, Pilato daa llavécamienna zuitáfiredede. ¹⁸ Mei íadi nana comini dájena riire daidíaiõi:

—Bie Cristo oni jica titálleza. Barrabás caimo zuitari, —daidíaiõi.

¹⁹ Naui afe Barrabás llavéracomo llavéidiaõi, mei afémie jofue comini uáitajano jíáie illaíma jóoneacade. Afe llezica afémie jíáimana ie tita ícoínia llavéidiaõi. ²⁰ Pilato Jesuna zuitáacade. Iemona dane dáanomo íaiõimo úrite. ²¹ Mei íadi afémaci riire daidíaiõi:

—¡Cruzmo ie corai! ¡Cruzmo ie corai! —daidíaiõi.

²² Ja dacaiñoámani Pilato íaiõina daide:

—¿Nibái mei ie títaiticue? ¿Afémie níé fiénidifue finode? Ie cue titalle fiénidifueña íemo baiñédicue. Afémiena zechétaiticue. Afe mei afémiena zuitada jino óreiticue, —daide.

²³ Mei íadi afémaci Jesús coráillena ríirerie jicádiaõi. Jamánomo ríirerie íaiõi jícajamona, íaiõi jitaica otíaiõi. ²⁴ Iaiõi jícajana are illa ícoínia Pilato fairíote. ²⁵ Afe jira nana llavécanuiaímona afe nízeza Barrabás Pilato zuitade. Afe Barrabás illaíma uáitano jíáillaíma jóoneacana ícoínia íena llavéidiaõi. Afe izói jíáima ie tita ícoínia, llavéidiaõi. Mei íadi Pilato afe comini jitailla izói Jesuna fecade.

Jesús cruzmo coráidiaõi

(Mt 27.32-44; Mr 15.21-32; Jn 19.17-27)

²⁶ Jesús íaiõi coráiailla llezica Cirene énie ímie Simona llaitádiaõi; Jesús uiga cruz íena uitátatiaõi. Afémie jino jacáfaímona jófueño bite. Jira Jesús rocaca cruz Jesús ódana uitátatiaõi.

²⁷ Afe llezica diga comini afémie ódana jáidiaõi. Daje izói diga ringóniai afémieri zúucaillano éecana jáidiaõi. ²⁸ Mei íadi Jesús aféngotiaimo érocaillano daide:

—Jerusalén ringóniai, mai cueri éeñeno iri. Mei jíáifodo dani omoi abíri eeri. Daje izói dani omoi úruiaimo eeri. ²⁹ Mei jamánomo zúuredíruillaímo dúcítiaíõiza. Aféruimo bie izói dáitíaiõi: “Uruena comúitañedingotiai, ¡nií caimare illa! Daje izói úruenidingotiai, ¡nií caimare illa! Afe izói úrue mónoína jirótañedingotiai, ní caimare itíaiõi.” ³⁰ Aféruimo comini caifóneduaina dáitíaiõi: “Cai emódomo jáíri,” dáitíaiõi. Afe izói duera íduaina dáitíaiõi: “Cai retáidori” dáitíaiõi. ³¹ Mei birui nífuenidímiedicue ia bie izói duere cuena finódiaõi. Iemona jíáíruído fiénidino cue duere zefuilla báimo duere finólliaõi, —daide.

³² Afe llezica mena come, comini fáfredino Jesús diga daane coráillena uitíai. ³³ Calavera maméidinomo dúciillano Jesús coráidiai. Daje llezica afe mena fiénidimie íaillinoi, dáamie Jesús nabézimo, jiáimie ie jarífezimo coráidiai. ³⁴ Ie íai. coraina llezica Jesús daide:

—Moo, íai. fiene finócafue iba oñeno iri; abina onóñediai. daí ñíaza, —daide.

Afe mei fuiríra. onótaraji dotádiai Jesús iniroi áfedo dani íai. maiñóllena. ³⁵ Afénomo ite comini acáritia. Afémaci naa nairai imaci illáicomini. afémie áfeduano daidiai:

—Jiámana jíllotafiredioza, ua o Cristo o íadi, daje izói Juzíñamui nízecamiena o íadi, daje izói Juzíñamui mai o abi jíllota, —daidiai.

³⁶ Daje izói fuiríra. íena áfedodiai. Ainozillano rochíredijina, figóñede vino íena jírotatia. ³⁷ Jirótano daidiai:

—Judúuai Illa. o íadi o abi jíllota, —daidiai.

³⁸ Ie ifo acónimo cuezábici. jae jónega. Afébici dazieamani uai cúeina: griego, íemo latín, íemo hebreo diga. Afébicimo daide:

“Bímie Judúuai Illa.”

³⁹ Coraica fiénide íaillino. mona dáamie Jesús uáitano daide:

—Cristona o íadi, mai o abi jíllota coco diga, —daide.

⁴⁰ Mei íadi jiáimie ie nabáimie llétajano daide:

—¿Ñibái mei Juzíñamuina o jacíruiñedio? Daje duere finóinafue anamo itíoza. ⁴¹ Coco aillo finócafue ite. Jira dúere finóbidi. coco. Coco finoca fiénidifue iba ua otía. Mei íadi bie íma fiénidifue. finóñede. ⁴² Jira uáitañedimie Jesuna daide:

—Jesús, o illáimana illíruimo o dúciadi cuemo uíbica. —daide.

⁴³ Jira Jesús uai ote:

—Uáfue. ona dáitice, ja birui cue diga ñue ebíredinomo ítio, —daide.

Jesús tílla

(Mt 27.45-56; Mr 15.33-41; Jn 19.28-30)

⁴⁴ Ja jitoma jaíciri illa llezica nániena nauíbicaide. Afe nauilla are ite. Ua jitoma arífemona ana ítemo llícaide. ⁴⁵ Afe llezica jitoma ui duide. Jítreficaide. Daje llezica gairíracomo fetácaroi caifona ana eróicana dáafenedo daingo cúajicaide. ⁴⁶ Afe mei Jesús ficire caillide:

—Moo, cue joreño omo cue ígaza, —daide.

Daí da. nano tíide.

⁴⁷ Romano illa. afe íficaidifue cióillanona Juzíñamuimo caimátaide. Daide:

—Uáfueza. Bímie jaca nífuenidimie, —daide.

⁴⁸ Daje izói nana afénomo ite comini bie íficaidifue. cióillano afénomona íai. jófue. jamánomo zuure jáidiai. ⁴⁹ Mei íadi nana Jesús onógamaci aféfuiaimo jícana acáritia. Daje izói Galiléa. mona Jesudo jaide ringónia. jícana acáritia.

Jesús raítia

(Mt 27.57-61; Mr 15.42-47; Jn 19.38-42)

⁵⁰ Judea éniemo ite Arimatea jofue ímie José afénomo ite. Afémie ñue comeci jaícina jóidimie. Afe José judúuai ocuide illáicomino jainaide. ⁵¹ Afe bie José Juzíñamui illáimana illíruimo ocuirifrede. Afe jira afémie jíie judúuai ocuide illáicomini finócana jíeruiñede. ⁵² Ie jira afémie Jesús abi Pilátomo jícajide. ⁵³ Afémie Jesús abi crúzmona ana uano áillue iníroina junide. Junilla mei, idu anamo nofícimo finócajimo afémie Jesús raite. Aféfomo nai buna ráíñena. ⁵⁴ Nana bífuia. viernes nauife dibé. nedo zuide. Jaca uícodo víernemo ocózinai. llaruimo jitaica raana finófredia.

⁵⁵ Afe Galiléamona Jesudo bite ringóniai Jesús ráinano érozaidiaioi. Afe llezica ie abi tíide bíinana ciódiaioi. ⁵⁶ Aféngotiai meine jofomo jaillano, ziórediji, naa abi bíraniairi finódiaioi. Afe mei ocózinaiilaruimo ocuica uai daína izói ocózinaidiaioi.

24

Jesús tíillanomona meine cáadimiena jaide

(Mt 28.1-10; Mr 16.1-8; Jn 20.1-10)

¹ Semana nanódiruido afe ringóniai raire jítiramo Jesús raiafo érozaidiaioi. Iaiói finoca zióredijillai uitíaiói. Iemo jiáie ringóniai íaioina nabáidiaioi. ² Afe ringóniai afénomo dúcidiaioimo, raiafo ibailla nofici nano illa izói iñede. Oni eneno jónega. ³ Aféfomo jofo jáidiaioi, mei íadi jofo jáidiaioimo cai Ocuíraima Jesús abi cióñediaioi. ⁴ Afemona iere jacínaitiaioi. “¿Ñie izói íticai?” daidiaioi. Daíí íaioi daína llezica mena iima aféngotiai áinori naidánana ciódiaioi. Afe íaillinoi quenírede iniroi jítadiaillinoi. ⁵ Afe íaillinoina cíoillano, iere jacínaitiaioi. Jacínaillamona ana éniemo bíjicaidiaioi. Iaiói bíjicailla llezica afe íaillinoi aféngotiaina daide:

—¿Ñibái mei cáadimie tíidino cígido jenódiomoi? ⁶ Afémie ja benó iñede. Ja meine cáadimiena jáideza. Nauí Galiléamo ie illa llezica, ómoína ie daína uaimo uíbicairi. ⁷ Afénomo afémie bie izói ómoína daide: “Nanoide Iima Jitó Cristo fiénide comínimo fecalle. Afémiena cruzmo córaitiaioi. Iemo daruíamani íllemona meine abido cáadimiena jáite,” — daidiaillinoi.

⁸ Afemona aféngotiai Jesús íaioina daíífirana uaimo uíbicaidiaioi. ⁹ Afe mei raiafomona meine bitíaiói. Billano nana bífuiái once dígade llófuegamacimo llotíaiói. Daje izói jáimacimo llotíaiói. ¹⁰ Bífuiái llocana uitíngotiai mámeciai be ñie: Magdalena énie ingo María, íemo Juana, íemo Santiago ei María, naa jiáie ringóniairi. ¹¹ Mei íadi aféngotiai íaioina daínana uáiritaidino úrilla izói cacaide. Jira aféngotiai llógana íñoñediaioi.

¹² Iemo Pedro íñoñede íadi, Jesús raiafomo aizícana jaide. Jofo eromo érocaidemo dama ie juníllaroi dinomo jóidena cíoizaide. Afe mei Pedro afénomo íficaidemo fáigacaillano meine jofomo jaide.

Emaús jofue iomo Jesús cíocaide

(Mr 16.12-13)

¹³ Aféruido afémacimona ménamie Emaús jofue iodo jaide. Afe jofue Jerusalémona once kilómetros dinó jino ite. ¹⁴ Afeodo jailla llezica, nana aféruillaído itífuiaí júfidocana jáidiaillinoi. ¹⁵ Iaillinoi úrilla llezica Jesús íaillinoimo áinozide. Dúciillano afe íaillinoi díga jaide. ¹⁶ Afémiena ciódiaillinoi mei íadi afémiena onóñediaillinoi. ¹⁷ Jira Jesús afe íaillinoimo jicánote:

—Iodo ómicoi jailla llezica, ¿ñifue júfidotiomoi? ¿Ñibái mei iere zuure itíomoi? — daide.

¹⁸ Afe íaillinoimona, Cleofas mámeciredimie uai ote:

—Nana comíni biruillaído Jerusalemo finócafuiaina fidídiaioi.

Afeno ímiedio íadi ¿meita aféfuiaina jaca nai fidiñedio? —daide.

¹⁹ Iemona afémie íaillinoína daide:

—¿Ñifue finódiaioi?

Jira íena daidiaillinoi:

—Nazaret ímie, Jesús ñue riire uai llóraima aillo ebírede raana uaido finode. Afena Juzíñamui eróicana finode, daje izói nana comíni ui cíoicana finode. ²⁰ Mei íadi lletáriraini illaini naa cai ocuídillaini díga afémiena coráiano titállena fecádiaioi. ²¹ Afe llezica íemo ocuídicaí, ua Israel Nairai anáfenodinomona cai jíllotallena. Ja afefue záillamona ja daruíamani íteza. ²² Ie emódomo cáimona ringóniai ja caina jacínaitade. Aféngotiai

raiafomo nai jítiredemo jaillano íaioi ciónana meine caimo lluaíbitiaioi. ²³ Ie abina ciónediaioi. Mei íadi Juzíñamui abi imaci ángeles dainámacina jae ciódiaioi, daidíaioi. Afe ángeles ringóniaina daide: “Jesús caade.” ²⁴ Iemona cáimona raiáfomo jáidiaioi. Dinomo ringónaiiai llua izói baitíaioi. Mei íadi Jesuna ciónediaioi.

²⁵ Jira Jesús daide:

—¡Iere féitafirediomo! Nana uai llóraini daináuaina iere rairuíoicana ínotiomo. ²⁶ ¿Uáfueñede Cristo ie ebíredinomo nai jáiñena llezica, afémiemo bie duere finóbillafue jítáirede?

²⁷ Ie mei nana Cuegáuaimo afémiedo dáinana ñue jino llote. Moisés cuegánicuaimo ite afémiedo úrilla uai ñue jino llote. Daje izói nana jáíe uai jino llóraini llogánicomo itino jino ñue llote.

²⁸ Jófuemo dúcidiaioimo, Jesús iodo nai jáiacadena éroide. ²⁹ Mei íadi afémiena jeruídiaillinoi. Daidíaillinoi:

—Jae nauízaideza, mai benó coco diga fiebi, mei ua jítireoicaideza, —daide.

Jira Jesús jofo jaide íaillinoi diga íllena. ³⁰ Jae íaioiri jofo güirábanimo ráillano pan llínote. Llínuano Juzíñamuina:

—Iere figura, —daide.

Daí dainano dítajano íaillinoimo ite. ³¹ Afe llezica íaillinoi ui tújicaillamona íena onódiaillinoi. Afe mei afémie cióbicaíñena. ³² Conímana daidíaillinoi:

—¿Uáfueñede iodo cai úricana jailla llezica, afémie caimo Cuegáuai jino llua llezica coco comeci náicaitade? ¡Afe uáfueza!

³³ Iemo afénomo are íñeno meine Jerusalemo abido jáizaidiaillinoi. Dinomo once orécamaci naa íaioi nabáiñiari dánomo gairide baizájidiaillinoi. ³⁴ Afénomo itino íaillinoina daide:

—Uáfueza cai Ocuíraima ja meine abido caade, Simón Pedro ja íena ciode. ³⁵ Iemo afe íaillinoi afémacimo nana iomo íaioi úrillafuena llotíaillinoi. Afemona Jesús pan dítda íllamona afémiena íaillinoi onónana gairídinomo llotíaillinoi.

*Jesús ie llófuegamacimo cíozite
(Mt 28.16-20; Mr 16.14-18; Jn 20.19-23)*

³⁶ Afe íaillinoi dáinamo úritiaioimo, Jesús íaioi cígimo náidazaide. Náidacaillano íaioi uáidote; daide:

—Jacíruiñeno, uái omoi iri, —daide.

³⁷ Afémiena cíoillano, “¡Come joreño caimo billa!” dainano iere jacínaitiaioi; cuidíridiaioi. ³⁸ Mei íadi Jesús íaioina daide:

—¿Ñibái mei jacínaitiomo? ¿Ñibái jizíreoicana cue ínotiomo? ³⁹ Bené cue ónoimo érocai. Daje izói cue idaimo eroi. Níimedicue. Cue abi jeta. Cómedicueza ónoi. Ja cue abina ciódiomoiza. ¡Mínica joreño ícurunideza; íeizinide! —daide.

⁴⁰ Daí daina llezica ie onoi ie idai diga afémacimo ácatate. ⁴¹ Mei íadi afémaci íóbidiaioi ia, iere uáinificaidiaioi. Ie jira afémie uáfueña íllana nai figo íñoñediaioi. Jira Jesús íaioina daide:

—¿Benó ómoimo due güíllena ite? —daide.

⁴² Ie jira ruica chamu íemo itíaioi, naa due cíifo iji diga. ⁴³ Afe llínota íaioi eróicana güite. ⁴⁴ Afe mei íaioina daide:

—Nana nauí cuemo íficaidifuiái, nauí omoi cígimo cue illa llezica, ómoína cue daina be ñie. Nana cue dibénedo uícodo cuegáuai daina ñue ícoimo fuitárede: Moisés cuegánicomo cue dibénedo úrite; daje izói jaiai uai jino llóraini cue dibénedo úrite; íemo jáí Salmos cuetímie cue dibénedo úrite. Nana afémaci cue dibénedo úrilla uai ñue ícoimo fuitárede, —daide.

⁴⁵ Iemona Juzíñamui Cuegáuaimo dáinana Jesús afémacina ñue onótate. ⁴⁶ Iaioina daide: —Cuegáuaimo daina izói Cristo jaca tírede. Daje izói daruiámani íllamona afémie tíllanomona meine cáadimiena jáirede. ⁴⁷ Daje izói Jerusalémona oni nana jíáie náraiaimo comini comeci ífuiái íaiói méidollena cue mámecido llórede. Daje izói comeci íaiói méiduamona íaióimo ite fiénidifue múiñua cue mámecido llórede. ⁴⁸ Nana bie cuemo comuídifuiái uai nabáirainidiomoi. ⁴⁹ Ie jira cácarei, cue Moo uícodo lloga fecáacaga Ñuera Joreño ómoimo óreiticue. Afe caifona bille ríino omoi nai llíinoñeille dino, benó Jerusalén jófuemo omoi iri, —daide.

Jesús ja caifo monamo jaide

(Mr 16.19-20)

⁵⁰ Afe mei Jesús afémacina jofue jinomo uite. Betania áinomo jáidiaíoi. Afénomo Jesús onoi caifo ñúitajano íaiói ñue íllena llote. ⁵¹ Daií ie daina llezica afémacimona oni jirecaillano afémie ja caifo monamo uiga. ⁵² Afémiemo íaiói caimátailla mei, abido Jerusalemó iere íóbicana jáidiaíoi. ⁵³ Afemona afémaci Juzíñamuimo gairíracomo ífirediaíoi. Afe llezica aillo ñúefuiái Juzíñamuimo nitáfirediaíoi. Daiítadeza. Jae ñie.

JUZÍÑAMUI ÑUEFUE SAN JUAN LLOGAFUE El Santo Evangelio Según San Juan

Juzíñamui Uaina maméidimie ífcaide

¹ Naga raa táinia uícomo afe Uai dainámie Cristo jaca ite. Afe Uai jaca Juzíñamuimo ite. Afémie Juzíñamui. ² Ua nanóidiruimo afémie Juzíñamuimo ite. ³ Afémiedo Juzíñamui bínie naa ráaniairi finode. Minícana ñede afémie finóñegana. ⁴ Afémiemo cáallino ite. Afe cáallino nana comini egáñote. ⁵ Afe egáñotino jaca jítiredinomo egáñote; íadi afe jítiredino afe egáñotinona jaca dúitanide.

⁶ Daa Juzíñamui orécamie biniemo bite. Afémie mámecei Juan. ⁷ Afémie uai nabáiraimana bite egáñotinodo ñue úrillena. Daí úrizaibite, afémie daináfuedo nana comini ñinollena. ⁸ Juan dama egáñotimieñede. Fia afémie orécamie egáñotimie uai nabáiraimana úrizaibite. ⁹ Afe egáñotimie uáfueña ñue egáñotimie. Bie egáñotimie nana caimo egáñote. Afe egáñotimie biniemo dúcizaibite.

¹⁰ Afe Uai dainámie biniemo ite; Juzíñamui afe Uai dainámiedo bínie finode, íadi biniemo itino afémiena onóñediaioi. ¹¹ Afémie ie éniemo bite, íadi ie comini afémiena llínoñediaioi. ¹² Mei íadi dáarie mei afémiena llínotiaioi; afémiena ñnotiaioi. Afe ñnotino ríinorediuaina igáiaioi, Juzíñamui úruiaina íaioi jáillena. ¹³ Afe úruiaí come móotiaí úruiaí izóí cómuítañega. Come móotiaí bie énie comuilla izóí, comuítatiaioi. Afémaci íaioi comeci jítainafuedo comuítatiaioi, íadi Juzíñamui úruiaí dama Juzíñamuimona comuide.

¹⁴ Afe Uaina maméidimie cai come abi izóí dama ífcaide. Ie mei cai cigiri nano nié dino ite. Afémie comécimo ñuefuiái illa, ua nana izíruillafue uafue diga. Ie jira afémiemo ite ñue ebírenafue caimo cíocaide; afe ebíredifue dama Moo Juzíñamui daade Jitó ie. ¹⁵ Juan afémieri jéerie ñuefuedo úrite. Daide:

—Baie cue úrillamie, ómoimo cue llogámie, cue óodana bitímie. Afémie jae cue uíeco dibénemo jaide, cue íñeniadi íteza, —daide Juan.

¹⁶ Afémie aillo ñuera ráfuiaimona caimo ñue ézicigafuiaina llínoticai. Ua nana fáicanocaiñeno llínoticai. ¹⁷ Juzíñamui caimo ocuífafue Moisedo oreca, íadi izíruinafue uáfuiái diga Jesucristodo bite. ¹⁸ Buna jaca Juzíñamuina cióñena; mei íadi dama daade ie Jitó, ua Moo comeci áinomo itímie, baie Juzíñamui ífueña cai onótatímie.

Báutizaraima Juan Jesucristodo ñue úrite (Mt 3.11-12; Mr 1.7-8; Lc 3.15-17)

¹⁹ Jerusalemo ite judíuai, dárie lletáraini Levítaniai diga Juaamo orédiaioi. Daí íaioina orede báimiemo jicánollena, “Búdio” daíllena. ²⁰ Afémie jáanoñeno llote. Daide:

—Cue Crístoñedicue, —daide.

²¹ Nane dánomo íemo jicánotiaioi:

—¿Búdio mei? ¿O Juzíñamui uai llóraima, Elíadio? —daidíaioi.

Juan: —Íéñedicue, —daide.

Iemo nane jicánotiaioi:

—¿Ñi Juzíñamui uai llóraima bille dainámiedio? —daidíaioi.

Jira uai ote: —Íéñedicue, —daide.

²² Ie jira íena daidíaioi:

—¿Mei búdio? cai orédinomo fairíogafueña cai uíllena. ¿Mei nie izóí caina o abi ífueña daítio? —daidíaioi.

²³ Juan íaioi uai ote:

—Cue dama jofue iñénanomo caillide uáidimedicue. Bai Juzíñamui io jaícina zitari, jaiái Juzíñamui uai llóraíma Isaías daína izói, —daide. ²⁴ Juan diga úrizaitino jae Fariséuaimona orécaiaíoi.

²⁵ Ie mei Juaamo jicánote:

—Mei Crístoñedio, Elíañedio, Juzíñamui uai jino llóraímañedio, ¿nibái mei báutizaibifiredio? —daídíaíoi.

²⁶ Juan íaíoiña daide:

—Fia jáinoido báutizadicue. Mei íadi omoi cígimo daa omoi onóñegamie ite. ²⁷ Cue óodana afémie bite, íadi cue jinomo baitade. Afémie eiba ico igai zuitánidicue, mei jamáimedicueza, —daide.

²⁸ Nana afe Juaamo jicánollena Betábaramo úritiaíoi. Betábara énie Jordán imani ruicáfellemo ite. Ja dinomo nauí Juan comini báutizafirede.

Jesús, Juzíñamui Cordero

²⁹ Afe meifo iruido Juan ja Jesúna ciode. Jesús Juaamo ánozide. Ánozidemo Juan daide:

—¡Eroi! Juzíñamui Cordero daína ie Ovéjana mamécamié. Ua, afémie nana comini fiénidífue oni dóraíma. ³⁰ Nauí afémie cue llogámie “Cue óodana daa íima bite. Ua óodana bitímie cue baímo baitade, mei afémie cue jinófenemo íteza; daje izói cue iñenia afémie jae nano itímieza.” Daí nauí afémiedo úriticue. ³¹ Dama afémiena onóñedicueza, búdimieza. Iadi jáinoido comini báutizaibiticue, Israel nairai afémiena ñue onóillena, —daide.

³² Ie emódomo daide Juan:

—Ja Juzíñamui Ñuera Joreño, Espíritu Santo, bímiemo monámona ana bíllana ciódicue. Fíicirina eroide. Iemo afémiemo fiébide. ³³ Jaca nanómona onóñedicue nibai bu. Mei íadi jáinoido comini báutizallena daí cuena ocuídímie cuena daide: “Ñuera Joreño daa ímamo ana bíllana íemo afémiemo fiébillana o cióadi, afémiena ónoítio. Afémie Ñuera Joreño itátatímie.” Daí cuena daide. ³⁴ Ja íena ciódicue. Ie jira ñue llóraímadicue. Uáfueña lloticue. Afémie Juzíñamui Jitó, —daide Juan.

Jesús nano fueñe ie llófuegamaci

³⁵ Afe meifo iruido Juan mena ie llófuegamie íaillinoi diga, meine batí dáanomo ite. ³⁶ Jesús mácajana cióillano, Juan daide:

—Eroi bímie Juzíñamui Cordero daína ie Ovéjana mamécamié, —daide.

³⁷ Iemo Juan llófuegamie íaillinoi ie daínáfueña cacáillanona oni Jesumo jáizaidiaillinoi. ³⁸ Ie mei Jesús jino érocaidemo, afémiemo íaillinoi jáizaillana ciode. Iaillinoína daide:

—¿Bu mei jenódiomicoi? —daide. Afe íaillinoi afémiena daide:

—Llófueraíma, ¿ninomo itio? —daide.

³⁹ Jira Jesús fairíote:

—Eróizaibi, —daide.

Iemona iedo jáidiaillinoi. Afémie illánona cíozaidiaillinoi. Ie mei, nibai jitoma ana ítemo, afémieoiri iruido fiébidiaillinoi. ⁴⁰ Daa afe íaillinoimona ua Juan llogáfueña cacádinomona, Jesús diné jáidímie Andrés. ⁴¹ Afémie Simón Pedro ama. Afe Andrés, nano fueñe abido ie ama Simón baizaide. Baizájillano íena daide:

—Mesíana, Juzíñamui mámecigamiéna jae baiticai. Cristo jíáfodo mamécamié, —daide.

⁴² Ie mei Andrés Jesús illánomo Simona uite. Dúcidemo Jesús íena cióillano daide:

—O Simona, Jonás jítódio. Iadi biruímona Céfana mámeítio. Pedro jíáfodo mameína.

Jesús Felipe uáidote Natanael diga

⁴³ Afe meifo iruido Jesús Galilea éniemo jáiacade. Jaillano Felipe baizájide. Afémiena daide:

—Cuedo bi, —daide Jesús.

⁴⁴ Afe Felipe Betsaida jofue ímie. Andrés Pedro diga daano imaci. ⁴⁵ Ie mei Felipe dinena Natanael baizájide. Baizájillano daide:

—Moisés ocuica uai cuegánicomo llogámie ja ciódicai. Ua Juzíñamui uai jino llóraini llua izói, afe íaiói llogámiena ciódicai. Afémie Jesús, José jitó, Nazaret jofue ímie, —daide Felipe.

⁴⁶ Natanael dinena daide:

—¿Niga ñúefue jadí Nazarémona fídiitio? —daide.

Felipe uai ote:

—Eróizaibi, —daide.

⁴⁷ Jesús Natanael áinozillana cióillano daide:

—Benomo bite nahí israelita ímie; jífuiafue afémiemo ñede, —daide.

⁴⁸ Ie jira Natanael Jesumo jicánote:

—¿Nie izói cuena onódio? —daide.

Iemo Jesús íena daide:

—Felipe nai ona uáidoñenia, ona ciódicue. Ua higuera anamo o íllana ciódicue, —daí Jesús daide.

⁴⁹ Iemo Natanael daide:

—Llófueraima, O Juzíñamui Jitódio. Israel Illáimadio, —daide. ⁵⁰ Jesús ie uai ote:

—¿Dama cue dáinana higuera anamo ona ciódicue iedo daí cuena ínotio? —jicánote Jesús. Afe emódomo Jesús íena daide:

—Bie rafue jinomo jíaie áillue ráfuena cíoitio, —daide. ⁵¹ Iemo afe emódomo Jesús afémacina daide:

—Uáfuena ómoimo llóiticue. Mona túiñuana cíoitio moi. Iemona Juzíñamui abi imaci, ángeles dainámaci, cuemo ana bíitiaioi, caifo cúemona jáitiaioi. Mei Nanoide fima Jitódicueza. Afena cíoitio moi, —daide.

2

Galilea éniemo Caná jófuego áirenafue

¹ Daruíamani íllamona, jadí Caná jófuego, Galilea éniemo, áirenamona irázillafue finódino. Jesús ei afénomo ite. ² Jesús naa ie llófuegamaciri ja afe áireina ráfuego uáidogamací. ³ Afe irázillafuego jirórai, vinoi fuilla. Ie ei Jesuna daide:

—Ja vino ñede.

⁴ Jesús uai ote:

—Ei, ¿nibái cuena daí daidio? Cue jíeruillaruiamo nai dúciñede, —daide.

⁵ Mei íadi afengo afénomo ite jirole atírainina daide:

—Mai, nana afémie daina diga fino, —daide.

⁶ Dinomo seis diga ícíruai, nofiruai ráide. Judíuai afe ícíruai orúitajano jíaimaci ñue oréllena nícidofirediaioi, íaiói abi fiénidifue dóllena. Naga ícírumo ochenta o cien litros orúizite. ⁷ Iemo Jesús atírainina daide:

—Jadíe ícíruai jáinoina orúitari, —daide.

Iemona fuemo jibíezidiaioi. ⁸ Iemo Jesús íaioina daide:

—Due uano rafue náamamo uiri, —daide. Daí finódiaioi.

⁹ Iemo afe rafue naama jainoi facádemo, jáinoñede. Jae vino. Rafue naama onóñedemo ícíruai jáinoina orúizite. Dani atídino áfena onona. Afe vino nimánuanona, rafue naama ringo óiacadímie uáidote. ¹⁰ Iena daide:

—Nágamiiai ñúeji nano fueñe atífrediaioi. Ie mei nana uáidogamací aillo jirole mei, jamai vino atífrediaioi. Mei íadi nai biruido ñúeji ja o éenoga, —daide.

11 Afe vino méiduafue ua Jesús nanoide uaido daingo comuítaga raa; afefue Galilea éniemo, Caná jófuemo finoca. Bie uaido comuítaga raado afémie ie ebírede riino jino ciótate. Iemona ie llófuegamaci ñue íena ínotiaioi.

12 Ie meífoto Capernaúmo, Jesús jaide ie ei diga, ie ámatiai diga, ie llófuegamaciri. Dinomo ja bai niga mona itíaioi.

Jesús Juzíñamui gairíraco ñue duafue
(Mt 21.12-13; Mr 11.15-18; Lc 19.45-46)

13 Aféruillaido Judíuai pascua rafue ánozide. Iemona Jesús Jerusalemo jaide. 14 Afe dinomo gairíraco eromo juráriai, ovejai, íemo fíicirillai dieze fecáriraimacina Jesús ciode. Dáanomo úcube méidoraini ráiidiaioi. 15 Afena cíoillano Jesús ñécigai móillano jiura finode. Afedo gairíraco erómona nana fecáriraini íaioi juráriai ovejai diga jino jiude. Daje llezica úcube méidoraini úcubetunillai Jesús ana jutade. Íaioi úcube facádorabani Jesús oni caitade.

16 Fíiciri fecárainina daide:

—Bie raa benómona oni ui. ¡Cue Moo jofo fecáriracona mamériño iri! —daide.

17 Ie mei afémie llófuegamaci jaiiai cuezáuai úbicaidiaioi. Afe uai llote: “O jofo cue ríiduamona cue abi íñeite izoide,” daide.

18 Iemona Judíuai aféniemo jicánote:

—¿Minícado o riinona cai ácatatio? ¿Bie raa o finuana bu o ocuilla? —daidíaioi.

19 Jesús íaioi uai ote:

—Cue riino ómoimo bie izói ácataticue. Bie gairíraco omoi júdai, ie mei daruíamani íllemona meine nane caifo cue raiñolle, —daide.

20 Jae judíuai Jesuna daidíaioi:

—Cuarenta y seis fimona niga gairíracoca; ¿leca daruíamani íllamona meine abido caifo o ráiñoiti? —daidíaioi.

21 Iadi afémie daina uai gairíraco, dama ie abi llote. 22 Iemona Jesús tíidinomona meine abido cáaillano ie llófuegamaci bie daina uaimo uibíoidiaioi. Daje llezica Cuezáuaina ínotiaioi nana Jesús íaioina daina uai diga.

Jesús nana comini comécina onode

23 Jesús Jerusalemo illano, pascua rafue llezica, aillo comini afémiena ñue ínotiaioi. Ua íaioi cíofinina afémie uaido finuana cíodiaioi. Afena cíoillano afémiena ínotiaioi. 24 Mei íadi Jesús afe cominimo ie abina nai rairuide. Mei nana imaci comécina onódeza. 25 Jíái come aféniemo comini ífuena llónide. Dama afémie dinena íaioi comeci ífuena onode.

3

Nicodemo Jesumo úrillafue

1 Daa Judíuai illaíma mámece Nicodemo. Afémie fariseo. 2 Afe bie Nicodemo naio Jesumo úrizabite. Jesuna daide:

—Llófueraíma, Juzíñamui orécao cai llófuellena onódicai. Juzíñamui cómemo íñeniadi bu bie ríirede cíofinina finuana ácatanide. Ua o finua izói buna finónide, —daide. 3 Ie jira Jesús íena daide:

—Uáfuenta dáititue: meine nane jéiciñegamie jaca Juzíñamui illáimana illánona cíoñeite, —daide. 4 Jira Nicodemo jicánote:

—¡Jae éicomedícai! ¿Nie izói meine jocóllicai? ¿Meine nane ei eromo come jáirede, dáanomo abido jécillena? —daide. 5 Ie jira Jesús uai ote:

—Uáfuenta dáititue: meine nane jáinoína jéiciñegamie, Moo Joréñomona jéiciñegamie diga, ua Juzíñamui illáimana illánomo jofo jáinide. 6 Come móomona jécigamie jaca come. Iadi Juzíñamui Joréñomona jécigamie jaca joreño. 7 Cue ona daináfueri jacinaíño iri. Uáfuenta nágamie comue jéciafue, ua caifona jéciafue jaca jitáirede. 8 Jairifo náganomo

ebena jaiñófirede. Ie jáiñuana cacádio, mei íadi ninena bite, niné jaide, onóñedio. Daje izói nana Juzíñamui Joréñomona jéicigano, afe jairifo izói itíaiói, —daide.

⁹ Jira meine nane Nicodemo jicánote:

—¿Ñie izói bie iite? —daide.

¹⁰ Jesús uai ote:

—¿Ñibái mei jicánotio? O iere aillo Israel llófueraimana o íadi ¿bie ráfuenta onóñedio?

¹¹ Uáfuenta dáititue: cai onóigafuedo úriticai. Cai ciónafuenta féinino lloticai. Mei íadi cai ómoimo llogáfuenta ñnoñediomoí. ¹² Bie énie raado ómoimo cue úriadi nai ñnoñeniadi, ¿nie izói cuena ñnoitio mona ero ráfuedo cue úriadi? ¹³ Buna mona eromo jáiñede. Dama monámona ana bitímie, Nanoide Ima Jitó, monamo jáirena; mei nauí monamo itímieza. Dáamiedicue. ¹⁴ Nauí jaiái Moisés jofue iñénazicimo jaio caifo ráiñua izói ua afe izói caifo ráiñobicaíticue. Nanoide Ima Jitódicueza. ¹⁵ Ua afe cue ráiñua jitáirede nana cuemo ñnotino fiénidifueмо báíñeillena. Mei íadi ñnotino zíñona íitíaiói.

Juzíñamui nana comínina izíruillafue

¹⁶ Jesús nai úrillano daide: Juzíñamui nana comínina iere izíruite. Afe iere izíruillamona Juzíñamui ie daade Jitó caimo ite. Ua, afémie ie caimo ite, nana afémiemo ñnotino jaca ninomo féiraiñeillena; mei jáífodo ñue zíñona íaiói illena. ¹⁷ Comini fiénidifue iba otátaraimana Juzíñamui ie Jitona oréñede, mei íadi ie Jitona orede afémiedo comini jíllobicaillena.

¹⁸ Juzíñamui Jitomo ñue ñnotimie duere finóbiñede. ñnoñedimie jae duere finóbide, Juzíñamui daade Jitomo ñnoñena jira. ¹⁹ ñnoñedino jae duere finóbidiaíoi. Mei ua ñue egáiñotimie ana bie éniemo bítemo, jítinona jamánomo gáidiaíoi, fiénidifue finódinona íaiói illa jira. ²⁰ Nana fiénidifue finóraini úzefona éoidiaíoi. Jaca úzefomo áinoziñede. Ua íemo áinoziñediaíoi íaiói fiéni finócafuenta ónoñellena. ²¹ Uáfueмо começi facáðino úzefomo áinozifirediaíoi. Iaiói finócafue jaca Juzíñamuimo cacáðinona íaiói illa izói finódiaíoi. Uzefo íaiói finócafue jaca daí ñue cíoitae, —daide Jesús.

Báutizaraima Juan Jesudo meine úrizaibite

²² Ie meífomo Jesús Judea éniemo jaide, ie llófuegamaci diga. Dinó diga irui itíaiói. Dinomo comini báutizadiaíoi. ²³ Daje llezica Juan, Enón éniemo báutizade. Enón Salim áinomo ite. Dinomo báutizade, aillo jainoi illa jira. Iemona comini báutizaibitiaíoi. ²⁴ Bifue finódiaíoi Juan nai llavéracomo úiñenia.

²⁵ Juan llófuegamacimona dáarie judíuaimo úrizaide. Comini íaifue oni dollínodo úritiaíoi. ²⁶ Juaana daízaibitiaíoi:

—Llófueraima, nauí o diga itímie, Jordán ruicáfellemo itímie, caimo o llogámie, ja comini báutizade. Nana comini afémie diné jáidiaíoi, —daídíaíoi.

²⁷ Iemo Juan afémacina daide:

—Juzíñamui cómemo ifue fécañenia, bumo ráfuenta íñeite. ²⁸ Cue nauí uáfuedo ðainafue ðani cacáðiomoi. “Crístoñedicue” ðaidicue. Afémie uícodo orécamedicue. ²⁹ Airenafueмо ringo otímie ua ringo óite. Otímie nabai afe ðinó itímie ie úrillana cacade. Cacáillanona íeri iere íóbite. Daje izói biruido cue íóbidicue. ³⁰ Nágarui afémie jamánomo illáimana jáizaide. Ie llezica cue jabómieíticue. Daí jitáirede, —daide.

Caifona ana bitímie

³¹ Juan nai úrite; daide:

—Caifona bitímie nana cai jaináinamie. Bie énie ímie ja bíniemo jainaide. Enie ífuenta úrite. Mei íadi monámona bitímie nana cai baímo jamánomoidimie. ³² Afémie cacánafuedo úrite ie ciónafue diga. Iadi afémie ðainana buna ñnoñena. ³³ Da come ie ðainana ñnoiadi daí Juzíñamuimo fairíote. Ua daí Juzíñamui uáfuenta ðainafue uáfuetate. ³⁴ Juzíñamui

orécamié Juzíñamui uáillaido úrite, mei Juzíñamui ie Joreño afe orécamiemo facáñeno nana íteza. ³⁵ Moo ie Jitona izíruite. Naga itínuiaina afémiemo fecade. ³⁶ Iemo ie Jitona ínotimiemo fúíñeite illánona íemo ite. Mei íadi Jitona ínoiacañedimiemo afe fuiñédinona íñeite. Juzíñamui afémiena iere duere fínoite.

4

Jesús Samaria ingomo úrite

¹ Fariséuai Jesús Juan baímo aillo comíni jáillana fidídiaioi. Daje izói Jesús Juan baímo báutizafírenana fidídiaioi. ² Mei íadi Jesús báutizañede; dama ie llófuegamaci báutizaja. ³ Afena Jesús fidíllanona Judéamona meine abido Galilea éniemo jaide.

⁴ Jesús jailla llezica Samaria énie cígido jáirede. ⁵ Ie mei Samaria jófueмо dúcide. Afe jofue mámeци Sicar. Sicar áinori Jacob feci énie ite. Afe éniena ie jito Josemo maiñótate.

⁶ Dáanori Jacob jainoi orano ite. Jesús iodo mácajamona zegónaite. Ie jira jainoi orano abímo ráinade ocózinaillena. Jae jaíciri íacademo. ⁷⁻⁸ Ie llófuegamaci jófueмо güille jae íbajidiaioi. Iemo Samaria ringo dúcide. Jainoi uáibite. Iena Jesús daide:

—Jáinoina cue jírota, —daide. ⁹ Ie jira Samaria ringo Jesuna daide:

—¿Níbái mei jainoi cuemo jícadío? Odi judíodio. Cue Samaria ingódicue, —daide. (Ua jaiái dínomona judíuai samarítánuaímo nabáirirainide.)

¹⁰ Ie jira Jesús uai ote:

—Juzíñamui fia fecalli raa o onóadi, ua áfena raire cuemo jícaítio. Daje izói omo jainoi jícadímiena, o onóadi ua raire cuemo jícaítio; íemona ua cáadijina o íitícue, —daide.

¹¹ Afengo afémiena daide:

—Íima, o jainoi olle raa íñede. Jainoi orano afórede. ¿Nínómona cáadijina cue íitio? ¹² Cai jaiáigimie Jacob bie jainoi orano caímo iga. Benómona afémie jíruaide ie úruiai diga. Ua dájemona afémie tóiníai jíruaide. ¿O iere afémie báimoidio? —daide.

¹³ Jesús uai ote:

—Nana bie jáinoimona jíródimaci nane meine abido jíróacaitiaioi. ¹⁴ Mei íadi cue jírótagano jaca meine abido jíróacañeítiaioi. Omo cue ille jainoi ua zíñona íitiji. Nágáruí caímare o ítátaite. Illánona fúíñeítinona omo íficaitaite, —daide.

¹⁵ Ie mei ringo afémiena daide:

—Íima, jadíe jáinoina cue ine; ja cue jíroacañeílleza, ua nane meine bie jainoi oránomo cue bíñeílleza, —daide.

¹⁶ Jesús aféngona daide:

—O íni jíirizairi ie mei bené bi, —daide.

¹⁷ Ringo uai ote:

—Ínínidicue, —daide.

Ie jira Jesús aféngona daide:

—Uáfueña daidío. Ínínidío. ¹⁸ Jae cinco dígacaiño íniréidío; birui o illámie o íníñede, —daide.

¹⁹ Afena cacáillano ringo afémiena daide:

—Íima, Juzíñamui uai llóraímiedío ja onódicueza. ²⁰ Cai jáiaimaci Samarítánuaí bie ídumo Juzíñamuina íóbitadiaioi; ñúéfuedo íemo úrizabítiaioi. Mei íadi o íemo naa judíuairi jíáfodo daidíomoi. Jerusalemo cai gairíllano Juzíñamuina cai íóbitallena daidíomoi, —daí afengo daide.

²¹ Jesús uai ote:

—Ringo, cuena íno. Jáíruímo ja dúciizaide. Aféruímo bídumo bíñeno, Juzíñamuina íóbitaitíomoi. Daje izói Jerusalemo jáíñeno, Juzíñamuina íóbitaitíomoi. ²² Omoi íóbitagamiena onóñediomoi. Iadi cai íóbitagamiena onódicai, níbai jíllonafue judíuaimona

bíteza. ²³ Jae como cue llogáruimo dúcide. Jae birui aferui. Naga Moo Juzíñamuina uáfueña ióbitacadimie afe o joreñodo uáfueña afémiena ióbitaite. Daií Moo Juzíñamui cai íena ióbitallena jítaide; ua nana afémiena ióbitaacadino daií bíllana Moo jitaide. ²⁴ Juzíñamui ua Joreño. Afémiena ióbitadino íaioi joreñodo uáfueña ióbitaitaioi, —daide.

²⁵ Iemona afengo íena daide:

—Cue onódicueza Mesías biite. Afe Mesías daína Cristo. Afémie bia nana ñue rafue caimo jino llóite, —daide.

²⁶ Jesús daide:

—Nímiedicue, ori úrilla, —daide.

²⁷ Iemo ie llófuegamaci dúcide. Dúciillano Jesús ringomo úrillari fáigacaidiaioi. Mei íadi buna jicánoñena áfena. Ua afémiemo afengo jitáillana jicánoñediaioi; “¿Minícafuedo úritiomicoi?” íena daiíñediaioi.

²⁸ Ie mei afengo iciru fiénocaillano, jófuego jaide. Dinomo comínimo llujáide:

²⁹ —Nana cue finócafue jino llotímiemo omoi éroizaibi. ¿Bie afe Cristoñede? —daide. ³⁰ Ie jira jófuegona Jesús illánomo jáidiaioi.

³¹ Afémaci bitíaioimo ie llófuegamaci afémiena jicade:

—Llófueraima, due güi, —daidiaioi.

³² Ie jira afémie daide:

—Cuemo ite güillena omoi onóñediomo, —daide.

³³ Ie jira ie llófuegamaci como fueñe conímamo jicánotiaioi:

—¿Jíáie come afémie écaibite? —daidiaioi.

³⁴ Ie jira Jesús afémacina daide:

—Cue orédimie comeci jítaina izói cue finóadi bie cue güillena. Daje izói ie táijina cue fuitáadi, güíticue izoide. ³⁵ Omoi llua: “Nai riga raa ollíruimo cuatro diga fiui ite” daidíomoi. Mei íadi daíticue: Erocai. Ja rigánuemo eroi. Ja jéiaruimo ánozide. ³⁶ Ollemo tájidimie iba llíinote. Afe oga llízieniai jaca ninomo fiébite; ua fúíñeite illánomo fiébite. Ua ríjiraíma óraíma diga dáanomo camátaillena daií ite. ³⁷ Omoi jaiai daína uáfueña llote: “Ríjiraímie dáamie íadi otímie jáímie.” ³⁸ Jae omoi ríñeganomo ómoína orédicue. Jáíimaci tájidiaioi íemo íaioi táijina caimare ínotiomoi, —daide.

³⁹ Aillo Samaria jofue imaci Jesumo ínotiaioi. Ua uafue ringo llogáuaido Jesuna ínotiaioi. Afengo daínauai, be ñie: “Nana cue finócafueña cuemo llote.” ⁴⁰ Ie jira Samaritánuai Jesumo billano jicádiaioi:

—Cai diga iri, —daidiaioi. Ie jira Jesús ménarui íaioi diga ite. ⁴¹ Afémie daínana cacáillano aillo jíáimaci ínotiaioi. ⁴² Ie jira aféngona daidiaioi:

—Nauí dama o daínado jabo ínoticai, mei íadi birui ja cai dani afémiena cacáillano áfedo como ñue ínoticai. Ja onódicai bie ua Cristo, nana nairai jíllotaraimaza, —daidiaioi.

Jesús gobiernomo tájiraíma jító jíllotate

⁴³ Ménarui íllamona Jesús Samáriamona jáizaide Galilea énie iodo jáillena. ⁴⁴ Jae dama Jesús llote:

—Juzíñamui uai jino lloraíma dama ie éniemo jaca jámairuiga, —daide. ⁴⁵ Galiléamo dúcidemo afénomo itino íena ñue llínotiaioi. Ua caimare íena llínotiaioi, ñibai pascua ráfuego Jerusalem nauí Jesús illa llezica jáidiaioi. Iemo aféfuemo nana ie finócafuaína ciódiaioiza.

⁴⁶ Ie mei Jesús meine Caná jófuego, Galilea éniemo jaide. Ua jainoi vínona meíduanomo jaide. Afe llezica Capernaum jófuego gobierno illaíma tájiraíma jító iere irárede. ⁴⁷ Afe tájiraíma Jesús Judéamona Galiléamo dúciana fídiano, afémiemo éroizaide. Ua ie jító jíllotaíbillena jícajide; mei ja ie jító tízaide. ⁴⁸ Iemo Jesús íena daide:

—Onótate ráaniai íemo cíofinina finócafuiai diga omoi cíóñeniadi íñoñediomoi, —daide.

⁴⁹ Iadi gobierno tájiraíma Jesuna daide:

—Ocuíraíma, raíre bi cue jító nai tíñena llezica, —daide.

⁵⁰ Ie mei Jesús íena daide:

—Meine o jofomo jai. O jító jílloteza, —daide. Afémie Jesús íena daina uaina ínote, jira jaide. ⁵¹ Ie jofomo dúcizaidemo ie jaénizai jino íemo bitíaioi. Dúciillano daidíaioi:

—O jító jae jíllode, —daidíaioi.

⁵² Iemo, —¿Nie hóramo jíllode? —íaioimo jicánote. Jira daidíaioi:

—Nauri jaíciri illa mei ie abi bóua llícaide, —daidíaioi.

⁵³ Iedo moo bie daje hora Jesús íena daina hora uícaide. Ua “O jító jíllote” daina hóramo afeza jíllode. Iemona afémie Jesumo ínote, naa ie comini diga.

⁵⁴ Daií Jesús Judéamona Galiléamo billano mena onótate raa finode. Bie jíllotafue ua ie meífodo finoca cíofininafue.

5

Jesús Betzátamo ite tízitaitimie jíllotate

¹ Ie meífomo judíuai rafue ite; jira Jesús meine Jerusalemo jaide. ² Afe jófuego, ovejai naze áinori jainoi ofillano ite. Afeno hebreo ímaci uaido mameca Betzata. Nane dinomo cinco diga gairíraño ite. ³ Bie gairira macáranuíaimo aillo iráredimaci bíede: uínidimíai, aidáimíai, tízitaitimíai diga. Bimaci jainoi bagua úíñotíai. ⁴ Daií úíñotíai mei dáruinarie Juzíñamui abi ímie ana billano jainoi bagotáfiredeza. Bagota mei nanoide come jáinoimo ana jáidimie, ie irárenamona ja jíllobicaífirede. ⁵ Dinomo iráredimie ite. Ua treinta y ocho diga fimona irárede. ⁶ Jesús billano ie bíinana cíode. Afémie are jaiai ninómona daií dinomo íllana onóillano, Jesús íena daide:

—¿Jíllobicaícadío? —daide.

⁷ Iráredimie uai ote:

—Ocuíraíma, cue cánoitimie íñede, jainoi bagua meífomo jáinoimo cuena ñuitállena. Nágarui cue jáiacana llezica jáímie nano fueñe jáinoimo dúcide, —daide.

⁸ Jesús íena daide:

—Caífo náidacai. O bírallu llíno. Mai maca, —daide. ⁹ Afe llezica afémie jíllobicaide. Iemo ie bírallu llínuano macáicaide. Aferui ocózinallarui.

¹⁰ Jira judíuai jíllotagamiéna daide:

—Birui jae ocózinallarui. O bírallu rocánollena omo rairuírede, —daidíaioi.

¹¹ Afémie uai ote:

—Cue jíllotatimie cuena daide: “O bírallu llíno; mai maca,” —daide.

¹² Iemo íena jicánotíai:

—¿Bu ona “o bírallu llíno, mai maca” daina? —daidíaioi.

¹³ Mei íadi afémie ie jíllotatimie onóñede, aillo comini dinomo íllaza. Ua Jesús jae jáideza.

¹⁴ Afe mei Jesús gairíraco eromo íena baizájillano daide:

—Mai eroi. Birui jae jíllodío. Meine fiénidífuena finóñeno iri, jamánomo figóñede raa omo jíriñeillena, —daide.

¹⁵ Iemo afémie judíuáimo Jesús íena jíllotatimie llujáide. ¹⁶ Ie jira judíuai Jesuna duere finóllena racadíai; íena fáiacadíai, ocózinallarui aféfuai finua jíri.

¹⁷ Mei Jesús íaioina daide:

—Cue Moo Juzíñamui jaca nanómona biruimo tájide, jira cue nane tájidícue, —daide.

18 Iemona judíuai jamánomo íena fáiacadiaioi; nibai ocózinaiillarui ocuícáfue afémie jáanote. Ie emódomo afémie Juzíñamui izóidimiena dama finótate, “Juzíñamui cue Moo” ie daina jira.

Juzíñamui Jitó ríino

19 Ie mei Jesús íaioina daide:

—Uáfuenta ómoína dáitícue, mei Juzíñamui Jitódícueza, dama cue jítaina izóí minícana finónidícue. Dama cue Moo Juzíñamui finócafue cue ciona izóí birui finódícue. Nana cue Moo finócafue afe izóí nana finofiredícue; ie Jitódícueza. 20 Ua Moo Juzíñamui nana ie finuafue ie Jitomo ácatate, Moo ie Jitó izíruilla jira. Ie emódomo jamánomo áillue finóllí fue íemo ácataite, omoi fáigacaillena. 21 Mei Moo Juzíñamui tíidino cáadinona itátateza, ua cáallinona íaioimo ite; daje izóí ie Jitó nana afémie oíacaiganomo cáallinona ite. 22 Moo Juzíñamui buna jicánoñede íena duere finótallena, mei íadi nana afe jicánolle ríino ie Jitomo iga. 23 Daí nana comini Moo ñue jacíruilla izóí, afe izóí ie Jitona ñue jacíruitiaioi.

24 Uáfuenta ómoína dáitícue: cue uaina cacádimiemo, dáanomo cuena orédimiena ínotimie ja ziiño cáatatinona ite. Afémie duere finóbiñeite, tíllanomona ja bai finona jira; jae cáananomo dúcide. 25 Uáfuenta ómoína dáitícue: tíidino meine cáallirui áinozioicaide. Aferui birui. Ua tíidino Juzíñamui Jitó úrillana cácaitiaioi; íemona nana áfena náfuefiredino cáaitiaioi. 26 Mei Moo Juzíñamuimo cáatalle ríino íteza, daje izóí afe cáatalle ríino ie Jitomo afémie itátate. 27 Dáanomo comini duere finóllena jicánua ríino íemo iga, afémie Nanoide íima Jitona jira. Afe Jitódícue. 28 Afemo fáigacaiñeno iri. Nana tíidino cue úrillana cacáilliruimo dúciiteza. 29 Aféruido raíáfuaímona jino bíitiaioi. Ñúfue finódimaci meine cáadinona íitiaioi ziiñona íaioi íllena; mei íadi fiénidí fue finódimaci meine cáadinona íitiaioi, duere íaioi finóbillena.

Jesús ríino uáfuenta daítatífuiaí

30 Dama cue comeci izóí minícana finónidícue. Moo cue ocuilla izóí comini finuafuaíai riire jicánotícue. Cue jicánuafue jaícina ñue joide; cue jítaina izóí jicánoñedícueza, mei íadi cue orédimie, cue Moo jítaina izóí jicánotícue, afe izóí finóllena. 31 Dama cueri uai cue nabáíadi, cue dainana figo uáfuenta daíñede. 32 Mei íadi jíaimie cueri uai nabáiraíma ite. Afémie cueri dainafue ñue uáfuenta facátate. Afena onódícue. 33 Juaamo jicánuaídiomoi. Afémie ie uai úana jaca uafue. 34 Mei íadi ímamonona cueri uai nabáillana jicáñedícue. Daa bíena dáitícue omoi jíllobicaillena.

35 Juan egáíñora izóidimie. Afe egáíñora bóocabillamona egáíñofirede. Ie egáíñuanomo nano íanori íllamona íóbicaídiomoi. 36 Mei íadi jíaíe cueri uáfuenta facátafue ite. Afefue Juan cueri dainafue baímo ite. Afe uáfuenta facátafue cue finócafuaíai. Aféfuiaí cue Moo cue finóllena ocuícáfuaíai daje izóí jóoideza. Afe jira afe cue finócafuaíai Moo orécacue uáfuenta facátate. 37 Ie dáanomo Moo, cue orédimie cueri uai nabaide, mei íadi omoi ie uaina jaca cacáñediomoi; ie abi cíocaillana jaca cíóñediomoi. 38 Ie uailaí omoi ífócimo déíñede, afe Moo orécamiéna omoi íñoñena jira. 39 Juzíñamui Cuegáuailaí izire jenoda facádotíomoi; dinomo “Ziiñona íllino báitícaí” comécimo facáoidíomoi. Uafue, Cuegáuailaí cueri ñue úritiaioi, 40 mei íadi cuemo bíacañediomoi afe ómoímo ziiñona íllena.

41 Comini cuemo nitáacaga jalléinafuiaí náfueñedícue. 42 Mei íadi ómoína onódícue. Juzíñamuina izíruíñediomoi onódícueza. 43 Cue Moo cue ória jira bitícue, íadi cuena líinoñediomoi. Jáimie dama ie ória izóí bíadi afe ímana ñue líinoítíomoi. 44 ¿Omoi nie izóí ínotíomoi? Dani ómoímona cáímadua uailaí líinofiredíomoi; mei íadi daade Juzíñamuimona bitíuai, ie cáímadua uai jenóñediomoi. Jira ínonídiomoi. 45 Cue Moo uíecori ómoímo fiénidí fue cue nitalle comécido facáoíñeno iri. Uáfuenta Moisés ómoímo fiénidí fue nítaite, nii omoi úíñogamie. 46 Moisés daináuai omoi ínoiadi daje izóí cuemo

¿inoitíomoi, mei Moisés cueri ñue cúeteza. ⁴⁷ Mei íadi afémie cuezáuai omoi ¿inoñeniadi ¿nie izói ómoína cue daínáfueña ¿inoitíomoi? ¿inoñeitíomoi! —daide.

6

Jesús cinco mil iññiai ecade

(Mt 14.13-21; Mr 6.30-44; Lc 9.10-17)

¹ Afe meífodo Galilea jorai ruícaferaimo jaide. Afe jorai jiaífodo mameina: Tiberias. ² Aillo comini íedo jáidiaioi, cíofinina ráaniai ie fínuana íaioi ciónamona. Ua iráredino jíllotana cíodiaioi. ³ Ie mei Jesús ídumo ráizaide ie llófuegamaci diga. ⁴ Ja judíuui rafue páscuafue ánozide. ⁵ Jesús érocaillano aillo afémie óodana bitínona cide. Jira Felípena daide:

—¿Ninómona nana bimaci ecállena íbaiticai? —daide.

⁶ Afe daí jicánote, Felipe uai úana onóillena. Jesús dama ie finóllifue ñue onode. ⁷ Iemo Felipe uai ote:

—Doscientos dígabe fidi pan dúciñeite naga come jéenino óllena, —daide.

⁸ Ie jira jáie llófuegamie Andrés, Simón Pedro ama, Jesuna daide:

⁹ —Benó daa dúemiemo cinco diga panes ite mena chamu diga. (Bie pan cebada finoína.) Mei íadi iere duera; aillo comini íllaza, —daide.

¹⁰ Ie mei Jesús daide:

—Nana íaioi ráiilleza afémacina omoi daíiri, —daide.

Afénomo aillo raitire ite. Iemo cinco mil iññiai raízidaitiaioi.

¹¹ Ie mei Jesús pan llínota Juzíñamuina “Iere figora” daide.

Dáinamona llófuegamacimo fecade. Afemona llófuegamaci nana ráiedinodo fecade. Jesús daje izói finode mena chámuna, ua nana ríiacadinodo fecade. ¹² Jae íaioi jeírilla mei ie llófuegamacina daide:

—Fiébidinuiái nana iráiri, daa báiiñelleza, —daide.

¹³ Fiébidinuiái doce diga cirigai iráica. Ua cinco diga panes fiébidinomona diga cirigai oruítaga. ¹⁴ Ie mei comini bie cíofinina raa Jesús fínua ciónamona daidíaioi:

—Uafue bímie afe jaiái nanómona lloga ana éniemo bíacade uai lloráima, —daidíaioi.

¹⁵ Mei íadi comini íena riire lláitano illáimana jóoneacana Jesús fidíbicaide. Fidíillanona Jesús dama meine idu caifónedumo jaide.

Jesús jainoi emódodo macade

(Mt 14.22-27; Mr 6.45-52)

¹⁶ Ja nauídemo Jesús llófuegamaci ana jóraimo jáidiaioi. ¹⁷ Dúciillano nocaemo jaillano, jorai ruícaferaimo Capernaúmo jaitádiaioi. Jae jítiredemo, mei íadi nai Jesús meine abido biñede. ¹⁸ Iemo aillo jairifo daingo náidacaide. Iemona bagua mónaioicaide. ¹⁹ Due bai jáidiaioimo Jesús nocaemo ánozillana cíodiaioi. Jainoi emódodo macade. Iemo jacíruiatiaioi. ²⁰ Mei jira íaioína daide:

—Cueza, omoi jacíruiñeno, —daide.

²¹ Iemona caimare nocaemo íena llínotiaioi. Iemona íaioi jáillinomo nitaca izói jarire dúcidiaioi.

Comini Jesús jénua

²² Jáírui meífodo jorai enéferaimo fiébidimaci, llófuegamaci daa ite nocaedo jáillana fidídiaioi. Iadi Jesús afémaciri jáiñede. ²³ Mei íadi biruícana jáie nocáiai Tiberias jófueмона dúcizaide. Ua pan güilla áinori Ocuíraíma Jesús “Iere figora” dáinamona, ua afénomo dúcizaidiaioi. ²⁴ Daí Jesús dinomo iñénana cíóillano ie llófuegamaci diga, afécaiaimo jofu jáidiaioi. Iemona Capernaúmo íena jénuaidiaioi.

Jesús, ziiñona cáaille paana maméidimie

²⁵ Jorai ruícaferaimo dúcillano, Jesús baitíai. Baillano íena jicánotíai:

—Llófueraima ¿niruido benomo dúcidio? —daidíai.

²⁶ Jira Jesús daide:

—Uáfueña ómoína dáitícue, güillena omoi jeírrillamona cuena jénuaibitíomoi. Cue finoca cíofinina raa omoi onónamona cuena jenóñediomoi. ²⁷ Fúifirede güillemo táijiñeno iri. Mei íadi fúíñeite güillemo táijiri. Afe güille ómoína ziiñona itátate. Afe bie güille ómoimo íitícue mei Nanoide Hima Jitódícueza. Mei ua, omoi uáfueña íinogamiéna jae Moo Juziñamui jóonegacueza.

²⁸ Jira jicánotíai:

—¿Minícana fínoitícaí Juziñamui jitaille raa caí fuitállena? —daidíai.

²⁹ Jesús uai ote:

—Juziñamui orécamiéna omoi íinollena jitáirede, —daide.

³⁰ Iemo jicánotíai:

—¿Minica onótate raa caimo ácataredio, afe cíóillano ona caí íinollena? ¿Minícafue fínoitío? ³¹ Cai jaiáidígima zaféredizicimo maná güitíai; Juziñamui Cuegáuai daina izói: “Juziñamui monámona ana baítaga güilleniái áfena íaiói güitátate,” —daide.

³² Jesús uai ote:

—Uáfueña dáitícue: monámona baiide güilleniái fecáraima Moiséñede. Mei íadi uáfueña monámona baiide güilleniái fecáraima cue Moo. ³³ Juziñamui fecaca güilleniái, monámona ana bitímie. Afémie cáaille paana maméidimie. Afémie énie itímacimo ziiñona cáallinona itátate, —daide.

³⁴ Iemo íena daidíai:

—Ocuíraima, bie güilleniái nágarui caí ine, —daidíai.

³⁵ Jira Jesús daide:

—Cue cáatate güilledícue. Cuemo bitímie jaca júfiruiñeite. Cuemo ínotímie jaca ninomo jíroacañeite.

³⁶ Mei íadi ómoína cue daina izói, cuemo ínoñediomoi nai cuena cíódiomoi íadi. ³⁷ Nana Juziñamui cuemo fecácamací cuemo bífireitíai. Cuemo bífireitinona jino dótañeítícue. ³⁸ Uafue, cue comeci jítaina izói finóllena, monámona ana biñédícue, mei íadi cue orédímie comeci jítaina izói ana fínuaibitícue.

³⁹ Cue Moo, ua cue orédímie, nana cuemo igánomona buna oni ninó báíñeillena jítaide. Ua nana afémaci íirairuido cáadinona itátaitícue. ⁴⁰ Cue orédímie nana Juziñamui Jitona cíódimaci íena íinollena jitaide. Dái íaiói ínuamona ziiñona cáallinona íaióimo íllana cue orédímie daje izói jitaide; ie mei íirairuido cáadinona íaióina itátaitícue, —daide.

⁴¹ Iemona judíuai Jesuri gugúritíai. Ua ie daináfueri: “Monámona ana baiide güilleniaina maméidimiedícue” íeri gugúritíai. ⁴² Daidíai:

—¿Bímie José jító Jesúñede? Ie moona onódicai ie ei díga. ¿Nie izói “Monámona ana bitímiedícue” daírede? —daidíai.

⁴³ Jira Jesús íaióina daide:

—Gugúriñeno. ⁴⁴ Buna cuemo bínide, cue Moo, cue orédímie nai átiñenia. Ie mei íirairuido afémiéna cáadimiéna itátaitícue. ⁴⁵ Uai lloraini cuegánicuai llote: “Nana afémaci Juziñamui llófuegamaciza íitíai.” Dái nana Moomo cacáдино, afémiemona fibítagamaci cuemo bitíai.

⁴⁶ Bie izói cue daina dáarie Moo Juziñamuina ciona daíacañede. Dama Juziñamuimona bitímie Moona ciona. ⁴⁷ Uáfueña ómoína dáitícue: cuemo ínotímie ziiñona cáallinona íte. ⁴⁸ Cue cáatate güilledícue. ⁴⁹ Omoi jáiairagima zaféredizicimo manana güitíai, mei íadi nana jae tíidímaci. ⁵⁰ Iadi cue daina monámona ana bite güilledícue güitíno tíñeítíai.

⁵¹ Cue dama afe bie monámona ana bite cáatate güilledicue. Bie güille güitímie zíñona iite. Bie cue ille güille dama cue íeizi. Afena íiticue nana énie imaci cáallena, —daide.

⁵² Iemona judíuai dani íaioiri júfidotiaioi. Daidíaioi:

—¿Nie izói bímie dama ie íeizina caina écaite? —daidíaioi.

⁵³ Jesús íaioina daide:

—Uáfueña ómoína dáitícue: Nanoide fima Jitódicueza; cue íeizi omoi ríñeniadi, daje izói cue die omoi jíroñeniadi nai omoi cáaillinona iñede, dájena cuemo jaináñena jira.

⁵⁴ Cue íeizi ritímie, daje izói cue die jiródímie comece zíñona cáaillinona ite; ie mei íirairuido afémiena cáadímiena itátaiticue. ⁵⁵ Cue abi uafue güille. Cue die uafue jirólli.

⁵⁶ Cue íeizi ritímie, jái cue die jiródímie ja cuemo dájena ite. Daje izói afémie dájena iticue. ⁵⁷ Cue caade Moo orécacue, jira afémiedo cáadícue; daje izói cue ríitímie cuedo cáate.

⁵⁸ Monámona ana bite gülleri úriticue. Bie güille omoi jaiáidígima güiga maná izóñede. Nana afémaci tíidímaci; mei íadi bie güille güitímie zíñona iite, —daide.

⁵⁹ Jesús Capernaúmo ite Juzíñamui uai llófueriracomo nana bífuiai íaioimo llófuete.

Zíñona cáatate uailai

⁶⁰ Bie llófuiana cacáillamona, aillo Jesudo jáidímaci daidíaioi:

—Bie afémie daina afe jeire ollíuai iere féirede. ¿Bu afena jeire órena? —daidíaioi.

⁶¹ Iemona Jesús íaioi gugúrillana onóbicaide. Onóillano jicánote:

—¿Aféfuiai ómoína íairuificaitade? ⁶² Ie mei Nanoide fima Jitó nano ie illánomo caifo ie jáillana omoi cióadi, ¿ñie izói íitíomoi? ⁶³ Cai joreño cai cáatate. Íeizi cáatañede. Omoína cue daináuailai joreño izoide uafue uailai. Cáataitíaoi. ⁶⁴ Mei íadi ómoimona dámierie nai íñoñediaioi, —daide.

Jesús afe íñoñedímaci nanómona onode. Afe llezica íena éoidímacimo fécaitimiena onode. ⁶⁵ Ie mei daide:

—Iemona ómoína dáitícue, Moo átiñenia buna cuedo bínide, —daide.

⁶⁶ Aféruimona aillo Jesudo jáidíno íena fiénocaidiaioi. Ja íedo macáñediaioi. ⁶⁷ Ie jira ie doce díga llófuegamacimo jicánote:

—¿Omoi daje izói jáiacadiomoi? —daide.

⁶⁸ Mei íadi Simón Pedro uai ote:

—Ocuíraima, ¿bumo jáiredicai? Zíñona cáatate uailai omo ite. ⁶⁹ Ja cai ínoticaiza. Onódicai caade Juzíñamui Jitódioza. Crístodio, —daide.

⁷⁰ Jesús íaioina daide:

—Jae doce dígamie nizédicue; mei íadi omoi cígimona dámie Taife izoide, —daide.

⁷¹ Afe dánado Jesús Júdari úrite. Judas Iscariote Simón jító. Afémie Jesuna éoidímacimo fécaitimie, mei íadi afémie doce dígademona.

7

Jesús ámatiai íena íñoñediaioi

¹ Afe méifodo, Jesús Galilea éniado macade. Judéamo íacañede, díno mo judíuai ie íaioi fáiacana jira. ² Ja bizáinillaimo íráizillafue ánozide. Afefue judíuai rafue. ³ Ainozillamona ie ámatiai íena daide:

—Benó fiébiñeno. Judéamo o jairi, díno mo ite odo jáidíno o finócafueña cíoillena.

⁴ Dámie nana comíni íena íaioi onóillena jítaiadi, ie raana báinino finóñede. Afe áillofuiai o finóadi nana comíni uícomo finori, —daidíaioi.

⁵ Bie izói daidíaioi, mei nai ie ámatiai íena íñoñediaioiza. ⁶ Jira Jesús daide:

—Cue ñue illíruimo nai dúciñede. Mei íadi ómoimona nano nígarui ñuera. ⁷ Enie imaci ómoína éoinide, mei íadi cuena éoidiaioi, níbai íaioi fiéni finócafuiuai uai nabáiraimadícueza.

⁸ Mai ráfue mo omoi jai. Nai jáiñeitícue, cue ñue illíruimo nai dúciñede.

⁹ Daií daina mei Galiléamo fiébide.

Jesús bizáinillai irázillafuemo jaide

¹⁰ Ie ámatiaí jailla mei, Jesús daje izóí ráfuemo jaide, mei íadi uáfodo jáiñede. Jabo báinino jaide. ¹¹ Judíuai afe rafue ana íena jenódiaíoi. Daidíaíoi:

—¿Ninomo mei afe ima ite? —daidíaíoi.

¹² Comini cígiedo aillo afémieri úritiaíoi. Dáarie, “Ñúemie,” daidíaíoi. Jáimaci, “Fiénidmie; mei comínina jífujeteza,” daidíaíoi.

¹³ Mei íadi judíuaina jacíruillano buna afémieri uáfodo úriñede.

¹⁴ Ja rafue cigi iruido Jesús Juzíñamui gairíracomo jofo jaide. Jaillano dinomo llófuellena tainede. ¹⁵ Iemona judíuai fáigacaillano daidíaíoi:

—¿Nie izóí bie ima diga ráfuaina onode, afémie nai llófueñegamo? —daidíaíoi.

¹⁶ Jira Jesús uai ote:

—Cue llófuegauai cúeieñede; mei íadi cue orédimie ie. ¹⁷ Dáamie Juzíñamui jitailla izóí finócania, afémie cue llófuegauai Juzíñamuimona bitíuaina ónoite. Afe llezica dama cue jitailla izóí llófueñedicuena ónoite. ¹⁸ Dama ie comeci jitailla izóí úritimie, comini íemo ñúefuena nitállena úrite. Mei íadi íena orédimiemo ñuera ráfueña nitácadimie uáfueña dáite. Afémiemo jífuiafuena iñede.

¹⁹ ¿Omoimo ocuica uailai Moisedo ómoimo iga? ¿Ero ua? Mei íadi buna ómoimona aféuai jeire oñena. Aféuai jeire oñédimiedicue izóí, ¿nibái mei cue fáiacadiomoi? —daide.

²⁰ Jira comini uai ote:

—Omo fiénide jóríai illa. ¿Bu o fáiacana? —daidíaíoi.

²¹ Jira Jesús daide:

—Daa raa ocózinaiaruimo cue finuari nana fáigacadiomoi. ²² Mei íadi úrue bacano icoi quétajana facátafue Moisés ómoimo iga. Jira íiza bacano icoi quetáadiomoi ocózinaiaruimo íadi. (Moisés afefue táineñegaza; jáiragimaci taineca.) ²³ Mei jira Moisés ocuica uailai nana ñue fuizáillena, íiza bacano icoi omoi quetáadi ocózinaiaruimo íadi, ¿nibái ríicadiomoi ima abi námiena cue jílotaia ocózinaiaruimo? ²⁴ Mai jinófene éroillano comini ifue nitatáñeno. Omoi nitáadi jaícina uáfueña nitari.

Jesús ie comuillanodo úrite

²⁵ Ie mei Jerusalemo dáarie itínomona jicánuaidiaíoi:

—¿Bímie íaíoi fáiacagamieñede? ²⁶ Mei íadi batínomo comini cígimo úrite íadi buna nie izóí daiñena. ¿Uáfueña caifóidimaci bímie Crístoza ínotiaíoi? ²⁷ Mei íadi cai, afémie ninómona ie bíllana onódicaí. Iadi ibana Cristo bíadi, buna ninómona ie bíllana ónoñeite, —daidíaíoi.

²⁸ Afena cacáillano Jesús nai gairíracomo llófuia llezica ríire daide:

—¿Cuena onódiomoiiza? ¿Ninómona bitícueza onódiomoi? Mei íadi dama cue comeci izóí biñédicue, íadi caade cue orédimiemona biticue. Afémie jaca itímie. Afémiena onóñediomoi. ²⁹ Afémiena onódicue, afémiemona bitícueza, ie orécacueza, —daide.

³⁰ Iemona íena lláviano úiacadiaíoi. Mei íadi nai buna íena llaitáñede, nai ie llaitáilliruimo dúciñedeza. ³¹ Mei íadi aillo comini íemo ínotiaíoi; daidíaíoi:

—Cristo bíadi ¿bímie finoca cíofinina onótafuiaí baimo fínoite? —daidíaíoi.

Fariséuai llaizíriraini orede, Jesús lláviano úillena

³² Fariséuai comini Jesuna dáinana cacádiaíoi. Jira lletáriraini illaini, gairíraco jabóidillaímaíai orede Jesús llaitada úillena. ³³ Jira Jesús uai ote:

—Omoi cígiri dama íanori nie dino íiticue. Ie méifodo cue orédimie diné jáitícue. ³⁴ Cuena jénoitiomoi mei íadi cuena báñeitiomoi, cue illínomo jáinidiomoiiza, —daide.

³⁵ Ie mei judíuai daní íaíoiimo jicánuaidiaíoi:

—¿Bímie ninomo jáite, íena cai báíñeillena? ¿Judúuai júdaicamací griego éniemo afémie jáite, griego imaci llófuellena? ³⁶ Ie dáinana, “Cuena jénoitiomoi mei íadi cuena báíñeitiomoi, cue illínomo jáinidiomoiiza,” ¿nie izói daide? —daidíai.

Jesús, jaínoi izói cómena cáatate

³⁷ Rafue írairuimo jamánomoidirui. Aféruido Jesús naidáillanona como aillo uaido úrite: —Nana jirócadímie cuemo bi; júruai. ³⁸ Cuegáuai daina izói, cuena ínotímie ie comécimona áillue imani tua izói aillo ñue cáataitífuiai biite, —daide.

³⁹ Aféfuedo nana afémiena ínotino Ñuera Joreño llínoitiai daide. Ua mei, Ñuera Joreño nai biñede, Jesús ie cámafue ebíredífue diga nai llínoñena jira.

Comini Jesuna daináfuijai jíáfodorie jóide

⁴⁰ Dáarie comini cígimona aféfuea cacáillano daide:

—Uáfuea bímie uai llóraima, jaiai ninomo bíacadímie, —daide.

⁴¹ Jáíimaci daidíai:

—Bie ua Cristo.

Mei íadi jíáimaci daidíai:

—¿Nie izói Cristo dino Galilea ímieite? ⁴² Cuegáuai llore: “Jáiaidillaíma David, ie izíe ímieia Cristo iite. Ua Belén ímieia iite, afe jófueo nauí David íteza,” —daidíai.

⁴³ Daí nana comini Jesús ícoínia dázierie bózietaidiai. ⁴⁴ Dámierie Jesús maiáno úiacadiai, mei íadi buna daí ñeñena.

Caifoide ríiredino Jesuna ínoñediai

⁴⁵ Gairíraco jabóllaini abido fariséuai illánomo, daje izói lletáriraini illaini illánomo bitíai. Afémaci íaiomoi jicánote:

—¿Ñibái mei íena atíñediomoi? —daide.

⁴⁶ Jira jabóllaini (jíáfodo mameina llavériraini) uai otíai:

—Jaca ninomo buna afémie úrilla izói úriñede, —daidíai.

⁴⁷ Jira fariséuai daidíai:

—¿Omoi daje izói ja jífuegamacidiomoi? ⁴⁸ ¿Cai illáicomini dáarie íena ja ínotiaí fariséuai diga? ¡Jaca ínoñediai! ⁴⁹ Mei íadi bie comini ocuífufuai onóñediai, ja faidócaiaíza, —daidíai.

⁵⁰ Nicodemo, nai Jesumo eróizabitímie daa fariseo imácimona. Iaióna daide:

⁵¹ —Cai ocuífue daina izói buna duere finónidicai, nano fueñe íena cai cácañeniadi, ie finócafuea cai ónoillena, —daide.

⁵² Mei jira uai otíai:

—¿O jíai daje izói Galilea ímiedioza? Cuegáuai fácado. Dinomo cíoitio buna uai llóraima Galiléamona biñede, —daidíai.

Jirúredingo Jesumo atidiai

⁵³ Mei íemona naga come íai jofomo jaide.

8

¹ Mei íadi Jesús Olivo daina ídumo jaide. ² Ie jítiramo monáillamona, abido gairíracomo bite. Nana comini íemo áinozidiai. Afémie ránaillano íaióna llófuiade. ³ Ie mei ocuífue llófueraini fariséuai diga jirúredingo Jesumo atidiai. Daí ñecade afengo baitíai. Afe gairíracomo itímaci cígimo aféngona jóonetiaí.

⁴ Jóniano Jesuna daidíai:

—Llófueraima, bie ringo afe jirúrenafue finócade baiticai. ⁵ Afe izoide ringona Moisés ocuífue cai ocuide nofíciado fállena. ¿O nie izói daidio? —daidíai.

⁶ Daií daidíaiói Jesús facátallena. Bie facátamona fiénidifue íemo nitáacadiaíói. Iemona Jesús jíjicaillano éniemo onócaido cuete.

⁷ Mei íadi diga icaiño jicánotiaíói mo Jesús meine jaícina rainade. Ráinaillanona daide:
—Omoimona dáamie fiénidifue na inédimie, mai nanoide nofici aféngomo nitari, —daide.

⁸ Dáanomo nane jíjicaillano éniemo cuete. ⁹ Mei íadi aféfuena cacáillano, nana íaiói comeci úrilla uaido méaicaidiaíói. Méaicaillano oni nana dáarie jáioidiaíói. Ua iere éicomedimie uícodo oni jailla. Nana ja íaiói jailla mei, Jesús dama dinó fiévide afe atícango diga. ¹⁰ Iemo Jesús jaícina meine rainade. Afe ringo baimo buna cióñenano aféngona daide:

—Ringo, ¿ninomo omo fiénidifue jitáдино ite? ¿Buna omo nofici na nitáñena? —daide.

¹¹ Jira afengo daide:

—Ocuíraima, ua buna nitáñede, —daide.

Mei jira Jesús daide:

—Cue ona daií nitáñeitícue. Mai o jairi. Fieni meine abido daií ñeñeno iri, —daide.

Jesús, bie énie comini egáñoraíma

¹² Jesús dáanomo nane comínimo úrite; daide:

—Cue bíníe comini egáñoraímadícue; cuedo jáitimiemo cáataite egáñua iite. Jaca nino jítifodo mácañeite, —daide.

¹³ Ie jira fariséuai íena daidíaiói:

—Dama o uai nabáidío. Afe uai ráifíñede, —daide.

¹⁴ Jira Jesús uai ote:

—Cue daína uáfue na ráifide, afe dama cuemo uai nabáidícue íadi. Cue ninómona bitícue, daje izói cue jáillinona onódícueza. Mei íadi ninómona bitícueza onóñediomoi, cue jáillinona diga. ¹⁵ Bie énie facárado jenócana facádíomoi; cue buna jenócana facáñedícue. ¹⁶ Mei íadi cue facáadi, cue facállí fue jaícina ñue jóide. Dama facáñedícueza. Moo, cue orédimie diga dáanomo jenoda facádíco. ¹⁷ Omoi ocuica ciegáuai daide: “Mena uai nabáiraíma dáanomo daiíadi, aféfuena ínoitiomoi.” ¹⁸ Cue dama cueri uai nabáiraímadícue. Cue Moo, cue orédimie jáíie cueri uai nabáiraíma, —daide.

¹⁹ Jira jicánotiaíói:

—¿Ninomo mei o Moo ite? —daidíaiói.

Jira Jesús uai ote:

—Omoi cuena onóñediomoi. Daje izói cue Moona onóñediomoi. Cuena onódíomoi nia, daje izói cue Moona onódíomoi za, —daide.

²⁰ Gairíracomo llófuia llezica, afe bíuai daide; ua fia fecaca úcube jóoneraco illánomo dinomo llófue. Mei íadi buna íena lláviano uiñede, ie llaitáillíruimo nai dúciñena jira.

Cue jáillinomo jáinidíomoi

²¹ Jesús nane dáanomo íaíoi na daide:

—Cue jáitícue. Cuena jénoitiomoi, íadi omoi fiénidifue nai doñégamo tíitiomoi. Mei jii cue jáillinomo omoi jáinidíomoi za, —daide.

²² Jira judíuai dani conímana daidíaiói:

—¿Mei nibai afémie dama abi títaite, mei “Cue jáillinomo jáinidíomoi” afémie caina dáideza? —daidíaiói.

²³ Jira Jesús íaíoi na daide:

—Omoi ana bebeco iédiomoi, mei íadi cue caifófeco ímiedícue. Omoi bie énie iédiomoi, mei íadi cue bie énie ímieñedícue. ²⁴ Ie jira omoi fiénidifue nai doñégamo tíitiomoi daidícue. Cue daína izói itímiedícuena omoi ínoñeniadi, omoi fiénidifue nai doñégamo tíitiomoi, —daide.

²⁵ Jira jicánotiaioi:

—Mei ¿o búdio? —daidíaioi.

Jira Jesús uai ote:

—Jaiái nanómona ómoimo lloticue. ²⁶ Cuemo aillo ómoína cue daiíllifuiái ite. Daje izói aillo ómoína cue jenoda facállifuiái ite. Cue orédimie uáfueña daide. Afémiemona cue cacana izói bie énie comínina áfedo daidicue, —daide.

²⁷ Mei íadi Moodo íaioimo Jesús úrillana figo cacáñediaioi. ²⁸ Jira Jesús íaioína daide:

—Enie acónimo cuena caifo omoi raiñóadi cue daína izói itímiena ónoitiomoi, mei Nanoide ima Jitódicueza. Afe llezica dama cue comeci izói finófinidicueza ónoitiomoi. Dama cue Moo cuemo llogáfuiái daidicue. ²⁹ Cue orédimie jaca cue diga ite. Cue Moo dama cuena fiéñede, afémie íobitadifuiaina finófiredicueza, —daide.

³⁰ Jesús daií dáinamona, aillo íena ínotiaioi.

Juziñamui jitóniaí fiénidifuedo jeruícamací baímo ñue itíaioi

³¹ Afemona judíuaimona íena ínotinona Jesús daide:

—Cue ómoína dáinana omoi jaícina jeire oíadi, cue llófuegamacina uáfueña jáitiomoi. ³² Ie mei uáfueña ónoitiomoi. Afe uáfuedo jéruiñegamacina íitiomoi, —daide.

³³ Afémaci ie uai otíaioi:

—Abraham izíedicaí. Jaca ninomo buna jéruiñegamacidicaí. ¿Nie izói, jéruiñegamacina íiticaí, daidio? —daidíaioi.

³⁴ Jira Jesús daide:

—Uáfueña ómoína dáiticue, nana fiénidifue finódimaci fiénidifuedo jeruícamací. ³⁵ Jeruícamié ie naama izíe diga jaca ínide. Mei íadi naama jitó aféziemo jaca jainaide. ³⁶ Daií mei Juziñamui Jitó jeruíñenafue ómoimo fecáadi, uáfueña jéruiñelliomoi. ³⁷ Abraham izíe iédiomoi za ja onódicue; mei íadi cuena fáiacadiomoi, ómoína cue daínáfueña omoi llínoñena jira. ³⁸ Cue Moo cuemo ácataga raado úriticue. Omoi moo daína izói finófirediomoi, —daide.

³⁹ Jira uai otíaioi:

—Cai moo Abraham, —daidíaioi.

Mei íadi Jesús daide:

—Uáfueña Abraham jitóniaína omoi íadi, afémie finua izói fínoitiomoi. ⁴⁰ Mei íadi Moo Juziñamui cuemo lloga uáfueña ómoína cue daína íadi, nai cuena fáiacadiomoi. Abraham jaca daií finóñede. ⁴¹ Omoi moo finua izói finódiomoi, —daide.

Jira afémaci daidíaioi:

—Jaca jiruírenamona jócoñegacai. Caimo daade moo illa, Juziñamui, —daidíaioi.

⁴² Jira mei Jesús daide:

—Juziñamui uáfueña omoi módenia, cuena izíruiomoi, mei Juziñamuiomona cue billa jira. Ua ie jira benó iticue. Dama cue comeci izói biñédicue, mei íadi Juziñamui orécacue. ⁴³ ¿Nibái mei cue dáinana cacánidiomoi? Cue úrilla uaina cacáacañediomoi, jira onóñediomoi. ⁴⁴ Omoi moo Taife. Ie jira afémie iédiomoi. Afémie jitaina izói finóacadiomoi. Taife jaca nanómona fáfiredimie. Jaca uáfueño jaináñede. Jaca uafue daiñede. Táinofuiái afémie lloíadi, ie illa izói úrite. Afémie táinofuiáirede, ua táinofuiái moo. ⁴⁵ Mei íadi uafue daidicuemo cuena ínoñediomoi. ⁴⁶ ¿Omoimona bu cue fiénidifue jino due cíotarede? Uáfueña cue daiíadi ¿nibái mei cuena ínoñediomoi? ⁴⁷ Juziñamui iédimie Juziñamui uáillaina cácafirede. Mei íadi Juziñamui íeñediomoi, ie jira íena cacáacañediomoi, —daide.

Cristo Abraham nano jae itímie

⁴⁸ Jira judíuái íena daidíaioi:

—Omo fiénide joreño íllana onódicaiza; íemo Samaria ímiena o íllana, onódicaiza, —daidíaioi.

⁴⁹ Jesús uai ote:

—Cuemo fiénide joreño jaca iñede. Cue finócafue cue Moomo ñúefuena nitade. Omoi cuemo ñúefuena nitáñediomoi. ⁵⁰ Cuemo ñúefuena nitállena jenóñedicue, íadi jíaimie ite cuemo ñúefuena nitállena. Afémie jenoda facade. ⁵¹ Uáfueña ómoína dáitícue, cue daináfueña jeire otímie jaca ninomo tíñeite, —daide.

⁵² Jira judíuai uai otíaioi:

—Fiénide jóriai omo íllana ja uáfueña onódicai. Abraham jaiái tíide naa uai llóraini diga, niadi jíáifodo daidio: “Cue dánana jeire otímie jaca ninomo tíñeite.” ⁵³ ¿Uáfueña cai moo Abraham baimo jáidio? Afémie tíide. Ua uai llóraini daje izói tídiaioi. ¿O comécimo bu o íllana facáidio? —daidíaioi.

⁵⁴ Jesús dinena íaioimo uai ote:

—Dama cuemo ñúefuena cue nitáadi, cue ñúefuena minícana ráifiñede. Mei íadi ñúefuena cuemo nitádimie cue Moo. Dáamiena omoi Juziñamui daidíomoi. ⁵⁵ Mei íadi íena onóñediomoi. Cue íena ua onódicue. Afémiena onóñedicue cue daíadi, omoi izói tánofuiairedimiena íitícue. Mei íadi íena uáfueña onódicue. Ie dánana jeire oticue. ⁵⁶ O jaiáidigima Abraham cue illíruina cióacade áfemona ióbillena; áfena cióillano afémie iere ióbicaide, —daide.

⁵⁷ Jira judíuai Jesuna daidíaioi:

—Nai cincuenta fimona iñedio, ¿Nie izói “Abraham cuena ciode” daidio? —daidíaioi.

⁵⁸ Jesús uai ote:

—Uáfueña ómoína dáitícue: Abraham nai iñeniadi cue iticue, —daide.

⁵⁹ Iemona noficiai llínota Jesumo nitáacadiaioi. Mei íadi afémie retáirillano gairíracomona jino jaide. Afémaci cigido jaillano finocaide.

9

Jesús uina cíoiñede jocócamie jíllotate

¹ Afénodo jaillano, Jesús uina cíoiñede jocócamiena ciode. ² Ie llófuegamaci íemo jícanote:

—Llófueraíma, ¿níbai mei bie íima uina cíoiñede jococa? Níbai ie moo fiénidífuiai ícoínia daí jococa. Níbai dama ie fiénidí fue fínua ícoínia daí jococa. ¿Bífuiaímona ní fue uáfueña? —daidíaioi.

³ Jira Jesús daide:

—Dama ie ícoíniañedeza, jíai ie moo ícoíniañedeza. Mei íadi afémiemo Juziñamui finóllifue ñue jino ácatallena, daí íficaide. ⁴ Nai monana llezica cue orédímie tájínafue cue fínua jíáiredeza. Ja nauilla llezica buna tájínide. ⁵ Nai bie éniemo cue illa llezica, énie comini egáiñotimiedicueza, —daide.

⁶ Afe daina méifodo, Jesús éniemo tuánote. Tuánogamona ja énie ídiaide. Afe tuánua ídiaidemona ota, uina cíoiñedímie uimo bitade. ⁷ Ie mei íena daide:

—Siloé jainoi ofíllanomo jócuai, —daide. Afe Siloé mámece jino dobáiñua dibénedo “Orécanona” mameide.

Iemona uina cíoiñedímie ui jócuaide. Meine bítemo ja cíoide. ⁸ Iemo ie abi comini, daje izói nauí uina ie cíoiñenana ciódino diga daidíaioi:

—¿Bímieñede, ní ráicana úcube jícafiredimíñede?

⁹ Dáarje daidíaioi:

—Jíi, níimie.

Jíaimaci dinena daide:

—Ieñede, mei íadi afémiena eroide, —daidíaioi.

Mei íadi afémie dinena dama daií daide:

—Jii, nímiedicue, —daide.

¹⁰ Jira íemo jicánotiaiOi:

—¿Nie izói ja ciódio? —daidíaiOi.

¹¹ Jira afémie uai ote:

—Afe iima, Jesuna mámeçiredimie, ídiaidino fínuano cue uimo bitade. Bítanona daide: “Siloé jainoi ofíllanomo o ui jócuai.” Jócuaidicue. Iemona cue jócuailamona ciódicue, —daide.

¹² Jira íemo jicánotiaiOi:

—¿Ninomo afe iima ite? —daidíaiOi.

Iaioina daide:

—Íco mei, —daide.

Fariséuai jíllotaga uina cíoiñedimie mo jicánodoidiaiOi

¹³ Iemo fariséuaimo nauí uina cíoiñedimiena uitíaiOi. ¹⁴ Jesús ídiaidino fínuarui, afe ocózinaillarui. Aféruimo Jesús uina cíoiñedimie jíllotate. ¹⁵ Fariséuai afe ímana nie izói afémie ui cíoinafue meine abido jicánotiaiOi. Iemo afémie íaioina daide:

—Cue ui ídiaidinona bitade. Jira jócuaidicue. Iemona ja ciódicue, —daide.

¹⁶ Jira fariséuaimona dáarie íena daidíaiOi:

—Afefue finódimie, Juzíñamui ímieñede, ocózinaillaruina íñoñena jira.

Mei íadi jíaimiaí daide:

—Afémie fiénidifue finóraima íadi, ¿nie izói bie cíofinina finócafue fínoite? —daidíaiOi.

Comini bózietaillamona ¹⁷ meine nauí uina cíoiñedimie mo jicánuaidiaíOi:

—¿O afémiena nie izói daidíoi, o ui cíoitatimiena? —daidíaiOi.

Jira afémie daide:

—Afémiena uai llóraima daidicue, —daide.

¹⁸ Mei íadi judíuai afe uina cíoiñedimie mo finócafueña ínoiacañediaiOi. Ie ja cíonafueña ínoiacañediaiOi. Ie jira jíllotagame moótiaína uáidotiaíOi. ¹⁹ Iemo jicánotiaiOi:

—¿Afe nii be o jító uina cíoiñede jocócamie ómicoí daína? ¿Nie izói mei birui ciode? —daidíaiOi.

²⁰ Ie moótiaí uai ote:

—Onódicaíza bie cai jító; uina cíoiñede jococa. ²¹ Mei íadi nie izói afémie como cíonana onóñedicaí. Daje izói bu ie ui jíllotana onóñedicaí. Afémiemo jícano. Jae eicómeza. Aféfuena onódeza. Afemona uai óite, —daidíaiillinoí.

²² Ie moótiaí daií úritiaillinoí judíuai jacinaillamona. Judíuai jae nana comini onótatiaiOi. DaidíaiOi:

—Nágamíai Jesús ua Cristo daínamiéna mámeitimie Juzíñamui uai llófueriracomona jino jíuiticaí, —daidíaiOi. ²³ Iemona moótiaí daidíaiOi, “Afémiemo jícano. Jae eicómeza.”

²⁴ Ie mei judíuai meine nauí uina cíoiñedimiena uáiduano daidíaiOi:

—Juzíñamui uíécomo uáfuena caina daiíri. Onódicaíza, bímie fiénidifuiairedimie, —daidíaiOi.

²⁵ Afémie uai ote:

—Afémie nibaí figora, nibaí fiénidifuiairedimie onóñedicueza. Daa cue onóigafue. Nano fueñe uina cíoiñedimiedicue, mei íadi birui ciódicue, —daide.

²⁶ Nane dáanomo íemo jicánuaidiaíOi:

—¿Nie izói ona ñete? ¿Nie izói o finode o ui cíoillena? —daidíaiOi.

²⁷ Jira uai ote:

—Jae omoi lloticue, íadi cuéna íñoñediomoi. ¿Nibaí mei dáanomo omoi llóiticue? ¿Omoi jíai daje izói iedo jáiacadiomoi? —daide.

²⁸ Báiñuano íena daide:

—O bímiendo jáidío, mei íadi Moisedo jáidicai. ²⁹ Juzíñamui Moise mo úrillana onódicai, mei íadi bie Jesús ninómona bite onóñedicai, —daidíaiói.

³⁰ Jira afe íma uai ote:

—¡Bí fue nñi cácafinina raa! Ie billánona onóñediómoi, íadi cuena ñue cíoitate. ³¹ Fiéni difue finofiredimacimo Juzíñamui cacáñede ñue onódicaiza. Iemo afémiemo íóbicaítadinomo cacáfirede, ie jitáina fue finódimaci diga. ³² Jaca nanómona uina cíoiñede jocócamie jíllotatimie dáinana cacáñena. ³³ Bímie Juzíñamuimona biñédeniadi, minícana ñénide, —daide.

³⁴ Jira daidíaiói:

—O fiénidifuiamona jocócamiedo. ¿O caina llófueacadio? —daidíaiói. Ie jira íena jino jíúnotiaíói.

Joreño dibéfuiaina onóñedimaci

³⁵ Jesús uina cíoiñedimie jino íaiói jíúnuana fidide. Ie baillano íena daide:

—¿Juzíñamui Jitomo ínotio?

³⁶ Jira afémie daide:

—Ocuíraima, cuemo llone bu afémiena íemo cue íinolleza, —daide.

³⁷ Jira Jesús uai ote:

—Ja cíodioza. Níimiedicue, o diga úrilla, —daide.

³⁸ Iemona afémie Jesús anari ana dújuillanona daide:

—Ocuíraima, ínoticue, —daide.

³⁹ Ie méifomo Jesús daide:

—Bie éniemo biticue, jaícina jenoda facállena. Ua biticue uina cíoiñedimie eróillena. Dáanomo biticue eróidino uina cíoiñellena.

⁴⁰ Ie mei fariséuaimona, Jesús diga itínomona, dáamierie afefue cacáillano íena jícanotiaíói:

—¿Meita cai uina cíoiñedinodicai? —daidíaiói.

⁴¹ Jira Jesús uai ote:

—Omoi uina cíoiñeniadi, omoi fiénidifuiái ícoi ííñeite. Mei íadi “Cíodicai” daidíómoi jira omoi fiénidifuiái ícoi íte, mei joreño dibéfuiaina onóñediómoiza, —daide.

10

Ovejai cirínoraco cai onótate

¹ Uáfue na ómoína dáiticue, ovejai cirínoraco nazedo jáiñedimie ua meríriraíma. Enéfenemo táifodo tícaillano jofo jáidimie ua merírifiredimie. ² Mei íadi nazedo jofo jáidimie ua úiñoraíma. Níimie ie ovéjaína ñue uíñote. ³ Naze tuiñóraíma naze tuiñode afémie jofo jáillena. Ie uaina ovejai onódiaíói. Ie ovéjaíai íaiói mámeceido jírite. Daí cirínoracomona jino ófiregaíaiói. ⁴ Nana ie ovejai jino óinana méifodo, íaiói uícodo ífóicaide. Ovéjaíai ie óodana jáioicaíaiói mei ie uaina onódiaíoiza. ⁵ Mei íadi onóñegamiemo jáioicaíñediaíói. Mei jíáifodo afémiemona niné botádiaíói, ónoñegamací uaina onóñena jira.

⁶ Bie daje izoide ráfuedo Jesús íaióimo llófue. Mei íadi daí daíacana uaina onóñediaíói.

Jesús ñue ovéjaíai úiñoraíma

⁷ Iemona Jesús meine dáanomo daízaide:

—Uáfue na ómoína dáiticue: Cue bie ovéjaíai jofo jaira nazédicue. ⁸ Nana cue uícomo bitímací meríriraíni daje izoí baíóriraíni. Mei íadi ovéjaíai afémacina náfueñediaíói. ⁹ Cue

nazénaza. Cuedo jofo jáidimie jíllobicaite. Afémie cirínoracomo jofo jaide, meine jino bite. Afe jofo jáitimie oveja izóidimiena iite. Ie güille raana báifirede.

¹⁰ Meríriraíma fia merírizaíbite; fájaíbite, táinocaitajaíbite. Mei íadi cue biticue íaioi cáatallena, ua jamánomo íocire íaioi íllena biticue. ¹¹ Ñue ovéjaíai úiñoraímadicue. Afe ñue ovéjaíai úiñoraíma ovéjaíaimo ie cáallinona itátaite. ¹² Mei íadi fia íbaca úiñoraíma dama úcube llínollena táijide. Jico izoide bíllana afémie cióillano, ovéjaíai fíianona botade. Afémie botade uáfueña úiñoraímañena jira; daje izói ovéjaíai íeieñena jira. Iemona jico izoide ovéjaíaina llaitade. Iemona nana jáíe ovéjaíai júdaízitiaíoi. ¹³ Bie íma botáfiredede, daa fia íbállena táijideza. Ovéjaíaina nai lloñede. Iaióina duéruíñede.

¹⁴⁻¹⁵ Cue bie ñue úiñoraímadicue. Cue Moo cuena onona izói daje izói cue Moona onódicue. Afe izói cue ovéjaíaina onódicue, ie izói afémaci cuena onódiaíoi. Cue cáallino ovéjaíaimo íiticue. ¹⁶ Jáíe ovéjaíai cuemo ite. Bie cirínoraco íeñede. Cue uaina cacáillanona jeire óitiaíoi. Iemona daa cirínoraco íite, daje izói daa úiñoraíma íite.

¹⁷ Cue Moo cuena izíruite, cue abí fécaillano meine cue llínua jira. ¹⁸ Buna cue abí báiroñeite, mei íadi dama cue comeci izói fécaíticue. Cue áfena fecáredicue, ie mei meine áfena llínoredicue. Afe bie cue Moo cue ocuilla dieze, —daide.

¹⁹ Judíuai afe uaina cacáillano bócoízitiaíoi. ²⁰ Afémacimona aillo daídíaíoi:

—¿Níbái mei uai jeire otíomoi? Afémie mo fíenide jóríai íllaza, íemo uáírítai, —daídíaíoi.

²¹ Mei íadi jáímaci daídíaíoi:

—Fíenidena jóríairedimie jaca afe izói úrinide, —daídíaíoi. Fíenide joreño uina cíoiñedimie uina cíoitánide.

Judíuai Jesús llínoacañeno íena ruífruitiaíoi

²² Jae rozíruillaruillai. Afe llezica Jerusalemo iráizillafue finódiaíoi, gairíraco Juzíñamuimo oni íficaillarui uibíñoicaillena. ²³ Jesús Salomón macáranodo gairíracomo macade. ²⁴ Judíuai Jesumo ífoina gairíllano daídíaíoi:

—¿Nie dinó caina figo onótañeítio? O Crístodio raíre uáfodo caimo llone, —daídíaíoi.

²⁵ Jira Jesús uai ote:

—Jae lloticue íadi cuena íñoñediomoi. Cue finócafuaí cue Moo ríinodo finódicue. Afedo ñue jino ácatagacue. ²⁶ Mei íadi cuena íñoñediomoi, cue ovéjaíaiñediomoíza. Afena nauí ómoína daídicue. ²⁷ Cue ovéjaíai cue uaina onode. Iaióina onódicue, jira cuedo bitíaíoi. ²⁸ Zííñona cáallino íaíoimo fecádicue. Jaca afémacimona dáamie niné báizaiñeite. Buna cúemona íaíoimona daa báiroñeite. ²⁹ Afémaci cue Moo cuemo iga. Afémie jamánomoidimie. Nana baímo jáidimie. Buna cue Moo Juzíñamuimona afémacina baírónide. ³⁰ Cue, cue Moo diga dáamiedicoco, —daide.

³¹ Iemona judíuai meine íena nofíciaina nitáacadiaíoi. ³² Jira Jesús daide:

—Omoi eróicana diga ñúefuíaína cue Moo ríinodo finódicue. ¿Nífue ícoínia nofíciáido cue níjítomoi? —daide.

³³ Jira judíuai uai otíaíoi:

—Ñúefuíaí o fínuamona ona níjíticai; mei íadi o uáillaído Juzíñamuina báíñotio. Fia ímadio, mei íadi Juzíñamuina o abí maméacadio, —daídíaíoi.

³⁴ Jira Jesús daide:

—Omoi ocuínafuíaímo Juzíñamui daína jae cuega. Be níuai: “Omoi juzíñamuillaídiomoi.”

³⁵ Cuegáuai dáinana jaca jáanonide, onódicaíza. Juzíñamui, ie uallaí llínotimíaina juzíñamuillaína mameide. ³⁶ Juzíñamui jae cuena oni ífcaítajano bie éniemo cuena orede. Ua ie orécamedicue. Jira ¿nie izói dáítio “Juzíñamuina báíñotio” cue daííadi “Juzíñamui Jitódicue”? ³⁷ Cue Moo finoca izói cue finóñenia, mai cuena omoi íñoñeno. ³⁸ Mei íadi ie

finócafue izói cue finóadi, mai aféfuaiaina ñino, omoi nai cuena ñinoñenia. Afemona cue Moo cuemo ñllana, jabe ónoitiomoi. Daje izói cue, cue Moomo itícueza, ónoitiomoi, —daide.

³⁹ Meine maiáno íena uíacadiaioi, mei íadi Jesús oni fínocaiide.

⁴⁰ Ie mei Jesús Jordán ruicáfellemo meine jaide. Dinomo fiébide. Ua nauí Juan báutizanoite. ⁴¹ Aillo comini íena eróizaidiaioi. Daidíaiioi:

—Uáfueña, Juan cíofinina onótalle raa finóñede, mei íadi nana Juan bímieri daináfuiái uáfuiái, —daidíaiioi.

⁴² Dinomo aillo comini Jesuna ñinotiaioi.

11

Lázaro tíide meine cáadimiena jaide

¹ Daa ñima Lázaro iere irárena. Betania ímie. María ie ebuño Marta diga daje jófue mo itíaiioi. ² Afe María iráredimie Lázaro miringo. Afe María nauí Jesús ídaimo ziórede cáiredíji totade. Tótanona ie ifótiido zafénaitade. ³ Ja birui afe miringo íainguai uai Jesumo orede, Lázaro iere tíiacana jira: llote:

—Ocuíraima, o nabai Lázaro irárede, —daide.

⁴ Jesús cacáillano daide:

—Afe duico títañeite, mei íadi jamánomo ñue Juzíñamui ebírenafue ácataite. Ie llezica afe duico Juzíñamui Jitó ebírenafue ácataite.

⁵ Marta ie ebuño ie ñio Lázaro diga Jesús íaioina iere izíruite; ⁶ mei íadi Lázaro irárenafueña fidíillanona, Jesús raire jáiñede; nai ménarui ie illánomo ite. ⁷ Ie mei ie llófuegamacina daide:

—Meine Judéamo cai jai, —daide.

⁸ Jira llófuegamaci daidíaiioi:

—Llófueraima, nano cómoicana Judíuai dino noficiado o fáiacadiaioi. ¿Nane meine afe diné jáiacadio? —daidíaiioi.

⁹ Jira Jesús ie tíillirui nai áinoziñenana onóillano, íaioina onótatuaido daide:

—¿Uáfueñede, naga mona doce horas ite? Come monari macáadi éicitaiñede. Bie éniemo ite egáiñuana ciode. ¹⁰ Iadi come naio macáadi éicitaiide; afémiemo egáiñotinona ñédeza.

¹¹ Ie mei Jesús nai úrite; íaioina daide:

—Cai nabai Lázaro ñídeza, mei íadi cazítaiticue, —daide.

¹² Jira llófuegamaci daidíaiioi:

—Ocuíraima, afémie ñíadi ja jíllocaite, —daidíaiioi.

¹³ Mei íadi Jesús jíáfodo daiíacade, Lázaro tíide. Llófuegamaci comeci facade Jesús dainana fia ínia llote. ¹⁴ Jira Jesús jino uáfodo íaioina daide:

—Lázaro ja tíide. ¹⁵ Ióbídícue afémie tíillanomo ñédicueza. Daií ómoimona ñuera, omoi ñnollena. Mei íadi cai éroizailli, —daide.

¹⁶ Iemo Tomás, Guarámie maméidimie, jíáie llófuegamacina daide:

—Mai cai jai, afémie diga daánomo cai tíilleza, —daide.

¹⁷ Jesús dúcillano como fidíde Lázaro ja cuatro dígarui énie anamo ite. ¹⁸ Betania iere Jerusalén áñori ite, mena kilómetro átuedo izói. ¹⁹ Aillo judíuai jáidimaci Marta María diga uáiduidiaioi, íainguai ñio tíillari. Iainguaimo fíraibitiaioi. ²⁰ Marta Jesús dúciana fidíillano afémiena jino cíóizaide. Mei íadi María jofomo fiébide. ²¹ Marta Jesúsna daide:

—Ocuíraima, o nabai benó itíoniadi cue ñio tíñede. ²² Mei íadi onódicue naga raa Juzíñamuimona o jícaadi afémie omo iite, —daide.

²³ Jira Jesús daide:

—O ñio meine cáaitaite.

²⁴ Iemo Marta daide:

—Jii, cue onódicueza tíidino cáadinona illíruimo, énie írairuimo afémie meine cáate, —daide.

²⁵ Jira Jesús daide:

—Cue tíidino meine abido náidataraimadicue; cáadinona abido itátaraimadicue. Cuena ínotimie ie tíadi meine cáate. ²⁶ Nana nai cáadino cuena ínoiadi jaca ninomo tíñeitiaoí. ¿O afefue ínotio? —daide.

²⁷ Jira afengo daide:

—Jii, Ocuíraima, o Crístodio ínoticue. Juzíñamui Jitó ana éniemo bitímiedioza. Afena ínoticue, —daide.

²⁸ Daií dáina méifodo, Marta ie ebuño María uáiduaide. Báinino aféngona daide:

—Llófueraima benó ite. O jíritade, —daide.

²⁹ Afena cacáillano María raire náidacaillano Jesumo eróizaide. ³⁰ Nai Jesús afe jófumo jofo jáíñede. Marta ie baizájillanomo nai ite. ³¹ Jofo ite judíuai afengo fíraidiaoi. Afengo náidacaillano, raire jino jáillana judíuai cíoillano, aféngodo jáidiaoi. Afémaci comeci facádiaoi, afengo raiafo dinomo éeiaide. ³² Ie mei María Jesús illánomo dúcide. Dúciano afémie eiba abimo caiñícido dújuillano daide:

—Ocuíraima, o nibai benó itíonia cue íio tííñede, —daide.

³³ Jesús María éeiana, naa aféngodo bitino judíuairi éeiana ciode. Cíuano afémie iere zúureficaide. Ie comeci docaide. ³⁴ Jira jicánote:

—¿Ninomo omoi raiga?

Jira daidíaoí:

—Ocuíraima, eróizaibi, —daidíaoí.

³⁵ Jesús eede. ³⁶ Jira mei judíuai daidíaoí:

—¡Ero, nii afémiena izíruilla! —daidíaoí.

³⁷ Iadi afémacimona dámie daide:

—Bímie uina cíoiñedimiena meine cíoitaraíma. ¿Nai afémiemo íñede ríino Lázaro tíitañeillena? —daide.

Lázaro tíillamona meine abido cáadimiena jaide

³⁸ Jesús comeci meine iere docaide. Raíáfomo áinozide. Raiafo idu ana ifo. Ie jofo jáirano daa nofícina ibaica. ³⁹ Jira Jesús daide:

—Nofici oni ono, —daide.

Tíidimie miringo, Marta daide:

—Ocuíraima, jae íaire jallede. Ráiamona cuatro dígarui íteza, —daide.

⁴⁰ Jira Jesús daide:

—¿Nai ona daiíñedicue, o ínoiadi Juzíñamui ebírenafuena cíoitio? —daide.

⁴¹ Iemona nofici oni otíaoí. Ie mei Jesús monamo érocaillano daide:

—Moo Juzíñamui, iere figora cuemo cacáreíredio. ⁴² Onódicueza cuemo jaca cacáreidio. Mei íadi daií daidicue benó ite comini ñueillena, daje izói bimaci o cue óriana ínollena, —daide. ⁴³ Daií dáina méifodo jírite:

—¡Lázaro, dinómona jino bi! —daide.

⁴⁴ Tíidimie jino bite; ua onoi idai diga ferínoraroido maíano jino bite. Uiéco iníroina ibaica diga bite. Jira Jesús íaioina daide:

—Zuita, zúitanona ie ore, —daide.

*Jesús llaitállena jáicina maméritiaoí
(Mt 26.1-5; Mr 14.1-2; Lc 22.1-2)*

⁴⁵ Afedo aillo judíuaimona Jesuna ínotiaioi. Afémaci, María ícoina bitino, Jesús finócafueña ciódimaci. ⁴⁶ Mei íadi afémacimona dáamierie fariséuaimo úrizaide. Ua Jesús finócafuiái íaioimo llujide. ⁴⁷ Iemona fariséuai, lletáriraini illaini diga gairídiaioi naa caifóidillainiri. Daidíaiioi:

—¿Nie izói ñéiticai? Bie iima aillo cíofinina onótalle raana finode. ⁴⁸ Fia daií íena cai fáicanocaiadi nana íena ínoitiaioi. Iemona romano ríimaci cai gairíraco táinocaitaitiaioi naa cai náirairi, —daidíaiioi.

⁴⁹ Dáamie íaioimona Caifás mámeciredimie. Afémie afe fimónamo lletáriraini illaíma. Afémie íaioina daide:

—Omoi minícana onóñediomoi. ⁵⁰ Daa iima comíniri tíia baímo jamánomo ñuera, nana nairai tíñeillena. Afefue nai figo fidíñediomoi, —daide.

⁵¹ Mei íadi Caifás afefue dama ie comécido lloñede; mei jíáfodo afe fimónamo afémie lletáriraini illáimana íllamona, Juzíñamui Joreño daínáfuedo afemie daide: “Jesús judío náirairi tízate.” ⁵² Ua dani afe náirairi tíñeite, mei íadi nana júdaizite Juzíñamui jítóniai dáanomo meine gairíllena tízate. ⁵³ Daií aféruimona judíuai ríimaci Jesús fállena maméritiaioi.

⁵⁴ Jira Jesús ja judíuai cígido uáfodo macáñede. Judea éniemona oni jaillano, táizici áinori ite jófueño jáizaide. Afe jofue mámece Efraín. Dinomo ie llófuegamaci diga fiévide.

⁵⁵ Judíuai pascua rafue ánozidemo aillo jofue comini Jerusalem jáidiaioi, pascua uícomo comeci duáfuiái finóllena. ⁵⁶ Jaillano Jesús jénuaidiaioi. Gairíracomo íaioi illano conímamo jícanoidiaioi:

—¿O nie izói daidio? ¿Afémie ráfueño biite? ¿Nibai bíñeite? —daidíaiioi.

⁵⁷ Fariséuai lletáriraini illaini diga jae ocuídiaioi: “Daa come Jesús illánona onóiaidi lloíri,” ie cai llaitálleza, —daidíaiioi.

12

Ringo Jesús jillaide

(Mt 26.6-13; Mr 14.3-9)

¹ Pascua uícomo seis dígarui ítemo, Jesús Betániamo jaide, Lázaro illánomo. Lázaro ua tíidimacimona Jesús abido cáatagamie.

² Dinomo nauife güillafue finódiaioi Jesumo ñúefuiaina nitállena. Marta güille raizífiredede. Güirábanimo ráicana Jesús diga güitino, Lázaro afémacimona dáamie. ³ Iemo María litro átuedo zíoji cáiredena fáñegaji atide. Afeji jamánomo ráifide. (Afeji mámece nardo.) Atiano Jesús eiba emodo jillaide. Daií ñiano ifótido zafénaitade. Nana afeco ero zúena oruíbicaide. ⁴ Dinomo Judas Iscariote ráide. (Judas Simón jitó Jesús llófuegamacimona. Afémie Jesús éoidimacimo fécaitimie.) Afémie daide:

⁵ —¿Nibái mei trescientos dígabe fidi bie cáirediji fécañega, duéredino cai canoi daií? —daide.

⁶ Mei íadi duéredimaci izíruillamona daií daiíñede. Mei íadi afémie meríriraíma. Nane íaioi úcubellu uícaífiredede. Aféllumo jóonega raana merífiredede. ⁷ Ie jira Jesús íena daide:

—Aféngona fáicanocai. Raiáfomo cue raillíruimo aféjina afengo éenote. ⁸ Duéredimaci jaca omoi diga ífiredede, mei íadi cue jaca omoi diga are íñeiticue, —daide.

Lázaro fállena maméritiaioi

⁹ Aillo judíuai Jesús Betániamo íllana fidídiaioi. Jira dinomo jáidiaioi dama Jesumo éroiñellena, mei íadi daje izói Lázarona cíoillena, tíidimacimona Jesús abido cáatagamiena jira. ¹⁰ Iemona lletáriraini illaini Lázaro fállena mamédiaioi. ¹¹ Ua Lázaro ícoiniadi aillo judíuai illáicomínimona jírecaillano Jesuna ínotiaioi.

*Jesús Jerusalemo ebire jofo jáillafue
(Mt 21.1-11; Mr 11.1-11; Lc 19.28-40)*

¹² Pascua ráfuemo aillo comini Jerusalemo jáidiaioi. Ie méidiruido Jesús jófuemo dúcizaillana fididiaioi. ¹³ Amena rafóruai jaitada jino Jesús uáiduidiaioi. Caillícana daidiaioi:

—Juzíñamuina ebífueña daíri! ¡Juzíñamui mámecido bitímie caimare comuiri! ¡Israel Illaima caimare comuiri! —daidiaioi.

¹⁴ Iemo Jesús burro baillano afe emódomo ráinade, jaiai Cuegáuai daína izói; be níuui:

¹⁵ “Sión comini omoi jacíruiñeno.

Erocai, o Illaima búrrodo ráicabite.”

¹⁶ Nanómona ie llófuegamaci aféfuiaína cacáñediaioi. Ie méifodo ebírenafue Moo íemo nitaca mei, ie tíllanomonameine abido cáatalliruimo, nana afémieri Cuegáuaimo uíbicaidiaioi. Daje izói íemo daí finócafue uíbicaidiaioi.

¹⁷ Lázaro jino raíáfomona uáiduaruido aillo comini Jesúsóiri ite. Ua Lázaro tíidimacimona abido cáanana ciódino afe íaioi ciónafueña llujídiaioi. ¹⁸ Ie jira comini Jesuna caimare baizájidiaioi, afe cíofinina ie finócafue íaioi fidina jira. ¹⁹ Jira fariséuai dani daidiaioi:

—Ja cíodiomoi, jaca nie izói ñénide. Erocai, nana comini íedo jáidiaioi, —daidiaioi.

Dáarie griego imaci Jesús jenódiaioi

²⁰ Rafue illa dino acádoillena Jerusalemo bitímaci cígimo dáarie griego ímiai ite. ²¹ Afémaci Felípemo ánozidiaioi. (Felipe Galilea ímie; Betsaida jofue ímie.) Ainozillano íemo izire jicánotiaioi:

—O onógamie Jesuna cíoiacadicaí, —daide.

²² Jira Felipe Andrena daízai. Iemo afe íaillinoi Jesumo llujíde. ²³ Ie jira Jesús ie abina úrillano daide:

—Nanoide Iima Jitomo ebírenafueña nitálliruimo ja dúcide. ²⁴ Uáfueña ómoína dáititue, daa güiga raa ido éniemo ríñenia, tíñenia, jaca nai dáajina jóoide; mei íadi afeji ríllamona tídena eroide zícua mona aillo aite. ²⁵ Daje izói dáamie ie cáaillinona dama íeiena rairuíadi, áfena féitaitue, mei íadi dáamie ie cáaillinona bie éniemo jámairuíadi, áfena zíñona cáaillinomo éenoite. ²⁶ Dáamie cuemo jaináiacadimie cuedo jáirede. Cue illínomo dáanomo cuena jaináidimie iite. Dáamie cuemo jaináia, cue Moo aféniemo ñúefueña nítaite, —daide.

Jesús ie tíllifueña jino llote

²⁷ Jesús nai úrillano daide: Birui cue comeci iere llícitai. ¿Nie izói cue daíri? ¿Níbai bie izói dáititue: “Moo birui cuemo zuídifuemona cue jíllota”? Mei íadi cue afe jira bititue.

²⁸ Moo, o mámecimo ebírenafueña jóoneri, —daide.

Iemona monámona daa uai cácaide. Daide:

—Afena jae ebire ífcaitaitue. Iemo meine dáanomo ebire ífcaitaitue, —daide.

²⁹ Afénomo ite comini afena cacáillano daidiaioi:

—Mona gíría, —daidiaioi.

Iemo jíaimaci:

—Juzíñamui abi ímie íemo úrite, —daidiaioi.

³⁰ Mei jira Jesús daide:

—Afe uai cuemo cácañede. Omoimo cácaide. ³¹ Ja biruimo bie énie comini jenoda facatalliaioi. Jabe bie énie ocuidimie jino dotácana iite. ³² Enie acónimo titállena cue íaioi raiñolle llezica, nana dama cuemo cue atille, —daide.

³³ Afe dánamona, ie tílla izói onótate. ³⁴ Jira comini uai otíaioi:

—Cai ocuilla uai cuegánicodo caimo llófuega: “Cristo zíñona iite.” ¿Nie izói daidio: Nanoide Iima Jitó titállena caífo raiñóbicaite? ¿Bu mei bie Nanoide Iima Jitona? —daidiaioi.

³⁵ Jira Jesús daide:

—Nai omoi cígiri egáiñotimiena izói nano íanori iticue. Bie cue egáiñuana ómoimo illa dino, mai cue llua izói omoi macari, jítiredino raire omoi éidafiñeillena. Jítinodo macádimie ie jáillana onóñede. ³⁶ Uzefomo ñino, nai ómoimo illa dino, egáiñogamacina daí omoi jáillena, —daide.

Afefue daina méifodo, Jesús afémacimona retáirizaide.

Judíuai Jesuna ñinoñediaioi

³⁷ Jesús íaioimo eróicana diga cíofininafuiaina finode. Mei íadi íena ñinoñediaioi. ³⁸ Ua ñinoñediaioi, jaiai uai llóraima Isaías Cuegáuai fuitállena. Isaías daide:

Ocuíraima, ¿bu cai úrillafue ñnua?

¿Bumo Ocuíraima ie ríinona ácatate? daide.

³⁹ Daítana jira ñnonidiaioi. Ie emódomo jíáifodo Isaías cuete:

⁴⁰ Juzíñamui uina cíoiñedimacina íaioina finode.

Íaioi ifoci jáiaitate.

Daí finode uído cíoiñeillena,
daje izói ifócido ónoñeillena.

Jira cuemo bínidimaci, íaioi cue jíllotallena.

⁴¹ Isaías aféfuiai llote, mei afémie Jesús ebírenafuena cíodeza. Jira afémiedo úrite.

⁴² Mei íadi aillo judíuaimona Jesuna ñnotiaioi, illáicomínimona jíáí dáarie. Mei íadi uáfodo lloñediaioi, fariséuaina jacíruillano gairíacomona jino íaioi óreñeillena. ⁴³ Comini ñúefuena íaioimo nítajana jamánomo gáidiaioi. Mei íadi Juzíñamui ñúefuena íaioimo nítajana jámairuitiaioi.

Jesús uailai comínimo riire jicánoite

⁴⁴ Jesús aillo uaido daide:

—Cuena ñnotimie, dama cuena ñnoñede, mei íadi daje izói cue orédimiena ñnote. Ua cue Moona ñnote. ⁴⁵ Cuena cíodimie daje izói cue orédimiena cíode. ⁴⁶ Cue egáiñotimiedicue. Ana bie éniemo biticue, cuena ñnotino jítiredifomo fiébiñeillena.

⁴⁷ Dáamierie cue uaina cacáadi íadi jeire ie óñeniadi, ie jicánoraimana íñeiticue. Cue bie énie comínina duere fínuaibiñedicue, mei íadi afémacina jíllotaibiticue. ⁴⁸ Cuena jámairuitimie, cue uaina jeire oñédimie ja ie duere fínoitimie ite. Cue daina uailai íirairuillaido duere íena finótate. ⁴⁹ Dama cue comeci izói úriñedicue. Moo Juzíñamui, cue orédimie cue dánana llófuellena jae ocuide. ⁵⁰ Moo cuemo ocuícáfue zíiñona itátate. Afena onódicue. Jira mei, cue daina, jaca cue Moo cue ocuilla izói.

13

Jesús ie llófuegamaci idai jocode

¹ Jae pascua rafue uícodirui. Jesús bie éniena ie fiénocaillana, ie Moo dine jáillirui áinozillana fidide. Ieiena éniemo itínona izíruite. Ua jaca fáicanocaiñeno íaioina izíruite.

²⁻⁴ Taife jae Judas Iscariote comécimo Jesús fecállena llote. Judas Simón jító. Afe llezica Jesús Juzíñamuimona bitímiena fidide. Daje izói Juzíñamuimo meine jáillana fidide. Juzíñamui nana ríinona íemo fécajana Jesús onode. Ie mei güillano, güirábanimona náidacaillano jinóidicuiro duiñode. Dúíñuano daa abi doraroi ciráigimo maitade. ⁵ Ie mei jainoi icáifemo tótajano, ie llófuegamaci idai jócuaide. Daí ñiano, afe ciraiigi maitaca abi dorároido íaioi idai zafénaitade.

⁶ Simón Pedro idai ie jócuaila llezica afémie Jesuna daide:

—Ocuíraima, ¿cue ídaina jócoitio?

⁷ Jira Jesús uai ote:

—Birui cue finócafuenta onóñedio, mei íadi fui ónoitio, —daide.

⁸ Mei ie jira Pedro daide:

—Jaca ninomo cue ídaina jócoñeitio, —daide.

Jira Jesús íena daide:

—Ona cue jocóñeniadi, cuemo jáinaiñeitio, —daide.

⁹ Jira Simón Pedro íena daide:

—Mai mei, Ocuíraima, daa cue idai jocóñeno, mei cue onoi, cue ifo diga jocori, —daide.

¹⁰ Jira Jesús daide:

—Como nóidime daa ie idai jócuana dúide, abi nana dóina jira. Ja dogáomoi, mei íadi nánañede, —daide.

¹¹ Iena fécaitimiena onona jira, Jesús jae daide “Nana dóñegaomoi.”

¹² Iaioi idai jócua méifodo, Jesús ie jinóidicuro meine jítade. Güirábani abimo ráinaillanona daide:

—¿Omoimo cue finócafuenta onódiomoi? ¹³ Omoi jae Llófueraimana, Ocuíraimana cue mamédiomoi. Daií ñue daidíomoi, níimedicueza. ¹⁴ Jae omoi Llófueraimadicue; jae omoi Ocuíraimadicue mei íadi omoi idai jocódicue. Afe izói dani conima idai omoi jocolle jítáirede. ¹⁵ Jae ómoína finócafuenta onótaticue, cue finua izói omoi finóllena. ¹⁶ Uáfuenta dáititue: Táijitatime baimo jaide jaiénicina ñede. Daje izói orédime baimo jaide orécamierna ñede. ¹⁷ Aféfuiai omoi onóadi, íemona afe izói ñiano, ióbificaitiomoi.

¹⁸ Omoiri nana úriñedicue. Cue nizécamacina onódicue. Mei íadi Cuegáuai daina ñue fuitállena jítáirede. Cuegáuai daide: “Cue diga güitíme jae cue ícidote.” ¹⁹ Afefue uícomo ómoimo lloticue afe íficailliruimo Crístodicue cuemo omoi íinollena. ²⁰ Uáfuenta ómoína dáititue, cue orécamierna líinotime afe izói cuena líinote. Cuena líinotime afe izói cue orédimiena líinote, —daide.

Jesús Judas ie fecállifue jino llote

(Mt 26.20-25; Mr 14.17-21; Lc 22.21-23)

²¹ Daií daina méifodo, Jesús jamánomo comeci zúucaide. Uáfodo jino llote:

—Uáfuenta ómoína dáititue, ómoimona dáamie cue fécaite, —daide.

²² Ie jira llófuegamaci jíámamo eróricaidiaioi, onóñegaza budo úrite. ²³ Llófuegamacimona dáamie Jesús iere izíruigamie. Afe güilláruído Jesús abimo ráide. ²⁴ Simón Pedro íemo onócaido llote:

—Mai Jesumo jícano, ¿budo úrite? —daide.

²⁵ Jira jofo ánozillano Jesumo jícanote:

—Ocuíraima, ¿bu llotio? —daide.

²⁶ Jira Jesús uai ote:

—Daa pánllicina cue riáitano afémiemo íititue. Afe níimie, —daide.

Iemona pánllicina riáitano Judas Iscariote, Simón jítomo fecade. ²⁷ Afe pan Judas líinuamona, Taife ie comécimo jofo jaide. Mei jira Jesús daide:

—O finóllifuenta raire fino, —daide.

²⁸ Júdasna daií daináfuenta güirábanimo güitínomona buna aféfuena onóñena. ²⁹ Ucubellu Judas uícaiga jira dáamierie comeci facádiaioi: Jesús daiíacade ráfuemo jitailla raana íbajitade. Jíámaci comeci facádiaioi, níbai duéredino úcube aféme íllena. ³⁰ Afe pan güilla méifomo Judas jino jaide. Ja naiona.

Comue ocuállifue

³¹ Judas jino jailla méifomo, Jesús daide:

—Jabe Nanoide íima Jitó ebírenafue ácatalle. Afe dainámiedicue. Iemo jíái jabe Juzíñamui ebírenafue iedo ácatalle. ³² Nanoide íima Jitó Juzíñamui ebírenafue ácataiadi, íbana ie Jitó ebírenafue Juzíñamui ácataite. Afena raire fínoite.

³³ Cue izíruigamací, omoí diga ja are íñeiticue. Cuena jénoitiomoi. Mei íadi nauí judíuaina cue daína izóí biruí ómoína dáititícue: cue jáillinomo jáinidiomoi. ³⁴ Bie comue ocuícafue ómoímo llotícue: conímana omoí izírui. Cue omoí izíruiilla izóí afe izóí conímana omoí izíruiillana jitáirede. ³⁵ Nana conímana omoí izírui, nana comíni cue llófuegamacidiomoi fídítiaioi, —daide.

Pedro Jesuna jáanollifue Jesús uícomo llote
(Mt 26.31-35; Mr 14.27-31; Lc 22.31-34)

³⁶ Ie mei Simón Pedro Jesuna jicánote:

—Ocuíraíma, ¿niné jáidí? —daide.

Jira Jesús uai ote:

—Cue jáillinomo biruí bínidí; mei íadi méfoidíruido cuedo bítí, —daide.

³⁷ Mei ie jira Pedro daide:

—Ocuíraíma, ¿nibái mei biruí odo bínidícue? Ja finóbídícue o diga cue tállena, —daide.

³⁸ Jira Jesús uai ote:

—¿Uáfueña meita finóbídí cue diga o tállena? Uáfueña ona dáititícue: nai átava úriñeniadí, dacaiñoámani cuena jáanoití, —daide.

14

Jesús, Moo Juzíñamuimo jaira io

¹ Omoí comeci zúucaíñeno. Juzíñamuimo ñno; daje izóí cuemo ñno. ² Cue Moo jofomo aillo illánuiái ite. Bífue tánofue íadí, raíre ómoímo llóitícue; íadí jaca uafue. Mei jira omoí illíno fínuaídícue. ³ Omoí illíno cue fínuailla mei, abído ómoína uáibitícue, cue illíno dáanomo omoí íllena. ⁴ Cue jáillinona onódiomoi afe io diga, —daide.

⁵ Jira Tomás daide:

—Ocuíraíma, o jáillinona onóñedícaí. ¿Nie izóí afe iona ónoitícaí? —daide.

⁶ Jira Jesús uai ote:

—Cue íodícue. Cue uáfuedícue. Daje izóí cue cáatatínodícue. Ie jira daa cuedo Moo illánomo dúciredíomoi. ⁷ Cuena omoí onóíadí, daje izóí cue Moona ónoitíomoi. Ja biruímo íena onódiomoi. Ja íena cíodíomoi, —daide.

⁸ Jira Felipe daide:

—Ocuíraíma, Moo Juzíñamui caímo cíota. Afedo figo baite, —daide.

⁹ Jira Jesús uai ote:

—Felipe, ja are omoí diga itícue, ¿nai cuena onóñedí? Cuena cíodímíe daje izóí cue Moona ja cíode. ¿Níbái mei Moona cíotalle cuemo jicádí? ¹⁰ ¿Moomo cue íllana nai ñnoñedí? ¿Daje izóí cue Moo cuemo íllana ñnoñedí? Nana cue daínáfuiái dama cue comeci izóí daíñedícue. Cuemo ite Moo dama ie tájina finode. ¹¹ Cue Moomo cue íllana ñno; afe izóí Moo cuemo íllana ñno. Ménaillínoí dáanomo itícocoza. Daí omoí ñnoiacañenia cue finócafueña ñno. ¹² Uáfueña dáititícue: cuena ñnotímíe cue finócafue izóí fínoite. Nane afe baímo aillo jáífue fínoite, cue Moo illánomo cue jailla jira. ¹³ Nana omoí cue mámedído jicaca raa fínoitícue, Moo ebírenafue ie Jitó ácatallena. ¹⁴ Naga cue mámedído jicalle raana fínoitícue, —daide.

Jesús Ñuera Joreño oréllena uafue llote

¹⁵ Cuena omoí izírui, mai cue ocuícafuiái cacáfíreiri. ¹⁶ Iemo omoí canóraíma, omoí fíraraíma jicaitícue. Moo ómoímo íena oréllena íemo izire jicaitícue. Bítímíe uafue Joreño. Afe Ñuera Joreñoña jicaitícue omoí diga ñnomo íllena. ¹⁷ Eníe imací íena llínonidíai, afémíena cíonídímí jira; daje izóí afémíemona ónoñedímí jira. Mei íadí íena ja onódiomoi, omoí diga illa jira. Ua uire jaca ómoíri dájena íte. ¹⁸ Omoína zóofeñeítícue.

Abido bíitícue omoi diga íllena. ¹⁹ Nano nígarui íanori íllamona comini ja cuena cíõñeitiaoí, mei íadi cuena cíoitíomoi. Afe jira omoi cáaitíomoi, cue caana jira. ²⁰ Aféruído cue Moomo cue íllana ónoitíomoi. Daje izóí cuemo omoi íllana ónoitíomoi; daje izóí ómoímo cue íllana ónoitíomoi. ²¹ Cue uaina onódímie, íemo jáí afe uaina jeire otímie uáfueña cuena izíruillana cíotate. Jira cuena izíruitímie cue Moo daje izóí izíruite. Cue daje izóí íena izíruitícue; ie mei afémiemo cuena cíotaitícue, —daide.

²² Iemo Judas (íadi Iscarióteñedímie) íena daide:

—Ocuíraima, ¿nibái énie comínimo ácatañeno, dani caimo o abina ácataitío? —daide.

²³ Jira Jesús uai ote:

—Cuena izíruitímie cue daínafue jeire ote, ie jira cue Moo íena izíruite. Afe llezica cue Moo cue diga bíitícoco afémie diga íllena. ²⁴ Cuena izíruiñedímie cue daínafue jeire oñede. Omoi cacana úrillafue dama cúeieñede. Afefue Moo Juzíñamui, cue orédímie ifue. ²⁵ Omoíri cue illa dino aféfuiaina ómoímo llotícue. ²⁶ Mei íadi Moo cue mámeçido Ñuera Joreño óreite, ómoína canóllena, ómoína firallena. Nágafuiaina omoi llófueite. Nana ómoína cue daínana uíbicaítaite.

²⁷ Começi caimare uái illifue ómoímo fiédícue cue jailla jira. Cue começi caimare uái illifue ómoímo itícue, mei íadi énie comini começi illifue izóíñede. Omoi começi zúucaíñeno. Jacíruiñeno. ²⁸ Jáitícue, cue daínana cacádiomoiiza. Daje izóí meine bíitícue ómoíri cue íllena. Uáfueña omoi cuena izíruia, cue Moomo cue jáillifue omoi fidínamona cáimacaitíomoi, mei afémie cue baímo illa jira. ²⁹ Jira áfena uícodo ómoímo llotícue, afefue fínuaruimo omoi ínollena.

³⁰ Omoíri ja aillo úríñeitícue, bie éniemo ocuídímie ja billa jira. ³¹ Mei íadi afémie cuena ocuínide. Daí írede, énie comini Moona cue izíruillana íaíoi onóillena. Daje izóí Moo cue ocuilla raana cue fínuaña ónoítiaoí. Mai náidacai. Benómona cai jáilleza, —daide.

15

‘Vid’ daína jírícua izoide rao ícairuái rafue

¹ Afe mei nane Jesús úrite; daide:

—Uafue ‘vid’ daína jírícue llizítate rao izóidícue. Cue Moo afe rao úiñotímie.

² Lliziacañede rao ícairo jaitade. Nana lliziacade ícairo ie ícoí jáicoide, áfemona jamánomo llizíllena. ³ Omoi cue llófuiáfuedo jae ñue dóficaidíomoi. ⁴ Mai cuemo dáanomoi omoi jainairi ómoímo cue jainaina izóí. Daa ícairo fia daíngo llizínide. Daje izóí cuemo dáanomoi omoi jaináñenia, ñúefuiái omoi comécimona comuítanidíomoi. ⁵ ‘Vid’ daína jírícue llizítate rao izóidícue; afe rao zitaca ícairuái izóidíomoi. Cuemo dáanomoi jaináidímie, íemo dáanomoi cue jainaila llezica, ua jamánomo aite. Mei íadi cue íñédicuenia minícana finónidíomoi. ⁶ Cuemo jaináñedímie jino faille. Fáiamona zafénaite, rao rábiai izóí. Afémacina iraida iraimo jobaica.

⁷ Cuemo ñue omoi jaináiadi, daje izóí cue llogáfueña omoi féitañenia, o jitaiga raana jicari. Iemona áfena ómoímo íitícueza. ⁸ Aillo llizilla izoide ñúefue omoi finóadi, cue Moomo ñúefueña nítaitío. Afedo cue uáfueña llófuegamacina omoi íllana ácataitíomoi. ⁹ Cue Moo cuena izíruilla izóí, afe izóí ómoína izíruitícue. Omoína cue izíruitícueza; áfedo dínomo omoi jairi. ¹⁰ Cue ocuícáfuiaina jeire omoi óiadi, daí cuedo izíruillíomoi. Daje izóí cue Moo ocuícáfuiaina jeire otícue. Iemona afémiedo izíruigacue.

¹¹ Cue daí úritícue cue dibéndo caimare omoi íllena. Daí íobillafueña oruíbicaítíomoi. ¹² Bie cue ocuícáfue: Omoína cue izíruilla izóí naga come ie conímána izírui. ¹³ Dáamie jamánomo izíruillafuedo ie abi ie nabáiñiaimo fecárede. Afe baímo iere izíruillafue íñede. ¹⁴ Cue ocuícáfue omoi finóadi cue nabáiñiaidíomoi. ¹⁵ Ja jáiénicína ómoína mámeñeitícue, jáiénici ie ocuídímie fínuañefueña ónoñena jira. Cue nabáiñiaína ómoína mamédícue, nana

cue Moo cuena daináfuiái omoi cue onota jira. ¹⁶ Omoi cuena nizéñedi omoi, mei íadi cue nizécamacidi omoi. Iemona ómoína ocuídícue, aillo llízie izoide ñúefuiaina omoi finóllena. Afe llízie are íllana ocuídícue. Ie jira daí nana cue mámeçido omoi jicaca raana cue Moo ómoimo fécaite. ¹⁷ Jira bifue ómoína cue ocuíllafue: Naga come ie conímana izírui, —daide.

Enie comini Jesuna éoide ie comini diga

Jesús nai úrillano daide:

¹⁸ —Enie comini ómoína éoiadi, nano fueñe cuena íaiói éoillamo omoi uíbicaíri. ¹⁹ Enie comínina omoi íadi, afémaci íaiói comínina izíruiilla izói ómoína izíruiítiaíói. Mei íadi énie imácimona ómoína nizédícue. Ie jira énie imaci ómoína éoidiaíói, éniemo íaiói jainaina jira. ²⁰ Omoína cue daináfue mo uíbicaíri: “Ñie jaiénici ocuídímie baimo ñede.” Cue duere finóllena íaiói racáoiaíadi, daje izói ómoína rácaítiaíói. Cue llófueinafueña jeire íaiói óiaíadi, ómoína jeire óítiaíói. ²¹ Nana aféfuíai cue ícoínia ómoimo fínoítiaíói, cue orédímiena onóñena jira.

²² Íaióimo úrizabiñedicuena íaiói ícoínia ñede. Mei íadi birui íaiói fiénidífue ícoínia jae ite. ²³ Cuena éoidímie daje izói cue Moona éoide. ²⁴ Jaca bu jíáímie íaiói cígiri cue fínua izói finóñede; mei íadi afe jíáímie finófinide raana ja íaiói cígiri finódícue. Ie jira íaiói ícoínia íteza. Mei uáfueña aféfuíaina ja ciódiaíói. Mei íadi afe emódomo cuena éoidiaíói. Afe izói cue Moona éoidiaíói. ²⁵ Afefue daí jaide, íaiói cuega ocuícáfuiái uai fuitállena. Afe Cuegáuai daide: “Nífueninanomona cuena éoidiaíói.”

²⁶ Mei íadi Móomona cue oréllímie, afe Ñuera Joreño bíadi, cueri úrite. Afe llezica ómoína cánuano náirecaítaite. ²⁷ Omoi daje izói cueri úriti omoi, nanómona cue diga omoi illa jira.

16

¹ Aféfuíai ómoimo llotícue, fiénidífue mo omoi báíñellena. ² Juzíñamui uai llófueriracomona ómoína jino dótaítiaíói. Ua uire jamánomo fiéni illíruimo dúciite. Aféruíllaido ómoína fáitímaci, “Omoína fallífuedo Juzíñamui tájínana fínoíticai” daí daina ínoítiaíói. ³ Aféfuíaina fínoítiaíói Moona jaca ninomo onóñena jira, daje izói cuena onóñena jira. ⁴ Afena ómoína dáitícue, aféruíllai dúcillemo, cue daináfue mo omoi uíbicaíllena, —daide Jesús.

Ñuera Joreño fínóllifuiái

Jesús nai úrillano daide:

—Aféfuena nanómona ómoimo lloñédícue, omoi diga cue illa jira. ⁵ Mei íadi biruímona cue orédímie díno mo jíitícue. Omoimona buna cue jáillinona jicánoñedi omoi. ⁶ Mei íadi bie cue ómoína daináfueri iere zúucaídi omoi. ⁷ Iadi uáfueña dáitícue: cue jaille ómoimona iere ñuera. Cue jáíñenia, ómoína canoda fíraraima bíñeite omoi diga íllena. Mei íadi cue jaía íena óreitícue. ⁸ Ie billíruido éniemo itino íaiói fiénidífuiaina uáfueña onótaitaite. Daje izói dama daa jáicína ñúefuedo cai jáillinona onótaitaite. Daje izói Juzíñamui íaíoína duere finóllena onótaitaite. ⁹ Afémaci fiénidífuiairedímaci, cuena ínoñena jira. ¹⁰ Afe jáicína jáillinona ónoítiaíói, Moo illánomo cue jailla jira. Afe cue jailla mei cuena cíñoñeti omoi. ¹¹ Juzíñamui facátallífueña ónoítiaíói, bie éniemo ocuídímie jae duere finóbilla jira.

¹² Cue ómoimo lloíllífuiái nai aillo ite; mei íadi nai onónidi omoi, náinidi omoi. ¹³ Uafue Joreño bille llezica ómoimo nana uáfuiaina afémie llóite. Dama ie comeci jítaina izói úriñeite, mei íadi ie cacana izói dáite. Uire íitífuiaina ómoína onótaitaite. ¹⁴ Cúeiemona llínuano ómoína onótaitaite; onótamona ñúefueña cuemo nítaite. ¹⁵ Nana Moomo ite raa daje izói cueie. Ie jira dáitícue: Ñuera Joreño cúeiemona llínnoite, áfedo aféfuena ómoína onótaitaite.

Zúurenafue cáimafueña méidolle

¹⁶ Nano íanori íllemona cuena cíõñeitiomoi. Mei íadi jabo bai diga iruillai íllamona, nane meine cuena cíõitiomoi, mei cue Moo illa ðine cue jáillaza, –daide.

¹⁷ Iemona ie llófuegamacimona dáarie jofo conímamo jicánote:

–¿Afe nie izói ðaináuai? Caina daide nano nie ðino íllamona íena cíõñeíticai. Ie mei nane caina daide, báifenemo diga iruí íllemona meine íena cíõíticai, mei ie Moo illánomo ie jáillaza. ¹⁸ ¿Nie izói aféuai daide: “Nie ðino íllamona?” Afémie nífuedo úriteza onóñeíticai, –daíðiaíoi.

¹⁹ Jesús íaíoi íemo jicánoiacagafuena onóillano daide:

–Cue daíðicue níe ðinó íllemona cuena cíõñeitiomoi. Nane ie baimo diga iruí íllemona meine cuena cíõitiomoi. ¿Afefue conímamo jicánotiomoi? ²⁰ Uáfueña dáíticue: omoi éeitiomoi. Zuure ítíomoi; mei afe llezica énie comini caimare ítíaiíoi. Mei íadi omoi zúunaillafue cáimafuena méidoficaite. ²¹ Ringo úrue jocóacania izínaillari zúucaite, afengo izínaillaruimo dúcidez. Mei íadi úrue jócua méifodo afe izírenamo uíbicaíñede, úrue éniemo jocóinari ie íóbilla jira. ²² Daí birui omoi izire zúucaitiomoi. Mei íadi ómoimo cíõizaíbiticue. Iemona omoi coméciai cáimafuena óruite. Afe cáimafuiai bu ómoimona báiroñeite.

²³ Aféruído minícana cuemo jícanoñeitiomoi. Uáfueña ómoína dáíticue, nana cue mámeçido omoi jicaca raa, cue Moo ómoimo fécaite. ²⁴ Biruimo cue mámeçido minícana nai jicáñeíomoi. Mai jica omoi llínollena, áferi comeci cáimafuena oruíbicaillena.

Jesucristo, Juzíñamuina éoidinona anáfenodimie

²⁵ Bífuiái aillo daje izóidífuiáido ómoimo lloticue, mei íadi daruina daje izóidífuiáido ómoimo úriñeíticue. Aféruimo ja ánozide. Aféruído uáfodo Moodo ómoimo úriticue.

²⁶ Aféruílláido omoi cue mámeçido jícaitíomoi. Moomo ómoiri izire cue jicállena daíñeíticue, ²⁷ mei dama Moo ómoína izíruilla jira. Iemo jíái cuena omoi izíruilla jira, ómoína izíruite. Moo ðinena cue bíllana omoi ínuua jira, afémie ómoína izíruite. ²⁸ Moo illánomona billano bie éniemo biticue. Birui énie fiénocaillano meine Moo ðiné abído jáíticue, –daide.

²⁹ Jira ie llófuegamaci daide:

–Ja birui daje izóidíuáido daíñeno, jino uáfodo úritio. ³⁰ Birui naga rafue o onóigana onóðicai. Ja jáímie omo llúana jítáíñede. Mei jira Juzíñamuimona o bíllana ínoticai, –daíðiaíoi.

³¹ Jira Jesús uai ote:

–¿Birui cuemo ja daí ínotíomoi? ³² Omoi enénorie júðazíllíruimo ánozide. Ja birui aferuí. Omoimona nágamie oni eneno júðazíte. Dama cuena fiénocaitíomoi. Mei íadi damáñeíticue, cue Moo cue diga illa jira. ³³ Nana bífuiái ómoimo llóíticue, cuemo ínuano omoi comeci uái íllena. Afe bie éniemo duere zéfuitíomoi. Mei íadi, jabí omoi mameri! Ja Juzíñamuina éoidinona anáfenodimieðicueza, –daide.

17

Jesús ie llófuegamaciri Juzíñamuimo jicade

¹ Aféfuíái ðaina méifomo, Jesús caífo monamo érocaillano daide:

–Moo, cue íraíruimo ja dúcide. O Jitomo ñúefuena nitari, afe izói o Jító omo ñúefuena nítaiteza. ² Aillo ríino o Jitomo jae o iga, nana comini náamatallena; daje izói nana cuemo igámacimo zííñona cáaíllinona íaíoimo cue íllena. ³ Zííñona cáaíllino comini ona íaíoi onónamona llínotiaíoi. O dama uafue Juzíñamuidio. Daje izói zííñona cáaíllino, o orécámie Jesucristo íena onónamona llínotiaíoi.

⁴ Bie éniemo cue illa llezica ebírenafue jae omo nitádicue. Cuemo o ocuícáfue jae fuitádicue. ⁵ Moo, nauí o díga cue illáruimo cue ebírenafue dájena biruí o uícori meine cuemo ine. Afe ebírenafue nai énie iñena llezica nauí cuemo ite.

⁶ Enie imácimona doce dígamie otío cuemo íllena. Afémacina búdioza jae onótaticue. Afémaci óie. Cuemo o igano. O úrilla uaina ínotiaíoi. ⁷ O nana cuemo igáfuiái ómona bitífuiaina onódiaíoi. ⁸ Jira o cuemo iga úrilla uai bimácimo llotícue. Aféfuena jeire otíaíoi. Uáfueña ómona cue bíllana onódiaíoi. Daje izói o cue óriana ínotiaíoi.

⁹ Afe cuemo o igámaciri izire jicádicue. Enie imáciri izire jicáñedicue. Dama cuemo o igámaciri izire jicádicue, ómacina jira. ¹⁰ Nana cueie óie díga. Afe íbana nana óie cueie. Afémacimona cue ebírenano ácataficaide.

¹¹ Cue ja éniemo fiébiñeíticue; mei íadi afémaci afe éniemo fiébitiaíoi. Cue o díga íllena jáitícue. Jamánomo ñuera Moo, cuemo o igano o ríinodo uíñori, nana dájena cuemo ñue jaináíllena, omo cue jainaina izói. ¹² Bie éniemo afémaciri cue illa llezica, o ríinodo íaioina úiñoidicue. Íaíoi abí ríidotícue. Íaioimona buna féiraiñede. Mei íadi dáamie jaca féiraitimie, Cuegáuai fuitáíllena. Afémie nanómona féiraitimie.

¹³ Jabe o illánomo jáitícue. Mei íadi nai éniemo cue illa díno aféfuiaína llóllodícue, cuemo ite íóbillafue afe izói afémaci ñue íóbicaíllena. ¹⁴ O úrilla uai íaioimo itícue, mei íadi énie imaci íaioina éoidiaíoi, énie imaciñena jira. Daje izói cue jáí énie ímieñedicue. ¹⁵ Eniemona íaíoi o óllena jicáñedicue, mei íadi Taifémona íaíoi ríidollena jicádicue. ¹⁶ Enie ímieñedicue; afe izói énie ímaciñediaíoi. ¹⁷ Íaioina uáfuedo dama ójena rairuirí. O úrilla uai uafue. ¹⁸ Enie imaci cigímo cue o ória izói, daje izói énie imaci cigímo íaioina orédicue. ¹⁹ Afémaci ícoínia cue dama abí rairuídícue. Daí finódicue, uafue uaido afémaci daje izói íaíoi rairuíllena.

²⁰ Daa afémacimo omo izire jicáñedicueza, mei íadi bimaci úrilla uaina cacáíllano cuemo ínotinomo izire jicádicue. ²¹ Nana afémaci dájena jaináíllena omo jicádicue. Ua Moo, afémaci dájena cócomo jaináíllena jicádicue. Uáfueña o cuemo itío, nane uáfueña cue omo itícue. Afe izói íaíoi cócomo íllena jicádicue. Afémaci dájena jainaille jítáirede, énie comini cue o óriana ínollena. ²² Cuemo o iga ebíredífue izói, afémacimo jae cue iga, dájena íaíoi íllena, o díga dájena cue illa izói. ²³ Afémacimo cue íllena jicádicue, nane o cuemo íllena jicádicue, nana afémaci dájena íficaíllena. Daí íaíoi íllena jítáirede, énie comini cue o óriana fidííllena. Nane áfedo énie comini cuena o izíruilla izói, bimácina o izíruíllana ónoítiaíoi.

²⁴ Moo, bimaci cuemo itío. Cue illínomo cúeoíri íaíoi íllena jítáidícue, cuemo o iga ebíredífueña íaíoi cíóíllena. Nai énie finoñenia uícomo cuena izíruitío. ²⁵ Moo, jáicina ñue jóonetímiedío. Enie comini ona onóñediaíoi, mei íadi cue ona onódicue. Bimaci cue o óriana onódiaíoi. ²⁶ Búdio, jae íaioina onótaticue; íemo nai onótaoicaitícue, o cuena izíruilla íaíoi comécimo fiébillena; daje izói cue dama afémacimo fiébillena, —daide.

18

Jesús maíano úinafue

(Mt 26.47-56; Mr 14.43-50; Lc 22.47-53)

¹ Aféfuiai daína méifodo, Jesús ie llófuegamaci díga jino jaíllano Cedrón illétue ruica jáidiaíoi. Dínomo ite ocózinairabirímo jofu jáidiaíoi. ² Judas afébirina onode, Jesús ie llófuegamaciri, díga ícaíño afénomo gáirífirina jira. ³ Jira dínomo Judas fuíríraíni díga dúcide. Afe llezica dáarie gairíracu llazíraíni Judas jicácamací bitíaíoi. Afémaci fariséuaimona lletáriráíni illáinimona oreca. Lloéfaíllai díga jacire abí mamédiaíoi. Unéraruairí bitíaíoi, daje izói lámparaíairí. ⁴ Mei íadi Jesús afémiemo fínuaiílfueña onóíllano, jino bíllano íaioimo jicánote:

—¿Bu jenódiomoi? —daide.

⁵ Jira afémaci uai ote:

—Jesús, Nazaret ímie jenódicai, —daidíai*oi*.

Jesús uai ote:

—Níimiedicue, —daide.

Afe llezica éoidimacimo fecádimie, Judas dinomo afémaciri ite. ⁶ Jesús “Níimiedicue” daína llezica, jinófecañona éniemo baiídia*oi*. ⁷ Ie mei Jesús dáanomo nane jicánote:

—¿Bu jenódiomoi? —daide.

Jira afémaci:

—Nazaret ímie, Jesús, —daidíai*oi*.

⁸ Mei jira Jesús daide:

—Jae níimiedicue daidicue. Cue omoi jenóadi, bie jiáimaci fáicanocai íai*oi* jáilleza, —daide.

⁹ Afe daí daide Jesús dama ie daínafue fuitállena. Afe daínafue llote: “Cue Moo cuemo igámacimona buna dáamie féiraiñede.” ¹⁰ Iemo Simón Pédro daa lloefai ite. Otá Malco daínámie jefo nabefo ñetade. Malco lletáriraini illaíma jaiénici. ¹¹ Jira Jesús Pédróna daide:

—O lloefai ie icomo abido meine joone. ¿Cue Moo cue duere zefuítajana llínoñeiticueza, daí o comeci facádio? —daide.

*Lletáriraini illaíma uícomo Jesús uitíai*oi**
(Mt 26.57-58; Mr 14.53-54; Lc 22.54)

¹² Ie mei fuiríraini íai*oi* ocuíraíma díga Jesuna llaítadía*oi*. Nana bimaci judíuai llaizíraini díga Jesús maíano oni uitíai*oi*. ¹³ Ie meífomo Anás jofomo íena uitíai*oi*. Anás Caifás jifai. Afe fimona llezica Caifás lletáriraini caifóidillaíma. ¹⁴ Bie Caifás nauí judíuaina bie izóí daidímie: “Daa come nana cai nairai ícoínia tíllena cai baímo ñue jaide.”

Pedro Jesuna jáanote
(Mt 26.69-70; Mr 14.66-68; Lc 22.55-57)

¹⁵ Simón Pedro jiáie llófuegamie díga nai Jesudo jaide. Jiáie llófuegamie lletáriraini caifóidillaíma onóigamie. Jira caifóidillaíma jofo ibírímo afémie jofo jaide Jesús díga. ¹⁶ Mei íadi Pedro jino naze fuemo fiébicaide. Ie jira lletáriraini caifóidillaíma onóiga llófuegamie jino jaillano, naze úíñoraímamo jicánuaide Pedro jofo oréllena. ¹⁷ Iemo naze úíñoraíma Pédro jicánote:

—¿O báimie llófuegamieñedio? —daide.

Pedro uai ote:

—Jíi, cúeñede, —daide.

¹⁸ Aféruído rozírena jira, jaiénizai llaizíraini díga irai bonódia*oi*. Dinomo naidáillano irai fuemo agáidia*oi*.

Lletáriraini caifóidillaíma Jesumo izire jicánote
(Mt 26.59-66; Mr 14.55-64; Lc 22.66-71)

¹⁹ Lletáriraini caifóidillaíma Jesumo jicánuaillano daide:

—¿Nímaci o llófuegamacina? ¿Nífuiaina llófuetio?

²⁰ Jira Jesús daide:

—Cue nana comíni uícomo uáfodo úriticue. Juzíñamui uai llófueriracuaimo jaca llófuefiredicue. Daje izóí Juzíñamuimo gairíracomo llófuefiredicue. Jaca afénomo judíuai gairífiredia*oi*. Daí bái*ni* nífuena lloñédicue. ²¹ ¿Níbái mei cuemo jicánotiomoi? Cue uaimo cacádinomo jícano. Afémacimo cue dáinana jícano. Cue íai*oi*na dáinana onódia*oi*za, —daide.

²² Jesús daí daína llezica, daa díno ite gairíraco llaizíraíma Jesús uíeco pútanona daide:

—¿Níbái daí lletáriraini caifóidillaíma uai otio? —daide.

²³ Jira Jesús uai ote:

—Fiénidifue cue lloía, áfena cuemo llone; mei íadi cue daina uai ñuera íadi, ¿nibái mei cuena putádio? —daide.

²⁴ Iemona Anás Caifamo íena maitá orede. Caifás lletáriraini caifóidillaíma.

Pedro nane dáanomo Jesús jáanote

(Mt 26.71-75; Mr 14.69-72; Lc 22.58-62)

²⁵ Due jiza bai jáidemo, Pedro nai náidaillano irai fuemo agaide. Afénomo itino íena daidíaiói:

—¿O báimie llófuegamaci iéñedio? —daide.

Pedro jáanuano daide:

—Jii, iéñedicue, —daide.

²⁶ Dinomo Pedro jefona jaitácamié come ite. Afémie jáíe lletáriraini illaíma jáiénici. Afe íima Pédro mo jicánote:

—¿Báimie diga dinomo ocózinairabirimo ona cióñedicue? —daide.

²⁷ Pedro dáanomo nane jáanote. Afe llezica átava úrite.

Jesús Pilato uícomo uiga

(Mt 27.1-2, 11-14; Mr 15.1-5; Lc 23.1-5)

²⁸ Iemona Caifás jofómona oni romano jabóidillaíma áillocomo Jesuna uitíaiói. Ja monáiacademo. Judíuai jofo afécomo jáíñediaíói, íaiói íaicaiñellena. Mei íaicaigamací páscuamo güilláfueña güínidiaíói. ²⁹ Ie jira Pilato jino íaióimo úrizailano daide:

—¿Minica ícoínia bímiemo nitádiomoi? —daide.

³⁰ Jira afémaci uai otíaiói:

—Afémie fiénidimieñedena omo izájiñedicaí, —daidíaiói.

³¹ Jira Pilato daide:

—Íena omoi úi. Omoi ocuícáfue izói afémie omoi riire jicánori, —daide.

Judíuai ie uai otíaiói:

—Cai judíuaidicaí, dani buna titánidicaí, —daidíaiói.

³² Daí Jesús ie tízailinona daina izóidíuai fuitade. ³³ Pilato áillocomo jofo meine jaide. Jaillano Jesús jíirillano jicánote:

—¿O nii judíuai illáimana? —daide.

³⁴ Jira Jesús daide:

—¿Afefue dama o comeci jítaina izói jicánotio? ¿Níbai jíáimaci cueri ona daina jicánotio? —daide.

³⁵ Jira Pilato úrite:

—¿Cuena judío daidío? O náiraimona lletáriraini illaini cuemo ona fecádiaíói. ¿Minica ñetio? —daide.

³⁶ Jira Jesús uai ote:

—Cue illáimana illano bie énie íeñede. Daí ítenia cuedo jáicadino nia fuirídiaíói, cuena judíuaimo fécañeillena. Mei íadi cue illáimana illano benó íeñede, —daide.

³⁷ Jira Pilato daide:

—¿Jii, o daí illáimadio? —daide.

Jira Jesús uai ote:

—Ílláimadicue, o daina izói. Cue, bie éniemo jéiciaibigacue uafue uai llóllena. Nana uáfue mo cacáfiredino, cue dainana cacádiaíói, —daide.

³⁸ Jira Pilato jicánote:

—¿Minica uafue uaina? —daide.

Jesús tíillinomo maméritiaíói

(Mt 27.15-31; Mr 15.6-20; Lc 23.13-25)

Afe jicánua meífodo, Pilato meine jino judíuaimo jaillano úrizaide. Iaióina daide:

—Jaca nífuena bie ímamo baiñédicue. ³⁹ Mei íadi ómoimo cue fínofiregafue ite. Naga pascua ráfuemo ómoiri daa maigámie zuitáfredicue; mei jira ¿judíuai illáimana ómoiri cue zuitállena jitáidíomoi? —daide.

⁴⁰ Iemona nana meine caillíoidiaioi:

—¡Afémiena zuitáñeno iri! ¡Barrabás zuitari! —daidíaioi. Afe Barrabás meríriraíma.

19

¹ Ie mei Pilato Jesús llínuano zechétatade. ² Iemo fuíriraíni ifo icuífoi eegi nínacuifoi Jesumo jitádiaioi. Afe llezica ráfide illaíma iníroina íemo jitádiaioi. ³ Daií ñiano íemo áinozillano, báíñuano daidíaioi:

—¡Judíuai illaíma, are ii! —daidíaioi.

Iemona ie uíeco fácoidiaioi.

⁴ Pilato meine jino billano daide:

—¡Bímiemo eroi! Afémiemo nífuena baiñédicue. Ie jira jino bené cue ógaza, aféfuena omoi onóillena, —daide.

⁵ Jesús eegi icuífoi ifomo jíinari jino bite. Ráfide illaíma iníroina jitaca naari jino bite. Jira Pilato daide:

—¡Benó afe íima ite! —daide.

⁶ Afémie cióillano, lletáriraini illaini, llaizíraini diga caillíoidiaioi:

—¡Ie corai! ¡Ie corai! —daidíaioi.

Iemo Pilato daide:

—Mai íena uillánona omoi corai, mei íadi afémiemo fiénidífueña baiñédicueza, —daide.

⁷ Mei ie jira judíuai uai otíaioi:

—Caimo ite daa ocuica uai. Afedo afémie tíllena jitáirede, dama “Juzíñamui Jitódicue” ie daína jira, —daidíaioi.

⁸ Afena cacáillano Pilato jamánomo jacínaificaide. ⁹ Aillocomo nane jofo jaillano Jesumo jicánote:

—¿O ninó ímiedio? —daide.

Mei íadi Jesús jaca uaina oñede.

¹⁰ Jira Pilato daide:

—¿Cue uaina fairíoñedio? ¿Cuemo ite o tílle ríino onóñedio? ¿Cuemo ite o zuitalle ríino onóñedio? —daide.

¹¹ Jira Jesús uai ote:

—Juzíñamui omo iñénia, o cue ocuille ríino iñede. Ie jira omo cue fecádino o jinomo afémaci íaifueredino, —daide.

¹² Afe llezícama Pilato, “Nie izói Jesús cue zuitalle” daínano, áfena jenode; mei íadi judíuai caillíoidiaioi:

—Afémie o zuitáadi, romano jamánomoidillaímamo nábaiñeítio. Naga illáimana íacadímie caifóidillaíma dibénedo éoidímiena jáite, —daidíaioi.

¹³ Mei jira áfena cacáillano, Pilato Jesuna otátate. Ie mei comíni riire jicánoranomo Pilato ráinazaide. Afeno hebreo imaci uaido Gabátana mameide. Jiáimaci daína Empedrado, mei nófiái ie finoina macáranona íllaza. ¹⁴ Jae pascua uícodirui jaíciri ítemo. Jira Pilato judíuaina daide:

—¡Benomo o illaíma ite! —daide.

¹⁵ Mei íadi afémaci caillíoidiaioi:

—¡Dama tíideza, oni ui! ¡Iena corai! —daidíaioi.

Jira Pilato íaíoína daide:

—¿Omoi illáimana córaiticue? —daide.

Jira lletáriraini illáicomíni uai otíaioi:

—¡Jíáie illáimana caimo iñede; dama romano jamánomoidillaíma, —daidíaioi.

16 Afemona Pilato íena íaioimo ite, afémiena coráillena. Mei jira íena uitíaiói.

Coráinafue

(Mt 27.32-44; Mr 15.21-32; Lc 23.26-43)

17 Iemo Jesús jino jaide. Ie coráillibici rocáoicaide Calavéramo; afe daiíacade come ifócorai. Hebreo imaci uaido daina Gólgota. 18 Afénomo íena coráidiaioi. Afe llezica nágafene jiáimie íaillinoi coráidiaioi; Jesuna cígiide. 19 Pilato afémie mámece íbícmo cuetá ie coráinabícimo jóonetade. Afébcímico cuega daide: “Jesús Nazaret Imie, Judíuai Illaíma.” 20 Aillo judíuai afe cuegábici facádotiaioi, Jesús coráinano jofue áinori illa jira. Afébcici daámani comini uáillaído cuega, hebreo, griego, latín diga. 21 Ie jira judíuai lletáiraini illaini Pilátona daide:

—Judíuai illaíma daí cueño. Mei íadi “Judíuai illáimadicue daidímie” daí cúeiri, — daidíaioi.

22 Jira Pilato uai ote:

—Jae cue cuegáuai, dama daí ite, —daide.

23 Fuiríraini Jesús coraia mei, ie inícuero llínuano cuatro fidi tizáruano fecádiaioi. Afe izói ie caifóferoi llínuano “Iere ñúeraroí,” daidíaioi. Ua aferoi dájena tifoca, zotáinanona íñede. Caifona aná fuizájide. 24 Jira fuiríraini conímana daidíaioi:

—Dama ite, cúatañeíticai. Bai ñue onótaraji cai dotalle bumo jíiteza, —daidíaioi.

Daí Cuegáuai daina fuitátatiaioi. Aféuai daide: “Cue inícuero dani fecádiaioi. Afemo onótaraji dotádiaioi.” Jira mei fuiríraini daí finódiaioi.

25 Jesús coráinabici áinomo ie ei ite afengo ebuño diga. Dáanomo Cleofas ai, María ite, María Magdalena ingo diga. 26 Jesús ie eina cióillano, iere izíruiga llófuegamie diga, ie eina daide:

—Ei, batí o jítone como maméidimie ite.

27 Iemo afe llófuegamiena ibana daide:

—Afénomo o eina como maméidíngo ite, —daide.

Mei aféruillaído afe llófuegamie afengo ie jofomo ñue llínote.

Jesús tíllafue

(Mt 27.45-56; Mr 15.33-41; Lc 23.44-49)

28 Afe mei Jesús naga rafue fuitáinana fidide. Fídiano Cuegáuai fuitállena daide:

—Jiróacadícue.

29 Afe dinomo íciru rochírede vínona oruítaga rainaca. Ie jira jainoi fíillicide raa afe rochíredijina riátatiaioi. Iemo razi ícoimo jóoniano ie fuemo dutádiaioi. 30 Jesús afe rochíredíi jirode. Jíruano daide:

—Nana ja fuite, —daide.

Daina mei, ifo ana jíjicailla llezica tíide.

Fuiríraimie ie ducírirado Jesús ciraigi faitade

31 Ja pascua uícodírui. Judíuai ocózinaillarui coráicano íaioi abi coráinabícimo fiébillana jítaiñediaioi. Bie ocózinaillarui iere áillue. Ie jira Pilátomo jicádiaioi coráicano idai ditátallena. Iemona íaioi abi dinómona oni óllena jicádiaioi. 32 Jira fuiríraini jaillano nánoramie idai ditádiaioi. Jiáimie, Jesús diga coráicamie daje izói íena finódiaioi. 33 Ie mei Jesumo áinozillano jae tídena ciódiaioi. Ie jira ie ídaina ditáñediaioi. 34 Mei íadi fuirírainimona dáamie ducírirado ie ciraigi faitade. Iemona jainoi die diga tóide. 35 Bífue llotímie áfena ciódimie. Uáfueña daide. Afe uáfueño uai nabaide, omoi daje izói ínollena. 36 Aféfuai daí íficaide Cuegáuai daina ñue fuitállena. Afe uai daide: “Bu ie ícuruna dítañeítiaioi.” 37 Jiáinomo Cuegáuai daide: “Íaioi bofécamieño éroitiaioi.”

*Jesús raiáfomo jóonetiaioi**(Mt 27.57-61; Mr 15.42-47; Lc 23.50-56)*

³⁸ Afe meífodo José, Arimatea jofue ímie, Jesús abi uíllena Pilátomo jicade. Afe José Jesudo jáicadimacimona, mei íadi judíuaina jacíruillano báinino jaide. Iemo Pilato fairíote; íemona José jaillano Jesús abi uite. ³⁹ Daje llezica nauí Jesumo naióna úrizabitimie, Nicodemo dúcide. Afémie treinta kilos dieze mérede zíochoa atide. Aféchoa mena zióredena imuica. ⁴⁰ Daií José Nicodemo diga Jesús abi uillano, ároeroi iníroido ie abi junide. Aferoi ziórena, mei diga zióredena fáigaza. Daií tíidino judíuai ráifrediaioi. ⁴¹ Jesús coraia áinori ocózinairabiri ite. Dinomo daa comue raiáfo, come nai ráiñenafo ite. ⁴² Aféfomo Jesuna jóoneaidiaillinoi, áinori illa jira. Ua dinomo íena jóonetiaillinoi, judíuai ocózinallarui tainécana jira.

20*Jesús meine abido cáadimiena jaide**(Mt 28.1-10; Mr 16.1-8; Lc 24.1-12)*

¹ Semana nanóidiruido Magdalena ingo María jítiramoicana raiáfomo jaide, ua nai jítireoidemo. Dúciillano raiáfo íbaina nofici íñénana ciode. ² Ie jira aizícana jaide Simón Pedro illánomo. Dinomo jáie llófuegamie Juan ite. Afémie iere Jesús izíruigamie. Iaillinoína daide:

—Jae raiáfomona cai Ocuíraima comini bairódiaioi. Ie íaioi jóoniano onóñedicai.

³ Iemona Pedro jáie llófuegamie diga jino jaillano raiáfo dine jáidiaillinoi. ⁴ Dájena aizídiaillinoi, íadi jáimie Pedro baimo iere rairedé; jira uícomo raiáfomo dúcide. ⁵ Ie abi ana jíjillano raiáfo eromo eroide. Eróillano juníllaroina ciode, mei íadi jofó jáíñede. ⁶ Iemo Simón Pedro afémie óodana dúcide. Dúciillano raiáfomo jofó jaide. Abi juníllaroi dino jóoinana nane ciode. ⁷ Iadi Jesús ifo íbáinaroi ie juníllaroi dáanomo jóoiñede. Afe ifo íbáinaroi jabínota oni eneno jóonega. ⁸ Iemo jáie llófuegamie, raiáfomo uícodo dúcidimie, jofó jaide. Afe finócafuena ciode. Cióillanona áfemona ínote. ⁹ Mei Cuegáuai dainana nai figo onóñediaioi. Aféuai daide: “Jesús tíllanomona meine abido cáadimiena jáite.” ¹⁰ Iemona afe llófuega íaillinoi jofomo jaide.

*Jesús Magdalena ingo Maríamo cíocaide**(Mr 16.9-11)*

¹¹ Mei íadi María jino raiáfo áinomo éecana ráide. Eeia llezica abi jíjide raiáfo eromo éroillena. ¹² Dinomo mena Juzíñamui abi ímie íaillinoi ángeles dainámaci úzeroi jítádena ciode. Ua nauí Jesús abi illánori ráidiaillinoi; dáamie ifo illánori, jáimie idai illánori. ¹³ Iemo Juzíñamui abi ímie íaillinoi jicánote:

—Ringo, ¿nibái éedio? —daide.

Jira afengo daide:

—Cue Ocuíraima oni ninomo íaioi uilla jira. Iaioi jóonianona onóñedicueza, —daide.

¹⁴ Afe daina llezica afengo gírecaillano Jesuna ciode; íadi íena onóñede. ¹⁵ Jira Jesús jicánote:

—Ringo, ¿nibái éacadio? ¿Bu jenodio? —daide.

Afengo comeci facade, afémie afébirí úñoraíma; jira íena daide:

—Íima, afémie oni jáínomo jae o úiadi cuemo llone, meine cue uájilleza, —daide.

¹⁶ Jira Jesús aféngona daide:

—¡María! —daide.

Afengo ñue gírecaillano hebreo uaido daide:

—¡Raboni! —daide. Afe uai dobáicana daide, Llófueraíma.

¹⁷ Iemo Jesús daide:

—Cue abi jetáñeno iri. Cue Moo illánomo nai caifo jáiñedicueza. Mei íadi cue ámatiaimo llúajiri: “Cue Moo illánomo, daje izói omoi Moo illánomo caifo jáiticue. Ua cue Juzíñamui, omoi Juzíñamui dine jáiticue.” Daí íaioimo lloiri, —daide.

¹⁸ Ie jira Magdalena ingo María llófuegamacimo llúajide. Afengo Ocuíraimana cíoillana llote, nana bie afémie aféngona daináuai diga.

Jesús ie llófuegamacimo cíocaide

(Mt 28.16-20; Mr 16.14-18; Lc 24.36-49)

¹⁹ Aféruído, semana nanóidiruido afe naio llófuegamaci gairídiaioi. Naze ibáillano judíuaina jacíruillamona itíaiioi. Iemo Jesús jofo eromo cíocaide. Iaiioi cígimo náidazaide. Iaiioi uáiduano daide:

—Omoimo comeci caimare uái iri, —daide.

²⁰ Daí dainano, ie onoi, ie ciraigi diga íaioimo ácatate. Llófuegamaci íaioi Ocuíraimana cíóillano ióbicaidiaioi. ²¹ Iemo Jesús dáanomo íaioina daide:

—Omoimo comeci caimare uái iri. Moo cue ória izói daje izói ómoina óreiticue, —daide.

²² Afe mei íaioimo jágilli fúunuano daide:

—Ñuera Joréñona mai omoi ono. ²³ Naga come ie fiénidino omoi fáicanocaiadi fáicanocaite; mei íadi omoi fáicanocaiñeniadi dóñega izói fiébite, —daide.

Tomás meine abido caade Ocuíraimana cíode

²⁴ Iadi Tomás, guarámiena maméidimie, doce dígamiedemona, Jesús cíocallaruido iñede. ²⁵ Ie mei jáíie llófuegamaci íena daide:

—Ocuíraimana ja cíódicaí, —daídiaioi.

Mei íadi Tomás íaioina daide:

—Ie ónoimo ite boafe, puntilla meifo, cue cíóñenia, cue onocai aféfodo ñuitáñenia, cue onoi ie ciraigi méifodo ñuitáñenia, ñnoñeiticue, —daide.

²⁶ Ocho dígamona íllamona llófuegamaci meine gairídiaioi. Afe llezica Tomás afémaciri ite. Iemo jaca naze ibaica íadi, Jesús jofo eromo cíocaide. Iaiioi cígimo náidajano uáiduano íaioina daide:

—Omoimo comeci caimare uái iri, —daide.

²⁷ Iemo Tomásna daide:

—Benomo o onocai ñúitaibi. Cue ónoimo éroi. O onoi cue ciráigimo ñúitaibi. Jáanocaiñeno iri. ñnori, —daide.

²⁸ Jira Tomás uai ote:

—¡Cue Ocuíraima! ¡Cue Juzíñamui! —daide.

²⁹ Jira Jesús daide:

—Tomás, ja cuena cíonamona ñnotio. Jamánomo ióbidino cuena cíóñedino íadi ñnotiaioi, —daide.

Bibénico nibái mei cuega

³⁰ Bífuiái baímo Jesús aillo jáíie cíofinina raa ie llófuegamaci uícori finode. Aféfuiaí bibénicomó cúeñega. ³¹ Mei íadi ja bie llogáuai cuega, Jesús Crístonana omoi ñnollena; daje izói afémie Juzíñamui Jitona omoi ñnollena. Ua jae cuega, omoi ñnuamona cáailino ómoimo ie mámedido íllena.

21

Jesús siete diga ie llófuegamacimo cíocaide

¹ Afe mei Tiberias jorai fuédamo Jesús ie llófuegamacimo meine cíobicaide. Bie izói cíocaide. ² Ie llófuegamaci dáanomo itíaiioi. Dinó ite Simón Pedro, Tomás nímie jáífodo mameina Guarámie, Galilea jofue Caná ímie Natanael, Zebedeo jító íaillinoi, jáí mena llófuegamie diga. ³ Simón Pedro íaioina daide:

—Fácuaidicue, —daide.

Jira daidíaiói:

—Mai nana cai fácuaili, —daidíaiói.

Iemo nocáe eromo caifo jáidiaiói. Afe naio chámuniaina oñediaiói. ⁴ Jítiramo monáiacademo, Jesús ja jorai fuédamo náidaide. Mei íadi “Jesús” daifñediaiói, llófuegamaci íena íaiói onóñena jira. ⁵ Iemo Jesús daide:

—Omoi, ¿chamuna oñédiomoi? —daide.

Uai otíaiói:

—Jii, oñédicai, —daidíaiói.

⁶ Jira Jesús afémacina daide:

—Nocáe nabézimo llóiji omoi dota, afe llóijimo jíiteza, —daide.

Jira daif finódiaíoi. Ie finuamona llóijina jáinoimona caifo zonónidiaíoi, iere aillo chámuniái illaza. ⁷ Iemo Jesús izíruiiga llófuegamie Pédróna daide:

—¡Baie cai Ocuíraima! —daide.

Simón Pedro, Jesús ite dáinana cacáillano, ie jínofecuiro jítade, nauí duiñoa jira. Jítanona jóraimo tícacaide Jesumo jaillena. ⁸ Jáí llófuegamaci chámuna oruítaga llóijina oni zocana nocaedo uitíaiói. Afe mei afémaci jorai fuédamo dúcidiaíoi, nai are íaiói iñena jira. Afémaci cien metros dinó bai itíaiói. ⁹ Eniemo dúcillano, chamu pan diga iraimo ruícana ciódiaíoi. ¹⁰ Jesús íaioina daide:

—Jae omoi oga chámuniaimona atiri, —daide.

¹¹ Simón Pedro nocaemo jaillano, afe llóijina ari guamáemo zote. Ja ciento cincuenta y tres jéerie chámuniaina oruítaga, mei íadi afe llóiji cuáiñede, nñ aillo chámuniái illa íadi.

¹² Iemo Jesús íaioina daide:

—Mai omoi güizábiri, —daide.

Llófuegamacimona buna ¿Búdio? daíñide. Afémie Ocuíraimana onódiaíoiiza. ¹³ Ie mei Jesús ánozillano afe pan llínota íaioimo fecade. Daje izói chámuna fecade.

¹⁴ Daif Jesús tíllanomona meine abido cáadimiena jáillamona dacaiñoámani ie llófuegamacimo cíocaide.

Jesús Simón Pédro mo úrite

¹⁵ Güilla méifodo, Jesús Pédro mo jicánote:

—Jonás jító, Simón, ¿baimaci baimo cuena izíruiño? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús íena daide:

—Mei jira cue ovéjatiruai o ecari, —daide.

¹⁶ Jesús meine dáanomo íemo jicánote:

—Jonás jító Simón, ¿cuena izíruiño? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús daide:

—Mei jira cue ovéjaiai uíñori, —daide.

¹⁷ Ja dacaiñoámani Jesús meine abido íemo jicánote:

—Jonás jító Simón, ¿cuena gáidío? —daide.

Pedro jae zúucaide, Jesús bie íraicaiño íena gáinana jicánua jira. Jira íena daide:

—Ocuíraima, o nana onódioza. Ona cue gáinana onódio, —daide.

Jesús íena daide:

—Mei jira cue ovéjaiai o ecari. ¹⁸ Uáfúena ona dáitícue, iere o jítocomena llezica, jaca o comeci jítaina izói iníroina jítafiredio. Daje izói nana o jáiacananomo jáifiredio. Mei íadi o

eímaille llezica o onoi oni zítaitio, jiáimie o inícuiro jitátallena, daje izói jiáimie o uíllena o jáiacañenanomo, —daide.

¹⁹ Afe dáinado Pedro nie izói tíitena Jesús daí onótate. Afe ie tílledo Juzíñamuimo ñue ebírenafue nítaite. Ie méifodo íena daide:

—Cuedo biri, —daide.

Izíruiga llófuegamie

²⁰ Pedro gírecaillano Jesús iere izíruiga llófuegamie Juaana ciode. Afémie óodana bíllana ciode. Afémie nauí íraicaiño güilláruido Jesús abímo ráiidimie. Afémie, “Ocuíraima, ¿bu o fecalle?” daidimie. ²¹ Pedro Juaana ciona llezica Jesumo jicánote:

—Ocuíraima, ¿báimie nie izói iite? —daide.

²² Jira Jesús uai ote:

—Afémie cue billíruimo caadi cue óiacaia ¿ómona mei nibai? O cuedo bi, —daide.

²³ Jira Jesús jaináidinori taino daináfueña fidíbicaidiaioi. Afefue daide, “Bie llófuegamie tíiñeite.” Mei íadi Jesús afémie tíiñeiteza daííñede. Fia dáideza, “Afémie cue billíruimo caadi cue óiacaia ¿ómona mei nibai?”

²⁴ Bímie llófuegamacimona aféfuiai uáfueña llotímie. Aféfuiai cuetímie. Afémie daina uai uáfueña onódicaiza.

²⁵ Jesús jiáie finócafuiái nai aillo ite. Nana aféfuiai dámierie cúeiai jamánomo aillo rabénicuaína zúite. Ua nibai afe rabénicuai jóonellino nániena báíñeite. Jae nie.

JESÚS ORÉCAMACI FINÓCAFUIAI Los Hechos de los Apóstoles

Ñuera Joreño billifue uícodo llogáuai

¹ Cue izíruiga Teófilomo nane omo cueticue. Cue nánoidibemo nana Jesús bie éniemo illa llezica nanómona ie llogáfuiái ie finócafuiái diga omo cueticue. ² Ua ie monamo jáillarui mo finócafuiái cueticue. Nai monamo ie jáiñena llezica ie orécamacina nizede. Níziano Ñuera Joreño do íaiõina llote nie izói finóllena. ³ Ie tílla meífodo, Jesús dáamie cómena íaiõimo cíocaide. Cuarenta dígarui uáfori cíocai firede. Afe ciónanuedo ie cáanano ñue uáfue na daiitate. Afe llezica Juziñamui illáimana illíruido íaiõimo úrite. ⁴ Orécamaciri illa llezica, Jesús íaiõina rairuide Jerusalem na oni jáiñe illena. Íaiõina daide:

—Cue Moo uafue uai llote: “Ie Ñuera Joreño ómoimo fecáacade.” Afe fecállirui omoí úiñori, nauí ómoimo cue llua izói. ⁵ Uáfue na Juan fia jáinoido báutizade. Mei íadi íanori íllamona Ñuera Joreño ótiomoi, —daide.

Jesús caifo monamo jáillafue

⁶ Jesumo gairíllano jicánotiaioi:

—Ocuíraima, ¿ua birui Israel nairai illáimaillena meine caimo itátaitio?

⁷ Jira Jesús uai ote:

—Moo afefue finóllirui ómoimo ónonide. Dama afémiemo ríino afefue finóllena ite. ⁸ Mei íadi Ñuera Joreño ómoimo bíadi, ríino ótiomoi. Iemona cuedo úrizaitiomoi, ua Jerusalem, nana Judea éniemo Samaria énie diga. Ua jamánomo jica ite itínuiamo llujítiomoi, —daide.

⁹ Daií daina meífodo, nana íaiõí éroillamo, afémie caifo ráiñuano monamo uiga. Iemona ero úillie íena ferínote. Iemona jaca íena cíóñediaioi.

¹⁰ Jesús caifo jáidemo monamo eróioidiaioi. Afe llezica mena come úzecuiro jítada íaiõí abimo cíocaide. Juziñamui abi íaillinoi.

¹¹ Daídíaillinoi:

—Galilea íñiaí, ¿nibái mei monamo eróioidiaioi? Dámie Jesús, afe ómoimona caifo úilliedo jáidimie, afémie ie jáillana omoí ciona izói daje izói meine ana biite, —daide.

Judas meifo méidollena Matías nizédiaioi

¹² Ie mei Olivo ídumona oni jáillano abido Jerusalem bitíaioi. Jerusalem áinori afe idu ite. Ua ocózinairuido macácana jailla daa kilómetro dieze izói ite. ¹³ Afe jófue mo dúcillano caifófe como íaiõí ífirenenomo jáidiaioi. Bie íaiõí mámeCIAI: Pedro, Santiago, Juan, Andrés, Felipe, Tomás, Bartolomé, Mateo, Alfeo jító Santiago, fere Járidotimacimo dúidimie Simón, Santiago ama Judas. ¹⁴ Nana afémaci dáanomo gairífrediaioi Juziñamuimo úrillena. Afénomo Jesús ámatiaí gairífrediaioi, ie ei María diga naa jáie ringóniari.

¹⁵ Aféruillaido Pedro afe ámatiaí dainámaci cígiri caifo náidailano úrite. Afe ámatiaí ciento veinte dígamiede. Afémacina daide:

¹⁶ —Amatiaí, Ñuera Joreño Cuegáuaimo Davido llote: “Judas meifo cai cígiri méidolle jítáirede,” daide. David cuegáuai uícodo llote: “Judas Jesús lláitaitimaci ífoite.” ¹⁷⁻¹⁸ Mei jii, afe Judas dani cáimona. Bie cai táijina afémie dibénemo ite. Mei íadi afe meífodo cimoí cúnano ágüicaillano caifona ífo dinena éniemo baíde. Baiíllamona ie jebe bójicaide. Afemona nana ie eromo itínuiái jino cocide. Afe mei ie fiénidifue iba úcubedo ja ie

raillíbiri ibádiaioi. ¹⁹ Jerusalén itímaci áfena íaioi fídiano, afébirina “Acéldama” jitádiaioi. Afe mámece íaioi uaido dibénedo “Die illábiri” dáiacade.

²⁰ Mei jírari Salmos ibénicomo daí daide:

Daí o jofo zóofefiteza

Buna afécomo íñeilleza.

Jiáífuedo daide:

Afémie táijina jiáima ólleza,

—daide.

²¹ Cai Ocuíraima Jesús nana cai diga illáruillaído cairi macádino birui cai cígimo itíaioi.

²² Jesús báutizaruimona, ie monamo jáillaruimo cairi jáicadiaioi. Mei jira afémacimona dáamie cai dájellena jitáirede, Jesús meine abído cáaillafuemo uai nabáillena.

²³ Jira daínamacimona mena come oni naidánetaioi. Dáamie daámami mámeceirede: José Barsabás Justo. Jiáimie Matías. ²⁴ Ie mei Juzíñamuimo úritiaioi; daidíaioi:

—Cai Ocuíraima Juzíñamui, nana comini comeci onódimiedioza. Bíaillinoimona o nizécamie caimo onótari orécamie táijina finóllena. ²⁵ Afe táijnamona Judas ie fiénidifue ícoinia oni baíide. Baiíllano dama ie zefuinaillinomo jaide.

²⁶ Iemo onótaraji dotádiaioi. Jae Matíasmo níjide. Afe llezícamona afémie once orécamiimo dájena jaináicaide.

2

Ñuera Joreño billafue

¹ Pentecostés irui ráfuemo jae dúcide. (Afefue güille jofo óinarui rafue.) Afe rafue dúcidemo jae nana dáanomo gairídiaioi. ² Ie mei rairéficana minica izói ficire monámona cácaicaide. Jairifo riire jáiñua izói cácaicaide. Nana íaioi ráinaco eromo cácaizaibite. ³ Iemona ífiaí izói iráiciaí íaioimo cíocaide. Nana illa dígamierie íaioimo níjizaibitiaioi. ⁴ Afe llezica nana Ñuera Joreño úcaigaiaioi. Iemona jiáie náiraiaí uáillaído como úritiaioi; mei afe Ñuera Joreño íaioi úritade.

⁵ Aféruillaído Jerusalemo aillo judúuai náganuaimona bitíaioi. Ua íaioi Juzíñamuimo jitáirede finóllifuaí finuaibitiaioi. ⁶ Afe riire ficirenana cacáillano comini dáanomo ofídiaioi. Nñie izói comeci fácana onóñediaioi nágazie dani íaioi uáillaído íaioi cacana jira. ⁷ Abi fáigacaidiaioi; daidíaioi:

—¿Nana bie úriraini Galiléamona bitímaci; uáfueñede? ⁸ Nágamierie dani cai uaido íaioi úrillana ¿ñie izói cacáfiredicai? ⁹ Benomo nágaziai ite: Partía imaci, Media imaci, Elam imaci, Mesopotamia imaci, Judea imaci, Capadocia imaci, Ponto imaci, Asia énie imaci, ¹⁰ Frigia imaci, Pamflia imaci, Egipto imaci, Africa illánie Cirene batífenemona bitímaci diga. Afe dáanomo áinori ite romano imaci gairídiaioi. Bie románomana dáarie judíona jococa. Jiái romano imaci judúuai Juzíñamuimo ínuaifuena jeire otíaioi. ¹¹ Afe llezica Creta imaci bitíaioi Arabia imaci diga. “Mei íadi Juzíñamui caimare llogáfuaí ñue finócafuaí diga, nágamierie dani cai uáillaído cacádicaí,” daidíaioi.

¹² Nana fáigacaidiaioi. Iaioi comeci fácana onóñediaioi; jira jicánotiaioi:

—Nana bie caimo comuídifue, ¿ñie izói caina daíiacade? —daidíaioi.

¹³ Mei íadi jiáimaci íaioi uai áifeduardo daidíaioi:

—Bimaci jifáidiaioi, —daidíaioi.

Comínina Pedro daínafue

¹⁴ Ie mei Pedro once diga orécamaciri nádaillano comínimo riire úrite; daide:

—Judea comini naa Jerusalemo itínuaíri cácarei. Bie ráfuena omoí onoiri. Dáitícueza ñue omoí cacáreiri. ¹⁵ Bie íñiaí jifáíñedimaci omoí comeci faca ízoí. Jitoma nai fuiri

dáidemo. Jítiramo dibénemo comini jaca jifáifinidiaioi. ¹⁶ Bifue jáiáfodo ite. Afe bifue uai lloraïma Joel jaiïaí uícodo llogáuï. Afémie daïde:

¹⁷ Juzíñamui ómoïna daïde:

“Iraïruillaïdo cue Joreño nana náiraïaïna, jainoi tua izói fáicanocaiñeno íaïoïna úicaitaiticue.

Omoï jítótiaï jízatïaï diga cuedo úritiaïoï.

Jitócomini nicaïdo ciónafuiaï izói cíotiaïoï.

Einamacï ñuera nicaïdo nicáiritiaïoï.

¹⁸ Aféruillaïdo cue Joreño cue táijitagamiïaïna naa cue táijitaga ringóniaïri ñue úicaitaiticue.

Iemona cuedo úritiaïoï.

¹⁹ Caifo monamo jacínaitadinona cíotaiticue;

Aféruimo ana éniemo onótajafuena fínoiticue.

Afe onótajafue díena cíotaite; iraina cíotaite, jamánomo irai úilliena cíotaite.

²⁰ Afe monado jitoma jítireficaite, fíui die izói jáite.

Daï iite cai Ocuíraïma Jesucristo billíruimo nai dúciñenia.

Afémie billírui iere ebíreitírui.

²¹ Nana Juzíñamui íaïoï canóllena íemo jicádino jíllobicaitiaïoï.”

Aquíe izói Juzíñamui Joeldo daïde.

Iemo Pedro nai úrillano daïde:

²² ‘Mei jii, Israel nairaï cue daiíllifuemo cácarei. Nazaret ímie Jesús omoï uícori Juzíñamui ñue facácamië. Uafue aillo fáigatate ráaniaïdo ñue facátaga. Daï Juzíñamui omoï cígiri afémiedo finode. Aféfuiaïna ñue fidídiomoïza. ²³ Mei íadi afémie omoï fecálliruimo maiáno uitá fatíomoï, Juzíñamui jaiïaí uícodo comécitífuaï onótafuaï diga daina izói. Uafue fiénidimacido íena coráitatioï. ²⁴ Mei íadi Juzíñamui afe tílla cuinaca raa zuita izói, zúitano íena meine cáatate. Mei tíllafue jaca íena anáfenonide. ²⁵ Mei illaïma David Jesudo úrillano daïde:

Ocuíraïmana cue uíécori cíófiredicue.

Afémie cue nabézimo izói ite, minícana cue jácicaiticue.

²⁶ Ie jira cue comeci cáimafuena iere ite, afe llezica cue fuemo ite cáimafuaïdo úriticue.

Afe jira daje izói cue íeizi ñue ocózinaitaiticue, mei tíllamona meine cue abina cáataitio.

²⁷ Mei jii cue joréñona tídinomo fiénocaiñeitio.

Afe izói o izíruiga táijitagamië abi rifáillana ráiruitio.

²⁸ Cáatatinomo jóoide io cue llófuetio.

Cue diga o íllado, cáimafuena cue oruítaitio, —daï daïde David.

²⁹ ‘Amatïaï, cácarei. Cai jáiaïragïma David tíide raïga uáfodo onórede. Afe raïafo nai cai diga íteza. ³⁰ Mei afe David uai llóraïma. Jaiïaí Juzíñamui uícodo uafue llóllena ráifuedo íena daïde:

—O emódoïziemona dáamië Cristoite. Afémie o illáïmana illánomo ráinaite, —daïde.

³¹ Jira daï David, uícomo ciona izói Cristo meine abïdo cáailafuedo úrite. Afe izói daïde:

—Cristo joreño tídinomo fiébiñeite. Ie íeizi rifáillana ráiruícaza, —daïde. ³² Mei jii Juzíñamui afe Jesuna meine abïdo cáatate. Aféfuemo nana cai uai nabáiraïmacídicaï.

³³ Daï Juzíñamui nabézimo Jesús naidánega; naidánia meífodo Móomona uícodo lloga Ñuera Joreño fecállifue llínote. Llínuana nana bie omoï ciona, omoï cacana raa finode. Nana aféfuiaï afémiemona bite. ³⁴⁻³⁵ Mei David monamo jáíñedimie, mei íadi dama David daï daina:

“Caifoide Ocuíraïma cue Ocuíraïmana daïde:

—Cue nabézimo rainai, o éoïdino cue anáfenolliruimo, —daïde.”

³⁶ ‘Nana Israel nairaï, mai comeci jizíñeno omoï onoiri: bie omoï coraïca Jesús Juzíñamui Ocuíraïmana itátate: Crístona itátate, —aci dinó Pedro daïde.

³⁷ Aféfuena cacáillano, iere comeci llícitagaiaioi. Afemona Pédro mo jicánotiaioi jiáie orécamaci diga:

—Amatiai, ¿niie izói ñéiticaí?

—daidíaiioi.

³⁸ Ie jira Pedro uai ote:

—Omoi illafue Juzíñamui uícomo meídori. Omoi nágamierie Jesucristo mámeçido báutizatari. Omoi íaifuiái oni dófilleza. Daí Juzíñamui ie Ñuera Joreño ómoína úcaiteza.

³⁹ Afe bie úcodo llogáuai ómoie. Daje izói o jítotíai ie. Daje izói nana jícarié itino ie; ua aféuai nana cai Ocuíraima Juzíñamui uáidogamací íena, —daide.

⁴⁰ Aféuailaido dáanomo jiáie uáillaido Pedro íaioi lluanó daide:

—Bie duere finóbitimacimona omoi jíllóiri, —daide.

⁴¹ Mei daí afémie úrilla uaina jeire otino diga báutizagaiaioi. Aféruído Jesumo ínotimacimo tres mil dígamíai dáaziéna jáinacaidiaioi. ⁴² Nana bimaci orécamaci llófuiafuemo jáicina jáidiaioi. Afe daí conímamo ñue coméçidiaioi. Afe llezica Juzíñamuimo úrifrediaioi, ie mei gairíllano Jesús jae íraicaiño güilla izói finódiaioi.

Nano fueñe ínotino illafue

⁴³ Aféruillaido nana jáicaidiaioi; mei aillo cíóraininafuiái naa onótate raa diga orécamaci finódiaioiza. ⁴⁴ Jae nana ínotino ñue dájena itíai, íemona íaioi ráaniai conímamo jeruíñeno ífirediaioi. ⁴⁵ Mei jí íaioi illábiri jiáie ráifide raa diga fecádiaioi. Fécanona afe úcube nágamíai imaci jitailla izói jofo conímamo fecáfirediaioi. ⁴⁶ Nágaruillaido gairíracomo gairídiaioi. Íaioi jófuemo pan fécano dáanomo cáimafuedo, comeci mánainafuedo güitíai. ⁴⁷ Juzíñamui íóbitaoidiaioi. Afe llezica nana comini afémacimo ñue coméçidiaioi. Afe daí cai Ocuíraima nágaruido afe ínotimacimo jiáie jíllóizabitimaci dáamacina itátate.

3

Aidaima jíllotate

¹ Jáíruido jítoma ana ítemo Pedro Juan diga gairíracomo jáidiaillinoi. Afe Juzíñamuimo coméçido úrioina llezica. ² Nágaruillaido jocóinamona aidaima dinomo ífiredé. Ie comini gairíracomo íena úifirediaioi. Uillano afémiena nazemo ie ráinaifirediaioi, jofo jáioidinomona dúecaillano fecaca úcube jicállena. Afe naze mámeçi Ebíredize. ³ Aidaima Pedro Juan diga gairíracomo jofo jáillana cíóillano dúecaillano fecaca úcube íaillinoimona jicade. ⁴ Mei jira Pedro Juan diga íemo érocaidiaillinoi. Pedro íena daide:

—¡Caimo érocái!

⁵ Iemona afémie náicaide. Comeci anado daide: “Ñibai minícana cue iite.” ⁶ Iemo Pedro íena daide:

—Cue úcubenidícue; óronidícue; mei íadi cuemo ítena o íitícue. Nazaret ímie Jesucristo mámeçido náidacai. Maca, —daide.

⁷ Iemo Pedro onoi nabézido íena naidánete. Afe daí finua llezica ie idai mairíbicaide, ie idácoiñuai diga. ⁸ Iemona aidaima caifo tícacai. Caifo náidaillano macade. Afémie íaillinoído ja jofo gairíracomo jaide. Tícatíacana jaide. Juzíñamuimo íóbitaoidé. ⁹ Nana comini ie mácana cíodiaioi. ¹⁰ Aferi iere jácinaificaidiaioi naa abi fáigacaillafue diga, afémie daí náidacaillari. Afémiena onódiaioiza. Afémie Ebíredize mámeçiredizemo ráifiredimie, gairíracomo úcube jicáfiredimie.

Pedro comínimo Salomón jinófenemo macáranomo llófuete

¹¹ Jíllotaga aidaima Pedro Juan diga íaillinoído níjinijicaide. Aféfuéri fáigacaillano nana comini gairíracó dibénemo jáidiaioi. Salomón jinófenemo macáranomo Pedro, Juan,

aídaima diga illánomo afe comini aizícana jáidiaioi. ¹² Pedro áfena cíoillano comínina daide:

—Israel nairai, cácarei. ¿Omoi minícarí fáigacaidiomoí? ¿Nibái mei cócomo eróizabitiomoí? Bie iima dama coco ríinodo jíllotano macátaticoco, nibái daí comécido daidíomoí. Daje izóí coco Juzíñamuimo ñue comécinafuedo afefue finódicoco, daí nibái cócona comécido daidíomoí. Iadi aféfuiaido finóñedicoco. ¹³ Mei íadi jáífodo joide. Cai jáiiragima Abraham, Isaac, Jacob diga, íaioi Moo Juzíñamui ie Jitó Jesumo baimo ñuefuena nitade. Afe Jesús ríimacimo omoi fecácamié. Pilato ie zuitáacana llezica áfena ráiruitiomoiza. ¹⁴ Aféruído jáícina nífuenidimie zuitátajana jicáñediomoí, mei íadi jáífodo jicádíomoí. Come fatímie zuitátatiomoí. ¹⁵ Afe daí cáatatiño fecádimie titádíomoí. Mei íadi Juzíñamui afémiena tíllanomona meine abido cáatate. Aféuemo uai nabáiraimadicoco. ¹⁶ Bie dáamié Jesús mámecido, ie mámecimo ínuafuedo omoi ciona, omoi onoiga aídaima jae maíribicaide. Afe Jesumo ínuafue íena ñue jáícina jíllotate, omoi uíécomo cíocaidimie illa izóí.

¹⁷ ‘Amatiai, onódicueza, mei omoi naa omoi illáiniri Jesuna fáiacana llezica omoi finócafueña onóñeno íena fatíomoí. Uáfueña omoi finócafueña onóñenano finódiomoí. ¹⁸ Mei íadi Juzíñamui ie uai lloráimado uícodo daina uai bie izóí fuitade. Aféuai daide: “Ie Cristo duere zefuillí fue jítáirede.” ¹⁹ Mei ie jira omoi mácafuiái méidori. Omoi illafue Juzíñamuimo ñue jáícina jóoneri. Omoi íaífuiái oni muiñólleza. Iemona cai Ocuíraima Jesús caina cánuafuiái mánainaruillai izóí caimo orérede. ²⁰ Aféruimo nano uíécodo ómoiena mamécamié Jesucristo Juzíñamui óreite. ²¹ Mei íadi birui Jesucristo monamo fiébirede, Juzíñamui naga rafue jáícina nai jóoneiñeilleza. Afe daí jáiáidiruillaimo ite ñuera uai lloraini daidiaioi. ²² Mei daí Moisés cai jáiiragimana daide: “Cai Ocuíraima Juzíñamui omoi ámatiaimona nahí uai lloráimana ómoimo óreite, Juzíñamui cue ória izóí. Afémie ómoína nana daínáfuiái jeire omoi oíri. ²³ Mei afe uai lloraima daínana jeire oñédino Israel náiraimona oni táinocaite. Uáfueña íficaite.” Daí daide Moisés.

²⁴ ‘Mei daí nana uai lloraini, Samuélmona batine ite lloraini diga bie íirairuillaido úrite. ²⁵ Juzíñamui ie uai lloráinido uícodo daínauillai ja birui ómoiri jino llotátaga. Juzíñamui cai jáiáiragimacimo íbana ñuera raa finóllí fue llote ñue omoi íllena. Afefue Abrahamo llote. Daide, “Nana énie nairai o emódomo comuídinodo ñue caimare íficaitiaioi,” daide. ²⁶ Mei Juzíñamui ie Jitó caata meífodo nano fueñe ie Jitó ómoimo orede caimare omoi íllena, ómoimona nágamíai ie íaífue fáicanocaillena, —daide.

4

Pedro Juan diga ríiredino uíécomo uiga

¹ Pedro Juan diga nai comínimo úrioidemo, lletáiraini gairíraco úiñotino illaíma diga bitíaioi. Daje llezica saduceo comini bitíaioi. ² Pedro Juan diga comini llófuetaillinoi. Iaioina daide: “Comini tíllanomona cáatafue Jesudo ácataga.” Daí llófuiari como bitímaci ríicaidiaioi. ³ Iemona íaillinoína llaitádiaioi. Llátano íaillinoína llavéracomo jítiramoidiruimo íbáidiaioi, ja nauízaiílla jira. ⁴ Mei íadi aillo afe úrillauai cacáidino ínotiaioi. Afena ínotimaci dani íñiaí facádua cinco mil áinomo dúcide.

⁵ Afe jáíruimo Jerusalemo judíuai íllaini, éinamaci, naa ocuífue llófueraíniri gairídiaioi. ⁶ Afe llezica afénomo lletáiraini illaíma Anás ite. Afe dánomo ite Caifás, Juan, Alejandro naa lletáiraini íllaini comíniri. ⁷ Iemo Pedro Juan diga atítatiaioi. Atiano íaioi cígimo naidáneta jicánotiaioi:

—¿Ñie ríinodo bífuíai finódiomícoí? ¿Bu mámecido bífuíai finódiomícoí?

⁸ Mei jira Pedro, Ñuera Joreño úicaigamienaza daide:

—Nairai illaini, Israel éicomini, omoi cácarei. ⁹ Mei afe baie iráredimie como finoca ñúefuena jicánotiomi. Mei ñie izói afémie jíllotaga daií daidíomi. ¹⁰ Mei jira omoi uiécomo jino uáfodo llóiticoco, nana Israel nairai fidíllena. Afémie omoi uiécori Nazaret ímie Jesucristo mámeçido, omoi coráicamie mámeçido íocire ite. Afe coráicamie (Jesucristo) tíllanomona Juzíñamui meine abido cáatate. ¹¹ Bie Jesús omoi jofo níraini oni dotaca jofocai izóidimie. Mei íadi afecai uálliraina jázaide. ¹² Nie jíáimie jíllonafue íñede. Jesucristo jíáie daiítade jíllotaraimana caimo íñede, afémiedo cai jíllloillena. Ua nana éniemo daiítade jíllotaraimana íñede, —jaca ñinori Pedro daide.

¹³ Iemona ríimaci Pedro Juan diga méaicaiñeno úrillafue cacáillano, íaillinoi llófueñegaiaillinoi íllana fídia lezica, iere fáigacaidiaioi, jamáimieillinoi illa jira. Iemona ríimaci bíaillinoi Jesudo macádino daií íaillinoimo úibacaidiaioi. ¹⁴ Afe emódomo jíllotaga aídaima ñinomo íaillinoi abiri naidaide. Ie jira aféfuena jáanoicana daiñide. ¹⁵ Mei jira gairíñinomona íaillinoina oni orédaioi, ñani jofo conímamo íaioi úriacana jira. ¹⁶ Daidíaoi:

—¿Bie ima íaillinoina nie izói ñéiticaí? Mei jíi, nana Jerusalemo bitino bie cíorainina onótate raa íaillinoi fínuafuena onódaioi; mei aféfuena jáanonidicaí. ¹⁷ Mei íadi mai íaillinoi cai jácidolle, afefue comínido jamánomo jalléíñellena. Afedo íaillinoina ráiruiticaí, Jesús mámeçido ja benómona batine úriñeillena, —daidíaoi.

¹⁸ Mei jira íaillinoina jíiritiaioi. Iaillinoi dúcidemo ocuíaioi:

—Jesús mámeçido jíi mai due jiza úriñeno iri. Afe daií llófueñeno iri, —daidíaoi. ¹⁹ Mei íadi Pedro Juan diga uai ote:

—Juzíñamui uiécomo níifue baímo ñuena comeci omoi faca: omoína ñue cai cacárellena, níbai jíáifo Juzíñamuina ñue cai cacárellena. ²⁰ Mei jíi cai cíonafue cai cacánafue diga aféfuemo úrillana fáicanidicaí, —daide.

²¹ Mei jira ríimaci íaillinoina jácidotiaioi. Ie mei íaillinoina zuitádaioi. Iaillinoi duere finóllifue baiñédaioi; nana comini afe fínu jira Juzíñamuimo íobioidiaioiza. ²² Afe cíoraininafuedo jíllotaga aídaima, afémiemo cuarenta fímona baímo ite.

Finotino méaicaiñenafue comeci ríino diga jicádaioi

²³ Pedro Juan diga íaillinoi zuitaina mei íaillinoi nabáíñiai illánomo jáidiaillinoi. Ñinomo afémacimo nana lletáriraini illaini éinamaci diga íaillinoina dáinana llotíaillinoi. ²⁴ Aféfuena cacáillano nana dáanomo Juzíñamuimo úritiaioi. Daidíaoi:

—Cai Ocuíraíma, O Juzíñamuina; mona, énie, monaillai naga ráaniairi finódimedio. ²⁵ O Ñuera Joreñodo, o táijitagamie Davido daidío:

¿Níbaí mei náiraiai caillioidiaioi?

¿Níbaí mei comini táinofuiaímo comeci facádaioi?

²⁶ Enie illaini Juzíñamuina ie Cristo diga anáfenuaíbitiaioi.

Daje izói jofue illaini Juzíñamuimo ofídaioi ie Cristo diga áfedo afémiemo fuiríllena, —daide.

²⁷ Uafue bie jófuemo Herodes, Ponico Pilato diga o nífuenide Jitomo fieni gairídaioi. Afénono jicánemaci Israel comíniri fieni gairídaioi, mei íadi omo jaináidimie Jitó illáimana ja jáitatio. ²⁸ Afe fieni íaioi gairíllafuedo nana o uícomo uaido finócafuaímo dáinana finódaioi. Afe daií íficaillena jíáiretadio. ²⁹ Cai Ocuíraíma Juzíñamui, mai birui cai íaioi jáciduamo eroi. Jae o táijitagamacidicaí. Afemona ñue méaicaiñenafue caimo fecari, o úrillauai jino jáicaiñeno cai llóllena. ³⁰ Afe lezica omo ite ríinodo comini íaioi dúicomona ñue jíllotari. Afe izói o nífuenide Jitó mámeçido cíorainina onótate raa finori, —ñinori daidíaoi.

³¹ Juzíñamuimo íaioi úrilla fúillamona afe íaioi gairíllano docáiricaide. Afe lezica nana Ñuera Joreño úicaigaiaioi. Iemona Juzíñamui úrillauai méaicaiñeno jino llotíaioi.

Inotimaci íaiói ráaniaina jeruñeno “Nana caie” daidíaiói

³² Afe aillo iráica inotimaci dáaziena nana ñue jaináidiaiói. Ua daje izói dájemo comeci facáoidiaíoi; daje comeci jitailla uai íaiói mo ite. Buna afémie ráaniaina “Dama cueie” daíñede, mei íadi nana comini íaiói ráaniaina “Nana caie” daidíaiói. ³³ Orécamaci Ocuíraima Jesús cáanafuemo aillo rínodo uai nabáoidiaíoi. Juziñamui nana cominina iere caimátaitade. ³⁴ Iaiói cígiri jitairedena ráanidimie iñede. Nana íbácana énieredino jofóredino diga áfeniaí fécano afe oga úcube atídiaiói. ³⁵ Atiano orécamacimo izájidiaíoi. Iemona orécamaci nágamieremo íaiói jítaina dieze fecádiaiói. ³⁶ Afe izói íaiói cígiri Leví izíe ímie finode. Afémie mámece José. Monáillai zafedu Chípreno jocócamie. Orécamaci íena jíáie mámece jitádiaiói. Afe mámece Bernabé daína Fíradimie. ³⁷ Afémie ie illánie fecade, fécano afe íba úcube orécamacimo izáibite.

5

Ananías Safira diga finoca íaífue

¹ Mei jíáimie Ananías, ie ai Safira diga, daa illánie fecádiaillinoí. ² Bímie nano baa nieze úcubena jeruide. Jíáie dájeze úcubena nana ñue ite izói orécamacimo izájide. Aféfuena ie ai nana ñue onode. ³ Jira Pedro íena daide:

—Ananías, ¿níbái mei Taife o coméceina féitate, Ñuera Joreño taino o llóllena? ¿Níbái mei o illánie nano nieze feca íba úcubena abímo maíñódio, daí jífueridio? ⁴ ¿Nano fueñe afe énie óieñede? Jii, óie. ¿Afe o fécaja mei afe úcube óieñede? Jii, óie. ¿Níbái mei daí afe finóllena comeci facádio? Comínimo taino lloñédio, mei íadi Juziñamuimo taino llotio, — daide.

⁵ Ie jira áfena cacáillano, Ananías éniemo baíllano tíbicaide. Nana afefue fídiaíbitino iere jacínaitiaíoi. ⁶ Mei jira nano ba niga jitócomini bite. Ie abí jabínota ie raíájidiaíoi.

⁷ Afe mei tres horas íllamona Ananías ai jofo bite. Nai ie ini tíllana fidíñede. ⁸ Jira Pedro jícanote:

—Cuemo llone, ¿afe ómicoí daína dieze afe énie fecádiomico?

Jira afengo daide:

—Jii, áfeze.

⁹ Jira Pedro daide:

—¿Níbái mei dáafueritíomico, Juziñamui Ñuera Joreño o íco facátallena? Jino batí o ini raíájidino bitíaíoi. Jabe daje izói ona úitiaíoi.

¹⁰ Afe llezica afengo Pedro anamo baíllano tíbicaide. Jitócomini jofo billano afengo tíllana cíozabítiaíoi. Mei jira jino uillano ie ini abímo íena raíájidiaíoi. ¹¹ Nana Juziñamuimo inotino nana aféfuiaína fidídimaciri iere jacínaitiaíoi.

Aillo cíorainina raaniaí onótate raa diga

¹² Aféruillaído comini cígiri orécamaci aillo onótate raa, cíorainina ráaniaí diga finódiaíoi. Nana Salomón jinófenemo macáranomo gairídiaíoi. ¹³ Buna jíáimacimona íaiói diga daane gairíllana jacírúitiaíoi; mei íadi comini íaiói mo ñue izire comécidiaíoi. ¹⁴ Aillo comini ííñiaí ríngóniaí dájeze Ocuíraima Jesucrístomo inuabítiaíoi. ¹⁵ Uafue jamánomo inotiaíoi. Mei jira iráredino jofo abí íuemo, naa íaiói bíralluaíri jino bíródiaíoi. Afénomo Pedro áfedo jaille llezica afémacimona nano dámerie, Pedro jana anamo itábicaítiaíoi. Afedo jíllozítiaíoi. ¹⁶ Afe llezica aillo áinomo ite jofue comini Jerusalemo bitíaíoi. Iaiói iráredinuiaí atídiaíoi fíénide jóriaído áfedogamací diga. Nana jíllotagaíaiói.

Ríimaci illaíni Pedro Juan diga duere finóllena llaitátatiaíoi

17 Iemona lletáriraini illaíma, afémieoiri ite saduceo imaci iere úradoizaidiaioi. 18 Ie jira orécamacina llaítada afe jófue mo ite llavéracomo ibáizaidiaioi. 19 Mei íadi Juziñamui abi ímie naio llavéraco naze tuizáibite. Jino íaioi uánona daide:

20 –Gairíracomo omoi jai. Dinomo naidáillano comínimo nana bie comeci cáataite uáillaido úrizairi, –daide.

21 Aféfuena cacáillano, afe jiáirui monáidacademo jofo gairíracomo jáidiaioi. Jáillano llófuiaide.

Afe llezica lletáriraini illaíma afémie mo itínori, Nahíllaini gairíranomo gairídiaioi. Afe Nahíllaini Israel nairai éicomini. Gairíllano llaveca orécamaci atítatiaioi. 22 Mei íadi llavérraini llavéracomo dúcillano orécamacina baiñédiaioi. Daa fia afefue abido lluaíbitiaioi. Daídíaioi:

23 –Llavéraco ñue riire ibaide naa naze jinófene úiñotínori eróiediaioi baizájidicai. Mei íadi cai zuitádicaimo afeco eromo buna íñena, –daídíaioi.

24 Aféfuena cacáillano lletáriraini illaíma, gairíraco úiñoraini illaíma, íemo nanoide lletárirainiri ifo júdaizite; jicánotiaioi:

–¿Bífuiai ninomo jica jálleite?

25 Afe llezica daa íima daízai bite; íaioina daide:

–Llavéracomo omoi íbaicogamíai jae gairíracomo comini llófuetiaioi, –daide.

26 Iemona úiñoraini illaíma naa llavérrainiri íaillinoi uájidiaioi. Mei íadi duere finóñeno íaillinoina atídiaioi, “Comínina nóñena cai níjite” dainano jacíruitiaioi. 27 Iaillinoi átianona, Nahíllaini uícomo íaillinoina naidánetiaioi. Iemo lletáriraini illaíma íaillinona daide:

28 –Afe mámeçido ómicoi llófueñellena jamánomo riire rairuídicai. ¿Ja minica finódiomicoi? Nana Jerusalén comínimo ómicoi llófuiafuiai jica jalleide. Afe llezica afe íima tílla ícoínia caimo nitáacadiomicoi, –daide.

29 Mei jira Pedro jiáie orécamaci diga uai ote:

–Juziñamui uai jeire cai olle comini llogáuai baimo ñuera. 30 Cai jái airagima Juziñamui Jesuna tíllamona cáatate. Bie Jesús coráirabicimo agüíneta omoi fagámie. 31 Juziñamui caifo monamo uano nabézimo íena rainade. Afe llezica afénomo Illáimana jóonete. Dáanomo Jíllotaraimana jóonete. Daí Juziñamui Israel náiraímo íaioi illafue méidollirui jóonete, íaioi íaifuiiai dóllena. 32 Aféfuemo uai nabáiraímadicai. Daje izói Ñuera Joreño aféfuemo uai nabaide. Nana ñue cacáredimacimo afe Ñuera Joreño Juziñamui iga, –daide.

33 Aféfuena cacana llezica, ríicadiaioi. Iaillinoina fáiacadiaioi. 34 Mei íadi ríimaci cígiri fariseo ímie ite. Afémie mámeçi Gamaliel. Afémie ocuífue llófueraima. Nana comini íemo ñue coméçidiaioi. Afémie náidáillano ocuide:

–Nano dáallegoi bimaci oni jiáinomo ui, –daide. 35 Afe ifodo ríimacina daide:

–Israel comini, cacai. Baimácimo omoi finóllifue abí omoi rairuiri. 36 Jiáifuemo omoi úibicairi. Naui nígarui íllamona Teudas dúcizaí bite. Dúcillano daide: “Jamánomoidimíedicue. Illáimaiticue,” daide. Iemona cuatrocientos dígamie afémiedo jáidiaioi. Mei íadi íena fatíaioi. Nana afémiedo jáidino ráidozinaidiaioi. Iemona afefue niné táinocaide. 37 Afe mei comini mámeçi cuiájillarui mo, Galilea ímie Judas dúcizaí bite. Aillo comini íedo jáidiaioi. Daje izói íena fatíaioi. Afe izói nana íedo jáidino ráidozinaidiaioi. 38 Ie jira bimácina omoi fáicanocai; afémacina áifedoñeno. Mei bifue íñiaí íeza, fuizájite. 39 Mei íadi Juziñamui ífue, táinocaitanidíomoi. Abi omoi rairuiri, Juziñamui diga omoi fuirízaiñelleza, –daide.

40 Nana jae jiéruificadiaioi. Mei jira orécamaci jíritiaioi. Iaioi dúcinamona íaioina zechénotiaioi. Afe meífodo Jesús mámeçido úrillana íaioina rairuídíaioi. Afe mei íaioina fáicanocadiaioi. 41 Orécamaci ríimaci uícomona jino jáidiaioi. Ióbioicadiaioi, mei Juziñamui íaioimo ñue comeci facáoillaza. Jesudo jainánamona méaífuedo duere zefuídíaioi. 42 Ie

mei nágaruido Jesudo úritiaioi. Afe izói llófueoidiaioi. Gairíracomo, comini jófuedo daje izói llófuiadiaioi.

6

Juziñamui uai llotino canórainina siete dígamie mámeciga

¹ Aféruillaído ínotino aillo jebuoidiaioi. Griego imaci judío imácina zúucaillafuedo jitádiaioi:

—Nágarui güille fécanomo cai fecínguai figo iñégaiaioi, —daidiaioi.

² Mei íemo doce díga orécamací nana ínotinori dáanomo iráidiaioi. Iaioina daide:

—Juziñamui úrilla uai jino llófueredicaí. Afena cai fáicanocaillena dani omoi güille cai fecállena figóñede. ³ Mei jira, ámatiai, omoi cígimona siete dígamie nize. Nana comínimona ñue comécidimie izóidena jitaide. Ñue onódimiena jitaide. Ñuera Joreño úicaigamiena daje izói jitaide. Ie mei daítadimíai güille fecárainina mai jóoneri. ⁴ Mei cai dani Juziñamuimo comeci facáoiticaí. Afe llezica Juziñamui úrilla uaido llófueiticaí.

⁵ Nana aféfuemo ñue comécidiaioi. Iemona Ñuera Joreño úicaigamie Esteban nizédiaioi. Afémie Juziñamui uaina iere ínofiredimie. Daje llezica jíaimíai nizédiaioi: Felipe, Prócoro, Nicanor, Timón, Parmenas, Antioquía ímie Nicolás, nauí nano afémie judíuai íaioi ínoga uaimo dáafueriacadimie. ⁶ Ie mei orécamací illánomo afémacina atídiaioi. Atia mei orécamací íaiomimo onoi bítano Juziñamuimo úritiaioi. Afedo güille fecárainina mamécaiaioi.

⁷ Iemo Ocuíraima Jesucristo úrilla uai comínido oni mónaioicaide. Jerusalem ínotino aillo jebuidiaioi. Afe llezica aillo judíuai lletáriraini aféfuemo ínotiaioi.

Esteban llaitádiaioi

⁸ Esteban Juziñamui izói ríinoredimie Juziñamui ézicigamie. Ie jira comini cígimo aillo cíorainina raa onótate raa díga finode. ⁹ Ie jira Rairuíñegamací llófueriraco ímíaiimona dáarie Estébamo como fueñe ie finócafue júfiduaidiaioi. Afe llezica Cirénemona dáamierie, daje izói Alejandríamona, daje izói Asia éniemo ite Cilíciamona: nana afémaci Estébamo afefue júfiduaidiaioi. ¹⁰ Mei íadi íena anáfenonidiaioi. Ñuera Joreño íemo iga úrillana fibíllafuedo úriteza. ¹¹ Ie jira taino lloraini íbajidiaioi. Afémacina llotíaioi:

—Mai omoi daíri: “Esteban Moisená Juziñamui díga fiéndiuaina dáinana cacádicaí,” —daí daítatiaioi. ¹² Aféfuemo comínina énamaci díga fáillifailliñeitadiaioi, daje izói ocuífue llófueraini. Iemona cirínuano íena llaitádiaioi. Llátano Caifóidillaini uíécomo íena uitíaioi. ¹³ Afe izói taino uailai nabáiraini jenódiaioi. Afémaci daide:

—Bímie cai ñue rairuírede gairíracomo báíñuano fáicanocaitañede. Jaca báíñofirede, daje izói ocuífue. ¹⁴ Afémie dáinana cacádicaí. Afe daina daide: “Baie Nazaret ímie Jesús afe gairíracó júdaítaite. Moisés caimo iga finóllifuii meídotaite,” —daí daidiaioi.

¹⁵ Iemona ríimaci naa dinó ráiedinori, Estébamo eróillano, ie uíeco Juziñamui abi ímie uíécona eróidena cióidiaioi.

7

Esteban abi ie ríiduaíue llote

¹ Mei jira lletáriraini illaíma Estébamo jícanote:

—¿Meita nana bífuii uáfuii?

² Jira afémie uai ote:

—Ñue comécide ámatiai, móotiai díga, cue úrillamo cácarei. Cai ebíredinoredimie Juziñamui cai jaii nanóidimie Abrahamo cíocaide. Ua Abraham Mesopotamia éniemo illa llezica, afémie nai Haramo jaiániñena llezica, ³ Juziñamui íena daide: “O illánie fiénocai naa o comíniri. Afemona omo cue llole éniemo o jairi.” ⁴ Mei jira Abraham Caldea

éniemona oni jaide; jáillano, Harán jófuego nano nie dino ite. Dinomo ie moo tilla. Iemona Juziñamui Abraham afe bie omoi illíniemo atide. Ja birui aféniemo itíomoi. ⁵ Mei íadi nie feci raana nai afémie Juziñamui íena íñede. Afe izói due jiza ie macálliniena íemo fecáñede. Mei íadi Juziñamui uícomo uáfueña daide: “Bie énie óieite. O tilla meífomo o jitótiai íeite.” Mei íadi aféruillaido Abraham nai jitónide. ⁶ Nane dáanomo Juziñamui íena daide: “O uícoidigima jáímaci éniemo onínemaci izói íítiaioi. Dinomo afémaci rairuícamací izói íítiaioi. Dinomo cuatrocientos fimona duere finólliaioi,” daide. ⁷ Mei íadi nane dáanomo Juziñamui daide: “Omoi rairuícamacina finódizie íaioi fiénidífuaí cue jicánolle mei, afémacina duere zefuítaiticue. Ie meífomo o comini afénomona oni jáítiaioi. Oni jaillano, bíniemo cuemo ñue caimare táijizaíbitiaioi,” daide. ⁸ Juziñamui Abrahamo daínauai íbana finóllifue llote. Afe llezica ie jitótiai bacano ícoi quetállena ocuíllado afe finóllifue uáfueña onótate. Ie jira ie jitó Isaac jócua mei ocho dígarui íllamona, Abraham ie jitó bacano ícoi quetade. Daje izói Isaac ie jitó Jacóbona finode. Afe izói Jacob nana ie jitótiaína finode. Afe jitótiai Israel doce diga nairai moona jáidiaioi.

⁹ ‘Bie Jacob jitótiai cai nánoragimaciaí. Afémaci ie ama Josemo úradoidiaioi. Afemona afémiena fecádiaioi, Egipto éniemo úillena. Mei íadi Juziñamui Joseri ite ie canóllena. ¹⁰ Nana ie zefuínailamona zuitade. Ñue úrillana fibíllafue íemo ite. Faraón uícomo ñue comécidimiena Juziñamui Josena itátate. Afe Faraón Egipto nahíllaima. Afe Faraón Josena Egipto jabóllaimana mamede. Afe llezica daje izói dama Faraón jofo illáimana mameca.

¹¹ ‘Iemona júbietailafue nana Egipto éniemo baite aillo zefuínailafue diga. Daje izói Canaán éniemo ite. Ie jira cai móotiai güíllendiaioi. ¹² Mei íadi Jacob Egíptomoo trigo íllana fidiano afénomoo ie jitótiai orede. Afémaci cai jáíairagima. Bifue íaioi fueñe güille uájillafue. ¹³ Ie mei dáanomo nane jáidiaioímo, José ie ámatiai ie abina onótate. Afe llezica José ie ámatiai Faraómo cíotate afémie íaioína onóillena. ¹⁴ Iemona José ie moo Jacob naa ie comíniri atítate. Afémaci setenta y cinco dígamiede. ¹⁵ Afe daí íaioímo íficaide Jacob Egíptomoo jaiánillena. Dinomo afémie tíide; daje izói afénomoo cai jáíairagimamona dárie tíide. ¹⁶ Afe meífodo íaioi ícuruai Siquém illánomo uitá raiájidiaioi. Afe dinomo Hamor jitótiaímona Abraham ie comini ícuruai raíllínuaí íbade. Jira afénomoo raiájidiaioi.

¹⁷ ‘Jaiái ninomo Juziñamui Abrahamo uire ñue íaioi íllena rírede uaido uáfueña llote. Afe uícodo daínauai fuizáillirui ánoziacademo, Israel nairai Egíptomoo ñue jebuídiaioi; ua íere áillue náiraina jáidiaioi. ¹⁸ Afe llezica Egíptomoo jáíie Faraón illáimaizaide. Afémie Josena onóñede. ¹⁹ Aféllaíma cai náiraina jífuete; cai jáíairagimacina duere finode. Cai como jococa úruiaína zóofetade íaioi tíllena. ²⁰ Aféruillaido Moisés jococa. Afémie ie dúeza illáruimona Juziñamuina íóbitade. Afe izói ie moona ie ei diga íóbitade. Afe íaíllinoi daámani fíui jofomo íena móonaitadiaíllinoi. ²¹ Mei íena zóofetarui dúcinamona Egipto illaíma nahí jiza íena abímo ote. Afengo jitó izói afézana comúitate. ²² Ie jira afe Moisés Egipto comini nana onóigafueña llófuegamie. Iemona ie daínauaíllai rírede. Afe izói afémie finócafuaí jamánomoide. ²³ Ja afe mei cuarenta fimona illa llezica, Moisés ie nairai israelita comini méíñuaíacade. ²⁴ Afénomoo Egipto ímie Israel náiraimona dámie duere finóinana Moisés cíoizaide. Ie jira Moisés ie nairai ímie ríduaíbillano Egipto ímie fate afe íba óllena. ²⁵ Moisés comécido daide: “Cue ámatiai israelita comini Egíptomona fáicanocailífue onódiaioi. Ua Juziñamui íaioi cuendo fáicanocaitafueña fidídiaioi,” daide. Mei íadi áfena fidíñediaioi. ²⁶ Afe jítiramoidiruido Moisés Israel ímíiaíllinoi fúrienaíllana cíode. Íaíllinoi fuíríllafueña llícaítaacanano íaíllinoína daide: “Ómicoi daje ámadíomícoi. ¿Níbaí conímana duere finódíomícoi?” daide. ²⁷ Ie jira nabai duere finódimie Moisés oni ñuitade. Oni ñuita mei íaíllinoímona dámie Moíseno daide: “¿Bu o cai cígímo illáimana jóonegao? ¿Bu cai fiénidífue jicánoraímana jóonegao? ²⁸ ¿Nauri Egipto ímie o faaja izói birui

cuenta fáiacadio?” daide. ²⁹ Daií dáinana cacáillano, Moisés botade. Bótano Madián éniemo jaide. Dinomo jicánemie izói ite. Afénomo mena jitórede.

³⁰ ‘Cuarenta fimona méifomo, Moisés amena figo iñénazicimo mácajide. Sinaí idu áinomo ite. Afénomo Juzíñamui abi ímie boode iázaifedínamo cíocaide. Afe irai bóoidinomo cíocaide. ³¹ Afena ciónamona Moisés jabo fáigacaide. Afena ñue cíoilena áfemo jofo ánozide. Ainozillano Ocuíraima Juzíñamui úrillana cacade. Afe uai daide: ³² “O nánoidimaci Juzíñamuidicue. Ua Abraham, Isaac, Jacob dieze Juzíñamuidicue,” daide. Jira Moisés jágieri cuidíricaide. Iemona dáanomo áfemo eróillana jacíruite. ³³ Iemona Ocuíraima Juzíñamui íena daide: “O eiba ico duiño, benó o naidáillano cue íllaza jamánomo ñúenoza. ³⁴ Cue comini Egíptomomo duere zefuillana cíodicue. Íaiói eehe cáilliana cacádicue. Jira ana íaióina zúitaibiticue. Jira cue dáinana cacai. Egíptomomo ona óreiticueza,” daide.

³⁵ ‘Ja nano fueñe nana comini Moisená jámairuitiaíoi. Iena jaiái daiízaidiaíoi: “¿Bu illáimana mamécao, caimo jicánoraímana o íllena?” Mei íadi bóodinamo cíode Juzíñamui abi ímiedo Juzíñamui Moisená zúitaitimiena orede, íaiói illáimana. ³⁶ Jira Moisés cai jáiairagimaci Egíptomona jino baíródimie. Afémie bie éniemo cíorainina raa onótate raa díga finódimie. Afe izói Jiáirede Monáillaimo cíorainina dáinamona comuide raa finode. Afe izói cuarenta fimona íllamona zaféredizicimo íaiói illa llezica cíorainina raa finófirede. ³⁷ Afe dáamie Moisés Israel comínina daidímie: “Juzíñamui dani omoi ámatiaimona uai llóraímana ómoímo óreite, cue ie ória izói. Aféniemo jeire omoi oíri.” ³⁸ Afe Moisés zaféredizicimo comíniri ítimie. Afe Moisés Sinaí ídumo ítimie. Dinomo Juzíñamui abi ímie íemo úrizaibite. Afemona Moisés cai jáiairagimamo aféuai jino llotímie. Afe Moisés cáatatuailai llínnote, afe uáillaina caimo fiénocaillena.

³⁹ ‘Mei cai jáiairagimaci íemo cacáreacañediaíoi. Iena ruifíruillano, meine Egíptomomo jáiacadiaíoi. ⁴⁰ Jira Aarona daidíaíoi: “Cai uícodo ífoite juzíñamuillaina caimo finóllena jitáidicai. Baie Moisés Egípto éniemona cai otímie, íemo ítífueña onóñedicai,” daidíaíoi. ⁴¹ Ie jira juráreto jiza jana finódiaíoi; jáíie rílleniaí fatíaíoi afe jízato jánaraina finócamo fia fecállena íena íóbitallena. Mei íaiói ónoído finoca raamo caimátaioidiaíoi. ⁴² Ie jira Juzíñamui íaióimona oni jaide. Afemona Juzíñamui íaióina fiénocaiide mona úcuaimo íaiói comeci facáoillena. Mei daií uai llóraini rabénicomo cuebaí daide:
¡Israel comini, omoi cacai!

¿Cuarenta díga fimona íllamona zaféredizicimo rílleniaí fatíomoi cuemo fia fecállena?

⁴³ Ieñede. Jiáífodo finódiomoi.

Taino juzíñamui Moloc ráicacillacoji abímo máíñuano úioicaidíomoi.

Afe llezica jáíie taino juzíñamui Renfán ucúduna eroide jánaraimo jeire otíomoi.

Afe jánarai dani omoi finoca íóbitalle jánarai.

Ie jira omoi éniemona omoi otá Babilonia batífenemo ómoína óreiticue, daide.

⁴⁴ ‘Cai jáiairagimamo Juzíñamui gairíraco ite. Afénomo nofícómo cuega ocuica uailai éenotiaíoi. Afe gairíraco Juzíñamui Moísemo ocuilla izói niga. Nano fueñe Juzíñamui íena daide: “O ciónaco omo cue ácata izói o nitátari,” daide. ⁴⁵ Cai jáiairagimaci afe gairíraco feci raa izói llínnotiaíoi. Ie mei Josué díga bitino jáíie nairai énie báirua llezica afeco atídiaíoi. Afe éniemo ítínuiaí Juzíñamui oni jiude, íaiói meífomo ie comini illino finóllena. Afeco daií dinomo ite David illáruillaído. ⁴⁶ Illaíma David Juzíñamuina íóbitade. Iemona Juzíñamui afe Davidna canófirede. Aféruillaído ie jáiairagima Jacob íinoga Juzíñamui illico nitátaiacade. ⁴⁷ Mei íadi ie jitó Salomón Juzíñamui jofo ua nitátatímie. ⁴⁸ Mei íadi jamánomo caífoide Juzíñamui, comini ónoído niga gairíracuaimo ífinide. Afe izói uai lloraíma daide: ⁴⁹ Caífo bie mona ua cue illáimana ráirano izoide.

Ie mei bie énie cue ídai bitáoinanie izoide.

¿Ñie izóidico cúeiena nitátaitio?

¿Nee cue ocózinairano?

⁵⁰ ¿Ua meita nana bie ráaniaina cue ónoído finódicue?

Jii finódicue, —daí Ocuíraima Juzíñamui daide.

⁵¹ Nai Esteban afémacimo úrioicaide. Daide:

—Mei íadi omoi comeci jaca Juzíñamuina rairuífirede. Juzíñamuina onóñedimaci izói jefónidiomoi. Juzíñamuimo comécíñedimacidiomoi. Ñuera Joreño llétafue jaca jeire oñédiomoi. Omoi jáiairagima izóidimacidiomoi. ⁵² ¿Ua meita omoi jáiairagima nii uai llórainina duere finódiaioi? Nana íaioina duere finódiaioi. Nii fígomie bíllana uícodo llotínona titádiaioi. Afe fígomie jae dúcide. Iena fécano fatíomoi. ⁵³ Omoi Juzíñamui abí ímíaido llogámacidiomoi, mei íadi ñue cacáreñediomoi, —daí dinori Esteban daide.

Esteban tíllafue

⁵⁴ Aféfuina cacáillamona, ríicaidiaioi. Estébamo fueo gugúricaidiaioi. ⁵⁵ Mei íadi Esteban Ñuera Joreño úicaigamie. Afe llezica monamo érocaide. Dinomo Juzíñamui ebírenafuena ciode. Afe llezica Jesús Juzíñamui nabézimo naidáinana ciode. ⁵⁶ Ie jira daide:

—¡Ero! Mona túinana ciódicue. Nanoide íima Jitó Jesús Juzíñamui nabézimo naidaide, —daide.

⁵⁷ Mei íadi afémaci jefo íbáidiaioi. Ríirerie caillíoicana illíñana íemo caízaidiaioi.

⁵⁸ Jófueмона oní uitá nófiena ie níjidiaioi. Níjídino íaioi emódodiroillai jitócome Sáulona maméidimiena úíñotadiaioi. ⁵⁹ Nai íe íaioi níjia llezica, Esteban Juzíñamuimo úrillano daide:

—Ocuíraima Jesús, cue joreño oní llíino, —daide.

⁶⁰ Ie mei ana dújullano, ríire caillide. Daide:

—¡Ocuíraima! Bie fiénidifue ícoinia bimácimo jitáñeno iri, —daide.

Daí daína meífodo tíbicaide.

8

Saulo Jesudo gairíraní racade

¹ Fatímaci izói Saulo afémacimo comécioide.

Aféruimona Jerusalem ite Jesudo gairíraní duere finóllena como fueñe judíuai jénuaidiaioi. Ie jira nana ínotimaci Judea énie fuédado ráidoizitiaioi; daje izói Samaria éniédo. Dani doce dígamie orécamací Jerusalem fiébitiaioi. ² Iemona Juzíñamui raana duéruitimaci Esteban raíájidiaioi. Ieri aillo éediaioi. ³ Afe llezica, Saulo gairíramacina nai racáoide. Nágacuaído jenode. Afécuaimona íñiaí ringóniaí díga jino zónuano íaioina llavétate.

Jesucristo ñuera uai Samáriamo llujíjidiaioi

⁴ Ja birui Jerusalem oní jáiredino, Cristo jíllonafue íaioi jáillanuaimo llujíjidiaioi.

⁵ Afémacimona dámie Felipe Samaria jófueмо jaide. Dinomo Cristo ráfuedo íaioimo úrizaide. ⁶ Afe comini gairíllano Felipe dánamo ñue cacáreidiaioi. Felipe finoca ciórainina onótate ráaniaí ciódiaioi. ⁷ Mei jira aillo fiénide jóriaimona jíllotagaiaioi. Afémacimona fiénide jóriaí caillícana oní jaide. Afe llezica aillo tízitaitimíiaí aidáimaiaí díga jíllotagaiaioi.

⁸ Aferi afe jofue comini iere caimátaioidiaioi.

⁹ Mei íadi dámie Simona mámeciredimie afénomo ite. Afémie uícoidiruillaido aimana jaide. Afe jofue comini jífue. “Jamánomoidimíedicue” daííredimie. ¹⁰ Nana comini jabóidinomona ua nahíllaimamo díeze íemo iere cacáreidiaioi. Daídiaioi:

—Bímie caifoide Juzíñamui ríinona igámie, —daídiaioi.

¹¹ Iere are íe aimánafuedo afémacina jífue; íe jira íemo jeire otíaioi. ¹² Mei íadi Felipe Juzíñamui illáimana illírui uai Jesucristo mámece díga, íaioimo llote. Aféuailaina cacáillano áfemo ñue ínotiaioi. Íñiaí ringóniaíri dájerize ínotiaioi. Ínuano báutizagaiaioi.

¹³ Afe dama Simón ínnuano báutizaga. Iemona afémie Felipe nabaina jaide. Afémie Felipe finoca áillue ciórainina raa onótate raa diga, áferi fáigacaide.

¹⁴ Jae Samaria comini Juziñamui úrillauai jeire otíaiói. Afe íaiói jeire uáfueña Jerusalemo ite orécamací fidídiaíói. Fídiano afénomo Pedro Juan diga orédiaíói. ¹⁵ Dúciillano Samáriamo ite ínnotinori Juziñamuimo jicádiaíói, Ñuera Joreño íaiói llínollena. ¹⁶ Mei afémacimona nímiemo Ñuera Joreño nai biñede. Dama Ocuíraima Jesús mámeçido báutizaga. ¹⁷ Afemona Pedro Juan diga íaióimo onói bitade. Iemona daií Ñuera Joreño úicaigaiaíói.

¹⁸ Orécamací bimácimo onói bítamona Ñuera Joreño bíllana Simón ciode. Cíonamona úcube orécamié íaillinoímo íoicana

¹⁹ daide:

—Jadíe ríino cuemo ine. Afe izói nie cómemo cue onói cue jóoneadi Ñuera Joreño íemo bílleza, —daide.

²⁰ Jira Pedro íena daide:

—¡Naa o úcube diga o táinocairi! Juziñamui fecaca raa úcubedo íbárede daidío; daií comeci facádío. ²¹ Bífueño o dúñedío. Bie coco táijnafueño jaináñedío, o comeci jaícina Juziñamuimo jóoiñena jira. ²² Bie o fiénidífue o fáicanocai. Juziñamuimo izire o jicari o fiéni comécido dainafue íba omo óñeilleza. ²³ Ja onódicueza o comeci filliru izói eríredeza. Afe íaifuaíido cuinácamie izói itíoza.

²⁴ Jira Simón uai ote:

—Ocuíraimamo cuedo jicari, nana o cuena daináfuaíimona dafue cuemo níjiñeillena, —daide.

²⁵ Afénomo Crístoño ñúefue nitádiaíói. Daje izói Juziñamui uáillaíido úritiaíói. Ie meífodo, orécamié íaillinoí Juziñamui jíllollíuái aillo Samaria duera jófuaíimo llófuaíidiaillinoí. Ie mei Jerusalemo meine bitíaillinoí.

Felipe Etiopía ímiemo úrite

²⁶ Afefue meífodo Juziñamui abi ímie Felípena daiízaíbite:

—Náidacaillano, fuiri batí Jerusalemona Gaza jófueño jóidíodo o jairi, —daide.

Afeo zaféredizicido jóidío. ²⁷ Iemona Felipe náidacaillano áfeodo jaide. Dinomo uiécodo jaide Etiopía ímie éidajide. Afémie illaíngo abi ríimie. Afémie Etiopía illaíngo Candace úcube úiñoraíma. Afe llezica afémie óinima. Naui uícodo afémie Jerusalemo Juziñamuimo cáimaduaide. ²⁸ Afémie abido ie éniemo jáizaide. Ie caballo zonóicaiga ráirralloicimo ráicana Juziñamui uai lloraíma Isaías cuezáuai facádote. ²⁹ Afe llezica Ñuera Joreño Felípena daide:

—Jadíllóicimo áinozillano afénomo nabairi, —daide.

³⁰ Ainozillano, Felipe afémie Isaías cuezáuailai facáduana cacade. Iemona íemo jicánote:

—¿O facádoga uaina meita onódío? —daide.

³¹ Jira afémie uai ote:

—Cuemo jino llóitimie íñédeza, ¿nie izói ónoíticue? —daide.

Iemona Felípemo caífo ie diga dáanomo ráillena jicade.

³² Juziñamui Cuezáuaimona afémie facádoga uai áfena daide:

Oveja izói tíizaillinomo uiga.

Oveja jiza abi cuidódino uiécomo úriñedimie izói táide,

afe izói afémie jaca níifuedo úriñede.

³³ Afémie iere jámairuigamie; jaícinaidífueña íemo rairuíaíói.

¿Ie ñue illáfuedo mei bu úrille?

Mei ie cáajano bie éniemona niné táinocaidé, —daide.

³⁴ Jira illaíngo abi ríimie Felípemo jicánote:

—Cuemo llone, ¿bumo úrite uai lloaíma? ¿Nibai dama íemo úrite? ¿Nibai jiáímiemo úrite? —daide.

³⁵ Jira Felipe afémie facádoga Cuegáuaimona Jesús úrillauai íemo jino llote. ³⁶ Jainoi illánodo jailla llezica ríimie daide:

—Benomo ite jainoi. ¿Birui áfejido cue báutizanidicue? —daide.

³⁷ Jira Felipe daide:

—Nana o comécido o ínoiadi báutizarellio, —daide.

Jira afémie uai ote:

—Jesucristo Juzíñamui Jitoza áfemo ínoticue, —daide.

³⁸ Iemona jáiralloici moziñota ille diné jáidiaillinoi. Dinomo Felipe ie báutizade.

³⁹ Illémona ari abido jáidiaillinoimo, Juzíñamui Ñuera Joreño Felípena oni uite. Iemona ríimie íena jaca nane cíõñede. Mei dama ie éniemo caimare jaide. ⁴⁰ Felipe nane Azoto jófuego cíocaizaide. Dinómona naga jófuedo jíllonauai llócade. Ua ba Cesarea jófuego fuizájide.

9

*Saulo comeci jiáífodo méiduafue
(Hch 22.6-16; 26.12-18)*

¹ Afe llezica Saulo Jesumo ínotinona fáiacanafuedo úrioido. Ie jira lletáriraini illáimamo jicánuaide. ² Daide:

—Llavétallibiaina cue ine, Damasco jofue gairíracomo cue jáilleza, Jesús uaimo ínotino cue jénuailleza. Afemona íñiaí naa ringóniari maitá Jerusalem cue atilleza, —daide.

³ Mei nai iodo jailla llezica, Damasco jófuego ánozidemo, monámona bite úzefo nágafene ie abimo úzere egáiñoaide. ⁴ Iemona Saulo éniemo baíide; baíilla llezica Jesús íena dáinana cacade:

—Saulo, Saulo, ¿nibái mei cue racáido? —daide.

⁵ Mei jira Saulo uai otá jicánote:

—Ocuíraíma, mei o ¿búido? —daide.

Jira aféuai ote:

—Cue Jesúsicue. Dama o racácamiedicue. Aillue juráreto zaitáacademo jáiredizimo jiide. Afe izói ízitagamiedo. ⁶ Mei íemona Saulo jágieri cuidide; daide:

—Ocuíraíma, ¿ona nie izói finóredicue? —daide.

Jira Ocuíraíma uai ote:

—Náidacaillano baie jófuego mai jofojai. Dinomo o finóllifuenta omo llóitiaioiza, —daide.

⁷ Sáulodo jaide comini aféuaina cacádiaioi íadi mei buna cíõñediaioi. Aferi iere jacínaitiaioi. ⁸ Ie meífodo Saulo éniemona caifo ráinacaillano, érocaide. Mei ui botáicaide íadi éroinide. Mei jira daií ónoido jainátacana Damasco jófuego íena uitiaioi. ⁹ Dinomo daruíamani uina cíõñede. Afénono minícana güiñede, jiróñede.

¹⁰ Afe Damasco jófuego ínotimie Ananías illa, nímiemo Ocuíraíma nicáirilla izóidedo cíocaide. Iena daide:

—¡Ananías! —daide.

Afémie uai ote:

—Ocuíraíma, benó iticue, —daide.

¹¹ Jira Ocuíraíma íena daide:

—Náidacaillano, Deréchana mámeciredo iodo jairi. Dinomo Judas jofomo jicánori: “¿Ninomo ite Sáulona mámeciredimie, Tarso jofue ímie?” O dúcina llezica afémie Juzíñamuimo úrite ¹² Ie úrioina llezica nicáirilla izóidedo ie uimo onoi bitaibitimie, Ananías mámeciredimienaa cíode; áfemona nane ie ui ñue cíoite, —daide.

¹³ Afe uaina cacáillano Ananías daide:

—Aillo comini baie ímana cuemo llotíaioi. Afe llezica omo ínotinuiaimo nana Jerusalemo ie fiene finócafuiái cuemo llotíaioi. ¹⁴Ja birui afémie benomo bite. Lletáriraini illaini llavétallibiai diga bite nana o mámeçido jicáfiredino maitá úillena, —daide.

¹⁵Jira Ocuíraima daide:

—¡Mai jai! Afe ímana jae cue nizeca jáie náiraímo cuedo úrillaena naa íaioi illáiniri.

¹⁶Afémie aillo cue náiraímo llóite. Afémie aillo cue ícoinia duere zefuállana íemo ácataitícue, —daide.

¹⁷Iemona Ananías Saulo illácomo jaide. Jofo jáillano íemo onoi bítajano daide:

—Ama Saulo, Ocuíraima Jesús o billa iomo omo cíocaidimie cue o ui meine abido cíoilena ocuide. Afe dáanomo afémie Ñuera Joreño ona cue úcailtallena cuena daide, —daide.

¹⁸Afe daií dáinamona, chamu icogi izoide ie uímona cúcoizite. Iemona nane ie ui meine cíoide. Afemona Saulo náidacaillano báutizatate. ¹⁹Afe meífodo güillano, ie ríino meine comúitate. Afe mei nano nígarui Damáscomo ite ínotinori fiévide.

Saulo Damasco jófuego jino llófuerite

²⁰Ie meífodo Saulo garíracomo jino llófuerizaide. Afénomo daide: “Jesús Juzíñamui Jitó.”

²¹Nana afémie mo cacáidino fáigacaillano daidíaioi:

—¿Ua meita bie nímiède, nauí Jerusalemo Jesús mámeçido jicáfiredino racádimie? ¿Ñie nauí benomo bitímie lletáriraini illáinimo cai maitá úillena? —daidíaioi.

²²Mei íadi Saulo jamánomo riire jino llófuerite. Jesús Crístonana jino uafodo ciótate. Mei jira Damáscomo ite judíuai Saulo ifona íritagaiaioi.

Saulo judíuaimona jillode

²³Diga iruillaí jailla meífomo, judíuai dáanomo comeci fácana Saulo fállena maméritiaioi.

²⁴Mei íadi aféfuena afémie fídide. Naa mona naio diga jofue jino jáirazemo úiñoidiaioi ie fállena. ²⁵Mei íadi ínotimaci áillue cirígaimo íena jónetiaioi. Jóoniano afe jofue jinófene cirínuailla jinomo naio íena agúínetiaioi. Afe daií afémie botade.

Saulo Jerusalemo illafue

²⁶Saulo Jerusalemo dúcillano, Juzíñamuimo ínotinori gairíacade, mei íadi nana afémiena jacírúitiaioi. Afémie ínogafuena nai jeire oñediaioi. ²⁷Mei íadi Bernabé íena uáidote. Iemona orécamiáimo íena ácatajide. Afemona Saulo iomo Ocuíraimana cíonafue íaioimo llote. Ie mei Saulo Damasco comínimo méaicaiñeno Jesús mámeçido úrillafue íaioimo llote. ²⁸Jira Saulo Jerusalemo diga irui ite. Dinomo ínotimaci diga macácaide. ²⁹Ocuíraima mámeçido méaicaiñeno úrite. Griego uaido úritino judíuaimo úrite. Conímamo jicánua uai ua daií úrite. Iemona ie fállena mamédiaioi. ³⁰Jiáie ámatiaí afefue fídiano, Saulo Cesaréamo uitíaioi. Dinómona Társomo íena orédiaioi.

³¹Ie meífomo nana Judea éniemo ite Jesús mámeçido gairídino fírazitiaioi. Ja íaioi ínogafuemo caimare náireoicaidiaioi. Afe izói Galilea éniemo Samaria énie diga ite ínotino fírazillamona riire náireoicaidiaioi. Ocuíraima Jesús ñúefueri jácicaidiaioi. Ñuera Joreño íaioi cánuamona jebuíoicaidiaioi.

Eneas jae jíllotaga

³²Pedro jáie ámatiaí uáidualla llezica, daje izói Lida jófuego ite ínotino éroizaide.

³³Dinomo Enéasna maméidimiena cíoizaide. Afémie ocho diga fimona bíramo bíide ie tízitaila jira. ³⁴Iena Pedro daiízaide:

—Eneas, Jesucristo ona jíllotaiteza. Náidacaillano o bíira ñue fino, —daide.

Afemona Eneas raire jíllobicaide. ³⁵ Lida jofue nairai aféfuena nana ciódiaioi naa Sarón náirairi. Iemona jaiai nano íaioi íinogafuiai fáicanocaillano Ocuíraima llogáfue mo íinotiaioi.

Dorcas tíide meine abido cáanafue

³⁶ Aféruillaído Jope jófue mo ite íinotingo. Afengo mámecei Tabita. Afe mámecei griego uaido Dorcas. Afe ringo ñúefuedo jáicade. Jitáidinona canófirede. ³⁷ Aféruillaído afe Dorcas írareizaide. Iemona tíide. Ie abi jócua meífodo oni caifóidicomo jóonetiaioi. ³⁸ Lida áinori ite Jope. Aféruimo Pedro afénomo nai ite. Íinotino afénomo íllana fídiamona, ménamie orédiaioi íena daiíllena:

—Jópemo jíziñeno raire biri, —daide.

³⁹ Iemona Pedro afémie íaillinoído jaide. Pedro dúcinamona, Tabita abi jóoinanomo íena uitiaioi. Nana fecíngotiai abido ífoina naidározillano éediaioi. Afe llezica nana Dorcas nauí ie caana llezica tifócacuiruai íemo ácatatiaioi. Emodo íroillai naa jíáie iníroillairi íemo ácatatiaioi. ⁴⁰ Afécomona Pedro nana jino íaioi orede. Ie mei caíñici ífodo dújuillano Juzíñamuimo úrite. Tíidingomo eróillano daide:

—Tabita, mai caifo náidacai, —daide.

Iemona afengo ui botáicaide. Pédromo érocaillanona caifo ráinade. ⁴¹ Onoído llíinota ie caifo naidánete. Afe mei ailli jino oreca fecíngotiai íemo ámatiai daínamaci diga abido jírite. Iemona afengo caade íaioimo izájide. ⁴² Afefue nana Jope jófue mo jállecaide. Iemona aillo comíni Ocuíraimamo íinotiaioi. ⁴³ Afe mei Pedro diga irui afe jófue mo fíévide. Igorai ídiai jinítaraíma Simón jofomo ífirede.

10

Pedro Cornelio uáiduafe

¹ Afe Cesarea jófue mo Cornéliona maméidimie ite. Afémie fuíriraíni áillogüelli illaíma. Afe áillogüelli mámecei Italiano. ² Afémie naa dama ie comíniri Juzíñamuimo comecei fácajano caímare úrite. Afe llezica Juzíñamuimo ñue jacíruioides. Daje izói aillo úcubena judíuaimo fecáfirede íaioi canóllena. Iemo Juzíñamuimo nágarui úrifirede. ³ Ie mei daarui jítoma ana ítemo nicáirilla izói ciode. Afe nicai anado Juzíñamui abi ímie uáfodo ciode. Afe abi ímie jofu Cornelio illánomo jaide; jáillano íena daide:

—¡Cornelio! —daide.

⁴ Cornelio afe Juzíñamui abi ímiemo jacíruiocana érocaillano jícanote:

—Ocuíraima, ¿bie minica?

Iemona abi ímie íena daide:

—O jícanua Juzíñamui jae jeire ote. Daje izói jítaídino o cánuafuaína jeire ote. ⁵ Mei jira Jope jófue mo íñiaí ore, Simón jírizaiíllena. Afémie jíáifodo mameina Pedro. ⁶ Afe Pedro jíáí Simón igorai ídiai jinítaraíma. Afémie jofu monáillai fuédamo ite. Afe Simón Pedro o finóllifue omo llóite, —daií daide.

⁷ Afe íemo úrite Juzíñamui abi ímie jáidemo, Cornelio mena táijitagamie jírite. Ie mei ie abi ímiaimona daa ñúefue mo ínofirede fuíriraíma jírite. ⁸ Nana Juzíñamui abi ímie íemo llogafue llua meífomo Jópemo íaioína orede.

⁹ Afe jítiramoidiruimo, nai afémaci iodo jailla llezica, Jópemo áinozidiaioimo, Pedro jáiciri illa llezica jofu emodo íbánimo Juzíñamuimo úrizaide. ¹⁰ Aillo júfinaillamona güíacade. Mei íadi nai güille íaioi finua llezica, nicáirilla izoide ciode. ¹¹ Afe nicai anado mona túijicaillana ciode. Afénomona áillue iníroi izóidena nágafene zicai ícoínoga ana éniemo agüínana ciode. ¹² Afe agüínega iníroimo naga táide ríllenai ite, jáióniaí féedinuaí digá. ¹³ Iemona daa uai daínana cacade:

—Pedro, náidacaillano fatá rii, —daide.

¹⁴ Jira Pedro uai ote:

—Jii, Ocuíraima, ríñeiticue. Bácaca ríllena jaca riñédicue. Daje izói íáirede ríllena riñédicue naa rairuica rille diga, —daide.

¹⁵ Afe uai nane dánomo íena daide:

—Naga Juzíñamui dogá izói finoca rílleza íáire maméñeno iri, —daide.

¹⁶ Afefue dacaiñoámani íemo íficaide. Ie meífomo afe iniroi meine abido monamo jaide.

¹⁷ Nai Pedro afe nicáirillafuemo comeci facáaide. “Afe cue ciónafue nie izói daiíacade,” dáidemo, Cornéliomona orécamiái nazemo náidazaibitiaíoi. Simón jofo jicánotiaíoi.

¹⁸ Dúciillano aillo uaido jicánotiaíoi:

—¿Simóndimie bicomio ite? Afémie jíáfodo mameina Pedro, —daidíaíoi. ¹⁹ Nai Pedro nicáirillamo comeci facáidemo, Ñuera Joreño íena daide:

—Cacai, damieámani o jenódiaíoi. ²⁰ Náidacaillano ana billano jizire úriñeno íaíoi do jai, mei cue omo orécamiáiza, —daide.

²¹ Mei jira Pedro jofo emódobanimona ana billano Cornelio orécamací, nazemo náidaidinona daide:

—Cue omoi jenócamiedicue. ¿Nibái mei bitíomoi? —daide.

²² Jira afémaci uai otíaíoi:

—Íllaima Cornelio cai ória jira biticai. Afémie ñúefuena nitácamie. Afémie Juzíñamuimo ñue jacíruioido. Nana judíuai íena ñue llínotiaíoi. Iena iere izíruitiaíoi. Juzíñamui abi ímie íena daide: “Jópemo comini oreri Pedro uáidollena, afe mei o jofomo Pedro bílleza.” Jira o uáibiticai. Dinomo Cornelio íena o daiíacallifuena cácaite, —daidíaíoi.

²³ Ie jira Pedro jofo íaíoi na ote. Afe naio ie diga fiébidiaíoi. Afe jíáiruido Pedro afémaci diga jaide. Afe llezica Jópemo ite ámatiaimona íena nabáioicaidiaíoi.

²⁴ Afe jíáiruido Cesaréamo dúcidiaíoi. Dinomo Cornelio íaíoi na úiñote. Afénomo bíllena ie llogámaci ie comínimona, ie gaiga nabáíñiaimona dáanomo gairídiaíoi. ²⁵ Afécomo Pedro dúcia llezica, Cornelio jino íena llínuaibite. Jino billano Pedro anamo dújude, ie cáimadollena. ²⁶ Mei íadi Pedro íena náidacaitano íena daide:

—Náidacai. Cue o izói énie ímiedicue, —daide.

²⁷ Nai afémie diga úrioi na llezica, jofo jaide. Jáillano aillo gairídinona cíoi zaide. ²⁸ Jira Pedro daide:

—Jae onódiomoi, judío ímie ie ínuafuiaido jíázie ímie diga nabáirinide. Daje izói ie jofomo jaille rairuírede. Mei íadi Juzíñamui jae cuena llófuete. Buna jíáimana comécina íáiredimie daínide. Daje izói rofóci redimie jíáimana daínide. ²⁹ Ie jira orécamiái cue jíirilla llezica nie izói daiíñeno jarire bitícueza. Mei jira nibái mei cue uáidotioza onócadicue, —daide.

³⁰ Ie jira Cornelio uai ote:

—Jae nagaáamarui jáidemo, afe bie daje hóramo, benó cue jofomo güiñeno iticue. Aféruimo jitoma ja ana ítemo Juzíñamuimo comeci faiticue. Comeci faiano quenírede inícuro jítáoidimie cuemo cíocacide. ³¹ Afémie cuena daide: “Cornelio, o jicánogafuiaína Juzíñamui cacade. Afe llezica jítáiredinomo o cánuafuiaimo Juzíñamui comécide. ³² Jope jófuemo ore Simón uájillena. Afémie jíáfodo mameina Pedro. Afémie jíáie Simón jofomo biruido ite. Jíáie Simón igorai ídiai jinítaraíma. Ie jofo monaillai fuédamo ite. Pedro dúcia o diga úrizaito,” daide. ³³ Daií raire ona jenótaticue. Jira o bille ñuera. Birui nana benomo Juzíñamui uíécomo iticai. Nana Juzíñamui omo llotátgauai caimo o daiíllena cacáacadicai, —daide.

Pedro Cornelio jofomo llófueteza

³⁴ Jira Pedro ja úrillano daide:

—Ja birui Juziñamui jiaimana daa úradotatañedeza onódicue. ³⁵ Mei íadi nizíemo itino íeri jácicaillano ñúefuedo úritinona Juziñamui íaioina llínofirede. ³⁶ Israel cómogimacimo Juziñamui úrite. Jesucristodo comeci caimare uái illafue íaioimo llote. Afémie nana nairai Ocuíraima. ³⁷ Nana judío éniemo comuídifuena ñue onódiomoi. Juan Bautista jino lluañilla mei, comini báutizailla meífodo afefue Galiléamo como fueñe taineca. ³⁸ Nazaret ímie Jesumo Ñuera Joreño ríino Juziñamui ígaza onódiomoi. Afe Jesús ñúefue finócana jáillana onódiomoi. Afe izói nana Taife ríino anamo duere zefuídinona ie jíllotafuiaina onódiomoi. Aféfuiaina daí finode Juziñamui ie diga jáicana jira. ³⁹ Nana Jesús judío éniemo finócafuiái uai nabáiraímacidicái. Daje izói Jerusalén jófuemo ie finócafuiái uai nabáiraímacidicái. Ie méifomo cruzmo íena coráiano íena titádiaioi. ⁴⁰ Mei íadi Juziñamui daruiámani íllamona abido íena cáatate. Ie mei afémiena caimo cíocaitade. ⁴¹ Nana comínido cíocaitañede mei íadi dani caimo cíocaide, Juziñamui uícomo nizeca uai nabáiraímacidicaiza. Afe mei afémie tíllanomona meine abido cáanamona ie meífomo, afémie diga güiticaí; ie diga jiródicaí. ⁴² Afémie Jesucristo rafue jino comínimo caina llotátate. Afe izói jáífue caina ua nabáiritade. Afefue daide: “Juziñamui afe Jesús tíidino cáadino diga íaioi fiénidifuiái jícanoitímiena ocuide. Cai aféfuemo uaina nabáitagamacidicái.” ⁴³ Daje izói jaiái ninómona nana uai lloraini Jesudo úritiaioi. Daidíaioi: “Nana afémiemo ínotino íaioi íáiredifuemona ie mámecido ñue dóficaitiaioi,” daidíaioi, —daide.

Judíuaiñedino Ñuera Joreño como fueñe úicaigaiaioi

⁴⁴ Nai Pedro úrioina llezica, ie úrillauaimo cacáreidímacimo Ñuera Joreño nana íaioimo ana bite. ⁴⁵ Jira Pédrodo bite ínote judíuai fáigacaidiaioi. Ñuera Joreño judíuaiñedínomo daje izói úicaigafueri fáigacaidiaioi. ⁴⁶ Jae jáízie uáillaído íaioi úrillana cacádiaioi. Afe llezica Juziñamuimo íaioi íóbioinana cacádiaioi. ⁴⁷ Mei jira Pedro daide:

—¿Birui bu mei ráiruille bimaci báutizallena; mei daa cai izói Ñuera Joreño úicaigaiaioi? —daide.

⁴⁸ Iemona Jesucristo mámecido íaioi báutizazigaiaioi. Ie meífodo Pédrodo izire jícadiaioi: “Nano nígarui cai diga iri,” daidíaioi. Daí íena jeruúdiaioi, nano nígarui íaioi diga íllena.

11

Pedro Jerusalemo ite ínotínomo llogafue

¹ Judéamo ite orécamaci ámatiaí diga, cómoicana jáífuena fidídiaioi. Afefue daide: Judíoñedímaci Juziñamui úrillauaina jae jeire otíaioi. ² Pedro meine Jerusalemo jáidemo, judíuaimona dámerie ínotíno Pédrone zanódiaioi. ³ Zánvano daidíaioi:

—¿Ñibái judíoñedíno uáiduidio? ¿Ñibái íaioi diga güitio? —daide.

⁴ Ie jira Pedro afefue nanómona nana ie finócafuiái llote; daide:

⁵ —Jope jófuemo cue íadi, Juziñamuimo úrifiredicue. Afe llezica nicai anado cíódicue. Afe nicai anado áillue iniroi izóidena monámona ana bíllana cíódicue. Aferoi nágafene zícaino ícoinoga. Daí cue illánomo dúcide. ⁶ Afemo ñue eróidicue ie eromo itínuiaina onóillena. Iemona afe eromo ite táicaide rílleniaina cíódicue. Afe dáanomo jacírede rílleniaina cíódicue. Daje izói afénono jáizai, íemo féedínuiaí diga íllana cíódicue. Nana afe ciona rílleniaí bácaziga. ⁷ Iemo daa uai cuena dánana cacádicue. Daide: “Pedro, náidacaillano afe ríllemona fatá rii.” ⁸ Mei jira daidicue, “Ocuíraima, dama ite. Jaca nanómona cue fúedo íáiredena riñédicue bácaie diga.” ⁹ Ie mei afe monámona cacaide uai dáanomo cuena daide: “Juziñamui dogá rílleza íáirede daíñeno o iri.” ¹⁰ Afefue dacaiñoámani meine íficaide. Afe meífomo dáanomo nana monamo meine jaide. ¹¹ Afe llezica daamieámani cue illánomo dúcide. Afémaci Cesaréamona cue jenóllena orécamaci. ¹² Ñuera Joreño afémacido

cuenta orede: “Due jiza jiziñoeno afémacido jairi,” cuenta daide. Daje izói baie seis ámatiai cuedo jáidiaioi. Nana cai daaco jofomo jáidicai. ¹³ Afémie Juziñamui abi ímiena ie jofomero ie ciónafue caimo llore. Afe Juziñamui abi ímie náidaillano íena daide: “Jope jófuemo nano nígamie ore, Simón jírizaillena. Dámie jáífodo mameina Pedro. ¹⁴ Afémie ona dáiteza, nie izói o nana o comini diga jilloitioza,” daide. ¹⁵ Cue fueñe íaioimo úrizaila llezica, Ñuera Joreño imaci acónimo bite, nano fueñe cai acónimo billa izói. ¹⁶ Mei íemona Ocuíraima daínafuemo úbicaidicue. Afefue daide: “Uáfueña Juan fia jáinoido báutizade, mei íadi Ñuera Joreño úicaigamacina ítiomoi.” ¹⁷ Mei jii Ocuíraima Jesucristomo cai ínuano Juziñamui caimo iga Joreño, bimácimo Juziñamui íacade. Afena fidíillano Juziñamuido jarifeicana úriacañedicue. Jamai cómedicueza, —Pedro daí daide.

¹⁸ Mei ie jira Jerusalemo ite ámatiai aféfuiaina fídia llezica, llícaidiaioi. Llícaillano Juziñamuimo caimátaidiaioi. Daí daí daí:

—Ua afe izói judíoñedimacimo íaioimo fieni itifue méidollena jae Juziñamui íaioimo fecade. Afemona daí jaca ziiñoña cáaillinona íaioimo ite.

Antioquíamo ite Juziñamuimo ínote gairídino

¹⁹ Esteban íaioi faa llezica, jáie ínotimacimo duere finótatiaioi. Dáarie Fenicia éniemo botádiaioi; jáimaci Chípreno Antioquía diga botádiaioi. Dinomo afe ñúefue dani judíuai namácimo llotíaioi. Jáimacimo llónega. ²⁰ Mei íadi dáarie Chipre imaci, Cirene imaci diga ínotino Antioquía jófuemo dúcidiaioi. Dúciillano judíoñedinomo úritiaioi. Afemona Ocuíraima Jesús úrillauai íaioimo llore íaioi jilloillena. ²¹ Afe llezica Ocuíraima ríno íaioimo ite. Mei daí aillo comini nano íaioi jaiaí ínogafuaí fáicanocaillano Ocuíraima Jesumo ínotiaioi.

²² Afefue Jerusalemo ite ínotinomo jállecaide. Iemona afémaci Bernabé Antioquíamo orédaioi. ²³ Bernabé dúciillano, Juziñamui cáimadogamací izói ciode. Aferi afémie iere íóbicaide. Nana íaioi llófuete; daide:

—Nana cai Ocuíraimana fáicanocaiñoño ie llogáfuemo jáicina omoi coméciri, —daide.

²⁴ Afe Bernabé comécina fígomie, Ñuera Joreño úicaigamie. Afémie Jesucristomo izire ínofiredimie. Daí aillo comini Ocuíraima Jesucristo íena náamatade.

²⁵ Afe meífodo Bernabé Társomo Saulo jénuaide. Baillano Antioquíamo íena úite. ²⁶ Dinomo daa fimona namónaze ínotino cígimo ñue fuitádiaillinoi. Afénomo aillo comini llófuete. Afe Antioquíamo ínotino como fueñe Crísto jaináidinona ja mamécaiaioi.

²⁷ Aféruillaído dámerie Juziñamuimona llínoga uailai lloráimaci Jerusalémona Antioquíamo jáizaide. ²⁸ Afémacimona dáme Agábona mámeciredimie. Nana ínotino cígiri náidaillano daide:

—Nana bie éniemo aillo jamánomo júbie biite, —daide.

Ñuera Joreño ie comécimo llúamona afefue jino llore. Afe júbie daí bite Claudio illáimana illáruillaído. ²⁹ Ie jira Antioquíamo ite ínotino comeci facádiaioi Judéamo ite ámatiai canóllena. Naga come íaioimo ite úcube díerize bai jóonetiaioi. ³⁰ Afe daí ñeta, Bernabé Saulo íaillinoido afe íraica úcube Judéamo ite ínotino illáicomínimo orédaioi.

12

Santiago tíllafue Pedro llavéinafue diga

¹ Aféruillaído Juziñamuimo jaináidino duere finóllena illaíma Herodes nane jénuaide. ² Iemo Herodes Juan ama Santiago lloéfaído titátate. ³ Afémie titátari judíuai iere íóbidaioi. Aféfuena Herodes fidínamona nane Pedro lláitajide. Ja birui irázillarullai. Afe irázillarullaído fáitañega pan güitíaioi. ⁴ Pedro llaitada mei Herodes llavéracomo

éna íbaicuaide. Dinomo cuatro dígagüelli éna úiñotiaioi. Naga afe güéllimona cuatro dígamiríe llazíriraini ite. Herodes comeci facade pascua rafue meífodo Pédróna jino comínimo cíotallena. ⁵ Ie jira Pedro llavéracomo llaveda ñue úiñoga. Mei íadi Juzíñamui gairídino íemo izire Juzíñamui jicáoidiaioi.

Juzíñamui Pédróna llavéracomona jino oreca

⁶ Herodes Pedro jino comini uiécomo óiacanarui uícodo, afe naio Pedro llavéracomo inide ñue úiñoga. Nágefene onoi llóejina maiga úiñoraíma íaillinoi jaináoigari inide. Afe llezica jíaie úiñoraíma íaillinoi jino llavéraco naze úiñoide. ⁷ Iemo Juzíñamui abi ímie raíre cíocaizaíbite. Afe llezica llavéraco ero úzerecaide. Juzíñamui abi ímie Pedro círaigí teténote éna cazítate. Cazítano éna daide:

—Mai raíre náidacai, —daide.

Iemona llóejillaí Pedro ónoimona ana cocide. ⁸ Afe Juzíñamui abi ímie éna daide:

—Mai o círaigí tirínorafe jofo riire tirino.

O éiba ico jíta, —daide.

Pedro daíí abi fínua llezica Juzíñamui abi ímie éna daide:

—O emodo jítaca áreroi jítada, cuedo bi, —daide.

⁹ Iemona Juzíñamui abi ímie óodana Pedro jaide. Afe abi ímie finócafue Pedro onóñedeza; nibai uafue nibai tánofue. Comeci facáoid: “Nícaí anado ciona izóidífue na cíodicue.” ¹⁰ Mei íadi fuéñeide jónetimíemona bai jújicaillano báifeicana jónetimíemo dúcidiailinoi. Ie mei afémiemona jújicaillano bai nazemo dúcizaidiaillinoi. Afe naze íbaira lloébani. Dúcidiailinoimo afe naze íbaira daíngo tújicaide. Jino jáillano bai iodo daallu macádiaillinoi. Ie mei Juzíñamui abi ímie ie fiénocaid. ¹¹ Iemona Pedro ñue onócaillano daide:

—Íco iere uáfueza. Juzíñamui abi ímie cuemo orede Herodes cue llavéinamona cue zuitállena. Afe izói nana judíuai cue duere finóacanafuemona cuena zúitaíbite, —daide.

¹² Aféfuemo comécíillano Juan ei María jofomo jaide. Afe Juan jáífodo mameide Marcos. Afécomo aillo comini Juzíñamui iere úrillena gairídíaioi. ¹³ Pedro afeco abi íbiri llaveca nazemo náidazaide. Náidaillano jofo ero imaci júrite. Iemona Ródena mámeçirede ringoza bu billa daíllena eróizaide. ¹⁴ Mei íadi Pédróna uáimona onóillano, nazena tuiñóño, íóbicaillano meine jofo aizida llujáide:

—Pedro nazemo dúcina, —daízaide.

¹⁵ Jira éna daidíaioi:

—¡Uáiritaidio!

Mei íadi afengo daide:

—Uáfueña ñue llotíue; uáfueña Pedro dinomo ite, —afengo daíoid. Mei íadi afémaci íñoño daidíaioi:

—Pédroñedeza; fia ie joreño, —daidíaioi.

¹⁶ Mei íaioi úrioina llezica, Pedro nazemo nai júrioid. Afe meífomo naze tuiñoda íemo érocaidiaioi. Erocaillano jacínaitiaioi:

—Ua meita Pédrodio, —daidíaioi. ¹⁷ Mei íadi ónoído:

—Mai omoi úriño, llícaí, —daide. Iemona Juzíñamui llavéracomona ie zúitafue llote.

Iemo íaioina daide:

—Bífue Santiágo llujáiri nana jíaie ámatiairi, —daide.

Ie meífodo jino jaillano oni jáínomo jaide.

¹⁸ Jae monáizaidemo, llavécano úiñoraínimo aillo riire júfidotiaioi, mei onóñediaioiza; daidíaioi:

—Benó caí úiñoga Pedro ¿niné jaide? —daidíaioi.

19 Herodes Pédróna íaioina jenótate. Iena íaioi baiñenamona, nana úiñorainimo jicájicanode. Ie mei Herodes afeúñoraini fatátate, Pedro íaioi botata jira. Afe mei Herodes Judéamona jae oni Cesaréamo jaiánite.

Herodes tíllafue

20 Jae Herodes Tiro comini Sidón comini diga íaioiri icirioide. Mei íadi afémaci daní comeci facádiaioi ie uiécomo cíozabillena. Illaíma Herodes jabóidillaíma Blasto. Afémiena fairíotarediaioi íaioiri ñue nabáirillena. Afémiedo ñue caimare illifue Heródemo jicádiaioi. Ua izire jicádiaioi, íaioi güilleniai, illaíma Herodes éniemona íaioi ófírena jira.

21 Ie jira Herodes íaioimo úrizailirui íaioimo llote. Aféruimo ebírede illaíma iniroi jítano illaíma ráiranomo ráinade. Daí ñiano are íaioimo úrite. 22 Mei íemona comini caillíoicana íena daidíaioi:

—Bie úritimie fia cómeñedeza, afémie juzíñamui, —daidíaioi.

23 Afe llezica Juzíñamui abi ímie Heródena iráretade Juzíñamuimo ñúfuenta nitátañena jírari. Iemona afe Herodes aíáide tílla.

24 Iadi Juzíñamui lloga uai oni jalléicaide. Afe jalléinamona náganerie fidídiaioi.

25 Bernabé Saulo diga íaillinoi afe úcube fíiaillano meine abido Jerusalémona bitíaillinoi. Aféillinoi do bite dáamie, Juan daínámie. Dáamie mámecei Márcona.

13

Bernabé Saulo diga como fueñe nága gobiaí llócaidiaillinoi

1 Antioquíamo ite gairíracomo nano niga uai jino llóraini ite naa llófueraniri. Afémaci mámeceiaí: Bernabé, Simón, Cirene ímie Lucio, Manaén, Saulo dígamiediaioi. Simón jíáifo mameina Negro. Galilea illaíma Herodes Manaén diga, dáanomo comúidiaillinoi.

2 Aféruillaído afémaci güiñeno Juzíñamuimo caimátaidiaioi. Iemo Juzíñamui Ñuera Joreño íaioina daide:

—Bernabé Saulo diga oni eneno nizeri, cue ocuica raa íaillinoi jetállena.

3 Güiñeno Juzíñamuimo úrilla meífodo éinamací íaillinoína ónoído ézicita, daidíaioi:

—Mai, ómicoi jairi, —daidíaioi.

Orécamaci Chipre éniemo llófuiaidiaioi

4 Ie mei daí Ñuera Joreño íaillinoimo llujállamona oni Antioquíamona Selúciamona jáidiaillinoi. Dinómona áillocaedo monaillai cigi záfedu Chipremo jáidiaillinoi. 5 Salamina ígobemo dúczaidiaillinoimo judío llófueriracomo Juzíñamui uailai jino llotíaillinoi. Afe llezica Juan íaillinoi canócana nabáizaide. 6 Nana Chipre éniemo llócadiaioi. Irainomo Pafó jófuego dúcidiaioi. Dinomo judío aima Barjesuna mámeceiredimie baizájidiaioi. Afe aima táinona llófuefiredimie. Afémie daífírede:

—Juzíñamui dibénedo úriticue, —daide.

7 Afe aima ocuidíllaíma Sergio Paulo dígamie dáanomo itíaillinoi. Afe Sergio ráfuenta ñue onódimie. Aféllaíma Bernabé Saulo diga jírítade Juzíñamui uailai cacáillena. 8 Mei íadi afe aima Bernabé Saulo diga llogáuai uáitano zanode. Ocuídíllaíma ínuana aima rairuíacade. Afe aima jíáfodo mameina, Elimas. 9 Saulo jíáfodo mameina Pablo. Afe Pablo Ñuera Joreño úicaigamie. Aima daínana cacáillano íemo riire érocaillano 10 daide:

—Jíáíma jífuetimedio! Íáiba Taife jítódio. Nana ñúfuiaina uáitaraimadio. ¿Ñibái mei ñuera Juzíñamui lloga uai oni cáitano féitaacadio? ¿Ñibái mei o táinofuiaina fáicanocaiñeno jino llóllodio? 11 Mei jabe Ocuíraíma Jesucristo riire ona duere fínoite. O ui nírite. Nano nígarui jítoma egáiñuana cíóñeitio, —daide.

Daí dainamona ie ui nirílicaide. Jae jitídine taino mellécade. Dáamie íena ónoído jainátacana úite, ie ui cióñena jira. ¹² Ocuídillaíma Sergio Paulo áfena cióillano, llogáuaina ñue ínote, mei Juzíñamui llófueinamo jacíruioicana aféuaimo ñue eroide.

Pablo Bernabé diga Pisidia éniemo ite Antioquía jófuego jáidiaillinoi

¹³ Pablo ie nabáiñiai diga nocaedo Pafo jófueмона jáidiaioi. Dinómona Panfilia éniemo ite Perge jófuego jáidiaioi. Afénomo Juan íaioina fiénocaillano abido Jerusalemo jaide. ¹⁴ Pablo ie nabáiñiai diga afe Pérgemo dúcillano, Pisidia éniemo ite Antioquía jófuego arido jáicina jáidiaioi. Dinomo ocózinaillaruiamo llófueriraco eromo ráinazaidiaioi. ¹⁵ Ocuícafuiai illánicomona fueñe facádotiaioi. Ie mei Juzíñamui uai jino lloránicuaímona facádotiaioi. Afe facádua fúillamona llófueriraco illaini íaillinoina daidiaioi:

—Amatiai, ómicoi cacai. Omicoi llóiacagafuiai íadi comini cacáilleza jino ómicoi llóoiri, —daide.

¹⁶ Mei íemona Pablo náidacaillano, ónoído comínina llícaitate. Afe mei íaioina daide:

—Israel nairai, omoi cácarei. Daje izói Juzíñamuina jacíruioídino, omoi cácarei.

¹⁷ Israel nairai Juzíñamui cai jáiairagima nana íaioina nize de. Iemona Egipto éniemo ónoñegamacina íaioi illa llezica, aillo náiraina afémie jebuítate. Afe mei aféniemona dama íemo ite ie ríinodo íaioina oni ote. ¹⁸ Ua mei Juzíñamui comeci jitáinafue nai figo fuitáñediaioi, mei íadi afe tázicimo cuarenta diga fimona Juzíñamui íaioina zófeño úiñote. ¹⁹ Afe mei Canaán éniemo ite siete nairai Juzíñamui niné táinocaitaga, afe énie cai jáiairagima maiñóllena. ²⁰ Afe meífodo diga riire jicánoraini cuatrocientos cincuenta fimona ocuícailaioi. Ua ocuícailaioi uai llóraíma Samuel illáruimo. ²¹ Ie mei íaioina ócuite ríillaíma jicádiaioi. Jira Juzíñamui Saúl cuarenta fimona afémaci illáimana jóonete. Afe Saúl Cis jitó, Benjamín nairai ímie. ²² Afe mei Juzíñamui Saúl na oni orede. Oni óriano David illáimana ie meífomo jóonete. David ífuedo Juzíñamui úrite; daide: “Cuen a íobitadímie David baiticue. Afémie Isaí jitó. Nana cue jitaiga raana jetáfirede,” daide. ²³ Afe David cómogimamona Jesús jococa. Afe Jesús Juzíñamui uícomo daináuai izói Israel nairai jíllotaitimiena íaioi cígiconi Juzíñamui comuítate. ²⁴ Jesús comínimo nai abi báifitañenia Juan nana Israel náiraimo jino llote; daide: “Nana omoi báutizaredi omoi. Omoi comeci ífuiai mai ñúefuena méidoziri.” ²⁵ Juan uícodo llófuiaillafue fúiacademo, daide: “Omoi comeci fácamieñedicue. Jamáimedicue. Mei íadi cue meífodo bitímie cue baímo baitadímie. Afémie idai ico igaina zuitánidicue, (jiba jamáimedicueza),” daí Juan daide.

²⁶ ‘Cáimaci, omoi cácarei. Abraham nairai urúcidíomoi za; mai cácarei. Omoi mona Juzíñamuina jacíruioídino, omoi cácarei. Bie ñue jíllotaitíuui ómoie. ²⁷ Mei Jerusalemo itino íaioi illáiniri Jesús nahí ífueña fidíñediaioi. Daje izói naga ocózinaillaruiamo facádoga uai llóraini llogáuallaina cacádiaioi, mei íadi aféuui daináfueña onóñediaioi. Aféuallaina íaioi onóñenado Jesús duere finótatiaioi. Daí jaiái ninomo mamécafuiai aféniemo fuitádiaioi. ²⁸ Afe Jesús fatátallífuena due jiza jaca baiñediaioi; mei íadi Pilátomo ie fatátallena jicádiaioi. ²⁹ Afe mei nana afémiedo Cuegáuallaimo jaiái ninomo lloga uallai fuitádiaioimo, crúzmona íena ana otá íena raíajidiaioi. ³⁰ Mei íadi Juzíñamui tíllanomona íena meine cáatate. ³¹ Afe mei diga irui íllamona Galiléamona Jerusalemo ie diga jáicadinomo Jesús íaioimo cíocaide. Afe iedo jáicadino ja birui comínimo afémie llócaigafue llotíaioi.

³² ‘Juzíñamui cai jáiairagimamo uícomo llogáuaido úrite. Ñúefuedo úrite. Ja birui afe ñúefue ómoimo lloticai. ³³ Ja cai bie afémaci cómogimadicaí. Ie jira afémie uícodo llogáuai ja caímo fuilla. Afe uai daide: “Jesucristo tíidena meine abido cáataticue.” Daí rúanicomo cuega; segundo ruamo cuega; llote: “Cue jitódio. Birui ona cáataticue.” ³⁴ Diga ícaíño Juzíñamui ie cáailífuena llote. Ua tíllanomona íena cáataite, ie íeizi jaca ninomo rífaíñeillena. Juzíñamui aféfuena jaiái ninomo Cuegáuallaido daide. Afe uai ie jitó Jesuna

daide: “Davidmo uícodo cue uafue lloga ñue cáimafuiai nahí omo jainaide.” ³⁵ Ie jira rúanicomo jiáiruado daide: “O izíruiga ñue canódimie íeizi ráiruitio ie rífaíñeillena,” daide. ³⁶ Afe David ie llezica igímana ñue canode, Juzíñamui ie ocuilla izói. Afe meífomo David tíillano ie uzútiai cígimo íena raiájidiaioi. Iemo ie íeizi rifaide. ³⁷ Mei íadi Juzíñamui cáatagamie íeizi rífaíñede. ³⁸ Cáimaci, omoi cacai. Afe bie rífaítañeno cáatagamie Jesudo omoi fiénidifuiiai iba óñeillifue ja ómoimo jino lloga. ³⁹ Afémiedo nana íena ínotino nana íaioi fiénidifuiaimona dóficaitiaioi. Mei íadi Moisés ocuífafuiai cai fiénidifuiaimona caina zuitañede, mei cuinaca izói jaináidicai. ⁴⁰ Ñue abi omoi rairuiri uai jino llóraini cuela mamécafuiiai ómoimo báíñeillena. Afe mamécafue daide:

⁴¹ Ínoñeno uáitaoidino, omoi cácarei; cacáillano áferi omoi jacínaificairi.

Iemona niné táinocaitiomoiza, aféruillaído jamánomo ñue jácifue cue fínua jírari.

Aféfueña dámie ómoimo lloía, íadi áfena ínoñeitiomoiza, —daide.

⁴² Pablo ie nabáñiairi judío garíracomona jino jáidiaioi. Jáidiaioimo judíoñedino jocócaiaioi íaioimo aféfuena meine abido íaioimo llúaíbillena jicádiaioi. Afe úireite ocózinaillarumo meine llúaíbillena jicádiaioi. ⁴³ Afe llófueriracomo íaioi gairilla záillamona aillo judíuai Pablo llogafue jéruitiaioi. Iemona Pablo Bernabé diga íaillinoído jáidiaioi. Daje izói aillo judío onóigafueña jeire otino íaillinoído jáidiaioi. Pablo, Bernabé diga íaioimo llote:

—Mai Juzíñamui caina izíruillafueño nágari aféfuemo ñue omoi coméciri, —daide.

⁴⁴ Siete dígarui íllamona ocózinaillarumo, nana jofue comini dáanomo gairídiaioi, Juzíñamui uallai cacáreillena. ⁴⁵ Mei afénomo aillo comini gairíllana judíuai cióillano, úrioina izói itíaioi. Afénomo Pablo uallai uáitano íena báíñotiaioi. ⁴⁶ Ie mei Pablo Bernabé diga abi mámano íaioina daide:

—Judíuai, bie Juzíñamui uai fueñe ómoimo lolle iere jítárede; mei íadi ja aféfuena óiacañediomo; afe ícoinia zíñona cáallinona llínoñeitiomo. Ie jira ja birui judíoñedinomo jáiticaí. ⁴⁷ Mei jira Juzíñamui daí caina llotátate; Juzíñamui daide:

Cuedo nárainna fidítaraimana o mamédicue.

Nana énie íraino imaci ñuera jíllonafue llórainana ítío.

⁴⁸ Aféfuena cacáillano judíoñedino íóbicaidiaioi. Íaioi úrilla fueñe táinia llezica:

—Juzíñamui uáillaina jamánomo ñuera, —daídiaioi.

Afémacimona aféfuena ínotino aillo ite. Zíñona cáatatinona llínoitina mamécaiaioi.

⁴⁹ Iemona Juzíñamui uallai nana afe énie náraindo jae ñue jalleide. ⁵⁰ Afe jófuemo Moo Juzíñamui izire jaináiacade ringóniaimona dáingorie ite. Afe ringóniai illaingo izóidingotiai. Judíuai afe ringóniaimo úrite, Pablo afe jófuemona oni oréllena. Daje llezica judíuai afe jofue illáinimo daje izói úrizaidiaioi. Íaioi comeci fiéni fínua jira, jíaie Páblona duere finóacanafue comuízailla, Bernabé diga. Afe jófuemona oni íaillinoi orédiaioi. ⁵¹ Afe ória meífodo afe íaillinoi eiba ico íaie íaioimo teténote; afe teténufue baimaci comeci íaifuiaimo íteza, daíacade.

Daí ñiano Iconio jófuemo jáidiaillinoi. ⁵² Mei íadi Jesús llogáfueño ínotino iere íobioidiaioi. Afe llezica Ñuera Joreño úicaigaiaioi.

14

Pablo Bernabé diga Iconiomo itíailinoi

¹ Iconiomo dúcillano judío llófueriracomo daane jofu jáidiaillinoi. Dinomo jamánomo ñue úritiaillinoi. Afemona aillo judíuai Jesumo ínotiaioi; judíoñedinomona daje izói aillo afefue ínotiaioi. ² Mei íadi ínoacañede judíuai jíaie judíoñedino comeci íaire finódiaioi. Daí Páblona Bernabé diga éoicana eróidiaioi. ³ Ie jira dinomo diga irui ñue jaícina jacíruiñeno Ocuíraima Jesús mámecido llófuetiaillinoi. Afe llezica Juzíñamui dama ie ñue ríino íaillinoimo fecade. Afemona onótate ráaniai cíorainina ráaniai diga finódiaillinoi.

Aféniado íaillinoi lloga Juzíñamui caina izíruillafue Juzíñamui ñue comínimo fidítate. ⁴ Mei íadi jofue comini bózietaidiaioi. Dáarie judíuai dibénemo jaináiacadiaioi. Jiáimaci Pablo Bernabé diga dibénemo jaináiacadiaioi. ⁵ Afe meífodo ñnoacañede judíuai jiáie judíoñedino diga naa íaioi illáiniri noficiaina íaillinoi níjiacadiaioi. Daí íaillinoina duere finóacadiaioi. ⁶ Mei íadi aféfuena orécamaci uícodo fidídiaioi. Fídiano Pablo Bernabé diga Licaónia éniemo botádiaillinoi. Dinomo ménagobemo macáoidiaillinoi, Listra Derbe diga naa afe áinori itíniado. ⁷ Dinomo ñue jíllonafue llotíaillinoi.

Lístramo Pablo noficiaina níjidiaioi

⁸ Iemo Lístramo macáñede aidaima ite. Ie jocóinanomona tízitaite izóí macáñede. Jaca ie macánina jira dinomo ráide. ⁹ Afémie Pablo daínáfuemo ñue cacáreide. Iemona Pablo íemo érocaillamona, tízitaitimie ñue ínuana Pablo comécido fidíde. Ie ínuamona afémie jíllorede. ¹⁰ Iemona Pablo íena riire daide:

—O ídaido caifo jaícina naidai, —daide.

Afénomona afémie tícacaillano náidacaide; náidacaillano como fueñe mácajide. ¹¹ Daí Pablo finócafueña cíoillano, nana comini Licaónia uáillaído caillíoicana daidíaioi:

—¡Juzíñamuillai jamai comini izóí ana cai cígimo billa! —daidíaioi.

¹² Bernabena Júpter juzíñamui daidíaioi; Páblona Mercurio juzíñamui daidíaioi, jamánomo ráfuiai llotímiena jira. ¹³ Júpter gairíracó naze fueri ite. Afeco úiñotimie juráretuai atide naa amena záfiái diga. Afémie naa comini íaillinoimo cáimadoacadiaioi. Juráreto fáillemona íaillinoina íóbtaacadiaioi. ¹⁴ Mei íadi orécamaci Pablo Bernabé diga fidídiaillinoi. Aféfuena fidínamona, ínucuro cúatacaillano, comini cígimo jáidiaillinoi. (Afe iniroi cuata daíacade íaillinoi comeci jamánomo ríicaide.) Jaillano caillíoicana daidíaillinoi:

¹⁵ —¡Nana omoi, cácarei! ¿Nibái bie izóí finódiomoi? Coco omoi izóí jiba cómedicoco. Ñúefue ómoimo atídicoco. Afe bie tánofuiai omoi fáicanocaillena lluaíbiticoco. Fáicanocaillano, ua caade Juzíñamui dine omoi jáillena daí lluaíbiticoco. Afémie mona, bie énie, monáillai dieze finode naa íaioimo itínuiari. ¹⁶ Jáiairagima illa llezica nana nairai íaioi comeci jitáillafodo macáoidiaioi. Aféruillaído Juzíñamui íaioina lletáñede. ¹⁷ Mei íadi Juzíñamui ñúemie ífuena ñue ómoimo finócafuiado ómoina fidítafirede. Ua ñue nocina ómoimo bítafirede. Nana aménaiái llizíllajiaína ómoiri llizítate. Afedo omoi güille ñue ite, omoi comeci íóbillena, —daí úrite Pablo.

¹⁸ Mei nana afe daínáuallai daína íadi, nana comini íaillinoiri juráretuai nai fáiacadiaioi. Iadi ícoimo afétuai íaioi faana féitadiaillinoi.

¹⁹ Afe mei Antioquíamona Icóniomona dáarie judíuai dúcizaide. Listra comínimo júfiduano Pablo fállena mamédiaioi. Iemona Páblona noficiaina níjidiaioi. Níjiano jofue jinófenemo íena zonóicaidiaioi. Comécido daidíaioi: “Nibái tíide,” daide. ²⁰ Mei íadi ínotino íemo gairídiaioimo Pablo náidacaillano meine jófuemo jaide. Afe jítiramoidiruido afémie Bernabé diga Dérbemo jáidiaillinoi.

²¹ Dinomo jíllona uallai jino llotíaillinoi. Afe jófuemo aillo comini Jesumo ínotiaioi. Afe mei meine abído Lístramo, Icóniomo íemo Antioquíamo dieze jáidiaillinoi. ²² Nana afénuiái jofue ínotínuiái ñue caimare íociretadiaillinoi. Ñue jaícina ínuafuedo íaioi jáillena llófuetiaillinoi. Iemo íaioina daidíaillinoi:

—Juzíñamui illáimana illíruimo cai jáillena, aillo afe facátafuiai iere caimo jitáirede, —daide.

²³ Afe llezica naga gairíracuaimo ócuite illáinina mamédiaillinoi. Afe mei güíñeno Juzíñamuimo iere úrilla meífomo nana como ocuídillainina mamécamiái Juzíñamui úiñuamo jóonetiaillinoi, Juzíñamuimo ñue íaioi ínuua jira.

Pablo Bernabé diga íaillinoi nano billánomo abido jáidiaillinoi

²⁴ Afe meífodo Pisidia éniemona jaillano Panflia éniemo dúcidiailinoi. ²⁵ Perge jófuemo jllonafue llotíaillinoi. Afe llua méifomo Atalia jófuemo jáidiaillinoi. ²⁶ Dinómona Siria éniemo ite Antioquía jófuemo nocaedo ruica jáidiaillinoi. Naui afe jófuemo ite ínotino íaillinoina Juziñamui jónetiaioi. Daií finódiaioi jáie nairai ñúefuena llófuiaillena. Ja birui afe táijina fuilla. ²⁷ Antioquíamo dúcidiailinoimo, nana ínotino Juziñamui garíracomo gairídiaioi. Gairídiaioimo Pablo nana Juziñamui íaillinoido finócafuiái jino íaioimo llote. Afe llezica judíoñedinomo Juziñamui ñue jílloille io como túiñua llotíaillinoi. Afe izói áfemo afémaci ínorediaioi. ²⁸ Afe meífomo Pablo Bernabé diga ínotino cígimo are diga irui itíailinoi.

15

Ínotino illaini Jerusalemo gairídiaioi orécamaci diga

¹ Aféruillaido dáarie íñiaí Judea éniemona Antioquíamo ite ínotino llófuiabite. Iaioina daidíaioi:

—Moisés ocuica íiza bacano icoi quétafuena omoi finóñenia, jílloñeitiomoi, —daidíaioi.

² Ie jira Pablo Bernabé diga íaioimo riirede uáillaido úritiaillinoi aillo júfiduafuiái diga. Iemona Antioquíamo ite ínotino Pablo, Bernabé, jáimaci diga nizédiaioi, Jerusalemo ite orécamacimo aféfuena jicánuaillena; daje izói Jerusalemo ite Juziñamui gairídino illáinimo jicánuaitiaioi.

³ Mei daií nízia mei Antioquía ínotino afe nizécanona orédiaioi. Afe oréinamona, Fenicia éniemo Samaria énie diga jáidiaioi. Jaillano judíoñedinono íaioi jaiái llóinauailalai féitano Juziñamui dibénedo jáillafue llotíaioi. Nana ámatiaí aféfuena cacáillano iere íobidiaioi.

⁴ Pablo Bernabé diga Jerusalemo dúcidiailinoimo, Juziñamui gairíndino caimare uáidogaiaillinoi. Daje izói orécamaci naa gairíndino illáiniri íaillinoina caimare uáidotiaioi. Dinomo Juziñamui íaioiri finócafuiái íaioimo jino llotíaillinoi. ⁵ Mei íadi fariséuaimona dáarie ínotino caifo naidáillano íaioina daide:

—Ínote judíoñedinomo afe cai izói quetaínafue jítáirede. Afe emódomo Moisés ocuífue ñue ínollena jítáirede, —daidíaioi.

⁶ Iemona orécamaci naa ínotino illáiniri aféfuena ñue onóillena gairídiaioi. ⁷ Aféfuái are íaioi júfida meífomo, Pedro caifo náidaillano daide:

—Amatiai, omoi cácarei. Naui Juziñamui cuemo finócafue onódiomoi. Juziñamui omoi cígimona cue nizeda judíoñedinono cígimo orede. Ua cuena nizede afémacimo ñue jllonafue uailalai cue llujáillena; áfemona afémaci aféfuaiina ínotiaioi. ⁸ Cai comécina onode Juziñamui cuemo llote: “Afe judíoñedinona ñue llínoiticue,” daide. Afemona Ñuera Joreño íaioimo fecade caimo ie feca ízoi. ⁹ Juziñamui cáimona afémacimo jáífodo finóñede. Iaiói ínuado íaioi comeci íaifue Juziñamui oni dote caie ie dua ízoi. ¹⁰ Mei birui ¿ñibái mei Juziñamui finócafue jeire oñédiomoi? ¿Ñibái mei baie ínotino jamánomo riire ocuíacadio? Afe ocuínafue caí, caí jáiairagima diga finónidicai. ¹¹ Mei íadi jáífodo ínoticai, caí jílloillena. Ocuíraima Jesús caimo dúecaide. Afemo caí ínuamona íbáñeno jíllobicaidicai. Afe izói judíoñedinono Jesumo ínuamona íbáñeno jíllobicaidiaioi, —daide.

¹² Mei jira afémaci llícaidiaioi, Bernabé Pablo diga llogáfuemo cacáreillena. Nana judíoñedinono cígimo Juziñamui finócafuiái llotíaillinoi. Dinomo íaillinoido uaido finoca onótate raa ciórainina raa diga Juziñamui finode. Aféfuái jino llotíaillinoi. ¹³ Iaillinoi llogafue fúillamona, Santiago daide:

—Amatiai, cue dánamo cácarei. ¹⁴ Simón Pedro jae Juziñamui judíoñedinona como fueñe íaioina izire canóinafue caimo jino llote. Juziñamui jae judíoñedinomona dáazie

como níziaibite dama ie náiraina. ¹⁵ Afefue ua Juziñamui jaiiai uai llóraini cuegáfuiaimo jaícina dájena jóbide. Afe Cuegáuai daide:

¹⁶ Bifue mei, meine bíiticue.

Ua David jaiiai nairai, júdaizitaga íadi, meine dáaziena jofo gairítaiticue.

Aféziemona due fiébidino jaiiai íaiói ízaina izói meine jebuítaiticue.

Ríinidimaci jofo dáanomo otátaiticue, ñue riírediziena íaiói íllena.

¹⁷ Afe daíí finuaibiticue nana jáíimaciai Juziñamuimo comeci fácajano íaiói íinollena.

Daíí fínoiticue nana cuena náamarede judíoñede náiraiiai cuemo comeci facada íinollena.

¹⁸ Ua jaiiai ninómona aféfuiai onótate Juziñamui daíí daide.

¹⁹ ‘Te jira bifue lloticue. Afe como Juziñamuido jáiacade judíoñedino mai, cai íaióina áifedoñeiticai. Jae íaiói jaiiai íinoga táinofuiiai fáicanocaidiaíói Juziñamui llogáuaina íaiói íinollena. ²⁰ Due llétafue íaióimo cai cúellena ja dieze figo baite. Afe bífuiai íaióimo llóiticai. Mai jánaraimo fia fecaca güíllena omoi jetáñeno iri. Mai jiruífueмона abi omoi rairuiri. Dama áiredimie ie ai diga illa ñuena. Mai cimoina cigínoga rílleniai riñeno iri. Afe izói coróbaítaga rílleniai riñeno iri. Daje izói díena omoi jiroñeno iri. ²¹ Daíí judíoñede como íinotimacimo lletádicaiza, nibai nanómona nana jófueмо Moisés ocuífue llófueraini ite. Naga ocózinallaruido llófueriracomo afe Cuegáuai jino facádotiaíói. Aci dino Santiago lloite.

²² Iemo orécamaci gairídímaci, nana íaiói illaini diga, “Jii,” daídíaíói. Iemona íaiói cigímona dámierie nizéllena maméritiaíói, Antioquíamo oréllena Pablo Bernabé diga íaillinoi nabáíllena. Judas dainámie nizédiaíói; afémie jáífodo mameina Barsabás. Daje llezica Sílasna nizédiaíói. Afe íaillinoi ámatiai cigiri illaíma izóidiaíllinoi. ²³ Iaillinoído cuegabe orédiaíói. Afébemo daide:

“Cai Antioquíamo ite judíoñede ámatiaímo uai orédicai. Afe izói Siria éniemo ite ámatiaímo, Cilicia éniemo ite ámatiai dieze nana ómoímo uai orédicai. Nana orécamaci, Juziñamuimo gairídino illaini, benó ite ámatiai diga, ómoímo uai orédicai. ²⁴ Cáímona ómoímo nauí bitino finócafue jae fidídicai. Caimo lloñeno oni jáidiaíói. Cai óreñegaiaíói. Dani imaci uáíllaido jae omoi ífoci írinuaidiaíói. Daíí ómoína áifeduaídiaíói. Omoi bacano ícoi quetállifuiiai lluaíjidiaíói; jáíie Moisés llogáuaillai ómoímo ocuízaidiaíói. ²⁵ Ie jira cai comécido ñue jaide cai cigímona mena come mamedá ómoímo oréllena. Aféfuena nana jieruiticai. Bie nizécaíllinoi Pablo Bernabé diga omoi éroizaíbitiaíói. Pablo Bernabé diga cai iere izíruiga ámaíllinoi. ²⁶ Cai Ocuíraíma Jesucristo ñúefue íaillinoi llua ícoína, jaci cácatagaíllinoi. ²⁷ Daíí Judas Silas diga ómoímo orédicai. Aféíllinoi ómoímo jofo úritiaíllinoi nana bífuiai jino ñue llóllena. ²⁸ Mei cáímona ñue cioide; afe izói Ñuera Joréñomona ñue cíoide riírede rafue ómoímo cai mámeñeíllena. Dama jitáiredífue mámeíticai. ²⁹ Jánaraimo fia fecaca rílleniaína omoi riñeno iri. Daje izói díena jiroñeno iri; cimoina cigínoga ríllena omoi riñeno iri. Nana jiruífueмона abi omoi rairuiri. Dama áiredimie ie ai diga illa ñuena. Bífuiaímona abi omoi rairuíadi, ñue íitiomoi. Jae ñie.”

³⁰ Daíí Jerusalemo ite íinotino íaióina Antioquíamo orédiaíói. Antioquíamo dúcíaíóimo, dinomo ite íinotino dánomo gairítatiaíói afe rabe fecállena. ³¹ Afebe ámatiai facáduamona iere íóbidiaíói. Ua afe caímare llétafueri íóbidiaíói. ³² Judas Silas diga Juziñamuimona oga rafue jino llórediaíllinoi. Ie jira íaillinoi uáíllaido afe ámatiai ñue náirecaítadiaíllinoi. Afe llezica íaióina ñue comeci fírazitadiaíllinoi íaiói caímare íllena. ³³ Dinomo diga irui íllamona, Antioquíamo ite ámatiai comeci jacínaiñenafuedo íaióina jáitatiaíói. Daíí íaióina uáidonocaidiaíói meine íaiói orécamaci diné jáíllena. ³⁴ Mei íadi Silas Antioquíamo fiébicaíllena mamérite. ³⁵ Afe izói Pablo Bernabé diga Antioquíamo fiébidaíllinoi. Afe meífodo, aillo jáíie llóraini diga, llófueritiaíói. Cai Ocuíraíma Jesucristo uaillai jino llotíaíói.

Pablo dánomo nane jáizaide ñúefue llujáillena

³⁶ Diga irui illa meífomo Pablo Bernabena daide:

—Mai dánomo meine coco jai, nauti coco llófuegano coco uáiduaili. Nana íaioi jófuedo Jesucristo uailai llófueticoco, ie jira afémaci nie izói itíaiioiza coco eróizai, —daide.

³⁷ Bernabé Marcos úiacade íaillinoi jaille dine. (Marcos jáífodo mameina Juan.) ³⁸ Mei íadi Pablo íena úiacañede, nauti Panfilia éniemo íaioina fiénocaila jira. Iemo íaillinoi táijicanado jáíñede. ³⁹ Afefue jamánomo íaillinoi riire júfidua meífodo, dáríe enénorie oni jáidiaillinoi. Ie mei Bernabé Marcos uite. Daí ñiano, nocaedo Chípreno jáidiaillinoi. ⁴⁰ Afe llezica Pablo dama íeiena Silas nizada ote. Nízia mei, afénomo ite ámatiai Juzíñamui íaillinoi izíruillena caimare jicádiaioi, daje izói Juzíñamui íaillinoina nabáirillena. Daí jica meífomo, oni jáínomo jáidiaillinoi. ⁴¹ Siria énie, Cilicia éniedo jáidiaillinoi. Afénomo Juzíñamuimo gairide ámatiai nácaitaidiaillinoi.

16

Timoteo Pablo Silas diga nabáizaide

¹ Derbe, Lystra jofue diga dinomo Pablo, Silas diga dúcidiaillinoi. Afénomo daa Juzíñamuimo ínotímie baizájidiaillinoi. Ie ei judíuaimona Juzíñamuimo ínotingo. Mei íadi ie moo griego ímie. ² Lystramo ite ámatiai afémiedo ñue úritiaioi naa Icóniomo ite ámatiairi. ³ Pablo Timotéona ie nabaina úiacade. Ie jira ie bacano ícoi quetátate, íaioi jáillinomo ite judíuai afémiedo comeci fiene fácañeillena. Mei afémaci ie moo griego ímienana ñue onódiaioiza. ⁴ Nana íaioi jáillado ite jófuedo lletáinafue llotíaioi. Afe lletáinafue Jerusalemo ite orécamací ocuide éinamací diga llotátatiaioi. ⁵ Daí Juzíñamuimo garídímaci íaioi ínuafue ñue oni mónaioicaide. Afemona nágarui aillo jebuíoicaidiaioi.

Pablo Macedonia ímiena nicai anado ciona izói ciode

⁶ Asia éniemo Ñuera Joreño ñúefue íaioi llujáillana ráiruide. Ie jira Frigia énie, Galacia énie diga afe éniemo oni llujáidiaioi. ⁷ Ie mei Misia énie fuédamo dúcidiaioi. Dinómona Bitinia éniemo jáillana comeci facádiaioi, mei íadi Jesús Joreño dinomo íaioi jáillana rairuide. ⁸ Ie jira jica Misia énie fuédado jáidiaioi. Dinómona Troas ígobemo jáidiaioi. ⁹ Dinomo afe naio Pablo nicáirilla izói ciode. Afe nicáirilla izói Macedonia énie ímiena ciode. Afémie náidaicana Páblona izire jicade; daide: “Bené Macedóniomo cai cánuabi,” —daide. ¹⁰ Daí Pablo nicai anado izói cónamona Macedóniomo cai jáillena mamériticai. Jae Juzíñamui cai járillaza ua onódicai dinomo ñúefue cai llujáillena.

Pablo Silas diga Filipos jófuego illafue

¹¹ Iemona Tróasmona nocaedo monailai cigi idu Samotráciamo jáicina jáidicai. Ie jítiramo Neápolismo dúcidicai. ¹² Dinómona Filipos jófuego jáidicai. Afe Macedonia fueda Filipos jamánomo jalléidigobe. Romano comini afe jofue nauti nitátatino. Dinomo nano nígarui iticai. ¹³ Afe ocózinaiaruimo afe jofue jinomo jáidicai. Ua imani fuemo íaioi Juzíñamuimo iere úrizairenanomo jáidicai. Dinomo ráinaillano ñúefuedo gairídingotiaimo úriticai. ¹⁴ Aféngotiaimona daango Lidia mámeciredingo. Afengo Tiatira jofue ingo. Afengo jáíre jítirede ñuera iniroi fecáraingo. Afe ringo Juzíñamuimo áinozioidingo Juzíñamuimo caimare úrillena. Iemona afengo afe ñúefuena cacáreacade. Jae Juzíñamui afengo comécina tuiñode, Pablo llogáuailai jeire óllena. ¹⁵ Afengo naa ie comíniri báutizagaiaioi. Báutiza mei izire jicada caina daide:

—Comeci anado omoi daííadi, Juzíñamuimo ua ínotíngodicue, mai cue jofomo omoi bi, —daide.

Iemona aféngodo jáidicai.

¹⁶ Afe Juzíñamuimo úrizairanomo cai jailla llezica, fiénidena jóriarede ringoza baizájidicai. Afe fiénide jóriado come ónoñega écina raire onófirede. Afengo izire

jeruícango. Afe eici báillado aillo úcubena ie náamatiai íena ófirediaioi. ¹⁷ Afe ringoza Pablo diga caído jáizaide. Caillícana jaide; daide:

—Bimaci caifoide Juziñamuimo dúidiaioi. Omoi jilloille io ómoimo llotíaiioi, —daide.

¹⁸ Diga iruillai daí afengo caillide. Are ie caillícana ícoimo, Pablo zefuínaite. Meine gírecaillano aféngomo ite fiénide jóriaina daide:

—Jesucristo mámecido aféngomona ona oni orédicue, —daide.

Daí daína llezícamona afe fiénide jóriai aféngona fáicanocaillano jaide.

¹⁹ Afe ringoza náamatiai daí ie finóinana ciódiaioi. Iemona:

—Jae aféngodo úcubena óñeiticai, —daidíaiioi.

Daí daínano Pablo Silas diga llaitada ríimaci uícomo aillo gairírabirimo uitíaiioi. ²⁰ Riire jicánorainimo íaillinoína izájidiaioi. Daidíaiioi:

—Bíaillinoi, judío ímíai cai jófuego comínina ríicaitaíbite. ²¹ Caímo lluaíbigafuíaína jeire ónidicai. Afe izóí cai ínidicai, cai bie románodicaíza, —daidíaiioi.

²² Iemona afeno comíni íaillinoímo ríicaidiaioi. Riire jicánoraini íaillinoi inícuirona duiñoda rázido íaillinoína fatátate. ²³ Iaillinoi aillo fáina meífomo, llavéracomo íaillinoína lláviaidiaioi. Afe llavéraco úñoraima riire ocuídiaioi íaillinoína ñue rairuílana. ²⁴ Afe riire ocuínafuena cacánamona llavéraco úñotímie llavéraco jamánomo jofóidicomo íaillinoína orede. Dinomo come idai jíitara íredamo íaillinoína jíitate.

²⁵ Afe naío dáaferuimo Pablo Silas diga Juziñamuimo úrillano Juziñamui ruai rotíiaillinoi. Afécomo jíáie llavécamiiai afe rúana cacádiaioi. ²⁶ Iaillinoi rua llezica afe énie raire iere riire docáiricaide. Nana afe llavéraco jíaillirai izóí riire mozide nofíciiai jaidínocaiga izóí íficaide. Afe llezícamona llavéraco náziai túicoízite. Afemona nana llavécamiiai llójeuai tícoízite. ²⁷ Iemona llavéraco úñoraima cazide. Cazídemo jae nana náziai túienana ciode. Comeci anado daide: “Nana llavécamací jae nibai botádiaioi.” Ie jira lloefai ota ie abi faitáacade. ²⁸ Mei íadi Pablo íemo caillide:

—¡Dama o abina fiéni finóñeno iri; nana benó itícaíza! —daide.

²⁹ Mei jira llavéraco úñoraima bobaie jicade. Iemona Pablo diné aizícana bite. Dinomo afe jágieri abi cuidíríoicana, Pablo Silas diga íaillinoi anamo dújude. ³⁰ Ie meífomo íaillinoína jino jíáinomo uillano, jicánote:

—Pablo, ¿cuemo ite fiénidífuemona cue jíilloillena ñie izóí íitícue? —daide.

³¹ Jira aféillinoi uai ote:

—O jíilloillena cai Ocuíraíma Jesucrístomo íino. Iemona o dama jíllobicaitio. Daje izóí o ai nana o úruiai diga ínuamona jíllobicaitiaioi, —daide.

³² Iemona Juziñamui uailai íemo llotíiaillinoi naa ie jofo ero itínuáiri. ³³ Mei íadi daje naío llavériraima íaillinoi fáina boáfiai jocode. Afemona afémie naa íaillinoi úruiaíri báutizaigaiaioi. ³⁴ Afe mei aféillinoína ie jofomo uillano ecade. Afémie naa ie comíni diga Juziñamuimo ínuari caimare íóbidiaioi.

³⁵ Afe jítiramo riire jicánoraini jíáie llavériraini llavéracomo orede, Pablo íaillinoi zuitállena. ³⁶ Iemona llavéraco úñoraima Páblona daide:

—Riire jicánoraini ómicoína cuena zuitátate. Mei ja birui ómicoi nífuenino uái íllena jino jáirediomicoi, —daide.

³⁷ Mei íadi Pablo llavérirainina daide:

—Romano ímiedicoco, mei íadi cócomo jicánoñeno razído cócona fatíomoi. Faano cócona llavétatiomoi. ¿Mei íadi ja birui báinino cócona zuitátatiomoi? Mei íeñedeza. Coco llavétatino mai coco zúitaíbiri, —daidíiaillinoi.

³⁸ Afefue llavériraini jicánorainimo llujáide. Lluájillamona jicánoraini jacínaitiaioi, aféillinoi romano ímienari. ³⁹ Ie jira Pablo Silas diga íaillinoímo jícajidiaioi:

—Caímo ómicoi dúecai, —daízaidiaioi.

Iemona íaillinoi jino uano, íaioi jófue mona oni jáillana izire jicádiaioi. ⁴⁰ Afe llavé racomo jino billano, Lidia jofomo jáidiaillinoi. Amatiaina cíoillano íaioina ñue náicaitadiaillinoi. Daí ñiano jáinomo oni jáidiaillinoi.

17

Tesalónicamo comuide aillo úrioinafue

¹ Pablo Silas diga íaillinoi jaillano Anfípolis jófuedo jáidiaillinoi. Ie mei Apolonia jófuedo jáidiaillinoi. Afe mei Tesalónica jófue mo dúcidiaillinoi. Afénomo ite judíuai llófueriraco. ² Pablo ie fibilla izói, afe llófueriracomo jofo llófuerizaide. Daámani ocózinaillaruido íaioimo úrite. ³ Juzíñamui jaiái Cuegáuái jino íaioimo llóollode. Aféuaimona Cristo duere finóinafue jitáirede, daí íaioimo jino llote. Daje izói Cristo tíida meine cáallena jitáirede daí jino íaioimo llote. Íaioina daide:

—Be ómoimo cue llogámie Jesús dámie Crístona, —daide.

⁴ Mei íemona judíuaimona dámierie aféfuemo ínotiaioi. Afemona Pablo Silas íaillinoi dibénemo itábicaidiaioi. Afe izói aillo Juzíñamuimo jáináiacade griego ímiai iere ñue ínotiaioi. Afe izói aillo illaingo izóidingotíai aféuaina ínotiaioi. ⁵ Mei íadi ínoñede judíuai aféfuere úradoilla izói itíaioi. Iemona cállemo ite fiénide ráiraiedinomo gairídiaioi. Ie mei judíuai cállemo ite itínori aillo úrioinafue finódiaioi. Daí jofue comini comeci fieni icíritadiaioi. Jasón jofomo ite Pablo Silas diga llaitállena, afeco cirínotiaioi, aféillinoi llaitada afeno comínimo izájillena. ⁶ Mei íadi íaillinoina baiñé diaioi. Ie jira Jasón zocana uitíaioi, jáie ámatiai diga. Jofue illaini uiécomo íaioina uitíaioi. Daí caillí diaioi:

—Bí aillinoi nágagobiaido fieni faillíñeinafuíai finódino ja benomo dúcia. ⁷ Ie mei Jasón ie jofomo íaioina llínote. Nana afe bie bitino cai caifoide romano illaíma ocuícafuíaí uáitaocana daide: “Jíáie ua cai illaíma ite, Jesús,” —daí diaioi.

⁸ Aféfuena cacáillano ríimaci naa comíniri faillíñeidiaioi. ⁹ Jasonmo daí diaioi:

—Cai o jífueñellena uícomo o úcube caimo ine. Uire aféillinoi o oréadi o úcube meine omo íiticaí, —daí diaioi. Ie jira afe úcube íaioimo fécamona ja Jasón jíái ámatiai diga zuitá diaioi.

Pablo Silas diga Berea jófue mo dúcide

¹⁰ Afemona afe naio ámatiai Pablo Silas diga Beréamo raíre oré diaioi. Dinomo dúcillano judíuai llófueriracomo jáidiaillinoi. ¹¹ Bie judíuai Tesalónicamo ite judíuai baímo figomaci. Caímare afe úrillauaina jeire otíaioi. Nágari Juzíñamui Cuegáuailaímo jénofirediaioi, íaioimo llogáuailaina uafue daíllena. ¹² Afemona aillo afémacimona ínotiaioi. Daje izói griéguaímona ínotiaioi. Dájerize íñiaí íemo jíái ñue caímare jacíruigangotíai ínotiaioi. ¹³ Mei íadi Tesalónicamo ite judíuai Pablo Beréamo Juzíñamui llogáuái llófueillana fidíillano, dinomo nane comini fieni faillíñaitaitíaioi. ¹⁴ Mei íadi ámatiai dama Páblona raíre aféruído monáillai fuédamo oré diaioi. Ie mei Silas Timoteo diga Beréamo fiébicaide. ¹⁵ Pablo nabaina jáidino Atenas jófue mo íena izáíj diaioi. Íaioi meine jáidinodo Silas Timoteo diga Pablo íaillinoimo uai orede. Daide: “Cue diné iere raíre ómicoi birí, dánomo cai gairílleza,” daide.

Pablo Aténasmo illafue

¹⁶ Nai Pablo Aténasmo Silas, Timoteo diga úíñua llezica, afe jófuedo macade. Macádemo aillo íaioi jánaraíai cíoizaide. Aferui Pablo comeci iere zúucaide. ¹⁷ Mei jira llófueriracomo judíuari úrite; daje izói jíáie Juzíñamuimo jáináiacadinori. Nágari jofue gairírabirimo itínuaímo llote. ¹⁸ Dárie “epicuro” daína llófueinafue facádotino como Pablo diga úrizaidiaioi. Daje izói, dárie “estoicos” daína llogáfuíai facádotino Pablo diga úrizaidiaioi. Dámierie daí diaioi:

—Bie aillo úrifiredimie, ¿nífue caimo llóite? —daí diaioi.

Mei íadi jíáimaci daidíaiói:

—Ñibai jíáie juzíñamuillai llotímie, —daidíaiói.

Daí úritiaíói, Pablo Jesús úrillauai, ie meine cáanafue diga íaióimo llóiacana jira. ¹⁹ Ie mei Areópago daina illánomo íena uitíaiói. Dinomo gairífrediaíói llófueinafuea cacáillena. Dinomo íena jicánotiaíói:

—O atica cómue llófueinafuea cai onóacadicaí. ²⁰ Mei ónoñegafuiaí caimo llotío. Afe bífuiái daínana onóacadicaí, —daidíaiói.

²¹ Nana Atenas imaci naa afénomo ite onínemaciri, cómue ráfuiaina cacáillena járitaitiaíói. Afe izóí cómofuiaí llóllena járitaitiaíói. Jíáie táijinamo járitañediaíói.

²² Ie jira Pablo Areópago comini cígimo náidaillano daide:

—Atenas imaci, omoí cácarei. Aillo juzíñamuillaido iere jaináidinodíomoi. Daí omoí íllana ciódicue. ²³ Omoí juzíñamuillai ánozillena finócafuiái illánuiaido éroicaidicue. Dinomo daa omoí juzíñamuillaimo comeci facáranó ciódicue. Afénomo cuega uailai daide: “Bie cai ónoñega juzíñamui ie.” Bie omoí onóñeno jaináiacana Juzíñamui, ua birui ómoímo cue lluaíbigamie.

²⁴ ‘Afe énie finode Juzíñamui naa éniemo itínuiari, afémie bie énie Naama, mona diga. Afémie comini nigácomo íñede. ²⁵ Afémiemo cai nífuena finónidicaí. Nífuena llónidicaí. Mei jira dama afémie nana comínimo cáatatinona fecáfirede; daje izóí afémie jáfaicina cai ite. Ie emódomo nana ite ráaniaina afémie caimo iga.

²⁶ ‘Naga náiraíai fueñe dáziemona Juzíñamui comuítaga, naga illa dígano íaiói éniemo íllena. Iemona dájena diédicaí. Nana íaiói illínuiái mamede. Daje izóí nano nié dino íaiói illíruillai mamede. ²⁷ Daí afémie finoca afe Juzíñamui íaiói jenóllena, ñibai are illa ícoínia ie íaiói báillena. Mei íadi uáfuea Juzíñamui cai illa dígamíemona jica íñede. ²⁸ Mei Juzíñamuido cáadicaí. Afémiedo cai jetáacaga raana jetádicaí. Afe izóí afémiedo iticaí. Afe daje izóí ómoímona dáríe rua fínua izoide llote: “Juzíñamui comuítagamacidícaí; ie iziedícaí.” ²⁹ Iemona afe Juzíñamuina fia oro finoína jánarai daí comeci omoí facáñeno iri, mei Juzíñamui comuítagamacidícaíza. Afe izóí afémiena plata finoína jánarai, ebírede nofíci finoína jánarai, daí comécido omoí daíñeno iri. Nana bie jánaraiaina daní comini comeci faca izóí finódiaíói. ³⁰ Naui jaiáidíruillaido comini abina onóñediaíói; daí íllaza Juzíñamui íaióimo nai íbana oñede. Mei íadi birui náganomo itímíaiaina Juzíñamui ocuícana daide: “Omoímo fiéni itífuiaina méidori,” —daide.

³¹ ‘Nana comínimo itífuiái izire jicánollirui Juzíñamui jae mamede. Aféruillaido afémie nizécamiendo jaícina caimo izire jicánoite. Juzíñamui afe nizécamiéna nana comínimo ñue jino uáfuea onótate; tíllanomona íena meine abido cáatanado nana comínina uáfodo jino fidítate, —daí Pablo llote.

³² Afe tídimaci meine cáanafuea cacáillano, dáríe itínomona Pablo jifánodoídiaíói. Jíáimaci íena daidíaiói:

—Íco jíáíruido aféfuena meine nane dánomo ómona cácaíticaí, —daidíaiói.

³³ Iemo Pablo íaiói cígimona oni jaide. ³⁴ Mei íadi dáarie iedo jáidiaíói. Jaillano íñotiaíói. Afe íñotimacimona dámie Dionísio. Afémie Areópago nimáiranimo jaináidímie. Afe íñotimacimona Dámaris mámeciredíngo ite, nai bai jíáimaciri.

18

Pablo Coríntomo illafue

¹ Afe meífodo Pablo Aténasmona oni Corinto jófueмо jáizaide. ² Dinomo dúcia meífomo Aquila mámecirede judío ímie baizájide. Afémie Ponto énie ímie. Afe Aquila ai Priscila. Afe íaillinoí cómoicana Itáliamona botádiaillinoí; romano caifóidíllaima Claudio nana

judíuai Roma jófue mona oni íaiói oréina jira. Dinomo Pablo Aquila uáiduaide. ³ Aquila ie ai diga jédaciede iniroi tífuano bizáinicaife nitíaiói. Afe íaiói nílado úcube otíaiói. Pablo afe táijinana fibídime. Ie jira Pablo afe íaillinoiri fiébicaide, dájena íaiói táijillena. ⁴ Naga ocózinailaruimo llófueriracom Pablo llófui firede. Afemona judíuaimona dáarie ínotiaíói. Afe dájerize judíoñedimacimona ja ínotiaíói.

⁵ Jae Macedonia éniemona Silas Timoteo diga dúcidiailinoimo, Pablo ie bizáinillai nilla fáicanocaillano, dama Juziñamui ñúefue jino llóllena iere izire llocana uite. Judíuaina uáfodo daide:

—Jesús omoi úiñogamie Cristo, —daide.

⁶ Mei íadi judíuai íena uáitaoidiaíói. Iemo fiénide uallai nitádiaíói. Ie jira Pablo ie inícuira íaióimo faiánote. Afe faiánua daide: Iaiói íaire finócafue ícoinia afémie ícoiniañedeza, dani íaiói ícoinia.

Pablo íaióina daide:

—Dani omoi ícoinia timáritiomoi. Jae ómoiri nífuenidimedicue. Biruímona judíoñedimacimo llujitícué, —daide.

⁷ Llófueriracomona jino jaillano, Justo maméidime jofomo jaide. Justo Juziñamuimo ánozillano caimare úritime. Afémie jofo llófueriraco abimo ite. ⁸ Afe llófueriraco illaíma Crispo. Afémie naa ie comíniri Ocuíraíma Jesucristomo ínotiaíói. Afe llezica aillo Corinto jófue mo itino, Pablo lloga ñúefuaina cacáillano afemo ínotiaíói. Inuamona bautizagaiaíói. ⁹ Afe mei Juziñamui Páblona nicai anado daide:

—Jacíruiñeno iri. Mai ñúefue llícañeno lloiri, mei o diga itícuéza. ¹⁰ Fiénidifue na bu omo jírítanide. Nai bie jófue mo aillo cuemo ínoitínona ite, —daide.

¹¹ Iemona Pablo Coríntomo nai daa fimona átuedo Juziñamui uallai comínimo llófullofuede.

¹² Mei íadi Galióna mámeçiredime, Acaya éniemo illáimana illáruido nana judíuai Páblona uáitaicana gairídiaíói. Iemona íena llátano, ríimaci uiécomo uitíaiói. ¹³ Illáimana daidíaiói:

—Bímie comini cígido llófuericaide. Jiáfodo Juziñamuimo ánozilli uallai llófuecaide. Iemona afe uáillaimo cacáreidiaíói. Mei íadi afefue caimo ocuica uallai uáitaicaide, —daidíaiói.

¹⁴ Pablo como úrizaidemo, illaíma Galión judíuaina daide:

—¡Judíuai, cue omoi áfedeñoeno iri! Bímie mo aillo fiénidifue ícoinia íadi, cómena fájafue izói, come merírinafue izói, ua afémie daí íadi ómoimo cacáreitícué. ¹⁵ Mei íadi fia omoi uáillaido, omoi mámeçaido júfidotiomoi, ómoimo judíuai ocuícáfuiái diga. ¡Mai dani jaícina omoi finori! Aféfuiaímo izire jicánoraímana íacañedicue, —daide.

¹⁶ Ie mei afémie nana íaióina jino jicánoracomona orede. ¹⁷ Iemona nana griéguaí Sóstenes maméidime llaitádiaíói. Sóstenes llófueriraco illaíma. Iena llátano, ríillaíma Galión uiécomo íena fáfadiaíói. Mei íadi Galión afe finócafuiaina raa daíñede.

Pablo Antioquíamo meine jaide dinómona ja dacaiñoámani nane llujide

¹⁸ Dino Coríntomo Pablo diga iruillai ite. Ie jáiacanaruimo, ámatiaí íraicaiño íena facádonocaidiaíói. Afe mei Pablo nocaedo Siria éniemo ruica jáizaide. Aquila ie ai Priscila diga Pábloiri jáizaidiaíói. Nai Cencrea ígobemona nai jáiñediaíóimo, Pablo ie ifo cuidode. Daí finode, jae ie naui Juziñamuimo llogáuái fuilla jira. ¹⁹ Ruica jáillano jae Efeso jófue mo dúcidiáíói. Dinomo Pablo, Aquila Priscila diga fiénocaillano, llófueriracomona jaide. Aféno mo gairide judíuaimo Pablo úrizaide. ²⁰ Afémaci ie íaiói diga are íllena izire jicádiaíói, mei íadi Pablo fairíoñede. ²¹ Iiraicaiño íaióina uáidonocaillano íaióina daide:

—Ja Jerusalem o íacade irázillafue mo raire jáiacadicue, mei íadi Juziñamui óiacania dáanommo abido ómoína érozaibitícué, —daide.

Iemona nocaedo Efésomona oni monáillaido jaide. ²² Cesarea jófuego dúcillano, Pablo arido Jerusalem jaide, dinomo ite Juzíñamuimo gairídino uáidollena. Afe mei oni Antioquíamo jaide. ²³ Diga iruillai dinomo illa meífomo, meine nane nana Galacia jófuego Pablo oni jáizaide, Frigia jofue diga. Naga jófuego dágoberie llófuecade. Daií Pablo nana Juzíñamuimo ínotimaci comécina ñue náirecaitate.

Apolos Efésomo ñúefue jino llote

²⁴ Aféruillaido judío ímie, Apólona maméidimie Efésomo dúcizaide. Afémie Alejandría jofue ímie. Afe iima uai jino llúana ñue fibídime. Afémie Juzíñamui Cuegáuaina ñue onode. ²⁵ Ocuíraima Jesucristo llogáuailaina afémie llófuegamie. Aféfuiai jino llúana iere méaicaiño camare llote. Jino uáfodo Jesús ífuiaido llófuerite. Mei íadi dama Juan íaioi báutizafuena onode. Afe izói Juan Jesudo llogáfuena Apolos onode. ²⁶ Apolos llófueriracomo comeci jáicaiñenado úrizaide. Mei jira Priscila Aquila diga Apolos llófueillana cacáillano, ie eneno uitáillinoi, Juzíñamui uallai baímo ñue jino jáicina llóllena. ²⁷ Afe mei Apolos Acaya éniemo jáiacade. Iemona ámatiai ie abina jafue oñeno, ñue íena náicaitadiaioi. Daje llezica uícomo rabe afénomo ite ínotinomo cuetíaioi, íaioi afémiena ñue llínollena. Afémie Acáyamo dúcillano, afénomo ite ínotinona ñue canode. Juzíñamui jae íaioimo dúcaillano íaioina ínotade. ²⁸ Nana comini eróicana judíuai lloga taino uai Apolos íaioimo cíotote. Afémaci Apolos jamánomo ñue jáicina jódiuaina jáanonidiaioi. Afémie Juzíñamui Cuegáuailaido nii íaioi úiñoa Cristo dámie Jesuna jino íaioimo uáfodo llóteza.

19

Pablo Efésomo meine dúcinafue

¹ Apolos nai Coríntomo illa llezica, Pablo Galacia éniemo jaillano, íduai íllado jaide. Jáillano Efeso jófuego dúcide. Dinomo ite Juzíñamuimo ínotimacina cíozaide. ² Íaioimo jícanote:

—¿Meita omoi ínuamona Ñuera Joreño úicaigaomoi? —daide.

Jira afémaci uai otíaioi:

—Afe Ñuera Joreño íllana, jaca due cacáñedicaí, —daidíaioi.

³ Mei jira Pablo nane jícanote:

—¿Mei bu mámecido báutizagaomoi? —daide.

Jira afémaci uai otíaioi:

—Juan mámecido báutizagacai, —daidíaioi.

⁴ Jira Pablo íaioina daide:

—Juan lloga báutizainafue comini comécimo ite fiénidifuiái méiduana jino náiraímo cíotote. Mei íadi Juan meífodo bitímiemo ínorediomoí ómoína daidicue. Afe bitímie Jesús; afe Jesús Juzíñamui Nízecamie Cristo, —daide.

⁵ Aféfuena cacáillano cai Ocuídime Jesús mámecido báutizagaiaioi. ⁶ Pablo íaioimo onoi bitamona, Ñuera Joreño íaioimo bite. Iemona afémaci jíaimaci uáillaido úritiaioi. Juzíñamuimona oga úrilla uallai jino llotíaioi. ⁷ Afémaci nibai doce dígamiediaioi.

⁸ Pablo afe llófueriracomo daámani fíui jáicade. Dinomo comeci jáicaiñeno jino íaioimo llófuerite. Juzíñamui illáimana illáfuedo izire íaioimo jino llote íaioi ínollena. ⁹ Mei íadi dámierie comeci rairuillano aféfuena ínoacañede. Comini eróicana Juzíñamui ñúefuiaido fiéni úritiaioi. Iemona Pablo íaioi cígimona oni jíacomo jaide. Jaillano Pablo afe Juzíñamuimo ínotinona jíaie comini llófueracomo uite. Afe llófueraco naama Tiranno. Dinomo Pablo nágaruillaido llófuiaide. ¹⁰ Daií dinomo mena fimona llófuerite. Iemona nana Asia énie nairai Ocuíraima Jesús llogáfuiáimo cacáreidiaioi. Judíuaimona nano diga ímiái ínotiaioi. Afe dájerize judíoñedinomona ínotiaioi. ¹¹ Juzíñamui diga áillue

ciórainina ráaniai Páblodo finode. ¹²Uiéco dóraroillai Páblomo atídiaioi jinófene jitáaroillai diga. Aféroillai Pablo jétanona iráredimacimo uitíaioi. Afe jetácaroi íaioi llínuamona jíllobicaidiaioi. Daje izói jiáimacimo ite fiénide jóriai oni jáizitiaioi.

¹³Afe mei macáraini judíuai dárie dúcidiaioi. Afémaci:

—Fiénide jóriaiai comínimona oréredicai, —daidíaioi. Ja Ocuíraima Jesús mámeccido afe fiénide jóriaiai jino oréacadiaioi. Jiáimacimo ite jóriaiaina daidíaioi:

—Pablo lloga Jesús mámeccido ja birui ómoína jino orédicai, —daidíaioi. ¹⁴Afe izói judío ímie Esceva siete diga jitótiai daidíaioi. Afe Esceva lletáriraini illaima. ¹⁵Afémie jitótiai daí dainamona afe fiénide jóriai íaioi uai ote:

—Cue Jesuna onódicue. Daje izói Páblona onódicue; mei íadi omoi mei ¿búdiomoi? —daide.

¹⁶Daí daina mei, fiénidena jóriairedimie riire íaioína llaitade. Nana íaioína anáfenuano iere duere íaioína finode. Ja iere jamánomo duere íaioi finóinamona, afécomona émuiromaiai naa boáfiairi jino botádiaioi. ¹⁷Nana Efésomo ite comini, judíuai naa judíoñedinori aféfuena fidíllano iere jacíruitiaioi. Iemona Ocuíraima Jesús mámeccina jamánomoideza daidíaioi. Afemona aillo ñúefue Jesumo nitádiaioi.

¹⁸Aillo afemo ínotimacimona jaiiai íaioi finoca fiénidifuaiai uáfodo jino llotíaioi. ¹⁹Daje llezica aillo nauí aiñíniai uaimo fibídino, íaioimo ite fiénino úrilla rabénicuai átiano nairai eróicana jobáidiaioi. Afe jobáicanicuai comécido facádiaioimo, jamánomo ráifide izoide, daidíaioi. “Cincuenta mil úcubetunillai dieze ráifide,” daidíaioi. ²⁰Daí Juzíñamui lloga uaillai jamánomo oni móonaioicaide. Afedo Juzíñamui ríino jino cítaoicaide.

²¹Afe meífodo Macedonia éniemo Acaya énie diga dino comini uáiduaillena Pablo mamérite. Afeno comini uáidua meífomo, abido Jerusalemó jáizaillena Pablo comécido daide. Afe emódomo daide:

—Jerusalemó cue jaille mei, dinómona Rómamo jáiacadicue, —daide. ²²Mei jira Macedóniamo mena ie canóraima Timoteo Erasto diga uícodo orede. Mei íadi Pablo nai Asiamo nano nígarui fiébide.

Efésomo fiénidifuedo faillíñeidiaioi

²³Aferuillaido Jesús lloga ñúefuaiairi aillo fiéni faillíñeidiaioi. ²⁴Afe faillíñeinafue Demetrio como fueñe taineca. Afémie aillo ebírede ráaniai plátamona finóraima. Juzíñamuina íaioi mamécango Artemisa, nofici finoina jánarai. Aféngomo gairíracó izói, plátamona ráiracojina finoda, Demetrio fecáfirede. Afedo afémie ie diga táijiraimaci íena aillo úcube otíaioi. ²⁵Iemo Demetrio naa jiáie daje izói táijinana fibídinori dánomo gairírdiaioi. Dinomo íaioína daide:

—Cáimaci, omoi cácarei. Bie cai táijinado ñue ráaredicai, onódiomoi. ²⁶Mei íadi baie Pablo llócaigafuena cacádiomoiiza. Afémie daide: “Comini finoca juzíñamuillaina íeñede,” daide. Ie llogáfuemo Pablo aillo comínina ínotade. Daa benó Efésomóñede daí ínotade, mei íadi nana Asia éniédo ínotaacade. ²⁷Afefue iere jacire cacaide. Afedo cai fecácaiganiaina táinocaitaíbite. Daje izói cai áillue juzíñamui cai dainango Artemisa gairíracó jalléinafuenta féitaite. Afe izói bie juzíñamui dainango jamánomo ebírenafuena jámairuitaíbite. Nana Asia énie naa jiáie éniiairi aféngomo ánozifrediaioi, —daí Demetrio daide.

²⁸Aféfuena cacáillano, iere comécido ríicaidiaioi. Iemona caillíoicana daidíaioi:

—¡Cai Efeso imaci juzíñamui cai dainango Diana, jaca ninomo záíñeno iri! —daidíaioi.

²⁹Iemona nana afeno jófuedo aféfuiairi iere riire júfidotiaioi. Aillo afeno comini ífo írínote. Afe llezica mena Pablo nabaide íaillinoi llaitádiaioi. Afe íaillinoi mámeccí Gayo Aristarco diga; Macedonia ímie íaillinoi. Íaioi llaita mei afémaci nairai uícomo íaioi gairíracó íaillinoína zocana uitíaioi. ³⁰Pablo afeco jofomo comínimo úrizaiacade, mei íadi ñúefuena

ínotino afe jofo jáillena rairuídíai. ³¹ Afe llezica Asia ríimaci Pablo diga caimare úriraini, Pablo afeco jofo jáíñeillena uai íemo orédíai. ³² Íai. gairilla llezica, dárie jáífodo llotíai; jáímíai jáífodo jíríoicana llotíai. Mei aféfuiaíri jamánomo fiéni faillíñeíai. Ja nabénairai aféfuena onóñeíai, nífuerei gairídíai. ³³ Mei íadi gairídino cígimona dámerie jino Alejándromo aféfuiaí llotíai. Afe Alejándrona judíuai, afeno comini uícomo judíuai abi ríiduafuedo úrillena, bai íena naidánetaí. Bai náidaillano ie ónoído íai. “Mai omoi llícai,” daíde. ³⁴ Mei íadi afémie judío ímienana íai. comécido onónamona, mena hora nana caillíoicana daídíai:

—¡Cai Efeso nairai naango Artemisa, jaca ninomo záíñeno iri! —daídíai.

³⁵ Iemona afeno jofue jabóllaima ícoínia comini llícaítade. Llícaítano íai. daíde:

—Efeso nairai, omoi cácarei. Naga énie náiraíai cai iere jalleide juzíñamui daínango Artemísamo gairíracona úíñotagamacídíai, afe cai úíñuafuena onódíai. Afe daje izóí aféngona mameca monámona ana baíde jánaraina úíñotagamacídíai onódíai. ³⁶ Mei bifue buna jaca jáanonideza, mai omoi llícai. Comeci facáñeno nífuena lloñeno iri. ³⁷ Mei bie omoi atíca íaillínoí, omoi juzíñamui daínango Artemísari fiénidífuena úríñeíai. Aféngona rícaítañeíai. ³⁸ Demetrio zúucaillafue nímiemo íadi, mai jicánoraímamo llujíri. Daje izóí afémieri tájíríni zúucaillafue íadi llujíri. Jaca ríimaci uícomo meine abído óllena afémaci llóredíai. ³⁹ Mei jáífodo omoi jicánoiacaniadi, mai ríimaci daína izóí omoi gairíri. ⁴⁰ Ja birui jácifue mo baízaidícaíza. Birui omoi finócafue ícoínia, illaima anáfenuafuena caímo nítaítai. Bie omoi faillíñeíafue caímo íai. jicánoíadi, íai. uai cai ollífué jaca due íñede, —daíde.

⁴¹ Daí daína meífodo, aféno mo gairídino oni raínode.

20

Pablo Macedóniamu Grecia diga díne jáillafue

¹ Afe íai. faillíñeíafue llícaílla meífomo, Pablo Juzíñamuímo ínotino ñue llófuellena jírítade. Daí íai. llófuía meífomo íai. llínuano íraícaíño uáidonocaíde. Uáidonocaíllano Macedóniamu jáizaíde. ² Nana aféno mo itígobíai comini uáíduaíde. Ie uáíllaído aféno mo ite ámatíai náícaítade. Afe mei Pablo ja Grecia éniemo dúcíde. ³ Díno mo daámani fíui llófuete. Díno mo nocaído Síriamu jáízaidemo, judíuai íena llaitáacanafuena fídíde. Ie jira arí éníedo Macedóniamu abído jáillena comece facade. ⁴ Díno mo íe nabáídino: Berea ímie Sópater; Tesalónica ímie íaillínoí Aristarco Segundo diga; Derbe ímie íaillínoí Gayo Timoteo diga; jáíe Asia énie íaillínoí Tíquico Trófimo diga. ⁵ Afe bie ámatíai uícomo Troas jófuemo caína uíñuaidíai. ⁶ Fáítara jóneñega pan güílla íráízílla meífomo, Filípomona nocaído ruica jáídícaí. Ja cinco dígarui íllamona Tróasmo dúcídícaí. Díno mo daa semana itícaí.

Pablo Troas comini uáíduafue

⁷ Semana nanóídíruido gairídícaí pan díxada fecállena. (Afe pan díxada güíllamona Jesucristo íraícaíño güíllamo úbicadícaí.) Güílla mei Pablo Jesumo ínotino llófuete. Afe jítíramo afémie ja jáíacade. Ie jira úríoidemo ja dáiferui ite. ⁸ Caífo jica ite caífoneco ero ícomo gairídícaí. Afe díno mo aillo unérachecoí bóotatíai. ⁹ Díno mo ite daa jítócome, Eutícóna maméídímie. Afémie jino eróírafomo ráíde. Pablo iere are úríllamona, afe jítócome jamánomo ínietaíde. Ícoínia ízire íníamona, caífono ana baíde. Afécomo dabaniámani ite. Díno mo ana éniemo baíde. Tííde caífo llínotíai. ¹⁰ Mei jira Pablo ana aféniemo jáíllano, íe acónimo dújuíllano íena meníñote. Afe mei ámatíaina daíde:

—Cáadeza, omoi jacínaiñeno, —daíde.

¹¹ Daií daina mei Pablo meine caifo jaide. Caifo meine dúcillano, pan ditada güillano nai íaioimo nane úrite. Da úritemo monaide. Monáillamo oni jaide. ¹² Afe baiídímiena ñue caade uitíaoi. Iemona nana comini ñue caimare íficaidiaoi.

Pablo Tróasmona Milétomo jáillafue

¹³ Ie meífomo Pablo Asonmo iodo jáiacade. Ie jira cai jáímaci nocaedo uícomo Asonmo jáidicai dinomo Pablo otá cai úillena. ¹⁴ Afémiena Asonmo cai báillamona, dinómona cai nocaedo nana Mitilénemo jáidicai. ¹⁵ Dinómona jáillano jítiramoidiruido Quío jofue áinodo jáidicai. Afe jáíruido Samos ígobemo zíjidicai. Dinómona Trogiliomo ocózinaidicai. Afe jáíruido Milétomo dúcidicai. ¹⁶ Pablo Asia éniemo are íacañede. Ie jira Efésomo meine jáiacañede. Mei íadi Pablo raire Jerusalemo dúciacade, afénomo íacade Pentecostés ráfuena cíoillena, íadi nibai cíoiñeite.

Pablo Efeso éinamacimo úrillafue

¹⁷ Nai Mileto jófuego cai illa llezica, Efésomo Juziñamuimo gairíraini éinamací jíritate. ¹⁸ Iaiói dúcinamona Pablo íaioina daide:

—Nano fueñe Asiamo cue dúcinamona cue ífrenana ñue onódiomoi. ¹⁹ Nágaruillaído comeci mánainafuedo éeiafuedo omoi cígiri iticue. Daií cai Ocuíraima Jesumo táijifiredicue. Afe llezica judíuai iere aillo duere cuena finóacadiaoi. Afedo aillo facátafuiai cuemo nitádiaoi. ²⁰ Mei íadi fáicanocaiñeno nana ómoimo ñue illífuena llófuefiredicue. Daií uáfodo omoi gairíracomo ómoimo llófueriticue. Daje izói naga omoi jofomo llófuefiredicue. ²¹ Judíuaimo lloticue; daje izói judíoñedinomo lloticue. Nana íaioina daidicue: “Omoi fiénidífuiai ñúefuiaiina Juziñamui comeci jitailla izói omoi meídori. Iemona cai Ocuíraima Jesucristomo omoi ínori,” daií íaioina daidicue. ²² Mei birui benómona Jerusalemo jáiticue; afénomo cue jaille Juziñamui Ñuera Joreño cue ocuilla izói. Dinomo cuemo cómutifuena ónoñedicue. ²³ Dama dafue cue comécido onóigafue: nana cue jailla jófuedo Ñuera Joreño cue llavébillifue aillo duere cue finóbillifue diga cuena fidítate. ²⁴ Mei íadi aféfuena due lloñedicue. Ocuíraima Jesús cuemo jónega táijinafuena ñue ícoimo cue fuitáadi cue cáanano cúemona ráifiñede. Afe táijinafue Juziñamui ñue caina izíruillafue comínimo llócadicue. Ua comini áizia izóidinomona cue táijina ícoimo caimare ñue dúctaiacadicue.

²⁵ ‘Omoi cígido Juziñamui illáimana illafue llócaidicue; mei birui ua onódicueza, ómoimacimona buna cuena meine cíoñeite. ²⁶ Ie jira biruido daiíacadicue, ja ómoimona nífuenidímiedicue. ²⁷ Mei jira nana Juziñamui caimo llófuegafuiai ómoimo uáfodo lloticue. Nífuena báinino lloñedicue. ²⁸ Ie jira afe izói dani abi omo rairuiri. (Jae einamácidiomoi.) Daje izói nana Juziñamuimo gairídinona úíñori, mei jira Ñuera Joreño íaioina úíñotade. Ua Ocuíraima Jesumo gairídiño úíñotagaomoi. Afe gairídinona Jesús dama ie tíllado, ie die tóillamona dama ie comínina meine maiñode. ²⁹ Cue jailla mei jáímaci Juziñamuimo gairídinona jífueridino bíitiaoi. Ua rírede jicóniai ovéjaina fázia izói Juziñamuimo omoi ínogafuena féitatabítiaoi. ³⁰ Daje izói omoi cígiri táinofuiai llóitinona iite. Afémaci uáfua féitajano táinofuiai ómoimo llóitiaoi, íñotino afe uai jeire otátallena. ³¹ Mei jira abi omoi rairuiri. Naui omoi diga cue illáfuemo omoi uibíoiri. Dafimonaámani, mona naio diga ébicaillano izire ómoimona nágamíaimo fáicanocaiñeno ómoimo jino lloticue.

³² ‘Mei cue ámatiai, ja birui Juziñamuimo ómoína jóneiticue, omoi úíñollena. Daje izói Juziñamui caina izíruilla uaimo omoi comeci uibíoillena jítáidicue. Afe uai ómoína náirecaitaite. Afe daje llezica, aféuaido Juziñamui dibénemo ñue rairuícamacina ja itíomoi naa jáie ie rairuícamaciri. Mei afe rairuícamací Juziñamuido ñue finócamacidiomoi. ³³ Jáímiemo ite úcubiaií íaioimo ite íníroillaií dama cúeiena jaca úradoíñedicue. ³⁴ Mei

íadi jíáifodo, dama cue jitailla raa óllena dama cue ónoído táijidicue. Daje izói cue diga itino íena oticue. ³⁵ Daií omoi táijillena lloticue. Afe izói raana jítáidino omoi canóllena ómoína llófueticue, Ocuíraima Jesús daina uaimo comeci omoi facáoicaillena. Afémie daina uai daií daide: “Fia iga raa llínotimie baimo, fecáfiredimie jamánomo ióbide,” —daide.

³⁶ Daií íaioina daina meífodo, Pablo cañici ana dújuillano Moo Juzíñamuimo nana afémaciri úritiaioi. ³⁷ Iemona nana éenaitiaioi. Afe llezica Páblona meníñuano ñitada cáimadotiaioi. ³⁸ Afe llezica Pablo “Ja meine abido cuena cioñeitiomoi” dáinari iere zúucaidiaioi. Afe mei fei nocaemo íraicaiño íena nabáidiaioi.

21

Pablo Jerusalemo jáillafue

¹ Amatiai fuénocaillano, Cos jófuemo nocaedo jaícina jáidicai. Afe jítiramo Rodas jófuemo jáidicai. Dinómona Pátara jófuemo jáidicai. ² Afe Pátaramo Feníciamo jáiacade nocáe baiticai. Dinómona afécaedo jáidicai. ³ Jaillano, monaillai cigi idu Chíprena jicana ciódicai. Afe éniena jarífezi dibénemo fíanona Siria éniemo jáidicai. Afe cai jáillacaemo Tíromo fielle ráaniai illa jira afégobemo zíjidicai. ⁴ Afégobemo ite Juzíñamuimo ínotinona cióizaidicai. Dinomo siete dígarui íaioi diga iticai. Dinomo Ñuera Joreño llogáiaioi. Ie jira Páblona daidíiaioi:

—Benómona Jerusalemo jáiñeno iri, —daidíiaioi.

⁵ Mei íadi afe siete dígarui illa meífodo jáidicai. Cai jáizailla llezica nana Juzíñamuimo ínotino, íaioi ringóniai naa úruiairi jofue féimo caina nabáidiaioi. Dinomo ite guamácimo ana dújuillano Juzíñamuimo iere úriticai. ⁶ Ie mei meníñota íraicaiño íaioi facádonocaidicai. Daií ñiano nocaemo caifo jáidicai. Afémaci íaioi jófuemo meine jáidiaioi.

⁷ Tíromona biticai Tolemáidamo dúcina. Dinomo ite amatiai uáidollena darui nabáidicai. ⁸ Afe jítiramo Pablo naa íedo jáidinori dinómona Cesarea jófuemo dúcidicai. Dinomo ite ñúefue llóraima Felipe jofomo jáidicai. Afémie siete dígamiede güille fecárainimona Juzíñamuimo gairíraco táijiraíma. Dinomo afémie jofomo iticai. ⁹ Afe Felipe jiza nagaámazade. Nai ínindiaioi. Aféngotiai Juzíñamuimona cacana uaillai jino llotíiaioi. ¹⁰ Afénomo diga irui iticaímo, uai jino llóraima Agabo Judéamona cai uáiduaibite. ¹¹ Afémie Pablo ciraigi ife zuitáicaillano dama ie idai onoi diga maiáno daide:

—Ñuera Joreño daide: “Jerusalemo judíuai bie ciraigi ife náamana bie izói máiite. Maiáno íena jicánemacimo fécaitiaioi,” daide, —daií Agabo lluaíbite.

¹² Aféfuena cacáillano, Cesarea imaci naa cairi, Pablo Jerusalemo jáiñeillena íemo izire jicáidicai. ¹³ Mei jira Pablo uai ote:

—¿Ñibái cuena zúucaitaiomoi? ¿Minícarí éediomoi? Cue íaioi maille baimo comécido mamériticue. Juzíñamui jítáiadi Jerusalemo cai Ocuíraima ícoínia tíiticeuza, —daide.

¹⁴ Afémie mámiafuena jáanonidicai. Ie jira afefue fáicanocaillano daidicai:

—Juzíñamui comeci jitailla izói omo íficaiteza, —daidicai.

¹⁵ Afe meífodo, Jerusalemo jáillana finóbicai. ¹⁶ Cesaréamona dárie Juzíñamuimo ínotino caina nabaide. Afémaci cigimona daa Chipre ímie Mnasón ite. Afémie jae diga fimona Juzíñamuimo ínote. Afémiemo ite Jerusalemo dúciracomo jáidicai.

Pablo Sanatiago uáiduaíue

¹⁷ Jerusalemo dúcidicaímo dinomo ite amatiai caimare caina llínotiaioi. ¹⁸ Afe jítiramo Pablo naa cairi Santiago uáiduaidicai. Daje izói nana illáicomini afénomo itíiaioi. ¹⁹ Pablo íaioi uáidote. Uáiduano Pablo nana íedo judíoñedinomo Juzíñamui finócafuaí jino illa dígafuaí íaioímo llote. ²⁰ Iemona aféfuiaína cacáillano Juzíñamuimo caimátaioidiaioi. Jira Páblona daidíiaioi:

—Mii, o llogáfuiái iere ñuera, mei íadi judíuaimona diga mil comini afe ñúefuemo ñnotiaioi ciódioza. Nana afémaci Moisés ocuica uai izói cai illena iere jitáirede daidíai. ²¹ Mei íadi dáarie o nana jica jiáinomo ite judíuaimo llogáfueña lluaíbitiaioi. Afe íaiói cacánafue daide: “Moisés ocuica uaina jeire omoi oñeno iri.” Afe izói íaiói jitótiai bacano icoi quetátañedio, daidíai. ²² Iemo bífuiaina cai dibénedo ¿nie izói llóitio? ¿nie izói ñéiticaí? O billáfueña comini fidíillano ua dáanomo gáiritiaioi, —daide. Iemo Santiago nai úrillano íena daide:

²³ —Cai daináuai jeire o úamona aféuai izói o finolle jitáirede. Cairi benomo ite nagaámamie. Afémiai uícomo Juziñamuimo nauí íaiói llogáuai fuitáacadiaioi. ²⁴ Bimaci o úiri. Uillano nana omoi comécimo íaífue múiñuafue mai omoi fínuairi. O úcubemona omoi ífue cuidótalle ibari. Iemona dani cuidótaitaioiza. Afe daí o fínuamona, benó ite ñnote judíuai, o ñue ífirena izói ónoitiaioi. Moisés ocuícáfue jeire o úana fidítiaioi. Daje izói ja ónoitiaioi nana o rafue benó comínimo jiáimaci lluaíbiga táinofuiái. ²⁵ Mei íadi ñnote judíoñedinomo jiáifodo jae cueticaí. Aillo judíuai finócafuiaimo íaiói jieruíñeillena lloticaí. Daa bifue íaióimo lloticaí: “Jánarai izóidemo fecaca llíciaina omoi riñeno iri. Díena jiróñeno iri, daje izói cimoina cigínoga rílleniaina riñeno iri. Mai nana jiruífuiaimona abí omoi rairuirí; dama áiredimie ie ai diga illa ñuena,” —dinóride Santiago llogafue fuilla.

Pablo gairíracomo llaitáinafue

²⁶ Ie mei Pablo afe nagaámamie uite; uillano afe jitiramo, íaiói comécimo ite íaífuiái múiñuafue finódiaioi. Afe meífodo jofo Juziñamuimo gairíracomo jáidiaioi. Dinomo íaiói comécimo ite íaífuiái muiñóilliruillaí fuillíruí llujidiaioi. Afe daí íaiói llúamona illa dígamierie íaiói raa fia íaiói fecállirui llotíaioi.

²⁷ Afe siete dígarui ja fúiacademo Asia éniemona bite judíuai Páblona Juziñamuimo gairíracomo cíozai bitiaioi. Iena cíozai billano nana afeno comínina fiéni faillíñaitadiaioi. Iemona Pablo llaitádiaioi. ²⁸ Lláitano caillíoidiaioi:

—¡Israel nairai, cai cano! Bímie nágagobiaido nana comíniamo cai nairai uáitaoicana llófuecaide. Daje izói Moisés ocuícáfueña uáitaoide. Bie cai Juziñamuimo gairíracona uáitaoide. Ie emódomo jae mena griego ímie íaillinoi jofo uite. Daí bie Juziñamuido ñue finócaco ero bácajaibite, —daidíai.

²⁹ Nauí Pablo afe jófuedo judíoñedimie Trófimo diga nabáirillana íaiói ciónamona daí daidíai. Afe Trófimo Efeso ímie. Afémaci comeci facádiaioi, nibai Pablo Trófimona gairíraco eromo jofo uite, daidíai.

³⁰ Iemona nana afeno comini aféfuíai júfidotiaioi; aféfuéri fiéni faillíñaidiaioi. Afe llezica nana comini áiziaizi bitíaioi. Billano Pablo llaitádiaioi. Lláitano gairíraco jinomo zocana íena uitíaioi. Daí ñiano afe llezica gairíraco náziai íbaidiaioi. ³¹ Ja íena titáacadiaioimo, soldados igüelli illaíma ja afe aillo comini fiéni faillíñainana fidide. Daje izói Pablo ja íaiói titáacanafueña fidide. ³² Mei jira afe illaíma ie jabóidillaímaí naa ie llaizírainiri jíríte. Jírillano afe comini illánomo aizícana jáidiaioi. Iemona nana comini llaizíraini illaíma naa ie llaizírainiri bíllana cíóillano, Pablo fáajana fáicanocaidiaioi. ³³ Afe mei afe illaíma Páblomo áinozide. Ainozillano Pablo llaitádiaioi. Lláitano mena llóejina íena maitátate. Afe mei illaíma íena daide:

—O mei ¿búdio? ¿Níífue finódio? —daide. ³⁴ Mei íadi comini jamánomo jiáifodo caillíoidiaioi. Jiáimiai jiáifodo daidíai. Illaíma ifona jamánomo írinote. Jaca jefomo uibíñede, jamánomo íaiói úrioinaza. Jira illaíma llaizíraini gairíracomo íena uitátate. ³⁵ Afeco caífo jáirabicimo íaiói dúcina llezica, llaizíraini Páblona caífodo rocádiaioi, comini íena llaitada íaiói fáiacana jira. ³⁶ Afémie uilla óodana caillícana daidíai:

—¡Pablo dama tíideza! —daidíai.

Pablo ie abi ríidollifue comini uiécomo llote

³⁷ Afécomo íena uizájidiaioimo, Pablo afe llaizíraini illáimamo griego uáillaído jicánote:

—¿Meita comínimo úriredicue? —daide.

Jira aféllaíma uai ote:

—¿O griego uai úrillana ónodio? ³⁸ ¿Mei o egipcio ímieñedio? Afémie nauí jíaie illáimana benó jóoneacade. Táizicimo cuatro mil come fáraini uite, —daide.

³⁹ Jira Pablo íena daide:

—Tarso jófuemo jococa judíodicue. Cilicia éniemo ite ñue onórede jofue ímiedicue. Comínimo cue úrilleza cuemo izire cácarei, —daide.

⁴⁰ Iemona afe illaíma Páblona fairíote. Iemo Pablo afe caífo jáirabicimo náidaillano comínina ónoído llícaítade. Iaiói úrioína llícaillamona Pablo afémaci uáillaído íaioimo úrite. (Afémaci úrilla uai ‘hebreo’ daína.) Iaíoína daide:

22

¹ —Cai comini naa illáicomini diga, omoi cácarei. Cue abi ríiduaifue jino llóitícueza, —daide.

² Hebreo uaido íaíoína dáinana cacáillano, iere tii daidíaioi. Iemona Pablo íaíoína daide:

³ —Cue judíodicue. Cilicia éniemo ite Tarso jófuemo jocócacue. Mei íadi benó Jerusalemocomuítacacue. Afe mei Gamaliel llófuegacue. Cai jaiáidigíma ocuífauíai llúana iere áfemo jíeruiticue. Jaca Juzíñamuímo táijinafuemo comeci cue facai izói naa cue ríinodo iere járitafiredicue. Ua ja biruí Juzíñamuí ocuífafuemo omoi járitailla izói jaiái daí járitafiredicue. ⁴ Jaiái Jesumo ínotinona daje izói fállena racádicue. Afe dáruido ííñiaí ringóniaíri llavéracomo llávaiadicue. ⁵ Lletáriraini illaini nauí comini cue llávafuemo uai nabáiraini itíaioi. Daje izói nana illáicomini rábiai cue fécamo uai nabáiraini. Afe rábiaído Damáscocomo ite cai ámatiaí judíuai jénuaidicue. Dinomo ite Jesumo ínotino jénuaidicue, atída Jerusalemocomo íaíoína duere cue finótallena.

Pablo íemo ite fiénidifue méidua jino llote
(Hch 9.1-19; 26.12-18)

⁶ ‘Mei íadi Damasco iodo jáidicue, ja jáiciri ítemo afe jófuemo dúciacadicue. Afe llezica monámona jamánomo riire cuemo egáíñoaíde. ⁷ Iemona éniemo baídicue. Afe llezica monámona cuena daína uai cacádicue; aféuai cuena daide: “Saulo, Saulo ¿ñibái mei cue racádio?” ⁸ Mei jira jicánoticue: “¿O mei búdio?” Jira afémie cuena daide: “Nazaret ímie Jesúsicue. Daa o racácamiedicue,” daide. ⁹ Cuedo jáidino afe egáíñuana cíóillano jacínaitiaioi; mei íadi cuemo úrite uaina cacáñediaioi. ¹⁰ Jira íena daidicue: “Ocuíraíma, ¿mei ñie izói íitícue?” Jira afémie cuena daide: “Náidacaillano o jailla Damasco jófuemo jai. Dinomo o finóllifuiaina omo llóitiaioi,” daide. ¹¹ Afe riire egáíñua cue ui dúitaga. Ie jira cue nabáíñiaí Damáscocomo ónoído jainátaoicaigacue.

¹² ‘Afénomo ite Ananíasna mámeceiredimie. Afémie iere Moisés ocuífafuemo ínofirede. Nana Damáscocomo ite judíuai ñúfueña íemo nitáfirediaioi. ¹³ Iemo afe Ananías cue uáiduaíbite. Billano cuena daide: “Cue ama Saulo, o ui meine nane cíoiteza,” daide. Daí daína llezica meine cue ui ñue cíoide. Afémiena cíodicue. ¹⁴ Mei jira afémie cuena daide: “Cai jáiairagíma Moo Juzíñamuí nizécamedio. Afémie jaiái ninómona ona nizede íemo o táijillifuiái jino omo llóllena. Ua dama Jesús fuémona ie úrilla uáillaína cácaítio. Afe llezica jáicina ñue finófiredimiena Jesuna cíoitio. ¹⁵ Mei o cacánaíuíaí o cíónafuiái diga nana comini uícomo jino llóitio. ¹⁶ Mei biruí ¿minícarí jizídio? Náidacaillano o báutizatari. Ocuíraíma Jesús mámeceimo ñue íñori. Afedo o fiénidifue jae muiñócaza,” dinori Ananías daide.

Pablo Judíoñedinomo ie orécafue jino llote

¹⁷ Pablo nai úrite. Iaioina daide:

—Jerusalemo meine cue billa llezica, Juzíñamuimo gairíracomo úrizaidicue. Dinomonicai anado ciódicue. ¹⁸ Cai Ocuíraima Jesuna ciódicue. Afémie cuena daide:

—Jerusalémona mai raire oni jai. Afémaci cuedo o úrillana jieruiñeitiaioi, —daide.

¹⁹ Jira Ocuíraimana daidicue:

—Nana afémaci omo ñnotinona llófueriracomo cue lláitainafuena onódiaioi. Llavéracomo íaioina fácana cue uilláfuemo uibíoidiaioi. ²⁰ Esteban o mámeçido úrite táijitagamie. Afémie tíide ñe tota llezica afénomo iticue. Aféfuemo “Jii” daidímiedicue. Ie emódomo Esteban fatímie ñncuirona oni llíidicue, —daidicue. ²¹ Mei íadi Ocuíraima cuena daide:

—Mai jai. Judíoñedino cígimo jica ona óreiticue, —daide.

Pablo llaizíraini illaíma anamo illafue

²² Afe ñinó afeno comini íanori tii daidíaioi. Mei íadi ñanomo nane caillíoicana daidíaioi: —¡Bie ñima dama tíideza! ¡Afémie cáaillinona ññeitel! —daidíaioi.

²³ Nai are caillíoidiaioi. Iere icírrillano dani íaioi ñncuiruai cúacoidiaioi. Afe llezica eníchomaiái caifo táinomo júcoidiaioi. ²⁴ Ie jira llaizíraini illaíma Páblona íaioi gairíracomo orede. Oriano ñinomo zechénotade ie finócafue jino llóllena, comini riire íemo ñieni caillíoínafuena onóillena. ²⁵ Ja maitá fállena naidánega, íemo Pablo ñinomo ite jabóllaimana daide:

—¿Jicáñoño romano ímiena fárediomoi? —daide.

²⁶ Afena cacáillano jabóllaima llaizíraini illáimamo lluájide; lluájillano daide:

—Bímiemo o duere finóacanafue o jírícañeno iri; afémie romano ímieza, —daide.

²⁷ Jira afe llaizíraini illaíma Páblomo jicánuabite; daide:

—¿Ua romano ímiedio?

Jira Pablo:

—Ie mei, —daide.

²⁸ Jira afe illaíma daide:

—Aillo cue úcube baiílla baímo romano ímiena jáidicue, —daide.

Iemo Pablo daide:

—Cue jaca romano ímiena jocócacue, —daide.

²⁹ Afe ñaí ie ñainamona, ie zechénotino afémiemona oni raíidiaioi. Nana afémaci naa aféllaímaoiri jacinaitiaioi ie íaioi llaítari; afémie romano ímienana íaioi fidínamona.

Pablo judíuai Nahí Ríillaini uícomo naidánetaioi

³⁰ Afe jiaíruido afe llaizíraini illaíma Páblomo íaioi jítacafuina ñue jaícina onóiacade. Ie jira lletárraini illaíni naa íaioi ríillainiri ñanomo gairítate. Afe mei Pablo llaveina llójeji zúitano íaioi uícomo bai naidánete.

23

¹ Dinomo Pablo Nahí Ríillainimo éroicaillano daide:

—Cue ámatiaí, cácarei. Jaca birui comeci mánainafuedo Juzíñamui uícori caimare iticue, —daide.

² Ie jira lletárraini illaíma Ananías Pablo abimo itino fúena putátate. ³ Jira Pablo íena daide:

—¡Afe izói Juzíñamui ona fátaite! Jae jinóidíuaido ñue úritio, o comeci fiénide íadi. ¿Jadí ráiidio ocuica uai ñaina izói cuemo jicánollena? Iemona ¿ñibái mei ocuícáfue uáitano cue fúena putátatio? —daide.

⁴ Iemona afénori itino íena daidíaioi:

—¿Ñibái ñaí Juzíñamui caifoide lletárraimana baíñotio? —daidíaioi.

⁵ Jira Pablo daide:

—Amatiai, afémie caifoide lletáriraima ie íllana onóñedicue. Onódicueza Cuegáuailai daide: “O jofue ríimacina báíñoñoeno iri,” —daide.

⁶ Iemona Pablo Nahí Ríillaini cígimo itínona fidide. Afémacimona dárie fariséuaimo jaináidiaioi. Jáimaci saducéuaimo jaináidiaioi. Ie jira íaioina riire daide:

—Amatiai, cue fariséodicue. Afe emódomo fariseo ímie jitódicue. Ja birui cuemo jicánotiaioi, mei tíidimaci meine abido cáailiruimo cue úiñua jira, —daide.

⁷ Daií daina meífomo, fariséuai saducéuai diga conímamo jofu afefue riire júfidotiaioi. Iemona afénomo gairídino dázierie bozíetaidiaioi. ⁸ Afe saducéuai tíidinona meine cáañeite daidiaioi. Afe emódomo Juzíñamui abi imácina íñede, daje izói joriaiaina íñede daidiaioi. Mei íadi fariséuai nana aféfuaimo ínotiaioi, ⁹ Nana caillidiaioi. Ie mei dárie ocuícauai llófueraini naidiaioi. Afémaci fariséuai dibénemo jaináidiaioi. Caifo naidáillano daide:

—Bímie fiénidifuiaina caido llócaíñede. Nibai joreño íemo úrilla; nibai Juzíñamui dibénedo úaitañeiticai, —daidiaioi.

¹⁰ Afe júfiduafue riire anado jaide. Iemo llazíraini illaíma Pablo íaioi tibéruari jacínaite. Ie jira aféllaíma íaioi cígimona Páblona llazírainina oni uitátate. Uillano meine íaioi gairíracomo íena orétate.

¹¹ Afe jíáie naio Ocuíraíma Jesús Páblomo cíocaillano daide:

—Pablo, jacíruiñoeno, abi mame. Benó Jerusalem cuedo o úrilla izói, daje izói Rómamo úrizaitio, —daide.

Pablo fállena mámiafue

¹² Afe jíáiruido judúuaimona dáarie Pablo fállena maméritiaioi. Dani íaioi abi faidódiaioi. Jira fiénide uáillaído daidiaioi:

—Páblona nai cai fáñeille dino güíñeiticai, jíroñeiticai, —daidiaioi.

¹³ Afe daií úritimíai cuarenta baimo jaide. ¹⁴ Iemona afémaci lletáriraini illáinimo naa judúuai éinamaciri jáidiaioi. Dinomo daiízaidiaioi:

—Dani cai abi fiéni daináfuedo faidódicai. Pablo cai fáñeille dino güíñeiticai, jíroñeiticai.

¹⁵ Mai omoi naa jíáie Nahí Ríillainiri llazíraini illáimamo Pablo uire jiti atíllifue jica. Fia daií íemo lloíri, meine nane íemo itifue izire omoi jicánollena. Afémie nai dúcñeite, afe atica llaitada íena títaíticai, —daidiaioi.

¹⁶ Mei íadi Pablo comoma afe Páblona íaioi fáiacanafuena fidízaibite. Iemona afémie llazíraini gairíracomo Páblona llujáide. ¹⁷ Mei jira Pablo jabóllaíma jíirillano daide:

—Bie jitócome llazíraini illáimamo úi. Afémiemo lollífuena íteza, —daide.

¹⁸ Afe jabóllaíma íena uillano, llazíraini illáimana daide:

—Afe llaveca Pablo cue jíirillano bie jitócome benó cue atíllena jicade, afémiemo da lollífuena íteza, —daide.

¹⁹ Afe llazíraini illaíma afémie ónoido oni eneno jicánollena uite; daide:

—¿Níifue cuemo llóiacadio? —daide.

²⁰ Jira afémie daide:

—Judúuai jae nana dáfuerrillano meine comeci facádiaioi. Uire jiti Pablo Nahí Ríillaini uícomo meine o atítallifue jicaitiaioi, meine íemo izire íaioi jicánollena. ²¹ Mei íadi íaioi jicállifue mo ínoñoeno iri. Afémacimona cuarenta baimo dígamie báinino Pablo fállena jóonetiaioi. Afe fáiacadino dani íaioi abi faidódiaioi. “Pablo nai cai fáñeille dino, güíñeiticai; daje izói jíroñeiticai,” daidiaioi. Ja birui afémie fállena ñue finóbidaioi. Mei íadi o uai ollífuemo nai úiñoidiaioi, —daide.

²² Iemona afe llazíraini illaíma afe jitócomena:

—Mai o jairi, —daide. Afe íemo ie lluáibigafuena jíáimacimo “Lloñoeno iri,” daide.

Caifóidillaïma Félixmo Páblona orédiaïoi

²³ Mei jira afe llaizíraini illaïma mena jabóidillaïma uáidote. Uáiduano íaillinoina daïde:
—Mai doscientos diga llaizíraini mácaitinona finóbitari. Afe llezica setenta dígamie cabállodo jáitinona finóbitari. Afe emódomo doscientos dígamie zídaiari jáitinona finóbitari. Nana afémaci nauilla baido Cesaréamo jáitiaïoi, —daïde.

²⁴ Afe llezica Pablo jaille cabállona finóbitade. Daje llezica Pablo ñue fañeno cáanori caifóidillaïma Félixmo uitátate. ²⁵ Afémacido cuegabe orede. Afe cuegabe daïde:

²⁶ “Cue Claudio Lisias mamécacue. Jamánomo cámafuerede caifóidillaïma Félix, o uáidotie. ²⁷ Judíuai bímie lláitano duere finótaacadiaïoi. Iena fáiacadiaïoi. Mei ie romano ímie íllana cue fidínamona cue llaizírainido íena ríiduaidie. ²⁸ Iemo íaïoi jítacafuena onócadie. Ie jira judío Ríillaini uícomo íena uitátatie. ²⁹ Ie mei aillo íemo júfidogafue záilla meífomo íemo nífuena baiñédie. Dani íaïoïmo ocuica uai ie jeire ie oñena íemo nitádiaïoi. Mei íadi ie cue fallífuena íñede. Daje izóï ie cue llavéllífuena íñede. ³⁰ Dani afémie íaïoi nane fáiacanafuena cue fidínamona, íena omo orédie. Afe llezica nana íemo fiénidífuiaï nitádinona daïdie: Mai Páblomo ní fue o nitáadi caifóidillaïma Félix uícomo o daízairi. Mai, jae níie.”

³¹ Mei jira nana llaizíraini íaïoi illaïma ocuilla izóï Pablo uitáïoi. Afe naïo Antípatris jófuemo íena uitáïoi. ³² Afe jítiramo eíbado jaide llaizíraini meine íaïoi íniracomo bitáïoi. Ie mei cabállodo jáidino Páblonari nai Cesaréamo jáidiaïoi. ³³ Dinomo afe Cesaréamo dúcillano, afémaci uiga cuegabe caifóidillaïmamo izájidiaïoi. Daje izóï Pablo íemo fecádiaïoi. ³⁴ Afebe facádua meífodo, caifóidillaïma jicánote:

—¿O nino ímiedo?

Pablo uai ote:

—Cilicia énie ímiedie, —daïde.

³⁵ Ie jira íena daïde:

—Omo fiénidífuena nitáдино bíadi ona cácaítie, —daïde.

Afe mei Félix Páblona Herodes illaïma illaco áillocomo rairuítatinona uitátate, afécomo íena íaïoi ñue rairuúllena.

24

Félix uícomo Pablo abi ríiduafue

¹ Jubécuiro dígarui illa meífodo lletáriraini illaïma Ananías Cesaréamo bite. Afémiedo dárie énamaci bitáïoi. Dáruído, caifóidillaïma uícomo raire úritímie bite. Afémie mámeçi Tértulo. Nana afémaci caifóidillaïma Félix uícomo Páblomo jítacafuiaï nítaíbitiaïoi. ² Pablo íaïoi átia llezica, Tértulo íemo jíidí fue riire nítade. Félixna daïde:

—Cai izíruiga caifóidillaïma, ori íóbiacáicaï. Ñue záillafue caïmo ite; íemo caïmare llícaïllafuemo iticaï. O fibíllafuedo nana ñue ocuícacaï. ³ Nana bífuiaïri nágobiaïdo íóbioidicaï. Félix o iere jamánomo fígomiedo. ⁴ Mei íadi are o cue áfedoñeilleza caï úrillamo o cacáreïllena omo izire jicádie. ⁵ Bímie fiénide duico billa izóï bíllana ciódicaï. Naga éniaïdo llócaide judíuai oni énenorie bozíetaïllena. Afémie Nazaret ímie Jesumo ínotino ífódimie. ⁶ Icoïmo caï Juzíñamuïmo gairíraco ero bácajide. Ie llaitádiecaï ñue afémiemo caï ocuina uai daïna izóï jicánollena. ⁷ Mei íadi llaizíraini illaïma Lisias aféfuemona caïna rairuide. Iemona caï anámona íena ríifuedo oni bairode. ⁸ Afe emódomo caïna daïde: “Bie cómemo bifue jítáдино odo bírediaïoi.” Dama o afémiemo jicánorena, nana íemo caï jítacafue uáfueiteza. Daïí áfena uáfueña onóitio, —daïde.

⁹ Afénono jaide judíuai nana aféfuiaïna uáfuaï daïdiaïoi. ¹⁰ Jira Pablo úrillena caifóidillaïma ónoïdo llote. Jira Pablo daïde:

—O uícori cue abi ríiduafue jino caimare llóiticue. Jaiái diga fimona bie nairai o jicánoraimana o íllana onódicueza. ¹¹ Ja doce dígarui íllamona Jerusalemo Juzíñamuimo áinozillano íemo caimare úrillena dúcidicue. Aféfuena dama o jicánorena, ñue o ónoillena. ¹² Bumo riire cue úrillana cacáñediaioi. Daje izói Juzíñamui gairíracomo comínina fiéni faillíñaitañedicue. Iemo jíái Juzíñamui llófueriracomo daje izói júfidogafuiai finótañedicue. Daje izói nairai jófuedo nífuena lloñédicue. ¹³ Nana bimaci cuena nitácafuiaina bu áfena uafue daiínina. ¹⁴ Mei íadi dafue jino llóiticue. Judúuai fiéni mameca fiénidiodo jáidicue. Afe como Jesús lloga iodo cue jáillamona cai uzútiai Moo Juzíñamuimo táijidicue. Mei nana cuega ocuica uáillaina ínoticueza. Afe daje izói nana uai jino lloraini Cuegánicuaímo ite uáillaina ínoticue. ¹⁵ Iaiói Juzíñamuimo úiñoínafue daide: “Tíidino ñúemaci fiénidimaci diga meine abido cáaitiaioi.” ¹⁶ Ie jira Juzíñamui uíecomo nífuenidimiena cue íllena jaca nágarui cue comeci ñue finófiredicue. Afe izói comini uícomo nífuenidimiena íacadicue.

¹⁷ Ja diga fimona jíáinuiaímo cue maca meífomo, meine cue éniemo Juzíñamuimo fia fecaca úcube izáibitícue. Afe izói dúeredimacimo dúecaillano úcubena fécaibitícue. ¹⁸ Afe daií cue feca llezica, cue comécimo ite íaifuiai cue múiñuafuemo nícidotícue. Daií cue comeci nícidua meífodo afe úcube cue fecalle llezica, dárie Asia énie judúuai Juzíñamuimo gairíracomo cuena baitiaioi. Afénomo nai comínina figo íñena llezica itícue. Afénomo ite comínina jaca buna faillíñaitañedicue. ¹⁹ Afénomo cuena ciódino benomo cuemo jítaíbirediaioi, cuemo nífué íaioi nitáadi. ²⁰ Mei jíáifodo nauí judúuai Nahí Ríillaini uíecomo cue illa llezica fiénidifue cuemo nauí íaioi báíadi, benomo ite aféfuena cacáidino mai jino lloiri. ²¹ Aféruillaído íaioi cígiri cue illa llezica dafue riire íaioímo llotícue. Daídícue: “Ja birui cuemo jicánotiómoi tíidimaci meine abido cáailífue mo cue ínua jira.” Dño Pablo úrite.

²² Félix Pablo daií dainana cacáillano, aféfuena dinó fiénocaide. Afe Jesucristomo dibénemo itino finócafuiaina Félix ñue fibídimie. Ie jira aféfuena dinó fiénocaide. Fiénocaillano daide:

—Fui llaíziraini illaima Lisias dúciadi bie ómoímo itífue afémie cuemo ñue jino llóite, —daide.

²³ Iemona Félix, jabóidillaímana ocuúde Páblona nai zuitatáñellena. Mei íadi ie comini ie uáiduabillena rairuínede. Afe izói ie íaioi cánuabillena jeruínede. Afe daií Félix Pablo figo riire llavétañede.

²⁴ Afemona afe mei dígarui íllamona, Félix meine dúcide ie ai Drusila diga. Afengo judío ingo. Félix Pablo jíiritade Jesucristomo ínuafuedo úrillena. ²⁵ Afe ínuafuedo úrilla llezica Pablo ñue jaícina jáillifuedo úrite. Afe daje izói ñue comini íllena abi rairuínafuiai llote. Ie émodomo íraíruimo comini jicánollifue jino llote. Aféfuiaína cacáillano, Félix jacínaite. Jacínaillano daide:

—Mai birui jai, uire cue jitáilliruido nane ona jíiriticueza, —daide.

²⁶ Afe jíáifue Félix, Pablo ie zuitalle úcube fecalle úiñote. Ie jira diga ícaíño Félix íena jííiride ie diga úrillena. ²⁷ Mena fimona daií íhidiaioi. Afe mei Félix ie illáímana illano fáicanocaide. Ie meífomo Porcio Festo illáímana jónetiaioi. Félix judúuai uícori ñue íacanamona llavécamié Páblona zuitáñeno oni jaide.

25

Pablo Festo uícori abi ríiduafue

¹ Ie meífomo Festo ja illáímana bite. Afe mei daruíamani íllamona Cesaréamona Jerusalemo jaide. ² Dñomo lletáriraini illaini naa judúuai ríimaciri Páblomo íaioi nitácafuiiai nane Féstomo llotíaioi. ³ Jerusalemo abido Pablo oréllena izire jicádiaioi. Pablo io anamo

íai*oi* fallífuena maméritia*oi*. ⁴ Mei íadi Festo íai*oi* uaimo daide: Pablo nai Cesaréamo llaveca. Nano íanori íllamona afénomo nane jáitícue.” ⁵ Jira íai*oi*na daide:

—E jira omo*i* cígiri ite ríimaci mai cuedo Cesaréamo jairi. Afémiemo ní fue íadi dínomo íemo ní tajirediomo*i*, —daide.

⁶ Festo afe Jerusalemo nano ocho ní bai diez dígarui illa meí fodo meine Cesaréamo bite. Afe jíáiruido ie ní re jícánoranomo ráinazaide. Páblona atítate. ⁷ Pablo afénomo jofo jáidemo, Jerusalémona como dúcide judíuai íemo ánozidia*oi*. Ánozillano aillo fiénide ráfuiai íemo ní adia*oi*. Mei íadi aféfuiaimo íinollífuena íñede. ⁸ Mei jira Pablo ie abí ríiduaífuena daide:

—Cue ní fiénidífuena finóñedicue. Judíuai ocuífafuiai uáitaoíñedicue. Iai*oi* gairíraco ero bácañedicue. Daje izó*i* romano caifóidíllaíma uáillaina uáitaoíñedicue, —daide.

⁹ Mei íadi Festo judíuai cígiri ñue íacade. Jira Páblomo jícanote:

—¿Jerusalemo abído jáiacadio omo*i* ní tácafui*ai* dínomo cue jícanolleza? —daide.

¹⁰ Jira Pablo uai ote:

—Ja birui romano illaíma uí como náidadicue. Ja benomo cuemo ní tácafui*ai* jícanorede. Mei judíuaímo ní fuenidímedícueza ñue onódio. ¹¹ Cue títaite fiénidí fue cuemo íadi, áfemona abí jáanoñeítícue, mei íadi nana cuemo íai*oi* ní tácafui*ai* táinofue íadi, buna íai*oi*mo cuena ríifuedo izájinide. Dama romano jamánomo ocuídíllaíma cuemo jícano daidícue, —daide.

¹² Iemo ie fidítatímíiaímo úrilla meí fomo, Festo daide:

—Mei “Jamánomo ocuídíllaíma cuemo jícano” daidí oza, ie jira afe jamánomo ocuídíllaímamo ona óreitícue, —daide.

Pablo illaíma Agripa uí como illafue

¹³ Díga irui illa meí fomo illaíma Agripa ie ai Berenice díga Cesaréamo Festo uáiduaide.

¹⁴ Afénomo díga irui ití aillinoímona, Festo Pablo rafue Agrípamo llote. Iena daide:

—Félix fiénocaíga llavécamié nai benomo ite. ¹⁵ Naui Jerusalemo cue jailla llezica, lletáriraini illaini, naa judíuai éicomíniri íemo íai*oi* ní tácafui*ai* cuemo llotía*oi*. Ie duere cue finótallena cuemo jícadía*oi*. ¹⁶ Jira íai*oi* uai otícue. Iai*oi*na daidícue: Romano ríimaci íai*oi* fibilla izó*i*, afefue ní tádimíe íemo ní tácamíe uí como conímamo jofo eróicana nai úriñenia, ní tácamíena fañédia*oi*. Afe daí táinofue ní tácamíe ie abí ríiduaífuena finórede. ¹⁷ Ie jira afémaci benomo billa llezica, raíre afe jíáiruido cue jícánoranomo ráinazaidícue. Ráinazaillano afe cómena atítaticue. ¹⁸ Mei íadi afémiemo ní tádino cue comeci daína izó*i* ní táñedia*oi*. ¹⁹ Daa íemo íai*oi* ní tácafue fia íai*oi* ínogafuiaímo jáináidí fue. Daje izó*i* da Jesudo úritia*oi*. Afémíena tíide daidía*oi*; mei íadi Pablo “Caade” daide. ²⁰ Mei aféfuena onóñedicueza. Níe izó*i* aféfuena ní baítícue, daidícue. Jira Páblomo jícanotícue: ¿Jerusalemo meine jáiacadio dínomo omo ní tácafui*ai* ñue jícanollena? ²¹ Mei íadi afémíe jamánomo ocuídíllaíma Augusto íemo jícanollena jícade. Ie jira nai íena zuitáñedicue. Iena rairuídícue jíáiruido afe caifóidíllaímamo ie cue oréllena, —daide.

²² Jira Agripa Féstona daide:

—Cue jíáí daje izó*i* afe íima uaimo cacáreacadícue, —daide.

Jira Festo uai ote:

—Uire jiti cácaítio, —daide.

²³ Afe jítiramo, Agripa Berenice díga dúcillano, áillue gairíraco nana jofo jáidia*oi*, naa llaízíraini illáiniri, naa jofue ríimaciri. Ua aillo ebire finóbillano jofo jáidia*oi*. Dínomo Festo Pablo jíiritade. ²⁴ Afe mei Festo illaíma Agrípána daide:

—Íllaíma Agripa, nana caíri benó gairídínori, omo*i* cácarei. Bímiemo omo*i* eroi. Aillo judíuai afémíedo cuemo úritia*oi*. Benó Cesaréamo cuemo úritia*oi*; daje izó*i* Jerusalemo izire cuemo jícadía*oi*. Jaca fáinocaiñeno ie títaícanafuena cuemo llotía*oi*. ²⁵ Mei íadi

afémiemo comeci facádícue, íadi ie cue titállifuena iñede. Mei caifóidillaíma Augusto íemo jicánollena dama jicade. Jira afémiemo íena oréllena mamédícue. ²⁶ Mei caifóidillaímamo afémíe rafue cue cuellífuena iñede, ¿nífue mei cúeítícue? Ie jira, Agripa, bímie o uíécomo atídícue íemo omoi jicánollena. Afedo caifóidillaímamo cue cuellífuena ónoítícue. ²⁷ Mei cue comeci daíde: Da llavécamié cue oréadi, íemo íaíoi nitácafueña óñoñenia, níbai afefue táínofue, —daíde.

26

Illáíma Agripa uícori Pablo abí ríiduaífué llote

¹ Jira afe Agripa Páblona daíde:

—O dama o abí ríiduaífuena llórena, —daíde.

Iemona Pablo como fueñe íaíoi mo úrite; daíde:

² —Ílláíma Agripa, cue abí ríidollífué o uícomo cue llóleri íóbídícue. Nana judíuái cuemo nitaca táínofuíaí jino jaícina llóítícue. ³ Nana judíuái fibíllafuíaína ñue onódioza. Daje izóí conímamo caí úrillafueña onódio. Aferi íere íóbídícue. Ie jira fíaicana cue úrillamo o cacáreíllena jicádícue.

Pablo íemo itífué méíduafue uícomo fínócafuaí

⁴ ‘Nai cue úruenamona dama cue éniemo, daje izóí Jerusalem íaíoi cígiri nana judíuái cue illáfuena onódiaíoi. ⁵ Daje izóí cue jítócomenanomona fariseo ímíena cue íllana onódiaíoi. Afémaci jítaia aféfuena jino llóredícue. Cai ínogafuíaímo afe fariséuái jamánomo riire jaináidino. ⁶ Íaíoi ínogafue izóí Juzíñamui tíidino meine abido cáatallífuemo ínotícue. Juzíñamui daje afe cáallífué caí jáíairagímamo llote. Afefue ícoínia birui bie jicánollífuemo cuena atídíaíoi. ⁷ Cai Israel doce nairái afe uícomo llogáuái fuizájillínomo úíñoidiaíoi. Ie jira mona naíoi díga Juzíñamui mo áínozillano caímare úritiaíoi. Afe izóí íemo táíjídíaíoi. Ílláíma Agripa, afe bie daje úíñogafue ícoínia, judíuái fíénídífuíaí birui cuemo nitádiaíoi. ⁸ ¿Níbaí mei daí comeci facáíomoi? ¿Níbaí mei afe Juzíñamui tíidino meine abido cáatallífuemo buna ínonide, daídíomoi?

Pablo nauí Jesucrístomo ínotíno rácafue

⁹ ‘Nazaret ímie Jesús mámecímo jaináidino duere cue finótallena, nauí aféfuemo comeci facáoidícue. ¹⁰ Iemona Jerusalén imácina duere finótatícue. Lletárirainí illainí ríibiaído aillo Jesumo ínotínona llavéracomo íbaicotadícue. Comíní afe llavécamací titáacana llezica aféfuena fairíotícue. ¹¹ Díga icaiño íaíoi na duere finódícue, íaíoi ínogafue féítallena. Afe duere finótafue naga llófueriracuaido daí finódícue. Afe ínotínona jamánomo fíéniruidícue. Ie jira afémacina onínemaci jófuemo racádícue.

Pablo íemo itífué méídoínafue nane llote (Hch 9.1-19; 22.6-16)

¹² ‘Bie daí comeci maméíllafuedo Damasco jófuemo jáidícue. Lletárirainí illainí ríibiaído comíní llaitállena orécacue. ¹³ Mei íadi jaíciri ía íodo jáidícuemo, jamánomo monámoma riire cuemo egáíñoacáide. Afe egáíñua jítoma egáíñua baímo meáírede. Cue abímo egáíñoacáide naa cuedo jáíidíno. ¹⁴ Iemona nana éniemo baídícaí. Hebreo uáílláido monámoma cuena daínana cacádícue; cuena daíde: “Saulo, Saulo, ¿níbaí mei cue racáíoi? O dama o abí fíeni finódio. Aíllue juráreto jíúrainímo íte jáírede razi. Afe rázimo juráreto záítacaílla jilla izóí, afe izóí dama abí daí finódio” daíde. ¹⁵ Jira uai otícue: “Ocuíraíma, ¿meí o búdíoi?” Jira afémíe cuena daíde: “O racácamíe Jesúsícue. ¹⁶ Maí náídacáíllano macácana jaí. Jae cuedo o táíjillena omo cíocaidícue. Afemona birui o cíónafuemo uai nabáíraímana ítío. Ie meífomo jíáíruido jíáífuíaí omo ácatatícue. Aféfuíaímo nane uai nabáíraímana ítío. ¹⁷ Ja

judíuaimona jíáie jicáneziemo ona orédicue. Dinomo ona lláitaitiaioi íadi ona jíllotaiticue. ¹⁸ Dinó afeno imácimo ona orédicue, íaioi comeci o zuitállena. Afemona, jíitífodo íaioi macáñeno úzefodo íaioi macállena o orédicue. Daje izóí nana íaioimo ona orédicue Taife íaioi náamatañellena, mei íadi Juzíñamui dibéfomo íaioi jaináillena. Afe izóí íaioimo ona orédicue cuemo íaioi íinollena. Iemona íaioimo ite fiénidifuiái dóficaite. Afe fiénidifuiái na dóficaidino íaioi feci raa máíñoitiaioi naa jíáie Juzíñamui ñue finócamaciri,” daíí Jesús cue ocuide.

Nícaí anado Jesús íemo ocuícáuai Pablo jeire ote

¹⁹ ‘Mei jira, illaíma Agripa, monámona cue cacánafuena jámairuíñedicue; mei íadi áfena jeire uano fueñe Damascó imácimo afe úrilla uai jino lloticue. ²⁰ Afe meífomo Jerusalén comínimo daje izóí nana judea éniédo llócaidicue. Afe izóí jíái judíoñedinomo llócaidicue. Nana íaioimo itífuiái íaioi meídollena riire lloticue. Iemona Juzíñamui dibénemo íaioi íficaillena íaioi llófueticue. Ñúefuiáido íaioi macállena lloticue íaioimo ite meídogafue jino ácatallena. ²¹ Afe bífuiái cue llua ícoínia, judíuái Juzíñamuimo gairíracomo cuena llaitada fáiacadiaioi. ²² Mei íadi Juzíñamui cue cánuado nai biruimo ñue jáicadicue. Naga cómemo, illáicomíni naa jamai comíniri Juzíñamuido úricaidicue. Moisés llua izóí lloticue. Jaiái uai jino llóraini llua izóí llófueticue. Nana íaioi lloga caímo ífcaítífuiái jino lloticue. ²³ Jaiái ninomo uícomo llotíaioi: “Cristo duere finólleza,” daídíaioi. “Afe meífomo tíite; tíillano meine abido cáate. Afe daíí fueñe tíidimiemona meine abido cáaitimiena maméllimieite.” Daíí aféfuena daídíaioi. Afe emódomo jíáífue daide: “Cristo cáaillemona, comíni jíllóillifue jino llóite. Ua caí náiraímo llóite. Daje izóí jíáie náiraíaina fidítaite,” —dínó Pablo úrite.

Pablo Agripa Jesucristo dibénemo jaináillena llote

²⁴ Daíí Pablo afe abi ríiduafue llua llezica, Festo caillíoicana daide:

—¡Pablo, o uáiritaidio! Aillo rábiai o facáduamona o ifoci uáiritaide, —daide.

²⁵ Jira Pablo uai ote:

—Fígomie Festo, cue uáiricoíñedicue. Mei jíáífodo cue daínáuai ñue comécido facádorede. Aféfuíai uafue. ²⁶ Benori illaíma Agripa ite, bífuiái na ñue onódimie. Ie jira comeci mánaínafuedo afémie uíécori úriticue. Afémie nana bífuiái na ie onónana ñue onódicue. Afémie nana bífuiái báinino izúgumo lloñégaza onode. ²⁷ Illaíma Agripa, ¿uai jino llóraini llogáuaimo ínotio? O ínuana onódicue, —daide Pablo.

²⁸ Jira Agripa daide:

—¿Jesucristo afe dibénemo cue jaináillena raíre cuena ífcaítaacadio? —daide.

²⁹ Jira Pablo íena daide:

—Raíre Crístomo jaináidimiena o ífcaíadi, o are íllamona Crístomo jaináidimiena o ífcaíadi, nai birui Juzíñamui uallai ñue jeire o ollifue jícadicue. Afe izóí dama óieñedeza mei íadi cue Jesucristo ínua izóí nana cue úrillamo cacáreidino Crístomo ñue ínotinona jítaidicue. Mei íadi llójeina cue máina izóí ómoína maitátaacañedicue, —daide.

³⁰ Pablo aféfuíai llua meífomo, illaíma Agripa caífo náidacaide, afe caífoídillaíma Festo díga. Afe llezica ie ai Berenice nana dínó ráíiedino díga caífo náidacaidiaioi.

³¹ Náidacaillano bai eneno jáidiaioi aféfuíaido úrilla. Dinomo jofó conímána daídíaioi:

—Baie cómemo ie titállifuena íñede. Daje izóí llavéracomo ie llavéillinona íñede, —daídíaioi.

³² Jira Agripa Féstona daide:

—Bímie nauí jamánomo ocuídillaíma íemo jícánollena jícáñeniadi ja birui zuitárede, mei íadi báillaímamo jícadeza zuitánide, —daide.

27

Pablo Rómamo oréinafue

¹ Pablo Itáliamo oréillifuemo maméritiaioi. Iemona Pablo naa jiáie llavécamiari jabóidillaíma Júliomo izájidiaioi. Afémie Augusto llaizíraini igüéllimo jainaide. ² Iemona Adramitio ígobemona áillue nocaedo jáizaidicai. Afecae nana Asia énie ígobiaido zíjicana ja jáizaide. Daje llezica Tesalónica ímie Aristarco caido jaide. Tesalónica Macedonia énie jofue. ³ Afe jítiramoidiruido Sidón ígobemo dúcidicai. Afégobemo Julio iere caimare Páblomo úrite. Iemona Páblona rairuíñeno ie onóigamiaina uáiduajitade. Afe daíí ie onóigamiaina Pablo jitaica raana fecárediaioi. ⁴ Sidón ígobemona jáidicai. Jaillano monáillai cigi idu Chipre jarífezimo fiéocaidicai, mei jairifo jiáifodo cai ñuitáocaillamona. ⁵ Dinómona Cilicia énie áinodo Panfilia énie diga baido monáillai cigido jaitádicai. Afe mei Licia éniemo ite Mira ígobemo zíjidicai.

⁶ Dinomo llaizíraini illaíma Alejandríamona bite, Itáliamo jáizaide áillue nocaena cíozaiide. Afécaemo afémie caina nana jofo orede, afénomona afécaedo cai jáillena. ⁷ Dinómona diga irui fiaicana juare jáidicai. Icoimo Gnido jofue féifenemo dúcidicai. Mei jairifo nai jiáifodo oni cai ñuitáocaillamona monáillai cigi idu Salmón féifenedo jáidicai. Ie jira monáillai cigi idu Creta onido nefícana jáidicai. ⁸ Afe monáillai fue áinodo fiaicana juare jáidicai. Icoimo Buenos Puertos mámeciredinomo dúcidicai. Afégobe Lases jofue áinori ite.

⁹ Jae diga iruillai fia fiaicana jáidicai. Iemo ja uáicimo áinozidicai. Iemona monáillai cigido cai jaitalle jamánomo jacírede. Ie jira Pablo íaioina izire llote; ¹⁰ daide:

—Cuemo úrillamo omoi cácarei. Bie cai ruica cai jaille onódicueza iere jacíreite. Cai uiga ráaniai niné táinocaite. Cai jaille nocáe daje izói táinocaite. Daje izói cai nibai coróbaizaiticai, —daide.

¹¹ Mei íadi llaizíraini illaíma nocáe naama jáiacanafue Pablo daínafue baimo jeire ote. Daje izói afecae illaíma daína uai llaizíraini illaíma jeire ote. ¹² Afégobe uáiciai úiñollena figo jínoinede. Ie jira nana comécido daidíaoi: “Ñibai Fenice ígobemo jáidicaina figora izoide,” daidíaoi. Afégobe Creta énie mona icoi dibénemo ite. “Afe dinomo uáici záillena úiñoiticaí,” daidíaoi.

Monáillaimo jamánomo riírede jairifo noci diga jáiñuafue

¹³ Afe jiáiruido mona átue dinena jairifo fiaicana fúuoide. Jira áfemo ínotiaioi ruica íaioi jáitallena. Afemona jáizaidicai. Afe Creta énie áinodo jáidicai. ¹⁴ Mei íadi due afe meífodo riírede jairifo cai jailla nocáe riire ñuitaíbite. Ua afecae riire aiñóicaide. ¹⁵ Mei cai jáiacananomo jáinina jira, “Dama jairifo niné uigacai,” daidíaoi. ¹⁶ Iemona duera monáillai cigi idu Claudia jinófenado jáidicai. Dinomo jairifo caina riire fúuoinede. Ie jira cai abido uiga dúecae, fiaicana juare caifo bitádicai. ¹⁷ Dúecae bita meífomo, áillocae jéerie ñécigaido riire jofo mozidicai. Afe mei guamáeaimo íaioi bíjizai dáii jacíruitiaioi. Afe guamáeai mámecei Sirte. Afe jágiedo íaioi ñuite vela daína áillue iniroi ana zúicoidiaioi, cai nocáe fia jairifo fiaicana úillena. ¹⁸ Afe jiáiruido afe jairifo riire jaiñode. Ie jira íaioi uiga ráaie como fueñe afécaemona monáillaimo dócoidiaioi. ¹⁹ Ja daruiámani íllamo nocáe ero táijina ráaniai dani cai ónoído monáillaimo fádoídicaí. ²⁰ Aféruillaído diga irui jitoma naa úcuai diga cíóñena. Dinomo afe riírede jairifo llavécamiái izói duere cai finode. Iemona nana jíllloillena cai comécinafuaíai niné táinocaide.

²¹ Ja diga iruillai güiñeno iticai. Ie jira Pablo íaioi cigimo naidáillano daide:

—Nana omoi cácarei. Nauí Crétamona jáiñeiticaí cue daína uaina jeire oñédiomoi. Afe cue daína uaina ñue ínotiomoinia bie izói duere zefuíñedicai. Daje izói nana cai atica

ráaniai niné táinocaiñede. ²² Mei íadi, birui omoi jacíruiñeno iri. Bie nocaena niné táinocaiñe mei íadi ómoimona buna tíiñeite. ²³ Mei ja naio Juzíñamui oreca ie abi ímie cuemo daiízaibite. Afe Juzíñamuimo jaináidimiedicue. Afe izói íemo tájidimiedicue. ²⁴ Afe oreca abi ímie cuena daide: “Pablo, jacínaiñeno iri. Romano jamánomo ocuídillaíma uícomo náidazaitioza. Ie jira o illa ícoinia nana nocaedo odo jáidinona Juzíñamui tíillinomona jíllotaite.” Dinó Juzíñamui oreca ie abi ímie cuena daide. ²⁵ Ie jira abí omoi mameri. Juzíñamui uaimo ínoticueza. Ie oreca ie abi ímie cuena daína izói bie cai duere zefuúllafuemoná ñue jino jáiticaíza. Afe bífuena ñue onódicue. ²⁶ Mei íadi benómona daa monaillai cigí ídumo jairifo caina nétaite, —daide Pablo.

²⁷ Mena semana cai jailla meífodo daa naio Adria monaillai cai illa llezica, riírede jairifo meine abido caina úioicaide. Iemo dáaferui illa llezica, marinéruai éniemo cai ánozillana comécido onódiaioi. ²⁸ Jira níe dinó afórede daínano facádiaioi. Facádiaioimo treinta y seis metros afórede. Nane afe baimo dáanomo facádiaioi. Ja veintisiete metros afórede. ²⁹ Noíciaimo íaioi ñáijizaillana jacíruiñeno moi díbeaemona cuatro díga nocáe cuinara lloélloici monaillai anamo dotádiaioi. Afe mei comeci jacíruiñeno mona monailla úiñotiaioi. ³⁰ Afe llezica afecae marinéruai “Bie áillocaemona mai cai botallí” daní conímana daidíaioi. Afe daí íaioi botácanamona emódomo bitaca dúecae ana jáinoimo agüñetiaioi. Afe llezica jáímacina jífueacana daidíaioi: “Bie dúecaedo áillocae ífo díbeaemo jáíe cuinara lloélloici dotaiticai,” daidíaioi. Daí afe nocáe ana agüñiadao jífuercadiaioi. ³¹ Mei jira Pablo llaíziraini illáimamo naa ie llaízirainiri llano daide:

—Baimaci bie nocaemo fiébiñeno botáadi ómoimona buna jílloneilleza, —daide.

³² Ie jira llaíziraini dúecae agüina ñécigai jaitádiaioi, afecae illemo baíllena.

³³ Afe monáidemo Pablo íaioina daide:

—Mai omoi güiri. Ja mena semana güiñédíomoi; iníñediomoi. ³⁴ Izire ómoína güitátaticue. Afe omoi güille jítaírede ñue omoi jílloneilleza. Uafue ómoimona buna córobaiñeite. Daje izói omoi abímona minícana due jiza báíñeite.

³⁵ Daí daínano, Pablo daa pan llínuano nana comíni eróicaa Juzíñamuina “Iere figura” daide. Daí ñiano afe pan dítaide güite. ³⁶ Afemona nana náreficaidiaioi. Afe daje llezica jáíno güitáioi. ³⁷ Afe áillocaemo doscientos setenta y seis dígamiedicai. ³⁸ Ja íaioi güíacaga güille güilla meífodo, fiébide trigo illemo dotádiaioi, afecae féecocaillena.

Afecae buíllafue

³⁹ Jae monáidemo, afe éniema onóñediaioi, mei íadi guamai díga ñue itízuguaina cíodiaioi. Onóñegaza afénomo íaioi zíjizaillena maméritiaioi. ⁴⁰ Iemona afecae cuinaina lloélloici igai jaitádiaioi. Afe lloélloici monaillai anamo fiébicaide. Afecae datara jairábíai zuitádiaioi. Afe mei afecae uite iníroí ífófeacemo caífo jairífo jónetiaioi. Iemona afecae oni guamáemo ánozioicaide. ⁴¹ Mei íadi mena meine ábiedo totínuaimo dúcidiaioi. Iemona afecae afénori ite guamáemo bíjide. Ífófeacae afe guamáemo jamánomo riire bíjide. Mei íadi móífeacae naí ñue faíridemo, monaillai bagua niné llaízéraga. ⁴² Jira afécaemo ite llaíziraini llavécamiíai fáiacadiaioi, “Íhíí bótaítiaioi” daínano. ⁴³ Mei íadi afe llaíziraini illaíma Julio Páblona jíllotaacade. Mei jira íaioina fatátañede. Jáífodo ocuide nana íiana onódino illedo ícana raire uícomo dúcillena. ⁴⁴ Jáímaci íiana onóñedíno afe nocáe lláicoizillabici emódodo jáitate. Daí nana oni fuédamo dúcidiaioi. Afe daí ñue jíllodiaioi.

1 Nana ari éniemo ñue jíllobicaidicaimo, afe monaillai cigi idu, comini cai llúamona Máltana mámeçirenana onódicaí. 2 Afedu nairai ñue caina llínotiaioi. Aillue irai bonódiaioi noci jáiñua rozírena jira. Aferai bónuana nana caina: “Mai omoi agáizaibi” daide. 3 Afe llezica Pablo záfegai llínota aférimo jóoniaide. Aferai uzire cácanamona titade jaio jino billano Pablo onoi ainide. 4 Afedu nairai afe jaio ie ónoimo agúinana cióillano, conímamo llotíaioi:

—Ñibai baie ñima come fáfiredimie. Meiti monáillaimona ñue jillode íadi, Juzíñamui jaícina jóidifue nana comínimo onótaiacanamona íena raamo jíritate ie jílloñeillena, —daí daidíaioi.

5 Mei íadi Pablo afe jaio iraimo jaidínota dotade; íena ñie izói ñibáiñede. 6 Nirui íena fáitaite ñainano áfemo nana ocuírídíaioi. Jáifodo nino llezica íena ana dotada títate daidíaioi. Mei íadi íena ja are úiñodiaioimo ñie izói íena ñibáiñede. Ie jira nano comécido íaioi ñaináuai jáifodo meídotaioi. Iemona bie Pablo Juzíñamui izóidimie daidíaioi.

7 Afe áinori afedu illaíma Publio illánuaí ite. Dinomo daruiámani afe Publio caina ñue llínote. Cai jitaica raana ñue caimo fecade. 8 Aféruillaído afe Publio moo irárede. Bírallumo diga irui bíifirede, ie abi cuaríllari. Iemo jamánomo lluide. Afénomo Pablo íena uáiduaide. Dinomo Juzíñamuimo íena jicade. Daí ie jica mei Pablo onoi íemo bitade. Iemona afémie jíllobicaide. 9 Afena íaioi fidínamona nana afédumo ite iráredinuaí Páblomo atídíaioi. Iemona nana jíllozítiaioi. 10 Aferi íobillano aillo ñúefuaí caimo nitádiaioi. Afe mei nane dánomo cai jáiacanaruimo, nana cai jitaica ráaniaí caimo atídíaioi.

Pablo Rómamo dúcinafue

11 Afe monaillai cigi ídumo dauíamani iticaí. Afe meífodo, jáie nocaena cióizaidicaí. Afecae nauí bie ídumo uáici zaille dino úiñote. Dinómona afecae jáillado ruica jáidicaí. Afecae Alejandría jófueмона bite. Afecae ífomo mena taíno juzíñamui uíecona cuega. Afe íaillinoí mámeçí Castór Pólux. Afecae aféllinoína náamaredena mameide. 12 Dinómona Siracusa ígobemo dúcidicaí. Afégobemo daruiámani iticaí. 13 Dinómona fueda áinodo Regio ígobemo jáidicaí. Afe jáíruido jairifo mona átue dinena bíllamona Régiomona jáidicaí. Ja ménarui íllamona Puteoli ígobemo dúcidicaí. 14 Afénomo ite ámatiaí cióizaidicaí. Íaioi diga da semana cai íllena jicádiaioi. Afe mei ja Rómamo jáidicaí. 15 Jae Rómamo ite ámatiaí cai billáfueña uícodo fidídíaioi. Ie jira io anamo conímamo caimo dúcillena uícomo bitíaioi. Conímamo íaioi dúcinano “Foro de Apiona” mameide. Jáifodo ñaina, Apio iomo ite fecáriraco. Jáino mámeçí “Tres Tabernas.” (Afe mámeçí dobáiñuano ñaina Daámani Dúcirachupi.) Afénuaímo Pablo éroicaillano Juzíñamuimo “Iere figora” daide. Iemona Pablo comeci caimare íficaide.

16 Ie mei Rómamo dúcidicaímo llaizíraini illaíma Julio ie uiga llavécano rairuídino illáimamo izájide. Mei íadi Pablo oni eneno dama íecomo uiga. Afénomo daa llaizíraíma íena rairuide.

Pablo Rómamo Juzíñamui uai jino llote

17 Rómamo íaioi dúcinamona daruiámani íllamona Pablo Roma judíuaí illaini jíritate. Íaioi gairilla llezica Pablo íaioína daide:

—Amatiaí, judíuaímo fiénidifue lloñédicue. Afe izói cai jaiáidigima fibíllafueña uáitaoñédicue. Mei íadi Jerusalem romano comínimo lláitano izájigacue. 18 Dinomo cuemo íaioi jicánua mei, cuena zuitáacadiaioi cue íaioi titállifue íñena jira. 19 Mei íadi judíuaí jáifodo cuena zuitáañediaioi. Ie jira romano jamánomo ocuídillaíma cuemo jicánorena daidicue. Mei íadi afe llezica cue náiraímo cue jítállifueña íñede. 20 Mei jira omoi diga cue úrillena jíriticue. Mei cai bie daje Israel náiraídicaí. Daje cai Mesías billífuemo comécidicaí; daje izói meine abido cai cáaillifuemo úiñoidicaí. Afe cai úiñoigafue ícoiniadi birui benó llavécamie cue llavéinana ja ciódiomoíza.

²¹ Jira íena daidíai*oi*:

—Jaca daabe o finócafui*ai* lluabe caimo dúciñede. Daje izói afénomona bite ámatia*i* judíua*i* o mámedo fiénidíu*ai*na nítaibiñedia*oi*. ²² O comeci fácafui*ai*mo cacáreacadi*ai*. Mei náganí*ai*mo afe bie comue Jesumo jaináidinona onódicaiza uáitaoidia*oi*, —daí íena daidíai*oi*.

²³ Ie jira meine íai*oi* cacáillirui mamédia*oi*. Afe maméinaruimo aillo naira*i* Pablo illácomo nane gairízai*bitia**oi*. Jítiramon*ai* ua nauízaidemo Pablo Juzíñamui illámana illafue íai*oi*mo llote. Moisés ocuica uáillaído Pablo Jesús dibénemo íai*oi*na ínotaacade. Afe llezica Juzíñamui uai jino llórain*i* cuega uáillaído Jesumo íai*oi*na ínotade. ²⁴ Dárie Pablo llogáfue*mo* ínuaidia*oi*, ie mei jáimaci ínoiacañedia*oi*. ²⁵ Mei íadi nana dáafue*mo* coméciñenamona raízitai*oi*. Como raíacadia*oi*mo Pablo íai*oi*na daide:

—Ñuera Joreño cai jaiáidigimacimo uai jino lloraima Isaiado ñue úrite. Afémie daide:

²⁶ Baimácimo bifue llujiri, daide:

Omo*i* uafue aféfuena cácaiti*omoi* íadi áfena ónoñeiti*omoi*.

Omo*i* uáfuena cíoit*omoi* íadi ñue fidiñeiti*omoi*.

²⁷ Mei bie comin*i* comeci meine fi*eni* rírenamona bie ñúefuena óiacañedia*oi*. Iai*oi* ifoci jáiainamona fi*eni* cacádia*oi*.

Iai*oi* uíjia*i* nitáoidia*oi* dan*i* íai*oi* uído áfena íai*oi* cíoi dá*i*.

Daje izói íai*oi* jefodo cácañeillena jefo íbáidia*oi*.

Afe izói comécido cacáacañedia*oi*.

Daje izói meine cuemo bíacañedia*oi*, íai*oi* cue jíllotallena, —daí Isaiás daide.

²⁸ Bifue omoi onoiri: biruímona bie Juzíñamui lloga jílloilifue judíoñedimacimo llujiga. Aféfuemo afémaci ñue cacáreitia*oi*, —daide.

²⁹ Pablo daí dáinamona, judíua*i* aillo conímamo úricana jáidia*oi*.

³⁰ Afénomo Pablo ie íbaca jofomo mena fimona fuitade. Nana íemo ráfui*ai* jícanuaíbifiredinona ñue caimare llínofirede. ³¹ Aféruillaído Pablo Juzíñamui illámana illafue jino uáfodo comínimo llote. Afefue ie jino llole rairuide cómena íñede. Daje izói Ocuíraima Jesucristodo diga irui llófuerite. Aféruillaído ie llófuerilla buna llótaidoñede. Mai. Jae ñie.

ROMA COMINIMO SAN PABLO ORECABE La Carta del Apóstol San Pablo a los Romanos

Pablo Rómamo ite Jesumo ñnotinomo cuete

¹ Cue Páblodicue; Jesucristo ocuífirégamiedicue. Juzíñamui cuena uáiduano eneno cuena nizede ie jílloa uai jino llóllena. Ua afémie orécacue; Juzíñamui mamécamedicue.

² Afe bie jílloa fue Juzíñamui jaiái nínomo uícodo ñuera Cuegáuaimo, ie uai llórainido jino llotátate. ³ Afe jílloa fue cai Ocuíraima Jesucristodo úrite. Afémie Juzíñamui Jitó. Iemo jáí afémie cai come izóidimie. Afe Jesucristo jaiái illaíma David méifoidigimamona jocócamie. ⁴ Mei íadi Ñuera Joreño dibénemo afe Cristo uáfodo ríinorede Juzíñamui Jitona cíotaga, mei dama tíllanomona afémie meine cáatateza. ⁵ Juzíñamui Jesucristodo, ñúefuena cuemo itátate. Aferi iere ióbodicue. Afefue cuemo illano, iere cuena canode, ie mámeçido oni jáínomo ie orécamiéna cue íllena. Bie cue ióbillafue ie mámeçido oni jáínomo cue oréllena. Afe cue oréinamona naga náiraíaido aillo Jesumo ñnotinona iite. Daje izói ie uaina jíruitinona iite. ⁶ Afémacimona Crístomo ñnotinona itíomoiça. Ie jira Jesucristo íeiena omoi íllena, Juzíñamui eneno omoi nizede.

⁷ Mei jira nana ómoímo cueticue Roma jófuego itínodiomoi. Juzíñamui izíruigamacidiomoi. Afémiemo omoi ñue jáináillena eneno uáidogamacidiomoi. Iemo ite caimátaillafue, naa comeci caimare uái illafue diga ómoímo fécaíteza. Nana bífuíai cai Moo Juzíñamui cai Ocuíraima Jesucristo diga, ómoímo mámeíteza.

Pablo Rómamo macáacade

⁸ Nana ómoíri fueñe Jesucristodo “íere figora,” cai Juzíñamuína daífiredicue. Ua daí daídicue mei nágagobiaído ómoímo ite ñuera ñnogafuedo úritiaíoi. ⁹ Jaca nana cue comécido Juzíñamuímo tájidicue, ie Jitó ñuera uai jino comínimo llóllena. Nane daje izói Juzíñamuímo comécido cue úriadi, ómoímo uibíoifiredicue. Aferi Juzíñamui cue uai nabáidimie. ¹⁰ Bie ícoi iruimo ómoímo cue jáillena Juzíñamuímo jicáfiredicue. Ua Juzíñamui comeci jitaía, nibai nibéfodo ñue cuena óreíte, ómoímo cue mácajillena. ¹¹ Mei ómoína cíocadicue, Crístomo omoi ñnogafuíaí cue cánuamona, ñue riire jaícina omoi íllena. ¹² Ua bie ñnogafue cuemo íteza ja ómoímo ite. Afe Juzíñamuímo cai ñnogafuedo conímamo cai úrillamona, conímaíaina comécina caimare náiretaítaí.

¹³ Juzíñamuímo ñnote ámatiaí, diga ícaíño omoi díne cue jáiacanafue ómoína cue cíóillena, ómoímo fidítaacadícue; mei íadi nai jaca jáinidicue. Omoi díne jáiacadicue ómoímona jáímacina Jesumo jáinátallena. Ua jeede ria llízie jofo ua izói, afe izói Jesús uaimo ñnotinona itátaacadícue. Oni jáígobiaímona dáarie cue itata izói, daje izói, ómoímona itátacadícue. ¹⁴ Mei cue naga cómemo ñúefuena cue llóllena iere jítáirede. Ua iere baitádinomo llóredicue; daje izói abína onóñedinomo daa fiéñeno llóredicue. ¹⁵ Iemona afe izói cue dibénedo nana afe jíllóillíuái ómoímo jino ñue llúaíbiacadícue, jica Rómamo itíomoi íadi.

Ñúefue riírede

¹⁶ Bie ñúefue uai jino cue llólleri méairuíñeíticue, mei aféuaimo ite Juzíñamui ríino nana áfemo ñnotino jíllóillena. Nano fueñe judíuaina jíllotaíte, ie mei daje izói judíuáiñedinona jíllotaíte. ¹⁷ Bie jíllonauái Juzíñamui anamo ñue jaícina cai íllena caina fidítate. Dama Jesumo cai ñnogafuíaído Juzíñamui anamo ñue jaícina íiticaí. (Abi díne jáííena íñede.) Jaiái Cuegáuái daí daíde: “Ínogafuedo Juzíñamui anamo ñue jaícina íitímie, zííñona cáíte.”

Nana énie nairai íaiói fiénidifuiái ícoínia ite

¹⁸ Mei monámona bite Juzíñamui iere izire duere finuafue nana fiénidinomo, naa comécina jaícinaíñedinomo jaiái zúillana, ja birui fidídicaí. Dani íaiói mo ite íaífuedo ua ráfueña ónuana rairuícaciaí. Daje izói afémaci jíáimacina ua ráfueña onóillena jeruídiciaí.

¹⁹ Cai onoiga Juzíñamui dibénemo itífueña daje izói ñue onódiciaí; mei dama afémie íemo itífueña nana caímo cíotateza. ²⁰ Juzíñamuimo ite ie cíóñena raa, ie finócafuiáido caímo ónorede. Jaca énie finuaruimona afémie nahí Juzíñamui nana uáfodo ónorede. Daje izói afémie jaca ríinoredeza uáfodo ónorede. Bífuiaina comini náfueñediaí; íemona dani íaiói ícoínia daí ite.

²¹ Mei Juzíñamuina onódiciaí íadi, íemo nitárede ñúefuiaina íemo nitáñediaí. Daje izói íena “Figora” daíífinidiaí. Mei jíáfodo ráííñede raamo comécidiciaí. Iaiói abina onótatañede comeci jííifomo fiébicaide. ²² “Nimáirainidicaí” daíífrediaí íadi, abina onóñedinona jáidiaí. ²³ Ziiño Juzíñamuimo ite ebíredifueña ziiñoñede come jánaraina méidotiaí. Afe baimo figóñede jánaraina finódiciaí. Féedinuiaí jánaraina finódiciaí. Jaizai jánaraina finódiciaí. Táicaide rille jánaraina finoda jeire otíaí.

²⁴ Ie jira Juzíñamui íaiói mo ite fiéni comeci óiacanafuemo íaióina zóofete. Daíí afémaci dani jofo conímamo méaífuiái finódiciaí. ²⁵ Juzíñamuimo ite ua ráfueña íñoño tainofuiaí jeire otíaí. Afe emódomo ie finoca raamo ñúefue nitádiaí, mei íadi fueñe afe finode Juzíñamuimo ñúefue nitáñediaí. Daje izói ie finoca raamo caímare ánozioidiaí, mei íadi nahí Juzíñamuimo cáimadoñediaí. Bie Juzíñamuina jaca ninomo cáimadoaredicaí. Daí íteza.

²⁶ Mei jira Juzíñamui jíáie meáire comeci óiacanafuemo íaióina zóofete. Ringóniaí daa íaiói ini diga íllana féitaciaí; féitano aillo méaífuiái jíáinori otímaci. Juzíñamui ringóniaí jóonia izói íacaño afe jóoniafueña uáitaciaí. ²⁷ Daje izói ííñiaí daa ringo diga ñue íllana féitaciaí. Féitano fiéni illáfuedo íaiói abí bóobicaide, conímaí mo fiéni finóllena. Afe ííñiaí conímamo méaífuiái finódiciaí, íemona dani afémaci abímona comuídiferi duere zefuídiciaí. Bie izói Juzíñamui íaióina duere finótate, dani íaiói comeci ífue jaícina jóíñena ícoínia.

²⁸ Ja mei Juzíñamuina onóacañediaí, jira íaiói comeci jaícina jóíñenafuemo Juzíñamui zóofegaiaí, Juzíñamui rairuícáfuiái finódimaci íaiói íllena. ²⁹ Afémaci naga íaífuiáimo itíaí; comeci jaícinaíñenafuemo itíaí. Daje izói jiruírenafuemo itíaí; fiéni jítainafuiáimo itíaí; naga ráaniaína óiacanafuemo naa fiénidifuiái diga itíaí. Daje izói afémaci úradorííredino; come titáíredino. Fuiríllafuedo úritiaí. Jífuemaríírediaí; ñúeodo jáíñedino. Táina conímamo fiéni úrííredino. ³⁰ Afémaci jíáima jánana fiéni úritiaí. Juzíñamuina éoidiaí. Daje izói ríimacimo náfueñediaí. Tainofuiáimo comécidino. Daje izói fiéni abí ínotino. Fiénidifuiáimo comeci facada finóírediaí. Iaiói úruiaí móotiaí ocuícáfueña jeire oñediaí. ³¹ Afémaci abina onóacañediaí. Iaiói daina izói finófinidiaí. Buna duéruíñediaí. Caímare uáiduaño íba óñellena onóñediaí. Daje izói afémaci jíáimamo dúecaíñediaí. ³² Juzíñamui ocuíllana ñue onódiciaí, íadi óiacañediaí. Afe nana bie fiénidifuiáimo itino jaca ziiñoña duere finólliaíza, áfena jíái onódiciaí. Onódiciaí íadi aféfuaina féitaño nai uícadiaí. Nane bie emódomo jíáimaci afe fiénidifuiái finua llezica, íaióina: “Caímare bie izói cai illi,” daídiciaí.

2

Juzíñamui nahí uafue daína izói comínimo ríire jícánote

¹ Jáima fiéni illafue ríire o jícánollena íñede. Naga come “Cue nífuenidicue” daííndiciaí. Nana omoi dáafuemo itíomoi. Mei jíáimamo ite fiéni illafue ríire o jícánua llezica, dama o abí duere finótaitio. Aféfuena ríire jícánotio íadi, o jíái dáafuiáimo itio. ² Mei jíí, bífuiáimo itino Juzíñamui duere finótaja llezica, afémie nahí uafue daína izói ríire

jicánoteza, áfena onódicaí. ³ Mei o, jiáima fiēni illafue riire o jicánua llezica, o jiái daje izói dáafuiaimo itio. Daií o illa llezica “Juzíñamui ie duere finóllifuemona nibaí cuena jílloite,” ¿daídio? ¡jílloñeitio! ⁴ ¿Juzíñamui omo ziiñona fuiñede dúecaillafuena jámairuitio, naa omo ie járitañenafue diga? Afe bie Juzíñamui omo dúecaillafuedo, afémie o comeci ífuena ñúefue dibénemo méidotaacadeza, ¿afe jaca o comécimo úibicaiñedeza, ero ua? ⁵ Mei o, comécina iere riiredioza. O comeci ífuena méidoacañedio. Iemona o duere finóllifuiaina aillo ofítaoicaídio. Ua Juzíñamui cíocaizaíbilliruimo o jaícina jóoide duere finuafue jino omo llóite. ⁶ Aféruido naga come daní íaioi finócafuiái izói, íaioimo íbátaite. ⁷ Aféruido ebíredifue jenódinomo, ziiñona cáataitino íaioimo iite. Daje llezica, nana Juzíñamui íaioimo ñúefue nitállena jenódinomo, naa ziiñona illa raa jenódino diga, Juzíñamui ziiñona cáataitino íaioimo fécaite. Aféfuiaína jenódiaioi, mei nágarui féitañeno ñúefue dibénemo ífirediaioi. ⁸ Mei íadi aféruillaído nana fiēni abí ñnotinona, Juzíñamui duere fínoite. Daje izói nana ua ráfuena jeire óiacañedinona Juzíñamui ie riífuedo duere fínoite, fiēnidifuiái jeire íaioi ua jira. ⁹ Nana fiēni mácafiredinomo aillo duere zefuúllifue iite, naa jamánomo íaioi comeci zúunaillifue diga. Nano fueñe daií judíuaimo iite; ie mei jiái daje izói judíuainédinomo cómuite. ¹⁰ Mei jiáifodo ñúefuiái finódinomo, Juzíñamui íemo ite ebírenafue íaioimo iite, naa comeci caimare uái illafue diga. Daje llezica Juzíñamui íaioimo ñúefue nítaite. Nano fueñe daií judíuaimo iite, ie mei jiái daje izói judíuainédinomo cómuite.

¹¹ Comínimona dámie jiáie come baímo Juzíñamui gáigamie iñede. ¹² Nana fiēni itino Moisés ocuífafuena nai onóñena llezica, íco nine táinocaitiaioi, aféfuena nai onóñenano. Daje izói nana jiáie fiēni itino Moisés ocuífafuena onódiaioi íadi, afe daje bie ocuífafuedo riire jicánolliaioi. ¹³ Mei ocuífafuena táinona cacádino Juzíñamui anamo ñue jaícina iñédiaioi, mei íadi ocuífafuena jeire otino Juzíñamui anamo ñue jaícina itíaioi. ¹⁴ Dáarie ocuífafuena onóñede judíuainédino afe ocuilla dáina izói daní íaioi comécido jeire otíaioi. Iemona afémaci daní abí lletádinona itíaioi. ¹⁵ Mei jií, íaioi ñue mácafuedo íaioi comécimo ocuica uai cúeinana ácatafirediaioi. Afe llezica íaioi comeci úrilla uai ñue íaioi uaina nabaide. Daje llezica íaioi ífoci úrillafue fiēnidifue íaioi finóadi, áfena íaioimo llóite. Fiēnidifue nai íaioi finóñenia, ¹⁶ Juzíñamui comínimo riire jicánolliruimo íaioi ífoci úrillafue íaioina ráruite. Aféruillaído naga comíni báinino finoca raana Jesucristodo Juzíñamui riire jicánoite, cue lloga jílloilluái dáina izói.

Judíuai Moisés ocuífafuemo fígo náfueñediaioi

¹⁷ Mei ja birui, “Judío ímedicue” daídio. O jílloillena, Moisés ocuífafuemo ñnotio; o Juzíñamui dibénemo fiēni abína ñnotio. ¹⁸ Juzíñamui comeci jítáinafue onódio; afe ocuífafue omo llote: “Nana o nícidogafuemo ñuera diga o nizeri”. ¹⁹ “Uínidino izóidino ífóllena, ñue uáfuaena onódicue,” daídio. “Daje izói jítifodo macádinona ñue egáiñollena onódicue,” daídio. ²⁰ “Abína onóñedinona llófueredicue,” daídio. Daje izói, “Urue izóidino jaícina llófueredicue,” daídio. “Ua nahí ráfuena onótate uai afe cai ocuífafuemo ite,” daífiredio. Afe izói, “Nana ífócido onóigafue caimo ite,” daídio. ²¹ Mei jiáimana llófuetio íadi, ¿nibaí mei dama o abína lletáñedio? Omoi meríriñeno iri daícadío íadi, ¿nibaí mei merírifiredio? ²² Omoi jiruíreñeno iri, dama daícadío íadi, ¿nibaí mei jiruiredio? Jánaraiaina éoidio íadi, ¿nibaí mei íaioi illácomo ite ráífide ráaniai o mériano ráaredimiena jáidío? ²³ Ocuilla uai dibéfodo iere abí ñnotio; mei íadi Juzíñamuina jámairuitio, afe daje ocuífafuena jeire o oñena ícoínia. ²⁴ Meita Cuegáuai ñue daide: “Judíuainédino omoi ícoínia Juzíñamuina fiēni úritiaioi.”

²⁵ Moisés ocuífafue jeire o oíadi omoi finófirena bacano ícoi quétafue uáfuaena omo ráifite. Mei íadi afe uai fígo o íñoñeniadi, jaca quétañegamie izói íitio. ²⁶ Mei jiáifodo, daa bacano ícoi quétañegamie ocuífafue dáina izói jeire oíadi, afémie bacano ícoi quétacamie izói facádoga, quétañega íadi. ²⁷ Afe bacano ícoi quétañegamie, mei íadi ocuífafue jeire

otímie, ona riire jicánoite, bacano icoi quetácamiēna o íadi, daje izói cuega ocuícáfue omo ite íadi, mei áfena jeire oñédioza. ²⁸ Judíona jáillena dama jinófenemo cíoide ráaiñede. Daje izói bacano icoi quetácamiēna jáillena fia abimo cíoide ráaiñede. ²⁹ Mei íadi nahí ráfuiái jíáifodo jóide. Nahí jáidímie ie comécimo áfena jaide. Daje izói nahí bacano icoi quétáfue comécimo dúide. Cuega ocuilla uaimo jaináiñede; mei íadi come joréñodo ie comécimo ite. Bie izói itímie comínimona jíeruñegaza, mei íadi Juzíñamui jíeruiga.

3

¹ Judío ímiēna cue íllemona ¿mínica mei baimo óitícue? ¿Bacan quétáfue mei nibénemo ráifide? ² Judío ímiēna cue íllamona áillofuiái ícoínia ñue ítícue. Daje izói quétafuemo aillo ráifinafue ite. Nano fueñe Juzíñamui ie comeci úrilla uai Judíuaimo orede. ³ Iaióimona dáarie íaiói ínogafuēna féitaiái. Féitaiái íadi, Juzíñamui lloga uai jáanonide, mei afe Juzíñamui jaca féitafinidímie. ⁴ Ie íaiói féitaja íēna nie izói nibáiñede. Mei jíáifodo íteza: nana comini taino llófredino ille llezica, Juzíñamui nana ie jetáacaigafuēna nai uáfueña jáicina finode. Daií Cuegáuái úrite:

O daína uáillaimona jáicinaidímieña o íllana ónoitaiái.

Riire o jicánua mei, comini ñue ínogamiēna ítio.

⁵ Mei caimo ite fiénidífuedo Juzíñamui jáicinaidímie illáfueña jino uáfomo cíotaiadi ¿nie izói dáiticaí? ¿Mei Juzíñamui cai duere finóllena jáicinaíñedímie? (Jamai come úrilla izói úritícue.) ⁶ Mei íeñedeza. Mei Juzíñamui comécina jáicina íñeniadi, ¿nie izói nana énie comini riire jicánoite? Afémie jaca ninomo comécina jáicina jóidímienamona, nana náiraina riire jicánorede.

⁷ Mei cue táinofuiáido Juzíñamui uafue nai jamánomo cue ebíruiadi, ¿nibái mei fiénidímiedícue izói Juzíñamui riire cuemo jicánote? ⁸ Bie uáfueña, ñúefue bíllena nibái mei fiénidífueña finóñedicaí. Afe bie izóidífue llófuiana dáarie caimo jítadaiái. Bifue caimo jítadino comeci fiēni jítainafuedo úritiaí. Bie izói itino duere finólliaí.

Nana caimo ite fiénidífue ícoínia

⁹ ¿Mei níifue? ¿Cai bie judíuai jíáie comini baimo ñuera? Mei ua íeñede. Ja como fidíticaí judíuai naa jíáie comini diga riirede fiénidífue anamo itíaí. ¹⁰ Jaiái Cuegáuái daií daide:

Buna jaca íaífuenidímieña íñede.

Jaca ninó daa ñúemiēna íñede.

¹¹ Daje izói jaca ninó ñúefueña onócadímieña íñede.

Daje izói Juzíñamui daa jenódímieña íñede, ie diga íllena.

¹² Nana Juzíñamuiimona onido jáidiaí.

Afémaci dani fiénidímacina jáidiaí. Buna ninó ñúefue finóñena.

Jaca ninó daa íñede.

¹³ Iaiói úriragoí íbaiñega raíafu izoide, mei iere íaire úritiaíiza.

Iaiói fueño jífuemarífirediaí.

Iaiói fueño ite úrilla jaío afoi izoide, mei jíáima jánana iere fiēni úritiaíiza.

¹⁴ Afémaci daa faidórafuiáido úritiaí, naa

íairede uáillaido.

¹⁵ Come titállena jarire áizicaidiaí.

¹⁶ Iaiói fiēni illáfuedo aillo jíáimaci táinocaitadiaí.

Daje izói comínina zúunaitadiaí.

¹⁷ Afémaci comeci caimare uái illáfueña onóñediaí.

¹⁸ Daje izói afémaci Juzíñamui ñue jacírenafuemo due jiza comeci facáñediaí, —daií jaiái Cuegáuái daide.

19 Nana jaiái ocuícáfue daina uaina, afe ocuícáfue anamo itínomo dúide. Bífueña ñue onódicaiza. Daií Juzíñamui mamérite, nana comini úrillana llícaitalena; daje izói naga nairai Juzíñamui riire jicánollifue anamo íaiói itábicaillena. 20 Ocuica uai jeire cai úado, buna Juzíñamui anamo ñue jaícina íñeite. Ocuícáfue caina jílloñaite; daa caimo ite fiénidifuiaina caina onótate.

Jílloillifue cai ñnogafuedo comuide

21 Mei birui, jácara ocuícáfue oni eneno fiano, Juzíñamui anamo ñue jaícina cai íllena afémie cómfuena caimo onótate. Bie cómfuena uai lloraini ciegánico facádoiadi ónorede. Daje izói ocuilla uai cúeinanicomona jái ónorede. 22 Juzíñamui anamo ñue jaícina cai illifue bífuedo ite. Dama Jesucristomo cai ñnuado bie izói íticai. Nana ie uaimo ñnotinona afémie daje izói fínoite; dáamie jáimie baimo gáñeno nana dájerize jaícina jóoneite. 23 Mei naga come fiénidifuiarede; jílloite Juzíñamuimona nana jica itíaiói. 24 Mei íadi Juzíñamui caimo dúecaillanona, fia íbátáñeno ie anamo ñue jaícina caina itátate. Mei dama ie jító Jesucristodo caina jílloite. 25 Cai finoca fiénidifue íbana Juzíñamui Jesucristo tállamo dane ote. Iemona íaifueña dogá izói iticaí. Bie múiñuafue cai ñnogafuedo caimo dúciite. Bífue daií íficaide Juzíñamuina jaícinaidimie daíllena. Mei jaiái finoca fiénidifuiái íbana raire otátáñede; afémie comécina járidoñedimie. 26 Daje izói daií íficaide birui Juzíñamui jaícinaidimie daíllena. Nana Jesumo ñnotinona Juzíñamui nai birui afémie anamo ñue jaícina itátate. Iemona Juzíñamui nai jaícinaidimiena íoicaite.

27 Ie mei ¿come abí ñnuafue mei ñie izói ite? Afe abí ñnuafue oni eneno fiébicaite. Ocuícáfuiái jeire íaiói úado nai fiéni abí ñnuafuemo itíaiói. Mei íadi Jesucristomo ñnogafuemo fiéni abí ñnollifueña íñede. 28 Nana cai llogáfuiáimona bifue jino llúana ñue baite. Dama Jesumo ñnotimie Juzíñamui anamo ñue jaícina írena. Ocuica uailái afémie jeire ua oni jáífodo joide. Afena Juzíñamui náfuéñede, dama íemo ñnuana náfuete.

29 ¿Meita Juzíñamui dama judíuai íena? Ieñede. Daje izói afe Juzíñamui judíuaiñedino ie. 30 Mei jii Juzíñamui damade. Afémie baimo jáíena íñede. Afémie nana íemo ñnotinona ie anamo ñue jaícina itátate. Afémaci bacano ícoi íaiói quétajana náfuéñede. Daje izói quetáñenana náfuéñede. 31 Ie mei nibai dámie jicánoite. ¿Meita cai ñnogafuedo ocuilla uaina uáitaiticaí? Ieñedeza; úaitañeíticaí. Mei jáífodo Jesuna cai ñnuado afe ocuilla uaina uáfueña jíeruiticaí.

4

Abraham Juzíñamuimo ñnua izói cai ñnollena cai onótate

1 Mei áfemona cai jaiáidigima Abraham dibénemo jáífue jicánoíticaí. ¿Afe Abraham mei ñie ñúefue ote? Daina uai jeire ie ófírenamona abí dine nífuena oñede. 2 Mei Abraham ie finócafuiáido Juzíñamui anamo ñue jaícina ie itábicaíadi, afémie abí ñnorede. Mei íadi Juzíñamui uícori afémie abí ñnonide. Ie finócafuiáido Juzíñamui anamo ñue jaícina itátáñega. 3 Mei jáífodo Ciegáuái daina izói, “Abraham Juzíñamuimo ñnote.” Iemona Juzíñamuimo ie ñnuado Juzíñamui íena “Íaifuenidimiedio” daíde. 4 Da come táijadi, afe táijina íba fia íemo dúecaillano íñega; afe táijitatimie íena íbárede. Mei íadi cai jílloillifue cai táijicanado íba llínua izói llínnonide. 5 Mei jáífodo, dámie jílloña táijina finóñeno, ie jílloillena dama Juzíñamuimo ñnorede; mei Juzíñamui íemo ñnote íaifuiaredimiena llínofiredeza. Mei íemo Juzíñamuimo ie ñnuado, Juzíñamui íena: “Íaifuenidimiedio,” dáite.

⁶ Dama David come cáimafuiaido úrite. Dámie ie uícodo finócafuiaina Juzíñamui náfueñede. Ua náfueñede, mei íadi íemo ie ínuado Juzíñamui íaifuiainide dainámiena afe ínotímie jaide. Afe daiítadímie iere caimare ite. ⁷ David daináuai daide:

Iaioimo ite fiénidifuiaina Juzíñamui dogánona iere ióbidiaioi.

Daje izói íaifuiaina oni féitagamiiai iere ióbidiaioi.

⁸ Daje izói íaioimo ite fiénidifuena náfueñegano iere caimare itíaiioi.

⁹ ¿Meita bie cáimafuiái dama bacano ícoi quetaca judíuaimo duide? Ieñedeza; nana comíni íena mameide. Jira bacano ícoi quétañega judíuaiñedimacimo daje izói afe cáimafue íaioimo duide. Jae llotícueza Abraham Juzíñamuimo ínuado Juzíñamui íena: “Íaifuiainidímiedio,” daide. ¹⁰ Mei íadi ¿níruido daí íena daina? ¿Bacano ícoi quetaa mei daí daina? ¿Nibai quétañenia daí daina? Jíi, uáfueza, nai quétañena llezica daí íena daina. ¹¹ Afe: “Íaifuenidímiedio,” daina méifodo, Abraham bacano ícoi quétafuena Juzíñamui ocuide. Bie quetaínafue onóillena jónega raa izoide, Juzíñamui ja bímie ie ínuafuedo íaifuenidímie daíllena. Daí Abraham nai quétañena llezica Juzíñamuimo ie ínuamona, nana judíuaiñede ínotino moona jaide. Iemona Juzíñamui daje izói nana afémacina: “Íaifuenidíomoi,” daide. ¹² Uáfueza. Abraham nana afémie dama ie ínua izói ínote quétacano moo. Mei nanoide cai moo Abraham ie bacano ícoi nai quétañega ia, ñue Juzíñamuimo ínoteza.

Juzíñamui jica ia raire llogáuai comíni ínuamona ñue ícoimo fuitaca

¹³ Mei jíi, Juzíñamui Abrahana ñuera jica ia raire fidítauai daide. Aféuai llote: “O nana o erófene igímaiairi nana éniena máiñoitiomoi.” Abraham Juzíñamuimo jaiai uícodo ínua jira, Juzíñamui bíuai íemo llote. Fia ocuilla uai ie jeire úado Juzíñamui daí íena daíñede. Ua, dama Juzíñamuimo ie ínuado Juzíñamui íena: “Íaifuenidímiedio,” daide.

¹⁴ Mei dani ocuilla uai jeire otino ñúefuena íaioi maiñóadi, íemona ínogafue comínimo figo jinoñede. Daje llezica Juzíñamui jica ia raire llogáuai ráifinano niné feide. Mei íadi daítañedeza jíáfodo joide. Juzíñamuimo cai ínuafuedo ie caimo lloga ñúefuena maiñóredicai. ¹⁵ Ocuilla uai llóina méifodo aféuai jeire oñédino duere finótalliaioi. Mei íadi ocuilla uai nai lloñena llezica, aféuai náfuenide.

¹⁶ Afe Juzíñamui Abrahamo jica ia raire llogáuai, Juzíñamui ñue riire mamede, nana ie erófene igímaiai afe ñúefue jeire íaioi óllena. Mei jira, afe Juzíñamui lloga ñúefue, fia fecaca raa izói comíni Juzíñamuimo ínuado íaioimo írede, mei áfena íaioi ñéfina cígimona ónidiaioiza. Bífue daííacade, Juzíñamui uícodo raire llogáuai daa ocuilla uai jeire otino íeñedeza, mei íadi nana Abraham ínua izói ínotino ie. ¹⁷ Iemona Abraham Juzíñamui eróicana nana cai moona jaide. Abraham afe Juzíñamuimo ñue ínote. Jaiai Cuegáuaido Juzíñamui Abrahana daí daide: “Aillo náiraiai moona ona jóneticue.” Afémie daí daírede, mei Juzíñamui tíidinona meine abido caátaitaredeza. Daje izói íñede ráaniaina Juzíñamui itátarede.

¹⁸ Aféfuiaimo Abraham fáicanocaiñeno ínoide. Ua comíni daina izói Abraham jamánomo jónaiteza, ja úruenide. Abraham daí úruereillinona úiñonina llezica nai Juzíñamuimo ínuano úiñoide. Afe daí Juzíñamui íena daina izói, Abraham “aillo náiraiai moona” jaide. Juzíñamui bie izói íena daide: “O uícoide erófene igímaiai aillo jébutiaioi,” daide. ¹⁹ Abraham cien fimónamo ánozide íadi, ie ínogafue jaca féiñede. Afémie jónailla izói ie ai jónaillana onode. Ua afengo iere jónaillamona tíiacade. Jae úruena comúitanide. ²⁰ Mei íadi afe llezica Abraham jizíñeno Juzíñamuimo ínofirede. Juzíñamui jica ia raire llogáuaina ruifíruíñeno nai íemo ínoicaide. Mei jíáfodo Abraham áfena féitañeno iere

izire ñnote. Jaca comeci rairuñño Juzíñamuimo úrioicaide. Juzíñamuimo íobioicana úrite.

²¹ Afémie daide:

—Nana jaiái Juzíñamui jica ia raire cuemo lloga rafue Juzíñamui uáfueña cuemo zúitaite, —d-aide. ²² Iemona, íemo ie ñnuado Juzíñamui íena daide: “Íaifuenidimiedio,” daide.

²³ Bie Juzíñamui Abrahana daina “Cuemo o ñnuado jae íaifuenidimiedio” daa Abrahamo cúeñegaza, ²⁴ mei íadi nana caimo cuega cai ñnollena. Mei jira tíllanomona cai Ocuíraíma Jesús cáatate Juzíñamuimo birui ñnoticai. Iemo cai ñnuado caina: “Íaifuenidimiedio,” dáite. ²⁵ Afe Jesús caimo ite fiénidífue ícoínia duere finótagamiéna jaide. Afe mei Juzíñamui anamo ñue jaícina nífuenino cai íllena afémie cáataga.

5

Juzíñamui “Nífuenidimiedio” daina méifomo ñue cai illífue

¹ Mei afe jira, dácaíño Juzíñamui anamo ñue jaícina nífuenino cai illa mei, meine abido Juzíñamuina jáciruññeiticai. Afe comeci caimare uái illafue cai Ocuíraíma Jesucristo ie tíllado cáiena ote. ² Mei jii, cai ñnuado bie afémie cai cánuafue dibénemo jónegacai. Aferi izire jaináidicai. Iemona íóbifiredicai, mei Juzíñamuimo ite ebíredemona cáiena oni máíñoiticaíza. Afemo ocuíticai. ³ Daa bie cai ocuírillamo íobiññeiticai, mei daje izóí duere cai zefuíllífueño íóbíticai. Mei onódicaíza duere cai zefuíllífue cai comeci járitaññafue caimo comuide. ⁴ Iemo afe comeci fígomie dáinana caina jáitate. Iemo fígomie dáinana mei Juzíñamui cáimafueño úíñoifireiticaí. ⁵ Iemo bie úíñoínafue caina zúucaitaññeite, mei Juzíñamui caina ie izíruíllafue ñue caimo llóteza. Bie caina ie izíruíllafueña ie oreca Ñuera Joréñodo onódicai.

⁶ Dáni cai ñéfiná cígimona jíllonidicai. Daí cai illa llezica, Juzíñamui jica ia mamécaruimo, Jesucristo nana fiénidíno ífomo tíizaíbite. ⁷ Biniemo comécina jaícina jóidímie tílla ífomo tíitiména íñede. Mei níbai jamánomo fígomie ífomo, daa tíirede. ⁸ Mei jíáífodo cai fiéni illa llezica, Cristo cai ífomo cai jíllóíllena tíizaíbite. Afedo Juzíñamui caina ie izíruíllafue caimo cíotate. ⁹ Iemona ja birui Cristo tíllamona Juzíñamui anamo ñue jaícina iticaíza, ie jira íraíruiño ite duere fínuafueño, Cristo cai rairuíllado, jamánomo oni eneno íredicai. ¹⁰ Nai afémie bacáuái ímácina cai illa llezica, ie Jitó cai ícoínia tíide. Daí ie tíllamona, Moo Juzíñamui comécina jáciruítanegacai. Ja birui cai comeci íena jáciruññenamona, birui ie cáanado jamánomo ñue jílloredicai. (Ua caade Cristo Juzíñamui uícomo caído úrite. Afe daí ie úrioinado, íco bite duere cai finóllífueño jíllóiticaí). ¹¹ Daa bífueñedeza, nane bie emódomo cai Ocuíraíma Jesucristodo Juzíñamuimo íobioíticai, mei afe Crístodo Juzíñamuina cai jáciruññenamona oticaíza.

Nanoide Adán caimo comuítagafueño Juzíñamui caina éoicaide; mei jíáífodo Cristo caimo comuítagafueño Juzíñamui caimare caído eróicaide

¹² Mei onógaza, dáamiemona fiénidífue nana comínido jaide. Ie mei afe fiénidífueño tíllafue daje izóí naga cómemo comuide, mei naga come fiénidífuiáiredeza. ¹³ Moisés ocuilla uai nai íñena llezica, fiénidífue jaca comínido ite. Mei íadi ocuilla uai nai íñena llezica, afe fiénidífue comínimo nítañega. ¹⁴ Mei íadi jaiái Adán illágimamona Moisés illágimamo fiénidífuiái finódino tícoízifrediaíoi, mei tíade ríino anamo itiaíoi. Juzíñamui jónega íaíoi comeci ñue úrilla uaimo náfueñediaíoi. Daí náfueñenamona íaíoi fiénidífue comuide. Mei jíáífodo Adán fiénidífue Juzíñamui uáfodo lloga rairuica uai jeire ie oñenamona comuide. Mei íadi bie Moisés uícodo itino fiénidífue jíáínodo comuide. Adán finoca fiénidífue izóí comuñede. Afe Adán uire biite Cristo jana.

15 Adán náfueñegafue Juzíñamui caïmo fia iga cáimafue izóíñede. Mei dama Adán náfueñegafuedo nana comini timáritiaioi. Mei íadi Juzíñamui raiñóñeno caïmo fecaca jíllonafue jamánomo baïmo ñuera. Dama Jesucristodo aillo comini canócaiaioi. 16 Dáamiede finoca fiénidifue jaca Juzíñamui caïmo fecaca jíllonafue izóíñede. Mei afe daade Adán náfueñegafuemona cai duere finóbillifue zúide, mei jiáifodo Juzíñamuimona caïmo lloga jíllonafuedo, Juzíñamui raiñóñeno aillo cominina ie dibénemo ñue jaícina itábicaitate, aillo íaioi náfueñegafuiaí íaioïmo ite íadi. 17 Mei jii, daa come náfueñenamona titáfirede riino anamo nana comini are ninomo itíaiioi. Mei jiáifodo dáamiede Jesucristodo nana Juzíñamui anamo raiñóñeno ñue jaícina jóonegano, jamánomo baïmo ñuera ziiñona íaioi ille riino óitiaioi.

18 Mei dáii Adana náfueñegafuemona duere finóbillafue nana cominimo comuide. Daje izóí Jesucristo nífuenide comécimona tízaibillafuemona, duere finóbiñenafue nana cominimo zuide. Daje llezica ziiñona cai illifue caïmo comuide. 19 Bie daide: dáamiede jeire óñegafuemona nana comini fiénidifuiairedinona jáidiaioi. Mei íadi dáamiede Jesucristo jeire ogáfuemona aillo comini Juzíñamui anamo nífuenidinona ñue jóonegaiaioi. 20 Mei jaiái Juzíñamui cai ocuilla uai caïmo lloga, caïmo ite fiénidifue jino uáfodo cai onóillena. Ua, ocuilla uai llua mei caïmo ite fiénidifuiái aillo jebuide. Mei íadi daje llezica Juzíñamui caïmo dúecaillafuiaí daje izóí afe fiénidifuiái baïmo aillo jamánomo jebuide. 21 Iemona, fiénidifue caïmo íllamona afe riirede fiénidifue caina titárede. Daje izóí Juzíñamui caïmo izire dúecaillano, Juzíñamui anamo nífuenino ñue jaícina cai illa llezica, cai Ocuíraïma Jesucristodo, afémie caina ziiñona cáatarede.

6

Comini fiénidifuiáïmo íllamona tíidino izóidiaioi, mei íadi daje llezica afémaci Crístomo ñnuamona cáadiaioi

1 Nana bie caïmo llógamona ¿nie izóí dáiticaí? ¿Mei nibai fiénidifue finócana uiticaí, Juzíñamui jamánomo caïmo ie dúecaillafue caïmo ácatallena? 2 ¡Mei íeñedeza! Cai bie ja fiénidifue dibénemo tíidinodicaiza ¿mei nie izóí, fiénidifuemo nai íoicaiticaí? 3 ¿Nai bífuena onóñediomoí? Nana cai ie báutizaïllaruimona Jesucristomo uáfuenta jainaina llezica, dáaruido afe Cristo tíilla dibénemo jaináitagacaí. 4 Mei jii, cai báutizaïllaruimona Cristo diga dáafomo raigacaí izóidicaí. Iemona aféruimo tíidinona maméidicaí. Ua tíidinona mamécacaí, áfemona Cristo ie tíillanomona meine abido cáadimiena jailla izóí, birui cáadena cai jáillena. Daíí cai jaillano cómofuemo íocairedicaí. Mei jii, Cristo ie Moomo ite jamánomo ñuera riinodo meine cáadimiena jáitaga, íemo daje izóí afe daje riinodo cómofuemo íocairedicaí.

5 Uáfuenta dáitícue, Cristo tíilla izóí tíidinona jae mamécacaí. Iemona daje izóí ie meine abido cáadimiena jailla izóí, dani cai tíillanomona meine cáataga izóí cómofuiáïmo íredicaí. 6 Cristo cruzmo coraica llezica nauí fueñe cai illafue dánomo titácaza onódicaí. Uafue, afefue titaca, nanómona cai comécimo ite fiéni gáinano caina anáfenoñeïllena. Iemona fiénidifue dibénemo rairuicanona íñeiticaí. Daje izóí riire tájitatimie jainaina izóí, fiénidifuemo jáinaiñeiticaí. 7 Mei jii, Cristo diga tíidimie ja íaïfuemona oni jirecaide. 8 Iemona dácaïño Cristo tíilla izóí dánomo afémie diga, cai comeci fiéni óiacanafue tíide izóí féitaga. Nauí daíí ie diga cai tíillamona, daje izóí biruïllaïdo afémie diga cai íllana ua onódicaí. 9 Mei onódicaiza, Cristo dácaïño tíillanomona meine abido cáadimiena jaide. Daíí meine jaillano ja meine abido dánomo tíiñeite. Afémie ja ménacaïño tíinide. 10 Mei Cristo ie tíïllaruïmo, fiénidifue dibénedo dácaïño tíide, jaca ninomo nane tíiñeïllena. Mei íadi afémie meine cáadena jaillano ie cáanano Juzíñamuïmo duide. 11 Daje izóí, mai

fiénidifue dibénemo tíidino izói omoi iri. Mei jiáifodo Juzíñamui íena cáadinona mai omoi iri. Afemo izire comécimo mai omoi facáoiri, mei cai Ocuíraima Jesucrístomo dájena jaináidiomoiza.

¹² Ie jira fiénidifueña omoi abina náamatatañeno iri; afefue omoi ziiñona iñena abi ana úillemona abí omoi rairuiri. Mei Taife comuítaga caimo ite íaifue cai abi fieni jítainafue jino déillena ocuíoideza. Afemona izire abi omoi rairuiri. ¹³ Dani omoi abina fiénidifueña finótañeno iri. Mei jiáifodo dani omoi abina Juzíñamuimo omoi jaináitari; ua, tíllanomoná meine cáadena jaide izóidino afémiemo omoi abi jaináitari. Ie jira nana omoi abina Juzíñamui ñúefue finóllena, omoi jaináitari. ¹⁴ Ja benómona fiénidifue ómoína ana úiñeite. Mei ocuilla uai anamo ja íñedicaiza; mei jiáifodo Juzíñamui cairi dúecaillafuemo itícaiza.

Comini jacire riire rairuúllaruimona daa ráfuena caína onótate

¹⁵ Ie mei ¿nie izói iticai? Mei ocuilla uai anamo íñedicaiza mei jiáifodo Juzíñamui cairi dúecaillafuemo itícaiza; íemona ¿meita fiénidifue finóredicai? Ieñedeza, finónidicai. ¹⁶ Ñue onódiomoiza, ómoimona nágamiai riire ocuídillaímamo fecaca llezica, aféllaíma ocuúllana ñue jeire órediomoi. Daje llezica aféllaímamo izire jaináidiomoi. Bie izói caimo ite fiénidifuiái, jacire ocuídillaíma ana uilla izói, nana caína ana uite. Afemona tíllafue naga cómemo comuide. Mei íadi Jesumo cai íñua llezica jiáie cai ocuídillaíma Juzíñamuimo dúidicai, comécina jaícina ñue jóidimacina nágarui cai íllena. ¹⁷ Mei íadi ómoiri Juzíñamuina: “Iere figora,” daidicue. Mei nauí fiénidifueño izire rairuúcanona omoi illa llezica, ómoimo lloga llófueinafuena ja ñue jeire otíomoi. ¹⁸ Afe fiénidifueña oni omoi jirecailla mei, jiáie ocuíraima Juzíñamui rairuúcanona jáidiomoi. Iemona comécina jaícina ñue jóidinona nágarui írediomoi. ¹⁹ (Ua omoi onoiga comini ráfuiaido úriticue, mei omoi ífoci déiñenamona bífuiaína ñue cacánidi omoi.) Nauí fieni illáfuiáimo omoi abina jaináitafirediomoi. Nane afe baimo jiáie jamánomo fieni abi fínuamo abina finótadiomoi. Nauí daí abina omoi finota izói, mai birui comeci jaícinaínaífuemo abí omoi jaináitari, dama Juzíñamui íena oni eneno ñue mamécanona omoi íllena.

²⁰ Nai fiénidifuiáimo riire rairuúcanona omo illa llezica, comeci jaícina jóinaífuemo jaináíñediomoi. ²¹ Nauí omoi illáfuiáina birui meáruitomoi. Mei aféfuiaímona ¿nie cánuafuiái otíomoi? Oñédiomoiza; tíllafue diné jaca ómoína uite. ²² Mei íadi fiénidifueña oni eneno omoi jirecaillamona, ja birui Juzíñamui rairuúcanodiomoi. Iemona birui afémiemo ñue jaináidiomoi. Bie izói omoi íllamona, Juzíñamui íbana ñue caimare ómoína cánoite. Ua afémie íeíena ómoína oni eneno ñue fínoite. Iemona afe ícoímo ziiñona illáfueña óitíomoi. ²³ Fiendi cai íllamona daa tíllafue óitícaí. Mei íadi Juzíñamui raiñóñeno fia caimo iga raa, cai ziiñona illífué. Bie ziiñona cai illífué dama cai Ocuíraima Jesucrístomo dájena cai jaináinamona caimo iga.

7

Iima áireinamona ringo iníreinamona daa ráfuena cai onótate

¹ Amatiai, onódiomoiza, da come dama nai ie tíñeniadi, ocuilla uai nai íemo dúide. ² Ja omoi onóigafue jino llóiticue, áfedo jiáifueña omoi onóillena. Da inírede ringo, ie ini caana llezica, ocuilla uaido ie inimo cuinaca izói jainaide. Mei ie ini tílla mei, afe íemo jaináitate ocuilla uáimona afengo jae oni jirecaide. ³ Afe llezica afengo jiáie ímamo inírena ñuera. Afengo daí iníreilla jiruúreñede. Mei íadi ie ini nai ítemo afengo jiáie íma diga illa afengo íere jiruúrede.

⁴ Cue amatiai, birui Jesucristo abímo dájena jaináidicai; ua iníredíngo inimo jainaina izói jaináidiomoi. Afe Crístomo omoi jaináinamona, ie tíllado tíidinona mamécaomoi. Ie jira ocuilla uai dibénemo tíidino izói iticai. Fueñe bie ocuilla uaimo, ringo inimo jainaila izói,

jaináidicaí. Mei íadi ja birui tíidino izói cai íllamona afe ocuilla uaimo jaináinédicaí. Dama tíillanomonona meine abido cáadimiena jaide Crístomo jaináidicaíza. Afe bie Crístomo cai jaináinana Juzíñamui caimo comúitate. Ua comúitate caido ie comeci jítainafue ñue ícoimo cai fuitállena. ⁵ Mei nanómona comini comécimo itifue dibénemo cai ífirena llezica, afe ocuilla uai cai abimo ite fiéni óiacanafuiaina cazítate. Aféfuiaí caina ana tíillinomo uite. ⁶ Mei íadi ja birui afe ocuilla uai dibénemo tíidino izóidicaí. Fueñ afe ocuilla uai anamo riire iticaí, mei íadi ja birui afe uáimona ñue oni jírecaidicaí, Ñuera Joreño cómuena méidoga caimo itífuedo Juzíñamui ocuícamacina cai íllena. Jaiaí cuega ocuilla uaido Juzíñamui ocuícamacina ínidicaí.

Cuomo ite íaifue cue caimare illafue llótaidote

⁷ Iemona ¿mei nie izói dáiticaí? ¿Ocuilla uaina fiénidifue daíredicaí? ¡Daíínidicaí! Mei íadi afe ocuilla uaido fiénidifuena onótagacue. Afe uai nai jino lloñena llezica fiénidifuena onóñedicue. Ja omoi onóigafue jino llóiticue, áfedo jáífueña omoi onóillena. Ocuilla uai nai cuena dáíñeniadi, aino come raana óiacanana onóñedicue. Mei íadi afe daíí llua mei fiéni óiacanana onódicue. ⁸ Afena cue onónamona, bie ocuilla uai llúado, cue comécimo ite naga fiéni jítainana uáfodo cazítaga. Mei ocuilla uai nai cuemo lloñena llezica, fiénidifue tíide izói uái illano figo onóñedicue. ⁹ Nauídiruimo, ocuilla uai cúemona nai oni eneno illa llezica, cue comeci úrilla caimare ite. Mei íadi ocuilla uai ja llúaíbillado fiénidifue meine abido comuide. Afefue meine comuíllamona fállena cue orede. ¹⁰ Dinómona bie izói cuemo zúide. Daje cuena ñue zíiñona illífuemo úirede uaillaí, ñue illífuemo cuena uíñede. Mei jáífodo cue dibénemo, cuena ana tíillanomo uite. ¹¹ Mei jíí, fueñe fiénidifue cuemo íñede daídicue. Mei íadi ocuilla uaina cue fídiamona, cuemo ite fiénidifuiaina onódicue. Afe ícoinia Juzíñamui fáiacagamiena iticue.

¹² Afemona onoiga, afe ocuilla uai iere ñuera. Daje izói lletara uai jamánomo ñuera. Afe uai ñue jaícina jóidíuai. ¹³ ¿Meita bie ñuera ocuilla uai cuena ana tíillinomo úirede? Ñue onóigaza, úinide. Mei jáífodo cuemo ite fiénidifuedo ana tíillinomo uigacue. Afemona uáfueña cíotagaza, bie fiénidifue ua nahí fiénideza. Afe cuena ana uillafue ñúefuedo finoca. Daíí Juzíñamui ocuilla uai, nana fiénidifuiái jamánomo íaire nana caina onótate.

¹⁴ Afe ocuilla uai Juzíñamui Ñuera Joréñomo dúidifue. Afena onódicaíza. Mei jáífodo nanómona cue comécimo itifue Ñuera Joréñomo dúíñede. Mei izire rairuícamié izói íaifue finuanamo fecácamié izóidicue. ¹⁵ Birui cuemo íficaidifueña onóñedicue. Ñue cue comeci jítainafueña finóñedicue, mei íadi cue comeci éoillafueña áfena finófiredicue. ¹⁶ Mei cue comeci jítaiñenafue cue finóadi, afe cue finócafue fiéninana onódicue, mei Juzíñamui Ocuilla uai cuena áfemona rairuúdeza. Iemona afe bie ocuilla uaina nahí ñuera daídicue. ¹⁷ Mei daíí áfena dama finóñedicue, mei jáífodo cuemo ite íaifue aféfuemona comuide. ¹⁸ Mei onódicueza, dama cuemo ñúefueña íñede. Bíedo daííacadíicue, nanómona cuemo itifue ñúeñede. Mei jíí, cue comeci ñúefue finóacade, mei íadi áfena jaca finónidicue. ¹⁹ Cue jitaíga ñúefueña finóñedicue; mei íadi cue jítaiñega fiénidifuiaina finócadíicue. ²⁰ Iemona cue finóacañega fiénidifue cue finóadi, dama cúeñedeza, cuemo ite fiénidifuemona comuide.

²¹ Daíí jaca bie izói cuemo íoicaide: mei ñúefue cue finóacania, áfena baiñeno dama cuemo ite íaifuiái báífiredicue. ²² Mei jáífodo cue comécido Juzíñamui ocuilla uaina gáidíicue. ²³ Mei íadi afe llezica cue comécimo ite jáíie niné cue úiacade uaina comécido onódicue. Afe uai cue ífoci úrilla ñúefueña niné féitaoide. Afe bie fiéni cue rairuíoide uai cue abimo ite. Afe uai cuena llavéoide.

²⁴ ¡Nai iere íóbiñedimiedíicue! Bie ana tíillamo cue uite abímona, ¿bu oni cue jírecaítalle? ²⁵ Dama Juzíñamui íe Jitó cai Ocuíraíma Jesucrístodo bífuemona cuena oni jírecaítarede. Iemona, ja birui Juzíñamuina “Íere figora” daídíicue. Iemo cue illafue bie izói ite: Juzíñamui ocuilla uai anamo cue itábicaíllena dama Juzíñamui jóonega cue comeci ñue

úrillado finóredicue. Mei íadi dama cue abi dibénedo nanomo cuemo itífuedo llavécaigacue. Dinómona fiénidifue cuemo íoicaide. Ioicaillamona fiénidifuiaina jaca finóicaidicue.

8

Juziñamui Ñuera Joreño úicaigamie illafue bie izoide

¹ Mei ja benómona, nana Jesucristomo dájena jaináidinomo duere finótaituiai jaca iñede. Afémaci Juziñamui Ñuera Joreño riinodo afe Joreño illa izói ífirediaioi. Dáanomo afémaci nanómona comécimo itífuiiai izói coméciñediaioi. Daje izói nánorafuiaina náfueñediaioi.

² Juziñamui Ñuera Joreño cai rairuilla uai, dájena Jesucristomo cai jaináinamona, caina ñue cáataite. Afe llezica caina rairuide Ñuera Joreño uai, afe nanómona cue rairuilla fiénide uáimona cuena oni jirecaitate. Afemona fiénidifue ana tíllinomo cuena úiñeite. ³ Moisés ocuica uáimona finónidifue, Juziñamui daade ie Jitó ana óriano áfena finode. Afe caimo ite fiénidifue mona oni cai jirecaillafue Moisés ocuilla uáimona finónide, mei nanómona cai comécimo fiénidifuiiai íllado, afe uai riinonideza. Iemona afe uai figo jinoñede. Ie jira Juziñamui cai oni jirecaitallena, daade ie Jitó jamai cómena bie éniemo jécitade. Afe mei, cai fiénidifuiiai ícoinia cai ifomo Juziñamui ie Jitó fatátate. Bie izói daina daiíacade, bíniemo ite fiénidifuiiare dino comínina íaioi illa izói, afe izói Juziñamui ie Jitó ana bíniemo orede. Afe bie izoide ória mei, afémie abi, cáie izói eroide, mei íadi afémie íaifuenide. Afe izói ie íllamona afémie bíniedo ua nífuenidimiena jáicaillado nana caimo ite fiénidifuiaina anáfenode. ⁴ Mei ocuica uai jeire cai óllena, afémie nana bie izói finódeza, mei ja nano cai comécimo comuídifuiaimo coméciñedicaiza. Afena ja náfueñedicaí. Mei jáífodo Juziñamui Ñuera Joreño ífuiaimo comécioidicaí; aféfuiaína ñue náfueticaí.

⁵ Nano comécimo fiéni comuídifuiaimo coméciidino, daa bie cai abi ífuiaimo izire comécido lícioidiaioi. Mei jáífodo Ñuera Joreño ífuiaimo coméciidino afe Ñuera Joreño daináuaimo izire comeci fáioidiaioi. ⁶ Da bie cai abi ífuiaimo comeci izire cai lícioia, ana tíllinomo caina uite. Mei jáífodo Ñuera Joreño daináuaimo izire comeci cai fáioia, zíñona illífue mo caina uite. Iemo daje izói caina caimare uái illínomo uite. ⁷ Daje bie cai abi ífuiaimo izire comeci lícioidino, Juziñamui uáitatimacina jáidiaioi, mei afémaci, nana comíni Juziñamui ocuilla uaina gáñediaioiza. Afémaci áfena gáñenamona afe uai anamo ínidiaioi. ⁸ Ie jira nano cai comécimo comuídifuiaimo jaináidino Juziñamuina íóbitanidiaioi.

⁹ Mei íadi Juziñamui Ñuera Joreño ja ómoimo íllamona, comécimo fiéni itífuiaimo, cuinaca izói, izire jaináñediomoi. Mei jáífodo Ñuera Joreño dájena iere jaináidiomoi. Cristo Ñuera Joreño ña iñédimie Cristo íeñede. ¹⁰ Cristo ómoimo íllamona ómoimo ite joreño caade. Ua, Juziñamui anamo ñue jaícina itábicaillamona omoi joreño cazítaga izoide. Mei íadi afe llezica caimo ite fiénidifue cai abina ana tíllinomo uite. ¹¹ Mei jáífodo Jesucristo tíllanomona Juziñamui Ñuera Joreño do meine abido cáadimiena jáitaga. Iemo afe Cristo cáadena jáitate Juziñamui omoi tíifirena abina nane meine cáadena jáitaitate. Ua ómoimo ite Juziñamui Ñuera Joreño do Juziñamui cáadena jáitagamacina ómoína fínoite.

¹² Amatiai, mei daií cai comécimo fiéni ífiredifuiaimo coméciñellena, izire ocuicanodicaí. ¹³ Da bie omoi abi ífuiaimo omoi coméciioiadi, tíllinomo ana ómoína uite. Bie cai comécimo itífue jaca fiénidifue caina finótate. Mei íadi afe ómoína finótate fiénidifue Ñuera Joreño do omoi anáfenoiadi jaca ninomo cáaitiomoi.

¹⁴ Nana Juziñamui Ñuera Joreño ífócamaci, Juziñamui úruiai. ¹⁵ Mei jii, ómoimo iga Ñuera Joreño, jacire ráiruite joreñoñede. Daje izói ómoimo ite Ñuera Joreño ómoína meine jacíruitañede. Mei íadi afe ómoimo iga Ñuera Joreño Juziñamui jítótaiaina ómoína mamede. Afe Joreño Juziñamuina “Cue Móodio” caina daiítate. ¹⁶ Da bie Ñuera Joreño caimo ite

joreño diga, dájena nabáizaibite “Juzíñamui jítódicaí” caina daíllena. ¹⁷ Afe daí ie jítótiaína cai íllamona, Juzíñamui raire uícodo caimo lloga feci raa izoide cáimafue maiñóredicaí. Afe cáimafue dama Cristo ie, mei afémie Juzíñamui nahí Jitoza. Mei íadi ja birui áfena daane afémieoiri maiñóredicaí. Afe Cristo duere zefuilla izóí, daane birui duere cai zefuíadi, Juzíñamui caina cíote. Iemona Juzíñamui ebíredifuenta íemo nitalle izóí, afe izóí caimo nítaite.

¹⁸ Iemona ja biruíllaido duere cai zefuilla figo ráañenamo comeci facádicue. Afefue ráañenari íóbídícue. Ua afe aillóñedeza áfena lloñédícue: mei afe uire caimo cómuite ñue ebíredifue jamánomoideza. Afe ebíredifue duere zefuíllafue baímo jamánomoideza, afe duere zefuíllafuena úibiñoñeiticaí. ¹⁹ Nana Juzíñamui finoca cómena maméñedinuiai, Juzíñamui jítótiaí meine cáadino jaillano jino cíotalliruimo iere izire úiñoídiaíoi. ²⁰ Ua comínimo ite fiénidifue ícoínia, nana afe Juzíñamui comuítaganuai zuure fíallifue mo mamécaiaíoi. Daní íaíoi jítainamona aféfuemo mámeñegaiaíoi. Mei íadi Juzíñamui daí íaíoiña mamede; afe ie comeci jítaina ízoi mamécaiaíoi. ²¹ Mei afémie nana ie finócanona riire ocuífafuemo oni jirénoiacade. Daje izóí ie finócanona niné táinocaitifue mo oni jirénoiacade. Afe íaíoi jirénollifue mo Juzíñamui ñue coméciide. Daí íaíoi oni jirecaitaite, Juzíñamui jítótiaíoi ebire jaícina joide cáimafuena íaíoi maiñórilla. ²² Onódicaíza, jaiái fiénidifue bínemo táinéinanomona, nana Juzíñamui finoca cáadinuiai abí izírenari murífirediaíoi. Ua jaiáimona nai biruimo, ringo úrue jocóacana llezica izínalla izóí, nana ie comínina mámeñega comuítaganuai izi cácadiaíoi. ²³ Daa afémaci izi cácañenaza; daje izóí cai izi cácaillano, afe caina jaícina ñúeitalliruido izire ocuítiticaí, Juzíñamui Ñuera Joreño caimo ite íadi. Juzíñamui ícoí aillo caimo fecalle caimátaillifuaíimona, bie Ñuera Joreño fueñe raire uícodo caimo íga. Mei íadi nai bínemo iere zuure murífiredicaí; mei Juzíñamui jítótiaí maméidicaí íadi, móonidiza jíaíe come íena náamataja izóí, cai ie náamatalliruimo ocuítiticaíza. Aféruimo nana fiénidifuaíimona, naa jíaíe cai rairuíoide íaífuiaíri, Juzíñamui cai abina oni jirecaitaite. ²⁴ Afe bie cai jíllollifue mo úiñoídicaí. Jesucristo daí caimo llogáuaimo afe jeire cai úamona, áfemo úiñoídicaí. Afemo daí izire cai úiñoínado jíllotagacai. Cai úiñoíga raana cai cíonamona, jae áfemo úiñoñeiticaí, mei jae íteza. ²⁵ Mei jíaífodo cai cíónena raamo cai úiñoíadi, ja áfemo raire járitaño úiñoíredicaí. Iemona Juzíñamui Ñuera Joreño, Juzíñamui jítótiaína cai maméinamo uaina nabaide.

²⁶ Daje izóí Juzíñamui Ñuera Joreño mei nífue Juzíñamuimona cai jícallena ñue caina cánuaibite. Juzíñamuimona jaícina ie jitailla izóí cai jícajana onóñédicaí. Mei daí cai illa llezica, Ñuera Joreño come uaido jino llónide murilla uaido Juzíñamuimo caído izire jícade. ²⁷ Juzíñamui naga come comeci ífuena ñue onóíllena izire jícanofiredimie. Afemona Ñuera Joreño caído daíacanana Juzíñamui ñue onode, mei Ñuera Joreño, Juzíñamuimo jaináidínodo Juzíñamui comeci jitailla izóí izire íaíoi mo jícadeza.

Nana zuure íaífuiaíimona caíófeficaíredicaí

²⁸ Onódicaíza, Juzíñamui nana cómemo íficaitifuaína ñue jaícina mamede, nana íena izíruitino ñue íllena. Ua Juzíñamui comeci jítaina izóí, ie jírrigano ñue íaíoi íllena, Juzíñamui illa dígamíemo cómuítifuaína ñue jaícina zúitafirede. ²⁹ Mei Juzíñamui nana ie uícodo onóígano nanómona mamede, ie Jitó illa izóí íaíoi íllena. Bie izóí íaíoi íllamona Juzíñamui Jitó ámatiaína itíaíoi. Afemona aillo ite ámatiaí cígímona Jesucristo dama námiena jaide, Juzíñamui jaiái uícodo mámia izóí. ³⁰ Nana daí ie mamécanona, daje izóí íaíoiña jírite. Nana ie jírriganona, daje izóí ie anamo ñue jaícina itábicaítate. Daje izóí, nana daí ie anamo ñue jaícina itábicaítaganomo Crístomo nitaca ebíredifuenta afe izóí íaíoi mo nitade.

³¹ ¿Bífuena nie izóí dáiticaí? Juzíñamui cai dibénemo íadi, ¿mei bu caina anáfenolle? ¡Cai anáfenoitena íñede! ³² Juzíñamui dama ie daade nahí Jitona cáimona rairuíñede.

Mei jáifodo nana ñue cai jílloillena, ie daade Jitó titállena jeruíñeno fecade. Iemona onódicaiza, nana jáie cai jitaille riiduana naa ie Jitóiri nágarui caimo fecáfireite. ³³ Juzíñamui nizécamacimo, ¿bu fiénidifuena nitárena? Afe izói nitaitimie ñede, mei afémaci nífuenidinona Juzíñamui jae jino uáfodo llógaza. ³⁴ Afe Juzíñamui nizécanona, ¿mei bu duere finótarena? Iaioina duere finótaitimie jae ñede, mei Jesucristo íaioi ícoinia tízaibiteza. Afe baimo Jesucristo tíllanomona meine abido cáadimiena jailano, Juzíñamui nabézimo ráinazaide, dinómona Juzíñamuimona cai ie canóllifuena izire jicállena. ³⁵ Cristo cai ie izíruillana, ¿bu mei féitarena? ¿Meita duere cai zefuíadi, Cristo caina izíruillana féitaite? Féitanide. ¿Meita llotáiredífuiaí caina ie izíruillana féitaite? Féitanide. ¿Meita fiéni caina finóacadino caina ie izíruillana féitaite? Féitanide. ¿Meita júbietailafue caina ie izíruillana féitaite? Féitanide. ¿Meita inícuironinafue caina ie izíruillana féitaite? Féitanide. ¿Meita jácifuiaí caina ie izíruillana féitaite? Féitanide. ¿Meita tízaillafue caina ie izíruillana féitaite? Féitanide. ³⁶ Juzíñamui Cuega Uai bie izói dáideza:

Nágaruillaí o ícoinia tíllanomo áinozitagacai, mei íadi tíñedicai.

Daje llezica caina titalle ovéjaiaí izói mamédiaioi.

³⁷ Mei íadi nana bie zúuredífuiaimona, caina izíruitimie Jesucristodo, caifófeficaidino baimo ñue jino jáidicai. ³⁸ Iemona ñue onódicueza, Juzíñamui cai ie izíruillana ráruitena ñede. Naga raamo cai júriadi Juzíñamui féitañeno caina izíruioide. Cai tíllifue Juzíñamui caina izíruillana cáimona feitañeite. Daje izói bíniemo cai cáanafue caina ie izíruillana cáimona rairuínide. Daje izói Juzíñamui abi imaci caina ie izíruillana cáimona rairuínide. Daje izói fiéni ríinorede júriaí caina ie izíruillana cáimona rairuínide. Daje izói biruido comuídifuiaí caina ie izíruillana cáimona rairuínide. Daje izói uire cómutifuiaí caina ie izíruillana cáimona rairuínide. ³⁹ Daje izói Juzíñamui abi imácimona ríllaini caina ie izíruillana cáimona rairuínide. Daje izói Taífemo jaináidino ríllaini caina ie izíruillana cáimona rairuínide. Ua nana Juzíñamui finócanuiaimona buna Crístodo caimo jino ciótaga izíruillana cáimona rairuínide.

9

Juzíñamui jaiái uícodo Israel nairaí nizede

¹ Ja birui jáifue ómoimo llóiticue. Crístomo cue jaináinamona táinona llóñeiticue. Daje izói Juzíñamui Ñuera Joreño nabáioicaigacueza cue comeci urilla uai ñue jino deide. Afedo bie cue lollifue nahí ua ráfueza, onódicue. ² Be ñie: nana cue nairaí comíniri iere zúruiticue. Afémaci Crístomo ínoñenamona zúufueri comécina cuidíridicue. ³ Iemo mei cue dáinamona níbaí afémacina jíllotareniaí, Juzíñamuina, “Mai fiéni cue faido,” níbaí raire dáititicue. Mei íadi cue daína izói Juzíñamui cue faidódena, cue nairaí imácina cánoñeite. ⁴ Afémaci jaiái Juzíñamui nizécamie Israel, méifomo comúcana jáidino. Daje izói afémacina Juzíñamui daide:

—Bimaci cue nairaí, —daide. Afe mei íaioi cígimo ie íllado íemo ite áillue ebírede ríino Juzíñamui íaióimo jino ciótate. Daje izói íaioina ie ñuera finóllifuaí Juzíñamui íaióimo llote. Iemo Juzíñamui Moisédo ocuica uaina llogáiaioi. Daje izói Juzíñamuina nahí caimátaitajana onótagaiaioi. Daje izói Juzíñamui lloga caimare íaioi illíuui íaióimo íteza. ⁵ Bimaci mámecina jica jalleide júduai jáiáidigimamona comútagano. Iraínomo íaioi náiraímona Cristo cómena jócuai biga. Bífuaímona Juzíñamui naga ráfuiaí jamánomo ocuállana onódicai. Iemona nana náiraímona illa dígamiaí Juzíñamuina jaca ninomo fáicanocaiñeno íóbitarediaioi. Mai daí íteza.

⁶ Díga ñúefuiaí cue náiraímo duide; mei íadi Crístona náfueñediaioi. ¿Mei níbaí? ¿Níbaí Juzíñamui uícodo lloga Israelna ñuera daínaúai figo déizabiñede? Daí daíñedicueza. Jáifodo jóide. Nana Israel náiraína maméidinomona dáarie Juzíñamui nízeñegano. ⁷ Daje

izói Abraham méifomo comuídino dáarie ie nahí úruiañediaioi. Jaiai uícodo Juzíñamui Abrahana daide:

—Dama Isáacimona cómutino o uáfueña méifomo comuídina jaille, —daide. ⁸ Bie uai jáífueña cai onótateza: Dámie ñuera náiraimo jócuado, dama áfedo “Juzíñamui jítódicue” dañide. Mei jáífodo Juzíñamui uícodo daña uai fúitamona jocócana, dama afémaci ie uáfueña méifomo comuídina mameina. ⁹ Juzíñamui Abrahana uícodo daña uai be ñie: “Uire afe nauí cue mamécaruimo meine bíiticue; íemo o ai Sara jító jócoite,” daide.

¹⁰ Iemo nai jáífueña ite. Rebeca jító íaillinoi dáamiena móorediaillinoi. Iaillinoi moo cai jaiaídígima Isaac. Afe jító íaillinoi guarázaillinoi. ¹¹⁻¹² Mei íadi íaillinoi nai jocóñeniadi, afe ménaillinoi nai ñífuenina illa llezica, Juzíñamui Rebécana daide: “O jító nánoramie ie méifoide ama anamo jabóidimiena íite.” Juzíñamui daí daide, bífueña cai onóillena: Afe íaillinoimona dáamiena Juzíñamui nizéllena dama Juzíñamui comeci jítaina izói mamede. Afe Juzíñamui íaillinoimona dáamie níziafue íaillinoi finócafuemona comuñede. Dama Juzíñamui mámiamona íaillinoimona dáamie nizécamienna jaide. ¹³ Juzíñamui Cuegáuai bie izói daide: “Jacob cue nizécamié, íemona cue izíruigamié, mei íadi Esauí cue ruifíruigamié.”

¹⁴ Iemona dáarie ñibai dáitiaioi: “Juzíñamui daí dáamiena fia ruifíruillano jáimie nizeda máíñua jaícina jóíñede.” Mei íadi bie comini dañáuai uáfueñede; jaícina jóíñedífueña Juzíñamuimo jaca íñede. ¹⁵ Mei Juzíñamui Moisenja daideza: “Daa cómemo cue dúecaiacaniadi, afémiemo dúecaiticue. Daje izói daa cómena duéruillano riire ibana cue óiacañeniadi, íemo ibana óñeiticue.” ¹⁶ Bie Juzíñamui daña uáimona onódicaiza: Juzíñamui dáamie eneno nízia afe come óiacanamona daingo comuñede. Daje izói afe come riire finuamona Juzíñamui níziafue comuñede. Juzíñamui afémie nízia dama cómemo Juzíñamui dúecaiacanamona comuide. Daje izói afe ímana ie canóacanamona comuide. ¹⁷ Mei jii, Juzíñamui ie Cuegáuaido, Egipto illáimana daide: “Ja illáimana o jóneticue, cuemo ite áillue ríino jáímacimo odo jino cíotallena. Afe llezica iere duere o cue finólledo cue mámece naga náiraiado jica jalléitaitio,” daide. ¹⁸ Ie jira onódicaiza: Juzíñamui dama ie óiacana izói, daa cómemo dúecaite; íemo Juzíñamui dama ie óiacana izói jáie come comécina riireitaite.

¹⁹ Bífuiamona daa come ñibai cuena jicánoite: “Mei Juzíñamui afe ie óiacana izói finófiredeza, jáífodo índicai. Iemona ¿ñibái mei fiénidífue ícoinia caimo nitáfirega? ¿Bu mei Juzíñamui óiacanafueña uáitarena?” ²⁰ ¡Ací! ¡Daí dañámie cacai! ¿O iere ua ímiedicue daídio, Juzíñamuimo riire júfidollena? Mei nana Juzíñamui comuítagaiza bie jáífuemo coméciri. ¿Mei ñibai nogo, afe nogo niráingona dáite: “¿Ñibái mei cuena bie izói nitio? ¡Dáíñeite! ²¹ Nogo niraingo daingo ie comeci óiacana izói afe nogóraina nírede. Afe daje nógorafella átuedo daa ebire eroide icíruna nírede, íemo daje nógorafella enéfenemona jamai nogócirina nírede.

²² Iemona daje izói Juzíñamui finócafuiái ñúeraza, onódicai. Afémiemo ínoñedinona Juzíñamui duere finótaacade, íemo ite fiénidífueña gáñenana jino ácatallena. Afe llezica íemo ite aillo ñuera ríino jino comínimo onótaiacade. Mei íadi afémaci fiéni illafue ibana raire otátañede. Ie icírafue anamo itínomo, Juzíñamui raire comeci járitañede. Iaiomoo dúide niné tánocaitallífueña nai are ocuñede. ²³⁻²⁴ Daje izói Juzíñamuimo ite jamánomo ñuera ebíredinona comínimo jino onótaiacade. Iemona Juzíñamui dáarie judíuai, daje izói dáarie judíoñedinona nizeda íaiomoo dúecaide. Dúecaillano íaioi fiéni illafue ibana oñeno íaioi jíllotate. Afe ie dúecaillado nizécanodicai. Afémie jaiai uícodo, íemo ite ebíredífueña afe cáiena oni cai maíñóllena caina mamede. Daí finuamona, íemo ite jamánomo ñuera ebíredífuiái Juzíñamui caimo jino fidítate. ²⁵ Jaiai Juzíñamui uai jino llóraima Oseas cuegánicomo Juzíñamui bie izói daide:

Cuemo jaíñede comínina “Cúeiena” náamataiticue.

Daje izói nauí cue izíruiñega náiraina “Cue izíruiñegamacina” mámeiticue.

²⁶ Daje izói batí jiáie éniemo itínona Juzíñamui daína “Cue comíniñediomoi,” afénomo itínona “Cáataite Juzíñamui jitótaiaina mamélliaioi,” —daí Oseas daide.

²⁷⁻²⁸ Mei íadi Israel nairai dibénemo Isaías daide: “Israel comini iere aillo jebuídiaioi, ua monáillai fuédamo ite facádonide guamájiái izói, jamánomo áillomaci. Mei aillo jebuídiaioi íadi, afe náiraímo Juzíñamui raire duere finótalle mei, daa dúemacina fiébitiaioi. Dani afe dúemaci jíllotiaioi. Mei jii, Juzíñamui ie daína uai izói náiraina duere zefuúllifue jino zuítaite.” ²⁹ Dáamie Isaías afe duere zefuúllifue uícodo llote:

Mei jamánomo riinorede Juzíñamui, caina due méfomo cómutinona níriñeniadi, Sodoma íemo Gomorra diga jofue nairai niné táinocaila izói niné táinocaiticai, —daide.

Jesucristo cai jíllotalle ñúefue daje izói Israel comínimo dúide

³⁰ Cai lloga uallai bie izói daíacade. Be ñie: Judíoñedino Juzíñamui anamo ñue jaícina íaioi illínona figo jenóñediaioi, mei íadi Juzíñamuimo íaioi ínuamona, Juzíñamui anamo ñue jaícina itátagaiaioi. ³¹ Mei jiáifodo afe Israel nairai, (judíuaina maméidino) Juzíñamui anamo ñue jaícina íaioi itátaite ocuilla uállaina jenódiaioi, mei íadi afe uállaina ñue ícoimo figo dúcitañediaioi. ³² ¿Ñibái mei afeno baiñediaioi? Mei Juzíñamuimo ínuado íaioi comeci ñue jaícina jóillifueña jenóñediaioiza. Dani íaioi nícidogafuiaímo comécidiaioi. “Ñibai aféfuiaído Juzíñamui anamo ñue jaícina íiticaí,” daídíaioi. Ie jira Juzíñamui oreca jíllotaitimíemo, ñie Jesumo, uíeco riire finódiaioi; ínuano Juzíñamui anamo ñue jaícina íñediaioi. Come iodo jáiadi éicitaila izói, Jesumo éicitaidiaioi. Afémie iomo éicitaitate nofici izóidimie mei afémie ñúemie, mei íadi ruifíruigamie. ³³ Juzíñamui Cuegáuai afémie dibénedo bie izói úrite:

Omoi cácareí, judíuai iomo éicitaitate nofici izóidimiena jóneticue.

Afemo comini éicitáillano oni ñibéfodo báitíaioi.

Mei íadi nana íemo ínotino íena méairuiñeitiaioi.

10

¹ Cue ámatiaí, nane ómoína dáititue: Cue nairai israelitas imaci jíllotillena, nana cue comécido izire óiacadicue; íemo áfena Juzíñamuimo jicáfiredicue. ² Bie ñúefue afémacimo nitáredicue: Juzíñamui comeci jítainafuemo nágarui iere járidofirediaioi. Mei íadi áfena ñue jaícina íaioi fidiñenamona daí táinomo járidotiaioi. ³ Comini Juzíñamui anamo ñue jaícina ie itátallifueña, íaioi ífócimo ñue denóñede. Mei jiáifodo Juzíñamui anamo itábicaíñeno dani íaioi mameca comeci ñue jaícina jóitaitifueño járidotiaioi. Ie jira Juzíñamui lloga ñue jaícina itátaitifueña maiñóñediaioi. ⁴ Mei jii, Cristo billano nana íemo ínotino Juzíñamui anamo ñue jaícina itátagaiaioi. Ie jira comini Juzíñamui eróicana ñue íaioi íllena, Moisés ocuica uaimo dani íaioi níciduafueña Cristo jae féitate.

⁵ Ocuica uai jeire úado Juzíñamui anamo ñue jaícina cai illifue dibénemo Moisés bíena daide: “Nana ocuica uallai dáamie ñue ícoimo fuitáadi, áfedo afémie are iite.” Mei íadi afe uállaina ñue jeire otímiena íñede. ⁶ Mei jiáifodo, Jesumo cai ínogafuedo Juzíñamui anamo ñue jaícina cai illífueña Juzíñamui Cuegáuai bie izói daide: “O comeci anado bífueña daí jicánoñeno iri: ¿Bu mei caífo monamo jaille, Cristo ana cai jíllotataíbillena?”

⁷ Daje izói bie jiáifue daíñeno iri: ¿Bu mei ana tíidino illánomo jaille, afénomona Cristo caina caífo jíllotataíbillena?” ⁸ Juzíñamui Cuegáuai bie izói daide. Be ñie: “Ací, Juzíñamui jíllotaja uaina ja cacádiomoi. Ie llógamo ja comécidiomoi.” Bie uallai ómoímo cai lloga omoi ínollifue. Be ñie: ⁹ O fúedo jino comínimo “Jesús cue nahí Ocuíraíma,” o daíadi, nane daje lezica afémie tíillanomona meine abido cáadimiena Juzíñamui jáitagamiemo o comécido o ínoiadi, ua jíllotio. ¹⁰ Mei Juzíñamui anamo ñue jaícina cai itábicaillena,

afémiemo comécido ínoredicai; ie mei Jesucrístomo nahí cai jaináinafuenta, cai fúedo jino comínimo llóredicai, áfedo ñue cai jílloillena.

¹¹ Juziñamui Cuegáuai daide: “Nana íemo ínnotino íena meáiruiñeite.” ¹² Jesucristo nana náiraimo daje uaido úrite. Judíoñedinona énenoruiñeno daje uaido íaioimo úrite, naa judíuai diga. Nana nairai Ocuíraima daade Jesucristo; nana afémiemo jicádinomo afémié jaca dúecaifirede. Ja ie jira íemo ite jamánomo ñúefuiaimona íaioimo fecáfirede. ¹³ Mei Juziñamui Cuegáuai daí dáideza: “Nana cai Ocuíraima Jesucrístomo jícaino jílloitiaioi.”

¹⁴ Mei íadi Crístomo nai íaioi ínnoñeniadi, ua afémiemo jicánidiaioi. Daje izói afe jílolle uai nai íaioi ñue cácañeniadi áfemona nai ínnonidiaioi. Iemo afe uai jino llóraima nai íñeniadi, afe uaina ua cacánidiaioi. ¹⁵ Afe izói, uai jino llóraimana nai íaioi ocuñeniadi, afe ñúefue uaina ua jino llónide. Jira Juziñamui Cuegáuai bie izói llote: “Núefue lluáibitímie billa iere ñuera.”

¹⁶ Mei íadi nana cue nairai imaci, Cristo daína ñúefuena jeire oñediaioi. Jaiai uai llóraima Isaías dama bie izói daide: “Ocuíraima, cai lluáibigafuenta ¡jaca buna ínnoñena!” daide.

¹⁷ Aféfuiaimona bie izói onódicai: ñúefue fidínamona comini ínnotinona jáidiaioi. Iemo dáamie Cristo daína uai jino lluáibillamona, comini afe ñúefuena fidídiaioi.

¹⁸ Mei íadi jicánoticue: ¿Mei nibai nana judíuai afe ñúefuena fidíñediaioi? ¡Ieñede! Ja fidídiaioi. Juziñamui Cuegáuai daje izói llote:

Afefue llóraini úrilla uai nana énie náiraiaido cácaaide.

Iaioi daínauaillai nana énie fuédamo jica itínuiamo ñue jalleide, daide.

¹⁹ Dánomo nane jáífuenta jicánoticue: ¿Mei nibai afe cacánafue Israel comini ifócimo nai figo déiñede? Dáamie Moisés, Juziñamui dibénedo fueñe uai ote. Moisedo Juziñamui daide: Ua cominiñedimacimona ómoína úradotaiticue.

Daje izói abina onóñede nairai ícoína ómoína icíritaiticue, daide.

²⁰ Afe mei Isaías jacíruiñeno Juziñamui daínafue llote. Be ñie:

Cuena jenóñedino ja cuena baitíaioi.

Cuena jicánoñedinomo dama cue abina ja onótaticue, daide.

²¹ Israel nairai dibénemo Juziñamui daínauai Isaías llote. Be ñie: “Nágaruillaído cue uaina náfueacañedinona uáidoticue. Mei íadi fairíoñediaioi. Daje izói cuena uáitaoidinona uáidoticue, mei íadi náfueñediaioi,” daide.

11

Israel náiraimona dáarie jílloitiaioi

¹ Iemona nane jicánoticue: ¿Ja nibai Juziñamui ie nizeca Israel náiraína ruifruiga? ¡Jaca íeñede! Mei cue dama Israel nairai ímiedicue. Daje izói Abraham izíedicue. Iemo Benjamín comínimona comuídicue. ² Jaiai ninomo uícomo íeiéna onoiga Israel comínina birui ruífiruiñeite. Uáfueza, uai llóraima Elías daína uaina onódiomoi. Aféuai Juziñamui Cuegánicomo ite. Juziñamuimo Elías jícaja llezica, Israel nairai fieni finócafuaí íaioimo riire jítade. Daide: ³ “Cue Ocuíraima, o uai jino llórainina fatíaioi. Daje llezica o íóbitalle illánuiaina niné táinocaitatiaioi. Afemona dama cue fiébilla. Iemo daje izói nane cuena titáacadiaioi,” daide. ⁴ Mei íadi Juziñamui ie uai fairíote: “Siete mil dígamaci eneno cúeiéna ja níiriticue. Afémaci afe taino juziñamui Baal jánarai anamo caiñici ifodo dújuñediaioi, ie íóbitallena,” daide. ⁵ Ie jira daje izói birui judíuaimona ínnote dúemacina eneno mamécaiaioi. Juziñamui nana comínimo dúecaillano daa bimácina oni eneno nizede. ⁶ Bie níziafue Juziñamui caimo dúecaillamona comuide. Iemona come finóacanamona comuñede. Mei íadi cai níziafue come finóacanamona comuñeniadi, Juziñamui caimo dúecaillafue nahí caimare dúecaillafueñede.

⁷ Bie daináfue ¿mei nífuena cai llote? Be nñie: Israel comini íaiói jenoca Juzíñamui anamo ñue jaícifuenta baiñédíaiói. Mei íadi Juzíñamui nizeca dúemaci afe íaiói jenócana otíaiói. Ie mei baiñédímaci Juzíñamui íaiói comécina ríiretade. ⁸ Juzíñamui Cuegáuai daíí daide: “Bimácina Juzíñamui comécina tíidino izói finode. Uina cíoiñedino izói íaióina finode. Daje izói jefona cacáñedino izói íaióina Juzíñamui finode. Nai afémaci jaca biruillaímo bie izói itíaiói.” ⁹ Iemo jíai David Juzíñamuimo jícajano daide: Juzíñamui ióbitallena íaiói finoca güilláfuiái táinona finódíaiói. Afe jira Juzíñamuina daídícue: Mai duere íaiói finoiri. Iemona aféfuíai tácofo izói íaióimo jáiteza; daje izói llójeji izói jáiteza. Afe táinona finócafuíaimo éicitaillano izói duere finóllíaióiza. ¹⁰ Daje izói uina nirídino izói mai mei íaiói jáilleza, Juzíñamui ñúefuíai íaiói ónoñeilleza. Iemo nágarui iere baizídaitaganona íitíaióiza, daide.

Judíoñedino jíllotafue

¹¹ Ja birui nane jícanótícue: ¿Ja nibai judíuai íaiói éicitaillamona niné nana táinocaitallíaiói? ¡Jaca iñédeza! Mei jíáifodo judíuai Juzíñamui lloga uaina cacáacañena llezica, judíoñedino aféuai cacáillano íaiói jíllóillífue maiñódíaiói. Afe íaiói máíñua Israel comínina úradoitate, afe jíllonafue otíno illa izói íaiói íllena. ¹² Iemona judíuai íñoñenafue írainomo nana náiraíaina canode. Afe judíuai ícoímo fuitáñeno zóofenocaillafue, judíoñedínona ñue canode. Mei íadi judíuai meine abído Jesumo ínuauilla llezica, nana náiraíai jamánomo ñue ézicillíaiói.

¹³ Ja birui judíoñedínono úritícue. Mai omoi cácarei. Mei judíoñedínono ñúefue llúájillena Juzíñamui orécacueza, afe bie cue llócaillífuemo iere járitáííredícue. ¹⁴ Nibai áfemo ríire cue táíñnamona, cue náiraí comini, omoi illa izói íacaitíaiói; afe izói íaiói íllena jítaídícue. Afemona afémacimona dáarie ñue jíllóbicaítíaiói. ¹⁵ Mei Juzíñamui judíuai ruifíruillamona nana jíáie náiraí Juzíñamuimo comeci caímare uái illáfuenta llogáíaiói. Iemo uire judíuaina íaióina Juzíñamui caímare dáanomo uáidua llezica, iere jamánomo caímare nana íítícai. Ua aféruimo tíide meine abído cáadena caímare illa izói caímare íítícai. ¹⁶ Mei jíi, Abraham Juzíñamuimo dúinamona, nana ie anamo comuíocaidíno Juzíñamuimo dúidíaiói. Daje izói da amena jáinao Juzíñamui íeiena maméíadi, daje izói nana afe amena ícaíruai Juzíñamuimo dúide.

¹⁷ Mei íadi dáarie Abraham anamo comuídino íaiói íñoñenamona Juzíñamui comínina íñeillena ruifíruigaiáiói; íemo ie uai jeire omoi úamona Juzíñamui comínina itátagaomoi. Afe ruifíruigamací ífomo jae jóonegaomoi; jóoneficaillano Juzíñamui Abraham imácimo lloga ñúefuíai daje izói llíñnoredíomoi. Ie jira judíuai ñuera olivo amena naa ie ícaíruai díga izóidíaiói. Iemo omoi nano fueñe jazicí amena ícaíruai izóidíomoi, mei judíoñedíomoi. Jae judíuaimona dáarie íaiói íñoñenamona amena ícaíro jaitaina izói jaitácaíaiói. Afe mei omoi íñnuamona afe jaitácacáíruai méífomo jóonegaomoi. Ua, jaíai jaitaca ícaíruai jíáie aménamona méífomo zicóllena jóonegano izóidíomoi. Birui daje moi ícoráímo jáináidíomoi. Afe ñuera olivo íjido cáadíomoi. ¹⁸ Ie jira abína íñoñeno iri. “Olívomona jaitaca ícaíruai izóidímací baimo ñúeracue” daííñeno iri. Afe izói daínidíomoi, mei ñuera olivo moi ícoraíaina cáatañedíomoi; dani jíáínamona zicóllena jóonega ícaíruai izóidíomoi. Mei uáfueza, dani Juzíñamui nizeca comínimo birui omoi jáináínamona ie lloga ñúefuíai llíñnoredíomoi.

¹⁹ Nibai dáamie dáíte: “Dáarie afe ñuera olivo ícaíruai jaitácaíaiói, afe méífomo cue jóonellena”. ²⁰ Jáínamona ñuera olívomo zicódíomoinia ñuera, mei íadi jaitaca izóidímací jíáífo joide: Juzíñamuimo íaiói íñoñenamona jaitácaíaiói. Dani omoi íñnogafuemona jóonegaomoi. Iemona áfedo dani abína íñnonidíomoi. Mei jíáífodo omoi jaitábiza abína ñue

omoi rairuiri. ²¹ Mei Juzíñamui nano nizécanona figo íaioi íñoñenamona jizíñeno íaioina ruifíruite, afémie daje izói omoi figo íñoñeniadi, amena ícairo jaitaina izói, jizíñeno raire ómoína ruifíruiteza. ²² Mai bífuemo omoi coméciri. Juzíñamui daií omoi jóniano iere ñuera. Afedo afémie ómoimo dúcaifirenana fidídiomoi. Mei íadi nane afémie iere riire jaícina ocuídime, mei ie uaimo náfuenedimacina afémie iere duere finode. Mei jíáfodo afémie ómoiri dúcaifirede. Iemo fáicanocaiñoeno ie uaina jeire omoi oíadi, ie dúcailla dibénedo ífireitíomoi. Afefue jeire omoi óñenia, jíái ómoína afémie jáitaite. ²³ Mei jíáfodo judíuai nane abido íñoia, afémaci abido dáanomo jofo jónelliaíoi. Mei Juzíñamuimo meine íaioi jónelle ríino ite. ²⁴ Mei omo judíoñediomoiza, jica ite onínemaci izóidiomoi; Juzíñamui comínimo due jiza dúñediomoi. Daií omoi illa llezica Juzíñamuimo omoi ínuado, afémie ie comínina ómoína itátate. Ie jira nano fueñe ie nizécamacimona oni nibéfodo baídino íaioi ínoiadi, abido daje ie comínina itátallena, Juzíñamui dibénedo jamánomo juánide.

Irairuillaído Israel nairai jílloitiaíoi

²⁵ Amatiai, omoi cacai. Afe olivo amena ráfuenta ja ómoimo lloticue, uáfodo ónoñega Juzíñamui mamécafuena comécido omoi onóillena. Juzíñamui nanómona comécido mamérrillafuena ómoína fidítaiacaducue. Aféfuena ónoillano Juzíñamui comínina omoi itátagafuedo abina íñoñeitíomoi. Juzíñamui mamérrillafue bie izói joide: Juzíñamui Israel nabémacina comécina riire finode, mei íadi nano íanori íaioi comécina ríiretade. Íaioi comeci ríireta mei, Juzíñamui nana jíáie náraina caimare uáidote, íaióimona nana Jesumo ínotino nizéllena. ²⁶ Nana Juzíñamui óiacana dieze íemo ínotimaci ofille mei, nana Israel nairai jílloizíitiaíoi. Mei Juzíñamui Cuegáuai daií daide:

Cai Jíllotaraima dani cáimona cómuite.

Afémie Jerusalén jófuemona biite. (Afe jofue jíáfodo Sióna mameide.)

Jacob meifo igímaiai íaifuiaina afémie múiñoite.

²⁷ Íaioi fiénidifuiái oni cue dolle mei nana uícodo cue lloga ñúefuiái ñue fuite, daide.

²⁸ Nana comíni jílloille uai dibénedo judíuai fairíoñediaíoi. Iemona judíuai Juzíñamui ruifíruigaza, ie bacáuai imácina jáidiaíoi. Ie bacáuai imácina íaioi íllamona Juzíñamuimo cai nabáirillino comuide. Mei íadi Juzíñamui nai íaioina izíruite, íaioi jaiáidigímaiai ie nízia jira. ²⁹ Mei uáfueza. Juzíñamui ja ie fecaca raana abido bairóñede. Daje izói cai ie uáiduafluena jaca jíáfodo méidoñede. ³⁰ Naui Juzíñamui uaina íñoñediomoi; mei íadi jíái birui judíuai daje izói íaioi íñoñenamona Juzíñamui ómoiri dúcaizaide. ³¹ Ja birui nano áinori judíuai Juzíñamui uaina íñoñediaíoi, Juzíñamui ómoimo dúcailla izói íaióimo dúcaillena. ³² Bie uáillaimona bífuena onódicai: Nana jíáie comíni ie uaina dájerize íñoñediaíoi. Ie uaina cai íñoñenamona fiénidifuiái finófiredicai. Iemona Juzíñamui nana caina dájerize cai gaiga fiénidifuiáimo llaveca izóidinona jónete. Afémie bie izói caina daide, afe méifomo afémie nana caimo dájerize dúcaillena.

³³ ¡Diga Juzíñamui ebírede comeci ífuiái caimo ie dúcaillena, naa ie onóigafuiái diga! ¡Afémie iere ráfuenta baitádimie! Uícodo ie mamérrillafuiaina cai jino llónidicai. Daje izói eneno dáarie comínina ie níziafuiaina, onóñedicai. ³⁴ Cai Ocuíraima comeci úrillafuiaina buna onóñede. Daje izói afémiena bu llófuetimie íñede. ³⁵ Iemo jíái cai Ocuíraimamo raana izájitimie íñede, afe raa íba llínollena. ³⁶ Mei nana ráaniai Juzíñamui comúitaga. Nana afémie finoca; daje izói íeiena nana finode. Jaca zíñona Juzíñamuina íóbioitaredicai. Aquíe izói íteza.

12

Juzíñamuimo ñue jaícina cai dúina uai

¹ Cue ámatiai, birui Juzíñamui caina dúecaillamona, ómoimo izire jicádicue. Dani omoi mai Juzíñamui anamo itábicaire. (Dani omoi comeci gáinafue finóñeno, mai Juzíñamui comeci jítainafue omoi finori, cai ie ocuilla izói.) Juzíñamui ióbitalle rille jaiiai íemo jaiiai feca izói, nai omoi caana llezica, Juzíñamui anamo dani omoi mai ñue itábicaire, íena ie ñue facátagamacina omoi íllena. Afe llezica dama íeiena eneno ñue finócamaci omoi íllamona, omoi ie ocuilla uai, mai jeire omoi oíri. Nana bífuiiai ñue cai fínuamona, cai joréñodo Juzíñamuina caimátaitadicaí. ² Biniemo ite comini comeci táinomo facáoidiaíoi. Mai, afe izói omoi íñeno iri. Mei jiáífodo, omoi comeci ífuiiai, mai jiáífodo méidori. Daií omoi comeci ífuiiai omoi méiduamona afe izói Juzíñamui nana o illafue cómfuena méidoite. Afemona Juzíñamui comeci ñue jítainafue ónoiticaí. Daje izói ie jítaina ñúefue ónoiticaí, naa ie cai ióbitallífuiiairi. Daje izói ie ciona jaícina jóidífuiaina ónoiticaí.

³ Juzíñamui cuena dúecaillano cuemo jóonegafuedo, nana ómoína dáititue. Juzíñamui cai fibítajafuemo da comécina facáredicaí. Afedo abí cai ínolle ñuera. Mei íadi afefue baimo táinodo ínonidicaí. Iemona nana ómoimona dámie, afefue baimo dama ie abina ínoñeno iri. Mei jiáífodo illa dígamie comécina ñue jaícina facárede, Juzíñamui íemo lloga ie comécimo Juzíñamui comuítaga ínuafue daina izói. ⁴ Da come abimo aillo táijide ráaniai ite. (Onoi jiáífodo táijide. Daje izói idai táijina jiáífoide. Daje izói fue táijina jiáífodo joide. Daje izói jefo táijina eneno jiáífodo joide.) Mei íadi daade cai abi íadi. Naga cai abimo ite raa eneno jiáídfodo caina canode. Daje táijnamo íñediaíoi. ⁵ Daje izói, áilloziena Jesumo ínoticaí. Aillo cióidicaí íadi, daade abi izóidicaí. Ua, Crístomo dájena cai jaináinamona, dáamiede abina iticaí. Dáamacidicaí. Afe llezica dáamiedicaí abimo ite táijide raa izói, dani conímamo dájena jaináidicaí.

⁶ Naga cómemo Juzíñamui jóonega táijnana fibíllafue jiáífodo joide. Juzíñamui comeci óiacana izói, afémie naga cómemo fecade. Bie táijnana fibíllafue ñue jeire óredicaí. Dáamiemo Juzíñamuimona onoi ga uailai jino llóllena fibítaga. Afemona áfena afémie rairuíñeno jíeruiredo. Nano ie ínogafue íllaze jino llófuerede. ⁷ Jiáímaci cai canófireille fibíllafue Juzíñamui caimo jóoneiadi, áfedo rairuíñeno canóredicaí. Daje izói llófuiana fibítagamie, afe ie llófuefirenamo ñue járitairede. ⁸ Afe izói jiáíma comécina náiretallena fibítagamie, áfemo afémie ñue járitairede. Daje izói comini canolle raa fécafiredimie, afe íbana ie maiñóllemo comécinide. Fia íaíoiimo dúecaillano fecádenia ñuera. Afe izói comini jetállífuenta ocuídímie caimare abi rairuíoicana ocuiredo. Duéredino canófiredimie, caimare íaíoiina canórede.

Jesumo ínotino finórede uai

⁹ Táinona lloñeno conímama izírui. Íaífue bai oñeno iri, mei íadi ñúefue jeire omoi oíri. ¹⁰ Jiáímana caimare nahí ama izói izírui. Afémiemona raire uícoficaiñeno iri, mei jiáífodo méífomo fiéñeno raire íena o uíodo o otátari.

¹¹ Ráiraíeñeno jiere omoi iri. Ñue naire cai Ocuíraimamo omoi táijiri.

¹² Cai ocuírinafueмона caimare omoi ífireiri. Duere omoi zefuíadi, áfemo raire járitaiñeno, íaicana caimare úriri. Juzíñamuimo úrillana jaca féitañeno iri.

¹³ Jesumo ínotino jitailla raana, íaíoi canóllena jeruíñeno fecari. Nana omoi jofomo uáiduaíbitinona caimare uáidori.

¹⁴ Omoi fiени finódinona ñue caimátaitari. Íaíoi íbana fiени faidóñeno, íaíoi cáimafuiiai Juzíñamuimona jicari.

¹⁵ Caimátaidino díga caimare omoi iri. Daje izói raamo jíridinomo omoi dúecairi. Eedino díga omo eeri, íaíoi firallena.

¹⁶ Conímama úradoiñeno iri, dájena illa dígamie mo ñue coméciri. Daje izói fiени abina ínoñeno iri, mei jiáífodo comécina mánaidino izói omoi iri. “Iere baitádimiedicue” comécido daiíñeno iri.

¹⁷ Da come fiēni omo finóadi, afe ibana afémiena fiēni finóñeno iri. Mei jiáifodo, nana comini eróicana iba oñeno ñue o finori. ¹⁸ Omoi illa dino, nana comini comeci jacíruiñenafuedo caimare uái omoi iri. ¹⁹ Cue izíruiga ámatiai, fiénidifue comuíadi, ibana omoi oñeno iri. Mei íadi aféfuena fáicanocairi. Afémie Juzíñamui duere finólleza. Mei jii, Juzíñamui Cuegáuai daide: “Duere finóllifue cuemo dúideza. Daje izói cue iba ólleza. Daí cai Ocuídime daide.” ²⁰ Nane dánomo daide: “O bacáuai ímie jufírui, iciñeno íena ecari. Iemo afémie jiróacaniadi, ie o jirótari. Bie izói ie o fínuamona, izire íena méaicaitaitio,” Juzíñamui Cuegáuai daí daide. ²¹ Fiénidifue omoi anáfenuamona abí omoi rairuiri. Mei jiáifodo ñúefue jeire omoi úado, fiénidifue mai omoi anáfenori.

13

¹ Nana comini omoi jamánomo ocuídillaima ocuica úiñotillaini anamo ñue omoi itábicairi, mei nana ocuídillaini Juzíñamui jónegaza. Afémie jóneñega ocuídimeña iñédeza. ² Iemona afe úiñotillaimana uáitaoidime Juzíñamui jónegamiena uáitate. Nana daí uáitaino, afe ie uáitaja ícoinia afémacina Juzíñamui duere finótaite. ³ Mei jii, ñúefuena jeire ófiredino ocuídillainina jacíruiñeitiaioi; mei jiáifodo fiēni finódino jacíruiñena jónegaiáioi. ¿Meita ocuídillaimana jacíruiñedimeña íacadio? Mai ñúefuena jeire o oíri. Iemona aféllaima “Facátagamiedo” ona dáite; ⁴ mei afémie Juzíñamui táijitagamieza, ñúefue dibénemo o jaináillena canóllena. Mei fiénidifue o finóadi, aféllaimana jacíruiñedo, mei afémie duere finótalle ríino táinomona iñegaza. Uafue, afémie Juzíñamui táijitagamie nana fiēni itino duere finótallena. Nana íaioi fiēni finócafue íllaze ñue jaícina íaioina duere finótaite. ⁵ Ie jira ocuídillaini anamo itábicairediomo, daa duere omoi finobiñeillena, mei íadi daje izói Juzíñamui jónega omoi comeci úrilla uai jeire omoi óllena. ⁶ Afe bie izói ñue omoi íllena, ocuídillaini lloga gobiérnomo íbárede úcubena íbáfrediomo. Mei jii, aféllaini Juzíñamui táijitagano. Afe íaioi táijinamo izire járitaoidiaioi.

⁷ Iemona naga cómemo dúide raana, mai jeruíñeno ñue íemo ine. Gobiérnomo cai jaináinamona, íaioi ocuica úcube llínoraíma lloga gobiérnomo dúide úcubena mai omoi fecari. Daje izói gobierno caino jicana oga raa, emódomo raiñócana áfena mai omoi ibari. Naga ocuídillaimamo dúide ñúefuedo jacíruiñinafue, áfede ñue íena omoi jacíruiñi. Daje izói naga jamánomoidillaimamo dúide ñúefuena, mai áfena íemo omoi nitari. ⁸ Omoi záitaiñega íbállifueña bumo itáteñeno iri; jiáifodo daa ñue íbállifue ite. Afefue jiáimana cai izíruillifue. Afemona daní conímaíaina izíruiredicai. Mei naga conímana izíruitime, áfede Juzíñamui ocuica uaina ñue jaícina fuitádeza. ⁹ Jaii Juzíñamui ocuica lletara uailai daide: “Jiruífueña finóñeno iri, cómena titáñeno iri, meríríñeno iri, jiáimamo táinona lloñeno iri, jiáimemo ite ráaniairi úradoiñeno iri.” Mei íadi bie ocuica uailai naa jiáie lletara uailairi daa bie dáinamo dájena itíai: “Dama o abina o izíruilla izói, afe izói o abí cómena izíruiri.” ¹⁰ Izíruitime ie abí cómemo fiénidifueña finóñede; íemona izíruillafuedo Juzíñamui ocuilla uailai ñue jaícina jino zuitárede.

¹¹ Nana bífuiaimo jeire omoi ua llezica, birui cai illáruillaimo ñue mai cai uibóilli. Ja íere abí cai rairuilliruimo ja dúcidicai. Afemo ñue omoi comécioiri. Mei Jesucristo caina jillotajano uire jiáiruido caina uábiteza. Afe ie cai uábilliruimo ja ánozide. Fueñe Jesús uaina cai ínua llezica, afe cai ie uábillirui bai jica ite, mei íadi birui ja aféruimo iticaíza. ¹² Bie énie fiénidifue áreña naio izoide. Afe bie áreña naio ja monáiacade. Jítinomo finoca fiénidifueña fínuana ja fáicanocairedicai. Fuiríraíma ie abí ríidua llojeco jítaja izói, afe izói íaifue cai fínoñeillena cai comeci rairuillafueña jeire óredicai. Ie mei ñúefuedo, úzefomo itino izói macáredicai. ¹³ Ua, úzefomo itino izói, mai ñue jaícina cai macalli. Jifáifrenafuemo mai cai íñeilli, naa fiénide aillo güillárenafuairi. Afe izói nana jiruífuiamo

mai cai íñeilli, naa jiáie comeci meáire óiacanafuiairi. Daje izói dájena comécíñedimaci izói íñeno omoi iri. Iemo jiái fiénide júfidogafuedo mai cai úriñeilli, naa úradoillafuiairi. ¹⁴ Mei jiáifodo Jesucristo ñue illa izói, ie cánuado afe ñue illáfueмо mai omoi iri. Omoi comécimo íte fiени óiacanafuemo, áfemo mai omoi comécíñeno iri. Daje izói, afefue omoi finóllemo mamériñeno omoi iri.

14

O ama jánana fiени úriñeno iri

¹ Juzíñamui uai como fueñe jabo ínotimiena, ñue jofu omoi cígimo llínori. Afémie ínogafuena féitaiacaniadi íena caimare uáidori. Ua, ie ínoga onóñega uáillaimo aillo omoi úridoñeno caimare íena omoi uáidori. ² Mei jii, “Naga raana íáiruiñeno güiredicai,” daiífiredinona íte. Daje izói dáarie Juzíñamuimo jabo ínotino “Rillena riñeno da ria llizíllana güiredicai,” daiífirediaioi. ³ Ie jira naga raana güitímie mai afe ríllena fímairitimiena jámairuiñeno iri. Afe izói, fímairitimie, mai naga raana güitímieмо comeci fiени facáñeno iri. Mei Juzíñamui afe íaillinoi, íemo ínuamona, ie comínina caimare íaillinoina uáidoteza. ⁴ Afémaci Juzíñamui ocuícamaciza, íaioina fiénidifuedo jicánonidio, mei afémaci óieñedeza. Dani íaioi ocuídímieмо uai orédiaioi. Íaioi illafue riire jicánollena dama íaioi ocuídímieмо dúide. Ocuícámie illafue ñúenia, ie ocuide Juzíñamui uícomo méairuiñeno náidaite. Ie illafue fiénia, ie ocuide Juzíñamui duere íena fínoite. Mei íadi afémie ñúefue dibénemo féitañeno íte, mei cai Ocuíraíma Jesucristo ríinoredeza, afémiena ñúefuemo jaícina jaináitallena.

⁵ Daje izói, dáamie nágaruillai baímo daa illíruí eneno rairuide, Juzíñamuina caimátaíllena aferui judíuái ráfuena jira. Jiámaci naga mona daje izói ñúeruillai, daídíaioi. Illa dígamie dama íe comeci úrillafuena ñue onótaredeza. ⁶ Daruina eneno ráruitímie, cai Ocuíraíma íóbitallena íeiena íllamona, aféruina eneno rairuide. Daje izói nana raana güitímie cai Ocuíraíma íóbitallena íáiruiñeno güífiredi, mei afémie afe güílleri Juzíñamuina “Íere figora” dáideza. Daje izói cai Ocuíraíma íóbitallena fímairitimie fímairillano Juzíñamuina “Íere figora” daide.

⁷ Nana cáimona buna dama íe comeci íóbioíllena ínide; daje ízoi buna dama íe comeci íóbillena tíñede. ⁸ Cai caana llezica cai Ocuídímieмо jaináidicai. Daje izói cai tíiadi, nai íemo jaináidicai. Iemona cai caana llezica, mei nibai cai tíilla llezica, jaca cai Ocuíraíma íédicai. ⁹ Mei jira Cristo tíizaíbillano, meine abído cáadímiena jaide, cáadino náamata izói, daje izói tíidinona náamatallena.

¹⁰ Mei íadi comínina náamañedio. Iemona ¿nibái mei o ama jánana fiени úrillano íena riire jicánotio? ¿Nibái mei íena izíruíñeno jámairuitio? Mei jii, nana cai Cristo uíécomo ácatallícaí. Afénomo afémie caímo ítífueña riire jicánoite. ¹¹ Juzíñamui Cuegáuai llote:

Uáfueña jaca ninomo cáadímiena cue íllana onódiomoíza; afe izói uáfueña nana comíní cuemo eróicana íaioi cañici ífodo dújuzaiítiaioi.

Daje izói nana comíní jino uáfodo ñúefueña Juzíñamuimo nítaítiaioi, daide.

¹² Iemona jae onódicaíza, cáimona illa dígamie dama íe illáfueña afe Juzíñamuimo jáanoñeno jino íemo llórede.

O ámana ñúefuemoni oni nibéfodo baítañeno iri

¹³ Ie jira benómona mai conímaíaina comécido fiени úriñeno iri. Mei jiáifodo, nágarui omoi finócafuaído conímána fiénidifueмо omoi baítañeno iri áfemo mai ñue omoi maméiriri. Daje izói omoi illáfuedo afémiena fiени facátañeno iri. Afemona abí omoi rairuiri.

14 Jae onódicueza, nana güille naa rílleniari, dama íainideza. Ua, cai Ocuíraima Jesumo cue ínuamona, ie daina izói, cómena íáiruitaite güille íñédeza, ñue onódicue. Daa “Bíena cue güadi cuena íáiruitaite” comécido daidímiemo, afe raana afémie güadi íena íáiruitarede. 15 Mei jíáfodo, o ama comécilla rairuica güille o güíllamona o ama o rítaiadi, íena ja figo izíruiñedio. Mai daade o güíacaga güíllado, Jesumo o ínote ama íaifuemo féiraitañeno iri; mei afémie jíllloillena Cristo tíizaibiteza. 16 Omo ite ñue finócafuiado jíáimacina fiéni úritañeno iri. 17 Mei jíi, daa cai güiga raado Juzíñamui comínimo jaináñedicai; daje izói daa cai jiroca raado afémacimo jaináñedicai. Mei jíáfodo Juzíñamui anamo ñue jaícina cai íllamona Juzíñamui comínimo jaináitagacai. Daje izói Ñuera Joreño caimo comútaga caimare comeci uái illáfuedo, afe dibénemo jaináitagacai. Daje izói íeri cai íóbioillafuedo, dájena ie comínimo jaináitagacai. 18 Cristo lloga iodo jailla llezica, nana bífuiaina jeire otímie Juzíñamuina íóbitade. Afe llezica afe izói finófredino comíni ñue facátagamaci.

19 Iemona, naga come conímana caimare uái itátatífuiaina nágarui mai cai jenófireilli. Daje izói conímana Juzíñamuimo baímo izire jaináitaja raa, mai cai jenófireilli. 20 Daa o óiacaiga güíllado, dani omoi cígiri Juzíñamui comútaga caimare dájena omoi jaináinana, mai fia táinomo fáifitañeno iri. Uafue, nana Juzíñamui finoca güille güírede, mei ja ñúeraza. Mei íadi daa o güiga güíllado jíáimana ñuera íómona oni nibéfodo o baítaiadi, afe fiénide. 21 Daje izói rille o ríamona jíáimana fiénidífuemo o baítaiadi, ríllena o ríñeille, afe baímo ñuera. Afe izói vino o jíruamona íena ie ínogafue o uáitaiadi, vínona o jíróñena afe baímo ñuera. Daje izói nana o finuafuiaimona jíáima ínogafue jabo o féitaiadi, afe o finócafue fiénide. Mei íemona afefue o finóñedionia jamánomo ñuera, o ama ínogafue o féitañeillena. 22 Iemona bie güíllafue, nibai güíñenafue dibénedo o ñuera ínogafue fáicanocaiñeno, Juzíñamui eróicana dama óiena ñue o mameri. O comécido mamérimamona finóacagafuiai dibénedo ñuera o daíreniadi, áfedo caimare itío. 23 Mei íadi dámie Juzíñamuimo figo ínoñenamona ie güille jíízreoicana güadi, afémie fiénidífuemo báide. Mei Juzíñamuimo ínuamona cai onoiga íena íóbitallífué cai finoca ñuera, mei íadi nana aféfuiai jinomo cai finócafuiiai fiénideza.

15

Dama o abina íóbitañeno o ínote ámana ñue íóbitari

1 Nane Jesumo ínotínuiaimona dámerie ñue ríinorede. Jíáimaci figo comécina náinidiaíoi. Cai ja comécina ríinoredinodicai, íemona nai comécina ríinidinona canóredicai. Afefue caimo llonódacaigafue. Afedo dani cai abina íóbitanidicai. 2 Cáimona illa dígamie ie ínote ámana íóbitarede, afémie ñue íllena. Daje izói íena Juzíñamuimo aillo ínotaredicai. 3 Mei Cristo dama ie abiri íóbillena jenóñede. Mei jíáfodo Juzíñamui Cuegáuai íemo zúilla. Afe uai daide: “Afe báíñoridíno Juzíñamui jíáima báíñoia cuemo baite.” 4 Nana jaii uícodo Juzíñamui Cuegáuailai cai llófuellena cuega. Aféuaimo cai comeci fíraja uai baiticai. Afe izói bíuai cai facáduamona comeci járitañenafue caimo comuide. Iemona Juzíñamuimo íco cai nabáírizaillíruimo ocuídídicai. 5 Juzíñamui afe comeci járidoñenafue llotímie. Daje izói afémie, cai comeci fírajano caina náiretade. Iemona omoi ie canóllena afémiemo jícadícue, illa dígamie jíáimaíari dájena caimare omoi íllena. Mei Cristo Jesús daí caina dáideza. 6 Afe llezica, dájena omoi comécillena íemo jícadícue, cai Ocuíraima Jesucristo Moo Juzíñamuina dáuaido omoi caimátaitallena.

Judíoñedínomo Juzíñamui ñúefue jae llujáiga

7 Mei daí Cristo caimare cai uáidua izói, afe izói conímana caimare omoi uáidori, Juziñamuimo ebíredifue nitállena. 8 Mei bie cue daína uai: Cristo judíuái ñue finuaibite. Nana Cristo táijina fueñe judíuaimo dúide, cai nanóidigimana daína uai ñue fuitállena. Afedo Juziñamui ie méidoñega llogáuaina caimo jino ácatate; mei Juziñamui afe ie daína uai jaca jíáfodo méidofinideza. 9 Daje izói judíoñedino Juziñamuimo ióbillena Cristo ana bíniemo bite. Iemona Juziñamui íaioimo dúecaillari ióbidiaioi. Juziñamui Cuegáuai jaiái uícodo daí daide:

Ie jira afe izói judíoñede náiraiaí cígiri omo caimátaiticue.

Omo ñúefue cue nitalle rua afémaci cígimo róiticue.

10 Ie mei jíainomo Cuegáuai daje izói daide:

Judíoñede náiraiaí mai omoi cáimacairi, naa Juziñamui imáciairi.

11 Nane jíainomo Cuegáuai daje izói daide:

Naga judíoñede náiraiaí, cai Ocuíraima ióbiri.

Mei afe Juziñamui jamánomoidimieza, íemo omoi ióbiri.

12 Mei daje izói Isaías cuete:

Isaí (illaíma David moo) ie méifomo comuídigimamona jamánomoidillaíma cómuite.

Afémie nana judíoñedino cígiri illáimaite.

Afe comini aféniemo ocuírítiaioi, daide.

13 Juziñamui caina íemo ocuírítate. Ie jira íemo omoi ínuamona ñue cáimafue jeire omoi óllena, aféniemo jícadicue, daje izói omoi comeci caimare uái illafue jícadicue. Afe llezica Juziñamuimo omoi nabáirizaillena birui jabo ocuírídiomoi. Afemona Ñuera Joreño ríinodo ñue izire omoi ocuírillena Juziñamuimo jícadicue. Mai mei daí Juziñamui ómoína ñue ézicíteza.

14 Cue ámatiaí, ñue onódicueza, ñúefuina jeire otíomoi naa omoi fibítainafuiairi. Daje llezica illa dígamie jíáimacina caimare llófuiana onódiomoi. 15 Mei íadi bie cue cuegábedo, bíuailai ómoimo iere jino uáfodo cueticue, afe uáillaina omoi féitañeillena. Juziñamui cuemo dúecaillano cuemo jónonocaigafue jino lloticue. 16 Bie cue táijinafue: Juziñamui lloga cai jíllloillifue ómoimo cue llujállena. Afefue ómoimo lloticue, Juziñamui íena omoi maméillena, mei judío imáciñediomoiza. Ie mei, Juziñamui ómoína caimare uáidoite, mei omoi ja Ñuera Joreño ñue finócaomoiza.

17 Mei daí dama Jesús cue ínuamona, Juziñamuimo cue táijinafuerei ióbillano caimare iticue. 18 Dama Cristo cuedo finócafuiári llócaiticue, mei áfedo judíoñedino Juziñamui uaina jeire otátaticueza. Jáimie táijinafuena jaca jino llócañeiticue. Afe íaioi Juziñamui uailai jeire ua, cue daína uáillaido jino ñue ícoimo fuitádicue. Daje izói cue ñue táijnado íaioína ñue jaícina ínotadicue. 19 Afe izói jino cue cíotaga uaido comuítaga cíorainina ráamona íemo jíáie onóillena finócafuiári, íaioína ñue jaícina ínotadicue. Daje izói Ñuera Joreño ite ríinodo íaioína ñue jaícina ínotadicue. Bie izói cue finuamona Jesucristodo cai jíllloillifue llujállena ja ñue ícoimo fuitádicue. Ua Jerusalémona oni jica nágagobiaido aféfuena llócaidicue. Ua ícoimo Ilírico éniemo záitajidicue. 20 Afe daí, nai jaca Cristo mámecina cacáñedinuaimo, afe ñuera cai jíllonafue llócaidicue. Daí oni jícado llócaidicue, jíáima jae llógamo dáanomo nane cue llóñeillena. 21 Mei íadi Juziñamui jaiái Cuegáuai daína izói:

Juziñamui ífuena nai lloñéganuai afémiena ñue ónoitiaioi.

Daje izói jaca íena cacáñedino nane aféfuena como fídiítiaioi, daide.

Pablo Rómamo jáillena comeci facade

22 Diga icaiño omoi uáiduallena comeci facáfiredicue, íadi jaca jáinidicue. Mei como ómoimo cue lloga oni nágagobiaido cue llócaigafuemo záitaiacadicueza; bínidicue. 23 Mei ja birui bígobiaido cue táijicana ja fuitádicueza. Jaiái diga fimónaiaí omoi diga íacadicue.

²⁴ Ja birui Espáñamo cue jáizailla llezica ómoína méiñuaibiacadicue. Omoi cígiri cue illa llezica, iere caimare íticue. Afe mei Espáñamo cue jáiacana llezica, omoi cue canóllena jítaticue. ²⁵ Mei íadi birui fueñe Jerusalemo ite ámatiai canolle raa úticue. ²⁶ Macedonia énie imaci, naa Acaya énie comíniri, Jerusalemo ite dúeredino canolle úcube ofítallena maméritiaioi. Afe íaioi ofítaga úcube cuedo Jerusalemo óreitiaoí. ²⁷ Afe bie úcube oréllemono ñue comécidiaoí. Mei jii, afefue ñue jaícina joide. Uafue benó ítimaci afémacimona aillo comeci cáimafuiai íbáñeno itíaioi. Iemona birui Jerusalemo ite ínotinomo raire íballe ite. Ua judíuaimo ite Jesumo ínotino, íaioimo ite comeci cáimafuiai, jae judíuainédinomo dájeze fecádiaioi. Iemona benó Macedóniammo ite ínotino naa Acaya ínotinori, judíuaimo ite ínotinona, afe íbana íaioimo ite úcubedo canócadiaoí. ²⁸ Bie íaioi afémaci cánua mei, afe izói íaioi jóonega úcube cue izájille mei, Espáñamo jáitíicue. Ua omoi uáidocana afénomo jáitíicue. ²⁹ Ñue onódicueza, omoi cígiri cue dúcille llezica, nana Cristo uáimona comuide cáimafuiai ómoimo llófueredicue.

³⁰ Amatai, cai Ocuíraima Jesucristo mámeçido izire ómoimo jicádicue. Daje izói Ñuera Joreño caimo comútaga izíruillafuedo izire ómoimo jicádicue. Mai, cue diga dájena omoi iri, Juzíñamuimo dájena cai úrillena. Juzíñamui cue canólleza, mai izire omoi jicari. ³¹ Dinó Judea éniemo ite ínoñedino cue íaioi llaitáacanamona cue ie zuitálleza izire Juzíñamuimo jicari. Afe llezica bie cue uiga Jesumo ínotino canolle úcube caimare íaioi llínolleza, daje izói Juzíñamuimo omoi jicari. ³² Bie Juzíñamuimo omoi jicáfireillifuaiai ómoimo jóonenocaidicue, Juzíñamui comeci jítaina izói omoi illánomo caimare cue dúcillena. Afe mei omoi cígiri nano áinori cue ílledo cue comeci ñue náireite. ³³ Mai, comeci caimare uái illáfueña fecade Juzíñamui omoi ñue nábaiteza. Daiítadeza.

16

Pablo ie onóigamaci uáidote

¹ Birui cai Jesumo ínote miringo Fébena, ómoína caimare uáidotadicue. Afengo Cencrea jófueño ite Juzíñamuimo gairídímaci canófiredingo. ² Cai Ocuíraima mámeçido aféngona caimare omoi llínori. Mei nana Jesumo ínotino illa dígamie jáimana daií caimare llínofiredeza. Daje izói nana afengo jitailla raana aféngomo omoi fecari. Afedo aféngona canórediomoiiza, mei afengo jaiiai aillo comínina canófiredeza. Iemo jáií daje izói cuena canódeza.

³ Iemo Aquílamo ie ai Priscila diga, uai orédicue; mei afe íaillinoi Cristo Jesús uaimo cue tájicana llezica cuena nabáidiaillinoi. ⁴ Jácinomona cue íaillinoi jíllotado íaillinoi illafue jacire fiévide. Aferi afe íaillinoína “Iere figora” daidicue. Dama cue daií daiíñenaza, nana judíuainédinomona gairífirede ámatiai daje izói “Iere figora” daidiaoí. ⁵ Daje izói Aquila Priscila jofomo gairífirede cai ámatiai uáidori. Daje izói cue izíruiga nabai Epeneto uáidori. Afémie fueñe Acaya éniemona Crísumo ínotimie. ⁶ Afe izói ómoido iere tájifiredingo María omoi uáidori. ⁷ Iemo llavéracomo cue llaveina llezica, cue diga llaveca cue nabai Andrónico, Junias diga, daje izói afe íaillinoi omoi uáidori. Cáizie ímie íaillinoi. Jesús orécamacimona mámeçina jica jalleide íaillinoi. Afe íaillinoi nai Crísumo cue ínoñenia, raire uícodo Crísumo ínotiaillinoi.

⁸ Afe izói cue izíruiga nabai Amplias uáidori, mei cue izói cai Ocuíraimamo jaináideza. ⁹ Iemo Cristo Jesumo cue tájina llezica, cue nabai Urbano uáidori. Daje izói cue izíruiga Estaquismo uai orédicue. ¹⁰ Afe izói Apeles uáidori, mei diga ícaíño Crísumo ie ínogafueña afémie jino comínimo cíotateza. Daje izói nana Aristóbulo comini uáidori. ¹¹ Cue nairai ímie Herodiómo daje izói uai orédicue, naa cai Ocuíraimamo ínote Narciso comíniri. ¹² Daje izói Trifena ie ai Trifosa diga uáidori. Afe íaillinoi cai Ocuíraima

tájinamo tájifirediaillinoi. Daje izói cai izíruiga miríngo Pérsida uáidori, mei afengo cai Ocuíraima tájinamo tájifiredeza. ¹³ Iemo mámecina jica jalleide Ocuíraimamo ínotimie Rufo uáidori, naa ie ei diga. Afengo aillo cuena ie izíruillado cue ei izoide. ¹⁴ Daje izói Asíncritomo uai orédicue. Iemo Flegonte, íemo Hermas, íemo Patrobas, íemo Hermes, daje izói íaioiri ite ámatiai uáidotícue. ¹⁵ Daje izói Filólogo, Julia, Olimpás, Nereo, naa ie miríngooiri uáidori. Iemo nana íaioiri ínote ámatiai uáidori.

¹⁶ Mai, illa dígamie Crístomo izíruillamona conímana caimare uáidori. Daje izói benó Juzíñamuimo gairíracuai imaci ómoimo uailai orédiaioi.

¹⁷ Amatiai, bifue jeire omoi óllena izire jicádícue. Conímaiaina éoitadinomona abí omoi rairuiri. Afémaci jíaimana fiene ícítailla izói finódiaioi, omoi ñue ínogafue féitallena. Baimáci jíaimana énenoruitaitiaioi. Bie íaioi lloga uai, nauí omoi cue llófuiafuena uáitaacadeza. Afémacimona oni jicado omoi iri. ¹⁸ Afe izóidino cai Ocuíraimo comeci jitaina izói íñediaioi. Dani íaioi comeci gáinanomo tájidiaioi. Afe llezica íaioimo ite caimare ebírerie urilla uaido, comécina nífuenidinona jífuetiaioi. ¹⁹ Nana jíaie comini Juzíñamui uai jeire omoi úana fidídiaioi. Iemona áferi íóbídícue. Iemo ñúefue dibénedo iere baitádimacina omoi íllena jitáidícue. Mei jíáfodo fiénidífue fínua dibénedo nífuenide onóñedimacina omoi íllena jitáidícue. ²⁰ Mei onódicaiza, comeci caimare uái illafue llote Juzíñamui Taife uaina anáfenoiteza, omoi ie áfedeñeillena. Mei cai Ocuíraima Jesucristo ómoína ñue éziciiteza.

²¹ Cue diga tájiaicade nabai Timoteo ómoimo uai orede. Daje izói cai nairai ímiai Lucio, íemo Jasón, íemo Sosípater diga ómoimo uailai orédiaioi.

²² Pablo ocuica rabe cúeraimadícue; cue mámecei Tercio. Daje izói Jesumo cue jaináinamona uai ómoimo orédicue.

²³ Benó ite Gayo ómoína uáidote. Birui afémie jofomo itícue. Daje izói nana Juzíñamuimo gairíacadinomo íaioi dúcillena, afécona nano íanori íaioimo fiede. Daje izói cai jófuemo ite úcubemo tájídímie Erasto, uai ómoimo orede. Iemo cai ama Cúartona mámeceiredímie uai ómoimo orede.

²⁴ Mei cai Ocuíraima nana ómoína ñue íllena éziciiteza. Daiítadeza.

Iraicaiño Juzíñamuimo caimátaillafue Pablo úrite

²⁵ Juzíñamuimo mai cai caimátailli, mei afémie omoi ínogafuena iere izire ínotaredeza. Cue ómoimo jino lloga cai jílluille uai daií dáideza. Daje izói Jesucristodo omoi cue llófuiafue daií dáideza. Juzíñamui jaiái ie comécido mamérilla izói, ja birui judíoñedino comécina ñue náiretade. Ua, bínie nai cómuiñenia, bífuena jica ia daií comécido mamede. Ja diga fimona jaide íadi, aféfuena báinino íteza, nai jino comínimo uáfodo llóñega. ²⁶ Mei íadi ja birui Juzíñamui uai llócaidino cáiena fieca Cuegáuaido, afefue jae jino denoca. Bifue ziiño Juzíñamui ocuilla izói caimo íficaide. Bie fueñe báinino Juzíñamui comécido mamérellafue, ja birui nana náiraiaimo jino cíotaga, aféfuena íaioi onóillena. Daje izói afefue jae jino íaioimo cíotaga, comécido ínota afe uaimo ñue jeire íaioi óllena.

²⁷ ¡Daade jamánomo baitade Juzíñamuimo ebírede ñúefuiai nítaicaiza! ¡Daií afémiemo Jesucristodo ziiñoña jaca ninomo llóiticaiza! Mei daiítadeza; jae ñie.

NANOIDE SAN PABLO CORINTO IMÁCIMO ORÉCABE Primera Carta del Apóstol San Pablo a los Corintios

Coríntomo ite Jesucristomo ínotinomo Pablo cuete

¹ Cue Páblodicue. Ñúefue llujillena Juziñamui comeci jitaina izói Jesucristo jóonegamiedicue. Bie izói daina Jesucristo orécamiedicue. ² Cue, cai ama Sóstenes diga, Corinto jófuemo ite Juziñamuimo gairífredino uáidotícoco. Afe llezica bibe ómoimo cueticue. Omoimo Jesucristomo dájena jaináinamona Juziñamui iédiomoi. Juziñamui íena omoi jáillena afémieoiri ómoína jírrite. Nágagobiaimo ite cai Ocuíraima Jesucristo mámeçido jicáfiredino, daje izói Juziñamui íeiena uáidogaiaioi. Afe Ocuíraima Jesucristo afémaci ie, daje izói cáie. ³ Cai Moo Juziñamui, cai Ocuíraima Jesucristo diga, íaillinoína ñue uái illifue dibénemo ómoína jóoneiteza. Daje izói afe íaillinoi ómoína ñue ézicíteza.

Jesucristomona comuide caimare illafue

⁴ Nágarui ómoiri Juziñamuina iere figura daiífredicue, mei Juziñamui Jesucristodo ñue caimare ómoína itátate. ⁵ Mei jii, Jesucristomo dájena omoi jaináinamona, Juziñamui nana ie cáimafuiai ómoimo orede. Nana ie caimare úrillafue Juziñamui ómoimo llote. Daje izói ie onóigafuiai ómoína onótate. ⁶ Mei daií Juziñamui Crístodo daina uai ja ómoimo bie nahífuena ite. ⁷ Bíemona cai Ocuíraima Jesucristo cíocaizaíbilliruimo nai dúciñena llezica, nana Juziñamui lloga uaina ómoimo íteza; abi diné jíáie uaina jítaiñeitiomoi. ⁸ Afémie íco írairuimo ómoína náiretaite. Iemona cai Ocuíraima billíruimo dúcille dino buna ninó fiénidífue ómoimo nitáñede. ⁹ Juziñamui uícodo ie dainana jaca ñue ícoimo fuitáfiredo. Afe ínotifrega Juziñamui ie jító Jesucristomo cai nabáirillena caina uáidote. Afe Jesucristo cai Ocuídime.

Crístomo gairífredino dájena íñeno oni eneno comécidiaioi

¹⁰ Amatiai, omoi cacai. Cai Ocuíraima Jesucristo mámeçido izire ómoimo jicádicue. Dájena omoi jainairi. Daje izói eneno omoi bozíetaíñeno iri. Mei jíáifodo jíáimana énenaruiñeno ñue dájena omoi iri. Daje izói dáafuemo comeci fácaitiomoi, íemo daje izói dáafuemo omoi maméritiomoi. ¹¹ Cue amatiai, bifue ómoína daidicue, mei Cloé comínimona dáarie cuemo llotíai, omoi cígiri jíáimana ruifíruillano oni enénorie itíai, daií daidíai. ¹² Bie izói cue cacánafuedo ómoína daiíacade. Omoimona illa dígamíai jíáifodo úritiomoi. Dáarie cue Pablo iédicue daide, jíáimaci cue Apolos iédicue daide, jíáimaci cue Pedro iédicue daide, jíáimaci cue Cristo iédicue daide. ¹³ Mei íadi nana omoi Cristo abi izóidinodíomoi. ¿Meita afe Cristo abi énenorie fecaca? Daiítañede. ¿Meita Pablo omoi méfomo cruzmo coraica? Córaiñega. ¿Meita Pablo mámeçido omoi báutizagaomoi? Daiítañede. ¹⁴ Cue mena come Crispo Gayo diga báutizadicue. Omoimona abi dine jíáimacina báutizañedicue. Aferi Juziñamuina “Figora,” daidicue. ¹⁵ Iemona ómoimona buna “Cue bie Pablo mámeçido báutizagacue,” daiínde. ¹⁶ Iemo jíái daa Estéfnas comini báutizadicue, mei íadi cuemo úbicaiñedeza, abí dine jíáimacina báutizañedicue. ¹⁷ Mei Cristo cuena “Comini o báutizari,” daiíñede. Cuena “Cue ñuera jíllona uai o llócairi,” daide. Mei íadi cue abi ínotade comini bacáido cuena llotátañede, Cristo cruzmo tíllana cue ráifitañellena.

Cristo llogáfue Juziñamui ríino ite naa ie baitácafuiari

¹⁸ Afe bie Cristo cruzmo tíllafue, nana nine táinomo báitino dibénemo ráifiñede taino uailai izoide. Mei íadi ñue jíllotino dibénemo, Cristo cruzmo tíllado cai comeci illafue

méidorede, mei afe uaimo Juzíñamui ríino íteza. ¹⁹ Jaiai Juzíñamui Cuegáuaido afémie bie izói daide:

—Iere baitádino onóigafuiaina niné táinocaitaicue.

Daje izói fibídino fibíllafuena ráifitañeiticue, —daide.

²⁰ Ja biniemo fibídime ¿mei níifuemo cánoite? Comini comeci ífuena ñue méidoñede. Daje izói fia fibíllafue llófueraima canóñede. Afe izói bínie ráfuiái júfidotimie canóñede. Mei nana biniemo fibíllafuiái Juzíñamui ja jiáifodo méidoga. Ráifiñede taino uáillaina méidoga.

²¹ Juzíñamui nana ie finóllifuiaina onófirede. Iemona “Fia bínie comini báitajafuedo cuena ónoñetiomoi,” afémie daiñocaide. Mei jiáifodo Juzíñamui íaioimo lloga uaillai íaioi ínuado afémacina jíllotaacade, afe bie lloga uai jiáimacimo ráifiñede taino uai izoide íaioimo cíocaide íadi.

²² Iemo Judíuai fia dánamona comuide cíorainina ráaniaina cíocadiaioi. Iemo judíoñedino iere báitajafue jenódiaioi.

²³ Mei cai, cruzmo coraica Cristo rafue jino llófredicai. Ie mei judíuai afefue llófuiana meáruitiaioi. Iemo judíoñedino aféfuena “Ráifiñede taino uaillai,” daidíai. ²⁴ Mei jiáifodo Juzíñamui jílloilena maiñócano dibénemo afe Cristo cairi tilla llogáfuemo Juzíñamui ríino ite. Daje izói afémaci éna afe llogáfuemo Juzíñamui baitaca uai ite. Daa Juzíñamui jírigamie judío ímie íadi, bifue afémiemo ráifide.

Daje izói Juzíñamui uáidogamie judíoñedime íadi, bifue dájerize íaillinoimo ráifide. ²⁵ Mei jí Juzíñamui lloga uai, ráifiñede taino uai izói comínimo cíoide, mei íadi afe uai énie comini baitacafue baimo iere baitade. Daje izói Juzíñamui finócafue ríinonina izói comínimo cíoide, mei íadi comini máirie baimo jamánomo ríirede.

²⁶ Amatiai, mai Juzíñamui omoi jírrillafuemo uibíoicairi. Omoimona baitádinona figo íñede, mei íadi nai ie comínidomoi. Daje izói ómoimona ríillainina figo íñedeza. Iemo ómoimona jica jalleide comínina figo íñede, mei íadi nai Juzíñamui izíruigamacidomoi.

²⁷ Mei jiáifodo, bínie comini daína abina onóñedino Juzíñamui jae nizeca, ráfuiaina baitádino méaicaillena. Daje izói bínie comini daína ríinidimaci Juzíñamui jae nizeca, nana “Mairídicue” daidino meáicaillena.

²⁸ Iemo biniemo ite jica jalléiñedino naa jámairuigamací diga Juzíñamui jae nizede. Nana bie Juzíñamui nizécano jamai comini. Juzíñamui bie izói jamai comini nizede, abi ínota “Aillomiedicue” daidino ríinitallena.

²⁹ Iemona buna Juzíñamui uícomo abina ínonide. ³⁰ Mei dama Juzíñamui ómoína Cristo Jesumo dájena jaináitate. Daje izói Juzíñamui, Jesucristo cai ífoci déitatimiena jóonete. Iemo Crístodo, Juzíñamui anamo ñue jaícina cai íllena, afémie caimo jóonete. Afe llezica Juzíñamui íeiena Crístodo caina ñue finode. Afe bie Crístodo daí jíllodicai.

³¹ Afémie daí finode, Juzíñamui Cuegáuai daína izói jaícina jino fuitállena. Afe uai daide: “Dámie abí ínoiacania, cai Ocuíraimado abí ínori,” daide.

2

Dama coraica Cristo rafue Pablo comínimo llote

¹ Birui ómoimo cue llua izói, afe izói nauí Juzíñamui ua rafue ómoimo cue lluaíbillaruido, cue baitaca féirede uaido ómoimo úriñedicue, “Iere ráfuiaina baitádimiedio” cuena omoi daíñeillena. ² Mei nauí omoi cígiri cue illa llezica daa Jesucristo ráfuena naa ie coraíafue diga, abi diné jiáifuena ómoína onótacañedicue.

³ Aféruillaído ómoiri ríinidime izói iticue. Ie jira benena cue jácieri cuidíridicue. ⁴ Omoimo jino cue llua llezica fia énie come baitaca uaido ómoína jíeruítacñedicue. Mei jiáifodo Juzíñamui Ñuera Joréñodo jíeruítadicue. Daje izói Juzíñamui ite ríinodo: “Bífuena omoi jíeruiri,” daidicue.

⁵ Daí ómoína daidicue omoi ínogafue, Juzíñamui ríino dibénemo íllena; daje izói omoi ínogafue bínie comini onóigafuemo jáinaiñeillena.

Juziñamui da ie Ñuera Joreño do onoiga

⁶ Mei íadi ómoimona Juziñamuimo ñnogafuemo ñue móonaitinomo cue baitaca uaido úriticue. Bie cue baitaca uai bínie comini íeñede. Daje izói bínie uíñote ríillaini uáíñede. Afémaci naa íaiói uáillairi niné cíocaiñeitiaíoi. ⁷ Jaiái uáfodo ónoñega Juziñamui fibíllafuiaido úriticai. Afémie jaiái énie comuíacana uícodo báinino mamérillafuedo úriticai. Aféruillaído caimo zíñona fuíñeite jíllollifue caimo mamede. ⁸ Nana bínie uíñote ríillainimona bífuena buna onóñede. Bífuena onódiaíoina cai ñuera Ocuíraíma Jesucrístona coráíñediaíoi. (Aféfuena íaiói onóñenado íena coráídiaíoi.) ⁹ Mei íadi Juziñamui cáiena mamécáfue ie Cuegáuai daína izói ite. Afe uai daide:

Bínie comínimona jaca buna cíóñena ñuera raa Juziñamui íena izíruitino íaióiena jóonete.

Afe izóidena comini jaca cacáñediaíoi.

Daje izói áfemo jaca buna comeci facáñena.

¹⁰ Afe bífuiaína Juziñamui ie Ñuera Joreño do caimo llotátate, mei afe Ñuera Joreño nana Juziñamuimo ite uáfodo ónoñega ráfuiaína onóillena izire jícanofiredeza. Iemona afémie cai fidítate.

¹¹ Bíniamo ite comínimona, ¿mei nímie jíáíma comeci ifue onona? Dama afémiemo ite joreño ie comeci ífuena onona. Afe izói dama Juziñamui Ñuera Joreño Juziñamui comeci ífuena onona. ¹² Bínie comini fiéni comécíllafuiaí uícaíñegacai, mei íadi Juziñamui caimo oreca Ñuera Joreño úicaigacai. Juziñamui ie Ñuera Joreño caimo orede, aillo jeruíñeno caimo ie fecaca ráfuiaína cai onóillena. ¹³ Juziñamui Ñuera Joreño caimo llófuega uáillaído afe bífuiaído ómoimo úriticai. Dani cai fibíllafuemono cai onoiga uáillaído ómoimo úriñedícaí. Afe daíí Ñuera Joreño úicaiganomo Ñuera Joreño lloga ua ráfuiaí jino ñue lloticai.

¹⁴ Mei jíí, Juziñamui Ñuera Joreño úicaíñegamie afe Ñuera Joreño lloga ráfuiaína jeire oñede. Mei afémiemona bífuiaí ráífiñede taino uaillai izóideza. Aféfuiaí afémiemo jánaide, mei bífuiaí cómemo dama Juziñamui Ñuera Joreño do llófuegaza. ¹⁵ Mei íadi Juziñamui Ñuera Joreño igámie naga ráfuiaímona nífué ñuena, nífué fiénina daíírede. Mei jíáífodo Ñuera Joreño íñegamie afe izói daííñide. Iemona Ñuera Joreño íñegamie Joreño igámiemo jaca nífuena jícanonide. ¹⁶ Mei Juziñamui Cuegáuai daide: “¿Bu mei cai Ocuíraíma comeci fácafue onona? ¿Mei nímie Juziñamuina llófuerena?” Mei íadi ie Ñuera Joreño do Cristo ífoci úrillafue caimo ite.

3

Dájemo táíjidino izói Juziñamui ocuica uai llujáíllena canódicai

¹ Amatíai, bie lloga Cristo comeci fácafue nai ómoimo figo jóobiñede. Iemona Ñuera Joreño úicaigano izói nai ómoimo úrinidícue. Mei jíáífodo Ñuera Joreño nai figo jáináíñedino izóidiomoi. Crístomo jáináíidino dibénemo nai figo onóñede úruiaí izóidiomoi.

² Iemona nauí ómoimo féinino llófuetícue. Nai monoi jirode úruiaí izóidiomoi; jáiaíde güille nai ómoimo dúíñede. Iemo afe izói ñue baitácafue nai ómoimo jaca dúíñede. Nai aféfuena jeire ónidíomoi. ³ Mei nai Ñuera Joreño jaináíñena llezica jamai come izóidiomoi za. Nai birui jíáímana úradoidíomoi, íemo ícírafuena jenóíredíomoi, íemo nai jíáímana énenoruidíomoi. Iemona bíniamo ite Juziñamui Joreño nai íñegano izóidiomoi. Nana íaiói eneno bozíetaíllafuiaína nai jeire otíomoi. ⁴ Omoimona dáarie “Pablo íédícue,” daide. Jáímaci “Apolos íédícue,” daide. Bie izói omoi illa, nai bíniamo ite Juziñamui Ñuera Joreño úicaíñega comini izóidiomoi.

⁵ ¿Mei nímie Páblona? ¿Mei jíáí nímie Apólona? Coco bie daa Juziñamui ocuícamiédicoco. Daa cócodo cai Ocuíraímamo ínotíomoi. Cai Ocuíraíma cuemo jóonega táíjinamo

táijidicue. Daje izói Apolos dama íemo jóonegamo táijide. ⁶ Cue bie fueñe ritímie izóidicue. Ie mei Apolos afe rigaji jáinoia riáitatimie izoide. Mei íadi afe rigaji zicótatimie daade Juzíñamui. ⁷ Iemona cue bie fia ritímiedicue. Iemo Apolos fia riáitatimie. Bie coco jabóidimiedicoco. Mei íadi Juzíñamui jamánomoidimie, mei afémie afe rigaji zairítaiteza. ⁸ Nana ido ritímie, afeji jáinoia riáitatimie nágaillinoi daje Juzíñamui ocuícamié íaillinoi. Mei íadi illa dígamie nano ie táijina dieze Juzíñamui íbaite. ⁹ Coco bie dama Juzíñamui jetácamo dájemo táijidicoco. Ie mei omoi Juzíñamui riga jacafai izóidíomoi.

Nane jiáie raa izóidíomoi. Juzíñamui como nicana uiga jofo izóidíomoi. ¹⁰ Cue bie jofo níraini ocuídímiedicue. Juzíñamui cue ocuilla izói, bico jáaillirai riire naidánetimie izóidicue. Iemo jiáimie afe jáaillirai acónimo ticáidímie izoide. Ie jira naga tícaitimie rairuídicue, fieni ie ticáiñeno ñue ie ticáilleza. ¹¹ Mei jii, abi diné jiáimie riire naidaide jáailliraina naidánenide. Afe jae riire naidánega jáaillirai izóidímie Jesucristo. ¹² Mei naga come bie jáaillirai caifófemo ie illínona nírede. Afe bíena daírede mei naga come illafue bie nillico izóideza. Dámie afe jáailliraina mameide Jesucristo caifófemo oro izóidedo ie illínona nírede, jiáimie quenírede llojefe izóidedo ie illínona nírede, jiáimie ráifide noficiai izóidedo ie illínona nírede, jiáimie amena iedo ie illínona nírede, jiáimie fia uifizaído ie illínona nírede, jiáimie zicicai izóidedo ie illínona nírede. ¹³ Iemo ico jiáiruido Cristo comínimo itifue riire jicánuaibilliruimo naga come ie nigano uáfori cíote. Aféruido Juzíñamui cai táijina fácaite. Irai izóidedo naga come nigánuai Juzíñamui fácaite. ¹⁴ Irai cúaritañega raado nitímie Juzíñamui ie táijina íbaja raana jirídoite. ¹⁵ Mei jiáifodo cúarirede raado nitímie minícana jiridoñeite. Nana ie táijina niné táinocaiteza; dama táinori llégite. Mei íadi dama afémie jíllote. Ua, jofo bóoamona nana raaie uzilla mei, dama come jíllona izói, afémie jíllote.

¹⁶ ¿Omoi bie Juzíñamui jofo izóidíomoi nai onóñediomoi? ¿Daje izói Juzíñamui Ñuera Joreño ómoimo íllana onóñediomoi? ¹⁷ Afe bie Juzíñamui ico íaifuenidico. Iemona ómoimona dámie bie Juzíñamui jofo eneno botáadi, afe cómena Juzíñamui jiái niné táinocaitaite. Omoi bie íaifuenidico izóidíomoi.

¹⁸ Nane daa come dama abi jífueiza áfemona abí omoi rairuiri. Omoimona dámie “Bínie ráfuenta iere baitádimiedicue,” daíadi, afémie meine abido ínoñedino daína izói ráfuenta baitáñedimiena jáirede, Juzíñamuimo ite nahí rafue baitállena. ¹⁹ Mei bínie comíni baitácafuaia Juzíñamuimona ráifiñede taino uaillai. Ie Cuegáuai daide: “Iere baitádinona Juzíñamui dani íaiói bífueinamo írebaimo jilla izói jíitate.” ²⁰ Nane daanomo daide: “Baitáдино comeci fácafuaia ráifiñenana cai Ocuíraima onode.” ²¹ Ie jira jiáimamo jaináillado jaca buna abina ínonide. Afe omoi dáamíemo jaináilla uai jiáifodo jóide. Nana omoi canódino ómoimo jainaide. ²² Daa cómemo jáinaiñeno nana bimaci ómoimo jainaide: Pedro, Apolos diga ómoimo jainaide, cue jiái Páblodícue ómoimo jaináidicue. Daje izói nana bíniemo ite ráaniai Crístodo ómoiena Juzíñamui mamede. Daje izói Crístodo Juzíñamui ómoína cáatate. Iemo omoi tíadi, Crístodo afe tíllana jáciruiñeitiomoi. Iemo biruíllaido Crístodo caimare írediomoi. Iemo uire jiáiruido ómoimo ífcaitífueimo Crístodo jáciruiñeitiomoi. Nana bie ñúefuaia ómoie. ²³ Iemo Cristo iédiomoi, ie mei Cristo Juzíñamui ie.

4

Jesucristo orécano táijinafue

¹ Iemona Cristo canódino omoi caína daírediomoi. Daje izói uáfodo ónoñega Juzíñamui lloga uaillai jino comínimo llófuetino omoi caína daírediomoi. ² Mei jii, táijinana jóonegamie ie ocuídímie ínofirenana afémiemo jino cíotarede; ie ocuállana ñue ícoimo

fuitárede. ³ Mei íadi cúemona, omoí cuemo itífue jicánodoiari járitañedicue. Daje izóí dáarie cuemo itífue jicánodoi dino cuena dáinana figo náfueñedicue. Afe izóí cue itífue dama cue jicánoiadi áferi járitañeiticue. ⁴ Mei cue comeci úrilla nífuena cuemo nitáñede. Mei íadi afe izóí cue comeci úria, nai ua Juzíñamui eróicana ua nífuenidimedio cuena daiñede. Mei cuemo itífue jicánotimie dama Jesucrístoza. ⁵ Mei jira, Cristo nai biñena llezica jáíima táijinafuena riire omoí jicánodoiñeno iri. Daa cai Ocuíraima jicánuaibillirui omoí ocuíriri. Aféruido afémie jítifomo báinino itínona bai úzefomo uáfori cíotaite. Daje izóí aféruido cai Ocuíraima naga come comeci mamérrillafuiai uáfodo onótaite. Iemona Juzíñamui naga come nano ba íemo dúide dieze ñúefuiai íemo fécaite.

⁶ Amatiai, mei ñue omoí íllena bífuiaido omoí o úriticue. Omoí canódimie Apolos ífue dama cuefue diga jae ómoímo lloticue, omoí ñue dájena comécillífue uáfodo omoí onóíllena. Bífue ómoímo lloticue ómoímo coco cíotagafuiaido Juzíñamui Cuegáuai baimo omoí coméciiñeíllena. Afe uai caina daide: Dáamie dibénemo gáííñeno omoí iri. Daje izóí jáíimiena jámairuiñeno dájeze nana íaíoímo omoí íñori. ⁷ ¿Mei nie come jáíimaci baimo ómoína ñue íñua? Nana omoí onoiga ñúefuiai Juzíñamui fecácaza. Jaca Juzíñamui fecáñegana íñede. Iemona ¿níbái mei dáamiedo abina íñofirediomoí? Abina íñofiredimie: “Cue comeci jítaina izóí cuemo fecácaza,” daiífirede. Mei íeñedeza. Omoí dani fécañegaza. Mei jira áfedo abina íñonidiomoí. Nana caimo ite ráaniaimona dani cai ocuilla izóí íñede. Nana Juzíñamui caimo fecaca.

⁸ Birui ja “Nana Juzíñamui caimo fecácagafuiai ja cai ógaza,” daií comécidiomoí. Nana omoí jitaica ráaniai níbai ja omoí oga. Nana omoí onóacaga ífuiaina níbai ja ñue baitádiomoí. Níbai ómoína cai canóñenado ja illáicomínina jáidiomoí. Mei íadi táinodo abi íñotiomoí. Iemo afe llezica cai bie jalléíñedicai. Mei íadi ómoína: “Ua illáicomínina omoí ii,” daidicue. Afe daií cai bie omoí diga dájena illámaiticai. ⁹ Cai bie Cristo orécamiiai jino íirainomo Juzíñamui fíecacai. Cai bie lláviano títino izóidicai. Jira cai bie nana énie nairai acárilla raa izóidinona jáidicai. Iemona nana comíni naa Juzíñamui abi imáçiri caimo éroitiaíoí, mei afémaci abi fáiacaitadinodicaíza. ¹⁰ Cristo rafue cai llócaillamona caina jáíimaci “Abina onóñediomoí,” daidíaíoí; mei afe llezica “Crístodo ráfuiaina baitáidinodicaí,” daidíomoí. Omoí ríiredinona illa llezica, cai bie ríinidinodicaí. Caina comíni jámairuilla llezica ómoína ñue jacíruitiaíoí. ¹¹ Mei jaiiai nai biruimo júbieri duere zefuídicaí. Daje izóí cai jirole jainoi íñénari jáí duere zefuídicaí. Daje izóí figo ínícuironidicaí. Daje izóí comíni caina fiéni finódiaíoí. Uái cai illino íñede. ¹² Aillo cai táijinamona iere llégidicaí. Iemo comíni cairi jainónaitimaci; mei íadi íaíoína Juzíñamui canolle uaido fairíoticaí. Caina fiéni finóllena racádiaíoí; mei íadi ocuídicaí. ¹³ Cairi fiénidífuedo úritiaíoí; mei íadi afe comínina comeci mánainafuedo fíaicana llófueticaí. Afe llezica oni dotaca íáirede raa dota izóí, afe izóí caina ráííñedinona caina mámiano náfueñediaíoí. Nai biruimo cuidoda oni faíga íáirede raana caina mamédiaíoí.

¹⁴ Bífuiaina omoí meáidaillena cueñedicue, mei jáífodo omoí ñue íllena rairuíllano, lloticue, mei cúemona izíruiga jítótiaí izóidiomoíza. ¹⁵ Mei cómemona facádonide Cristo ráfuena llófuetino ómoímo ite íadi, nai omoí íñogafue tainédimie daade. Cristo Jesumo omoí íñollena, omoí moo izóí omoí comútatimiedicue, mei cai jíllona uaina ómoímo llotícueza. ¹⁶ Ie jira ómoímo cue cíotaga cai ñue illífuedo omoí jáíllena, izire jicádicue. Daje izóí cue llogáfuedo omoí jairi daidicue.

¹⁷ Afedo omoí jáíllena, Crístomo cue íñotaga Timoteo ómoímo orédicue. Afémie cue izíruiga jító izóidimie. Afémie, Crístomo cue íñuamona cue lloga ñue cai illáfuena ómoímo úibicaitaite. Afe bie afémie ómoímo llujíllífue izóí, afe izóí nágagobiaímo ite Juzíñamuimo íñotimacimo, cue jáíí llófuefiredicue. ¹⁸ Omoímona dáarie abina íñuano, daidíaíoí:

“Pablo caina éroizaibiñeite,” daidíaioi. (Afe izói dáinado cue uaina uáitaacadiaioi.) ¹⁹ Mei íadi cai Ocuíraima Jesucristo comeci jítaiadi raire omoi cue méiñuaillena ocuúridicue. Iemo cue billíruimo afe abina ínotimaci nie ñúefue jiáimacimo finódiaioiza, afefue cue onóillena fácaiticue. Afedo íaioi ñuera ríino ite, nibai iñédeza, ónoiticue. Aillo íaioi úrilla uaina náfueñeiticue. ²⁰ Mei jii, fia cai úrilla uaido, Juzíñamui illáimana illáruimo jaináitañegacai. Mei jiáifodo Juzíñamui Ñuera Joreño ríinodo cai comeci itifue méiduano ie illáimana illáruimo jaináitagacai. ²¹ ¿Mei nie izói óiacadiomoi? ¿Mei nibai ómoína duere cue fínuaibillana óiacadiomoi? ¿Nibai izíruillafuedo comeci mánainafuedo ómoimo cue éroizaibillana óiacadiomoi?

5

Pablo fiénide meáifue finódimie duere finóllena llote

¹ Ja birui omoi cígimo ite iere fiénide jiruífueña comini cue fidítatiaioi. Omoimona dáamie ja ie moo ogango dama ie aina ote. Afefue iere jamánomo meáirede. Afe izoide fiénidifueña Juzíñamuina ónoñedimaci jaca rairuúdiaioi. ² Mei íadi bie izói ómoimo illa llezica jnai omoi iere abina ínofirediomoi! (Afe izói omoi illa iere figóñede.) Mei jiáifodo áferi iere zuure írediomoi. Daje izói áferi meáidarediomoi. Bie izói jiruúredimie omoi cígimona mai oni ore. ³ Náamiena omoi diga dama cue iñédicue, mei íadi afefue dibénemo cue comeci facáoinana ñue onódiomoi. Ie jira afe bie jiruúredimie ie duere finóllena jae cai Ocuíraima Jesucristo mámecido ocuúdicueza. ⁴ Iemona Jesucristo mámecido dáanomo omoi gairízaila llezica, íemo cue comeci facáoinamo ñue omoi uibíoicailla llezica, íemo jiái cai Ocuíraima Jesucristo omoi cígiri ríinorena llezica, ⁵ mai afe ímana ómoimona jino dótano Taifena náamataga comínimo íena omoi zóoferi, ie abi fiéni jítainafuiai niné táinocaitallena. Afemona cai Ocuíraima Jesús billíruimo afémie joreño jíllobicaiteza.

⁶ Afe íaifue nai ómoimo illa llezica omoi ñue íaininana illa izói abí ínotiomoi. Afe abí ínuana figóñede. “Mei daa cómemo ite íaifue aillo ie abimo itímacina íairetaiteza.” ¿Comini daina uaina onóñediomoi? Afe uai daide: “Pan finóadi afe aillo fáitate raa tamédiaioi. Due jiza fáitatena jóonega íadi, nana afe magáfecina aillo fáitate.” Afe izói daa come finoca íaifue aillo ie abimo itímacina íaire finode. ⁷ Iemona ómoína fiéni finode come ómoimona oni jica oreri, mei afémie jácaie pan fáitara izóidimieza. Ie jira afe fiénide meáifue ómoimona ñue muiñori, ñue jáicina íaifuenidímacina omoi íllena. Iemona fáitatena jóoneñega comue pan izóidinona ítiomoi. Ja onódicueza, afe bie izóidino ua itíomoi, mei Cristo nana cai ícoinia fagámiena jáideza. Afémie cai ifomo fatá Juzíñamuimo fecaca oveja jiza izóidimie, caimo ite íaifue oni dóllena. Afémie pascua rafue illa llezica cai uibíoigamie. Ie jira bie íaifue oni omoi fáinocai; mei íaifuemona muiñócanona cai íllena, Cristo tíideza. ⁸ Iemona nágarui cai illáfuemo táinona úriñede comécido mai cai illi. Daje izói ñúefuíairede comécido mai cai illi. Afe izoide comeci fáitate raa jóoneñega comue pan izoide. Mei jiáifodo íairede comécido cai íadi, daje izói éoicaide comécido cai íadi, afe izoide comeci jácaie pan fáitate raa izoide. Afe izói mai cai íñeilli. ⁹ Naui ómoimo cue cugábemo ómoína daidicue: “Bie izói jiruúrede comínimo nabáiriñeno iri.” ¹⁰ Bínemo jaca jiruúredino ite, daje izói iere ráanaiacadino ite, íemo merírifiredino ite, íemo jánarai íóbitadino ite. Bimaci diga omoi nabáiriñeillena lloñédicue. Aféfuena rairuúdicuena bínemo oni járediomoi. Mei íadi afe izói ocuúñedicue. Mei íadi onódiomoi, afémaci illa izói ínidiomoi. ¹¹ Mei ómoína cue daíacanafue jiáifo jóide. “Crístomo ínote omoi ámadicue” daidímie íadi afémie jiruúreniadi, afémie diga nabáiriñeno iri. Daje izói afémie iere ráanaiacania afémie diga nabáiriñeno iri. Iemo dáamie jánarai íóbitaadi, íemo afémie jiáimana fiéni úrifireia, ie jífaireia, íemo ie merírifireia, afe izoide “Crístomo ínote omoi

ámadicue” daidímie diga nabáiriñeno iri. Iemo jiái bie izoide come diga omoi güiñeno iri. 12-13 Biniemo ite ñnoñede fiénidinomo itífue riire cue jicánolle cuemo dúñede. Mei íaioimo fiene itífuiái dama Juziñamui riire jicánoteza. Mei jiáifodo omoi dani ómoimo jaináidinona riire jicánorediomo. Ie jira afe bie fiénidifuiairedímie omoi cigimona oni oreri.

6

Juziñamuimo ñnotino júfidogafuiái oni ñnoñedinomo llujínide

¹ Dani ómoimona dámie jiáimamo júfidogafue comuíadi, ¿nibái mei oni jiáimacimo afefue záitallena jáidiomo? mei afémaci cai ñnogafuemo jaináñedimaci. Dani omoi cigiri ite Juziñamuimo dúidinomo jicárediomo, o júfidogana jaícina záitallena. ² ¿Nai onóñediomo? Juziñamui iédino nana bínie comini itífueña riire jicánoitíai? Mei uire bínie comini riire jicánoitíomoza, ¿nibái mei omoi cigiri ite dúefuiaina raire záitanidiomo? ³ Iemo jiái, ¿nai onóñediomoza Juziñamui abi imaci, ángeles dainámaci, itífuiaina riire jicánoitíai? Mei uafue Juziñamui abi imaci itífuiaina riire jicánoitíomoza, ómoimo ite bínie ífuiái raire záitallena ómoimona juánide. ⁴ Bie cai illáfueмона comuide júfidogafuiái ómoimo comuíadi, ¿mei nibái mei Juziñamuimo gairidino dibénemo iñédinomo llujífirediomo, afefue jaícina ómoimo finóllena? ⁵ Bie izói ómoina daidícue omoi méaicallena. ¿Mei nibái omoi cigiri ámatiaimo comuídifueña jaícina finuana baitádimie iñede? ⁶ Ja birui da ama jiáimamo júfidogafue comuíadi, Juziñamuimo ñnoñede jaícina finóraima uícomo llujífirediomo. ¿Meita bie izói írede? ¡Inide!

⁷ Uáfodo onóigaza, nanómona daa júfidollífue omoi cigiri comuíadi, jiáie o ñue illáfueña táinomo fáifitaite. (Daje izói o júfidogafue Juziñamui ífueña jámairuitade.) Daa cáimona dámie fiene o finóadi, afe iba o óñeille baimo ñuera. Daje izói daa come cue raa jífuiano bairóadi afe meine cue óñeille iere baimo ñuera. ⁸ Mei jiáifodo fiénidífue fáicanocaiñeno, dani omoi ámatiaimo fiene finódiomo, íemo jiái omoi ámatiaina jífuiano raana bairófirediomo.

⁹⁻¹⁰ ¿Nai onóñediomoza? nana jiáimana fiene finódino Juziñamui illáimana illíruimo dúciñeitiaio. Omoi jífueñeno iri, mei naga fiénidino Juziñamui illáimana illíruimo jáinañeitiaioza. Daje izói áreiñeno jiáie ringo jetáidino dúciñeitiaio, íemo jánaraina ióbitadino, íemo jiruífueredino, íemo jiáie ima diga fiene itímíai, íemo merírifiredino, íemo iere ráanaicadino, íemo jifáifiredino, íemo jiáimamo fiene úritino, íemo jífueña bairófiiredino; nana éniemo ite bie izoide comini Juziñamui illáimana illíruimo dúciñeitiaio. ¹¹ Naui ómoimona dáarie bie izoide. Mei íadi ja birui Jesucristo ñue íáinino finócaomo. Daje izói Juziñamui íeiena ñue mamécaomo. Afe izói Moo Juziñamui Ñuera Joréñodo, íemo jiái cai Ocuíraima Jesumo omoi ñnuado Juziñamui anamo ñue jaícina itábicaidiomo.

Cai abi Juziñamui eróicana iere ñúeraza áfena íaidonidíca

¹² Comini daífirediaio, “Cue bie cue comeci jitailla izói íredícue.” Afe uafue, mei íadi naga íaioi comeci gáinafue íaioina ñue finóñede. Uáfueña daa come dama ie comeci jitailla izói írede, mei íadi afe comeci jitaillafue íena anáfenotanide. ¹³ Mei uáfueña: cai güille, cai jébeño ie; daje izói cai jébeño güille íena finoca. Mei íadi jiáiruideo Juziñamui nágaillinoi güille naa jébeño diga jiáifodo méidoite. Mei íadi “Bie cai abina jiruífue íena mameca,” daínide, dáarie daí daífirediaioi íadi ¡mei afe uáfueñede! Bie cai abi cai Ocuíraima ie. Afe íbana cai Ocuíraima cai abimo dúide, cai ñue rairuíoicallena. ¹⁴ Iemo Juziñamui cai Ocuíraima Jesús cáadimiena jáitate. Afe daí ie finua izói, afémie dama ie ríinodo cáadimacina caina mámeite.

15 ¿Onóñediomoiza ómoimona illa dígamie ie abi dama Cristo abimo dúide? ¿Meita Cristo abimo dúidimie jiruiredingomo dájena jóoneredicue? ¡Jaca jóonenide! 16 ¿Mei nibai jiáifue onóñediomoiza, dáamie jiruiredingo diga íadi afémie abi daa afengo abi izóicaide? Mei jii Juziñamui Cuegáuai áirenafue dibénemo bie izói daide: “Íima ie ai diga afe íaillinoi dámiena ja mameide.” 17 Afe izói dáamie cai Ocuíraimamo dájena jaináadi, afémie dájena joreñoredimiena jaide.

18 Iemona mei jiruífueмона oni omoi iri. Nana jiáie cai finoca fiénidifue cai abina figo íáiñede, mei íadi áireiñeno jiáie ringo diga jiruifue cai finóadi, cai abina bácadicai. 19 ¿Mei onóñediomoiza, omoi abi Juziñamui caimo iga ie Ñuera Joreño illano? Iemona afe Ñuera Joreño jaca omoi diga íteza. Omoi abi dani ómoieñedeza, Juziñamui ie. 20 Mei omoi abi Juziñamui jamánomo ráifidena ibácaza. Mei jira cai abido Juziñamuina ióbitaredicai, íemo jiái daje izói caimo ite joreñodo íena ióbitaredicai, mei afe bie cai abi naa cai joreño diga Juziñamui íeza.

7

Pablo come áirenafue llófuete

1 Ja omoi cuemo jicánoga uallai afe íbáduai llóiticue. Uáfueza dámie áireiacañenia dama illa figura. 2 Mei íadi aillo jiruifue íteza, naga íima áirede. Daje izói naga ringo inírede. 3 Airedimie dama ie ai afémie diga íacana dieze, afémie írena. Iemo daje izói iníredingo ie ini afengo diga íacana dieze, afengo írena. 4 Iníredingo “Cue abi daingo cuemo dúide,” daiñide. Afengo abi ie ini íeza. Daje izói áiredimie “Cue abi bie dama cuemo dúide,” daiñide. Ie aimo jaináideza. 5 Íima ie ai diga íacania ráiruiñeno jiéruiri. Daje izói ringo ini diga íacania ini ráiruiñeno jiéruiri. Mei íadi nibai jiáiruido da come ie ai diga nano nígarui iere Juziñamuimo íaillinoi comeci facáacana llezica, aféruillaido dájena íñediaillinoina ñuera. Afe mei nane raire meine dájena írediaillinoi. Mei are dájena íaillinoi jáicañenia, abi jitáinafuena ocuíninamona fiéni íllena Taife íaillinona facátaiteza.

6 Bífuiái caimare ómoie íllena lloticue. Riire lletara uai daina izói lloñédicue. 7 Cúemona nana comini cue áinino cue illa izói itíaioina, ñuera. Mei íadi Juziñamui illa dígamiaimo jiáifoido ocuilla ríino fecade. Dámie áinino dama illa ocuírede. Jiáimie áinino dama illa ocuínide.

8 Ja birui áinidinomo naa fecínguai diga úriticue. Damádimie dama cue illa izói itíaioina ñuera. 9 Mei íadi dámie ie abi jitáinafuena ócuiñenia afémie raire áirede. Daa come ie abi jitáinafue íena anáfenoa fiénide, íemona raire áirena ñuera.

10 Mei íadi áiredino iníredino diga afémacina bie izói ocuídicue. Iníredingo ie inina jaca dotánide. Bie ocuilla uai dama cúeieñedeza, cai Ocuíraima Cristo ie. 11 Mei íadi iníredingo ie ini dotáadi afengo daingo írede; mei jiáifodo afengo afe dai íacañenia, afengo meine ie ínimo abido bírede. Daje izói áiredimie ie aina jaca fáicanocainide.

12 Iemo jiáifue dibéfodo cai Ocuíraima úriñedeza, dama cue ñue fibíllafuemona úriticue. Daa Jesumo ínotimiemo nai íñoñede ai íadi, íemo afengo nai afémie diga íacana llezica, afémie afengo diga írede. Afémie afe ie aina dotánide. 13 Daje izói daa Jesumo ínotingo ie ini nai Jesumo íñoñede íadi afémie afengo diga íacana llezica afengo afémie diga írede. Afengo afe ie inina dotánide. 14 Mei jii, Jesumo íñoñede áiredimie Jesumo ínote aimo jaináillamona Juziñamui ñue finócamiena jaide. Daje izói Jesumo íñoñede iníredingo ie Jesumo ínotimiemo jaináillamona, Juziñamui ñue finócamiona jaide. Afe izói íñeniadi, omoi jitótiai íñoñedino úruiai izói itíaioi. Mei íadi afe izói jóoiñede. Afémaci Juziñamui ñue finócaiaioi. 15 Mei íadi Jesumo íñoñedimie izire ie aina oni oréacania, dama daiítadeza; orérede. Daje izói Jesumo íñoñedingo izire ie ini fáicanocaiacania, dama daiítadeza; fáicanocairede. Aféfuena júfidoñeno iri, mei Juziñamui “Nágarui uái omoi ífireiri,” caína

dáideza. Bie izói ífcaiaidi Jesumo ínote ama naa ínote miringo diga rairuínino afe ínoñediemo jaináitanide. ¹⁶ Mei íadi Jesumo ínote iníredingo cácarei. Nai ónoñegaza nibai odo o ini jílloite. Daje izói Jesumo ínotimie cácarei. Nai ónoñegaza nibai odo o ai jílloite.

¹⁷ Iemona illa dígamie dama Juzíñamui íemo jóonia izói, afe izói nágaruillai írede. Iemo, fueñe Juzíñamuimo cai ínua llezica aféruimo cai táijina izói, afe izói nai birui táijiredicai. Bie izói nana Jesumo gairídínona ocuídícue. ¹⁸ Dáamie Juzíñamuimo ínua llezica ie bacano ícoi quetátañenia, dama daítadeza; quetátañeno iri. Daje izói jíáimie Jesumo ínua llezica jaiái quetácaza dama daítadeza; jíáfodo júfidoñeno iri. ¹⁹ Dáamie ie bacano ícoi quetaca nibai quétañega áfena náfueñeno iri. Mei jíáfodo Juzíñamui comeci jítainafue jeire cai olle iere ráifina. ²⁰ Illa dígamie fueñe Juzíñamuimo ie ínua llezica aféruimo ie illa izói, afe izói nai birui írede. ²¹ Aféruimo jíáima jeruícamiéna o ia, áfemo járitañoeno iri. Mei íadi afe ímamona oni o jáillino o báia, áfena maiñori. ²² Mei jíi, dáamie como fueñe Juzíñamuimo ie ínua llezica, aféruído afémie jíáima ocuífíregamie. Ja ie ínua mei Juzíñamui dibéfomo afémie bu ráiruiñegamiéna jaide, cai Ocuíraima táijinafue ie finóllena. Mei daje izói jíáimie como fueñe Juzíñamuimo ie ínua llezica, aféruído afémie bu ráiruiñegamie. Ja ie ínua mei Cristo izire ocuífíregamiéna jaide. ²³ Juzíñamui iere ráifidena íbácaomoiza. Iemona jíáima riire ocuífíregamiéna omoi íñoeno iri. ²⁴ Amatiai, omoi cácarei, ómoimona illa dígamie como fueñe Juzíñamuimo ie ínua llezica, nanómona ie táijina izói, Juzíñamui eróicana afemo táijífireiri.

²⁵ Mei birui nahí ánidino naa inínidingotiai diga afémaci ífue llóiticue. Afémaci cue lletalle uaina cai Ocuíraima cuemo lloñede, mei íadi cue fibíllamona cue onoiga uai llóiticue. Mei Juzíñamui cue cánuado cue lloga uaina ínoredeza. ²⁶ Mei birui iere jacíredíruillaiza, cúemona bifue ñue cioide: daa come birui ie illa izói jíáfodo méidoñoeno írede. ²⁷ Mei birui ja áiredio, afe mei ánidimie abina maméñoeno iri. Mei daje izói, birui nai ánidioza, mai ringona oñoeno iri. ²⁸ Mei íadi o áirenia, afefue fiénidífueñedeza. Daje izói daa jitaingo inírenia, fiénidífueñedeza. Mei íadi biruillaído naga áiredimie naa iníredingotiai diga íaioi illafue ánidímaci baímo iere juárede. Afe bie júaredífuiaimona ómoína rairuíacadícue.

²⁹ Amatiai, ómoína cue daííacanafue bie izói jóide. Bíníemo Juzíñamuina cai íóbitallirui aréíñede. Ja benómona cai illífuena jíáfodo maméredicai. Birui áiredimie, ánidimie izói írede, raíre jíáimaci jacíredífuemona cánuallena. ³⁰ Daje izói come tíllamo zúunaitino birui zúnaiñedíno izói írediomoí. Daje izói caímare iráizizaidíno ja birui caímátaiñedíno izói írediomoí. Daje izói nana ráaniai íbáritino ja birui íaioi íbaca raana “Cáieíñede” daíífredíomoí. ³¹ Iemo bíníe ráaniai fecáfíredíno, daje izói afe ráaniairi caímátaidíno ja birui afe ráaniaimo figo járitainidíomoí. Mei bie cai ciona énie naa ie ráaniairi ja fúioicaideza.

³² Omoi gágudífuiaimona oni ómoína óiacadícue. Dáamie nai áinina llezica, cai Ocuíraima ífuiaimo járitairede, cai Ocuíraima íóbitallena. ³³ Mei jíáfodo áiredimie ie ai íóbitallena, bíníe ráaniairi járitaífirede. Iemona afémie mena ocuídímie anamo ite izóidemona, ie finóacagafuiaína finónide. ³⁴ Ringóniaimo jíái daje izóidífue ite. Nai inínidingo cai Ocuíraima ífuiaimo járitaite. Afengo joreño naa ie abi diga Juzíñamui íena iere íacade. Mei íadi iníredingo ie ini íóbitallena bie énie ráaniairi járitaide.

³⁵ Ñue omoi íllena bífuiaí ómoímo llóiticue. Omoi áireiacanafuena rairuíacañedicue. Mei jíáfodo comíni eróicana ñue jaícina omoi illífuena jítáidícue. Iemo jíái cai Ocuíraima Jesús ocuífí fue jízíñoeno jeire omoi óllena, bífuiaí ómoímo llóiticue.

³⁶ Mei ómoimona daa come comécido daíía: “Cue jícanogango dibénedo ñue jaícina finóñedicue,” íemo afe llezica afengo are díno jítáingñoiteza, afémie comeci ñue faca izói,

izire ie áireiacana izói áirede. Ie jicánogango ie olle fiénidifueñedeza, afe íaillinoi áirena rairuínide. ³⁷ Mei íadi jíámie jíáfodo comeci facáadi, mei afe ñuera. Ie jicánogangona ie aina ie óiacañenia daje izói afefue jíái ñuera; mei afémie ie jicánogango raire óñeillena ie comeci ñue daina izói, jica ia ñue mamédeza. Afe izóidifue íaifueñede. ³⁸ Nana bíuailaimona bie izói onódicaí. Jicánogango otímie ñúefue finode, íemo jicánogangona onédimie afe baimo ñúefue finode.

³⁹ Iníredingo, ie ini nai caana llezica, ie inimo cuinaca izói jainaide. Mei íadi ja ie ini tilla mei, afengo bumo jaináñede. Jesumo ínnote afengo gáigamiemo iníreirede. ⁴⁰ Mei íadi cue comeci faca izói, afengo meine nane iníreiñeden a baimo caimare iite. Bie uai ómoimo cue llua llezica, Juzíñamui Ñuera Joreño cuemo ite izoide daidicue.

8

Jánarai íena mameca rílleniaí ifue San Pablo llote

¹ Ja birui omoi jicánoga jíáfue llóiticue. Jánarai íóbitallena fia fecaca rille ifue llóiticue. Fere uáfueza, bífuiaimo fibídicaíza. Mei íadi cai onóigafuemon a cai abi fieni ínnuana aillo comuítate. Mei jíáfodo jíáimana cai izíruillafue nana comínina náirecaítate.

² “Baitádimiedicue” daidímie Juzíñamui ie onótaacanaze nai onóñede. Nai abina onóñede.

³ Mei dáamie Juzíñamui izírui a, afe íbana Juzíñamui ñue afémiemo éroite.

⁴ Mei ja birui jánarai íóbitallena fia fecaca rille ifue llóiticue. Omoimona dáarie bie izói daidíaioi: “Afe rílleniaína ríri” daidíaioi. Jíámaci “Ríñeno iri” daidíaioi. Fueñe bífuiaimo omoi cácarei. Mei ñue onóigaza bie jánarai nahí ráañede, ráifiñede fia raaza. Daje izói ñue onóigaza jíáie Juzíñamui jaca íñede. Juzíñamui jaca daade. ⁵ Mei comini, monamo aillo ite juzíñamuillai daíadi, daje izói bíniemo jíái aillo juzíñamuillai ite íaioi daíadi, íeñede. ⁶ Mei íadi cáimona cai Moo Juzíñamui jaca daade. Afémie baimo jíái juzíñamui íñede. Uáfueza comini juzíñamuina mameca taino juzíñamuillai aillo ite. Daje izói íaioi mameca Juzíñamui jabóidillaini aillo ite. Mei íadi cai onoiga daade Moo Juzíñamui naga ráaniaí finódimie. Iemo bie cai afémie íena iticaí. Iemo jíái cai Ocuídímie daade; afémie Jesucrístona. Afémiedo naga raa comuítaga. Cai jíái daje izói afémiedo comuítagacai.

⁷ Mei íadi nana comini nai bífuiaína onóñediaioi. Dáamierie nai jánarina íóbitajana fibídiaioi. Afémacimona taino juzíñamuimo fecaca güillena, “Bie güille cai juzíñamuillai ie” comeci anado daidíaioi. Daí íaioi comécilla mei áfena rítiaioi. Iemona afe taino juzíñamuillai güilledo íaioi ífoci úrillana bácadiaioi, mei íaioi ínogafuena nai figo baitáñediaioíza. ⁸ Mei uáfueza, fia cai güígado Juzíñamui caimare caina uáidoñede. Cai güia, nibai cai güíñeniadi áfena Juzíñamui lloñede. Cai güiadi, afémie íena caina caimare fínoñeite. Daje izói güíñeiticaí íadi, caina fieni fínoñeite. ⁹ Iemona ja onódicaíza rairuíñeno güiredicaí. Mei íadi áfemona abí omoi rairuíocairi, mei dáarie íaioi ínogafuena nai figo baitáñediaioíza. Jánaraimo fecaca rille o ríana íaioi fidíadi, afémacina fiénidifue mo baiítatio. Afemona abí omoi rairuiri. ¹⁰ Afe bie güille ráiruíñegaza onódio. Iemona jánaraimo dúide güirácomo güizájidio. Afe llezica ínogafuena nai figo baitáñedímie o güillana cióadi, afémie dáíte: “Cue jíái cue güizájiticue,” dáíte. Mei íadi afémie dibénemo, taino juzíñamuillaina jacíruillano afémacimo fecaca güille güite. Daí ie íllamona dama ie comeci úrilla bácade. ¹¹ Iemona o ñue onóigafuedo, figo baitáñede o ama fiénidifue diné féiraitadio. Mei íadi Cristo jíái afémie jíilloillena tíide. Jira o afémie féiraitalle fiénide. ¹² Afe jira, ínogafuena nai figo baitáñedímie fiénidifue mo afémie o ífóadi, áfedo Cristo fieni finódio. ¹³ Ie jira rille cue ría ícoínia cue ama fiénidifue mo cue baiítaíza, ja benómona jaca ríllena ríñeiticue. Daí cue illa jamánomo ñuera, afémie fiénidifue mo cue báítañeillena.

9

Jesucristo orécamie buna ráiruiñega

¹ Ñue onóigaza, nana jiáie Jesús jiáinomo orécamiai izói, rairuínidicue. Mei cai Ocuíraima Jesuna afémaci íena ciona izói, íena jiái ciódicue. Iemo jiái omoi dani Jesumo íinogano cai Ocuíraimamo cue táijinamona comuide. ² Jiáimaci, “Bie Pablo Jesús óreñegamie” nibai cuena dáitiaioi. Mei íadi afe izói cuena daínidíomoi, ómoína cai Ocuíraimamo ja ínotadicueza. Iemona omoi dani Jesumo ínuamona, cuena bie uáfueña Jesús orécamie daítaite.

³ Omoimona cue uáitatino uaina bie izói óitícue. ⁴ Juzíñamuimo gairídino cuemo fecaca güille naa jirolle diga áfena cue llínolle bu cúemona rairuínede. ⁵ Daje izói jítaidicueña jiáie Jesús orécamie fínua izói, Jesumo ínotingona cue aina óredicue, cue diga jáicaillena. Iemo afengo jitaille güille daje izói ómoimona llínoredicue. ¿Ero ua? Ua, cai Ocuíraima Jesús ámatiai naa Pedro diga, ringo ua izói, cue jiái afe izói ringona óredicue. Iemona afengo ómoimona ecárede. ⁶ ¿Mei omoi nie izói comeci facadíomoi? ¿Nibai coco dáillaínoí cue nabai Bernabé diga, nanómona coco ónoído tájinafuena fáicanocainidíococo, ñúefue coco llujáillena? Mei íeñedeza. ⁷ Mei daje izói ¿nie fuíriraíma dama ie güille diga jáireña? Jáinide. Jaca afénomo ecácaza. ¿Nie come jíricona ríadi áfemona afe llizállajina afémie riéñede? Jaca afe izóidímie íñede; jaca afémie aféjiaina riéfirede. ¿Mei nie ovéjaiai úiñotímie ie úiñoga oveja monoi omida afémie jiróñede? Jaca afémie áfeji jirófirede. ⁸ Fia come daína izói bífuiai cue llua daíí omoi comeciñeno iri, mei jaiai Moisés cai ocuilla uai daje izói dáideza. ⁹ Afe ocuilla uai cuiánicomo daide: Arroz izoide trigo, juráreto gájirillena záizia llezica, áfemona íaioí güilleza fue maiñeno iri. Ñue onóigaza, bífuena Juzíñamui dama juráreto jíicana daííñedeza, ¹⁰ mei jiáífodo biedo Juzíñamui cai llote. Bie ocuilla uai cai ñue íllena cuega. Mei jii, jacafai tíeraíma afénomona llizide raana otá güirede. Daje izói trigo gájirillena juráreto zaízitatímie áfemona otá güirede. Afemona afe íaillinoí güillena camare ocuírídíaillinoí. ¹¹ Iemo ritímie rífirega izoide Juzíñamui uailai ómoímo fueñe llotícue. Ie mei birui ómoímo ite bíníe ráaniai abido cue maiñolle figora. ¿Mei nibai ómoímona bie áillue izói cíoide? ¹² Mei jiáie llófueraini ómoímona íaioí güillena ófirediaíoi, ie mei bie cai afémaci baímo fia ecáregacai.

Mei íadi bie daína izói cai güillena ocuínedícai. Mei jiáífodo ómoímo ñúefue lluaíbitícue. Nana cue jitaiga ráaniai dama cue íbaca. Omoímona minícana fia oñédicue, cue lloga Cristo daína uaina omoi ruífruíza daíí. ¹³ Mei jii, jiáífue ñue onódiomoi, nana Juzíñamuimo gairíracomo tájifiredino afeco ie güilleo írediaíoi. Bífue bie izói daííacade; nana Juzíñamui íóbitallena fecaca rille jobáiranomo tájifiredino, afénomo fecaca ríllemona come jítaíllaze otá rírediaíoi. ¹⁴ Mei birui cai Ocuíraima daje izói ocuide. Nana jíllona uai llócaidino, íaioí llófuega comínimona güillena otá güirediaíoi. ¹⁵ Mei íadi cue bie daína izói jaca fínóñedicue. Daje izói bie cue ciegábedo ómoímona minícana fia jicáñedicue. Güille ómoímona cue jicáñenamona júbieri tíidicueña, afe figo cuemo ráifíñede. Raiñóño bie ñúefue cue llujáiri íere íóbidícue. Afe bie cue íóbillafue cue tílla baímo jamánomo ráífide.

¹⁶ Jíllona uai cue llócaillado abína ínonidícue, mei afe llócaillena jónegacueza. Bífue llócaíñedicueña jñi duere cue zefuilla! ¹⁷ Ie jira, dama cue comeci jítailla izói bífuena cue llócaíadi, Juzíñamuimona jíridoredicue. Mei íadi afe izóiñedeza. Juzíñamui cue níziano bie ñúefue cue llócaillena cue jónete. Afena cue jaca jámairuínidícue. ¹⁸ Iemona daíí cue llócailla jírdúa jiáífodo jóide. Nie afe cue jírdoga daítana fia cue íóbillafue; mei raiñóño bie ñúefue cue llujáillari íere íóbidícueza. Nana cuemo dúide tájinaína íbatañedicue. Uai

llórama izói cue tájinamona, cuemo dúide ráaniai ómoimona raiñoñoeno fia oñédicue. Aferi iere ióbídícue.

¹⁹ Mei comínimona buna ráiruiñegacue, mei íadi nana comini ocuállimiena abí mamédicue, baimo aillo comínina Crístomo cue jaináitallena. ²⁰ Judíuai cígimo cue illa llezica, judío ímiena abido jáidícue, afémaci Crístomo cue jaináitallena. Bie izói daina, Moisés ocuica uai anamo itinona Crístomo cue jaináitallena, afe Moisés lloga uai anamo abíjóneticue. Mei íadi uáfueña afe ocuica uaimo dúiñedicue. ²¹ Iemo jáínomo, afe Moisés ocuica uai anamo iñédinona Crístomo cue jaináitallena, íaiói izóidimiena jáidícue. Mei íadi uáfueña Cristo uai anamo cue íllamona Juzíñamui uai anamo iticue. ²² Juzíñamuimo ínogafueña nai figo baitáñedino cígimo cue illa llezica, afémaci izói abi mamédicue, afémaci Crístomo íaiói ínogafue cue móonaitallena. Bie izói daina, nana comínimona illa dígamie íaiói illa izói íacadícue, mei nibai jáífodo íaióimona dáarie cue jíllotallena. ²³ Nana bífuiaina finófiredicue cai jíllona uai jica jalléllena. Daje izói bífuiai finódicue, ñuera cai jíllotate uai caimo onótaga núefuiaina cue maiñoñleza.

²⁴ Ja onódiomoiiza, jáíimacimona aillo comini áizia, illa dígamie fia jirídoga raana oñede. Dáamie jirídote. Mai riire omoi aizi, jiríddolle raa omoi jiríddolleza. ²⁵ Nana jífanuafuemo maméritino, jífanoiacana uícodo abina náinitade raana fímaidiaíoi. Afémaci iere abina fímaidiaíoi, riire zábifirede raa íaiói jiríddollena. (Mei aféruillaido íaiói jiríddoga rábiai finoina ífo icuifoi are iñeno riire etúdeza.) Mei íadi jáíimaciri fuírrienailla izói, riire nícidotícaí, jaca ninomo zábinide raa cai maiñoñleza. ²⁶ Cue dibénemona uínidimie izói ebena aizíñedicue. Iere níciduano, come jana fatímie izói táinona fañédicue, mei íadi comini ñue ínotallena riire nícidotícaí. ²⁷ Mei jáífodo abi fímailla izói cue abina duere finódicue. Daíí abi cue rairuillamona dama cue abina ñue jíruitadícue. Bie izói finóicaídícue, jáíimaci cue llócailla mei, ruiíruillano Juzíñamui jino cue dótañeillena.

10

Jánaraimo caimátáifiredino lleta uai

¹ Cue ámatiaí, bífueña ómoína fidítaacadícue. Nana cai jaiáidigíma Juzíñamui jónega mona uílliena eroide raa anado jáioicaidiaíoi. Daje izói nana afémaci Jáirede Monáillaina ruica jaitádiaíoi. ² Daíí íaiói jáillamona afe mona uílliedo, daje izói monáillaido dájena Moiséoiri jaináitagaiaíoi. ³ Daje izói nana afémaci Juzíñamui monámona cocítaga güille güífirediaíoi. ⁴ Iemo nana afémaci afe Juzíñamui nofícimona totátaga jainoi jirófirediaíoi. Mei íaiói jáioicailla llezica afe íaiói nabáioicaide jamánomo riirede nofici llócuca jiródiaíoiiza. Afe nofici daina Cristo. ⁵ Mei íadi afémaci nabézie Juzíñamuina ióbitañede. Iemona zaféredizicimo tícoizitiaíoi.

⁶ Nana bífuiai cai onóillena daíí íficaide, afémaci gaiga fiénidifuiaina cai gáíñeillena. ⁷ Afémacimona dámerie jánaraimo caimátáilla izói omoi caimátáñeno iri. Juzíñamui Cuegáuai íaiói finócafuena bie izói daide: “Afe comini fia ráinaillano güífirediaíoi, jirófirediaíoi. Afe mei náidacaillano rafue finoda záifirediaíoi.” (Daíí íaiói jánaraimo caimátáitiaíoi.) ⁸ Afémacimona dáarie jiruírena izói, mai cai íñeilli. Daíí íaiói jiruírenamona afémacimona daje monado veintitrés mil dígamie titácaiaíoi. ⁹ Afémacimona dáarie Juzíñamui afémacimo riire járitañenafueña náfueñoeno, fiéni íena facátatiaíoi. Afemona díga comini Juzíñamui oreca jaio ainica íaiói tilla. Mei jira, afémaci Juzíñamui fiéni facátaja izói mai íena cai fácatañeilli. ¹⁰ Daje izói Juzíñamuimo omoi ríiriñeno iri. Mei afémacimona dáarie Juzíñamuimo ríiriñillano úrioidino titade Juzíñamui abi ímie titácaiaíoi.

¹¹ Nana bífuiai cai jaiáidigímamo íficaide, áfena cíoillano comini bífuiaimona ñue abi cai rairuillena. Afe mei, cai onóillena Juzíñamui afe bífuiai ie Cuegánicomo cuetátate, afe

izóidifuiamona cai bigímaiai ñue abi cai rairuúllena. Mei ja birui írairuillaímo itícaíza. ¹² Mei áfemona, “Ñue ínotícue” daídímie daítadifuemona ñue abí rairuiri, afémaci izóí cai báííñellena. ¹³ Omoímo comuide facátaina duere zefuúllafuiai, daje izóí nana jíáímacímo comuide, daní ómoíñedeza. Mei íadi Juzíñamui jaca ínofíregamíe. Mei onódícaíza, Juzíñamui caimo ite máírie baimo, rírede facátafuedo caina fácatañeite. Mei jíáífoto facátafue comuilla llezica Juzíñamui áfemona omoí jíllóille iona ómoína onótaite. Afemona afe facátafuena ja ñue ocuúrediomoí.

¹⁴ Ie jira, cue izíruiga ámatiai, jánaraimo caimátaillamona oni omoí jírecairi. ¹⁵ Ráfueña baitádnomo úrilla izóí ómoímo úritícue, íemo ómoína cue daííllifue mo daní ñue comeci omoí facari. ¹⁶ ¡Cácarei! Cai Ocuúraíma tíllamo cai úbicaillena, ñue finoca comunión illácurimona cai jíróadi, Cristo díena dájena caimare mamécacai. Daje izóí afe illa dígamíemo fecaca comuníomo jainaide pan, cai güíadi, Cristo abína dájena caimare mamécacai. ¹⁷ Aíllomaci cai íadi, daje pan cai güíllamona daade come abína itícaí.

¹⁸ Mai Israel nairai finoca ráfuiamímo comeci omoí facari. Juzíñamuímo fecaca rílleniaí ritino, afe fecaca rílle mo dájena mamécaíaoí. ¹⁹ Bie cue dáínamona jánarai ua raaza dáííacañedícue. Daje izóí, afe jánaraimo caimátaillena fecaca rille, jíáíe rille baimo ráífídeza dáííacañedícue. ²⁰ Cue dáina bie izoide: Juzíñamuína onóñedíno ía íga raa afe jánaraimo íaíoi feca llezica, afémaci Juzíñamuímo fecáñediaíoi; mei fíénide jóraímo fecadíaoíza. Afe fíénide jóraí anamo dájena caimare omoí itábicaíri, daííñedícue. (Daítademona ómoína rairuúcadícue.) ²¹ Fíénide jóraí íchécoímona omoí jírua llezica cai Ocuúraíma íchécoímona jíronídiomoí. Daje izóí fíénide jóraímo mameca rílleniaí omoí ría llezica, cai Ocuúraíma mameca comuníóna güínídiomoí. ²² ¿Meita cai Ocuúraímana rícaítaacadíomoí? Jaca daí íacañedícaí. ¿Meita cai Ocuúraíma baimo ríredíomoí, afémíe duere omoí fínoñellena? Jaca daí ríínídicai.

Crístomona comuide conímana cai izíruíllafue cai rairuúíñafue baimo ñuera

²³ Uáfueña dáina. Dámíe íe comeci jítaina izóí fínuana rairuúínde. Mei íadi afe izóí illa cómena canóñede. Mei uafue, dámíe íe comeci jítaina izóí írede, mei íadi afe íe comécína mánaítallena ñue canóñede. ²⁴ Daní omoí ñue illífué jenóñeno, jíáímací ñue illífué jenórediomoí.

²⁵ Fecáriracomo nana fecaca güílleniaí jíáífoto o ífoci úrillado jícánoñeno uái daíí omoí güíri. ²⁶ Mei nana bíníe Juzíñamuímo dúídeza naa afemo íte rílleniaíri.

²⁷ Mei jíáíruido Juzíñamuímo ínoñedímíe ona: “Güízabí” daííadi, jaíllano jíáífoto ífoci úrillado jícánoñeno nana o íe écajana uái daíí güíri. ²⁸ Mei íadi dáamíe: “Bie lílícíai íae jánaraimo fecácaza,” ona daííadi, áfena ríñeno íri; daíí daídímíe comeci fíeni o fínoíza. Daje izóí afémíe ífoci úrilla o úaitañelleza. ²⁹ O ífoci úrillana lloñedícueza, afémíe ífoci úrilla o zánoñeíllena, daíí daídícue.

Mei níbaí dáamíe jícánoíte: “¿Níbaí mei jíáíe come ífoci úrillado rairuúícaí? ³⁰ Nana cue güígari Juzíñamuína: Fígora cue daíí, níbaí mei jíáíma cue güíllari fíeni úrite,” daíí afémíe dáíte. ³¹ Iemona bizóídífué ñuera: Omoí güílla llezica, omoí jírua llezica, nana omoí íetácaígaífué íeta llezica, maí nana afe omoí fínócaígaífuíina Juzíñamui íóbíllena fínoí. Afe daíí aílló ñúefue íemo nítaítíomoí. ³² Nínó jíáímana oni níbéfoto fíénídífuemo o illáfuedo baítañeno íri. Ua, júdíuáina baítañeno íri, daje izóí júdíóñedínona baítañeno íri. Iemo Juzíñamuímo ínotínona baítañeno íri. ³³ Cue díbéñemona, nana comínina nana cue fínócaífuíaido íóbítaacadícue. Dama cue ñue illífué jenóñedícue, mei jíáífoto nana jíáímací ñue illífué jenódícue, ñue íaíoi jíllóíllena.

11

¹ Cristo cíótaga ñúefuedo cue jaílla izóí, ómoímo cue cíótaga ñue illáfuedo omoí jairi.

Juziñamuimo cai caimátaifirena llezica, ringóniaí jaca jiáimacina lletánidiaioí

² Cue ámatiaí, ómoimo ñúefue nítaiticue mei cuemo uibíoifirediomoíza. Daje izói omoi cue llófuiana jeire uano áfedo jáifirediomoí. ³ Mei íadi ja birui jiáifuena omoi onótaacadicue. Bifue bie izoide. Cristo nana iñiaí ifoci izói Ocuídime. Iemo nana ringo ie ini ocuica; afémie afengo ifódimie. Afe izói Juziñamui Cristo ifode. ⁴ Iemona dáamie Juziñamuimo úrilla llezica, ie ifoci ibaia, afe ie ifócina meaire finode, mei ifoci ibailla jiáie come ocuilla anamo íllana llóteza. Daje izói Juziñamuimona onoiga uai afémie llua llezica, ifoci ibailla ie ifócina meaire finode. ⁵ Mei jiáfodo, daa ringo Juziñamuimo úrilla llezica, iemo Juziñamuimona onoiga uai llua llezica, afengo ie ifoci ibáñenia, afe afengo ifócina meaire finode. Afe ibáñena afengo ifo itirai nana cuidoca izoide. ⁶ Daa ringo ifoci ibaicañeniadi mei dáaruido nácina cuidórede. Mei nácina cúidocana, ifoci ibáñena daje izói meáirede. Mei íadi ringo ie ifoci naado cúiduana meáiruiadi, afengo ifoci ibáirede. ⁷ Iñiaí íaioí ifócina ibáinidiaioí, mei iima Juziñamui jánana eróideza. Daje izói iima Juziñamui ñue ocuilla ríinona jino cíotatimieza. Mei íadi ringo iima ñue ocuilla ríinona jino cíotaite. Uáfueza, Juziñamui iñiaí anamo iñena izói, afe izói iñiaí ringóniaí anamo iñede. ⁸ Mei iima Juziñamui finua llezica, ringómona finóñedeza. Mei jiáfodo ringo ímamona finócaza. ⁹ Iima jitailla jira ringo finoca; mei íadi ringo jitailla jira iima finóñega. ¹⁰ Afe jira ringóniaí ifócina ibáirede, afengo ie ini ñue ocuícana anamo illa daíllena. Daí írediaioí mei Juziñamui abí imaci eróicana itíaioíza. ¹¹ Mei íadi Crístomo cai jáinaina dno iima ringónino ínide. Daje izói ringo ímanino ínide. ¹² Mei uáfueza ringo ímamona finoca, daje izói uáfueza naga iñiaí ringo jéiciga. Iemo nana Juziñamui comútagacai.

¹³ Bíemona ¿nie izói coméciidiomoí? conímamo omoi daini. Ringo ifoci ibáñeno Juziñamuimo úriadi, meita figora, nibai figóñede. Mai daini. ¹⁴ Nanómona omoi izóidino griego imaci onóigaza: Iima ifótiirena baiñede; meaire cíoideza. ¹⁵ Daje izói afe abina cai onónafue jiáifuena dáanomo cai llote. Ringo ifótiirena ñue baite, mei áfedo aféngomo ñúefue nítaitiaioí. Jaca afe ringo ifoci ibaíllena, ie ifótií áretiina comútaga. ¹⁶ Mei dáamie bizóidifue júfidoacaniadi, bie cue llógamo mai cacai, mei Cristo orécamaci cue díga jiáifoidifueña náfueñedicaí. Daje izói Juziñamuimo ínotino bifue baimo jiáifo maméñediaioí.

Cai Ocuíraimamo cai uibíñoga güilla rafue jiáimaci bácala

¹⁷ Bie izói cue dáinado ómoimo ñúefuena nítañeiticue, mei omoi gairíllafuiaimo ñue iñeno, conímama fiñi finódiomoíza. ¹⁸ Fueñe bifue llóiticue. Dámierie omoi illáfueña cue fíditatiaioí. Juziñamui cáimacaillena omoi gairilla llezica, jiáimana énenoruidiomoí, daidíaioí. Afémaci cuemo llógana jabo ínoticue. ¹⁹ Afe eneno bozíetaillafue comuífiredeza, nibézie Crístomo nahí ínotinona, nibézie ínoñedinona jino uáfodo daíllena. ²⁰ Conímama omoi énenoruillamona, bie izói zúide. Gairíllano omoi güillafue omoi bácacaza, ja birui áfena cai Ocuíraima íeñede. ²¹ Mei güizájillamo dúcina llezica, illa dígamie dama ie atíca güille güizájillena járitaifirede. Iemo dáarie jufíruilla llezica, jiáimaci jífáizaibitiaioí. ²² ¿Meita birui omoi jofónidiomoí, afénomo güitá omoi jiróllena? Bie izói omoi íllado Juziñamuimo nahí ínotinona jámairuitiomoí. Afe dáaruido güíllenidinona meáiruitadiomoí. ¿Mei nie izói ómoína dáiticue? ¿Mei ómoimo ñúefuena nitáredicue? ¡Aferi ómoimo ñúefuena nitánidicue!

*Cai Ocuíraima úraicaiño güíllamo cai uibicaillafue
(Mt 26.26-29; Mr 14.22-25; Lc 22.14-20)*

²³ Uáfueza, cai Ocuíraimamo cai uibíñoga güillafue fiñi omoi fínuamona, ómoimo ñúefue nitánidicue. Mei nauí ómoína cue daina izói, bie omoi cue llófuiafueña dama cai Ocuíraima llotátacueza. Afefue be ñie: Cai Ocuíraima Jesús afe ie Judas fécaja naio, pan llínote. ²⁴ Llínuano Juziñamuina: “Iere figora” daide. Daina méifodo fécano daide: “Mai omoi

güi. Bie cue abi; omoi ñue íllena ditaca izói ómoimo cue fecácaza. Bífuedo cuemo omoi uíbicaifireiri,” daide. ²⁵ Daje izói íaioi güilla méifomo, jiróracuri llínota daide: “Afe bie jiróracuri eromo ite iji, ómoimo cue comuítalle cómofuena ómoína onótate. Afe bie Juzíñamuimo dájena omoi jaináitalle cómofuena cue die uáfueña íficaitate. Diga ícaíño bie íjimona omoi jiróadi áfejido cuemo omoi uíbicaifireiri,” daide. ²⁶ Nana bífuiaí jira, Jesucristo nai meine ana biñena llezica, nágaruillai bie pan omoi güíadi, íemo bie jiróracuri ero iji omoi jiróadi, áfedo Jesús cai ícoínia tíllana jino uáfodo llóitiomoi.

Afe bie cai Ocuíraimamo cai uíbicaillafue jaca ñue comécillamona finórede

²⁷ Mei jira, nie come bie paana Juzíñamuimo ñúefuena nitáñeno güíadi, daje izói afe jirócaí afémie fiéni jiróadi, afémie cai Ocuíraima abi naa ie die diga fiéni finode. ²⁸ Ie jira, illa dígamie nai afe pan güiñena llezica ie ifoci úrillana ñue onórede; daje izói áfeji ie jiróacana llezica áfena onórede. ²⁹ Mei onóigaza afe pan Cristo abina caina onótate. Dámie aféfuena ñue náfueño ebena güíadi, afe daí ie güíllamona dama Juzíñamui íena duere fínoite. Daje izói dama Juzíñamui ie duere finóllíji jírua izoide. ³⁰ Daí omoi íllamona ómoimona aillo irárediaíoi. Jáie comíni náinidiaíoi. Iemo daje izói dáarie tíidiaíoi. ³¹ Mei jáífodo daní cai ifoci úrillana ñue cai náfueña Juzíñamui caimo riire jícanoñeite. ³² Mei íadi cai Ocuíraima riire caimo jícanoíadi, afe jícanuado afémie izire caina lletade bíniemo ite Juzíñamuimo ínoñedíno diga cai duere finobiñeillena.

³³ Mei cue ámatiaí, bie izóideza: Comunió gütállena omoi gairíadi, dámie riire güiñeno dájena omoi gütálleza conima omoi úíñori. ³⁴ Dámie ie jufíruiadi dama ie jofomo güizájirede, fiéni omoi gairíllado Juzíñamui duere omoi fínoiza daí. Ico omoi cue eróizaille llezica, omoi jícaíca jáífuaí jaícina jóoneíticue.

12

Juzíñamui Ñuera Joreño illa dígamie Juzíñamuimo cai táijinana fibíllena caimo fecade

¹ Amatiaí, Juzíñamui Ñuera Joreño illa dígamie fecaca Juzíñamuimo táijinana fibíllena ómoína fidítaacadícue.

² Ñue onódiomoi, nai Juzíñamuina omoi onóñena llezica, úrinide jánarai anamo íllena cuinada zonóicaígaomoi. ³ Iemona: “Bífueña omoi onoiri,” daidícue. Jesuna faidódímie jaca Juzíñamui Ñuera Joreño úrinide. Daje izói Juzíñamui Ñuera Joreño úriñedímie jaca uáfueña, “Cue Ocuíraima Jesús” daínide.

⁴ Illa dígamie afe fecaca jáíforie Juzíñamuimo táijinana fibíllena ite. Mei íadi aféfuiaí daade Juzíñamui Ñuera Joreño fecácaza. ⁵ Illa dígamie jáíforie conímana canóredícaí, Juzíñamui ocuícamacina cai íllena. Mei íadi daade cai Ocuíraima anamo itícaí, ie cai íóbitallena. ⁶ Illa dígamie cai illafue ñue jáícina jóoillena, Juzíñamui diga jáíforie caina ocuíoide. Mei íadi daade Juzíñamui nana comínina ocuíoide. ⁷ Juzíñamui Ñuera Joreño caido jáicanana cai ónoillena facáfírena raana illa dígamie Juzíñamui fecade, nana jáímací cai canóllena. ⁸ Ie jira Juzíñamui Ñuera Joreño dámie iere baitádimiena jáillena íena fibítate, jáímací llófuellena. Iemo jáímiéna daje Ñuera Joreño nimáiraíma úrifírena izói úrillena íena fibítate. ⁹ Iemo jáímací afe daade Ñuera Joreño jamánomo Juzíñamuimo ínotagaiaíoi, áfedo jáie Juzíñamuimo ínotíno ñue canóllena. Ie mei jáímací iráredíno jíllotaraimana fibítagaiaíoi. ¹⁰ Iemo dáarie uaido dáinamona comuide raa fínuana fibítagaiaíoi. Iemo jáínona Juzíñamui daína uai uáfodo jino llóllena fibítagaiaíoi. Iemo jáímacina nie ua Ñuera Joreño úrillana daje izói nie táino jóriaído úrillana onóillena Juzíñamui fibítate. Iemo jáímacina nai llófueñega jáíforiede uáillaído úrillana onóillena fibítagaiaíoi. Iemo nai jáímací afe daína uailai ñue jino dobáíñuana onóillena fibítagaiaíoi.

11 Mei íadi nana bífuiaí daade Juzíñamui Ñuera Joreño fecaca. Ua dama ie óiacana izóí, illa dígamíemo jíáíforiede fibíllafuiaína fecade.

Nana cai bie dáamie abímo dúidicai

12 Bífuiaí nana bie izóí jóide, mei Cristo íemo ínotino díga, daade abí izóideza. Afe daade abímo jaináidinuiaina aillo ite. Mei aillo ite íadi, nai afe abí daade. 13 Afe izóí aillo jíáífoidinona cai íllamona, níbai judíodicai, níbai griégodicai afe jaca mámeñega. Mei daade Ñuera Joreñodo nana cai daade abina jaináitagacai. Daje izóí níbai rairuícánodicai, níbai ráiruiñeganodicai daje abina iticai. Ua daade Juzíñamui Ñuera Joreño daade abina finócacai. Afe daade Juzíñamui Ñuera Joreño úicaitagacai.

14 Cai abí daje izóíñede, mei díga ráaniaí daade abímo jaináinaza. 15 Mei jíi, come eiba: “Cue bie ónoñedicueza daje abí íñedicue,” daííadi, daíí dáinado daje abímo ie jaináinana uáitanide. 16 Daje izóí come jefo: “Cue bie újíñedicueza daje abí íñedicue” daííadi, daíí dáinado daje abímo ie jaináinana uáitanide. 17 Mei cai abí nabáinino daa újí íadi ¿nie izóí cácaíticai? Daje izóí cai abí nabáinino daa jefo íadi ¿nie izóí jálliana cácaíticai? 18 Mei íadi nana cai abímo jaináidinuiaina, afe abímo ñue baitínuiaimo, Juzíñamui ie comeci jítaina izóí jóonete. 19 Nana cai abí dáadeniadi afe nabáíñiaí illino íñede. Ua abí íñede. 20 Mei íadi ja onódiomóiza, dáamíemo jaináidinuiaina aillo ite, íadi jaca ie abí daade.

21 Daje izóí nane jíáífue, cai ui ónoína: “Ona jítaíñedicue” daíínide. Daje izóí ífoci eíbana: “Ona jítaíñedicue” daíínide. 22 Mei jíáífodo cai abímo ite maííñedino iere jamánomo jítaírede. 23 Daje izóí cai abímo ite figo comécíñegano áfena iere ñue uíñotícaí. Iemo cai abímo jino uáfodo cíotanidínona, áfena ínóroido ebire finode. 24 Mei íadi cai abímona uáfori cíoidino cíotanidino izóí ebire finónidiaíoi. Bie izóí Juzíñamui cai abímo itínuiaina dájemo jofo ñue zorode, cai figo comécíñegano ñúefuena jamánomo cai nitállena. 25 Juzíñamui daíí zorode, cai abímo itínuiái conímana énenoruíñeilla. Mei íadi jíáífodo illa dígano conímamo comeci úrede. 26 Come abímo itínuiaimona daano izi cácana llezica, nana jíáínuiái daje izóí duere zéfuitiaíoi. Daje izóí dáanomo ñúefue nítano caímare íadi, nana jíáínuiái dájena caímare itíaíoi.

27 Mei jira bie izóí nana omóí Cristo abídiomóí. Omóimona illa dígamíiaí daa ie abímo itínuiái izóídiomóí. 28 Afe jira Juzíñamui jíáífodo táíjinana dáarie íemo ínotinomo jóonete. Nano fueñe Cristo orécamaci jóonete. (Afémaci jíáífo mameina ie apóstoles.) Afe mei jíáínona Juzíñamuimona ogáfuaí uáfodo jino llotino jóonete. Afe mei nane jíáínona ie uai llófueraini jóonete. Iemo uaido dáinamona raana comúitatino jóonete. Iemo iráredino jíllotaitino jóonete. Iemo jíáímacina canóíredino jóonete. Iemo jíáímacina ocuífíreitino jóonete. Iemo nai llófueñega jíáízie uáillaído úritino jóonete. 29 ¿Meita cai nana Cristo orécánodicai? Ieñedicai. ¿Meita nana cai bie Juzíñamuimona ogáfuaí uáfodo jino llotínodicai? Ieñede. ¿Meita nana cai ie uaina llófuetínodicai? Ieñede. ¿Meita nana cai bie uaido raana finódnodicai? Ieñede. 30 ¿Meita cai bie iráredínona jíllotaredicai? Jíllotanidicai. ¿Meita cai bie nana nai llófueñega jíáízie uáillaído úritinodicai? Ieñedicai. ¿Meita cai bie nana aféuaí dobáíñuano jino uáfodo llóredicai? Jaca nana llónidicai. Dámíerie dobáíñorediaíoi. 31 Mei ie jira, nana bie fibíllafuiaímona baímo ñuera fibíllafuiaína Juzíñamuimona omóí óllena afe omóí nícidori. Mei íadi afe fibíllafuiaí baímo, jíáíe ñúefuena ómoímo llófuetícue.

13

Jíáimana cai ízíruíllafue

1 Mei uáfueza, nai llófueñega jíáízie uáillaído úrillana cue fibíadi, íemo afe baímo Juzíñamui abí imaci úrilla izóí úrillana daje izóí fibídícue ía, mei íadi jíáimana cue ízíruíñeniadi,

fia taino ficírede juaí izóidicue. Iemo jiáie taia ficírede lloéturu izóidicue. ² Daje izói Juzíñamuimona ogáfuiái jino llúana cue fibíadi, íemo nana nai uáfodo onóñegafuiái llúana cue fibíadi, íemo jamánomo nimáiraimana cue jáiadi, íemo idu jáinua Juzíñamuimo ínogafue cuemo íadi, mei íadi jiáimana cue íziruiñenia, táinomo fáifitícue. ³ Daje izói, nana cuemo ite ráaniai jiáimaci canóllena fia cue fecáadi, íemo Juzíñamui ióbitallena dama cue abi cue jobáitaiadi, mei íadi afe llezica jiáimana cue íziruiñenia, nana cue finócafuiái cuemo ráifiñede.

⁴ Mei jiáifodo, jiáimana izíruitimie jaca járitaiñede. Afémie dúecaifirede. Daje izói úradoifinide, íemo afémie uícofiñede, íemo fiени abí íinoñede. ⁵ Daje afe jiáimana izíruifiredimie meáiredifuena jaca lloñede, íemo afémie ie abina jacire maméñede, íemo afémie jaca riicaifinide. Jiáima fiénidifue íemo finóadi, fiени comécíñeno raire féitate. ⁶ Afe jiáimana izíruitimie jiáimaci fiénidifuiái fínuari zúureite, mei jiáifodo ua ñúefueri ióbifirede. ⁷ Nana íemo comuídifuiáiri caimare ocuide. Raire járitaiñeno aféfuiaimo ñue úiñoode. Juzíñamuimo izire ínuaño aféfuiairi jacinaíñeno ñue ocuírde.

⁸ Izíruillafue zíiñoa jaca záiñeite. Mei íadi Juzíñamuimona uícodo onoi ga ráfuiaí záite. Daje izói jiáimaci uáillaído úrilla llícaite; íemo daje izói ífócido onóigafuiái záite. ⁹ Mei biruillaído cai ífócido onóigafuiái ñue ícoimo baitáñedicaiza, jabo onódicaí. Daje izói Juzíñamui uícodo onoi ga ráfuiaímona due jino lloticaí, mei due onódicaiza. ¹⁰ Mei íadi uire Juzíñamui nana ráfuiaí caimo baitálliruimo afe ícoimo ñue báitañegafuiái fáicanocaille.

¹¹ Nai cue úruena llezica úruiaimo itífuiaído úritícue. Urue comeci fácaja izói, comeci facádicue, íemo úrue ífoci úrilla izói itícue. Mei íadi ja cue móonailla llezica, úrue illa izói cue illáfuiaina fáicanocaidicue. ¹² Daje izói birui Juzíñamui dibénemo cai onóigafuiái jaicuíbicaide. Dámie jáiara acáranimo figo cíoiñena izói afe izói Juzíñamui ífuiaína birui figo baitáñedicaí. Mei íadi ico jiáiruido nana ñue báitaiticaí. Birui cue ífoci úrilla figo déiñedeza, jabo onódicue, mei íadi aféruido nana ñue ónoitícue. Ji, Juzíñamui cuena onona izoi ñue jaícina ónoitícue. ¹³ Mei daí Juzíñamuimo ínogafue, íemo jiái ocuírinafue, íemo jiái izíruillafue jaca zíiñoa féiñeite. Bie daámanidemona izíruillafue iere jamánomoide.

14

¹ Mei ie jira, afe izíruillafue iere jeire omoi oiri. Afe ua llezica Juzíñamui Ñuera Joreño fecaca jiáiforie tájinana fibíllena izire omoi jenori. Omoi jenolle llezica, Juzíñamuimona onoi ga uai jino llua baímo izire jicari. ² Mei íadi dámie nai llófueñega jiáizie uaido úriadi, dama Juzíñamuimo úrite. Comínimo úriñede; mei afémie úrillana buna canóñenaza. Afe ónoñega uaido úritimie Ñuera Joreñodo úrite, mei íadi afémie daína uai uáfodo onóñena báinino jóoide. ³ Mei jiáifodo afe Juzíñamuimona onoi ga uai llotímie, comínimo úrite íaioi joreño dibéfuemo íaioi ñue móonaitallena; daje izói ñue íaioi náireillena, íemo jiái íaioi caimare fíralleña. ⁴ Afe jiáizie uaido úritimie dama ie joreño dibéfuemo móonaite; mei íadi afe Juzíñamuimona onoi ga uai llotímie, Juzíñamuimo jaináidinona ñue móonaitaite.

⁵ Afe nai llófueñega jiáizie uaido úrillana nana ómoiena jitáidicue. Mei íadi Juzíñamuimona onoi ga uai jino omoi llóllena iere baímo jitáidicue, mei afe onoi ga uai jino llua, jiáizie uaido úrilla baímo ráifide, Jesucrístomo ínnotino aillo móonaitallena. Mei íadi afe jiáifoide uaido úritimie úrilla dobáíñoraima íadi, afefue ñuera; mei áfedo nana Juzíñamuimo jaináidino daní íaioi joreño dibéfuemo daje izói ñue móonaitaíoi za. ⁶ Ie jira ámatiaí cácarei. Uire omoi cue uáiduaibia omoi cígiri Ñuera Joreño úritate jiáizie uaido cue úriadi, cue úrilla ómoimo due jiza ráifiñede. Mei jiáifodo Juzíñamui caimo onótagafuiáido cue úriadi afefue ómoimo ráifide. Daje izói omoi ífoci ua uaina cue déitaiadi afefue ráifide. Iemo daje izói Juzíñamuimona onoi ga uai ómoimo jino cue lloia afefue jiái ráifide. Daje izói omoi cue llófuia ráifide.

⁷ Mai nana omoi rúado taiga raamo ñue coméciiri, áfemona ñue onóillena. Afe raa jaca comécinideza. Be totibacui, íemo arpa, íemo juai diga caimare ficire úrite, mei íadi jiáima fienu taia, áfena cacádino afe úrilla uaina ónoñeitiaioi. ⁸ Daje izói comini jobáiriacana llezica, uáidua juai táiniendi comini figo áfemo mámeriñeitiaioi. ⁹ Afe izói ómoimo íficaide: dáamie jiáifoide ónonide uaido omoi llófueia ie dáinana bu onóñena. Afémie táinomo úrite. ¹⁰ Uáfodo onóigaza; bie éniemo diga jiáie nairai uailai ite. Afe uáillaina onódinomo nana aféuailai ñue baite. ¹¹ Mei íadi cuemo úritimie uaina cue ónoñenia, afémie mona jicánemiedicue. Daje izói afémie cúemona jicánemie. ¹² Ie jira, afe Ñuera Joréñomona fecaca tájinana fibíllena omoi iere gáina llezica, mai Juziñamuimo jaináidinona ñue móonaitallifuiaina iere izire omoi jicari.

¹³ Afe jira nai llófueñega jiáizie uaido úritimie afe ie dáina uaina ñue jino llúana fibíllena Juziñamuimo jicárede. ¹⁴ Mei jiáizie uaido Juziñamuimo cue úriadi, ua cue joréñodo úriticue, mei íadi cue ifoci úrilla, táijiñeno oni eneno ite izoide. ¹⁵ Mei íemona ¿ñifue fínoiticue? Cue joréñodo naa cue ifoci úrillado Juziñamuimo úriredicue. Daje izói cue joréñodo naa cue ifoci úrillado afémie roredicue. ¹⁶ Mei jii, dama o joréñodo Juziñamuimo o úriadi o áinori ite, áfemo fibitañega cacáreidimie, Juziñamuina figura o daifirenafue dibénemo ínide. Mei o dáinana onóñedeza. ¹⁷ Mei nibai Juziñamuina figura o daifirena Juziñamuimo ñue cacaide, íadi jiáimana dama ie joreño dibéno ñue móonaitañede. ¹⁸ Nana omoi baimo jiáizie uaido úriredicue. Aferi iere Juziñamuina figura daidicue. ¹⁹ Mei íadi Juziñamuimo jaináidino gairifirena llezica, ónoñega jiáfodo jóide uailai baimo, jubeba diga ñue onoiga uai cue dáinana gáidicue, jiámaci cue llófuellena. Mei íadi diez mil féirede jiáizie uai afémaci cígimo cue úrillana gáñedicue.

²⁰ Amatiai, úruiai comeci faca izói, afe izói comeci omoi facáñeno iri. Mei jiáfodo éicomini izói comeci omoi facari. Mei íadi fiénidifue dibénemo jézainidino izói omoi iri. ²¹ Jaijai cai ocuilla uai ciegánicomo Juziñamui íemo cacácañede Israel náiraina bie izói daide:

—Bie náiraina jiáie uáillaido úritinodo duere fínoiticue; onínemacido íaioi llétaiticue.

Mei íadi afe bie uaido nai cuena náfueñeitiaioi.

Daí cai Ocuiraima daide, —aquie izói ie uai llote.

²² Mei daí afe jiáizie uaido úrillana fibíllafue Juziñamuimo ínoñedinomo dúide, jiáie onótate raa izói íaioina onótallena. Ínotinomo dúñede. Mei íadi Juziñamuimona onoiga uai jino llúana fibíllena Juziñamuimo ínotinomo dúide, jiáie onótate raa izói íaioina onótallena.

²³ Mei jira nana Juziñamuimo jaináidino dánomo gairilla llezica, íemo nana omoi jiáizie uaido omoi úriadi ie mei áfemo fibitañega ínoñedinomo omoi cígimo bíadi, nibai “Uáiritaidino izóidiomoi,” dáitiaioi. ²⁴ Mei jiáfodo Juziñamuimona onoiga uai jino omoi llua llezica, íemo fibitañega ínoñedimie omoi cígimo bíadi, ie comécimo ite fiénidifuea uáfodo ónoite. Nana omoi dáinana cacáillano afémie dama ie comécina méiñotaite. ²⁵ Afe daí dama ie comeci onóigafuijai jino ciocaillamona, cañícido ana dújullano Juziñamuina cáimadoite. Iemona: “Uáfuea, Juziñamui omoi cígiri íteza” dáite.

Omoi gairilla llezica nana omo llólfuijai jaicuíñeno jáicina lloiri

²⁶ Mei jira, amatiai, omoi gairíllifuijai bie izói írede: Omoi gairilla llezica ómoimona dáarie Juziñamuimo rollírua jino llóiacade. Iemo jiámie llófueacade, íemo jiámie Juziñamui íena onótágafue jino llóiacade, íemo jiámie jiáifoide uaido úriacade, íemo jiámie afe jiáizie uaido úrilla jino dobáiñoiacade. Nana bífuijai ñuera. Mai bífuijai daí íteza, Juziñamuimo jaináidino ñue móonaillena, daje izói íemo nai ínoñedinomo ínotallena. ²⁷ Jiáizie uaido omoi úriadi mena come dáaruido úrinide. Jiámie úrilla llícailla méifomo úriri. Daámani come daí úrrede. Naga come jiáifoide uaido úrilla fuíllamo ie lloga uai dobáiñoirede. ²⁸ Mei íadi uai dobáiñoitimie íñeniadi, mai nie izói jiáifoide uaido daíñeno iri. Dámie úriacania dama

ie comécido Juzíñamuimo úriri. ²⁹ Daje izói afe Juzíñamuimona onoiga uai llotínomona damieámani úrrede, íadi daje llezica úrinidiaioi. Llotímie fuilla méifomo íemo cacáreidino fairíorediaioi, ie dáinana ja Ñuera Joréñomona comuide, nibai íeñede daiíllena. ³⁰ Mei íadi dámie uai jino llua llezica, Juzíñamui jíáie ana ráiidimie mo jíáifue íena onótaiadi afémie raire fueñe úritarede. Nano fueñe úritimie ie úrillana fáicanocairede. ³¹ Afe daií nana omoi Juzíñamuimona onoiga uai llotino llórediaioi. Uafue dámierie jino llórediaioi, áfedo nana omoi onóicaillena; daje izói áfedo nana omoi comeci náirecaillena. ³² Nana afe Juzíñamuimona onoiga uai llotino dani íaioi joréñona rairuirediaioi, nai jíáimie úrilla fuiñena dino. ³³ Mei Juzíñamui caimare uái illifue comuítatimie; íemo, úrillana féitate gáguana afémie comuítañede.

Nana jíáinomo ite Juzíñamuimo jainaide gairídino fínua izói birui ómoína finótaiticue. ³⁴ Juzíñamui ióbillena omoi gairilla llezica, cígimo ite ringóniai úrilla rairuireda, iññiaina ie llófuellena. Juzíñamui ocuilla uai daina izói, aféngotiai íima anamo caimare írediaioi. ³⁵ Aféngotiai daa rafue onóacania, jino jofomo íaioi inimo jícanorede. Daa ringo comini gairilla cígiri úria meaire cioide.

³⁶ Mai cácarei, ¿Meita Juzíñamui uai dani ómoimona comuide, daií comeci facádiomoi? ¿Daiíñede! Daje izói aféuaina dani ómoimo llógaza comeciñeno iri; mei diga jíáimaci íena, daje uaina jae llogáiaioiza. ³⁷ Daa come Juzíñamuimona onoiga uai jino llotímiedicue daiíadi, bie ómoimo cue ciegáfuaiaí cai Ocuíraíma Jesucristo cai ocuilla uai afémie daiírede. Daje izói daa come Ñuera Joréñodo úritimiedicue daiíadi, afémie cue cueda dibénemo Jesucristodo cai ocuilla uai daiírede. ³⁸ Iemo afe cúegana ailli cue daina bie izói daiíacañedimie mo omoi náfueñeno iri.

³⁹ Cue ámatiai, bíemona Juzíñamuimona onoiga uai jino llua jeire omoi oiri. Iemo daa come jíáizie uaido úria, rairuñeno iri. ⁴⁰ Mei íadi afe llezica, omoi lollíuaina jaicuiñeno daje fuémoma jíámamo meaire cíotañeno lloiri. Daje izói nana omoi jetaca raana jaicuiñeno ñue jaícina maméfireiri.

15

Jesucristo tilla meine abido cáadimie illafue

¹ Cue ámatiai, ómoimo cue lloga jíllona uai ómoína uibíñotaacadicue. Afe uaina jae jeire otíomoi. Iemo bie uaido ñue itíomoi. ² Daje izói cue lloga uai omoi náfueia bie Juzíñamui uai omoi úado jíllotagaomoi. Mei íadi nauí nibai táinona omoi íñnoia jae jíllloñediomoi.

³ Cue onoiga jamánomoidifue nauí ómoimo lloticue. Juzíñamui Cuedáuai daina izói, Cristo cai fiénidifuaiaí muiñóllena tillaífue jae omoi llófueticue. ⁴ Iemo nane afe Cuedáuai daina izói, Cristo raíga daruíamani íllamona meine abido cáadimie na jíallana ómoína llófueticue. ⁵ Iemo afe Cristo Pédro mo cíocaide; afe mei nana jíáie ie orécamacimo cíocaide. ⁶ Nane afe mei dáaruído quinientos baímo íemo íñnotinomo cíocaide. Afémacimona aillo nai itíaioi, íadi dáarie jae tíidiaioi. ⁷ Nane afe mei Santiagomo cíocaide, íemo nane nana ie orécamacimo cíocaide.

⁸ Nana jíáimacimo cíocailla mei, íirainomo afémie cuemo cíocaide. Iemona úrue jíáifodo jocoína izóidimiedicue, mei Crísto mo cue dóbaicaillafue jarire cuemo íficaideza. ⁹ Mei Jesús orécamacimona jofófenemo ráifidimiedicue. Juzíñamuimo jaináidino fállena cue racáfirenamona, nauí ie orécamie cuena daiínide. ¹⁰ Mei íadi Juzíñamui ñue cuemo íllado, bie izói iticue. Afémie cuemo dúecaillano afémie cue cánuana táinomo fáífitañedicue. Mei jíáifodo jíáie ie orécamaci baímo, iere riire táijidicue. Mei íadi afe izói dama táijinidicue. Juzíñamui cuemo dúecaillano cue diga jáicaillado daií tájiredicue. ¹¹ Mei birui, afe ñúefue

nibai cue lloga, nibai afémaci lloga, afe lluaífueña náfueñedicue. Mei íadi bie ñúefue ja ómoimo cai llogafue, daje izói afefue omoi ñnogafue.

¹² Mei bie ómoimo cai llogafue Cristo tállamona meine abido cáadimiena jailla. Afe llogafue bie izói ítena, ¿mei nie izói ómoimona dáarie: “Tállinomona buna meine abido cáadinona íñeite,” daidíai? ¹³ Meita íai? daína izói tállinomona buna cáañenaza, daje izói meita dama Cristo cáañeite. ¹⁴ Iemo meita Cristo cáañedeza cai llócaiga uai ráifíñede. Daje izói omoi ñnogafue ráifíñede. ¹⁵ Iemo afe baimo, cai bie Juzíñamui dibénemo taino llotínodicaí, mei Juzíñamui Cristo meine abido cáatate daidícaiza. Meita tállino meine cáañenaza, daje izói Juzíñamui Cristo meine cáataneite. ¹⁶ Mei tállino meine abido cáañeniadi, meita afe Cristo cáañeite. ¹⁷ Iemo meita Cristo cáañedeza, omoi ñnogafue ómoína ñue finóñede. Nai ómoimo ite fiénidifuiamo nai jaináicaidíomoi. ¹⁸ Meita íai? daína izói Cristo cáañedeza, Crístomo ñnote tállino táinomo fáifidiaí. ¹⁹ Meita Crístomo cai ocuírínafue daa biruállaido bíniemo cai illa llezica caimo dúideza, nana comini baimo cai duere finócanodicaí.

²⁰ Mei íadi afe izóiñede. Cristo tállanomona meine abido cáadimiena jailla ñue onógaza. Amena llizállajimona jotáiritiji fueñe ualla izói, Cristo nana tállinomona meine abido caadino ifódime. ²¹ Mei bie izói daa cómemona, Adán daínamiemona tállafue fueñe bíniemo comuídeza; daje izói tállino meine abido cáailífue daa cómemona comuide. Afémie Jesucristo. ²² Afemona nana comini Adamo jaináideza, títiaí; íemo daje izói nana Crístomo jaináidino meine abido cáaitiaí. ²³ Mei íadi nana nairai daje llezica meine abido cáañeitiaí. Nágamiái íai? dúde dieze, íai? cáatalliruido cáaitiaí: raire uícodo oga llizállaji óina izói, Cristo fueñe meine abido cáadimiena jaide; afe mei Cristo billíruimo dama Cristo iédino cáaitiaí. ²⁴ Iemo íraíruimo dúcite. Aféruimo Cristo nana bíniemo ite ráirede illaini naa monamo ite ríñoredinuiari niné táinocaitaite. Afe mei nana ie illáimana illa ríino naa ie anamo itínuiari ie Moo Juzíñamui fécaite. ²⁵ Mei jii, Cristo nai illáimana írede, Juzíñamui nana íena éoidino Cristo anamo itábicaítalle dino. ²⁶ Come tállafue caina anáfenoacade caina éoidime izoide. Mei íadi afe cai titade ríinona Cristo írainomo niné táinocaitaite. Afe mei jáie táinocaitallimiena íñeite. ²⁷ Mei Juzíñamui nágafuiaina Cristo anamo jónete. Cristo ñue afémaci ocuállena. Juzíñamui Cuegáuai bie izói daíadi, Juzíñamui Cristo anamo íñénana uáfodo onógaza, mei Juzíñamui naga raa Cristo anamo jónetimeza. ²⁸ Iemo nágafuiái Cristo anamo itábicaílliruiamo, dama afe Cristo Juzíñamui Jitoza ie Moo anamo itábicaíteza. Juzíñamui nágafuiái Cristo anamo itábicaítimie. Aféruimo bífuiado naga ráaniaí dibénemo Juzíñamui jamánomoidimiena íite. Naga ráfuiái naa ie comuítaga ráaniaí ñue jácina afémiemo dúite.

²⁹ Nane jáífue “Tállinona meine cáañeite” daíñiredinona dáitícue. Dáarie tállino dibénedo báutizatino ite. Meita tállino meine cáañeitiaíza, ¿nibái mei daí báutizatataí? Iemo tállino dibénedo báutizafue ¿minícamo ráífide?

³⁰ Iemo cue, cue nabáíñiaí diga, Juzíñamui ñúefue ícoína, nágaruillaido iere caina titáacade jácifueño íñeredicaí. Meita tállino meine abido cáañeíteza, daí cai íadi ¿miníca caimo ráifilla? ³¹ Nágaruí cue titállena mamédiaíza jácinomo itícue. Uáfueña daí itícue. Cue ámatiaí, cai Ocuíríma Jesucrístomo omoi ñnuari uáfueña iere íóbidícue. Afe uáfueña cue íóbilla izói, daje izói uáfueña nágaruí titáacagacue. Iemona tállino meine abido calle uáfodo onógaza. ³² Iemo meita tállino meine cáañeíteza, jamai cómena cue illa, Efésomo ite illáirede rille izóidimaci diga nauí cue fuíríllamona ¿miníca cuemo ráifilla? Mei afe izói cue illa cuemo ráifíñede. Meita uáfueña tállino meine cáañeíteza, afe taino llotino ñue jácina daidíai. Afémaci daína bie izói jóide: “Mai raire cai güilli, güillano cai jirolli; mei úreitíruimo raire títicaíza afe mei nine íñeíticaí,” daidíai.

³³ Jiáimamo omoi jífuefiñeno iri. Abina ñue onona uai uáfodo jóideza: “Fiénide nabáiñiai ñue illáfuiaina niné táinocaitate.” ³⁴ Mei jiáifodo, ñue abina omoi onoiri. Omoi illafue ñue jaícina jóoneri. Fiénidifuenta finóñeno iri. Mei ómoimona dáarie Juzíñamui nai figo onóñedeza. Omoi méaicaillena bie izói ómoína daidicue.

Tiidino meine abido cáadinona illena abi Pablo lloste

³⁵ Nibai birui ja dáarie jicánoite: ¿Mei nie izói tiidino cáaitiaioi? ¿Mei afémaci abi nie izói éroite? ³⁶ Afe izói jicánua abina onóñedimie úrilla izoide. Mei daa rífiregaji cai ríadi, afeji tiide izói énie anamo fiébirede, áfemona ie iroci zicóllena. ³⁷ Eniemo riga raa, afenomona zicódirociñede, mei jiáifodo dama ie iji ríina. Iemo diga jiáiforiende íjiai ríina: bellaji ríina, íemo mazácaji ríina, íemo arroz iji daje izói ríina. ³⁸ Afe ríinaji zícua llezica ie ciona izói Juzíñamui comuítate. Dani aféjiai dúina izói zicótate. (Bellájimona bellari zócaja, íemo mazácajimona mazácarí zócaja.) ³⁹ Mei afe izói naga cáadinuiai abi jiáiforie eroide. Come abi jiáifoide, íemo rille abi jiáifoide. Daje izói féedino abi jiáifoide, íemo chámuniaí abi jiáifoide. Nana daje izói eróiñede. ⁴⁰ Iemo jiái monamo ille abi ite, íemo jiái éniemo illa abi ite. Biniemo illa abi ebírede, mei íadi monamo ille abi ebire eroína jiáifoide. ⁴¹ Jitoma egáiñua fiui egáiñuana eróiñede; jiáifodo egáiñote. Daje izói ucudu egáiñua izóiñeno, jitoma jiáifodo egáiñote. Iemo jiái daa ucudu jiáie ucúdumona egáiñua jiáifodo cíoide. ⁴² Tiidino meine cáailifue bie izói jóide. Rífaite íeizi éniemo raiga, íemo tíñeitinona meine abido cáate. ⁴³ Jámairuiga abi éniemo raiga, ie mei ebire cíoitaga abi meine cáate. Daje izói nane ríinide abi éniemo raiga ie mei ñue íocirede abi cáate. ⁴⁴ Biniemo cai jocoina abi éniemo raiga, ie mei mona dibénemo dúide abi cáate.

⁴⁵ Mei daí Juzíñamui Cuegáuai lloste: “Nanóidimie Adana cáadimiena íficaide. Iraie Adán daina Cristo ziiñona cáatatena joréñoredimie,” daide. ⁴⁶ Juzíñamui dibénemo cai comuítatimie nano fueñe cómuitañega, mei jiáifodo biniemo cai nanóidimie Adán fueñe comuítaina. Afe méifomo Juzíñamui dibénemo cai comuítatimie cíocaide. ⁴⁷ Nanóidimie énie ie finóinaza éniemo dúide. Méifoide Adán daina Cristo mona ie. Afémie cai Ocuíraíma. ⁴⁸ Afe énie finóinamie izói, nana bínie comini ie abi izóidiaioi. Daje izói Jesumo inuamona monamo dúidino afe monámona bitímie izóidiaioi. ⁴⁹ Iemona énie ie finócamiena cai eroína izói, afe izói mona ímiena éroiticaí.

⁵⁰ Amatiai, omoi cacai, ómoína dáaiticue, nana bínie dúide cai abi die diga jaca Juzíñamui illáimana illánomo jofo jáinide. Daje izói raire táinocaitatífue ziiñona illínomo dúíñede. ⁵¹ Mei íadi nanómona uáfodo onóñega ráfuenta ómoína onótaacadicue: nana tíñeiticai; mei íadi nana jiáifodo méidoficaiticaí. ⁵² Uáfuenta, Juzíñamui íraie vudugoi fúunua llezica, jarire ui bótacailla izói raire jiáifodo méidoficaiticaí. Afe vudugoi ficire cácaicallamona tiidino meine abido jaca tíñeillena cáatalliaioi. Afe llezica cáimona cáadimaci jiáifodo méidoficaiticaí abido tíñeillena. ⁵³ Mei caimo ite raire féitífue ziiñona féiñeitifuenta méidoficairede. Daje izói cai tíite abi ziiñona tíñede abina méidoficairede. ⁵⁴ Iemo afe bie caimo ite raire féitífue ziiñona féiñeitifuenta méidoficailla llezica Juzíñamui Cuegáuai daina ñue jaícina zúite. Daje izói cai tíite abi ziiñona tíñede abina méidoficailla llezica afe Cuegáuai ñue jaícina zúite. Afe Cuegáuai daina bie izói jóide:

Caímo ite tíillifue,

caina éoidimie anáfenoina izói, anáfenoga; ja táinocaide.

⁵⁵ Cai tíitaitífue caina izi cácatafirena ríino jae íñede.

Caina nie izói níbaiñeite,

mei ie molleroi izoide raa ja birui íñédeza.

⁵⁶ Nana comínimo fiénidifuiái íllamona, tíitaitífue caina jacíruitade. Iemo jaiái Juzíñamui cai ocuilla uai llúamona cai fiéni finócafuiai duere finórede. Iemona tíillifue cai

anáfuenuana jaca jacíruiticai. ⁵⁷ Mei Juziñamui cai Ocuíraima Jesucristodo áfemo caina anáfenotañenamona íena iere figora daiífiredicai.

⁵⁸ Ie jira, cue izíruiga ámatiai o ñinogafuena jiáifodo méidoñoño ñue jeire omoi oiri. Juziñamui ocuica táijinafuemo nágaruillai iere omoi náfuefireiri. Mei ñue onódiomoiza, cai Ocuíraimamo dájena cai táijinafue, jaca táinomo fáifíñeiteza.

16

Dúerede cai ámatiai canóllena úcube eneno ofítafue

¹ Crísto mo ñnote ámatiai canóllena úcube omoi jicánoga eneno ofítallifue llóitícue. Galacia éniemo ite Juziñamuimo jaináidino cue llófuia izói, afe izói omoi ofítari. ² Naga semana táiniaruimo, ómoimona illa dígamie omoi oga úcubemona due jiza Juziñamui íena oni eneno jóneri. Nano omoi llínua dieze oni eneno jóneri. Daií uícodo omoi ñue eneno éenofireiri, cue billíruimo afe úcube ómoído cue íraíñeillena. ³ Uire cue bille llezica omoi nizada dani baillímiedo afe úcubena Jerusalémo óreitícue. Afe llezica omoi cuelle úitímiaí mámece illábedo íaioina óreitícue. Afe bie izói omoi ofítaga úcubena Jerusalémo ite ámatiaimo óreitícue. ⁴ Onoñegaza, cue jíeruia afémaci díga dane jáitícai.

Pablo jiáinomo jáillena mamérite

⁵ Cue jáiadi Macedonia éniemo jáiacadícue. Afe méifodo daií Coríntomo dúciitícue. ⁶ Mei nibai nano níe dino omoi cígiri íitícue. Nibai ónoñegaza bie rozírediruillaina omoi cígiri záitaitícue. Afe mei oni jiáinomo cue jaille llezica cuena canóredíomoi. ⁷ Mei ómoimo fia jarire érocaillano jáiacañedicueza, cai Ocuíraima comeci jítaia, omoi cígiri are íacadícue. ⁸ Mei íadi Pentecostés rafue dúcille dino, benó Efeso jófuemo íitícue. ⁹ Mei iere ñue Juziñamui uaimo cue táijillíruimo itícueza. Aillo comini birui aféuaimo jíeruia cadiaioi. Mei íadi afe llezica aillo afe uaina uáitatino ite.

¹⁰ Timoteo ómoimo bíadi, mai omoi cígiri caimare íena omoi itátari. Afémiena omoi áifedoñoño iri. Mei afémie daa cai Ocuíraima ocuícamo cue izói táijideza. ¹¹ Ie jira ómoimona buna afémiena jámairuíñoño iri. Mei jiáifodo cue ie éroizaibilleza caimare afémiena omoi canori. Mei naa jáíe ñnote ámatiaioiri íena ocuídícue.

¹² Cai ama Apolos dibénemo llóitícue. Nauí íemo izire jicadícue, jáíe ámatiaioiri omoi éroizaillena. Mei íadi afémie birui jáiacañede. Uire ie jáiacallíruimo jáite.

Iraicaiño uáidonocailla uai

¹³ Mai abina ñue omoi onoiri. Crísto mo omoi ñinogafue jiáifodo méidoñoño jeire omoi oiri. Jacíruiñoño ñue íociredímie izói omoi iri. ¹⁴ Nana omoi jetáacagafuiaí, conímána izíruillafuedo finori.

¹⁵ Amatai, birui onódiomoiza, Estéfnas mámece redímie comini, nano fueñe Acaya éniemo ñúefuemo dóbaicadino. Dóbaicaillano jáíe Crísto mo ñnote ámatiai canóllena ja maméritiaioi. ¹⁶ Jira afémaci, naa jáíe afémaci izóidinori anamo omoi caimare itábicaillena iere jitáidícue. Daje izói jiáinona canófiredino, naa jabo ocuídinori anamo mai caimare omoi itábicaíri. ¹⁷ Ja Estéfnas, Fortunato, Acaico díga bíllari iere íobidícue, mei cúemona jica itíomoiza cuena canónidíomoiza. Mei íadi afémaci ómoimona féiredí fue cuemo finódiaioi. ¹⁸ Afémaci cue comécina iere náiretadiaioi; daje izói ómoína náiretadiaioi. Afe izoide comínimo ñue omoi jíeruiri.

¹⁹ Benó Asia éniemo ite Juziñamuimo jaináidino ómoimo uailai orédiaioi. Daje izói Aquila ie ai Priscila díga naa íaillinoimo gairídinori, cai Ocuíraima mámece uai ómoimo orédiaioi. ²⁰ Nana benomo ite ámatiai oreca uailai, mai omoi llínori. Daje izói conímána caimare uáidori.

²¹ Cue Páblodícue. Dama bie cue ónoído cuega uai ómoimo orédícue.

²² Ninó dámie cai Ocuíraima Jesucrístona izíruiacañedimie Juzíñamui faidólleza. ¡Cai Ocuíraima, mai raire biri!

²³ Cai Ocuíraima Jesucristo ómoína ñúefuena ézicíteza. ²⁴ Nana omoi Jesucrístomo jaináinado, ómoína cue izíruilla uai orédicue. Daiítadeza. Jae ñie.

MÉIFODO SAN PABLO CORINTO IMACIMO ORÉCABE Segunda Carta del Apóstol San Pablo a los Corintios

Coríntomo ite Juzíñamuimo jaináidinomo Pablo cuete

¹ Páblodícue. Juzíñamui comeci jítaina izói Jesucristo orécamiedícue. Timoteo cue diga illa llezica, Coríntomo ite Juzíñamuimo jainaide ámatiaimo bibe cueticue. Daje izói Acaya éniemo ite nana Juzíñamuimo dúidinomo bibe cueticue. ² Cai Moo Juzíñamui, cai Ocuíraima Jesucristo diga ómoína ñue ézicíteza. Afe llezica ñue uái illano dibénemo Juzíñamui Jesucristo diga ómoína jóoneiteza.

Pablo duere zefuállafue

³ Cai Moo Juzíñamuina ióbitaredícai, mei afémie caina dúeruite Mooza. Daje izói afe Juzíñamui iere caimo dúecaifirede. Afémie cai Ocuíraima Jesucristo Moo. ⁴ Nana duere cai zefuilla llezica, afémie caimo dúecaifirede. Afémie caimo dúecaide, afe izói jáíie duere zefuáidinomo cai dúecaillena. Afemona Juzíñamui caimo lloga dúecaillafue jáíimacimo llóredícai. ⁵ Mei Cristo duere zefuállafue dibénemo cai nabaia izói, afe izói Cristodo caimo iere ie dúecaillafue jeire óíticai. ⁶ Ie jira, nibai dama duere cue zefuía, bie ómoína cue canóllena. Iemo nibai Juzíñamui cuemo dúecaiaidi, áfedo daje izói dúecaillafue, naa jíllonafue diga óítiomoi. Iemona daje cuemo comuide duere zefuállafue ómoimo comuíadi, raire járitañeno áfemo fia ocuíriredíomoi. ⁷ Omoi dibénemo uáfodo onóigafuemo ñue ínotícue, mei ñue onódicueza daje zefuállafue dibénemo omoi illa dieze, afe izói Juzíñamui fecaca dúecaillafue óítiomoiiza.

⁸ Amatai, Asia éniemo cuemo comuide féiredífuiaína ómoimo fidítaiacadícue. Afénomo cuemo comuide riírede facátáfue iere jamánomoi deza, áfena ocuínidícue. “Níbai bífuemona jíllóneno benó tíitícueza,” daíífredícue. ⁹ Aféruimo méinellena llavécamié abí izói cue abí cacaide. Mei íadi tíidino meine abído cáatate Juzíñamuimo cue ínuana cue onóillena, afe zuufue cuemo comuide. Dama cue abí ínoñeillena cue llófuete. ¹⁰ Aféruimo Juzíñamui afe iere jacírede tíillafuemona cuena jíllotate. Afémie nai birui jaca cuena jíllotaocaide. Daje izói úireitruillaído afémie aféfuemona cue jíllotallemo ocuíricaidícue. ¹¹ Uáfueña, cuedo Juzíñamuimo omoi jícafireiaidi afémie cuena jíllotaite. Aillo comini cuedo Juzíñamuimo úriadi, aillo íena ióbitaitiaíoi. Juzíñamui cue ézicia ñúefuiaíri íena ióbitaitiaíoi.

Pablo Coríntomo jáíñenafue llote

¹² Daa cue comécido onóigafueri iere ióbidícue. Afefue bie izói jóide: cue comeci úrilla uai nífuenino bíniédo cue mácajana llote. Daje izói Juzíñamui eróicana jáíimana jífueño cue mácaja llote. Omoi cígiri bie izói riire itícue. Juzíñamui caimare cue cánuado daí ítícue. Dama cue fibíllafuedo daí ínédícue. ¹³ Omoi cuo cue ciegábiamos báinino lloga uaina íñede. Omoi facádoia onóille raa ja uáfodo cuega.

Nane jáíífuena ñue omoi onóillemo ocuírídícue. ¹⁴ Aféfuena jabo onóíomoi. Afefue bie izói dáíiacade: Cai Ocuíraima Jesús billíruimo ómoíri caimare abí cue ínuana izói, afe izói cueri caimare abí ínoítíomoi.

¹⁵ Nana bífuiaí iere cue jíeruillamona, omoi eróizaillena fueñe maméritícue. Daí ménacaiño omoi cue éroizailleri ióbitíomoi. ¹⁶ Macedonia éniemo cue jaille llezica omoi jarire cue méiñonocaillena comeci facadícue. Afe mei Macedóniamona abído cue bille llezica nane dáanomo omoi cue éroizaillena maméritícue. Afe daí afe méifomo judéamo cue jaille llezica cuena cánoítíomoiiza. ¹⁷ Bie cue mamérellafuiaí comeci cue faca llezica, ¿cuena nibai jáíífodo raire méidofíredímie izoide daídíomoi? Bie éniemo ite fiéndino mamérilla

izói nibai cuena mamérite daidíomoi. Afémaci “Jii” daidíai; íemo méifodo daje llezica “Dama ite” daifirediaoi.

¹⁸ Mei íadi Juzíñamui uáfueña daifiredimie illa izói, afe izói táinona “Jii,” íemo “Dama ite” dáaruido ómoína daifinidicue. ¹⁹ Mei Juzíñamui Jitó Cristo Jesús jaca táinona “Jii,” íemo “Dama ite” dáaruido daifinideza. Iemo Silvano, Timoteo, íemo cue, Cristo daína uailai omoi cigiri lloticaí. Nana Cristo lloga uai táinoñedeza, ua uai. Ie dánana méidofinide. ²⁰ Mei afémiedo nana Juzíñamui uícodo llogáuai ñue jaícina zúideza. Ie jira Juzíñamuina cai ióbitaja llezica, Cristo Jesudo “Daítadeza” daifiredicaí. ²¹ Iemo jiái Juzíñamui ómoína naa cairi Crístomo riire jaináitate, nana cai ínogafuemona oni jiáifodo cai báíñeillena. Daje izói afémie ie táijnafuemo ñue caina jónete. ²² Juzíñamui ie Ñuera Joreño caimo íllado caina dama íeiena mamede. Afe ie Ñuera Joreño caimo íllamona íco jiáiruideo Juzíñamui caimo fecállifueña cai llínollena uáfodo onódicaí.

²³ Mei jiáifuemo omoi coméciri. Omoína duéruiticueza, ómoína duere cue finoñeillena, uícodo cue mamérilla izói nai ómoimo biñédicue. Juzíñamui afe bie cue uaina nabáillena jicádicue, aféuai uafue daíllena. Cue daína uai uáfueñenia, Juzíñamuina abí fatátaticue.

²⁴ Omoi ínogafueña riire ocuácañédicue, mei omoi ínogafuedo Jesucrístomo ñue riire jaináidíomoi. Mei jiáifodo conímamo táijina izói, omoi iere aillo ióbillena ómoína canóacadicue.

2

¹ Ie jira omoi cue zúucaitaibiñeillena mamériticue. ² Mei omoi zúucaitadicuenia ¿mei bu cuena ióbitalle? Cue zúucaitadino dani cuena ióbitalle, mei íadi cue dinena ómoína zúucaitaacañédicue. ³ Ie jira nauí ómoimo cue cuezábemo cue daína izói cueticue. Omoína zúucaitaibiacañédicue. Mei jiáifodo cuena ióbitaredíomoi. Mei nauí aféruimo uáfueña onódicueza, cue caimare illarui omoi caimare ítiomoi. ⁴ Omoimo nauí cue orécabe cue cuia llezica, iere cue comeci zúurenari éedicue. Mei íadi omoi zúucaillena afévena cueñédicue. Mei jiáifodo ómoína iere cue izíruillana omoi onóillena cueticue.

Fieni finófiredimie ie illafue múiñua mei, meine caimare uáidua

⁵ Mei íadi ómoimo riire úriacañédicueza bie izói dáitaticue. Dámie fieni illa dama cuena zúunaitañedeza, mei jiáifodo cue baímo nana ómoína zúunaitade. Daí daidicue iere riífueña jáíñeilleza. ⁶ Omoi garilla llezica afe cómemo omoi mameca duere finóllifue ja figo báiteza. ⁷ Mei benómona afémie mo jiáifodo úriredíomoi. Nauí ie finoca fiénidifue omoi féitano caimare íena omoi uáidori. Daje izói íena dúecairedíomoi, aillo ie zúunaillamona afémie jamánomo anado fieni jáíñeilleza. ⁸ Ie jira ómoimo izire jicádicue, afémie omoi izíruilla meine abido íemo omoi onótallena. ⁹ Nauí uícodo bifue dibébedo ómoimo cueticue. Nauí omoi cue llófuiana nibai jeire ótiomoi, nibai jeire óñeitiomoi; áfena cue onóillena ómoimo cueticue. Daje izói, omoi comeci ifue onóillena afébedo ómoína facátaticue. ¹⁰ Mei ja benómona, ómoína fieni finódimie omoi caimare uáidoia, cue daje izói caimare íena uáidotícue. Meita afémie fieni finuado cúemona nino féitalle fiénidino íadi, aféfuena féitaticue. Uáfueza ñue ómoína canóllena Cristo eróicana aféfuena féitaticue. ¹¹ Mei afe zúunaitagamie raire abido íena caimare uáidoredicaíza, afe zúufuedo Taife raire íena ana úíñeillena. Mei Taife comínina bífuefírena uailai ñue onódicaíza.

Pablo Tróasmo uái iñénafue

¹² Jesucristo lloga uai Troas jófue mo jino cue lluaíbilla llezica, cai Ocuíraíma áillomaci cuena jiéruitajamona Juzíñamui cue ocuilla táijnafueña uáfodo caimare fuitáredicue. ¹³ Mei íadi Coríntomona bícade cue ama Tito afémie cue cióñenamona cue comeci uái íñede. Mei jira Troas imácina facádonocaillano, oni Macedonia éniemo íena jénuaidicue.

Jesucrístomo cai jaináinamona buna anáfenoñegacai

¹⁴ Juziñamuina iere figura daiñiredicai; mei Cristo nana éoidinona anáfenua izói, Juziñamui dáfeodo, Cristo diga, nágaruillaído caina úicaiteza. Afe llezica ziórede raa caimare jállia izói, afe izói Juziñamui Crístona onóillifuena caído náagobiaído jica jalléitate. ¹⁵ Cristo Juziñamuimo fecaca ziórede uguci izóidinodicai. Nana jilloitino jallédicai, daje izói niné féiraitino jallédicai. ¹⁶ Afe niné féiraitino titade jucui izói íaire jállecaide. Mei íadi jilloitino caimare íocire cáatate jállia izói jállecaide. Bie Juziñamui ebire mamérillafue, ¿bífuena bu mei ñue llínorena? Juziñamui cuena cánua izói canóñenia jaca buna figo llínonide. ¹⁷ Juziñamui uailai jáímacimo fécano úcubena llínoñedicue. Afena jaca rainóño llócaidicue. Jáímaci úcubé óllena afe uai jáífodo méidua izói méidoñedicue. Mei jáífodo Juziñamui orécamié izói, afémié eróicana jáíma jífueño uáfodo úriticue.

3

Juziñamui comue ñue finóllifue bie izói daide

¹ Bie izói cue úrilla, ¿ómoimona nie izói cacaide? Nibai ¿dama cue abi ínollena meine dáanomo ñue úriticue? Mei íadi daiñañede. ¿Nibai cue ñue illánona onótatibiai ómoimo izájirede? Mei nibai jáímaci finua izói, ¿ómoimona cue ñue illánona onótatibiai jicárede? ² Mei daiñañedeza. Dani omoi cue ñue illánona onótatibe izóidíomoi. Omoi baimo jáíe onótatibena jítaiñedicue. Cue comécimo joide come ñue illánona onótatibe izóidíomoi. Aféuaina nana comini cúemona onórediaíoi. ³ Dama Cristo cuega onótatibe izóidíomoi. Cuedo ciegábiai izóidíomoi, mei cuedo ñúefuena llotátagaomoiza. Jamai tintado ciegabe izóíñediomoi; mei jáífodo caade Juziñamui Ñuera Joreño úicaiganodíomoi. Daje izói Moisés noñicomo ciegáuai fia comini eróicana jeire oñediomoi, mei íadi omoi comeci úrillado Juziñamuina íóbitaacadíomoi.

⁴ Nana afe bie ñuera cue dainana jacíruiño daiñedicue, mei Crísto Juziñamuimo daa uai fiéño inofiredicueza. Uáfueza, nana cue dainana afémié ómoimo zúitaiteza. ⁵ Mei íadi nana cue jetáacagafuiai finolle ríino dama cúemona comuñedeza; mei jáífodo nana cue finócafuii Juziñamuimona comuide. ⁶ Ie lloga comue finóllifue cue táijillena, afémié ñue cuena ríinoretade. Afe Juziñamui comue finóllifue, jaii cuega ocuífue jeire cai úado caimo zuitánide. Mei jáífodo Ñuera Joreño comuítaga cai comeci zíiño cáatino caimo íllado, Juziñamui comue finóllifue caimo zuitárede. Afe cuega cai ocuilla uai cai titállena llote, mei íadi Ñuera Joreño cai comécina cáataite.

⁷ Afe Moisés lloga ocuilla uai noñici finóinabícimo cuega. Aféuai lluíbilla llezica, iere ríire ebíredifuiído lloga. Aféruido Israel nairai, mei Moisés uiéco jáífodo iere quenire eróideza, afémiémo eróinidiaíoi. Mei íadi afe ríire ebíredifue fáicana dúioicaide. Iemona afe ícoimo cai titalle ocuilla uai lluíbilla llezica iere ebíreia, ⁸ Ñuera Joreño caimo lluíbiga uai, ua afe titade uai baimo jamánomo ebírede. ⁹ Bifue bie izói dáiacade: mei cai fiénidifuiimona cai titállena llote ocuilla uai iere ebíreia, birui aféuai baimo nífuenino cai íllena Juziñamui llogafue jamánomo ebírede. ¹⁰ Afe ocuilla uai nauí iere ebírede, mei íadi Juziñamui como finoca jamánomo ebíredifue comuillamona, afe nanoide ocuilla uai jae figo ebínide; ja birui ráañede. ¹¹ Iemona nauí lloga are íño raire záitífue ebíredenia, afe zíiño záíñeitífue nauí llogáuai baimo jamánomo ebírede.

¹² Ie jira afe bífue mo ocuírillano, jacíruiño caimare úriticue. ¹³ Mei íadi cue bie Moisés finua izói finóñedicue. Afémié uiéco quenire cíoina are íñedeza féibicaide. Ie jira afe quenire cíoide dúillana Israel nairai cíoiñeíllena, Moisés ie uiéco iníroina ibaide. ¹⁴ Mei íadi dama Moisés uiéco íbaina llezica afe nairai, uina cíóñedíno izói, íaíoi ífoci úrilla figo déíñede. Birui afe jaii llogafue íaíoi facádua llezica, afe íbaille iníroi izóidífue íaíoi onóillifuena jánaide; mei afe íbaille iníroi izóidífue nai oni óñegaza. Afe jízitatífue

dama Cristo oni órede. ¹⁵ Nai biruimo Moisés cuezánicuai íaiói facádoia, afe ibáiraroi íaiói ifoci úrillana féitaoicaide. ¹⁶ Mei íadi dáamie cai Ocuíraimamo íinoia, afe ibáiraroi oni oga. ¹⁷ Cai Ocuíraima afe íaióina zíñona cáatate Ñuera Joreño. Afe ie Ñuera Joreño jieruitimie fiénidena fínuamona ráiruiñegamiena jáite. Daje izói afe Ñuera Joreño cai Ocuíraimamo ínote come, Moisés ocuica uáimona ráiruiñegamiena jaide. ¹⁸ Mei íemona cai uieco ibáillaroi izóidifue iñédeza, uáfori cíoide acárani izóidinodicai. Afemona, cai Ocuíraima ebíredifue acárani egáñua izói, jáimamo ja ciótaticai. Afe daíí cai bie Cristo izóioicaidicai, mei nágaruillaído ie ebíredifuea jamánomo náamatafiredicaiza. Bifue cai Ocuíraima finócafue. Afémie Ñuera Joreño.

4

¹ Afemona cue bie jaca comécina náinidino izóifidicue, mei Juziñamui cuena dúecaillano bie táijinafue cuemo jóoneteza. ² Báinino jáima jífuefirenana ruifruiticue naa jáie meáiredifuiari. Daje izói jáima caimare bífua uaido úrífidicue. Afe llezica Juziñamui uaina méidota jáifodo lloñédicue. Mei jáifodo jaca uáfuedo úriticue. Afedo Juziñamui eróicana nana comini comeci ñue úrillado afe cue lloga ua uaina íaióina jieruitadicue. ³ Mei íadi cai llócaiga jíllona uai cominimona nano nígamieo nai ónonino cacaide. Afefue daíí ite, mei afémaci dani ñine íaiói táinocaillifueo jáideza. ⁴ Mei afémaci Juziñamuimo ínoñenamona bínie naama Taife, ui nirilla izói, íaiói ifoci úrilla uaina féitate, cue lloga comini jíllotata ebírede Cristo ñúefuea íaiói ónoñeillena. Afe ñúefue ñue úzere egáñote raa izoide. Iemo afe Cristo Juziñamuina jino uáfodo ñue onótate cáadimie. ⁵ Jino cue llócaina llezica, dama cue abí íena lloñédicue, mei jáifodo afe Jesucristo cai Ocuíraima llócaidicue. Iemo cue dibénedo Jesuna cue izíruillamona ñue omoi íllena canódimiedicue daíí firedicue. ⁶ Mei Juziñamui énie comúitaja llezica, afémie “Mai batí jítino egáñuairi” daide. Afe daíí daidímie, cue comécimo ie ñúefue egáñua izói jóonete. Afémie daíí cuemo jóonete, Crístodo cuemo ácataga Juziñamui ebírede cáimafuea ñue cue onóillena.

Juziñamuimo ñue cai ñnuado cai illafue

⁷ Mei íadi afe Juziñamui ráifide cáimafue cue zíñona íñeite abido onótacue. Bie cue abí are íñeite énie niina iciru izoide; mei íadi afe ñúefuea méidotarede íno bie cue jamai abimo jóoneta, afe ríino dama cúemona comúñenana omoi onóillena; íemo jáifodo afe ríino Juziñamuimona comúllana omoi onóillena. ⁸ Daíí cue íllamona díga féirede finónidifuiari cuemo comúadi, jaca Juziñamui cánuado aféfuiaí ñúeite. Daje izói aillo ónonidifuiari zuure cuemo comúadi, jaca nai ocuírífidimie izói íñédicue. ⁹ Mei jáimaci cuena duere finóllena cuemo racáadi, jaca zóofeñegacue. Fáinamona ana dotaca izói iticue íadi, jaca ñiné táinocaiñédicue. ¹⁰ Náganuiaimo cue jailla llezica, Jesús íaiói fállena mámia izói maméfiregacue. Nágaruillaído afe titállena mamécamié izói cue illa llezica, afémie ñue cuena náiretade, birui ie cáananona jino comínimo cue onótallena. ¹¹ Mei nai cue caana llezica, nágaruillaído Jesús ícoina jacire titállena mamécacue, Jesús cáanana, are íñeno tíite cue abido ciótafireillena. ¹² Daíí cue zefuillamona cue dibénedo títaigamiéna jáiticue, mei íadi omoi dibénedo dáaruído omoi cáataganona jáitiomoi.

¹³ Juziñamui Cuezáuaimo dáamie duere ie zefuíbicailla llezica daide: “Juziñamuimo ínoticue ie jira úriticue.” Mei daíí cue jáí afémie ínua izói ínoticue, ie jira Juziñamui ñúefuedo úriticue. ¹⁴ Ñue onódicueza, afe tíide Cristo meine abido cáatate Juziñamui, afe cáataga Jesús íri nane cuena cáataite; íemo daane cue, naa ómoiri, ie illánomo úite.

¹⁵ Nana bífuiaí ñue omoi íllena daíí íficaide. Iemona nai aillo jáie comínina Juziñamui ñue éziciite. Aillo ie ézicia izói afe dieze aillo comini jamánomo ñúefue íemo nítaitiaíoi.

¹⁶ Mei íemona cue jaca comécina náinidino izói iñédicue. Meita cue abi náinioicaide íadi, cue comeci dinena jaca nágarui náireioicaide. ¹⁷ Mei íemona bíniemo cue caana llezica duere cue zefuállafuiai figo ráañede. Raíre llícaite. Ie méifomo afe zuufue baimo ite aillo ninomo fúíñeite ebírede cámafuiiai cuemo cómuite. ¹⁸ Ie jira uído cue ciónamo ébicaiñedicue; mei íadi cue cióñenafuiaimo ébicaifiredicue, mei afe ciona raana are iñeno raíre táinocaiteza. Mei íadi afe cióñena raa jaca zíñona íite.

5

¹ Ja ñue onódicueza, cue caana abi are iñeno zabide jofo izoide. Iemo jíai onódicueza, bie cue abi táinocaille llezica, Juzíñamui cúeiena monamo zíñona zábiñeítico ja nite; afeco come ónoído níñega. ² Uáfueza, cue caana abido cue illa llezica, monamo itícomo iere cue jáiacana comécido éfiredicue. ³ Afénomo jaiániacadícue, mei afeco iniroi come abi jífua izói, cue joréñona ñue jífoiteza. Afemona come abimo iñede joréñona íñeíticue. ⁴ Bie jofona mameca abimo cue illa llezica iere zúunaillano comue abina izire óiacadicue. Mei, bie cue jácaie abina, iniroi come abímona duiñua izói, cue joréñomona duiñóacañedicueza; jífoñega joreño izói íacañedicueza. Mei jíáfodo iniroi jita ízoi, comue cue abi cue joréñomo jítáacadícue. Daíi cómuena méidoacadícue, bie cue táinocaite abi, comue cue cáaillinodo nine féitallena. ⁵ Dama Juzíñamui bie izói abi cue méidollena cuena mamede. Iemo birui ie Ñuera Joreño afémie cuemo fecade. Afe ie Ñuera Joreño cuemo íllado ñue onódicueza, nana Juzíñamui cuemo fecalle ñue llínoíticue.

⁶ Mei áfemona, comue méidoga abi cue llínollena áfena ñue cue onónamona caimare ocuírídicue. Nai bie abido cue illa llezica, onódicueza, monamo cue illícomona jino iticue. Bie izói daina cue Ocuíraíma díga iñédicue. ⁷ Afe llezica birui fia cue ciónafuedo ínidicue, mei jíáfodo Juzíñamuiimo cue ínogafuedo íredicue. ⁸ Mei jira uáfueza cue llínollena ñue cue onónamona caimare ocuírídicue. Bie cue illa abina fáicanocaiacadícue, monamo jaillano cai Ocuíraíma díga cue íllena. ⁹ Ie jira bie éniemo afémie díga cue iñena llezica, daje izói afémie díga cue illa llezica, jaca íena cue íóbitallena jamánomo nícidotícue. ¹⁰ Mei comíni finócafue Cristo riire jicánoranomo nana cai afénomo ácataredicaíza. Afénomo illa dígamie bíniemo illa abido íaiói íñua díeze, níbai ñúefue níbai fiénidífue, áfeze jíridoítiaíoi.

Juzíñamui meine caína caimare uáiduafue

¹¹ Ie jira afe naga come Juzíñamui riire jicánollemo ñue jacíruioicana comeci facádícue. Afemo cue comécillamona naga cómena Juzíñamui llógamo jíeruitaacadicue. Mei íadi cue illáfueza Juzíñamui onode. Afe izói cue ñue illáfueza omoi onóillemo ocuírídicue. ¹² Dáanomo dama ñue cue illáfuedo úriñedicue. Mei jíáfodo cuedo caimare omoi úrillena bie izói ómoína daídícue. Afemona jínoidífuedo abí ínotino uai omoi ollúuai íteza. Afémaci jofo comécimo itífueza náfueñediaíoi. ¹³ Mei níbai comínimona dáarie cuena daina izói, uáiritaidímie izói iticue íadi, Juzíñamui íena daíi iticue. Mei jíáfodo uáiritaiñedicueza ñue omoi íllena canódicue. ¹⁴ Mei ñue onódicaíza dama Cristo dainámie nana comíni meífomo tíide. Afe caína ie izíruillamo comécillano, nana aféniemo ínotino íaiói fiénidífuiiai tíidena mámano áfena fáicanocaidiaíoi. Afemo cue comécillado Cristo caína izíruilla ñúefueza cuena izire llócaitate, ñue omoi íllena. (Daje izói bie Cristo caína izíruilla, ñue illáfuedo cue jáillena cuena ocuíoideza.) ¹⁵ Uáfueza, Cristo nana comíni meífomo tíide, nana cáadino daní íaiói jitailla izói íñeillena; mei jíáfodo, afémaci dibénedo tíillano meine cáadímie Cristo comeci jitailla izói íaiói íllena. ¹⁶ Ie jira bínie comíni jínoidífuedo comeci faca izói, nino bumo comeci facáñedicue. Mei nauí uícodo Crístomo bínie comíni comeci faca izói, comeci facádícue, mei íadi ja birui daíi aféniemo comeci facáñedicue. ¹⁷ Mei

daií, Crístomo dájena jaináitagamie comue cómena jaide. Jaiai ie illáfuiái fiénocaillano nágafuiái cómofuiaina méidoga.

¹⁸ Nana bífuiái Juziñamui mámiama Juziñamui dama afémiema Crístodo meine caimare cuena uáidote, íemo jiái nana comini afémiemo meine caimare úritallena cuena ocuñocaide. ¹⁹ Bie izói daiíacana: Juziñamui ie Jitó Crístodo nana comínina íena meine caimare uáidotade. Aféruimo, comini finoca fiénidifue féitana caimare íaioina uáidote. Afe dáruido Juziñamui meine comínina caimare uáiduafue oni llujállena cuena jónonocaide. ²⁰ Afemona Cristo íena uai llotínona ómoimo biticue. Ie jira birui ómoína cue daina uai, dama Juziñamui ómoimo cuedo jicaca uai izoide. Mei jira Cristo dibénedo ómoimo izire jicádícue. Mai, meine abído Juziñamui caimare uáidori. ²¹ Afe Cristo jaca íaifuenta finóñede. Mei íadi cai meífomo Juziñamui afémiena fiénidifuiáiredimie izói duere finode. Daií íena finode, Juziñamui anamo ñue jaícina illáfuemo cai íllena; mei ie ñue illa izói cai íllena Juziñamui jitáideza.

6

¹ Afe daií Juziñamui táijinamo afémiena nabáidícue. Ie jira afémie ómoimo lloga ñuera cáimafuiái táinomo omoi fáifitañoeno iri. ² Mei Juziñamui ie Cuegáuaimo daide:

Comínimo caimare cue uáidollena cue mamécaruimo ona cacádícue.

Daje izói jíllonaruimo ona canódícue.

Ja birui Juziñamui caimare o uáiduarui. Daje izói birui o jíllonarui.

³ Iemona Juziñamuimo cue táijina llezica, buna llótaidonidícue, cue táijinafuemo fiéni íaioi úriñeillena. ⁴ Mei jiáifodo nana cue jetáacagafuiáido Juziñamuimo táijidimie cue íllana ácataacadícue. Duere zefuídícue íadi comécina raire járidoñoeno fia ocuídícue. Afedo Juziñamui íena cue íllana jino ácatatícue. Daje izói cue jitaica raa íñena llezica, íemo llotáiredifuiái cuemo comuilla llezica áferi járidoñoeno ocuídícue. ⁵ Daje izói cuena zechénuano llavédiaioi. Cue duere finóllena jacire lléjellejedino cigiri itícue; íemo iere rírede táijinamo itícue. Diga ícaíño raire íniana onóñedicue; daje izói jiái jufíruitícue. ⁶ Daje izói íáinidimiena cue íllado Juziñamuimo ñue táijidimiena cue íllana ácatatícue. Iemo diga jiáifuiáido daií cue íllana ácatafiredícue. Uafue uaina cue onónado ñue cue illáfuena cíotatícue. Iemo cue járitañenafuedo naa cue dúcaifirenafuiáido áfena cíotatícue. Iemo jiái Ñuera Joreño cuemo íllado, naa jiáimana jífueñoeno cue izíruifirenado Juziñamui íena cue íllana ácatafiredícue. ⁷ Iemo ua uai cue llócaillado, naa Juziñamui ríino cuemo íllado: nana bífuiáido Juziñamuimo ñue táijidimiena cue íllana ácatafiredícue. Afe llezica jaícina joide illáfuedo jáifiredícue, mei áfedo fiénide uáillaina oni caitáredícueza. Daje izói áfedo cue abina ríidoredícueza. ⁸ Daruíríe ñúfuiái cuemo nitádiaioi, mei jiáiruido fiénidifue cuemo jitádiaioi. Daje izói jiáiruido cuedo ñue úritiaioi, íemo jiáiruido cuena íáiruitiaioi. Iemo dáríe cuena comínina bífuetimiena daidíaioi; mei íadi jaca uáfuenta úricaidimie itícueza. ⁹ Iemo dáríe cuena “Bu ónoñegamedio” daidíaioi; íemo jiáimaci “Ñuera cai cómedío” daidíaioi. Daruíríe titácamié izói itícue, íadi nai cáaoicaidícue. Iere duere finócacue íadi méineñegacue. ¹⁰ Zuure itícue íadi jiáifodo jaca íóbidícue. Mei ráanidimiedícue íadi, aillo jiáimacina ráaredino izói ráanaitadícue. Dúeredino jofófemo dúeredimie izói cue íadi, nai ráaredimie izói nana ráaniairi íóbidícue.

¹¹ Coríntomo íte cue ámatiaí omoi cacai. Omoi diga báinino úriñedicue, jaca uáfodo úrifiredícue. Cue comécimo itífuena uáfodo jino ómoimo llotícue. ¹² Omoína iere duéruillano rairuñeno ómoína caimare uáidofiredícue. Mei íadi omoi dinena cuena ñue izíruillana ráiruitíomoi. ¹³ Urue Moo, íe úruena izire jica izói, afe izói ómoína izire jicádícue. Omoimo uáfodo jino cue llua izói, afe izói omoi comécimo itífuena jino uáfodo cuemo omoi llóllena izire jicádícue.

Caade Juzíñamui illaco izóidicai

¹⁴ Juzíñamui inoñedino dájena omoi jaináineño iri. Omoi jaináidi, dájena jaícina iñénafue comuídeza; ómoína jiáifodo itátaite. Mei ¿nie izói jaícinaidifue fiénidifue diga dáanomo jaináirede? ¡Jaca jaináinide! ¿Mei úzefo naa jítifo diga dájena nabáirede? ¡Nabáinide!

¹⁵ ¿Táife meita Cristo diga dájena caimare írede? ¡Jaca ínide! Juzíñamui inotino inoñedino diga ¿nífue dájena íaioimo dúina? Dáanomo dúitífue iñede. ¹⁶ Mei dama Juzíñamui dáina izói caade Juzíñamui illaco izóidíomoi. Afémie daide:

Íaioimo íticue; íaioi cígido macácaiticue.

Cue be íaioi Juzíñamuiticue.

Afe izói cue comínina ítiaioi, daide.

Iemona Juzíñamui illaco jánarai diga ¿nífue dájena íaioimo dúina? Dáanomo dúitífue iñede.

¹⁷ Ie jira cai Ocuíraima bie izói daide:

Juzíñamui inoñedino cígimona oni omoi jai, afénomona oni omoi ii.

Íairedifuiái dibénemo iñeno iri.

Iemona ómoína caimare uáidoiticueza.

¹⁸ Afe llezica omoi Móoiticue.

Iemo dáaruído omoi cue úruiaína ítiomoi.

Afe bífuena jamánomo riírede cai Ocuide Juzíñamui daí daide.

7

¹ Cue izíruiga ámatiai, Juzíñamui jaiai uícodo lloga cáimafuiái bie izói joide. Afe daí caimo íllamona nana jiáiforiende cai íaifuiáimona muiñócana izói oni íredicai. Abi íaifuena daje izói cai joreño íaifuena fáicanocairedicai. Juzíñamuina ñue jacíruillano cai comeci íaininafue ie erócana jaícina jóneredicai.

Corintio imaci comeci méidua

² ¡Mai cuena caimare omoi uáidori! Cue bie jaca buna fiéni finóñedicue. Daje izói buna íaire finóñedicue. Iemo ómoimona jaca buna jífueñedicue. ³ Bie izói cue dánado ómoína íaire finótañedicue. Mei nauí ómoína cue dáina izói, nai cue caana llezica, nágarui ómoimo cue comeci fáioidicueza. Uáfuena dájena cue tílliruimo ómoimo cue comeci fáioidicueza.

⁴ Ómoína iere caimare inotícue; daje izói ómoiri ñue abi inotícue. Iemona diga duere zefuállafue cuemo comuilla llezica cue comeci jaca náirede, íemo jiái jamánomo caimare íticue.

⁵ Mei daí nauí cuemo comuídeza. Nauí Macedonia éniemo cue jailla llezica afénomona uái cue illirui jaca iñede. Mei jiáifodo náganuiaido féiredifuiái cuemo comuide. Cuena uáitatino nágafene cue ciríoidiaioi, íemo diga jiáifuiáiri comécido jacínaioicaidicue. ⁶ Mei íadi comécina náinidinona nácaitaírede Juzíñamui cuemo dúecaide; cuemo dúecaillano Tito dúcinado ñue cuena nácaítade. ⁷ Daa ie dúcinari íóbiñedicueza, mei dáanomo omoi méidoga ñue illáfuedo afémiena omoi nácaítari íóbidicue. Afémie omoi iere cuena cióacanafue cuemo llote. Iemo jiái nauí omoi cígimo comuídifueri omoi iere zúnaillana Tito llote. Daje izói cueri omoi comeci lícitaillari, naa cuemo omoi jíruiacanari íóbidicue. Bífuiaína cue fidínamona jamánomo íóbidicue.

⁸ Mei nauí ómoimo cue orécabe ómoína zúucaitate íadi, birui áferi zúucaíñedicue. Mei níbai nauí áferi zúucaidicue, mei íadi birui Tito cuemo llua izói afebe are ómoína zúucaitañenana fidídicue. ⁹ Iemona birui íóbidicue. Omoi zúucaillari íóbiñedicue, mei jiáifodo afe omoi zúucaillafuedo omoi comeci ífuena méiduari íóbidicue. Bie zúucaillafue ñue omoi ocuállado Juzíñamuina íóbitade. Iemona ómoimo riire cue cugabe ómoína fiéni finóñede. ¹⁰ Mei uafue, Juzíñamui íóbillá ñue cai ocuíoiga zúucaillafuiái cai comeci ífue ñúefuena méidotade. Iemo afe ñúefuena méiduado jíllóiticaí. Mei íadi bíniemo ite

ínoñedino zúucaillafue íaioina ana tíllinomo úite. ¹¹ Omoimo comuide zúucaillafue ñue omoí ocuállari Juzíñamui íóbide. ¡emo birui omoí cígimo ñue comuídifuiamo omoí éroi! Afe zúucaillafue nauí ómoimo ite fiénidifue mo riire ómoina ñue comécitade. Iemo afe zuufue omoí finoca fiénidifue na jino uáfodo llotátate. Daje izói afe zuufue dani ómoina ríicaitade; íemo ómoina jacíruitade. Afe méfomo iere cuena cíóacadiomoi. Afe llezica omoí cígiri ite fieni finódimiena duere finótaiacadiomoi. Nana bífuiaimo omoí nífueninana jino ñue cíotatiomoi. ¹² Mei daí afe orécabe cue cuia llezica afe fieni finódimie mo figo comécíñedicue. Daje izói duere zefuídimie mo figo comécíñedicue. Mei jíáfodo ñue omoí illífuemo comécídicue, cuemo omoí comeci ñue fáiana, Juzíñamui erócana, omoí onóillena. Ie jira afebe ómoimo cueticue. ¹³ Iemona bífuiaido cuemo caimare dúecaídiomoi.

Mei íadi omoí cuemo dúecailla baímo Tito iere caimare íllari jamánomo íóbídicue. Mei nana omoí afémie ñue uái íllena íena canódiomoi za. ¹⁴ Nauí omoí dibénedo Títomo cue úrilla uai meáiruiñeno jaca ñue cuemo baite. Omoíri abi cue ínuana afémie mo lloticue. Ja birui, nana ómoina cue daína uai uáfue na jailla izói, afe izói ómoíri Títona cue daína uai uáfue na jaide. Iemona nauí afémie na cue daína uai táinomo omoí fáífitañenari iere íóbídicue. ¹⁵ Ja birui Tito ómoina iere izíruite, mei nana ómoimo ie dáinado cue ocuífafuiai jeire omoí úamo afémie caimare uibíoideza. Daje izói jacíruioicana caimare ie omoí llínuamo nai comécioide. ¹⁶ Iemona ómoina jaícina ñue cue ínuari íóbídicue.

8

Jeruíño fecáredicaí

¹ Amatiai, birui Macedonia éniemo ite Juzíñamuimo jaináidinomo afémie dúecaífirenamosa íaioí jeruíño dígaa fecáfirenafue ómoimo llóiacadicue. ² Mei íaioimo comuide féiredífuiai iere íaioina jacire facátate íadi, caimare itíai. Daje izói iere duérediaioí íadi, ráaredino izói raana jeruíño fecáfirediaioí. ³ Mei dani íaioí comeci ñue jítaina izói nana íaioimo ite dieze jeruíño fecádiaioí, íemo afe íaioí írede úcube baímo nane fecáfirediaioí. Aféfuemo uaina nabáidicue. ⁴ Bie Macedonia imaci Judéamo ite ámatiai íaioí canóllena cuemo izire jícadiaioí. ⁵ Íaioimo comeci cue faca baímo fecáfirediaioí; mei fueñe Juzíñamui comeci jítaina izói, “Juzíñamui ocuilla raíre fínoíticai,” daínano afémie mo ñue ínotiaioí. Afe mei daje izói “O ocuilla raíre fínoíticai,” cuena daídíaioí. ⁶ Afémaci daí daína jira, Títomo izire jícadicue, afémie nauí omoí cígiri taineca omoí jeruíño fecaca úcube iráíafue birui ñue ícoimo fuitállena. ⁷ Mei nágafuiai dibénemo iere ñue finódiomoi: ínogafue dibénemo jamánomoidiomoi. Iemo ñue llófuiana jamánomo baitádinodiomoi, naa ífoci úrillafuiai. Daje izói ráiraíeño íocirenafue dibénemo jamánomoidiomoi, naa cuena omoí izíruillafueri. Daí omoí íllamona, mai bie jeruíño raana fécafue dibénemo daje izói jamánomoidinona omoí iri.

⁸ Bie fécafue na ómoina finótañedicue. Daa jíámaci raíre raana fecáfirenafue na omoí onótaacadicue, áfena omoí fidínamosa íaioí fecaa dieze raíre omoí fecállena. Afe daí raíre omoí fecáacanado omoí izíruillafue na jíái uáfue na dáitiomoi. ⁹ Mei caí Ocuíraíma Jesucristo caímo dúecaillana ñue onódiomoi za. Afémie fueñe monamo illa llezica bínie comíni ráanaílla baímo jamánomo ráaredimie. Mei íadi bínie mo bíllamo caína izíruillano dama abína dúeredimie na finode, ie dúerenado Juzíñamui dibénemo caína jamánomo caí ráanaitallena. Mei uáfueza, nauí Cristo monamo illa izói, afémie caína itátaiacade.

¹⁰ Bie jíámacimo fecáfirenafue dibénemo omoí ñue íllena, cue comécimo ite cue fácaja ñuera uai llóiticue. Nauí jaide fimónamosa nai biruimo afe jeruíño fécafue na ñue tainédiomoi. Daa due jiza fécaítino izói, tainéñedíomoi, mei jíáfodo íocire caimare fecáfirediomoi. ¹¹ Jira benómosa mai ñue ícoimo omoí fuitari. Nano fueñe omoí táinia

llezica, omoï íocire caimare fecáfirena izóï, afe izóï áfena ñue ícoïmo fuitari. Omoïmo ite dieze, jeruñeno fecáfireiri. ¹² Dámie uáfueña Juzíñamuimo fecáacania, afémie Juzíñamuimo fecaca raa Juzíñamui caimare llínoite. Mei uáfueña comínimo ite dieze Juzíñamui caimare llínofiredeza. Afe baimo cómemo iñédena afémie táinona jicáñede.

¹³ Jiáimaci omoï canófirenado ómoïna dúeredinona finóacañedicue. ¹⁴ Mei jiáifodo illa dígazie dájerize omoï ráareri, daidicue. Jiáiziena jamánomo baimo ráareri, daiñedicue. Birui íaioï jitailla raana omoï ñue fecáredíomoi. Iemo uire omoï jitáilliruimo omoï jitailla raana afémaci ómoïmo fecárediaioï. Afe bie izóidemona afémaci naa ómoïri jaícina dájerize ráareitíomoi. ¹⁵ Jaiai afe monámona Juzíñamui oreca maná daina pan izóidena dibénedo Juzíñamui ciegáuai daje izóï daií dáideza: “Aillo ofítatímiemo minícana fiébiñede. Iemo figo ofitañedímiemo ie jitaica raana iñede.” Iemona nana dájerize ráareitíomoi za.

Tito naa ie nabáñiairi

¹⁶ Ja jiáinodo Juzíñamuina “Figora” daiñiredicue. Mei omoï ñue íllena ómoïmo cue comeci úina izóï, afe izóï Juzíñamui Tito comécina ómoïmo jóonetadeza. ¹⁷ Afémiemo cue jóonenocaigna afémie ñue jiéruite. Iemo dama ie comeci ómoïmo járitaifirenamona, ja birui dama ie comeci jítainado omoï eróizaide.

¹⁸ Tito diga daa ñue mámecina jica jalléidimiena orédicue. Nana gairífirede Juzíñamuimo jaináidinodo ie mámecei jica jalleide. Jíllona uaimo afémie iere ñue táijnado ie mámecei jica jalleide. ¹⁹ Daa bífueñedeza, mei jiáifodo Juzíñamuimo jaináidino afe bie cai ama nizédiaioï cue diga jáillena. Daje izóï cue canóllena afe ñue ínotimiena nizédiaioï. Afe jiáimacimo omoï dúecaille úcube cue fecállemo afémie cuena cánoite. Cai Ocuíraimamo ñuera uai nitállena bie izóï finódicue. Daje izóï íemo jiái omoï íocire comínina canóacanana ácatallena, bie izóï mamédicue. ²⁰ Bie úcube cue iráiamo buna fieni úriñeillena bie izóï finódicue. ²¹ Bie izóï ñue jaícina uáfodo canóacadíicue, Juzíñamui eróicana ñue cue íllena. Dama Juzíñamui eróicana daií iñédicueza, daje izóï jiái comini eróicana daií iticue.

²² Afe íaillinoïdo jiáie cai izóï ínote ámatiaimona dáamie orédicai. Afémie íocire ie mamérillana diga jiáifuiáido ácatate. Iemo birui ómoïmo iere ñue ie ínuado, ie íocire mamérillana jamánomo jino ácatate. ²³ Daa come “¿Mei bu Títona?” daiíadi, “Jadíe omoï cue cánuamo cue nabáñiredimie,” omoï daiíri. Iemo afe Títodo jaide íaillinoïmo comini jicánoiadi, “Crístomo jaináidinomona orecaiaillinoï,” omoï daiíri. Afe llezica “Bie come íaillinoï ñúefue Crístomo nitáñirediaillinoï,” omoï daiíri. ²⁴ Iemona bie oreca íaioïmo, uáfueña íaioïna omoï izíruifirenana ñue íaioïmo ácatari, nana Juzíñamuimo jaináidino onóilleza. Afe izóï bie orécamaci ñue omoï llínuado, ómoïdo abí cue ínuana, uafue daiítaitíomoi.

9

Amatiai éna úcube iráica

¹ Juzíñamuimo ínotino, cai ámatiai izóidino íaioïena úcube iráia dibenedo, ómoïmo uáfueña cúenidicue, ² mei omoï fecállena raire mamérifirenana ñue onódicueza. Omoï Acaya énie imácídiomoi. Nauide fimónamona omoï fecalle raamo raire mamérifirenana Macedonia énie comínimo jaca caimare llófiredicue. Macedonia comínimona nabézie, omoï íocire mamérillana fidíillamona comécido náicaidiaioï. ³ Mei íadi bie úcube iráia dibénedo ómoïdo cue lloga ñúefue táinomo fáñiñeillena, bie cai ámatiai ómoïmo orédicue. Daií íaioïna uícodo orédicue, nauí cue daina izóï áfemo ñue omoï finóbillena. ⁴ Macedonia imácimona dárie cuedo jaia, nai omoï finóbiñenana baizájillena gáñedicue. Daií omoï íllana íaioï baizájadi, afe cuena meáidaitade, mei áfedo nano uícodo omoï ñue cue ínuana táinomo fáñitaitíomoi za. Iemo jiái afémaci daií omoï íllana cíocaizaibiadi daje izóï dani ómoïna meáidaitaite. ⁵ Afe bíemona nano uícodo ómoïmo bie cai ámatiai cue orelle iere

jitáiredeza, daií comeci facádícue. Iemo daje izói afémaci nauí uícodo omoí mameca aillo úcube iráiana ñue ícoimo fúitana cánoítiaíoi. Bimaci omoí cánuamona afe úcube iráiana fúitano, afe úcube caimare omoí fecállemo ñue finóbitiomoi. Iemona afe omoí fecalle cue riire ocuínidícue. Dani omoí comeci ñue jítainana ácatáitíomoi.

⁶ Ja cue lollífuemo omoí uibíoiri. Due ritímie jaca due jofo ote. Iemo daje izói aillo ritímie aillo jofo ote. ⁷ Ie jira illa dígamie ie comeci caimare mamérilla izói ie úcube írede. Jeruillano éoinamona fecánide. Daje izói jíáima ocuíoillamona ínide. Mei Juzíñamui caimare fecáfiredimiena izíruiteza. ⁸ Cai Moo Juzíñamuimo nana jíáifoide omoí cáimacaitade ráaniai iere aillo íteza, facadoño jamánomo ómoimo fecárede. Daií nana dani omoí jitaica ráaniaina ómoimo nágarui ífireite. Mei íadi dani ómoieñedeza, mei jíáifodo ómoimo aillo ite ráamona, nana jíáiforiende raado jíáimacina jeruíño canóredíomoi. ⁹ Juzíñamui Cuegáuai bie izói daide:

Dúredinomo afémie jeruíño aillo fecade.

Comínimo afémie ñue finócano jaca are iite.

¹⁰ Iemo afe daade Juzíñamui omoí ríllena jíáie ríamo llizítano ómoimo fecáfírede. Daje izói afe riga zícuaamona, Juzíñamui áfemona omoí güille raana comuítano ómoimo fecáfírede. Iemona nana omoí jitailla ríllena afémie ómoimo fécaite; íemo dáanomo omoí rigánuaína jamánomo aítátaite; áillamona jamánomo aillo ótíomoi. Daií omoí jamánomo óllemona jíáimaci canolle raa díga icaiño ómoimo íteza. ¹¹ Afemona díga jíáiforiendena ráareitíomoi, jíáimacimo jeruíño aillo omoí fecáfírellena. Iemo cue uire omoí orelle úcube cue izájillamona jíáie cai ámatiaína Juzíñamuina “Iere figura” dáítaite. ¹² Mei jira afe bie cánua Jerusalemo ite cai ámatiaímo cai feca llezica, daa íaíoi jitaica ráaniai íaíoiimo fecáñedicaíza, mei íadi afémacina Juzíñamuina “Iere figura” daítaticai. ¹³ Iemona dani afémaci Juzíñamuido ñue úritiaíoi, mei bie cánua Cristo ñuera uaina omoí jíeruillana íaíoiimo jino ácatate. Daje izói afémacimo íemo naa jíáimacimo jeruíño aillo omoí fécajana íaíoi ciónamona, Juzíñamuimo ñuera uaina jóneítiaíoi. ¹⁴ Iemona ómoína iere duéruillano, afémaci afe íbana ómoína Juzíñamuimo jícaítiaíoi. Juzíñamui ómoído jino cíotaga aillo dúcaífirenamona afémaci ómoído Juzíñamuimo úrifireítiaíoi. ¹⁵ Ie jira Juzíñamui afe caímo lloga áillo dúcaífirenana jamánomo ñuénamona, fia iga raa izóideza, áfena jino uaido jaícina llónidicaíza. Afe caímo dúcaífirenari Juzíñamuina “Iere figura” mai cai daílli.

10

Cristo orécamiena íllamona Pablo ocuilla ríino ite

¹ Cue Páblodícue. Cristo caímo dúcaífiredeza, íemo jíáí afémie iere cáimamíeza cue daje izói izire ómoímo jícaítícue. Omoímo riire cue úrizabiñeíllena ja birui jícadícue. Dáarie cuena uáitatino bie izói cue díbenedo daíífirediaíoi: “Pablo omoí cígiri illa llezica afémie iere comécina mánaídímie, mei íadi afémie jica jíáínomo illa llezica afémie abído riire ocuídímiena dóbaicaide,” daídíaíoi. ² Mei jíáifodo, omoí cue eróizaíbilla llezica, riirede uaina ómoímo cue úrizabiñeíllena izire jícadícue. Mei ómoímona dáarie cuemo fíénide uai jíadino ite. Afe íaíoi jítaica uai bie izói joide: “Nana ie finócano daa bíníe comíní jítaína izói finoca,” daí daídíaíoi. Iemona afémaci cue úritaja, riirede uáíllaido íaíoiimo úriredícue. Mei íadi afe izói cuena úritaño iri. ³ Mei uáfueza, ua cómedícue, mei íadi bíníe comíní fuírífírena izói fuíríñedícue. ⁴ Fíénidífuíai oni cue caítalle raa, bíníe comíní fuírilla raa izóíñede. Mei jíáifodo cue fuírilla raa Juzíñamui ríinona ríinorede, abí ríídollena riire finócacuai izóidena cue táinocaitallena. ⁵ Mei áfedo cuemo fíeni jíácana oni caítadícue; daje izói cuena íaíoi cáitajana oni féítatadícue. Nana uáitaiacadino íaíoi abí ínúano jíáimaci Juzíñamuina raíre onóñeíllena jííztaífirediaíoi. Ie jira nana íaíoi comeci faca uáíllaí Cristo anamo itátatícue, afe Crístona íaíoi comeci jíeruillena. ⁶ Cue llógana omoí jíeruilla ñue ícoímo dúcílle llezica, nana jíáíe uáítaíredínona duere fínoítícue, íaíoi jíeruíña ícoína.

7 Daa jínofene cioide ráaniaimo eróidiomoi; uáfueza, náinidimiena cue eróinamo eróidiomoi. Ninó dámie “Uáfueza cue bie Cristo iédicue,” daiíadi, bífueмо afémie uíbicaitarede: Cristo íena ie illa izói, daje izói cue Cristo iédicue. 8 Mei diga icaiño, cuemo ite riinodo cue llóyadi nai áferi méaidaiñeiticue. Mei cai Ocuíraima afe ríino cuemo jónete, áfedo Juzíñamui dibénemo ñue omoi cue móonaitallena. Omoi niné cue táinocaitallena cuemo ínega. 9 Fia rabedo ómoína jácidotimie izói íacañedicue. 10 Dárie cue cugábaiado daidíaioi: “Jamánomo riire ocuífiredede; mei íadi afémie comini eróicana úrilla llezica, afémie ríimieñede. Afe llezica ie úrilla uaina iere jáimairuirede,” daidíaioi. 11 Afe izói úritimie bie izói onótarede: Jicana rabedo riire cue úrilla izói, afe izói omoi cígiri cue ille llezica riire úriticue. Nane afe dáaruido afémacina riire ócuiticue.

12 Afémacimona dáarie daní íaioiena ñue caimare úritiaioi. Táinomo abi ínuado úritiaioi. Afémaci illa izói jaca mamériñedicue. Daní táinomo íaioi comécillado conímamo comécidiaioi. Ñuera come daiíllena daní conímamo facádiaioi. Daií fácajamona abina onóñedimacina jáidiaioi. 13 Cuemo dúíñede raado abina ínoñeiticue, uai cue llócaillena mózizaillinona llotimie, Juzíñamui. Afémie ñuera uailai cue llócaillena omoi illánomo cuena dúcitate. Uáfueza Corinto dinomo cuena jáitate. 14 Ie jira cuemo dúide táijinafue baimo jáiñedicue. Mei nauí Cristo ñúefue fueñe ómoimo jino dénuai biticueza. Iemona afe omoi cígiri cue táijille cuemo dúide. Nano fueñe lluáibiñedicuena afe táijille cuemo dúíñede; mei íadi daiítañede. 15 Jáíimaci táijinana cúeiena abimo maiñoñedicue. Afedo abina ínoñedicue. Mei jáíifodo Juzíñamuimo omoi ínogafue ñue móonaille dinori, omoi cígiri jamánomo cue táijillemo ocuírídicue. Mei íadi cuemo dúide táijinafuedo táijifireiticue. 16 Iemona afe méifomo omoi illa batífenemo jica itínomo jíllona uai llujíredicue. Mei íadi afe llezica jáíima taineca táijinamo táijíñeiticue, ie táijinado abí cue ínoñeillena.

17 Mei jáíifodo daa come abí ínoiacania, cai Ocuíraimado abí ínoiteza. 18 Dama ie abido ñue úritimie, ñuera come daiífirenamiena jáíñeite; mei jáíifodo daa Juzíñamui ñue úrillamie, ñuera come daínámiena jaille.

11

Cristo óreñega taino llotino Pablo diga

1 Abina onóñedimie izói due jiza úriticueza. Raíre cue uai oñeno fáicana cue úrillamo ómoína cacáretaacadíicue. Mai fáicana abí cue ínuamo omoi cácarei. 2 Omoína iere uríoifiredicue. Afe omoi cue uríoilla Juzíñamuimona comuide. Dámie ie áireiacania jetañega jitaingo óllena jica ia mámano jicánote. Afe jicánogango daa afémiemo ínireirede. Mamécaruimo afengo moo aféngona izájite. Afe izói Crístomo ómoína cue izájillena ja Crístodo mamédicue. Ie jira ómoiri iere uríoídíicue. 3 Mei comini nánoidíngo Evana jaio bífuiano jífuia izói, afe izói jáíimaci ómoína bífuiana jacírúitíicue. Afemona figo abí omoi ráiruiñenia jífuefitiomoi. Iemona Crístomo ñuera comécido omoi comécillana oni jáíifodo féitaitiaioi. Daje izói Crístona nahí omoi izíruillana féitaitiaioi. Afena jacírúitíicue. 4 Cue llócaiga Jesús izóiñedimiena ómoimo llotíaioi. Afemo fáicana caimare ñue cacáreidiomoi. Afemo níbaí omoi ínollena jacírúitíicue. Iemo nauí ómoimo cue lloga o maiñooca Ñuera Joreño izóiñedena jáíifoide joreñoona abimo maiñoódiomoi. Iemo jáíi uícodo cúemona omoi cacana ua jíllona uai izóiñedena jáíifoide uai jeire otíomoi. 5 Birui baie omoi cígido jáillamaci “Cai bie Cristo orécamaci baimo ñúemacídícai,” daidíaioi. Mei íadi afémaci jofófenemo ráííñedimiedicue, daií comécíoidíicue. Iemona ¿níbaí mei cuemo cacáreñeitiomoi? 6 Mei níbaí cue úrilla uai figo jínoñeniadi, nai cue onoiga rafue jino llúana

dibénedo iere baitádimedicue. Nana ómoimo cue llócaillado afe bie cue onóigafuiaiina jaca nágarui jino ómoimo ácatafiredicue.

⁷ Jíllona uai ómoimo raiñoñoeno cue llúado, omoi anamo cue abina itátaticue. Daií iticue cue baimo ñúefuedo omoi jalléillena. Daií cue illa ¿ñibai fiénide? Daiítañede. ⁸ Jiáie Juzíñamuimo jaináidino omoi cue canolle úcube ibádiaioi. Omoi cígiri cue íllena afe úcube cue llínua afémacimona cue bairoca izoide. ⁹ Omoi cígiri cue illa llezica, cue jitaica raana ite. Mei íadi áfena jaca ómoimona raiñoñedicue. Aféruillaido Macedóniamona bite cai ámatiai, cuemo iñede raana fecádiaioi. Afe daií cue abina rairuídicue, omoi cígimo nana cue finócafuiai ómoimo juare zúíñeillena. Iemo nauí cue illa izói, afe izói omoi cígiri jaca daií ífireiticue. ¹⁰ Cristo ñúefue ua cue onona izói, afe izói nane jiáifuena ua onódicue. Afefue bie izói daide: Nana Acaya éniédo raiñoñoeno tájifireiticue. Afe cue tájina cue raiñoñenari cáimacaiticue. Iemo afe cuemo ite cáimafue buna cúemona báiroñeite. Afena uáfodo onódicueza. ¹¹ ¿Ñibái mei daií úriticue? ¿Ñibai ómoína cue gáñenado daií úriticue? ¡Ieñede! Omoína iere cue gáinana Juzíñamui ñue onode. ¹² Mei íadi jaca cue finua izói finóicaiticue, cuena uáitatino abí ñnotañeillena. Jaca ómoimo raiñoñoeno tájifireiticue, baie abí ñnotino íaioi abí ñnua raa cue bairóllena. Afémaci úcubena ómoimona izire jicáfirediaioi Cristo ua orécamiéna cue illa izói íaioi íllena. Mei úcube íaioi ófirenamo ñnotiaioiza, áfedo “Cristo orécanodicaí” daiíllena. Ie jira afe íaioi ñnoga uai oni caitáacadicue. Iemona jaca raiñoñoeno ómoína canófireiticue. ¹³ Baie afémaci Cristo óreñega iere taino llotino. Daje izói afémaci jiáimacina jífuefiredino. Iemo jiái afémaci come jifeia jiáifo eroína izói, Cristo orécamacina comínina íaioimo comécitaacadiaioi. ¹⁴ Afe bie jiáifodo afémaci eróinafue cáimona jánañede, mei dama Taife egáñnote Juzíñamui abí ímiena eróillena méidoficaideza. ¹⁵ Ie jira, Taifemo tájitagano ie méidoficailla izói méidoficaifirediaioi; afe jiáifoide raa ízoiñede. Iemona jifeide come eroína izói bimaci ñue ite comínina eróillena abina jiáifodo méidotiaioi. Mei íadi íaioi finócaiga fiénidifue dúina dieze afémaci táinocaitiaioi.

Cristo orécamiéna ie íllamona Pablo duere zefuide

¹⁶ Nane dáanomó ómoína dáititcúe: Bie jabo abí cue ñnuamona cue úrillamona bu cuena “Uáiritaidimie” daiíñoeno iri. Mei íadi daa come daií comécido daiíadi, dama uáiritaidimie izói úriticueza fia omoi eroiri, áfedo jabo abí cue ñnollena. ¹⁷ Afe bie abí cue ñnua uaina, cai Ocuíraimamo ite rínodo cuena daií daiítañede. Mei jiáifodo dama uáiritaidimie izói úriticueza. ¹⁸ Mei daní íaioi daina ñuera uaido abí ñnotinuai aillo íteza; afe íaioi taino abí ñnuana izói, afe izói abí ñnoitcúe. ¹⁹ Omoi zánuaño dáititcúe, omoi jamánomo baitádinodimioiza, mai uáiritaidimie izói cue úrillamo caimare fíaicana omoi cácarei. ²⁰ Mei ómoína baie riire tájitatínona caimare fíaicana cacáreidiomoi. Iemo jiái ómoimo ite raana báiruaíbitino uaimo caimare fíaicana cacáreidiomoi. Iemo jiái ómoína náamataíbitino uaimo fíaicana caimare cacáreidiomoi. Iemo jiái omoi jamairuitinomo caimare cacáreifirediomoi. Iemo omoi uieóna fatade izóidino, afe ñí ómoína fiéni úritinomo fíaicana caimare cacáreidiomoi. ²¹ Bie izói cue daina cuena meáiruitade, mei íadi dama cue jamairuillado dáititcúe, cue bie afémaci finua izói, cue finóllena figo ríinidicue.

Mei íadi aillo jiáie comíni jacíruiñoeno daiífiréna izói, cue jiái jacíruiñoeno dáititcúe, mei íadi áfedo uáiritaidimie izói úriticúe. ²² ¿Meita afémaci hebreo imaci? Cue jiái daje izóidicue. ¿Meita afémaci Israel nairai iédiaioi? Cue jiái daje izóidicue. ¿Meita afémaci Abrahámona comúidino? Cue jiái afémaci izóidicue. ²³ ¿Meita afémaci Cristo tájitagano? Cue bie afémaci baimo Cristo ocuícamiedicue. (Bie izói cue dáinado uáiritaidimie izói úriticúe.) Cue bie afémaci baimo jamánomo tájidicue. Cue bie afémaci

baimo zéchedogacue. Daje izói afémaci baimo llavécacue. Iemo diga ícaiño titáacagacue. ²⁴ Cinco dígacaiño judío nairai duere cue finua llezica, cuena zechénotadiaioi. Nágarui duere cue íaioi finua dáruido treinta y nueve dígacaiño cuena zechénotiaioi. ²⁵ Iemo dacaiñoámani cuena ragüüzido fatíaioi. Iemo dácaiño nofíciaina cuena níjidiaioi. Iemo dacaiñoámani cue jailla áillue nocáe buide. Iemo dácaiño cai buíllamona daa naio daa mona diga afórede monailai cígimo iticue. ²⁶ Dáanori uái iñeno iere macáfiredicue. Iemo diga imani jacíredinuiamo iticue, íemo jacírede merírifiredino cígimo iticue, íemo dama cue comíniri jacíredifuiái cígiri iticue naa jicánemaciri. Iemo áillue jofue cígimo ite jacíredifuiái cígimo iticue. Daje izói áillue nairai jinomo ite jacíredifuiái cígimo iticue, íemo jiái monáillaimo jaci cácadicue. Iemo jiái taino ámatiaí cígimo jaci cácadicue. ²⁷ Daje izói juárede táijnamo iticue naa féiredifuiáiri. Diga ícaiño mona naio diga iníñeno táijidicue. Daje izói iere juí cácadicue, íemo jiái jainoi iñénari duere zefuídicue. Diga ícaiño Juzíñamuimo comeci fácano güiñeno jáicadicue. Daje izói rólliemo duere zefuídicue. Daje izói incuíronino jáicadicue.

²⁸ Nane bífuiái baimo jiáifuiái cuemo comuide. Nágaruillaido náganuiamo ite Juzíñamuimo jaináidinomo cue comeci úicaide. Iaioina abíoidicue izói duere zefuídicue. ²⁹ Iemona daa come figo Juzíñamuimo ie íñoñenamona duere zefuádi, afe cuena duere zefuítate. Daje izói dámie íaifue mo comeci nine féiacaniadi, cue comeci niné féizailla izoide. Iemona afe cuena meáidaitade; daje izói cuena rícaitate. ³⁰ Mei afémaci táinodo cuena abí ínotaadi bie izói dáititue: Cue mairíñenana jino ácatate raado ñue cue úrillena baimo gáidicue. ³¹ Cai Moo Juzíñamui bie cue daína ua uaina onode. Afémie cai Ocuíraima Jesucristo Moo; íemo jiái afémie jaca ninomo íóbioitaregaza. ³² Naui Damáscocomo cue illa llezica afe nairai jabóidillaíma naga nazemo úiñorainina jóonete, llaitada cue llavéllena. Afe nairai nahíllaima Areta mámeçiredimie. ³³ Mei íadi jiáie Juzíñamuimo ínotino, eróirafomona cirígaido cuena ana agüínetiaioi; mei afe jofue onífene cirínua raa caifo jicado íteza. Daí afémacimona botada jíllodicue.

12

Juzíñamui Páblomo nicaí anado ua ráfuedo úrite

¹ Dámie dama abido caimare úria minícana oñede. Ie úrilla jiáie raamo ráifiñede. Afe fue ñue onódicue ia, cai Ocuíraima nicaí anado cuemo ácataga raa jino llóredicue. Afe llezica uícodo nai buna ónoñegafuiái cuemo llote. ² Afe cuemo ácataruimona ja catorce fimona jaide. Aféruimo Crístomo cue jaináinamona caifo tercera monamo Jesucristo illámonamo uigacue. Onóñegaza nibai caana abido uigacue, nibai íeizinino uigacue. Afe dama Juzíñamui onoiga. ³ Cue úinaruimo nibai abí diga uigacue, nibai daa cue joreño úina, áfena onóñedicueza; dama Juzíñamui onoiga. ⁴ Juzíñamuimo ínote tíidino jáillinomo uigacue. Afénomo Juzíñamuimona dama cuemo duide ebírede uáillaina cacádicue; afe uáillaido Juzíñamui rairuídeza birui úrinidicue. ⁵ Afe cuemo ácataga raado abina ínoredicue, mei íadi áfedo abina íñoñeiticue. Dama cue abina íñoñeiticue. Mei jiáifodo cue mairíñenado ñue cue úrillena iere gáidicue. ⁶ Mei dama abido cue úriacaniadi, afe abina onóñeno úrilla izóiñede, mei jáicina uáfueña úriticue. Mei íadi áfedo úriñeiticue, mei cue ciona izói comini cuemo comécillena jitáidicueza. Afe izói cúemona íaioi cacana izói áfeze cuemo íaioi comécillena jitáidicue. Afe baimo aillo jiáiforie cuemo íaioi comécillena jítaiñedicue.

⁷ Afe cuemo jino onótaga raa iere jamánomo ebire cioide. Ie jira áfedo jamánomo abina cue íñoñeillena, duere zefuítacue. Afe duere cue zefuilla come abimo eedo llúina izoide. Afe eedo, Taife come izi cácatate raa izói, cuena duere finuaíbite. ⁸ Bie duere cue zefuilla

raa cai Ocuíraima oni oréllena dacaiñoámani íemo jicádícue. ⁹ Mei íadi cai Ocuíraima cuena daide: Cuemo ite o cue cáimadofirena nana omo comuide duere zefuilla o ocuállena ñue cánoite. Mei daa come náinina llezica, cuemo ite ñuera ríino afémiedo ñue jino ácatarede,” daide. Ie jira cuena náinitade raari ióbidícue, afe daí Crístomo ite ríino cuedo jino ácatallena. ¹⁰ Mei jira cue náininari ióbidícue, íemo comini cuena báñuari ióbidícue. Daje izói raana cue jitáillari ióbidícue. Afe izói cue duere íaiói finóacanari ióbidícue. Iemo Cristo ícoinia féiredífuiaí cuemo comuillari ióbidícue. Mei jamánomo íaiói cuena uáitaacana llezica, afe llezica Juzíñamui cue cánuado comécina jamánomo íociredimiena jáidícueza.

Coríntomo ite Juzíñamuimo jaináidínomo Pablo comeci úicafírede

¹¹ Dama cue abí ífuedo cue úricaillamona uáiritaidimiena jáidícue; mei íadi daí cue úrillena cuena ocuíoide izói itíomoi. Mei daní omoi ja birui cuedo ñue úiredíomoi; mei ráifíñedicue ia, omoi cígido jaide Cristo óreñega jamánomoidino jofófenemo ráifíñedicueza. ¹² Naui omoi cígido járitaiñeno fíaicana táijidícue. Afe cue táijicaillaruiamo jíáiena onótate raana finódícue naa cíórainina ráaniairi. Afe dáaruido ebire cáimacaitate ráaniaina finódícue, nana bífuiaido Cristo ua orécamiedícue daíllena. ¹³ Jíáie Jesumo jaináidíno cígiri cue illa llezica, cue jitaica raana raiñódícue; mei íadi omoi cígiri afe izói íñedícue. Daa bífuedo jíáie ínotino jofófenemo ómoimo comécidícue. Afe ómoimo cue raiñóñena dibénedo ómoimo fieni cacáiadi áfemona meine caimare cue uáidori.

¹⁴ Ja birui dacaiñoámani omoi cue eróizaibillena finóbidícue. Iemo omoi cígimo cue íllena ómoimo juare fínoñeítícue; mei ómoimo ite úcube cúeiena máñuaibiñeítícueza. Mei jíáfodo daní omoi Juzíñamuimo ñue jaináitallena bíítícue. Mei uafue, éicomini úruiaí íena úcubena ofítarena. Uruiaí ie moo íena ofítanide. ¹⁵ Omoi comeci ñue íllena dama cuemo ite díga caimare fúitaitícue. Daje izói ómoiri cuemo ite máriena jeruíño fúitaitícue. Omoína jamánomo cue izíruiadi ¿afe íbana meita omoi jofófenemo cuena izíruiaredíomoi? Daítañede mei íadi birui afe izói ómoimona dáarie cuena daí finódiaíoi.

¹⁶ Nana ómoína cue llótaiuaibiñedícue. Afena ñue fairíotíomoi; mei íadi afe méífomo dámierie jíáfodo daídíaíoi: “Irebaimo jiita izói caina bífuiano úcube ote,” daídíaíoi. ¹⁷ Naui ómoimo cue orécamacimona, ¿meita cuemo izájillena dámie ómoína bífuiano úcube ote? ¡Oñede! ¹⁸ Omoi méíñuaillena Tito izire jicádícue. Afémiedo daa jíáie ama orédícue. ¿Meita afe Tito úcube óllena ómoína jífujete? ¡Daítañede! Tito, íe nabai, íemo cue, cue macáfírena izói, daje izói nana macádicaí, ¿ero ua? Dájena ñue comécillado táijifíredicaíza, ¿ero ua?

¹⁹ “Caído abí ríidotio,” nibai caina comécido daídíomoi. Mei íadi afe izói jóíñede. Mei jíáfodo Juzíñamui eróicana Crístomo jaináitagamie izói úriticaí. Mei cue izíruiiga ámatiaídíomoiiza, nana bie izói cue daína omoi comeci Juzíñamui dibénedo ñue móonaillena llotícue. ²⁰ Mei omoi diné cue bille llezica cue comeci óiacana izói íñedíomoi cue cíoizaibillena jacíruitícue. Iemo afe íbana omoi comeci óiacana izói íñedícue cue omoi baizájillena jacíruitícue. Iemo dájena ñue omoi jaináíñenamo jacíruitícue. Daje izói omoi íradoifírenamo jacíruitícue; íemo jíáimana omoi ícifírenamo jacíruitícue. Iemo afe llezica jíáimana duéruiño daní abí omoi úcificaiillari jacíruitícue. Iemo jíáima uaita uai omoi llófírenari jacíruitícue. Iemo jíáimaci jánari omoi úrifírenari jacíruitícue. Daje izói fieni abí omoi ínofírenari jacíruitícue. Iemo ocuícana náfueñedíno izói fieni ebena omoi ífírenari jacíruitícue. ²¹ Iemo jíái uire omoi cue éroizaibille llezica omoi daí íllari cue Juzíñamui ómido cuena meáidaitalleri jacíruitícue. Iemo afe llezica nibai aillo ómoiri cue éeiri jacíruitícue, mei jaiái nínómona díga fíénidífuiaí omoi fíñuari éedícueza. Mei ómoimona aillo nai íaióimo ite íaífuiaí féitañediaíoiiza. Daje izói íaióimo ite jíruiífueña fáicanocaiñediaíoi, íemo íaiói comécina jíríoiide fieni finócafuaí oni níne féitañediaíoi.

13

Pablo tiraicaiño laioi uáidua uai, laioimo llonódacaiga uai diga llote

¹ Naui ménacaiño omoi méiñuaidicue. Ja birui nane meine omoi méiñuaibiticue. Onódiomoiza, naga júfidoga rafue mena, nibai daámani uai nabáiraini daje izói úriadi, afe júfidogafue ñue záide. ² Naui méfodo omoi cue méiñuaibilla llezica, nana naui uícodo fieni itínona duere cue finóllena llonódacaidicue. Birui benó jica cue illa llezica dáanomo naui ómoína dama cue dáinana llóiticue: “Uire nane omoi cue méiñuaibia naui uícodo fieni itínona naa ómoiri dúecaiño duere finoiticue,” daidicue. ³ Iemona omoi jenoca Cristo cuedo úrilla onótafirena raana ñue ónoitiomoi, mei áfena jenófirediomoiza. Omoiri Cristo náinidimie izóinezeza, afémie ríinorede, Cristo omoi diga jifánoñedeza, ríiredimieza. Omoína ñue rairuíoide. Omoi cigiri íemo ite ríino jino cíotate. ⁴ Uáfueza, Cristo náinidimie izói cruzmo coraica, mei íadi birui afémie Juzíñamui ríinodo caade. Afe daí Cristo náinina izói dájena náinidicue, mei íadi dájena afémie mo cai jaináillado Juzíñamui ríinodo íiticue, omoi ñue cue finófireillena. ⁵ Mai dani ñue abina omoi onoiri. Afemo, mai ñue comeci omoi facari, Juzíñamuimo ñue ínoga uai iere jeire omoi úana omoi onóillena. Omoi comeci ifue facada ñue jónefireiri. Jesucristo ómoiri íllamo ¿meita áfemo comeciñediomoi? Mei nibai jíáfodo jóide. ¿Meita táinona ínnotiomoi? ¡Afe daí íñeiteza! ⁶ Mei uáfueza, cai bie táinona llotimieñedicue. Afemo ñue omoi comeciocaillemo ocuáridicue. ⁷ Iemo afe llezica fiénidifue omoi finoñeillena Juzíñamuimo jicáfiredicue. Daa ñúefue dibénemo omoi íllena jicádicue. Mei íadi ñue jaícina llófuefiredimie cuena daíllena jicáñedicue. Dámie “Jaícina lloñedio” dáidiadi áfena llóñeiticue. Ñúefuemo omoi ille comini cueri dáinana baímo ráifide. ⁸ Jaca ua uai jeire omoi oíadi úaitañeiticue; ómoína lletánidicue. Mei jíáfodo afe uaina nabáiredicue. ⁹ Ie jira ómoína cue lletáninamona náinina cue cíoiadi, áferi caimare íóbidicue, mei afe llezica omoi ñue comécina náirediomoiza. Iemo nífuenino ñue jaícina omoi íllena jaca jicáoifireitícue. ¹⁰ Nai omoi cue méiñuaibiñena llezica, bibe uícodo ómoimo cueticue, uire ómoimo cue bíadi omoi diga riire cue íñeillena. Uáfueza, omoi riire cue lletalle ríino Juzíñamui cuemo iga. Mei íadi omoi cue táinocaitallena cuemo íñega. Mei jíáfodo Juzíñamui dibénemo omoi comeci ñue cue móonaitallena cuemo iga.

¹¹ Cue ámatiai, ñue íitíomoiza. Dani nífuenino jaícina omoi illínomo omoi comeciiri. Bie ómoimo cue lloga uai náfuiano, conímama omoi náicaitafireiri. Conímamo dájerize caimare omoi comeciifireiri. Daje izói jíái dájena ñue uái illífuemo omoi iri. Iemo cai uái illifue comuítate Juzíñamui omoi diga ífireite, íemo ómoína ie izíruifirenana ónoitiomoi.

¹² Caimare conímama omoi uáidori. ¹³ Nana benó ite dájena Juzíñamuimo ínnote cai ámatiai ómoimo uai orédiaioi.

¹⁴ Ja birui cai Ocuárama ómoína ñue finoiteza. Daje izói Juzíñamui ómoína izíruifireiteza. Iemo Ñuera Joreño ómoína nabáioicaiteza. Daítadeza. Jae ñie.

GALACIA ENĒ IMACIMO SAN PABLO ORECABE

La Carta del Apóstol San Pablo a los Gálatas

Pablo, Galacia éniemo ite Juziñamui uaimo ñnofiredinomo cuete

¹ Cue Páblodicue. Juziñamui ñúefue llujillaena orécamiedicue. Dani comini cuena jóoniamona llujañedicueza. Daje izói comini cue óriamona llujitagamieñedicue. Mei íadi dama Jesucristo llujitagamiedicue. Daje izói afe Jesús tíidinomona meine abido cáatate Moo Juziñamui llujitagamiedicue. ² Nana Galacia éniemo ite Juziñamuimo gairifiredinomo bibe cueticue. Daje llezica nana cue diga ite ámatiaí uai orédiaioi. ³ Moo Juziñamui fecaca comécina uái illafue dibénemo mai omoi iri. Cai Ocuíraíma Jesucristo afe bífuiaí daje izói caímo llote. Aféfuiaí dibénemo mai omoi iri. ⁴ Mei afémie, cai fiénidífuiaí dóllena, titállimiena dama ie abina izájide. Daíí cai Moo Juziñamui jítaina izói, afémie ie abina izájide, bie fiénidíruillaímona oni cai jírecaitallena. ⁵ Juziñamui daíí cai jíllojamona, afémiena “Jamánomo cáimamedio” mai cai daíílli. ¡Afémie jaca daíí íteza! ¡Mail!

Abí dine cai jílloille uaina jaca íñede

⁶ Juziñamuina raíre omoi zóofiaílla uai, cuena fáigacaitade. Zóofiano, ja jíáie táinomona lloga jíáfodo joide fia daína jílloña uaimo íacadiomoi. Aferi fáigacaidicue. Mei Juziñamui, Cristo caína izíruillado omoi jílloíllena, jae caímare ómoína uáidoteza. ⁷ Uáfueña dáitícue: abí diné jíáie jílloña uai jaca íñede. Mei íadi dáarie ómoína áfedotimaci, cai bie Crístomo ñnuamona cai jílloña uaina, jíáfodo feire méidoacadiaioi. ⁸ Mei íadi jíáie come afe cai jílloña uaina uáitajano, jíáfoidí fue ómoímo llóíadi, mei dama Juziñamui afémiena fáidoiteza. Nibaí dama cue daíí jíáfodo llóíadi, Juziñamui faidóllícueza. Daje izói monámona biite Juziñamui abí ímie daíí llóíadi, mei Juziñamui íena fáidoiteza. ⁹ Nauí ómoímo cue llua izói, biruí nane daje izói daídícue: Dínó omoi jíáfodo llófueacadino cáimona omoi cacana jílloñafueña afémaci uáitaiadi, mei afémaci Juziñamui faidólliaioíza.

¹⁰ Bie riire cue dánado ¿mei nibaí comini bífuetícue cue íaioi cáimadollena? ¡Mei íeñede! Dama Juziñamuina íóbitaacadícue. ¿Mei nibaí comini uícori fígomiena íacadícue? ¡Daje izói íeñede! Comini uícori fígomiena nai cue íacaiadi, mei Cristo táijitagamiena ínidícue.

Pablo Juziñamui ñúefueña llujitímiena jáillafue

¹¹ Mei ámatiaína ja maméidiomoi, ja bífueña nane omoi uíbitatícue: Cue lloga jílloña uai comínimona comuíñede. ¹² Daje izói aféuaina comínimona cacáñedicue. Ua áfena bu llófueñegacue. Mei jíáfodo aféuaina dama Jesucristo onótacue.

¹³ Nauí judíuaí ñnogafuíaímo cue jainaina llezica, cue illáfueña jae onódiomoi. Aféruído Juziñamuimo gairifiredinona íere duere íaioi cue finóllena riire cue rácajana fidídiomoi. Daje izói nana íaioína niné cue táinocaitallinona onódiomoi. ¹⁴ Afe llezica, cue uzútiaí daínauaíllaimo íere izire cue jaináiacanamona, judíuaí ñnogafuemo baímo baitádimiena jáidícue. Aféfuemo comécina íere fígomiena jáidícue. Ua aillo cai judíuaímona, daane cue comuíllagimamona baímo fibídímiena jáidícue. ¹⁵ Mei íadi nai cue jócoñenia, Juziñamui cuena nízedede. Daíí níziano, íere cuena íe izíruillamona, cuena uáidote. Cue íe uáiduaí mei, íe óiacana izói, íe Jitona cue onótate. ¹⁶ Ua, íe Jitona cue onótate, afe Jitó cue onónamona Juziñamui ñuera jílloña uai judíoñedino cígimo cue llujillaena. Daíí Juziñamui cue uáidotemo, bumo nífueña “Mai cue llofue” jícanoño, dama oni Arabia éniemo raíre jáidícue. ¹⁷ Ua, Jerusalemo ite nano cue uícomo uáidoga Jesús ñúefue llujitínomo

úrizañeno, raire oni Arábiamo jáidicue. Diga irui dinomo cue illa mei, abido Damáscomo biticue.

¹⁸ Afe llezica Jerusalemo are nai jáiñedicue. Dafimonaámani dinomo cue fuita mei, Jerusalemo jáidicue, Pedro diga cue úrilla. (Afémie jáifo mameina Cefas.) Aféruimo dama Pédrona ñue onódicue. Quince dígarui ie diga nabáiricadicue. ¹⁹ Aféruillaído jáie Jesús ñúefue llujáitimacimona dámie ciódicue; afémie Santiago, cai Ocuíraima ama. ²⁰ Juziñamui eróicana úriticue: Bie ómoimo cue cuega nahí uáfueza, daidicue.

²¹ Afe méifodo Siria éniemo naa Cilicia énie diga jáidicue. ²² Judea éniemo ite Crístomo gairífredino nai cue uiecona onóñediaioi. ²³ Dáafuena fididiaioi. Afefue bie izói daide: “Jaiái cai fállena cai racádimie, ja birui cai ínollifue llocana uite. Jaiái jáíruido aféfuena afémie nine táinocaitaacade.” ²⁴ Iemona cuedo Juziñamuimo ñúefue jónetiaioi.

2

Jiáie Jesús orécamaci ja Pablo caimare uáidotiaioi

¹ Catorce fimona fuilla mei, Bernabé diga meine Jerusalemo jáidicue. Afe dáaruido Tito uiticue. ² Juziñamui cuena daina izói dinomo jáidicue. Dino Jerusalemo Juziñamuimo ínnotino ocuífiredo jalléidino dáarie ite. Iaioiri oni eneno fueñe dáanomo gairídicue. Dinomo judíoñedinomo cue llófirega jíllona uai íaioimo jino lloticue. Bie izói íaioimo llujáidicue, nana cue llócaigafue táinomo fáifiñeilla; daje izói birui jino cue llogafue táinomo fáifiñeilla. ³ Aféruído cue nabai Títone judíuai lloga uai izói, finóñediaioi; afémie judíoñedino íadi, ie bacano icoi quetátañediaioi. ⁴ Afe llezica dáarie táinona llote ámatiai, báinino cai cígimo dúcidiaioi. Afémaci Tito bacano icoi quetácadiaioi. Afémaci cai cígimo uíñodoimaridiaioi, rairuínino cai íllana onóilla. Mei ja birui Jesucrístomo cai jaináinamona, Moisés ocuica uáimona uáfodo jirénogacaiza. Afémaci nane abido áfemo caina izire rairuícane izói finócadiaioi. ⁵ Mei íadi íaioi llógana naado jeire oñédicaí, mei oni íaioi taino llujáfue abina uitátañedicaiza. Daií íaioina jieruñédicaí, mei ua jíllona uai jaca jeire omoi óllena, iere jitáidicaiza. ⁶ Mei íadi afe Jerusalemo ite ocuífiredo jalléidino comue jáífueña cuemo lloñediaioi. Afémaci jalléinafuena figo náfueñedicue, mei onódicueza: Juziñamui, fia jinofe ífuena riire jicánoñede. Mei jáífodo afémie naga cómemo dájerize ñue jáicina jicánoite. ⁷ Ua, jáie cómofuena cuemo lloñeno, dama cue llujáigafue ñue jieruítiaioi. Ñuera jíllona uai, judíoñedinomo cue llócailla Juziñamui cuemo jóniana como fididiaioi. Afe uícomo daje ñuera jíllona uai judíuaimo Pedro jino llócailla fididiaioi. Afe táijina Juziñamui Pédro jónete. ⁸ Mei uáfueza, Pedro ória izói, cue jái orécacue. Daje Juziñamui Pedro judíuai cígimo oreca. Ie mei daje Juziñamui judíoñedino cígimo cuena orede.

⁹ Aféruillaído Santiago, Pedro, Juan diga nanoide ocuídino. Bie ñuera táijinafue Juziñamui cuemo jóniana íaioi fidinamona, cócona Bernabé diga caimare uáidotiaioi. Daií cócona finódiaioi, ja nana dáamacidicaí daiíllena. Iemo, afémaci judíuai cígimo táijizailla llezica, coco jái oni judíoñedino cígimo táijizairedicoco. Daií cócona daiírediaioi. ¹⁰ Daa rafue cócomo jicádiaioi: “Mai jaca féitañeno, duéredinomo comeci ómicoi uíbifireiri,” daidíaioi. Afefue cue finóllena jaca járitaifiredicue.

Antioquía jófueño Pablo Pédrone lletade

¹¹ Mei jáíruido Pedro Antioquía jófueño dúcia mei, íemo eróicana íena riire lletádicue, mei rairuiredifue ie finua jira. ¹² Fueñe afémie judíoñedino diga güizájifiredo. Mei íadi Jerusalemo ite Santiágo jaináidino dúcina llezica, afe Pedro judíoñedino diga dáanomo abido güizáñede. Iaiomona jirecaillano oni eneno ífiredo; mei Jerusalémona bite bacano icoi quétafue llotínona Pedro jacíruiteza. ¹³ Afénomo Jesumo ínnote jáie judíuai ite. Pedro oni eneno jáillana íaioi cóillano, afémaci daje izói judíoñedino cígimona

oni jirecaidiao. Iirainomo jiaí Bernabé íaioi fiénide oni jirecaillamona daje izói jirecaide. Afefue jiaímacina jífueoicaide. ¹⁴ Mei íadi, ñuera jíllona uai ua ðaina izói íaioi iñénana cue cíoilano, nana dáanomo gairídino eróicana Pédrona daidicue:

—O judíoño, mei íadi benomo judíoñedino illa izói itio. Benomo judío illa izói iñéño. ¿Ñibái mei birui judíoñedinona judíuai illa izói jóoneacadio? —ðino Pédrona lletádicue.

Nana jiaíe comini izói, judíuai Crísto íaioi ñnogafuedo jíllorediao

¹⁵ Cai bie jaca jocóinanomona judíuaidicai. Juzíñamuimo coméciifiredicai. Judíoñedino Juzíñamuimo comécina facáñediao. Iemona fiénidifuiaredinona itíaoi. Cai afémaci izóiñedicai. ¹⁶ Mei íadi onódicaiza: Moisés ocuica uai iere ñéfinamona, buna Juzíñamui anamo ñue jaícina ínide. Mei dama Jesucrístomo dánirre íaioi ñnuado illa dígamie daí jaícina írede. Iemona judíoñedino izói, cai daje izói, Jesucrístomo ñnoticai, afe íemo cai ñnogafuedo Juzíñamui anamo ñue jaícina cai íllena. Uafue, Moisés ocuilla uai iere ñéfinamona buna ñue jaícina ínide.

¹⁷ Birui cai judíuai cígimona dámie Crísto ie ñnogafuedo Juzíñamui anamo ñue jaícina íacaniadi, bie izói daírede: “Judíoñedino izói fiénidimiena iticue” daírede. ¿Meita bífuemona “Cristo fiénidimacina caina itátate” daírede? ¡Daínide! Mei Cristo jaca buna fiénidimiena itátañedeza. ¹⁸ Mei jiaífodo, nauti niné cue táinocaitaga Moisés ocuicafue, meine abido jeire cue óiacaiadi, ua cue fiénidena uáfori jino cíotaiticue. (Mei afefue iere cue ñéfinamona Juzíñamui anamo ñue jaícina ínidicueza.)

¹⁹ Afe Moisés ocuicafue ja cuemo dúñede. Da afe uai jeire cue oñenamona cuena titade izói finode. Afe Moisés uaimo cue dúñenamona, ja Juzíñamui dibénemo, tíllanomona meine cáadimie izói iticue. ²⁰ Cristo nauti cruzmo coraica tilla izói, ja birui tíide izói finócamiedicue. Iemona ja birui cue cáanano dama cúeñede; Cristo cuemo íllado cáadicue. Afe bie éniemo ite bie cue cáanano, dama Juzíñamui Jitomo cue ñnuado ófiredicue, mei afémie cuena izíruillano, dama ie abina cue meífomo cruzmo tízaideza. ²¹ Juzíñamui cue jíllollena caimare cue cánuafuena jaca ruifruiacañedicue. Mei dámie Moisés ocuica uai jeire úamona Juzíñamui anamo ñue jaícina ítenia, Cristo tílla ráifiñede.

3

Moisés ocuica uai comini ñnogafue abido joide

¹ Aí, Galacia comini, iere abina onóñedinona itíomoi. ¿Bu aima izói omoi bífua, ua uaina omoi jieruiñeillena? Nauti ómoimo cue lluaruido, coraica Jesucristo jino uáfodo ómoimo fidítaticue. ² Mai bifue cuemo omoi lloíri: ¿Nífuedo afe Ñuera Joreño ómoimo ite? ¿Meita Moisés ocuica uai jeire omoi úado ómoimo ite? ¡ññega! Mei jiaífodo, ¿omoi cacana uai omoi ñnuado afe Ñuera Joreño ñibai ómoimo ite? Jí, áfedo ite. ³ ¿Ñibái mei iere abina onóñedinona itíomoi? Jesumo omoi ñnua mei, Juzíñamui Ñuera Joreño nanómona ñue omoi canode. Afémie ómoína canode ñue jaícina omoi íllena. ¿Meita ja birui afe cánuana zóofiano dama ómoimo ite ríinodo ñibai ñue fúitaitiomoi? ¡Jaca fuitánidiomoi! ⁴ ¿Nana omoi duere zefuillafue jaca ómoimo ñibai ráifiñede? ¿Ñibai taino abiri aféfuiai ómoimo daí íficaide? Aféfuiai táinona íllamo coméciñedicue, mei daítañedeza. ⁵ Nauti Juzíñamui ie Ñuera Joreño ómoimo fecade. Iemo Juzíñamui omoi cígiri uaido finoca círainina raana comúitate. ¿Mei ñibái bífuiaína Juzíñamui ómoimo finode? Ocuica uai jeire omoi úamona, afémie aféfuiaína finóñede. Mei jiaífodo dama cúemona omoi cacana uai omoi ñnuamona afémie bie izói finode.

⁶ Abraham Juzíñamuimo ñnote; íemo ie ñnuamona comécina ñue jaícina jóidimiena Juzíñamui íena caimare uáidote. ⁷ Ja bífuemona onórediomoi: Nahí Abraham erófene

igímaiaí Juzíñamuimo ínotino. ⁸ Juzíñamui nana uire ie finóllifuiaina raire uícodo onode. Iemona ie Cuegáuaido aféfuiaina afémie jino llote. Nana íemo uire ínotino judíoñedino íadi, Juzíñamui anamo ñue jaícina itátaillifuenta Juzíñamui raire uícodo onode. Afena ie onónamona bie ñúefuiaí jaiaí uícodo Abrahana daide: “Naga náiraiaí ómona ñúefuemo ézicilliaíoi,” daide. ⁹ Mei daí nana Juzíñamuimo ínotino dájena Juzíñamuimo ínote Abrahámoiri ñúefuemo ézicilliaíoi.

¹⁰ Nana íaíoi jílloillena Moisés ocuica uaimo ínotino ja fiene faidócaiaíoi. Mei daí Juzíñamui Cuegáuai dáideza: “Nana Cuegánicomo ite ocuica daínafuena, nágarui ñue fuitáñedino ua fiene faidócaiaíoi.” ¹¹ Bífue mona ñue onódicaiza: Ocuica uai iere ñéfinamona buna Juzíñamui anamo ñue jaícina jóoneñega. Mei jiáifodo Juzíñamui Cuegáuai daide: Juzíñamuimo ie ínogafuedo Juzíñamui anamo ñue jaícina jóonegamiena jáidimie, afe daa ie ínogafuedo are zíñona íte. ¹² Afe Moisés ocuica uai comini ínogafue abido joide. Bíuailaina ñue ícoimo fuitácadimie, aféuailaido írede.

¹³ Ocuica uai caí faidóllifuemona Cristo caína oni jírecaitade, mei afémie caí ícoinia faidóbideza. Juzíñamui Cuegáuai bie izóí daide: “Naga aménamo agüñeta fagámie faidócaza.” ¹⁴ Bífue daí íficaideza, judíoñedino ñúefuemo ézicillena. Ua Juzíñamui Abrahamo lloga ñuera ézicirafue daí Jesucristodo judíoñedinomo fecaca. Bífue daje izóí íficaideza, Juzíñamui uícodo lloga Ñuera Joreño caí ínogafuedo caimo íllena.

Moisés ocuica uai, Juzíñamui Abrahana daínana oni caitánide

¹⁵ Cue ámatiaí, naga come onóigafuemona dafue ómoimo llóiticue: Dámie contrato llínoiadi, ie mámeceí afébemo cuega, íemo afe ja cúegana buna oni caitánide. Daje izóí afe cuega baímo buna jiáíuaina zotánide. ¹⁶ Ja onódicaiza: Afe ñuera uícodo lloga uailaí Abrahamo Juzíñamui jaiaí llote; daje izóí Abraham erófene ímiemo lloga. Aillo ie erófene igímaiaímo Juzíñamui Cuegáuai daíñede, mei jiáifodo “O erófene ímiemo llóiticue” daide. Afe daínámie Cristo. ¹⁷ Cue llogafue bie izóí joide: Juzíñamui riírede méidoñega uai Abrahamo llote. Afe llezica afefue féiñeillena Juzíñamui afe uaina riire jóonete. Afe lloga uai contrato izóíduai; jiáifodo méidonideza. Ie jira cuatrocientos treinta diga fimona záilla méifodo Moisés lloga ocuica uai, uícodo Abrahamo lloga uaina oni caitánide. Daje izóí méifodo ocuica uai, uícodo Juzíñamui lloga uaina ráifitanide. ¹⁸ Juzíñamui daínamo ie ínuamona Abraham jílode. Afe bie méidonide Abraham jílloilluaina Juzíñamui raiñóñeno íemo fecade. Iemona afe jílona uai, Moisés ocuica uaimo jaínáñede. Moisés ocuica uaimo jaínáíadi, aféuai ja uícodo lloga jaca raiñóñeno iga raa izóíñede. ¹⁹ Iemona, Moisés ocuica uai ¿niemo ráifide? Afe ocuica uai méifodo baí nabaica, comini íaíoi finoca fiénidifuiaina onótallena. Afe nabaica uai are íñede. Ñúefuena lloga Abraham erófene ímie Cristo bíllamo, afe nabaica uai záide. Afe ocuica uai monámona Juzíñamui abi imácido lloga. Iemo íaíoi llua mei, Moisés aféuaina jino comínimo llote. ²⁰ Juzíñamui Abrahamo úrilla llezica jiáímado Abrahamo lloñede. Dámie daí uáfodo úriadi, jiáie llóitimiena jítaiñede. Bie Abrahamo úritimie daade Juzíñamui.

Moisés ocuica uai ¿nié izóí comínina canode?

²¹ ¿Mei nibaí bífue daíacade Moisés ocuica uai, Juzíñamui lloga ñúefuiaina uáitaacade? ¡leñedeza! Uáitaacañede. Mei cáataite ocuilla uai ígadenia, aféuai jeire caí úado Juzíñamui anamo ñue jaícina íredicaí. ²² Mei jiáifodo Juzíñamui Cuegáuai daína izóí, nana fiénidifue mo llavécanodicaí. Daí Juzíñamui uícodo mamede, nana Jesucristomo ínotino jíllobicaillena. Uafue, Juzíñamui afe bie izóí mamede Crístomo ínotino íaíoi ínogafuedo Juzíñamui lloga ñuera jílloñafuena íaíoi óllena.

²³ Jesumo caí ínogafuena naí jino déiñena llezica, ocuica uai caína llavécanona finode. Aféruillaido Jesumo caí ínollifue jino déillemo ocuírídicaí. ²⁴ Iemona Juzíñamui afe ocuica

uaina caimo mamede, cai ñue rairuillena. Ua úruiaí ñue fibítatimie izóí caina rairuide. Daií afe ocuica uai caina úiñoide; nai Cristo bíñeille dinó. Afe daií Cristo bíllemo afémiemo cai ínuado, Juziñamui anamo ñue jaícina íredicai. ²⁵ Birui ja Jesumo cai ínollifue déideza, ja afe Moisés lloga fibítatiuai dibénemo dúíñedicai.

²⁶ Mei Jesumo omoi ínogafuedo, ja omoi nana Juziñamui úruiaídiomoi, ja Cristo Jesumo dájena jaináidiomoi. ²⁷ Omoimona báutiza mei Cristo Jesumo dáena jainaide dieze, nana omoi afémie comeci ífueña ja jeire otíomoi. ²⁸ Ja biruímona cai cígiri bie judíona dainámiena íñede, bie Griego dainámiena íñede. Daje izóí llavécamienna íñede. Oni eneno jirénoga dainámiena íñede. Afe izóí ringo íma diga oni jíáifodo mámeñega. Ja Cristo Jesumo cai jaináinamona nana cai dáamacidicai. ²⁹ Ja Cristo íediomoi, Abraham erófene ígima izóidinona jáidiomoi. Iemona Juziñamui Abrahamo uícodo lloga ñuera jíllloillifueña, feci raa máíñua izóí, máíñoitiomoi.

4

¹ Bie izóí cue daiíacanafue: Daa come jíto mónaillano, ie moo tílla mei, moo raana náamatarede. Mei íadi afémie nai úruena llezica maiñónide. Afémie nai jofe eromo ocuífregamie izoide, afémie nana afecho raana maiñóreite íadi. ² Afémie nai úruena llezica, íena úiñoitino ite, ie moo jíáifodo ie úiñoitnomona oni olle dino. Daje izóí ie jetállifue ocuídino ite. ³ Jaca bie izóí caimo comuífiredo. Cai jíllloilliuai nai déiñena llezica, nai úrue illa izóidicai. Aféruillaído aillo bínie comini nícidogafuiaí anamo, izire ocuícano izóí, iticai. Dáarie cómemona ocuica uáillaído llavécacai. ⁴ Mei íadi nana Juziñamui mamécafuiaí ñue zuilla mei, jaiái uícodo ie mámiarui dúciamos, Juziñamui ie Jitó Jesús orede. Afémie ringómona jococa. Moisés ocuica uai anamo judío izóí comuízaíbite. ⁵ Afémie daií bite, nana Moisés ocuica uáillaído llavécano aféuaimona oni jírecaitallena. Daií cai jírecaillamona Juziñamui dama ie jítotiána cai jáillena cai mámano, caimare caina uáidoite.

⁶ Iemona, ie jítotiái omoi íllana omoi onóillena, Juziñamui ie Jitó Jesucristo Joreño omoi comécimo orede. Afe caimo oreca ie Joreño riire daiífirede: “¡Cue Mool!” daide. ⁷ Mei daií o ja Juziñamui jítoí. Ja riire ocuícamieñedio. Ie jítona o íllamona, ie uícodo lloga ñúefuiána Juziñamui Cristodo omo fécaite.

Pablo Juziñamuimo ínotimacimo comeci úide

⁸ Nauí Juziñamuina nai omoi onóñena llezica, taino juziñamuillaímo izire ocuífreganodiomoi. Afe omoi llaveina juziñamuillaí ua juziñamuíñede; ía jífuia juziñamuillaí. ⁹ Mei birui ja ua nahí Juziñamuina onódiomoi. Mei jíáifodo ñue daina, Nahí Juziñamui ja ómoína onode. Ja íena omoi onónamona, ¿níé izóí meine abído afe ríinide jíllloñenafuiána jeire óiacadiomoi? Dáanomos íaios llavéinanomos ¿meita abído jáirediomoi? ¹⁰ Diga iruillaí oni jíáifodo nai comécifirediomoi. Daje izóí diga ífuillaí eneno jíáifo comécifirediomoi, naa diga ímónaíari. ¹¹ Nibai nana omoi cígiri cue tájiaicana táinomos jífánofide izóideza áfena jacíruiticue. (Afe cue comécina lícioide.)

¹² Amatíai, izire jícadícueza: Cue comeci ífue illa izóí, mai meine afe izóí omoi iri. Mei cue omoi illa izóí íae itícueza. Mei omoi cuemo mínicana íénidífuena ínoñediomoi. ¹³ Cue omoi cígiri nano illáfuena onódiomoi. Aféruillaído, cuemo comuide dúicorí duere cue zefuillamona afe jíllona uai jíno ómoímo lloticue. ¹⁴ Afe cuemo ite duico cue facátaina, mei íadi afe jíra cuena jámairuíñediomoi. Daje izóí cuena ruifíruíñediomoi. Mei jíáifodo Juziñamui abí ímie izóí caimare cuena líínotiomoi. Ua Jesucristo omoi líínoíle izóí cuena caimare líínotiomoi. ¹⁵ ¿Nee mei afe omoi cacana cáimafuiaí? Afe cue írärenaruimo cuena íere izíruillano, dani omoi uíjina jírenota cuemo fecácadiomoi, íadi fecánide. Afe

ñúefue omoí dibénemo nitáredicue. ¹⁶ Ja ua uai ómoímo cue llúamona ¿Meita ja birui omoí bacáuai ímiena jáidicueza? ¡leñedeza!

¹⁷ Afe baie jicana bite comini ómoímo iere caimare coméidiaoí. Mei íadi comeci ñue jítaillamo coméiñediaoí. Omoí bífuellena caimare úritiaoí. Afémaci cúemona ómoína bairóacadiaoí, uire íaoímo omoí jaináillena. ¹⁸ Jiáimacimo ñue íllena caimare coméicillana ñuera. Mei íadi cue illa llezica daje izoí cue iñena llezica come comeci ñue jítaillamo daí coméiirede. Daiítadeza. Nauí omoí cígímo cue illa llezica, afe onínemacido daí jífuefiñediomoí; mei íadi birui omoí cígímo cue iñena llezica nágarui jaca daí jífuegaomoí. ¹⁹ Cue úruiaí, ringo úrue jocóacania duere zefuilla izoí, nane ómoíri duere zefuídicue. Ua Cristo comeci ífue nai omoí ñue ónoñeille dño, nai ómoíri duere zefuíticue. ²⁰ Birui izire omoí cígíri íacadicue, jáífodo ómoímo cue úrillena. Onóñedicueza, nié izoí ómoíri coméiciticue.

Abraham aí Sara, ie oga jiáingo Agar íaínguaí ñúefuena caína onótate

²¹ Ja birui Moisés ocuica uai anamo íacadinomo úriticue. Mai bifue cuemo omoí llone: ¿Afe ocuica uai dáinana cacáñediomoí? ²² Afe uai daide: Abraham mena jitórede. Daa jitó ie táijítafiregango ie. Jiáie jitó ie nahí aí ie. Afengo buna ócuiñegango. ²³ Ocuífiregango jocócató nana bñiemo ite úruiaí jócua izoí jococa. Mei jáífodo nahí aí jocócató Juziñamui uícodo daináuai fuitállena jococa. ²⁴ Bifue cai onoiga ráamona Juziñamui cai fidítafue. Afe mena ringo mena contrátomo táijina izóidiaínguaí. Íaínguaímona daa Sinaí idu ie contrato izoide. Afe ocuífiregango jitótiaí ocuífieillina jocócaiaí. Afe ocuífiregango mámeceí Agar. ²⁵ Afe Agar Juziñamui Sinaí ídumo lloga uai izoide. Afe Sinaí idu Arabia éniemo ite. Afénomo Juziñamui contrato comínido finode. Biruillaí Jerusalén jofue afe jiaí Sinaí idu izoide, (mei Moisés dibénemo íacadino afénomo gairífirediaíza.) Ie ocuica uai anamo llavécanona itíaoí, naa aféfuemo jaináiacadinori. Ocuífiregango Agar úruiaí izóidiaí. ²⁶ Mei íadi monamo ite Jerusalén comini lláveñegaiaí. Afe jofue cai ei izoide, mei cai bie afe Jerusalem jaináidinodicaíza. ²⁷ Juziñamui Cuegáuai bie izoí daide:

Oñiño, úruenidío íadi, mai caimare o iri;

Urue jócua izírenafuena onóñedingo, mai caimare o róiri.

Mei úrue jocóñena jira dotácango, ñue ogángo baímo jitótiaíreitio, daide

²⁸ Amatiaí omoí cácareí, cai bie Sara jitó Isaac izóidinodicaí. Juziñamui uícodo lloga jitótiaídicaí. ²⁹ Mei jiaí aféruillaímo íaillinoí illa izoí, birui afe izoí iticaí. Aféruimo come comeci jítainamona jocócamie Ismael, afe Juziñamui Joréñodo jocócamie Isaacina fiénidífueña racade. Biruillaí afe izoí iticaí. ³⁰ Mei Juziñamui Cuegáuai ¿nié izoí daide? Afeuai daide: “Afe jofe ero ocuífiregangona ie jitó diga oni orerí. Mei ocuífiregango jitó, afe ócuiñegango jitó diga dájena jofe naama feci ráaniaína maiñónideza.” ³¹ Amatiaí, bífuemona onódicaíza: Cai bie ocuífiregango jitó izoíñedicaí, mei jáífodo cai bie buna ócuiñegango jitó izóidicaí.

5

Izire ocuíñena dibéfuemo omoí ífireiri

¹ Cristo afe ocuica uáimona oni eneno jirénogacaí, lláveñeganona cai íllena. Afe dibéfuemo ñue jaícina omoí iri. Meine dáanomo izire ocuilla uai anamo abina maitátaiñeno iri, mei lláveñeganona itíomoíza.

² Cuemo omoí cacáreiri. Omoí llotímie Páblodicue; jira ómoína dáíticue, bacano icoí quétafue jeire omoí óiadi, Cristo ómoímo ráifíñeite. ³ Nane ómoína dáanomo daííacadicue: Omoímona dámie ie bacano icoí quetátaadi, nana jiáie Moisés ocuica uáillaina ícoímo fuitárede. ⁴ Moisés ocuica uai jeire omoí úamona Juziñamui anamo ñue jaícina omoí íacaniadi, jae Cristo dibénemo dúíñediomoí. Daje izoí Juziñamui caína izíruillafuemon

oni eneno itíomoi. ⁵ Mei cai jiáifodo onódicaiza: Juzíñamui Ñuera Joreño, daje izói ie uai ñue cai ínuado, Juzíñamui anamo ñue jaícina cai illífuemo úiñoidicai. ⁶ Iemona daií Jesucristomo ñue jaináidicai. Iemo cai jaináiadi, afe quétafue caimo ráifíñeite. Cai quetátaiadi, nibai cai quetátañeniadi, daje izói ráifíñeite. Mei jiáifodo afémiemo cai ínogafue ua ñue ráifide. Afe bie cai ínogafue jiáie cómena naa Juzíñamui diga cai izíruillena canode; áfemona Juzíñamuimo cai ínogafue iere ráifide.

⁷ Fueñe Juzíñamuimo ñue ínofirediomoí. Mei íadi birui, ¿bu afe ua uaina ómoína fáicanocaitaga? ⁸ Juzíñamui áfena ómoína fáicanocaitañede! Aféme ómoína caimare uáidofiredeza. ⁹ Bífueña féitañeno iri: Pan finóadi afe aillo fáitate raa tamédiaioi. Due jiza fáitate raa jónega íadi, nana afe magáfecina aillo fáitate. ¹⁰ Juzíñamuimo cue ínuano, aféme ómoína ñue rairuillena onódicue. Ja onódicueza, cue daináfueмона oni jiáifodo comeci fácañeitiomoíza. Bífueмона omoi comécina oni nibéfodo féitaitimiena Juzíñamui duere fínoiteza. Afefue llotimiena Juzíñamui raa dáíñeite, aféme nibai illaima, nibai jamáimie.

¹¹ Amatiai, cúemona jiáifue llóiticue. Mei bacano quétafuena nai ocuídicuena judíuai nibai cuena fállena rácañeitiaioi. (Mei íadi cue íaioi fállena rácana onódiomoí.) Afe izói cue llóyadi, Cristo cruzmo tilla ñuera rafue íaioína rícaitañeite. ¹² Mei íadi afe onina bite omoi gáguaibitino dani íaioi jiñíjina, comini meróniai ie ñetaina izói ñétaitaioíza. (Afémaci méaicaillena Pablo daií daide.)

¹³ Amatiai, mei jiáifodo uáidogamacidiomoí, ráiruñeganona omoi íllena. Ua ja birui ráiruñeganona itíomoíza, mei íadi afe o rairuñenamona, comécimo fieni itífuiaína finóñeno iri. Mei jiáifodo afe ómoimo ite izíruillafuedo ñuera ocuífreganona omoi iri; daií conímama cánoitiomoíza. ¹⁴ Mei nana jiáie ocuilla uailai daa bie ocuica uaimo dájena itíaiioi. Be níuui: Dama o abina o izíruilla izói, afe izói o abi cómena izírui. ¹⁵ Mei íadi ómoimona dani conímama fue erodo omoi éoia, daje izói úradoillano conímamo omoi ríicaiadi, ómoína niné táinocaitaiteza; afe izóidemona abí omoi rairuiri.

Come comécimo fieni itífuiai Juzíñamui Ñuera Joreñomona jiáifodo jóide

¹⁶ Ómoína cue dainafue bie izói jóide: Juzíñamui Ñuera Joreño dibénemo mai áfemo omoi illafue jónefireiri. Afedo omoi comeci fieni finóacanafuiai fínoñeitiomoíza. ¹⁷ Mei dani cai comécimo comuide fieni finóacanafuiai Juzíñamui Ñuera Joreña uáitafirede. Nane abido dájena Juzíñamui Ñuera Joreño cai comeci fieni finóacanafuiaína uáitafirede. Afe ménafue jaca conímama uáitaoifirede. Iemona omoi comeci jitaina izói figo finónidiomoí. ¹⁸ Mei íadi Juzíñamui Ñuera Joreño ifócaomoí íadi, Moisés ocuica uai anamo íñeitiomoí.

¹⁹ Comini comécimo fieni itífuiai dibénemo jaináidino íaioi finócaigafuiai jino uáfodo onórede. Be nífue: Afémaci jiruifue íemo íaifue finófirediaioi; jiáie fíenidifue rairuilla uaina náfueñediaioi. ²⁰ Afémaci jánaraimo caimátaifirediaioi. Daje izói fue boréfueña finódiaioi; daje izói jiáimana éoifirediaioi. Dájena caimare íñediaioi; úradoifirediaioi; ráaiñederi raire iere rícaifirediaioi. “Fueñe dama cúeiena fínoiticue” daiífirediaioi. Cominina bozítaitatiaioi; jiáimana énenoruidiaioi. ²¹ Afémaci jiáima raari úradoifirediaioi. Daje izói afémaci cómena titáfirediaioi. Jífairediaioi; fieni jéerie íaioi güilla llezica conímamo riire lléjellejediaioi. Bizóidifuiaina afémaci jaca finócaide. Naui úcodo omoi cue lloga rairuilla izói, nane birui ómoína ráruiticue. Bie izóidifuiiai finódino jaca Juzíñamui illáimana illáruimo jáinaíñeitiaioi.

²² Mei jiáifodo Juzíñamui Ñuera Joreño cai comécimo bífuiaina cómuite. Aféfuiai bie izói jóide: Izíruillafue, íobillafue, comeci uái illifue, comeci mánaicana úrillafue, comeci cáimafue; jeruíñeno fecáfiredie. Jiáima dainana raire jeire ófiredie. ²³ Aféme comeci mánaifiredie; comeci daina izói ie abi jaritaiñeno ñue fáicana ocuífiredie. Bífuiaina

rairuide ocuilla uaina iñede. ²⁴ Nana Crísto ja jaináidino, íaioi comécimo nanómona itífuiaina, faga izói, féitatiaioi, naa íaioi comeci fiene finóacanafuiari. ²⁵ Iemona Juziñamui Ñuera Joreño íredicai. Daií cai íllamona, mei nana cai jetácagafuemo, afe Ñuera Joreño aféfuemo caina ífoiteza.

²⁶ Cai bie abina fiene ínonidicai. Afe izói cai íadi, conímaiai diga ícíticai, mei íadi afe izói mai cai íñeilli. Daje izói jíámari úradoiño cai illi.

6

Conímana omoi canófireiri

¹ Amatiai, ómoimona dámie fiénidifuemo baízaidenia omoi cióadi, ómomona Ñuera Joreño dibénemo izire jaináidino afe baídimiena omoi canori, meine ñúefue dibénemo ie ílleza. Jaca comeci mánaínafuedo íena canori. Naga come áfemo báíredeza, ie jira illa dígamie afe baífirenafuemono abina rairuírede. Taife cai facátafue naga cómemo comuífiredeza. ² Illa dígamiaiai conímana canófireiri, áfedo jíámamo zuufue comuíadi ie comeci náirecailleza. Bie izóidedo Cristo ocuilla uaina ñue ícoimo fúitaitiomoi.

³ Jamáimie illa llezica dámie abi ínota “Jamánomo ímiedicue” daiíadi, afémie dama ie abi jífue. ⁴ Omoimona illa dígamie dama ie abi áadori. Mei aféfuena o jíeruiadi, dama o abi ífuedo íóbitaitio; mei o illafue ñuera daiíllena jíáima illafue dibénedo abina fácañeitioza.

⁵ Illa dígamierie dani caimo itífuiaimo náfuefireitica.

⁶ Juziñamui uáillaina llófuegamie nana íemo ite ñuera ráaniaina dieze, meine ibana afe ie llófuetimieimo írede.

⁷ Mai jíáfueri omoi jífuefiño iri; jaca Juziñamui buna báíñuano jífueñegaza. Naga come ie rífirega raa ríadi, afe llizíllana dama jofo óite. ⁸ Nanómona cai comécimo itífuiiai íóbitaitifue cai finóadi, afe cai comécimo itífuiaimona cai tíillifue óitica. Mei jíáfodo Juziñamui Ñuera Joreño cai íóbitaadi, afe Joreñoimona zíñona cai illifue óitica. ⁹ Ie jira ñúefue cai fínuana, mai cai zefuíruíñeilli. Mei áfemo fáicanocaiño comécina náiredinona cai íadi, uire Juziñamui mamécaruimo riga ófirena izói, ñúefuena maíñóriticaiza. ¹⁰ Afe jira, ñúefue fínua llezica nana comínimo, nana cai abi ie máriedo ñúefuena finóredicai. Iemo Juziñamui ínote cai ámatiaimo, baímo aillo ñúefuena finóredicai.

Abí rairuíllauai, íraicaiño uáidufue diga

¹¹ Mai ómoimo bie jéerie cue cúegamo omoi eroiri. Afe bie dama cue ónoído cue cuega.

¹² Afe quétafuena omoi ocuídino ñúefuedo lloñédiaioi. Dama comini uícomo ñue íaioi íllena daií daidíai. Daií ómoína ocuídiaioi, Cristo tílla ícoinia jíámaci afémaci rácaiza daií.

¹³ Mei afe quetácano, nana Moisés ocuica uai ñue ícoimo fuitáñediaioi. Mei íadi ómoína quetátaacadiaioi, omoi íaioi quetátafuedo abi íaioi ínollena. Afe quétano omoi abímo íllado íere abi ínotiaioi. ¹⁴ Mei cúemona dama cai Ocuíraima Jesucristo tíllado abi ínoticue. Abi díne jíáfodo abi cue ínollena iñede. Mei Cristo cruzmo tíllado, nana biniemo ite fiénidifuiiai faga izói cuemo dúíñede. Afe ibana cue aféfuaimo faga izói jaináíñedicue.

¹⁵ Mei Crísto dájena cai jaináinamona, ja afe quétafue ráífiñede. Daje izói íemo cai jaináinamona quetáñenafue jíái ráífiñede. Mei jíáfodo cómuena meine abído jocócamiéna cai illa, íere jamánomo ráífide.

¹⁶ Bie izói daínauai jeire otínomo comeci caímare uái illafue íteza. Daje izói Juziñamui ómoimo dúecaillafuemo ítiomoi. Bie izói daínauai jeire omoi óiadi, Juziñamui ua comínina jáitiomoi. Mai mei, Juziñamui ie ua comínina ñúefuemo ézicíteza.

¹⁷ Ja biruímona buna cuena áfeduaibiño iri, daidicue. Cue abímo ite boáfiai méífuai, cai Ocuíraima Jesús tájítagamiéna cue íllana onótate.

¹⁸ Daje Juzíñamuimo ínóte cue ámatiai, cai Ocuíraima Jesucristo nana ómoina ñue éziçíteza. Mai daiítadeza. Jae nñe.

EFESO IMACIMO SAN PABLO ORECABE La Carta del Apóstol San Pablo a los Efesios

Pablo Efésomo ite Juzíñamuimo ñnotino rabedo uáidote

¹ Cue Páblodicue. Juzíñamui comeci jitaina izói Jesucristo orécamedicue. Bie izói daina ñúefue llujillena, ie ocuícamedicue. Efeso jófuemo ite Juzíñamuimo jaináidino bie rabedo uáidotícue. Afémaci Jesucristomo ñue ñnotino. ² Cai Moo Juzíñamui ñue éziciga dibéfuemo omoi iri. Daje izói ie caimare illáfuemo omoi iri. Cai Ocuíraima Jesucristo daje izói ómoína bie ñúefuiaiimo jóneiteza.

Crístomo cai jaináinamona cai comécina náiretatífuiái Pablo jino lloste

³ Cai Ocuíraima Jesucristo Moo Juzíñamuina ióbitaiticai, mei Jesucristomo dájena cai jaináinamona, afémie monámona nana cai comécina náiretate ñúefuiaiina jae caina éziciteza. ⁴ Nai énie comuíñena llezica, Juzíñamui Jesucristodo caina nizede, ie eróicana nífuenino ñue finócamona cai íllena. ⁵ Jaiai uícodo caina izíruillano ie comeci jitaina izói, Juzíñamui caina náamatade Jesucristodo ie jitótaiina cai jáillena. ⁶ Iemo ie izíruiga jitóoiri dájena cai íllamona, afémie caimo dúecaifirede. Afe jira nágarui Juzíñamuina ióbitaredicai, caimo ie dúecaillana iere figura cai daiífireillena. ⁷ Caimo iere dúecaillano, Juzíñamui ie Jitó tíllado, ie die tóillado caina jíllotate, mei áfede Juzíñamui cai fiénidífuiaina féiteteza. ⁸ Afémie cai ifoci ñue dénuamona, ie caina iere dúecaillafuena, afémie jamánomo ñue caina onótate. ⁹ Juzíñamui jaiai uícodo mameca ónoñega ie comeci óiacanafue caina ja fidítate. ¹⁰ Bie Juzíñamui uícodo mamécáfue ie fácaruimo dúcia, ñue ícoimo fúitaite. Aféruimo Juzíñamui dáanomo nana éniemo ite náiraiina ie Jitó Cristo anamo itábicaite, naa bíniemo ite rílleniai, naa jíáie ráaniairi. Daje llezica monamo ite ríinoredino Cristo anamo ítiaioi naa afénomo ite jíáie ráaniairi.

¹¹ Jaiai uícodo Juzíñamui caina nizede, Jesucristomo dájena cai jaináinado ie comínina cai íllena. Nana bífuiái jica ia Juzíñamui mamérilla izói ñue joide. Juzíñamui ñue onona dieze, afe izói afémie ñue finófirede. ¹² Ja cai bie nanómona Crístomo ñnotinodicaiza. Juzíñamui daií caina ñue nizede, aféniemo ite áillue ebíredífuiaido ñúefue íemo cai nitállena. ¹³ Daje izói uáfueña lloga, omoi jílluille uaina cacádiomoi. Cacáillano afe uaina omoi ñnuamona Jesucristomo jaináitagaomoi. Daje llezica Juzíñamui jaiai uícodo llua izói Ñuera Joreñoña igáomoi, dama Juzíñamui íeiediomoí daiíllena. ¹⁴ Afe Ñuera Joreño caimo íllado, íco jíáiruideo Juzíñamui dainafue cai maiñóllena, uáfueña onódicai. Afe ie lloga dainafue cai maiñólliruimo nai dúciñede. Mei íadi nana íemo jaináidinomo, fiénidífueño jaca due íaioi jainaiñeillifue afémie llóite. Daií ie llua mei nana afémie cáiena lloga dainafue máíñoiticai. Ie jira afe Juzíñamuimo ite áillue ebíredífuiaido íena ióbitaredicai.

Pablo Juzíñamuimo ñnotino ifoci ñue denóllena Juzíñamuimo jicade

¹⁵⁻¹⁶ Iemona cai Ocuíraima Jesumo omoi ñnogafuena cue fidínamona, Juzíñamuimo ómoiri “fere figura” fáicaiñeno daiífiredicue. Daje izói nana Juzíñamuimo jaináidinona omoi izíruillana cue fidínamona, nane figura daiífiredicue. Afe llezica Juzíñamuimo cue jicáfireña dáaruideo ómoimo jaca uibíoifiredicue. ¹⁷ Juzíñamui ómoimo jino llogáuaina ñue comécido omoi baitállena jicáfiredicue. Ua, cai Ocuíraima Jesucristo ebírede Moo Juzíñamuimo jicáfiredicue, Juzíñamuina ñue omoi onóillena. ¹⁸ Daje izói Juzíñamui omoi ifoci ñue denóllena jicádícue. Afemona Juzíñamui uáidogano úiñoga ñue cómuitífuiaina ñue ónoitiomoi. Daje izói Juzíñamui omoi ifoci denóllemona íemo jaináidinomo, Juzíñamui fecalle ñuera ebírede cáimafuiaina ónoitiomoi. ¹⁹ Iemona bie izói ónoitiomoi: Juzíñamui

iere ñúefuiaina ríinoredimie. Afe bie íemo ite áillue ríino ja birui nana íemo ínotinona ñue comécido íaioina canode. ²⁰ Naui Juzíñamui, daje bie íemo ite áillue ríinona cai onóillena, Cristo tíllanomona meine abido cáatate. Daií íemo ite áillue ríinona comínimo jino iere uáfori ciótate. Afe daje ríinodo Cristo cáatajanona, monamo ie nabézimo Juzíñamui íena rainade. ²¹ Dinomo jamánomo ocuídillaimana Juzíñamui íena jóonete. Iemona nana jíáie ríinoredinuiái Cristo anamo itíáioi, naa jíáie ocuífiredinuiáiri. Daje izói nana illaini Cristo anamo itíáioi naa jabóidillainiáiri. Daje izói nana mona eromo ite ríinoredinuiái, Juzíñamui ie aillo ríinodo Cristo anamo dájena jóonete. Nana jíáie mameca ríinoredino cai comeci facáacana dieze, daje izói Cristo anamo itíáioi. Nana biruimo itínuiái ie anamo itíáioi, naa ico jíáiruillaído itínuiáiri. ²² Afe dáaruído Juzíñamui nana ráaniaina Cristo anamo jóonete. Daje llezica nana Juzíñamuimo dájena jaináidinomo, Juzíñamui Cristo ífócina mameide. Iemona ífoci cai abi ocuilla izói afémie íaioina ocuífiredi. ²³ Mei jíi, Jesucristomo dájena jaináidino ja Cristo abina mamécaiaioi. Afe jira afémaci nana Cristo comeci ífuiaina iere jeire otíáioi. Mei dama Cristo nana ráfuiaina ñue ícoimo fuitátatimieza.

2

Juzíñamui caina izíruillado jíllodicai

¹ Omoi fiénidifuiaimona nai tíidino izói omoi illa llezica, Juzíñamui Cristo tíllamona meine abido cáatajado afe dáaruído ómoína cáatate. ² Naui afe fiénidifue dibénemo are itíomoi. Bínemo ite fiénide nairai illa izói are itíomoi. Afe llezica omoi áinodo lláifoide fiénide joreño jitáinafue finófrediomoí, mei afe joreño nana fiénide jóriai nahí ocuiraímaza. (Afe daje fiénide joreño Taife.) Juzíñamuimo jíeruiñedinona afémie riire ocuíoide. ³ Naui jíáiruillaído nana cai afe izói fiéni iticai. Cai abi fiéni jitáinafuiái jeire ófiredicai. Afe nanómona cai comécimo ite cai óiacaiga fiénidifuenta fáicanocaiñeno ícoimo finóoicafiredicai. Daje izói cai comeci fia fácafuiaina jeire oticai. Iemona nana jíáimacina duere finóllemono dúina izói, Juzíñamui iere duere finóllifuemono dúidicai. ⁴⁻⁵ Mei íadi Juzíñamui iere caina dúecaillano, nai cai fiénidifuiaimona tíidino izói cai illa llezica, afémie caina izíruillano Cristo cáatajado dáanomona tíllanomona caina cáatate. Mei jíi, dama Juzíñamui ómoiri dúecaillano jíllotagaomoi. ⁶ Uafue, Cristo Jesús cáataja llezica, Juzíñamui afémie diga daane caina cáatate. Afe mei Juzíñamui Cristo abimo monamo caina rainade. ⁷ Juzíñamui daií finode, nana ico ninomo illáruillaído itínuiáimo afémie iere caina izíruillafuena onótallena. Ua, Juzíñamui daií finode afémie Crístodo caina dúecaillafuena nana uícomo cómuitinomo fidíillena. ⁸ Mei jíi, Juzíñamuimo ite ómoína izíruillafuedo afémie iere ómoína dúecaide. Ie jira, íemo omoi ínuado jíllotagaomoi. Afe jíllonafue dani ómoimona comuíñede, mei jíáifodo afefue Juzíñamui ómoimo comuítaga. ⁹ Ñúefuemo are cai ñéfinamona afe jíllonafue caimo fécañega. Ie jira áfedo buna abina ínonide. ¹⁰ Mei jíi, Juzíñamui nano fueñe comíni fínua izói, afémie ie joréñodo como jéciganona ja cai finode. Iemo ja birui, jaiái uícodo ie mámia izói, Crístodo Juzíñamui meine caina cáatate, ñúefuiái cai finóllena.

Ñue uái cai illifue Cristo caimo lloga

¹¹ Iemona nauí omoi illáfuemo mai omoi comeci uibíoiri. Judío nairai íeñediomoí. Ie jira judíuai “Bacano ícoi que táñegamacina” ómoína mamédiaioi. Dani afémacina cai bie “Íeizina quetácanodicai” daidíáioi; mei jaiái íaioi finófirena izói, íaioimona nágamííai íaioi bacano ícoi quetácaza. ¹² Nauí omoi ínoñena llezica, Crístonona oni eneno itíomoi. Israel náiraímo Juzíñamui nizécanomo jaináíñediomoí; íemona Juzíñamui íaioímo lloga ie ñuera finóllifuiái fidíñediomoí, naa uícodo ie lloga cáimaduafuiái diga. Aféruillaído

Juziñamuina onóñeno, biniemo zuure itiomoï, mei caimare omoï ocuïrillifue iñédeza. ¹³ Naui Juziñamuimona iere oni jica itiomoï; mei íadi ja birui Cristo cairi tïllamona, ie die tóillamona, Juziñamuimo ánozitagamoï. Ja Crístomo dájena jaináidiomoï. ¹⁴ Cristo jáimana cai iciñenafue comuítatimie, mei dama afémie judíuai judíoñedino diga dáaziena finode. Iemona íaioï bacáuai imáciñediomoï. Naui ómoïna oni eneno itátate éoinafuena ja Cristo niné féitate. ¹⁵ Dama ie abi izi cácanado, ua ie tïllado, ocuica uai ñue ícoïmo fuitade. Fúitajano, áfena záitate. Afe ocuica uai iere rairuide. Ie mei Cristo mena náiraimona, judíuai judíoñedino diga, dáaziena comue náiraina finode. Afe ménade náiraijai ja dama Crístomo dájena jaináitagaijai. Afedo afémie cai conima diga cai icíriñenafue nana caïmo comuítate. ¹⁶ Afe bie izói, Cristo cruzmo ie tïllado, bie mena nairai dáamacina fínuano, nauí íaioï fuirífirenafuena záitate. Afe llezica, Juziñamui dibénemo ñue uái íaioï illifue Cristo afémacimo jino denode. Dénuano, íaioïna jeire otátate. Afemona comínimo Juziñamui caimare eroide.

¹⁷ Cristo afe ñue uái cai ille uaina nana comínimo lluáibite. Onínemacimo Cristo afe uaina lluáibite. Omoï afe onínemaci izóidiomoï. Daje izói áinori ite judíuaimo, afe uaina afémie lluáibite. ¹⁸ Iemo Cristo cai jïllotajamona, mei nibai judíuaidicai, mei nibai judíuainedicai íadi, nana cai afe daje Ñuera Joréñodo, Moo Juziñamuimo ánozifiredicai. ¹⁹ Afe jira, Juziñamui dibénemo ja onínemaciñediomoï. Daje izói dani íaioï illánomo dúiñedino izóíñediomoï. Mei jáifodo nana Juziñamuimo jaináidino jainaila izói, uafue íemo jaináidiomoï. Dájena Juziñamui náiraidiomoï.

²⁰ Nana omoï ebírede niga jáilliraina dallíraide anáneco izóidiomoï. Cristo oréfiregamaci llófueinafuena iere baitádinona ja jáidiomoï. Ua jáillirai jáicina maïri naidánia izói, aféfuemo ja riire jóonegamoï. Afe bie Cristo orécamaci Juziñamui uai jino llóraini. Dama Jesucristo afeco nahíllirai izóidimie. ²¹ Bie Nahílliraimo izóidimie nana afeco Juziñamui nicana uite. Afe izói afemo nana jofócaiai ñue jáicina jóonega. Jofócaiai dallíraidemo dúina izói, daade Jesucristomo jaináidiomoï. Afeco nilla fuilla mei, jae Juziñamui ñuera irácona jáidiomoï; ñuera gairíraco izóidiomoï. ²² Daje izói Crístomo dájena omoï jaináinamona, nana jáie Crístomo ínotinomo dájena jaináidiomoï, daaco náiraina Juziñamui íena, omoï jáillena. Iemo Juziñamui Ñuera Joreño ómoïmo íllado Juziñamui ífirenaco izóidiomoï.

3

Jíllona uai judíoñedino llujilla Juziñamui Páblomo jóonenocai

¹ Iemona Juziñamuimo ómoïri iere cue comeci facáfiredicue. Omoïna izíruite Páblodicue; Cristo Jesús ñuefue ómoïmo cue llujilla jira llavécamedicue. Omoï judíoñediomoï, íemo ómoïna ñue íllena cue cánua jira llavécacue. ² Ja nibai Juziñamui cuemo jóonega bie táijnana fidíidiomoï. Jii, Juziñamui ie cáimaduafuiai ómoïmo cuena llotátate. ³ Juziñamui ie nai jino lloñega nanómona mamérrillafue cuena fidítate. Ie mei cuemo lluno aféfuemo iere baitádimiena Juziñamui cuena jóonete. Afe ie mamérrillafuedo ja nano íanori due ómoïmo cuetícue. ⁴ Aféfuena omoï facáduamona, afe nai jino llóñega Cristo dibene illáfuemo iere cue báitajana ónoitiomoï. ⁵ Afe báinino comeci ie fácafue nauí jáíruillaïdo bumo Juziñamui jino lloñede. Mei íadi birui Juziñamui ie Ñuera Joréñodo, ie eneno nizeca íainide orécamacimo aféfuena jae onótate. Daje izói jáie ie uai jino llórainimo fidítate. ⁶ Afe jaijai jino raire llóñegafue bie izói jóide. ¡Cácarei! Jíllona uaina ínuamona, judíoñedino naa judíuairi daje Juziñamui cai cáimaduafuiai dájena máíñoitiaioï, mei dáamiemo jaináidiaioïza. Ua Crístomo, dáaziena jaináidiaioïza. Daje izói Juziñamui lloga Cristo Jesús caina ñue finóllifue judíuaimo dúina izói, birui judíoñedino jino dáide.

⁷ Cue jamáimedicue, mei íadi Juzíñamui dama ie ríinodo, cue canóllena mamérite. Iemona afe bie ñúefue jáimacimo llujáillena jónegacue. ⁸ Nana Juzíñamuimo jaináidinomona iere erófenemo iticue. Mei íadi Crístomo ite facádonide aillo cáimaduafuiai judíoñedinomo llujáitimiena Juzíñamui mamécacue. Afe bie cue llujáille iere cuemo ráifide. ⁹ Juzíñamui jaijai ninómona jino llóñega mamérellafue nana comínimo jino llóitimiena dama Juzíñamui jónegacue. Afe Juzíñamui nana ráaniai finóraima. ¹⁰ Juzíñamui nana bífuiaina daií íficaitade, nana íemo dájena jaináidinodo, nana monamo ite ríinoredino Juzíñamui iere jamánomo naga ráfuiaina báitajana onóillena. ¹¹ Juzíñamui jaijai ninomo uícodo comeci mamérella izóí, nana bífuiaina cai Ocuíraima Jesucristodo ñue ícoimo fuitade. ¹² Iemo Crístomo dájena cai jaináinamona Juzíñamuimo ja áinoziredicai, mei cai ínuamona afémiemo meáiruiñedinona itícaiza. ¹³ Ie jira izire ómoimo jicádícueza: Birui omoi abiri duere cue zéfuidícueza, mai náinidimaci izóí omoi íñeno iri; mei jáífodo caimare omoi comécíioiri; mei afe ómoiri duere cue zéfuia afe ómoimo ebírede nitaina izóidífueza.

Cristo iere jamánomo caina izíruiñedinona íemo ínotino onóillena Pablo Juzíñamuimo jicade

¹⁴ Ie jira cai Ocuíraima Jesucristo Moo anamo caiñícido ana dújullanona nana ie comini íena íemo izire jicádícue. ¹⁵ Nana éniemo ite ie comini, naa monamo itínuiaí díga, afémiemona comuídiaíoi. ¹⁶ Cai Moo Juzíñamuimo jamánomo ñuera ríino ite. Afe ie ríinomona, ie Ñuera Joréñodo, iere omoi comeci ñue náireillena izire íemo jicádícue. ¹⁷ Afe llezica omoi ínogafuemona Cristo omoi comécimo nabáirifíreillena Juzíñamuimo jicádícue. Daje izóí Juzíñamuina iere omoi izíruillena jicádícue. Iemo afe izíruillafuemo izire omoi jaináillena jicádícue. Nane dáanomo omoi ínogafuiai jeire oga uaina ñue omoi ífócimo denóllena Juzíñamuimo jicádícue. ¹⁸ Daje izóí Cristo caina izíruilla omoi ónoillena jicádícue, naa jáíe íemo jaináidinori. Mei afe ie izíruillafue monáillaji aillona izóideza. Afe monáillaji ruícafene jica íllana bu onóñede. Mei íadi afémie caina izíruillafue iere ruica are illa izóinana omoi onóillena jicádícue. Daje izóí áillue imani eraí iere fuiri jica illa izóí, afe caimo facádonide Cristo caina ie izíruillafue omoi onóillena jicádícue. Afe izóí Cristo caina izíruilla iere monáillaji ana jica afórena izoide. ¹⁹ Mei jii, afe bie izíruillafue ñue omoi fidíillena jicádícue. Nana cai onórede aillo ráfuiaí baímo, bie izíruillafue jamánomo áillue. Afefue omoi fidínamona, nana Juzíñamuimo ite aillo ñúefuiaina ñue jáícina oruíziíomoi. Mai, daií íteza.

²⁰ Ja birui ie aillo ñuera ríino, cai comécimo ífirenamona nana cai comeci fácarenafuiai baímo, afémie iere jamánomo ñúefuiai caimo finórede. Daje izóí nana cai jicárenafuiai baímo afémie iere finórede. ²¹ Ie jira aillo ebíredífuaí afe cai Juzíñamuimo mai cai nitalli, mei Cristo Jesumo dájena jaináitagacaíza. Mai mei Jesucristodo jaca ninomo naga cómutigimado aillo ñúefuiaina Juzíñamuimo cai nitalli. Daiítadeza.

4

Juzíñamui Ñuera Joréñodo dáamacina maméidicai

¹ Nana bífuiaimona, omoi jáícina ñúefuedo macállena riire ómoimo llóiticue, mei cai Ocuíraima Cristo ícoinia llavécamedícueza. Ua Juzíñamui uáidogamací maca izóí, omoi macállena izire ómoimo jicádícue, mei uafue ie uáidogamací itíomoiíza. ² Nana omoi, mai jiba abina ínoñedinona omoi iri; daje izóí comécina mánaidimacina omoi iri. Dani conímana izíruillano illa dígamie jáímamo comeci járitaño omoi iri. Afe izóí conímana omoi dúcaífireiri. ³ Afe llezica mai Ñuera Joreño ómoimo comuítaga dájena jaináinafue ñue rairuífireiri. Ua, omoi dáaziena dani conímana comécina jacíruiñenafuedo dáamacina jaináífireiri. ⁴ Daa cómemo da abi illa izóí, daade abi. Afe abi Cristo ie. Afe daade come

abi izóidicai. Afe izói Ñuera Joreño daade. Daje izói Juzíñamui nana caina daa uire ñue finóllifue mo úiñotagacai. ⁵ Cai Ocuíraima daade. Daje cai ñnogafue jeire oticai. Daje izói dáafue mo báutizagacai. ⁶ Iemo Juzíñamui daade; afémie nana íemo ñnotimaci Moo. Afe izói afémie nana comini Naama. Afémie nana íficaidifuiái dibénedo ie comeci jitáinafue finode; nágafulaímo jetáfirede.

⁷ Mei íadi Cristo comeci jitaina izói, cáimona illa dígamíemo jíáiforiede ñúefue finolle ríinona, Cristo caímo fecade. ⁸ Juzíñamui Cuegáuái daíí uícodo daíde. Be ñie: Caífo monamo jailla llezica aillo nauí llaveca izóidino afémieoírí uite.

Iemo fia iga jíáimaci cánuafuiaina comínimo fecade, daíde.

⁹ Afémie caífo jailla daína uai jíáífue caina onótate. Afedo nauí uícodo fueñe afémie monámona ana bíllana fidídicai. Aféruído bie fiénidifuiáirede éniemo afémie monámona iere jica ana bite. ¹⁰ Afe ana bitímie, abído nana caífo ite monániaí caifófenemo jáidímie dáamiede. Dinomo jaide, afénomona nana ie finócanuiaímo illáímaillena. ¹¹ Iemo afe bie Cristo illa dígamíena ñue ríinoretade jíáiforiede ñúefuiaina finóllena. Dámíerie ie orécamacina afémie jóonete. Jíáimacina Juzíñamuimona oga uailaí jino llóraimana afémie mamede. Iemo jíáimacina caí jíllonafue uaina llotátate. Naí jíáimacimo ie comínina ñue úiñollena ocuide, íaíoi llófuellena díga. ¹² Afe daíí caí Ocuíraima nana íeiena ñue fibítate, ie ocuica táijina ñue íaíoi jetállena, íemo nana Crístomo jaináidinona móonaitallena; mei afémaci Cristo abi izóidimaciza. ¹³ Afemona caí ñnogafue dibénemo ñue dájena maméidimacina jáiticaí. Daje izói Juzíñamui Jitona caí onona dibénemo ñue dáamacina íiticaí. Afe daíí ñúefuiaina ñue izire jíéruitinona íiticaí. Uafue, nana ñúefuiaina Cristo izire jíéruilla izói, afe izói ñúefuiaina rairuíñeno iere jíéruiticaí. Jíéruillamona ñue móonaiticaí. ¹⁴ Ja úrue izóidinona íñeiticaí. Mei íadi jífueacadino comue llófueinafue llúamona, úrue izoide naí figo baitáñedinona jífueitiaíoi. Iaíoi comeci ñue fácajana raíre jíáífodo méidoitiaíoi. Bie jífuetino ebire lloga taino llúáfuedo bie úrue izóidino ñnoga ñúefuiaina ñiné féitaitaíoi. ¹⁵ Mei íadi conímana izíruillano, íemo uáfueña caí úrilla llezica, maí Cristo díeze caí móonailí. Crístomo izire jaináillano nana ie comeci itífuiái maí jeire caí ófireillí, mei Cristo afe caí jainaina abi ífoci daínámie. ¹⁶ Afémie, ífócina íllamona, nana caina caímare ocuíoide; ñue daa cómena caina jaináitate, mei illa dígamíe jíáimíemo ñue dúinaza. Nana afe Cristo dáamíena jaináitagamací caímare daní jíáimacírí táijina llezica, caímare itíaíoi. Ua Crístomo jainaide, daade abi izóidino naari conímana izíruillafuedo móonaioicaide. Móonaillano caímare ite.

Crístomo dájena caí jaináinamona comue illáfuedo macáredicai

¹⁷ Iemona bie ómoína cue daíillífue izói, caí Ocuíraima mámeçido ómoímo jóonenocaidícue. Ja biruímona, Juzíñamui onóñegano illa izói, maí omoí íñeno írí. Iaíoi taino comeci úrilla uai daína izói ífirediaíoi. ¹⁸ Iaíoi comeci úrilla uai onóñeno jíítifomo fiébicaidiaíoi. Juzíñamui comuítaga comue illafue afémacimo íñede, mei íaíoi comeci ríirenamona ja abína onóñedimacina jáidiaíoiiza. ¹⁹ Ja íaíoi comeci meáífueña lloñediaíoi. Iemo nana íaífuiái illa díno, áfemo aillo gáinafuedo iere jeire otíaíoi. ²⁰ Mei íadi afe daíí, Cristo llófueñegaomoi. ²¹ Mei ñibaí, uáfueña Cristo illafue omoí cacana mei, íemo ite uafue uai dibénedo afémiedo llófuegaomoi. ²² Ie jira nauí omoí fiénide illafue dibénedo izire ómoína dáíítícue: Afe nanómona ómoímo itífuiái, maí zabide ñiroí oni dúíñua izói omoí meídori. Afe nauí ómoímo itífuiái jaca ómoína fiéni finode; mei omoí fiénide gáinafuiái jífuegaomoiiza. ²³ Mei jíáífodo biruí cómuena méidoredíomoi; nana omoí comeci óiacanafuiái méidorede. Nana omoí ífoci úrillafuiaina méidoredíomoi. ²⁴ Afe llezica comue comeci itífuiái, comue ñiroí jíitaja izói, maí jeire omoí oírí. Afe comue itífue Juzíñamui illa izói Juzíñamui comuide. Iemo aféfuena jeire omoí úamona, omoí uáfueña

íaidonide ñue illafue otíomoi. Daje izói afe omoi comue comécimo itífuiyai omoi úamona, ñue jaícina jóide illáfuedo jáitiomoi.

²⁵ Iemona tánofuiyai lloñeno iri. Mai jááfodo illa dígamié conímamo uáfuenta úriri, mei nana cai dáaziena daje abimo jaináidicaiza. Afe abi Cristo ie.

²⁶ Omoi iciribicaiadi, afe icirafue ana fiénidifue mo ómoína uitátañeno iri. Daje izói daarui náaruido are iciriñeno iri. Raire féitari. ²⁷ Due jiza omoi comécina Taife illáimaillemo “Jii” daiñeno omoi iri.

²⁸ Naui meríriraíma bairódime diga, mai abido meríríñeno iri. Mei jááfodo ze-fuíruíñeno táijizairi. Iemo ñue táijiferenamona o táijina iba óitio; áfedo o jitaille ráaniai íbaitio. O iba mei, ua dúeredimacimo íaioi jitailla raa íaiomimo fecáredio.

²⁹ Fiénide uáillaído íaire úriñeno iri. Mei jááfodo ñuera uáillaído úrifireiri. Cacádinona comeci náiretalle uaido omoi úrifireiri, íaiomina ñue ézicitalle uai diga. ³⁰ Daje izói Juzíñamui Ñuera Joréñona zúuretañeno iri; mei afémie ómoimimo íllado, jae Juzíñamui íeiena mamécaomoi. Ua biruímona Juzíñamui illánomo ñue jaícina ómoína jíllotalliruimo, afe Ñuera Joréñodo Juzíñamui íena ñue mamécaomoi.

³¹ Nana comécimo ite éoinafuiaina oni mai omoi féitari, nana ríifuiyai diga. Daje izói nana icírillamona comuide riire úrillafuiyai lloñeno iri, naa jáíe báíñuafuiairi. Nana illa diga fiénidifuiyai niné féitari.

³² Iemo jááfodo, illa dígamié jáíimimo dúecaillano comeci mánaidimiena iri. Cristo íena omoi íllamona, Juzíñamui omoi fiénidifuiyai íbana oñede. Afena féitateza. Afémie féitaja izói, afe izói illa dígamié jáíima finoca fiénidifuenta omoi féitafireiri.

5

Juzíñamui úruiai izói cai íllena Pablo caímo llo

¹ Juzíñamui izíruiga úruiai omoi íllamona, mai afémie illa izói omoi iri. ² Cristo caina izíruilla izói jáíimana omoi izíruifireiri. Mei jii, caina ie izíruillamona Cristo cai jáínona fecácamie. Afémie Juzíñamui íóbitallena titada íia fecaca rille izóidime. Aferi Juzíñamui íóbide. (Afémie dibénemo afefue ñue ziórede uguci izoide.) Mai afe izói conímama omoi izíruillado Juzíñamuina omoi íóbitari.

³ Ja bie omoi Juzíñamuimo jaináidíomoi, mai ómoimona ninó dáamie áinina llezica jáíe ringona jetáñeno iri. Daje izói nana jáíe íaifuiaina finóñeno iri. Jaca jáíe cómemo ite ráaniaimimo úradoiñeno iri. ⁴ Íairede méaifuiaina bummo lloñeno iri. Daje izói táinodo úrillafuiaido úriñeno iri. Iemo jáíimamo fiénide llagüeroilla uaina oréñeno iri. Mei bie izóidifuiyai Juzíñamui úruiaimimo íeñedeza. Mei jááfodo Juzíñamuina íere figora omoi daiífireri. ⁵ Jae cue lloga íima ringomo finoca fiénidifue bie izói jóide. Daa come nai áinina llezica, ringo jetáadi, fiénide. Daje izói ja ringo ua mei, jáíe ringo jetáadi, figóñede. Iemo íaifue naa úradoillafue diga finóadi, figóñede. (Afe úradoifiredime jamai jánarai íóbitadime izoide.) Ja onódiomoi, bie izoide fiénidifuiyai ínuana fibídime, Cristo Juzíñamui diga illáimana illíruimo jaináinide. ⁶ Jáíimana taino uáillaído omoi jífueñeno iri. Mei afe bie fiénidifuiyai ínuamona, nana ie uaina cacácañedinona, Juzíñamui íere duere fínoiteza. ⁷ Iemona, bie izói ite comini diga omoi nabáiriñeno iri.

⁸ Naui nai omoi íinoñena llezica, jítifomo itíomoi; mei íadi birui cai Ocuíraimamo dájena omoi jaináinamona, ja úzefomo macádiomoi. Iemona ñue uáfodo macádino izói mai omoi ífireiri. ⁹ Cai Ocuíraíma Jesucristo egáíñote raa izoide. Iemona cai comécina ñúeitade. Iemo ua uaido caina úritade. Daje izói cai jaícina ñue illí fue comúitate. ¹⁰ Cai Ocuíraíma ñue íóbitallifuenta, mai íere omoi onóicairi. ¹¹ Báinino macádino finoca tánofue dibénemo íñeno omoi iri. Mei jááfodo afe báinino íaioi finócafuenta uáfomo omoi cíotari. ¹² (Mei íadi

afémaci báinino finócafuiaí izóí cai úriadi, caina meáiruitaite. Ie jira benomo rabedo jino ómoimo llóñeiticue.) ¹³ Mei íadi nana íaíoi illafue jino uáfodo cíotamona, afe fiénidifuiái iere íáirenana nana comíni ónoítiaíoi, mei Cristo egáíñua úzefo, nana comínimo ua comécimo itífuiaina jino cíotate. ¹⁴ Ie jira bie izóí daina:

Inídioza, mai cazi.

Tíidinomona mai náidacairi.

Iemona Cristo ie úzefomo ñue mácaitimiena ona jáitaite, daide.

¹⁵ Mei íemona, nágarui omoí illáfuemo izire comeci omoí facáoiri. Naga fiénidifuiáimona abí omoí rairuiri. Abina onóñedino izóí omoí iñeno iri, mei jáífodo ñúefuena baitádinona omoí iri. ¹⁶ Biruido aillo fiénidifue íteza, o illafue táinomo fáifitañeno iri; ñúefuíaí omoí finófireiri. ¹⁷ Táinodo úritino izóí iñeno iri. Cai Ocuíraíma comeci jítainafuena ñue omoí baitáocairi. ¹⁸ Jifáíñeno iri. Mei, afe jifáíllafue come comécina aillo íaífuemo ana uitátate. Mei jáífodo Ñuera Joreño abí omoí úcaitari. ¹⁹ Illa dígamié jáímamo Juzíñamui uáillaído caimare omoí úriri, naa Juzíñamui rúairi. Daje izóí Juzíñamui Ñuera Joreño lloga rúaniaí omoí roíri. Daíí omoí rúado cai Ocuíraímana iere íóbitaitíomoíza. ²⁰ Illa dígaruillaí cai Ocuíraíma Jesucristo mámecido Moo Juzíñamuina naga ráaniaíri figura omoí daíífireiri.

Crístomo íñotinona cai íllamona Pablo cai jofo eromo cai illafue llote

²¹ Illa dígamié jáíima anamo caimare omoí iri, mei Juzíñamui daíí cai ocuúdeza.

²² Cai Ocuíraíma anamo cai itábicailla izóí, naga ringo ie ini anamo itábicairede. ²³ Mei naga ringo ie ini ocuífrega, íemo jáíi ie ini ñue úíñogaza. Afe izóí nana Crístomo íñotino, Cristo ocuícaciaíoi; daje izóí Cristo ñue úíñogaiaíoi. Afémié afémaci illaíma. Daje izóí afémié íaíoi Jíllotaitimie. Afémiemo íñotino íemo dájena jaináinamona, ja ie izóidiaíoi; ja dáamiede abí izóidiaíoi. ²⁴ Iemona Crístomo dájena jaináidinona afémié anamo illa izóí, naga inírede ringo ie ini anamo írede.

²⁵ Cristo íemo jaináidinona izíruilla izóí, mai naga íima ie aína izíruiri. Crístomo jaináidinomo Cristo ie abina fecade. ²⁶ Afémié daíí ie abí fecade ñue íeiena íaíoi íllena. Daje llezica afémié íaíoiimo ite íaífuiaí jáinoimo jococa muilla izóí, ie uaido íaíoiina muiñode. ²⁷ Cristo daíí caina muiñode ñuera nífuenidinona ie uíécomo cai cíocaizaillena. Uafue, nana mallizai izóí abímo comuídena duano ebire eroide, lliríñede abí ígoína caina finode. Jaca due jiza fiénidifuenta fiéñede. Nana íaíoiina íeiena iere ñue finode. ²⁸ Afe izóí naga íima dama ie abina izíruilla izóí, ie aína izíruirede. Ie aína izíruitimie dama ie abina izíruite. ²⁹ Bu jaca dama ie abina éoiñede. Mei jáífodo cai abina ñue ecádicai, ñue úíñoticaí. Afe izóí Cristo íemo dájena jaináidinona ñue rairuide. ³⁰ Mei afémaci dama íeieza; ja daa ie abí izóidiaíoi. Cai bie afe abímo jaináidicai. ³¹ Bífuiáimona Juzíñamui daina izóí, dámie ie moo, ie ei dígá, fáicanocaillano, ie ai dígá dájemo jaináicaite. Jáinaicaillano, daade come abí izóí itíaiillinoí. ³² Bie daade come abí izóí íficaillafue, jáíáimona áillue báinide rafue. Mei íadi afefue Crístomo dúide; daje izóí íemo dájena jaináidinomo dúite, daídícue. ³³ Mei íadi daje llezica ómoímona illa dígamié omoí abina izíruilla izóí omoí aína izíruiri, daííacadícue. Iemo naga inírede ringo ie inina ñue jacíruiredeza, daídícue.

6

¹ Uruiaí, omoí cacai. Crístomo íñotinodiomoíza, o moo uai jeire omoí olle iere jítáirede, mei afe bifue Juzíñamuimo jáícina jóideza. ² Bie lletara uai llua mei, Juzíñamui dáanomoo ñue cai illífue llote. Daíí nana ie lletara uáimona dama búuaido Juzíñamui cai ñue illífue llote. Afe llétaja uai bie izóí daide: “O moo, o ei dígá, ñue jacíruiri, ³ áfedo caimare o íllena, daje izóí bie éniemo are o íllena.”

⁴ Ja úruiairedino, mai omoi cácarei. O úruiaina comécina ríicaitañeno iri. Mei jiáfodo riire llétaja uaido ñue íaioina llófuefireiri. Dai íaioina ñue omoi móonaitari, cai Ocuíraima Jesumo ñue íaioi ñinollena.

⁵ Ocuífiregano, mai omoi cacai. Bínemo ite omoi ocuídime dáinana ñue jeire omoi oíri. Cristo ocuílamo o táijina izói o táijitatimie ráairuñeno ñue táijiri. Afémie ocuílana ñue jacíruiri. O táijitatimie uaina nibéfodo oñeno iri. ⁶ O ocuídime eroille lezica ñue táijiri, daje izói afémie iñena lezica náamonaze ñue táijiri. Dama ocuídime eroille lezica, íocire táijidimiena iñeno iri. Afe izoide táijide come jamai come íóbitade. Afe izói iñeno jiáfodo omoi iri. Cristo táijitagano izói, Juziñamui comeci jitáinafuenta izire omoi finori, afémie omoi íóbitallena. ⁷ Comeci ñue jitaina izói caimare omoi táijiri. Jamai come íena táijíñeno, cai monamo ite Ocuíraima íena ñue omoi táijiri. ⁸ Mei ja onódiomoiza, illa dígamie ie ñue táijifirenado cai monamo ite Ocuíramamona ñúefuena jirídoite. Rairuícame, ráiruínegame díga dájerize nano íaioi táijnaze jirídoite.

⁹ Ocuífredino, mai daje izói omoi táijitaganomo ñue dúcaifireiri. Afémacina fiéni omoi jácidoñeno iri. Daade cai Ocuíraima anamo nana dájena itícaiza, omoi úbicairi. O táijitagano monamo ite Ocuíraima anamo illa izói, o jiái daje Ocuíraima anamo itio. Afémie da cómena eneno maméñedeza. Illa dígamie dájerize mamede. Aféfuemo omoi úbicafireiri.

Jesumo ñinotino comeci náireitalle abi ríidua uai Pablo llote

¹⁰ Mei ámatiai, cai Ocuíraima Crísto ite ríinodo benómona mai riire omoi iri. Cai Ocuíraima Jesumo omoi jaináinamona riire abí omoi mameri. Mei, afémie jamánomo ríiredeza. ¹¹ Juziñamui lloga abi ríidua uai, ñue jeire omoi oíri, naa ie ñuera ézicigafuiairi. Mei jii, dáarie comíni abi ríidollena ñue fuiríllena llojécuiroi jitádiaioi. Afe íaioi jita izói, nana Juziñamui cai ríidua uai, mai jeire omoi oíri. Afe uaido Taife jífuia uaina uáitarediomoí. ¹² Jamai abina mairide come díga fuiríñedicaí. Mei jiáfodo fiénide joríaí díga fuirídicaí. Afémaci caifo cai acónimo táifodo macádiaioi. Afe cai díga fuirífirede joríaí nana bínemo ite jíitfodo jaide fiénidimacina fiéni ocuíoide. Bínie comínina “Cáiediomoí” daíioicaidiaioi, mei “Omoi náamadicaí” daíifirediaioi. ¹³ Ie jira Juziñamui lloga abi ríidua uáillaído abí omoi rairuiri. Afe bie uaido jobáirillaruiño ñue abina ríidoitíomoí. Dai abina ríidotíomoiza are ñue ríinoredinona íitíomoí. ¹⁴ Ie jira riire omoi iri. Fuiríraima círaigí ife riire tirínua izói jizíñeno ñue ie fuiríllena, afe izói Juziñamui lloga ua rafue jeire omoi oíri. Daje izói ñue jaícina omoi íllado nágarui ñue abí omoi ríidofireiri. Afe bie omoi jaícina illafue, fuiríraima jogobe ríidollena jítaca llojeco izoide. ¹⁵ Afe fuiríraima fuirízailla lezica ie ídaí ico riire maíga izói, áfedo riire ie naidáillena, afe izói Juziñamui comécina jacíruíñeno uai jeire omoi oíri. Afedo abina riire mámano, fiénidifuenta ómoína anáfenoñeiteza. ¹⁶ Iemo illa dígaruillaído Juziñamuimo omoi ñinogafuena féitañeno iri, mei áfedo Taife caimo mameca fiénidifuiaina oni caitáredíomoí. Omoi ñinogafue jae fuiríraima abi ríidollena úifirega llojeco finoina escudo izoide. ¹⁷ Iemo Juziñamui lloga jíllona uai jeire omoi oíri, mei aféuai, ífo ríidollena jíitáfirega ífo ico llojeco izoide. Iemo nana Juziñamui uáillaína mai jeire omoi oíri, mei afe Juziñamui uai, Ñuera Joreño ómoímo fecaca fuirira llojébici izóideza. ¹⁸ Nana bie cue ocuícáfuaí, mai Juziñamuimo jícano finori. Jaca Ñuera Joreñodo izire Juziñamuimo omoi jícafireiri. Bie izói omoi íllena, nana bífuiaína fáicanocaiñeno ñue abí omoi rairuíoicairi. Daje lezica nana Juziñamuimo jaináidinomo Juziñamuimo omoi jícafireiri. ¹⁹ Daje izói jiái cuemo jícafireiri; náiraímo cue úria, Juziñamui cue uai nabáilleza. Iemo jacíruíñeno íocire íaioímo cue úrillena, Juziñamuimo omoi jícarí, nauí báinino lloga jíllona uai jino comínimo cue fidítallena. ²⁰ Bie ñuera uaido

comínimo úrillena Juzíñamui orécamedicue. Afe uai ícoinia, ja birui llavécamedicue. Iemo, bífuedo ñuera llujáitimie izói jacíruiñeno naire cue úrillena, mai Juzíñamuimo omoi jicari.

Jiraicaiño uáidua uailla

²¹ Cai izíruiga ama Tíquico, cai Ocuíraima Jesumo tájinana fáicanocaiñeno canófredimie. Afémie nana cuemo itífuiaina ómoimo jino llóite, naa jiáie cue finócafuiái diga. ²² Jira, bímie ómoimo orédicue, cue illafue ómoimo jino llóllena. Iemo jiái áfedo omoi náireficaillena, íena ómoimo orédicue.

²³ Moo Juzíñamui, cai Ocuíraima Jesucristo diga, cai ámatiaimo ñue comeci uái illifue ómoína ñue onótaiteza. Daje izói Juzíñamuina ñue omoi izíruillena jicádicue. Ie jira Juzíñamui omoi ñnogafuena aillo mónaitaiteza daidicue, afe bífuiái omoi maiñóllena. ²⁴ Nana cai Ocuíraima Jesucristona féitañeno izíruitinona, Juzíñamui ñue íaioína ézicíteza. Mai; jae ñie. Daií íteza.

FILIPO COMINIMO SAN PABLO ORÉCABE La Carta del Apóstol San Pablo a los Filipenses

Filípomo ite Jesumo ñnotinomo Pablo llavéracomona cuete

¹ Cue Páblodicue. Cue nabai Timoteo diga bibe ómoimo cuetícoco. Jesucristo táijitagamedicoco. Nana Filipo jófueimo ite Juzíñamuimo jainaide ámatiaimo cuetícoco. Daa bibedo omoi cígiri ite ocuídillainimo, naa eneno mameca canódinomo, cuetícoco. Cristo Jesumo nana dáaziena jaináidiomoi. ² Cai Moo Juzíñamui ñue ézicigafueimo omoi iri, naa comeci caimare uái illafue diga. Daje izói cai Ocuíraima Jesucristo ézicigafue dibénemo omoi iri, omoi ie lloga comeci caimare uái illafue diga.

Pablo Jesumo ñnotinori Juzíñamuimo comécido úrite

³ Naga ómoimo cue úbicaifirenaruido, cai Moo Juzíñamuina: “Iere figura” daiñifredicue. ⁴ Juzíñamuimo comécido cue úriadi, jaca nana ómoiri caimare jicáfiredicue. ⁵ Mei fueñe tainéinaruimona ua biruimo Juzíñamui ñúfuedo dáafueimo naa ómoiri táijifiredicaiza. Afena figura daiñifredicue. ⁶ Juzíñamui nauí omoi comécimo ñúfueña déitate. Afe ñúfueña déitallifue tainédime ua Jesucristo billíruimo fáicanocaiñeno déitaocaite. Afe fue taino daiñideza onódicue. ⁷ Mei ómoína iere izíruillano nana ómoiri daiñ comeci cue fácafue iere jaícina jóide. Afe izói daje cuemo iga ézicigafue, jeire otiomoi. Llavécamedicue íadi, omoi cúeoiri jeire oga ézicigafue, ñúfue cue llujillena canode. Iemona cai jilloillifueña comínimo uáfueña ñue fidítaticue. Daje izói bífueña iere nahífueza daiñitaticue. Afe izói bie ñúfueña uáitaacadino uíecomo daa bífuedo cai jilloillifuedo jaícina ñue úriticue. ⁸ Jesucristo ómoimo dúecaillano izíruilla izói, omoi cígiri iere cue íacanana Juzíñamui ñue onode. ⁹ Juzíñamuimo comécido cue úrillado ómoiena jicádicue. Dani conímana aillo jamánomo izíruillana jicádicue. Daje izói nana ñue fibíllafue abina omoi onóillifue diga, jicáfiredicue. Ua daiñ ómoiena jicádicue, ñúfueiaí omoi níziana omoi fibíllena. ¹⁰ Afe bifue jeire omoi óiadi, omoi comeci ifue íainite. Daje izói Cristo billíruimo nífuenidínona ítiomoi. ¹¹ Daiñ Jesucristo omoi illáfueña mámeite. Ua ria llizilla jofo úaina izói, ómoína mámeite. Ua aillo ñue finócafuaí omoi illáfueimo Jesucristo mámeite. Afedo Juzíñamuimo ñúfue ebíredifue diga nítaitiomoi.

Cristo jítainafue cue fñuamona cue comeci ifue ráifide

¹² Amatiai, omoi cácarei, cuemo zúidifuaína omoi fidítaiticue. Aféfuiaí Juzíñamui cai jíllotallíuái jino llúana nahí uáfueña canode. ¹³ Benomo cue llavéinamona, nana nahíllaíma jofo abí úiñoraini, ñúfuedo cue llavéinana onódiaíoi; ua Cristo ñúfue jeire cue úamona ja llavécamedicueza, áfena nana onódiaíoi. ¹⁴ Llavécacueña íaíoi cíonamona, ja nana ñnote ámatiaimona nabémaci iere náicaidiaíoi, Juzíñamui uai jino llóllena. Ua meáiruñeno uáfori jino llotíaíoi. Daje izói cue llavéinamona cai Ocuíraímamo jamánomo ñnotiaíoi.

¹⁵ Uáfueña dámerie cuemo úradoillano Crístodo úritiaíoi. Afémaci énenoruillano cue baímo jamánomoidímiena íacadiaíoi; mei íadi jíaimíai comeci ñúfuedo jino llotíaíoi. ¹⁶ Dáarie dani íaíoi comeci óiacanafuaído Crístona jíáifo úritiaíoi. Cue llavébillafue baímo jamánomo raamo cuena jíiritaiacadiaíoi. ¹⁷ Mei jíaimaci cuena izíruillano Juzíñamui ñúfue jino llotíaíoi, mei nai benó llavéracomo cue íllana onódiaíoi. Ua Juzíñamui jilloillíuái cue uáitañena jira llavécacueza onódiaíoiza. ¹⁸ Mei íadi ¿cúemona níbai? Dáarie jaícina Crístodo úritiaíoi; jíaimaci Crístodo jízireoicana úritiaíoi. Mei daje ábiedo Crístodo íaíoi úriadi, cuena jaca íóbitade.

Afe cue ióbilla baimo jamánomo nai ióbioicaiticue. ¹⁹ Mei nana bífuiaimona nífuenino zaiticueza onódicue. Ua cueri Juzíñamuimo comécido omoi úrillado ñue jílloiticue. Daje izói Jesucristo Joreño cue cánuado ñue jino jáiticue. ²⁰ Jesucristodo meáiruiñeno cue úrilla cue comeci jítailafue. Afe daje bífue mo iere ocuírídicue. Birui cue illáfuedo jíaimaci Crístomo aillo ñúefue nitádiaioi. Afe bie nita baimo, nai jamánomo íaioi nitállena jítáidicue. Nibai cáaiticue, nibai tíiticue dama mei áfena lloñédicue. Dama Jesucristomo ñúefuiaina nita daidicue. ²¹ Nai tíiñeno cue jáicaiadi, Cristo comeci jítainafue cue fínuana jamánomo naga raa baimo gáidicue. Iemona nai cue cáanafue ñuera; íemo jíái cue tíille jamánomo baimo ñuera. ²² Mei íadi bie cue abido nai cue caana llezica, cai Ocuíraima comeci jítainafue biniemo jino denóllena tájifireiticue. Meita bie mena cuemo itífue mona nífue nízedá óiticueza onóñedicue. ²³ Nai feire jánaideza, bie ménafuedemona nífue óiticue. Aféfuena ñue cue onuille féirede. Mei jíáifodo caifo Cristo díne cue jáillena tíiacadicue; bie izóidifue cúemona jamánomo ñuera. ²⁴ Mei íadi jíáie izói omoi cígido bie caana abido cue jáicallena, ómoiena iere jítáirede. ²⁵ Mei daa bífuena jáicina onódicue; omoi diga nai cue ícaillena ñue onódicue. Omoi diga cue íllena jítáirede, omoi ñue ínogafue nágarui jeire omoi cue otátallena. Ua ómoiri cue illa jítáirede, jae jeire omoi ua izói afe baimo jeire omoi óllena. Daje izói omoi ñue ínogafuedo omoi ióbioicallena, omoi cígiri cue ícaillena nai jítáirede. ²⁶ Mei daí nana omoi cígiri íiticue. Afe uire cue bílledo Jesucristona jamánomo aillo ióbitaitiomo.

²⁷ Cristo ñúefuiai úbicaillano, afe izói nágarui omoi illafue ñue jáicina jóoneri. Nibai omoi cue érozaiadi bifue jeire omoi úamona, omoi illa ñúefuena fidíacadicue. Daje izói ómoimona jica iticue íadi, daje omoi illa ñúefuena onóiacadicue. Afe bie izoide ñúefuena fidíacadicue: dáaziena caimare omoi jáináillana onóiacadicue. Daje izói jílloilliuaimona lloga ínogauaimo izire omoi níciduana fidíacadicue. ²⁸ Daje izói omoi bacáuai ímilaina due omoi jáicaiñenana cuemo omoi lloiri, daidicue. Afe omoi jáicaiñenafue, níne íaioi táinocaillifuena uáfodo jino llotátate. Mei íadi daje llezica omoi jílloillifuena uáfodo jino llote. Bie omoi onóitainafue Juzíñamui dibénemona bite. ²⁹ Mena rafue Juzíñamui ómoimo mamede. Nánorafue daide:

Cristo uaina iere jeire órediomoi za.

Nane jíáifue daide:

Cristo ñúefue jeire omoi ua méifomo, afémie ícoiri duere zefuífirediomoi.

³⁰ Cue naa ómoiri daje fuirilla izóidifue mo iticai. Naui cue fuirídime izói íllana cíódiomo. Ja birui fuirídime izói, nai cue jáicana ráfuena onódiomo za.

2

Cristo jamánomo uáitagamiena jaide ie méifomo Juzíñamui jamánomo ñue ébifue íemo nitade

¹ Ja birui Cristo ómoina náicaitarede. Afémie ómoina izíruillano, comeci zúurenaimona omoi comécina cáimacaitarede. Ie Ñuera Joreño omoi diga ite. Conímána izíruillafue dúecaillafue diga afe dibénemo itíomo. Nana bífuiaina omoi onónamona, mai cue omoi ióbitari. ² Ua caimare ñue omoi illáfuedo cuena ióbitari. Afe izói daje izíruillafue mo omoi jáináinamona cuena ióbitari. Afe mei dájemo comeci jítainafue jeire omoi úado cuena omoi ióbitari. Afe emódomo dáafue mo comécinado cuena omoi cáimacaitari. ³ Dani omoi comeci jitailla izói mamériñeno iri. Fia abi ínuafuedo nífuena lloñeno iri. Mei íadi comeci mánainafuedo omoi mamériri. Omoimona illa dígamierie omoi aino cómena o baimo comécina ñuera, omoi daífireiri. ⁴ Dani omoi ñue illáfue na jenóñeno iri. Mei íadi nana jíaimaci ñue illáfue na omoi jenori.

⁵ Cristo Jesús comeci mámia izói, dájemo comeci omoi mameri. ⁶ Nano fueñe ie illa llezica afémie daa Juzíñamui izoide. Juzíñamui izói ie illa ríino afémie ite. Mei íadi ie fiénocaiga ríinona “Raire meine cue olli” daiñede. ⁷ Mei íadi afémie Juzíñamui izoina llezica afe íemo ite ríinona oni eneno fiénocaide. Fiénocaillanona jiba iima jéicia izói Cristo jéiciga. Daií ie jéicinamona fia jamai táijitagamie bie éniedo jáicana izói jáicade. ⁸ Jamai cómena ie illa llezica jamánomo comécina mánaidimiena abí mamede. Daií mámiano ie Moo Juzíñamui daináuai jeire uano dama tíizaide. Ua aillo meáire cruzmo tíizaide. ⁹ Ie jira Juzíñamui jamánomo aillo ñúefue íemo nitade. Ua áfemona nana jiáie mámeciai baimo jalléidicina Juzíñamui íemo jítade. ¹⁰ Daií bie mámecina Juzíñamui íemo jítade, nana comini ie anamo dújuillena. Ua afe Jesús dainácina íaioi cacánamona nana monamo itínuiái, bie éniemo itínuiái, daje izói énie anamo itínuiái cañícido ie anamo dújuitiaioi. ¹¹ Daií dújuillano nana comini comécido íena ónuano, Jesucrístona nahí Ocuíraimana dáitiaioi. Daií dainado Moo Juzíñamuimo ñúefue nitaitaioi.

Crístomo jaináidino bínie egáñotino izóidiaioi

¹² Mei jira, cue izíruiga ámatiai, nauí omoi cígiri cue illa llezica jaca ómoimo cue llogáuaina jeire otíomoi. Ja birui ómoimona jica itícuelmo, nauí omoi úana izói, afe baimo aillo jeire omoi oíri. Dani omoi jíllonafuelmo comécina mánaidimie izói jacíruioicana áfemo omoi comécioiri. Aféfuena nana comínimo ñue jino omoi denóoicairi. ¹³ Mei Juzíñamui afe ñuera comeci óiacanafuiái ómoimo fecádimie. Afémie dama ie comeci ñue jítainafuedo ómoína canófirede, omoi comeci ñue óiacanafuiái jino denóllena.

¹⁴ Bífuiái jino omoi denolle llezica nana omoi jetácafuiái fiéni úriñeno omoi finori. Daje izói áfena júfidoñeno omoi finori. ¹⁵ Iemona bie izói omoi iri ninena jiáimaci ómoimo íaifue jóneñeillena. Daií nífuenino omoi iri, áfemona íaifuenidinona omoi ílleza. Mei daií omoi íllamona, comécina íaifuelmo féitate figóñede comini cígiri, Juzíñamui úruiaína mamélliomoiza. Íaioi cígiri, ucudu caifona bie jítirede énie egáñua izói, ie izói comini comeci jítirenana egáñoitíomoi. ¹⁶ Afe egáñuado zíñona cáataite uai íaioimo jino llóitíomoi. Daií Cristo billíruimo ómoiri meáidaiñeno caimare abí ínoitícue. Daje izói omoi ñue illáfuedo nauí ómoiri iere cue táijinafue táinomo jifánofiñenana onódicue. ¹⁷ Nauí ñúefuena omoi ínuaruimo dani omoi illáfuea Juzíñamuimo llotíomoi. Birui nai omoi ínogafue ñue jáicina cue jóniamona, nibai benó cue tíadi, áferi cáimacaitícue. Afe llezica omoi cánuaibiga íóbillafueri íóbidícue. ¹⁸ Daje izói caimare omoi iri; cue cáimacaila dibéfuemo jeire omoi oíri.

Timoteo Epafrodito díga Filipos comínimo oréillífue

¹⁹ Cai Ocuíraima Jesús comeci óiacania, Timotéona omoi eróizaitaitícue. Omoi illafue afémie abido cuemo lluaíbiadi, iere áferi cáimacaitícue. ²⁰ Cue comeci faca izói, comeci facade jiáie cómena íñede. Dama Timoteo cue izói comeci úrilla. Dama afémie omoi ñue illífuemo uáfuea comeci facáoifirede. ²¹ Nana jiáimaci dani íaioi comeci jítainafue jenódiaioi. Cristo Jesús dibéfuena lloñédiaioi. ²² Afémie cuemo ráifinafuea náganuiaimo jino ciótagaza onódiomoi. Ñúefue jino cue llócaillado afémie cue díga, jító izói jáicaide. Ua moo ie jító díga táijicana izói cue díga táijicaide. ²³ Cuemo ite itífuiái jino déillana ñue cue onóadi, bie Timotéona omoi méiñOtaacadícue. ²⁴ Cai Ocuíraima ñue ínotícue. Iemona nibai ómoína raire dama eróizaibitícue.

²⁵ Daje izói cúemona uáfodo jóideza, cue ama Epafrodito omoi cígimo jáirena. Afémie cue táijinana nabáifiredimie. Daje izói fuirilla izói cue llócaigafue nabáifiredimie. Mei íadi nauí cue jitaica raamo táijillena omoi cuemo orécamié, abido ómoimo orédicue.

²⁶ Mei afémie nana ómoína izire cióacade. Ie irárenana omoi fidínamona afémie comeci

iere járitaide. ²⁷ Uáfueña iere irárede; tíllanomo figo dúcide. Mei íadi Juzíñamui íemo dúcaillano íena jíllotate. Dama afémiemo dúcañedeza; mei jíái daje izói cuemo dúcaide. Ua Juzíñamui cuemo dúcaide, cuemo ite zúufuiai baimo jíáie aillo comeci zúufuiai cuemo bíñeillena. ²⁸ Iemona íena iere oréacadicue, raire afémiemo omoi érocaillano iere omoi íóbicaillena, cue zúucaillafue raire niné féilleza. ²⁹ Bie Epafrodítóna mai jamánomo caimare omoi uáidori, Juzíñamuimo izire jainaide ámaza. Nana ie illa izóidimíai caimare jacíruioicana íaioimo mai omoi cacáreiri. ³⁰ Ua afémie Crístomo táijinafuedo tíllanomo figo dúcide. Dama ie cáanafue jacíredifueño afémie jóonete cuena canóllena. Ua omoi bíninamona afémie cue cánuabillena iere jamánomo nícidote.

3

Uáfueña Juzíñamui íóbilla cai ñue jáicina illafue

¹ Cue ámatiai, mai cai Ocuíraima omoi íóbioicairi. Cue cuegafue meine ómoimo cue lolle cuena áfedua izói íñeite, mei íadi ómoína iere ñue canode. ² Íairuiga jiba jico izói fiénidifueño itímacimona abí omoi rairuiri. Omoi bacano ícoi quetátafirediaioi. ³ Cai bie ua quetácamacínaza. Cai bie cai joréñodo Juzíñamui íóbillamacídicaí. Fia jínofenemo cioide raana íñoñédicaí. Cristo Jesús íeíena cai íllari caimátaidínodicaí. ⁴ Bífuiamo aillo cue ínnoregafuiai ite íadi, áfena lloñédicue. Cue baimo buna aféfuiaimo ínonide. ⁵ Cue jocóinamona ocho dígarui íllamona cue bacano ícoi quetádiaioi, mei nahí israelita nairai ímiedicueza. Cue bie Benjamín izíemo jaináidímiedicue. Cue jocóinanomona hebreo ímiedicue. Ua hebreo ímie jítdicue. Judíuai ocuícáfue jino cue dobáíñuamona cue bie fariséodicue. ⁶ Jacire ocuíoídmie izói Crístomo jaináidíno fállena íaioína racádicue. Judíuai ocuícáfueño lloga ñue jáicina illafue díbéfueño, jaca nífuenidímiedicue. Bu úaitañegamiedicue. ⁷ Mei íadi nana bie nauí cúemona aillo ráifidífuiaína, ja birui aféfuiaína Cristo ícoína náfueñedicue. Ua aféfuiaína jamai ráifíñedífuiaí izói áfemo comécídicue. ⁸ Afe baimo aillo jíáífuemo comécídicue. Cue Ocuíraima Jesucrístona cue onóillífue, nana cuemo itífuiaí baimo aillo ráífide. Iemona cuemo itífuiaína féitaticue. Cristo ícoína naga cuemo itífuiaína cue féitaga. Ua aféfuiaína oni dotáacaiga raa izói comécídicue, afe íbana Cristo cue náamatallena. ⁹ Daje izói cue afémiemo jaináiacadicue. Ocuícáfueña cue ínuamona ñue illáfueña llínoticue. Mei íadi afe ñue illáfuedo Crístomo jáinaiticue. Jesumo ínotínomo Juzíñamui iga nahí ñue illáfuedo Crístomo jáinaiticue. ¹⁰ Cue comeci jítainafue Cristo cue onóillena. Daje izói ie tíllanomona meine abído cáatate ríinona, “Cuemo iri,” daídícue. Afémie duere zefuilla izói duere zefuícadicue. Afe daí íe tíllaruimo íe illa izói ííticue. ¹¹ Afemona tíidínuiaí meine cáallífueño ocuírídícue.

Cristo fueñe cue ocuilla izói cue jáillena, fúirilla izói izire nícidocana uiticue

¹² Ja nana afe bie mamérrillafue oticue daíñedicue. Daje izói comeci jáicina ñue jóidímiedicue daíñedicue. Mei íadi Cristo fueñe cue ocuilla izói íacadícue. Ie jira nágarui aféuaimo nícidocana uiticue, afémie cuena daína izói cue jáillena. ¹³ Cue ámatiai, bífuiamo ja dúcidicue dama daíñedicue. Mei cue nahí finóacaigafue jíáfodo jóide. Nauí cue illáfueña féitaticue. Afe llezica nahí como cuemo déioicaiticueño ríire comécídicue. ¹⁴ Aízídíno raire mózizailla izóidínomo dúciacadícue. Juzíñamuimona fia jíridolle raa izoide cue llínuaibillena, Juzíñamui monámona cuena uáidote. Crístomo cue jaináinamona afe jíridolle raana máíñoiticue.

¹⁵ Cáimona nana ínnogafuedo ñue móonaitino, mai bie izói cai comécioilli. Jíáfodo omoi comécíadi, Juzíñamui áfena ómoína fidítaite. ¹⁶ Mei íadi bifue mai cai náfuelli: cai onógafue izói mai ñue cai illi. Daje izói ñue jáicina mai cai comécioilli.

¹⁷ Cue ámatiai, naui omoi cígiri cue íllana ciódiomoiza, afe izói omoi iri. Omoimo cue ciotagafue jeire otínomo izire comeci omoi facáoiri. ¹⁸ Ja aillo Cristo tíllafuena uáitativo íteza. Iemona diga icaiño afémacido ómoimo lloticue. Nane zuure ébicaillano dáanomo ómoimo lloticue. Afémacimona abí omoi rairuiri. ¹⁹ Bie izói itino írairuimo niné táinocaitiaioi. Dani íaioi abí jítáinafuaina daidíaioi:

—Bie cue juzíñamui, —daidíaioi. Meáirede raana meáiruñediaioi. Mei íadi áfedo abí ínotiaioi. Fia bie énie ífueño comécidíaioi. ²⁰ Mei íadi cai nana caifo mona imácidícai. Cai nana, cai jíllotade Ocuíraima Jesucristo monámona bíllemo úiñotícai. ²¹ Cai zíñofede abina afémie méduaibite, afémie ie abí ebire ciona izói cai íllana. Afémiemo ite ríinodo naga raana náamatade. Iemona afe daje íemo ite ríinodo cai abí ífueña méidoite.

4

Jaca cai Ocuíraimamo caimátaioicairi

¹ Cue izíruiga ámatiai, mei ómoína iere cióiacadicue. Omoi cue ióbioinamacidíomoi. Iemo cue jiríddolle raa izóidíomoi. Ua cue izíruigamacidíomoi; mai cai Ocuíraimamo jaícina riire omoi comécioiri.

² Evódiana mámeçiredíngo íemo Síntique diga, izire jicádicue, dáafueño ómingo comécíiri. Mei cai Ocuíraimamo jaináinamona ebúñona maméidíomíngoza. ³ Daje izói jáimíemo úriticue. O, cue táijnado jaca ñue cuena nabáidí. Ua cue ínoga nábaidí. Jira bie cai miríngotíaina o canótaiticue. Mei afe íaínguai cúeoiri afe jíllona uai cue llócaínado nícidocaidíainguai. Bíainguai, Clemente diga naa jáimíeoiri cúeoiri tájicadíaioi. Nana afémaci mámeçi ja Juzíñamui zíñona íllino óitino mámeçi cúeinanicomo cueda.

⁴ Nágaruillaído cai Ocuíraimamo mai omoi caimátaioicairi. Nane dáanomo daidíicue, mai caimátaioicairi. ⁵ Omoi comeci mánaina naga cómemo, mai ciótaitíomoi. Cai Ocuíraima billíruimo ánozideza. Cai áinori íteza.

⁶ Omoi comeci nífueño jarítaitáñeno iri, mei jáífodo naga ómoimo comuídfuíaína Juzíñamuímo úrilla llezica, afémiemo mai omoi lloiri. Daje izói omoi jitailla raana jicari. Afe llezica “Iere figora” mai omoi daífireri. ⁷ Ie mei Juzíñamui comeci caimare uái illafue ómoimo íteza. Bie comeci uái illafue comíni onóiga táinofue baímo ñuera. Afe caimare uái illafue omoi comécina ñue ráiruíte. Daje izói omoi comeci jarire úrillaífuena ñue manánaitaite. Mei Cristo Jesumo daane jáinaitíomoi.

Ñúefuíaímo comeci omoi facáoiri

⁸ Cue ámatiai, íraicaiño omoi llóticue. Nana nahí uáfuaímo omoi comécíiri. Daje izói nahí caimare jacíruioigafuaímo omoi comécioiri. Daje izói nana jaícina ílláfuaímo omoi comécíiri. Afe izói nana íainidífuíaímo omoi comécíiri. Daje izói nana íóbillafuaímo omoi comécíiri. Daje izói nana caimare jalléinaífuemo omoi comeci uibíoiri. Nana bie ñúefuíaímo omoi comécioiri. Daje izói nana ñúefuena nitáfíreganomo afémacímo omoi uibíoiri.

⁹ Omoi cue llófua izói mai omoi iri; ómoimo cue lloga lletárafuaímo mai omoi ínori. Cue dáinana omoi cacana izói, cue finócana omoi ciona izói, afe izói mai omoi iri. Iemona comeci caimare uái illafue fecáfírede Juzíñamui omoi diga ífíreite.

Filipo imaci fia fecaca raa Páblomo orédiaioi

¹⁰ Meine nane cuemo omoi comécíillari cai Ocuíraímado iere íóbidíicue. “¿Níbaí mei cuena féitativomoi?” ómoína daíacañedicue. Cue omoi canóacana raa átitímie íñédeza, onódicue. ¹¹ Cue ráaninari ómoína fíeni úacañedicue; cuemo ite raari cue íóbillana ja fibídíicue. ¹² Duere cue íllana fibídíicue. Daje izói aillo cue jitaica ráaniai íllana fibídíicue. Nííue cuemo comuíadi, afe izóidífue cue ocuíllana ja fibídíicue. Níbaí jeíredíicue, níbaí

jufíruiticue; afe izói caimare cue íllana fibídícue. Güiga alla cuemo íadi, mei cuemo íñéniadi daje izói ñuera. ¹³ Naga cuemo eróicana comuide raana ocuiredícue; mei Cristo cuena ríiduado ocuiredícue. ¹⁴ Mei íadi cue dúerena llezica cuemo omoi dúecaillamona, cue omoi cánua ñuera. Diga icaiño duere cue finóinari omoi zúunailla cuena náicaitade.

¹⁵ Omoi Filipos imáciomoi, daje izói bífuena onódiomoi. Nano fueñe jíllona uai cue llócaina llezica, daade cue canófiredinodíomoi. Ua Macedóniamona oni jíainomo cue jailla llezica daade cue canode Jesumo ínotinodíomoi. Fia fecaca ráaniai cuemo oréfiredíomoi. Afemona comínimo cue feca izói, íemo íaioimona cue llínua izói, afe dájemo naa ómoiri táijidinodíca. ¹⁶ Nai Tesalónicomona cue illa llezica, omoi diga ícaiño, fia fecáfireiga ráaniaina cue jítaicaniaina cuemo orédiomoi. ¹⁷ Fia ráaniaina cue llínoiacanamona comécíñedícue; mei íadi cue comeci jítaillafue, Juzíñamui uiécomona ómoimo aillo ii, daidícue. Iemona daí aillo omoi ofítaga raana uire maiñóritíomoi. Afemo comécíidícue. ¹⁸ Mei nana jae cue llínoga. Afena cue jitaica ráaniai baímo ja llínotícue. Epafrodítodo cuemo omoi oreca ráaniai figo baite. Baímo cue jítaillena íñede; ja aillo íteza. Cuemo fia omoi oreca ráaniai iere Juzíñamuina íóbitade. Daí cuena omoi cánuado, Juzíñamui comeci jítaína finódiomoi. Aferi Juzíñamui íóbicaillano afémie áfena jeire ote. ¹⁹ Cue ínoga Juzíñamui nana omoi jitaica raana ómoimo fécaite, mei nana Cristo Jesús ebire comútaga ráaniai Juzíñamuimo dúideza. Ie jira íemo aillo ite ráaniai izói, afe izói ómoimo fécaite. ²⁰ Mei ñuera ebíredí fue caí Moo Juzíñamuimo jaca íoicaideza. Daítadeza.

Iraicaiño uáidonocaillafue

²¹ Cue dibénedo nana Juzíñamuimo jaináidino Jesucristo mámedido omoi uáidori. Cue diga ite caí ámatiaí ómoimo uai orédiaí. ²² Nana benomo ite Juzíñamuimo jaináidino daje izói uai ómoimo orédiaí. Romano nahíllaíma jofomo ítino iere ómoína izire uáidoiacadiaí.

²³ Caí Ocuíraíma Jesucristo nana ómoína ñue ézicíteza. Mai daítadeza; jae ñie.

COLOSAS IMÁCIMO SAN PABLO ORÉCABE La Carta del Apóstol San Pablo a los Colosenses

Pablo Colósamo ite Juzíñamuimo ñnotinomo cuete

¹ Cue Páblodicue. Iemo cue nabai Timoteo diga ómoína uáidotícoco. Juzíñamui comeci jítaina izóí Jesucristo orécamiedicue. Afe orécamiedicue daiíacana uai, Jesucristo ñúefuena llujítagamiedicue. Cue ama izóidimie Timoteo diga, ² Colosas jófue mo ite féitaño ñnofirede ámatiaimo bibe cuetícoco. Omoí daje izóí Crístomo jaináidíomoi. Cai Moo Juzíñamui ómoimo caimare eróicaiteza. Afe llezica Juzíñamui dibénemo icírino uái illifue Juzíñamui ómoimo fécaiteza.

Pablo Jesumo ñnotinona Juzíñamuimo úrite

³ Omoiena Juzíñamuimo coco úrilla llezica jaca cai Ocuíraima Jesucristo Moo Juzíñamuina “Figora” daiífredicoco. ⁴ Mei Cristo Jesumo omoi ñnuana cócona ja fidítaiáioiza. Daje izóí Juzíñamuimo jaináidinona omoi izíruillana cócomo llotíaiói. ⁵ Afe bie izóí itíomoi, mei monamo ómoimo éenoga maiñolle raamo ñue ocuítíomoi. Afe ómoimo lloga ua uai omoi cacánamona, ñue ocuítitagaomoi. Afe lloga ua uai ñuera jíllona uai. ⁶ Afe daje lloga uai náganuiaimo llócaillado oni aillo móonaioicaide. Ua, ríganíai llizilla izóí, iere jebuide. Mei daje izóí afe uai omoi cacana mei, omoi cígiri aillo jebuúdeza. Juzíñamui caina izíruillana omoi cacana mei, afe izíruillana ua ráfueza ja omoi onónamona, afe ñúefue ómoimo aillo oni móonaitagaza.

⁷ Cai izíruiga ama Epafras bie ñuera uai ómoimo llófue. Afémie nauí cai méifomo afe uai llúamo táijide. Ie jira afémie ómoiena Cristo ñue ocuícamié, mei afe llezica afémie Crístomo féitaño iere ñnofiredimieza. ⁸ Afémie Ñuera Joreño ómoimo comútaga cuena omoi izíruillafue cuemo lluaíbite.

⁹ Jira áfena cai fidínaruimona biruimo jaca fáicanocaiño ómoiena Juzíñamuimo úrifredicoco. Juzíñamui comeci jítainana ñue omoi onóillena afémiemo jicáfiredicoco. Daje izóí nana jíáiforie ifoci úrillana omoi onótallena jicádícoco, naa Juzíñamui dibéneo onógafuiai. ¹⁰ Afe bíemona cai Ocuíraima Jesumo jaináidino illa izóí, ñue íredíomoi. Mei afe izóí omoi ille jítáiredeza. Daií omoi íllamona afémiena nágarui íóbitaitíomoi. Afe afémie íóbilla raa be ñie: Riga llizíllajiai aillo illa izóí, omoi finoca ñúefuina aillo omoi jebuítallena; íemo jíái Juzíñamuina jamánomo ñue omoi onóillena. ¹¹ Daje izóí nana cai ebírede Juzíñamuimo ite ñuera rínodo omoi ñue náireillena afémiemo jicáfiredicoco. Daií jicáfiredicoco nana ómoimo cómutifuiaina jaritaiño fáicana omoi ocuíoillena. Daje izóí caimare aféfuiaina omoi ocuíoillena ómoiena jicádícoco. ¹² Nane daií omoi comeci náireillamona caimare cai Moo Juzíñamuina “Iere figora” omoi daiífireillena jicádícue. Mei nana afémiemo dúidinomo ie fecalle zíiñoa illifue ómoiena batí Juzíñamui illa úzeredínomoi omoi maiñóllena, afémie ómoína ñue finódeza. ¹³ Mei uáfueza, Taife ocuífirega jíifomona Juzíñamui caina jíllotate. Jílluano ie izíruiga Jitó illáimana illánomo caina jóonete. ¹⁴ Mei afémie Jitó tíllado, caimo ite íaifuiái féitajano, Juzíñamui caina jíllotateza.

Cristo tíllado Juzíñamui diga icírino dájena uái iticai

¹⁵ Afe bie cai Moo Juzíñamui jaca cióñenamie íadi, comini ciónamie izóí ie Jitodo ana bite; íemona afe Jitó Juzíñamui ñie ua izóidena caina onótate, naa ie comeci ífuiai. Afe Jitó nana comútaga ráaniai baímo jamánomoidimie. ¹⁶ Juzíñamui ie Jitodo nana monamo

itínuiaina finótate, naa éniemo itínuiari. Cíoide ráaniai naa cíõñena raa diga, nana afémiedo Juzíñamui finoca. Mei uáfueza, daa fiéñeno, nana afe cai cíõñena ríinoredinona naa ocuídillainiri, íemo jiái Juzíñamui abi imaci diga, dáamiedo finócaiaioi. Nana afe ie Jitodo finoca. Daje izói afémie íena finoca. ¹⁷ Mei afe Cristo nana ráaniai nai íñenia afémie jaca íteza. Daje izói dáamiedo nana ie finoca ráaniai oni féiraiñeno ñue jaícina itíaiioi. ¹⁸ Afe baimo Cristo nana afémiemo jaináidino afe ifo dainámie. Iemo nane afémiemo ñnotino ie abi dainámaci. Afémie afe bie ie abi daina ñnotinona zíñona cáatatimie, mei afémie tíidinomona fueñe meine cáadimienaza. Afémie daií fueñe meine cáadimiena jaide, nana itífuiái baimo jamánomoidimiena íllena. ¹⁹ Nana Juzíñamui zíñona illa izói, nana afe izói Cristo íllena Juzíñamui jitaide. ²⁰ Nane daje izói afe Cristo tíllado, Juzíñamui nana afémie comuítaganuíaína icírafuenino dájena caimare uái illífuemo jóoneacade. Mei uáfueza, nana biniemo itífuiái naa comini diga, íemo jiái nana monamo itínuiari, Cristo cruzmo tíllado Juzíñamui éoiñeno dájena caimare uái itátaacade.

²¹ Naui diga íaífuiái omoi finuamona Juzíñamuimona iere jicánemaci izóidiomoi. Daje llezica omoi comécido Juzíñamuina éoidinona itíomoi. Mei íadi ja birui Juzíñamui afémie diga ómoína icírafuenino dájena uái illífuemo jóonete. ²² Cristo tíizailla llezica ie abi izi cácanado, Juzíñamui daií ómoína caimare dájena uái illífuemo jóonete. Afémie bie izói finode, íaífuenidínona, daje izói nífuenidínona afémie uíécomo cai ie jóoneillena. Uáfueza, afémie bie izói finode íeiena cai íllena. ²³ Bie izói uáfueña omoi íllena, fáicanocaiñeno jaca ñnorediomoi. Afe izói amena ana jica jainade riire illa izói, riire írediomoi. Daje llezica ñuera jíllona uaina omoi cacánamona omoi maiñoca caimare ocuírillafuena fáinocainidiomoi. Afe bie ñuera jíllona uai ja náagobiaído llócaiga. Iemo afe izói afe llócaigamo cue jiái canódicue, mei afe uai llócaillena Juzíñamui jóonenocaigacueza.

Pablo Jesumo ñnotino cánoitimiena jóonega

²⁴ Birui omoi ícoína duere cue zefuíllari íobidicue. Mei áfedo Cristo abi daina afémiemo ñnotinori nana uícodo lloga nai duere cue zefuíllana ñue ícoimo fuitáredicue. ²⁵ Mei omoi ñue íllena Juzíñamui cuemo jóonenocaigafuedo nana afémiemo ñnotino cánoitimiena jáidicue. Mei uáfueza, Juzíñamui nana comínina llóicaiga uai, afe uai jino cue llúana ícoimo fuitállena jóonenocaigacue. ²⁶ Afe bie ñuera uai jaiái ninómona ua biruimo comini figo onóñediaioi; diga igímaiai záilla méifomo afe uai nai retáiruiga raa izói joide. Mei íadi ja biruimo íeiedinomo ja jino báifitate. ²⁷ Juzíñamui ja judíoñedinomo afe bie naui báinino ite uai ñuera áillue cáimafuena jino ómoimo onótaiacade. Bie báinide uai daina, Cristo ómoimo illa lloite. Iemo íco jiáiruido ñue caimare omoi illífuemo omoi ocuírillena afémie jino dénoite.

²⁸ Cai bie Crístona jino uáfodo lloticai. Afe llezica nana comínina ñue rairuídicai. Daje izói nana ñúefuiái ñue íaioi onóillena afémacina nana llófiredicai. Afe izói naga come Crístomo dájena jaináillamona afémie dibénedo ñue íaioi móonaillena llófiredicue. ²⁹ Bie cue fuitállena, nana Cristo cuemo iga máriedo fúirienaila izói nágarui Juzíñamuimo izire jicáfiredicue.

2

¹ Mei bífuena ómoína fidítaacadicue. Jaca ómoiena iere fuirilla izói Juzíñamuimo riire jicáfiredicue; daje izói Laodicea jófuemo itino íena, íemo jiái nana cue uíecona cíõñedino íena riire jicáfiredicue. ² Afémaci comeci náireillena fuirilla izói Juzíñamuimo riire jicáfiredicue. Iemo afe comeci náireillamona conímána ñue íaioi izíruillena riire níciduano jicáfiredicue. Mei daií dájena omoi jainaina jira, bie naui figo báitañega uai Cristo omoi

ínua mei, omoi diga íllana ñue jaícina onórediomoi. Afe daií uáfori jaícina afémiena ñue omoi onóillena, riire níciduano nágarui Juzíñamuimo izire jicáfiredicue. Mei jii, nana bie riire nícidotícue, figo ónoñega Juzíñamui ñuera uaina ñue omoi onóillena; mei afe báíñega Juzíñamui uai daina dama Crístoza. ³ Mei uáfueza, nana comeci jamánomo úrillafuiai naa onóigafuiai afémiemo ite. ⁴ Bu ómoína ebírede uáillaído bífueñeillena, nana bífuiai ómoimo llóitícue. ⁵ Cue abi omoi cígiri iñede íadi, benómona jicana izire ómoimo comécidicue. Iemona daií cue fídía izói dájena caimare omoi íllari ióbídícue. Daje izói fáicanocaiñeno Crístomo omoi ínuari ióbídícue.

⁶ Jae cai Ocuífírede Jesucrístomo ñue omoi ínua mona ie lloga iodo jáirediomoi. ⁷ Afe bie daiíacade, amena riire jáinaja izói, Crístomo riire jáináirediomoi. Iemo jáí daje llezica jáinónide jáillirai izói omoi íllena, nágarui Cristo uallai jeire omoi ua baímo jamánomo jeire ófíreiri. Mei afe izói llófuegaomoi. Iemo afe llezica nágarui Juzíñamuina “fere figora” mai omoi daiífireiri.

Crístomo cai jáináinamona cai comeci cómuena méidoga

⁸ Mei birui ñue abí omoi rairuiri, baimaci omoi jífueacadeza. Afémaci táinodo ífoci úrillado, daje izói íaioi lloga taino uáillaímo jífuebiñeno iri. Mei afémaci Cristo dibénemo iñédiaioiza. Mei jáíáfodo jáiai ninomo comini lloga taino uai dibénemo jáináidiaioi. Daje izói dama bínie raa dibénedo comini comécillafuiaimo jáináidiaioi.

⁹ Mei íadi nana Juzíñamui zíñona ñue illa dieze, afe izói Crístomo nana ñue jaícina ite. ¹⁰ Iemona Crístomo dájena omoi jáináinamona, Juzíñamuina oruide comini izóidíomoi. Afe Cristo nana monamo ite ocuídillainina, naa cai cióñena ríinoredinona ocuífírede. ¹¹ Iemo nane daje izói Crístomo dájena omoi jáináinamona ja bacano ícoi quetácano izóidíomoi. Mei íadi ua quétañegaomoi, mei jáíáfodo nanómona omoi jocoína llezica ómoimo ite íaífuemona ja jíllodíomoi. Mei ua, bacano ícoi quétaja izói, omoi fiénidífuemona quetaca izói jíllodíomoi. Afe bie quetáfírena Crístomona comuide. ¹² Iemo nane jáífuemo cacáreiri. Mei omoi báutizanamona Cristo éniemo ana raia izói ja raigáomoi. Bie nanómona omoi fiéni finócafuiái titaca izói, ja fáicanocaitíomoi. Iemo Juzíñamuimo ite áillue ríinomo omoi ínua mona Cristo izói cómomiena afémie diga ja cáadimacina itíomoi; mei Juzíñamui dama íemo ite ríinodo Cristo tíide meine cáatateza. ¹³ Naui jáíruido ómoimo ite íaífuiaimona comeci diné tíidino izóidíomoi. Daje izói quetátañena judíuainédino omoi illa llezica, omoi fiénide óiacanafue jeire omoi úamona, comeci dine ónonino tíidino izóidíomoi. Mei íadi birui Juzíñamui nana omoi fiénidífuiaí féitajano, dájena Cristo diga ómoína abído cáatate. ¹⁴ Caimo ite íaífué íballe raa izoide. Afe cai íbañenia tíiredicai. Mei íadi Cristo tíllado Juzíñamui cai íbácana záitate. Afe cai íbácana Juzíñamui fiébiñeno ñue íbaja Cristo cruzmo coráiado ácatate. ¹⁵ Mei afe llezica Cristo cruzmo tíllado, monamo ite ocuídillainina, naa cióñena ríinoredinona afémie ríinitade. Afémie uáfori íaioi illáiena báiruado, nana afémaci baímo ie jamánomoidimie íllana ácatate.

Monamo ite ñúefuiaína omoi jenori

¹⁶ Mei bíemona ninó dáamie omoi güille dibénedo omoi jánana júfidoiadi, áfemo mai náfueñeno omoi iri. Daje izói omoi júrua dibénedo ninó dáamie fiéni ómoína úriadi, áfemo náfueñeno mai omoi iri. Iemo jáí dáarie judíuái lloga ráfuiaimo eneno omoi comécíñenado, ninó dáamie omoi jánana júfidoiadi, áfemo mai náfueñeno omoi iri. ¹⁷ Mei nana bífuiaí, uire Cristo billífué dibénedo comini ñue onóillena canódeza. Mei íadi Cristo bíllamona afe cai onótatífuiaí jítaiñega, mei dama Crístomo nana uafue raa báífideza. ¹⁸ Iemona nino dáamie ómoína fiéniruiadi, mei afémie táinona mánaidímiena íllana ómoimo ácatateza, áfemo náfueñeno omoi iri. Daje izói afémaci diga Juzíñamui abi imaci ómoína ióbitafíreiaí, áfemo náfueñeno omoi iri. Mei afémaci ónoñega nicaí anado ciófírena raado

úrifiediaioiza. Afémaci jiba come comeci fácafuiado abi iere ínofirediaioi. ¹⁹ Afémaci Crístomo dájena jaináineno itíaioi. Mei jáifodo Cristo nana íemo ínnotino ifódimie. Afe ifo izói mamécamié nana ie abi écaja izói comécina náiretajamona afe abina móonaitade. Afe izói nana ie abimo jaináidino conímamo dájena jaináitajamona, ie abina móonaitade. Afémie Juzíñamui mamérilla izói nana bífuiai ocuífiredede.

²⁰ Mei Cristo tíllaruimo afémie diga tíidino izói jáidiomoi; bie daiíacade nanómona omoi fiéni finócafuiái titaca izói omoi fáicanocaigaza. Afe llezica bie énie ocuífiredede cai cíóñena ríinoredinomona zuitácamaci izói jáidiomoiza. Iemona ¿nibái mei nai biniemo dúidino izói ífirediomoi? ¿Nibái mei ie ocuífufuemo jeire otíomoi? ²¹ Dáarie bie íaioi ocuica fímairilla uáimona bie izói daide: “Bie riñeno iri,” íemo jáí “Afeniaina güiñeno iri,” íemo nane jáí “Baie jetáñeno iri,” daide. ²² Nana bie rairuúllafuiái bie éniemo ite jétamona fúioicaite güilleniáimo dúide. Jira aféfuiaimo náfuenidíomoi. Nana afe íaioi ocuica uaillai fia jiba comini dáina uaillai. Daje izói fia jiba comini llófuega. ²³ Mei uáfueza, afe bífuiai báitafuiái izói cacáreide, mei afe ocuídino, “Bie cai dáina izói monamo itínona mai omoi caimátáifireiri” daií daidíaiioiza. Daje izói fia comini dáina comécina mánaidinona ómoína oréacadiaioi. Iemo jáí comini íaioi abi táinona duere zefuítatiaioi. Mei íadi nana bie íaioi ocuífufuiai cai comécimo ite fiénide óiacanafuiái rairuúllena canóñede.

3

¹ Iemona, Cristo diga meine abido cáatagamaci omoi illa jira, mai mei mona dibénemo ite raa omoi jenori. Mei afénomo Jesucristo Juzíñamui nabézimona illáimana íteza. ² Daje izói mona dibénemo ite raamo comécillano áfemo omoi járitaifireiri. Mei jáifodo biniemo ite ráfuiaimo izire comeci uitáñeno omoi iri. ³ Mei Cristo tíllaruimo afémie diga jae tíidinona jáidiomoi. Jae omoi jaiai fiéni finóacagafue titaca izói afe omoi fáicanocaiga. Iemo ja birui Crístomo dájena omoi jaináinamona omoi uáfueña cáatagano; íemo jáí Juzíñamui dínomo rairuúcaomoi, mei Cristo daje izói Juzíñamuimo dájena jaináideza. ⁴ Dama Cristo cai uáfueña cáatagano. Iemo afémie cíocaille llezica, afémie diga cíocaitiomoi. Afe llezica afémiemo ite jamánomo ebírede ñúefuiaimona ómoiena máíñoitíomoi.

Cai jaiai illafue méiduano cómfuedo jáiredicai

⁵ Ie jira nauí bie éniemo omoi jainaina jira, ómoimo diga fiéni óiacanafuiái ite. Aféfuiai titalle izói mai omoi fáicanocairi. Naga áinidimie ringo diga jaca iñeno o iri. Iemo jáí, áiredimie ie áíñedingo diga jaca iñeno o iri. Iemo daje izói jáíe cómemo íaifuiado comécíñeno omoi iri, íemo jáí omoi abímona comuide jiruífueña omoi finóñeno iri. Daje izói omoi comeci fiéni óiacanafueña jeire oñeno omoi iri. Iemo nane jáíe cómemo úradoiñeno omoi iri, mei úradoifiredimie diga raa óiacanamona jánaraímo caimátáidimie izóideza; Juzíñamui ífuiai baímo jamái binié raana izíruíteza. ⁶ Ie jira nana bífuiaimona íemo cacáñedinona Juzíñamui iere duere finófirede. ⁷ Iemo jaiai Crístomo omoi ínnoñena llezica, nana bie izóidífuiai finófirediomoi. ⁸ Mei íadi ja birui nana bie fáicanocairi: Jáímamo icíriñeno omoi iri, íemo rírede uaillai bumó lloñeno omoi iri. Daje izói jáíe fiénidífuiai finóñeno omoi iri. Iemo jáíma jánana úriñeno omoi iri. Daje izói jáíma zanóllena fiénide uáillaido íaire úriñeno omoi iri. ⁹ Conímamo táinona lloñeno omoi iri, mei omoi jaiai fiéni illafue jae méidogaza. Daje izói nano omoi finófírega jae fáicanocaigaza. ¹⁰ Iemo ja birui comue iníroi jita izói ñue illáfueña ja méidotíomoi. Iemo afe comue illafue comuítatimie Juzíñamui. Ie jira ie illa izói afémie caína cómuena finótacana uite. Iemona afémiena ñue ícoímo ónoitícaí. ¹¹ Afe jira afe cómomaci judío ímiena ie íllana náfuenidiaioi. Iemo jáí judíoñedimiena ie íllana daje izói náfuenidiaioi. Iemo jáí afémaci bacano quetácamiéna ie íllana náfuenidiaioi; daje izói quétañegamiéna náfuenidiaioi. Afe izói afémaci onínemaci íllana, íemo jáí onóñedino íllana, íemo jáí izire ocuífíregano íllana,

íemo jiái ócuifinigano íllana náfuenediaioi. Mei jiáifodo afémacimo Cristo iere jamánomo ráifinamona dama afémiemo náfufirediaioi. Mei Cristo naga íemo ínotinomo ífiredeza.

¹² Iemona bífue mo cácarei: Juzíñamui ómoína izíruite. Izíruillano afémiemo ómoína nize de ie íaifuenide comínina omoi íllena. Mei ie jira bie ñúefuiaí izóí omoi ífireiri: Jiáimacimo dúcaifireiri. Jeruíñeno canófredimiena omoi iri. Comécina mánaidimiena omoi iri, cáimafuiaido úrifireiri, járidoñeno omoi iri. ¹³ Conímamo jaca járidoñeno fáicana omoi canori. Daa come jiámamo icíriadi afémiemo ñúefuedo omoi jicari, áfedo icírafue záillena. Omoi íaifue ícoinia Cristo oni féitaja izóí, afe izóí jiáimie omo fienu finóadi afe ícoinia oni o féitafireiri. ¹⁴ Nana bífuiái emódomo iere omoi izíruifireiri. Mei afe izíruillafue cómena dájena jainátateza, jiáimaci diga. Afe daíí jiáimacina cai izíruillamona, nana afe ñúefuiaí jaícina caina finótate. ¹⁵ Iemona Cristo comuítaga caimare uái illafue omoi ifoci úrillana ífoiteza. Mei dáamaci izóí íemo cai jaináinamona afe bie izóí cai íllena Juzíñamui caina uáidoteza. Afe llezica jaca Juzíñamuina “Figora” omoi daíifireiri.

¹⁶ Mai mei nana omoi comécido Cristo daínauai jeire órediomoiiza. Afe mei aféuái ñue omoi onónamona conímama omoi llófuerei. Iemo daje llezica áfedo conímama ñue onóicana comécina omoi náiretari. Iemo jiái Juzíñamui íobitalliruai omoi rófireiri, jiáie íena caimátailliruai diga. Daíí ruano omoi comécido Juzíñamuina “Figora” omoi daíifireiri. ¹⁷ Mei jii, nana omoi jetácaga raa, íemo jiái ómoimo ocuica caimánidifue diga, naa omoi daíillifuiari cai Ocuíraima Jesús mámedido omoi finófireiri. Afe llezica Moo Juzíñamuina afémiedo “Figora” omoi daíifireiri.

Crístomo ínotinomo dúide comini diga finófirega uai

¹⁸ Daje izóí bie jiái llollífue mo omoi cácarei. Iníredingotiai, mai omoi inítiai anamo ñue ífireiri, mei Crístomo ínotinguaína omoi illa jira, afefue ínoredeza. ¹⁹ Daje izóí inítiai omoi áitaiña ñue izíruiri; afénguaina fiéniruiñeno omoi iri. ²⁰ Uruiaí, omoi móotaiña nágafue mo omoi cacáreiri, mei afe daíí omoi íllamona cai Ocuíraima íóbide. ²¹ Móotiai, omoi úruiaína ícidoñeno omoi iri, afémaci jacínaillamona minícana finónide daíí íaioi íñeillena. ²² Ocuífiregano, bíniemo ite omoi ocuídina nágafuiaimo ñue omoi cacáreiri. Daa afémaci ñue ómoimo comécillena afémaci fia eroína llezica ñue cacáreiño, mei íadi jiái daje izóí afémaci éroiñena llezica ñuera comécido omoi cacáreiri, mei Juzíñamuina ñúefuedo jacíruiticaiza. ²³ Daje izóí nana omoi finóacaiga raa, ñúefuedo finori. Comini dibénedo izóí táijíño, Juzíñamuimo o táijina izóí omoi finori. ²⁴ Mei ja onódiomoiiza, Juzíñamui ómoimo lloga omoi jirídolle zíiño illifue afémiemo ómoimo fécaiteza. Mei uáfueza Cristo ocuícamacina maméidiomoiiza. Afémiemo omoi ua Ocuíraima. ²⁵ Mei íadi fienu finódimie afe íbana ie fienu finua dieze duere finóbite. Mei Juzíñamui jaca dáamie oni énenorie maméñede. Nana daje dieze jaícina duere fínoite.

4

¹ Ocuíraini, omoi anamo ite ocuífireganomo ñue jaícina omoi eroiri. Afémaci jitaica raamo uibíoicana omoi ocuífireiri. Mei monamo omoi Ocuíraima ítena onórediomoiiza.

² Mai fáicaiño Juzíñamuimo omoi úrifireiri. Jaca afémiemo cáaoína izóí úriri. Afe llezica “Figora” Juzíñamuina omoi daíifireiri. ³ Daje izóí cáiena Juzíñamuimo omoi jicáfireiri, cai Ocuíraima uailai ñue cai llócaillena. Juzíñamui bie izóí caina itátallena omoi jicari. Daje izóí nauí comini figo ónoñega Cristo dibénedo uai, uáfori cue llófuellena omoi jicari, mei daíí llófuere diceza. Nauí afefue cue llua jira ja birui llavébidicue. ⁴ Mai omoi Juzíñamuimo jicari, bie ñúefue cuemo dúina izóí, onóreoicana jino cue llóllena.

⁵ Crístomo ínoñedino cígimo jaca ñue onódimie izóí omoi ífireiri. Nágarui Cristo illafue afémacimo raire omoi ácatafireiri. ⁶ Nágarui cáimafuiaido úriredio. Daje izóí jaca ñue oíacano o úriri, illa dígamie uai ñue o óllena.

Iraicaiño uáiduafue

⁷ Cai izíruiga ama Tíquico, cuemo birui itifue ómoimo lluájite. Afémie fáicanocaiño iere cue canófredimie. Daje izói afémie cai Ocuíraima cue diga ocuífregamiena ite. ⁸ Ie jira afémiena ómoimo óreiticue, birui cai illafue ómoína onótallena; íemo jiái omoi comeci náiretallena. ⁹ Afe llezica jiáimie Onésimo mámeciredimie Tíquico diga jáite. Afémie cai izíruiga ama, íemo jiái iere ínofiregamie. Afémie ómoimaci ie. Afe íaillinoi nana benomo ífredifuiái ómoimo llóitiaillinoi.

¹⁰ Iemo cue llavébilla llezica cue nabai Aristarco, uaillai ómoimo orede. Daje izói Bernabé enaize Marcos uaillai ómoimo orede. Marcos dibénedo jiáie lluáfuiái ja onódiomoiza. Afémie omoi méiñuadi, caimare íena omoi uáidori. ¹¹ Iemo jiái Jesús ómoína uáidote. Afémie jiái Jústona mámeciredimie. Juzíñamui illaíma illano dibénedo cue táijina llezica, daa afe bimaci judíuaimona Crístomo ínotino cue canódino. Afémaci iere daa cue íóbitadino. ¹² Iemo jiái Epafras uaillai ómoimo orede. Afémie ómoimaci ie. Daje izói Cristo ocuífregamie. Afémie ómoiena jaca izire Juzíñamuimo jicáfiredé, fáicanocaiño Juzíñamuimo omoi ínollena. Daje izói Juzíñamui dibénedo ñue omoi móonaillena íemo jiái nana Juzíñamui comeci jítaina izói jaícina ñue omoi finóllena, afémie Juzíñamuimo jicáfiredé. ¹³ Afémie iere ómoimo comécíillana uaina nabáifiredicue. Daje izói afémie jiái Laodicea jofue comínimo iere comécíifiredé, naa Hierápolis jofue comíniri. ¹⁴ Iemo jiái izíruiga manóriraima Lucas uai orede, daje izói Demas.

¹⁵ Iemo jiái Laodicea jófuego ite ámatiaí uáidori. Daje izói Ninfas dainámie omoi uáidori, naa ie jofomo gairífirede ínotino diga. ¹⁶ Bie rabe omoi nana facádua mei, Laodicea Juzíñamuimo gairíracomo facádollena omoi oreri. Daje izói Laodicéamo cue oreca rabe omoi diné dúciadi, nana omoi facádori. ¹⁷ Jiái Arquípomo lloiri: “Mai cacai, Juzíñamui omo jónega ie táijina mai ñue jaícina o fuitari,” daíri.

¹⁸ Cue Páblodicue. Afena uafue daíllena, bie uáidua uai dama cue ónoído ómoimo cueticue. Onótiomoiza, cue mei llavébidicueza; ie jira Juzíñamuimo cue dibénedo úiri. Juzíñamui ñue ómoído eróiteza. Mai daítadeza. Jae ñie.

NANOIDE SAN PABLO TESALONICA IMÁCIMO ORÉCABE

Primera Carta del Apóstol San Pablo a los Tesalonicenses

Tesalónicamo ite ñnotimacimo Pablo ie nabáñiairi rabe cuetíaioi

¹ Cue Páblodicue. Bie rabe Tesalónica jófue mo ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Moo Juzíñamuimo dájena jaináidiomoi. Daje izói cai Ocuíraima Jesucristo dájena jaináidiomoi. Cai Moo Juzíñamui ézicigafue mo caimare omoi iri. Daje izói Juzíñamui fecaca comeci ñue uái illáfue mo omoi iri. Afe izói ie jitó cai Ocuíraima Jesucristo comeci ñue uái illáfue mo omoi iri.

Tesalónica imaci íaioi Jesumo ñnuafue ñue jino ácatatiaioi

² Nana ómoiri Juzíñamuina “Figora” daiñfiredicai. Daje llezica Juzíñamuimo cai úrillamo nana ómoina uibíoidicai. ³ Cai Moo Juzíñamui uie como ómoina uibíoidicai, jamánomo ñnuafuedo omoi táijina jira. Afe llezica aillo izíruillafuedo comínina canócana táijifirediomoi. Ie emódomo cai Ocuíramamo omoi úñuafue jaca fáicanocañediomoi. ⁴ Cai ámatiai, Juzíñamui ómoina izíruite. Afe Juzíñamui nizécamacidiomoi za onódicai. ⁵ Meita naui jíllonafue ómoimo cai lluaíbillaruido aféfuena fia daína uáillaído lloñédicai, mei íadi Ñuera Joreño ríinodo lloticai. Daje izói afefue uáfuena ñue cue onóigamona áfena uai jizíñeno jino ómoimo lloticai. Omoi cigido cai ñue illáfue mo, áfedo omoi comeci ñue illena onódiomoi.

⁶ Omoimo cai jino cíotaga illafue izói ja dani ñue macádiomoi. Daje izói cai Ocuíraima Jesucristo maca izói macádiomoi. Afe llezica cai llogáuaina ñue jeire otíomoi. Ua Ñuera Joreño fecaca cáimafuedo afe uai jeire otíomoi, afefue ícoinia duere finócaomoi íadi. ⁷ Iemona ñuera illafue jino cíotatinona íficaidiomoi. Ua nana Macedonia éniemo ite ñnotimacina, daje izói Acaya éniemo ite ñnotinona fidítatiomoi. ⁸ Mei jira Ocuíraima Jesucristo llogáuai ómoimona nana Macedóniammo énie Acaya énie diga jica jalleide. Ie mei afe baímo Juzíñamuimo omoi ñnogafue jae náganiammo jica jalleide. Ie jira jae cai jíáifodo daiñlifue iñede. ⁹ Mei afeno imaci omoi ñue caina llínuafue llotíaioi. Ie emódomo jánaraimo omoi ñnuafue fáicanocaillano caade Juzíñamuimo omoi ñnollena llotíaioi. Afe ua caade Juzíñamuimo omoi como fueñe táijnafuedo úritiaioi. ¹⁰ Ie baímo tállanomona Juzíñamui cáataga Jitó, monámona meine bíllena ie omoi úñuafue llotíaioi. Afe meine abido cáataga Jesús, cai jíllotaraíma; ua uire biite cai iere duere finóllifue mona, afémie caina jíllotaite.

2

Pablo Tesalónicamo táijnafue

¹ Amatai, naui ómoído cue illafue fia táinomo baíñede, dani áfena ñue onódiomoi za. ² Afe cue billa uícode Filipos jofue comini caina baíñota duere caina finódiaioi. Mei íadi Juzíñamui cai cánuamona afe ñue jíllonafue uáfodo jacíruiñeno ómoimo jino lloticue, jíaimaci caina uáitaoidiaioi íadi. Afena onódiomoi. ³ Cai comeci jífueinamona ómoimo cai llogáfuiái lloñédicai. Daje izói fiéni ómoina maméñedicai. Daje izói ómoina jífueacañedicai. ⁴ Omoimo cai llogafue jíáifodo joide. Cai fígomieillena Juzíñamui facátagamacidicai. Nue jíllonafue uai Juzíñamui ómoimo caina llotátate. Mei jira dai ómoimo jino lloticai. Comini baímo Juzíñamuina íobitadicai, afémie cai comeci ífuiái eroille

jira. ⁵ Ebírede uáillaído ómoína fia bífueñedicaí. Afena onódiomoiza. Iemo fia úcube caí óllena táinofuiaina lloñédicaí. Juzíñamui bífueмо uai nabáiraimana afefue uáfuellena. ⁶ Comínina ñúefuiaina caimo nitátañédicaí. Mei íadi omoi onódiomoiza; daje izói jiáimaci onode, caí Cristo orécamacídicaí. Afemona ocuilla riino caimo ite, omoi caí ocuíllena. Aféfuemo ómoína izire cacáreitaredicaí. Mei íadi afe izói ómoína ocuíñédicaí. ⁷ Jiáifodo ómoína icíñeno fíaicana omoi cígimo llófueticai. Ua úrue ei úruiaí comúitaja úiñua izói, ómoína dúecaillano izíruiticaí. ⁸ Omoína jamánomo izíruiticaí. Iemona Juzíñamui lloga ñúefue ómoímo llóllena ñue ja finóbídicaí. Afe baímo nana caí comeci ífuiái ómoímo fecáacadicaí, ómoína iere caí izíruillamona. ⁹ Amatiaí, nauí caí jitaica raa caí óllena izire caí táijina, uibídiomoi. Ua daí riire caí níciduana áfemo uibíoidiomoi. Mona naio diga táijifiredicaí ómoímona bu abina jafue fínoñeíllena. Mei afe llezica Juzíñamui lloga ñuera uai ómoímo jino lloticaí. Afe uaina jai ínotimacídiamoi.

¹⁰ Jaca omoi uíécomo íaífuenino macádicaí. Daje izói buna jífueñeno macádicaí. Nana omoi Juzíñamui diga áfemo uai nabáífrediomoi. Daí buna caimo nífuena nitánidiaíoi. ¹¹ Mei illa dígamie omoi comécina náiretadicaí, onódiomoiza. Daje izói úrue moo ie úruemo dúecaillano fíraja izói ómoína fíradicaí. ¹² Juzíñamui íeiena omoi maméinamona omoi jaícina nágarui ñue macállifue jitáirede. Afefue nauí ómoímo ocuídícue. Juzíñamui ie náamataganona jíirite ie illáimana illánomo omoi jáíllena, afe llezica Juzíñamui ebírenafuena omoi onóíllena.

¹³ Bífueri iere Juzíñamuina “Figora” daíífredicaí. Cáimona omoi cacana Juzíñamui uai dibénedo, “Afe uai jiba come uai” daííñediomoi. Mei íadi aféuai illa izói, dama Juzíñamui nahí uai jeire otíomoi. Afe Juzíñamui uai ja omoi ínotino comécimo ñúefuiaina déioicaide. ¹⁴ Amatiaí, cácarei. Omoi comínimona duere omoi finóbiadi, jae judéamo ite Juzíñamuimo gairídino izói íficaídiomoi. Afémaci Jesucrístomo daje izói jaináidiaíoi; mei íadi íaíoi éniemo ite judíuaimona daje duere finóinafuemo duere zefuídíaíoi omoi zefuilla izói. ¹⁵ Afe judíuai duere finódino caí Ocuíraíma Jesuna fatíaíoi. Jaiái ninomo daní íaíoi Juzíñamui uai jino llóraini fatíaíoi. Afe judíuai dáarie jófuemona caina jino jíúdiaíoi. Afémaci Juzíñamuina íóbitañediaíoi. Daje izói nana comínina uáitaoidiaíoi. ¹⁶ Mei judíoñedinomo bifue caí llóiacaniadi caina rairuácadiaíoi. Daje izói aféfuemona afe judíoñedino jíllollena, caí lloi daíi caina rairuácadiaíoi. Afe ícoínia íaíoi fiénidífuiaí aillo ofíoicaide. Mei íadi biruí ícoímo aféfuiaí ícoínia Juzíñamui íaíoina jamánomo duere finode.

Pablo meine Tesalónica comíni eróizaiacade

¹⁷ Amatiaí, ómoímona nano nié dino oni jáídicaí. Mei conímana cíóñédicaí íadi ómoímo comeci facáoidicaí. Afe jira izire ómoína cíoizaíbiacadicaí. ¹⁸ Omoi illánomo caí jáíllena mamériticaí. Cue dama diga ícaíño iere jáiacadícue. Mei íadi naga caí jáiacanaruillaído Taife llótaídogacaí. ¹⁹ Mei ie jira ¿Mínica mei caí úiñoigafuena? ¿Mínica caí íóbillafuena? ¿Mínícamona caí caimátaíllafue comuide? ¿Mínícamona caí comeci zuitáinafue comuide? Mei cue llófuega Juzíñamui uaina ñue ínotíomoiza. Ie jira caí Ocuíraíma Jesucristo billíruimo daní omoi, daa bie caí comeci íóbillafuena. ²⁰ Uáfueña, omoi caí comeci zuitáinafueña, caí cámafue diga.

3

¹ Mei jira afe baímo are cue úiñoñidícue. Ie jira benó Aténasmo dama cue illífuena maméritícue. ² Afe llezica caí ama Timoteo ómoína eróizaitadícue. Afémie Juzíñamui ñue táijitagamie. Afémie caí diga Jesucristo ñúefue jino llúamo táijide. Omoi ínogafuemo ómoína ñue riire naire itátaite. ³ Iemona ómoímona buna baie duere omoi finóinamona omoi ínogafuena féitañede. Mei afe bie zúufuiaído duere caí finóbille jitáirede. Afena

onódiomoiza. ⁴ Afe emódomo nauí ómoiri cai illa llezica afe duere cai zefuillifue ómoimo lloticaí. Afe daií ómoimo ja íficaide. Ja onódiomoiza. ⁵ Ie jira áfena ja iere cue ocuñenamona, omoi ñnogafuedo mácajana jicánotadicue. Mei Taife ómoína fiénidifueмо baiitate izóinamona cue comeci jacíruioide. Daií cai táijina táinomo jifánofide izoide.

⁶ Mei íadi ja birui Timoteo Tesalónicamona meine dúcide. Afémie ñue omoi ñnuafue izíruillafue diga cai lluaíbite. Caina izíruillano caimo omoi uibíoinafue Timoteo lluaíbite. Ie mei ómoína cai cióacana izói caina iere cióacadiomoi; daií Timoteo caimo lluaíbite. ⁷ Iemona aillo duere cai finóinafue illa llezica omoi ñnogafuedo ñue jaícina omoi mácajana fidídícue. Aferi cai comeci iere ñue fírazite. ⁸ Cai Ocuíraimamo ja birui ñue jaináidíomoi. Afena cai onónamona caimo cómofuena comuide. ⁹ Ua ómoiri iere ióbidicaí. Juzíñamui uiécomo caina iere ióbitadiomoi. Afe aillo cámafueri Juzíñamuina ibana “Iere figura” fáicanocaiñeno daiíredicaí. ¹⁰ Mona naio diga conima uiécomo eróicana ómoimo cai úrillena Juzíñamuimo izire jicádicaí. Afe llezica omoi ñnogafuemona nai fiébide uai jaícina cai fuitállena Juzíñamuimo jicádicaí.

¹¹ Omoi cai eróizaillena daa cai Moo Juzíñamui naa cai Ocuíraima Jesucristori cai canóllena jitáidicaí. ¹² Omoi ñnogafue oni móonaillena cai Ocuíraimamo jicádícue. Afe izói conímana omoi izíruillena jicádícue; daje izói naa jíaimaciari. Omoína cai izíruilla izói mai nana jíaimacina omoi izírui. ¹³ Omoi comeci jaícina jónellena jicádícue. Daje izói cai Moo Juzíñamui uiécomo omoi nífuenillena ñue finócafue jicádícue. Iemona cai Ocuíraima Jesús billíruimo méairuiñeitiomoi. Aféruimo nana íemo jaináidíno afémie diga bené biite.

4

Juzíñamui ióbitade illafue

¹ Cue ámatiaí, omoi cácarei. Birui cai Ocuíraima Jesús mámecido izire ómoimo jicádícue. Daje izói izire ómoína llétaitícue; nauí ómoimo cai lloga Juzíñamui ióbilla illafue daií omoi iri. Aféfuena afe emódomo aillo omoi móonaitaocairi.

² Cai Ocuíraima Jesús riífuedo ómoimo lloga lléfafuena onódiomoi. ³ Juzíñamui dama ie nabaina finócamacina omoi jáillena afémie jítaide. Ie jira nana omoi jiruíreñeno iri. Dama nahí ai diga illa figona. ⁴ Ua Juzíñamui eróicana áireri. Afengo ua mei íena jámairuiñeno íena o izírui. ⁵ Juzíñamui onóñedíno fia íaioi comeci fiéni óiacanafuedo áirenaza, mei íadi afe izói omoi iñeno iri. ⁶ Daje izói izire ómoína dáitícue, o abi come ie áina jífueta bairóñeno o iri. Daje izói o abi come ie inina jífueta meríñeno o iri. Afe bie izói itínona cai Ocuíraima Jesús, afémacina iere duere finoite, ómoimo cai llua izói. ⁷ Juzíñamui íaifuenidíno nágari cai íllena caina ocuide. Afe daií ie nabaina finócamacina cai íllena ocuide. ⁸ Ie jira bie llogafue jámairuitímie jiba cómena jámairuiñedeza; mei íadi Juzíñamuina jámairuite. Daje Juzíñamui ie Ñuera Joreño caimo fecaca. Afe bie Ñuera Joréñodo Juzíñamui íeiena caina ñue finode. (Afémie íena ñue finódogacai.)

⁹ Juzíñamui ómoína llófuete conímana omoi izíruillena. Ie jira jíaie ámatiaína omoi izírulle cue llóllena jitáinide. ¹⁰ Mei jíi, afe daií nana Macedonia éniemo ite ámatiaína ñue izíruiomoi. Mei íadi omoi izíruillafue aillo móonaiocaillena izire jicádícue. ¹¹ Caimare ñue illáfueмо mai riire omoi iri. Daje izói dani omoi nícidogafuiaí izire omoi llínori. Nauí omoi cai llua izói mai ñue izire omoi táijiri. ¹² Afemona onínemaci omoi uáillaímo ñue cacáritiaioi. Afe llezica omoi ñue táijinamona minícana jítaiñeitiomoi.

Cai Ocuíraima billafue

¹³ Amatiaí, tíidíno íficaillafuena omoi onóñenana jitáiñedícue. Aféfuena omoi fidíadi zúucaíñeitiomoi. Jíaie cáaillfueмо comécíñedíno zuure jáitiaioi. ¹⁴ Afe Jesús tíllano

meine abido cáanafuemo cai ínua izói, afe daje izói Juzíñamuimo ínnotino tídiaioi íadi, Jesucristodo Juzíñamui íaioi cáatallifuemo ínnotícaí.

¹⁵ Ie jira cai Ocuíraíma cai llófueinafue ómoímo llóitícue. Afémie billíruimo cáímona cáadímaci tídímacímona uícoficaiñeítícaí. ¹⁶ Mei dama cai Ocuíraíma riire ocuille uaido úricana monámona ana biite. Afe llezica Juzíñamui abi imaci illaíma uai cáacaite. Daje llezica Juzíñamui ficírede vudugoi cáacaite. Iemona Jesucristomo ínnotino tídímaci nano fueñe cáaitiaioi. ¹⁷ Afe mei aféruimo caade ínnotino afe cáataga tídíno díga daane úillie cígímo itábicaítícaí. Ua dínomo nana dáanomó itábicaítícaí, cai Ocuíraíma Jesucristo díga caífo táífomo cai cíozaillena. Afemona cai Ocuíraíma díga jaca ua nínomo zíñona ítícaí. ¹⁸ Ie jira búaido conímána caímare omoí fírari.

5

¹ Mei íadi afe íraíruillaído cue ómoímo cuelle jítaínide. ² Afe afémie billíruína ñue onódiomóiza. Omoí due jiza úíñoillíruimo cai Ocuíraíma dúcite onódiomóiza. Ua merírizaíbitímie naío billa izói biite. ³ “Comecí ñue uái illafue nana caímo ite. Cai jacíruillafue íñede,” comíni dáina llezica níne íaioi táínocaíllí fue ónonino íaioímo raíre zúite. Ua ríngo úrue jocóacana llezica ero izírena izói, afe táínocaíllí fue íaioímo zúite. Afemona jaca buna oni jíllonide.

⁴ Mei íadi, ámatiaí, omoí cácarei. Jítífo íñédiomóiza, cai Ocuíraíma bíllemo jáicaiñeítíomóiza. Ua, meríriraíma jacínailla izói jáicaiñeítíomóiza. ⁵ Mei nana omoí úzefomo jáináidínodíomoi. Daje izói monánemacídíomoi. Naío imáciñedícaí; daje izói jítfífo imáciñedícaí. ⁶ Ie jira jaca ínínidímacídícaí jíáímaci ínía izói. Afe jira cai abína ñue onónafuedo cáaoiredícaí. ⁷ Ínídino jaca naío ínídíaioi. Jífaífredíno jaca naío jífaífredíaioi. ⁸ Mei íadi monánemacína cai íllamona abína ñue cai onónafuedo cai íllana jítaírede. Jesumo cai ínuaufuedo abína dani ríidoredícaí. Daje izói jíáímana cai izíruillafuedo abína dani ríidoredícaí. Ua fuíriraíma íe jogóbemo jítaíca llojécodo íe abi ríidua izói, afe izói bífuíaído dani cai abína ríidoredícaí. Afe jíáí fue, cai jíllollemo cai úíñoína fue ua ífomo jítaíca ríidua llojeco izoide. Afedo fuíriraíma íe ífona ríidote. ⁹ Mei cai duere finóbillena Juzíñamui caína maméñede. Mei íadi cai Ocuíraíma Jesucristodo jíllonafuemo cai dúcínana Juzíñamui caína mamede. ¹⁰ Jesucristo caíri tíide daane afémie díga cai íllena; ua daje izói cai caadí cai tíadi, afémie díga ítícaí. ¹¹ Ie jira uáillaído conímána omoí náíretari. Afe izói maí dani omoí comecí rííretari. Ja biruí afe bí fue omoí fínua izói, baímo omoí finóicaíri.

Pablo ámatiaí cáímafuedo lletade

¹² Amatiaí, omoí cígímo Juzíñamui uáillaído tájídíno maí uaimo ñue omoí cacáreiri. Daí ízire jícadícue. Mei afémaci cai Ocuíraíma Jesucristo uai ómoína jeire otátatiaioi. Jesucristo mámedído ómoína lletádiaioi. ¹³ Íaioi caímo tájínamona, íaioi dáinana ñue cai cacáreíllena jítaírede. Daje izói íaioína cai izíruíllena jítaírede. Coníma comécína omoí jacíruiñeno íri.

¹⁴ Daje izói, ámatiaí, ómoímo jíáíe uai jóonenocaidícue: Afe uallaí daí bie izói ite. Tájíacañedínomo íaioi tájíjilleza riire omoí lloíri. Comécína náínidínona maí omoí náíretari. Juzíñamui uai como jabo ínnotínona maí omoí canori íere íaioi ínollena. Naga cómemo o comecí járidoñeno maí omoí úriri.

¹⁵ Dámie fiení omoí finóadi afe íba úamona abi omoí rairuíri. Mei abido dájeicana jíáífodo ñue omoí finori. Conímamo ñue omoí finori. Afe omoí finóllí fue ízire omoí jenori. Daje izói nana jíáímíllaído ñue omoí finori.

¹⁶ Jaca caimare omoi iri. ¹⁷ Fáinocaiñeno Juzíñamuimo úriri. ¹⁸ Nágarui ómoimo íficaide raana, mai Juzíñamuina “Figora” omoi daíri. Mei Jesucristomo ñnotimacina cai íllamona, afe izói cai daíífirenana Juzíñamui óiacade.

¹⁹ Juzíñamui Ñuera Joreño cómemo úritallifuena rairuíñeno omoi iri. ²⁰ Juzíñamui úritagamíai llogáfuena jámairuíñeno omoi iri. ²¹ Nana daináfuiái omoi facátari Juzíñamui llogafue iéniadi onóillena. Facátajamona ñúefuena jeire omoi oíri. ²² Nana figóñedífuemona mai oni omoi iri.

²³ Ja birui Juzíñamuimo jicádicue. Juzíñamui cai comeci ñue uái illafue caimo fecáfiredede. Daje Juzíñamuimo, nana omoi ñue íeiéna maméillena íemo jicádicue. Daje izói benómona cai Ocuíraima Jesucristo bíllemo, Juzíñamui omoi joreño, omoi comeci, omoi abi diga, nana jaca íaidoñeno ñue úiñollena jicádicue. ²⁴ Omoi Ocuíraima Jesús dáinana jaca oni jíáíuaimo úinide. Afémie nana bífuiaina dúcitaite.

Iraicaiño uáiduanó ézicite

²⁵ Amatíai, mai Juzíñamuido caimo omoi jicáfíreiri.

²⁶ Ñue cáimaduano nana ámatíai omoi uáidori.

²⁷ Cai Ocuíraima ríifuedo ómoimo uai jóonenocaidícue bie cüegabe nana ámatíaimo jino omoi facádollena.

²⁸ Cai Ocuíraima Jesucristo ómoína ñue ézicíteza. Jae ñie. Mai, daítadeza.

MÉIFODO SAN PABLO TESALONICA IMÁCIMO ORÉCABE

Segunda Carta del Apóstol San Pablo a los Tesalonicenses

Tesalónicamo ite Juzíñamuimo ñnotimacimo Pablo ie nabáññairi rabe cuetiaioi

¹ Cue Páblodicue. Bie rabe Tesalónica jófuemo ite Juzíñamuimo gairide ámatiaimo cuetiecue. Benó cue diga ite cue nabai íaillinoi Silvano Timoteo diga dáabemo cai uai cuetiecue. Cai Moo Juzíñamuimo jaináidiomoi. Daje izói cai Ocuíraima Jesucristomo jaináidiomoi. ² Ñue cai Moo Juzíñamui ézicigafuiaimo omoi iri. Daje izói Juzíñamui fecaca comeci ñue uái illáfuemo omoi iri. Cai Ocuíraima Jesucristo fecaca ézicigafuemo daje izói caimare omoi iri, ie comeci ñue uái illafue diga.

Jesucristo billa llezica, Juzíñamui éniemo ite fiénidinona duere fiñoite

³ Amatiai, ómoiri Juzíñamuina “Iere figura” daiífiredicai. Daií ómoína cai daiíllifue ñue jaícina jóide, omoi ñnogafue oni aillo mónaioicailla jira. Dani conímaiaína jamánomo ñue izíruioicaidiomoi. Iemona áferi Juzíñamuina “Aillo figura” daiífiredicai. ⁴ Ua omoi iere ñnogafue jáie Juzíñamuimo gairídinomo aféfuere ióbioicana úriticai. Jáímaci, Jesumo ñnoñedino, jacire omoi duere finóllena racádiaioi. Mei íadi afe duere omoi zéfuillafue cígiri, ñue comeci jaríreiñenafue jino cíotatiomoi naa ñue omoi ñnogafuiairi. ⁵ Ja duere finótagamacidiomoi, mei íadi Juzíñamui ómoimo ñue coméide ie illáimana illíruimo ñue nífuenino omoi dúcillena. Bífuemona Juzíñamui jicánuafue ñue jaícina jóinana jino náiraímo cíotate. Afe Juzíñamui illáimana illíruido duere finócaomoi.

⁶ Mei Juzíñamui ñue jaícina finódime, omoi duere finódino ibana duere íaioína finótallena. ⁷ Ua cai izói duere finócamacidiomoi, mei íadi Juzíñamui cai izói ómoína caimare ocózinaitaite. Ua cai Ocuíraima Jesucristo bíniemo cíocalliruimo, afémie caína caimare ocózinaitaite. Aféruimo afémie ie jamánomo rírede abi imácri monámona cíocaite; ua réiciai izoide cígido cíocaitiaioi. ⁸ Juzíñamuina onóacañedino Jesucristo íaioína duere finótaibite. Daje izói cai Ocuíraima Jesucristo ñúfuena jeire óiacañedino duere finótaibite. ⁹ Nana afe fiénidimacina jaca ninomo jíllloñoeno duere íaioína finótaite. Ua cai Ocuíraima uíecomona jica ninomo dótaite. Afémie ebire illánomona jica ninomo íitiaioi. Ie ríinona ónoñeitiaioi. ¹⁰ Aféruido Jesucristomo jaináidino íena “Iere figomie” dáitiaioi. Daje izói nana ie uaimo ñnotino íena caimare ióbitaite. Ja ómoimo cai llogáfuena ñue ñnotiomoi za.

¹¹ Bifue jira ómoiri Juzíñamuimo comeci úrifiredicai. Omoi nífuenino illafue Juzíñamuimo jicáfiredicai, Jesucristo jírígamacina omoi illa jira. Daje izói nana omoi comeci jitaina ñue illifue, ñue ícoimo Juzíñamui ríinodo fuitállena jicádicaí. Afe izói Juzíñamui uai omoi jeire úamona finócafuiái fuitállena Moo Juzíñamuimo jicádicaí. ¹² Bífuemona cai Ocuíraima Jesucristo mámece omoi nícidogafuedo ñue caimare úbicaitaite. Afe ibana cai Moo Juzíñamui cai Ocuíraima Jesucristo diga ómoína izíruillamona ñúfuiaí ómoimo nítaite.

2

Iere fiénidifuiaina orúdimie billifue

¹⁻² Amatiai, birui jae cai Ocuíraima Jesucristo billífuena ómoína nauí cue fidítagafue emódomo uai nabáiacadicue. Afe izói afémiemo dáanomo cai gairíllifue emódomo ja

ómoimo lloíacadicue. Dáarie taino llotino cai Ocuíraima billirui ja dúcidez daidíai. Afemona omoi comécinafuenta raire jiáfodo meídoñeillena izire jicádicai. Daje izói jiáie taino llogafue ite. Afe taino llotino daífirediaoi:

—Cai llogafue Juzíñamui Joreñomona oga. Cristo ja bíteza, —daidíai; mei íadi aféfuerei jacínaiñeno omoi iri. Afe izói omoi cacana fia júfidogafuerei jacínaiñeno omoi iri. Ie emódomo nie rabe omoi llínoia cai úrilla izóidibe, aféberi jacínaiñeno omoi iri. ³ Niémona táinofuemo jífueñeno abi omoi rairuiri. Ua Jesucristo billa úcodo, Juzíñamuina comíni uáitallifue uícomo cómuite. Aféruillaido iere fiénidifuiaina oruídime cíocaita. Afémie dama nine táinocaille. Dai Juzíñamui íena mamede. ⁴ Bímie Juzíñamuina bacáuaredime. Nana Juzíñamuido mameca ráaniaina bímie uáitano niné táinocaitaibite; daje izói nana Juzíñamuimo caimátaidinona anáfenuaibite naa jiáie caimátailla ráaniairi. Afémie Juzíñamuimo gairíracomo, afeco naama Juzíñamui izói, ráinazaibite. Dámie “Cue bie Juzíñamuidicue” daille.

⁵ ¿Nauí omoi diga cue illa llezica bifue ómoimo lloticue, íadi aféfuemo úbicaiñediómoi? ⁶ Afe fiénidifuiaredime nai bíñeillena jizilla raana onódiómoi. Afémie billirui raire cíocaiñellena Ñuera Joreño nai rairuide. ⁷ Afe jiáinomo lloñega fiéni illa maméinafue bie éniemo ja comuide. Aféfuena rairuídime cai cígimona oni ógana fiénidifuiái jamánomo jebuíoicaita. ⁸ Aféfuena rairuídime oni ollíruimo afe jamánamo íáibadime cíocaita. Iemo cai Ocuíraima Jesús ana billano, ie fuemo ite faidórafuedo afe íáibadimiena títaite. Ua ie billa meáirenado afémiena niné táinocaitaite. ⁹ Afe jamánomo fiénidime Taife táijnafuedo bite. Aillo íemo ite ríino ácataite. Afedo aillo cíorainina uaido finoca ráaniaido táinona jífueite naa jiáie taino onótate ráaniai diga. ¹⁰ Iemona afe íába naga fiénidifuiáido niné táinocaitallimacina jífueite. Jae niné táinocaitallimaci, Juzíñamui ua ñúefuena jeire óiacañedino jaca jílloneitiaoi. ¹¹ Afe jira Juzíñamui íaiói fiénidifue ínuamona íaioina íáibado jífuetaita. Daje izói táinofuiaina íaioina ínotaite. ¹² Mei fiénidifuiái Juzíñamuina ñúefue baimo íaiói gáinamona, Juzíñamui íaioina duere finótaite.

Jíllloillena nizécano

¹³ Mei cai benómona jaca ómoiri Juzíñamuina “Iere figura” daífiredicai. Jae cai Ocuíraima izíruiga daje amatiaidicai. Jaca jae nanómona Juzíñamui jíllloillena nizécamaciómoi. Mei ua ñúefue omoi jeire úamona Juzíñamui ómoina nizede. Daje izói caina ñúeitae Joreñodo Juzíñamui ómoina nizede. ¹⁴ Afe jira cai ómoimo lloga ñuera jíllona uaido Juzíñamui ómoina jírite, cai Ocuíraima Jesucristo illa ebíredifue dibénemo omoi íllena.

¹⁵ Amatiai, mai bífuemo jaícina omoi coméciri. Omoi cígiri dama cue llogáfuiaina, ie emódomo nana rabeo ómoimo cue cugáuaina féitañeno omoi iri. ¹⁶⁻¹⁷ Mai birui cai Ocuíraima Jesucristo cai Moo Juzíñamui diga omoi comeci caimare náretari. Mei jira cai Moo Juzíñamui ie comeci cáimafuedo caina izíruite. Afe llezica afémie cai comeci zúurenafue cáimafuena méidofrede jaca ninomo caimare cai íllena. Daje izói Juzíñamuido ñue cai illifue cai úíñoillena afémie caimo jino llote. Afe izói omoi comeci jaícina Juzíñamuimo jóillena jicádicue. Afemona bie nana ñúefuiai daírediómoi. Daje llezica afe ñúefuiai jino comínimo ácatarediómoi.

3

“Cairi Juzíñamuimo omoi jicari”

¹ Amatiai, íraifue ómoimo llotícueza. Cairi Juzíñamuimo omoi jicari, cai Ocuíraima llogáuai nágagobiaido raire dúciíteza. Afe emodo aféuai omoi jeire ua izói, afémaci jeire ólleza. ² Juzíñamuimo mai jiáfodo omoi jicari. Bie íáirede fiénidino cígimona cai zúitailleza, mai Juzíñamuimo omoi jicari. Mei nana comínimona nai nana íñoñediaoiza. ³ Mei íadi

cai Ocuíraima jaícina uafue llotímie. Afémie jiáino fiénidifuemo omoi báiiñeillena ómoína riire jaícina mozióide. Daje izói íaifuiaimona ómoína rairuíoide. ⁴ Cai Ocuíraima ñue ínogamie ícoinia, nauí ómoimo cai ocuícáfuiái jeire omoi úana ñue onódicai. Iemona daje izói aféfuiaina uire nágaruillaído jeire omoi óllena ñue onódicai. ⁵ Mai cai Ocuíraima ómoína cánoiteza, Juzíñamui ómoína izíruillafuena omoi onóillena. Daje izói Cristo comeci járidoñenafue ómoimo íllena jicádícue.

Naga come dani íaioi táijinamo táijirede

⁶ Amatiai, birui cai Ocuíraima Jesucristo mámeçido ómoína ocuídicaí. Naga táijiacañede ámamona oni omoi iri, mei afémie ómoimo cai llogáfuiái afe dibéfuemo íacañedeza. ⁷ Mei nauí omoi cígiri ómoimo cai cíotaga táijina izói, afe izói omoi íllena onódiomoi. Cai omoi cígiri fia táijíñeno íñédicaí. ⁸ Daje izói omoi güíllena íbáñeno fia güíñédicaí. Mei jiáífodo mona naio diga ocózinaiñeno táijifiredicaí, ómoimona daa cómena cai llégitañeillena. ⁹ Ua afe omoi caina canolle daí cai jicalle ríino caimo ite, mei íadi táijifiredicaí ñue illáfuenta ómoimo fidítallena, bie ómoimo cue cíotagafue izói omoi íllena. ¹⁰ Nauí omoi cígiri cai illa llezica, bie lletara uai ómoimo lloticaí: Táijiacañedímie jaca güíñeiteza. ¹¹ Mei jiáimaci caimo llotíaioi ómoimona dáarie táijíñediaioi. Táijíñeno fia illa llezica jiáie comini illáfuiaimo afémaci gágutajifirediaioi. ¹² Afe daí ite comínina cai Ocuíraima Jesucristo ríinodo ocuídicaí. Afe llezica íaioína riire daídicaí: Mai ñifue lloñeno omoi táijiri dani omoi jitaica ráaniai omoi ólleza, daídicaí.

¹³ Amatiai, omoi jetaca ñuera raana zefuíruíñeno omoi ñedóicairi. ¹⁴ Ninó dámie bie rabedo cai daínáuaina jeire oñéniadi, bu mei afe uaina ínoñedimienaza mai mei omoi eróiri íena onóillena. Ie mei afe cómemona ifo oni omoi fáinocairi, ie meáidilleza. ¹⁵ Mei íadi afémiena uáiogai ímiena maméñeno omoi iri. Afémie ama izói ñue omoi llófueri.

Iraicaiño Pablo afémaci caimare uáidonocaillafue

¹⁶ Mai cai comeci ñue uái illafue llófiredede Jesús, nágaruillaído, íemo náganuiáido afe comeci ñue uái illáfuenta ómoimo llóiteza. Afe izói cai Ocuíraima ómoína nabáfireiteza.

¹⁷ Mai, cue Páblodícue. Bie uáidua uai dama cue ónoído cueticue; bie cueticue cue mámeçi diga. Nana cue cuezábiamo daí jónefiredícue. Bie izói cúefiredícue. ¹⁸ Cai Ocuíraima Jesucristo ézicigafuemo ítiomoi. Jae ñie. Ja daítadeza.

NANOIDE SAN PABLO TIMOTÉOMO ORÉCABE Primera Carta del Apóstol San Pablo a Timoteo

Pablo Timotéomo cuete

¹ Páblodícue. Jesucristo ocuícamedícue. Cai Jíllotaraima Juzíñamui cai Ocuíraima Jesucristo díga íaillinoi daina uaido orécacue. Afe Jesucristodo cai ñue illifue abi úiñoticue. ² Juzíñamui uai coco íinogafuemo nahí cue jitó izóidí. Ie jira bibe omo cueticue. Cai Moo Juzíñamui íemo ñue cai Ocuíraima Jesucristo díga o ézicillena iere jitáidícue. Daje izóí afe íaillinoi omo dúecaillena jitáidícue. Iemona afe íaillinoi o comeci ñue uái íllena óiacadícue.

Jíáimaci íaioi taino llúafuiaido o jífueñeillena abí o rairuiri

³ Naui Macedóniamo cue jailla llezica Efeso jófuemo o fiébillena izire jicádícue. Aféruido afénomo o fiénocaidícue, afénomo itínuiamona dáarie taino llófuiana íaioina o rairuillena. ⁴ Daje llezica íaioi jaiái ninomo lloga ráfuiái naa jagai díga, áfena íaioina júfidotañeítioza. Íaioi jaiáigima lloga fuiñede ráfuiái llúana ráruitioza. Nana bífuiái taino llúafuiaimo cai comécina uite. Mei íadí nana bífuiái Juzíñamui caimo jóonega íemo cai íinogafuena ñue ícoimo fuitáñede.

⁵ Juzíñamui caimo jóonega llúajillifue bie izóí joide: Illa dígamie conímana ñue izíruedicái. Afe bie izíruilla íainide comécimona comuide. Daje izóí afe izíruilla comeci ñue úrillamona comuide; bie izíruilla afe izóí jíáimana jífueñede Juzíñamuimo íinogafuemona comuide. ⁶ Bie ñue izíruillafue díbénemona dáarie oni táifodo jáidiaioi. Afe taino llua ínota oni jíáfodo féiraitaioi. ⁷ Afémaci Juzíñamui lletara uai llófuetinona jáiacadiaioi, mei íadí dani íaioi daina uaina onóñediaioi. Iocire llófuetiaioi íadí íaioi llócaiga uaina ñue baitáñediaioi.

⁸ Juzíñamui lloga lletara uai ñúeraza onódicái. Búaido Juzíñamui naga come lletállena mamérite. Dámie Juzíñamui mamérilla izóí afe uaimo comécíadi ñuera. ⁹ Afe lletara uai ja ñúefuiái finófiredinomo llóñega. Afena ñue onódicái. Mei jíáfodo fiénide comínimo mameca. Bie izoide comínimo Juzíñamui lletara uai dúide. Afe comini illaíma lloga uaina uáitafirediaioi. Ocuícana náfueñediaioi. Fiénidífueña finófirediaioi. Daje izóí fiéniruidinona itíaioi. Afe izóí Juzíñamuina jacíruiñediaioi. Daje izóí Juzíñamuimo íinogafuemo náfueñediaioi. Iemo Juzíñamui lletara uai, moo ei díga fatínomo dúide. Daje izóí comínina titáfiredinomo dúide. ¹⁰ Afémaci naga ringomo fiéni comeci fácajano íáire finófirediaioi, afémaci áirediaioi íadí. Daje izóí jíáie íimana íáire finódiaioi. Juzíñamui lletara uai nana bie izoide comínimo dúide. Daje izóí cómena llaitádinomo dúide. Táinona úrifiredinomo dúide. Daje izóí uafue daíllena táinomo Juzíñamui mámecei llínotinomo dúide. Iemo Juzíñamui lletara uai nana jíáfodo jífueñede llófuiafuena uáitafiredinomo dúide. ¹¹ Afe bie jíáimacina jífueñede llófueinafue Juzíñamui cuemo llogafue daje izóí jóoide. Juzíñamui cuemo lloga uai nana comini ñue jíllona uai. Afe uai oni comínimo cue llúajillena, iere ñuera Juzíñamui jóonegacue.

Juzíñamui cuena dúecaillari iere figora daidícue

¹² Cai Ocuíraima Jesucristona “Figora” daidícue, mei afémie ie uai jino cue llúajille ríinona cuemo ígaza. Juzíñamui cuemo comécido facade: O táijnana fáicanocaiñeno ñue fuitáfiredí, daide. Jira bie uai llúajille táijillena Juzíñamui cuemo jóonete. ¹³ Jaiái uíécodo Juzíñamuina íáire daífiredícue. Daje izóí íemo ínotinona duere finóllena racáfiredícue. Afe llezica cue uaido Juzíñamuina icídícue. Bífuiáido Juzíñamuina duere finódícue íadí,

ja birui afe Juzíñamui nana bie ñúefuiái cuemo jóonete. Jaiái aféruillaído ie uaimo cue ñinoñena jira Juzíñamui iere cuemo dúecaide. Daje izói cue finuafue cue onóñena jira cuemo dúecaide. ¹⁴ Iemona cai Ocuíraíma iere ñue cuena ézicite. Daje llezica Cristo Jesumo dájena cai jaináinado aillo íemo ñnogafue naa ie izíruillafue diga caimo comuide.

¹⁵ Bie izóidifue iere uafue. Nana áfemo ñnoredicái. Bifue bie izói daide: Cristo Jesús fiénidino jíllotallena ana bíniemo bite. Afe fiénidinomona cue iere jamánomoina.

¹⁶ Mei daí iticue íadi Juzíñamui iere cuemo dúecaide. Are íllamona Juzíñamui cuemo dúecaillado náiraímo Jesucristo ie ñue comeci mánainafue cuedo jino íaioimo cíotote. Iemona comínimo ñúefuiái ja cíotatimiena jáidicue, mei fiénidifuiarede Páblodicuemo Juzíñamui iere dúecaideza. Jesumo cue ñnuamona cue comeci ífueña méidotícue. Afena onóíllamona nana zíñona illifue óiacadino, cue comeci ífue méidua izói, afe izói afémaci afémiemo ñnota íaioi comeci ífue ñúefueña méidoitiaioi. ¹⁷ Ie jira jaca tíñede buna cíóñena Juzíñamuina íóbicaadicaí. Afémie daade Juzíñamui, daje izói nana ráfuiaina onódimie. Afe zíñona Jamánomoidillaímamo ñue ebírede uai jaca nágarui íemo jóoneticaí. Daí jóoide.

¹⁸ Cue jító Timoteo, bifue omo jóonetícue. Riire fuirídime izói o iri. Nauí Juzíñamui mámeçido odo úritino, ñue o illifue llotíaioi. Afémaci daína izói mai birui o ñnori. O comeci úrillafue ñue o jóoneri. ¹⁹ Dámierie íaioi comeci úrillafueña náfueñenamona nocáe buíllamona táinocailla izói, íaioi ñnogafue mona oni táinocaidiaioi. ²⁰ Himenéomo Alejandro diga afe izói comuide. Ie jira afe íaillinoi Taífemo izájidicue, Taífe anamo íaillinoi daí zefuíllena. Dinomo Juzíñamui jánana úriñeillena ónoitiaillinoi.

2

Juzíñamuimo cai úrilla lluaíue

¹ Fueñe ona dáitícue: Mai nana comini íena Juzíñamuimo o jicáfireiri. Afena Juzíñamuimo ñnotinona o lloiri. Iemo jáí, izire comínimo ie dúecailleza mai jicari. Daí nana comini íena Juzíñamuimo o úrifireiri. Afe llezica nana comínido afémiena iere figora o daífireiri. Daí féitañeno nana comínido Juzíñamuimo ñue úrifireiri. ² Gobierno oreca omoi úñotimie íena Juzíñamuimo jicáredio, naa jáíe jaboide illaini diga. Afémaci íena izire o jicari, áfedo nífuenino caimare cai íllena. Daje izói comeci ñue uái illáfue mo íredicaí. Afe daí cai jicamona nana cai illáfueña Juzíñamuimo ñue mámeiticaí. Daje izói conima diga comécina ñueiticaí. ³ Bifue iere ñuera, cai jíllotafirede Juzíñamuina ñue íóbidade. ⁴ Mei afémie comeci jítainafue nana comínina jíllori, daide. Daje izói afémacina ua ráfueña onoiri, daide. ⁵ Cai Juzíñamui jaca dáadeza. Daje izói Juzíñamui eróicana caina ñue finódimie caido úritimie daade. Afémie Jesucristo. Afémie íaífuenidimie íadi, cai izóidimie. ⁶ Juzíñamui mamécaruimo dúciamona Jesucristo ie abina éeruiñeno nana cai jíllloillino íbana izájiga. ⁷ Iemona nana judíoñedinomo afe Juzíñamuimo ñnolle ua ñúefue cue llófuiaillena orécacue. Daí jíllona uai llujáfiredimiena jóonegacue. Crísto mo cue ñnuamona táinofue lloñédicueza, uafue llotícue.

⁸ Ie jira nágagobiaído naga cómena: Juzíñamuimo omoi úrifireiri, daidicue. Ñue nífuenide comécido omoi jicari. Jáímamo ríicaiñeno comécido Juzíñamuimo omoi úriri. Daje izói dani ómoimo júfidoñeno comécido íemo omoi jicáfireiri. ⁹ Daje izói ringóniaí iniroi jítállifue llóitícue. Jabóidíngo ringo jita izói, naga ringo jítaiteza. Ima jiruídollena jítaca abina cíotote iníroina, jítañeno iri. Daje izói comini cíodollena ífótirai jamánomo ebire finóñeno iri. Jabo ífo jua figona. Daje izói quenírede raana aillo jiróñeno iri, naa jamánomo ráífide iniroi diga. Jámaicuro jítáoierna. ¹⁰ Mei jáífodo comínimo dúecailla ñúefuiaído naga ringo finóbiri, naa jáíe caimare uáiduaíuái diga. Mei nana Juzíñamui íeíena ñue finódogango bie izói íteza. ¹¹ Ringóniaí llófueinamo uai oñeno cacáreitiaioíza. Comeci

mánainafuedo afe uaina onóicaitiaioi. ¹² Nairai cígiri ringo llófuellena rairuídícue. Ringo ímana anáfenotañedicue. Mei jáífodo, ringo iima anamo úriñeno uái iri, daidícue. ¹³ Mei Juzíñamui nano fueñe Adán finódeza, afe méifomo Eva finode. ¹⁴ Adán jífueñega, mei íadi ringo Taife jífuega. Iemo jífuefillamona afengo fiénidífue mo baiíde. ¹⁵ Mei íadi naga ringo Juzíñamuimo ínogafue mo jeire oíadi, íemo ei ocuícáfuiái ñue ícoimo fuitáadi afengo jíllóite. Afe llezica afengo naga cómena izíruirede. Iemo comeci ñue fínuafue dibénemo írede. Daje izóí ñue jaícina macállífue mo írede.

3

Ocuídillaímo jítaírede ñue illafue Pablo llote

¹ Ja cue lollífue iere ua rafue. Dámie ocuídillaímana jáiacade ñuera. Afe izóí tájíacanafue ñuera. ² Ie jira afe izoide ócuitillaíma mamécámie jaícina ñue írede. Afémie nífuenino macárede. Afe daíí afémie mácafue jáímie lletánide. Afémie daango ótena figura. Ménango ónide. Afémie comínimo lloga uaido jífánodoínide. Daje izóí ráfueña ñue baitádimiena írede. Naga come afémiena caímare jacíruirede. Daje izóí nana afémiemo mácaibitínona afémie jáífodo comécíñeno ñue caímare uáidorede. Iemo jáímacina caímare llófuerede. ³ Afémie jaca jífáinide. Daje izóí afémie fuirínide. Come jífuiamona oga úcubena, afémie llínonide. Mei jáífodo jeruñeno raana fecáfirede. Iemo comeci ñue uái illafue dibénemo írede. “Aillo úcubena cue ollí” daínide. ⁴ Dama ie jofo ero comíni ñue ocuírede. Dama ie úrue ñue raire cacáfireillena lletárede. Daje izóí ie úrue jáíe eicomínina ñue jacíruitarede. ⁵ Dámie ie jofona ocuíllana ónoñeniadi, ¿mei nie izóí Juzíñamuimo gairíracona ócuíte? ¡Ocuínide! ⁶ Ie jira como fueñe Juzíñamuimo ínotímie, Juzíñamui íco ocuídillaímana ínide. Como fueñe Juzíñamuimo jáináitagámie raire illáímana jóoniamona afémie iere abína ínoite. Iemo fiéni abí ínuamona, Juzíñamui Taife ana duere finóllífue mo dótaja izóí, afe izóí bímie daíí zéfuite. ⁷ Afe Juzíñamui íco ocuídillaíma ñue jacíruigamiena írede. Afémie daíí illamona, Crístomo nai ínoñedíno ñue íena úritiaioi; ie jánana fiéni úrinidiaioi. Afémie afe izóí írede, meáfue dibénemo ie íñeillena; daje izóí Taife uai íena jítañeillena.

Jabóidillaímo jítaírede ñue illafue

⁸ Daje izóí comíni dínenana nana jabóidillaíni ñue jacíruiganona írediaioi. Daje izóí ie úrilla uai jáífodo méidonide. Iemo afémie jífáinide. Daje izóí come jífuiamona oga úcubena llínonide. ⁹ Afe izóí cai ínollena jino lloga ua ráfueña afémie fáicanocaiñeno jeire órede. Daje llezica afémie comeci úrilla uai nífuenino írede. ¹⁰ Afémaci ñuera daííllena facátagamacina írediaioi. Facata mei íaioi nífuenia jabóidillaínina írediaioi. ¹¹ Daje izóí aféllaini finódogango ñue jacíruigangona írediaioi. Daje izóí aféngotíai jáímamo fiénidífueña íaioimo llónidiaioi. Iemo lloga uaido jáímamo jífánodoínidiaioi. Aféngotíai nana ocuica raana fáicanocaiñeno fuitárediaioi. ¹² Afe jabóidillaíni dáangona áiredena figura. Ménango ónide. Daje izóí íaioi úruiaína ñue ocuírede, naa íaioi jofo ero comíniri. ¹³ Naga jabóidillaíma íaioi tájíana ñue fuitádíno ñuefueña otíaioi. Comíni iere ñuefue íaioimo jóoneitiaioi. Daje llezica íaioi Cristo Jesumo ínogafueña jamánomo meáíruíñeno llórediaioi.

Cai ínoga jáiai báinino llogafue ja jino uáfodo denode

¹⁴ Raíre o éroizaillena comécídicue. Nai cue biñena llezica, bibe omo cuetícue. ¹⁵ Mei nai are cue biñena llezica, Juzíñamuimo jáináidímie jítaíga ñue illífueña o onóillena llóitícue. Afe Juzíñamuimo jáináidíno caade Juzíñamuimo ínotíno. Afémaci Juzíñamui ua ráfueña ñue

riire úiñotiaioi. Jofo riire mozíoide jíaillirai izóidiaioi. Ie jira afe rafue uaina oni caitánide. ¹⁶ Jaiai báinino lloga cai ñnogafue iere jamánomo ebírede; nana comini ja uáfodo onoiga. Be níuui:

Juzíñamui cai cigimo cómena jéiciaibite. Ñuera Joreño afémiedo úrite; daide: Bímie comécina jaícinaidimie, daide. Afémie Juzíñamui abi imácimo ácatagamie. Diga náiraiáido ie illafue llócaide. Biniemo aillo comini íemo ñnotiaioi. Afe mei afémie caifo monamo abido uiga.

4

Juzíñamuimo ñnogafuena féitaitino ifue

¹ Ñuera Joreño jino caimo uáfodo llote, írairuillaído dámierie íaioi ñnogafuena féitaitiaioi. Féitajano cómena jífuate jóríai jitáinafuiái jeire óitiaioi. Daje izói Taífemo jainaide fiénide jóríaimona onóigafuemo ñnoitiaioi. ² Afe izói, comeci ífuena jíáifo jóidino llógana cacáreitíaiioi, naa táinona úrillafuiáiri. Afe bie jífuefiredino ja íaioi ífoci úrillafuena ja niné féideza. Uzírede llojedamo uzide onoi cacáñena izói, bie comini itíaioi. ³ Bie Juzíñamuimo ñnogafuena féitate comini jíáimaci árenana rairuídiaioi; daje izói ringona: “Inireiri,” daiñediaioi. Daje izói ñuera cai güillemona dáarie: “Güiñeno,” daidiaioi. Mei íadi afe bie güille Juzíñamui comuítaga, íemo ñnotino ecállena, naa ñúefuena onódinori. Afe güilleri íobillano Juzíñamuina “Iere figora” íemo jaináidino daiñediaioi. ⁴ Mei nana Juzíñamui finoca güille ñúeraza, bácanide. Iemona afémie caimo fecaca raana oni fáinidicai. Mei jíáifodo Juzíñamuina “Iere figora” dainano, nana ñue llíñoredicai. ⁵ Juzíñamui uai afe güillena ñue finode. Daje izói íena figora cai daiñifirena afe cai güillena ñue finode.

Jesucristo ñue ocuícamié bie izói írede

⁶ Bífuiái cai ámatiaimo o llófueia Jesucristo ñue Ocuícamiéna ítío. Afe bie llófueinafue jeire o oía bie ñnofirega uai dama ñue ona comécina náiretaite. O jeire oga uaido ñue riire ítío. ⁷ Mei íadi bie fiénide énie ie ráfuiaina náfueñeno o iri, naa jíáie taino jagai izóidifuiáiri. Juzíñamui illa izói o íacanamo áfemo nágarui o comeci llícitairi. Afedo riire ítíoza. ⁸ Cai abi cai ríireta, daa bíníe ífueimo caina canode. Mei jíáifodo Juzíñamui illa izói íllena cai nícidoia naga ñúefuemo caina canode. Daií cai íllemona biruillaído caina canode, íemo daje izói uire bíitífueimo jaca caina cánoite. ⁹ Bífue iere nahí ua ráfueza, nana áfemo ññorediaioi nana cáioiri. ¹⁰ Afe bifue jira iere comeci fácaíticai. Iemo áfemo zéfuidicai. Ua zegóruioicana ñéfuidicai. Mei ñue cai íllena caade Juzíñamuimo ocuírídicaiza. Afe caade Juzíñamui nana comini jíllotaibite. Iemo ñnotino ja jíllotaimie.

¹¹ Bífuiáido nana comini o ocuífíreiri. Daje izói aféfuiaí o llófueiri. ¹² O fia jítócomena jira comini o llófuiáfue jíáimana jámairuitatañeno iri. Mei jíáifodo ñue Juzíñamui izói illafue Juzíñamuimo ñnotinomo jino cótaitimíena ítíoza. Ñue o úrillafuedo afémacina onótaitíoza. Daje izói comini eróicana ñue o mácafuedo íaioina onótaitíoza. Iemo naga cómena ñue o izíruillado íaioina ñue cánoitíoza. Cristo izói o íllamona ñue íaioina llétaitíoza. Daje izói Juzíñamuimo izire o ñnogafuedo llófueitíoza, naa o comeci íáinidifuiáiri. ¹³ Nai cue dúciñena llezica, Juzíñamui cuega uaillai comínimo o facádoíreiri. Daje izói cai ámatiaína o íociretari. Afémacimo ñue o llófueíreiri. ¹⁴ Juzíñamui omo iga o fibíllafuiái fáicanocaiñeno o iri, mei nauí Juzíñamuimo gairííredino ocuídillaini Ñuera Joreño daina izói, íaioi onoi omo bitádiaioiza.

¹⁵ Bífuiaina fáicanocaiñeno o finóíreiri, o jamánomo jíáino baímo íaioi onóilleza. ¹⁶ O illafue ñue abi o rairuiri, naa jíáino o llófuiáfueiri. Fáicanocaiñeno riire abí o mameri. Ñue íimana o comuílleza. Bie cue daina izói o íadi, o jíllotío, naa o uaimo cacáreidínori.

5

Crístomo ñnotino uiécomo ñue o illifue

¹ Eicomemo lléjecaiñeno o iri. Mei jiáifodo o moomo o llófuia izói fíaicana o lloíri. Jiáie jitócominina nahí o ama izói llófueiri. ² Ringóniaina jéengotiaina dama o ei izói llófueiri. Daje izói jitáingotiaina nahí o miríngo izói o llófueiri. Iaióimo ñue comeci o facáfireiri.

³ Uáfueña raana jitaide fecíngotiaina ñue o canori. ⁴ Mei íadi jiáie jitórede daje izói enáizeñorede fecínguai ite. Afe úruiai íaiói éitiaina uzúngotiaina fueñe ñue úiñorediaíoi. Daje izói nahí ie enáizeño dani íaiói uzúngona úicairediaíoi, mei naga jitó enáizeño diga íaiói móotiaina izírurediaíoi. Afe bie izói illáfueño Juzíñamui ñue íóbideza. ⁵ Ie mei cómenide ua fecíngo, dango Juzíñamuimo ñue ie finóllifue ocuírde. Daje izói Juzíñamuimo ie úrillafueña nái mona diga afengo fáicanocaiñede. ⁶ Dango ie comeci gáina izói fecíngo ite. Caade íadi Juzíñamui díbenemo tíide izoide. ⁷ Bífuiaina íaiói o ocuiri, lletánidingotiaina íaiói ílleza. ⁸ Dámie ie nahí come úicaillana ráairuia ie ñnogafue táinomo jifánofide. Dama nahí comínimo ite duéredinona úicaicañedimie, Juzíñamuimo ñnoñedino fiénina baimo, afémie fiénide.

⁹ Fecíngotiai íena mámece illabe fínoitio. Bie izói ñuera fecíngotiai mámece afébemo cúerena. Sesenta fimona ite fecíngo mámece cúerena. Afe bie fecíngotiai, daje izói dámierna iníredíngona írediaíoi. Afe ízoidíngo mámece cúerena. ¹⁰ Iemo jiái ie illafue ñueinamona jalléidíngo afengo mámece cúerena. Iemo jiái úruiai ñue comúitátíngo mámece cúerena. Jicana jiáima ie jofomo dúcia caimare uáidofíredíngo mámece cúerena. Iemo jiái Juzíñamuimo ñnotinomo rairuíñeno comeci mánainado canófiredíngo mámece afébemo jóonerena. Mei afengo naga jiáima cánuana ídai jócuia izóidena caimare finófiredeza. Iemo jiái duere zefuide comíni canófiredíngo mámece cúerena. Daje izói nana jiáie ñúefuiái finódíngo mámece jóonerena. Bie izóidifuiái nana daje fecíngo finórede; íemona afengo mámece cúerena.

¹¹ Mei íadi sesenta fimona jofófenemo ite fecíngo mámece jóoneñeno iri. Mei aféngotiaimona dáarie dani íaiói comeci óiacanamona níbai Crístona zóofeitaiíoi. Zóofiano nane meine iníreiacadiaíoi. ¹² Daí íaiói illa dani íaiói ícoínia daí ite. Mei fueñe íaiói Jesucrístodo jáillena mamérillafue ja fáicanocaidiaíoi. ¹³ Afe baimo naga comíni jofodo jáicaidiaíoi. Jáicaillamona, “Fia táijíñeno daí cue illi,” daídíaíoi. Afe llezica jiáimana úridoicana jáidiaíoi. Iaióimo dúíñede jiáimacimo itífuiaimo gágutajifírediaíoi. Comínimo ñue íñedífuedo úrioifírediaíoi. ¹⁴ Ie jira nai fecínaite jitáingona daídícue: Abído iníreiri. Iníreillano úruereiri. Daje izói jofo náangona ñue o iri, Taífemo jaináidíno ómoína úridoíñeilleza, daídícue. ¹⁵ Mei fecíngotiaimona dáarie, Juzíñamuina féitano Taífedo jáidiaíoi.

¹⁶ Crístomo ñnotinomona daa cómemo úicaille fecíngo íadi, afe fecíngona dama afémie úicairede. Afe fecíngona Juzíñamuimo gairífíredinona úicaitañeno iri. Mei afe gairífíredíno ua cómenide fecíngotiaina úicairediaíoi.

¹⁷ Jesúmo gairídíno ñue ocuide éicomíni, ñue táijidiaíoi ménacaiño íbárediaíoi. Daje izói ñue íaiói táijinamona mai caimare íaióina omoi jacíruiiri. Iere comíni ñue llófuetino, iere ñue lletádíno diga jiáie come íba baimo íbárediaíoi. ¹⁸ Mei Juzíñamui Cuegáuai daide: “Arroz izoide trigo, juráreto gájirillena záizia llezica, áfemona íaiói güílleza fue íbáiñeno omoi iri.” Iemo jiáinomo jiáifodo daide: “Naga táijitagamie ie táijinado ñue íbárede.”

¹⁹ Fia da come ocuide éicomemo fiénidífue jóoneiadi, áfena náfueñeno o iri. Mei íadi mena níbai daámani uai nabáidímie afe izói afe cómemo llóíadi, áfemo cacáreiri. ²⁰ Ocuide eicomínimona dáarie fiénidífue finóadi, nana comíni eróicana afémiena o áadori, nana jiáie comíni ñue abi jacínaificaillena. ²¹ Juzíñamui eróicana, daje izói cai Ocuíraima Jesucrísto

eróicana bifue omo jóneticue. Daje izói Juzíñamui nizeca ie abi imaci eróicana omo jóneticue. Nana bie omo cue lloga lletara uai ñue o náfuere. Nana comínimo dájerize jaícina o lloiri. Dámie oni eneno mámeñeitioza. ²² Dámie ie illafue nai figo onóñena llezica, ocuídillaimana ie o maméllena raire íemo o onoi bitáñeno o iri. Bie izói o íllado jíaimamo ite fiénidifuena raire nábaizaiñeitio. Naga íaifuiamona oni o iri.

²³ Mei o ero izírefireia daa jainoi jiróñeno o iri. Iemo due vónona o jirori.

²⁴ Nai íaioimo riire jicánoñena llezica, comínimona dáarie íaioimo ite fiénidifuiái uáfori cíoide. Iemo jíaimacimo ite fiénidifuiái íaioi duere finoille mámia méfomo onórede. ²⁵ Daje izói jíáie cómemo ite ñúefuiái uáfodo cíocaide. Iemo jíaimacimo ite ñúefuiái cíóñena íadi, dinó íaioi diga báinino íñeite.

6

¹ Táijitafiregano íaioi ocuídimiaina ñue jacíruirediaioi, jíáie comini Juzíñamui mámeçido fieni úriñeilla. Daje izói cai llófueinafuena fieni íaioi daiñeilla. ² Afe izói Crístomo ínote ocuífiredimiaina ñue jacíruirediaioi. Juzíñamuimo ínogafuemo daje ámana íaioi maméiadi, nai ocuídime ocuícamié diga conímana caimare jacíruirediaioi. Mei jíáifodo afe Juzíñamuimo ínote ámamo, jíaimaci baímo, riire táijirediaioi. Afe riire táijina ínotino, afe ocuídino izíruiga ámatiai. Afémaci dáamací. Dájena Crístomo ínotino. Bifue o llófueiri. Daje izói áfedo o lletámairi.

Juzíñamuimo cai ínogana, “Figo baite” cai dáinana canode

³ Afe bie cai Ocuíraíma Jesucristo lloga jaícina jóide llófueinafuemo coméçidime, oni jíáifodo táinofuiái llófuete. Daje izói cai ínoga ñuera uaina afémie figo jeire oñede. ⁴ Daiítade come nífuena onóñedeza, táinodo abi ínote. Afémaci fia fiénide uáillaímo júfiduana iere gáidiaioi. Afe júfidogafuemoná aillo úradoillafue comuide. Iemo dájena caimare íñénafue comuide, íemo jíáimana éoinafue comuide, íemo jíáimana caimare uáidoñenafue comuide. ⁵ Dáanomona féitañega fuiríllafuiái, jíáifodo oni coméçina jóidimacimo comuide. Bie comini ua ráfuena onóñediaioi. “Fia cai ínogafuedo iere cai ráanailli,” táinona coméçidiaioi. Bie izoide comínimona oni o iri. ⁶ Ua onóigaza, cai ínogafue jamánomo ráifide. Juzíñamui caímo fecaca raana “Figo baite” daiçimie, ie ínogafue ñue ráifide. ⁷ Mei jíi, bíniemo fueñe cai jocoína llezica minícana atíñedicaí. Afe izói uire cai tíia minícana úiñeiticaí. ⁸ Mei biruimo cai caana llezica caímo ite güíleri, daje izói caímo ite iníroiri “Figo baite” daiçedicaí.

⁹ Mei jíáifodo aillo ráanaiacadino fieni comeci fácafue dibénemo jáidiaioi. Afémaci aillo fieni comeci óiacanafuiáímo raamo jíride izói itíiaioi. Bie izoide fieni óiacanafuiái cómena fieni finode. Daje izói íaioi illafue niné táinocaitate; jofo zabilla méino izói niné táinocaitate. ¹⁰ Mei jíi, úcubena izíruillafue nana fiénidifuiái comuíllano aféfuái jillaci. Dáarie iere izire úcubena óiacanamona, Juzíñamuimo íaioi ínogafuemoná oni nibéfodo jáidiaioi. Afémaci daní íaioi illáfuena táinona iere duere finódiaioi.

Juzíñamuimo cai ínogana, fuirilla izói riire Íredicaí

¹¹ Mei íadi o Juzíñamui níçcamiedioza, bie ailli cue lloga izóidifuiáímona oni o iri. Ñue coméçina jaícina illáfuemo o mamériri. Juzíñamui illa izói maí o iri. Afémie mo ñue o ínofireiri. Jíáie comínina ñue o izíruiri. Comeci járidoñeno o iri. Coméçina mánaidimiena o iri. ¹² Maí Juzíñamuimo ínogafuemo fuirilla izói nágaruillaído riire o iri. Juzíñamui omo iga zíñona illafue ñue jeire o oíri, mei áfemo Juzíñamui uáidogamiedioza. Afe Crístomo o ínogafuena comini cíoicana jino llotio. Afe bie o llúamo o uai nabáidinona aillo ite.

¹³ Ja birui Juzíñamui eróicana ona ñue ócuiticue. Afe Juzíñamui nana bíniemo itínuiamo íaiói cáananona fecade. Daje izói Jesucristo eróicana ona dáiticue. Afémie daje izói ñúefue jino uáfodo llote. Poncio Pilato uícomo ie illáfuena jáanoñeno llote. Daií Moo Juzíñamui, Jesucristo diga íaillinoi uícomo ona ócuiticue. ¹⁴ Omo cue ocuícana, jíáfodo méidoño, ñue jeire o oíri. Aféfuena ñue jeire o oíri, jíáima ona llétañeiteza. Bífuiái ua Jesucristo billíruimo jeire o ófireiri. ¹⁵ Juzíñamui jaiái uícodo mamécaruimo dúcia, Jesucristo cíocaizaibiteza. Afémie daade cai iere ñuera ríinorede Juzíñamui. Daje izói afémie nana illáicomini ie Illáimaza. Daje izói afémie nana ocuífiredino Ocuídillaíma. ¹⁶ Dama afémie jaca zíñoza, tíñede. Afémie illano jamánomo meáire egáñoteza, buna áinozinide. Afémiena jaca bu cíóñede. Caade come jaca íena cíonide. ¡Jaca ninomo ñúefuiái afe Juzíñamuimo nitácaza! ¡Aillue ñuera ríino jaca ninomo aféniemo dúideza! Aquíe izói íteza.

¹⁷ Bie éniemo aillo ráaredino abí íaiói íñoñeilleza ñue o lloiri. Daje izói íaióimo ite raamo ócuiñeitiaíoi, mei afe ráaniai are íñeitiaíoi. Mei jíáfodo: Dama Juzíñamuimo omoi ocuíriri, o daiíri. Mei afe Juzíñamui ua cáadimie. Afémie jeruíño nana cai jitailla raana cai cánuano caimo fecade. ¹⁸ Afe ráanaitino ñue íaiói ílleza íaióimo ocuiri. “Omoi ñue fínoitífuiái ráanaitíomoi,” íaióina o daiíri. “Omoi ite ráaniaimona jeruíño jítáidinomo jíáfodo comécíño fecari,” daií íaióina o daiífireiri. ¹⁹ Daií íaiói íllamona, íco cómuitífue nahí raana máíñoitiaíoi. Afe maiñóllena comécido ñue onódiaíoi. Afe dáaruido zíñoza illífuena óitiaíoi.

Iraicaiño Timotéomo jóonenocaigafue

²⁰ Timoteo, nana bie omo cue lloga ñúefuiái ñue o rairuiri. Bíniemo ite táinona úrioinafuiamo cacáreiño o iri. Daje izói Juzíñamuina uáitafuemo cacáreiño o iri. Mei íaiói: “Iere baitádicue,” daina uai taino uaiza. ²¹ Mei bie izóidífuiái ínote comini ja baie Juzíñamuimo ínogafuiaimona oni nibéfodo jáidiaíoi.

Mai, Juzíñamui ona ñue ézicíteza. Jae niie. Mai daiítadeza.

MÉIFODO SAN PABLO TIMOTÉOMO ORÉCABE Segunda Carta del Apóstol San Pablo a Timoteo

Pablo Timotéomo cuete

¹ Cue Páblodícue. Jesucristo ñúefue llujállena orécamiedícue. Juzíñamui comeci jítaina izói orécamiedícue. Daje izói uícodo lloga zíñona cai cáailífue llujáitagacue. Cristo Jesumo dájena cai jaináinamona afe cáailífueña óitícaí. ² Cue izíruiga jító Timotéomo bibe cuetícueza, ona Juzíñamui ñue ézicíteza, daííacadícue. Daje izói: Juzíñamui omo dúcaíteza daídícue. Iemo: Cai Moo Juzíñamuimona oga comeci ñue uái illáfueño íitioza, daídícue. Nana bie ñúefuiai cai Ocuíraíma Jesucristodo óredío.

Pablo Crístomo uai nabáiacade

³ Juzíñamuimo nágarui comécido úrifiredícue. Mona naio diga Juzíñamuimo cue úrilla llezica omo comeci uibífredícue. Omo cue úbicailano Juzíñamuina: íere figora, daídícue. Cue uzútíai Juzíñamui íóbitallena ie ocuífíregana ñue íñua izói, afe izói íáinide comeci úrillafuedo ie ocuífíregana ñue íñofiredícue. ⁴ O comeci zúucaifírenamo uibíoidícue; íemona ona íere jaca cíoiacadícue, áfemona caímare cue íllena. ⁵ Taino lloñeno ñue Juzíñamuimo o íñuafueño uibíoidícue. Afe birui Juzíñamuimo o íñogafue nano fueñe o uzungo Loida íñoga. Daje izói o ei Eunice íñoga. Iemo bífueña o jaca ñue íñofíredíoza, ñue onódícue.

⁶ Ie jira bie izóidena o ócúitícue. Naui omo onoi cue bítajamona Juzíñamui omo lloga llófuelle ríino féitañeno o iri. Niné ona féiza afefue nágarui meine ríire o uibíocairi. Irai dúzaide meine boota izói o uibíocairi. Afemona jamánomo o llófuelleza. ⁷ Mei Juzíñamui comeci jacíruillafueña caímo fecáñede. Mei jíáífodo comeci meáíruíñenafue Juzíñamui caímo fecade; íemo jíáímana cai izíruillafue, íemo abina ñue cai onónafue diga, caímo fecade.

⁸ Ie jira cai Ocuíraíma, Crístomo uai nabáillana meáíruíñeno o iri. Daje izói ie uai ícoínia llavécacueza, cuena meáíruíñeno o iri. Mei jíáífodo ñuera jíllona uai ícoínia comuide duere zefuíllafueña ruifíruíñeno o iri. Omo cómuite duere zefuíllafueña rairuíñeno o llíñori. Mei Juzíñamuimo íte ríinodo cai comécina caímare fíraíteza. ⁹ Juzíñamuimo cai jaináillena afémie ñue caína jíllotate, daje izói caína uáídote, íe íaífuenide comínina cai íllena. Dani ñue cai illáfuedo Juzíñamui íena ínidícaí. Mei jíáífodo dama Juzíñamui jaiái uícodo maméíllado íeíena ítícaí. Daje izói Jesucristomo cai jaináillado Juzíñamui caína izíruite. Daí caína íe izíruillado íeíena ítícaí. Mei jaiái nínomo nai énie comuíñena llezica, Juzíñamui caína izíruite. ¹⁰ Mei bie caína íe izíruillafue, cai Jíllotaríma Jesucristo ana bíniemo bíllado, afefue caímo jino onótate. Afe Cristo cai tíllafueña ja jacínitate. Daje izói jíllona uai llúado, zíñona cai illafue jino uáfomo cíotate. Ua, íemo íñotino zíñona ítátallena afe Juzíñamui uáfodo caímo onótate. Afe bie zíñona cai illafue buna jaca níne táinocaitainide.

¹¹ Bie ñuera uai llujállena Juzíñamui jónegamiedícue. Judíoñedíno llófuellena, Juzíñamui orécamiedícue. ¹² Iemo afe bíedo nana bífuiai duere zefuídícue. Mei íadí áfena meáíruíñedícue. Cue íñoga Juzíñamui comeci ífueña ñue cue onónamona, jacíruíñedícue. Mei afémie cuemo jónenocaigafue jaca féíñeíteza. Afe bifue Juzíñamui dama Cristo billíruimo ñue úíñoite, mei afémie íere ríinoredeza. Afena onódícue.

¹³ Naui jaícina joide llófueínafue o cue llófuia izói, áfena o llófuefíreiri. Juzíñamuimo cai íñogafueña jeire o oírí. Daje izói Jesucristomo dájena cai jaináinamona caína íe

izíruillafuemo o iri. ¹⁴ Cai diga ite Ñuera Joreño canócaza Juzíñamui omo lloga ñuera rafue féitañeno o iri.

¹⁵ Ja onódioza: Nana Asia énie comini ja cuena zóofetiaioi. Afémacimona bie mena ima íaillinoi: Figelo, íemo Hermógenes. ¹⁶ Mei íadi bie afe jíaimie Onesíforo dibénedo nana ie comini diga, mei cai Ocuíraima afémacimo caimare dúcaiteza. Mei afémie diga ícaiño cue jitaica raana atífiredede. Llavécacue íadi jaca meáiruñeno cuemo atífiredede. Iemona Juzíñamui afémie comécina nácaitaiteza. ¹⁷ Uafue, Rómamo afémie illa llezica cuena are jénua ícoinia baite. ¹⁸ Cai Ocuíraima cai comeci ifue riire jicánolliruimo afe Onesíforomo dúcairi, Juzíñamuina daidicue. Ja ñue onódioza, Efésomo cai illa llezica, afe Onesíforo diga ícaiño caina canode.

2

Jesucristo dibénemo itímie ñue fuirídímie izoide

¹ Cue jító Timoteo, Jesucristomo dájena cai jaináinamona Juzíñamuimo ite ñúfuiaimo iticai. Afedo ñue o náireiri. ² Cúemona o cacánafuemo cue uai nabáidinona aillo íteza. Iemona afefue mai oni jíaie ñue ínofredimíaimo o jóneri. Afémaci daje izói oni jíaimacimo llófuiailleza.

³ Duere zefuillafue omo comuíadi, Jesucristo dibénemo ñuera fuiríraima izói abí riire o mameri. ⁴ Naga jíaimiena anáfenoacade fuiríraima fuiríllena mamériode. Iemona uícodo nana jetáacaigafue fácanocaite; afémie jae náamatagaza. Fácanocaillano daa ie ocuídillaíma anamo itábicaite, afe ie jíiritillaíma íóbitallena. ⁵ Daje izói naga jíánora raamo jíánotímie ñue jaícina jíánorede. Jíánua ocuide uai daína izói jíánorede. Afémie fieni jíánoia, minícana jíridoñeite. Táinomo jíánoteza. ⁶ Jacafai ríllamo izire táijidímie afe ie riga llizilla jeia llezica, afe ritímie fueñe ótena figura. Dama íeiena fueñe jofo óite. ⁷ Omo cue llógamo ñue comeci o facari, íemona cai Ocuíraima ona nana ñue fibítaiteza.

⁸ Mai tíllanomona meine abido caade Jesucristomo o úibicairi. Daje izói afe Cristo cai jaiaí illaíma David úicoidigimamona comuídímie. Afémiemo ñue o coméciri. Cue lloga ñue jíllona uai aci bie izói joide. ⁹ Bie ñúefue ícoinia duere zefuítacacue. Jí, fíenidífue finódino izói maíáno duere finócacue. Mei íadi Juzíñamui lloga ñuera uai jaca buna llavénide. ¹⁰ Ie jira Juzíñamui nizécamací cue cánua ícoinia duere zefuídícue, mei íadi áferi zúucaíñeno jaca caimare iticue. Afémaci ñue jíllobicaillena duere finócacue. Afe Jesucristomo dájena cai jaináinamona comuide jíllonafue iere ebírede. Iemo jaca zíñona fúíñeite.

¹¹ Bífue táinoñedeza, iere uafue:

Afe Cristo tílla izói cai tíadi, afémie meine abido cáadímiena jailla izói, afe izói dani cai meine cáaillano afémieoiri íiticaí.

¹² Afémie ícoinia duere cai zefuíaí ie illáimana illánomo jáinaiticaí.

Afémiena cai jáanoiadi, afémie jíai caina jáanoite.

¹³ Afémiemo cai ínoñeniadi, afémie jaca ie daína izói nai finófirede;

Mei Juzíñamui dama ie abina jáanonideza.

Ñuera daíllena facaca táijiraíma

¹⁴ Bífuaímo jíaimacina ñue o comécitari. Daje izói bífuiaí cai Ocuíraima eróicana íaioímo jóneri. Íaioí ráifiñede júfidofirega uáillaímo mai afémacina júfidotañeno o iri. Afe bie izoide júfidofirenafue ráifiñedeza, buna canóñede. Afemo cacáreidinona jíáfodo oni comécina jóitate. Daje izói íaioí ínoga ua uaina niné féitateza. ¹⁵ Juzíñamui uícomo figura daíllena facaca táijiraíma izói o iri. Iemo afe llezica jíáfodo lloñeno daje izói o illáfueña ñue jaícina o jónefireiri. Daí ñue facácamié ie meáicaillafue íñede. Daítade come Juzíñamui ua ráfueña jaícina comínimo llófuete. ¹⁶ Bíníemo ite táinona úrioinafuemona oni

o iri. Daií táinona úrifredino jamánomo fiénidifuaiaimo baídiaioiza. Anábaitagano izói íficaidiaioi. ¹⁷ Fieni íaioi llófueina uai raire jica jalleide. Come abimo comuide fiénide ñozagi jarire oni mónaioicailla izói, bimaci llófuega uai oni jalléicaide. Afe bie izói ja Jimeneo Fileto diga, bimaci izói, fieni llófuetinona jáidiaillinoi. ¹⁸ Afe íaillinoi Juzíñamui ua uáimona oni nibéfodo jáidiaillinoi. Juzíñamui tíidino meine abido cáaillifue dibénedo llotíaillinoi: Ja záide, daidiaillinoi. Daií jiáie comini Juzíñamuimo ínogafuena uáitacana jáidiaillinoi. ¹⁹ Mei íadi cai ínoga uai oni cáitañeillena, Juzíñamui áfemo jiáie riirede uaina nabaide. Iemona féitañeno afe Juzíñamuimo ínoicaidicai. Afemona cai bie riire mozíoiga jáillirai izóidicai. Juzíñamui nabaica uai Juzíñamui dama íeiena caina mameide. Afe uai bie izói jóoide: Cai Ocuíraima nana dama ie nahí comínina ñue onode. Iemo afe Juzíñamui nabaica uai jiáifodo bie izói daide: Nana “Crístomo jaináidicue,” daidino fiénidifueña féitana, aféfuemona ja oni írediaioi. (Bie ie nabaica uaido, Juzíñamuimo cai ínogafuena afémie riire finode.)

²⁰ Aillue jofo eromo diga raa ite. Ráifide oro ie finoina raa ite. Daje izói ráifide plata ie finoina raa ite. Iemo jiba ráifiñede amena finoina raa ite, naa nogóramona finoca raa diga. Dáarie bie ñuera rairuica jiróracuaido jicana bitínona jirótafiredicai. Jiáie figo jinoñede jiróracuaido jalleide illáimana ecáñedicai. ²¹ Afe izói naga jiáimaci canóllena Juzíñamui nizécamié, jaca comécina íaifuenino írede. Afémie jaca íaifuemona oni írede. Iemona afe cómena Juzíñamui íeiena ñue finóbitade. Ebena ñuera táijinanomo Juzíñamui raire íena óreite. Mei afémie íáinide ráifide oro finoina jiróraco izóidimieza.

²² Jitócomena llezica comeci fieni óiacanafuaiaimona oni o iri. Mei jiáifodo come ñue jaícina illáfuedo o jairi. Daje izói Juzíñamuimo o ínofireiri, íemo jiáimana o izíruifireiri, íemo comeci mánainafuedo naga cómena o uáidofireiri. Iemo, nana comeci íaifuenino Juzíñamuimo úrifredino diga o nabáiriri. ²³ Daje izói táinomo comécilla uáillaina náfuéñeno o iri. Mei ja onódioza, bie izoide úrillafuai fúrienailafue comúitate. ²⁴ Juzíñamui ocuífregamié jaca jiáima diga ícínide, íemo jiái fuirínide. Mei jiáifodo afémie nana comini diga caimare írede. Daje izói jiáimacina caimare llófuerede. Iemo afémie jiáimamo jarire úriñeno, íaicana úrirede. ²⁵ Daje izói Juzíñamui ocuífregamié naga ie llófueinana náfueacañedinona comeci manai finuano, íaioina lletárede. Afémie daií íaioina lletárede, íaioi comeci ífue Juzíñamui méidotalleza. Iemona daje izói ua ráfueña Juzíñamui íaioina onótaiteza. ²⁶ Bie izoide llógana jámairuitino Taife írebaimo jilla izói itíaioi. Iemo afe Taife ie comeci óiacana izói afémacina ócuite. Mei íadi ua ráfueña íaioi onónamona jillorediaioi. Afénomo jíizaidinona oni baírórede. Afémaci inídimie como cazilla izói, abina onóitiaioi; íemona Taife anámona jillorediaioi.

3

Comini írairuillaído illifue

¹ Ja bífuiaina o onótaiticueza. Írairuillaído jacírediruina caimo mónaite. ² Aféruimo comini dani íaioi abina fieni izíruitiaioi, íemo úcubena íere duéruitiaioi, íemo íere fieni abi ínoitiaioi. Daje izói “Jamánomoidimiedicue” dainano, cómena canóñede tánofuaiaimo comécitiaioi. Iemo Juzíñamuimo fieni úritiaioi, íemo íaioi móotiaiai ocuilla uaina náfuéñeitiaioi. Iemo jiáimana “Íere figura” daíñeitiaioi. Daje izói Juzíñamuimo ínogafuena náfuéñeitiaioi. ³ Afémaci jiáimana íziruiñeitiaioi, daje izói féitañeno íaioimo duere finódimiemo dúecaiñeitiaioi, íemo jiáimacimo fieni úritiaioi. Iemo íaioi comeci fieni óiacanafuena “Dama ite” daíñeitiaioi. Iemo jiáima íaioi íciadi ñúfuedo finóacañediaioi. Daje izói comínina íere izi cácataitiaioi. Nana ñúfuiaina bacáuai ífueña mámeitiaioi. ⁴ Afémaci dani íaioi nahí comínina jiáie comínimo fállena fécajifrediaioi. Iemo “Dama cue íacana

izói íredicue,” daiífirediaioi; íemo táinomo comécillano “íere jamánomoidimiedicue,” dáititiaioi. Daje izói Juzíñamui jenóñeno dani íaioi comeci gáinafuiaina jénoitiaioi. ⁵ Diga jinófene íuaido “Cue bie ñuera Juzíñamui uaina ínotimiedicue,” dáititiaioi. Mei íadi jofona íaioi comeci ráatailla mei, afe ínogafuemo ite méidolle ríinona jáanotiaioi.

Afe bie izoide comini diga nabáiriñeno o iri. ⁶ Mei bimácimona dáarie, jíáimaci jofomo jaillano comécina ríinide ringóniai jífuefirediaioi. Afe ringóniai fiénidifuiaina oruide. Afe ringóniai nana fiéni óiacanafuiaina anáfenogaiaioi. ⁷ Diga ráfuiái onóiacadiaioi mei íadi Juzíñamui ua ráfuenta baitánidiaioi. ⁸ Jaiái Moisés illáruillaído mena aima Janes, Jambres diga, Moisés daina uai uáitatiaillinoi. Afe íaillinoi uáitaja izói, bie comini íirairuillaído ua uaina uáitaitiaioi. Iaiói ífoci úrillafue oni nibéfodo jóoide. Juzíñamuimo ínogafuena fáicanocaidiaioiza; áfemo ínidiaioi, táinofue ínotiaioi.

⁹ Mei íadi bimaci are jíáimacina jífuecana úíñeitiaioi. Mei íanori íllamona nana comini íaioi jífuefírenafuena fídítiaioi. Jaiái Moisés uáitate íaillinoi táinona úrilla uaina comini fídía izói, nane afe izói bimaci táinona úrilla uaina nana comini fídítiaioi.

Iraicaiño Pablo Timotéomo jóonenocai gafue

¹⁰ Mei íadi o cue llófuiaina ñue jeire otio. Cue maca izói jaca ñue macádio. Iemo cue mamérilla izói ñue mamérifiredio. Iemo Juzíñamuimo cue ínua izói, afe izói íere ínofiredio. Cue comeci jarire úriñena izói, afe izói fáicana úritio. Jíáimana cue duéruilla izói duéruitio. Diga juáredifuiái cuemo comuide, íadi fáicanocaiñeno Juzíñamui ñúefue llócadicue. Afe cue ocuilla izói ñue ocuíoideo. ¹¹ Comini duere cue finóllena cuena racádiaioi, mei íadi áferi jacinaíñeno caimare iticue. Nauí Antioquía jófue mo duere cue zefuállana onódio; daje izói Iconio jofue, Lystra diga cuemo íaioi finócafue onódio. Nana racada duere cue íaioi finuafuiaina onódioza. Mei íadi cai Ocuíraima nana aféfuaimona ñue cuena jíllotate. ¹² Uafue onóigaza, nana Jesucristomo jaináinamona ñue jaícina illáfuemo íacadino, nai ínoñedimacido duere zéfuitiaioi. ¹³ Iemo afe llezica fiénide jíáimana jífuefiredino jamánomo fiénidifuiaimo ana jáitiaioi. Jíáimacina íaioi jífuiái llezica, dani jíáimaci íaioina jífueitiaioi.

¹⁴ Mei jíáfodo omo llófuegafuaimo riire o comécioicairi, mei aféfuaimo íere ñue ínotioza. Iemo afe bífuiaina o llófuetimiena onódio. ¹⁵ Daje izói o dúemiedimona Juzíñamui ñuera Cuegáuaina fueñe onóicaidio. Aféuaimona llófuegao, jíllonafue o maíñóllena. Afe jíllonafue Cristo Jesumo o ínuado o oga. ¹⁶ Nana Juzíñamui Cuegáuái, Juzíñamui afe cueraini comécimo úrilla izói ñue jaícina cuega. Bie uai íere ráifide comini ífoci déillena. Aféuaido comini llófuerega; íemo afe bíuaido táinomona lloga uaina uáitarede; íemo áfedo jíáimacina lletárede; daje izói aféuaido jaícina comini ñue illífuena íaioimo llórede. ¹⁷ Afe daií Juzíñamui Cuegáuaido Juzíñamui ocuícamié ñue baitádimiena írede. Iemona afémie ñue finóbide, nana ñúefuiái íe finóllena.

4

¹ Juzíñamui eróicana, cai Ocuíraima Jesucristo diga, Juzíñamui uailái o llófireillena íere omo llonódacaidicue. Mei Jesucristo bíniemo illáimana bille llezica, afémie nana caade comínina, naa tíidino diga íaioimo itífuena riire jícanoiteza. ² Afémie raire bíacana jira, riire ona dáitícue: Nágarui Juzíñamui uailái jino o llófireiri. Afemo riire o maméioiri. Comini aféfuena cacáacana llezica, daje izói aféfuena afémaci cacáacañena llezica, nana afémacina jaca daje izói Juzíñamui uai riire o llófireiri. Ñue riire llófireiri Juzíñamuimo nai ínoñedino aféuaina íaioi jíeruillena. Daje izói afémaci illafue figóñedeza, bíuaido íaioina lletari. Iemo ñúeodo íaioi jáillena, maí riire íaioimo lloiri. Nana bífuiaina, nana comeci járitañenafuedo fáicana o llófuefireiri. ³ Afe daií llófuefireiri, mei diga irui íllamona, comini

ua llófueinafuemo cácañeitiaoiza. Mei jiáifodo dani íaioi fieni gaina izói dani íaioi cacáacana izói, íaioi llófueitinona aillo jénoitiaoiza. ⁴ Juzíñamui ua ráfueña fáicanocaillano, nana jagai izoide táinomona llogáfuiamo náfueitiaoí. ⁵ Mei jiáifodo o iri. Cáadimie izói ñue abina o onoiri. Zúufue omo comuíadi, áferi jacínaiño abí riire o mameri. Iemo jállona uai o llóllemono mamériori. Juzíñamui omo jóonega táijina ñue ícoimo o fuitari.

⁶ Ja íanori íllamona Juzíñamui íóbitallena fatá fecaca rille izói, fécajigacue. Cue titáillirui ja áinozide. ⁷ Ñuera fuiríraima izói, fiénidifue anáfenua izói táijinana jae riire ñue ícoimo fuitádicue. Iemo jifánotimacimona riire aizida goal orédimie izói, afe izói cue táijina fuillánomo dúcidicue. Iemo Juzíñamuimo cai ínogafuena fáicanocaiño, ja ñue ícoimo ínoticue. ⁸ Iemona ja birui cai Ocuíraima cuemo fecalle fia jirídogá raa izóidifue omo ocuírídicue. Afe ie billíruimo, Juzíñamui anamo ñue nífuenidimacimo dúide ziiñoña illáfueña afémie cuemo fécaite; mei afémie comínimo itífueña ñue jaícina jicánoitimieza. Dama cuemo fécañeiteza, mei íadi daje izói nana ie billíruimo caimare ocuírídino mo jirídorede ziiñoña illáfueña afémie fécaite.

Dama Páblomo dúidifuiái Timotéomo llo

⁹ Timoteo, mai raire cue eróizaibiri; riire áfemo o mamériri. ¹⁰ Mei cue nabai Demas, bínie ráaniaina jamánomo gáinamona jae cuena zóofeteza. Zóofiana jae Tesalónica jófue omo jaide. Iemo jiáie cue nabai, Crescéntena mámeciredimie, jae Galacia éniemo jaide. Daje izói jiái Tito oni Dalmacia éniemo jae jaide. ¹¹ Dama Lucas cue diga fiébilla. O billíruimo, mai Marcos jénuaillano cue diné ómicoi biri, mei afémie benó cue táijina cuena iere cánoiteza. ¹² Cue nabai Tíquico, Efeso jófue omo jae cue oreca. ¹³ O billíruimo cue fieca emódomo jítárai o atiri. Naui Troas jófue omo ite Carpona mámeciredimie jofomo cue fieca. Daje izói cue rabénicuai o atiri. Iemo jiáie cuega rábiai féitaño o atiri, mei afébiaina iere jítáidicueza.

¹⁴ Naui Alejandro aillo fiénidifuiái cuemo nitade. (Afémie lloéfiai finuamo táijifiredimie.) Nana fieni ie úrillafuiái dieze cai Ocuíraima aféniemo iba óite. ¹⁵ Afe Alejándromona abí o rairuíocairi, mei afémie cai lloga uaina iere uáitaacadeza.

¹⁶ Nano fueñe cue abí ríidollifue, ríillaini uícomo cue llua llezica, bu cuena nabáiñede. Nana cuena zóofetiaoí. Juzíñamui afefue iba íaioimo óñeilla aféniemo jicádicue. ¹⁷ Mei íadi naui abí cue ríiduaruimo cai Ocuíraima cuena canode. Afémie cuena ñue riire finode, jállona uai oni nana judíoñedinomo cue llujállena. Afémie afe llujállafue ñue ícoimo cuena fuitátate. Afe daí cai Ocuíraima iere jacíredifue omo ñue cuena jállotate. ¹⁸ Daje izói nana jiáie fiénidifuiáimona, afémie cuena jállotate, íemo dama íeiena cuena ráiruite, monamo ite ie illáimana illánomo cue dúcilla. Ñuera ebíredifue jaca ninomo íemo íteza. Daítadeza.

Iraicaiño uáiduafuiái naa ézicigafuiái diga

¹⁹ Mai, Prisca, Aquila diga caimare uáidori, naa Onesíforo comíni diga. ²⁰ Erasto Corinto jófue omo fiébide. Cue nabai Trófimo ie irárenamona, Mileto jófue omo cue fieca. ²¹ Mai raire rozírediruillai nai dúciñoña llezica benó o biri. Benómona jiáimaci omo uai orédiaoí, be nímaci: Eubulo, íemo Pudente, íemo Lino, íemo Claudia. Daje izói nana Crístomo jainaide ámatiai o uáidotiaoí.

²² Cai Ocuíraima Jesucristo nágarui ómoimo nabáirifireilla Juzíñamuimo jicádicue. Daje izói Juzíñamui nana omoi ézicilla jicádicue. Mai daítadeza; jae níie.

SAN PABLO TÍTOMO ORÉCABE

La Carta del Apóstol San Pablo a Tito

Pablo Títomo cuete

¹ Páblodicue. Juzíñamui táijitagamedicue. Jesucristo orécamedicue. Juzíñamui nizécanomo ínotalle uai cue llujállena ie orécamedicue. Daje izói cai ínoga ua uai, íaiói onóillena orécacue. ² Afe bie cai ínoga ua uai, jaca nínomo ñue cai illínomo cai ocuínanomo móirede. Nai énie cómuñenia úcodo, Juzíñamui afe zíñona cai cáillinona llote. Juzíñamui jaca táinona llófinide. ³ Ja birui ie llóiacaga uaina, ie mamécaruimo cuemo jónega llófuecaillado caina onótate. Uafue, cai Jíllotaraíma Juzíñamui afe daje uai cue llófuecaillena cue ocuide. ⁴ Tito, daje izói Juzíñamuimo ínoticoco, íemona nahí cue jitó izóidío. Jira bibe omo cueticue. Afe llezica, cai Moo Juzíñamui cai Ocuífiredede cai Jíllotaraíma Jesucristo diga o ñue ézicillena jitáidicue. Daje izói omo dúecaillena jitáidicue. Afe dáaruido caimare uái ñue o íllena jicádicue.

Tito Crétamo llófuete

⁵ Monáillai cigi idu Crétamo o cue fiénocaillaruido, nai figo finóbiñede raa ñue daje dine jaícina o finózillena ona fiédicue. Aféruido naga diga jofue illánuiamo ite Juzíñamuimo jainaide gairídnomo íaiói ócuitimiena o jóneri daidicue. Ñue ócuite eicomínina jenoda o jónetadicue. Afe izói nauí úcodo omo llonódacaidicue. ⁶ Naga ñue ocuide écome nífuenino írede. Daje izói afémie daa ringo otímie írena. Daje izói ie úruiai Juzíñamuimo ñue ínorediaíoi. Afe úruiai fiénidifuenta jóneñegazana írediaíoi. Ocuilla uaina náfueñedino izói índiaíoi. ⁷ Iemo naga ócuitillaíma Juzíñamui dibénemo ocuíciaíoi. Ie jira afémie nífuenino jaícina ñue írede. Daje izói afémie “Cue bie iere ríimedicue” daínide. Daje izói afémie comécina éocainide. Daje izói afémie jífaífinide. Daje izói afémie illáiredimiena ínide. Daje izói afémie fia Juzíñamuimo táijnado úcube otímiena ínide. ⁸ Mei jíáfodo, afémie ie jofomo mácaíbitinona jíáfodo comécíñeno caimare llínofiredimiena írede. Afémie ñue caimare finófredimiena írena. Afe izói dama ie abina ñue ocuídímiena írena. Afe izói afémie comécina jaícina ítmiena írena. Afe izói afémie Juzíñamuimo ñue jaináidímiena írena. Afe izói afémie dama ie abina lletádimiena írena. ⁹ Afémie ñue ínofirega íemo lloga uaimo iere comécirede, jíámaci comécina nácaitallena. Iemo jíái afémie daí írede, nana uáitatinona uafue daíitallena.

¹⁰ Mei uafue, aillo ocuícana náfueñedino ite. Judíuaimo ite nabene. Afémaci táinodo úritiaíoi. Afe llezica comínina jífuetiaíoi. ¹¹ Afémaci úrilla llícaitarede, mei dáarie afézie nana íaiói ñue ínogafue dobáíñotadiaíoi. Afe llezica llófuerainina uaido llófuefirediaíoi, meáirede fínuado úcube óllena.

¹² Afe Creta énie imácimona daade uai jino lloraíma, ie nabáitiaído úrite. Daíde: “Creta imaci táinofuerediaíoi, íemo jazici ie ríllenai izóidiaíoi, íemo iere güillárediaíoi, íemo jaca iere ráiraíediaíoi,” daíde. ¹³ Afémie uafue daíde. Ie jira ríire íaióina lletari, Juzíñamuimo íaiói ínogafuena féitañeno ñue jeire íaiói óllena. ¹⁴ Iemo daje izói ñue íaióina lletari, judíuai daní uibica uáillaímo íaiói náfueñeillena. Iemo jíái, ua uáimona oni jíicaidino comútaga ocuilla uaimo íaiói cácareíñeillena.

¹⁵ Nana comécina íaífuenidímie naga raa íaífuenide. Mei jíáfodo íadí nana Juzíñamuimo ínoñedino íaífuaíredínomo naga raa íaífuaírede. Daje izói íaiói ífoci uibíllafue íáirede, nana íaiói comeci úrilla uai diga. ¹⁶ Afémaci “Juzíñamuina onódicaí”

daidíai, mei íadi íai finócado Juzíñamuina jáanotíai. Mei afémaci íairuigamacina jáidiaiza. Iemo náfueñedíno izóí itíai; íemo due jiza ñuera raana finónidiai.

2

Ñuera uafue llófueina uai

¹ Tito, o daille uailai ñue uafue llófueina izóí jaca jaícina jóirede. ² Nana éicomini jaca jífaifinidinona írede. Daje izóí ñúefuíaído jacíruiregaiaí. Iemo, abina ñue onódimiaina írediaí. Daje izóí Juzíñamuimo íai íinogafuemo íránifinidíme izóí írediaí. Daje izóí nágaruillaído ñue izíruicana ífirediaí, íemo jíai jaca comécina járitaifinidiaí. ³ Daje izóí eiringótiai úrioinide; íemo ñúefuedo jacíruiregaiaí. Afe izóí táinona llófinidiaí. Iemo jíai jaca jífaírado jífaifinidiaí. ⁴ Daií ñue íai íllana ácatarediaí, jíai ringóniai jítaínguai afe izóí íllena. Afedo íai ínítiaina izíruillena lollíai. Daje izóí jítaíngo íai úruiai gáillena llófueregaiaí. ⁵ Afe izóí íai abina ñue onóillena llófueregaiaí. Daje izóí íaífuiaínidinona íai íllena llófueregaiaí. Afe izóí jofo ero finoca raa ñue úíñollena llófueregaiaí. Daje izóí illáinidíngo izóí íai íllena llófueregaiaí. Afe izóí íai íni ocuícana jíeruifireillena llófueregaiaí. Be daií írediaí, buna Juzíñamui lloga fieni úridoíñeillena.

⁶ Daje izóí jítocomini ñue íai íociretari, abina ñue íai onóillena. ⁷ Iemo jíai, naga o jetáacaga díbénedo o ñue illa izóí íai íllena ácatari. Íaiina o llófuelle llezica, táino jífueñeno llófuefireiri. Daje izóí jífanodoíñeno lloiri. ⁸ Daje llezica táinodo úrinidí, buna o jánari úriñeillena. Afe daií o uáitaacadíno meáiruitiaí, mei ja odo fieni úrinideza.

⁹ Iemo jíai, nana ocuícana íai ocuídíno anamo ñue íllena o llófuefireiri. Daje izóí cáimamacina íai íllena lloiri. Iemo uai ófireiñedinona írediaí. ¹⁰ Afe izóí íai táijina llezica íai ocuídíno ráai meríñedinona írediaí; mei jíáfodo naga táijinana jetátagamie ñue ínofiregamiena írede. Afe izóí írediaí, cai Jíllotaraima Juzíñamui lloga uai iere ebíredeza, dani afémaci abído onótallena.

¹¹ Mei jí, Juzíñamui caimo ie dúecaillana caimo cíotate. Afe caimo ie dúecaillado nana éniemo itino jíllorediaí. Afe jíllorenafue Juzíñamui jae caina onótate. ¹² Afe caimo ie dúecaillamo cai comécíadi fieni illafue cai fáicanocaillena caina onótate. Afe izóí bie énie ímaci óiacaga cai fáicanocaillena onótagacai. Iemo jíáfodo biruillaído cai illafue ñue úillena caimo llote. Jaca abí ñue cai ocuífírena caimo llote, íemo cai illafue ñue jaícina cai jóoneillena cai llote. Afe izóí Juzíñamuimo dúide uaina caimare finóredícaí. ¹³ Iemo daje izóí Juzíñamui uícodo lloga uai, caimare zuíllemo ocuíoiredícaí. Mei aferui iere ríñoredíme Juzíñamui, cai Jíllotaraima Jesucristo caimare billíruiza. ¹⁴ Afémie cai ícoínia tíllinomo uigámie, nana fiénidífuiaímona cai jíllloillena. Daje izóí nana cai íaífuiaí muiñóllena uigámie. Afedo afémie íena caina mamede, ñúefue iere íocíre cai finóllena.

¹⁵ Be nie o llófuereina uai. Nana náinide comini comécina náicaitari, íemo lletáredíno omo ite ocuille ríno díeze íaiina lletáfíreiri. Buna ona jámairuitaíño iri.

3

Juzíñamuimo ínotino bie izóí írediaí

¹ Jesucristomo ínotino énie illaíma anamo íai írena uibíñotari, naa ocuídínuaíri. Daje izóí aféllaímai ocuica uai íai jíeruillena uibíñotari. Afe llezica ebena ñúefuiai fínuamo iere jícairediaí. ² Daje izóí jíáíma jánana fieni úrinide. Afe izóí afémaci comécina caimare uái itínona írediaí, íemo illáinidinona írediaí. Iemo daje izóí nana comínina omoi uáidua llezica, comécina mánaídímiena o illa jino íaiimo onótari.

³ Mánaídímiena íredícaí. Mei nauí uícodo daje izóí cai bie jaca abina onóñedinodícaíza. Juzíñamui lloga uaimo cacáreiñedícaí. Aféruimo níne féiraitíno izóí ífiredícaí. Daje izóí

nana cai comei fieni gáinafuiamo riire ocuicanodicai; íemo jiái cai íóbitade raamo riire llavécanodicai; jaca nágarui fieni ífiredicai, íemo jiáimamo úradoifiredicai. Iemo comécina éoidicai, daje izói conímama éoicaifiredicai. ⁴ Mei íadi cai Jíllotaraíma Juzíñamui íemo ite cáimafue jino caímo cíotate, íemo nana náiraiaina ie izíruifirena diga. ⁵ Afémie caina jíllotaacade, mei íadi jaca nanómona cai daína ñúefuena cai fínuamona Juzíñamui caina jíllotañede. Mei jiáifodo dama afémie caímo dúecaillado caina jíllotate. Caímo ite íaifuiái dama ie múiñuado caina jíllotate. Afe llezica Juzíñamui Ñuera Joreño afe múiñuado, meine como jéiciganona caina finode. Iemona daje izói afe Ñuera Joreño como comuítaga ñúefuedo caina úcaite. ⁶ Cai Jíllotaraíma Jesucristodo, Juzíñamui ie Ñuera Joreño jeruíñeno caímo fecade. ⁷ Afe daí Juzíñamui caina dúecaillano, nífuenidinodicai izói caímo caímare éroide. Afémie daí caina itátate, cai ocúrina zíñona cai illino cai maiñóllena.

⁸ Bie uaillai iere uáfueza. Daje izói nana bífuiái jeire íaioí ólleza ona íaioína iere llotátaticue. Daí ona llotátaticue Juzíñamuimo ínotino bie ñúefuiamo nágarui íaioí jíruillena. Comíni canóllena bífuiái nana ñuera. ⁹ Mei íadi abina onóñedino júfidogafuemona oni o jíicairi. Daje izói jaiáidigima dibénedo lloga íaioí comuilla tánofuiamona oni o jíicairi. Afe izói jiáimana uáitafirenamona oni o jíicairi. Iemo jiái, Moisés lloga uaimo ite féiredifuiáido fuirídnomona oni jíicairi. Nana bie izóidifuiái cómena canóñede. Daje izói bífuiái ífócina úriñednomona comuide.

¹⁰ Juzíñamuimo dájena jaináidino cígiri dámie eneno bozíetaiacania, íena uáidota ménacaiño lletari. Daí lletaca cacáacañeniadi, omoí cígimona íena ruifíruiri. ¹¹ Uáfueña íena ruifíruiri, mei ja áfemona afémie fiénidimiena onóredeza. Afémie ñúefuemona oni níbéfodo fiénidifueño baíidimie. Iemo dama ie finoca fiénidifuedo duere finóbide.

Pablo naa ie nabáiñiaíri mamérilla uai

¹² Artémama mámeciredimie, níbai Tíquicono mámeciredimie omo cue óreiadi méifomo, Nicópolis jofue illánomo raire cue eróizaibiri. Afénomo o jáillena raire mamériri, dinomo dáanommo conímamo dúcíticocozá. Mei afénomo rozírediruillai záitaiacadicueza. ¹³ Iemo nane jiáifue, Zénana mámeciredimie Apolos diga nana omo ite dieze íaillinoína canori. Afe Zena jiáimado ñue úrifiredimie. Iaillinoí jaille llezica jitaica raana íaillinoímo fecari, mínicana íaillinoí jítaiñellena. ¹⁴ Iemo daa cai Juzíñamuimo jaináidino ñue lloíri, ñúefuiamo íaioí táijifireilleza; daje izói jiáie come jítaiadi, íaioí jitailla raana fecari. Iemona íaioí illafue ñue ráifiteza.

Iraicaiño uáiduano ñue íaioí íllena Pablo Juzíñamuimo jicade

¹⁵ Nana cue diga itino omo uai orédaíaoí. Cai izíruiga nabáiñiaí daje Juzíñamuimo ínotino o uáidori. Mei Juzíñamui nana ómoína ñúefue dibénemo itátaiteza. Daítateza. Jae níie.

SAN PABLO FILEMÓMO ORÉCABE La Carta del Apóstol San Pablo a Filemón

Pablo Filemomo cuete

¹ Cue Páblodícue. Cristo Jesús ícoinia llavécamiédícue. Cai ama izóidímíe Timoteo cue diga illa llezica, Filemomo bibe cueticue. O coco táijinamo izíruiga nabáifredímíedio. ² Afe llezica Juzíñamuimo ínotingo cai miringo izóidíngó Apiamo cueticue, íemo jíái Juzíñamui uaimo iere cai nícdogafuemo nabáifredímíe Arquípomo cueticue. Iemo jíái Filemón jofomo gairífirede Juzíñamuimo jaináidinomo cueticue. ³ Mai birui cai Moo Juzíñamui cai Ocuíraíma Jesucristo diga, ñúefue dibénemo ómoína itátaiteza; daje izóí caimare uái illí fue ñue ómoímo itátaiteza.

Pablo Filemón Jesucristona izíruilla íemo ie ínuana llote

⁴ Juzíñamui diga cue úrilla llezica omo uíbicaidícue. Uíbicaillano, jaca Juzíñamuina “Figora” dáifíredícue. ⁵ Mei o ñue o finócafue fidídícueza. Cai Ocuíraíma Jesuna o izíruillana íemo o ínuana diga, fidídícue. Daje izóí nana Juzíñamuimo jaináidinona o izíruillana fidídícue. ⁶ Juzíñamuimo o ínuado jíáimaci afémíe uai jeire o otátallena Juzíñamuimo izire jícadícue. Afémaci o diga nana Cristo Jesúmona comuítaga cai ñue ínofírenafuíai, ñue onóillena jícadícue. ⁷ Afe daí jícadíredícue, mei ja o izíruillado íóbídícueza, daje izóí áfedo cue comeci íocíredeza. Daíí ori íóbídícue, mei Crístomo ínotino odo comécina fíracaíaióiza.

Ríire ocuícamié Onésimomo Filemón dúecaillena Pablo íemo jícade

⁸ Iemona ja birui, Cristo orécamiéna cue íllado omo dúide finolle raana ríire ocuíredícue. ⁹ Mei íadí afe izóí ócuiñeítícue. Ríire ocuilla baímo caimare jícana gáidícue. Iemo conímana coco izíruillamona omo jícaítícue. Ua ja cue éíromadícue, íemo jíái Cristo Jesús llavécamiédícue. ¹⁰ Daíí cue íllamona, daa cue onóigamiemo o dúecaillena jícadícue. Benó cue llavéjina llezica afémíe cue jíto izóidímíena jaide, mei afémíe comécina Jesucrístomo ínuamei afémíe jaináitaticueza. Afémíe Onésimo. (Jesucrístomo íe ráifidímíena omo íllana jaca comécíñedio.)

¹¹ Nauí Onésimo omo ráifíñedímíe izoide. Mei íadí birui cue o diga afémíe ráifidímíe izóí táijírede. ¹² Meine abido íena omo orédícue. Afe íe cue ória cue íere izíruiga úrue ória izoide. ¹³ Nai benomo ñúefue ícoinia cue llavébilla llezica, afémíena “Benó cue diga fiebi” uáfúena daíícadícue, o méifomo afémíe cue canóllena. ¹⁴ Mei íadí nai o jíí dáííñenia mínícana ocuíaícañedícue. Daíí daídícue, o cue jícajana ocuilla izóí íñeillena. Mei jíáífodo dama o comeci jítailla izóí cue jícajana o fínúana jítaídícue. ¹⁵ Níbaí Onésimo nauí fía nígarui fidí oni o abímona jaide, meine billano biruímona o abímo afémíe jaca nínomo íllena. ¹⁶ Iemona birui ríire ocuícamié izóííñeno, mei jíáífodo izíruiga ama izóidímíena afémíe o diga írede. Afe jíra nauí ríire ocuícamié baímo ñúemíena o diga írede. Afe bímie íere izíruitícue, mei íadí o cue baímo íena izíruiredí. Birui daa afe ñue táíjítaíllímíe izóí íena izíruinidí, mei afe baímo cai Ocuíraímamo jaináide ámana o izíruilla izóí, afe izóí íena izíruiredí.

¹⁷ Iemona uáfúena cue nabáidímíe o íadí, cue o líínua izóí, afémíe o líínori. ¹⁸ Níbaí nano afémíe fíénide raa omo finóadí, íemo jíái níbaí míníca omo íbañenia, cuemo jíca, cue íbállena. ¹⁹ Ona uafue cue daíítallena cue ónoído cueticue: Afena íbaítícue. Cue Páblodícue. Mei jíáífodo cue ona uíbíñotaredícue, dama o ñue méídoga abí cuemo dúide,

mei Juzíñamuimo ona ínotadícueza. ²⁰ Ua mií, cai Ocuíraimamo o ínuamona, afe bímie o llínuado caimare cue itátari. Crístomo dájena jainaide ama izói cue comeci fírari.

²¹ Omo cueticue mei o jíeruifirena ñue onódicueza. Jiái onódicue, cue ocuica baimo finóredio. ²² Afe llezica cue iníllico uiécodo raire finori. Mei bie izói ocuídícue; Juzíñamuimo omoi jicállemona, Juzíñamui omoi cue eróizaibillena cuena óreite.

Iraícaíño uáidua, caimare ñúefue dibénemo omoi itátallena

²³ Cristo Jesús ícoinia cue diga llavécamie Epafras uai omo orede. ²⁴ Daje izói jiáie cue tájínamo canódimaci Marcos, Aristarco, Demas, Lucas diga omo uai orédiaíoi.

²⁵ Mai mei cai Ocuíraima Jesucristo ñúefue dibénemo ómoína itátaiteza. Daiítadeza. Jae ñie.

HEBREO IMÁCI MO CUEGABE

(Daa bimaci jiáifodo mameina Judíuái)

La Carta a los Hebreos

Juzíñamui ie Jitodo ja comínimo úrite

¹ Jaiai ninomo cai judíuái jaiáidigimamo Juzíñamui úrite. Ua, ie uai llórainido diga icaiño, diga jiáifodo jóoide uáillaído úrite. ² Mei íadi ja birui írairuillaído Juzíñamui ie Jitodo caimo úrite. Bie Jitó uaido Juzíñamui jaiai bie éniena naa úcuairi finode. Iemo naga raa íeiena náamatalena Juzíñamui íena mamede. ³ Afe Jitó ie Moomo ite ebíredena jino cíotatimie. Daje llezica afémie jino náiraímo cíotaga; ua daje Juzíñamui izóidimie. Nana finoca ráaniaina afémie dájena jaináitano ie ñue riírede uáillaído nágarui ñue jaícina finócana uite. Bímie, cruzmo dama ie die tótajado cai fiénidifuiái ñue múiñua mei, caífo monamo ite Juzíñamui nabezi dibénemo ráinazaide, dinómona nahí illáimaillena.

Juzíñamui Jitó Juzíñamui abi imáciai baímo fígomie

⁴ Afémie afe jamánomo riíredinomo jáillamona, nana Juzíñamui abi imáciai baímo fígomiena jaide. ⁵ Juzíñamui ie abi imácionna dáamie jaca “Cue jitódio” daiíñede. Ua, “Cue Jitódio, ja birui illáimana o jóoneitícue” jaca daje izóí íaioina daiíñede. Mei íadi ie Jitó Jesucrístona daí daide. Daje izóí ie abi imácionna dáamiena “O moonna íitícue” daiíñede. Dáanomo “Cue jitóitio” daiíñede. Mei íadi Jesuna daí daide. ⁶ Ua Juzíñamui ie izoide daade Jitona bie éniemo comútajano daide:

Mai, nana Juzíñamui abi imaci, bie cue jitona jacíruiocana ñue omoí ióbitari.

⁷ Mei íadi abi imácionna Juzíñamui daide:

Bimaci cue abi canórainina íllamona, íaioina ocuífiredicue. Iemona jairifo raire náidacailla izóí, bimaci cue ocuícana raire jetáfirediaioí.

Afe izóí nana cue canófirede cue abi imaci jacírede boode irací izóí, íaioina ocuífiredicue, —daide.

⁸ Mei jiáifodo ie Jitona daide:

Juzíñamui o íllamona, o illáimana illírui jaca ninomo zííñona íite.

Ñue comécina jaícinaínafuedo jaca illáimaífíreitio.

⁹ Ua, comécina jaícinaínafuena izírúitio, mei íadi fiénidifuiáimo éoicana eróidíio.

Iemona Juzíñamui, ua o Juzíñamui, jae ona ióbitade.

Nana Juzíñamui uaina jíeruite o nabáíñiaí cáimadua baímo, cáimatagao, —daide.

¹⁰ Jiáinomo ie Jitona Juzíñamui daide:

O Ocuíraímadíio.

Naga ráaniaí o táinia mei, bie énie finódio.

Nana monamo ite naga úcuai o ónoído finócana.

¹¹ Afe énie naa úcuairi niné táinocaitiaioí, mei íadi o jaca zííñona íitio.

Aféniaí jácara iníroillai zabilla izóí zábitiaioí.

¹² Iemo inícuro dócoiano oni jóonia izóí, oni eneno íaioina jóoneitio.

Iemona iníroi jíáiroina abímo jita izóí, bínie naa ucúduairi méidoficaitiaioí.

Mei íadi o jaca méidoñellioza, dinó níimieitio.

Omo itífue jaca zííñona íite.

¹³ ¿Ñie mei ie abi ímiemo Juzíñamui llogámie:

O fairíconi o anamo cue anáfenotalle llezica mai benó cue nabézimo illaíma nabai izóí ráinazaíbi?

Daí dainámiena iñede. Dama ie Jitó Jesuna daí daide. ¹⁴ Nana afe Juzíñamui abi imaci Juzíñamui ocuica canófirede jóriaia. Ua Juzíñamui orécaiaoi, afémiedo jílloitino ñue rairuúllena.

2

Cristo caimo llúaibiga jílloa uaimo ñue úiñoredicai

¹ Ie jira Juzíñamui Jitó, Jesucristo daí naga illaíma baimo jáidimiena illamona, nana Juzíñamuimona cai cacana uallai jeire cai olle iere jitáirede; omoi jefónia ñue jinéoiri. Aféuaimo ñue omoi cacáreiri, oni nibéfodo fiénidifue mo cai báiiñeillena.

² Mei Juzíñamui jaiia ie abi imácido llogáuai jaca oni caitánide. Naga aféuaina jeire oñédino naa cacáfinidinori raire iere duere finócaiaoi. Mei afe fiénidifue finuamona Juzíñamui íaioimo jaícina ibana ote. ³ Mei íadi birui aféuai baimo jamánomo ñue riírede uaina cacádinodicai. Ie jira bie Crístromona cai cacana uáillaina jeire cai óñenia, ¿nífuedo jaícina iba uáfue mona jílloiticai? jílloindicai! Afe baimo ñue riírede uai nano fueñe Ocuíraíma Jesucristo caimo llogáuai. Ie mei ie dainana cacádinodo aféuai jae cai uafue daíllena llotátaga. ⁴ Afe íaioi daina uaimo onótate raado Juzíñamui ñue uai nabáitate. Iemo jái jacírede raado, aillo cíorainina raa diga afémie ñue uai nabáitate, íaioi daináuaimo ñue cai ínollena. Afe llezica Juzíñamui ie jitáinafue izói, ie Ñuera Joreño ñúefuiai finolle riino, illa dígamierie íaioimo fecade, daje izói caimo.

Jesucristo Juzíñamui Jitó íadi afémie cai illa izói, fia cómena íficaide

⁵ Cai úrifirena ñuera úreitiruillaido níimie illáimaillena, Juzíñamui ie abi imácina: “Illáinina jáitiomoi” daíñede. ⁶ Mei jáífodo comínina illáimaitaacade. Jaiia Juzíñamui Cuegáuaimo David Juzíñamuina daide:

¡Nii naga come Juzíñamui dibéneo jamáimiana!

¿Níbái mei íaioimo comécidio?

¿Níbái mei íaioi jitótiamo jaritaitio?

⁷ Mei uáfueña due jiza o abi imaci jofófemomo comínina comúitatio.

Illáima ebírenano naa ñúefue diga íaioimo nitáidio.

⁸ Naga raa íaioi anamo o itátatio.

Daí naga raa íima anamo itábicaillamona, jae minica ie anamo itábicañedena iñede. Mei íadi ja birui íima dibéneo naga raana náamatañega. Afe izóiñedeza; afémie nahí náamañede. ⁹ Mei íadi jáífodo birui Jesuna cai onónamona íemo comécidicai. Afémie nana íanori due jiza Juzíñamui abi imaci jofófemomo jónegamie. Aféruído afe Jesús nano cai jáinona, tílla onóillena facade; mei afe llezica nana comini fiénidifue ícoinia Juzíñamui zóofegamieza. Ie mei tíide meine abido cáanamona jamánomoidimiena jaide. Afe mei afémie, illáima izói, ñúefueña nitácámie, jae ebire finócamie, mei nauí ie tíllaruimo iere duere ie zefuúllamona. Juzíñamui cairi dúecaillano, nana comini niné táinocaitañellena cai ícoinia Jesuna daí zefuítate.

¹⁰ Juzíñamui daí ie Jitó duere finoille caimare íemo jóbide. Ie jira Juzíñamui íaioina jílloitate ifódimie duere zefuúllafuedo nana cai jílloafueña ñue fuitade. Mei jii, naga raa Juzíñamui íeiena ie ínua mona ja birui itáiaoi. Afémie nana comínimona aillo jitótiai jílloacade ie caimare ebírenanomo dáanomomo íaioi dúcizaillena. ¹¹ Mei Juzíñamui dibénemo oni jónetimie Jesús, nana Juzíñamui dibénemo oni jónegamacai diga daje Juzíñamuina móorediaoi. Iemona, cai baimo jamánomoidimie íadi, Jesús “Cue ámatiaidomoi” daí dainana meáiruñede. ¹² Afémie Juzíñamuina daide:

O mámece cue ámatiamomo jino llóiticue.

Nana omo gairídino cígiri rocana ñúefue omo nítaiticue.

¹³ Jáinomo Cuegáuaimo daide:

Cue Juzíñamuidio. Omo ñnoiticue.

Ie mei jiáinomo daide:

Be, benó iticue, Juzíñamui cuemo iga naa úruiairi.

¹⁴ Onódiomoiza, nana cai jae cómena comuítacai. Daií cai íllamona, daje izói Jesús dama cómena comuíbicaide. (Ua, fia come izói jéciga.) Afe mei come abi íemo íllamona, ie tíllado cai títaite Taifena ríinitade. ¹⁵ Jaiáimona nana tílle jágiedo Taifemo rairuícamacidicai. Mei íadi Jesús jae cai jacíruiñeillena nane ñue cai finode. Ja ráiruiñeganona afémie daií cai ñue orede, nana nauí cai caana llezica tíllena jacíruiticai íadi. ¹⁶ Mei uáfodo onóigaza: Jesús ie bíllado Juzíñamui abi imácina cánuaibiñedeza, mei íadi cómena íficaillano nana Abrahámona comuídigi mana cánuaibite naa jiáie Juzíñamuimo ñnotinori. ¹⁷ Afémie cai cánuaibilemona ie ámatiai nana íaioi illa izói afémie íficaillana iere jitáiredeza, mei dúecaifirede nahí comínimona Juzíñamuimo comínido úritillaimana jáideza. Ua ñnofirega Juzíñamuimo úriraimana jáiacade, afe daií ie tíllado comínimo ite fiénidifuiái oni muiñóllena. ¹⁸ Mei Jesucristo íaifue fiéni facátafuiaimona duere zefuide, aféfuemo baiñede íadi; íemona ja birui fiéni Taife facátagamacina cánua ríino Crísto íteza, ja caina ñue canórede.

3

Jesús Moisés baimo jamánomoidimie

¹ Ie jira, cue ñue ámatiai, Juzíñamui uáidogamací dibénemo jaináidiomoiza, Jesumo izire comeci omoi facari; ua cai jeire oga ñúefue lluaíbitagamíemo ñue comeci omoi facari. Iemo nane Juzíñamui dibénemo caído ñue úritimíemo, mai íemo comeci omoi facari. ² Bie Jesús íena daií mamédimie ocuica uaina jaca nágaruillai ñnofirede; ua, jaiáidimie Moisés nana íemo llogáuaina jeire ófirena izói, afe izói bímie nana íemo ocuica uaina jeire ófirede. ³⁻⁴ Jae onódiomoiza naga jofo come niga; dama abina niñedeza. Mei íadi naga ráaniai finódimie Juzíñamui. Iemo daje izói ja onódiomoiza, naga jofo niraíma afe nigaco baimo ñúemieza. Afémíemo jamánomo ñúefue jóonere. Ie izói afe bie Jesús Moisés baimo ñúefuena nitáregamie, mei naga raa afémie comuítacaza; íemo jiái daje izói Juzíñamuimo cai jaináinana Jesús comuítateza. ⁵ Ua, afe Moisés nana Juzíñamui íemo llogáuai, Juzíñamui dibénemo táijiacadimie izói, aféuaina ñue jaícina Juzíñamui eneno nizeca Israel náiraímo llotátate. Afe daií afémie ie méifodo bite llófuellífuemo uai nabáitate. ⁶ Mei íadi Cristo, jofona náamataga Jitó izói, nana ie anamo itínona ñue jaícina ocuíoide. (Afe daií Cristo Moisés báifene ímienaza onódicai, mei naga jitó, jofo ero táijiraíma baimo itímienaza.) Iemona Cristo dánana, cai ñnuafue ñue riire itífuedo are illa ícoímo jeire cai oíadi, Juzíñamui comínidicai. Afe llezica afémíemo caímare cai úíñuana jitáirede.

Juzíñamui comini comeci caímare uái illafue

⁷ Ie jira Juzíñamui Ñuera Joreño jaiái Cuegáuaido daide:

Birui Juzíñamui daínauai omoi cacana llezica omoi coméciai ríiretañeno iri.

⁸ Jaiái énie zaféredinodo Israel comini facátaruimo afémaci íaioi comeci riire fínuano Juzíñamuina uáitatiaioi.

Jií, afe izói omoi íñeno iri, daide.

⁹ Iemo nane Juzíñamui daide:

Aféruillaido jaiái omoi uzútiái Judíuái cuemo ñnoñeno fiéni facátafuedo cuena facátatiaioi. Cuarenta díga fimónado nana íaioímo cue finócafuiaina ciódiaioi íadi, cuemo fiéni comécidiaioi.

¹⁰ Ie jira afe bigíma cuena ríicaitade.

Afémacido daidicue: “Íaiõi comeci cuemo figo jaináñenamona, cue lloga io onóñeno oni nibéfodo jáidinona itíaiõi.”

11 Iemona áferi icírillano riírede uaido daidicue: “Jaca cue lloga caimare comécina uái ocózinaillana óñeitíaiõi,” daidicue.

12 Amatíai, daje izói figóñede, ñúefuena íáiruiga íñoñede comécimona mai abí omoí rairuiri, afe izói omoí íñeilla. Mei afe izóidímie cai caade Juzíñamuimona oni eneno jica íteza. **13** Mei íadi nágaruillaído, Juzíñamui ómoína nai uáidua llezica, Juzíñamui dibénemo ñue riire jainairi. Iemo daní ómoimona ñue lletari. Daí ñue omoí llóiri, fiénidífue ie abi jífuiafuedo buna ómoimona dáamie comécina riíreiñellena. **14** Mei nanóidemona caimo ite izire ínogafue, riire fáicanocaiñeno uáfuena cai onóyadi, jae Cristo dibénemo jaináidinodícai. Aféfuemo rairuíñeno ñue omoí jíruiri.

15 Juzíñamui Cuegáuai daí daide:

Birui Juzíñamui daínáuaina omoí cacana llezica, jaiái Israel Juzíñamuina uáitjaruimo comeci riirena izói, omoí comeci riíretañeno iri.

16 ¿Bu mei afe Juzíñamui uai cacáдино íadi, nane dáanomo íena uáitate? Mei nana Egíptomona Moisés bairócamaci Juzíñamuina uáitate. **17** ¿Mei nímaci cuarenta díga fimona Juzíñamuina icírítate? Mei nana afe Juzíñamui uai íñoñeno fiéni finódino; ñí afémaci ícuruai énie zaféredinomo fiénocaiga. **18** ¿Ñí náiraina riírede uaido Juzíñamui daide: “Jaca cue lloga caimare comécina uái ocózinaillinomo dúciñeitiómoi?” Mei nana afe ie uaina cacádinona íadi aféuaina jeire oñédinona daí daide. **19** Daí íaiõina dáinana íaiõi íñoñenado jofo cáimanomo dúcinidiaõi. Ua daí ñúenomo íaiõi dúciñenana onódícai.

4

1 Ja birui Juzíñamui uafue caimo lloga caimare comécina uái ocózinaillana cai olle uai caimo ite. Aféuai nai caimo illa llezica mai ómoimona dáamie aféuai comécimo óñeilla daítadífuemona mai abí omoí rairuiri. **2** Mei uafue cai bie ñúefuena llogámacidícai. Ua afe jaiái Egíptomona bairócano ñúefuena llóina izói ñúefuena llogámacidícai. Mei íadi íaiõi cacana uai figo íaiõina canóñede; mei íñoñediaiõiza fia táinona cacádiaiõiza. **3-4** Mei íadi Juzíñamui lloga caimare comécina uái ocózinaillinomo nahí jofo jáidinodícai, mei ie uaina ñue cai ínofirenado. Birui Jesumo cai ínuamona, caimare comeci jacíruiñenafue dibénemo jónegacai. Jira ocózinairanomo táijiñeno cai illa izói, jae caimare uái itícai. Ie mei uire Juzíñamui illánomo ñue afémie díga caimare uái íítícai. Jaiái íñoñedinona Juzíñamui daide:

Íaiõimo cue riícaillano ñue riírede uaido daidicue, “Afe cue lloga caimare comécina uái ocózinaillinomo jaca dúciñeitiáiõi,” daidicue.

Daí Juzíñamui íaiõina daide. Mei íadi ua íaiõi caimare illífue Juzíñamui are uícomo mamécaza; mei jae are énie ie comuítjaruimona, nana Juzíñamui ie finócafuiái, naa caimare cai illífuiairi, jae fuitádeza. Mei Juzíñamui jíáinomo ie Cuegáuaimo afe ie ocózinaillaruido úrite; daide:

Juzíñamui seis dígarui táijide; ie táijina mei siete iruimo nana ie finócafuiáimona caimare uái ocózinaide.

5 Afe mei jíáiruideo ie Cuegáuaimo Juzíñamui daide:

Cue lloga caimare comécina uái ocózinaillinomo dúciñeitiáiõi.

6 Iemo ñúefuena nanoide cacáдино íñoñenamona afénomo jofo íaiõi jáinina méifomo, áfeo nai jíáimaci jáillena túide. **7** Ie jira Juzíñamui díga fimona jailla mei, David roránicuaído comíni uáiduano meine jíáie billirui íaiõimo llote. Afécuaimo, due jiza íllamona cue lloga izói, Juzíñamui daide:

Birui Juzíñamui daínáuaina cacádimoiõiza omoí comécina riíretañeno iri, daide.

⁸ Mei íadi Josué afe jaiáidinona nahí caimare come comeci jacíruiñenanomo uiñede. Ie jira diga fimona illa mei Juzíñamui meine abido comini caimare illíruina úrite. ⁹ Iemona afe nahí caimare come comécina uái ocózinaillafue nai ite, Juzíñamuimo jaináidimacina dani íaioiena maiñóllena. Afe ñue caimare cai illífue ocózinaillaruiimo cai ocózinailla izoide. ¹⁰ Mei naga afe Juzíñamuimona oga caimare illífuea maiñódime, dama ie jílloille naa ie nícidogano fáicanocaillano, caimare uái ite. Ua Juzíñamui naga ráaniai ie finua fuilla mei, ocózinaillano caimare uái ite. Afémie uái illa izói caimare uái iticai. ¹¹ Ie jira afe caimare cai illífuea mai ñue omoi maiñori. Mai benómona daí omoi ífireiri, ómoimona buna jáairagima bífuea íaioi ñnoñenado íaifueo baiílla izói omoi báiiñeillena.

¹² Nana Juzíñamui lloga uai, jaca íocire cáadime izoide. Afe uai jaca ninomo riiredeza, buna oni caitánide uai. Aféuai comini ífocaimo déifirede; ua íaioi comécina zuitáfirede. Mei jii, jáire jicaica lloéfaido abi ñeta iere jofo ícurumo raire dúcizailla izói, afe izói Juzíñamui uai nana cai comeci ífui ai onótate. Uáfuea cai comeci facáduana naa cai comeci jítailafuiari fídiano ñue uáfodo jaícina jino caimo onótate. ¹³ Nana Juzíñamui finócafui ai íemona oni retáidonide. Ua, daa Juzíñamui cióñenamiena iñede. Nana cai comécillafui ai cai finócafui ai diga, uáfori cai nahí Jicánoraima ui anamo ite.

Jesús Juzíñamui dibénemo caído ñue úrifredillaíma

¹⁴ Jae Juzíñamui Jitó, Jesús, mona úllie illano iere caifófenemo jaillano, Juzíñamui illánomo dúcide. Dúciillano Juzíñamuimo dibénemo caído ñue raire úriraimana jaide; ua afémie caído úrifredillaímana jónega. Afe bie úriraima caimo illaza, mai nana afémiemo cai comécilli; afémiedo cai ñnogafui ai fáicanocaiñeno jaícina riire ñue íemo cai ñnoilli. ¹⁵ Afe caído Juzíñamuimo úrifredillaíma nana cai abi ríidolle riino iñénana onode. Ua afe cai riino iñénamona cai féiraifirenana afémie onode. Ie onónamona caimo dúcaifirede; mei afémie cai izoide cómena íficaillamona, nana fi eni facátafui ai na cai cacana izói cacade íadi afe fiénidifui ai mo baiíñede. Iemona Juzíñamui dinena jáiredicai. ¹⁶ Ie jira Juzíñamui illáimana illánomo cai úrizaiilli; mai omoi jacíruiñeno afe caído úrifredillaímadó Juzíñamuimo raire úrifireiri. Daí íemo úriredicai caína ie dúcaillano cai fi eni finócafui ai iba caimo óñeillena; daje izói afémie cai jítai lliruido cai canóllena, afémiemo úriredicai.

5

¹ Naga come dibéfodo Juzíñamuimo úritillaíma comínimona nizeda oga. Uano Juzíñamuimo comínido úrilla mamécami e. Daje izói afémie comini dibéfodo Juzíñamui íobitalle ráfui ai finófireillena mamécami e. Íaioi Juzíñamuimo fia iga ráaniai afémie izájite. Daje izói íaioi fiénidifue iba otátañelle fia fállena fecaca tóica rílleniai afémie Juzíñamuimo izájite. ² Afémie ríinide cómena íllamona, íaioi illa izói abina onóñedimacina fáicana comeci járitañenado caimare firaizitaite. Daje izói oni nibéfomo baiídinona comeci járitañeno llétaite. ³ Mei afe nizécami e cai izói ríinidime. Iemona dama ie íaifui ai muiñolle tóica rille jíaimaci fécajilla izói, afémie jíai fécajirede. Ua nana comini dibéfodo izáibilla izói, dama íeiena afémie izáibirede.

⁴ Afe iere ñuera Juzíñamuimo úriraimana íllena, buna dama ie comeci jítaina izói ínide; dama Juzíñamui jónegami e daí írena. Afémie caimare jacíruigami e. Jaiáidiruimo daí Juzíñamui Aarona uáidote. Uáiduano, Juzíñamui íena nizeda úritillaímana jónete. ⁵ Afe izói Jesucristo Juzíñamuimo comínido úriraimana íllena raire dama uícoficaiñede. Mei íadi Juzíñamui daí úritillaímana ie jóniacana llezica íena daide:

Cue jítódio; ja birui illáimana o jóneiticue, daide.

⁶ Ie mei daí daínami ena Juzíñamui jíainomo nane daide:

Jaca ninomo Juziñamuimo comini dibéfodo úriraimadio. Ua jaiái ninomo Juziñamuimo úriraima Melquisedec izói jaca ninomo Juziñamuimo comini dibéfodo ziiñona úriraimana ítiio.

Aquíe izói Juziñamui ie Jitó Jesuna daide. ⁷ Cristo cai come izói bie éniédo jáicaillarullaido, izire écana Juziñamuimo comeci facade. Iemo dáaruído Juziñamuimo izire jicade. Afémie daií éna jíllotaredimiemo comécido úrite; daide: “Bie cue tíacanafuemoná mai cue jíllota” daide. Iemo Moo Juziñamui anamo afémie ñue itábicaillamona comécido Juziñamuimo ie jícajana Juziñamui cacade. ⁸ Daií Jesucristo Juziñamui Jitó íadi, ie duere zefuillafuíaído ocuilla uai anamo itábicaillana fibide. ⁹ Afemona afémie daií nana cai jíllouillifue ñue fuitállena jamánomo jáicina fibítagamiena jaide. Ie jira nana íemo ínotimaci dibénemo Jesús ziiñona Jíllotaraimana jaide. Ua ziiñona jíllonafue tainédimiena jaide. ¹⁰ Mei jira Melquisedec izóidimie Juziñamuimo comini dibéfodo ziiño úrifireitimiena, Jesús jae Juziñamui mamécamié.

Cai ínogafue meine abido cai jáanolle iere jacírede

¹¹ Bífuiáido aillo úriacadicue, mei íadi iere cacáacañediomoi. Iemona nai figo baitáñedino izói itíomoi. Daií omoi íllamona, bífuiái ómoimo jino cue llolle iere féirede. ¹² Naui nano Crístomo omoi ínuaruimona jae diga fimona jaide. Iemona jae oni jáímacimo omoi llófuerizaille iere jitáirede. Mei jáífodo ja birui meine abido Juziñamui llogáuái tainéinafuiaína ómoimo jáíma llófuelle jitáirede. Nai monoi jirode úrue izói meine abido úruetaidiomoi; nai figo baitáñedino izói itíomoi. Ua líciaina nai rínide izóidinona abido jáidiomoi. ¹³ Mei jíi, naga monoi jirófredino, móonaiñena llezica nai dúetiru. Daje izói naga Juziñamui anamo ñue jáicina caina móonaitade llófueinafue dibénemo baitáñedimie nai úrue izoide. Mei afémaci nai móonaiñeno úruiaí izói baitáñediaoiza. ¹⁴ Mei jáífodo dama móonaite éicomini líciaina rírena. Afe izói juárede llófueinafue ñue onona dama comécina ñue jéedimacimo dúide; mei afémaci aillo facáfírenamona ñúefue fiénidifue baímo ñue onónana fibídiaoiza.

6

¹ Ie jira afe nánoide Cristo dibéfodo llogáfuiái ómoimo llúana ja mozíñocaidicue, jáíe cómofue ómoimo jino cue llólle. Omóimo cue llolle bie cómofue, Juziñamui llogáuailaido ómoína ñue jáicina móonaitaite. Aféfuiaí mai jeire cai olli. Nano uícodo lloga ñúefue jillácina meine abido diga icaiño ómoína llófueñeiticue. Afe nanóidifuiái bie izói daide: “Ómoína jíllotañeite omoi nícidogafuiái fáicanocaillano ñúefuena méidori. Méiduno, mai Juziñamuimo omoi ínnori,” daide. ² Iemo afe nanóidifuiái báutizaafuedo úrite. Iemo dáanomo onoi cómemo bítafuedo úrite. Daje izói come tílle mei, afe tíidinomona meine abido cáailifue llote. Afe emódomo, írairuimo Juziñamui nana comínimo jícanolle mei ziiñona duere finótallifuedo úrite. ³ Nana bie nanoide llogáfuiaina meine abido llófueñeiticue. Mei íadi, Juziñamui comeci jítaina izói, afémie cue canólledo, ñue móonaitadifuiaina omoi llófueiticue.

⁴⁻⁶ Daií birui ómoimo llófueacadícueza, mei nanóidifuiaina uáitajano oni jáífodo féiraitimiai íaioi illafue nano ñue ínogafuena jaca méidonide; mei afe ñúefuena nai náfueñediaoiza. ¡Mai, abí omoi rairuiri! Afe daiítadimaci naui dáaruina Juziñamui llófuegamaci izóidiaioi; ua Juziñamui dibénedo ífócina déitaganona itíaiioi. Daje izói, monamo ite Juziñamui daína caímátallifuena facádiaioi. Iemo daje izói afémaci Juziñamui Ñuera Joreño úcaillana jae facádiaioi. Afe llezica Juziñamui ebírede daínáuai cómena ñúetatifuena afe íaioi fácamona, ñúerana onódiaioi. Afe emódomo, Juziñamui Jitó uire illáimana illirui llezica, íemo ite comini cáímadolle rínodo jae bimaci canócaiaioi. Jae nana bie núefuiaina fibídiaioi. Mei íadi afe mei Juziñamui ífuiaína móonaitaoíño,

aféfuiaiana íaioi uáitaiadi ñúefuena méidofinidinona jáidiaioi; mei daí afémaci íllamona Juzíñamui Jitona cruzmo fatátatimaci illa izói afémaci dani itíaióiza. Ua nairai uíecori íena jifánodoia izói íena meáidaitadiaioi. ⁷ Bie izoide comini comue jacafai aífena izoide. Juzíñamui bíitaga noci naga éniemo diga ícaño biide. Iemona afe éniemona ñue ria aite, afe éniemo táijidino güíllena. Aféniena Juzíñamui ézicite. ⁸ Iadi jáínomo noci bíilla mei, daa figóñede éegiai ailla, naa zaie diga. Afe izóidinie ráifiñedeza; nibai íanori íllamona Juzíñamui fáidoite. Iirainomo afénié jobáillamo dúide, naa afénomo zicódinuairi mei figóñedeza.

Cai úiñoigafue caina riire nabaide cai ñnogafue féiñellena

⁹ Mei íadi cue izíruiga ámatiaidiomoi. Jae cue lloga faidórafue baimo jamánomo ñúefuiai dibénemo jaináidiomoi. Ua omoi jíllonafuemona comuide cáimaduafuiai maiñófirediomoiza. Aféfuena ñue onódicue. ¹⁰ Juzíñamui comécina jáicina jóidimie. Iemona nana íena omoi izíruillamona omoi finoca Juzíñamui comini cánua ráaniaina, afémie féitañede. Daje izói aféfuiaimo nai birui jieruitiomoi. Ua Juzíñamui jaináidinona izíruillano, ñue afémacina riire canófirediomoi. ¹¹ Ie mei birui afe izire omoi nícidua izói, daje izói ómoimona illa dígamieriena Juzíñamuimo ocúiriri daidicue. Iemona omoi ñnogafuiai jeire ómoína otátaacadicue, omoi úiñoigafue táinomo fáifiñellena, mei jáífodo ñue jáicina omoi fuitállena. Afemo ómoína nágarui izire coméciiri daidicue. ¹² Daí izire omoi comécioillamona ráiraiédino illa izói íñeitiomoiza. Mei omoi ñue comécillamona, jáífodo daade Juzíñamui lloga ua caimare illafue dibénemo itino illa izói ítiomoiza. Afémaci íaioi ñnogafuedo íaioi abina ñue finóinafuena Juzíñamuimona otíaiioi. Ua comeci járitaiñeno are illa ícoimo Juzíñamui uícodo íaioimo lloga ñúefuena maiñóroidiaioi. Íaioi illáfuemo ñue omoi coméciiri, íaioi illa izói omoi íllena.

¹³ Mei jii, Juzíñamui iere ñnofiregamie. Jaiai Abraham illáruimo Juzíñamui uafue uai Abrahamo llote. “Aillo comini jebuítaitio” jaiai uícodo íemo llote. Llua llezica uafue daíllena Juzíñamui dama ie mámecina llínote, aféfuena Abraham ñue ñnollena. Ua Juzíñamui dama ie mámecina llínote, mei jáie baimo jamánomoidimiena íñédeza. ¹⁴ Daí Juzíñamui Abrahana daide: “Uafue iere ona ñue caimátaitaiticue. Jae cue o jítóretallemona, o erófene igímána jamánomo iere jebuítaiticue,” daide. ¹⁵ Iemona Abraham comeci riire járitaiñeno, diga fimona áfemo úiñooida. Daí ie ocúirina mei, afe Juzíñamui lloga caimare ie nairai jebuíllifuena Abraham ñue maiñódeza. ¹⁶ Bínie comini cígimona dáamie uáfuena daíacana llezica, afémie baimo riiredimie mámecido uafue daítate. Daí lloga uaina buna oni caitáíñede. Nana dani íaioi júfidogana záitate. ¹⁷ Daje izói Juzíñamui ie lloga finóllifue, jáie ñue riirede uaido, aféfuena iere uafue daide. Afémie daí dáideza, mei ie uícodo lloga ñúefuena máíñoitinomo, afefue ua jáífodo méidonidena jino íaioimo uáfodo llóiacadeza. ¹⁸ Daí Juzíñamui mena caitánide uáillaido íaioimo llote. Afe ménacaiño ie daina dibénemo Juzíñamui táinona llónide. Afémie daí daide, áfemona cai comécina ñue íociretallena. Iemona caimo ie lloga ñue cai jíllonafuemo fáicanocaiñeno ñnofiredicai. Mei jii, cai Jíllotaraima Jesucrístomo jarire jaillano caina ie úiñotaga comeci íaifue dóllena riire íemo jicádicai, caimo ite fiénidifue iba óñeillena. ¹⁹ Afémie cai jíllotallena caimare úiñooidicai. Iemona afémie caina daináuai cai comeci nífuenina ñue mozíoitade. Ua cai úiñoigafue caina riire nabaide cai ñnogafuiai féiñellena. Daí comeci docáiñeno ñue riire nabáitaga jacíruíñedinodicai. Mei cai jíllotaita cai úiñogamie Jesús, caifo monamo Juzíñamui nahí ie iránomo íteza. ²⁰ Afe Jesús, cai jáillio ífódimiena afénomo jae jaide. Daí íllamona afémie jae comínido Juzíñamuimo zíñona úritillaimana jaide. Ua, jaiai Juzíñamuimo úriraima Melquisedec izóinado, Jesús jaca ninomo caido úrite.

7

Jesús, jai ai Melquisedec illa izó i comínido Juzíñamuimo úriraima

¹ Afe Melquisedec Salem jofue illa i ma. Afe llezica afémie comíni dibéfodo jamánomoide daade Juzíñamuimo úrifiredimie. Jai ai illáruimo Abraham jíáie aféniemo ite illáinina anáfenuaide. Iai oina anáfenuano Abraham meine bítemo, afe Melquisedec io anamo Abrahamo dúcizaide. Dúciillano Melquisedec, Abraham abi ñue finóllena Juzíñamuimo jicade. ² Afe llezica Abraham nana ie bairoca ñuera ráaniaimona, Juzíñamui íena eneno mameca ráaniaina, Melquisedécimo raiñoñoeno fia fecade. Melquisedec nanoide daina mámecei “Comécina jaícinaidilla i ma” fueñe daiíacade. Ie mei afémie nane jíáici ote: “Salem Illa i ma.” Afeci “Comíni comécina caimare uái itátatilla i ma,” daiíacade. ³ Afe Melquisedec moo mámecei jaca onónide, naa ie ei mámecei diga. Daje izó i ie emódoidigíma jíái ónoñega. Daje izó i afémie jocóinarui ónoñega, ie tíllarui diga. Iemona afémiena comíni “Zíiño na itímie” daide. Afe Melquisedec comíni cigíri illáfuedo Juzíñamui Jitó zíiño na cai dibéfodo úriraimana illáfue na caina fidítate.

⁴⁻⁵ Mai bífue mo ñue omoi coméciri, Melquisedécimo ite jamánomoidifue na omoi onóllena. Ua Melquisedec, cai nanoide jáiairagíma Abraham ba i mo jamánomoidimie. Mei Abraham ie bairoca ráamona Melquisedécimo fecádeza.

Abraham enaize Jacob doce dígade jitórede. Iemo afe jitoníai cigímona Leví comuídeza. Afémie comíni dibéfodo Juzíñamuimo úrillena Juzíñamui nizeda ogámie. Ie jira nana judíuai Juzíñamuimo úriraini Leví úcoidigimamona comuítagaiaioi. Afe Juzíñamui nizeca Leví náiraina, Juzíñamui Moisés ocuica uaido daide: “Nana jíáie judíuai nairai imácimona Juzíñamuimo dúide ráaniaina órediomo i,” daide. Ua Leví náira i mo ibárede, nana jíáie Israel nairai daa Abrahámona comuídino íadi. Ie jira Leví comíni nana afe Juzíñamuimo dúide ráaniaina llínofirediaioi. ⁶ Mei íadi afe Melquisedec, Leví nairai izíe íeñede. Mei íadi afémie áfena llínoñeniadi afe Melquisedec, Leví emódoidigíma Abrahámona Juzíñamuimo dúide ráaniaina uáfue na llínote. Iemona Melquisedec Leví ba i mo jamánomoidimieza onódicai.

Afe ráaniai ie llínua llezica, Melquisedec Abrahamo úrite. Abraham Juzíñamui íemo ñue finóllifue, uiécodo fidítagamie. Iemo ja birui Melquisedec afémie ñue éziciano daide: “Juzíñamui ona ñue cánoiteza,” daide. ⁷ ¿Ñibémie mei jamánomoidimiena? ¿Ezicitímie mei ñibai ézicigámie? Ua, ézicitímie ba i mo jamánomoina. Afefue buna jáanoñega. ⁸ Nane jíáifue llóitícue. Cai cigímona eneno nizeca Leví comíni, Juzíñamui íena nano mameca ráaniaina llínofiredino. Mei íadi afémaci fia comíniza tífirediaioi. Mei jíáifodo afe jíáie llínotímie Melquisedécina mámeceiredimie Juzíñamui Cuegáuai daina izó i, tíiñoeno caade izóidimie. Ie jira Melquisedec jamánomo báimoidimie. Leví imaci nai Melquisedec jofófeneidino. ⁹ Iemo jíáifue Levído daiírede. Leví Abraham erófene igíma. Mei íadi afe Juzíñamui íena eneno mameca raana llínofiredimie jai ai uécodo Melquisedécimo ie uzuma Abrahamo Juzíñamuimo dúide raana ibade. Daií Leví comíni, jai ai uécodo Juzíñamuimo dúide raana Melquisedécimo ibádiaioi. ¹⁰ Mei Leví nai jocóñena llezica ie comuíllino nai Abrahamo íteza. Ua Melquisedec ja Abrahamo dúcinaruimo, Leví jocóillino nai jaca ie nanoide uzúmamo ite. ¹¹ Israel náira i mona eneno nizécazie Leví comíni. Aféziemona nizeca nanoide Juzíñamuimo úriraima Aarón. Afémie naa ie erófene igíma i ri comínido Juzíñamuimo úriraini. Ie jira afe úrirainido Israel nairai Juzíñamui ocuilla uáillaina llogáiaioi. Mei íadi nana afe Juzíñamuimo úriraini finócafuiai comíni ua zíiño na jíllloillena figo jínoñede. Comíni comécina Juzíñamui jítaina izó i nahí jaícina jóoitañede. Aarón naa ie erófene igíma i ri finócafuiai figo jínoñena jira, jíáie afémie izó iñede ba i mo jamánomoidimiena jítáidicai, afémaci méifomo jóonellena. Ua Melquisedec zíiño na

illa izóidimiena jítaidicai. (Ie jira afe Aarón comini meifo méidoitimiena Juzíñamui jae jino náiraimo cíotate. Afémie mámecei Jesucristo. Ua Aarón comini méifomo jóonegamie Melquisedec izóidimie Jesús; afémie Aarón dibéfomo jaináñede.) ¹² Jae afe jaiái uícomo ite Juzíñamuimo úriraini nana dáanomo jiáiena íaiói méidua llezica, afe Moisés íaióimo ocuica uaillai daje izói jiáifodo méidorede. ¹³ Juzíñamui Cuegáuai daíí daínámie cai Ocuíraima Jesucristo. Afe como jóonega Juzíñamuimo caído úriraima Jesús, Leví nairai ímieñede. Jiáziemona comúdimie. Ie nairai ímiaina jaca nizéñega, Juzíñamuimo comínido úrillena. Ua comini fia fecaca tóica rílleniai naa ráaniai diga Juzíñamuimo izájillena, nízeñegaiaíoi. ¹⁴ Ñue onóigaza cai Ocuíraima Jesús Judá náiraimona comúdimie. Moisés afe náiraimo Juzíñamuimo úrirainina íllena, jaca lloñede.

¹⁵ Afe jiáie como jóonega comínido Juzíñamuimo úriraima Jesús, jino cíóillamona, bífuaiaina jino uáfodo baimo onódicai; mei dama afémie Melquisedec izóinaza. ¹⁶ Bímie dama ie ñue zíñona ífirenamona comínido Juzíñamuimo úriraimana jaide. Mei jiáifodo Leví náiraimona jaiái nizeca Juzíñamuimo úriraini ocuica uai daínado úrirainina jáidiaíoi. Afe uai ñie náiraimona nizéllena llote. ¹⁷ Mei íadi como jóonegamie Jesuna Juzíñamui ñue rírede nabáitaja uaido daide:

“Melquisedec izói jaca ninomo Juzíñamuimo comínido zíñona úriraimana ja birui itíoza,” daide.

¹⁸ Iemona afe uícodo ite ocuica uai jae oni caitaca, mei afe uai ríñideza. Iemo jiái, aféuai comini comeci nahí duáfueña figo jínotanideza. ¹⁹ Afe Moisés ocuica uai buna comécina nahí jaícina finóñede. Mei jiáifodo jiáie aféuai baimo, ñuera cai jíllotaite úñoigamie Jesucristo jae caimo cíotaga. Afémiedo Juzíñamuimo ánozifiredicai, uáfodo Juzíñamuimo cai úrillena.

²⁰ Afe Jesucristo Juzíñamui riire nabáirede uaido jóonega. ²¹ Ie uícodo Juzíñamuimo úrirainina jáidino, riirede uaido jóoneñegaiaíoi. Mei íadi Jesús comínido Juzíñamuimo úriraimana jáillaraimo, Juzíñamui riire nabaica uaido ja daíí mameca. Mei Juzíñamui ie Cuegáuaimo Jesudo úrite, daide:

“Cue Juzíñamuidicue. Bifue riire cue nabaica uaido daidicue. Cue comeci faca uai jaca jiáiuaina méidoñeiticue.

O zíñona comínido Juzíñamuimo úriraimana itio;

Ua Melquisedec izóidimiedio,” daide.

²² Ie jira Jesucristo, Juzíñamui jamánomo ñuera caimo comue finóllifue caina ñue onótate. Ua Jesucristo aféfuemo iere uafue daide. Afe finóllifue Moisés lloga nanoide finóllifue baimo ñuera. ²³ Jesucristo uícoidiruillaimo ite Leví náiraimona nizeca Juzíñamuimo úriraini ua aillo ite; mei íaiói tícoizifirenamona jaca jiáimiena méidofiregaiaíoi. ²⁴ Mei íadi Jesús cai dibéfodo Juzíñamuimo úrillana, jaca jiáimiena méidonide; mei afémie jaca ninomo zíñona itímieza. ²⁵ Iemona Jesús nana íedo Juzíñamuimo úrizabitinona, jaca ninomo jaícina ñue jíllotarede, mei afe Jesús, íaióiri Juzíñamuimo zíñona úriraimana íllaza.

²⁶ Ua, afémie izoide Juzíñamuimo comínido úritillaimana jaiái ninómona jítáidicai. Ñue cai jíllóillifue afémie caimo ñue zúitaitimie, mei afémie nahí ñuera nífuenidimieza. Afe llezica afémie nana fiénidimaci íaifue mona oni eneno rairuícamie. Ie mei afémie mona ero úcuai illa caifomo, Juzíñamui nahí illánomo uigámie. ²⁷ Jaiái uícomo ite Juzíñamuimo úritillaini nágaruillaido tóica rílleniana fatá Juzíñamuimo izájifirediaíoi. Nano fueñe dani íaióimo ite íaifue ícoinia áfeniaina izájidiaíoi. Afe mei comínimo ite íaifue ícoinia áfeniaina izájifirediaíoi. Mei íadi Jesús afe izói finuana jítáñede. Afémie dácaño nana comini íaifue ícoinia dama ie abi Juzíñamuimo fecade. Ua cruzmo ie duere zefuida tíllado abi fecade.

²⁸ Afe Cristo uicódo lloga ocuíllafuedo llotino, jiáie jamai figo nahí jaícina finótañede

cominimona Juzíñamuimo úritillainina mamédiaioi. Mei jiáifodo, afémaci méifomo jónega úritillaíma Jesucristo, Juzíñamui ñue riire nabaica uaido jónega. Afémie jaca ninomo nahí jaícinaítaga Juzíñamui Jitó.

8

Juzíñamui caímo cómuena finóllifue, Jesús caímo jino denódimie

¹ Nana cai daínáfuiamona llógana bie ñue nahífuena ómoímo llóiticue: Como lloga caímo ñue jóobide caído Juzíñamuimo úriraima birui ja caímo ite. Afémie caífo monamo ite Juzíñamui nabézimo ráinazaide. ² Dinomo Juzíñamui nahí illánomo Jesús íllamona, jamánomo ñuera Juzíñamui uiécomo Jesús caído úricabite, cai jílloillifue ñue caímo zúillena. Afe Juzíñamuimo cai nahí ánozirano comini finoñega. Jaíai biniemo ite Juzíñamuimo ánoziraco comini niga. ³ Naga Juzíñamuimo úritillaíma, fia iga ráaniai, tóica rílleniai díga Juzíñamuimo fecáfireitimiéna mameca. Ie jira cai dibéfodo Juzíñamuimo úriraima Jesús, daje izói dama ie fécajille raa jitáirede. ⁴ Biniemo afémie nibai abido ie bia, afémie caído Juzíñamuimo due jiza úriraimañeite, mei Moisés ocuícuaí daína izói Juzíñamuimo caído úriraini biniemo nai íteza. Daje izói bimaci nai benó Juzíñamuimo fia fecaca raana íemo izájifirediaioíza. (Ie jira caído ziiño úriraima Jesús, caífo monamo Juzíñamuimo cai ie canólledo úricabite.) ⁵ Biniemo ite Juzíñamuimo úriraini aillo ráfuiáido nícidotiaioi. Nana íaioi nícidogafuaí jánana mameide. Íaioi finócafuaí caífo monamo ite Juzíñamui nahífuíaina caína fidítate. Daje izói biniemo ite jaíai Juzíñamuimo ánoziraco, Juzíñamui nahífuena cai fidítaraco. Afena onódicaíza, mei Moisés afeco nitátaacanaruimo, Juzíñamui íena daide:

“Caifónedumo o illa llezica omo cue ácataga afécona o ciona izói, afe izói jaícina mai o niiri,” daide.

⁶ Mei íadí biniemo ite Juzíñamuimo úriraini nícidogafue iere afe baimo, cai caífo monamo ite úritillaíma Jesús caído jamánomo ñúefuena nícidote. Mei jii, afe Jesucristo caímo zuitaca Juzíñamui ñuera cairi comue finóllifue, jaíai Moisés lloga finóllifue baimo ñuera. Mei Moisés ocuica uai baimo, Juzíñamui uícodo lloga cómfue jamánomo ñuera uáimona comuídeza. ⁷ Afe Moisés lloga nanoide finóllifue, comini jílloillena ñue jinoiadi, jiáie uire iite ñue finolle uai jítaiñeítiaioi. Mei íadí afe naonide uai íaioi jílloillena figo jinoñede. ⁸ Afe nano ocuica uai jeire otino nahí jaícinaídifue mo figo dúciñediaioi. Dúciñediaioímona, Juzíñamui ie Cuegáuaimo íaioína daide:

“Uire jiáíruido nana Israel náiraímo comue ñue cue finóllifue ócuiticue, naa Judá náiraíri.

⁹ Jaíai íaioi uzútiaímo cue daína ocuica uai izói, ócuiñeíticue.

Jaíai aféruillaído Egipto éniemona afémaci billa llezica íaioína ifódicue:

Ua afémacina izire úcaidicue.

Mei íadí cue lloga ocuica uaina nano íanori fáicanocaillano, afena figo náfueñediaioi.

Afe jira íaioína zóofeticue,” Juzíñamui daide.

¹⁰ Nai nane íaioína lluno Juzíñamui daide:

“Uíreitiruillaído Israel imácimo bie izói cue ñue comue finóllifue ócuiticue.

Aféruillaído cue ocuica uáillaina íaioi ifócimo jaícina déitaiticue.

Ua aféuaina íaioi comécido jeire íaioína otátaiticue.

Iemona afémacina dama cúeiena nane meine abido máíñoiticue.

Afe llezica íaioi nahí Juzíñamuína íiticue.

Iemo cue náiraína íitiaioi.

¹¹ Aféruillaído nana afémaci uáfodo ñue cuena ónodiaioíza, cuena íaioi onóillena abi diné jiáíma llónide.

Iemona ie abi ímiaímo buna Juzíñamuína onótanide. Daje izói dámie ie ámamo Juzíñamuína onóillena llóñeite; mei nana cuena ónodiaioíza.

Naga jamáimie, íemo jíái naga jamánomoide riíredillaíma, nana daje izói cuena ónoitiaíoi.

¹² Nana íaíoi mo cue dúecaillamona íaíoi fiéni finócafuíai íbana óñeíticue.

Nana íaíoi comeci íaífuiaina jaca ninomo féitaiticue.

Aféfuiaina úibiñoñeíticue,” dinó Juzíñamui daíde.

¹³ Bie méifodo lloga Juzíñamui finóllifue, cómofuena méiduamona, afe uícodo Moisés lloga finóllifue jae jaiáiza feide. Afena Juzíñamui daí uáfodo llote. Iemo naga jaiái raa zabízaillamona raíre oni dotánocaiga; oni dotánocailleza cíóñelle.

9

Bíniemo ite Juzíñamuimo áinozirano, jana izói jíáie monamo ite Juzíñamuimo áinozirano cai fidítate

¹ Afe nauí nano lloga finóllifue llua llezica, Juzíñamui íemo áinoziraco nitátate. Afe nitátaja dáaruido, comíni Juzíñamuina íóbitalle uailái afémacimo daje izói lloga. ² Afe lloga Juzíñamuimo áinoziraco Moisés nitátaga. Afeco ere niñeno jédaciede iníroina íbaícaco. Afe áreco ero ménaco titaca. Jinóidico Juzíñamui Ñúeco daína. Afeco eromo áillue mechera izoide egáñora ite. Siete díga dájemona boode raa ite. Dáanomo Juzíñamui dibénemo oni enénorie rairuica pan jóonerabani ite, naa afe páaniaíri. ³ Afe áinoziraco jofóidico Jamánomo Ñuera Rairuícaco daína. Afe jofóidico daje izói jédaciede iníroina ruica díne eróicana nacona íbaica. Jédaciede jígaroi izóidena fetaca. ⁴ Afe fetaca jédaciroi abímo uguci jobáirabani ite. Bibani lláide órona jinófene aífítaga. Bie jofóidico eromo daa áillue ráaniaí éenora ite. Cajona eroide. Afe éenoraco nana jinófene órona aífítaga. Afe éenoraco eromo Juzíñamui nofíci íbícimo cuega ocuica uailái ite. Ie jira afeco nofíbícimo cuega Juzíñamui cai ocuilla éenuacona mameina. Iemo afénomo daa oro finoina nogo ite. Afégomo ite Juzíñamui monámona cocítaga güille. Afe güille mámece maná. Daa afe éenoracomo Aarón jigüida izoide radozi ite. Afe idozi jamái jazíci radozi óinaza dúídidozi. (Zícórede juzítófe izóíñede.) Mei íadi Juzíñamui afe idózina éniemo riñeno, fia táinomona zícótano raíre ñue llízítate. ⁵ Afe éenoraco íbáirabíci emódomo mena oro finoina Juzíñamui abí ímácina eroide jana naídáide. Mei íadi afe íaillinoí íáicórede. (Afe íaillinoí mámece ráimona “Querubines.”) Afe íaillinoí conima uíécomo eróidiaillinoí. Íaillinoí naídaina cígímo Juzíñamui cíocafírede. Afe Juzíñamuina cíóñenaza; dama íe abí egáñuana cíófirena. Afénomo faga tóiniaí díena recuífirediaíoi. Daí recuífirediaíoi, Juzíñamui meine abído comínimo dúecaillano, íaíoi mo ite fiénidífue íba íaíoi mo óñeíllena, ua afe ícoínia íaíoina duere finoñeíllena. Nana afe dibénemo ite duera nícidogafuiaina ja biruí benomo llónide.

⁶ Afe ocuica áinoziraco nilla mei, íemo naa íe jofo ero ráaniaíri fínua mei, comínido Juzíñamuimo úirainí jinóidícomo jáífirediaíoi. Afénomo íaíoi mo ocuica comínido Juzíñamui íóbitalle ráaniaí finófirediaíoi. ⁷ Mei íadi afe jofóidícomo, dama Juzíñamuimo úritillaíma jáífírena. Aféllaíma naga fimónaíaido dácaíño afeco jofo eromo jáírede. Faga tóiniaí díena jaca jofo úífírede. Dama íemo ite onóñeno finoca fiénidífue ícoínia daí díena Juzíñamuimo izájide. Ie mei nane nana comíni íaífue ícoínia jíáie díena Juzíñamuimo izájide. ⁸ Bífuiáido Juzíñamui Ñuera Joreño daa jíáífúena cai fidítaiacade. Afefue daíde: “Baie jinóidíco naí illa llezica, jofóidícomo jiba comíni jaille naí rairuírede. Ua aféruíllaído jofo dama Juzíñamui illánomo jáinidiaíoi. ⁹ Nana bie Moisés illágimado nícidogafuíai biruí cai onóíllena canode. Ua comínimo ácatafírega raa izoide, aféruído Juzíñamuimo áinozillena nígaco, naa afe eromo íaíoi nícidogafuíairi, ñue jáícina caina onótate. Biruíllaído judíuai aillo faga tóiniaí jíáie fia fecaca raa díga, Juzíñamuimo naí izájífirediaíoi. Mei íadi afe bíedo íaíoi comeci Juzíñamuimo ñue jáícina jóítanide, mei íaíoi

comécimo ite fiénidifuiái nai féitañegaza, fia ibaica izói íteza. ¹⁰ Nana afe íaiói nícidogafuiái fia jinófene ífuiái. Nñe izói ítiaíoi daide. Dárie íaiói güille, jirole diga fimairillafuedo úrite. Afe izói fia emódoide múiñuafuedo úrite. Nana bífuiái fia nano nié dino comínimo ocuica, mei Juzíñamui jiáífuenta méidolliruimo nai dúciñedeza. Ie jira aféfuíai daa aféruillai íena ráifide.

¹¹ Mei íadi caído Juzíñamuimo úrifireitillaímo Jesucristo, jae caímo dúcide. Afémiedo ñuera cáimafuiái caímo zúide, mei ua nahí Juzíñamuimo ánoziracomo afémie jaináideza. Afe jaiái bíníemo ite comíní niga Juzíñamuimo ánoziraco jaboide. Afécomona cai íóbillafue baímo, Jesucristo jamánomo ñuera jíllonafue, caífo monámona ana caímo zúitaíbite. Afémie afe nahí Juzíñamuimo ánoziracomo dúide; afeco bíníe comíní níñega. Dama ie nahico monamo ite. ¹² Nana comíní íena, dácaíño afeco eromo ite jofóidícomo afémie jaide. Ie jailla llezica chivo die, juráreto jiza die diga uiñede; mei jiáífodo dama ie die uite. Mei jii, afémie íaífuenidimiena íllamona, cruzmo cai ífomo tíllano, ie die tótado zíñona cai jíllonafue ote. ¹³ Jaiái Moisés daína izói, íaicaíllamíe íemo ite íaífue bie izói muiñórede. Múíñoñegamíe Juzíñamuimo dúide comíní cígido macánide. Daje izói afémie Juzíñamuimo nabáirinide. Ie jira faga tóníai die atírede. Iemo jiáíe Juzíñamuimo mameca juráreto jiza jobailla afe jízechoma atírede. Ie mei afe íaicaíllamíemo aféchoma júdairede. Iemona afémie íaicaíñegamíena jaide. Mei jínofena muiñócaza. Ja Juzíñamui comínimo meine abido caímare úrirede. ¹⁴ Mei jii, Juzíñamui dáinamona afe tóníai die riírede, come jinóidífuemo muiñóllena. Afefue daítania, ua onódicaíza. Mei Jesucristo die jamánomo riírede. Ua dama afémie ñue nífuenidimienado Juzíñamuimo ie abi dama izáíbite. Afe ziiño Ñuera Joreño ie cánuado Jesucristo dama ie abi Juzíñamuimo izájide. Iemona ie die tótamona nana cai comécimo ite íaífuiáina muiñótate. Ua nana cai jaiáimona nícidogafuiái caína zíñona cáatañede. Mei íadi Jesucristo díedo cai comeci múiñua mei, ua zíñona cáatagacái, afe jaca nahí caade Juzíñamui ocuícano ráiruñeno cai jetállena.

¹⁵ Ie jira Jesucristo jae Juzíñamui comue finóllífue caímo jino zúitaitímíe. Afémiedo nana Juzíñamui nízcáno uafue uícomo lloga zíñona cáimaduafuena maíñóritiaíoi. Juzíñamui daí nana comíní jíllóillífue uícodo mamede, mei dama Cristo tíllado comíní fiénidífuíai Juzíñamui dote. Ua jaiái uícodo lloga nanoide finóllífue illa llezica, nana aféruimo afémaci fiéni finócafuiái ja birui Cristo tílla jírrari, Juzíñamui dote; duano, nana íemo ínotinona jíllotate. Daí Juzíñamuimo zíñona caímare nabáirillafue maíñódiaíoi. ¹⁶⁻¹⁷ Afe maíñórrillafue, come tílla méífomo íitífue izoide. Dámíe tíadi ie fiébide feci raa jiáímíe oni llínoga. Afémie nai tíñenia, feci raa oni llínoítímíe mínica raana nai llínonide. Ie jira oni llínoítímíe íemo dúide raa maíñóllena, afe raa naama tílla jítaírede. Daje izói Juzíñamuimo caímare nabáirillafue cai maíñóllena, Cristo tílla jítaírede. ¹⁸ Afe jira jaiái uícodo lloga Juzíñamui ñue finóllífue táiniaruimo díena recuíñorediaíoi. ¹⁹ Moisés nana afe ocuica uailái nana comínímo jino llua mei, afe uailái cuiábícímo faga tóníai díena cuirínote. Daje izói afe mei nana comínímo cuirínote. Ua llua mei, Moisés duera “hisopo” daína raroci llínote. Llínuano, afécímo jíairede oveja itíraína maíte. Iemo jáinoina jaícuica díedo afe rarócina riáitate. Rííaitano, ocuilla uai cuiábíci naa comíníri díena cuirínote. ²⁰ Cuirínua llezica Moisés daide: “Juzíñamui ómoíena ocuica ie finóllífue bie die uafue daítate,” daide. ²¹ Daje izói aféruillaído Moisés íaiói iníroi finoina Juzíñamuimo ánoziracomo díena cuirínote. Daje izói nana afeco eromo ite Juzíñamui íóbífírena raamo díena cuirínote. ²² Ua, Moisés ocuica uai daína izói jamánomo diga raa, díedo Juzíñamui díbénemo dua izói ñue finoca. Iemona die tótañegana comíní comeci íaífuiái íba jaca órede.

Cristo dama ie abi Juzíñamuimo izájille comini fiénidifuiaina muiñode

²³ Afe comini niga Juzíñamuimo ánoziraco Juzíñamui ocuide, naa afeco eromo ite ráaniairi. Iemona nana afeco eromo ite ráaniairi Juzíñamui dibénemo ite nahífuiaina jánana cai ciona izói caina onótate. Nana biniemo ite afeco ero ráaniai Juzíñamui illánomo nahí itífuiái jana. Ie jira biniemo ite ráaniai dibénemo figura Juzíñamui daiíllena, bie die recuille jitáirede. Mei íadi Juzíñamui nahí illánomo jáifireitino dibénemo, bie die baimo ñuera Juzíñamuimo fia izájifireille raa jitáirede, afémacina Juzíñamui iere figura daiíllena. Ua tóinai die baimo Jesucristo jamánomo ñuera die jitáirede. ²⁴ Iemona Cristo tílla llezica, afe Cristo biniemo ite comini niga Juzíñamuimo ánoziracomo eromo jofo jáiñede. Afe bico fia nahico jana. Mei jáífodo Cristo, Juzíñamui nahí illánomo caído úrillena jae cíocaizaide. ²⁵ Afénomo Cristo dama ie abina, diga icaiño meine nane izájiñede. Mei íadi biniemo ite Juzíñamuimo comínido úritillaíma, naga fimónado faga tóinai die uillano, afe Juzíñamuimo jáiraco jofoide iere ñuera rairuiredicomo jaide. ²⁶ Afémaci jáifirena izói Cristo jáifiredena figóñede. Mei nibai afémie daí diga icaiño jáiadi, íemo énie finuaruimona afémie afe izói diga icaiño meine abido tírede; mei íadi afe izóiñedeza. Afémie cai illáruillaído jaiái lloga Juzíñamui finóllifue fuilla llezica, dácaiño fia cómena íficaillano caimo cíocaizaibite. Ua afémie biniemo cai jáinona ie tíizaibillado, nana caimo ite fiénidifuiái niné féillena oni dote. ²⁷ Ja onóigaza, naga come biniemo dácaiño tíide. Tílla mei, íaiói illafue Juzíñamui jáicina jicánoite. Aféfuena daje izói ñue onódicai. ²⁸ Daje izói Jesucristo, comini fiénidifuiái oni dóllena dácaiño tíizaibite. Ie mei uire jáíruido afémie fiénidifuiaina duáibiñeite; mei jaiái ie dógaza. Mei íadi afémie uafue meine dáanomo cíocaizaibite, nana íena izire úiñoidinona jílloano monamo ie illánomo úillena.

10

¹ Mei jaiái Moisés ocuica uai naa ie lloga níciduairi, íco nirui bite caimare illífuiái jana. Afe ie lloga jáiaifue nahífueñede. Moisés bie íco zúitífue cai onóillena jana uícodo llote. Iemona naga fimónaíaido faga tóinai íaiói úifirena, íaiói comécina figo jáicina jóitañede. Mei uáfueña, afe faga tóinai íaiói úifirena Juzíñamuimo ánozidino nahí íaifuenidinona jáitañedeza. ² Mei daí uafue íaifuenidinona íaiói jáiadi, nibai afe tóinai íaifuenidinona fáicanocaidiaíoi; mei jáífodo fáicanocaiñediaíoi, nai comécina jáicina jóoneñegaiaíoi. Daje izói áfedo Juzíñamuimo ánozidino comécina íaifueña nahí nífuenidinona jáiadi, nibai jae íaiói fiénidifue izire íaióimo iñede. Mei íadi íaiói fiénidifue jaca izire íaióimo ite. Iemona onódicai, tóinai fecáfirena íaifueña figo doñede. ³ Mei íadi afe fatá Juzíñamuimo izájitaga tóinai cionamona, comini íaiói fiénidifue naga fimónaíaido úibicaitagaiíoi. ⁴ Mei jii, juráretuai, chívuai die diga, jaca come fiénidifuiái dónide. Mei áfemo ua dolle ríino iñedeza. ⁵ Ie jira Jesucristo biniemo bíacana llezica ie Moo Juzíñamuina daide:

Omo fia fecaca faga tóinai gáñedioza, comínina iere figura o daiíllena.

Mei jáífodo énie cómena ja cuena jécitaitio.

Afemona cue tílledo íaióina óiena nífuenidinona jáitaiticue.

⁶ Ua comini íaifue ícoínia jobaica tóinai ja birui ona íóbitañede.

⁷ Ie jira ciegánico cuedo úrilla izói birui ona daídicue:

“Moo Juzíñamui benó biniemo o comeci jitáillafue finuaibiticue,” daide.

⁸ Nano fueñe afémie daide, nana afe Juzíñamuimo fia fecaca tóinai, íaifue ícoínia jobaica tóinai diga Juzíñamui comécina zuitáñede. Ua íena íóbitañede, nana afe nícidogafue jaiái ocuilla uai daina íadi. ⁹ Afe emódomo Jesús daide: “Moo Juzíñamui, ja o comeci jitáillafue birui benomo finuaibiticue.” Daí Juzíñamui nana afe jaiái ocuica nícidogafuiaina

zóofete. Zóofiano, afe méifomo Cristo dama ie abi cruzmo izájillafue Juzíñamui jeire ote, ñue comínimo caimare érocaillena. ¹⁰ Daí Jesucristo, ie Moo Juzíñamui comeci jítainafue izói finode. Daí ie finuamona jae dama Juzíñamui nabaina ñue finócamacina jáidicai. Mei jii, Jesucristo dácaiño jaícina nana cai fiénidifue oni eneno féitate. Mei ninomo féiñeitena cruzmo dama ie abi Juzíñamuimo izájideza.

¹¹ Naga judío Juzíñamuimo comínido úriraima nágaruillaído naidáillano daje izói faga tóinaiña Juzíñamuimo izájifrede; mei íadi afe rilledo comini íaifuiái dónide. ¹² Mei jáifodo Jesucristo dácaiño comini fiénidifue ícoinia duere zefuida, tízaibite, afe izói dáanomo íñeillena. Ie tílla mei meine abido cáaillano caifo monamo Juzíñamui nabézimo ráinazaide, nana comini íaifue múiñuana fuilla jira. ¹³ Dinomo, nana ie fairíconi ie anamo íaioi itábicaillena afémie úiñoide. ¹⁴ Mei jii, Jesucristo, dácaiño ie Moo Juzíñamuimo ie abina izájide. Afe izájillafuedo, ñii cruzmo ie tíllamona, nana caina ie nabaina ñue finode. Jae nana cai comeci íaifuena ñue múiñuano jaca ninomo caimo caimare érocaide. ¹⁵ Aféfuemo Juzíñamui Ñuera Joreño uaina nabáide, iere uafue cai daiíllena. Ñuera Joreño Cuegáuaimo daide:

¹⁶ Juzíñamui daide: “Uire jiáruillaído cue comínimo bie izói jiáie como cue finóllifue llóitícue, naa jiáie cuemo ínotinori.

Aféruillaído cue ocuica uáillaina íaioi comécimo jaícina onótaitícue.

Ua afe uailai íaioi ífócimo ñue jino denótaitícue,” daide.

¹⁷ Ie mei nane emódomo daide:

“Nana íaioi fieni finócafuiái ibana otátañeitícue.

Daí oñena llezica, íaioi comécimo ite íaifuiaina jaca niné féitaredícue.”

Dinori Juzíñamui daide. ¹⁸ Nana comini fiénidifuiái daí dua mei, jiái íaifue ícoinia dóllena fatá fecaca tóinai jae jítaiñega.

Juzíñamuimo cai áinozillena jítáirede

¹⁹ Iemona, ámatiai, cácarei. Jae Juzíñamuimo cai jáillio uáfodo túide. Ua ie nahí illánamo, afe iere ñuera rairuícacomo caimare jacíruiñeno íemo úrizairedicai; mei Jesús cairi tízaibillano caina Juzíñamuina éoitadifue oni muiñócaza. ²⁰ Afémie tuiñoca io ñuera rairuiredíco jédaciede íbáiraroido joide. Jira Juzíñamui illánomo cómena cáataite comue io Jesús tuiñuano, afe iodo afémie caina ífode. Afe io tuiñóllena dama ie abi izi cácatate, íemo cruzmo duere zefuírede. ²¹ Iemona Jesús nana Juzíñamuimo ínotinodo Juzíñamuimo Uritillaimana jae jaide. ²² Afémie ja cairi úrioinamona, mai Juzíñamuimo jacíruiñeno omoi áinoziri, mei íemo ñue cai ínuamona jae meáiruiñedinona mamécacaiza. Ie jira jífuenide comécido, mai omoi áinoziri. Ainozillano, mai íemo caimare cai úrilli. Ua táinona lloñeno mai íemo comeci cai facalli. Mei nana cai íáirede comeci ícoinia afémie jae jaícina oni féitagaza; ua come abi ñue jáinoido jocoína izói comécina muiñócacai. ²³ Afe uáfodo jino comínimo cai lloga Juzíñamuimo caimare cai úrillafuena, mai fáicanocaiñeno áfemo izire cai ínofireilli, mei afefue caimo llotímie Jesús jaca ínofiregamieza. ²⁴ Daje llezica illa dígamierie, mai conímamo ñue cai comécilli, conímana cai izíruillino cai jenóllena. Daje izói jiáimana ñuefuiaina rairuñeno jiéruillinona jenóredicai. ²⁵ Daje izói omoi Juzíñamuimo gairífirenafuena mai féitañeno iri. Dáarie aféfuena féitafirediaioi. Daí illa fiénide. Mei jáifodo, Jesucristo meine billirui raire dúciacanana omoi onónamona, mai conímana ñue úrillauaido comécina caimare cai náireitalli, nana cai ínogafue féiñellena.

²⁶ Juzíñamui llogafue daide: Jaca dama Jesús tíllamo cai ínuamona jílloredicai. Aféfuena cai ie onótaja mei, mei íadi afe uaina nai cai ruifíruioiadi jae abi dine jiáie cai íaifue múiñoitena íñede. ²⁷ Daí ruifíruoidímacimo jamánomo izire jácifue zúite, mei Juzíñamui

duere íaioi finóllifue mo jae ánozideza. Afémie iere íaioimo rícaillano iere boode jíáfodo joide iraimo íaioina duere zefuítaite. Ua nana Juzíñamuina bacáuaredinona irai amena cuarita izóidemo, Juzíñamui íaioina dinomo zíñona duere zefuítaite. ²⁸ Moisés ocuica uaina ruifíruitimiena raire titádiaioi. Ua, mena nibai daámani uai nabáiraini daina uáimona, íemo dúecaíño íena titádiaioi. ²⁹ Mei Moisés ocuica uaina ruifíruitimiena daí duere finóbiteza, Juzíñamui Jitona ruifíruitimie mo jamánomo izire duere finóllifue, afémie mo zúiteza. Afémie Jesús díena jámairuitimie. Afe tíllamo totaca díedo, afémie nauí dácaíño Juzíñamuimo oní eneno nizécamienna jaide. Mei íadi Jesuna ruifíruitimie caimo dúecaífirede Ñuera Joréñona raire daííredimiena jaide. Daí ítimiena iere Juzíñamui duere finórede. ³⁰ Ja birui daí ítimie fiénidífue iba ófiredimiena onódicaí, níimie caí Moo Juzíñamuina. Afémie daide: “Afe iba ófiredimiedicue. Ua nana íaifuiái ibana duere finótafiredimiedicue,” dáideza. Jáinomo Juzíñamui Cuegáuai daide: “Juzíñamui ie comini comeci ífueña jaícina jicánoite. Jicánuano íaioimo dúide duere finóllifue ócuite,” daide. ³¹ Daí ie úrillana caí onónamona, caade Juzíñamuimo duere finóllena izájina jamánomo jacírede.

³² Mei íadi nauí íanori omoi illáfuemo uibíoiri. Aféruimo ñúefueña omoi onona mei, aillo duere zefuídiomoi, mei íadi aféruimo omoi ínogafue fáicanocaiño ñue ocuídíomoi. ³³ Dáruillaído uáfori comini erócana báíñuano duere finócaomoi. Jáíruillaído daí finócamacimo omoi nabáillamona duere zefuítagaomoi. ³⁴ Afe llezica llaveca ámatiaimo dúecaífirediomoi. Afe baimo, ómoimo ite ráaniaina jíáimaci báiruana caimare rairuíñediomoi, mei onódiomoi za, bíniemo ite raa baimo, jamánomo ñuera jaca bairónide raa ómoiena monamo íteza. ³⁵ Ie jira nauí izire omoi ínoga uaina mai birui omoi féitaño iri. Aféuaina ñue omoi ínofireiri, mei ícoimo iere ñuera jíridoga ízoide raa máíñoitíomoi za. ³⁶ Juzíñamui jítainafueña omoi jíeruilla llezica raire comeci járidoño írediomoi. Ua, omoi ínoga ñúefue, omoi are jaícina llocana uille mei, Juzíñamui uícodo lloga caimare jíllonafueña máíñoitíomoi za. ³⁷ Mei jí Juzíñamui Cuegáuaimo daide: “Ja íanori íllamona, uícodo lloga bíitimie Jesucristo, jííñeno raire dúcizaíbite.

³⁸ Afémie nai bíñena llezica, nífuenidena cue mamécamié, cuemo ie ínuado nágaruillaído caimare ie illano, cuena íóbítaite.

Mei íadi afémie afe ie ínoga uaina meine abído féitaiadi, afémieri íobiñeíticue,” díno Juzíñamui daide.

³⁹ Mei íadi meine abído féitativo díbénemo jáináíñedicai. Afémaci daí íaioi ínoñenamona jíllóñeítiaioi. Mei jíáfodo caí bie Jesucristomo ínotinodicai, daí dani caí jíllotagacai.

11

Juzíñamuimo caí ínuafue

¹ Mei ¿mínica ínuafueña? Ínuafue Juzíñamui daina uaina jeire caí uafue. Ínuamona caí úíñoga cáimafue jeire caí ollínona onódicaí. Daje izóí Juzíñamuimo ínuamona, ie lloga cáiena mameca ñuera raa cíóñena íadi, afefue ua íllana comécido ua onódicaí.

² Ua, ínuafuedo judíuai jáíadígimamona Juzíñamuimo jáináídimiaí, Juzíñamui comeci jítaillamacina jáidiaioi.

³ Juzíñamuimo caí ínuamona, Juzíñamui ie úrilla uaido bínie fínuana onódicaí. Daí ie fínuado nana bie caí ciona énie, táinomona Juzíñamui comúitate. Ua, mínicana íñédeza cíóñena ráamona naga ráaniaí comuíbicaide.

⁴ Juzíñamuimo ínuano Abel, Caín fecaca baimo, ñuera Juzíñamui íóbitalle raa fécaíbite. Iemona Abel Juzíñamui díbénemo jaícina ítimiena jaide. Juzíñamui jíeruigamienna jaide. Mei Juzíñamui Abel fécaíbiga raa llínuamona, Juzíñamui comeci Abelná jítainana

onódicai. Daií Juzíñamui íena jíeruillafuedo Abel jaícinaidifuemo Juzíñamui uai nabaide. Afe Abel, jaiái uícodo Juzíñamuimo ie ínuado ñue illáfuedo jaide. Aféfuena cai fídiamona, afémie titácamié íadi, ie ínogafue, úrillauai izói caimo úrite. “Juzíñamuimo ñue cai ínolli,” caina daide.

⁵ Iemo Enoc Juzíñamuimo ie ínuado tíñeno caifo monamo uiga. Daií tíllana ie ónoñeillena, cáanori monamo Juzíñamui uiga. Afe mei afémie bíniemo cióñenamié, mei afémie Juzíñamui úigaza. Afémie nai úiñega Juzíñamui íóbitadimie daínamié. ⁶ Mei jíi, Juzíñamuimo cai ínoñenia jaca íena íóbitanidicai. Dáamié Juzíñamuimo áinoziacania, Juzíñamui nahí illánona uícodo ie ínolle jitáirede. Nane íemo nana izire íena onóiacadino, ñue ibana dama ie abi ífuena íaioina onótaite. Aféfuemo uícodo daje izói ínorediaioi.

⁷ Daje izói Noé, Juzíñamui lloga raire biite nai cióñena duere finóllifuena fídiano Juzíñamuimo ñue ínote. Ínuano áillue jofóredicae finode, áfedo nana dama ie comini daií jíllloillena. Noé daií dama Juzíñamuimo ínuado, nana jíáie ínoñede comínimo duere finótatiuai jino íaioimo llote. Afe izói Juzíñamuimo ínuado Juzíñamui comeci jitaina nífuenidimiena jaide.

⁸ Afe mei jaiáidiruimo Juzíñamui Abrahana jírite, jíáie éniemo jaiánillena, áfeniena íco jíáiruimo íeiena maiñóllena. Abraham Juzíñamuimo ínuamona afe jírilla uaina cacáillano, raire ie illániemona oni jíáinomo jáizaide, ie dúcillino nai ónoñega íadi. ⁹ Abraham nai Juzíñamuimo ínuamona, Juzíñamui íemo fecáacaiga éniemo fia jícánemiena díga fimona fia ite. Ua, iniroi niina úcaifirega jofomo aféniemo are íoide. Daje izói Abraham comuítaga jitó Isaac, dínomona Jacob díga afénomo daje izoide iniroi nillácuaímo are itíallinoi naa ie comíniri. Juzíñamui daje éniema fecalle uaina Abrahamo lua izói, afe íaillinoímo uícodo llote. ¹⁰ Ua Abraham afe jamái illácuaímo dama íeieñede éniemo caimare íoide. Afémie caimare ite, mei Juzíñamui díbénemo ite caimare táinocaitanide illínomo dúcillena afémie úiñoideza. Afe caimare illico Juzíñamui mamérillano dama ie uaido niga.

¹¹ Daje izói Abraham ai, Sara, Juzíñamuimo ínuamona, jamánomo jíonaite íadi, fueñe úruerena ríino ote. Iemona daa jitó jocode, mei Juzíñamui aféngona aféfuena uícodo daína uai, afengo iere ñue ínoteza. Afengo bie izói daide: Bímie ie daína uaina jíáífo méidofinidimie. ¹² Iemona Abraham iere jíonaite íadi, iere aillo erófene ígímaiaína jebuítate. Ua jamánomo díga nairai jebuide; níi ja lloga monamo ite facádonide úcuaí izói itíaiói. Nane monáillai fuédamo ite facádonide guamai izói jebuídíaiói.

¹³ Nana cai lloga comini Juzíñamuimo nai íaioi ínoína llezica tídíaiói; nana Juzíñamui uícodo lloga ñúefuíaína nai llínoñediaioi, tíilla. Mei íadi afe lloga ñúefuiai íco jíáiruimo zúillena jícana fídíaiói. Fídiano caimare aféfuemo ínuano comécidíaiói, mei bíniemo ónoñega jícánemacina íaioi illa raire méaicaiñeno llotíaióiza. Uáfueña bíniédo jaiánicana jáidíaiói. ¹⁴ Nana daií llotino, daní íaioi nahí illínomo íaioi jáiacanana llotíaiói. Ua jíáie éniemo jáillana íaioi úiñoínana caina fídítate. ¹⁵ Daií íaioi dáinamona, mei níbai jaiái íaioi illániemo comécidíaiói. Daií íaioi coméciadi díga ícaíño meine abído afénomo jáiredíaiói. Mei íadi abído afénomo jáíñediaioi. ¹⁶ Mei jíáinomo comécidíaiói. Jíáie jamánomo ñuera illánomo, monamo ite Juzíñamuimo nabáirizaillinomo izire úiñoídiáiói. Daií Juzíñamuimo íaioi ínuamona, Juzíñamui iere íóbite. Bie jaiánicana jáidíno Juzíñamuina dáíadi: “O cue Juzíñamuidio,” daií íaioi dáinari Juzíñamui méaicaiñede. Mei íaioi jofue izoide ñuera illino, dínomo Juzíñamui díga zííñona nabáirizaillena, Juzíñamui jae finócaza.

¹⁷⁻¹⁸ Naui Isaac jocoina llezica Juzíñamui Abrahana daide:

“O úicoitigima bie jító Isáacimona aillo jébutiaioiza,” daide. Diga iruillai íllamona Juzíñamui dáaruimo Abrahana ínuafue facátate. Iemo Juzíñamui ocuilla izói, Abraham nai Juzíñamuimo izire ínuano, ie jító oni uite, titada Juzíñamuimo fecállena. ¹⁹ Mei Abraham Juzíñamuimo ñue ínuano comeci facade: “Juzíñamui jamánomo ñue ríinoredimie; tíide come meine cáataite ríino íemo ite. Cue jító tíidena Juzíñamui meine íena cáatarede,” daí Abraham comeci anado daide. Iemo, Abraham ie jítóna fáiacana llezica Juzíñamui afémiemo raire úrillano, ie daade jítóna jíllotate. Abraham ie jítóna fañede. Ie jira jíáfodo daírede, tíllanomona Abraham ie jítóna meine abido ote.

²⁰ Daje izói Juzíñamuimo ínuamona Isaac ie jító íaillinoi Jacóbomo Esaú diga uire Juzíñamui orelle caimátaillifue ua llote.

²¹ Daje izói Juzíñamuimo ínuamona Jacob, ie tíizailliruimo José jító íaillinoimo úrite. Urillano ie enaize íaillinoimo uire Juzíñamui orelle caimátaillifue jino llote. Afe llezica ie macara jigüida llínota ie abi mozíñuano caimare Juzíñamuimo úrite, ie íóbitallena. ²² Daje izói Juzíñamuimo ínuamona José ie tíizaillirui ánozillano, Israel comini Egipto éniemona uire oni dani íaioi éniemo jáillifue llote. Afe llezica ie ícuruai aféniemo fiéñeno oni úllena, úcodo uai íaioimo jóonete.

²³ Diga fimona jailla mei, Egipto ríillaima nana Israel como jéciga jítótiaina fazítate. Mei íadi Moisés jocoina mei, ie moo íaillinoi Juzíñamuimo ínuamona, illáimana jacíruiñeno Moisená retáidotiaillinoi. Dauíamani íena retáidotiaillinoi, afeza iere ñúezana jira. ²⁴ Aféllaíma jiza Moisená náamataja mei, Moisés móonalla llezica Moisés aféngomo dúillana ruifíruite; mei afémie Juzíñamui dibénemo jaináideza. Ie jira Juzíñamuimo ínuamona Moisés afe mámece oni faite. ²⁵ Mei jíáfodo Juzíñamuimo jaináidino cígiri íllana, afémie jamánomo gaide, nana duere zefuíaioi íadi. Daje izói ie comínina fiene ie zóofiamona raire féite jabo íóbillafue dibénemo íllana afémie gáñede. Moisés Juzíñamuimo ínuano ñue coméciide.

²⁶ Bíedo afémie coméciide: “Nana Egipto énie ebírede ráaniai baímo, Juzíñamui dibénemo ie dámie illa jamánomo ráífide, duere afémie zefuide íadi.” Afémie daí comeci facade. Ua Moisés, Cristo ícoínia zefuillano, féitañeno daí comécioifirede; mei Juzíñamuimo ínuamona baímo ñuera féinide raa izóidifue afe ie jírdollena afémie onódeza. ²⁷ Iemona Moisés Juzíñamuimo ínuamona, afe Egipto illáimamo ite ríinona jacíruiñeno Egíptomona botade. Ua jacíruiñeno afe Moisés oni jaide, mei buna cíóñena Juzíñamuimo fáicanocaiñeno ñue nágarui comécifiredeza. Daí ie comécinamona, údo cíonamiemo ínua izói, Moisés Juzíñamuimo iere ínote.

²⁸ Daje izói Moisés Juzíñamuimo ínuamona, Juzíñamui lloga pascua rafue como fueñe finode. Ua Juzíñamui llua izói, Moisés íaioi jofóniai naze fuédamo oveja díena jíritate. Daí ínuamona, Juzíñamui oreca títaite abi ímie nana Israel nano fueñe jococa jítótiainamona buna títañede, aillo Egipto imaci jítótiái tícoizitiaioi íadi. ²⁹ Daje izói Juzíñamuimo ínuamona nana Israel aillo comini “Jíairede” daína monáillai ñue zaférede iodo ruícafenemo jaitádiaioi, mei afe monáillai jainoi Juzíñamui oni gaitácaza, íaioi ruica jáillio tuiñóllena. Mei íadi Egíptomona racáidino afémaci jailla izói jáidiaioimo, meine io jáinoina íbáibicaillari coróbaitiaioi.

³⁰ Iemo Israel comini Jericó jofue anáfenoacadiaioi. Afe jofue ríire naidároga nofíbanina cirínoga. Iemo Juzíñamuimo ínuamona ie daína izói, siete dígarui afe ríire íbaica jofue jinófenedo ífoína macáoidiaioi. Iemona ícoi iruimo afe caífo nitaca nofici finoina jofue jinófene cirínuabani, Juzíñamui ana éniemo caitade. ³¹ Daje izói Juzíñamuimo ínuamona nauí úcodo fiénidíngo, Rahab fañega, nana jíaie afe jófuemo ite ínoñedíno fazícaicioi

íadi; mei Juzíñamui comínimona oreca éniena ñue onóillena méiñoitina afengo caimare cánuano jofo uáidoteza.

³² Nai jino lloñega aillo ite jiáie jaiái Juzíñamuimo ñnofiredino. Bibedo íaiói illáfuiaina cue llóllena cue abi juánideza, nana llónidicue. Fia íaiói mámečiai jino llóiticue, íaióimo omoi ñue comécioillena. Afémaci Gedeón, Barac, Sansón, Jefte, David, Samuel; daje izói Juzíñamui uai jino llóraini ite. ³³ Bimácimona dámerie Juzíñamuimo ñnuamona jiáie náiraina anáfenodiaíoi. Jiáimaci Juzíñamuimo ñnuano Juzíñamui jaícina jódifuena comínimo ocuide. Dáarie Juzíñamuimo ñnuamona ie uícodo llua izói, Juzíñamui canócaiaíoi. Dáarie Juzíñamuimo ñnuamona riírede jánallarillai fuena ibaica izói finode, íena íaiói ríñeillena. ³⁴ Jiáimaci uzírede iraimo dotácaiaíoi ia, nai Juzíñamuimo íaiói ñnuado afe iráimona uzíñeno jino bitíaíoi. Dáarie Juzíñamuimo ñnuamona fuiríllafuiaimona otábiñeno jino ñue jíllodiaíoi. Iemo jóbairo illa llezica Juzíñamuimo ñnuamona dáarie maíriñedimíai ñue máirimíaina jaide. Daí Juzíñamuimo ñnuamona onina bite fuirírainina abido rainódiaíoi. ³⁵ Daje izói Juzíñamuimo ñnuamona dáarie ringóniaimona íaiói úruiai tíide íadi, meine abido íaióimo cáataga.

Mei íadi jiáimaci nai Juzíñamuimo ñnua llezica, íbátarede tíide jíllotafuena lloñediaíoi, mei aféfuedo Juzíñamuina jánotaiticai, daídíaíoi, íadi Juzíñamuina jánotanidiaíoi. Ie jira iere duere zefuítano titácaiaíoi. Daítadena lloñediaíoi; mei afémaci meine abido caana mei, jamánomo ñuera zíñona illáfueña méaicaiñeno maíñoacadiaíoiza. ³⁶ Nai jiáimaci Juzíñamuimo ñnua llezica, fiénide zánonafuiaimona duere finóbidiaíoi. Jiáimaci riire zechénogaiaíoi. Ua dáarie Juzíñamuimo íaiói ñnuamona cúinajano llavécaiaíoi. ³⁷ Daje izói jiáie Juzíñamuimo ñnotino noficiaína níjicaiaíoi; jiáimaci dáafemiáido amena dera izóidedo ñtácaiaíoi; jiáimaci caimare taino uáillaído bífuegaiaíoi, íaiói ñnuafue facátallena, íemo lloéfaido fagáiaíoi. Jiáie Juzíñamuimo ñnotino, íaiói ñiroinina jira, tóica rille igórainá jítaíodiaíoi. Daí fia macáoidiaíoi, mei jofónidiaíoiza. Ua iere ráanidiaíoiza. Ie emódomo duere zefuítano iere fiéni finócaiaíoi. ³⁸ Daí finócaiaíoi íadi, Juzíñamuimo íaiói ñnogafuena fáicanocaiñediaíoi. Iemona bimaci Juzíñamui dibénemo iere izíruigano; mei íadi bíniemo ite ñnoñedino afe Juzíñamui uaina jeire otínona jámairuitiaíoi. Ie jira ñnotino afe ñnoñedimaci cígiri íllena, ñnoñedimacimo figo dúíñede, mei ñnoñedimaci comeci iere íáiredeza. ñnotinona jámairuillano, íaióina oni jíúfirediaíoi. Iemona ñnotinomona dámerie zaféredizicimo jáidiaíoi. Jiáimaci caifóneduai illánomo botádiaíoi. Íaiói jaillánomo ite ífuaimo ífirediaíoi, naa íduai ana ífuairi. ³⁹ Nana bimaci Juzíñamuimo ñnuamona, ñue “figora” daínamacina jáidiaíoi. Mei íadi nana Juzíñamui uícodo lloga caimare ñue illífuiaína figo maíñoñediaíoi; jabo maíñoídiaíoi. ⁴⁰ Mei Juzíñamui jae uícodo cai canolle jamánomo ñuera cáimaduafue mamédeza. Afe jamánomo ñuera cáimaduafue Jesucristodo cai nahí cai jíllóillifue. Daí jaiái ua Juzíñamuimo ñnotino naa cai diga, birui dáanomo jaiái Juzíñamui mameca nahí jíllóillifue dúcíticai. Ua afémaci naa cai diga, Juzíñamuimo caimare nabáirillafuena jeire óiticaí.

12

Jesumo ñue jaícina omoi comécioiri

¹ Ie jira, cue ámatiai, comécido ñue omoi facari. Ua aillo jamánomo Juzíñamuimo izire ñnotino bíniemo cai uícodo macáoidiaíoi. Afémaci Juzíñamui cai íóbitallifuena caina ifode. Afémaci cai ñnogafuemo jaícina ífoite uai nabáiraini. Cai abido ífoina itíaíoi. Afémacimo cai comécillamona, nana cai jíztacana uite fiénidifuiái mai oni cai féitalli. Ua, caimo ite fiénidifue, abi llótaidote ñiroi izói caimo jíide. Jínamona jaca caina aruire itátate.

Afena fáicanocaillano, Juzíñamui ióbitallifuemo zefuíruiñeno mai izire cai nícidolli. ² Afe llezica duere cai zefuállano féitano, mai Jesumo comeci cai facalli; mei afémie Juzíñamui ióbitallíodo, ínuaafuedo cai jáillena cai ifódímieza. Mei afémie ie Moo Juzíñamuina féitañeno ie fáainaruimo nai íemo izire ínnoide. Daí ie ínua, afémie izói jaícina cai ínollena, afémie cai ifode. Iemona afémie cai ínogafue ñue ícoimo fuitádimie. Ua, Jesús duere zefuide, íadi afe duere zéfuilla méifomo íite cáimafuemo, afémie ñue comécide. Afemo comécioillano uái daí cruzmo tízaide; mei áfedo nana íemo ínnotino caimare jílobicaitiaioiza, afémie onode. Iemo afe meáirede tíllana náfuéñeno, abido meine cáadímiena jaide. Afe daí jaillano caifo Juzíñamui nabézimo Jesús ráinazaide.

³ Ie jira, cai jíainona duere zefuítagamie Jesumo mai ñue omoi comécioiri, omoi duere finóbicaillamona omoi zéfuiruiñeillena. Daje izói Jesumo ñue omoi uibíoiri omoi comeci ñue náireillena. Mei afémie fáicanocaiñeno Juzíñamuimo ínnoicaide, fiénidino íena uáitajano duere ie finódiaioi íadi.

⁴ Fiénidífue omoi comécina jírioides, íadi nágarui áfemona abi ráiruifiredíomoi. Afemona abi rairuállano iere juárede. Iemona jabo duere finócaomoi. Mei íadi fiénidífue omoi anáfenoacanamona nai tíñediomoi. Dama Jesús ícoinia jabo duere zefuídíomoi. ⁵ Afe llezica Juzíñamui caimare llogáuaina níbaí jae féitadíomoi. Aféuaido Juzíñamui ie úruiaí izói, ómoína llófuete; ona riire daide:

“Cue jitó, o Ocuíraíma Juzíñamui omo oreca duere zefuítajafuena jámairuiñeno iri, mei áfedo afémie ñue ona rairuállano lletádeza.

Daje izói fiéni o ínuaamona afémie duere o finóadi, comécina ríinidímie izói iñeno iri.

Mei jíáfodo, abi mámano, ie llétafuena ñue jeire oíri, núemiena o jáilleza.

⁶ Mei Ocuíraíma Juzíñamui nana ie izíruiganona fáicana lletáfiredes, íaífuenidínona íaioi jáillena.

Afe izói nana ie ua onoiga jítótiaína llorebai mailla izói due ízitate, mei afémaci dama íeieza,” daide.

⁷ Omoína izíruillamona Juzíñamui afe daí ómoína duere zefuítate, ómoimo llófuellena, baímo ñuera ie jítótiaína omoi jáillena. Ie jira duere zefuítagaomoi. Mei onódíomoiiza, bíniemo ite moo llétañega jitó ñue móonaiñeiteza. Iemona afe moo nana ie jítótiaína llorebai mailla izói ízitate. ⁸ Ie jira Juzíñamui ízitañegamie níbaí ie nahí jítóñedeza, móonidiza; mei nana nahí ie jítótiaí izi cácatagaiaioiza. ⁹⁻¹⁰ Afe emódomo cai bíniemo ite móotiaí nauí ñue cai móonaillena, ñue comeci íaioi fácamona, izire caina lletádíaoi. Ua nano íanori illáruillaído caina duere ínuaafuedo lletádíaoi. Ua izi cácatagacai. Afe llezica nai cai moona caimare jacíruiticai; jacíruióillano ñue íaioi anamo itábicaídícaí. Daje izói cai monamo ite Moo anamo jamánomo caimare itábicairedícaí; mei afémiemo cai ínuaano, nahí ie jítótiaína comuítagacaíza. Nana afémie duere cai ínuaafue cai dibénemo aillo ráífide, afémie ebire ñuera illa izói, daje izói cai íllena. ¹¹ Ua, ja onódíomoiiza nana izi cácatafuemo illa llezica, áfena gáíñedícaí. Mei íadi afe izi cácatafue záilla mei, áfedo lletácano, Juzíñamui anamo ñue jaícina íficaillano, comécina jacíruiñedinona caimare jáitícaí.

Juzíñamui uaina ruifruilla iere jacírede

¹² Juzíñamui daí omoi llétajana omoi onónamona, mai abí omoi mame. Ja abina náinidíno izói omoi iñeno iri. Omoi zúurede comeci náiretari. ¹³ Afe llezica omoi duere zefuállafuemo, mai bífuemo jaícina comeci facádori. Aféfuado daíri “Juzíñamui íóbille jítótiaína móonaitagacai.” Daí o dánamona, jíaie ómoímona Jesumo ínogana féitaacadíno, comécina caimare náiretatió. Daí ie náireillamona afémie meine abido Jesús uaina izire ínocana jeire óite.

¹⁴ Afe emódomo nana comíni cígiri, mai comeci ríicaitañeno cáimafuemo omoi iri. Daje llezica, Juziñamui ebire ñue illa izói, afe dibénemo mai omoi abi ífuiái nágarui méidocana uiri. Bie izóidifuemo omoi nai iñeniadi jaca buna Juziñamuina cíoiñeille. Mei íadi comeci íaininafuemo cai íadi, íena cíoiñicai. ¹⁵ Juziñamui caimo fecaca cai ie cánuafue aillo ite. Bifue nana jeire omoi ófireilleza izire omoi coméciri. Daí íllamona buna fiénidifuemo oni nibéfodo báiiñeiteza. Daa daí oni fiénidifue dibénemo baídimie nana jáímaci comécina fieni finode. Mei jii, duere zefuillamona Cristo dibénemo figo jaináiacañedimie, jucúrede juia izoide. Mei afe juia illemo totáa, nana áfeji jucúredijina jaide. Daítade come nana ie aino comínina daje izói figóruiñede. Afemona abí omoi rairuiri. ¹⁶ Daje izói nana jiruírenafuiauimona abí omoi rairuiri. Afe llezica ómoimona dámie Esaú illa izói iñeno iri, mei afe Esaú jaca Juziñamui jítainafuemo figo coméciiñedeza. Aféfuena jámairuillano, afémie nánoramie íadi, íemo ite maiñórille ríino, fia due jiza güille ibana fecade. ¹⁷ Afe Esaú illáfueña ñue onódiomoiza; mai aféfuemo omoi comécioiri. Ico íirairuimo ie moo ézicirafuena Esaú maiñóacade, íadi ie moo ja íena ruifíruite. Afémie comeci ifue méiducano éecana ie moomo izire jicade; íadi “Jii” daíñede. Afe nauí Esaú jámairuillafue jaca méidonide.

¹⁸ Ja birui Juziñamuimo caimare nabáirillanomo dúcidíomoi. Jaiai Juziñamui comíni áillue caifónedumo áinozidiaíoi, Juziñamui daína uaina cacáillena. Afedu mámecei Sinaí. Afedu náaduna irai izói boode, aillo úllie diga. Afe llezica iere jacire nairíbicaide. Nairíbicaillano, jairifo riire jaiñode. ¹⁹ Aféruimo bainada izoide ficire cácaide. Afe llezica áillue come úrilla uai íaíoi mo ficire cácaide. Afe uai iere jacírede cacaide. Afemona, áfena cacáidino jáíie emódomo lletara uaina llóñellena izire jicádiaíoi. ²⁰ Afe íaíoi cacana íaíoi mo lloga lletara uai jamánomo iere juáredeza. Aféuai daide:

“Bie óode íduna omoi jetáiñeno iri. Ninena daa rille bídumo bíadi, raire noficiaido fáiri. Daje izói ninena bídumo bite come fáiri,” daide.

²¹ Uafue, afe cacánafue naa cíocaidifue diga iere jacírenamona, dama Moisés uai ua: “Aferi iere jacínaiticue. Jacíruillano cuidíriticue,” daide.

²² Mei íadi, jae jáíafodo Jesucrístomo omoi ínuamona, ja birui Juziñamuimo ite jacínide caimare nabáirillafue dibénemo dúcidíomoi. Ie mei ícoimo monamo ite jaca caade Juziñamui uícomo úrizaitíomoi. Juziñamui illa jofue, “mona ero ie Jerusalén” mámeceirede. Iemo jáíafodo “Sión Caifónedu” daína. Afémiemo ja omoi caimare nabáirillamona diga íeza facádonide Juziñamui abi imaci Juziñamuina íóbioicana íráizitiaíoi. ²³ Ua, omoi ínuamona Juziñamui ómoína daide: “Ja cue daade Jitó Jesucristo izóidinodíomoi. Cuemo ie dúina izói, afe izói ja cuemo jaináidíomoi,” daide. Afemona nana Juziñamui íena comuítagamacimo jae jaináidíomoi. Nana afe íemo jaináidino mámeceiai jae monamo cueda. Ie jira nana Moo Juziñamui ie comuítaganona, ñue jicánucana fibídimie izói, ñue íaíoi na ríidoite, mei afémie nana nairai Mooza. Jaiai ie anamo ñue itino, jae tíidiaíoi, mei íadi íaíoi ñuera joreño nai figo caimare iñediaíoi. Ja biruíllaido Cristo cairi tíillano caina jíllotate. Daí nana íemo ínotínona jíllotano, afe tíidino ñuera joréñuai ñue jaícina caimare itátagaiaíoi. ²⁴ Uafue, Juziñamui comue caimare caimo fecállifue caimo llóiacade. Afefue caimo lluaíbitimie Jesús, mei ie cruzmo ie die tótajado caimare íaífuenidínona finócacaiza. Ie jira ie die, úrilla uai izói jamánomo ñúefue cai ífocimo denode. Mei jáíafodo Abel die tóilla afe izói caimare ñúefuiai caimo lloñede.

²⁵ Nana bie caimare Juziñamui caimo llotátagaíuaina jae onódiomoi. Afena omoi onónamona, afefue ómoimo llotímie mai omoi ruifíruíñeno iri. Afe íena ruifíruillamona abí omoi rairuiri. Mei jaiai bíniemo Juziñamui jóonega lletárima daínana ruifíruitino, duere íaíoi finóinamona jaca jíllóñediaíoi. Afe baímo birui monámona caimo llotímie daínana cai ruifíruíadi, daje izói ua jíllóñeiticai. ²⁶ Jaiai aféruimo ie úrilla uai éniena diga icaiño riire

docáitate. Mei íadi birui afémie uafue llote: “Nane afe emódomo dáacaiño éniena riire docáitaiticue, naa caifo ite monániari,” daide. ²⁷ Afémie daina “Nane afe emódomo éniena dáacaiño docáitaiticue” Juzíñamui íirairuillaído finóllifue caina daide. Aféruimo nana ie finoca raa, ranítado izírilla izói níraídoite. Afe níraídoado nana nírairede ráaniaina, afémie oni niné táinocaitaite. Mei íadi nírainide ráaniai jaca méidonide; fiébillano zíñona íitiaioi. ²⁸ Ja birui Juzíñamui méidonide illáimana illánomo jaináitagacai. Iemona íena “Iere figura” cai daíífieilli. Afe llezica caimare úrillafuedo mai íemo cai íóbilli. Ua, ñue jacíruioicana ie uáillaímo mai ñue cai cacáreilli. ²⁹ Mei jii, cai Juzíñamui, irai amena cuarilla izói, nana íaifueredinona jaca zíñona íaioina duere fínoite.

13

¿Nie izói Juzíñamuina íóbitaredicai?

¹ Amatiai, mai conímana omoí izíruifireiri. ² Daje izói onina bitínona mai dúecaillano ñue caimare uáidori, mei daíí dáríe jíáimana íaioí caimare uáidofirenmona ónonino Juzíñamui abí ímíiaina jofó llínotiaioi.

³ Iemo Jesumo ínuamona llavécamacimo ñue omoí úibicairi. Ua dájena llavécano izói, mai íaioímo comeci omoí facari, íaioina omoí canóllena. Daje izói duere finoca Jesumo jaináidimacimo, mai omoí ñue comécíiri, mei dani omoí abina jíáimaci duere zefuítarede; íemo bimaci díga daíí zéfuitiomoíza. (Dáamacidiomoíza.)

⁴ Daa come daje ringona áireia ñuera. Afémie dama ie ai abina onona ñuera. Ima dama ie ai jeta ñuera. Mai bifue íaíñeno ñue omoí fímairi. Mei Juzíñamui nana jiruíredínona izire jicánuano íaioina duere fínoiteza, naa dama áireíñeno ringo díga itínori.

⁵ Daje izói omoí comeci ífuena ñue onoiri. Ucubena aillo jitailla fiénide. Afemona abí omoí rairuiri. Mei jíáífodo ómoímo due jiza ite ráaniari júfidoño caimare uái iri, mei Juzíñamui uafue dáideza: “Ona fáicanocaiñeiticue. Daje izói jaca ona zóofeñeiticue,” daide. ⁶ Iemona minícana jizíreño daíiredicai:

“Juzíñamui cuena canófiredimie; íemona fiéni cue finóacadimíena jacíruíñeiticue.”

⁷ Iemo mai Juzíñamui uai ómoímo nano fueñe jino llófuetínomo ñue omoí uibíoiri, mei ñúeodo ómoína ífódiaioíza. Íaioímona comuide ñúefuiaímo, féitaño mai ñue omoí comécioiri. Afémaci Jesús ícoínia titácaiaioi, mei íadi afémaci fáicanocaiño Jesumo ínuu izói, afe izói féitaño mai omoí ínofireiri.

⁸ Mei jii, Jesucristo nanómona ie illa izói, ja birui jíáífodo méidoño dáamieoicaide. Ua afémie jaca zíñona dáamieite. ⁹ Ja birui díga jíáífodo cacaide onina bite ónoñega fiéni llófueinafuiaí ite. Aféfuiaí ñúeomona oni níbéfodo omoí baítaiacadeza; áfemona abí omoí rairuiri. Juzíñamui cairi dúecaillano cai cánuano cai comeci náirecáitate. Afe ie cai comeci náiretaja ñuera. Mei íadi afe jícana lluáibiga güille rairuínafuiaína jeire cai óiadi, caina ñue cánoñeite. Daje izói afe uai jeire otínona canóñede.

¹⁰ Jesucristo cai ífomo fécafue Juzíñamuimo caimare cai nabáirillena dani caímo dúide. Nana Judúaido Juzíñamuimo úriraini, ie jaiái gairíracomo aillo Juzíñamuimo ánozille nícidogafuiaí finódiaioi. Mei íadi afémaci Jesús dibénemo ite cáimafuiaína llínonidiaioi.

¹¹ Judúaimona comínido Juzíñamuimo úritillaíma dáacaiño naga fimona afe faga rille díe Juzíñamui icomo uite. Afe Juzíñamui icomo ite jofóide ñue rairuícacomo comíni íaifue ícoínia díena uite. Mei íadi afe faga rille, comíni illácuai jinomo jobáífrediaioi. ¹² Afe izói Jesús Jerusalén jinomo duere zefuide, dama ie díe tóillado nana comíni fiénidífue oni dóllena. Daíí duano íaioína Juzíñamui íena mamede. ¹³ Ie jira nana Judúuai Juzíñamuimo ánozille nícidogafuiaína féitajano, mai dama Jesumo jaca cai ínolli. Ua, daíí íemo caimare cai jaináinamona jíllotícaí. Ie meáire duere zéfuilla izói, duere cai zefuádi, áfena náfueño naí caimare íemo jáínaitícaí. ¹⁴ Ja bíniemo ñuera méidoñega illano caímo íñede;

mei íadi Juzíñamui finoca monamo ite méidonide cai illínomo izire úiñoidicai, caimare ziiñona ie diga cai nabáirizaillena. ¹⁵ Iemo, Jesús caido Juzíñamuimo nahí úriraimana illamona, mai Jesudo nágaruillai Juzíñamuimo ñúefue cai nitalli. Ua, cai fuemo ite uaido Juzíñamuina caimátaitaredicai. Cai Ocuíraima Jesús mámedido cai úriadi, jaca Juzíñamuina ebire ióbitaredicai. ¹⁶ Daje izói nágarui jáima canolle ñúefue jeire o úana, mai féitañeno iri. Aféruido jitáidinomo ómoimo ite raana jeruíñeno fecari; mei aféfuiaina Juzíñamui iere ióbideza.

¹⁷ Omoi illaini llogáuaimo ñue omoi cacáreiri. Aféuai anamo ñue omoi itábicaire; mei omoi comeci ñue illena aféllaini nágarui ómoina rairuífirediaioiza. Ua aféllaini ómoina rairuilla nie izói íadi, afémaci Juzíñamuimo jino llórediaioi. Ie jira íaioi táijinana omoi daidóñeno iri; mei jáífodo ñue íaioi anamo omoi itábicaire. Afedo aféllaini Juzíñamui ocuica táijinana caimare fínoite. Mei íadi afémaci afe táijinana zúurecana finóadi, figo cánoñegaomoi.

¹⁸ Mai birui caido Juzíñamuimo omoi úriri, afe Juzíñamui cai canólleza, mei cai comeci ifue íainideza. Mei jii, nágaruillai náganuiaimo illa dígamie íaioi eróicana ñue jaícina fígomiena íacadicai. ¹⁹ Ua, cuedo Juzíñamuimo comécido omoi úrillena izire jicádícue, raire meine abido omoi cígimo Juzíñamui cue orélleza.

Iraicaiño uáidota ñue ézicnocaillafue

²⁰ Ja birui Juzíñamui ñue omoi ézicillena jicádícue; Moo Juzíñamui, comécina uái illafue comínimo fécaitimie. Iemona cai Ocuíraima Jesuna tíllanomona Juzíñamui meine abido cáatate, mei Jesús ie die tóillado nana caimo ite fiénidífuiaina muiñódeza. Múíñuano ziiñona Juzíñamuimo cai nabáirillafue cáiena mamede. Ua, Jesús jamánomo ñuera ovejai úiñoraíma izoide. Afémie ovejai rairuilla izói, caína úiñofirede, comécina uái cai illena.

²¹ Afe bie Juzíñamuimo omoi comeci náireillena jicádícue. Ua nana ie ñuera rínodo omoi coméciaina ñue jaícina caimare náireillena jicádícue. Afe bie cue jicácado ie jitáinafueña ñue comini eróicana fínoitíomoi. Afe llezica Juzíñamui comeci óiacana izói dani caimo zúillena izire íemo jicádícue. Mei daií jamánomo ebírenafue Jesucrístomo, ninomo fúíñeitena nitáredicaíza. Mai, daií íteza.

²² Amatiai, nana bie ómoimo cue cuega lletárafuiaimo járitañeno fia omoi coméciri. Afena izire ómoiena jicádícue, mei bie ómoimo cue cuegáuai íanorideza. ²³ Iemo jáífueña ómoimo fidítaacadícue. Jae cai ama Timoteo llavéinanomona jae jino zuitaca. Omoi dine nai jáíñeitícuemo, afémie cue illánomo raire dúciadi, nibai daane omoi éroizaibitícoco.

²⁴ Nana omoi llófueite illáinina cuedo ñue uáidori, naa afénomo ite Jesumo íñotinori. Itáliamona benomo cai bite ámatiai ómoimo uaillai orédiaioi.

²⁵ Juzíñamui nana ñue omoi illena ñue éziciteza. Mai.

Daiítadeza. Jae ñie.

SANTIAGO CUEGABE La Carta de Santiago

Ráidozitinomo Santiago cuete

¹ Cue Santiágodicue. Juzíñamui táijitagamiedicue. Daje izói cai Ocuíraima Jesucristo táijitagamiedicue. Israel náiraimona doce dígazie nana éniédo ráidozitinona uáidotícue.

Juzíñamuimona oga onónafue

² Cue ámatiai cácarei, ñie facátafuiai ómoimo jíriadi iere caimare omoi iri. ³ Mei jii omoi ñnuafue facátaficaiadi áfedo baímo comécina járidoñenafuena onótalliomoi. Mei áfena onódiomoi. ⁴ Afe comécina járidoñenafue ñue jeire omoi móonaitari. Afedo jaícina jéetagamacina ítiomoi; omoi jitáillifuena íñeite.

⁵ Omoimona dáamie figo onónenia, Juzíñamuimona onónafue mai o jicari. Iemona Juzíñamui áfena afémiemo fécaite, mei jii Juzíñamui jeruíñeno nágamiiaimo onóillifuena fecáfirede. Afémie icíriñeno comínimo fecáfirede. ⁶ Mei íadi ñnuafuedo o jicari. Daí jitáirede; minícana o comeci anado ígicaiñeno jicari. Naga uaina ígiciredimie jorai bagua izói jairífodo dóbaidobaicaide. ⁷ Daítadimie Ocuíraimamona minícana óllena comécimo facáñeno iri. ⁸ Aféfuena onóigaza. Níimie birui bie raa óiacade, uire jíaíena óiacade, ñue jaícina macánide.

⁹ ¡Ráanide ama, caimare o iri! Juzíñamui caifófenemo ona jóonelle jira. ¹⁰ Ráaredimie, o anáfeficaiadi, áfena náfueñeno caimare o iri. Mei ráaredino ráitie záfia izóideza. Afe záfia are íñeite. ¹¹ Jitoma bíllamona íena iere llirítaite. Caigáillamona afe záfia ana júide. Daí ie ebírenano fuite. Daje izói ráaredimie ie nícidocaigafuiai cígiri tánocaite.

Facátafuiai fiénidemo baítafuiai díga

¹² Dáamie facátafuiai járitañoeno llínoiadi afémie caimare ite. Facátafuemona ñue oni jaillano ícoinia fia iga raa jirídoite, ñue facátaoicailla jira. Afe ícoinia fia iga raa ñuicirai izóidífue. Afe iga raa ua Juzíñamui ie illa zíiñoona cáataitinona. Ua Juzíñamuina izíruitinomo uícodo lloga zíiñoona cáataitinona íaioimo fécaite. ¹³ Dámie íaifuemo baítafuena cacáadi, afe Juzíñamui orécaza comécina facáñeno o iri, mei jira afe daítadífue Juzíñamui jaca jitáíñede. Daje izói Juzíñamui bummo afe íaifuemo baítafuena comuítañede. ¹⁴ Mei afefue jíáfodo bite. Dáamie dama ie comeci fiéni jítainafuiaiido comeci óiadi, áfedo íaifuemo báíte. Afe izói dáamie ie fiéni jítainafuiaiido jífueficailla; íemo afe jífuiafuedo afémie meine íaifuemo báíte. ¹⁵ Afe bie comeci fiénino jítainafuiaiimona íaífue comuide. Ie mei afe íaífue jae oruíbicaillamona tíllafue comuide. ¹⁶ Cue izíruiga ámatiai jífuefizaiñoeno iri. ¹⁷ Nana ñuera caímo iga raa, nana caímo jaícina jóbidífuiiai díga, caifona Juzíñamuimona bite. Afémie nana monamo ite egáiñotínona finode. Juzíñamui jaca dáamie; afémiemo jíáfodo meídogafuena íñede. ¹⁸ Afémie uáfueña úrilla uaido cáatatinona caína comuítate. Afena finode ie finócafuiaimona como fueñe oga llízie izói cai íllena; mei ie comeci jítaina izói finode.

Uáfueña Juzíñamuimo cai comécinafue

¹⁹ Ie jira izíruiga ámatiai cacai. Omoimona nágamiiai jaca jefo jinéoiri, mei íadi fíaicana o úriri, daje izói fíaicana ríicairi. ²⁰ Mei jii, ríicaidimie Juzíñamuina íóbitañede. ²¹ Mei daí nana íáiredífuiiai omoi fáicanocairi, jamánomo móonaioicaide fiénidífuiiai díga. Omoi comécimo lloga uai Juzíñamui úrilla uaina comeci mánainafuedo jeire omoi óiri. Mei jii afe úrillauai ríinorede omoi joreño jíllloillena.

²² Jira úrillauai ómoimo lloga ráfuena fino. Fia aféfuemo táinona cacáreiño. Fia táinona omoi cacáadi dani abi jífueitíomoi. ²³ Afe úrillafue fia táinona cacádimie aféfuena iere cácañenia, afémie acáranimo uieco ciona izóidimie. ²⁴ Afémie ie izóidena ciode, mei íadi raire jailla lezica, ie izóidena féitate. ²⁵ Cacánafuena féitañedimie jamánomo ñuera ocuícafuena jeire ófirede. Afe jamánomo ñuera ocuícafue caimo rairuíñenafuena itátaga. Aféfuemo méidoño afémie íoide. Afe ocuícafue afémie íinota finode. Daí finódimie nana ie finócafuiado caimare ite.

²⁶ Dámie Juzíñamuimo coméidimie comeci facáoiadi, mei íadi fuena rairuíño úriadi, afémie dama abi jífueite. Afémie coméinafue táinobicaide. ²⁷ Nífuenide coméinafue, Moo Juzíñamuimo erócana íainidifue bie izói ite; ñue Juzíñamuimo coméidimie móonidizaiaí íemo éinidizaiaí diga, íaioina duéruillano canófirede. Daje izói fecínguaina íaioi duéruillano canófirede. Afe lezica éniemo ite Juzíñamuina éoidimaci íaifuiado ñúemie abina íaidoñede.

2

Conímána énenoruíño iri

¹ Cue ámatiaí, cai ebíruigamie Ocuíraima Jesucrístomo íinotimaciomoi. Daí omoi íinua lezica comínimona dáarie enénotaño iri. ²⁻³ Acatagafuedo dáitícue: Omoi gairíllanomo queniredena onoi icuíforedimie, ráifide inícuero jítaoidimie bíadi, afémiena daífirediomoi: “Bie ñúenomo ráii.” Mei íadi afe lezica dúeredimie tíbaizarodo bíadi, afémiena jíáfodo líinota nibai dáitio: “Batí naidai,” o nibai dáitio: “Ana benó éniemo ráii.” Daí ráanaitimiena raire ñue líinotíomoi, mei íadi dúeredimie buna náfuéñega. ⁴ Ie jira daí dani ómoimona dáarie énenoruidíomoi. Daí cómemo jícanotimiena dani omoi abi mamédíomoi, mei íadi íienidemo coméinafuedo abi mamédíomoi.

⁵ Cue izíruiga ámatiaí, bíemo omoi cácarei. Bie éniemo úcubenidínona Juzíñamui nizede, íaioi ínuafue jamánomo jebuíllena. Daa afe izói íaioina Juzíñamui nizede, feci raa izói ie illáimana illáruina maiñóllena. Juzíñamui ie uícodo lloga uai daína izói afe illáimainanona íena izíruitimacimo fécaite. ⁶ Mei íadi dúeredimacina meáidaitadíomoi. ¿Uáfueñede, ráaredimaci ómoína llégitafirediaioi? Jii, uafue. ¿Ríiredimaci uícomo ómoína gugúrioicana uitíaioi? Jii, uitíaioi. ⁷ ¿Ñíie afe ráanaitimaci Crístona íairuioidino? Jii, nímaci. Mei íadi afémie ñue izíruiga mámecido Cristo iédíomoi.

⁸ Cúegáuaimona lloga jamánomo ocuícafue omoi jíeruiadi ñue finódíomoi. Afefue daide: “O aino cómena izíruiri, dama o abina o izíruilla izói.” ⁹ Mei íadi conímána dámie omoi énenoruia, íaifueimo baídíomoi. Juzíñamui ocuícafue omoi ícoina jae daí ite. ¹⁰ Dámie naga ocuícafue iere cacáadi, mei íadi dáallegoi ocuícallegoi nai fuitáñeniadi dama afémie ícoina daí ite. Uafue nana ocuícafuai fuitáñedimie zefuille izói dáallegoi fuitáñedimie daí daje izói zéfuite. ¹¹ Mei daje Juzíñamui daide: “Jíruíreño iri,” afémie dánomo daide: “Cóména titáño iri.” Daa come jíruireñenia mei íadi cómena fáiaí, jae ocuícafuena iere cacáñede. ¹² Jira ñue o úriri; o illafue jaícina o jóoneri. Caimo rairuíñenafue itátaite ocuícafuedo jícanollícaí, ie jira ñue cai íllana jítaírede. ¹³ Mei jii, nana jíámacina duéruíñedino, afe íbana duéruíño, jícanollícaioi. Mei íadi jíámacina duéruitino nie izói níbaíñegaza ñue jáite, duéruillafue jícanollífue baímo ñue illa jírari.

Ínuafue níciduafue diga jítaírede

¹⁴ Cue ámatiaí cacai. Dámie ñúefuena finóñeniadi, mei íadi “Ínotícue” daíadi ¿nífuena ñuera? ¡Afefue ñúeñeite! ¿Afe daína ínuafue jíllotaite? Jíllotañeite. ¹⁵ Acatagafuedo dáitícue. Inícuironide güíllenide ama miríngo izóidino omoi cígimo íadi, ¹⁶ mei íadi ómoimona dámie fia uaido daíadi: “Ñue o iri. Rólliemona jíforiri. Mai güiri,” mei

íadi aféruimo ie abímo jitaica raa o fecáñeniadi, ¿nie izói ñue ite? ¡Ñúeñeite! ¹⁷ Cai ínuafuemo daje izói ite. Dáamie ie ínuafuemo níciduafuedo ácatañenia afe ínuafue jae ñine táinocaide, afe ie ínuafue nabáinina jírari.

¹⁸ Mei ñibai, dáamie cuena dáite: “Ínuafue omo ite mei íadi cue nícidofiredicue.” Mei jira cue uai óiticue: ¡o ñue níciduafue eneno o ínuafuena cuemo ácatari! Afe llezica cue ínuafuena cue ñue níciduafuedo omo cíotaiticue. ¹⁹ Daade Juzíñamui íllana ínotio. Afe dinomo o ínuafue ñue baite. Mei íadi aféfuena fiénide janábaii daje izói ínotiaioi. Iemona afe jácieri cuidíridiaioi. ²⁰ Abina onóñedimiedio. ¿Jaícina jáidifuenta onócañedio? Dáanomo dáiticue: Ñue níciduafuedo cíotañega ínuafue jaca ñine táinocaide. ²¹ Cai jáiáigima ímie Abrahana ie íáfuenidimie izóinado Juzíñamui ñue íena jíeruite. Ua Juzíñamui íáfuenidimiena íena ñue llínnote. Mei ie jító Isaac titada Juzíñamuimo fecaca raana izói fecáacana jira, daí íena llínnote. ²² Jira Abraham ínuafuemo bie uáfuenta cíodio. Abraham ie níciduafuedo ie ínuafuena ñue jino cíotate. Daje llezica afe bie níciduafuedo ie ínuafue ñue jaícina mónaioicaide. ²³ Daí Cuegáuai dáinana ñue fuitade. Aféuai daide: “Abraham Juzíñamuimo ínote. Ie jira Juzíñamui íemo comeci facade: Afémie cuemo ínuafue ñue baite íena íáfuenidimiena cue llínollena, —daide.” Mei Abraham Juzíñamui nabaina mamécamie.

²⁴ Mei áfemona come níciduafuedo Juzíñamui íena íáfuenidimiena llínuafluena ónoitiomoi; dama ie ínuafuemonna llínoñedeza. ²⁵ Afe bifue izói Rahábamo daí íficaide. Afengo jiruédingo. Mei íadi énie fidítaraini caimare llínuafluena, íaioina canode oni jáigodo ñue íaioi jáillena. Afe íaioimo nícidua jira Juzíñamui aféngona íáfuenidingona izói ñue llínnote. ²⁶ Mei daí omoi ónoigafuemonna llóiticue. Naga joréñonide abi tíide, afe izói níciduafuedo nabáinide ínuafue ñine táinocaide.

3

Cai fue rafue

¹ Cue ámatiai cacai. Omoimona aillo llófueraimana íacadino izói íñeno omoi iri. Mei jii, nana llófueridino, cue izóidino baimo izire jicánollcai. Afena onódiomoi. ² Nana cai aillo fiénidillegoi finódicai. Dáamie minícana fiénidillegoi ie daínafuemo íñeniadi, afémie ñue comécina figomie, ñue jaícinaidimie. Afémie nana ie abi rairuállana onode. ³ Mozíñoragai caballo fuemo cai jóoneadi caína iere íaioi ínnollena, ie ífo oni datállena finóredicai. Afemona nana ie abi diga dájade. ⁴ Daje izói áillue jofóredicaemo comeci omoi faca. Afecae jamánomo áillue íadi, afe llezica riírede jairífodo ñuitáicaide. Mei íadi datárama duera jiza datárabeñodo ie jáiacana diné datáicaide. ⁵ Afe izói cai fue ite. Cai abi aillona mei íadi fue duera. Mei íadi afe fuedo jamánomo áillue ráfuiai finórede. Uafue duera jiza récimona áillue ícaíena bóotate. ⁶ Jae come fue irai izoide. Afe fuemo jamánomo facádonide íafuiai ite. Afe bie fue Juzíñamui cai abímo finoca; mei íadi afe fue nana cai abina íaire finode. Fieni comini duere finóllirai ite; afe iráimona uneca izói cai fuemo fieni úrioidino ite. Iemona nana cai caana llezica finótagafuiai bóobicaide. ⁷ Ímado nana riire rílleniai tóirede, féedino, jaíóniairi, naa buináizairi. Nana áfeniai fibítagaiaioi. ⁸ Mei íadi fuena buna fibítanide. Cai fuedo bite íairede raana jaca buna llícaitanide. Aillo fieni úritadino, titade juia izói cai fuemo ite. ⁹ Afe daje fuedo cai Moo Juzíñamuimo caimátaioidicai; ie llezica Juzíñamui finoca cómena faidódicai. Uafue Juzíñamui dama ie eroille izói cómena finode. ¹⁰ Daje fuedo caimátailafue jino bite faidórillaífuiai diga. Cue ámatiai, cacai. Bifue izói omoi íñeno iri. ¹¹ ¿Daje jaínoi ífómona toráfomona ñúeji erírediji diga jino tórede? ¡Tónide! ¹² Cue ámatiai, cacai. ¿Noménamona comáijina órede? ¡Onide!

¿Jíriconamo cineci llizírede, meita áfena? ¡Llízínide! Afe daje izói cúerediji naimérediji diga daje jainoi ifómona toráfomona jaca jino tónide. (Ie jira omoi fue rairuiri, fieni úrillafue o fuedo jino bíñeilla. Mei jira Juzíñamui imácidiomoi.)

Uáfuena ñue onónafue

¹³ Omoimo dáamie onódimie, ñue baitádimie íadi, afe ie onóigafue nágarui ñue ie illáfuedo ácatari. Ua ie fibíllafuedo fecaca comeci mánainafuemo ie finócafuiái cíotari. ¹⁴ Mei íadi omoi comécimo izire úradoillafue íadi, afe llezica omoi finoca ráfuiaina járidotiomoi; bie omoi fibilla abi ñnuafuemo comeciñeno omoi iri. Afe izóidifuiái táinofuiái, uáfuena jáanote. ¹⁵ Afe izoide fibíllafue Juzíñamuimona biñede, mei íadi afe fibíllafue bínie comini comeci úrillafue; Juzíñamuina éoidimaci onóigafue; dama Taife ifue. ¹⁶ Aillo úradoillafue, jarire uícodo máñuafue diga illánomo, afénomo aillo júdaizitifue ite naa fiénidifuiáiri. ¹⁷ Mei íadi Juzíñamuimona fibíllafue otímaci nano fueñe nífuenino macádiaioi. Ie mei afémaci mánaidimaci; riífuedo ocuñediaioi; jiáimie mo uícodo comeciitadiaioi. Afémaci dúecaillafuena oruídino; ñúefuena finófirediaioi. Afémaci uáfodo úritimaci; jífueriñediaioi. ¹⁸ Comeci ñue uái illáfuedo comuítatino afefue rigájiaí izói comínido fecádiaioi. Afemona ria llizilla izoide comeci jaícina ñúeitaitino llínotiaioi.

4

Eniemo ite Juzíñamuina éoidimacimo nabáirillafue

¹ Omoimo ite fuiríllafuiái çninena bite, júfiduafuiái diga? Omoi fieni comeci óiacanafuiáimona bite. Aféfuái omoi comécina jaca éoitade. ² Omoi daa raana jitáiadi, áfena ómoimo llínonina jira fatíomoi. Jiáie raamo omoi úradoiadi áfena ónidíomoi, jira fuiríllano jóbairitiomoi. Omoi jitaiga raa oñédiomoi, Juzíñamuimo jicáñena jira. ³ Afémiemo omoi jicáadi llínoñediomoi, iaire jica ícoínia. Mei jii áfena óiacadiomoi fia omoi caimare íacanafuiáimo dotállena. ⁴ Jiáifodo fiénidimacidiomoi. Biniemo ite Juzíñamuina éoidimacimo nabáiriacadino Juzíñamui fairíconina jáite. ¿Omoi meita bífuena onóñediomoi? Níimie éoidimacimo nabaina maméidimie Juzíñamui fairícomana dóbaicaide. ⁵ Cuegáuai taino lloñede. Aféuai daide: “Juzíñamui ie Ñuera Joreño caimo fecade cai diga íllena. Afe Joreño uríoína izói caina izíruite,” daide. ⁶ Mei íadi Juzíñamui caina ríiduafuedo baímo caina cánuaibite. Mei jii Cuegáuai daide: “Juzíñamui afe abi ñnotinona rairuide; mei íadi comécina mánaidimacina íaioína ríiduafuedo íaioína cánuaibite.” ⁷ Juzíñamui anamo mai omoi itábicaíri. Taifemo omoi mameri, íemona ómoimona oni bótaiteza. ⁸ Mai Juzíñamuimo ánozillano caimare omoi úriri; afe ibana afémie ómoimo caimare úrite. Íáifueredino, mai omoi comeci íaifuiái doíri. Juzíñamuina izíruiacadino íemo dáanomo íena éoidimacina izíruitino, mai omoi comeci íáinitari. ⁹ Omoi zúureficaíri; omoi cáillcailli eeri. Omoi zadáilla jeme; jiáifodo meídocaíri. Afe izói omoi cáimafue zúucaillano méidori. ¹⁰ Cai Ocuíraíma Jesucristo uíécomo omoi manánairi, íemona afémie ómoína caífo naídáneiteza.

Cai ama finócafue fieni jicánuafe

¹¹ Amatíai, jiáimana fieni omoi úriñeno iri. Amana fieni úritimie daje izói ocuífuedo fieni úrite. Afe izói ámana fieni jicánotimie, daíí ocuífuedo fieni fairíote. Mei jira ocuífuedo fieni o fairíoadi, jira ocuífuedo íere cacáñedimiedio. Jae jicánoraimana íitio. ¹² Mei íadi daade ocuífue llotímie; afe llezica afémie jicánoitimie. Dama afémie cai jíllotaraima, jiáie izói afémie cai táinocaitaraima. Mei, o, çníimiedio jiáimamo itífuiái o jicánodoíllena?

Úreitirui mona monáillirui onónide

¹³ Mai bíemo omoi cacai, omoi úrilla uaina daidino. Bie izói daiífiredi omoi: “Birui nibai uire jítiramo jiáie jófuego jíticai. Dinomo daa fimona fecárizaiticai, úcube cai óllena,” daidi omoi. ¹⁴ Mei íadi due onóñedi omoi uire jiti caimo íitifuena. Mei jii ¿minica mei cai cáatatinona? Cai cáatatinona daallu cíocaizaibite úillie izói. Iemona afe úillie nine táinocaide. ¹⁵ Bifue izói omoi daiírede: “Juzíñamui jítaiadi íiticai. Iemona aféfuena nibai jiáifuena fínoiticai.” ¹⁶ Mei íadi afe ibana, o dáinana meidoiacañeno nai abi ínocana úriti omoi. Nana afe abi ínuafue fiénide. ¹⁷ Núefuena finuana onódimie afefue finóñenia afémie fiénidifue mo báide.

5

Ráaredimaci llétafue

¹ ¡Ráaredimaci, bífue omoi cácarei! Cáillicaili eeri, aillo duere finóbillifuiái ómoimo íiteza. Aféfuemo duere zéfuiti omoi. ² Omoi ebírede ráaie jae rifaide. Omoi ñuera iníroillai ícuai güiga. ³ Omoi úcube quenírede ráaniai diga jae éezite. Afe éeíafue fiénidifue ómoimo nítaite, ie mei bie éeíafue omoi comeci duere fínoite; irai amena cuarítaoína izói ómoína fínoite. Afe birui írairuimo omoi ráaienai jae ofítati omoi. ⁴ Omoi güillena óinaruillaído táijitagamací úcube jeruídi omoi. Afe jeruica úcube ómoimo riire jiáifodo dájecana úrite. Nana nairai illaíma Juzíñamui bie táijitagamací éecana dáinana cacade. ⁵ Bie éniemo jamánomo ñue ebírede ráaniai ómoimo ífiredi. Dani nana omoi comeci jitailla izói ífiredi omoi. Fia güillárenamona mero izói farédi omoi. Afe llezica fazílliruimo dúcizaide. ⁶ Nano fueñe nífuenidimacina titátati omoi, ie mei afémacina fati omoi. Afe nífuenidino ómoimo abi zóofetiaíoi, mei íadi íaíoi mo dúecaíño fati omoi.

Comeci járidoñenafue

⁷ Ie jira, ámatiai, cai Ocuíraíma Jesucristo billíruimo comeci járidoño omoi iri. Jacáfaimo táijidimie ráifide llizíllaniaína járidoño úiñote. Ua nano fueñeide uáici mei nai úiñoide. Iiraie uáici mei afe llizíllaniaína óite. ⁸ Daje izói omoi járidoño. Omoi comeci mame; cai Ocuíraíma billírui jae ánozideza. ⁹ Amatiai, conímamo ríiríño omoi iri, jicánollimacina omoi íñeillena. Mei jii, Juzíñamui dama Jicánoraíma; afémie cai finócafuiái jicánollirui jae ánozide. ¹⁰ Cue ámatiai, uai llórainimo comeci uibíoiri. Iaiói nágarui ñue illafue caimo ácataiteza. Juzíñamui mámecido íaíoi úrillamona iere duere zefuídiaíoi, mei íadi jaca járidoñediaíoi. ¹¹ Duere zéfuillafuemo zefui cácañedino caimare itíaiói daiífiredicai. Jáiaigíma Job ie járidoñenafuena cacádi omoi. Afe llezica Juzíñamui íemo írainomo finócafue onódi omoi. Mei jii, Juzíñamui cai Ocuíraíma caimo dúecaífrede, fiénidifuiái iba are ninomo caimo óñeite.

¹² Cue ámatiai cacai. Jamánomoidifue llóiticue. Juzíñamui mámecei uafue daiíllena táinomo llíñoño iri; afe daií mona mámecei énie mámecei diga táinomo llíñoño iri, ñie jiáie raana táinomo llínuano uafue daiíllena daiíñoño iri. “Jii” o daiía ñie izói íteza. “Ieñede” o daiía íeñeiteza. Afe izói mai omoi úriri Juzíñamui duere omoi fínoñeilleza.

¹³ Omoimona dáamie duere zéfuia afémie dama Juzíñamuimo úriri. Dáamie caimare íadi afémie ñuefue nitada róiri. ¹⁴ Dáamie iráreia, gairíraco imácimona eicomínina járízairi, afémieri Juzíñamuimo íaíoi úrillena. Afe llezica afémiemo Juzíñamui mámecido cáredijina jóoneitiaíoi. ¹⁵ Ínuafuedo Juzíñamuimo íaíoi úriadi iráredimie jíllobicaite, ie mei Moo Juzíñamui íena náidacaitaite. Íáredifuiáimo nauí ie baíadi, afe íaífuiaí oni dófinamona, ñue nífuenidimiena Juzíñamui íena llíñoite. ¹⁶ Ie jira omoi íaífuiaí jofo conímamo omoi lloiri. Afena jáanoño iri. Afe mei conímamo Juzíñamuimo omoi jicari, íemona ñue omoi jíllolleza. Fígomie izire Juzíñamuimo úrillafue iere rínorede. ¹⁷ Uai lloiraíma Elías jiba cai izóidimie. Juzíñamuimo ie úrillado noci bíñeillena Juzíñamuimo jicade. Jícamona jae

dafimonaámani átuédo éniemo nocina bíñede. ¹⁸ Ie mei dáanomo Juzíñamuimo jícamona meine bíizaide; áfemona énie naa llízieri zicode.

¹⁹ Cue ámatiai, ómoimona dámie ua uáimona oni fieni nibéfodo jáiadi, jíáimie íena meine abido atíderna ñuera. ²⁰ Bífueña omoi onóilleza. Fiénidimie ie íáirede iómona meine atídime afe fiénidime joreño tíllanomona jíllotaite. Afe llezica aillo íaifuiái oni dóficaite. Jae nñe.

SAN PEDRO NANOIDE CUEGABE Primera Carta del Apóstol San Pedro

Jesumo ñnote ráidozitinomo Pedro cuete

¹ Cue Pédrodicue; Jesucristo orécamiedicue. Bibe Jesumo ñnote ráidozinaitinomo cueticue. Ua omoi éniemona oni Ponto éniemo, Galacia éniemo, Capadocia éniemo, Asia éniemo, Bitinia éniemo jae áfeniáido júdaizitagaomoi. ² Mei íadi Moo Juzíñamui nizécamacidiomoi. Jaiai ie mamérilla izói, ja ie nizécanodiomoi. Ie Ñuera Joreño jae íeiena mamécaomoi, Jesucristo uaimo iere ñue omoi cacáreillena; afe emódomo Jesucristo díedo íaifuenidimacina Juzíñamui eróicana omoi jáillena, jae mamécaomoi. Mei Juzíñamui ómoína aillo éziciiteza, íemo comeci caimare uái illafue ómoimo llóiteza.

Juzíñamui daina ñue uáfueña zúitifuemo caimare comécifredicai

³ Cai Ocuíraima Jesucristo Moo Juzíñamuina mai cai ióbioitalli. Mei nano fueñe afémie jamánomo caimo dúecaide. Dúecaillano como meine nane caina jéicitaacade. Ie jira Juzíñamui Jesucristona tídinuiaimona meine abido cáatate. Afe Jesús meine cáanamona Juzíñamui ua como meine jéicigacai. Afe bie cai comue dáanomo jéiciñafue ñue Juzíñamui caimo fecállifuemo caina nágarui úiñotate. (Afe fue cai zíiñona illifue.) ⁴ Afe fue amena záfia izóifede. Amena záfia jaca llirífirede, mei íadi afe fue zíiñona jaca ñinomo lliríñede. Ua, Juzíñamui ómoína dainafue, monamo ite ñuera feci raa izóidena ómoína onótate. Afena Juzíñamui ómoiena jóoneoide, omoi como meine jéiciamona ico jíáruído omoi maiñóllena. Afe feci raa izóidena, jaca ñiné táinocaitanide. Daje izói afe raa jaca íaidonide. ⁵ Juzíñamuimo omoi ñnuado íemo ite ñuera ríinodo ómoína ríidote. Ua ómoína ríidote, íemo ite jíllonafue dibénemo omoi dúcillena. Afe omoi zíiñona jíllonafue afémie ñue finode, írairuillaído jino ñue onótallena.

⁶ Bífuiáido omoi jamánomo caimare itíomoi. Mei íadi dáaruirie jíáfodorie duere ze-fuírediomoi. Afe fue ñibai jabo jitáirede. ⁷ Omoimo ite Juzíñamuimo ñnogafue, oro izoide. Naga oro iraimo facaca, bie ua oro daiíllena. Afe izói ómoimo ite Juzíñamuimo ñnogafue facárede. Caimo ícaifirede facátafuiái oro zia irai izoide. Nana bie facátafuiaimona ñibáinino ñue jino bite Juzíñamuimo ñnogafue, aillo ráifide. Ua afe ñue ñnogafue oro baimo jamánomo ráifide, mei afe oro fúiteza. Mei jira ja daií facátagamie íemo ite ie ñnogafue ñuera. Ie ñnogafue ja ñibáinino ñue jino jailla, áfemona ja figora. Jesucristo cíocaizaibilliruimo afémie ñue facátagamiena jáite. Dáaruina Juzíñamuimo ite ebírenafue llíinoite. Daje llezica aféruimo ñúefuena Juzíñamui íemo nitárede.

⁸ Jesucristona cíóñediomoi íadi, íena izíruiomoi. Afémiena cíóñediomoi íadi íemo ñnotiomoi. Afe omoi ñnuamona jamánomo caimare itíomoi. Afe cáimafue ñue omoi comécina zuitade. Ua afe aillo cáimafueri omoi daiílluai íñede. ⁹ Omoi ñnogafue ícoínia omoi comeci jíllona máíñoitomoi.

¹⁰ Jaiáidígima illáruillaído Juzíñamui uai jino lloraini afe bie jíllonafue ríire jicánotiaioi. Afe dáaruído bie jíllonafuena uáfodo onóillena jícájicanodiaioi. Afe uai lloraini Juzíñamui ómoimo finóllifue uícodo llote. Ua uire Juzíñamui ómoimo dúecaillano ómoimo fecállifuiái raire uícodo llotíaioi. ¹¹ Cristo Joreño afe uai llórainimo Cristo uire duere finóbillifue raire uícodo fidítate. Afe dáaruído Crístomo ebire nitállifueña íaioimo daje izói fidítaibite. Afe íaioimo ite Joreño íaioimo lluáibigafuiái ñue onóillena, comécido jenódiaioi. “Bie lluáibigafue ¿bumo dúide?” daidíaioi. Afe emódomo: “¿Ñiruido bie llogáfuiái zúite?” daidíaioi. ¹² Iemona Juzíñamui jíáfueña íaioimo fidítate. Afe fue daide: “Íaioi uícodo

llogáuaido aféruído itínuiaina figo canóñediaioi. Mei íadi nana caina ñue cánoitiaioi.” Daí Juzíñamui íaioimo lloste. Jae biruillaído ómoimo llogáuiai afe bie jaiiai llogáuai izóí jóide. Birui ñue omoi jílloilluaina llotino, Ñuera Joreño ríinodo úritiaioi. Afe Ñuera Joreño monámona ana oreca. Afe bífuiaína Juzíñamui abi imaci dani comécido onóacadiaioi.

Juzíñamui íaifuenino cai íllena ocuide

¹³ Mei jira nana omoi jetáacaga raamo ñue comeci facari. Omoi comeci ñúefuedo omoi úrifireiri, mei Juzíñamui íco nírui íeiena ómoína uáidoiteza. Ua Jesucristo cíocalliruido Juzíñamui ómoimo dúecailluaimo daa áfemo izire omoi coméciri. ¹⁴ Ocuíllana jíeruite úruiai izóí omoi iri. Jaiiai Juzíñamuina omoi ónoñena llezica ómoimo ite comeci jítáillafue izóí, omoi íñeno iri. ¹⁵ Mei birui jíáfodo ñue omoi iri. Nana omoi jetáacagafuiaiimo, jamánomo ñue íaifuenino mai omoi iri, mei ómoína uáidote Juzíñamui íaifuenidímieza. ¹⁶ Mei Juzíñamui Cuegáuai daí daide: “Cue íaifuenidímiedicueza, cue izóí íaifuenino omoi iri,” daí Juzíñamui daide.

¹⁷ Juzíñamui illa dígamie íaioi illáfuiari ríire jicánoite. Ua illáicomínimo, jamáicomínimo dámie fiéñeno daje izóí nana ríire jicánoite. Ja birui afe bie Juzíñamuina “Cai Moo” daidíomoi. Afemona afémiena mai caimare omoi jacírui. Ua bie éniemo omoi ille dínó bie izóí omoi iri. ¹⁸ Mei Juzíñamui omoi illa tánofuiaimona ja ómoína jíllotateza. Afe ómoimo ite tánofuiaí omoi jaiáidígimamona otíomoi. Afe jíllonafue ráifinana ñue onódiomoi. Bie ráifina órodo íbánide. Daje izóí plátado íbánide, naa jíáie úcubetunido. ¹⁹ Afe jíllonafue dama Cristo ráifide díedo íbátarede. Mei Jesucristo cruzmo, íainide boáfenide ovéjatiru izóidímie, Juzíñamuimo fállena fecaca. ²⁰ Jaiiai ninomo bie énie nai cómuitañenia Cristo daí mameca, mei íadi are illa ícoimo, benó cai illa llezica, afémie cíocaizaíbite ñue omoi íllena. ²¹ Afe bie Crístodo Juzíñamuimo ínotíomoi. Tíidímacimona Juzíñamui bie Crístona meine cáatate. Afe méifodo Juzíñamui ñúefue íemo nitade. Afemona afémiedo Juzíñamuimo ínotíomoi. Afe izóí ja Juzíñamuimo izire comécidíomoi.

²² Ja birui ua llogáuaina Ñuera Joreño omoi jíeruillamona omoi comeci íaifuiari muiñódiomoi. Afe omoi comeci íaifue múiñuamona omoi ámatiaína uáfueña nahí izíruiaredíomoi. Afe daí conímana mai omoi comécido, naa omoi ríinodo izírui. ²³ Mei jíi, como meine jéicigaomoi. Come móomona meine jéicíñegaomoi mei tíitíiaioiza. Mei íadi Juzíñamui uaido meine jéicigaomoi. Afémie uai jaca ninomo féiñeno zíiñona ite. ²⁴ Jaiiai Juzíñamui Cuegáuai daje izóí lloste. Aféuai daide:

Nana bíniemo ite náiraimona illa dígamie jaca ráitiaí izoide.

Iaioi jamánomo jalléinafue ráitiaí záfia izoide.

Afe ráitiaí dúifirede; dúillamona íe záfia uaide.

²⁵ Mei íadi cai Ocuídímie uai féiñeno jaca zíiñona ite.

Afe bie uai, ua ómoimo lloga ñue jíllona uai.

2

¹ Mei jira nana ómoimo ite éoicana finócafuiari fáicanocairi. Daje izóí jíáimana o jífueacanafue abido oñeno fáicanocairi. Comeci íáirena mei, emodo ífuedo comínina ñue úritímie izóidífue omoi féitari. Daje izóí jíámamo omoi úradoñeno iri. Afe mei naga jíáimana ebena úacaillafuiari mai omoi féitaziri. ² Mei afe méifodo como jococa úrue izóí comeci náiretaite jiroille jenori. Ua, monoi ii jírua izóí Juzíñamui lloga íánino, juánide uailai mai izire omoi jenori, nágarui áfemo omoi comécillena. Afedo ñue ríire móonaitíomoi. Daje izóí aféuaido nanómona omoi ínoia, jíllóitíomoi. ³ Ua daí omoi jenori, mei cai Ocuíraima comécina ñuéñana onódiomoi.

Jesucristo cómena zíiñona cáatate nofici izóidímie

⁴ Ie jira cai Ocuíraimamo mai omoi áinoziri; afémie cómena cáatate nofici izóidimieza. Afémie comínimona fiénide nofici ruifíruillano oni dotaca izóidimie. Mei íadi Juzíñamui dibénedo afémie iere ráifide nizeca nofici izóidimie. ⁵ Afe izói omoi cáatate nofici nofici izóidimacidiomoi. Iemona Juzíñamui ómoína óiacade, ie cióñena ua ífirenaco níllena. Afemona abina omoi rairuíñeno iri. Daje izói Juzíñamui íeiena mameca, Juzíñamuimo comínido úrirainina dáaziena ómoína jóoneacade. Daií omoi jáillemona, uaido Juzíñamui ióbillena fecácafue íemo Jesucristodo fécaitiomoi. Afena Juzíñamui jeire óiteza. ⁶ Cai Ocuíraima Jesucristo bie nofici izóidimie. Ie jira Juzíñamui Cuegáuai uícodo daje izói llote; aféuaido Juzíñamui daide:

Afe cue irácomo, nii Sión daínácomo, dámie jóneticue.

Afémie iere ráifide nizeca ñue riire mozíoide nofici izóidimie.

Nana afémiemo ínotino meáidaiñeno táinomo fáifiñeitiaioi, daide.

⁷⁻⁸ Ja birui afémiemo ñue ínotimacidiomoi. Omoi bie nofici izóidimie jamánomo ráifide.

Mei íadi afémiemo ínoñeite comini, écitailla izói, afémiemo baíidiaioi. Ua Cuegáuai benomo daína izói ja íaioimo zuide. Aféuai daide:

Afémie écitaitate nofici izói ite.

Ua áillue noficiemo écitaide baíilla izói afémie íemo ínoñedinona báitite.

Mei afe llogáuai jeire oñenamona, écitaidimie izói baíidiaioi. Afe íaioi baíille jaiai ninomo daií mamécamací. Daje izói afe ñue riire nofici izóidimieemo íaioi ínoñenamona nane jáie daínáuai íaioimo zuide. Íaioi ínoñegamie dibénedo aféuai daide:

Jofo níraini oni dotaca nofici jae ua riire mozíoide nofici izói jaide.

Juzíñamuimo jaínáidimacidiomoi

⁹ Mei íadi nizécaziediomoi. Afe izói Jamánomoidillaíma Juzíñamui iédiomoi. Juzíñamui ocuífirega afémiemo comínido úrirainidiomoi. Afe emódomo Juzíñamui ñue finoca ie ocuífirega náiraiediomoi. Daje izói dama Juzíñamuimo jaínaide comínidiomoi. Bífuiái bie izói jóide, Juzíñamui cai jílloillena uaido jamánomo ebire finócafuiái jino comínimo omoi llóllena. Afe bíedo Juzíñamui, omoi jítifomona jino ie jamánomo ebírede úzefomo, ómoína jíríte. ¹⁰ Jaiai illáruido Juzíñamui ómoína daide: “Cue comíniñediomoi,” mei íadi ja birui Juzíñamuimo jaínaide náiraiediomoi. Jaiai ómoimo buna dúecaíñede, mei íadi birui Juzíñamui duéruigamacidiomoi.

Afe jaínáidino Juzíñamui tájítaganona itíaioi

¹¹ Izíruiga ámatiaí, Juzíñamuimo ínoñedino cígiri itíomoi za, jicánemaci izóidimoi. Ie jira izire jicádicue, bie éniemo ite táinomo come abí jitailla fiénidifuiáimona mai abí omoi rairuiri, mei afe abí jítáinafuiái omoi comécimo bacáuaina íoideza. ¹² Juzíñamuimo ínoñedino cígiri omoi illa dínó ñue illa dibénedo mai omoi iri. Mei birui afémaci fiénidimacidiomoi izói, ómoína uáitaoidiaioi. Mei íadi afe ómoína uáitaoidino, omoi ñue illáfueña íaioi ciónamona, nibaí íaioi comécimo ite fiénidifuiái ñúfuiáina méidoitiaioi. Iemona Juzíñamui íaioína dúecaizaíbillíruimo afémaci daje izói Juzíñamui ióbioitaitiaioi.

¹³ Cai Ocuíraimana ícoína, nana comini jónega ríimaci anamo, mai omoi itábicaíri. Daje izói jabóidillaíma nahíllaíma anamo omoi itábicaíri. Afe nahíllaíma jamánomo ocuídime. ¹⁴ Afe nahíllaíma oreca jabóidillaíni, fiénidinona duere fínoitiaioi, mei íadi ñúfue dibénemo itínona ébitaitiaioi. Iemona íaioi anamo ífireiri. ¹⁵ Mei jira Juzíñamui ñue illáfueño omoi íllana jitaide, áfedo abina onóñedimaci, comécinino úritimaci díga íaioi táinodo úrillauai omoi fáinocaitallena.

¹⁶ Ráiruiñegamací izói ñue omoi macari. Mei íadi afe omoi rairuíñenafuedo fiénicana abina omoi ínoñeno iri. Dáarie afe rairuíñenafuedo abí ínuamona fiénidifue finócadiaioi. Afe izói omoi íñeno iri. Mei íadi Juzíñamui izire rairuica tájítaganona izói omoi macari.

Daií omoi íadi iere ñuera. ¹⁷ Dáamie jámairuiñeno nana íaioi íllaze ñue caimare jacíruioiri. Nana ámatiaina daje izói omoi izírui. Juzíñamuimo ñue izire omoi jacíruioiri. Daje izói nahíllaimana uáitañeno ñue omoi jacíruioiri.

Cristo naui duere zefuállafue afe izói cai íllena caimo cíotate

¹⁸ Táijitagamací, omoi ocuídimiaina ñue jacíruiocana íaioi anamo mai omoi itábicaíri. Omoimo dúcaifirede caimare ocuídimiaí, mai íaioi anamo itábicaíri. Daje izói jáíe riire táijitate ocuídimiaí anamo mai omoi itábicaíri. ¹⁹ Nágamíai taino abíri duere zefuítaadi, mei íadi afe llezica Juzíñamuimo comécina mona afémaci nai caimare ía, afe Juzíñamuina íóbitade. Juzíñamui ñue facátainafue afémacimo jóoneite. ²⁰ Mei jáífodo fiénidífue omoi finóadi, íemona ómoína duere íaioi finolle llezica nai járidoñeno omoi ía, onóigaza afefue figo jínóneite. Mei íadi ñúefue omoi finuamona ómoína duere íaioi zefuítaadi nai járidoñeno omoi ía, ja omoi illafue Juzíñamui eróicana figura. ²¹ Ua afe daií omoi íllena Juzíñamui mamécamacídiomoi. Mei jii omoi ícoínia Cristo iere duere finócaza. Afe íe duere zefuállafue omoi fidítate, afémie illa izói omoi íllena. ²² Afémie jaca due fiénidífue finóñede. Daje izói jaca buna jífueñede. ²³ Fiénidíuailai Jesumo íaioi nita llezica, íba olle fiénidíuailaina afémie lloñede. Izire íena zefuítatíaoimo, Jesús riire íbana otátañede; mei íadi dama afémie Juzíñamuimo dama íe uai jóonete, mei Juzíñamui ñue jáícina jónefirede riire jícanoraímanaza. ²⁴ Daje Cristo cruzmo illa llezica, dama íe abido cai fiénidífuiaina abíocaiga izói uite. Ua afémie cai fiénidífuiaí uiga, aféfuiaí dibénemo tídinuiaí izói cai íllena. (Daií aféfuiaina fínoñeitícaí.) Mei afe méífodo, nífuenino Moo Juzíñamui ío dibénemo ñue jáícina íredícaí. Afémie aillo bofécamíena jaide ñue jíllotagamacína omoi jáillena. ²⁵ Naui úiñoñega júdaizite ovejaí izói ebena macadíomoi; mei íadi birui Crístomo ja meíne abido dúcídiomoi. Ovejaí úiñoñeíma izói afémie ómoína úiñoñefirede. Afe izói afémie omoi comeci rairuítagamie.

3

Aíredino íniredino díga íaioi ñue íllena llétafue

¹ Nana ríimaci anamo cai itábicaílla izói, nana ómoímona íniredíngotíai dani omoi ínítíai anamo ñue omoi itábicaíri. Mei omoi ínítíaimona níbai dárie Juzíñamui llogáuaina nai ínoñediaíoi; mei íadi omoi ñue illáfueña íaioi cíónamona, íaioi comeci ífue níbai ñúefueña méídotáite, jáíe uáíllaina nai omoi llóñeniadí. ² Ua omoi íaioi anamo ñue íáínino itábicaíllafue áfena íaioi cíónamona, daje izói Jesumo ínoítíaoi. ³ Jamáíngotíai fiérilla izói mai omoi fiériri. Mei aillo jino abímo jíta raa izóidedo fiériñediaíoi. Mei jíra ía abí fiédua ráífide oro finóina raana jítañeno omoi íri. Afe izói jamánomo féirede ífótíi níllado fiériñeno íri. Daje izói aillo ráífide íníroina jítañeno íri. ⁴ Mei íadi omoi comécina ebire fiérilla izói ñue omoi finori. Afe omoi comécina mánainafueña járidoñenafue díga omoi fiéríta afe iere ñuera. Afe bie féíñede ebíredífue Juzíñamui eróicana jamánomo aillo ráífide. ⁵ Afe daií jáíáídínomo íte Juzíñamuimo ínoñefirede íáfíuenidíngotíai comécina ñue fiérítadiaíoi. Afe llezica íaioi ínítíai anamo ñue itábicaídiaíoi. ⁶ Ua daií Sara Abraham daínáfueña jeire ote. Afe daií úamona afengo íena: “Cue ocuíraímadío,” uáídoñefirede. Ja birui nífueño omoi jacínaiñeno, ñúefue omoi jeire oía, Sara izóídíngotíaina jáítíomoi.

⁷ Afe dáanomo nana ómoímona áíredímíai cácareí. Caimare omoi áítíaimo comécíllano, dani íaioímo dúide ñúefueña íaioímo nítarí. Mei ríngóníai íima jófófemo jabóicana maírídeza. Daje izói Juzíñamui ómoímo dúecaíllano fecaca zííñoña íllífue, dájeze ríngóníaimo fecaca. Afemona cáímafuedo íaioímo úíredíomoi. Afe izói omoi íri, omoi Juzíñamuimo úrílla uai jíziñeílleza.

Ñue omoi illa ícoinia duere zefuítagaomoi

⁸ Nana bífuiaimona daa ráifidiuaido nana ómoimo úriticue. Mai dáafuemo comeci fácano, conímana caimare omoi canori. Daje izói conímana omoi duéruiri. Ua nahí ámatiaí izói conímana omoi izíruiri. Come dúecaillano comécina mánaidimacina omoi iri. ⁹ Daje izói fiénidifue comuía afe ibana oñeno iri. Afe izói báíñuafue comuía, ibana báíñoñoeno iri. Mei jíáifo dájecana ñúefue iba íaioimo oíri; Juzíñamui ómoína ie ñúefue llínollena mamédeza. ¹⁰ Mei jíi; Juzíñamui Cuegáuai bie izói daide:

Biruíllaido ñue illáfuea izíruitimie, caimare are íacadimie diga, fieni úrillafuemoná mai ie fue ráiruiteza.

Afe izói dámie caimare íllado are íacade ie fue rairuíredeza.

Iemo daje izói táinofuíaína mai afémie llóñeiteza.

¹¹ Fiénidifuaí afémie fáicanocaillano mai ñúefuemo comécíteza;

Iemo conímana comeci caimare uái illafue jenórede.

Afe mei afémie nágarui áfeodo jáiredeza.

¹² Mei cai Ocuíraíma comécina jáicina jóidimacina rairuíllano ñue úiñoteza.

Daje izói afémiemo íaioi úriadi, íaioimo cacáreide.

Mei íadi fiénidifue finódinomona ie uiéco oni jíicaide.

¹³ Jíáimamo ñue finóllino jaca izire omoi jenóadi, jraamo omoi jíritaitimiena íñeite! ¹⁴ Mei íadi omoi jáicina ñue illáfuedo omoi duere zefui daí, caimare ítiomoi. Buna jacíruiñoeno iri; daje izói áfedo comeci llícitaiñoeno omoi iri. ¹⁵ Mei íadi Cristo omoi comécido nahí Ocuídillaímana mai omoi mameri. Mai uícomo ñue omoi finóbiri, ómoimo ite úiñogafue jicánotimaci uai omoi ólleza. Mei íadi jacíruióicana comeci mánaínafuedo afe fairíoína uai omoi oíri. ¹⁶ Omoi illafue ñue jáicina mameri, omoi comeci úrillafue nífuenino uái íllena. Ja Crístomo omoi ínuamona, omoi illafue ñuera. Afe omoi ñue illáfuedo fieni úritino ite. Ie jira ua omoi abi illafue ñue jáicina jónefireiri, ómoimo fieni úritino daní íaioi fieni úrilla uáillari meáidallena. ¹⁷ Juzíñamui jítaíadi ñúefue ícoinia duere omoi zefuíadi afefue ñuera. Juzíñamuina íóbitade. Mei íadi omoi fieni finócafue ícoinia duere omoi zefuíadi afefue figo jínoñede. Afefue Juzíñamuina íóbitañede.

¹⁸ Mei dama Cristo cai fiénidifue ícoinia, dama abido tííñellinomo, dácaiño duere zefuíllano tíide. Afémie iere fígomie, mei íadi cai fiénina ícoinia cáiconi duere zefuízaíbite, Juzíñamui illánomo cai jáillena. Ie abi íeizi dibénedo titácamié, mei íadi Juzíñamui Joréñodo meine abido cáadimie. ¹⁹ Ie mei Cristo ie joréñodo, nai meine caífo náidañena llezica, jíáinomo íbaicoga tíidino joréñuai afémie llétajide. ²⁰ Bimaci jaiái ninomo Noé illáruído llogáuaina jíeruiñedino. Aféruíllaido áillue nocáe Noé fínua llezica, fiénidino duere finólliruimo Juzíñamui comeci raíre járidoñoeno, fáicana áfemo úiñoide. Afe áillue nocaedo nana dane ocho dígamie jíllodiaíoi. Ua Juzíñamui izire comini duere fínua mona, afe aillo jainoi cígimona jíllodiaíoi. ²¹ Afe jáinoimo cai uibíllano, íaioi jílluafue caina onótate. Ie jira afe jainoi báutiza jainoi izoide; mei báutiza jáinoido fiénidifue mona cai jílluana onótagacaíza. Bautismo ráifinafue fia abi íaí fue duáfueñede. Mei íadi ñue íainide comeci úrillafue Juzíñamuimo cai jícafue dibénemo bautismo ráifinafue comuide. Afe íainide comeci úrillafue afémiemo jícadicaí, mei Jesucristo tíide meine cáanafuedo jíllotagacaíza. ²² Afémie meine cáaillano monamo jaide. Jaillano Juzíñamui nabézimo ite. Nana Juzíñamui abi imaci, jae Jesús anamo itíaiíoi, naa jíáie ríimaciri. Ua nana márimaci baímo afémie ríinorede.

4

Juzíñamui caímo fecaca eróicana, come márie illa díeze, íemo tájíredicaí

¹ Mei jira, Cristo dama ie abido duere zefuilla izói, dani omoi abina Crístodo duere zefuillena daií finóbirediomoí. Afena rairuñeno omoi iri. Mei Cristo ícoinia abina izi cácatagamie abido fiénidifuiaina finóacañede. ² Iemona nana ie cáanaruillaído Juzíñamui comeci jítainafue izói iite. Afémie bie éniemo jaináidino comeci jítáioinafuiaina fuitállena jénoñeite. ³ Afe Juzíñamuina onóñedino gáinafuiái izói jamánomo jaiái ninomo are omoi illa ja daií itíomoíza; meine daje izói iñeno omoi iri. Naui aféruillaído fiénidifue diné jaináidiomoí. Omoi comeci fiéni jítainafuiaimo íoidiomoí. Daje izói jamánomo fiénidíji omoi júruamona jifáifirediomoí. Omoi dáanomo aillo güilláruillaído fiénidifuiáiri faillíñafirediomoí. Daje izói jánaraimo gairífirediomoí, afe jánarai íóbitallena. Daií gairíllano aillo bie izoide íafuiái finófirediomoí. ⁴ Ja birui bie Juzíñamuina onóñedino, ja aillo jamánomo íafue dibénemo itíaiói. Iemona íaiói omoi fiéni nabáiñenari, fáigacaidiaíoi. Iemona ómoimo fiéni úritiaíoi. ⁵ Mei íadi afe fiénidímaci íaiói comeci ífue jino Juzíñamuimo llórediaíoi naa íaiói finócafuiáiri. Ua cáadino tíidino díga afémie íanori íllamona iere riire jicánoite. ⁶ Mei jii, Juzíñamui daina jíllona uai tíidímacimo úicodo llotátaga, afe tíidino joreño dibénedo Juzíñamui illa izói íaiói íllena. Jíái íemo baimaci, nana bínie comini túlla izói túitiaíoi íadi, ja Juzíñamui illa izói cáaitímacina írediaíoi.

⁷ Ja naga ráfuiái fuizáillinomo ánozide. Mei jira ñúefuemo comécíidímacina omoi iri. Afe izói Juzíñamuimo ñue úrillafuemo jifánodoñeno izire omoi facáoiri. ⁸ Omoi finoca naga jíaie raa baimo, conímana iere omoi izíruiri; mei izíruillafue aillo íafuiaina enínaitaga izói niné féitateza. ⁹ Conímaíaina ómoimo mácaibitínona díga, omoi jofomo comécido ruifíruíñeno caímare llínofireiri. ¹⁰ Illa dígamaci Juzíñamui ómoimo iga táijina ríino daina izói jíáimana canórediomoí. Afe izói omoi íllamona Juzíñamui ómoimo fecaca jíáfodo onóigafuiaina ñue dájerize fecáramacina ítíomoí. ¹¹ Dámie uailái jino llóiacania, comini llófuellena, Juzíñamui daina uailái jino llórede. Dámie jíáimana canóadi, Juzíñamui fecaca ríinodo canórede. Nana omoi táijinafuedo ñúefue Juzíñamuimo nitárediomoí. Jesucristo cai díga íllamona daií Juzíñamuina íóbitaredicái. Mei afe Crístomo nana ebirede ñúefue, daje izói ríino díga jaca afémiemo zíiñona dúideza. Aquíe izói jóideza.

Jesucristomo cai jainaina ícoinia duere finócanodicái mei íadi meáiruñedicái

¹² Izíruiga ámatiaí, ómoimo cómuite izire facátainafueri fáigacaiñeno iri. Aféfuíaina jánaidí fue daiíñeno iri. ¹³ Mei jíáfodo aféfuemo omoi caímataíoiri; ja Cristo duere zefuillafuiái dibénemo dúirediomoíza. Afe izói omoi íadi, Jesucristo ebire bíllana omoi cíollemona jamánomo íóbicaitíomoí. ¹⁴ Cristo ícoinia omoi íaiói báíñoia, cáimafue dibénemo ítíomoí; mei Juzíñamui ebírede Joreño úicaigamoíza. Omoi báíñotíno Crístori fiéni úritiaíoi, mei íadi omoi dibénomona ñúefuedo íemo úritíomoí. ¹⁵ Omoimona dámie duere zefuádi, come fáfiredímie, mei níbai merírifiredímie dibéfuemo duere zefuíñeno iri. Daje izói íáibadímie, jíaie come ífuemo gágutajidímie dibénemo duere zefuíñeno iri. ¹⁶ Mei jíáfodo, Crístomo ínotínona omoi mameina ícoinia, duere omoi zefuádi, afena meáiruñeno iri. Ua meáiruñeno aféfuéri Juzíñamuina omoi íóbioitari.

¹⁷ Mei ja Juzíñamui cai lletállíruimo dúcizaide. Ua dani Juzíñamuimo jaináidinomo jaícina llétafue fueñe táiniaide. Mei afe jaícina llétafue daií caímo tainéiadi, ¿nie izói Juzíñamui llogáuaina jeire oñédino, íraíruimo dúcille lezica, ítiaíoi? Afémaci lletállí fue jamánomo riire zúite. ¹⁸ Fígomaci dibénemo jíllóillí fue juare ia, Juzíñamui ñue jacíruiñedíno jíllóillíno iere féirede. ¿Nie izói níbaílliaíoi? ¡Níbaíñeítiaíoi! ¹⁹ Ie jira Juzíñamui comeci jítaila izói duere zefuídíno, naga ñúefuíaína finóicairediaíoi. Afe lezica íaiói comécíai Juzíñamuina rairuítarediaíoi. Mei Juzíñamui méidoñeno ínofiredímieza, íaiói comuítatímieza.

5

Crístomo ñnotino llóina uai

¹ Omoi gairífirena cígimo ite ocuide eicomínimo cue llóina uai llóiticue; cue ja afémaci izói eicómedicueza. Daje izói Cristo duere zefuilla uai nabáidimedicue. Ico ñírui Cristo bille llezica ie ebíredifue cíocailliruimo, afe ie ebi omoi cácaille izói, afe izói ie ebi cácaiticue. ² Nana omoi uai anamo itínuiái ñue íaioina omoi úiñori, oveja úiñoraíma ie ovéjaíai úiñua ízoi. Ráairuiñeno, Juziñamui jitailla izói, omoi comeci figónamona íaioina omoi úiñori. Jáíma izire ocuilla izói íaioina omoi úiñoñoeno iri. Dama úcube óllena úiñua izói íaioina omoi úiñoñoeno iri. Dama omoi comeci óiacana izói caimare omoi táijiri. ³ Omoi uai anamo itínona rírerie comécina éoide comini úiñotimie úiñua izói omoi úiñoñoeno iri. Mei jáífodo omoi illafue ñue jaícina omoi mameri, omoi illa izói íaioi ílleza. Mei daíí ñue illafue fueñe íaioimo jino llotímiediomozza. ⁴ Afe jira Nahí Uiñoraíma Cristo cíocailliruimo ebírede ñúefue ómoimo nítaite. Afefue jaca ninomo féiñeite. (Comini dibénemona cómemo fecaca raa, jamánomoidimie daííllena, fia rábiai finoina ífo icuifoí. Afécuifoí etuda niné táinocaite, mei íadi omoi maiñoredifue jaca niné táinocaiñeite.)

⁵ Afe daje izói, jitócomini, mai omoi ocuide éinamací ñuera ríuui anamo itábicaíri. Ua nana omoi conímana comeci mánainafuedo daje anamo dájena itábicairediomoi. Mei jaiaí Juziñamui Cuegáuai daide:

Juziñamui, nana fiéni abí ñnotinona uáitaoide; ua íaioimona ie uieco oni jíicaide.

Mei íadi nana comécina mánaidínona afémie dúecaífirede.

⁶ Mei jira Juziñamui ñue rírede uai anamo ríriñeno comécina mánaidimiena omoi iri. Afemona ie comeci daíílliruido afémie ómoína jamánomoidimiena jóoneite. ⁷ Nana omoi izire comeci llícidifuaí Juziñamuimo uáfodo lloíri; mei afémie ómoína iere rairuúdeza.

⁸ Ñue cáadimie izói abí omoi rairuíoíri; mei caí bacáuai ímie Taífe caína jenódeza. Ua jufíruite jánallari rille jénua izói afémie caína jenódeza. Ua jenode caína fiénidifueмо ífóllena. ⁹ Afémiemo omoi ñnogafuedo izire uáitaoicana abí omoi mameri. Mei nágagobiaímo ite omoi ámatiaí dáafueri duere zefuíaíoíza onódiomoíza. ¹⁰ Mei íadi nano íanori duere omoi zefuilla mei, Juziñamui meine abido caimare duere zefuíñena dibénomo ómoína itátaite. Afe llezica íaífuemo comécina féitanide cómena ómoína mámeite. Ua dáaruído ómoína ríire ñibáinino nabéfuena náiretataite. Afe daje Juziñamui fiénidifuemona abí rairuúllafuena caí ite, naa jíaíe canóinafuiaíri. Dáamie íemo ite ziiño ebírenafueмо ebi caí cácaillena, afémie áfemo caína mamede; mei Jesucrístomo caí jaínáíllamona, áfemo ebi cácaíticai. ¹¹ Uafue, afe Crístomo nana ebirede ñúefue, ríino díga jaca ziiñoona dúide. Aquíe izói íteza.

Iraífuena facádua uai

¹² Bie íanori cue cuegabe Silvánodo ómoimo orédicue. Afémie ñue ñnofirede ámaza comécido onódicue. Afe bibedo ñúefueмо omoi íllena omoi llófueticue. Ja aillo Juziñamui ézicigafuaína jeire otíomoi. Iemona afémie ómoína iere izíruíteza ua onódiomoi. Aféfuedo ríire ñibáinino ómoína mamedicue, uáfodo omoi onóillena. Bífue nágarui jaícina jeire omoi oíri.

¹³ Babilonia jófuemo ite Juziñamuimo gairídino, Juziñamui omoi izói eneno ñizécano, ómoimo uailaí orédiaíoi. Daje izói cuedo jáicadimie Marcos ómoína uáidote. ¹⁴ Nahí ámána izíruilla izói caimare conímana omoi uáidori. Nana omoi Jesucrístomo jaínáidinodiomozza, mai caimare uái omoi iri. Mai; jae ñie.

SAN PEDRO MÉIFODO CUEGABE Segunda Carta del Apóstol San Pedro

Jesumo ñnotinomo Pedro cuete

¹ Cue Simón Pédrodicue. Jesucristo ocuífirgamiedicue. Daje izói ie oréfirgamiedicue. Iere ráifide ñnuafue jeire otónimo bibe cueticue. Omoi ñnogafue daa cai ñnogafue izói ráifide. Aféfuena ja fairíotiomoi, mei cai Jíllotatimie Jesucristo Juzíñamui diga comécina ñue jaícina jóidimieza. ² Cai Ocuíraima Jesús, Juzíñamui diga, omoi onónamona diga éziciafuiái, daje izói comeci caimare uái illáfuiái dibénomo omoi iri.

Crístomo jaináidinomo ite nie izóidifuiái

³ Nana cai comeci jitaica raa, Juzíñamui iodo caimare cai jáillena Juzíñamuimo ite ríinodo caimo fecaca. Afémie cai ie fidítamona bífuiaina caimo ite. Ua dama íemo ite ñúefuiaido afémie caina íemo ñnotade. Daje izói ie fáigacailla ebire finócafuiaido íemo caina ñnotade. ⁴ Iemona ie jífueño fecalle uai caimo llote. Bie caimo llogáuái iere aillo ráifide uai. Afe uáillaído Juzíñamui illa izói ítiomoi. Nana comini íaifue dibénemo fiene comeci jítainafuiaido uigámaci; mei íadi Juzíñamui ómoimo llogáuaido afe íaifuemona jae jíllodiomoi. Iemona Juzíñamui ñue illafue dibénemo ítiomoi. ⁵ Mei ie jira omoi ñnogafuemo, nágarui Cristo ñue illáfuedo omoi íocire jáillafuena aillo nabáicana uiri; afe omoi ñue jáillafuemo caimare fibíllafue daje izói nabáicana omoi uiri; ⁶ afe caimare fibíllafuemo, dama abina rairuíllafue omoi nabáicana uiri; afe dama abina rairuíllafuemo comeci járidoñenafue omoi nabáicana uiri; afe comeci járidoñenafuemo Juzíñamuimo caimare comécillafue dájemo nabáicana uiri; ⁷ afe Juzíñamuimo caimare comécillafuemo ámatiaina duéruillafue dájemo nabáicana uiri; afe ámatiaina duéruillafuemo nahí izíruillafue mai izire dájemo nabáicana uiri.

⁸ Nana bie izói daináfuiái jeire omoi óiadi, afe llezica aféfuái ñue omoi móonaitiadi, omoi illafue táinomo báíñeite. Daje izói cai Ocuíraima Jesucristona omoi onónafue táinoñeite. ⁹ Mei íadi bífuiaina jeire oñédino uínidimie illa izói ite; jica cióñoño áinori ciódimie izói ite. Jaiái ie finoca fiénidifuiái dóinamo ja comécíñede. ¹⁰ Mei jira, ámatiaí, Juzíñamui uáidota eneno nizécamacidiomoi onódiomoi. Iemona jíredimaci izói omoi iri, aféfuái omoi comécimo riire amena jáinao izói íllena. Afe izói omoi íadi, jaca Cristo íomona oni nibéfodo jáíñeitiomoi. ¹¹ Bifue daina izói omoi íadi, cai ocuide Jíllotaraima Jesucristo zíñona illáimana illánomo, rairuíñoño caimare jofo uáidolliomoi.

¹² Mei íemona bífuiaimo omoi comécioitaiticue; aféfuái onódiomoi íadi. Daje izói afe ómoimo birui ite ua uai jeire otíomoi íadi, nai jaca jaícina comécioitaiticue. ¹³ Bie ñue llóinafue uáfodo ómoimo cue lletalle nai cue jáicana llezica, cúemona ñue jaícina cíoide. ¹⁴ Mei jii, nauí cai Ocuíraima Jesucristo benó illa llezica, raire cue tiállano bie éniemo cue íñeilla cuena daide. Afémie cuemo llua izói ja raire íficaite. ¹⁵ Ie jira birui nana cue ríinodo llófueriticue, cue tilla méifomo bífuiaimo jaca ñue omoi comécillena.

Pedro Cristo jamánomo ñuera ébifuena ciónana jino llote

¹⁶ Nauí cue nabáíñiaí cue diga cai Ocuíraima Jesucristomo ite ñuera ríino ífuena omoi llófueticaí, ie meine abido billifue diga. Nana afe llófueinafuiái dani cai comécimo comuídifueñede. Táinofuena lloñédicaí, mei íadi dani cai uído ie jamánomo ñuera ébifuena ciódinodicaí. Iemona uafue lloticaí. ¹⁷ Ie Moo Juzíñamui íemo ñúefue nítana, jíaíe ebíredifue íemo fécana dani cai uído ciódicai. Juzíñamui ebire ie uaido daide: “Bie cue izíruiga jító.

Afémieri iere ióbioidicue,” daide. ¹⁸ Aquíe izóí monámona Moo dáinana daní cai jefodo cacádicaí; mei afe ñue eneno nizeca ídumo afe cai Ocuíraímaíoi rí jáidicaíza.

¹⁹ Bie como cai llogafue baímo, jáíe nahí ua llogafue ite. Bie nahí uafue jaíai uícodo uai jino llórainí lloga cuegáuai. Afe cuegáuai cai llogáuaina nabaide. Bíníe nai jítífomo illa llezica bíuaina ráiruiñeno iere jeire óredíomoi. Aféuai mechera naío bóua jítífo egáíñua izoide. Ua aféuai nai mona mónaiñenia, jítífo egáíñua izóí omoi comécina egáíñote. Afe mona monailla llezica monáíracudu izóidímie billano, omoi comécina ñue jaícina déítaite. ²⁰ Mei fueñe bífuego omoi comécíri: Cuegáuailaímo ite uícodo jino lloga daínafuíai dama afe uai lloráimamona llóñega. ²¹ Mei onódicaiza, uai llórainí jaca daní íaíoi comeci jítainafuíaido úriñediaíoi. Mei jáíáfodo afe Juzíñamui íeiena maíñócamaci afémie dibéfodo úritiaíoi; mei Ñuera Joreño ífócaíaióiza.

2

Táínofuíaina llófueñredino (Jud 4-13)

¹ Mei íadi afe dáaruillaído Israel comíní cígíri táínofuíai jino llórainí ite. Afe izóí omoi cígíri táínofuíaido llófueritíno íite. Afémaci daní fiení finode ífoci úrillafuena báinino omoi llófueítiaíoi, comíní Juzíñamui íaíoi íinogafue féitallena. Daíí aféuaido íaíoi na jílloítate Ocuíraímana jáanoítiaíoi. Afemona íaíoi niné raíre táínocaillífue daní íaíoi mo zúite. ² Íaíoi mo ite fiénidífue dibénedo aillo comíní jáítiaíoi. Daní afémaci ícoínia cai ua ñue jaille íori fiení úritiaíoi. Bie ñue ua cai jaille ío Juzíñamui ñúefue. ³ Íaíoi aillo úcube llínoiacanamona, táínofuíaido omoi íaíoi jífuíado úcube na llínoítiaíoi. Mei íadi íaíoi niné táínocaitaimie, íaíoi finócafuíaina cíoillano daíí íaíoi táínocaillífue na fáicanocaiñeno maméoi. Mei jaíai ninomo íaíoi duere finóllena mamécaíaióiza.

⁴ Juzíñamui abí ímácímona dáarie fiénidífue mo baíídiaíoi. Afémaci íaíufue na Juzíñamui doñede. Doñeno duere zefuille iraimo íaíoi na orede. Jítífomo íaíoi na fiénocaide. Dínomo íco izire jicánollíruimo baí óllena cuínácaíaióí.

⁵ Daje izóí Noé illágíma llezica fiénide comíní íaíufue na Juzíñamui doñede. Mei íadi jamánomo áillue jáinoído afe fiénidínona Juzíñamui nana fiéñeno fuitade. Afe fiénide náiraímona dama Noé na siete díga íe comíní rí Juzíñamui jílloítate. Afe Noé jaícina ñúefuedo íaíoi na lletade íadi jamáiena faitíaíoi.

⁶ Bífue mei, daje izóí Juzíñamui Sodoma jofue, Gomorra jofue ímací díga niné táínocaitate. Ua nana íaíoi jofue bóua mei, daa ímuícíai fiébilla. Ua daíí izire niné táínocaitate, íe méífodo fiení íítino, bífue na cíoillano, Juzíñamui fiénidíno izire duere finófirede daííllena. ⁷ Afeno bóocuamona Lot daínámie comeci ñúénado íena jílloítate. Lot afe íáírede comíní fiení ílláfue na íe cíónamona íe comeci jamánomo zúucaide. ⁸ Bie comécina ñúemie Lot, nágarui fiénide comíní cígíri íe íllari, íaíoi fiení finócafuíaina cíode; íaíoi fiení úrillafuíaina cacade. Aféfuíai íe ñuera comécina zuure finode. ⁹ Daíí cai Ocuíraíma nana íena ñue jacíruitíno íaíoi comeci fiení facátafuíaimona íaíoi jílloíllena ñue onode. Daje izóí afémie nana fiénidíno íco íraícaíño íere jicánollíruimo duere finóllena oní eneno jóniana ñue onode.

¹⁰ Nana íáíre comeci jítainafue jeire óiacadínona Juzíñamui íere duere fínoite. Cai Ocuíraíma ríinona jámairuitínona daje izóí duere zéfuitaitiaíoi. Afémaci llétana cacácaíñedíno. Ílláímana jacíruíñedíno. Daje izóí monamo ite jóríai izoide ríinoredínona baííñuana jacíruíñediaíoi. ¹¹ Juzíñamui abí ímací afe fiénidíno baímo ríinoredíaióí. Daíí íaíoi illa íadi, afémaci afe jóríai izoide ríinoredínona fiení daííñediaíoi. Ua cai Ocuíraíma uíécori afémacina baííñuafuedo “Duere zéfuitíomoi,” daííñediaíoi.

¹² Afe fiénidino ríllenai izói abina onóñediai. Afe ríllenai da ebena illáfue mo itíai. Ñúefue dine coméciiñediai. Fia llaítada fállena jocócaiai. Bie izói itímiai ónoñegafuedo fiéni úritiai. Mei íadi afémaci jiba rille izói títiai. ¹³ Jiáie comini duere íai zefuítado duere finóbitiai. Ianori caimátaillifuedo jiáie iere ióbitadinodicaí, daiífirediai. Afémaci meáidaitadimaci. Comeci fiéni finode raa izói omoi cígiri itíai. Daje llezica omoi finoca ráfuiado nabáiriacadiai ómoína iaire finóllena. Táinona jífue caimátailla raado jífanotiai.

¹⁴ Afémaci nana ciona ringomo fia érocaineno llaítada jiruifue finóacadi. Afémaci fiénidifue finuana iere gáidiai. Afena fáicanocaiacañediai. Comécina náinidinona bífueta íaifue mo uitíai. Naga raana izire máinuana iere fibídi. Afe izoide comini iaire faidócano. ¹⁵ Afémaci Moo Juzíñamui ñuera iómona oni fiénidido jáidiai. Jaiai uai llóraima Balaam ífuedo jáidiai. Afe Balaam Beor jító. Afe Balaam fiénidifui ie finuado aillo úcubena llínoiacade. ¹⁶ Mei jíáfodo áfemona uáinide burra Balaam fiénidifui diné íena lletade. Afe burra come izói úrillano, Balaana uáiritaidimie úrilla izói rairuillano íena úritañede.

¹⁷ Nana bie táinofuena llófueridino jainoi iñeno jainoi orano zafénailla izóidiai. Jairífo mo oni niné ñaitaca mona úillie izóidiai. Jamánomo jítirede jítinomo ziiñona íllena riire faidócaiai. ¹⁸ Mei aillo abi ínua uáillaído naa taino uailai diga, ñúemacina jífuecana uitíai. Iai íaifuiado, comini abi jítainafui diga jíáimacina bífuetiai. Ua íaifue dibénemo itínomona uáfue na jíllodinona meine íaifue mo nane bífuiadiai. ¹⁹ Uícode raire llotíai: “Uafue ráiruiñega comini izói ítiomoi,” daiífirediai. Mei íadi afe daina llezica, dani afémaci íaifue dibénemo izire jaináitaganona itíai. Iemona afémaci fiénidifue finuana fáicanocainidiai. Ila dígamie íena anáfenode raa íena náamatade. Iemo áfemo izire jaináitagamiéna jaide. ²⁰ Mei cai jíllotate Ocuíraima Jesucrístona onódimaci, éniemo ite íaifuiamona oni jíllodiai. Bimácimona dáarie íai jíllua mei nau íai anáfenogafue mo abido íai baiíadi, nano íai illa baimo, jamánomo figoñeite. ²¹ Juzíñamui ñuera iona íai onóñenia afefue afémacimona figoñede. Mei íadi ja Juzíñamui iona onona mei, íai mo iga ñuera lletárafuiaina féitaadi, afefue jamánomo fiénide. ²² Jaiai daina ua uai como afémacimo zúilla. Aféuai daide: “Jico ie cicúecana abido güízajide. Daje izói mero abina ñue jococa nane dama ie íaibimo nane jabíjabízajide,” daide.

3

Cai Ocuíraima billifue

¹ Cue izíruiga ámatiai, omoi cácarei. Bie méifoidibe ómoimo cueticue. Ménacaiño ómoimo cue orécabedo ómoína abi jífueñeno bífue mo comécitaacadicue. Ñue llófueinafuedo ómoína comécitadicue. ² Afe jira jaiai ñuera uai lloraini caimo llogáfue mo omoi uibíoiri. Daje izói Cristo orécamací ómoimo lloga jíllotate Ocuíraima lletara uaimo féitañeno áfemo omoi coméciri.

³ Nano fueñe bífue mo omoi uibíoiri: íco írairuillaído Juzíñamui lloga ñúefuiaina zanóñiredino blítiai. Afémaci dani íai comece fiéni óiacanafuiado itíai. ⁴ Afémaci ómoimo zanoda jícanoítiai: “¿Ninomo ite ómoimo lloga meine bite Cristo? ¿Némei afe? Cai jáiaigima tílla méifomo naga raa daje izói ite. Ua énie comuillarumona naga rafue daje izói jáioicaide.” ⁵ Dai llóitiai, mei jaiai ninomo monana Juzíñamui ie uaido finuafue mo coméciaicañediai. Afe izói Juzíñamui uaido ocuillamona, zocade raa zocai ízoi, bínie jáinoimona comuide. Iemo jainoi cígido bínie Juzíñamui ie uaido riire itábicaítate. Aféfuena náfueñeno bie zanóñiredino onóacañediai. ⁶ Afe mei daje izói énie anábaitade áillue noci aféruillaído bie éniemo ite cáadinuaina niné tánocaitaíbite. ⁷ Mei íadi birui ite mona énie diga daje Juzíñamui daina uaido tánocaitalle irai íena oni

jóoneoiga. Afe irai fiénidinuai niné táinocailliruimo ico íraicaiño iere jicánolliruimo afe biniena naa mona diga cuarítaite.

⁸ Izíruiga ámatiai, bie emódomo ífuena omoi féitaño iri. Cai Ocuíraimamona daa mona mil fimona izóideza. Daje izói afémiemona mil fimona daa mona izóideza. ⁹ Cai Ocuíraima ie daináfuiai fuitálliruimo dúcia bai jiáiruimo dúiñoñeite. Dámierie afémiena jiáiruimo dúiñoite daiífrediaioi. Mei íadi afémie cairi járitaiñede. Afémie buna oni fáiacañede, mei jiáifodo caimo ite fiénidifuiiai ñúfuena méidollena afémie iere jitaide. Afémie aféruina bai jiáiruimo dúiñoñeite. Féitaño ie mamécaruimo zúite.

¹⁰ Cai Ocuíraima billirui meríriraima naio billa izói, nai due ócuiriñeitiaioimo déizaibiteza. Afe billíruimo mona naa íemo ite ráaniairi jacire niné táinoficaite; áfena iere ficire cácaite. Nana afe mona finua ráaniai naa úcuairi iraimo niné táinocaite. Afe llezica bnie naa íemo ite itinuaiiri cúarite.

¹¹ Ja nana daií táinocaillifuena omoi fidínamona, nana íaifuemona abi omoi rairuillifue iere jitáirede; benómona afémiena caimare íóbitaredicai. Ua Juzíñamui íeiena omoi illifue iere jitáirede. ¹² Mai Juzíñamui ie nahí illáimana cíocaizaibilliruimo omoi úiñori. Uíñua llezica, omoi onóigafuedo aféruina raire mai omoi járidori. Aféruillaído mona ero iraido niné táinocaite. Nana énie finua ráaniai iraimo niné íbina jáitiaioi. ¹³ Mei íadi Juzíñamui uícodo caimo lloga comue monamo comue éniemo ocuídicaí. Afe comue éniemo mona diga, nana raa ñue jaícina jóite. Naga raa níifuenite.

¹⁴ Izíruiga ámatiai, mei benómona nai bífuego omoi úiñoina llezica, nana ómoimo ite ríinodo omoi illafue jaícina jóneri. Daií omoi comeci caimare uái illafue dibénemo íllamona Juzíñamui ómoimo eróicaizaibilleza. Afe izói omoi comeci íaicaiño nífuenino Juzíñamui ómoimo cíoizaibilleza. ¹⁵ Nane jiáifuego omoi comécioiri. Afefue daide: Cai Ocuíraima comínimo járitaiñenafue, ua cai jíllouillifue. Daa bíuai cai izíruiga ama Pablo ómoimo cuete. Juzíñamui íemo lloga comeci jaícina fibíllafuedo cúefirede. ¹⁶ Nana afémie orécabiamona daa bífuiai llote. Mei íadi dáarie ie uailai ñue onóillena iere féirede. Abina onóñedino afe féireduaina jiáifodo mamédiaioi. Afe izói jabo ínotino aféuaina jiáifodo dobáiñotiaioi. Daje izói jiáie Juzíñamui Cuegáuai lloga uáillaina oni jiáifodo áfedotiaioi. Afemona afémaci dani abi niné táinocaitaitiaioi.

¹⁷ Izíruiga ámatiai, nana bífuaina ja uícodo onódiomoiza, mai fiénidinomona abi omoi rairuiri, afémaci jífuerillafuedo meine abido íaifuemo omoi báiza; omoi jeire oga ñúfuena niné féiza. ¹⁸ Mei jiáifodo, cai jíllotate Ocuíraima Jesucrístona, mai jamánomo ñue abina omoi onoiri. Caina ie duéruillafuego, omoi comeci ífue aillo oni móonaitaocairi. Iere ebire ñúfue dama Jesucrístomo mai birui omoi nitari. Daje izói zíñona ebíredifue afémiemo mai omoi nitáfireiri. Mai. Jae nñe.

NANOIDE SAN JUAN CUEGABE

Primera Carta del Apóstol San Juan

Cáatate úrilla uai

¹ Nana raa nano taineina llezica itímiedo ómoimo cueticai. Afémie Jesucristo. Afémiemona cai cacánana lloticai. Dani cai uído cai ciónana lloticai. Afémiemo eróidicai. Afémiena dani cai ónoído jetádicai. Afémie Juzíñamuimona uailai lluáibitímie. Afémie uai caina cáatate. ² Afe cáatatena itímie cai onóillena caimo cíocaide. Afémiena cíoillanona íemo uai faiticai. Afémie fecalle zíñona cáananona ómoimo jino lloticai. Nanómona afémie Moo Juzíñamui diga ite, ie mei caimo cíocaide. ³ Jira cai cacánafue cai cíonafue diga uáfueña jino lloticai, daaco comínina omoi cai diga íllena. Ua afe izói uáfueña Moo Juzíñamuimo dájena jaináidicai. Daje izói ie Jitó Jesucristomo jaináidicai. ⁴ Jira aféfuiaína ómoimo cueticai aféuaido jamánomo caimare ñue omoi íllena.

Juzíñamui nairai comeci egáioidímie

⁵ Bie úrillauai Jesucristo caimo llogáuai. Afena jino ómoimo lloticai: Juzíñamui comécina egáioidímie. Afémiemo jaca jítinona iñede. ⁶ Dájena afémiemo jaináidicai cai daiíadi, íadi afe llezica jítifodo cai macáadi, taino lloticai. Daje izói táinona finódicai. ⁷ Mei íadi Juzíñamui úzefomo illa izói, daje izói úzefomo cai macáadi, ua dájena conímamo jaináidicai. Iemo ie Jitó Jesucristo ie cruzmo tíllamona, ie die tótajamona nana cai fiénidifuiái dote.

⁸ Cai fiénidifue iñede cai daiíadi, cai abi jífueticai. Táinofuefiredimacídicaí. ⁹ Mei íadi Juzíñamui ñue jaícina finóllifueмо áfemo ínoredicai cai fiénidifuiái jino cai llóíadi, uáfueña afe fiénidifuiaina afémie dóite. Nana íemo fieni cai finócafue íbana caimo óñeite. ¹⁰ Cai fiénidifuiái finóñedicai cai daiíadi, Juzíñamui táinofueredena cíotataiticaí. Ie úrilla uaina uáfueña jeire oñédicaí.

2

Cristo cáiconi ñue úriraíma

¹ Cue jítótiai, bífuiaí ómoimo cueticue, íáiredifuiáimo omoi báíñellena. Mei íadi dámie íáiredifuiái finóadi, Moo uíecomo cáiconi ñue úritímie ite. Afémie Jesucristo. Ñue jaícina itímie. ² Jesucristo cai fiénidifuiái ícoínia fagámie. Dama cai ícoíniañedeza, mei íadi nana énie comini fiénidifuiái ícoínia.

³ Juzíñamui ocuícáfuiái iere cai cacáreadi íena onódicaíza fídíticai. ⁴ Mei íadi dámie “íena onódicue” daiíadi ie ocuícáfuiái iere cácareñeniadi, afémie taino lloraíma, ua táinofuefiredímie. ⁵ Mei ie íbana Juzíñamui ocuícáfueña finódimie, jae Juzíñamuina nabéfuena izíruite. Daií áfedo íemo cai jaináinana fídídicaí. ⁶ “Juzíñamuimo jaináidicue” dámie daiíadi Cristo maca izói ie macállino jítáirede.

Comue ocuícáfue

⁷ Cue izíruigamací, comue ocuícáfue ómoimo cueñédicue. Afefue nanómona ómoimo itífue. Afe jaiái rafue daje omoi cacana úrillafue. ⁸ Mei íadi ómoimo cue cuegafue comue ocuícáfue izói ómoimo íficaízaíbite. Bie ocuícáfue Crístomo nahí ua ráfuena ite. Afe izói bie ocuícáfue ómoimo nahí ua ráfuena íite. Afefue ua nahifue, jítino oni jáioicaideza. Jae ua comécina egáíñollena ñue egáioinaza.

⁹ Dámie “úzefomo iticue” daiíadi, íadi jíáimana nai éoia, afemíe nai jítifomo ite. ¹⁰ Ie ámana izíruitímie úzefomo ite. Afémiemo mínícana fiénidifuiáimo baítaitena iñede. ¹¹ Mei íadi ie

ámana éoicaidimie nai jítifomo ite; ua jítifodo macade. Niné jáideza onóñede, jítino uina cíotañena jira.

¹² Jitótiai, ¡omoi cacai! Juzíñamui Jesucristo titáinanomo omoi fiénidifuiái ibana ote. Ie jira bifue ómoimo cueticue. ¹³ Móotiai, ómoimo cueticue, nano tainéinanomo itímiena jae omoi onona jira. Jitócomini, ómoimo cueticue, Taifena omoi anáfenua jira.

Jitótiai, ómoimo cueticue, ja Moona omoi onóicailla jira. ¹⁴ Móotiai, ómoimo cueticue, nano tainéinanomo itímie omoi onóicailla jira. Jitócomini, daje izói ómoimo cueticue omoi ríredimacina jira; omoi comécimo Juzíñamui úrilla uai jeire omoi ua jira; Taifena omoi anáfenua jira.

¹⁵ Biniemo ite Juzíñamuina bacáuaredino finócafuiaina izíruiñeno omoi iri. Daje izói íaioimo itífuiaina cacáreiñeno omoi iri. Dámie afémaci finócafuiaina izíruiadi, afe llezica Moo Juzíñamuina íziruiñeite. ¹⁶ Nana íaioimona lloga ráfuiái minícana Juzíñamuimona biñede. Fia dani íaioi cígimona comuide. Comécina íáiredemona fiéni óiacanafue bite. Cai ui ióbicailla jítaillamona jáie fiéni óiacanafue bite. Caimo ite ráaniaimona fiéni abi ínuafue bite. Nana afe billáfuiái biniemo ite Juzíñamuina bacáuaredino llóolloga. ¹⁷ Afena bacáuaredino fúioicaide, naa íaioimo ite fiéni óiacanafuiái diga. Mei íadi Juzíñamui jítainafue finódimie jaca ninomo zíñona ite.

Uafue tánofue diga dájemo jaináñede

¹⁸ Jitótiai, jae írairuimo dúcidez. Cristo uáitaoidimie bíllana cacádiomoi. Ja birui aillo Cristo uáitaoidino cíocaide. Ie jira birui írairuina onódicaí. ¹⁹ Afémaci cáimona jino jáidiaioi. Mei íadi uáfuea cáieñediaioi. Uáfuea cáiena íaioi íadi, cairi fiébite. Ua afémaci cáimona jino jáidiaioi nana cáieñeitiaioiza uáfodo daíí áfedo onóillena.

²⁰ Mei íadi Cristo Ñuera Joreñoa igáomoi; íemona afémiedo onótagaomoi. ²¹ Omoimo cueticue mei, uáfuea omoi onona jira. Uáfuea omoi onóñenamona cueñédicue. Uáfueomona jáie daa tánofuea comuínide. Jae onódiomoiza.

²² ¿Bu tánofueredimie? Jesuna Crístoñede daidímie, afémie dama tánofueredimiena. Níimie Crístona uáitaoidimie. Afémie Moo Juzíñamuina jáanote. Afe izói ie Jitona jáanote. ²³ Jitona jáanotimie afémiemo daje izói Moona iñede. Mei íadi Crístona jíruitimie daje izói Moona onode.

²⁴ Ie jira, nanómona omoi cacana úrillafue omoi comécimo ñue omoi jóoneoiri. Jira nanómona omoi cacánafue ñue omoi comécia Juzíñamui Jitomo dájena íitiomoi. Afe llezica cai Moori dájena íitiomoi. ²⁵ Jesús uáfuea uícodo llote, zíñona cáananona caimo fecállena.

²⁶ Omoi jífueiacadino bifue ómoimo cueticue. ²⁷ Mei íadi Jesucristo ómoimo fecaca Ñuera Joreño ómoimo ite. Ie jira daíí buna ómoimo llófuenidiaioi.

Daje Ñuera Joreño nana ráfuiaina ómoina llófullofuede. Afémie llogafue uafue; tánofueñede. Jira daíí Crístomo dájena omoi iri, Ñuera Joreño ómoimo llua izói.

²⁸ Jitótiai, mai birui Crístomo dájena jaináicairi, afémie cíocalliruimo ie daínana ñue cai ínollena. Daíí ie bíllemo ie uiécona méairuiñeíticai. ²⁹ Ja onódiomoiza Jesucristo ñue jaícina finódimie. Afemona daje izói nana jaícina finódino Juzíñamui jítótiaiza ónoitiomoi.

3

Juzíñamui jítótiai

¹ Mai ¡comécimo faca! Nii jamánomo Juzíñamui caína izíruiilla. Iemona ie jítótiaína maméidicai. Jae áfedicai. Ie jira éniemo ite Juzíñamuina éoidino cai izói comécíñediaioi, mei Juzíñamuina íaioi onóñena jira. ² Izíruiaga ámatiai, jae Juzíñamui jítódicai. Írairuimo cai íficaillifuea nai caimo ácatañega. Mei íadi onódicaiza, Jesucristo cíocaia afémie izói íiticaí,

ie illa izói námiena cai ciona jira. ³ Nana afémiemo daií comécidimaci daní dáamaci nana íaifuaiaimona ñue dóficaitadiaioi, mei Jesucristo íaifuenidimie illa izói íiticaí.

⁴ Mei íadi nana fiénidifue finódimaci Juzíñamui ocuícáfue uáitajano jámairuite. Mei jira fiénidifue ocuina ráfuena uáitaoina. ⁵ Jae Jesucristo bie éniemo cai fiénidifue oni duáibillana onódiomoi. Daje izói afémiemo nifue iñénana onódiomoi. ⁶ Mei jira nana afémiemo dájena jaináioicaidimaci fiení macánidiaioi; mei íadi nana fiení macáfiredimaci afémiena jaca cióñediaioi; íena onóñediaioi. ⁷ Cue jitótiaí cacai. Buna ómoína jífueñellena nane dáitucue; ñúefue finófredimie ñúemie, Jesucristo ñúemiena illa izói. ⁸ Mei íadi fiení macáfiredimie Taífemo jaináidimie, mei nanómona Taife fiénidifuairedimiena ite. Uafue Juzíñamui Jitó Taife finócafuaí tainocaitaíbite.

⁹ Juzíñamui jitótiaimona jaca buna figóñeno macáoicaiñede, Juzíñamui íemo iga cáanano íemo illa jira. Afémie fiénidifuena finóñinide, Juzíñamui jitoza. ¹⁰ Afedo bu mei Juzíñamui úruiaínaza, bu mei Taife úruiaínaza onódiomoíza. Uafue nímierie ñúefuena finóñenia, ie ama íziruiñenia, afémie Juzíñamui dibénemo ítimieñede.

Conímana cai izíruillafue jitáirede

¹¹ Mei jii nanómona omoi cacana úrilla uai, be nie uai: conímana cai izíruillafue jitáirede. ¹² Caín izói omoi iñeno iri. Afémie Taife dibene ímie, íemona ie ama titade. ¿Ñibái mei íena titade? Caín úradoillano ie ama titade, Caín finócafuaí figóñena jira; mei íadi ie ama finócafuaí ñuera.

¹³ Cue ámatiaí, Juzíñamuina bacáuairédino ómoína éoinamona fáigacaiñeno iri. ¹⁴ Jae tíizaille íomona zíñona cáaillíomo dóbaicaidicaí. Afena onódicaí, Jesuna ínotinona cai izíruilla jira. Mei íadi izíruiñedimie tíizaillíodo jaide. ¹⁵ Nágamie ie abi cómena éoidimie cómena titádimie izói ite. Íemo come titádimie comécimo zíñona cáanano iñénana onódiomoi. ¹⁶ Jesucristo ie cáanano cáiconi iga; áfedo nana izíruillafuaína onódicaí. Afe izói cai cáananona lloñeno Jesuna ínotinori daií abina zóoferedicaí. ¹⁷ Dámie ie illínomo jitáirede raa ítemo, ie aino come jitaíca raa iñénana cióillano, mei íadi íemona jeruide, ¿ñie izói Juzíñamuimo izíruillafue ie comécimo íteza? ¡Iñede! ¹⁸ Cue jitótiaí, ¡fia fuena daína uaido mai cai izíruiñeno iri! ¡Mei íadi ñue finóllifuaído uafue izíruillafuedo mai conímana cai izírui!

Juzíñamui uíécomo ñue íena ínofírenafue

¹⁹ Jira daií uáfue mo jaináidimacidicaí onódicaíza; nane aféfuemona Juzíñamui uíécomo ñue íena ínofiredinodicaí. ²⁰ Cai comeci cai ícoínia llóiaí, Juzíñamui cai comeci baímo aillo ñúemienaza onódicaí. Afémie nágafuaí onode. Íemona afe ícoínia caímo íbana óite. ²¹ Mei jira, izíruiiga ámatiaí, cai comeci cai ícoínia lloñeniadi Juzíñamui uíécomo ñue íena ínofiredinodicaí. ²² Nana íemo cai jicaca raana fécaite, ie ocuícafuaína jeire cai úamona; ua íena cai íóbitamona áfeniaína caímo fécaite. ²³ Afémie ocuícáfue daide: “Íe Jitó Jesucristomo cai ínori. Afe emódomo cai conímana cai izírui afémie cai ocuilla izói,” daií daiíñoaíde. ²⁴ Íe ocuícafuaína iere cacáreidimaci afémieoíri ítiaioi. Daje izói afémie nágari íaioíri ite. Afémie jaca caímo íllana onódicaí. Ua áfena afémie caímo iga Ñuera Joreño onódicaí.

4

Ñuera Joreño Crístona uáitafírede jóriaína anáfenoacade

¹ Bie énie tánofuaí llotínona oruízaídeza. Afémaci “Juzíñamuido úriticaí,” daídíaioi. Izíruiiga ámatiaí, ¡omoi cácareí! Naga “Juzíñamui dibéfodo úriticaí” daídímiena ínoñeno iri. Mei íadi íaioína facátari, ñie joreño íaioímo íllana onóillena, Juzíñamui ie, ñibaí íeñede. ² Juzíñamui Joreño itímie omoi onóillífue llóitucue. Nágamie Jesucristo ua cómena bíníemo bite jino onótatímie, afe cómemo Juzíñamui Joreño ite. ³ Mei íadi daií

jino onótañedimie Juzíñamui Joréñoñedimie. Afémiemo Crístona uáitafirede jóriai ite. Afe izóidena fiénide jóriai bíllena ja cacádiomoi. Mei afe jae bie éniemo ite.

⁴ Jitótiai, omoi Juzíñamui iédiomoi. Omoi itímie baimo riinorenmona, afe tánofiredinona jae anáfenodiomoi, mei íaioi daináfuiái omoi íinoñena jira. Biniemo ite tánofiredinori itímie jabóidimie. ⁵ Afémaci Juzíñamuina bacáuairedinomo jaináidino, ie jira Juzíñamuina bacáuaido úritiaioi. Iemona biniemo ite Juzíñamuina ínoñedino afémacimo cacáreidiaioi. ⁶ Mei íadi cai Juzíñamui iédicai. Juzíñamuina onódimie caimo cacáreide. Mei íadi Juzíñamui íeñedimie caimo cacáreiñede. Afedo uafue uaina llófueinafuea onódicai; daje izói jífuetena llófueinafuea onódicai.

Juzíñamui izíruitimie

⁷ Izíruiga ámatiai, conímána cai izíruilla jitáirede; izíruillafue Juzíñamuimona bíteza. Nana izíruillafuiaredino Juzíñamui jitótiai. Afe llezica Juzíñamuina onódiaioi.

⁸ Juzíñamui jamánomo izíruillafuiaina oruídímie, ie jira izíruillafuenidímie Juzíñamuina onóñede. ⁹ Juzíñamui daade ie Jitó ana éniemo orede afémiedo cáananona caimo íllena. Afedo ie caina izíruillafue caimo ácatate. ¹⁰ Afe óriado uáfuea izíruillafuea cai fidítate. Juzíñamuina cai duéruia nahí izíruillafueñede. Mei íadi afémie caina dúecaillano cáiconi ie Jitó ória, afe nahí izíruillafue. Ua Juzíñamui cai fiénidifuiái ícoinia cai jiánona duere finóllimiena ie Jitó orede.

¹¹ Izíruiga ámatiai, Juzíñamui daií caina izíruillamona, afe izói conímána cai izíruillafue jitáirede. ¹² Juzíñamuina jaca buna cióñena; mei íadi conímána cai izíruia Juzíñamui cai comécimo ite. Afe illa dáaruído Juzíñamui izíruillafue caimo ñue riire comúoicaide. ¹³ Juzíñamui dibénemo cai íllana, cai comécimo Juzíñamui íllana ónorede. Afena ie Ñuera Joreño caimo fecáinado onódicai. ¹⁴ Moo Juzíñamui ie Jitó orede afémiedo comini jílloilena. Iena dani ciódicai. Afena jino uáfodo lloticai. ¹⁵ Nágamierie Jesús Juzíñamui Jitona onótatímie, jaca Juzíñamui diga ite. Daje izói Juzíñamui afémie comécimo ite.

¹⁶ Daií Juzíñamui caina izíruillana fidítagacai. Aféfuea ínoticai. Juzíñamui jamánomo izíruillafuiaina oruídímie. Izíruillafuemo itímie Juzíñamuimo ite. Afe izói Juzíñamui afémie comécimo ite. ¹⁷ Daií jamánomo ñuera izíruillafue caimo comúoicaide. Iemona írairuimo facátalliruido ñue íena ínofiredinona íticai. Mei Jesucristo bie éniemo ñue cáimamiena illa izói afe izói iticai. ¹⁸ Izíruinafueo jacíruillafue íñede. Mei jira ñue jácina izíruillafue jácifuea jino orede. Mei jácifueo duere finótajano ite. Ie jira jacínaitímie ñue jácina izíruioicaiñede.

¹⁹ Cai Juzíñamuina izíruiticai, nano fueñe caina ie izíruilla jira. ²⁰ Dámie daiíadi “Juzíñamuina izíruiticue” mei íadi afe llezica ie daano cómena éoia, afémie tánofueredimie. Uafue dámie ie ciona daano cómena izíruíñede, afe llezica cióñena Juzíñamuina izíruinide. ²¹ Juzíñamui caimo iga daa ocuífue. Afe bie ocuífue daide: “Juzíñamuina izíruitímie daje izói ie aino cómena izírui,” daide.

5

Cai dinena biniemo ite fiénidifuiaina anáfenoiticai

¹ Nágamie Jesús Crístona ínotímie Juzíñamui jitó. Dámie come moona izíruitímie afe izói afe moo jitótiaína izíruite. ² Moo Juzíñamuina cai izíruia, afe llezica ie ocuífuea cai finóadi, Juzíñamui jitótiaína cai izíruillana ja ónoiticai. ³ ¿Minica Juzíñamuina izíruillafuea? Mei ie ocuífueaína jeire cai ua. Ie ocuífueaína llégienide; ⁴ mei naga Juzíñamui jitó éniemo ite fiénidifuiaina anáfenorede. Ua cai ínuafuedo éniemo ite fiénidifuiaina anáfenodicai. ⁵ Dama Jesús Juzíñamui Jitona ínotímie éniemo ite fiénidifuiaina anáfenorede.

Juzíñamui Jitomo uai nabáillafue

⁶ Jesucristo jainoi die diga ciócaizaibitímie. Ie báutizaillaruimo Juzíñamui Jitona comini fidítagaiaioi. Afe izói ie tízaillaruimo, dama ie abi zóofiano, ie die tóillamona áfedo comini onótagaiaioi. Fia jáinoiñedeza, íadi jainoi die diga bite. Jesús Juzíñamui Jitónafuemo Ñuera Joreño uai nabáiraíma. Ñuera Joreño llogafue uafue. ⁷ Afe Jesús Juzíñamui Jitónafuemo damieámani uai nabáiraíma monamo ite: Moo Juzíñamui, Juzíñamuimona Uaillaí Lluáibitímie, Ñuera Joreño diga. Bie daámani come daináuai dáamiemo jainaide. ⁸ Eniemo daje izói daámani uai nabáiraíma ite: Ñuera Joreño, íemo Jesús báutizaja jainoi, íemo ie tíllaruimo totaca die diga. Bie daámanide dane dáamiede.

⁹ Comini uai nabáillafue llínofiredicai, mei íadi Juzíñamui uai nabáillafue jamánomoide, ie jira ie Jitori uai nabáillafuena cai ínolle iere jitáirede. ¹⁰ Juzíñamui Jitona ínotímie bie uai nabáillafue dama ie comécido úcade. Juzíñamuimo ínoñedímie Juzíñamui tánofueredena ciótate, Juzíñamui ie Jitori uai nabáillafue dáinana ie ínoñena jira. ¹¹ Afe daináfuedo Juzíñamui daide: zíñona cáanano afémie caimo iga. Afe cáanano ie Jitodo bite. ¹² Juzíñamui Jitona comécido llínotímiemo afe zíñona cáanano ite. Mei íadi Juzíñamui Jitó comécido llínoñedímiemo afe cáanano íñede.

Juan íraicaiño lluáfuiái fuizáillafue diga úrite

¹³ Ja Juzíñamui Jitona ínotíomoi. Jira bifue ómoimo cueticue zíñona cáanano ómoimo íllana omoi onóillena.

¹⁴ Juzíñamui uáfueena caimo cacáfirenana ínofiredicai. Daa minícana cai jicáadi ie comeci jítaina izói, afémie cai daina cacana onódicai. ¹⁵ Mei jira afémiemo cai úrillana Juzíñamui cacáfirenana onódicai. Afena onónamona cai jicácana afémie caimo fécana daje izói onódicai.

¹⁶ Cómena títañeite fiénidífue ite. Dámie ie aino come afe fiénidífue fínuana cióadi, Juzíñamuimo afémieri jicari. Iemona Juzíñamui cáananona íemo fécaite. Títade fiénidífue ite. Afemo Juzíñamuimo omoi jicari daiñedicue. ¹⁷ Nana fiénidífuiái íaífue; come comécina títañeite. Mei íadi jíaie íaífue ite; afefue cómena títañeite.

¹⁸ Juzíñamuina Móoredímie íaífuedo macáñedeza onódicai; mei Juzíñamui Jitó íena úiñoteza. Ie jira Taife íena ocuínide.

¹⁹ Juzíñamui íedicaiza onódicai. Afe izói nana bínie comini Taife ocuícáfue anamo itíaióiza onódicai.

²⁰ Juzíñamui Jitó jaiái bíllana onódicai. Afémiedo ua nahí Juzíñamuina onóttagacai. Afe Uámiemo jaináicana iticai. Afefue daiíacade Juzíñamui Jitó Jesucristo dibénemo iticai. Afémie nahí Juzíñamui. Afémiemo jaináicana cai íadi zíñona caina cáataite. ²¹ Jitótiaí, mai jánaraímo caimátaiñeno omoi iri; daje izói nana jíaie jífujete jóriaímona abi omoi rairuíri. Jae níe.

MÉIFOIDIBE SAN JUAN CUEGABE

Segunda Carta de San Juan

Uafue íemo izíruillafue diga llóiticue

¹ Ja éicomedicue; ocuiraímadicue. Jae Juzíñamui nizeca cue miringo izóidingodio. Bie rabe ómoímo cueticue naa o úruiairi. (Bimaci iglesia daina Juzíñamuimo gairífredino.) Naa o diga afémacina uáfuea izíruiticue, mei dama cúeñedeza. Nana uáfuea onódino daje izói afémacina naa ori izíruitiaioi. ² Ñue uafue ícoínia ómoína izíruiticue. Afe uafue cai comécimo ite; ie mei afefue jaca ninomo cairi iite. ³ Moo Juzíñamui ie Jitó cai Ocuiraíma Jesucristo diga, ómoína cáimacaitaite. Afémie dúecaillano jamánomo izíruillafuea ómoímo llóite, naa comeci caimare uái illafue diga. Izíruillafuea uáfuea nana aféfuaiina cai onótate.

⁴ O jitótiaimona dáarie uafue daina izói mácana fidídicue. Afefue cuena ióbitade, mei Moo Juzíñamui daí cai ocuúdeza. ⁵ Miringo izóidingo cacai. Ja birui omo izire jicádicue conímana cai izíruillena. Bie omo cuegafue comue ocuícáfueñede. Mei íadi afefue nanómona caimo ite. ⁶ Bie izíruillafue daíacade Juzíñamui ocuilla izói cai finóllena. Ja nanómona omoi cacana izói afe ocuícáfue daide: “Izíruillafuedo omoi macari.”

Jífuerrairini ifue

⁷ Mei jíi, aillo jífuerridino bie éniado macádiaioi. Afémaci Jesucristo ua come izói bíllana uáitatiaioi. Daítadimie jífuerrairaima. Afémie Crístona uáitaoide. ⁸ Afémiemona abi omoi rairuíori o táijnamona oga comeci ñúefue táinocaiñeillena. Iemo jíái afémiemona abí omoi rairuiri nana o táijina iba ñue Crístomona jaícina óllena.

⁹ Níimie Cristo llogáfuemo comeciñeno nibéfodo jáidimie, afémie comécimo Juzíñamui ñede. Mei íadi Cristo llogáuaimo comeciídimie comécimo Moo Juzíñamui ite, ie Jitó diga. ¹⁰ Dámie ómoína llófuiabiadi, íemo bie Cristo llogáfuea atíñeniadi, íena uáidoñeno, jofe eromo llínoñeno omoi iri. ¹¹ Iena uáidotimie, afémie lloga íaifue dáafuea llínoiteza.

Fuizájidíuui

¹² Ómoína aillo daíacadicue, mei íadi rabedo cúeiacañedicue. Omoi dani conima uíecomo cue úrizaillena úiñoiticue. Afe daí cai cáimafue jaícina íficaite. ¹³ Omoi ebuño izoide benomo ite iglesia daina Juzíñamuimo jaináidino daje izói Juzíñamui nizécamaci. Afémaci omo uai orédiaioi. Jae ñie.

HIRAIBE SAN JUAN CUEGABE

Tercera Carta de San Juan

Gáyodo ñuefuena úritimaci

¹ Ja éicomedicue, ocuiraimadicue. Cue izíruiga nabaimo bibe cueticue. Bímie mámeçi Gayo. Afémiena uáfueña izíruiticue.

² Cue izíruiga ama, ori Juzíñamuimo jicáfiredicue áfedo nana o finócafuiai ñue móonaillena. O abi caimare náireillena jicádicue, o joreño ñue nífuena izói. ³ O ñúefuedo macáfírenafue dáarie ámatiaimona cue fídiamona, afe cuena iere ióbitade; mei ua onódicueza o jaca ñúefuedo macáfíredio. ⁴ Ua ie baimo cue ióbillena iñede. Afe cue cacana cue jitótiai uáfueño comécidiai; áferi jamánomo ióbidicue.

⁵ Izíruiga ama, o illánomo ite ámatiaina o canóllena figura. Ie mei oni jáinomona bite ámatiaina o canóllena jamánomo ñuera. ⁶ Juzíñamui mámeçido gairídimaci uícomo íaioina o izíruillafue jino llotíai. Izire daidicue: Mai íaioi cano; íaioi jáilliruiño jitaica raana íaioimo ine; áfedo caimare íaioi jáilleza. Ua Juzíñamuimo ióbillena izói íaioi cano. ⁷ Mei jira afémaci Jesucristo táijnafuedo jáizaidiai. Afe cánuana Juzíñamuina ónoñegamacimona llínoñediai. ⁸ Ie jira íaioi jitaica raana cai finóredicai, afémacina cai canóredicai. Afedo íaioi uáfueña llúana canódicai.

Diótreres finino mácafue

⁹ Juzíñamui mámeçido gairífininomo cuegafue lluabe nauí orédicue, mei íadi Diótreres cai ocuilla riinona óiacañede, íaioi cígimo úicofiacadimie illa jira. ¹⁰ Ie jira cue jáiadi ie finini mácafue jino uáfodo onótaiticue, nana ie finini úrioinafue, ie táinofuerena cana uáitaoinafue diga. Ie mei afe baimo bitino ámatiaina afémie llínoñede. Afe llezica afe bitino llínoacadimacina rairuillano, afémie gairídimacimona íaioina jino jiude. ¹¹ Izíruiga ámatiai, finini onótarafuaido jáiñeno iri. Ñúefue finori. Ñúefueña finódimie Juzíñamui ímie, mei íadi íaifuiái finódimie Juzíñamuina jaca onóñede.

Demetrio ñuera onótafue

¹² Nana comini Demétriori ñue úritiaioi, mei afémie ñue mácafue uáfori cíóideza. Dani cai nane aféfuemo ñue uai nabáiraimacídica. Iemona uáfueña cai daífírenana onódiomoi.

Uai Fuizájillauai

¹³ Ona aillo daífacadicue, mei íadi rabelo cúeiacañedicue. ¹⁴ Ona raire cíoillena úiñoticue. Aféruido conima uícomo eróicana úriticoco.

¹⁵ Começi caimare uái illáfuemo o iri. Benomo ite nabáñiaí omo uai orédiaioi. Izire daidicue nágamierie coco nabáñiaímo conima uícomo o uáidori. Jae ñie.

SAN JUDAS CUEGABE

La Carta del Apóstol San Judas Judas Juziñamui uáidoganomo cuete

¹ Jesucristo táijitagamie Júdadícue. Santiago ámadícue. Bibe Juziñamui mamécanomo cuetícue. Ua cai Moo Juziñamui uáidoganodiomoí, íeiéna ñue finoda maiñócanomo omoí íllena. Jesucristomo omoí jaináinamona ñue eneno rairuícanodiomoí. ² Mei Juziñamui jamánomo aillo caimo ie dúecaillafue, íemo jíái ñue uái omoí illífue, íemo jíái ñue izíruillafue, dígafue ómoímo llóíteza.

Táínofuiaina llófueñredino
(2 Pe 2.1-7)

³ Izíruiga ámatíai, cai comeci jíllóillífuedo izire ómoímo cúeiacadícue; mei afe jíllóillena Juziñamuimo cue íinua izoí, afe izoí iere ínotíomoíza. Mei íadí ómoína jíáífuedo rabedo llóredícue. Táínofuíai lluíáíbitíno omoí jeire ogáfuena féitaiacadíaióíza; ie jira izire ómoína daídícue: Ríire abí omoí mameri. Íaióí diga fuirilla izoí omoí iri, omoí íinogafue íaióí féitañeilleza. Afefue nauí nana Juziñamuimo jaináidíno mo dácaíño iga. ⁴ Mei omoí cígímo nínená dámerie táínofue lluíáíbitíaióí. Afémacina Juziñamui Cuegáuailai jaiái uícodo íaióí olle duere finóllífueña lloite. Afémaci íáíbaníai. Afe ííñíai daíde: “Juziñamui ñúefueña jeire óíticai;” mei íadí afe dáínado rairuíñeno fiénidífuena iere nícidotíaióí. Afémaci daíde cai Naama Juziñamuina ruifíruitíaióí. Daje izoí cai Ocuíraíma Jesucristo llogáuaina uáítatíaióí.

⁵ Mei ja onódiomoí íadí, como cue daííacana fuemo ómoína uibíoitaacadícue. Juziñamui Israel comínina Egipto éniemona oni orede. Oni uano daíí nana íaióína ñue jíllotate. Mei íadí, íaióí cígímona dáarie íñoñena jírrari, Juziñamui afe íñoñedinona jíáíruido níne táínocaitate.

⁶ Afe izoí Juziñamui abí imácímona dáarie Juziñamui anamo ñue íaióí illáfueña fáicanocaiacadíaióí. Afe mei daní íaióí illánona fáicanocaillano oni jíáínomo jáidíaióí. Ie jira Juziñamui íaióína íco izire íraícaíño iere jícanóllíruimo íaióína maítá jae íbaíca. Afémaci jae jíítinomo iere zábíñede llójeína maígáíaióí.

⁷ Daje izoí Juziñamui Sodoma jofue íemo Gomorra jofue diga bóotate, naa afe áinori íte jófueníarí. Mei afécuai comíni Juziñamui abí imácímona fiénina jira dáarie llavécamací izoídíaióí. Afe bímací jamánomo daní jofo conímari ébecotaííredíaióí. Naga Juziñamui comínimo mameca ñue illáfueña jíruíreíllena uáítaíredíaióí. Daíí íaióí íllamona ziiño iraimo duere finócaíaióí. Afe bífue, afémaci izoí cai íñeíllena, caimo cíotaga.

⁸ Afe emódomo bie táino lluíáíbitíno íaióí táínomo comécíllafuíaido daní íaióí abina bácadíaióí. Daje llezica cai Ocuíraíma ríinona uáítatíaióí. Caífo monamo íte jóríai ízoíde ríinoredíno íáíre dáíííredíaióí. ⁹ Mei íadí Juziñamui abí imácímona illaíma Miguel, Taífe diga fuirízaiílla llezica ñúefodo úrite. Tííde Moisés abína júfidotíailínoí. “¿Buna náamareíte?” daídíailínoí. Aféruimo Miguel íáírede uaido íena faidóñede, mei íadí ía íena daíde: “Ocuíraíma Juziñamui ona izire llétaíteza,” daíde. ¹⁰ Mei bie táínodo llotínuaí íaióí ónoñega ráfuedo fiéní úrtíaióí. Mei íadí comécína onóñede rílleníai izoí ítíaióí. Fía íaióí abí jíítaina ráfuemo comécíoidíaióí. Daíí comécíillano áfeodo jáíllamona daní íaióí níne táínocaitallíaióí.

¹¹ ¡Níí íaióína dúerena! Caín díbéfuedo jáidíaióí. Aillo úcube óiacanamona Balaam izoí oni íaífuemo baíízaidíaióí. Daje izoí jaiái íte Corena mámecíredímie, Moisés dotáacanamona níne táínocáite naa íemo jaináidínori. Afe izoí bíruí omoí cígírí íte fiénidífuíai llotíno llícaítíaióí. ¹² Omoí finoca conímána izíruílla ráfuíai cígírí meáíre

IIRAI RUILLAI DO ITIFUIAI JINO CIOTAINA

Juziñamui San Juaamo Jino Ciotagafue

EL APOCALIPSIS

O Revelación a San Juan

Jesucristo jino onóitagafue

¹ Bifue uire ítifuiái jino cíotainafue. Juziñamui bífuiaina Jesucristomo cíotate, afémie ie ocuífreganomo ácatallena. Daií Cristo uáfueña raíre ífícaítífueña jino íaíoimo ácatate. Jesucristo ie ángel daína abí ímiedo bie jino cíotagana ie ocuífregamie Juaamo onótate. ² Afe Juan nana ie cíónana uáfueña jino llote. Daje izói afémie Juziñamui lloga uaina nabáífirede. Afe Juziñamui lloga uai Jesucristodo ñue jaícina llócaiga. ³ Bie Juziñamuimona oga uaina jíáimacimo facáduana cacáđino caimare itíaioi. Daje izói bie rabénicomo cuega uaina cacáillano ñue náfuétino caimare íóbitiaioi. Mei bie rabénicomo llogáfuiái zúítirui ja ánozideza.

Siete dígade iglésiai daína Juziñamuimo gáirífiredinomo Juan cuete

⁴ Asia éniemo ite siete dígade iglésiai daína Juziñamuimo gáirífiredinomo cueticue. Cue Juáadicue. Mai Juziñamui ñúefuiái dibénemo, naa ie caimare uái illafue dibénemo omoi iri. Mei afe Juziñamui birui itímieza, íemo jaca nanómona jaiaí itímieza, íemo uire jaca ninomo íitimieza. Daje izói ie ráirano uícomo siete dígade ñuera jóriai ite. Afe jóriai Juziñamui Ñuera Joreño jana. Afémie ñúefue dibénemo omoi iri. ⁵ Iemo daje izói Jesucristo lloga ñúefuiái jeire omoi oíri. Afémie jíáífo méídoñide uai nabáiraíma. Daje izói afémie nano tíllanomoná abído meine tíñellena cáatagamie. Iemo jíái afémiemo bínie illáicomini ocuilla ríino ite. Afe Cristo caina izíruillano ie totaca díedo caí fiénidífuiaina oni dote. ⁶ Iemo nane illáicomínina caina itátate ie Moo Juziñamuimo caí jaináillena. Daje izói comínido Juziñamuimo úrifiredinona caina jóonete. Afe Juziñamui íena jóonegacái. Ie jira jaca ninomo áillue ébifue naa ocuilla ríino díga afémie íena íteza. Aquíe izóideza.

⁷ ¡Ero, Cristo mona uílliedo bite! Nana comíni íena cíoitiaioi. Daje izói ie fatino íena cíoitiaioi. Iemo nana bínie nairaí afémie bíllana cíoillano éenaitiaioi. Jii, uafue daítadeza.

⁸ Caí jamánomo riire Ocuídímie bie izói daíde: “Nana ráfuiái naí cómuíñenia uícodo itímiedicue. Daje izói fuizájillanomo itímiedicue. Abecedario A-do táinia izói nánoramiedicue. Daje izói abecedario Z-mo fuizailla izói íraímiedicue,” daíde. Afémie birui itímie, íemo jaca nanómona itímie, íemo uire jaca ninomo íitimieza.

Ebírede Cristo nicáirilla izói ciona

⁹ Omoi ama Juáadicue. Omoi duere zefuilla izói daane duere zefuídícue. Daa omoi izói Juziñamui illáimana illánomo jaináidícue. Iemo Jesucristo omoi úiñotaja izói daa omoi díga úiñotagacue. Jesucristodo fairíotaga Juziñamui ñuera uai jino cue llócailla jira llavécacue. Pátmosmo mámeçirede monaillai cigi ídumo llavécamiedicue. ¹⁰ Iemo afénono caí Ocuíraíma caí ocózinaitaruimo Juziñamui Ñuera Joreño náamatagacue. Afe llezica vudugoi fúunua izoide ficírede uaina cue méífomo cacádicue. ¹¹ Afe uai cuena daíde:

—Naga ráfuiái uícodo itímiedicue. Daje izói fuizájillanomo itímiedicue. Abecedario A-do taíneca, íemo Z-mo fuilla izóidímiedicue. Mai nana o ciona díga daa rabénicomo cúeiri. Cuiano, Asia éniemo ite siete dígade iglésiai daína Juziñamuimo gáirífiredinomo o oreri. Afe jófueniaí mámeçiaí: Efeso, íemo Esmirna, íemo Pérgamo, íemo Tiatira, íemo Sardis, íemo Filadelfia, íemo Laodicea, —daíde.

¹² Bu cuemo úrilla daiíllena abido gírecaidicue. Gírecaillano, siete dígade oro finoína mechérana ciódicue. ¹³ Afe cígimo cómemona comuídímiena eróidena ciódicue. Afémie jitáoi garoi éiba ícoimo dúcide. Ie jogóbemo lláidife oro finoína. ¹⁴ Afémie ifótirai iere úzerede, jaillici úzerena izói úzerede. Iemo jiái nieve izói úzerede. Ie ui irai bóua izói cíoide. ¹⁵ Afémie éiba ñue queníretaga bronce izói quenírede. Ua bronce iraimo ruílla lezica jamánomo quenírena izói, ie idai quenírede. Iemo aillo imánillai nofíco tua ficírena izói ie uai ficírede. ¹⁶ Afémie onoi nabézimo siete díga ucudu llíide. Ie fuémoma iere jáirede llojéfaí izoide raa jino billa; afe faí nága fene jáirede. Ie uíeco jitoma iere riire egáíñua izói riire egáíñote.

¹⁷ Afémiena cíoillano, ie anamo tíidímie izói baiídícue. Mei íadi afémie ie nabezi cuemo bíitano cuena daide:

—Jacíruiñeno o iri. Cue bie nanóidímiedicue; dáamiedicue fuizájillanomo íitimiedicue.

¹⁸ Birui cáadímiedicue. Mei nauí tíidícue, mei íadi birui jaca nínomo cáaitícue. Tíilla zuitara llave izoide raa cuemo ite; daje izói tíidino illano lláveniai cuemo ite. ¹⁹ O ciona díga mai cúeiri; birui itífuiyai cúeiri, íemo uire cómutífuiyai cúeiri. ²⁰ Cue nabézimo o ciona siete dígade ucúduai rafue nauí báinino ite. Ja birui jino uáfodo llórede; daje izói siete dígade mechera rafue llórede. Afe siete dígade ucúduai siete dígazie Juziñamuimo gairídino uai llócaítino jana. Iemo afe siete dígade mechera siete dígazie Juziñamuimo gairífredino jana, —daií afémie cuena daide.

2

Siete dígade iglésiai daina Juziñamuimo gairífredinomo lollíuai: Efésomo ite ñnotinomo llogáuai

¹ Cue cíonamie dáanomo cuena daide:

Efésomo ite Juziñamuimo gairídino úiñoraimamo bíuai cúeiri: “Afe nabézido siete dígade ucúduai llíidímie daje izói siete dígade oro finoína mechera cígido macáfiredo. (Afémie mechera cígido mácafírena izói, comini ñue úiñolle jana.) Afémie afe úiñoraimana bie izói daide: ² Nana o finócafuiaina onódicue. O riíredemo táijidíozá onódicue, naa o comeci járitaiñedeza. Daje izói fiénidino fiéni illáfuiaina iere izire o rairuíllana onódicue. Iemo jiái táinona “Jesucristo orécanodícaí” daidínona facátatíozá onódicue. Afemona afémaci táino llúana baitíozá. ³ Jaca o comeci járidoñedio, íemo iere cuedo o táijina lezica cue ícoínia iere duere zefuídíozá. Afe lezica zefuíruiñeno ñue táijidí. ⁴ Mei íadi daa figóñedífueña omo ite. Nano fueñe cue o izíruilla izói birui cuena izíruíñedio. ⁵ Ie jira nínómona oni nibéfodo baiídíozá comeci uibi. Mai omo itífue méidori. Fueñe o illa izói o iri. Bífueña o méidoñenia omo raire bíitícue, omo ite egáíñote raa oni óllena. ⁶ Mei jiáifodo, daa ñuefueña nai omo ite. Afe nicolaítas fiéni finócafuiaimo naa íaíoi fiéni jiáifodo llógamo éoícana eróidí. Cue daje izói áfena éoidícue. ⁷ Ñuera Joreño Juziñamuimo jaináidínona dáinamo cacáacadímie áfemo cacai. Afe Ñuera Joreño bie izói daiíacade: “Fiénidena anáfenodínona jáidímacína Juziñamui nífueninanomo ite cáatate amena llizíllana güitátaitícue,” daide.

Esmírnamo ite ñnotinomo llogáuai

⁸ Daje izói Esmírnamo ite Juziñamuimo gairídino úiñoraimamo bíuai cúeiri: “Nanóidímie dáamie íraimíena ómoimo úrite. Nauí bíniemo tíidímie, íemo meine abido nane cáadímíena jaide. Afémie ona daide: ⁹ Nana o finócana onódicue. Daje izói o duere zefuíllana onódicue, naa o ráanina díga. Mei íadi uáfueza Cristo dibénedo iere ráaredí. Jiáimaci fiéni omo úrillana onódicue. Afémaci, “Juziñamui nízeza Judíodícaí” daidíaiíoi, mei íadi íeñediaíoi. Afémaci dani Taife dibénemo jaináidíno. ¹⁰ Duere o zefuíllemo jacínaiñeno

o iri. Mei ómoimona dámierie Taife llavéracomo llavétaiteza, nana omoi facátallena. Daií omoi comeci ifue onóillena facátalliomoi. Diez dígarui duere zefuirediomoi. Mei íadi o tíllinomo zóofeñeno ñnofireiri. Daií o íadi zíñona cáallena o jirídotaiticue. ¹¹ Ñuera Joreño Juzíñamuimo jaináidinona dáinamo cacáacadimie mai áfemo cacai. Afe Ñuera Joreño bie izói daiíacade: “Fiénidena anáfenodinona jáidimaci nane méifodo tíllamo raamo jírñeitíaiói,” daide.

Pérgamomo ite ñnotinomo llogáuai

¹² Daje izói Pérgamomo ite Juzíñamuimo jaináidino úiñoraímamo bíuai cúeiri: “Afe nágafene jáirede lloefai llíidimie bie izói ona daide: ¹³ Nana o finócana onódicue. Afe izói Taife ocuícano cígimo itioza onódicue. Afénomo itio íadi zóofeñeno cuemo ñue o ñnuana onódicue. Daje izói cuemo o ñnuana fáicanocaiñedio. Afe izói Antipas mámeciredimie cue ñue jaícina cue uai nabáifiredimie. Afémie omoi cígiri fatíaiói. Ie fáinaruido, cuemo omoi ñnuana zóofeñediomoi, Taife illánomo itiomoi íadi. ¹⁴ Mei íadi cue lletárafuíaína ómoimo ite. Omoimona dáarie jadí Pérgamomo Balaam llófuiana fáicanocaiacañediaói. Afe Balaam jiaí Balacna llófuete Israel comíni fiéni fínuaillena. Afe Balac Balaam llófuiamona Israel comínina jánaraimo fecaca rílleniaina ritátate. Afe dáaruido afémacina iere jiruítetade. ¹⁵ Nane jáie cue lletárafuena ómoimo ite. Omoi cígimo dáarie afe nicolaítas lloga uaina féitaiacañedino ite. Afémacina éoidicue. ¹⁶ Ie jira mai omoi comeci ifue méidori; mei íadi omoi méidoñenia, raire omoi díga fuirízaibitícue. Uáfueza cue fuémona bite jáirede lloéfaido omoi fiéni finódinona fáziaibitícue. ¹⁷ Ñuera Joreño Juzíñamuimo jaináidinona dáinamo cacáacadimie, áfemo cacai. Afe Ñuera Joreño bie izói daiíacade, “Fiénidena anáfenodimiena jáitimie afe báinino ite maná daina monámona cocide güillena güitátaiticue. (Bie maná Juzíñamui íaiói comécina náiretaillena jana.) Iemo afémiemo úzerede nofitofena fécaíticue. Afe nofitofemo buna ónoñega comue mámecei cuelle. Dama afe nofitofe llínoitimie áfena onóille.” Aquíe izói daide.

Tiatíramo ite ñnotinomo llogáuai

¹⁸ Daje izói Tiatíramo ite Juzíñamuimo jaináidino úiñoraímamo bíuai cúeiri. “Juzíñamui Jitó ómoimo úrite. Afémie ui irai bóua izoide, íemo ie éiba ñue queníretaga bronce izói quenírede. Afémie bie izói ómoína daide. ¹⁹ Nana omoi finócana onódicue. Cuena omoi izíruillana onódicue, naa cuemo omoi ñnua díga. Daje izói cue dibénedo ñue omoi tájicaillana onódicue, naa omoi comeci járitaiñena díga. Fueñe omoi táinia baímo birui jamánomo finócaidiomoi. ²⁰ Mei íadi ómoimo daa cue lletárafuena nai ite. Afe Jezabel mámeciredingo llógana rairuñediomoi. Afengo, “Juzíñamui dibénedo úriticue,” daiífirede, mei íadi fiéni ie llócaigafuedo cue ocuífíreganona jífuete. Afe jífuia uaido íaioína iere jiruítetade. Daje izói jánaraimo fecaca rílleniaina íaioína ritátate áfemo caimátaillena. ²¹ Aféngomo are úiñoidicue afengo comeci ifue méidollena. Mei íadi afengo áfena méidoacañede. Afengo ie jiruífueña fáicanocaiacañede. ²² Mei jira birui afémaci afengo finócafuena fáicanocaiñenia, aféngona iere izire iráretaiticue. Daje llezica nana afengo díga jiruiredinona duere zefuítaiticue. ²³ Afengo úruiaína títaiticue. (Afe úruiaí daina afengo llógamo jíeruitino.) Afemona naga come ífoci úrillana, ie comeci ifue díga ñue ícoimo cue onónana, nana Juzíñamuimo gairídino fídítíaiói. Iemo ómoimona illa dígamie fiéni omoi fínuaize ómoína duere fínoíticue. ²⁴ Mei íadi ómoimona Tiatíramo ite jáimaci afe Jezabel omoi llófuiá fiénide uaina náfueñediomoi. Afe Jezabélmo jaináidino íaiói llófueinana daidíaiói, “Cai llófueina uai Taife ie, iere báinide nai uáfodo ónonidífuiaí,” daidíaiói. Afe llófueinana onótañegaomoi. Iemo ómoimo ite nauí cue lloga baímo jáiéna ómoína ócuiñeitícue. ²⁵ Daa bie llóitícue: Omoimo ite ñúefuíaí ñue rairuiri, nai cue bíñeille

dino. ²⁶ Fiénidena anáfenodinona jáitina náiraiaí ócuitimacina jóneiticue. Afémaci cue jítainana ñue ícoimo fuitádino. Ocuille ríino íaioimo jóneiticue, ²⁷ mei daí cue Moo cue ocuille ríinona cuemo jóneteza. Iemona náiraiaína riírede lloébici izóidedo riire ócuitiaíoi. Iaioimo cacáreacañedinona icírui lláia jéenino llairúngotailla izóí, afe izóí íaioina duere fínoitiaíoi. ²⁸ Daje izóí monáiracudu iere ebire egáñua izóí, afémacina ebire fínoiticue. ²⁹ Ñuera Joreño Juzíñamuimo jaináidinona dáinamo cacáacadimie mai áfemo cacai.” Aqué izóí daide.

3

Sárdismo ite ínotinomo llogáuai

¹ Daje izóí Sárdismo ite Juzíñamuimo jaináidino úñoraímamo bíuai cúeiri: “Afe siete dígade Juzíñamui jóriaredimie, ñí afe Juzíñamui Ñuera Joreñoredimie Cristo, íemo afe siete dígade ucúduai llíidimie dáamie. Afémie bie izóí ona daide: Nana o finócana onódicue. Crístomo o jainaina izóinado jica jalleide, íadi onódicueza tídimie izóí itio. ² Come cazilla izóí mai abina onoiri. Nai omo due jiza fiébide ínogafuiaína meine riire finori, mei aféfuiaí jae táinocaiacadeza. Eródicuemo o finócafuaí cue Juzíñamui eróicana ñue jaícina jóíñedeza. ³ O fueñe ínoga íaíoi llófuiamo uibóicairi. Afena jeire o oíri. Afe llezica o comécimo itifue ñúefuena méidori. O abina ñue onóñenia, merírifiredimie ónonino billa izóí, duere omo fínuaibiiticueza. Cue billíruina ónoñeitio. ⁴ Mei íadi ómoimona jadí Sárdismo dáarie comécina ñúemacina ite. Afémaci iníroina íaíñedino izoide. Afémaci úzecuiruai jitada cue díga jáitiaíoi, mei afe daí íaioimo dúideza. ⁵ Fiénidena anáfenodinona jáidino úzecuirona jítaitiaíoi. Iemo zíñona cáaitino mámecei cuiánicomona íaíoi mámeceiaína dóñeiticue. Iemo daje izóí cue Moo Juzíñamui uícomo “Bie cúemaci” dáititicue; daje izóí ie abi imaci ángeles daínamací uícomo “Bie cúemaci” dáititicue. ⁶ Ñuera Joreño Juzíñamuimo jaináidinona dáinamo cacáacadimie mai áfemo cacai.” Aqué izóí daide.

Filadélfiamo ite ínotinomo llogáuai

⁷ Daje izóí Filadélfiamo ite Juzíñamuimo jaináidino úñoraímamo bíuai cúeiri: “Afe ñíifuenidimie omo úrite. Afémie uáfuena úrifiredimie. Afémiemo jiaí illaíma David naze tuiñora llave ite. Afémie Juzíñamui illáimana illano tuiñoadi buna íbáinide. Daje izóí afémie íbáia, buna zuitánide. ⁸ Bímie bie izóí ona daide: Nana o finócana onódicue. Buna íbáinide túide naze o uíecori jóneticue. Mei figo maíríñedio, íadi cue uaina náfuetio; cuena jaca jáanofinidio. ⁹ Iemona Taífemo jaináidinona o anamo caiñícido ana íaíoi dújutano óreiticue. Afémaci táinona úrillano bie izóí daífrediaíoi: “Caí bie Juzíñamui nizeca judíuaidicai” daidíaíoi, mei íadi íeñediaíoi. Nana baimaci o anamo dújutaiticue, íemona ona cue izíruillana fídítiaíoi. ¹⁰ Cue ocuica uai jeire o úamona aféuai daína izóí comécina járidoñedio. Ie jira nana biniemo bite facátalliruimona ona ñue ráruiticue. Aféruido nana biniemo ite comini facátalliaíoi. ¹¹ Raíre biticue. Omo ite ñúefuiaí ñue rairuiri, o jirídolle raa bu báíroñeilleza. ¹² Fiénidena anáfenodinona jáitina cúeiena máíñoiticue. Máíñuano cue Juzíñamui gairíracomo ite maíride jáilliraí izóí íaioina óreiticue. Iemona Juzíñamui illánomona jaca jino jáíñeitiaíoi. Iaioimo cue Juzíñamui mámecei cúeiticue. Daje izóí cue Juzíñamui jofue mámecei íaioimo cúeiticue. Afe jofue mámecei “Comue Jerusalén.” Afe jofue cue Juzíñamuimona caífo monámona ana bite. Daje izóí afe fiénidena anáfenodinomo cue comue mámecei cúeiticue. ¹³ Ñuera Joreño Juzíñamuimo jaináidinona dáinamo cacáacadimie mai áfemo cacai.” Aqué izóí daide.

Laodicéamo ite ínotinomo llogáuai

14 Daje izói Laodicéamo ite Juzíñamuimo jaináidino úiñoraimamo bíuai cúeiri: “Uáfuenta llotímie omo úrite. Afémie jaícina uai nabáifiredimie; daje izói jaca méidoñeno uáfuenta úrifiredimie. Afémie nana Juzíñamui finócana tainérama. 15 Afémie bie izói ona daide: Nana o finócafuiaina onódicue. Ráairuillano figo o ínoñenana onódicue. O ínoga ñue uzírediji izóiñede. Daje izói o ínoga caimare mánaidiji izóiñede. Ñue o uzírenana jitáidicue, ñibai jíáfodo o mánaínana jitáidicue. 16 Mei íadi jabo uzírediji izóidío. Iemona jabo uzírediji jino tua izói ona jino dótaiticue. 17 Bie izói daiífiredío: “Ráaredimiedicue,” daidío. Iemo “Nana cue illafue ñue jóide. Cue jitaica raana ñede,” daiífiredío. Mei íadi jíáfodo o íllana onóñedio. Juzíñamui eróicana bu cáimadoñegamiedío. Iemo daje izói iere duere zefuítagao, íemo iere dúeredimiedío, íemo uina cíoiñedimie izóidío. Iemo jíai ínícuironino emuíromade izóidío. Afe bie izói o íllana jaca onóñedio. 18 Mei jira omo llóiticue, “Traimo ñue finoca órona cúemona íba, uáfuenta ráaredimiena o jáillena. Daje izói cúemona úzerede ínícuirona íba, o meáire emuíromana íbáillena. Daje izói ui manórajina cúemona íba, o uimo jóniamona ñue o cíoilena. 19 Nana cue izíruiganona lletádicue; daje izói íaioina duere finódicue ñue íaioi íllena. Mei íemona Jesucristomo izire o jaináicaillano, iere o ínofireiri. O comeci ífuiái méidori, ona duere cue finoiza. 20 Ero cacai, come comeci naze ízoinamo iticue. Dinómona jíiriticue. Cue uaimo cacáreitímie ie naze tuiñóadi cue llínollena, afémie illánomo jofo jáiticue. Jaillano dájena afémie díga nabáiriticue. Daje izói conima díga caimare úriticoco. 21 Fiénidena anáfenodinona jáitínona, illáimana cue ráiiranomo afémiena cue díga ráitaiticue. Mei daíí fiénidena cue anáfenuamona cue Moo illáimana ráiiranomo ráinazaidicueza. 22 Ñuera Joreño Juzíñamuimo jaináidinona dáinamo cacácadimie, mai áfemo cacai.” Aquíe izói daide.

4

Monamo Crístomo lloga cáimafuiái

1 Bie méifomo éroidicuemo, monamo ite naze túinana ciódicue. Fueñe cue cacana uaina meine nane cacádicue. Afe uai vudugoi ficirena izói cacaide. Afe uai cuena daide:

—Caifo benomo bi. Bífuiái méifomo raire cómutifuiaina omo ácataiticue, —daide.

2 Afe llezica Ñuera Joreño anamo itábicaidicue. Iemona monamo ite illaíma ráiiranona ciódicue. Afénomo dáamie ráiinana ciódicue. 3 Afémie iere quérede ‘jaspe’ daina ráifide nofiji izói éroide. Aféjina jíáifo daina ‘cornalina.’ Afe ráiirano abido rózígüeo nágafene ífoina ite. Afe rózígüeo ‘esmeralda’ daina ráifide nofiji quenírena izói quenírede. 4 Iemo afe ráiirano abido veinticuatro díga jíáie illaíma ráiiranuaina nágafene ífoina íllana ciódicue. Afénuaimo veinticuatro díga mona ero ocuide éicomini ráiidiaioi. Afémaci úzerede ínroillai jitádiaioi. Iaiói ífomo oro finoina illaíma jitáfiregacuifoí jíiena. 5 Afe áillue ráiiranomona aillo boride. Afe llezica afénomona iere ficire mona gíría cácaide. Iemo afe ráiirano uícomo siete dígade áillue bobáieniai bóoide. Afe siete díga bóoide bobáieniai Juzíñamui Ñuera Joreño jana. 6 Dáanomo afe ráiirano uícomo, daa monáillaina eroide illa. Afe monáillai anáfenemo ñue cíoide vidrio izoide.

Afe ráiirano abido cuatro díga cáadimíai ífoina itíaioi. Afémaci erófene dibénemo aillo uíjiaí ite. Daje izói emodo dibénemo ite. 7 Bimácimona daa jánallarina eroide. Iemo jíáie juráreto íltona eroide. Iemo jíáie uíeco, come uíecona eroide. Iemo jíáie feede máajaiñona eroide. 8 Afe cuatro díga cáadimíaimo illa dígamíemo seis díga íaicuai ite. Afe íaicuai erófenemo uíjiaína oruide; daje izói emodo dibénemo ite. Afémaci mona naio díga llícaíñeno úritiaioi; Juzíñamuina daííoidiaioi:

¡Iere íaífuenidío! ¡Iere íaífuenidío! ¡Iere íaífuenidío!

Iere ñuera caí Ocuíraimadío.

Jamánomo ríinorede Juzíñamuidío.

Jaca nanómona itímiedio,
Iemo nai birui itímiedioza,
Iemo uire jaca ninomo ziiñona íitímiedioza, —daí daiíofirediaioi.

⁹ Illa dígacaiño afe cáadimaci, ráiiranomo ráide Moo Juziñamuimo ebíredifue nitádi, íemo ñúefue jóoneadi, íemo jíai figura íena dáidi, ¹⁰ afe llezica afe veinticuatro diga ocuide éicomini áillue ráiiranomo ite Juziñamui anamo dújufirediaioi. Iemo afe jaca ninomo ziiñona itímiena caimátaidiaioi. Afe llezica íaioi oro finoina illaíma ifo icuífuaí ráiirano uícomo jóonefirediaioi. Jóneta daiífirediaioi:

¹¹ Cai Ocuíraíma Juziñamui,
Iere ebíredifue omo nitáregaza,
Daje izói ñúefuaí omo jóonefirediaioi.
O jamánomo ríinorenana omo nitáregaza.
Nana aféfuaí ona náamaredeza.
Mei naga ráaniaí o comuítaga.
Iemo o comeci jítaina izói itíaioiza.
Daje izói o comeci óiacanamona finócaiaioi.
Aquíe izói daiífirediaioi.

5

Ráiidimie líiga rabénicono ciódicue naa Cordero dainámie Cristo diga

¹ Afe méifomo illaíma ráiiranomo ráiidimie nabézimo ite rabénicono ciódicue. Afénico ferínoga rabe. Erófenemo cuega, daje izói jinófenemo jíai cuega. Afénico siete diga sello daina ñue ibaira raado ibaica. ² Iemo riírede ángel daina Juziñamui abi ímiena ciódicue. Afémie ficírede uaido jícanofiredie; daide:

—¿Bie sello mei cuatállena bu ñuena? ¿Bumo ñue dúide binico tuiñóllena? —daide.

³ Mei íadi afénico tuiñoitimiena íñede. Caífo monamo íñede. Bíníemo íñede, íemo bíníe anamo tíidino illánomo jíai daje izói íñede. Daje izói afénícomo buna eróinide afe facádollena. ⁴ Afénico tuiñoite comécina ñúemiena baiñenamona iere éedicue. Daje izói afénico facádoitimie íñenamona, íemo jíai afénícomo eróillano ónoitimie íñenamona, iere éedicue. ⁵ Iemona veinticuatro diga eicomínimona dámie cuena daide:

—Mai benómona éeñeno o iri, mei Judá nairai illaíma Jánallarina mamécámie, fiénidena jae ñue anáfenotateza. Afémie jaiaí illaíma David erófene ígímamona comuídimie. Afe ie anáfenuamona afémie binico tuiñolle ríino ote. Daje izói afe siete dígade sello cuatalle ríino íemo ite, —daide.

⁶ Iemona afe ráiirano cígimo, íemo afe cuatro diga cáadimíai cígiri, íemo afe veinticuatro diga éicomini cígimo, Cordérona mameca Crístona ciódicue. Afémie táide, mei íadi Juziñamuimo ía fecállena íe íaioi fáina meífo cíoide. Afe Cordero siete diga zícaírede, íemo íe íe siete dígade. Afe siete dígade uíjiaí naga éniaímo oreca Juziñamui Ñuera Joreño jana.

⁷ Afe Cordero illaíma ráiiranomo ráiidimie nabézimo ite rabénicono líínuaíde. ⁸ Afémie afénico líínua llezica afe cuatro dígade cáadimíai, íemo afe veinticuatro dígade ocuide éicomini afe Cordero anamo dújudiaioi. Afe eicomínimona illa dígamie ‘arpa’ daina rua roia taiga raa líiediaioi. Daje llezica afémaci oro finoina ugúciaína oruide íhecoí lííidiaioi. Afeniaí Juziñamuimo jaináidino afémíemo jícara uailaí jana. ⁹ Afe éicomini bie comue rua rotíaioi:

O íere comécina ñúemienamona bie rabénico líínota tuiñolle omo dúide.
Mei nauí Juziñamuimo fatá fecácamedioza.
Caina o díe tóillado Juziñamui íena íbádiaioza.
Uáfuenta nágaziemona,

Iemo nana jíáifo úritinomona,
Iemo naga comini jófuiaimona,
Iemo nana náiraiamona Juziñamui íena caina ibáðioza.

¹⁰ Cai Juziñamui ie illáinina caina jáitatio;

Daje izói cominado Juziñamuimo úrifireitinona caina jóonetio;
Iemona énie náiraiaina ócuiticai.
Aquie izói rotíaiói.

¹¹ Afe mei eróðicue. Iemo aillo afe illaíma ráiiranomo ífoina ite ángeles ðaina Juziñamui abi imaci úrilla uaina cacáðicue. Daje llezica afe cuatro ðiga cáadimíai uaina cacáðicue. Iemo dáaruído éicomini uaina cacáðicue. Afe Juziñamui abi imaci iere jamánomo aillo itíaiói. Ua millones y millones dáinaze itíaiói. ¹² Afémaci fíicirerie úritíaiói; ðaídíaiói:

Fatá Juziñamuimo fecaca Cordero comécina iere ñúenamona ñuera ríino maiñolle afémiemo dúide.

Daje izói aillo ráifide ráaniai dáamiemo dúide.

Iemo ifoci déillafuiai dáamiemo dúide.

Iemo nana ñuera máirie dáamiemo dúide.

Iemo nitárega ñúefue dáamiemo dúide.

Iemo ñuera ébifue dáamiemo dúide.

Iemo aillo afémiemo caimátaille uai afe Cordéromo dúide.

¹³ Afe llezica nana Juziñamui comútaganuai úrilla uaina cacáðicue: nana monamo itínuiai, daje izói éniemo itínuiai, daje izói énie anamo itínuiai, daje izói monáillaimo itínuiai, naa afénuiaimo itínuiai úrilla uaina cacáðicue. Ðaídíaiói:

Nana caimátaille uallai illaíma ráiiranomo ráiide Moo Juziñamuimo íredeza,

Daje izói jíai Cordéromo íredeza.

Afe izói ñúefue afe íaillinoimo nitáredeza, naa ñuera ébifue ðiga,

Iemo ñuera ríino íaillinoimo íredeza.

Nana aféfuiai íaillinoimo nana fimónaiaido, jaca ninomo zíñona ðaí ðaírenaza.

¹⁴ Iemo afe cuatro ðiga cáadimíai aiáirilla izói ðaídíaiói:

—¡Ðaítadeza! —ðaíoiñírediaíoi.

Iemo afe veinticuatro ðigade éicomini ana dújuillano, jaca ninomo zíñona cáadimiemo caimátaioiñírediaíoi.

6

Siete ðigade sello ðaina rabénico ibaira rafue

¹ Cordero afe siete ðigade séllomona nánora tuíñuana cióðicue. Daje llezica cuatro ðigade cáadimíaimona dáamie dáinana cacáðicue. Ie úrilla uai, mona gíria fíicirena izói fíicirede. Ðaíde:

—Mai eróizaíbi, —ðaíde.

² Cue eroilla llezica úzerede cabállona cióðicue. Afe emódomo ráiicaiðimie zicuirra líicaide. Iemo illaíma ífo icuífoina ie jítaðiaíoi. Jita mei afémie naga náiraina anáfenocana jaide. Ie mei nágaruillaido afémie íaioina anáfenofirede.

³ Méifoide séllona Cordero cuata llezica, tórna éroide cáadimie úrillana cacáðicue. Afémie:

—Mai eróizaíbi, —ðaíde.

⁴ Afe llezica jíairede caballo jino bíllana cióðicue. Afe emódomo ráiicaiðimiemo féitalle ríino afémiemo iga. Afémie nana nairai caimare uái illa féitaite, comini conimana fazítallena. Afe llezica áillue lloébicina afémiemo iga.

⁵ Iemo Cordero nane jíaie tercer ðaina sello cuata llezica, jíaie cáadimie úrillana cacáðicue. Afémie:

—Mai eróizaíbi, —ðaíde.

Jira eróidicue. Eróidicujemo daa jítirede cabállona ciódicue. Afe emódomo ráiicaidimie mérenana onóillena facara raa llíicaide. ⁶ Iemo cáadimiai cigimona dáamie úrilla uai cacádicue. Aféuai daide:

—Daa kilo trigo daa mona táijina fidi. Iemo daámani kilo cebada daa mona táijina fidi. Iemo aceite vino diga jaca jeruúredeza, mei afe iballe úcube iñédeza, —daide.

⁷ Afe mei Cordero jiáie ‘cuarto’ daina sello cuata llezica, cáadimiamona íraimie úrillana cacádicue. Afémie:

—Mai, eróizaibi, —daide.

⁸ Eróidicujemo borárede cabállona ciódicue. Afe emódomo ráiicaidimie titáfiredimie dainámie. Afémie óodana tíidino illano jana maméidimie bite. Enie cuatro diga fecácamona dáanie íemo iga, afénomo riire ocuúllena. Afénomo comínina fuiríllado íaioina tícoizitaite. Iemo daje izói júbiedo íaioina tícoizitaite. Iemo dúicuaído íaioina tícoizitaite. Iemo éniemo ite illáirede ríllenai íaioina tícoizitaite.

⁹ Afe mei Cordero jiáie ‘quinto’ daina sello cuata llezica, ‘altar’ daina Juzíñamui caimátaitarano anamo ite, titaca comini coméciaina ciódicue. Afémaci Juzíñamui uai llócailla ícoinia titácaiaioi. ¹⁰ Afe bimaci ficire úritiaioi; daidíaioi:

—Íaifuenide cai Ocuúdimie, uícodo o llógana méidoñoño ñue fuitáfiredio. Eniemo ite cai titádino iere jicánota duere o finóllena, ¿nié dinó nai mozíñoitio? Cai fatino iba o ollirui, ¿nígarui nai bai dúiñoitio? —daidíaioi.

¹¹ Mei jira afe altar anamo itímaci úzecuiruaina igáiaioi. Afe llezica nai nano íanori ocózinaitagaiaioi. Mei nana íaioi tíilla izói uire titállino, Juzíñamui mámanomo nai dúciñede. Afe titállino, nauí íaioi titaca ámatiai izói, Cristo uaimo táijifirediaioi.

¹² Cordero nane jiáie ‘sexto’ daina sello cuata llezica, eróidicujemo, énie iere jacire docaide. Iemo jítoma zúunaillana, jítaca jítiroi izói éroide. Afe llezica fiui náauina jíairede die izói méidoficaide. ¹³ Afe dáaruido mona ero ucúduai cocídiaioi. Ua, higuera daina amena llizilla, jairifo riire begúñuamona cócia izói, afe izói ucúduai ana bíñiemo cocídiaioi. ¹⁴ Afe llezica, rabe jofo ferírioicailla izói, mona ferírioicaide. Iemona cióbicaíñena. Iemo dáaruido nana caifóneduai naa monáillai cigi íduai íaioi illánomona oni jirecaide. ¹⁵ Iemona nairai illaini caifóneduai anamo ite ífuaimo, naa jéerie nofíciiai cigiedo retáiritiaioi. Afénomo jamánomoidino daje izói retáiritiaioi. Iemo aillo ráanaitino, íemo fuiríraini illáicomini, íemo iere riiredinuiái, íemo nana jacire rairuícano, daje izói buna ráiruiñegano, nana afénomo retáiritiaioi. ¹⁶ Afémaci caifóneduaina jéerie nofíciaina daífirediaioi:

—¡Mai caimo bai! Mai caina jiita, baie illaima ráiiranomo ráide Juzíñamuimona caina rétaido. Cordero finolle jacire cai duere finóllifuemona caina rétaido, —daífirediaioi.

¹⁷ Mei jii, iere jacire comini duere finóllirui jae dúcideza. ¿Bu mei áfena mozíñoena?

7

Israel náiraímona náamana onóillena ciegámaciai

¹ Bie méifomo bínie fuédaíaimo cuatro dígade ángeles daina Juzíñamui abi ímíiai, naidáienana ciódicue. Afémaci nágafeniaimona jairifo jáiñuana mozíñotiaioi. Afe éniemo jairífona jaiñótañediaioi, daje izói monáillaimo jaiñótañediaioi, íemo jiái aménaíaimo jaiñótañediaioi. ² Iemo jiáie Juzíñamui abi ímiena mona móimona bíllana ciódicue. Afémie caade Juzíñamui íeie daíllena sello daina jónelle raa llíicabite. Afémie ficire úrite. Enie fuédaíaimo cuatro diga naidáidimíaimo úrite. Afémaci bínie fieni íaioi finolle, naa monáillai diga rínona igámaci. Afémacina bínie daide:

³—Cai Juziñamui ocuífireganomo, íai*oi* ozó*cimo* náamana onóillena máme*ci* nai jóoneñaena lezica, nai bíniena duere finóñeno iri. Daje izó*i* monáillai naa aména*iai* raire duere finóñeno iri.

⁴Jónia mei, nígamaci náamana onóillena máme*cina* jóonegano íai*oi* número*na* cacá*dicue*. Nana Israel náira*imo* itízia*imona* afe cuego*no* ciento cuarenta y cuatro mil díga*de*.

⁵Judá izié*mona* doce mil díga cúfide.

Iemo Rubén izié*mona* doce mil díga cúfide.

Iemo Gad izié*mona* doce mil díga cúfide.

⁶Iemo Aser izié*mona* doce mil díga cúfide.

Iemo Neftalí izié*mona* doce mil díga cúfide.

Iemo Manasés izié*mona* doce mil díga cúfide.

⁷Iemo Simeón izié*mona* doce mil díga cúfide.

Iemo Leví izié*mona* doce mil díga cúfide.

Iemo Isacar izié*mona* doce mil díga cúfide.

⁸Iemo Zabulón izié*mona* doce mil díga cúfide.

Iemo José izié*mona* doce mil díga cúfide.

Iemo Benjamín izié*mona* doce mil díga cúfide.

Aillo dáanomo úzecuiruai jitada gairídino

⁹Afe méifomo eróillano jamánomo aillo comín*ina* ció*dicue*. Nana náira*imona* dáanomo bitía*oi*. Daje izó*i* nágazie*mona* bitía*oi*. Iemo daje izó*i* jiá*ifo* úritinui*imona* bitía*oi*. Iemo daje izó*i* naga jófui*imona* bitía*oi*. Nana bimaci illa*ima* ráiirano uícomo naidáidía*oi*. Daje izó*i* Cordero uícomo naidáidía*oi*. Afé*nomo* aillo itía*oiza* buna facádonide. Nana afémaci úzecuiruai jitáoi*iaoi*. Daje lezica afémaci rafóruai llíedía*oi*. ¹⁰Nana fíci*rerie* daidía*oi*: Cai jíllonano, illa*ima* ráiiranomo ráiide cai Juziñamu*imona* comuide.

Daje izó*i* cai jíllonano Cordéromona comuide, daidía*oi*.

¹¹Afe lezica nana Juziñamui abi imá*ciai*, illa*ima* ráiirano onido ífo*ina* naidáiedía*oi*. Daje izó*i* veinticuatro díga*de* éicomini onido ífo*ina* naidáiedía*oi*. Iemo jiá*i* cuatro díga cáadimí*iai* onido ífo*ina* naidáidía*oi*. Afémaci afe ráiiranomo ráiidimie anamo éniemo fuego díne bíjicaidía*oi*. Bíjicaillano Juziñamu*imo* caimátaidía*oi*. ¹²Daidía*oi*:

¡Bie izóideza! Ñúfui*ai* nitalle cai Juziñamu*imo* dúide, ñue ebíredifui*ai* díga.

Daje izó*i* nana ñue onóigafue íemo dúide, naa figora daiífirena díga.

Daje izó*i* afémiemo nitárede ñúfue dáamiemo dúide, naa áillue máirie díga.

Nana bífui*ai* cai Juziñamuina jaca ninomo zíiñona daií daiírenaza.

Aquíe izóideza, —daidía*oi*.

¹³Afe mei afe eicomín*imona* dáamie cuemo jícanote:

—¿Baie buoi úzecuiruai jitáoina? ¿Afémaci mei ninena bitía*oi*? —daide.

¹⁴Jira íena daidicue:

—Afena onóñedicue. O ñue onódio, —daidicue.

Iemo afémie cuena daide:

—Bimaci aillo duere zefuilla íco*imo* jino bitino. Afémaci comé*cina* iere íaifuenino íai*oi* illena ja Cordero díedo muiñócaza. Afémaci iere úzecuiro inícu*iro* illa izó*i* itía*oi*. ¹⁵Ie jira Juziñamui ráiirano uícomo itía*oi*. Afe lezica nágaruillai, mona naio díga, Juziñamui gairíraco ero ie ocuíllana finófiredia*oi*. Iemo afe ráiiranomo ráiide Moo Juziñamui, íai*oi* díga illado jácifuemona íaio*ina* ráiruite. ¹⁶Afémaci jaca júbiemona duere finóbiñeitia*oi*. Daje izó*i* jíróacanari duere zéfuiñeitia*oi*. Iemo jitoma íaio*ina* jiá*i* úzitañeite. Daje izó*i* uzírediruimo mona uzíreña íaio*imo* uzire cácañeite. ¹⁷Mei illa*ima* ráiirano abimo ite Cordero, ovejai uíñua izó*i* íaio*ina* uíñoiteza. Afe lezica ñuera jainoi jino toránua*ido* íaio*ina* ífóicaite. Afe jainoi zíiñona cáatatiji. Iemo afémaci éeadi Juziñamui íai*oi* ui jeme nana oni dóite.

8

Iraie sello cúatajana cióide, oro finoína uguci uillítara diga

¹ Iemo Cordero llíga rabénicomu ite íraie sello daína íbáioide raa cuata llezica, daa hora átuedo mona tii daiíñoaíde. ² Afe mei siete dígade Juzíñamui abi imaci Juzíñamui uícomo naídáienana ciódicue. Afémaci siete diga vudugoi izoide raana igáiaioi. ³ Afe mei jíaie ángel daínámie Juzíñamui abi ímie oro finoína uguci uillítara llícabillana ciódicue. Afémie altar daína Juzíñamui caimátairano uícomo naídaide. Iemo aillo ugúciai afémiemo fecácaza, áfena Juzíñamuimo uillítallena. Mei nana Juzíñamuimo jaináidino afémiemo íaioi jicáfírena uailai llua llezica, bímie dáanomo afe ugúciai Juzíñamuimo uillítaiteza.

Afe Juzíñamui ráirano uícomo ite oro finoína ie caimátairanomo, bímie afe ugúciai jutade; íemo afe llezica afe Juzíñamuimo jaináidino jicáfírena uailai llócaigaza. ⁴ Afe uguci uillie, Juzíñamui abi ímie áfena altarmo juta mei, Juzíñamui uícomo caifo uillíoicaide, nana Juzíñamuimo jaináidino jicáfírena uailai diga. ⁵ Afe mei Juzíñamui abi ímie uguci uillítara raa llínnote. Llínuano altármona oga caade iráiciaína áfena oruítate. Daií fínuano ana éniemo dotade. Afe dota llezica mona jacire giride naa ficíriede raari. Iemo aillo améuaí llairide. Iemo énie jacire docaide.

Siete dígade vudúgoína eroide raa

⁶ Iemo afe siete dígade vudúgoína eroide llíide Juzíñamui abi imáciai afe vudugoi fúunollena maméritiaioi.

⁷ Nanóidímie fúunua llezica, jéerie nocíjiaí éniemo cocítate. Afe dáaruído réici diga die taméricaide éniemo cocítate. Afe cóciamona éniemona jarífenie boode. Daje izói nana aménaíaimona jarífenaíai boode. Daje izói nana caade ráitiaimona jarífene boode.

⁸ Afe meifo Juzíñamui abi ímie ie vudugoi fúunua llezica, boode áillue íduna éroide raa monáillajimo dotaina. Iemona monáillajimona jarífeido díena jaide. ⁹ Afemona nana afénomo ite caade chámuniaimona jarífeniaí aillo tícoizitiaioi. Daje izói afénomo ite jéerie bárconiaimona jarífenedo aillo niné táinocaidiaioi.

¹⁰ Iemo jíaie Juzíñamui abi ímie ie vudugoi fúunua llezica, áillue ucudu monámona éniemo baíide. Afe ucudu bobaie izói boode. Afe bóodicudu nana imánillaímona jarífemanimo baíide. Daje izói éniemona jainoi jino toránuaíimo baíilla. ¹¹ Afe ucudu mámece Eríredicudu. Iemona nana imánillaímona jarífemanillai eríriede. Iemona afe jainoi erire jáillamona aillo comini tíidiaioi.

¹² Ie mei nane jíaie Juzíñamui abi ímie ie vudugoi fúunua llezica, jítómamona jarífetomado jítirecaide. Daje izói fíuímona jarífeuido jítirecaide. Iemo jíai ucúduaímona jarífecududo daje izói jítirecaide. Ie jira nana afémacimona jarífenedo jítirecaide. Naga mona naio diga jarífemonana egáíñoñediaioi.

¹³ Afe méifomo caifo monamo éroidicue. Afe mona erodo feede Juzíñamui abi ímiena cacádicue. Afémie ficire úrioicaide. Daide:

—Aii. Éniemo ite comini nii dúerena; mei Juzíñamui abi imácimona daámani nai fiébide vudugoi fúunollena. Afémaci fúunua llezica énie imaci, ¡Nii duere zéfuitiaioi! —daide.

9

¹ Iemo nane jíaie Juzíñamui abi ímie ie vudugoi fúunua llezica, daa ucudu monámona éniemo baiillana ciódicue. Iemo fiénide jóriaí íbáirafo zuitara llave afe ucúdumo iga.

² Afemona afécudu aféfona tuiñode. Tuiñuamona aféfomona jacafai bóua uillia izói caifo uillide. Aféfomona caifo uillide uillie jítómamona dúitate. Afe llezica mona erona jítire finode. ³ Afe uilliemona bíniendo feede fíuaí comuide. Afémaci, éniemo ite acáiduaí izói molléroirediaioi. ⁴ Afémaci ráitie güllena rairuíaiaioi. Daje izói nana amena

rábiana guitatañegaiaioi, naa jáie mócore zicode ráaniai diga. Daa comini duere finóllena orécaiaioi. Mei íadi dani Juziñamui ie daítate mámecei ozócimo cúdeñeganona, afe fíuai duere fínoitiaioi. ⁵ Mei íadi afe fíuai comínina títatañegaiaioi. Mei jáífodo afémaci cinco diga fíui comínina izi cácataitaioi. Afe fíuai mailla, acaido come mailla izói izíreite. ⁶ Iemona aféruillaído comini, “Raire cue tílli” dáitaitaioi, mei íadi tíñeitiaioi. Iere tíacaitaioi íadi, titáfiredede raa afémacimona oni jica jáite.

⁷ Afe fíuai jóbairizaillena mamérilla cabállona eróidiaioi. Iaiói ifócimo oro finoina illaíma ifo icuífoina éroide jíina. Iemo íaiói uieco come uiecona éroide. ⁸ Iaiói ifótii ringo ifótiina éroide. Iaiói ízie ‘león’ daina jánallari íziena éroide. ⁹ Iemo llojécuiroi izoide abi ríidote icogi íaiói jogóbemo jíide. Iaiói féeoína jamánomo ficírede. Uafue, jóbairizailla caballo zonóicaiga ‘cárroniai’ ficírena izói ficírede. ¹⁰ Iemo afémacimo ite ooda acaido ooda izói molléroirede. Afe óodamo cinco diga fíui comini duere finolle ríino ite. ¹¹ Afe fíuai illaíma ite. Afémie fiénide joríaí íbáirafo úiñotimie. Afémie mámecei hebreo uaido Abadón; íemo griego uaido Apolión. Afeci daíacade “Niné tánocaitaitimie.”

¹² Nanoide jacire izi cacánafue jae záaide. Mei íadi nai mena fiébide.

¹³ Iemo nane jáie Juziñamui abi ímie ie vudugoi fúunua llezica, Juziñamui uícomo ite oro finoina altar daina afémie mo caimátairanomona úrilla uaina cacádícue. Afe uai afe caimátairanomo ite cuatro dígade caífo fáide zicaí cígimona cácaide. ¹⁴ Afe uai jae vudugoi fúunote Juziñamui abi ímiena daide:

—Afe cuatro dígade Eufrates imani abimo cuinaca ángeles izóidino mai zuitari, —daide.

¹⁵ Jira zuitácaiaioi, nana comini jarífenairaido titállena. Mei aféruimo dúcinamona bai óllena eneno mamécaiaioi. Daje izói biruimo dúcinamona mamécaiaioi. Daje izói bie fíui íena mamécaiaioi. Iemo daje izói bie fimona íena mamécaiaioi. ¹⁶ Afe cuatro diga ángeles ocuúllino aillo ite. Nana afémaci cabálloniai emódomo ráiiediaioi. Iemo afémaci dígadíaioi dáinana cacádícue. Afémaci doscientos millones dígadíaioi.

¹⁷ Bie izói éroide cabálluai nicaído ciona izói ciódícue. Afe cabálluai emódomo ráiidino jogóbiaimo llojeco jítaoidiaioi. Afe llojécuiromomo jáire, mócore, borare cuega. Iaiói cabálluai ifo ‘león’ daina jánallari ifona éroide. Afémaci fuémoma irai izói jino bite, íemo uíllie bite, íemo daje fuémoma nairai iere uzire cóonaitalle raa jino bite. ¹⁸ Afe cabálluai fuémoma bite daámami jacire tánocaitate ráamona aillo nairai fuite. Uafue, nana comínimona jarífenairai tíidiaioi. ¹⁹ Daje izói afe cabálluai óodamo jacire títaite ríino ite, mei afe ooda jaiona eróideza; ifóredeza. Afedo comínina ainízicana uite.

²⁰ Mei íadi tídinomona fiébidino, baie daámami jacíredemona tíñedino, íaiói finófireiga fiénidífuiaí féitaacáñediaioi. Daje izói fiénide joríaímo caimátaitajana fáicanocaiñediaioi, naa jáíforie finoca jánaraiaína. Dáarie afe jánaraiaí oro finoina, jáie plata finoina, jáie bronce finoina; íemo jáie nofici finoina, íemo jáie amena finoina. Nana bie jánaraiaí jaca cióñede; daje izói minícana cacáñede, íemo daje izói macáñede. ²¹ Afe fiébidino jáímaci méiniana fáicanocaiñediaioi. Daje izói jáíma fue gáiana fáicanocaiñediaioi. Daje izói íaiói jiruírenana féitañediaioi. Daje izói íaiói merírifirenana féitañediaioi.

10

Daa ángel daínámie Juziñamui abi ímie duera rabénico líide

¹ Afe méifodo ríirede Juziñamui abi ímie monámona ana bíllana ciódícue. Afémie uíllie cígido bite; íemo afémie ifomo rózígüeo izoide jíina. Ie uieco jitoma egáíñua izói quenírede. Iemo ie ídai boode jáillirai izói éroide. ² Afémie daa duera rabénico tuiñoda líide. Ie ídai nabezi monáillaimo bitade, íemo ie jarífezi éniemo bitade. ³ Iemo jánallari ficire irilla izói ficire úrite. Afémie úrilla mei, mona siete dígcacíño giride; ie giría come úrilla izói

cácacaide. ⁴ Afe siete dígacaiño mona gíría llícailla mei, íaioi daina uaillai cúeiacadicue. Mei íadi cúeiacadicuemo monámona daa uai cuemo úrillana cacádícue; daide:

—Afe siete dígacaiño mona gíría uaillai rabemo cueñeno iri; báinino comécimo o jóneri, —daide.

⁵ Afe mei afe monáillaimo naidaide, éniemo naidaide Juzíñamui abi ímie, ie onoi nabezi monamo zitáaide. ⁶ Afe llezica zíñona ite Juzíñamui mámeçi llínuano riire úrite. Afe dáaruido énie comútatímie mámeçi, daje izói monáillai comútatímie mámeçi, íemo nana afénomo ite cáadinuai comútatímie mámeçi llínnota riire daide:

—Benómona jaca ja móziñoñelleza. ⁷ Jabe siete dígademona íiraimie Juzíñamui abi ímie ie vudugoi fúunolliruimo dúcille llezica, Juzíñamui jica ia comécido báinino mamécáfue, ñue ícoimo zaité. Daí Juzíñamui ie uai jino llórainimo jaiái uícodo llote. Afémaci dani ie ocuífíregano, —aquíe izói daide.

⁸ Naui monámona cue cacana uai nane meine cuemo úrite. Cuena daide:

—Afe éniemo monáillaimo naidáidímie ónoimo ite túide duera rabénico mai llínuai, —daide.

⁹ Jira afe Juzíñamui abi ímiemo afe duera rabénico jícajidícue. Jicádícuemo afémie cuena daide:

—Llínnota mai güi. Afe duera rabénico o fuemo cíiji naimérena izói cácaite, mei íadi o jébemo erire cácaite, —daide.

¹⁰ Mei jira Juzíñamui abi ímie ónoimona afe duera rabénico llínnota güitícue. Güitícuemo cue fuemo cíiji izói naimere cácaide. Mei íadi afe ja cue güilla méifodo cue jébemo erire cácaide. ¹¹ Afe mei cuena daidíaiói:

—Juzíñamui daina aillo comíni jófuiaimo cómuitífuiai, meine dáanomo llóredíozá. Daje izói aillo náraiaína Juzíñamui dáinana llóredíozá. Iemo daje izói jáíforie úritinona Juzíñamui dáinana llóredíozá. Iemo jáí aillo illáinina Juzíñamui dáinana llóredíozá, —aquíe izói daidíaiói.

11

Uai nabáífirede íaillínoi

¹ Afe mei árrera rázina cuemo itíaiói. Afezi jofó facáradozina eroide. Afezi cuemo fécano cuena daidíaiói:

—Mai náidacaillano dama Juzíñamui gairíracó nie dínoride fácaji. Daje izói Juzíñamuimo caimátairano o fácaji nie dínoride. Afe llezica afénomo nieze afémiemo caimátáidímacina ite mai fácado. ² Mei íadi afeco jinófebiri facáñeno o iri; mei afeno jícanemacimo dúideza. Afémaci Jerusalén daina íaífuenide jófúena cuarenta y dos díga fiuido fiéni anáfenoitíaiói. ³ Iemo cue díbénedo úrillena uai nabáífirede íaillínoína óreitícue; come zuure ia jítaça jítcuero, jítaítiaillínoi. Afe íaillínoi mil doscientos sesenta dígaruillai cuédo úritiaillínoi. (Afe mil doscientos sesenta dígarui, cuarenta y dos díga fiui.)

⁴ Bie cue uai nabáífirede íaillínoi ménade olivo amena izóidiaillínoi. Daje izói afe íaillínoi bínie comúttate Juzíñamui uícómo jónega mena boode áillue lámpara izóidiaillínoi.

⁵ Dámie íaillínoína fiéni finóacaniadi, afe íaillínoi fuémóna irai orédiaillínoi, afe íaillínoi fáiacadinona náamiena cuarítallena. Nana íaillínoína fiéni finóacadinona daí títaiteza.

⁶ Bie cue uai nabáífirede íaillínoimo monámona noci bítañede ríino ite. Afe íaillínoi Juzíñamui díbénedo úricaille díno, nocina bítañeítiaillínoi. Daje izói jáinoi díena ória ríino íaillínoimo ite. Iemo jáí comíni duere fínoite nana jacírede duico comúttaja ríino afe íaillínoimo ite. Afe íaillínoi comeci óiacana dínorí comínina duere finórediaillínoi.

⁷ Mei íadi afe íaillínoi tájina fuilla mei, iere jacire éroide caade rille afe fiénide jóriai íbáirafomona jino bite. Jino billano afe íaillínoi díga fúirite. Fuiríllano íaillínoína anáfenoite.

Anáfenua mei íaillínoína títaite. ⁸ Íaillínoi túlle mei, cai Ocuíraíma coráinanomo, níi

afe Jerusalemo, afe áillue jofue cigi iomo, íaillinoi tíide abi fiénocaigaiailinoi. Afe jofue mámecei, fiene íllana onótate uaido Sodoma daina. Daje izói jíái Egípto daina. ⁹ Iemo daruiámani átuedo diga jófuiái nairai afe íaillinoi abi tíillamo acáritiaíoi. Iemo íaillinoi abina raitátañeitiaíoi. Daje izói dígazie íaillinoi abi bíinamo acáritiaíoi, naa jíáfodo úritinuaiari. ¹⁰ Biniemo ite comini afe íaillinoi tíillari iere íóbidiaíoi. Daje izói caimare íitiaíoi. Afe caimare íaíoi íllamona conímamo ráaniaina raiñóñeno fécaitiaíoi. Mei afe íaillinoi Juzíñamui dibénedo úricailla llezica, bimácina iere duere zefuítatiailinoiza. ¹¹ Mei íadi daruiámani átuedo jailla méifomo Juzíñamui afe íaillinoína meine abido cáatate. Iemo meine abido íaillinoína macátate. Iemona íaillinoímo acáritino jamánomo jacínaitiaíoi. ¹² Afe mei afe uai nabáifirede íaillinoi monámona ficírede uaina cacade. Aféuai íaillinoína daide:

—Caifo bené bi, —daide.

Jira íaillinoína éoidino éroidemo, caifo mona uílliedo monamo jáidiaillinoi. ¹³ Afe íaillinoi jailla llezica énie iere riire docaide. Afe riire docáillamona afe áillue jofue diez díganodemona dáagobe nana jáicoizite. Afemona siete mil comini tícoizitiaíoi. Afemona fiébidino iere jacínaitiaíoi. Jacínaillano monamo ite Juzíñamuina caimátaidiaíoi.

¹⁴ Méifoide iere jácifue ja záide, mei íadi íiraie bille ja rairede.

Siete dígade vudugoi fúunotinomona ja íraímie fúunote

¹⁵ Siete dígade ángeles dainámaci Juzíñamui abi ímíaimona íraímie ie vudugoi fúunote. Fúunua llezica, monámona diga ficire úrilla uaillai cácailla; daidíaíoi:

—Nana bínie illaini illáimaillano naa íaíoi ocuícánuaíari ja dájena cai Juzíñamuimo, íemo ie Crístomo jaináitaga.

Iemo afe Cristo jaca ninomo zíñona ócuifireite, —daidíaíoi.

¹⁶ Iemona Juzíñamui uícomo ráide veinticuatro dígade éicomini íaíoi illaíma ráíiranomona ana bíjicaidiaíoi. Uáfueza, afe úrilla llezica éniemo fueco diné bíjicaillano, Juzíñamuina caimátaitadiaíoi. ¹⁷ Iena daidíaíoi:

Ona figora daidicai.

Jamánomo ocuide Juzíñamuidioza.

Birui ítímiedioza, íemo jaiái nanómona ítímiedioza, íemo jíái jaca ninomo zíñona ítímiedioza.

Figora ona daidicai, mei o áillue ríino maiñódioza.

Máiñuano ja nane como ocuízaidioza.

¹⁸ Náiraíai ícírinaizitiaíoi, mei íadi íaíoi duere o finólliruimo ja dúcizaide.

Daje izói tíidino iere riire o jicánolliruimo ja dúcizaide.

O dibénedo úrite o ocuífireganomo íaíoiéna o mameca ñúfuiaina íaíoiemo fécaítio.

Daje izói o uaina ñue ínofirede ñue finócanomo íaíoiemo dúide ñúfuiaina fécaítio;

íemo daje izói o mámeceina jífánodoíñeno ñue llínotinomo íitio.

Uáfueza, jamánomoidimiemo,

daje izói jamáimiemo íaíoiemo dúide raana íaíoiemo ífiredio.

Daje izói bínie ñúemacina fiéniruitadino o táinocaitalliruimo ja dúcizaide.

Aquíe izói afe éicomini daidíaíoi.

¹⁹ Iemona monamo ite Juzíñamui gairíraco tújicaide. Afénono Juzíñamui comini diga caimare úrira raa uáfori cíocaide. Afe úrira raa emodo órona ibaica caja. Afe eromo Juzíñamui lloga uaillai énotiaíoi. Afe gairíraco tújicailla llezica améuai riire llairide, íemo ficíriede ráaniai cacaide; íemo mona ficire giride; íemo énie iere riire docaide; íemo iere mairide nocíjiaí cocide.

12

Ringo íemo jacírede zicínaimana eróidimie diga monamo cíocaide

¹ Afe mei monámona jacírede onótate raa cíocaide. Afénomo iníroido ferínua izói, jitómado ferínoga ringo cíoina. Afengo idai anamo fiui cíoina, íemo afengo ifomo doce dígade ucudu illácuifoi, illaíma jitáfíregacuifoi izoide jitáuide. ² Afe ringo úrue jocóacade izínailla. Afe iere izírenari caillícade; mei afengo úrue jéiciacana llezica iere duere zefuídeza. ³ Afe méifodo jíáie jacírede onótate raa monamo cíocaide. Afénomo áillue jíairede jacírede zicínaimana eróidimie cíocailla. Afémie siete diga ifórede. Iemo afémie diez diga zícairede. Afe ifóciaimo illa dígacimo illaíma jitáracuifoi jíina. Daa ie mámeçi Taife. ⁴ Ie óodado monamo ite úcuaimona jarífecuduna aillo dánomo jainánote. Jainánuano afécuduaina ana éniemo dotade. Afe ‘dragón’ daína zicínaimana éroidimie, afe úrue jocóacade ringo uiécomo jóoneoide, afe ie jocóacaga úrue jócuá llezica raíre ríllena. ⁵ Iemo afe ringo ííza jocode. Afémie uire móonaia nana náiraiaína llojébici izóidedo riire ócuifireite. Afe úrue jócuá méifodo Juzíñamui bairoca. Bairoda ie illáimana ráiranonomo uiga. ⁶ Afe llezica afe ringo táizicimo botade. Afe dinomo afengo retáirillino uícodo Juzíñamui finoca. Afénomo mil doscientos sesenta diga mona afengo ecáecaille.

⁷ Afe méifodo áillue fuiríacana caifo mona eromo comuide. Afénomo Juzíñamui abi imaci illaíma Miguel naa jíáie Juzíñamui abi imáçiairi afe dragón diga fuirídiaoí. Daje izói afe dragón naa ie abi imáçiairi fuirídiaoí, ⁸ mei íadi afémaci Miguel náiraína anáfenonidiaí. Iemona dragón imaci illino monamo íñede. ⁹ Afe ie illino íñena jira afe riirede dragón monámona ja jino dotaca. Afe jaiaí nínomo ite jaio daínámie jíáfodo mameína Taife, íemo Satanás, íemo dáamie nana náiraína jífuefiredimie. Afémie naa ie abi imáçiri ana éniemo dotáçiaí.

¹⁰ Afe méifomo monámona ficírede uaina cacáçicue. Afe uai daide:

—Cai Juzíñamui bínie comíni jíilloillena mámiaruiimo ja dúçide. Daje izói íemo ite ríino facállíruimo ja dúçide. Iemo daje izói illáimana ie illíruimo ja dúçide. Daje izói ie jitó Cristo riire ocuállíruimo ja dúçide. Mei cai ámatiaímo fiénidífue nitáfiredimie ja jino dotáçaza. Afémie nágaruillai, mona naio diga cai Juzíñamui uiéçori afémacimo fiénidífue nitáfírede. ¹¹ Cai ámatiaí Cordero díedo fiénidífueana anáfenodiaí. Daje izói íaíoi jino meáiruíñeno lloga Juzíñamui uáillaído caifófecaídiaíoi, mei jaca tíllana jacíruiñediaíoi; mei jíáfodo jaca tíllemo ñue finóbidaíoi. ¹² Iemona, mona naa afénomo ite cáadinuiaíri mai omoí íóbiri. Mei íadi éniemo itino níi dúçerena, naa monáillaimo itínuiaíri, mei Taife ómoímo ana iere icírillano jáideza. Afémie nano íanori ie íllena onódeza.

¹³ Afe dragón ana éniemo ie dótajana onóillano, nauí ííza jocódingo racade. ¹⁴ Mei íadi afe ringo mena áillue máajaiño íaícona iga, áfedo afe jaio daínámie dragómona jica táizicimo afengo féellena. Afénomo daámani fimona átuedo afengo ecáecaiga. ¹⁵ Iemo jaio daínámie áillue jainoi ie fuémona orede, imánina comuillena, mei afe imánido afe ringo coróbaitallena. ¹⁶ Mei íadi énie ringona ríidote, mei afe dáaruído énie bóçocaillano, afe dragón fuémona oreca imánina naitateza. ¹⁷⁻¹⁸ Afe bíemona afe dragón ringomo iere ríicaide. Ríicaillano aféngomona fiébide ie erófene ígímaiaí diga fuirízaide. Afémaci Juzíñamui ocuica uallaí jeire otíaoí. Daje izói afémaci Jesucristo lloga ua ráfueña fáicanocaiñeno nágarui jeire ófirediaíoi.

13

Mena áillue jacíre eroide rille cíocaide

¹ Monáillai fuédamo cue naidáillano monáillaimona iere jacire eroide rille caifo bíllana ciódicue. Afémie ifo siete dígade, daje izói afémie diez diga zícárede. Afe illa diga zícáimo illaíma jitáracuifoí jíina. Afémie ifóciaímo Juzíñamuina fieni daína mámecei cúeina. ² Afe cue ciona jacírede rille jánallarina eroide. Ie ídaíai oso ídaina eroína, íemo ie fue león fuena eroide. Bíniemo dragón íemo ite ríino naa ie illáimaillano diga aféniemo fecade. Afe llezica riire ocuífirenafue aféniemo lloga. ³ Afe jacírede rille ifóciaímona daaci titade áillue boáfena eroide illa. Mei íadi afe titáacade áillue boafe raíre jacaide. Iemona nana énie náiraíai áferi iere jacínaitiaíoi. Jacínaillano aféniemo ínotiaíoi. ⁴ Afémaci dragón uícomo éniemo fueco diné bíjicaillano íemo caimátaidiaíoi, mei dragón riire ocuille ríino afe jacírede rillemo ígaza. Iemo daje llezica jacírede rillemo caimátaidiaíoi. Caimátaillano daidiaíoi:

—¿Bu mei bie jacírede rille izoina? ¿Bu mei afémie diga fuirírena? ¡Afémie anáfenonide! —daidiaíoi.

⁵ Afe llezica afe jacírede rille afémie úrilla bu llétañega. Iemona Juzíñamuina íaire daína uaina llote, naa fieni abi ínuafuiaíri. Afe izói cuarenta y dos diga fiui, daíí ie ocuilla buna ráiruiñega. ⁶ Iemona afémie bie izói finode; Juzíñamuina uáitano, ie mámeceina íaire daííoide. Daje izói Juzíñamuimo úriranona íaire daííoide. Iemo monamo itínuiaina daje izói íaire daííoide. ⁷ Iemo jíai daje izói Juzíñamuimo jaináidino diga ie fuirilla buna ráiruiñega. Daje izói afémaci ie anáfenolle buna ráiruiñega. Iemo nágazie ocuille ríino aféniemo fecaca. Daje izói nana comíni jófuaíai ócuifireite, íemo daje izói nana jíáfodo úritinuaíai ócuifireite, íemo daje izói nana náiraíaina ócuíte. ⁸ Nana bíniemo itino afe jacírede rillemo caimátaidiaíoi. Afémaci mámeceíai zííñona íitino rabénicomo cúeñega. Ua énie taineina llezica baimaci mámeceíai afénicomo cúeñega, mei afémaci ínoñena jira. Afénico nauí titaca Cordero ie.

⁹ Bífueмо cacáacadímie mai bíemo cácarei. ¹⁰ Jíáímacina maitá uitino méifodo nane maitá uille. Iemo jíai lloéfaido jíáímacina titáidino méifodo afémie daje izói lloéfaido titalle. Mei jira Juzíñamuimo jaináidino coméceina járidonidiaíoi; daje izói jíai ñue ínorediaíoi.

¹¹ Afe méifodo jíáie jacire eroide rille éniemona caifo bíllana ciódicue. Aféniemo mena zicaí ite; cordero zícaina eroide. Mei íadi afémie dragón úrilla izói úrite. ¹² Nauí monáillaimona bite nanoide jacire éroide rillemo ite riire ocuille ríino, daje izói bie méifoidímie ite. Iemo nanoide jacírede rille uícori, bímie íemo ite ríino ácatate. Ie ríino ácata llezica afémie nana éniemo itínuiái, nanoide jacírede rillemo caimátaillena ocuide. Afe nanóidímie ifomo ite áillue boafe raíre jacáidímie. ¹³ Iemo afe méifoidímie daje izói iere jacímie daítate raana cíotate. Mei uafue, afémie nana comíni eróicana monámona iraici ana éniemo cocítate. ¹⁴ Iemo afe nanoide jacírede rille uícomo buna ráiruiñega ie finócaigado nana bíniemo itínuiaina jífujete. Afémacina jífuiano afe aillo bofédaite jacírede rillena eroide jánaraina afémacina finótate. Afe bofédaite jacírede rille lloéfaido aillo bofeca, mei íadi nai caade. ¹⁵ Iemo afe méifoide jacírede rillemo, afe jánarai cáatalle ríino íemo íga. Iemona afe jánaraina cáatano, afémie afe jánaraina úritade. Daje izói nana afe jánaraimo camátaiñedinona afe jacírede rille jánarai íaíoína fatátate. ¹⁶ Nana afe baimo, nana náiraíaina bie izói itátate; nana jabóidímaci naa jamánomoidímiaíai diga, nana ráaredino naa dúeredino diga, nana ráiruiñegano naa rairuícano diga, íaíoi onoi nabézimo daa onótate número jóonetade. Afe onótate número nabézimo jóoneñenia íaíoi ozócimo jóonerede. ¹⁷ Naga afe onótate número na cúeñegamie jaca íbárinide, daje izói raana fecánide. Afe número nanoide jacírede rille ie. Afe número aféniemo dúide mámecei

daiácade. ¹⁸ Bifue onóillena iere báitajamo dúide. Afena onódime, mai afe jacire eroide rille número faca. Afémie número ima ie. Afe número seiscientos sesenta y seis.

14

144,000 dígado roga rua

¹ Afe méifomo Cordero Sión mameina idu emódomo naidáinana ciódicue. Afénomo afémie diga ciento cuarenta y cuatro mil comini naidáiede. Afémaci ozócimo Cordero mámecei naa ie Moo mámecei diga cúeina. ² Iemo monámona ficírede raana cacádícue. Afe ficírena aillo imánillai nofíco tua ficírena izoide. Jiái riire mona gíría ficírena izoide. Iemo jiái aillo arpa daina, rua roia taiga ráaniai ficírena izoide. ³ Afe llezica illaíma ráiirano uícomo afémaci comue rua rotíaiói. Daje izói cuatro diga cáadimíai, íemo éicomini uícomo rotíaiói. Afe rúana jaca buna ónide. Dani afe ciento cuarenta y cuatro mil diga éniemona jíllode comini afe rúana onona. ⁴ Afe bimaci ringomo jíriñedino, mei afémaci jaca íaifuenidino; dani íaiói abi rairuídiaíói. Daje izói afémaci Cordéromo jaináitagamaci. Afémaci comínimona jíllotagamaci, Juzíñamuimo nanóidino ie dúidimacina íaiói íllena. Daje izói Cordéromo nanoide dúidino itíaiói. ⁵ Afémaci jaca táinona úriñediaíói, mei afémaci Juzíñamui illáimana ráiirano uícori íaifuenino itínoza.

Daámani ángeles daínámaci Juzíñamui abi ímíai llócaiga uai

⁶ Afe mei jiáie Juzíñamui abi ímie mona dáafenedo féiana ciódicue. Afémiemo zíiñona jíllollíuai illa, bíniemo itínomo llóllena. Nana énie náiraiamo llórede, íemo nana jiáziemo. Daje izói nana jiáifodo úritinomo llórede, íemo daje izói nana comini jófuaído. ⁷ Afémie ficírede uaido daide:

—Juzíñamuina ñue omoi jacírui; ñúefuina afémiemo omoi nitari, mei afémie iere riire jicánollíruimo ja dúcidez. Mai mona finódime, daje izói énie finódime, íemo monáillai finódime, íemo éniemona jainoi jino torano finódime; afémiemo omoi caimátaífireiri, —daide.

⁸ Iemo nane jiáie Juzíñamui abi ímie méifodo cíocaide; afémie daide:

—Ja jáicoizite, ja jáicoizite. Afe áillue Babilonia jofue jáicoizite. Mei aillo fiénide jiruífuaí izoide íaifuaí omoi finofirenado, nana nairai jífáidino izói itátatiomoíza, —daide.

⁹ Afe méifodo íraie Juzíñamui abi ímie ficire daióicaide:

—Dáame jacírede ríllemo caimátaíadi, íemo jiái afe jánaraimo caimátaíadi, íemo daje izói afe rille mámecei ozócimo ninena ónoimo cuetátaíadi, ¹⁰ afe izóidino Juzíñamui lloga jamánomo duere finóllinomo orélliaíói. Mei afe izóidinomo afémie iere rícaide; rícaillano afémie duere íaiói finolle, féiñellena riire íaióimo mamécaza. Iemo Juzíñamui abi imaci uícomo, daje izói Cordero uícomo, iraido íaióina iere izi cácatalliaíói. Iemo daje izói nairai iere uzire cónaitalle raado afe izóidinona iere izi cácatalliaíói. ¹¹ Duere íaiói zefuítate irai uíllie jaca ninomo llícaíñeno caífo uíllíide. Afe jacírede ríllemo caimátaítino mona naio diga afe duere finóinamona jaca ócozinaiñeítiaíói. Afémaci naa afe ríllena eroide jánaraimo caimátaíainori, íemo jiái ie mámeceina onótate número otino diga nana jaca ócozinaiñeítiaíói. ¹² Mei jira Juzíñamuimo jainaide ie ocuica uaimo jíeruitino, naa Jesudo fáicanocaiñede jáidino diga, comécina járidonidiaíói.

¹³ Nane afe méifomo monámona daa uai cuemo úrillana cacádícue; daide:

—Bie cúeiri: “Benómona caí Ocuíraímamo ínote tíitino caimare íitiaíói.” Afena Juzíñamui Ñuera Joreño “Jii” dáidez, mei afémaci íaiói tájinamona ocózinaitiaíóiza. Daje izói íaiói finócano, jiáima diga nabáirilla izói féitañegaza, —daí daide.

Ria llizilla óina izói, énie comini jofo ollíruimo dúcide, Juzíñamui duere íaiói finóllena

¹⁴ Afe mei eróillano úzere de mona ero uílliena ciódicue. Afe uíllie emódomo Nanoide fima Jitona Jesuna éroidimie ráina. Ie ifomo oro finoína illaíma jítaracuifoi jíina. Daje izói hozna mámece de arroz izoide llízie ñetara llíide. (Afe raa jofo icuífoína néfide jáire de lloefai izoide.) ¹⁵ Iemo nane jíáie Juzíñamui abi ímie ie gairíracomona jino billa. Afémie ficírede uaido uíllie emódomo ráiidimiena daide:

—O llíga llízie ñetara raado táijiri. Ja jeede diga mai jofo ono. Ja jofo ollíruimo dúcidez. Enie comíni finócafuiái ja jeede ríaniai izói fiénidifuenta iere oruídeza, —daide.

¹⁶ Afe mei uíllie emódomo ráiidimie ie llíga llízie ñetara raado énie comínimo táijizaide. Afedo fiénidifuenta oruídino jofo ote.

¹⁷ Afe mei jíáie Juzíñamui abi ímie monamo ite Juzíñamui gairíracomona jino bite. Daje izói afémie jáire de llízie ñetara raa llícabite. ¹⁸ Afe llezica jíáie Juzíñamui abi ímie Juzíñamuimo caimátairanomona jino bite. Afémiemo jobáitale ríinona ite. Iemo afémie, jáire de ñetara raa llíidimiena ficire jírillano daide:

—Mai omo ite jáire de ñetara raado táijiri; éniemo ite jíricoillai ollíruimo ja dúcidez. (Afe jíricoillai fiénide comíni jana.) Mai jofo ono, mei afe jíricoillai ja iere jiduúdeza, —daide.

¹⁹ Iemo afe jíáie Juzíñamui abi ímie, ie jáire de ñetara raado énie comínimo táijizaide. Afedo éniemo ite jeede jíricoillai izoide fiénidino jofo ote. Uano áillue iduíraco izóidinomo jofo dite, afénomo ríire iduíllena. Bie iduílla Juzíñamui bie izói duere afémacina finolle jana. ²⁰ Afe jíricoillai izoide fiénidino áillue comíni jofue jinomo iduica. Afe iduíracomona aillo díena tote. Afórede imani izoide; áfeji caballo táia ie fue illa dínorí afórede. Daje izói áfeji trescientos kilómetros díno tote.

15

Iraie siete dígade jacírede duere finóllifuiái Juzíñamui abi imaci mameca

¹ Iemo monámona jíáie jacínaitade áillue raa jánana ciódicue. Siete dígade Juzíñamui abi imaci íraie siete dígade jacírede duere finóllifuiái lluíbitiaíoi. Afedo Juzíñamui ríicaillana záate.

² Daje izói, vídriona finóinana eroide monáillajina ciódicue. Afeji réici diga taméricaide; daí eroide. Jacírede ríllena anáfenodino afe fuédamo naidáiediaíoi; daje izói ie jánaraina anáfenodino; íemo jíái afe ie número mámece ozócimo cúeñegano diga. Nana dánomo afe vídriona eroide monáillai fuédamo naidáiediaíoi. Nana bimaci Juzíñamui íaíoi mo fecaca ‘arpa’ daína rua roia taiga raa llíediaíoi. ³ Afémaci Juzíñamui jaiaí ocuífíregamie Moisés rua rotíaíoi. Daje izói jíái Cordero rua rotíaíoi. Aférua bie izói daide:

Ocuíraíma, nana o finócanuíai iere ebíriede.

Jamánomo ríinorede Juzíñamuidio.

Náiraíai Illaíma, nana o jáifirena io uáfuenta jaícina jóide.

⁴ Ocuíraíma, ona ñue jáciruíñeitimiena íñede.

Daje izói omo ñúefuenta jóoneñeitimiena íñede.

Mei dama o íaífuenidimienaza.

Naga náiraíai omo caimátaízaíbitiaíoi, mei o jaícina finófiregafuíaina ciódiaíoi za.

Aquíe izói rotíaíoi.

⁵ Bie méifodo, monamo ite Juzíñamui gairíraco tújicaillana ciódicue. Afeco nofíbicimo cueda Juzíñamui ocuica uallai éenorano. ⁶ Afécomona Juzíñamui siete dígade abi imaci jino bite. Afémaci siete dígade jacírede duere finóllifuiái uite. Afémaci ráifide íáinide queníredicuiruai jítáoidiaíoi. Íaíoi llaitáoi ga oro finoína círaigi ífe jogóbemo dúcidez. ⁷ Ie mei cuatro dígade cáadimíaimona dáamie afe siete dígade Juzíñamui abi imácomona

illa dígamiemo oro finoina ichecoí fecade. Aféhecoí jaca ninomo zíñona ite Juzíñamui ocuica duere finóllifuenta oruide. ⁸ Iemo afe Juzíñamui gairíraco uílliena oruide. Afe uíllie Juzíñamui jamánomoidimiena íllamona, daje izóí ie iere ríinorenamona comuide. Afe llezica afécomo buna jofo jáinide. Nai afe siete dígade Juzíñamui abi imaci siete dígade jacirede duere finóllifuiái záiñena llezica buna jofo afécomo jáinide.

16

Juzíñamui duere finóllifuenta oruide ichécuai

¹ Afe mei Juzíñamui gairíracomona jino bite ficírede uaina cacádicue. Afe uai siete dígade Juzíñamui abi imácina daide:

—Juzíñamuimona bite siete dígade duere finuana oruídichecuaí ana éniemo tótaji, —daide.

² Nanoide Juzíñamui abi ímie jaillano, afémiemo ite ichecoí ana éniemo totade. Afemona nana jacirede rille mámecina cuegánomo jacirede duico comuide. Afémacimo izírede jíllotañede ñozagi izoide duico comuide, daje izóí afe rille jánaraimo caimátaifiredinomo.

³ Iemo méifoide Juzíñamui abi ímie afémiemo itíchechoí monáillaimo totade. Tótamona afe monaillai jáinoi tídimie die izóí jaide. Iemona nana monáillaimo ite cáadinuiai tícoizite.

⁴ Iemo nane jáíie Juzíñamui abi ímie afémiemo itíchechoí imánillaimo, daje izóí éniemona jáinoi jino toránuaímo totade. Iemona afeno jáinoillai díena jaide. ⁵ Afe mei jáinoi fiéni finótate Juzíñamui abi ímie dáinana cacádicue; daide:

—Ocuíraíma, íaifuenide Juzíñamuidío. Bie izóí comíni duere o finóllena iere comécina jáícina jóidímiedío. ⁶ Mei omo jáináidinona títano íaíoi díena nauí totádiaíoi. Daje izóí o dibénedo úritino díena totádiaíoi. Iemo biruí afe íbana o afémacina díena jirótatio, mei daíí afémacimo dúideza.

⁷ Afe mei nane Juzíñamuímo caimátaíranomona dámie dáinana cacádicue; daide:

—Jíi, uáfueza, caí Ocuíraíma, o jamánomo ríírede Juzíñamuidío. Uáfuenta ñue jáícina iere ríire jícanotío, —daide.

⁸ Ie mei nane jáíie Juzíñamui abi ímie afémiemo itíchechoí jítomamo totade. Afemona afe jíto ma comíni cóonaitalle ríino iga. ⁹ Iemona nana comíni jamánomo cóonaitaíoi. Mei íadi íaíoi comeci itífuíai na méidoñediaíoi. Daje izóí Juzíñamuímo caimátaíñediaíoi. Mei jáíifodo afe jacirede duere finóllifuiái ocuídimiena faidófirediaíoi.

¹⁰ Iemo nane jáíie Juzíñamui abi ímie afémiemo itíchechoí jacire eroide rille illáimana ráíiranomomo totade. Afe llezica afémie náamataga illano jítrecaide. Iemona nana comíni afe uícodo íaíoi mo comuide duícuai izírenari dani abi ainízitiaíoi. ¹¹ Mei daíí itíaíoi íadi, íaíoi finoca fiénidífuíai fáicanocaiñediaíoi. Mei jáíifodo, izi íaíoi cácana ícoínia, daje izóí jacire íaíoi ñozánaillamona, monamo ite Juzíñamuína íáire daídíaíoi.

¹² Iemo nane jáíie Juzíñamui abi ímie afémiemo itíchechoí áillue Eufrates mámecirede imánimo totade. Afemona afe imani zafénaite, áfedo illaini raíre ruica bille io tuiñóllena. Aféllaini naa íaíoi fuírírainiri jíto ma caífo biránomona bitíaíoi.

¹³ Afe mei dragón daínámie fuémoma, daje izóí jacire eroide rille fuémoma, daje izóí taino uai jino llófiredímie fuémoma daámanide cúuraícina eroide fiénide jóriai jino bíllana cíódicue. ¹⁴ Afe daámanidino Taífe jóriai. Afémaci cíórainina raana cíotafiredino. Bie damieámanidino nana énie illaini naa íaíoi fuírírainiri dáanomomo gairítaite, jamánomo ríinorede Juzíñamui díga fuíríllena. Aferuí Juzíñamui aillo íba olliruí.

¹⁵ Aféruido monámoma Cristo úrillana cacádicue; daide:

—Ero, cacai. Merízaibitímie billa izói, comini nai cuemo comécíñediaioimo déizaibiticue. Cue bille llezica iníñeno cuemo comeci facáoidímie caimare íite. Daje izói emuíroma mácañeillena iníroina ñue úiñotímie izói, íaifue mona abina ráiruitímie méairuíñeite, —daide.

¹⁶ Iemo afe daámanide fiénide joríaí, nana illáinina dáanomo gairítate. Afeno mámecei hebreo uaido daína Armagedón.

¹⁷ Iemo siete dígademoná líraie Juzíñamui abi ímie afémiemo itíchechoi caifo táifomo totade. Tota llezica monamo ite gairíracomona ficírede uai cácaide. Afe uai illaíma ráiranomona jino bite; daide:

—Ja fuite, —daide.

¹⁸ Afe méifodo, améuai llairilla. Mona gíría naa ficíriede ráaniai diga cácaide. Afe llezica énie iere riire docaide. Nanómona biniemo comini ía docáifirena baímo, jamánomo riire docaide. ¹⁹ Iemona afe áillue comini jofue daámani díeze bójjicaide. Jiáie biniemo ite jofue jáicoizite. Afe llezica Juzíñamui áillue Babilonia jófueмо úibicaide, duere íaioina finóllena. Afe duere finóllifue comini títaite ríjii júrua izói íite. Afémie ríicaillano daí íaioina fínoite. ²⁰ Afe dáaruído nana monáillaji cigi íduai naa jiáie caifóneduairi niné táinocaide. ²¹ Afe llezica aillo jéerie nocíjjiaína monámona comínimo cocide. Aféjjiaimona dáarie cuarenta kilos méere. Iemona afénomo ite comini afe áillue nocíjjiaí cóciari Juzíñamuina íaire daídíaioi, mei afe bimaci duere fínua iere jamánomoideza.

17

Jamánomo jiruúredingo duere finóinafue

¹ Afe méifomo siete dígachecoí llíide Juzíñamui abi imácimona dáamie cuemo úrizabite. Cuena daide:

—Eróizaibi. Jamánomo jiruúrede izoide íaifueredingo duere finóinana omo ácatatiticue. Afengo monáillajillaimo ite. Afe bie izói daíacade aillo nairai afengo anamo itíaioi.

² Binié illaini afengo diga aillo fiénide íaifuiái finóñrediaioi. Iemo binié comini afengo íaifuerenamona jifáifiredino izói íaire jáidiaioi, —daide.

³ Afe mei Juzíñamui Ñuera Joreño nicáirilla izói cuemo ácataja llezica, daa Juzíñamui abi ímie táizicimo cue uite. Afénomo daa ringo jáirede jacire eroide rille emódomo ráinana ciódicue. Afe rillemo diga Juzíñamui íaire daína uailai cúeina. Afe rille siete diga ífócirede, daje izói afémie zicai diez dígade. ⁴ Afe ringo jítáoigacuiro jáirede, íemo morádoná eroide. Afengo oro finoina íena ebire finóbide, íemo ráifide ñue finoca noficiaína, íemo ‘perla’ daína zíriona finóbide. Iemo afengo oro finoina ichecoí llíide. Aféchechoi íairede raana oruide, íemo jiái afengo jiruúrena llezica finoca íaifuiaina oruide. ⁵ Afengo ozócimo cuetá jónega ónonide mámecei illa. Afeci bie izói daide: “Aillue Babilonia jofue, nana fiénidifuiái jillaci, aféfuíai ei daína izói mameide. Iemo nana biniemo ite éoigafuiái ei daína izói mameide.”

⁶ Iemo diga Juzíñamuimo jaináidino afe ringo ícoína fazícaiaioi. Afémaci Jesús uai llócaína jira afengo titácaiaioi. Iaiói fazícanori afengo, come jifáifirena izói, iere íóbide. Afena cíoillano iere jacire fáigacaidicue. ⁷ Ie jira Juzíñamui abi ímie cuena daide:

—¿Minícarí jacínaitio? Afe ringo ónonino daíacanafue jino omo onótatiticue. Daje izói afengo uífirede jacirede rille maméinafueña omo onótatiticue. Afe rille ífo siete dígade, íemo diez diga zicairede. ⁸ Afe o ciona jacirede rille jaiái nino itímie, mei íadi ie tílla mei jae íñede. Mei íadi afémie líraicaiño ie tílle uícodo meine abido fiénide joríaí íbáirafomona caifo biite. Mei íadi billano zíñona ie duere finóllinomo orelle. Eniemo ite comínimona zíñona ille rabénicomo énie taíneína llezica mámeceína cúeñegano, afe rillena cíoillano

iere jacinaificaitiaioi, mei afémie jaiái íteza, íemo birui jae íñédeza, íemo meine abido uire bíteza.

⁹ Birui cai uaina féiruiñedinomo nai benó jiáie lloífúena ite: Cácarei. Afe siete dígade ifóciai baie ringo ráina siete dígade caifóneduai jana. ¹⁰ Iemo afe llezica afe siete dígade ifoci daje izói siete dígade illaini jana. Afe siete dígade illáinimona cinco diga ja dotácaiaioi. Afe mena fiébidemona daa nai illáimana ite. Iemo jiáimie nai illáimaizaibiñede. Afémacimona íraillaíma bíadi are íñeno táinocaite. ¹¹ Naui caade íocirede rille, tíde íadi, nane birui caade illaíma. Afémie siete dígademona afémaci emódoidillaíma. Mei íadi afémie siete dígademona dáamie. Afe mei afémie íraicaiño ie tíllinomo jáite.

¹² Afe o ciona diez dígade zicai, diez dígade nai illáinina jáiñedino jana. Mei íadi jacírede rille diga dáaruído afémaci nano íanori dieze illaini ocuífírena ríino lláinoítiaioi. ¹³ Bie diez dígade illaini conímamo daje izói comécídiaioi. Iemo íaioimo ite ocuille ríino jacírede ríllemo fécaítiaioi. ¹⁴ Iemona Cordero daina Jesucristo diga fúiritiaioi; mei íadi Cordero íaioina anáfenote. Mei afémie nana ocuídínomona Jamánomo Ocuídímieza. Daje izói afémie nana illáinimona Jamánomoidillaímaza. Afémie diga jáicadino Juzíñamui nizeda jáirigano. Daje izói afémaci fáicanocaiño Juzíñamuimo ñue ínofíredino, —daí afémie cuena daide.

¹⁵ Juzíñamui abi ímie nane dáanomo cuena daide:

—O ciona monáillajillai, nii afe íaífueringo illano, afe monáillajillai aillo jófueniai jana. Daje izói aillo comíni jana, íemo jiáíforie úritino jana, íemo aillo náiraiai jana. ¹⁶ Jacire eroide ríllemo o ciona zícaíniai jiáie illáimaiai jana. Afémaci bie jiruíredingona éoitiaioi. Eoillano aféngona zóofeítiaioi, íemo jiái aféngona emuírogi óreitíiaioi. Afe mei afengo íeizina rítiaioi. Iemo jiái aféngona iraimo cóonaitaitiaioi. ¹⁷ Juzíñamui comeci jítaina izói afe ringona duere íaioi finóllena ónonino íaioi comécimo úrite. Ie jira dájena comécídiaioi íaioimo ite jacire ocuille ríino jacírede ríllemo fecállena. Iemona afémie jamánomo ríirede. Daí Juzíñamui daina uáillaína fuillíruimo dúcia llezica finófírediaioi. Iemona afémie daina uaina ñue ícoimo záitatiaioi. ¹⁸ Afe naui o ciona jiruíredingona, nana énie jamánomo ocuífíredillaíma illágobe jana, —aquíe izói daide.

18

Babilonia jofue táinoicailla

¹ Bie méifodo monámona jiáie ángel dainámie, Juzíñamui abi ímie ana bíllana ciódicue. Afémie aillo ríino diga bite. Afe llezica ie quenire bóodedo bínie egáíñote. ² Afe llezica afémie ficire úrite; daide:

—Aillue Babilonia jofue ja jáicoízite, ja táinocaide. Taife ocuífíregano illánona jaide. Daje izói nana jiáíforiede íáirede jóriai uíñoracona jaide. Afe izói nana íáire féedino jilláillinona jaide, naa jiái cai éoiga féedínuaíri. ³ Mei aillo fiénide íaífuiai afengo finófírenado, nana nairai jífáidino izói itíiaioiza. Iemo naga énie illaini afengo diga aillo jiruífue izoide íaífuiaína finófírediaioi. Bíníemo ráaniai fecáfíredino iere úcuberedinona jáidiaioi. Mei uafue, afe áillue jofue comíni izire jicaca táinomo faitátate ráaniai íaioi jícafírenamona bimaci aillo úcubenaídaioi.

⁴ Afe mei monámona jiáie uaina cacádicue; daide:

—Omoi cúeiediomoiza bie jófuemona oni omoi jai; íaioi finoca fiénidífue afémaci fínua izói omoi fínoñeilleza. Daje izói íaioimo zúite jacíredífuaí ómoimo jíriñelleza. ⁵ Mei afémacimo ite fiénidífuaí ofilla ja monamo dúcidez. Íaioi finoca fiénidífuaímo Juzíñamui ja uíbicaideza. ⁶ Iemo Juzíñamuina daide:

—Jiáimacimo íaioi feca izói, afe izói íaioimo fecari. Íaioi fienua ínuua izói, afe baimo ménacaiño afémacimo finori. Afémaci ñuemacimo eriredena jóoneta jirota izói duere íaioina finódiaioi. Afe íaioi ínuua izói, afe íbana ménacaiño afémacimo riire duere íaioina finori. ⁷ Aillo táinodo abi íaioi ínuua dieze, íemo cómena canóñedemo fáififirena dieze, áfeze afémacina duere finori; afe izói íaioina duere zefuitari. Mei bie ringo izoide jofue comíni afengo ie comécido daíifiredeza: “Benomo illáingona ráidicue. Jaca fécinaiñeiticue; jaca dúeniticue,” —afengo daide. ⁸ Ie jira bie izói úrillamona, dáaruido omo dúide jaciredifuiái cómuite: tíilla íemo duere zefuilla, íemo júbie. Iemo iraimo cóonaitio. Mei o duere finótate Juziñamui jamánomo ríinoredeza. Afémie jaca cai Ocuíraima.

⁹ Afengo diga jiruúde bínie illáicomíni, daje izói afengo diga cómena canóñedemo fáifidino aféngori iere éenaitiaioi. Mei uafue, afengo cóonaila uílliena cióillamona aféngori cáillicailli éeitiaioi. ¹⁰ Afengo iere duere finóinari jacinaillamona oni jica íitiaioi. Afemona dáitiaioi:

—¡Aii, ñii o dúerena! Jamánomo ríirede Babilonia jófuedio, ¡ñii duere o zefuilla! ¡Mei raire dáaruido o duere finoína comuíbicaide! —dáitiaioi.

¹¹ Bínie ráaniai fecáfiredino aféngori cáillicailli éenaitiaioi, mei ja íaioi atica ráaie íbaitino íñede. ¹² Íaioi atíifirega ráaniai, be ñie: Oro, plata, ráifide nofíciai, ‘perla’ daína ráifide zírío, ráifide úzecuiro, íemo jíairede ‘sédacuiro,’ morádona eroide seda diga, íemo jíái diga jíáfodo zióriede aménaiai, íemo ebírede ‘marfil’ daína elefante zicai finoína ráifide raana, íemo ráifide amena finoína raa, íemo ‘bronce’ daína borárede lloébici finoína raa, íemo jamai lloébici finoína raa, íemo ‘marmol’ daína nofici finoína raa, ¹³ daje izói ‘canela’ daína güíllemo faiga raa, íemo jíáiforie ráifide ziórede raa, íemo ziórede uguci, íemo ‘mira’ daína ziórede raa, íemo come abi jilláiraniai, íemo ‘vino’ daína jiróraji, íemo cáirediji, íemo ñuera pan finófirena harina, íemo trigo, íemo daje izói abíifrede cáadino, íemo ovéjaiai, íemo cabálluai, íemo ‘carros’ daína arínellai, daje izói jacire rairuica comínina fecádiaioi. Bie izói daína cáadino íima ringo diga jíáimacimo fecádiaioi riire íaioi ocuúllena. ¹⁴ Afe jofue comínina dáitiaioi:

—¡Baie omoi gaiga caimárede amena llizíllaniai izoide ráaie jae íñede. Nana omoi ofítaga ebíriede ráaniai ja táinocaide! —dáitiaioi.

¹⁵ Afe ráaniai fécajano íba úcube ófiredino bie áillue jofue comínimona otíaioi. Uano aillo úcuberediaioi. Mei íadi aféruído afe jofue iere duere finóinari jacinaillamona oni jica íitiaioi. Afénomona aféngori cáillicailli éeitiaioi. ¹⁶ Iemo dáitiaioi:

—¡Aii. Aillue jófuedio ñii dúerena! Naui ñuera ráifide úzecuiro jítádingo izóidío. Daje izói o comíni jíairede ráifide íniroi, íemo morádona eroide ráifide íniroi jítáfrediaioi. Afe llezica oro íena finóritiaioi; daje izói ráifide nofici finoína raana finóritiaioi, íemo jíái ‘perla’ daína zíriona jítáfrediaioi. ¹⁷ Iemo dáaruido naado aillo ráaniai ñiné táinocaide.

Daje izói nana ‘barco’ daína áillue nocáe ocuúillaini, naa afécaedo jáidino diga, áfena jacíruillano oni jícarie ítiaioi; daje izói afécaedo táijidinori naa jíáfodo monáillajimo táijide comíniri oni jícarie ítiaioi. ¹⁸ Iemo afe jofue bóua úilliana cióillano caillídiaioi:

—Bie izoide naui áillue jófuenta, ¿Ñinomo cóiticaí? Bie izoide jofue jaca íñeite, —daídiaioi.

¹⁹ Iere zúucaillano íaioi ífomo énie júdaidiaioi. Daíí ñiano cáillicailli éediaioi. Daídiaioi:

—¡Aii! ¡Aillue jofue ñii dúerena! Nana monáillajido ráaniai fecáfiredino afe ráaniai o comíni úamona afémaci aillo úcuberediaioi. ¡Mei íadi dáaruido afe áillue comíni jofue ja ñiné táinocailla! —daídiaioi.

²⁰ Afe mei áfena ciódimie daide:

—Monamo itínuiái, mai afe áillue jofue táinocaillari omoi ióbiri. Uáfueza, Jesucristo orécano, naa Juzíñamui dibénedo úritinori mai ióbiri, naa Juzíñamuimo jaináidino diga. Mei Juzíñamui afengo niné táinocaitajado, omoi duere zefuitaja ñue jaícina iba ote, —daide.

²¹ Afe mei riírede Juzíñamui abi ímie áillue nofici caifo raiñode. Afeci áillue ‘molina’ daina trigo llaira mérede nofici finoina eroide. Caifo ráiñuano afécina monáillajimo dotade. Dótajano daide:

—Afe bie izói áillue Babilonia jofue ana cáicoizite, ímona jaca ninomo meine cíõeille.

²² Benómona jaca o cígido joide iomo ‘arpa’ daina rua roia taiga raa rúaniaina meine cácaiñeille. Daje izói totíbacui uai naa bainada uai diga ja meine cácaiñeille. Afe izói nana jiáiforie táijiana baitádinomona buna fiébiñena. Iemo daje izói dobérilla ficirena izói ‘molina’ daina nofici uaina cácaiñeille. ²³ Afe daje llezica o jófuiái eromo bóofirede mechera izói boode ráaniai abido bóõeite. Iemo aféruimo áirena llezica iráizie caimare ficirerie íaioi úrilla uáillaina meine jaca cácaiñeille. Mei nauí omo ite ráaniai fecáfiredino bínie comínimona jamánomoidiaioi íadi, ja birui afe caimárede uaillai cácaiñeille. Nauí aféruimo aima bífuefirena uai izóidedo náiraiaina jífuefiredio; mei íadi afe jífuefirena ona nabáiñede.

²⁴ Mei uafue, afe o jofue cígimo Juzíñamui dibénedo úrifiredino díena ciona. Daje izói Juzíñamuimo jaináidino naa jiáie bíniemo fagano díena aféno mo ciona. Afe ciona die, afe jofue comini jiáimaci títaja ícoina daí illa jana, —daide.

19

¹ Afe bie méifomo monamo ite aillo comini ficirede uáillaina cacádícue. Daidíaioi: ¡Aleluya! Cai jíllonano cai Juzíñamuimo dúide.

Daje izói iere ebíredífue afémiemo mamérede, íemo naa ñuera ríino diga.

² Mei afémie ñue jaícina ua uaido iere riire jicánofiredeza.

Afe iere jiruíredingona afémie riire duere finótateza.

Afengo iere ie jiruírenado énie comínina íaire finode.

Juzíñamuimo táijitagano tilla iba aféngomo oga, daidíaioi.

³ Nane dánomo daidíaioi:

—¡Aleluya! mei afengo jobailla uíllie jaca ninomo líicaiñeno uillíoite, —daidíaioi.

⁴ Afe llezica veinticuatro dígade éicomini, íemo jiái cuatro diga cáadimíai diga, ana éniemo bíjicaillano, Juzíñamuimo caimátaidiaioi. Illaíma ráiiranomo ráide Juzíñamuimo caimátaillano daidíaioi:

—¡Daiítadeza! ¡Aleluya! —daidíaioi.

⁵ Nane afe mei illaíma ráiiranomona jiáie uaina cacádícue; aféuai daide:

—Cai Juzíñamuimo nana afémie ocuícano afémiemo ñúefuiái omoi mameri. Daje izói íena caimare jacíruitino, illáicomini naa jiba comíniri, ñúefuiái afémiemo jóonefireiri.

Cordero daina Cristo áirena rafue

⁶ Nane daje izói aillo comini uaillai izóidena cacádícue. Afe uaillai aillo imánillai ficirena izói ficirede, íemo jiái afe uaillai ficire mona gíría ficirena izói ficirede. Afe uaillai daide: ¡Aleluya! Jamánomo riírede cai ocuide Juzíñamui nane meine como ócuite.

⁷ Mai cai ióbili; daje izói iere caimare cai illi.

Afémiemo ebíredífue cai mamelli.

Mei Cordero áirena izóidiruimo ja dúcidez.

Afémie ai izóidinona jáitino ja ñue finóbidaioi. Afémaci Crístomo ua ínotimaci.

⁸ Ráífide úzecuirona jítaírediaioi.

Mei uafue, íainino quenírediroi Juzíñamui afémacina jíataga.

Mei afe ñuera ráífide úzecuiro Juzíñamuimo jaináidino comécina jaícina jóoina jánaza.

⁹ Iemo Juziñamui abi ímie cuena daide:

—Mai cúeiri: Cordero áirena ráfue mo uáidogano ja caimare itíai, —daide.

Nane cuena daide:

—Bíuai Juziñamui lloga ua uai, —daide.

¹⁰ Iemona afe Juziñamui abi ímiemo cue caimátaillena ie anamo dújudicue. Mei íadi afémie cuena daide:

—Cuemo daí iñeno, mei o izói cue Juziñamui ocuícamedicueza. Jii, Jesús llócaiga ua uaimo féitañeno ínote o ámatiai izóidicue. ¡Cuemo caimátaiñeno; Juziñamuimo cáimatai! —daide.

Mei afe Jesús llócaiga ua uai, Juziñamui dibénedo lloga uailai jino llotino comeci úritade.

Uzerede cabállomo ráicaidimie

¹¹ Nane afe méifomo mona tuiñuana ciódicue. Aféno mo úzerede caballo cíocaide. Afe emódomo ráicaidimie mámecei “Fiel” íemo jíai “Verdadero” daínámie. Mei afémie ñue jaícina illáfuedo ocuúdeza; daje izói áfedo fiénidino diga fuirítateza. ¹² Ie ui irai bóua izói quere cíoide. Ie ífócimo diga illaíma jítaracuifoí jítáoi. Daje izói aféno mo dama ie onoíga mámecei cúeina. ¹³ Afémie jítacacuiro díemo mutácaroi. Afémie mámecei Juziñamui Uai. ¹⁴ Afe llezica nana monamo ite Juziñamui ocuica fuirídino afémie ódana jáidiaíoi. Afémaci ráífide úzecuiro jítáoidiaíoi. Aferoi jaca íáinide. Baie nana afémiedo jáidino úzerede cabállomo ráicaidiaíoi.

¹⁵ Afémaci ífódimie fuémona jáirede lloefai jino bite, áfedo nana nairai boféllena. Afe llezica afémie lloébici izóidedo náiraíaina ócuite. Vino finóacano mo úvaíai íduíllena riire záizia izói, afe izói afémie afémacimo iere riire jicánoite. Iemo jamánomo riinorede Juziñamui ráicallamona cómuite iere duere finóillifue, vino jirótaja izói afémacina duere finótaíteza.

¹⁶ Ie ínícuiro emódomo jítacacuiromo cueda mámecei illa. Daje izói ie riázimo cueda. Afeci daide: “Nana illáinimona Jamánomoidillaíma,” íemo jíai “Nana Ocuídinomona Jamánomo Ocuídime.” Afémie ñi cai Ocuíraíma Cristo.

¹⁷ Afe mei Juziñamui abi ímie jítoma riire egáíñuano mo naidáinana ciódicue. Afémie nana mona erodo féedinuaí ficire jíríte; daide:

—Juziñamui finoca áillue güille nana dáano mo omoi riáibi, ¹⁸ mei benomo illaini íeizi ríitiomoíza, naa fuiríraini illáicomini íeizi diga. Dáano mo íocirede fuiríredino íeizi ríitiomoi, naa caballo íeizi diga. Daje izói afe emódodo ráicaidino íeizi ríitiomoi. Iemo nana fiébidino íeizi ríitiomoi. Buna ráiruiñegano, daje izói jacire rairuícano, íemo jíai jamáimaci íeizi, naa jamánomoidimaci diga daje izói ríitiomoíza, —daide.

¹⁹ Afe mei afe jacire eroide ríllena ciódicue naa bínie illáicomini naa íaíoi fuirírainiaí diga. Nana bimaci fuiríllena dáano mo ofídiaíoi. Afémaci afe úzerede cabállomo ráicaidimie diga fuirízaíbitiaíoi. Afémie “Juziñamui Uai” daínámie. Daje izói afémie canode fuiríraini diga fuiríllena maméritaíoi. ²⁰ Afe mei afe jacirede rille, taino uai jino llócaidimie diga ja llaveca. Afe taino uai jino llotímie, jacirede rille eróicana, jacínaitade cíorainina raa ciótate. Aféfuiaído afe taino uai jino llotímie, nana afe jacirede rille mámeceina cuetátaganona jífuete. Daje izói afe jacirede rille jánaraímo caimátáidinona afémie jífuete. Iemona ‘monstruo’ daína jacire eroide rille, daje izói taino uai jino llotímie, cáanori dáano mo duere finolle jorai izoide bóodimo dotácaiaíllinoi. Afe jorai izoide duere finóllino iere uzire boode. ²¹ Nana áfemona fiébidino úzerede cabállomo ráicaidimie fuémona bite lloéfáido titácaiaíoi. Iemona nana féedinuaí bie titácano riáibillano íaíoi íeiziri jéirediaíoi.

20

Mil diga fimona dino comini caimare útiaíoi

¹ Bifue méifomo ángel dainámie Juzíñamui abi ímie monámona ana bíllana ciódicue. Afémie afe fiénide jóriaí ibáirafo zuitara llave naa áillue llójeo diga llicabite. ² Afe bie Juzíñamui abi ímie ‘dragón’ daina jáiaira áillue jaio lláitano anáfenode. Afe jaio jíáifodo mameina Taife, dáamie Satanás. Anáfenuano afémiena mil diga fimona llaveca. ³ Ana fiénide jóriaí ibáirafo óriano íena llavede. Lláviano afe nazemo ‘sello’ daina “buna zuitánide” daide raa jónete. Daií finoca náiraiaina mil diga fimona dinori jífueñeillena. Afe mil diga fimona jaille méifomo, afémie nano íanori zuitalle.

⁴ Afe mei illaini ráiranuaina ciódicue. Afénomo ráiedino iere riire jicánolle riinona igáiaioi. Afe dáaruido ifóciaina jáicoicano coméciaina ciódicue. Afémaci Jesús jaícina lloga Juzíñamui uai íaioi llócailla ícoina ifócina jaitácaiaioi. Afémaci afe jacire eroide rillemo caimátaiñediaioi; daje izói afe jánaraimo caimátaiñediaioi. Daje izói afémaci ozócimo ie mámecei cuetátaiñediaioi, íemo daje izói íaioi ónoimo. Afémaci abi meine abido cáaillano mil fimona dino Cristo diga illáimaitiaioi. ⁵ Afe bie meine abido cáadino, nanóidino meine cáailliruimo abido cáaitiaioi, jae cai daina Cristo diga illáimaillena. (Mei íadi jíáie tíidino mil diga fimona záiñena dino meine abido cáaiñeitiaioi.) ⁶ Nana afe nanoide cáailliruimo meine abido cáaitino caimare itíaioi. Daje izói afémaci Juzíñamui ñue finócano. Afe meífoide tulle afémacimo jaca jíriñeite. Mei íadi afémaci comínido Juzíñamuimo úrifireitínona íitiaioi; daje izói Cristo íeiena zíiñona íitiaioi. Iemona mil fimona dino afe Cristo diga illáimaitiaioi.

⁷ Afe mil diga fimona záilla méifomo, Taife ie llavéinafomona zuitalle. ⁸ Jáillano nana énie náiraiaina jífueite. Aféruido “Gogna” mámeceirede náiraiaina jífuaite, “Magog” daina náiraiaina diga. Afe náiraiaí fúiritinuiaina Taife dáanomo jofo óite, íiraicaiño fuirillena. Afémaci monáillajimo ite guamaí dígadeza facádonidiaioi. ⁹ Afemona énie nániena afémaci iere oruíbicaite. Iemona Juzíñamuimo jaináidino illánona nágafene fállena cirínotiaioi. Afe illano Juzíñamui izíruiga Jerusalén daina jofue; áfena cirínotiaioi. Mei íadi Juzíñamui monámona irai afémacimo orede. Afe iraido fiébiñeno cóonaitiaioi. ¹⁰ Afe llezica afémaci jífueoicaide Taife boode jóraimo dotaca. Afe jorai iere uzire boode. Afe dáanomo jacire eroide rille, íemo jíái taino uai jino llócaidímie nauí dotaca. Afénomo mona naio diga jaca ninomo zíiñona iere duere finócaiaioi.

Aillue úzerede ráirano illaíma ie, íemo afe úcomo iere riire jicánollino cioina

¹¹ Afe méifodo áillue úzerede ráirano illaíma íena ciódicue. Iemo afénomo ráiidimiena ciódicue. Afémie úcomona nana énie mona diga niné cióbicaíñena. Afe mona énie diga illino jae íñede; jae niné táinocaidiaioi. ¹² Daje llezica Juzíñamui úcomo nauí Juzíñamuimo íinoñeno tíidino naidáienana ciódicue. Afeno jamánomoidinori naa jamáimaciri dáanomo naidáiediaioi. Afe llezica comini finócafuaí cuiánicuaí túide. Daje izói afénomo jíáie zíiñona íitino mámecei cuiánico túide. Bie tíidino íaioi finócafuaí íllaze riire jicánogaiaioi, mei afe íaioi finócafuaí cuiánicomo cúeina dieze riire jicánogaiaioi. ¹³ Afe llezica monáillajimo báide tíidino meine abido Juzíñamui úcomo caífo náidacaitagaiaioi. Daje izói nana jíáiforie tíidinuaí íaioi tíillanomona meine abido Juzíñamui úcomo caífo náidacaitagaiaioi. Afe nana náidacaitagano íaioi finócafuaí íllaze afémacimo riire jicánogaiaioi. ¹⁴ Afe mei ‘muerte’ daina comini tíillafue boode jóraimo dotaca, ie mei niné táinocaide. Daje izói dáanomo nauí tíidino íbáinaco afénomo dotaca. Dotaca mei niné táinocaide. Afe bie boode jorai, íiraie tíillana mameide. ¹⁵ Iemo afe zíiñona ítino mámecei cuiánicomo mámeceina cúeñegano afe boode jóraimo dotácaiaioi.

21

Comue mona comue énie diga

¹ Afe méifodo comue mona, comue énie diga ciódicue. Mei nanoide mona nanoide énie diga ja niné cióbicaifnenaza. Daje llezica monailai jae iñede. ² Afe llezica comue Jerusalén daína íaifuenide jofue, Juziñamui uícomona monámona ana billana ciódicue. Afena ciódimiedicue, Júaadícue. Afe jofue, óllena jicánoga ringo ebire finóbina izói ebire cíoide. ³ Iemo monámona ficire daínana cacádícue. Afe uai daide:

—Ero, comini cigiri birui Juziñamui illa. Afémaci diga ífireite, íemo afémaci afémie comínina íitiaioi. Ja birui dama afémie afémaci cigiri íite, afémaci Juziñamuina ie íllena. ⁴ Juziñamui afémaci ui jémena zafénaitaite. Aféruimo tílle íñeite. Daje izói eia íñeite, íemo jái duere zefuillamona eia íñeite. Daje izói comini abi izírena íñeite, mei jaiái itífuiaí jae zaaideza.

⁵ Iemo illaíma ráíiranomo ráiidímie cuena daide:

—Ero. Nana cómuena méidotícue.

Iemo nane daide:

—Bie uai iere ua uaiza, mai cúeiri. Daje izói bie uai iere íinofiregaza, —daide.

⁶ Nane afe mei cuena daide:

—Ja ñue ícoímo finócaza. Cue bie naga ráfuiaína nai cómuíñenia uícodo itímíedicue. Daje izói dáamíedicue fuillínomo itímíedicue. Abecedario A-mona táinia izóidímíedicue. Daje izói abecedario Z-mo fuizajilla izóidímíedicue. Jáinoína jiróacadímie ñúejina jirótaja izói, afe izói ñúefuiaí dibénemo íacadímíemo raiñoñoeno afémíemo zíiñoína illáfueña ífireitícue. ⁷ Fíénidena anáfénodímie nana bíena feci raa fia máíñua izói, máíñoite. Afe llezica afémie Juziñamuitícue, íemo daje llezica afémie cue jítóite.

⁸ Mei íadi nana íñoñedíno dibéfodo duere zefuille afémacimo dúide. Uáfueza, ñúefueña jacíruitino daje izói íñoñedíno, íemo jáíimana éoidíno, íemo jáíimana titádíno, íemo jáí jiruífueña finófiredíno, íemo jáíima fue gáiana fibídíno, íemo jáí jánaraímo caimátaidíno, íemo nana táinona úritino; nana bie izóidíno boode jóraímo dotárediaioi. Afe jorai iere uzire boode. Afe bie boode jorai íiraie tíllana mameide, mei afénomo dotácana jaca ninomo Juziñamuimona oni eneno duere finócanona íitiaioíza.

Comue Jerusalén

⁹ Afe mei siete dígade ángeles daínámaci Juziñamui abi imácimona daa cuemo úrizaibite. Afémie nauí Juziñamui ocuica siete dígade íiraie jacírede duere finuana oruide ichecoí uitímie. Afémie cuena daide:

—Ero, Cordero ai izóidena jáitinona o ácatatícue, —daide.

¹⁰ Iemo Juziñamui Ñuera Joreño bie izóidena nícaí anado cuena cíotate. Afe Juziñamui abi ímie áillue caifónedumo cue uite. Afénomo monámona Juziñamui uícomona ana bite jamánomo ñuera Jerusalén jofue cuemo ácatate. ¹¹ Juziñamui abi ebire quenírena izói afe jofue quenírie cíoide. Daje izói iere ráífide nofici quenírena izói queníriede. ‘Jaspe’ daína nofici vidrio enéfecomo cíoina izói cíoide. ¹² Afe jofue jinófenedo nágafene áillue cirínua bairo raa íte. Afe cirínogamo doce dígaze naze íte. Iemo illa diga nazemo Juziñamui abi ímie naidaina. Iemo afe náziaímo doce dígade Israel naíraí mámeciaí cúeína. ¹³ Afe jofue náziaímona, fuírífenemo dazeámani íte. Iemo jáíie dazeámani onífenemo íte; íemo jáíie dazeámani féífenemo íte; íemo jáíie dazeámani afáífenemo íte. ¹⁴ Afe jofue jinófene cirínua anamo nofici finoina mozíoidíbani doce dígade. Illa dígabanimó Cordero nágaboaímo orécana ‘apóstoles’ daínámaci mámeciaí cúeína.

¹⁵ Afe cue diga úrite Juziñamui abi ímie, oro finoina facáradozi llíide, afe jofue facállena. Daje izói íe náziaí facállena, íemo jáí afe jinófene cirínua facállena. ¹⁶ Afe jofue fueda nagaámariede; nágafene daje dínoíriede. Íe árrera díbene daje dínoíriede; íemo íe ruica díbene daje dínoíriede. Afe Juziñamui abi ímie íe llíiga radózido jofue facade. Facádemo dos mil

doscientos kilómetros árrera. Daje izói ruica diné eróicana dos mil doscientos kilómetros. Iemo caifo diné eróicana jáíi daje izói dos mil doscientos kilómetros. Nárafeniai daje dinóriede. ¹⁷ Afe mei jinófene cirínuabani facade. Facádemo sesenta y cuatro metros caifo ite. Afena Juzíñamui abi ímie come facáfírena izói facade.

¹⁸ Afe jinófene cirínuabani ‘jaspe’ daina nofici finoína. Afe jofue iáínide oro niina. Ñue enéfecomo cíoide vídriona eroide. ¹⁹ Jinófene cirínua anamo mozíoidíbanillai nana jáíforiede ráífide noficiado ebire ñue finoína. Nanóidíabani ‘jaspe’ daina noficiado ebire ñue finoína, íemo jáíabani ‘zafiro’ daina noficiado ebire ñue finoína, íemo jáíabani ‘ágata’ daina noficiado ebire ñue finoína, íemo jáíabani ‘esmeralda’ daina noficiado ebire ñue finoína, ²⁰ íemo jáíabani ‘ónice’ daina noficiado ebire ñue finoína, íemo jáíabani ‘cornalina’ daina noficiado ebire ñue finoína, íemo jáíabani ‘crisólito’ daina noficiado ebire ñue finoína, íemo jáíabani ‘berilo’ daina noficiado ebire ñue finoína, íemo jáíabani ‘topacio’ daina noficiado ebire ñue finoína, íemo jáíabani ‘crisoprasa’ daina noficiado ebire ñue finoína, íemo jáíabani ‘jacinto’ daina noficiado ebire ñue finoína, íemo jáíabani ‘amatista’ daina noficiado ebire ñue finoína. ²¹ Afe doce dígade naze íbáirabíci áillue perla. Illa dígaze daa perla ie finoína. Afe jofue cígido joide áillue macárao iáínide oro finoína. Afe macárao enéfecomo ñue cíoide vídriona eroide.

²² Afe jofue eromo Juzíñamuimo gairíraco jaca ninó daa cíofíedicue; mei jamánomo ríinorede Juzíñamuimo ebena nárafeniaimo caimátai diaioiza. Afémiána jáíifodo daina cai Ocuíraíma. (Afe jofue gairíraco Juzíñamui abíza. Daje izói jáíi Cordero abíza.) ²³ Afe jofue jítómado egáíñuamo dúíñede; daje izói fíuido egáíñonide. Mei afe jofue Juzíñamui abímo ite ebírede quenírededo egáíñogaza. Daje izói jáíi Juzíñamui Cordero afe jofue egáíñogaza. ²⁴ Nana jíllotaga nairai afe jofue egáíñuado mácaítaiioi. Bíníe nairai illaini afe jófue mo íaioimo ite aillo ebíriede illaíma daíllena ráaniána átítíaiioi. Atiano Juzíñamuimo, íemo jáíi Crístomo izájítíaiioi. Daje llezica afe jofue ocuídímie íaíllinoimo aillo ñúefuena mámeítíaiioi. ²⁵ Afe jofue naze jaca monari íbaiñelle. Iemo afénomo jaca mona náuíñeite. Jira náziai íbáíllíruí íñeite. ²⁶ Eníe náiraíai íaioimo ite ebíriede ráaniána afénomo átítíaiioi. Daje izói afénomo aillo ñúefuíai mámeítíaiioi. ²⁷ Mei íadi comécina íáiredíno jaca afénomo jofo jáínide. Daje izói comécina éoidíno dínomo jofo jáínide, naa taino llotínori. Dama zííñona íítíno mámeíci cueránícomo mámeícina cuezámáci dani afénomo jofo jaille. Afénico Cordero daina Jesucrístomo ite.

22

¹ Afe mei Juzíñamui abi ímie iáínide imánina cue ácatate. Afémani jáinoi cómena zííñona cáatate. Afejí vidrio enéfenemo uáfori cíoína izói cíoide. Afe imani Juzíñamui illáimana ráíiranomona tote. Afe ráíirano daje izói Cordero ie. ² Afe jofue cígido áillue macárao illa. Afe macárao dáafenedo comínina zííñona cáatate aménaíai riina. Daje izói afénomo ite imani fuédado nárafene daje ie aménaíai riina. Afe aménaíai illa díga fíui llízífirede. Iemo jáíi afe aménaíai íbái nairai ñue manóllena ite. ³ Aféruílláido afénomo faidórafuena jae íñeite. Juzíñamui illáimana ráíirano afe jófue mo ite; daje izói Cordero ráíirano afénomo ite. Ie ocuífíregano daa afémiemo caimátaitíaiioi. ⁴ Afe llezica afémáci Juzíñamuimo, meáíruíñeno jofo conímamo éroitíaiioi. Afémáci ozócímo afémíe mámeíci cúeína. ⁵ Afénomo mona jaca náuíñeite. Afénomo ítíno mechera izoide egáíñuana jítaíñeítíaiioi. Daje izói jítoma egáíñuana jítaíñeítíaiioi, mei cai Ocúide Juzíñamui íaioína egáíoite. Iemo afémáci jaca nínomo zííñona illáimaitíaiioi.

Jesucristo bíllíruí ja áínozide

⁶ Afe méífomo Juzíñamui abi ímie nane cuena daide:

—Bie uai iere ua uaiza. Daje izói bie uai iere ínofiregaza. Afe cai Ocuíraima nauí Juzíñamui uai jino llóraini comécimo úritimie. Afémie birui ie abi ímie orede, ie ocuícamacimo raire cómutifuiaina onótallena, —daide.

⁷ Iemo Jesucristo daide:

—¡Raíre biticue! Binícomo cuega Juzíñamui uáillaina jíeruitimie caimare ite, —daide.

⁸ Cue Juáadicue. Bífuiaina cacádicue, daje izói bífuiaina ciódicue. Bífuiaina cacáillano, íemo daje izói cue ciona méifomo, cuemo ácatate Juzíñamui abi ímie anamo dújudicue afémiemo caimátaillena. ⁹ Mei íadi afémie cuena daide:

—Jadíe izói cuemo íñeno. O izói Juzíñamui ocuícamiedicue. Daje izói Juzíñamui dibénedo úrifirede o ámatiai izóidicue. Iemo jíái binícomo cuega uáillaina náfuetino izóidicue. Cuemo caimátaiñeno; dama Juzíñamuimo caimátaiñeiri, —daide.

¹⁰ Nane dáanomo cuena daide:

—Binícomo cuega Juzíñamui uaina báinino o comécimo jóoneño o iri. Mei bífuiái ícoimo ñue fuizájillirui ja ánozideza. ¹¹ Nai bie fuiñena llezica, fiénidimaci íaiói finófirega fiénidifuenta dama íaiói finócaza. Fia eroi, mei afe izói íaiói íllado jamánomo duere finólliaíoi. Daje izói comécina íáiredino dama comécina íáireoicaideza. Fia eroi, mei áfedo duere finólliaíoi. Mei íadi ñue itino íaiói illa baímo ñue iri. Daje izói Juzíñamui íena ñue finócamie fáicanocaiño afémie íena íñeiri, —daide.

¹² Iemo Jesucristo daide:

—Jíi, raíre biticue. Illa dígamíemo cue fecalle fia jíridoga izoide raa atídicue. Illa dígamíemo afémie finoca dieze fécaiticue. ¹³ Nanóidimedicue. Iemo jíái íiraimedicue. Daje izói naga ráfuiái uícodo itímicue. Daje izói fuizájillanomo itímicue. Iemo jíái abecedario A-mona táinia izóidimedicue. Daje izói abecedario Z-mo fuizájilla izóidimedicue.

¹⁴ Íaiói íniróina jocófiredino izói, comeci ífue ñuérana méidotino caimare itíaiói. Íemona cáatate amena llizíllana gürediaíoi. Afe bie izói daííacade zíñona íaiói íllena. Daje izói íaiói ínirói ñue jócuamona, afe jofue nazedo Juzíñamui illánomo jofo jáirediaíoi. ¹⁵ Mei íadi comécina íáiredino afénomo jofo jáinidiaíoi. Iemo daje izói jíáima fue gáiana fibídino, íemo daje izói nana jíáíforiede jíruífue finódino, daje izói cómena méinetino, daje izói jánaraimo caimátaidino, daje izói jíáíe comínina íere jífuefiredino, naa afe izoide fibídinori; nana bie izoide comíni afe jófuego jofo jáinidiaíoi; jáíñeno jino fiébitiaíoi.

¹⁶ Cue Jesúdicue. Juzíñamuimo ua jáináidinomo nana bífuiái jino llóllena cue abi ímie ja cue oreca. Jáiai illaíma David comuilla moi ímicue; daje izói afémiemona jebuídino comútagamiedicue. Iemo íere egáíñote monáíracudu izóidimedicue, —daide.

¹⁷ Iemona Juzíñamui Ñuera Joreño daide:

—Mai bi, —daide.

Daje izói Cordero ai daína afémiemo ua jáináidino íena daide:

—Mai bi, —daide.

Daje izói búuallaina cacáidino afémiena:

—Mai bi, —omoi daíri.

Iemo Cristo daide:

—Jíróacaitimie zíñona cáataite jáinoína íbaño mai fia jíruaíbiri. Afe bie izói daííacade zíñona illáfuenta óiacadimie mai cuemo bi; raíñoño omo fécaiticueza.

¹⁸ Nana binícomo cuega Juzíñamui uaimo cacáreidinona bie izói llétaiticueza, cacai: Dáamie bie ráfuenta baímo zotáadi, Juzíñamui binícomo cuega jacírede duere finuaniaina afémiemo jóoneite. ¹⁹ Daje izói binícomo cuega Juzíñamui uáimona dáamie daa uai oni óiadi, Juzíñamui afe zíñona cáaitino mámecei cuiánícomo cuega afémie mámeceina oni óite. Daje izói binícomo lloga nífuenide jófuego Juzíñamui afémiena jofo jáítañeite. ²⁰ Bífue jino llotímie nane dáanomo llote:

—Jíi, raíre biticue, —daide.

Afemona Juan daide:

—Aquíe izóideza. ¡Cai Ocuíraima Jesús, mai bi!

²¹ Cai Ocuíraima Jesucristo nana ómoína ñue finoiteza. Daiítadeza. Jae ñie.